


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社



# 四庫全書存目叢書

集部  
第二四八冊



責任編輯：孫言誠 賀 偉

ISBN 7-5333-0615-5



EB44/11

## 四庫全書存目叢書·集部二四八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 51印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

# 集部第二四八冊目次

## 集部・別集類

邵子湘全集三十卷附邵氏家錄二卷(二)

〔清〕邵長蘅撰  
青海省圖書館藏清康熙刻本

一

竹垞文類二十六卷

〔清〕朱彝尊撰  
北京圖書館藏清康熙二十一年刻增修本

二二九

受祺堂詩三十五卷(卷四未刻)

〔清〕李因篤撰  
北京大學圖書館藏清康熙三十八年田少華刻本

四二一



邵子湘全集三十卷附邵氏

家錄二卷(二)

〔清〕邵長蘅撰

青海省圖書館藏清康熙刻本

附《四庫全書總目·青門麓稿

十六卷附邵氏家錄一卷青門

旅稿六卷青門賸稿八卷》提

要

青門麓稿卷之十五

邵長蘅子湘 纂

吐陵 邵長蘅子湘

纂

鹽官 陸嘉淑 水修批點

傳

賀向峻汪參傳

賀向峻字葵忱丹陽之蔣墅人甫髫補邑諸生豪宕負奇氣好呼盧博塞諸戲又好客客日十數人浮白酣呼醉則指切時事罵詈貴人相與抵掌大笑以為樂甲申燕都失守聞愍帝死國則痛哭衆日喀出血數升久之畱都擁立柄國者方管苞苴漁聲伎植朋黨外則藩鎮擅兵恣睢向峻知事不可為益憤憤居恒切齒曰賀某奇男子一腔血竟灑何地乙酉五月王師拔金陵披髮狂走數日呼汪參昧首跨兩刀率壯士十餘人馳去汪參字中子故周鍾門人也先是參從鍾客京師會闖賊入參和藥進曰先生負盛名當死先生死亡過今日鍾謝曰生幸教我甚善然實無意引決參趣之再三唾曰吾誤矣遂易丐者服遁歸向峻遇之逆旅一見語合握手約兄弟甚驩參善馳射舞稍向峻喜擊劍每中夜呼起舞劍槩相摩挲鏗然有聲聞者心掉時時麻衣繩履彷徨草澤閒抵暮相持慟哭返人目為兩狂生云去

青門麓稿卷之十五 傳

則之大丕山旬日聚衆千人襲金壇破之會大軍徇江南諸郡縣向峻爲主兵者畫計策不聽或勸去之曰共舉事棄之不義吾與城俱碎耳兵敗被執不屈遂遇害死時年僅十九初城破時汪參跳而免已稍收其餘卒復搏戰城外殺傷過當參知事不濟步行拔短刀手格殺四五人參亦被重創死參未死前數月周鍾以汚僞命逮繫詔獄論棄市

贊曰嗚呼申酉之際江左餘安羣狐柄國強鎮環列擁甲以嬉及乎王師南牧魚爛獸駭一夜絕跡向之憑城社盜威福者捧馬足乞哀角崩恐後而慷慨蹈難至捐

青門麓葉卷十五 傳

脰穴胸不悔者固兩諸生也異哉然吾聞長老家言同時以諸生死事貴池則吳應箕宣城則麻三衡武進則吳福之張龍文崑山則朱集璜陶琰長洲則顧所受皆死未三十年鄉里已鮮能舉其姓氏而史亦未必與殉節諸臣同傳悲夫悲夫如吳次尾者海內正是有子

湘特記所聞耳 赤方

歐敬竹石士鳳傳

歐敬竹武進市人也舌短好大言無生產浮寓城南弋橋爲人修破扇糊口多得百錢卽獨飲市中輒大醉醉後仰面卷舌而歌市中人皆笑之甲申三月聞變招鄰

人與飲曰行與若訣若盡我一卮酒其妻提壺適來覓之笑曰子休矣聞舊官皆作新官又安在子敬竹曰姬何知此而翁所以欲死也竟闔戶自經死同時有石士鳳事

石士鳳者亦武進市人家貧無妻子畧識字有一僕亦無妻子歐敬竹死後數日士鳳市酒脯祭其先拜且哭哭已邀鄰人與痛飲竟日迨夜潛出戶赴忠義祠池中死忠義祠者故祀朱信國文天祥而姚崇陳昭王安節以下十三人配姚陳諸公皆宋末守常州城陷死之語具載宋史及郡邑志士鳳死人無知者比曉其僕踉蹌

青門麓葉卷十五 傳

出號哭於市曰主人死矣覓其屍不得至池旁見雙履乃得屍先是士鳳未死時自剪紙爲位大書曰明布衣石士鳳之位納之忠義祠位次十三人下又先以三金予其鄰鬻棺者曰世亂吾無用此姑寄汝家士鳳死遂取棺以殮其僕亦終身不娶今尚存

邵生曰諸生以堅者篤行人也與余善數爲余語石士鳳事甚詳其僕堅尚識之叻友董以寧作歐敬竹傳謂敬竹死忠義祠池中非也蓋悞合兩人事爲一耳嗚呼毗陵當德祐之難嘗以焚死招應炎以不屈死安節諸人以戰死下至黃冠浮屠皆爭死城內外死者百萬計



積骸至井池溝塹皆滿。明亡死者乃歐敬竹石士鳳兩人也。嗚呼！兩人可以不死，然竟死。嗚呼！悲夫。

### 陳山人傳

邵生有友曰陳山人。邵生喜稱詩，山人亦喜稱詩。兩人相善也。居又相近。邵生家居，輒思山人。山人輒來，來則相對談食，至卽食，不爲賓主禮。閒酒酣，氣奮，競出慷慨語，則相視大笑。或畱索宿，然後去。一日，邵生趣辦飯，曰：「陳山人當來。」已而果來。家人愕然。邵生曰：「固也。吾曩者思見之。」山人名篋，字柯亭，性磊落，高曠，讀書不喜訓詁，每展卷意欣然，有得扣之，亦不甚縷縷也。然終不肯再

### 青門麓臺卷十五

傳

### 四

讀好爲詩年廿餘。南浮錢塘，登釣臺，探禹穴，出語卽能驚人。已復踰黃河，跨一驢，覽齊魯境上，所爲詩益工。然燕齊閒人無能知山人者。久之，困而歸。山人家故貧，老屋三四椽，欹斜欲壓。盎儲釜鬻之需，又數爲暴客攫去。遇風雪，竟日閉戶。晨突不煙。山人蹙縮如蝟，毛方撚鬚，作蒼蠅聲。良苦。門前古梅一株，花時，左手提酒壺，右手展卷，且斟且哦，往往至醉，就臥其下。或招山人飲，則議論颺發，雜以詼調，往往屈其坐客。家人告絕粒笑曰：「古人有三句九食者，陳先生豈爲汝曹計耶？」一日偶取岐黃素問書讀之，似有所解，稍稍行藥里中。里中人爭

延致山人，已又持酒脯脫粟餉山人，受之亦不謝。然視盎中有斗儲，卽臥弗出，或餽遺之弗受也。山人偉軀，腹廣頰虬，鬚詩俊逸，學何大復、徐昌穀，亦時時喜爲文，文實不勝詩。雅自負，意傲睨一世。然常曰：「吾數從青門老圃議論，如對古人。」青門老圃者，邵生也。

邵生曰：「史稱焦先自作一瓜牛廬，管木爲牀，布草蓐，其上天寒時，搆火自灸，呻吟獨語，輒則出爲人客作，或數日一食，而皇甫謐耿輔之流，乃以先爲仙人，其實不然。先蓋高士，超然埃壘之表者也。以余跡山人行事，豈其儔耶？」然山人有妻子，又好吟詠，斯與先異矣。

### 青門麓臺卷十五

傳

### 五

### 解翁小傳

語有關雎爲文士，痛下鍼砭，正不嫌

### 奪胎王承福傳

解翁者，邑之馬鞍墩人工畫，真好事者。延致其家，輒相對，竟日清談，亦喜飲，少飲輒醉，醉則蒙頭臥，或遶屋行吟，積數日，忽大呼，趣縑素，頃刻立就。出縣之，或掩半面，其人親知相識，過者卽能指其名也。翁之言曰：「吾每見寫真者，必盛冠服，張拱莊坐，畫者施筆和墨，傍睨而髣髴焉。其索之愈工，去之愈遠。吾則不然，接之警欬以觀其形，投之喜怒嬉戲，以觀其神，得之矣。然不敢耗氣，嘗也。吾倚如槁梧，植如楸株，非譽巧拙，不以搖其軀。」

形釋與彼爲一。然後縱吾筆而從之以天。合天故其神全。宜畫者之莫吾若也。又曰。吾於此有大惑焉。夫像以傳人之妍媸。文章以傳人之賢不肖。一也。像失真則妍媸溷矣。文章失真則賢不肖易方矣。然吾見能文章家。好高下馮心。道諛襲譌。揚之入青雲。抑之沉黃墟。甚者虎冒孔。躡跖冒夷惠。考其爵位名號。則是核其行實。則非。求如吾像之不失真者。蓋什一焉。夫像而失真於人。無損也。然以示其子孫。則斃然怒。賢不肖易方。世道方有大憂。而以示其子孫。則適然安。且沾沾然喜。舉世蹈之。而不此之怪。噫。可感也。邵子聞之。瞿然曰。翁言類有激者。因書之以爲傳。翁名易字仲長。常自言解學士縉後性樸率。不喜與貴顯人遊。故名不出里閭。年六十餘卒。無子。

青門麓稟卷十五 傳 六

六洛上人傳

六洛上人者。異僧也。不知其所從來。乙酉兵興時。肩一瓢至常州。奔牛鎮止焉。覆茆爲菴。施茶飲。行者奔牛故當孔道。時通歐粵大軍。日往來其地。遇土人輒繫頸。踰踰曳馬尾。後捶笞之。血被踵。弗釋也。以故兵至。爭倉皇走匿。上人顧不爲動。輒飲食之。兵顧益善。遇上人往往贈遺去者。人以是異之。上人喜草書。奔放似懷素。又

喜爲詩。或持扇至。則爲書。又或爲詩數十百言。各得其意。去已又行荒塚間。指曰。某善某不善。按之十中八九鄉人乃爭詫曰。我不識上人。何如人。顧能書能詩。又能堪輿家言。自是人益異之。而薦紳先生以及山林文墨之士。往往喜與上人遊矣。上人數往來丹陽毗陵間。人邀之。輒往扣之。葵輒與善。地遺之金錢。辭遺之綰絮。及他食物。卽受稍贏。卽又丐與遊僧之飢寒者。而他堪輿家率挾其術。要索賂遺。小不如意。則罵詈拂衣去。人士稍厭苦之。而喜與上人遊益甚。然非其好也。久之將襍被溯大江。涉彭蠡。尋香爐五老之勝。不果。乃構靜室爲

青門麓稟卷十五 傳 七

終老。計有池一區。竹三畝。與其徒居之。自是暴足不出矣。上人偉軀。幹頰長。飄飄過腹。一日持刀盡雉之人。莫測也。聞之其徒曰。上人蓋河南人。姓李。

邵生曰。余不知上人何如人。顧喜與余遊。其客余家最久。一夕燕坐。偶語閒及用兵事。則指次營壘戰陣之宜。如列諸掌。傍及馳射劍槊諸技。叱咤風生。燭影熒熒。欲暈已忽。歛歔泣下。明日復扣之。默然矣。上人又善辟穀。日啖菜果。少許年七十餘矣。而狀貌如四十歲人。殆類有道者。非耶。論贊風神益然。

陳翁傳

此傳有關係不可不作。今後世尋白解



事蹟者猶得見之

陳翁者名敬毗陵金牛鎮人先是江南歲賦白糧四十萬斛輸京師故用富民主運翁以主運數往來京師崇禎時上用計臣議一切加江南賦江南重困而白糧費艱於舊率十餘石而致一石翁詣闕上疏陳其弊畧曰國家都幽燕歲漕江南粟供大司農軍儲者三百餘萬石歲輸白糧供大官者二十萬石而此二十萬石之供責之蘇松常嘉湖五郡而他郡不與焉郡以富民監運名爲糧長方其贏糧拏舟漫瀾於江淮河濟閒三千餘里洎寒流漸手足皸瘃迨迴困頓日與死瀕不幸有覆

青門簾櫳卷十五 傳 八

溺之虞則身家糜碎幸而達於輦轂而耗羨有米舖墊有銀猾僧奸胥中外輻輳蠹枝弊孔繁如蝟毛大率十六釜而致一石矣頃歲耗米之外益以尖六加之稀篩籌架御道選卒諸費歲溢月增計二十釜而致一石則二十萬石之供實費民閒二百萬石而贏夫二百萬石之費而予焉以五郡支之安得不困也臣竊伏計江南供億當天下半五郡供億又當江南半而此贏糧拏舟而來者皆五郡之富民也夫富民者貧室之母母病則子困今富民病矣貧民喁然膚立耳脫遇方千里水旱之災則道殣相望戶口虛耗數百萬軍儲將安取給臣

竊爲陛下慮也臣自江南來道燕齊之郊流寇所躪千里爲墟蓬蒿盈疇白骨蔽莽三輔近畿人且相食逆旅主人剗過客而鬻其齒西北之彫弊業已然矣東南僅完而陛下又不之恤臣竊爲陛下危也臣不勝大願諸亡名費雖卒難盡減緣增於頃歲者請得一切報罷草莽愚民不知忌諱不勝惓惓之誠疏入詔減尖六米萬餘石它費率減什五侍御某君手其疏歎曰肉食者不言乃藿食者言耶吾愧陳君而江南人客京師者皆曰我不識陳君何人作何貌願能爾諸薦紳先生亡論識不識皆慕陳君爭造請恨交驩陳君晚陳君由此顯名

青門簾櫳卷十五 傳 九

於京師君爲人倣儻好持議論每對客談說古今事風一蠚生坐中人莫能抗亦時喜爲詩詩不甚工然心慕好之宗人陳士本官中書奉詔使秦邸邀翁與偕遂遊太華並驪山以南歷鄠杜弔秦皇漢武遺蹟意有所感一發之於詩既至從使者謁王翁故倖岸奏對稱旨王奇之再召見賜燕便殿遣中使賂遺裏驛毘毘及他橐中裝反厚於使臣久之還京師翁子中書君以薦召辦事殿中欲畱侍翁京邸翁不肯趣治裝歸未幾有甲申之變人服翁先識云家居後十餘年病卒翁少時數爲狹邪遊晚豪於酒性跡弛不問家人作業以是產稍稍

控末年產益控中書君名上選以能書名

邵生曰中書君溫恭長者也隱居授徒蕭然如寒士與余交二十年未嘗見其激言矯行顧數爲言若翁則茫然涕下也翁直言劇上而卒名顯其布衣之雄乎然鬱鬱無所試於世竟以老死悲夫

### 青門老圃傳

青門老圃者邵姓而逸其名家有稅百畝秋半之有圃一區雜植蔬韭瓜壺薯蕷蹲鴟之屬千本臧獲執耕耨者十餘人老圃力不任耕獨時時抱甕灌畦圃中欣然自適又數稱慕其先世種瓜青門者卽自號青門老圃

### 青門麓叢卷十五 傳

十

云老圃常業儒兒時日誦秦漢數千言十歲補弟子員試再高等已衆舉於鄉輒報罷會絃新令黜其籍則歎曰吾固知富貴有命百年且暮耳而顧敝形勞神爲去杖馬筆北遊燕西浮漢沔屈賈之遺踪時木落江清中流倚舷放歌爲之欬歔泣下久之歸則構小室環列卉石清池遊儵室中貯八硯經史諸家書數千卷題曰東軒居之老圃豐而頽恬淡亡它嗜好顧好爲詩又好攻古文辭時有所賦撰獨坐一室中冥思遐搜兩頰發赤如火喉間至喀喀作聲屬藁不積日不出也方構思時類有大苦者既成則大喜牽衣遶牀狂呼遇得意處

輒訖不讓古人入人往往非笑之或至大罵則益喜自負對客奮穎高談竟日夜不倦遇功名士則益擊談當世務遇田夫野老則談農桑遇方外人則又談玄虛以及千支卜筮種植諸書其言率縷縷可聽然實無所得也性不能飲飲數合輒醉顧喜人飲當東軒花時邀客泥飲驩笑竟日客或扣石浩歌老圃則擊竹如意和之以爲樂尤嗜佳山水常曰吾不能如向長待婚嫁畢方斷家事年過五十便欲具一舫載筆牀茶竈爲浮家吳越閒遊不問地宿不問主往返不問期死便埋骨青山佳處吾願足矣其曠達如此

### 青門麓叢卷十五 傳

十一

贊曰青門老圃者莫測其何如人也或曰老圃隱居灌畦有以自樂古鹿門漢陰之儔非耶或曰彼方銳意功名壯無所遇是激而逃焉者耶或曰老圃外聲利頽然自放顧獨刻苦爲文辭殆有慕於古之立言者歟

### 四先生傳 最得史傳體裁

蘅旣論次李空同何大復王弇州李滄溟四先生詩行世欲綜其行事今覽者得其爲人孟子曰誦其詩讀其書不知其人可乎是以論其世也作四先生合傳

李空同先生名夢陽字獻吉陝西之慶陽人父正以貢



爲封丘王教授因家大梁弱冠舉鄉試第一弘治癸丑成進士官戶部主事夢陽爲人剛直多忤負氣節不撓權貴孝宗末詔求直言夢陽應詔上封事陳二病三害六漸其一貴戚驕恣之漸蓋斥壽寧也曰夫貴戚驕恣之漸者臣以爲其防決也夫水防惟土國防惟禮水決則潰禮決則陵昔高皇帝制令曰皇親之家不得與政臣常伏讀歎息以爲聖王不易之論及退而考夫頒祿列爵則又使大貴而極富已又考其器度田奴之等則又不使踰也臣於是又歎曰是所謂禮之防也夫皇親與國至戚不宜有閒顧制禮以防之者欲保全而使之

青門麓臺卷十五 傳 主

安也陛下至親莫如壽寧侯宜保全而安之者亦莫如壽寧侯顧不嚴禮以爲之防臣恐潰且有日矣夫下替則上陵今壽寧侯戚匿姦猾亡命罔利而賊民侵效田宅彊鹵子女臧累鉅萬又占鹽課橫行江河張打黃旗勢如翼虎此謂之不替可乎替則陵陵則逼大逼則法行且今側目而視切齒而談孰非飲恨於壽寧者夫川潰則傷必衆萬一法行陛下雖欲保全而使之安得乎臣竊以爲宜及今慎其禮防則所以厚張氏者至矣亦杜漸剪萌之道也壽寧侯者名張鶴齡皇后同產弟奏入逮夢陽繫鎮撫獄皇后母金夫人及壽寧侯皆切齒

日環侍上前訴且泣必欲死夢陽上召輔臣劉健李東陽謝遷問夢陽當云何健曰狂生耳遷從容對曰夢陽雖狂乃心爲國上然之明日詔出夢陽獄復其官頃之上遊南宮二張夜入侍中酒皇后太子金夫人迺遷出遊上獨召壽寧語左右咸莫聞知燭影中遙見壽寧免冠觸地謝良久乃已蓋因夢陽封事罪壽寧云初夢陽屬草奏未上以示王先生守仁王時官兵部郎謂曰疏入必重既雖然筮之可乎蓋晦翁行之矣筮遇解䷧之豫䷏曰田獲三狐得黃矢貞吉王曰行矣矢直也黃中也剛而得中吉何咎焉狐陰類且服之矣既獄解出遇

青門麓臺卷十五 傳 主

壽寧於市夢陽被酒數壽寧罪大罵揮鞭稍擊墮其一齒壽寧恚甚欲陳其事念前疏未久隱忍而止後有詩云半醉唾罵武安侯蓋指此也武宗初羣閹日導上狗馬鷹兔倡優角觝諸戲漸濁亂朝政輔臣劉健謝遷戶部尚書韓文以擊閹不勝相繼去而閹劉瑾偵知韓文彈事出夢陽手矯旨繫詔獄奪其官放歸瑾誅起按察副使提學江西俞中丞諫督兵平寇用二廣例抑諸司庭跪夢陽獨挺立俞怪問何官徐答曰公奉天子詔督諸軍吾奉天子詔督諸生竟長揖出與江御史鄭率諸生手銀鐐欲鎖御史御史閉門不敢應坐構復免歸夢

陽年位既不甚高。獨以伉直喜事。立名節。屢起屢仆。故雖家居。名益重。方岳部使者過大梁。莫不折節請見。見則自據上坐。坐其客下坐。客往往不堪去。會宸濠獄起。夢陽嘗爲濠作陽春書院記。忌者因中以危法林尚書。俊力救得免。久之以病卒於家。夢陽既倡興古學。用詩古文辭高視一世。世亦翕然推之。獨何景明晚出與之齊名。

何先生景明者。信陽人也。字仲默。號大復。山人八歲善屬文。十五舉鄉試。第三弘治壬戌成進士。除中書舍人。年甫十九。正德初。閣瑾用。事請告歸。瑾螫諸在告者。僑

青門麓集卷十五 傳

詔例免官。瑾誅用李東陽薦起直內閣。侍經筵。會乾清宮災。景明應詔極言時事曰。邇者寢宮被災。皇上下詔罪已。避正殿。求直言。臣庶歛然。莫不喜悅。謂聖心悔悟。事當轉移。乃自勅諭以後。涉旬踰時。未一視朝。言官論奏邊軍番僧義子數事。未見施行。中外舛望。臣竊上原天意。下究民心。近觀人事。遠考古昔。治亂興亡之機。實在今日。方今聖躬單立。儲嗣未建。內無骨肉倚毘之親。外無肺腑可託之戚。后妃不當御。宰相不進見。乃日與邊軍馳逐上下。番僧義子同起居。可爲寒心。且夫銜繁馳騁之勞。不如廣廈細旃之逸。小彘邪穢之教。不如文

儒談諷之娛樂。彼厭此臣。竊未諭若義子。則陛下寵幸之臣也。自古寵幸鮮能善後。原其所由。盛滿爲戒。所謂愛之適所以害之也。陛下宜蚤爲裁抑。使上得保富貴。次亦得保首領。義既不失恩。亦有終。豈不美乎。昔高宗警雉雠之祥。是韓嘉靖成王感風雷之變。乃致刑措。陛下深圖化理。更絃易轍。則商周守成之業。何足多哉。臣荷先朝甄育。復蒙陛下收臣廢黜之餘恩。德至重。誠不勝拳拳之愚。惟陛下省察。疏入。報聞。罷久之。出爲陝西提學副使。以病予告歸。歸六日卒。年僅三十有九。景明爲人無町畦。和雅溫秀。顧鄙榮利。植名節。律身立朝。斬新有國士風。錢寧者。武宗嬖臣。冒賜姓。凌轢諸公卿。獨心重景明。願交。驩持古畫乞景明詩。景明謝曰。此名畫。璽汚吾題。畱一年。竟還之。李夢陽忤閹瑾。繫獄。既不測。景明以書抵李文正。又爲夢陽畫策。令康修撰海居閒事。得解師御史某客死京師。中官廖鵬賄以棺。景明日。御史生不受污。顧汚地下耶。別賻金殮之。卻其棺。鵬弟鸞填陝西。席鵬寵驕甚。叅隨騎遇藩臬。馳突道中。無所避。景明叱從隸收縛。笞而釋之。騎爲之斂。武宗初常以中書齋哀詔使滇。滇故產香木珍貝犀象。商角金銀之屬。使歸不持滇一物。守臣餽遺無所受。歷官二十年。家

青門麓集卷十五 傳



無餘貲產。死之日。牀篋僅三十緡。鄙人有言曰。文士鮮行。嗚呼。如景明者。非世所稱文士乎哉。其後三十年而有王世貞李攀龍。

王先生世貞字元美。世爲吳之崑山人。已割崑山地置太倉州。遂爲太倉人。自號弁州山人。家近海。効故有洲名。鳳麟者。卽又稱鳳洲先生。父忬歷官兵部侍郎。薊遼總督。以忤姦相嵩論死。世貞弱冠舉進士。嘉靖中官刑部郎守文法。無害。遷副使。備兵青州。世貞美丰儀。長身玉立。對客談笑溫雅。閒及古今忠孝大節。則意氣激昂。酒閒往往慷慨泣下。蓋天性也。尤明敏。精吏事。所至治

青門龍案卷十五

傳

共

有聲蹟。青多大俠巨盜。探丸殺人。郡縣不能制。世貞爲飭保甲。教射士。明賞購。又設法鉤距。部中盜賊姦俠。主名悉知之。發卽輒得。盜賊解散。已乃爲民興教化。定嫁娶喪葬之禮俗。以大治。雷齡者。故大俠。橫行萊瀕。開海道。宋購之急。從跡過青州。界世貞遣吏掩取。則齡遁矣。陽寢其事。久之一日。忽召尉某。屏左右。詰尉匿齡狀。尉愕然曰。曩立階下。聞捕齡者。非若耶。尉叩頭服。願得齡自贖。齡至。呼諭曰。女當死。女往某所取某盜。吾活女。尉與偕往。果得盜。遂以齡與宋。請貰其罪。有盜魁誣平民爲黨。縛至其人。躡絲履。盜數從後窺之。世貞令隸蒙縛

者。首出。易履入。卽訊盜。遠指絲履者曰。是也。世貞笑曰。女乃以吾隸爲盜。其發摘姦伏多類此。會父忬難作棄官。歸。先是世貞官刑部時。同年生楊繼盛劾相嵩十罪。五姦繫詔獄。論死。世貞銳身橐。又屬賓客居間爲請。莫能解。繼盛妻張氏伏闕請代夫死。疏格不得上。疏橐出世貞手。繼盛遇害。世貞視含殮。經紀其喪。忬聞亦彈指唾罵。宣大總督楊順爲嵩殺。故經歷沈鍊謫所忬不平。數有指斥語。嵩內嫌之。未發也。會忬濬河防秋。稍失。忬喉御史方輅劾忬。逮下錦衣獄。坐逗撓。棄市。海內冤之。世貞旣痛父死。非辜。橐葬淺土。闔門泣服。除不茹葷。御內不敢具冠帶。與燕會。八年。穆宗改元。世貞偕弟世懋守闕白冤狀。詔還忬故官。尋以薦起副使。備兵大名。再疏固辭。又應詔疏陳八事。其一謂宗室皆高帝及列聖後。無罪而錮之一城。絕其仕進之路。傷親親之仁。其一請修建文實錄。議方孝孺鐵鉉諡。尤當時難言者。疏入。報聞。而令尚書督趣之。官在大名。治如青州。故蹟遷叅政。分守杭嘉湖。會三郡大水。漂溺公私田廬萬計。世貞上其狀於臺。未報而明自英憲以後。藩臬以下吏非奉詔及朝賀諸大典。卽不得輒上疏相踵。以爲故事。世貞獨抗疏。其畧曰。臣所屬三郡。自五月至六月。霍

青門龍案卷十五

傳

七

雨爲災。汙邪之地。滙爲巨浸。綿桑之區。摧折如藉。流移比屋。號哭填道。臣忝司守土。蒿目驚心。臣竊伏計。皇上雖富有四海。而九重六師。宗廟百官。仰給者。杭嘉湖及直隸蘇松常六郡耳。自倭變起。而民不中寇者。十無二三矣。殿工海餉。共億浩繁。而民之囊橐存者。十無一矣。郡邑鳩積。與獄訟餘餒。四御史出而掃地無餘矣。議賑貸。則倉廩空虛。議勸借。則閭閻縣罄。臣實憂之。痛之。計無所出。皇上幸念東南爲國家之本根。小民爲皇上之赤子。乞下臣章所司。曲賜減免。三郡今年正供之半。它顏料加派織造諸賦。暫一切報罷。浙民幸甚。奏入。詔蠲

青門麓叢卷十五

傳

賑有差。民賴更生。尋遷山西按察使。以母喪去。位服除。改湖廣按察使。再遷以副都御史撫治鄖陽。鄖轄五府地。大牙秦豫荆楚。開爲三省。湊號難治。世貞至。則糾劾墨吏。咨訪將才。汰罷伍清屯田。鄖遂爲重鎮。有男子髡髮爲僧。自稱樂平王世子。奉高皇帝御容金牒。遊歷郡縣。所過舍傳舍。令守飭供張飲食。次至鄖。世貞曰。是必詐也。親藩有宗正條。敢闌出耶。檄監司收捕。驗問本平涼人。姓賀名祿。挾御女術。遊藩邸。崇王賜以紅杖。慢輻。公賴十餘人翼之。爲姦利辭。服論奏如法。又按劾所過抵郡縣。阿縱不應。時刺舉二千石以下吏。吏民皆驚。公

青門麓叢卷十五

傳

何以江陵相不合。自免歸。初江陵相枋國欲引世貞自近世貞謝唯唯。會荊州地震。郵上封事。引李固京房占。以爲陰道太盛。失職之應。又王生者。江陵婦弟。諱辱江陵。令世貞按治。無所貸。江陵弗善也。特以世貞名高。陽示用。稍遷南大理卿。世貞亦意不自得。因病免。居家十餘歲。久之。除應天府尹。又除南京刑部侍郎。遽以人言歸。復用薦起。南京兵部侍郎。世貞累疏固辭。詔強起之。乃奉詔尋遷南刑部尚書。滿歲。卽四疏乞骸骨。以壽卒。於家世貞高才博學。自經史四庫書。旁及浮屠老子之說。以至鑿石破冢。碑官野乘。所載靡不鈎纂。著述之富。古今罕儔。家系世宦。顯富貴。然內行敦備。建始祖祠。拓義田千餘畝。居喪哀毀。循禮有鮮。姬媵臧獲。近千指。無一人曉音律者。弟世懋進士。歷官南太常卿。亦工詩號麟洲。所著有麟洲集。

李先生攀龍字于鱗。歷城人也。其家近東海。因號滄溟。父寶以貲事德莊王。爲郎。攀龍生九歲。失父。孤學母。繼繼給修脯。稍長。補諸生。晉江王慎中督學山東。奇其文。首擢之。嘉靖甲辰。舉進士。官刑部郎。有邊將觸法。不至死者。柄臣子銜其不賂。必欲寘諸辟。攀龍力持不可得。末減其人。卒自奮功名。致大帥。久之。出爲順德守。攀龍



族當世流俗之論以為文士無所短長徒終日仰面看

屋梁著書出則互標榜為名高然開世務又不習文法

吏事雖摘藻如春華何益於殿最而俗吏務在簿書刀

筆獄訟之閒取一切權譎自任非朝廷所以選用良二

千石意故其守順德思以經術緣飾吏治有所興除務

便民多仁恕愛利順德故有牧馬場民久耕業其中共

繇賦而監司誤以為營馬牧地歲增賦至三千金攀龍

請悉蠲之將作所徵順德視真定大名諸旁郡攀龍以

為郡故陞民貧不當與它郡比請裁其費比真定十之

三又畱永濟倉粟無灌輸京師以餉戍卒增設永年縣

青門麓集卷十五 傳

傳於沙河邯鄲界中寬二邑力移郡通判鎮鉅鹿官亭

以扼盜衝移巡司黃榆嶺為晉趙關前後請白於臺得

報可攀龍又謂京師仰東南餉不時至而燕齊汴趙邊

河百里而近者誠令亡出賦錢歲賦菽粟浮於河達京

師緩急一策也時頗難之滿三歲擢按察副使視陝西

學政其鄉人殷中丞來督撫以檄致攀龍使屬文攀龍

不懌曰副使而屬學政非而屬也且文可檄致耶會關

陝當地梁後數動搖心悸念母老家居遽上疏乞骸骨

吏部惜其去特請予告歸故事外臣無在告者獨何景

明前亦以副使予告蓋異數也歸則構一樓鮑山華不

注閒曰白雪樓居之直指二千石詣謁輒謝病造請數

四終不一見去亦無所報謝以是得簡亢聲隆慶初用

薦起浙江按察副使俄遷叅政奉表入賀道遷河南按

察使以母喪歸哀毀致疾久之暴心痛一夕卒初弘正

閒以詩名者吳郡徐昌穀濟南邊貢亳州薛惠儀封王

廷相閩鄭善夫而李何為最嘉隆閒則武昌吳國倫吳

興徐中行廣陵宗臣嶺南梁有譽東郡謝榛而王李為

首稱皆同時相友善故世稱前後七子或亦稱五子

邵長蘅曰四先生詩余論著之詳矣又其集世多有故

不論論其大者李何嶽嶽批鱗蹈鏤咸闔屏氣弁州偶

青門麓集卷十五 傳

儻難進易退內行醇備滄溟稍剋方為圓矣然嶢嶢

儼簡亢自遂要之無愧於其文嗚呼四先生已矣後之

詆排四先生者吾不知其律身正家出處之際視四先

生何如也可慨也夫重可惜也夫 結意在虞山不

明翰林院脩撰金公傳

公名聲姓金氏字正希世為新安休寧人八歲隨父商

楚遂占籍嘉魚年十四補博士弟子員有聲公幼從龍

先生韜習制舉業韜亦知名士嘗命一題至六七作不

許可公跼謝曰才竭矣韜徐出所藏某公名作示曰此

不勝若文耶公慙然退而卒業反復至三十作始易題

公後以經義負盛名。學者宗之。與前輩唐歸諸大家。竝稱云。天啓甲子。舉順天鄉試。戊辰。崇禎改元。成進士。選爲庶吉士。公性狷介。不妄交。諸生時與嘉魚熊公開元善。及是。與同館劉公之綸。善。明至啓禎時。士風漸下。新進士與是選者。往往以飲博爲放達。以書畫聲伎爲風雅。館課則具文目之。或令書傭代。斷公慷慨曰。國家方以此儲宰相才。奈何如是。與劉公之綸。屹屹窮晝夜。讀書考鏡古今。治亂得失。聞者笑曰。未卯而求時夜。母乃大蚤計。同館皆目以爲迂。己巳冬。北兵自大安口入。薄都城。九門盡閉。上御平臺。召廷臣。令條上方略。舉朝愕眙。無一語。公伏地哭曰。大小臣工。罕有爲陛下任事者。上問公計安出。先是有武人而髡者。曰申甫。雲南人。任俠。有口。自言入嵩山。遇異人。授以卷書。啓視。皆古兵法。言車戰甚具。甫習之。逾年。已乃瘞其書嵩山下。脫浮屠服。遊京師。數至劉公邸。談兵事。劉甚重之。公見事亟首薦劉公之綸。知兵。次及甫。上令甫以散官隨劉入對。甫具陳車戰之利。上大悅。立擢之。綸兵部右侍郎。申甫京營副總兵。而命公以御史參軍事。然寔無兵。予甫聽其召募。而甫所用戰車。猝不能辦。取民間牛車。加竹盾。給之。募卒又皆市人子。不知操兵。公疏陳不可狀。而權貴

青門麓臺卷十五

三

人忌甫。以白衣驟用。謀委之餌敵。日夜下兵符。趣戰。甫不得已。痛哭出城。而大帥滿桂先一日戰歿。安定門外。滿桂者。故大同總兵。宿將。有威望。提邊兵萬騎入援。上方倚重之。及敗死。朝野氣奪。甫出城。列戰車爲偃月。阻蘆溝而陣。敵遣數百騎。張漢幟。遠出陣後。始猶以爲羽林軍。俄發數矢。則大驚曰。北軍也。而車已前向。不可回。遂全軍覆沒。甫力戰死。越日。劉公八路出師。趨遵化。獨率麾下營。孃孃山。遇伏發。督將士死戰一晝夜。援兵不至。劉公流矢貫顙死。屍至城下。鏃不出。公嚙之。出以授其家。劉蜀人。其母在京師。爲請勘合。輿輓歸。費一出。公初申甫敗。聞上令中使覘公中。使至。公邸見布被蕭然。篋中不名一錢。爲之太息。同至郭外。得甫尸。則喜曰。雖敗。舉不失人。可賀也。北兵旣引歸。竟無理甫死事。而前時。噤不出聲者。交章論公書生。悞國。賴上明察。詔勿問。予劉公祭葬。諡廕。有加。公亦上疏。自劾。吏部就差以御史巡視西城。而上意欲還公館職。執政尼之。公曰。人臣事君。何地不可自效耶。入臺。再疏論人才。大略謂天下非誠乏才也。士大夫精華果銳之氣。爭馳於門戶毀譽者半。銷萎於苞苴竿牘者半。而上又不思所以淬勵之。故才不出。語最切時病。會覃恩。得封其父母。公喜曰。吾

青門麓臺卷十五

三



苟仍爲庶吉士。詎能得此。卽日請告歸。休寧奉恩詔。拜膝下鄉黨榮之。當是時。流賊蹂躪楚漸黃。焚陵寢。將闕留都。勢日棘。公時家居已十餘年。方遭太公喪。遽蹶然起。爲當事畫策。團結鄉人子弟爲守禦計。而黔人馬士英。開府鳳陽。募黔兵數千。令四游擊統之。紆道入饒之樂平。又入徽之婺源祁門。所至鹵掠。徽人以其爲賊。縱鄉兵格鬪。斬馘過半。得脫者奔告士英。謂金翰林寔主之。士英遽疏公殺官軍狀。詔逮治。公慷慨就道。曰。吾不出衆無所恃。豈可以事不由已。聽其糜爛。再具疏申理。上覽疏識公名。詔起用。公吏部擬按察司僉事。上特旨以翰林院脩撰起用。故事脩撰專以授及第第一人。無它官遷者是。歲崇禎十六年也。會遭母喪。力請終制。明年三月。燕京陷。烈帝死。社稷公從苦塊中慟哭。嘔血奮身自擲。求死者再。乙酉五月。王師渡江。弘光帝出走。徽民議納款。公挺身出。縣明太祖像于明倫堂。率士民痛哭三日。遂起兵。會隆武建號。闔加兵部右侍郎。賜銀印一。公以孤城抗王師三閱月。知事不濟。呼其將士語曰。徽本不欲守。吾爲禍始。義當死。汝曹從我死。無益。左右多號泣。不忍去。明日率戲下數十人馳赴大軍。有識之者曰。金翰林也。擁之去。過蕪湖。遇其鄉人。話舊如平時。索

青門麓臺卷十五 傳 五

筆書過山谿詩。有九死靡他悲烈廟一師無濟負南陽句。抵金陵。故督師洪承疇以閩部填金陵。欣然迎見。公張目字訓洪曰。亨九。曩陣亡計至先帝。素服臨祭。九壇豈有受恩如亨九而甘心降敵者。吾竊疑其僞。洪嘿久之曰。此老火性未除。吾不能再見。明日驅公出通濟門。具衣冠望孝陵再拜曰。臣力竭虛負國恩。遂端坐受刃。死之日爲十月八日。年四十有八。初公所厚善熊公開元亦成進士。崇禎末官行人司副。嘗召對面劾首輔。既而補牘語不相應。上怒。同時姜公塚以二十四氣蜚語觸上怒。甚遂同下詔獄。廷杖百。怒猶未解。必欲斃二

青門麓臺卷十五 傳 五

臣于獄中甲申二月。閣臣李建泰奉命督師上御正陽門行推轂禮。建泰爲頓首請始得釋。猶論戊開元以戊杭州得南還。尋投隆武於閩。公旣殉節。後子敦涵聞道入閩。持隆武賜印投開元。述其事。開元爲請于隆武。易名文毅。贈禮部尚書。故或亦稱金文毅。公開元後薙髮爲僧。受法於靈巖。繼公號蔡菴和尚。邵長蘅曰。熊嘗爲公作傳。自倂知公謂欲公千百世存非予不可。予友吳允嘉持熊傳視予。蕪穢拖沓殊不成文。予重吳請乃爲刪次之。今可傳後同時有江天一者。佐公舉兵。參其軍。旣敗。走歸拜其祖母。母曰。吾首與公

舉事義不令公獨死。追及公。大呼我金翰林參軍江天一也。遂并執之。至金陵。與公同日死。又有吳國禎。余元英。程有功。皆隨公不去。是日亦同死。而僧慧源。閩人。蕭倫者。生未嘗識公。爲奔走市美棺殮公。並殮四人。嗚呼。忠義之感人如是夫。

結構謹嚴。筆力峭潔。純乎班矣。附傳諸人。一一錯綜入化。

### 明大司馬盧忠烈公傳

盧公名象昇。字建斗。別號九台。常州宜興人。大父荆玉。公令浚儀。南康有惠政。父崑石爲名諸生。公天啓辛酉

青門麓橐卷十五 傳 五

舉於鄉。壬戌成進士。授戶部主事。出守大名。尋遷大名道。備兵三郡。號天雄軍。是歲崇禎六年也。時流賊勢日張。臨洺警急。公提兵赴援。擊賊小西天。再邀擊青龍岡。皆破之。嘗逐賊至危崖。賊騎自巔馳下。連發三矢。一矢拂公貂領。落之一矢。殪中軍一將。一矢中公額。眉間凝血痕。賊望見。駭曰。盧公似有三眼。不敢逼。竟殺賊而還。賊又潛分兵旁鈔。公偵知。引精兵疾驅出其前。撲斬數千級。賊大蹙。曰。此盧拌非俗拚命也。遇之即死。相戒不敢犯大名。公深沈有大略。卽之溫溫儒者。顧獨精悍。便騎射。性能耐勞苦。蹋陣雄呼。萬騎辟易。雖古名將無以過。

○接上卷敘

賊薈公威名。南渡河。破鄆西六城。廷議擢公以僉都御史撫鄆。至則偕總督陳奇瑜引兵窮逐。踰竹山。追賊及烏林關。敗之。又敗之也家溝。石泉壩。又敗之康家坪。峒溪。遇縣崖絕磗。則墮裹繩縋而渡。賊奔走伏匿。恐官軍望見。炊烟至晝不敢餐。前後斬級五六千。墮篋塹死者又萬數。耶寇絕跡。公患漢江商舶不通。廼開鼓鑄。俾穀糴造兵船數千艘。西抵商雒。南距荆襄。轉輸貿易。物力充。卽自是成鉅鎮。耶鄰楚賊之不敢犯。卽者悉中於楚。詔遷公副都御史。移撫楚。賊聞公至。突奔中州。口殘數十城。邑豫士民伏闕請公。楚人爭之力。廷議擢兵部

青門麓橐卷十五 傳 五

侍郎。賜劄印總理五省。尋益以二省。時秦督洪承疇連喪大將。又戲下數叛。威望稍損。而公新受事。慷慨志清中原。軍令一變。所至輒有功。八年正月。賊渠李自成圍滁州。連營百餘里。盡銳攻滁。滁城守頗力。公疾馳五晝夜。至麾兵急擊。遣祖寬羅岱爲前鋒。公躬援枹鼓繼進。搏賊城東五里橋。逐北至關山。朱龍橋。橫屍枕藉。滁水赤流數里。公之至也。出滁人不意。遣偏將入州求糧。疑爲賊斬之。竿其首。公馳諭。又以礮擬公行。大僕李覺斯識公。乃開門。延入。滁守劉大鞏股栗伏地。分必死。劉母年八旬。號哭求代。公亦念其城守功。劓而免。其死築壇。



醉亡將哭之既殮而後行公時急逐賊賊且殄先檄淮撫朱大典堵賊去路朱不應賊得逸去又追敗之七頂山殲自成精銳幾盡至南陽使人告楚撫王夢尹郎撫宋祖舜曰賊罷矣東西遮截前阻漢江可一戰禽也二撫又不應賊從光化之羊皮灘逸去公自受討賊命歷三載未嘗止官舍夜則同戰士露宿一夕右臂挽馬韁曲左肱臥夢中聽馬蹄踐蹀聲遽大呼起躍馬行部曲亦大呼上馬然莫測其故是夜賊統大隊宵行聞呼咤聲疑中伏狂奔達曙因追擊三百餘里禽斬無算公曰幸也酣臥不覺吾一軍為醢矣又嘗以百餘騎陷伏中

青門篋囊卷十五 傳

宋

兩日公戒其騎曰食盡必死奮擊之尚有出理乃大呼突陣賊皆靡大軍亦繼至遂破賊殺萬人公臨陣用麾幢自隨旁睨它騎距躍輒上奪其刃便以殺賊又好將輕騎棄大營數十里趨利益瀕死者屢矣然輒免往往取勝明年八月京師有警詔督勤王兵入援尋加尚書再賜劔印命總督宣大山西公去而賊禍蔓延秦晉豫楚耶襄在在糜爛不及十年明祚隕矣悲夫公既受宣雲命慨然就道出居庸關二十里即策馬閱東界先是

大督行塞建大纛列騎張左右翼飛旆蔽空十里外行人屏跡所過副帥以下兜鍪挂鎧報弓矢插房伏謁道

左傳呼聲如雷過久始敢起公則盡遣之去控數騎行六百里日呼守堡老兵詢疾苦漸及邊事老兵以為偏裨也狎之言狀甚悉騎過詢知為新督則大駭始至邊粟告匱斗直千錢公憂之力請舉屯牧日行吟道間辨穀土督耕播凡牛羊墜墜李糞除各有法則行之兩年沙磧皆成沃土歲大穰積粟至二十萬石上詔頒其法於九邊令倣行十一年五月外艱計聞哭踊請奔喪疏

青門篋囊卷十五 傳

元

嚴三賜劔印督天下援師勤王是時枋中樞者為武陵楊嗣昌公先以議邊事與嗣昌忤又嗣昌方奪情視事服緋袍上政府清論鄙之公數有規切語嗣昌益憾謀中傷公後卒以是敗公之入援也以十月三日召見平臺詢方略對曰臣意主戰上變色曰朝廷原未言撫又誠公大敵非寇比公頓首出是時樞璫密議輦金幣出城已有事大事小之疏公不聞也及會議公昌言主戰坐皆默然初嗣昌媚大璫坐必居下公至直坐其上故樞璫皆銜之公入軍決策議戰誓諸大帥各選勁於十五夜分十路四面襲擊刀必見血人必帶傷馬必喘汗達者斬令甫下總監高起潛遺書尼之且漏師期公頓足曰若輩撓我至是耶嗣昌赴軍中公責其阻師縱敵

罪聲色俱厲。嗣昌頰發赤。曰：公直以尚方劍加我矣。公曰：不奔喪不殺敵。尚方劍須從已項下過。若舍戰言撫。養禍辱國。非某所知。嗣昌強應曰：從無撫說。母以長安飛語陷人。公曰：周元忠講撫。通國共聞。復誰諱？周元忠者。賣卜警也。嘗奉嗣昌指往來塞下。故斥之云云。嗣昌語塞。拂衣去。當是時。公名督天下兵。寔不及二萬。自十月至十二月。屢有斬獲。而畿輔守令見齟齬。公者衆所至呼饑不應。軍中乏糧。動四五日。又傳敵走雲晉雲帥某。逕引兵去。時上已入嗣昌譖。削公尚書銜矣。提見卒不滿五千。往來衝擊。然寔飢疲不足杖。公見執益急。晨

青門麓臺卷十五

傳

步出營。呼將士環立。勵以必死。辭氣慷慨激切。泣雨下一軍泣。且奮遂進軍。鉅鹿之賈庄。與大軍遇。高起潛擁關寧兵相距五十里。屢檄召援。不至。公孤軍直前搏戰。瞋目大呼。目皆裂出血。兩軍殺傷過當。會日莫。引去。半夜聞四面驚策聲。大軍縱萬騎圍賈庄。三市。遂明。公躍馬行陣。令虎大威楊國柱張左右翼。而公自揮長刀大呼陷陣。三軍殊死戰。自辰及未。礮盡矢窮。軍中對面不相見。虎大威猶識公。挽公馬欲突圍。公以刀劉其手。曰：我不死疆場。死西市耶？驟馬馳入陣。左乳中一矢拔。鏃更戰矢貫腰。及左右股各一。槍震呼。手擊殺數十人。

大軍盡。關公被重創。歿於陣。家丁顧顯從死。圍人楊陸凱慮殘公屍。伏公體被二十四箭。死。虎大威潰圍出。創重。竟得不死。公死年三十九。是日臘月十二日也。天霾日無光。旁暈兩小。日色白如月。天官家言大將星內公竟當之云。公既歿。謗者猶紛紛言公降。或言遁。後三日。副將劉欽。驅積屍得血汚赤體麻袴。刻督兵。殊家知公尸也。以告贊畫楊廷麟。昇入真定。東關親爲盥面刮髮。守臣素識公者。佯不辨。廷麟憤甚。集兵民視之。一卒踊起哭曰：我盧爺也。乃相率羅拜大哭。距公死七十五日。始克殯。三郡民披髮奔走號呼。設樂按酌哭者日萬計。

青門麓臺卷十五

傳

廷麟官翰林編脩。嘗抗疏斥嗣昌。有南仲在內。李綱無功。潛善乘成。宗澤殞恨。語嗣昌銜之。遽改兵部主事。赴行營贊畫。戰賈庄前一日。奉檄催饑真定。故不及難後。經紀公喪。歸宜興。人服其高義。乙酉之變。廷麟與萬公元吉共守贛。城破。不屈。赴清水塘死。先是。嗣昌遣錦衣邏卒俞振龍。陰謂公軍事。公死。振龍歸報。具言忠勇殉節狀。嗣昌怒。拷掠三日夜。令吐實。振龍曰：龍有死耳。言寔。公殺龍。詎則鬼神必殛龍。廷鞠對如初。竟拷死。垂斃。忽昂首大呼曰：天。道。神。明。無枉忠臣。俞常販貂。故亦呼俞貂鼠。同時有千總楊國棟者。塘報至。部嗣昌欲令緣



飾逗怯狀國棟不肯日以盡忠爲逗。以力戰爲怯。有死不敢加以極刑。無變詞。崇禎十五年公事始大白。予祭葬。世蔭贈太子太師兵部尚書諡忠烈。賜建專祠。其弟象觀請之也。象觀癸未成進士。乙酉六月起兵。敗投水死。

邵長蘅曰。余得楊君廷麟所爲忠烈公紀寔讀之。終卷忽哭。出聲不可忍。善乎楊君之言曰。嗣昌之必死。忠烈有二憾。公孝則昌不子。公忠則昌不臣。惟公忠孝大義矢吻凜然。故甘心嚙刃。貫鏃。漉碧血於沙場而不悔也。悲夫。又曰。均之督臣也。洪生則謂之死。公死則謂之生。

青門麓橐卷十五 傳

重

豈非運厄陽九。而孽域滿朝。致是哉。蓋當時之論如此。寫忠烈滿紙血腥。此傳亦是拚命把筆者敘賈庄一戰。卽何減史公寫項羽鉅鹿垓下處。

忠烈公是明末大關係人。傳亦是大關係文字。當分兩段看。前半敘勦賊。後半敘禦邊。入援其剪裁營構。波瀾跌宕。種種得龍門法。荆山

附 書盧忠烈公遺事

公廿四歲進士。年少美丰儀。維揚一艷冶。堅欲委身事公公。笑曰。吾有鑠精神於粉黛耶。謝却之。爲學務博涉。講求經濟。不欲以文士名。顧偶一下筆。伉健有

氣。名能文章家。不過也。總理九省時。自爲疏略曰。賊橫而後調兵。賊多而後增兵。事事皆趨後局。兵至而後議餉。兵集而後請餉。時時寓有危形。況請未必敷。致卒從賊。而將爲寇。是八年來絡繹而請之兵。反樹賊黨。積聚而用之。饒適齎盜糧也。又言督臣與理臣宜有專兵。有專餉。請調咸寧甘固兵屬之督。薊遼關寧兵屬之理。若遇山林奔突。不利騎兵。再調川軍。滇黔兵一二萬。攀援險阻。佐騎兵所不及。每月需餉各一十三萬。而聽承疇辭三邊。聽臣辭全楚。所在撫臣毋以一方有警。輒求調援。分督理之兵。饒臺諫毋從

青門麓橐卷十五 傳

重

中苛求。俾督理得端心辦賊。總之臣與督臣有勦法。無堵法。有戰法。無守法。其言切中機宜。論者避之。是時督則洪承疇也。公嘗貽書訓其子弟曰。吾君恩既重。臣誼安辭。委七尺於行閒。違二親之定省。此於忠孝奚居也。吾願子弟弗事交遊。弗圖安飽。名須立而戒浮志。欲高而無妄庭。以內惻惻無華庭。以外卑謙自牧。非惟可久。抑亦省營其訓。室人曰。余歷官十三載。未嘗一問家事。室無冷容。家無長物。今任討賊。艱苦萬端。成敗利鈍付之天。毀譽是非聽之人。頂踵髮膚歸之君父。惟願作吾匹者體吾心。以媳代子。以母

代父使兩親娛於堂。四稔習於學。吾願足矣。嗚呼。讀公書。語語摯性。亦徵學問。後世慕說公者。謂公爲忠臣。爲名將。詎知其家教乃如是哉。性警敏。在軍中。軍書羽檄旁午。據鞍判畫。揮霍如飛。朱墨淋漓。馬鬣閒常。滿稍暇。卽角射爲戲。以箭銜花五十步外。發輒命中。偶隨手書片紙。與所親云。吾嘗較獵塞外。親逐兔。免將吏擊狐伐耳。畔生弦勁。箭聲。救救。雌。脫去。如鳶羣。飢。噉。不絕。以爲樂。遇平岡。呼酒坐地。與諸大帥論兵法。忼愾及時事。不覺鬚樹。眶裂。諸帥皆起舞。還復與較射。發百數十矢。跨生駒。潑刺而還。笑呼曹。

青門麓叢卷十五 傳

景宗

小兒強作解事。何足道。其意氣如此。明進士金沙曹汝珍嘗爲公傳。蜀人唐大陶江陰黃晞皆傳公互有得失。最後見楊廷麟所著紀寔喜其詳密。亦未暇講。剪裁法予。旣刪次之。爲傳有遺事數條。欲後世髮髯見公文筆。乃附著云。

此文可當一潔字。亦最得書事體。

武進三忠合傳

劉熙祚字仲緝。號劬思。世爲武進人。天啟甲子舉於鄉。筮仕得與寧令。以治行徵。思陵召對。稱旨。擢監察御史。入臺。抗慨言事。章數十上。尋奉命按楚。歲崇禎十六年。

也。當此之時。賊張獻忠已陷荊州。陷承天。焚燒陵寢。襄陽再陷。屠斬糜黃。全楚河決魚爛矣。五月。遂陷武昌。乘勝陷岳州。獻忠謀過湖。卜於洞庭神者三。不吉。投蛟大詢。斂千艘於湘潭。焚之。遂騎而逼長沙。會熙祚按長沙。聞警投袂起曰。吾按臣也。當急護宗藩。是時親王開邸於長沙者曰吉藩。開邸於衡州者曰桂藩。而惠王故邸。荆州。荆陷投吉藩。亦在長沙。兩王相對。日涕泣憂賊。顧不知修備。惟堞宮垣。晝夜擊櫓徵巡而已。熙祚急檄總兵尹先民以萬人守羅塘河孔道。貴屯三稍磯。而命推官蔡道憲立柵斷陸道。柵未及成。賊驟至。先民解甲降。

青門麓叢卷十五 傳

道貴

走勢不支。熙祚急護兩王走衡州。而長沙陷。蔡道憲不屈死。蔡道憲者。晉江人。崇禎丁丑進士。賊傳城下。憎之。降道憲手注弩斃一賊。尋被執。嚼齒大罵賊。賊怒。磔之。健卒凌國俊九人侍道憲。不引去。賊并殺九人。內四卒奮曰。願葬主骸而死。賊義而許之。四卒解衣裹道憲骨。葬南郭。已乃自到。熙祚至衡州。賊尋破衡。乃急護惠吉桂三王入永州。賊命拆桂邸殿材入長沙。而親提銳卒追三王於永。熙祚晨朝三王泣且拜曰。永以南非楚境。過此一步非臣死所矣。臣誓與此城俱碎。王幸自愛。乃遣其中軍護三王入西粵而已。死守永。賊至。殺入。



內間城陷。賊縛熙祚去。題詩永陽驛。至寧鄉之孔廟。被殺。一曰。賊執熙祚。檻送獻忠營。熙祚大罵不屈。賊以繩曳足。倒拖地。剖腹。封出腸死。烏庫明季流寇之既慘極。於親藩而宗社隨之。當崇禎十四年正月。洛陽陷。福王殞焉。賊薦王於俎。汨其血。雜鹿醢飲之。曰。此福祿酒也。同月。襄陽陷。賊坐王於堂下。屬以卮酒。曰。吾借王頭使楊嗣昌以陷藩。伏法而襄王殞矣。其後陷南陽。而唐王殞於麒麟閣。陷汝寧。而崇王及世子道殞。及陷蘄州。而荆王先以悖死。陷武昌。而楚王爲賊執。置所乘輦昇而沈之江。以死。楚宗屠修。靡子遺。其它陪命失國。竄身殞生者所在見告。蓋自辛巳訖癸未三年間。所稱豫楚十二王大畧盡矣。其時上相握劍印。專征所在。巡撫及諸大帥擁重兵環賊壘。而軍者相望也。無能一紓親王之禍。而熙祚以無兵無將之按臣。問關險阻。擁護三藩。俾遁於粵。而後以一死身障其衝。可謂忠矣。議者或以不能死守長沙爲熙祚咎。誤哉。熙祚死明年三月。北都陷。帝后死。國同時以文臣殉節者武進又得二人。曰王御史章。金主事鉉。

王章字漢臣。崇禎戊辰進士。初令諸暨。有惠政。臺使者疏調。繁改鄞。鄞人來逆。暨人逐之。曰。王君我父也。鄞何

青門麓橐卷十五

傳

美

青門麓橐卷十五

傳

美

與鄞人爭之力。曰。王君今我父也。暨安得而章兩慰遣之。而乘夜啟門。壯去治鄞。如暨兩邑皆肖像以祠。久之。以卓異徵授工部主事。擢陝西道監察御史。出巡按甘肅。甘故重鎮。而邊兵窮困。每舉責於弁約十金。償一級。亡所得級。則殺口外民以償。故往往開邊釁。而弁得冒功邀賞。章知其弊。著令。寇非大舉。不許以零級邀功。按甘二年封事。凡百八十上。崇禎十七年二月。差巡視京營。當是時。流寇李自成已破太原。轉畧忻代。破寧武。宣大警檄踵至。章奉巡視之命。按京營額兵常十一萬有奇。除疾疫什一。羸弱什二。黠賊占役及市傭。實名什四三。其所存者四分財一。而闕月餽已半載。士饑疲不任甲。閱視則革筭。木薦敝。幾如兒戲。有介而馳者。九發不中。騎平蹶。問之。則都司也。喟然語同列曰。戎事至此。尚可爲乎。吾死是職矣。已泣下。霑襟。會有南歸者。索家訊。章奮筆書曰。全晉旣殘。關門告棘。臣子不敢復問身家。語不及私。俄賊入居庸。三輔望風瓦解。都城募嚴章與科臣光時亨分據城守。三月十九日賊破彰義門。章猶手發二礮擊賊。時亨踉蹌至。急呼章易服遁。章奮曰。事至此。惟有一死。遂戎服上馬。賊騎自後至。叱呵下馬。時亨遽下馬。蒲伏請降。章策馬走。且厲聲曰。我

視兵御史也。孰敢叱賊怒，槊刺其股，墮馬乃踞地大罵。賊益怒，攢槊刺之，至死罵不絕口。日莫，家人至城上覓其尸，僵坐不仆。張口怒目，勃勃如叱賊狀，以板扉舁之歸。光時亨者，亦進士，方事急，時都御史李邦華密疏請皇太子監國，南京上心動，而一時倡異議，率臺諫闕然起而詆排，邦華者，卽時亨也。後以從逆論死，逮南都，弃市。

金鉉字伯玉，武進人，而籍於順天。舉鄉試第一，崇禎戊辰成進士，年十九。自以不習吏，請改銓，得揚州教授。內遷國子博士，擢工部主事。是時上方銳意綜核，命內臣

青門麗臺卷十五 傳 天

張彝憲總理戶工二部錢糧，收爲彝憲特建署鉉抗疏。畧曰：皇上御極之始，不旬而殛除大慙，至斷也。還埽除之役，杜奸預之漸，至明也。乃不數年，復尋覆轍，事權浸重，體統逾尊。在外邊境有總監等之總督矣，在內二部新設總理，又躋之部堂矣。皇上誅一忠賢，而今扶植而擁樹者，且不止一忠賢。臣誠至愚，竊所未喻。旣而彝憲抑諸司行堂屬禮鉉，又疏言：彝憲妄自尊大，儼然部堂自居，強抑曹郎，屈之屬吏，臣不敢以委贄。皇上之臣，爲奔走中貴之臣，亦不忍以七尺讀書之軀，爲扶服刑餘之軀。惟上節辱朝廷，所關甚鉅。上怒，有旨切責彝憲。

青門麗臺卷十五 傳 天

聞之意得甚。是日入新署，扇導呵殿如尚書。彝憲闕堂，皇南面，據案黃衫緹衣，列侍階下，更抱文書，雁行俟命者，左右數十百人，而曹郎無一至者。先是，鉉集郎官議，吾曹與總理職事相關，第令掾吏持文往，有一人登彝憲堂，卽屬假子，當提吾鞶，犬踴其面，故諸郎官白尚書先期，各以公事出，而彝憲慙且恚，甚曰：此必金主事也以驗放十六門火器，誣劾鉉，故誤軍機，欲殺鉉。尚書力爭之，得削籍歸。後十餘年起兵部車駕司主事，巡視皇城，與王章視京營。同日拜命，時賊已破大同，而宣府監視則太監杜勲居庸，則太監杜之秩鉉疏言大同陷，勢且逼宣府，宣府不守，則京城危。撫臣朱之馮忠勇可捍一面，第恐內臣掣肘債事，乞專任撫臣，而急撤宣府居庸內監，不報。賊至宣府，杜勲率鎮將迎降，朱之馮死之。至居庸，杜之秩亦開關降。鉉聞，拊膺大哭。鉉有弟錄在旁，亦大哭。鉉顧語錄曰：今我與若哭，朱公數日後若旋哭我也。十九日，賊入都城，鉉倉皇歸與母訣曰：從母乞此身殉王事。母曰：汝讀書知大義，今日始向我乞身耶？趣之出。又命僕追往，以朝衣隨。鉉趨皇城，見宮女踰牆出走，喧傳帝崩。又聞王章死，城上失聲曰：哭。芳洲已先我，蓋鉉與章素交厚，約同死。芳洲者，王章號也。遂具



衣冠北面再拜投御河死僕奔告其母章氏曰兒得死所矣吾命婦義不可辱赴井死妾王氏從之死弟錄收殮畢號哭三日亦投井死初熙祚死湖南時事甫聞而國亡未及邀贈諡南都建乃追贈熙祚左都御史諡忠毅章贈大理卿諡忠烈鉉贈太僕少卿諡忠潔而忠潔尸沈御河逾月賊去求遺骸不可識家人識其網環持歸以衣冠殮忠毅尸殘於亂兵惟忠烈以喪歸祭葬如著令

邵長蘅曰予亦武進人也故知三公特詳劉故著姓居郡城西偏相傳地有古柏因號柏樹劉氏云金氏世居

青門麓橐卷十五 傳 平

邨邨王氏世居奔牛鎮蘇子瞻詩臥看古堰橫奔牛是也在邑西數十里焉庠甲申之變天柱崩地軸仄畜鳴人頭彗掃紫極時中外慷慨伏節者多有而吾邑乃得三人偉哉予爲合傳之令誤明史者有所考

提挈斷續聯貫摹寫處一一見法。劉傳寫陷藩十數行文字以氣運事事不礙氣頓挫跌宕真得龍門諸年表之神當今斯道邨得不推青門先生獨步荆山

姪袁赤文孫編次

男士京 全校字

青門麓橐卷之十五 終

青門麓橐卷之十六

毗陵 邵長蘅子湘 纂一名衡

策

予自康熙辛酉後復應科舉試得策凡十五首所爲鈔撮陳言以塞主司之問而不得一當者宜其無足存也橐亦尋棄去不意兒子掇拾其後仍弄巾笥比乃請以付梓因汰冗複錄其稍裨時務者如干首別爲一卷附麓橐邵長蘅識

試策一 教養

三代教養之法莫詳於成周故其治之成亦莫盛於成

青門麓橐卷十六

周慮民之飢也則畫井而授之田慮民之寒也則教之桑而帛麻而布慮其渙散放恣而不可久安也爲之比閭族黨州鄉以屬乎司徒爲之鄰里鄣鄙縣遂以屬乎遂人聯之以五兩卒伍師軍以知其數習之以師田飲射祭祀讀法以一其心學於閭使知長幼之序書於鄉使知善惡之效而其時爲之民者仰事父母俯恤妻子旁睦其兄弟嫻戚歡然各自愛其身家夫民知自愛則尚禮義尚禮義則重犯法重犯法則教化以成刑罰以措成周天下垂八百餘年蓋立國未有如是之久而贏秦斬刈焚屠以威劫黥首先王之法蕩然無餘歷漢唐

宋元明千八九百年其間未嘗無願治之君圖治之良法大較偏駁而不醇疎略而不備故愚常以謂三代以下聽民自生自成而已上無以養民也而又有苛役以勞之厚斂以朘之上無以教民也而又有淫邪詐僞以導其耳目有刑法以殘其肢體幸而得賢君僅僅能治不幸遇中主以下則馴致大亂而天下以亡且夫民者天下之元氣也譬之一身然元氣堅固雖羸弱亦壽元氣朘削雖壯健亦夭教養者猶之善養生者潔飲食慎起居不犯霧露飢渴以滋培其元氣也人之死必死於病病不一也而致病之由則必自元氣始西漢之亡以

青門麓橐卷十六

二

外戚東漢魏晉之亡以強臣唐之亡也以宦官藩鎮宋之亡以敵國元明之亡以盜賊皆病也而所以致病之由則皆在於失民一國家太平累洽民得休養生息四十年於茲乃執事發策有云人多失業家鮮蓋藏廉讓未盡興風俗未盡厚誠鰓鰓乎慮之也愚欲博言之請限民名田治溝洫課耕桑行鄉舉里選復孝弟之科修飲射之禮則見爲迂闊而難行空言之則泛而無當愚請切言之人多失業家鮮蓋藏者由積欠爲之累也皇上臨御以來二十三年矣數下寬大之詔蠲逋租省繇役雖滇黔用兵六七年未常輕議加賦小民沐浴膏

澤無它疾苦凡今閭閻所謂積欠大半皆聖恩所貸而姦吏窟穴其中爲利藪者也如十七年以前積欠已蠲而巧設名項催徵如故也十八年以後明詔限年分納而竝徵如故也自甲移乙追呼蔓延因之人戶逃徙田野蕪蕪舊欠如故新逋益增竊計官之所得甚微吏之所取甚厚而爲害則甚大請下詔一切蠲除曠然與天下更始官吏私徵者重以法懲之積欠既蠲則流庸自歸田疇日墾稼穡滋殖蓋藏漸裕庶幾無失所之民矣廉讓未興風俗未厚者教之未責其實也聖諭十六條昭昭乎如揭日月第令家諭戶曉復三代之治

青門麓橐卷十六

三

何難顧今日郡縣奉行特具文耳邑聚之地歲不過一再舉而窮鄉僻壤至今有未聞者夫欲教化之行在導之以所喜而動其所恥宜每鄉立鄉約所設約正副各一人擇耆年無過而民所素服者爲之月朔則集鄉之人拱聽講讀聖訓開釋指義讀已正書其孝弟力田者聞於令爲復其身而頗示禮貌以優異之副書其不率教者聞於令量笞罰以媿之夫小民而見禮於上是其所喜也彼優禮而此受笞罰是其所恥也恥則沮於不善喜則自奮於爲善庶幾禮讓之風行爭鬪之獄衰而忠厚之俗可以漸復此亦三代教人之遺意歟其要



又在慎選守令而重責成夫上之所嚮下之所趨也上厚民以教化而顧課吏以文法是卻行而求前也請明詔督撫之課守令不以催科搏擊爲能而以厚民生興民行爲能不以赫赫有可紀之狀爲賢而以惻惻無華歲計有餘者爲賢凡朝廷所爲教養斯民之具先之以力行要之以遲久而又上下一心劇以歲月而謂治迄不古若豈理也哉若夫徇末世一切苟且之術而欲野無失業之民戶有可封之俗猶之服金石峻切之藥而冀元氣之滋培也必無幸已

試策二 人才

青門麓橐卷十六

四

執事發策詢及人才之盛衰愚生竊心知所以然也率爾言之大懼所問非所對以獲戾於執事然愚確見其然終不敢易說以對二代之人才生之者天成之者人人才之生於今不幸無以成之又有以敗之則數百年來相沿而不知變之八股是已宋人始用帖書墨義至爲淺陋王安石變法乃改用經義須通經有文采不專記誦故當時名曰大義而明因之夫取士尚經術似已顧其陋在曲摹聖賢之口吻而代爲之言聖賢所一言者吾從而數百言無論吾言之斷斷不似聖賢卽似已以聖賢視之何啻爲菰糲爲駢拇爲鸚鵡之學語而

習之工者又必盡斂其才情氣魄帖帖然疲精神窮日夜以從事於揣摩勦襲浮華無用之空言而後謂之工故其出爲世用也賢者僅斤斤自好而試之於事每迂窒而難通其長厚者授之律令不曉句讀握算不知縱橫惟胥吏所顛倒而其不肖者則貪鄙翦茸且舉其所微倖苟且於科名者而推之政事之閒於是科法極敝人才致不如古而不知其平日八股之學浸淫腐爛以至此也蘇轍有言精華果銳之氣其在物也煜然而有光確然而能堅是氣也亡則物皆喁然無所用嗟乎今日之士其氣之銷亡也久矣今夫求馬者求其致千里

青門麓橐卷十六

五

也不問其能千里與否而曰吾姑試之搏鼠而擒兔則相馬者過也故舟楫之利習於水者能之用之以舟楫而顧習之以樵蘇一旦入於江湖必覆矣畜養戰士將用之以摧鋒陷堅而顧習之以黏竿蹋鞠六博之戲一旦臨陣必敗矣何則所用非所習也夫八股之學始於安石論者謂宋之人才初壞於紹聖大壞於崇觀紹聖崇觀之壞皆安石之流禍也詎意六百餘年後流禍尚存而未知所變計也哉然則求人才於今日必先廢八股用論策而天下之人才無所壞然後選師儒尚實學而天下之人才有所成愚非敢謂論策遽能得天下之

才也大抵用論策則士不得不博取經史有用之書而讀之而相與講求古今治亂安危之故天文律曆兵刑禮樂漕賦河渠鹽筴屯鑄一切時務緩急之大端以應一日之問聞之上以孝取人則勇者割股怯者廬墓上以廉取人則敝車羸馬惡衣菲食若以論策取人則才者侈談經濟樸魯者亦麤識古今較之八股之喁然而無用者相去逕庭矣故愚以謂人才之成事尚有漸而斷然自廢八股用論策始今夫松栢栢栢之生於山也無折之披之斤之斧之使得遂其性然後時之以壅培滋之以灌溉則大者栢棟小者栢櫨曲者栢直者極可

青門龍臺卷十六

六

計歲月而待用也議者必曰本朝取士常一用論策未幾報罷疑其法不足以得人八股終明代用之何常乏才愚竊謂不然間按三代以下人才莫盛於西漢求文學則賈誼董仲舒至求遺經則伏戴高唐大小夏侯之徒至慕邊功則衛霍傳鄭之徒至文章則司馬遷相如劉向揚雄吏治則吳公文翁趙張黃霸之屬惟上所欲得如取如攜而其端實自文景親策賢良開之無論賈董大儒卽鼂錯公孫弘以下其對策皆彬彬爾雅可見施行宋世惟制科專用論策而富弼余靖尹洙張方平吳育蘇軾蘇轍諸君子皆自制科得之孰謂論策不

可得士哉本朝所以行之而輒罷者由其時論仍帖括之陋策多避忌之拘而士之有所挾者率無由自見非法不善所以用法者未善也至於明事尤可太息明二百八十年科目畸重士無它途以進其間烏容無才且夫一代偉人傑士卓然特立不汨沒於浮華腐爛之學者僅僅千百之一而爲其所敗壞則已衆矣明制三歲一取士與今同而額倍之每歲舉於鄉者幾二千人舉於禮部者三四百人通計二百八十年間所取不下二十三萬人而所謂才者如麟角鳳毛不得百一而況中葉以後苞苴鑽營門戶水火明之天下蓋皆千百

青門龍臺卷十六

七

輩八股之士穿蠹而破碎之也而迂儒之論猶曰八股不可廢則愚竊未解也

不朽名論而痛快出之八股諸君讀此能無柱齕直是三百年來有關係文字 璿識

試策三 經義

六經日月也諸儒之說星辰也燭火也日月歷萬古而常新而光有所不及則星辰與燭火有時而佐日月之窮何以明其然耶漢儒長於數凡儀文度數蟲魚鳥獸草木之情狀皆晰其詳其學得聖人之博宋儒達於理凡天地陰陽道德性命之理皆探其奧其學得聖人之



精合二者而一之。而聖人之全經乃出。則甚矣星辰燭火之爲功也。執事發策以經義下詢試。就明問所及。縷陳之。易更三聖。謂伏羲畫八卦。因而重之。文王作卦辭。周公作爻辭。孔子作十翼。是也不數。周公者。子統於父。故稱三聖也。疑繫辭文言非孔子作。蓋据左氏紀魯穆姜四語與文言合而遽疑之也。此歐陽修臆說也。尚書有今文古文之異者。漢文帝時伏生口授二十九篇。再傳至歐陽大小夏侯爲今文。尚書漢武時魯共王壞孔子宅。得所藏書。字皆科斗文。孔安國考論文義。增多伏生二十五篇。又分析其篇第并序凡五十九篇爲古文。

青門麓橐卷十六

八

尚書今文多信屈。古文反多平易。朱子亦常疑之。元吳文正公澄作尚書敘錄。乃深辨古文之僞。明歸有光亦主其說。而今列於學官。用以取士者。則安國之古文也。洪範與洛書本不相蒙。以洛書爲九疇者。孔安國之說。以初一至六極六十五字爲洛書者。二劉之說。以戴九履一爲洛書者。關朗之說。大抵漢儒說經多雜緯書。遂以爲天寔有以畀禹。顧箕子第言錫禹洪範九疇。何常言其出於洛書耶。毛詩傳於毛萇。自以源流得之。子夏相傳大序。子夏作小序。毛萇作先儒宗之。至朱子解經。乃欲盡廢毛序。而於國風諸序詆斥尤多。愚間考其書。

青門麓橐卷十六

九

其釋鴟鴞也。與金縢合。釋北山蒸民也。與孟子合。釋昊天有成命。與國語合。釋碩人清人黃鳥皇矣。與左傳合。序由庚六章。與儀禮合。是時左氏諸書未盡出。而毛序先與之合。不謂之源流子夏不可。善乎歐陽修詩譜補亡序曰。後之學者。因迹先儒所傳。而較其得失。則有之矣。若使徒抱焚餘殘脫之經。俵俵然於千百年後。而欲特立一家之論。果有能哉。然則執事謂詩序不可廢者。是也。執事又詢及三禮三傳之分合。而謂左傳公穀皆不得謂之經。此則大儒卓識。而小生樸學所舌撝而不能下者也。愚請略誦所聞。以對漢初高堂生傳儀禮十七篇爲周公所制。喪服傳一卷。則子夏作小戴禮四十篇。馬融益以月令明堂位樂記合四十九篇。朱子有言。儀禮經也。禮記傳也。儀禮載其事。禮記發明其義。讀禮記而不讀儀禮。許多禮都無安著處。又常作古禮經傳通解一書。以儀禮置前。禮記附後。如射禮則附以射義。冠禮則附以冠義之類。則儀禮與禮記似可合也。周禮一書。先儒信者半疑者半。其疑之者。林存孝以爲末世瀆亂不經之書。何休以爲六國陰謀之書。歐陽氏疑設官太多。蘇氏疑非周公完書。胡氏直謂無一官完善是也。信之者。王通稱其爲王道之極。張子謂的當之書。

程子謂致太平之大法朱子謂布濩周密乃姬公運用天理爛熟之書是也王通氏愚卽未敢信也張程朱子之言亦不足信耶則周禮自當別爲一經無疑也春秋古經漢藝文志雖有之然孔子所修本文世未常見漢文正經俱自三傳摘出故經文之異同敘事議論之牴牾往往而有夫丘明親受經孔子者也直竝之經已疑其僭公羊高先儒以爲子夏弟子穀梁赤或云子夏弟子或云秦孝公同時而儼然與義文姬孔諸經竝立可乎愚謂學者當以傳翼經不當牽經從傳宜取春秋正文爲經竝附三傳而削其經之名而學者庶得見聖人

青門麓橐卷十六

十

正經故三傳不可不合也抑愚更有臆說於此孟子雜諸子之中大學中庸雜戴記內宋儒始知尊之而大學中庸至今猶汨沒禮記注疏未常別出之爲經似宜一加釐定斥三傳從傳而卽以學庸備十三經之數可乎國家設科取士四子易詩宗朱氏書宗蔡氏禮宗陳氏春秋宗胡氏童而習之不敢旁驚一語而先儒註疏遂束高閣而經學亦日趨於空疎淺陋而不知所返請明詔廣頒十三經註疏下郡縣學宮令通一經者必兼通註疏其天資茂敏之士端經之外更旁通他經疏義而試士者卽以此課殿最或者亦倡明經學之一助也

經義錢法皆就策問條對不入議論故辭無旁溢此古策體也蘇氏制科策亦爾 辨識

試策四 法制

天下有任人之弊有任法之弊人弊則救之以法使吾之法有一定而吏不得廢法以爲姦法弊則救之以人使吾之法有所不測而吏不得借法以爲姦苟法弊而不知所以救則官之權積輕而吏之權積重夫立法而使權歸於吏豈端使然哉然而致此者弊而不知救也如今日六部之有定例是已執事下問謂欲變通而使之無弊蓋深知法之既弊而導愚生以言也生從田間

青門麓橐卷十六

十一

來不識忌諱請試言之 國家開創之初患法制太簡而幾務之來紛紜轆轤上下無所持循而吏易爲姦故不得不授之以一定之法上自部卿科道下至郡縣鉅而銓選兵刑錢穀細而米鹽凌雜簿書期會至纖至悉之事皆設爲定例以爲予奪勸懲之準使吏無從上下其手法非不善也迫行之既久條例日增或一事而數例或一例而數變新舊相仍浩如煙海每引一例尚書不能自檢則委之曹郎曹郎不能自檢則委之吏至委之吏而弊生矣而弊之尤甚者莫大於吏刑二部一銓除也吏所欲右則有右例所欲左則有左例矣一處分



也。吏所欲重有重例，所欲輕有輕例矣。一讞決也。吏欲生之，則有生例；欲死之，則有死例矣。例曰：然尚書曹郎不敢曰不然，例曰不然尚書曹郎不敢曰然，吏得持例以邀上之，必從而上反不能必之於吏，於是官之權積輕，吏之權積重。四方賄賂交於其門，有求者聚於其家，勢所必然，毋足深怪。宋臣有言：朝廷立法本以防吏之姦，而其用法也則取於吏而爲決，則是吏之言勝於法而朝廷之權輕於吏。且夫吏部者天子所任之以進退天下之人才，賢不肖者也；刑部者平反庶獄以佐天子之生人殺人也，是二者運天下之大柄也。夫以王者

青門麓橐卷十六

三

運天下之大柄而使數十輩胥吏得而持之，奈何不亟圖變計哉？愚竊伏讀康熙十二年上諭曰：向來各部衙門俱定有處分條例，已經頒行，但其中款項太多過於繁密，奉行者或以膠執爲守法，或以苛察爲詳明大哉。王言固灼知其弊矣，惜諸臣不能奉承德意，因循至今，顧愚所爲救其弊者，非必更制立法有以震駭天下之耳目也。第舉數十年來則例之毛舉瑣碎而無當者，刪除之；重複而互異者，更定之；選滿漢十餘大臣之公而賢者，布之尚書之列，選外吏之精敏而練於事者，分布之各曹，而皆令久於其任，蓋公而賢則不肖營

私久任，則下不能欺以私而又明詔以聖天子委任之重，一切大黜陟大刑賞尚書得以意決其是非可否，請而行之，以示不可測而使吏不得執一定之例以邀我而任法之弊，固以不勞而自去。昔寇準爲相，用人不以次，他日除官同列，目吏持例簿以進，準曰：宰相所以進賢退不肖，若用例一吏職耳。如準者可謂識大臣之體矣。或疑如是則大臣得以行私，愚竊不謂然。夫此十餘大臣者，固所稱公而賢而天子選之以寄耳目者也。夫以朝廷之尊，百官之衆，選其中得十餘人而猶不可信，則天下安有可信之人哉？且使大臣不可信，豈

青門麓橐卷十六

三

數十輩之胥吏顧可信哉？此其得失之數不待智者知之矣。夫治天下者法度之張弛若循環然，要期於無弊故董仲舒曰：琴瑟不調，甚者必解而更張之；今日之例亦更張之會也。行之數十年，萬一馴至苟簡蕩然無法，則人弊而吾仍以法救之，奚不可也。

試策五 東北水利

水利之興，其在井田之廢乎？成周盛時，田皆井授，萬夫之田爲三十二里有半，而其間爲川者一爲澮者九爲洫者百爲溝者千爲遂者萬，以遂均水以溝蕩水以洫行水以澮，澮水以川，澮水故其時早有所蓄而澮有所

洩及秦廢井田溝洫蕩然後之智者乃有因川澤資灌  
溉以爲利而水利之說興焉史起引漳水溉鄴鄭國引  
涇水注洛李冰開蜀渠白公引涇水起谷口注渭召信  
臣治鉗盧陂劉義興治壽陽芍陂如此類史不勝書然  
不專係東北也 國家都幽燕京師以東曠野千里自  
雄莫滄瀛深冀邢洛之間水多塘澤又有泊淀不毛牧  
馬草場與夫不耕而污萊者大抵地有餘力而不知墾  
水有餘利而不知用一遇涇潦所在停污涉旬不雨又  
苦旱嘆執事認認以水利下詢可謂當務愚生長東南  
未諳地形僅能誦所聞以對從來談東北水利者莫詳

青門麓橐卷十六

四

於宋之何承矩元之虞集按史宋淳化間何承矩知雄  
州請於順安砦西引易河築堤爲屯田旣而河朔頻年  
霖潦復請因積潦處濬爲陂塘大作稻田以足食又因  
臨津令黃懋言詔承矩往河北諸州水所積處墾田興  
堰六百里置斗門引淀水莞蒲蜃蛤之饒民賴其利元  
泰定間虞集上言京師東瀕海數千里北極遼海南濱  
青齊荏葦之場也海潮日至淤爲沃壤誠用浙人之法  
築堤捍水爲田聽富民欲得官者分授以田能以萬夫  
耕者爲萬夫長千夫百夫如之三年而徵其入五年命  
以官十年佩之符印傳子孫則東方民兵數萬可以近

衛京師遠寬東南民力論者韙之何承矩行之而効者  
也虞集言之而未行者也顧二說皆有可採且夫唐虞  
三代建都皆在西北未常仰給東南而今畿輔郡縣故  
戰國燕趙地當其時日尋干戈軍費必廣而一國之耕  
自足一國之食良由溝洫尚存故地利易盡而磁相懷  
孟以至陳許鄧潁之郊則又漢魏以來往往開水利墾  
田陳跡具在夫今之山川卽昔之山川謂昔日之興利  
易而今日之興利難其必不然顧今日東北水利所以  
日就湮墮者其弊有三一曰無水田一曰農力惰一曰  
吏不課殿最江浙水田之法田間有畝田畔有塍畝畝

青門麓橐卷十六

五

也廣尺深尺以通水道卽周禮遂人遺法也隨其地之  
窪者爲陂爲塘深者爲溝爲渠夏潦之時水歸溝塘亢  
旱之日資以灌溉瀕江湖下地則築圩岸以障外水故  
瀦洩得宜小有水旱不能爲留北方彌望皆陸田廣袤  
平行不見阡陌時潦時旱命懸於天至於人力勞逸尤  
相逕庭水田種宜秔稻自起土分秧耨草壅本至於刈  
穫無一日之暇十日不雨晝夜桔槔陸田僅種藺秫稔  
稗之屬布種入土坐待天收塘澤雖多不知所用故較  
其收入陸田什不足當水田三鹵莽而耕之則鹵莽而  
報之也固宜而今郡縣吏類亟亟於簿書期會催科訟



獄之繁而農事固令甲所不及。輒以爲迂遠。聽民自爲而已。此愚所謂三弊也。欲興水利則矯三弊而力反之。近畿郡縣除高仰磽确之區。仍爲陸田。其有塘濬淀泊處所。皆用水田法經理。募吳越耕夫導率之初闢之田。聽民世業。未墾之土招來客戶。一切濬溝塘築堤塍造桔槔備牛種諸費少者。聽民自舉。工力多者官爲量給。國家度不過捐數萬金而益得數百萬頃之膏腴。而又申嚴功令。郡責通判縣責丞卽以開墾收入之多寡爲殿最行之五年。公私饒足。內給八旗之饌。利一外實京庾之儲。利二因而漸寬東南之漕。輒利三此百世計。

青門麓橐卷十六

六

也。或疑東北地斥鹵。恐不宜水田。愚謂不然。周以農事開基。幽岐地介雍涼。極高寒而今讀幽頌所咏。首曰載芟。載柞其耕澤澤。繼之曰千耦其耘。徂隰徂畛。而次章曰茶蓼朽稂。穰茂則皆今日水田之法也。況幽燕沃衍。非雍隴比。而謂有不可興之水利哉。愚更有請者。元時海運其利甚博。歲漕至三百餘萬石。視河漕之費所省不貲。明初猶仍元舊。自會通河成。報罷隆慶間行之數年。復罷夫。輒道譬之咽喉。然人咽喉梗塞。一日則病。三年則斃。夫以國家四百萬石之軍儲而委之三千里一綫之會通。明臣已憂憂乎憂之。今海禁既開。宜擇通

知海事如朱清張瑄其人者委任之。講求故道。漸復海運以佐漕。即使會通萬萬無梗而以減漕費以寬民力爲國家歲省治河數十萬金錢亦未必非芻蕘一得也。敢以爲執事獻。

試策六 錢法

先王之愛民也。飢而謀之食。寒而謀之衣。而猶慮農桑衣食之具不足以周民用也。乃作爲貨幣以權之。故管子曰禹以歷山之金鑄幣以救人之困。湯以莊山之金贖人之無糧。賣子者珠玉爲上幣。黃金爲中幣。刀布爲下幣。而錢之用博已。然不自禹湯。明也。太昊氏高陽氏

青門麓橐卷十六

七

謂之金有熊氏高辛氏謂之貨金。言質貨言用也。陶唐氏謂之泉。商人謂之布。齊人莒人謂之刀。布言用泉刀言形也。故曰貨寶於金利於刀。流於泉布於布。執事所謂殊名而同實也。周官國法有九府之名。自太府至職幣凡九。太公所用以致富者也。而邦布之出入則外府泉府主之。權子權母則單穆公之說也。民患輕則作重。若不堪重則多作輕。蓋泉布之意取其流通。畸輕畸重皆失也。除博禍而致七福。賈誼之說也。漢文帝除盜鑄之禁。使民放鑄。誼諫曰。令細民人操造幣之勢。隱屏而鑄。作銅布於下。其爲禍博矣。上收銅勿令布則博禍可

除而七福可致也。惜銅愛工則孔觀之說也。齊高帝建元間觀上書言鑄錢之弊在輕重屢更重錢患難用而難用爲無累輕錢弊盜鑄而盜鑄爲禍深人所以盜鑄由上惜銅愛工也不惜銅不愛工則錢貨均而百姓樂業矣。明問有云開元之議孰得孰失按開元二十二年元宗欲放私鑄下公卿博議崔沔言稅銅折役則官冶可成計估度庸則私錢無利何待私鑄然後足用劉秩言銅不布下則盜鑄者息盜鑄息則公錢不破人不犯死刑而錢日增此議之得者也。若夫漢武以鹿皮爲幣新莽以龜貝爲幣此錢之蠹也。宋慶曆間蜀人以鐵錢

青門麓臺卷十六

六

重始置交子建炎以後東南始有會子元人盛行寶鈔則皆以楮爲幣此錢之窮也。蓋末世苟且之法亡足論已。凡執事所垂問者愚已條析陳之顧愚以謂議錢法於今日又與昔異昔之患在錢之不行今之患在錢之不贍昔之患患在錢之微賤今之患患在錢之微貴金銀珠玉爲物甚輕藏於把握而可以周天下錢十緡以上一人舉之勿勝也百緡以上非任載不能致也故錢之爲用便於近不便於遠便於小不便於大故曰患在不行之也。今則不然銀七錢三久著爲令小民之輸將通以錢矣官吏之俸薪工食給以錢矣軍旅之征行饋餉

濟以錢矣公私之用甚博而爐局所出有限故患不贍也。錢輕則賤太賤則壅重則貴太貴則亦壅。國家設寶源寶泉局冶鑄日開肉好周郭輕重適中每錢一千直白金一兩視前史所議錢益多而賤物益少而貴以至斗米一萬商估不行之弊萬萬無慮已。乃數月以來京師錢價騰踴大賈居之以爲奇販夫終日皇皇不得一錢而市廛之間日以告病故曰患在微貴也。然此皆病也非病之原也。病之原在錢少錢少之原在於銅匱。國家歲令各省鈔關買銅解京名曰銅觔所以漸收天下之銅歸京師法至善也比年關蠹姦商夤緣爲市

青門麓臺卷十六

九

往往齎銀入京采買以省搬運京師姦民遂有銷錢爲銅及剪鑿磨挫大錢以規利者銅安得不匱請在外責之督撫驗明起解在內責之巡城五坊嚴加譏察使銅必采自外省輸之京師則銅裕十五矣。劉秩有言銅以爲兵不如鐵以爲器不如漆禁之無害宜令民間銅器一切禁絕舊器應毀者悉送詣官稍厚其直收之銅裕十八矣。佛寺銅鐘大者至容百石重千鈞銅像亦有盈石者周世宗謂侍臣曰卿等勿以毀佛爲疑夫佛以善道化人苟至於善斯奉佛矣彼銅像者豈所謂佛耶況搏土斲木亦可致敬此亦裕銅之一端也。執事復詢及



產銅之開采行省之開爐二者亦方今所當論也開采之地必在深山大谷而其人皆椎埋亡命之徒夫聚數千椎埋亡命於深山大谷之中而又有豪民大俠爲之主萬一有虞可爲寒心愚不敢輕議也賈山有言錢者無用器也而可以易富貴富貴者人主之操柄也令民爲之是與人主共操柄不可久也各省鑄錢事體雖與此異而利源四出侵漁必衆模範不一私錢易淆竊以爲非便誠今天下之銅盡歸京師而天下之錢皆出寶源寶泉此百年無弊之道也

試策七 荒政

青門麓藁卷十六

三

災沴之生天地之缺陷也天地有缺陷不能不以補救待之人而人事之補救可有功於天地者惟荒政尤甚聞之計然曰歲在金穰水毀木飢火旱六歲穰六歲旱十二歲大飢故水旱者天行之數聖王不免堯九年水湯七年旱而民不病者其備先具也今天子加意元元遇小有水旱輒下德音議蠲賑惟恐一民或失其所雖堯之吝警湯之自責無以復加執事發策終篇勤勤以荒政下詢甚渥惠也說者謂林荒無奇策愚以爲揀荒之策原不必奇自漢唐宋以至於今其間明君哲相與夫經濟之臣其所爲因時立法委曲悉纖具在簡冊

雖古今不同事可施行竊舉其要而折衷之大約先事而爲之計者一曰積儲而積儲之法有三曰常平曰義倉曰社倉將事而爲之謀者一曰廣糴旣荒而爲之揀者二曰賑曰蠲糴甚貴傷人甚賤傷農故善平糴者必謹觀歲之上中下熟雖遇饑饉水旱糴不貴而人不散此李惺之說也漢耿壽昌祖之請令邊郡皆築倉穀賤時增價而糴貴時減價而糴於是常有常平之法隋開皇時長孫平請令諸州百姓當社共立義倉收穫之日勸課出粟及麥窖貯唐太宗時戴胄亦請行之於是有義倉之法宋乾道間建安饑浙東提舉朱熹請於府得常平米六百石與民賑貸每年斂散取十二之息積十四年以六百石還府得息米三千一百石以爲社倉不復受息嘉定末真德秀帥長沙亦行之於是有社倉之法常平糴於官而貯於官者也義倉斂於民而貯於官者也社倉斂於民而貯於民者也三者皆爲良法而常平義倉藏於州縣恩先及於市井惰遊而深山窮谷之民或不能遍又其出入必假手吏胥鈎校繁密上下相遁不能無弊故社倉尤善矣愚以爲州縣仍常平義倉之法而各里設社倉則三者可兼行也所謂先事而爲之計者此也唐劉晏言善治病者不使至危憊善救災者

青門麓藁卷十六

三

勿使至賑給故其爲轉運使凡遇州縣荒歉有端輒計官所贏先下令曰蠲某物貸某戶民未及困而奏報已行宋蘇軾論浙西災傷狀有云救之於未饑則用物約而所及廣抹之於已饑則用物博而所及微臣日夜思慮來年抹饑別無長策惟有秋冬之閒不惜高價多糴常平米以備來年出糴茲二臣者所謂將事而爲之謀也富鄭公知青州會歲大饑京東西流民冗集公勸所部豐稔者五州出粟得五十萬斛益以官廩擇公私廬舍十餘萬區散處其人以便薪水將歸各以遠近受糧凡活五十餘萬人趙清獻公知越州歲大饑斂公私粟

青門龍象卷十六

三

四萬八千餘石藉民之貧不能自食者人受粟日一升幼小半之男女異日而人受二日之食於城市郊野爲給粟之所五十有七使各以便受粟至於出納勾校委之士大夫而不使吏胥與其閒則兩公皆然此賑之法也漢文帝除民田租稅不收者至十餘年古今侈爲美談其他蠲貸史不勝書夫蠲賦緩征平時固爲惠政而災荒尤亟蘇軾有言逋賦在民緩之則爲姦吏所蠶食急之則爲盜賊所憑藉舉而放之則天下悅服所謂捐虛名而受實利此蠲之說也大抵先事而計之則雖荒不饑將事而謀之則雖饑不病既荒而爲之救則雖病

不至於死亡其最下者聚民于城郭設糜而食之穢氣鬱蒸疾疫易生或相蹈籍以死或待次數日不食得粥僵仆以死名爲賑之寔殺之又或減抑米價使米商聞風裹足富民閉糴愈堅坐視困斃直謂之無策可也愚更有慮者抹荒不患無法患無人得一賢令則一邑之民活得一賢守則一郡之民活推而上之賢者之位益尊所活愈廣苟非其人平日一切苟簡既不能先事而爲備迨既荒而議賑則惠豪強而漏於貧弱議蠲則肥官吏而瘠于閭閻雖良法美意徒具文耳然則在今日尤貴慎擇守令哉

青門龍象卷十六

三

擬江西試策一 時文

時文可傳乎不傳也王介甫始作制義而介甫制義今無一存劉青田集中所傳春秋義前元應舉之作也今日經生家類能爲之況科舉一途凡免園之村夫子初學佔畢之黃口皆可弋獲烏乎傳然則時文可廢乎曰可哉然不遽廢也三百餘年來名卿賢相理學忠孝豪傑之士皆在焉非謂時文能盡得名卿賢相理學忠孝豪傑之士也上之所以求者唯此下之所由以得者亦唯此舍此更無他途則士不得不畢出于其中烏乎廢故可廢理也不遽廢勢也然則時文有法乎揚子曰斷



木爲棋枰革爲鞠亦皆有法焉況乎習五經四子之書  
闡天人性命之旨代聖賢之問答誠如明問所云而何  
可以無法爲也前明洪永數十年太素太樸一變而成  
弘風氣漸開此時文始盛也再變而嘉隆拔文相質郁  
郁彬彬此時文極盛也三變而爲萬曆盛極蘗衰四變  
而爲啓禎倣詭奇麗菁華之氣盡洩而萎落隨之執事  
謂明文體凡四變意在斯乎其間流派相沿大約有二  
一曰舉子之文卽執事所謂學先輩也一曰才子之文  
卽執事所謂學古文也就二者而論各有真焉有僞焉  
何謂舉子之文會章句通訓詁析理必程朱遺辭必六

青門麓橐卷十六

古

經規矩鉤繩不失尺寸自王守溪顧東江唐荆川許石  
城瞿昆湖以及隆萬之鄧定宰馮開之李九我陶石簪  
董思白諸公皆其選也僞則爲土苴爲腐爛爲優孟之  
衣冠而先輩之法亡矣何謂才子之文天授既高才氣  
亦勝出入經史之圃掉鞅歐曾之壇如錢鶴灘歸震川  
茅鹿門胡思泉顧涇陽湯若士諸君其最著也僞則爲  
莽蕩爲泛駕爲牛鬼蛇神而古文之法亡矣總之得其  
真則先輩可也古文亦可也襲其僞則古文不可先輩  
亦不可也且規矩之至自生變化真先輩未有不合轍  
古文也神明之極自合矩矱真古文必無有背馳先輩

也知此則古文先輩可合而一之矣執事又詢及陳羅  
章艾四子皆近才子之文然亦僅就江右言耳若通論  
啓禎文人如張受先天如之古雅吳駿公陳臥子之卓  
犖英多黃蘊生之酌古準今長於議論視四子殆有過  
之無不及也一國家文治之隆事事度越前代而舉業  
一道執事獨鯁鯁過慮焉愚以爲近日經生通患在不  
讀書而相習爲空疎剽竊之學語經濟則禮樂兵刑律  
曆農田水利諸務無一講也語理學則西銘通書太極  
諸書不知何語也言乎議論則廿一史之治亂廢興政  
事人才之盛衰得失茫乎不知所起止也言乎法則則

青門麓橐卷十六

古

左國秦漢以至唐宋八家之文莫辨其孰得而孰失也  
何怪時文之遠遜前人耶然驗之上之所求與下之所  
以得則又實有無藉乎此者所謂兔園之村夫子初學  
佔畢之黃口而獲者亡慮肩項相望矣其間或有一二  
通經識古今之士方且旅進旅退於千百人之中挾其  
藝與兔園之村夫子初學佔畢之黃口較一日之得失  
而往往不可必至於氣盡能索槁項伏死牖下者蓋往  
往而有夫其得者如彼失者如此人亦孰肯舍其至易  
而速效者而顧趨夫繁難寡效之途也哉宋人有己氏  
華氏並粥藥於市己氏藥取其貴者佳者荆之玉勾漏

之丹砂合浦之珠蜀之犀馬同青蛉之空曾青三韓之  
瑤龜翳無間之珣玕琪靡勿致焉致之甚艱而終歲不  
一售華氏藥取其賤者偽者桔梗以爲葭蜺蜺以爲蘇  
合砒砒以爲玉牛溲馬渤之材充棟宋之人父子兄弟  
爭趨之昏戶不得扁其門之限月一易家遂大富國人  
莫不智華氏而笑己氏之迂今之時文華氏之藥也其  
父子兄弟之趨之者踵相接也弗可止也已然則救之  
奈何曰上之人力而矯之崇尚實學使空疎者無所倖  
於其間而士皆知讀書或者其有瘳也不則時文竟可  
廢也

青門麓集卷十六

美

擬江西試策二 重農

天下有古人已行之法其名甚美其愛民甚厚而施之  
於今僅爲飾治之具文而民不享其利甚者反足以擾  
民執事發策有意重農力田而欲爲之張官置吏如前  
世搜粟都尉勸農檢田諸使或又欲以此課守令殿最  
是所爲具文也今使長民者朝進亞旅而戒之曰爾毋  
釋爾耒以嬉夕進婦子而戒之曰爾毋逸於宵作甚者  
建鼓而聚之里胥而董之意非不善而民則擾矣說在  
賢之牧羊也朝而放之長林豐草之中任其所適寢者  
叱者相摩者相觸者由由焉舒舒焉羊日肥而豎無所

事事鄰之豎以其法之未善也請於主人爲羊作牢焉  
高其垣潔其槽扶而出之俄扶而入之擇水草以食之  
豎敝敝然日夜不得休而羊日以瘠是故上欲重農驅  
天下皆出於農而已上欲民力田使民自喜於力田而  
已夫人之不喜乎此以未得爲此之利也苟利之斯樂  
之夫民性固安於所樂而悅於所利雖驅之徙業有所  
不願而又何待於勸愚觀三代之遺文至於豳詩而歎  
先王之導民使獲其利教民使知其樂如是其易也三  
代之時田皆井授天下原無不農之民而聖人爲詩首  
述其播種之勤勞與其家之婦女老幼無不盡力於農

青門麓集卷十六

毛

也曰三之日於耜四之日舉趾同我婦子饁彼南畝及  
乎稻可穫矣則又爲之述其老幼嘻嘻相親相愛以動  
其孝弟之情曰八月剝棗十月穫稻爲此春酒以介眉  
壽而其卒章曰躋彼公堂稱彼兕觥萬壽無疆蓋當霜  
降滌場歲功既畢之時民之勞者得與其婦子飲食宴  
衍於此而忠君愛上之誠不覺油然而自動則王道之成  
也夫天子之所求於天下者在家欲得其孝在國欲得  
其忠兄弟欲其相愛夫婦欲其相和而先王惟寓其意  
於重農力田之中而皆得其欲且夫民性固安於所樂  
而欲於所利古與今豈大懸殊哉是故驅天下皆出於



農其道有二曰抑兼并也歸情遊也使民自悅於力田其道亦有二曰寬徭賦也教節儉也三代以下貧者苦於無田而不得不耕富民之田漢唐至今皆以爲不便而莫之變蓋垂二千年矣謂宜通貴賤爲之制防使貴者不許過貧者得以自養則限民名田之法可行也遊閑失職之民徒手而博衣食者常十二僧道之不耕而蠶食於民者常十三天下失耕民之半矣是宜驅而返之南畝則禁遊民汰僧道之法可行也聖天子數下寬大之詔蠲賦斂省徭役恩至渥也然每患奉行無狀赦者在官而徵者仍在民寬者在上而亟者仍在下是

青門麓橐卷十六

夫

宜慎選守令綜核民寔俾民務沾實惠則徭賦寬矣江南水耕火耨民皆皆窳鮮蓋藏自古記之豐歲衣食僅足脫遇水旱不免流離轉徙則風俗之侈靡害之也夫節儉之化其源在上天子躬履儉約爲天下先而因爲之飲食衣服冠婚喪祭之制使民毋得踰越易曰節以制度不傷財不害民行之十年海內家給人足矣夫兼井抑則欲耕之人不患無田隋遊歸則可耕之田不患無人徭賦寬則民得優遊力作於畝畝其收入自倍而且節儉成俗蓋藏日裕凡仰事俯育賓朋蜡臘之需皆可以充然而無憾所謂導民使獲其利教民使知其

樂端在於此雖驅之從業誠有所不願而又何必三代以下之紛紛乎哉

擬江西試策三 刑法

五刑始見於虞書解者曰墨劓剕宮大辟是也五刑之中肉刑居三然其時有鞭朴之刑又有流就金贖肆赦之條則麗於刑者必少蓋明允者用刑之法欽恤者聖人之心所謂刑期無刑也夏作禹刑湯作官刑周制三典三刺五聽五禁之法其詳而五刑大約皆遵虞舊至周穆王時禁網稍密乃開疑赦議罰緩其哀矜惻怛之意孔子猶有取焉漢文除肉刑善已而以髡笞代之笞

青門麓橐卷十六

无

者往往至死其後乃獨用髡進髡鉗一等卽入於死於是輕重失宜死者愈繁隋唐以來始定五刑曰笞杖流徙死減折杖之數除鞭裂之酷至今千餘年遵之而不變說者謂此卽有虞之鞭朴流宅聖人復起不可偏廢也律例之書三代無聞漢高初入關約法三章後乃令蕭何摭摭秦法取其宜於時者作律九章此律之始也晉因之增爲二十篇隋因之更定爲十九篇皆謂之律唐之刑書有四曰律令格式宋曰勅令格式愚意唐宋格式卽所謂例也明制有律有例例卽附於律之中國朝因之增定爲大清律集解附例而律之外又有六

部新例凡居官斷獄降革處分律所未該者皆一準於  
例始唐宋格式之遺意乎 皇上如天好生每大辟奏  
讞再三覆訊稍有矜疑卽予減等禹湯之泣罪解網何  
以復加近又以律例不一 命諸臣重加刪定甚大渥  
惠也愚生敢就臆見所及試陳之漢桓譚疏言法令決  
事輕重不齊或一事殊法同事異論吏得因緣爲市所  
欲活者附生議所欲陷者與死比是爲刑開二門也今  
之則例或者近是乎條目既繁新舊錯雜吏因而上下  
其手意重意輕吏白司曰例如是則司官不能奪矣司  
白堂曰例如是則堂官不能奪矣卽有明敏強幹之才

青門麓橐卷十六

三

無從覆案蓋雖欲覆案之而有所不能也今幸奉 詔  
更定宜選通義理明習法律之臣刪繁就簡擇其重大  
者若干條參酌畫一比附律文之內刊布中外其餘苛  
細無關大體者悉蠲之使天下後世曠然服 聖朝之  
寬大吏民知方不至輕犯而胥吏亦無從作姦蓋一舉  
而三善備焉抑愚更有請者按律失入減三等失出減  
五等自吏典至長貳又得遞減雖大辟失出所坐寔輕  
今例失出重者至降級中材之士愛民命不勝其愛功  
名或知其矜疑不敢平反者有之徐有功曰失出人臣  
之小過好生聖人之大德請定爲例失入者分別降革

而失出罪止罰俸可乎漢史有言古之知法者能省刑  
本也今之知法者不失有罪末矣又曰網漏於吞舟之  
魚而吏治蒸蒸百姓又安比來告訐之門漸開其始一  
二大吏或以搏擊豪強摧折破碎爲丰采而監司守令  
踵而效之矯枉過正姦民思逞訟獄滋多馴至下轢上  
賤加責吏民訟其官奴訐其主非盛世所宜有也竊謂  
臣下宜宣布德意體 皇上如天好生之德令海內載  
其清淨可乎凡此愚第就刑言刑耳先儒有言禮治未  
然之先刑禁已然之後又曰天道之大者在陰陽陽爲  
德陰爲刑陽常居大夏而以生育養長爲事陰常居大

青門麓橐卷十六

三

冬而積於空虛不用之地王者承天意以從事故任德  
教而不任刑然則國家所以久安長治而比隆三代者  
又有立於刑律之先者在非愚生所能仰贊高深也已  
瘡讀廬陵通進司上書準詔言事及本論原弊諸篇  
喜其醇古深博善指切時弊鑿鑿乎如救粟療飢藥  
石伐病雖縱橫浩瀚之氣不如眉山而寔用過之今  
讀先生諸策極似廬陵洛誦之餘惟有欽歎 瘡識

受業姪

瘡

全編次

男士豫全校字

青門麓橐卷之十六 終



邵氏家錄卷上

重建邵康節先生祠堂碑

毘陵曷爲有先生祠蓋先生之後有分支於是者按邵氏譜系先生之孫徽猷閣待制溥從宋南渡始家杭五傳至平江教授宏教授生重七公失其諱爲江陰丘忠定公密贅壻始占籍毘陵歷四百餘年始克建祠祀先生爲始祖創之者廿一世孫鄉飲君文燦也拓而新之者鄉飲之子州同君長蘅也歲以春秋遣有司承祭則小大司空前督學江南李公振裕始也置奉祠生一人襄祀事則今大鴻臚卿前督學江南高公喬始也余惟

邵氏家錄卷上

一

先王大宗之法亡二千餘年卒不可復而世家巨族往往建始祖祠歲時聚其族人獻饗合食則長幼以序遠近咸疎以聯尊祖敬宗收族之道以寓蓋宗法雖廢而意蘊有存焉而邵氏以先生之賢者當之尤得禮意祠更建於康熙廿八年八月顧麗牲未有碑犖奉

命撫吳之再葺爲三十有三年八月長蘅來再拜請犖竊仰止先生之道德乃條次邵氏派別所自與祠所由建而綴以辭俾刻之石辭曰

先生之道苞絡天地列方圓圖洩義文秘陰陽剛柔元會運世太少變化垠崖孰際先生之德旣安且成富司

馬公事之以兄貽鯢矜式僅暨驩迎江河行地先生之神譬源星宿而醴九川伊洛吳越派衍支分毘陵之南具區之潯有溪涵涵有原膺膺先生有祠枚枚訐訐疇經厥始聞孫曰燦厥子繼之迺虔匪謾僣僣礎礎迺陶迺殿恢度舊制几筵孔奐春秋釋奠有司克龔鼎俎簋豆有踐茲堂<sup>叶</sup>膺膺骨鯁益緹是從僮僮粥粥奠獻登降駿奔者裔子衿雍容有原膺膺有溪涵涵有祠枚枚毘陵之南爰鑄牲繫爰詔百世

詒授通議大夫總理糧儲提督軍務巡撫江寧等處地方都察院右副都御史商丘後學朱犖撰

邵氏家錄卷上

二

重建邵康節先生祠堂記

常州武進縣之漳滄里邵氏世族居於此蓋康節先生  
分支也裔孫同知君長衡以其父鄉飲賓海鷗公遺命  
割宅東北隅數楹爲祠堂祀先生其中是爲邵氏始祖  
祠歲己巳復改建於宅西偏宗人提學僉事嘉興延齡  
宮詹侍講學士杭州遠平各出白金助之經始於八月  
至十一月落成後三年而謁余請記其事自宗法不立  
而收族之道衰夫親親故尊祖尊祖故敬宗敬宗故收  
族此所謂係之以姓而弗別綴之以食而弗殊也然自  
總祖免至於六世服窮於上而戚單於下矣於是有同

邵氏家錄卷上

三

居間開邈不相顧者而況四海九州之異處有不秦越  
視者乎故欲收族則必敬宗敬宗則必自尊祖始或疑  
士祭僅及祖禰不當立始祖祠然是禮也伊川已行之  
報本反始人孰無情可以義起者也又按古者惟天子  
之子與公子始爲大夫者而後得爲大宗百世宗之自  
秦漢以來天下無世卿大宗之法不可行於今故今世  
士大夫家無百世不遷之宗而有志合族者乃推其遠  
祖之賢而有功德者率族人世祀之以存大宗之意雖  
變古而得宜識者以爲合禮然則邵氏所宜俎豆者孰  
如康節乎鄉賓公能以治命矧前此久墜之典而長衡

能力成之抑可謂賢矣至於漳滄族姓與夫僉事宮詹  
之居易地譜異籍者莫不聞風感慕而樂事勸功之恐  
後惟其動於一本之誠有油然而不能自己者蓋祠之建  
所以訓惇廣孝收族者備矣而世之人往往謂親盡則  
情盡其可信哉某特因長衡之請而推本言之者如此  
若夫康節之學載之史氏傳之諸儒某固不敢贅述而  
以爲邵氏之先祠則於例亦不必述云

賜進士及第資政大夫刑部尚書崑山後學徐乾學撰

邵氏家錄卷上

四



毘陵新建邵康節先生祠堂碑記

古者鄉先生歿而祭於社有道德者祀於瞽宗釋經者曰若禮有高堂生樂有制氏詩有毛公書有伏生億可以爲之後之講學者築精舍建書院以祀其師或於其鄉或於其寓或於仕宦之邦其或因先世所居而祀焉者博望之於二程子掖縣之於呂成公是也或因所生之地而祀焉者涑水之於司馬公黃岡之於二程子是也又或因其曾經遊歷而祀焉者萬安之於周元公趙清獻是也蓋道德在一國則一國祀之道德在天下則天下通得祀至於卿大夫士建私廟以祀其祖則又祀

邵氏家錄卷上

五

典所不限也武進邵君長蘅請於官立康節先生祠於漳滏里定爲儀節於是有司春秋奉牲幣致祭琢貞石請余文勒之余惟聖人之道莫著於六經而易爲之原易有聖人之道四而變象占居其三王輔嗣去三而存一學者往往得其偏易於是乎晦矣自先生出探賾索隱布爲圖演爲皇極經世大而古今世變微而飛潛動植曲暢其義而易之用始備論者或反以筮占象數近於算術識緯之學以是爲先生咎是未探易之原者也夫易之言數不一矣傳曰大衍之數五十天地之數五十有五參天兩地而倚數錯綜其數極數知來之謂占

極其數遂定天下之象然則成變化行鬼神者非極數之謂乎子張問十世孔子告以百世可知故曰神以知來先生內得於心陰陽消息之機貫融內外故能畢天下之事無有遠近幽深遂知來物善乎魏華父之言曰衆人以易觀易而滯於易先生以易觀心而得乎心推先生爲洙泗後絕學非過論已宋之羣儒合祀於祠者其初先生或與或不與而司馬遊揚張呂得並祀焉迨百世之後論定於是合周陳張朱五子特表爲先賢而聖天子褒崇之典惟六子祠宇親書

邵氏家錄卷上

六

益蕃衍宜先生之祠迄於今而祀典益崇也祠之設有堂有廡有庖有湑有牲有帛有穀有核有爵有竿有史有祝長蘅祀事孔虔鄉黨於是乎觀禮焉先生平居與物無忤行窩三十五隨所寓而安之矧江南先生嘗遊歷於是矣極數知來之學寧必不知今日之舉則先生之靈有不妥於是者乎祠建於康熙二十八年八月至十有一月日訖工長蘅字子湘先生二十二世孫以善古文辭鳴於時余嘉先生之有後又獲拜先生祠下遂爲之文復系之以詩曰易始蒼牙成於素王其道有四而用無方學者紛綸非滯則蒙叶或得其偏舍彼周行

維伊川丈人先生之父天叟也著書克授先生繼之兼綜象數

叶圖以圓方天分先後數往知來未有絀漏行則有窩

壤則有歌氣有寒燠先生太和木有華實先生含藹叶

如玉之韞如鑑之磨六子之稱百世乃定先生庶幾可

以睇聖秩祀攸宜不限於竟凡民則然況夫子姓毘陵

之里先生所邀衛也孝思版築是操既新祠宇栗主罔

祧惟涿惟洛將以則倣叶

日講官起居注翰林院檢討秀水後學朱彝尊撰

邵康節先生祠堂記

儒者之爲學也必折衷於六經六經以易爲本嗚呼晝始伏羲而孔子贊之難言哉自孔子沒易失其傳迨宋而邵康節先生起焉由今思之秦漢以來知易者其惟先生一人乎司馬遷稱商瞿受易於孔子六傳而至漢之田何其時則又有焦延壽之易費直之易爲三家京房出於延壽者也故其說推卦氣而長於陰陽災變鄭玄王弼皆出費氏弼主理而略象數孔穎達獨取之以作正義嗟乎易之失傳非言之者少也患在不究其原而諸儒各以其私學爭勝夫理非象數不著象數非理

不立易有太極是生兩儀四象參互錯綜以成八卦重而爲六十四卦而總之不外吾心寂然不動感而遂通吾心之太極也卦者掛此也象者像此也數者數此也聖人假名以示人豈得已耶知其所以然則知其無不然康節先生作皇極經世書總元會運世之數列世數與歲甲子紀帝堯至於五代以見天時人事離合治亂興廢得失邪正之迹窮律呂聲音本剛柔太少之相交而有翕闢清濁上而日月星辰下而水火土石飛走動植之類靡不變化於其間以盡天地萬物之理述皇之無爲帝之德王之功伯之力辨四民之俗士農工商因



其氣稟不齊仁義禮智之各有等差以昭大中至正之道則內聖外王之學於斯備矣史載北海李之才嘗授卦圖於先生然其妙悟神契探蹟索隱汪洋浩博多所自得者故易之傳由義而孔而先生皆以聞知心得曠古相承學者知此而後可以觀易嗚呼難言哉宋咸淳中詔先生從祀孔子廟廷京師郡縣學宮之廡皆祀之垂五百年至今不絕也其廿二世孫曰長蘅好學能文章與藥善因得閱其家乘邵氏故有專祠祀先生爲始祖云祠建於長蘅之父文燦世居毘陵之漳湟能施予里中稱長者郡守再延致爲鄉飲賓其祀先生則文燦意也祠創於順治辛丑新於康熙庚戌語具長蘅自爲記中若夫先生之學天下萬世師之豈獨其子孫之俎豆毘陵後學龔百藥記

跋康節先生祠堂記後

君子莫大乎敬始毘陵漳湟邵氏裔出康節先生其宗望海鷗聘君割田宅建先生祠海鷗卒子長蘅能終其事此敬始之道收族厚德之本也海鷗父子於是乎知務矣蓋南豐祀曾子由于固新安祀二程由篁墩是以鄉鄴州黨貴有賢者之後也毘陵有邵氏其子孫又賢豈非其地之幸乎讀琅霞子所撰碑記

推論先生易學而歸本於吾心之太極竊謂太極之理何在蔑有邵氏子孫其敬始也若是謂不知太極者可乎世有學先生之學者能引而近之登其堂藹然見孝子慈孫之心焉所謂吾心太極莫顯於是必待易象而後見先生之學也抑遠矣玉峰後學丘鍾仁題

邵氏家錄卷下

冠帶鄉飲賓海鷗邵公墓誌銘

有宋大儒康節先生之苗裔曰文學邵君長衡世居毘陵之漳湟能守其家學又以詩古文辭名世學者所稱青門先生也與寬從叔父天山君友善寬因得其青門集讀之既慕其文辭慨然願交其人一旦君過吾家坐未定離席再拜曰衡先考之葬速不及銘其幽今以彤家言將改卜向也願以爲請私念寬既不文名位又不足以稱禮辭不獲乃按狀而書之公諱文燦字明甫別號海鷗姓邵氏系出名公後始祖康節公諱雍字堯夫

邵氏家錄卷下

河南人宋嘉祐熙寧間再徵不赴卒贈著作郎從祀孔子廟廷雍生伯溫歷官利路轉運副使贈祕閣修撰伯溫生溥紹興中歷官戶部侍郎徽猷閣待制因家於杭五世孫宏官平江教授宏生重七公爲江陰丘忠定公密贊壻始著籍毘陵自重七公十一傳至詵號守泉公卽公父也公生四歲而母卞卒哭泣如成人既就外傳縣母小像於帳中陳飲食已輒哭後母伺而扶之曰是兒乃不以我爲母守泉公聞之潛然憐其有至性也乃公事後母如母卒以孝聞守泉公既家世業農雖知其子穎敏然不聽竟學公不忍重違之與後母弟文煒謀

邵氏家錄卷下

治生兄弟肩隨蚤作晏息其家先不踰中人自是日益起稍稍比中上矣公素儉樸嗇食纖衣然公事必先辦能赴縣官之急尤喜施予於鄉黨宗族貧人調護之特厚明季時江南白糧爲重役先期長吏籍諸富人名富人名在籍者爭衣繼縷匍匐祈哀而私用金錢賄脫移籍於窶人窶人不勝任往往鬻田宅妻子終以身殉邑令平湖馬侯稔其弊至期悉呼富人來前公獨偉衣冠立墀下侯心奇之好語問曰若知里中富人誰何具以實對公從容詘指曰首王鐸某卽其次也侯離席謝曰長者長者自是折節爲布衣交一邑興革必咨公後行歲大旱公請令饑民捕蝗以石斗給錢而自持私錢若干緡助給侯上其事於臺爲建棹楔予冠帶旌之里中知公爲令重客爭相依附拒不內也里有不平事詣公片言立罷或貸公金負之後有急復貸如初不以前事爲阻一時人望相屬故年僅五十以布衣裒然飲於鄉士大夫皆以爲宜鼎革後家稍中落而好施益甚辛卯壬辰間連歲大潦饑民麇集作粥糜濟之宗黨尤貧者則計口廩給佃人不能具歲入姑與責券約明年償明年又荒歲終折券棄負族人河南翁族母王媪貧老無依贍之終身族中有欲棄子及生子不能乳哺者歲給



米三斛至十歲罷貧不能葬者爲治棺斂及營葬地凡二十餘喪邑令尚侯連歲舉公善士臺使者詰之曰善故無踰邵某者其爲前後長吏所推重如此公素強健無病一旦病胃甚乃呼長蘅燭曰吾死割屋一區祀康節公割某田若干畝爲祭田吾姑視吾力之所能後世子孫或有大其事者嗚呼今號稱世家鉅族者往往第宅干雲膏腴連阡陌而先祠不蔽風雨倡優聲伎玩好之奉斥數千金無愜色而較錙銖於族黨蓋比比也聞公之風不重有愧哉狀又稱公兒時母卞病困思鮮魚鱠不能得語極酸楚長遂終身不食魚是亦可書者

邵氏家錄卷下

三

公生於明萬曆甲午三月廿一日卒順治辛丑十月十八日得年六十有八配楊孺人處士公諱柔女前癸未狀元諱廷鑑從姑生萬曆丁酉三月十八日卒順治丙申四月十五日先公五年卒得年六十子男子一人長蘅武進諸生以太學高等候選州同知娶錢氏楊出女子三人長適周次適戚楊出一適毛妾出孫男子三人長士騷慧而蚤殤次士豫郡庠生次士京幼新阡定安東鄉之中村孺人先葬於己亥十二月某日至辛丑十月某日奉鄉賓公合焉蓋距公之葬又二十餘年然後得納銘於其壙銘曰

蘊若璞德彌光布衣巖巖紉公卿漢之東陵今漳涅縣延延厥後昌

賜進士出身文林郎大理寺右評事丹陽賀寬撰

邵氏家錄卷下

四

鄉飲賓邵公墓表

公姓邵氏諱文燦字明甫別自號海鷗武進之漳滄人性孝友輕財好施歲凶乏食者食之粥糜疾病無治療者給之藥稱貸無以償及佃人不足於歲入者捐其負死無棺槨者殮之欲葬無所者坎埋之族之貧不能舉子者歲給乳哺米三斛至十歲止老而鰥寡無歸者迎致於室與偕食飲終其身中外待公舉火者十餘家待公經紀其婚嫁者又十餘家稱貸不取子錢者皆是也公家故饒坐是漸中落而公施予如故未嘗以爲悔也縣中有大徭役輒悉其家財爲衆倡後先長吏皆重公

邵氏家錄卷下

五

稱公長者凡再飲於鄉再被旌門之典於是巡按御史行部縣令連歲舉公善行請旌之後御史詰曰縣豈無他士可應著令者乎令謹對曰主臣實未見有踰邵某者其爲長吏推服如此臨歿屬其子長蘅曰吾嘗欲置義田以贍吾族今不逮矣汝其割宅一區爲康節先生祠割田若干畝爲祀田吾死不憾其後長蘅竟如公命蓋公卽康節廿一世孫也當公之葬也長蘅自狀公行以示前大理評事賀君寬爲之銘長蘅自少力學用詩古文辭知名大理君又東南儒者長於三禮之說其文能不朽公也審矣而長蘅顧命余表其墓余自惟才力

驚下雖欲傾創其長以爲公役豈復有加於大理君及長蘅所述者哉顧嘗仰公之遺風流韻謂可以廉頑立懦也又嘗歎世之富人擁貲自封者之多也又嘗憫公之不得志而死使其得志有祿位則所施必博所霑溉必大寧僅見傳頌於鄉邑已也是數者實於私心有深慨焉雖微長蘅鄭重誣諉猶當出其不敏之辭冀得附大理君後以推明公之果爲長者而使末俗有勸於此又況申之以吾長蘅之命乎余故不敢禮辭遂畧其行誼大書於墓曰是爲鄉飲賓海鷗邵公之墓至於世系子姓生卒歲月具詳誌銘庶幾可互見云其墓蓋在定

邵氏家錄卷下

六

安東鄉之中村

賜進士出身翰林院編修奉

勅纂修明史奉政大夫前戶部山西清吏司主事加二

級刑部山東清吏司郎中戶刑兩部員外郎戶部福

建清吏司主事長洲汪琬撰



邵氏石表陰記

余既表海陽公之墓其後與公子長蘅相遇京師復以母孺人行事爲請蓋余之表公墓也孺人已先公歿於例當得附書會余文體已就且其他具詳賀大理所撰誌銘可以互見故不復書而長蘅則歉焉意若有不足也相繼請不已於是始按行狀續爲之書曰孺人姓楊氏大父諱某父諱某年十五歸海陽公公性豪邁不屑問家人有無而孺人能濟之以勤歲時治脯醢拒救之儲以燕集賓客及餽遺其宗親者無算厚薄多寡悉有程則稍暇輒手自力女工爲諸婦女先未嘗少懈也公

邵氏家錄卷下

七

好施予往往傾其資不顧而孺人能濟之以儉平居減衣節食卽銖寸戒勿妄費然積其所有率盡用以贊公爲善以故篋無私財公屢失丈夫子年四十餘始得長蘅愛之異他兒每抱著膝上雖嬉戲不加訶譴而孺人又濟之以嚴長蘅甫十歲卽籍學宮爲諸生孺人不色喜每自塾歸必詢所業見其進則言笑異他日不則怒不食呼之長跼且泣且數之或相譬止卽曰此吾所以愛兒也已而長蘅數試於鄉不利公及長蘅皆於邑不快孺人頷慰解曰兒但當力學耳遇不遇命也吾又誰憾蓋其明曉大義能與公相濟多若此晚而好佛構小

閣具像設其中晨夕膜拜不輟時時對婢妾談說佛法及一切果報事娓娓可聽卒年六十越三年葬於中村又二年公亦卒遂穿其墳與孺人合焉實順治十八年十月廿六日也長蘅字子湘有儁才在京師凡吳楚諸士大夫無不折節下之者與余交尤善其聲望方駿騁大起雖未及官於朝信卓然不愧孺人家教者也因書以遺之俾礱石之陰而并刻之堯峰汪琬記

附常州府志武進縣志同

崇禎十二年歲大旱蝗蝻被野邑人邵文燦建議請於縣令馬公令民捕蝗詣縣者計石給錢文燦願輸其家

邵氏家錄卷下

八

私錢助給是歲掩捕略盡蝗不爲災馬公義之爲白於臺臺給冠帶旌其門文燦性至孝母病思鮮魚不卽得後遂終身不食魚輕財樂施予粥糜醫藥棺槨之施殆無虛日遭歲饑鄉里賴以存活者甚衆然家實無餘貲也前後三舉善行一再舉鄉飲賓長吏皆以爲宜年四十餘始舉一子其後諸孫繁衍論者謂爲善之報云

三

四

旅橐詩序



詩無風尚而善持風尚者則雖時習遷流遞相轉變而仍不失乎詩人正則之旨猶之善琵琶者六么散序各有變調然從聲既定其爲轉關者自在也毗陵邵子湘以詩古文名於時余閒讀所選明四家詩每就其辨論窺其指歸則雖力持其流沫而要之從聲變律所稱宮羽相須者不少失焉今年春子湘來京師王公大人爭欲得一見以爲重子湘乃避居隘巷獨與愚山阮亭諸公晨夕倡和余聞而慕之近出所爲旅橐詩一卷授余卒讀抑何清新發越極揚厲之變而仍不失乎正也夫

青門旅橐詩序

宛陵滄浪別具風采而要其所趣則青蓮少陵各不能外子湘以和平之情發七羽之調高涼峻激鳶鳴鶴唳而神雄氣渾一如龍拏而虎躩者自非青蓮少陵不足以狀其所至也子湘之來適當盛朝舉賢徵車全集士稍負材藝者皆思自致青雲才如子湘顧反不與宜乎發爲詩歌不無芥蒂而子湘處之怡然方日與諸公流連道故益所爲自命者固有在也子湘豈可以南山北闕爭得失哉康熙己未重九前一日合肥李天馥譔

旅橐文序

世之言文者曰文必有法夫法何昉乎豈嘗有懸爲成式命之曰如是以爲法乎抑自觀者見之合於道中於人心有自然不可易者焉故以云也譬之樂然喉中轉氣管中轉聲七均備而一調成而疾徐舒斂高下清濁不失其則也苟無得於聲氣之元徒求之器與數猥稱今樂猶古陋已毗陵邵君子湘瓊偉奇逸士也績學工文爲宋牧仲中丞公所知中丞淵雅善鑑拔以斯道爲任與子湘爲青雲之交乙亥秋以所刻旅稿寄予曰子其序之子湘著述甚富此其客遊卽次之作積有六卷

青門旅橐文序

可謂勤矣予竊慨夫爲文者日言法而莫知法之本也雕繪景光以飾浮采造綴巧僞以揚虛聲不原諸聖賢之旨無關於前古當今之故誦習一三家言句倣字摹謾譌然詫於人曰法如是斯文之病也豈所謂載道者哉子湘之文華而實簡鍊詳贍各盡其致者法也而根極理道輔翼風教喻諸獨而信諸人則有超於法之表者韓愈云其皆醇也然後肆焉孫樵云人宜一二百言者能數十言輒盡情狀至言窮事際反若有千百言在筆下庶足當之矣迨讀所爲李忠肅公傳致歎於烈皇帝之英明而不用公策卒至宗社淪胥主臣同盡有



不禁愴然而悲者此尤流俗之文所未有也竝質之中  
丞其以予言爲有當乎不畢山七十四老人王弘撰序

青門旅橐

文序

予自己未春入都涉秋東之海上登蓬萊閣求三神山  
不可見已乃轉客淄青客歷下又往來都門者數年乙  
丑南歸客武林頗久前年踰大庾嶺滄溪客羊城欲  
訪羅浮不果還抵章江會族兄靜山先生視學江右遂  
畱年餘然後歸蓋己巳六月也逆數己未忽忽十有一  
年此十餘年中無歲不旅閒一再歸草堂不久輒去之  
則草堂亦旅也又二年始得排次己未迄辛未所存詩  
文凡六卷題曰青門旅橐缺之黎嗟乎士負七尺軀進  
不能有所豎立退不能巖棲谷飲垂老矣溷姓名於不  
仕不隱閒爲鄉里所笑行自慙也不幸如昌黎所云衣  
食於奔走學殖日落而猶欲以是詹詹者與立言之士  
爭身後名於萬一又重自悲也雖然某於此亦有可以  
自信不爲流俗毀譽非笑之所移者而況海內交遊離  
合之跡忠孝節烈之行事與夫山川遊覽之勝往往見  
於予文它日歸草堂晴簷偃曝偶一展卷或亦驟然而  
自笑也夫邵長蘅題

青門旅橐

序

青門旅橐總目

新城王阮亭

兩先生閱定

商丘宋漫堂

旅橐卷一

古近體詩一百九首

旅橐卷二

古近體詩一百三十四首

旅橐卷三

序十六首

旅橐卷四

旅橐總目

記八首 書後雜著十首

旅橐卷五

傳九首

旅橐卷六

碑二首 誌銘墓表五首

旅橐總目 終

青門旅橐卷一

昆陵邵長蘅子湘

卷一名

濟南王士禛貽上 評

憶己未客都門寓保安寺街與阮亭先生衡宇相對  
愚山先生相距數十武冰修僅隔一牆偶一相思率  
爾造訪都不作賓主禮其年寓稍遠隔日輒相見常  
月夜偕諸君扣阮亭門坐梧樹下茗椀清談達曙愚  
山贈行詩有云踰月夜敲門貽詩朝滿扇蓋紀實也  
余每出一篇必經阮亭先生點定諸君亦互有商畧  
或丹黃雜揉至不可辨故此卷登州以前得評語尤

青門旅橐卷一

夥迨癸亥再入都門愚山其年濫遊道山水修歸鹽  
官貞疾不出獨阮亭先生在耳然亦不能如曩時過  
從之數明年先生以使事出余亦南歸今忽忽五六  
年矣入秋小暇檢簾中舊橐追維疇昔聚首觴咏言  
笑之懽逸若河山而諸先生評語觸手如新因竝存  
之以識一時交誼書此時老泪爲之一灑卷中不著  
姓氏者阮亭先生評也已巳中秋日邵長蘅識

古近體詩一

出門

田園二十載耕釣亦不閑驅犢東岡下投竿北湖邊頗



得遂疎懶自謂將永年今年苦歲惡妻子憂藜藿研田  
轉疎蕪里閭亦蕭索忍茲性命憂束身就遠役心跡遂  
乖違對人顏面亦此行實儀驅豈敢托高跡歲晏離別  
苦道遠衣襦單層冰鬱噉噉積雪蔽岡巒出門自苦辛  
慷慨歌路難陶公餓來驅我去叩門拙言詞杜公殘盃  
及冷炙到處潛悲辛子湘此行實儀驅豈  
敢托高跡直  
是妙在不諱

丹陽別惲正叔壽平

北風索索雪皚皚野店離盃飲不酣惆悵明朝過江去  
數峯橫翠是江南

二

青門旅藁卷一

二

一隊鈴聲趁曉曉帽簷低壓白侵鬢煩君小做唐人筆  
畫出丹陽風雪圖

榆樹行

句容城邊古道傍榆樹千株萬株白枯幹僅存皮剝盡  
饑民慊慊春作屑雜以糠粃半和土食之喉澀腸腹結  
此事傳聞五十年即今眼見增歎息去年大水波滔空  
桑麻委折洪濤風今年大旱魃爲虐龜坼千里生蒿蓬  
告災頗遭縣官怒鞭撻不顧蒼黎窮煌煌詔書屢寬恤  
上下一轍仍相蒙十年四海風塵起跋扈飛揚猶未已  
巴蜀荆南急鼓聲東吳西浙成瘡痍行時民貧鬻兒女

今年兒女鬻無處老翁路旁臥不起乞得一錢淚如雨  
高天漠漠寒雲橫愴惻吞聲策馬去可當詩史惟老杜  
集中有之愚山  
感激時事之言出以沉鬱  
頓挫遂在張王樂府上

渡江值雪

挂席衝江雪孤舟圖畫中水兼天島島山合樹濛濛  
瘳憐遊子行藏美釣翁洵河飛不去曉立渚烟空

五六正以情致酷盡落  
句澹蕭結之木修

雪後滁州道中

環滁山色好況是雪中看天合千峰白風鳴萬樹寒炊  
烟壓茅屋霽景明林端欲問歐陽蹟荒碑蘚蝕殘

青門旅藁卷一

三

通首明瑟極似  
劉春虛其年

立春

符離城邊淝水北客路逢春自可憐彩燕深閨虛想像  
菜盤野店亦新鮮桑乾冰雪三千里邛笮烽烟又一年  
無恙吾廬風物好瓶梅几紙窗前

深得少陵神理此弘正  
間風格嘉隆以後便少

徐州漢高廟歌

沙丘車上腥鮑魚咸陽宮中迷鹿馬山東羣盜如蝟毛  
篝火狐鳴叢祠下是時真人起芒碭百戰雌雄判劉項  
此地曾經舊戰場千年遺廟黃河旁黃河南望戲馬臺

嗚呼項羽真雄才。拉摧秦兵若枯荄。指揮王侯提嬰孩。彭城形勢亦壯哉。沐猴衣繡空見猜。土人伏臘走巫覡。不祀重瞳祀隆準。成敗論人自古然。真使英雄氣悽咽。君不見風塵瀕洞逐鹿時。高才捷足偶得之。嗚呼高才。捷足偶得之。

漢高廟歌乃大為憤王吐氣史公以本紀冠高帝之前人同此心耳

戊午除夕阿城客舍同楊芝田汪新又守歲三首  
出門三十日。明日又新年。客路吾山北。鄉心汶水前。遣愁聊酒釀。送臘只詩篇。慰我淒涼極。燈花作意妍。

二

青門旅棗卷一

四

我曹孟酒共只當故鄉。看歲月長途老親朋聚首難荒。城明炬火野店畧盤餐。噉噉憐征鴈霜風竟夜寒。

三

暫遣鄉愁去茫茫。又百端隔年當此夕。兒女話團圓。貧賤生離苦。兵荒旅食難。祗應判爛醉。客淚莫沈瀾。

三詩字字老到何減少陵愚山清室一氣如話

元日荏平道中

荏平古重丘地

客行依伴侶。元日又征驪。邨落歡兒女。叢祠煖紙錢。疾風沙路暗。落照古丘圓。正憶江南景。梅開媚遠天。

交河道中大風

春到交河水不開。疾飈馬首暗征埃。空屯格格輪蹄苦。寒日荒荒虎兕哀。眯眼黃塵迷北望。傷心白鴈故南迴。正愁行路難如此。悔別清溪舊釣臺。

讀愚山阮亭兩先生詩賦贈

風雅代盛衰。斯文豈小藝。先哲遞師承。流傳有根柢。嗚呼百餘年。莊趙崩榛翳。嘉隆始濫觴。末流迺橫潰。自從啓禎來。調噍不可記。或如蒼蠅聲。或如蝸蟬沸。或如古塚幽。漆燈嘯魑魅。或如侈殿荒。牛蛇眩神怪。或如三日婦粧梳。取嫵媚。或如土木偶。蒙金寡生氣。或如夜郎王。黃屋嗤漢大。詩詠著五行。世變斯可慨。聖朝盪昏氛。

青門旅棗卷一

五

重熙洽必世。運開鳳麟遊。言淆作者至。宣城別體裁。清真變綺麗。溫柔實詩教。穆如風人遺。新城富天授。萬象聽鑪錘。鍾呂振鴻音。凡響一以閱。數語為宛陵先生寫照獨不佞對舉殊愧耳。走也孤蘆人。少負遺俗累。竭來客京華。頗覺耳目異。憑軾總俊民。飛轡皆髦士。金張侈貂蟬。田竇傾勢力。冠蓋驚塵埃。營營各有謂。鄙人昧所適。背騰祇益睡。出門十步餘。風沙目爲翳。低頭還入門。拂拭增歎喟。幸荷瓊琚貽。灑我塵土穢。宵吟見朝暉。晝讀燭仍繼。辦香敬在茲。繼繼申末并。素心托松筠。濡翰聊敘意。

洋洋大篇深得老杜結構愚山



題王咸中石塢山房圖卽送之還山

試披堯峰圖。突兀堯峰出。杳嶂杳青蒼。環湖靄明滅。彼  
美山阿人。結構倚巖穴。楂臥澗屢迴。篠密徑疑閉。松。懸  
雜。泉。聲。異。響。同。清。越。想。見。梅。花。開。空。山。映。殘。雪。天然幽  
妙句  
人性坦易行。止鮮滯跡。偶隨出山雲。復買還山屐。春江  
長。雕。孤。楓。岸。啼。格。磔。送。君。默。惆。悵。故。山。有。泉。石。

清暉滿眼 寒笛對京口故人在襄陽  
自然可愛 正爾似此風格 其年

仲春雪後侍讀王阮亭先生招李子德潘次耕梅

耦長董蒼水同集用積素廣庭閒韻五首

江南梅已殘。燕北雪還積。斜日淡寒輝。冰溜承欄滴。倚

青門旅藁卷一

六

然擁爐坐空館。閉愁寂

二

叩門枉尺書。故人邀我去。汨汨泥潦盈。廣衢不可步。立  
馬望西山。千峰晶凝素

三

高齋接時彥。文翰互欣賞。痛飲思阮生。清談慕樂廣。躡  
步臨前除。枯林寒月上

四

雪色生夜寒。月華散空庭。哀鴻千里音。遠客千里情。賴  
茲賞心侶。鄒醪還徐傾

五

論交愜新歡。笑語永夜閒。近寺殷鐘聲。幽聞疑空山。惆  
悵此言別。愛君數往還 五詩有  
章風

學士王昊廬先生招李子德顧赤方王山長諸子

同集時子德談兵事甚悉

左掖春陰散。西山霽雪初。儒臣逢下直。詞客數相於。舊  
好來京洛。新交接應徐。凍缸浮綠蟻。碎雪鱗鮮魚。有客  
談兵事。炎荒尚戰車。捷音連夜動。民力幾時舒。莽。焚。烟。  
塵。外。嶠。潼。涕。淚。餘。憂。時。紛。感。激。痛。飲。且。軒。渠。宮。漏。微。寒。  
淺。春。星。醉。眼。疎。尋。欄。索。梅。蕊。釘。格。出。芹。菹。厭。禰。知。亡。是。  
雷。髡。信。有。諸。坐。殘。銀。齒。舊。水。吐。玉。蟾。蜍。大。雅。看。前。輩。論。  
詩。實。起。予。羈。棲。隨。燕。雀。踰。蹊。笑。鷄。鵬。方。朔。侏。儒。粟。昌。黎。  
宰相書掃門。吾不敢開。問意何如 是子美  
章法

青門旅藁卷一

七

送翁武原同知黃州

赤壁山前黃子國。孤城曲抱大江流。張帆候柁乘春去。  
建隼腰章亦壯遊。津漲桃花出。鱖紫雨來。楓樹叫鉤輈。  
才人佐郡應多暇。盡日吟詩上竹樓 五六別全首  
格調道上

送吳星若遊大梁

燕山芳艸送君行。貫酒旗亭識姓名。兔苑風流散枚馬。  
狗屠慷慨憶荆天。青。二。室。低。封。樹。河。倒。三。門。挾。雨。聲。

宋殿隋堤俱寂寞。憑君此去弔侯生。

覺何李風流  
未陸其年

三月十二日得瞻

今上所賜官詹臣沈荃 御書大字恭賦長句効柏梁

體

康熙天子垂衣裳。瞳瞳白日照八方。條支黎軒西姑羌。  
弱水縣度紛梯航。桃拔犀牛後貍黃。南蕩百粵通夜郎。  
戈船下瀨牂牁江。蛟蜃鯨鯢波不揚。鴻臚句傳同萬邦。  
皇帝謙讓躬未遑。內庭恭儉絕俳倡。詔書十道徵賢良。  
數麟郊鳳天網張。未央殿帷集書囊。研礬側理澄心堂。  
春容翰墨鍾與王。掌窠大書蚪龍翔。脫縣心正體勢莊。

青門旅槩卷一

八

屹如嶽峙鎮大荒。爛如雲漢昭回光。詔賜臣荃帝寵彰。

黃綬玉軸陳中央。再拜仰視垂奎章。髣髴依光日月傍。

艸莽臣蘅稱恐惶。拜手稽首効頌颺。

皇帝萬年聖道昌

典謨訓誥洋洋大篇真可  
塗抹清廟生民詩其年

送董舜民遊五臺山

我聞雲代閒茲山。神仙窟碑版雖茫昧。圖經憶髣髴黃。  
河右縈繚恒嶽左。喘嚟壑凝六月冰。巖嵌千年雪。松柏  
森地底。絕頂但石骨。五臺五芙蓉。詭狀圖奇絕。東壘古  
雪峰。俛視見溟渤。半夜天雞鳴。日照蓬萊闕。西壘秘魔  
巖。天池神龍穴。危磴千雲霄。複嶂隱日月。南壘益嶽巖。

林麓互翳蔚。仙花晝繽紛。鐘聲暮超忽。北壘覆宿堆。古

栢枝鬱屈一氣俯。大荒化城時滅沒。中臺萬仞餘削成。

表崒岬下方。走雷雨。陰崖纏虹霓。灣濶太華池。竚窅珊

瑚碧。君攜綠玉杖。茲遊恣探歷。四月別薊門。青青坡陀

麥。五月渡滹沱。襍穢觸日赤。遂登清涼臺。結夏住絕壁。

跣腳踏層冰。山風冷心魄。余本巖棲人。頗愛謝公屐。失

足辭故山。留滯京華陌。逸興坐飛翻。送君徒倚撫。煩君

語山靈。後期儻來覲。

格奇創在  
往見警策

幽宵劇奇氣。滿紙此題余欲下筆。讀先生作  
送爾氣盡所見。惟赤方一首。差韻頗也。其年

送梅耦長遊西山

青門旅槩卷一

九

西山青突兀。連嶺都城傍。馬首見空翠。欲往神飛揚。羨

君遂幽討。朋侶行相將。攀躋詎一境。勝事難具詳。我聞

西山寺。香火多中璫。刑餘竊威福。紺碧爭輝煌。塚墓何

嶙峋。石獸夾道旁。朽骨噉猶貉。象教託空王。豈徒供歷

覽。良足驗興亡。諸陵接天壽。想像雲氣荒。紅牆自頓擗。

黃瓦頽清霜。牛角礪斷碣。松飈激笙簧。潭柘古靈湫。其

下有龍藏。至今餘龍子。蜿蜒出僧房。君見當再拜。神物

非荒唐。或能致霖雨。慰此蒼生望。不似南山蛟。拔木摧

巒岡。殘雪洞壑淨。飛花澗泉香。嬋娟春山秀。黛碧澄湖

光。冥搜窮雕鐫。覽跡餘慨慷。得句儻見貽。珍比璆琳瑯。



筆勢放縱實天下  
之奇作 永修

送毛月山遊黃州

愁眼看春去。它鄉又送行。黃雲薊門路。落日大江聲。野  
堠殘花晚。蒲帆乳燕輕。經過憑弔處。赤壁至今名。起語絕

送惲晉明孝廉下第歸

我來君又歸。相送一沾衣。孤騎桑乾雨。千邨棗葉肥。不  
須嗟失路。且得慰親闈。似爾才終達。寧容訪釣磯。

和葉九來憶鶴詩

玉山山人偶出山。惆悵仙禽隔縹緲。月明清暖夢中聞。  
松花滿徑松風冷。不似人世語

青門旅槩卷一

十

題畫

一峰兩峰落日。千樹萬樹秋聲。仄逕惟餘磨跡。空林似  
有人行。

都門旗亭譙集贈別豹人赤方蒼水諸子

薊門四月飛絮稀。火齊纍纍櫻桃肥。客中相見不得意。  
數錢壓酒思妖姬。旗亭紅欄臨紫陌。繡轂銀鞍爭絡繹。  
挾瑟經過趙李徒。鳴騶維遲金張客。我曹蹙蹙騎驢來。  
狂談各詡文章伯。春愁碎雪紛鸞刀。玉壺送酒金盤炙。  
嬌歌豔舞揚蜚纖。羯鼓短簫亂箏拍。酒酣樂極客思哀。  
燕王高臺安在哉。離宮別館遍蒿蕪。驚驥同阜爭黃埃。

聞道豐臺好芍藥。前日繁華今日落。君且莫碎射洪琴。  
我亦休擊燕市筑。紅顏青春同可憐。當歌肯負深盃綠。  
明日東西南北人。馬蹄踏踏車輾轉。通體蒼秀

和阮亭先生雨後西郭眺望見懷之作次青

西郭過微雨。千峰洗更青。悵君成獨往。相憶騎徐停。密  
葉涼衣袂。殘花明渚汀。城中車馬客。日暮塵冥冥。

五六極似許渾佳語

附雨後出西郭懷冰修子湘耦長 王士禛

小雨高梁外。川原如乍經。浦烟天水碧。山色佛頭  
青。心賞違朋好。孤懷託杳冥。何時玉泉路。吟上望

青門旅槩卷一

十二

湖亭

平湖鮑聲來持汪鈍翁先生書索題草庭

京師刺促廡下居。鮑子晨訪過我廬。手持一幅草庭記。  
袖出寸札鈍翁書。要我更吟草庭句。我思蹇澀才麤疎。  
聞子卜築當湖曲。玻瓈澄碧開雙壚。小山玲瓏石嶠崿。  
雜樹桃梅桐栢。松青藤紫互婁絡。蚪龍甲鬣森騰拏。  
讀書養親百不惡。盤有蘋菜曾有魚。如此菟裘自足羨。  
安能蹙蹙京華驢。我有草堂國山北。枯槎禿樹臨清渠。  
還君詩卷坐歎息。青門三徑今何如。結意合是如此

二李行呈閣學李容齋先生

君不見茶陵李文正四齡召對坐帝膝手斟沆瀣握斗  
杓沙堤築成頭正黑又不見北地李夢陽騰掀蹕蹕雄  
詞場金鵝擎天龍戲海流傳光燄森開張二子距今百  
餘蟻蟠根遑遑傳仙李文采風流繼者誰合肥先生今  
父子先生二十登承明掣虬翳鳳騎麒麟三十致位已  
卿相說經竊陞何麟响珊瑚筆裁綠綈詔色絲繡補山  
龍紋才力扛鼎料誰敵文思湧潮如有神跳盞已剗韓  
蘇壘鞭挾不數齊梁塵驥子今年纔十六一日玉堂聲  
連連鳳毛麟角自崢嶸汗血龍文肯跼蹐同時安得兩  
壁人帽側宮花映紅玉先生愛士絕代希成蹊桃李陰

青門旅橐卷一

三

菲菲譬如扁跼畜藥籠芝砂洩勃敗鼓皮又如般倕萃  
梓杞不棄輪囷與離奇江南賤士獨偃蹇霜花侵髭布  
袍短泝泝空能說不龜候鳴未免爭蛩蟻屢干羊陟豈  
悠悠願識荊州心纂纂長安五月薰風涼海榴刺天梔  
子香此時休辭一歸邸履箱塵尾爭輝光前擁生徒後  
絲竹可許彭宣到後堂

五月十七日喜聞諸公同官翰林賦贈五十韻

有敘

康熙十八年詔舉博學鴻詞海內之士應詔集闕下  
者百餘人

上親試之得五十人悉命官翰林纂修明史蓋異數也

與余雅故者施愚山閩章汪鈍翁琬秦對巖松齡錢  
宮聲中諧曹義帽禾喬石林萊李子德因篤陳其年  
維崧毛大可奇齡朱竹垞彝尊汪舟次楫嚴蓀友繩  
孫徐勝力嘉炎潘次耕朱李渭清澄中方渭仁象瑛  
周雅楫清原暨家戒三遠平

泰華因培塿涓流赴溟渤鳳翽儀高岡麟游以時出聖  
朝棟梁具峩峩臯與尚更聞闕門典搜剔遍巖穴博學  
鴻詞士有詔徵詣闕奏賦太和殿金石殷摩憂清越諧  
璆琳鏡鏤詎蠨蛸三相驗討論天子親甲乙拔尤五  
十人一一枚馬列維時月在臯既望越二日喧喧下明

青門旅橐卷一

三

詔並命登禁闥冢宰持故事聖恩特超越鳴珮翔鳳池  
排風羨毛質我方客京華枯兀類株檉廡下新僦居畏  
熱脫巾襪當食聞除書驚喜失喫嚼同時諸君子與我  
半膠漆故歡諧縞紵提攜愧先達新交紉蘭茝推挽比  
蛩蟻亦有吾宗賢飛轡偶時詰羣公既彙征吾賤亦摩  
谿此舉良曠典盛事久雍闕科名束縛人如驥就銜鐵  
奇士苦攣拘平流得津筏嘉祐舉制科得士惟軾轍三  
等占久虛何況二與一浩蕩蒙殊恩公等宏惕怵比聞  
啓史局行紬金鎖繡茲事誠大難煌煌鉅著述餘子何  
足云晬壽頗排訐龍門扶風後廬陵庶頡頏發凡及起



例鄭重非瑣前明三百年大事凡六七文皇靖難師  
忠臣慘刺刻遜國諸名賢姓氏半磨滅與獻議大禮杖  
戌全肉血三案益紛拏賢姦慎剖別嗚呼鎮撫狹清流  
離羅尉閣寺內竈場盜賊外潰決民窮賦歛繁遂令國  
步蹶思陵死社稷中外多仗節褒忠自聖朝闢幽待特  
筆此皆關治亂作緊空縷悉微辭或隱顯義例嚴摘截  
我學愧雕蟲我生類蠅蟻詎能生羽毛行當返蓬華東  
澗躬枯樺南岨茹薇蕨茅簷日偃仰簡編事繙閱庶人  
豈敢議草野有公臨努力期諸公千秋光史帙

朝章國故上下三百年具於尺幅長篇敘事  
直通少陵如此杰作可但云餘事作詩人耶

青門旅棗卷一

古

此等詩大有關係不  
當作韻語讀 愚山

陳其年贈余兩額行戲爲狂歌答之時余將有梁  
齊之遊

我額于思君額戟君才八斗我一呷兩額才調大殊科  
兩額意氣特膠漆燕京二月尾雪片飛驚翎客中一相  
見握手眼爲青君吟兩額行調我得歸且躬耕我吟與  
君異狂歌磊落君試聽我昔年十五充賦鄉國賓三上  
不見收贈登長跋跋中離羅鍛羽翮負薪牧豕荒湖  
濱男兒墮地自卓犖便欲揮斥九州凌五嶽安能鬱鬱  
菰蘆中槁項低頭把鉏耰翩然賦遠遊被褐來京洛紫

宮閣道高裁我九關虎豹千門鑰東華軒騎如遊龍獨  
向東華躡芒屨出從嚴馬諸君遊醉押金張五侯謔談  
諧嘯傲公卿閒冷角殘盃亦不惡桑乾九月木葉黃我  
思跨驢尋嵩陽太室少室相低昂三十六峯雲蒼蒼緱  
山仙人行相逢吹笙騎鶴聊徜徉又欲迴鞭東到海蓬  
萊三山至今在之果不其青差我安期海上遙相待還  
須鞭叱海若驅蛟蜃變化丹樓十二霏霞彩平生幾兩  
屐汗漫十載遊然後歸去來散髮臥滄洲時藥釀酒養  
鳬鴈無功子光可以終優游君罷吟聽我謳升沉有命  
我不愁公輩自畫鳳尾諾我歸即披羊皮裘雄飛雌伏

青門旅棗卷一

五

何足道兩額要是爭千秋

意氣傲兀覺茂秦百  
穀終非俊物 冰修

變化天矯有作其鱗之而狀魚  
使青蓮却步昌黎失色 其年

附 兩額行贈子湘

陳維崧

我額冗似緣坡竹君額捲若蜩毛磔兩額意外一  
握手熟視無端笑啞啞家鄉流浪不見面見面乃  
在長安陌感激聊爲肝膽言謹厯互詡文章伯憶  
昔蘭陵數鄒詩士董文友賤子結交真莫逆可憐  
爲人好心事拉我談詩妙風格花天同領百罰杯  
月地共枕千人石鶯管三更每換吹鴟絃半燃偏  
低擘一尺紅衫不自惜直向井中裹魚炙故將惡

語惱蠻腰要使春顛暈微赤邇來踪跡頓錯落當  
日歡娛太狼籍晚歲交君才更健出手壓倒羣兒  
百詞場虎跳或龍掀筆陣銀鈎兼鐵畫長安雪片  
大如蒲我今誤作長安客底事青門淡蕩人也挽  
馬過隨老革君家水上幾閒閣君家烟際一區宅  
畦蔬差足媚盤餐園菓麤能恒盤榻噫噫噫得歸  
且種東邨麥

附戲題兩額行後贈其年子湘 王士禎

楚王宴章華乃以長鬣相彼鬣有何好霸國用自  
壯平生交兩額于思不相讓絕倫陳陳魁梧軼羣郤

青門旅藁卷一

七

跌宕昨見兩額行慨然忽神王士龍能笑不吾顧  
幸無恙

已未七月五月初度遣懷二首

屈指忽成笑蹉跎四十三秋風易水北客夢大江南何  
日歸三逕殘書老一龕浪遊有底急短髮漸髮

二

舊歲逢今日親朋笑語同東軒過疎雨屋角洗高桐泥  
客碧簫飲開簾黃雀風茲辰坐愁寂覓句獨書空

二詩殊婉  
有風致

月夜冰修耦長偕過阮亭先生寓齋同阮亭作三

首

西山烟欲歛暝色靄城闕愛君高館秋疎梧得新月入  
門成一笑翛然釋巾屨徙倚生夜涼坐聞鄰鐘發

二

星稀天宇青葉重露華白荇藻漾空除砌蟲俄喧寂談  
談雜仙鬼清話探史籍長安車馬地詎有此主客

三

旅人念歸趣愛心屢斷續坐久似吾廬清光漏疎竹單  
衾覺夜深冷冷露氣蕭幽尋未厭頻往來數能熟

清露晨流新桐乍引詩  
致乃爾濯濯 愚山

青門旅藁卷一

十七

附月夜喜冰修子湘耦長科跣見過 王士禎

舉頭新月佳開軒滅明燭流螢稍開闕風露下疎  
竹素心二三子比鄰往來熟漢陰無主賓何用加

幘屋

袞袞九衢中未少噉名客老懶倦逢迎寧當較尋  
尺高齋時臥病河漢忽已夕綠鮮被階生幽人見

行迹

聽君談劍術四座輒色變青天走風雨虛堂激雷  
電香丸合雄雌太乙經百鍊勿快睚眦讐應侯古

所賤 冰修談劍  
術甚奇



月夜起坐懷顧亦方

梧葉響空階。颯颯疑疎雨。羈人起披衣。斜月照軒戶。秋風千里來。所思隔湘浦。

阮亭以詩索耦長畫次韻

漁洋山人老好事。新詩乞寫敬亭秋。關情我亦江南客。紅樹青山一小樓。

初秋索耦長畫

王士禎

詩到無聲足臥遊。雨窗含墨對清秋。不知鄉思今

多少。祇寫澄江與北樓。

地震詩戲倣昌黎體

青門旅彙卷一

六

歲在己未斗指申月之廿八朝日暎京師地震駭厥聞。初如地底雷紛發。又如輾轉萬車輪。自西北來東南奔。頃刻簸蕩搖乾坤。雷碾菰攢屋瓦翻。市聲呀咻揚揚塵。叫號觸突踣以顛。車什馬蹶欹輻輳。拉攞大厦摧高垣。礫塊揚箕天晝昏。構榼栝棟楹椳朽。顛倒填塞衢巷堙。百雉頓塌崩門闕。九廟鳴吻墮蟠蛻。併脅折脰髀骨轉。死者累纍三千人。通州三河嗟可憐。十斃八九離遺迹。腐屍敗背腥聞闌。半籍以藁執楷棺地坼水湧黑且渾。翁嫗失足埋尻臂。一月不止餘威殫。都人怖駭遺臥眠。白板露宿帷幕藩。訛火亟興憂燎燔。反灰伏煤晨不餐。

我時幸免溝壑填。我僕碎首面血殷。徐令丞威返驚魂。

一夜數徙拊膺歎。康回憑怒古所傳。不周山頽注水齋。

女媧奠之斷鼇跟。承以八柱維版安。三千六百軸鉤連。

四遊上下無崩騫。胡爾顛蹕生禍患。恐是柱折羣軸掀。

地祇失職愁煩冤。乘雲上謁欲有言。闢者拒關電目瞋。

搏人虎豹露顴顰。赳赳瑟縮還伏跼。嗟爾地祇徒沈瀾。

我詩踏駁頗不倫。怪語自嬉聊復吞。

撫昌黎陸渾山火之作工力悉敵未幅語味含蓄似為過之

愚山侍講分貽敬亭綠雪茶和阮亭作

荆溪產芥茗。梁溪出清泉。兩美易合併。溪路相沿緣。艸

青門旅彙卷一

九

堂穀雨過桐陰。漾清圓槍旗初脫焙。蟹眼活火煎野夫。倦著書石榻。酣晝眠。睡足驚松濤。湘簾颺微煙。細啜來清風。兩腋輕欲旋。無事偶浪出。一年客幽燕。僉父酪奴賤。朱門潼乳膾。彊飲如茹藥。棘吻仍溫咽。窮秋三日雨。檐溜鳴潺潺。渴喉正鼓嚙。夢想還家山。詩翁走長鬚。綠雪餉不慳。澄碧汎哥定。芳香襲蘭荃。頓令宣城價突過。陽羨前漁洋。好事者題詩。絨素箋。弄瓦得妥帖。奇句供流傳。且啜且復哦。應接苦不閒。顧我才謏劣。險韻愁雕鐫。我自用我法。率率成詩篇。

細意熨帖雅健絕倫

將之登州畱別阮亭愚山兩先生冰修其年耦長

諸子

一年客京華。結交多老輩。僦屋短牆連。論詩古人配。歷下自雄長。泱泱表齊大。阮亭宛陵正體裁。驚喜漢儀在。

愚山卓犖元龍豪。其年清新都官派。補長士衡出荻蘆。

賦筆老未憊。冰修數公狎齊盟。我邦陋曹鄴。又如十萬

師連營。耀旌旆。勅者皆吾敵。堅壁幸不敗。長安豪俠窟。

歌舞日高會。我曹文字飲。好尚與時背。過從忘主賓。詠

調寡拘閣。露坐每宵分。茗柯閒清話。疎櫺新月漏。屋角

秋河挂。得句忽狂呼。快若爪爬疥。茲樂固難常。不謂遽

行邁。行行指海壖。黃腫古秦界。我聞丹崖山。俯瞰滄溟

青門旅藁卷一

王

滙島嶼錯其中。日月不在外。祖洲青蒼茫。之杲紅破碎。

半夜六赤龍。騰擲洪濤內。蜃氣吐宮闕。金銀幻詭怪。嗜

奇如嗜炙。大嚼亦良快。但惜素心違。老淚雨如頰。臨發

重徘徊。離筵增噓噫。竹帛與名山。諸君幸自愛。

附 送于湘之登州

施閏章 尚白

故人去何亟。老淚紛如霰。黃菊酒盈尊。分手罷芳

宴。昔別在蘭陵。此會在京縣。平生憚貴遊。涕笑航

宴賤。共坐藤陰下。袒跣把書卷。踞月夜敲門。貽詩

朝滿扇。掀顙意飛動。隔巷數相見。歎子青雲士。生

涯守一研。不種東陵瓜。不求文舉薦。縫掖多塵埃。

西南旋轉戰。側聞賢使君。折柬招才彥。郡閣臨蓬萊。海日盪人面。仙都連十洲。蜃市賦百變。訪我舊題處。墨潘丹崖徧。奮筆紀後遊。當使蛟龍纏。

又

王士禎 貽上

我聞大九州。香海環其外。裨海內絡之。萬川勢交

滙。禹貢周職方。中央浮芥蒂。鄒衍不可作。疇與辨

茫昧。昔者始皇帝。東巡極海岱。海神駕橋梁。大魚

射澎湃。號爲泰東門。刻石表胸界。三山在水下。其

事頗奇怪。邵生列仙儒。遠遊信所屆。遙飛阜鄉舄。

往撫天吳背。龍躡陵丹崖。九點烟凝黛。嶄絕日王

青門旅藁卷一

王

祠愛與之杲。對日月影動。播島嶼光破碎。朝潮激

天輪。夕汐裂地肺。巨鯨若連山。奮鬣雲晝晦。時見

新羅船。墨點空青內。廣乘渺何所。歸墟誰負載。木

張悉文雄。頽才更十倍。歸來述滄溟。始信九州大。

又

毛奇齡 大可

商風吹蘿裳。朝服青兕裘。有友聞雞號。仗劍之東

牟。前行望海水。漭漭日夜浮。中有蓬萊山。南下接

祖洲。高丘試一登。軼興波濤流。迢咨東海相。慷慨

吾舊遊。計日受官俸。幕下如清秋。多君策馬去。珠

篋不暗投。第憐神芝生。雜入菰草稠。暇時得過採。



移擢君房舟歸來獻天子厥頌雲油油遂將紀功  
德勒石寧海頭司馬進掌故發冊臨之杲橫筆埽  
石閒顧盼凌九州

又

陳維崧 其年

我生大言好誌怪耻逐衆口爭嘔啞壯遊恨不東  
到海蜷縮偪塞徒搔爬此州相傳大謠詭洪濤百  
斛蟠龍蝦澄鮮忽嵌小黑豆此是真臘新羅槎日  
主祠堆紅破碎之采山蟲青純筆混茫一氣雷雨  
晦夜半已擲金蝦蟆我坐一官去不得頭童尾禿  
翅觶沙誰何男子極豪橫徑縛短袴挽馬過我聞

青門旅橐卷一

三

祖州富仙藥芝菌往往霑磨農君行儻值海市出  
定現幢蓋交紛拏爲余一語問徐福別來已久應  
還家五百童女果安在可還顏色嬌如花詩成自  
覺棘口吻恐以妄誕遭喧呶登州太守譚舟石我  
好友鰻魚對噉開官衙把詩狂叫定絕倒颯颯驚  
亂城樓鴉

又

梅庚 精長

幽州淡白日易水多悲風吹簫屠狗竟安在蓬蒿  
欲沒燕昭宮黃金漫低壯士色余歌汝和差能雄  
朝過孝伯家王阮亭暮醉肩吾宅施愚山葡萄破

綠月光白照見狂吟同岸憤羣雄相值頗相惜接  
手輸心肯虛擲詆訶季緒何足云嘲笑參軍還作  
劇一日歡呼定幾回暑雨嚴辰都不隔我夢東吳  
未得還重愁送遠彤朱顏君今別我東牟去海風  
吹度之采山金銀樓閣出仙島雲霞變滅須臾閒  
此去蓬萊幾千里對面天涯自茲始登高明日苦  
難留臨岐汨落金樽裏君昔愛我歌歌出聲還吞  
蒺藜交路衢酒肉堆朱門蛾眉曼睩亦徒爾宿瘤  
時復當至尊身世浮雲柳能料但恨分攜失同調  
好向官齋啖鰻魚余亦東歸且垂釣

青門旅橐卷一

三

又

陸嘉淑 冰修

都城衰柳送行幃應笑歸程我尚淹雞肋豈容遊  
子戀豬肝空挫昔人廉么絃絕響悲同調殘局推  
枰好覆奩努力馳驅君自愛憐余霜雪遍枯顙  
零文禿筆一丘埋蚤悔雕蟲意轉乖茅屋天寒羞  
翠輿漢宮人老賤瑤釵悲君壯盛長爲客似我飄  
零孰與儕此去儻能尋海市魚龍鞭螫可應諧  
吳苑霜酣萬樹柑五湖秋盡水猶藍故鄉佳處皆  
江外詩集何煩紀劍南節序明朝正重九客程遙  
數更千三也應自爲神芝去丹訣攜來試共參

山川十二阻齊郊東盡蓬萊地勢殺舊蹟時移憑  
弔古才人吏隱好論交田橫島沒無龍戰贏政臺  
空有燕巢知爾燕閒多唱和郵筒詩句待頻鈔  
重九前一日將送青門友兄之登州適得晦水寄  
詩輒和其韻晦水題紙尾自詭非子瞻不能作非  
半山不能讀余才不及晦水而青門當不遜半山  
讀罷知爲輾然也試以呈舟石太守左羽孝廉嘉  
淑又跋

白溝河懷古

中分遼宋指河壩。劃斷燕雲朔漠邊。棄地至今羞石晉。

青門旅槩卷一

五

許和當日誤澶淵。壕低野馬黃雲合。天入盧龍紫塞連。

南北一家今已久。三關何處起寒烟。

重過趙北口小憩

高柳湖堤岸重來。眼倍明柴扉維舴艋。水泊亂鴉鵲大。  
有江南景悠然。濠濮情歇鞍欹枕。久來往笑勞生。

鷄鳴曲

寒鷄。臍膊夜纔半。逆旅挑燈起。相喚槽頭。羸馬嘶殘。勃  
堦下。僕夫嚴韉料。出門十里天未明。空陂月落人語聲。  
東方耿耿星一箇。前行後行聞鐸鈴。

是張王樂府佳境

蓬萊閣望海

我來一踟躕。蓬萊閣。溟漲高寒。島嶼秋元。氣蒼茫。日月浴。  
青天。出沒蛟螭遊。田橫五百餘荒砦。徐市三千隔祖洲。  
縹緲神山不可見。天風萬里聲颼颼。

詩亦覺一氣渾茫吞吐萬象不負此題

冬夜遣悶效黃山谷

孤城索寞歲崢嶸。撥悶攤書坐短檠。紙屋撼風聲四壁。  
海濤喧枕夜三更。故山儘可足藜莧。官舍近來飽蠅螟。  
石暈木癭真自悔。絳人何物是浮名。

臘月廿四夜口號

臘月今朝二十四。吳儂風俗憶江南。掃罷屋塵祭罷竈。

青門旅槩卷一

五

長竿縛炬照田蠶

己未登州除夜二首

去年除夜東阿縣。今夜登州歲又除。四十三年成底事。  
二千里外少來書。餽樸椒盤非故國。紅梅翠竹憶吾廬。  
漸星短髮不快意。笠澤春波有釣車。

二

雪屋風鐙牢子國。青鞵布襪又年新城。空海氣腥蛟蜃。  
歲晚官厨足介鱗。臘有棲鴉驚炬火。更無瘠僕伴吟身。  
遣歸時守歲圍爐小兒女。料應絮語未歸人。

雙白松爲房慎庵侍御賦



雙松偃蓋接空祠。黛碧尋常獨爾奇。簡寂觀前殘雪後。  
天台橋畔月明時。對舞玉蚪寒自照。分栖白鶴曉還疑。  
蘭臺霜色原如許。會見參天梁棟宜。  
領勝神韻高  
秀詠物上榮

東臯山房試茶歌

新蕉展葉荷始葩。東臯水木涵清華。圻籜叢篁走鸞鳳。  
敲牛古樹攢槎枒。百頃風潭蹙霧縠。一澗畧約橫枯槎。  
東臯主人<sup>楊端</sup>雅好事。三人不速賓殊嘉。  
曹二隱胡餅  
芋莊先至餅  
聖滿汪惠山。乳石銚試煎。陽羨茶棋盤。紗帽皆絕品。萌  
籠封裏來。僧家聽。蠅蟹眼。濤聲細。彭烹豕腹松烟斜。互  
興砂注跳珠沫。定州磁甌飛雪花。腋輕欲隨列子御。背

青門旅案卷一

三

癢不用麻姑爬。鳳凰小龍祗虛語。日鑄雙井何足夸。旋  
出餽餉佐杯平。鹽豉筍簾羅鮭鮓。我雖不飲喜看客。觥  
船錯落爭譁譁。僻微新令浮一斗。雕鏤險句矜八叉。須  
臾林壑淨暝色。城頭啞亂棲鴉。歸來清景疑夢寐。作  
詩急追逸麝麝。蒼蠅聲出蚯蚓竅。詩成街鼓聞三撾。

正是王  
局勝場

作客

作客動經歲。還家纔半年。故園花發候。又上廣陵船。楊  
柳津橋暗。鱗鱗曉市鮮。客愁正無那。陶寫只詩篇。

雨泊露筋祠

名伯埭下雨如絲。貞女祠邊繫纜時。萋萋碧草歸人晚。  
森森空湖去鳥遲。水面人家浮鴈鷺。灣頭艇子立鸕鷀。  
風屏破壁淒涼甚。扶展還來問古碑。

寒食宿遷道中雨

下相城邊路春陰。困馬蹄直愁泥滑。滑翻惜草萋萋雨。  
挾河聲壯天圍野。望低故園淒絕處。荒塚濕棠梨。

鄒縣道中喜晴

已過一百五。何曾十日晴。今朝風日美。客路眼真明。侵  
徑野花麗。隔林鳥語清。嶧山春望好。空翠馬頭生。

五言律直是  
格韻高絕

青門旅案卷一

三

經下邳偶書即目

驅馬古下邳。川原歷遊目。屋角桃花明。河上烟帆宿。牧  
豕散荒塍。棲鷄上茆屋。不見圯橋人。悠悠淮水綠。

若非一結便  
覺境語都近

任城太白酒樓歌

有序

太白樓即濟寧東南城樓上有碑記云相傳賀知章  
令任城觴白於此樓因以名誤也按史李白客任城  
與孔巢父韓準裴政張叔明陶沔居徂徠山日沈飲  
號竹溪六逸樓當是其遺蹟知章亦無令任城事詩  
以正之

十日九日春風顛。十村九村桃花鮮。客行雖苦差不惡。  
日斜歇馬任城邊。任城高樓對芳樹。相傳太白昔遊處。  
當時六逸隱徂徠。少年作達酣馳暉。往往登樓弄杯醅。  
當窗萬里天風迴。嶧鳥剏作鷓鴣杓。南湖便醖葡萄醅。  
偶然蔡雲去。謁帝遊蓬萊。却逢四明客。呼作謫仙才。孔  
韓裴張各雲散。此閒陳跡空蒿萊。杜陵野老亦到此。南  
池森木荒清池。城下卽古南池。杜甫與許主簿遊處。我來弔古已千年。殘  
碑謬誤聊追爾。樓中不見古時人。樓下仍流古時水。回  
首望泰山。一氣青黠黠。金泥玉檢俱塵埃。七十二君復  
誰在。落日沉吟動客愁。城樹漠漠春烟浮。行路誰知我

青門旅橐卷一

无

心憂徘徊愴惻涕橫流。君不見李太白。杜甫雄壓百代終。  
荒圯何泥擾。擾蟻螻與蚍蜉。明朝匹馬更北去。且脫鸛  
裘付酒樓。嶽崙歷落故應是我輩語。

送友之鹽亭令

黃綬初爲劍外行。蠶叢萬里引雙旌。雲開曲曲巴江字。  
樹暗邛邛杜宇聲。擁縣山青馬首合。杜詩馬首見鹽亭高山擁縣青。  
春麥秀雉媒驚。陳公遺蹟今存不。石柱青苔弔古情。

送友之莆田令二首

青袍汀草色烏石。山名。縣門前梨嶺稀秋鴈。閩灘激紙船釣。嶠千嶂雨橘柚萬家烟。自識訟庭暇清青山水絃。

二  
聞道閩中好之官。亦勝遊雲開越王石。山擁謝公樓。榕  
樹冬能碧。菊花寒始稠。扁舟或乘興。應爲荔支謀。

哭施愚山先生十韻

作者今誰是。先生尚典型。詞源滄根柢。才力赴滄溟。一  
代高廚俊。千秋孰尹邢。金門方朔米。玄草子雲亭。逝矣  
悲棲鵬。潛然泣聚螢。風吹易水白。雲斷敬亭青。素幔行  
當返。窮交涕獨零。死慚磨鏡具。生愧扣鐘筵。身後桓譚  
論。心傷有道銘。便應焚筆硯。絃絕爲誰聽。

送黃牧公進士南歸

青門旅橐卷一

无

他鄉送客難。爲別況送君。歸是故鄉木。落蘆溝看去鴈。  
月明瓜步冷。新霜不緣狗監稱。詞賦遂有鴻冥興。杳茫  
叢菊束籬秋。正好因君夢繞豆花莊。

九日贈別家二峰

前年歷下題餞句。今歲燕山對酒盃。六度重陽頻旅食。  
百年霜鬢幾登臺。他鄉骨肉轉難別。客路砧鴻總易哀。  
跋馬送君增悵望。叢叢野菊近人開。

寄壽汪純翁先生三首

文章載道器詎曰小伎。爲作者通紛綸。六經乃根荄。根  
蠹萃不實。枝葉徒葳蕤。詰匠亦代出。寥寥知者稀。先生



探道要起衰託修辭貫穿經史與矩矱先民遺高談慎  
許可得失了不疑毘陵震川後代興諒在茲

一結鄭重鈍翁  
可不愧此語

二

代興屬清時藉君繼良史郎署三十年晚登金華陞日  
給上方札月分太倉米石室紬藏書是非浩烟海隻字  
嚴褒議議論羞敵仇大匠斤成風他人或血指龍性詎  
易馴掉頭乃脫屣一夕秋風生冥鴻已千里

三

鴻騫全高尚結構堯峰巔鑿牖而蒼翠開簾映紅泉雪

青門旅棗卷一

三

水流寒澗梅花澹空山山中有喬松偃蓋何亭亭其上  
紫兔絲其下產茯苓土肪闕玉腴怪若鳥獸形青冥儻

可斷持此奉延齡

雪水流寒澗梅花澹空  
山十字足爲鈍翁寫照

癸亥都門除夜

前年除夜楊劉店荒鷄喔咿短檠燄舊年除夜還家園  
挽鬢繞膝歡團圓今年重作長安客獸炭紅爐又除夕  
長安同舍多少年捲波拍浮呼五白顧我老懶百不作  
燃鬚微吟坐倚壁過年卽辦五嶽裝半生會著幾兩屐  
來歲漸少去歲多百年彊半客中過

祭酒王阮亭先生招金穀似吳天章陶紫筍張杞

園同集用夜闌更秉燭韻分得闌字

玉河柳初暗金隄花欲繁春色來西山千里青巒岼客  
意方鬱陶坐令愁疾攢幸登君子堂賞心愜清歡盃淨  
玉蛆白筋香梅菹酸文酒競慙恩畢景興未闌九衢冠  
蓋地茲會良獨難泥飲三百巡剪燭弄觚翰欣逢郢斤  
斲寧慚蠅翼漫

丁鴈水觀察捧表入賀卽贈別還虔南

仗簇臚句引漢官朝回笳鼓發長安玉函金鏡千秋節  
畫舸朱旂十八灘過雨沙洲魚子白到時官舍佛桑丹  
鬱孤臺上江光好詞客何人共倚闌

青門旅棗卷一

三

題龔節孫種橘圖

有序

東坡云吾性好種植能手自接果木尤好栽橘陽羨  
在洞庭上柑橘栽至易得欲買一小園種三百本屈  
原作橘頌吾園若成當作亭以楚頌名之然東坡園  
與亭竟未就也龔子節孫移居陽羨仿此意繪圖乞  
名人詩詞盈帙矣又屬余題請至六七不厭余感其  
意爲賦長句書冊子尾還之

種橘圖詩絨兩軸展讀璀璨堆璣珠我病廢吟動經月  
彊拈枯筆思顧蘇此翁竄謫走萬里惠廉僮耳身羈孤  
薰鼠燒蠅食諸芋十日五日慳花豬用東坡詩語投老買田

在陽羨便僦種橘三百株沈吟茲願竟未果楚頌荒亭  
今有無龔生慕之雅好事種橘未成先作圖璽素一尺  
開生面皎皎玉立雙清壚翠羽金丸紛點綴鬚髯阿段  
手把鋤君言此景殊不惡蓋頭茆把客雙趺吁嗟百年  
鳥過目芻狗擾擾爭遽廬畫圖似真真幻耳顛倒蕉鹿  
供椰榆我家亦在洞庭上玻黎萬頃青銅鋪兩山十月  
霜落後火齊亂迸綠雲扶林閒飽噉三百顆酸寒不羨  
檀梨櫨湖山如此長作客額蘇掀額笑我愚卷圖還君  
清興發明年歸去不待秋風鱸

典會  
興舉

張魯菴水部招飲一畝居羣賢畢集斐然有作四

青門旅藁卷一

三

首

我病索居久招尋有數君名流煩折柬水部況能文散  
帙烏皮几臨池白練帶淹留歡竟日屋角靄餘曛

二

坐愛林泉勝爲園一畝餘磴危仍綴菊澗仄亦遊魚老  
樹侵霜禿寒藤挂石疎到來幽興極誰更憶吾廬

三

此會帝京少故人蒼鬢多醉醒渾感慨出處各蹉跎味  
憶江鱸柱孟行鸚鵡螺酒酣誰斫地吾亦欲悲歌

四

華燈高樹亂石氣晚來青正喜看人飲誰言愛獨醒余  
病止統如急街鼓櫺際睽寒星明日還來過新詩許更  
聽

京邸招集諸子送家樾公歸武林用東坡昨夜風

月清夢到西湖上爲韻得十絕句

虎阜花月天鴛湖文酒約屈指廿年前風流已成昨  
盛事帝城偏名流鄴中亞金釭搖玉波樺燭銷永夜  
凍蟾滄州酒清宵碣石鴻怪來霜氣薄春入舞帶風  
座客醉復醒絲竹倦還歇人影散空除一片西山月  
寒深城漏斷霜白月華清聽盡何堪曲尊前過雁聲

青門旅藁卷一

三

久聚白成歡愴離翻似夢惆悵阿咸歸慙慙此相送  
水稜滑馬蹶雪花壓檐帽客程三千三君行幾時到  
我已越鄉久思歸路欲迷憑君將旅夢一夜五湖西  
來因趨鯉對去惜唱驪駒今夜蘆溝月相思滿聖湖  
君家朝川園正在西湖上試訪孤山梅歸時花已放

題豫章東湖圖二首

看畫識東湖記得曾遊處綠樹暗紅橋幽尋從此去

煙外轟紅亭煙中飛屬玉不見灌園翁萊甲秋風綠

蘇雲卿  
遺跡

送孫編修使安南



春明柳色送驪駒。獵獵朱旂曉渡瀘。百粵已看來翡翠。  
九真應自貢珊瑚。荒城夜暗枕椰雨。古堠春深格磔呼。  
四海車書今日事。歸來王會有新圖。

詹事高澹人先生以蔬香圖卷予屬題卷中尚闕

六言爲補此體四首

菜甲融泥猶濕葵。根滴露初晞。先生攜鋤蚤出野。翠欲  
上人衣。

二

白白蘗芽春蚤青。青瓠葉秋殘提筐自呼阿段菜。把不  
待園官。

三

青門旅棗卷一

五

使君不妨鉏菜宰相亦住山中閑卻和羹好手品題春  
韭冬菰

四

新築鴛鴦湖西舊業鳳凰山塢結鄰可許閑人儂是青  
門老圃

重輓愚山先生八絕句

以下追錄

楚些高吟清淚灑。故人零落意難降。蕭條何限山陽恨。  
秋雨秋風滿客牕。

二

八子駉驪重國門。暮年詞賦益騰鶩。建安風調開元格。  
身後何人得細論。

三

傳經齊魯已陳蹤。稷下誰凭講席重。山色自憐華不注。  
清秋依舊削芙蓉。

四

臨江江岸倚愚樓。遺愛半公片石畱。祗今閤皂山頭月。  
還照江聲鳴咽流。

愚樓公觀察  
湖西時建

五

憶從京邸接簪裾。茗椀詩筒下直餘。腹痛玉河橋畔路。

不教三步已回車。

青門旅棗卷一

五

六

前年擁傳出天中。嵩少題名處處逢。三十六峰青不斷。  
不知笙鶴定何峰。

七

墊角林宗見典型。顧廚屈指已晨星。天涯大有窮交淚。  
灑向秋風濕敬亭。

八

丹旄飄飄下潞河。白冠易水自寒波。江南薊北三千里。  
落水啼猿一路多。

愚山人品最高不獨以文章重讀此一過老淚  
潸然詩亦酷似愚山想見盛唐風調 漫堂

後苦熱行 客京師作

赤帝起鞭六赤龍炎官火繖張當空原燎噴薄何彤彤  
區宇鬱煙如甑中長安毒淫增煩忡歎陽翁熱蒸簾櫳  
層水山堆不快意平頭大扇嫌纖風長安客舍百不作  
箕踞科頭竟日坐水晶盤浸葡萄空碼碯盃沉水李大  
拍浮肯顧尚書期礪礪只愁熱客過忽憶前年當六月  
匡山絕頂涼颼發谷底長松激翠濤半天瀑布吹飛雪  
夢飛不到五老峰玉峽簾泉勞結骨我家舊住東湖邊  
莫釐縹緲青刺天玻黎千頃風清漣吳娃蕩槳嬌采蓮

青門旅棗卷一

三

荷花菱葉鮮可憐胡爲執熱煩憂煎會須散髮五湖去  
扁舟把釣弄潺湲 詩兼太白昌黎之勝 漫堂

慈仁寺古松歌

前年屢慙慈仁寺古松蒼翠流雲氣高枝偃蓋撐晴空  
低枝攫拏捎厚地青天忽詫蛟龍蟠赤日只疑風雨至  
今年重到慈仁來蒼皮慘裂枯幹摧一株已遭斤斧伐  
一株僅存神鬱屈倔彊尚與夔魍爭愛惜或愁雷雨拔  
其餘四株稍慈舊青青翻是尋常質我聞此松植自金  
元年胡爲摧折荒寒煙摩挲三歎淚如縷嗟爾托根原  
失所慈仁寺中大作集寺門日日飛塵土珠玉錦繡走

黃埃日炙風霾氣悽苦孤根不免蟲蟻穴勁骨寧能馴  
僧伍君不見廬山簡寂觀高松千尺飄霜霰白鶴兩兩  
巢其巔仙人羽客時相見又不見天台橋畔松作鱗之  
而蒼虬龍銀河倒挂玉淙淙樵斤獵火何由逢吁嗟乎  
人生位置有如此上馬出門暮山紫

詩格蒼老奇托又高  
爲此題絕倡 漫堂

贈張真人

畱侯辟穀從赤松果老中條騎茅龍真人丹成騰霄景  
揖金母拜東王公龍虎山深闕紫府秀拔萬朶青芙蓉  
瓊芝瑤草畫葦葦霓旌絳節行相逢羨君不媿真人裔

青門旅棗卷一

三

標雲玉樹煙霞氣丹篆錯落蛟螭蟠青蛇森芒魍魎避  
看君豈是山澤癯富貴神僊兩兼致竭來謁帝明光殿  
有詔黃門數引見班行禮數絕羣寮御廚八珍大官膳  
方朔射覆天顏開舍人投壺玉女粲赤章夜半叩天關  
膚寸崇朝灑芳甸豐隆屏翳紛後先喫酒咒龍何足羨  
屈指還山暑已徂薊門風葉鴻雁初何須更權秋江艦  
鶴背乘風恣所如

李鄴園先生內召拜大司馬二首

東南幕府賜專征郡縣潢池有弄兵鈴閣何妨揮羽扇  
京觀蚤已築蛟鯨安危實繫中朝望鎖鑰寧論萬里城



回首兩江爭戰壘。十年銷甲盡春耕。

二

牙旗高擁越溪還。詔領中樞曉入班。曳履上公趨魏闕。  
勒銘片石壓胥山。兩朝身許麒麟畫。萬里風清虎豹閑。  
武帳從容還畫接。雲霄玉几近龍顏。

西安將軍凱旋獻紅綠。鸚鵡各一擬應制廿四韻。  
七萃秦弓日三驅振旅時。碧鷄通使節。朱鷺奏饒吹。琛  
賁陳王會。共球集赤墀。好音懷絕域。珍羽表殊姿。迢遞  
來京洛。艱難別隴坻。翠衿原自異。頰翼更標奇。對舞仙  
人掌。分棲太液池。朱霞爛披錦。碧色弄清漪。苞采鸞皇

青門旅橐卷一

三

匹縹精孔翠。疑金眸雙炯。爍紺趾各森。纚乍入青叢。暗  
驚翻紅藥。遲風霜辭繡。嶺雨露託。皇慈竝立雕籠窄。  
交飛厥殿宜苑雲。晴冉冉禁柳絲垂垂。啄藥珠網銜。  
花上玳瑁含情。宮女避學語。侍臣知調舌。嬌黃鳥清歌。  
教雪兒呼名巧。白應照鏡漫愁思。拊翼憐明慧。依人訴  
別離。聖情寧翫物。符瑞畢臻茲。越雉重周譯。樂龍陋  
漢祠。旅葵行白貢。巢鳳欲來儀。靈囿呦呦鹿。齋房鬱鬱  
芝。微禽更何幸。先寄上林枝。

青門集中無詠物詩。惟此與雙白松耳。要不落小家數。存之以備一體。

青門旅橐卷一

青門旅橐卷二

毘陵邵長蘅子湘 卷一名

西陵毛先舒稗黃 評

予舊刻麓橐如千卷。例不著評。旅橐甲子以前詩文。  
經阮亭先生點次者十七。諸子十三。服其丹鉛矜貴。  
乃破例存之。乙丑後客遊湖東。西豫章間。西陵毛稗  
黃爲予評詩文各數十首。矜貴畧如阮亭。不忍刊落。  
竝以錄梨予。每見時賢文集。多有批評圈點。分繫以  
名人姓氏。自侯朝宗魏叔子諸君。未能免俗。私心竊  
非之。今復爾爾。何異同浴而譏裸裎。然數先生古處

青門旅橐卷二

一

可念也。丁敬禮有云。文之佳惡。吾自得之。後世誰相  
知。定吾文者。耶邵長蘅識。

古近體詩二

送少詹王阮亭先生祭告南海

九州九點烟。四海環其外。我聞昌黎語。南海神最貴。列  
號祝融尊。秩禮朱鳥配。轟礚激地輪。頃濛陷離位。日月  
所吐吞。光景幻百怪。巨魚動吞舟。八九不芥憊。蹴踏連  
山移。喁喁洪波沸。明珠閒珊瑚。環瑤涌鉅細。其陽極朱  
方。汗漫疑無地。島嶼錯星羅。維國十數計。番舶乘風潮。  
千里歛而至。靈怪孰縷詳。記憶聊梗概。功大報亦崇。望

秩自三代康熙甲子冬省方勤翠蓋岱宗封金泥川嶽  
走犧幣戕戮瑯琊公奉詔南海祭冊祝領祠官導從假  
羽衛曲柄徽子張黃旂交龍會金冊何煌煌署曰

今皇帝錦薦銀鑿蹄飛雪戒駟到及春之中氤氲遲  
日麗遙知牲璧虔髣髴丹旂曳赤螭夾頰蚪蛇蟠獻靈  
異畢事縱冥搜覽古探幽閣有無仙人羊感慨崖山淚  
殷紅佛桑花甘酸炎州荔前年公奉使劍閣攬征轡夔  
峽愁鐫剗巴江急泝泝兩卷蜀道吟韓蘇互軒輊茲行  
復奇絕山川真有待秋風鴻鴈初還朝佇旌旆快讀嶺  
南詩碧海鯨魚大混茫飛動深得少陵氣  
肯耳刺者乃以爲昌黎

青門旅櫟卷二

將歸艸堂東故鄉親友

六州鐵鑄成一錯三年悔蹋長安腳春風昨夜夢還家  
艸堂辛夷已著花大兒學書塗蚓鵲小兒學語聲嘔啞  
嬌女狼藉施鉛華天吳舊繡整不斜覺來起坐久按莎  
鄰雞喔喔街鼓過潞河開凍綠波瀾布帆逕下三千里  
題詩先遣兒輩知阿翁到家三月尾江村樂事值夏初  
麥隴處處黃雲鋪櫻桃未過來鱗魚洞庭楊梅天下無  
巷南巷北雞豚社處處招攜及老夫起語感慨哭  
兀又不遲露

南歸雜詩十首

失意倦爲客因人賦曰歸河身開凍闊石首到家肥一

棹春三月東風鴈北飛五噫揮手去宮闕霽斜暉

全首高老  
對仗都別

二

十驛衛河路塵沙晝欲冥今朝柁樓底恰送曉山青隄  
柳遲牽纜畦花入野亭扣舷無限興歌罷若爲聽

三

魯連倜儻士折矢下聊城孤棹經過地千年懷古情春  
風亂花絮崩岸啣河聲寂寞空遺跡荒臺畱姓名

四

驟雨衝波立官船上牖遲濕帆歎覺重雲岫復還疑滾

青門旅櫟卷二

三

滾浪花去冥冥岸柳垂清宵不成寐蕭颯野風悲

五

一水分南北長年報穩流湖寬吞汶濟地古接須句菱  
岸牽筇筍沙灣沒鷺鷥鄉心沿下水連夜繞揚州

六

任城吾屢過春晚又停艫漕急喧津鼓莎晴掠燕雛詩  
名畱李杜山色秀龜鳧風景都如昨勞勞愧老夫

七

入舟春已夏勝槩憶鄉園芥茗山僧寄鮓魚江市喧青  
溪五柳下白板一柴門屈指到家日新篁會上翻



八

鍾吾臨決口。波浪野蕭蕭。黃水淮沂汨。青天螭蜃驕。閭閻涕淚壁。馬且逍遙。河干廟食者。疏鑿想前朝。思平江伯

陳瑄尚書朱禮諸公也

九

細雨江南路。蓬窗四月寒。雲開葛嶧小。天入射陽寬。身世隨鷗鳥。滄浪老鵝冠。淮流日夜急。何處有垂竿。

十

卅年揚子渡。江水照星星。來往慚津吏。蹉跎惜壯齡。潮頭京口白。日腳海門青。山靈笑鹵莽。未暇漱中泠。

青門旅藁卷二

四

舟中讀昌黎詩戲作

昌黎年纔四十五。齒落牙豁如牛。用昌黎詩語。我幸明年已半百。盤齷堅白排利錐。十年長作燕齊客。大肉硬餅刀截泥。況今扁舟已歸去。故園樂事誰能裁。會剝三升野鷄芡。卽啖百顆酸楊梅。秋塲黃鷄飮新粟。香粳堅滑休輒炊。七尺得閑百不惡。飽飯酣睡吟新詩。

喜歸草堂卽事四首

客路三千外。真成此日歸。草堂開竹徑。穉子欸荆扉。樹暗黃梅雨。溪涼白袷衣。樵青殊解事。已掃釣魚磯。

二

一屋笑聲滿。團圞慰眼前。兒頑作虎跳。女大看蠶眠。鄰舍攜散酒。親朋枉素牋。倦還吾意愜。卽事總欣然。

三

舊諳農事慣。歸及試新犁。雨滑騎秧馬。村深喚竹鷄。林泉吾健在。藥餌未須攜。已遂鹿門計。系梨仗老妻。

四

幽事關心最。東軒灑掃無。東軒余臨池。洗鴈鵝。散帙網。鼃。龜。蕉。葉。展。新。綠。藤。花。匝。故。林。異。鄉。那。有。此。高。枕。且。于。羅。清。疎。

之武林舟中作

青門旅藁卷二

五

偶發湖山興。翻爲觸熱行。虎丘吳女榜。鶯脰越溪程。纔解月初上。曉涼風欲生。青鞵吾已辦。先聽冷泉聲。

不到

不到西泠久。幽尋興劇增。孤山埋處士。石屋定高僧。秋色高三竺。冬青拜六陵。烏藤兼白舫。處處記吾曾。

四可樓夜坐

過雨新月佳。湖山澹空翠。明鏡涵蛾眉。一一相嫵媚。閑夜凭高樓。開襟延爽氣。疎竹四面風。荷香偶然至。何處遲鐘聲。南屏隔烟際。清景偶會直以少許勝人多多許

靈隱記遊六首

靈隱寺

紺宇倚青壁。攀躋出林杪。峰頂海色明。松鱗湖光小。理公經行處。香臺聚猿鳥。月上蓮花峰。鐘聲翠微窅。

飛來峰

千尺碧芙蓉。突兀湧平地。鵬味怒欲驚。猊扶勢如墜。青林生石根。石瘳林逾翠。上經古時藤。下委千年蛻。

冷泉亭

到此自成趣。冷冷瑩心神。泉聲冷枕席。雲氣生衣巾。隔湖竦翠壁。櫺桂榮冬春。白蘇去已久。浩然懷古人。

射旭洞

在飛來峰南麓最為奇勝亦名青林巖

青門旅棗卷二

六

石迸一線天。髓凝千玉乳。雲竇畫常滃。龍鼻晴亦雨。倒垂青菌蔭。鬚髮聚可數。昆斧鑿玲瓏。仙靈茲棟宇。

呼猿洞

在蓮華峰後峭壁清泉疎砌石屋令人冷然有世外味

高僧昔呼猿。猿應層嶺蘿。屋波飛泉花。龕隱清磬猿。去今千年月。明山淵冷洞。口梅花開寂寂。橫孤影。

三生石

在下天竺後巖壑幽深怪石林立石間字為蒼苔剝盡相傳是澤公李源坐語處

也

探奇不厭深。仄徑絕行屐。湖水香落梅。叢篁媚幽石。澤公竟有無。磨剔辨鮮壁。落日不逢人。山空有磨跡。

諸詩如讀柳州遊記正自引人著勝地

山行即景

微雨湖上來。東風忽吹去。望見南高峰。濕雲中。日絮挂杖欵。山扉偶然送幽趣。牆頭峰色青籬落。清泉注古梅。四五株欹斜。互偃仆。枯蚪駁蒼蘚。香雪沾衣袂。叶好事得山翁。幽香分日鑄。小住亦復佳。蕭疎澹塵慮。

拜岳鄂王墓下二首

岳鄂墳何處。棲霞落照中。黃龍竟遺恨。石馬尚嘶風。詔獄成三字。羈魂泣兩宮。賀蘭誰踏破。灑淚滿江紅。王作紅詞有駕長車踏破賀蘭山缺之句

二

青門旅棗卷二

七

馬角憐淵聖。龜茲足紹興。君王無遠畧。大將亦何能。入夜靈旗閃。屯雲古木層。年年墳畔水。嗚咽繞西陵。

深源若老足空向來作者

家二峰招丁葯園毛稚黃諸君看牡丹分賦四首一捻沉香亭北。百叢移春檻。前何似阿咸花底嬌歌急。

管繁絃

二

鄴下才名丁。廣河閒風雅。毛長清平試翻新調賦。手何人擅場。

三



忽憶草堂穀雨頰盤裏露籠霞一樣故園花發年年惆悵天涯

四

葉葉枝枝曉。風風雨雨春。殘明日。預愁花。謝夜深。把火還看。香山詩夜惜衰紅把火看

寄題陳椒峰密園雜用少陵遊何將軍山林韻十

首

舊識名園勝。枯槎臥短橋。高松原聳壑。獨鶴故昂霄。正有幽尋興。無煩折柬招。誰言居近市。已覺勝情遙。

二

青門旅棗卷二

八

亭軒自虛白。筠石總幽清。一徑香留蝶。雙柑午聽鶯。菰

炊兼竹菌匙。滑想蓴羹飽。飯支筇出林。泉次第行。

三

鷺粟分畦種。山鵲晚著花。樹深飛翠羽。藤古蛻修蛇。詩律老逾細。登臨興未賒。何人解載酒。時過子雲家。

四

春園一夜雨。曉徑濕燕支。峭竹添翠潄。淺溜入池蘋。閒魚不覺花。落鳥先知辛。夷兼芍藥。豔蕊漸紛披。

五

夏木交柯暗。風荷一頃香。鈎簾疎雨過。岸轡酒卮涼。跂

腳義皇近探書。委宛藏夕陽。歸翼亂城郭。晚蒼蒼。

六

潭影開曉鏡。秋檐臥白雲。先生獨隱几。客至偶論文。墨帖鶯羣換。爐烟鵲尾分。小山叢桂好。金粟綴紛紛。

七

寒日轉成趣。園扉局不開。松徑落殘雪。石橋橫古梅。海鶴偶一啜。饑禽時下來。高人方宴坐。斜景覆蒼苔。

八

憶踏匡廬頂。香爐倚瀑泉。晴嵐飛急雨。暑月冷重棉。便思投老計。未辦買山錢。羨爾幽棲絕。淪漣勝輞川。

青門旅棗卷二

九

九

十年高臥客。舊直鳳凰池。已是驚增繳。憑誰著接離。風流餘老輩。項領任羣兒。自覺閑居勝。詩筒鎮日隨。

十

王人湖海氣。才力敵陰何。老覺文章健。詩成感慨多。壯心頻攬鏡。醉眼且高歌。我亦求羊侶。巾車不厭過。

戲題青門介壽圖歌

男兒行年五十不快意。富貴神仙兩茫昧。塊磊突起方寸閒。崢嶸恆衡嵩華岱。偶然遣畫介壽圖。畫師渲染聊遊戲。華堂景物秋新鮮。金粟半吐芙蓉妍。蒼鹿銜芝竊

鶴舞雕欄碧檻圍綺筵堂中貌出額翁坐錦織朝衣驚  
鷺補起花金頂銜水晶維佩刀鵬綴璜珎青門先生豈  
賤貧儼然六品稱官人德曜相莊亦垂白鳳翹繡帔穩  
稱身大兒儒衫趨僂僂小兒肩隨衣履新金卮進酒金  
盤炙食單竟須羅八珍翠鬟兩兩顏如花淺碧輕紅籠  
臂紗朱脣含聲嬌未吐笙簫板箏琵琶華堂頓覺春  
風起珠簾窄地氍毹紫股紅珊瑚四尺強紫絲步障三  
十里人言額翁老作顛腐儒那得真致此君不見咸陽  
大賈邯鄲姝坐身錢刀意氣殊生男不遣讀詩書朝持  
牙籌暮帶印千騎往往專城居又不見黃口畧識之與

青門旅藁卷二

十

無撥取高第雄里閭與馬赫奕耀交衢安用撐腸拄腹  
五千卷白首丹鉛作蠹魚額翁掀額笑不止井蠅醢鷄  
何足齒姓名猶貉豕噉垂盡奄奄蜍志生猶死畫圖丹青  
良可誇富貴神仙只如此噫吁嚱駟馬高蓋愁欽峯祖  
洲神芝不可尋屋梁仰面聊復爾後世子雲知我心

鋪敘點綴難以盡調簡今之遺音  
也固知青門胸次大有壘塊在

將遊粵東爾別西泠毛稚黃吳慶伯諸子

昨夜夢羅浮蓮峯三十二海水搖空青飛泉濕巖翠仙  
姝顧我隔瓊液飲微醉翠羽紛啾啾參橫林月墜覺來  
乃茫然身帶西湖邊西湖二三月十里桃花妍鴨頭染

新碧螺髻青屏顏忽復乘逸興去上桐江舫桐江到湏  
水沿洄四千里花落瘴煙中鵲啼蠻箐裏君卧孤山雲  
我弄羅浮月揮手長相思天南瑤艸堪仙骨珊珊然得  
太白之秀

桐廬道中

桐廬一何佳江水清且泚遊儵若乘空鱗鬣粲可見倒  
浮蔚藍天沙明雲錦亂山鵲映層巖高下殷紅爛微風  
四山來飛花目爲駒桐君不可尋采藥踪汗漫日暮聞  
清猿江迴碧山轉山川映發使人應接不暇

富春渚

千峰束一江湍激江逾駛兩崖翠若奔帆漾翠微裏凌

青門旅藁卷二

十一

晨過釣臺風便不得艤仰望入青冥巉巖俯江汜石壁  
搖烟蘿巖花雜紅紫安得千尺竿先生釣名耳

緒語自  
足解頤

曉過釣臺不得上

七里空青十幅烟推蓬已過釣臺前會攜陽羨碁盤片  
來品桐江十九泉

衢州道中

歸馬碧天盡輕帆太末城有邨皆橘樹無碓不灘聲山  
入闔天峻江趨泖水清喜看戎馬定墟落試春耕

常山曉發



夜雨洗青嶂。中車映曉暎。松杉滴疎響。鸛鳴散空邨。嵐翠撲衣濕。泉聲爭澗喧。欲尋丞相塚。牧犢上荒原。山有相墓

餘干官舍題壁

琵琶洲樹綠含烟。羊角峰青几案邊。一夜桃花春雨漲。漁舟直到縣門前。唐人風韻

登餘干冠山三首

點點青山白鷺疎。疎簷撥漁莊。千越亭前淥漲。琵琶洲上斜陽。

二

青門旅槩卷二

主

桑亭千年茶竈考亭一窪墨池俯仰都成陳跡。山僧自汲軍持。陸羽茶竈在古思禪寺墨池在山頂相傳考亭註離騷處

三

廢堞已無遺蹟。人家獨對寒蕪。賸得長卿詩句。白雲秋草啼鳥。

舟泊瑞洪坐洪福寺竟日

維艇尋山寺。老僧解送迎。品茶誇竹噏。餘干產茶以說竹為最餅餌芹羹樟樹一軒碧。桃笙八尺清。欣然成小住。新浴試衫輕。

樟樹鎮晚泊鎮為王文成誓師地

閣皂峰高翠靄橫。孤篷水驛晚烟晴。天垂野岸星辰大。柝亂荒原埃火明。正憶中丞開幕府。似聞枹鼓咽江聲。虎圈豹房諸將健。論功何意出儒生。氣格蒼然

峽江縣阻風

百丈牽猶濕。長年困石尤。峰巒銜兩岸。蒼翠上孤舟。江帶銅鑼闊。雲封玉笥幽。周郎有遺壘。何處問巴丘。

過螺子山望文丞相祠

丞相空祠螺石邊。孤舟弔古一潸然。崖山血盡憐精衛。柴市魂歸泣杜鵑。亂後松杉無宰木。草荒品級臥寒烟。黃冠故里成遺恨。暮雨垂江風滿天。

青門旅槩卷二

主

泊泰和追悼蕭孟昉四首

春浮主人蕭穎士。曾記相逢滕閣東。畫舫清歌銀母扇。行廚斫鱠水晶葱。春浮蕭氏園名水品葱吉安產也

二

當時賓客盛名園。任昉衣冠文舉尊。頭白故人重問訊。玳梁燕去草侵門。

三

亂後刊章告密頻。咎繇欲祭語酸辛。青山處處堪埋骨。顚顚都船老此人。孟昉以誣坐繫出獄甫三日而卒

四

百家燈火。傍江邨。橋影灘聲。月一痕。今夜西昌城下客。不須聞笛已銷魂。

上十八灘二首

怪石森。綦布孤舟。關嶮。盤渦浮象馬。急溜臥熊羆。太古誰鑄。鑿鴻濛亦好。奇千篙爭一鐸。邪許力爲疲。

二

匡風驚險絕。天柱亦雄哉。石齒晴飄雪。灘心地殷雷。虎牙縈綫縷。鹿角突嵒崖。試問三巴估。何如濫瀕堆。

二詩刻畫身歷乃覺其工

又十八灘口號三首

青門旅橐卷二

古

萬安縣南雪作堆。灘聲百里殷奔雷。觸熱炎州君莫訝。扁舟自愛荔支來。

二

黃公灘上響驚湍。旋轂崩雲五月寒。兩岸青峰青不斷。輕帆安穩第三灘。  
黃公亦名惶恐第。三灘綿繩灘也。

三

大舟牽簞避石角。小舟刺篙石罅中。茶灘竿確驚灘壯。賴江也要鐵梢公。  
紙船鐵梢。公閩人語。

偶題

樟樹村村山鷓斑。溪流處處碧灣環。船窗竟日推蓬坐。

看盡西江雨後山。

賴江舟中憶亡友魏叔子三首

十年踪跡悵離羣。宿草青山黯暮雲。苦憶毘陵秋雨夜。竹樓燈火對論文。

二

每話金精意惘然。相思欲上剡溪船。我來試問金精處。十二峰青響杜鵑。  
金精山叔子故居。

三

想像荒榛掩墓門。名山不朽卽兒孫。水西破驛扁舟客。暮雨青楓啼嶺猿。

青門旅橐卷二

五

雖不相聞正是使人不能已已

盛誠齋儀部權關賴江賦贈

十年華省客使節。大江西郭抱雙流。合山圍八境低。鹿籬編茅歷。  
放翁詩疎疎鹿眼籬。估舶上鱗鯉。古蹟處南勝。新詩處

處題

五日南安舟中

客路愁逢節。茲晨倍黯然。枕椰橫浦驛。風雨上灘船。市小蒲觴薄。鄉遙午夢牽。吳閶城下水。簫鼓正喧闐。

過大庾嶺詠古兼述旅懷五百字

函谷封泥九。劔門倚硯硯。天險自古今。梅關勢雄埒。塏



徑紫九曲危磴盤百折磨天鑿垠堦入雲屹雙闕仰視  
僅一筇青天直如髮細思周秦前橫嶺界百粵椎髻雜  
黎獠人烟隔楚越既階啓任器尉陀乃僭竊荒哉黃屋  
娛么磨豈雄傑樓船楊僕軍銅柱馬援烈至今千餘年  
世亂紛攘奪唐宋置流人此邦多遷謫叶偉彼澤潞師  
壯茲澶淵伐功大謫易生瘴鄉竟埋骨衛公與萊公異  
代同一轍柳州嗜食蠶昌黎喜見蠛志完吾鄉彥抗疏  
逆鱗批音同子瞻枕柳巷僦人爲築室樓傳鐵漢名氣  
壯騎箕訣記一恐漏十更傑難縷述高名宇宙閒一一  
垂史筆往來皆此地遺跡尚髣髴巨欸或免爰忠良每

青門旅棗卷二

十六

離畢千古貉一丘臨風氣爲咽過嶺地漸平百里喜疎  
豁夾道多蒼松蜿蜒蝸蚪質人代閱宋元柯幹飽霜雪  
翠羽落高枝紅梅得古驛維時仲夏初薰風未炎熱陂  
田稻花香溪路榕陰密蠻花爛熳紅蠻女跣足白叶清  
池見遊鱗邨墟亂鳬鳴叶活活淵泉鳴青青蕉林蔚殊  
方欣乍到卽事亦可悅大海在其南百瑤所自出珊瑚  
閒明珠貝璣壓琥珀犀象栴沉檀乘潮集番舶叶征  
歛析秋毫苦密澤憂竭詎知聖主意未常貴遠物郡  
縣戒繭絲閭閻自充溢大府實高官牟利到鹽鐵試酌  
隱之泉誰淬李勉節冶鑄與椎埋姦民多窟穴此又關

隱憂欲吐更捫舌薄暮投逆旅休駕脫巾襪濁醪沾滿  
壺盤餐稍羅列主人意不薄庶幾慰饑渴露氣生夜涼  
纖纖見新月飄飄愧老夫旅懷坐邑鬱逾嶺復入舟整  
帆遲明發

地負海涵亦復雲興霞蔚此等鉅篇足與杜韓鼎峙

入峽

千峰兩岸插天青一綫滄江曲曲紫枕簾怪來烟翠染  
荆關畫裏放舟行

葉公二首爲某公作

葉公名好龍夢想冀一遇屋壁牆潤閒畫龍以百數一

青門旅棗卷二

十七

朝與龍下驚汗走且什虛名易摧敗掩口笑童豎真龍  
倘不來公名竟千古

二

龍行固天矯見爪尾不露詎能從擾馴俛逐鱗鯉步爾  
來一何愚悔爲葉公誤溟澥雲濤寬掉頭蛇蜒去

附戲和子湘葉公之作

兄延齡靜山

葉公好畫龍頗亦得龍趣鱗爪作之而屋壁滃雲  
霧潛見與躍飛一一理可悟姬公大聖人取象非  
無故真龍爾胡來似爲虛聲誤吾聞龍所蟠千丈  
靈湫洞出必從以雲風雷激其怒葉公亦大點真

龍良可怖予視猶蠅蚘蚘足慕

端州謠

千年老狐戴幘幘蒼狗白衣不相識。狸狌跳踉能人言。  
山雞離襪銜羽翼。蝮蛇畫遊山霧昏。訓狐夜嘯庭樹黑。  
椎埋惡少誇堅肥。腐儒低顏坐偏仄。泥滑滑行不得南。  
禽啁啾客淚零。杜鵑意良厚不如歸去苦叮嚀。

得樂府歌謠之遺

祭端州書感

垂老憐交態。江山還自妍。半篙羚羊峽。漲五窮。蠶人船。灘  
水潮通海。星巖翠插天。端溪片石好。吾與爾周旋。  
言外感悅

海珠寺

青門旅藁卷二

六

珠石江心立。榕陰覆一亭。城浮波浪動。島入海天青。洋  
舶龍幡颭。僧堂蜃氣腥。乘槎從此去。星斗近南溟。

南食行

嶺南食物可怪吁。爾雅瑣細闕箋疏。昌黎作詩亦挂漏。  
我來目擊非誕虛。音后形團團。日生背。雌常負雄行。躍  
躍。禾蟲黏涎。縈綠縷。狹長多足。非卽且。蒲魚圓徑大車  
輪。腹下開口眼。睢吁。泥釘黑色不盈寸。蠕蠢頗類拖尾  
蛆。蟪蛄多尾。俗名游魚鰕哥綠。釣鰕綠色蛇頭。亦魚名花  
紋錦。額如純毫。八腳。軀圓卵。章舉一名幫帶魚。海婦人

長五寸許。宛然婦女同形。模有蛇四足。似蜥蜴。赤文綠

質。窟淖淤。蟻殼如山。作牆壁。蝦蟆蚺名。紛拏其餘怪

狀。尚十數。一一鼎味充齋。雖和酸醃。毛薑佳。象箸欲

下。仍躊躇。實憂腥惡。損腸胃。僧廚寄食。長茹蔬。荔子自

是神仙品。貢支黑葉。霏朝霞。此貢支豐肉多液。每歲充貢。黑葉核小而圓。皆佳品。

也。譬如萬鬼宅。幽宮默然飛下。羣仙姝。綠雲裁。帔絳

羅。東坡詩。海山肌膚如雪瑩。瑤瑜我欲綠章乞。青帝作仙人。絳羅綺。肌膚如雪瑩。瑤瑜我欲綠章乞。青帝作

種。移柏來東吳。洞庭楊梅堪。姊妹堆盤。火齊交珊瑚。並

時江鱗羅美味。鮓魚石首鮮。而腴荔乎。荔乎。願自愛。炎

州魑魅不可與久居。

領異標新故是必傳之作

青門旅藁卷二

九

晚泊清遠

急雨洗炎瘴。暑氣欣暫清。暝色連遠岸。落帆倚荒城。烟  
際船火聚。沙上新月生。聯拳宿雙鷺。開闔是疎螢。夜久  
疑風雨。蕭蕭蒲葦聲。

峽山飛來寺

遙同阮亭先生作

逆浪倚風帆。入峽風逾迅。翠濤乍低昂。目接不暇瞬。樹  
杪見招提。相傳自神運。想當飛來初。六丁激雷電。蒼龍  
駕雲車。神官嚴朝轡。鬼工一夕成。遺蹟千年見。高下隱  
紅亭。參差露紺殿。竹樹交翠微。山色濃於澱。又聞歸猿  
洞。巖壑幽峭舊猿去。碧山寂猿歸。玉環獻茲事。出俾官



亦足資談倦登臨。悵未遂帆迴。屢聽鐘聲殷空江。江  
明夕霞絢。

附前題

王士禎

方舟宿湏陽高峽。厭蒙密乘風。指飛來喜近調御  
室。蒼蒼菩提樹。逶迤寺門出。金碧閤蕭梁。幻語恐  
非實。禹陽二帝子。何年此栖息。言采阮翁竹。遙應  
黃鐘律。如何遂不還。空有湖城憶。東上綠崎危。詰  
曲昧蹊術。夾磴荔奴陰。青葱上初日。石壁甯孤雲。  
飛亭俯江色。沉沉晴川綠。活活流泉疾。敷坐愴忘  
歸。逍遙問摩詰。

阜石山歌

青門旅棗卷二

王

入峽出峽二百里。湏陽之峽特秀詭。阜石巉巖青刺天。  
琢鏤玲瓏誰幻此。咄哉造物真好奇。巨靈夸蛾疲鏽鎚。  
谿斜宛轉類空洞。怪石撐距爭厥廡。突如熊羆下飲水。  
竦如鵬味驚驚飛。鈺如劒鋒割晴昊。密如束筍排蒼苔。  
空青蒼翠強名狀。鏤刻繪畫徒爾爲。插江絕壁無寸土。  
下瞰江心蟠水府。盤渦深黑十丈餘。地底轟轟喧萬鼓。  
人言其下穴老蛟。腥涎呀呷吞牛牯。絕頂遊戲來羣仙。  
脯麟擘芝張瓊筵。羽衣絳節紛婀娜。雲錦屏風圍石壇。  
韶石山高近咫尺。仙樂髣髴鳴鳳鸞。我來仰望不可上。

光景靉靄雲旂翻。雜花濛濛吹細雨。千崖萬壑空啼猿。  
觀音巖遙同阮亭先生作

夕棹湏陽峽晨帆。觀音巖拔地碧芙蓉。秀色何巉岵。峻  
壁削無土。圻石橫松楠。短樹雜蒙羃。冬夏青氎氈。梯磴  
入巖仄。暗壁如蝸黏。危閣綴燕巢。金身覆一龕。縣乳象  
璵瑤。五色垂鬚髮。長眉一老僧。誦經聲誦誦。凭檻俯清  
江。江光映蔚藍。告辭苦匆迫。探幽意未厭。靈境難久留。  
獵獵風蒲帆。

附前題

王士禎

粵山無寸膚。斯巖益厯厯。其下蟠水府。其上排雲

青門旅棗卷二

王

霓洞穴豁天半。十丈臨江涯。騎危躡虛空。險絕緣  
鈎梯。白日忽晝晦。疑逢魍魎與魍魎。蝙蝠如白鴉。鍾乳  
皆倒垂。羃羃掩洞門。狡獪神所爲。暗瀑響陰壑。尋  
丈安可知。灑落深潭中。如弩齊發機。佛座雲霧生。  
濛濛沾人衣。遠江上明月。欄杆拂參旗。歸舟意恹  
恍。絕景誰能追。

彈子磯

倚江巉岵削石壁。屏障橫鋪染丹碧。翠崖磨天五千仞。  
蒼根插江三百尺。楠杉青青皆倒植。石縫蜿蜒走蛇蜴。  
青冥無徑愁猿猱。飛空或有仙人躡。呀然竅穴自生成。

篙工指點黃巢跡。彈丸有無真荒唐。鄙語齊東聊拈。世俗傳訛每如此。炎方荒陋那足斥。兩岸峰巒正趁人。臥看風帆如箭激。

庾嶺謁張文獻公祠 在雲封寺內

來鴈亭邊路。縣崖豁一門。天圍五管闊。山壓百蠻尊。承相祠堂古。丹青遺製存。薄帷挂蟲網。殘碣倚苔垣。榕樹亂雲葉。藤梢絡石根。簡編已陳跡。風度尚堪論。炯識安危繫。憂譏涕淚繁。淋鈴悲蜀道。金鏡想開元。託興荔支賦。頻驚鷹隼魂。崇班還僕射。領郡憶鄉園。開闢蠶叢險。鐫鑱霞駁痕。嶺路爲文獻公開鑿行人過枕席。旅客薦芳蓀。賸有

青門旅橐卷二

三

僧徒任應無。巫覡喧空梁。仍海燕落日。應啼猿木客。新詩句。楓人暮雨村。曲江平圃在。松石帶山樊。平圃公故居也

觸熱度嶺喜聞家。靜山兄使節已抵豫章。率爾奉

簡

祝融絳纛朱麾幢。南荒毒熱神所邦。赤螭軒騰駭駕六。朱鳥觜沙刷翅雙。兜輿上嶺日卓午。十步五坐緣竿幢。頰肩赤腳汗流趾。吐噓喘如吳牛虻。僕夫顛蹶我亦病。蹋澗濯足流淙淙。哺投大庾弛擔裝。主人問答語不咙。緋袍黃蓋新使者。滕王閣前儀畫艘。璽書視學體統異。朱旆獵獵金鼓橫。縣知西堂屢夢我。恨不奮飛心則降。

握手欣然洗炎瘴。對牀風雨熒青釭。第酬兄唱得好句。壘篴金玉相擊撞。東湖荷花爛雲錦。輕帆連夜下章江。

宿清江寺

舟熱如甑炊。暝投巖寺宿。古佛照瑠璃。空堂飛蝙蝠。坐久薜蘿香。鐘聲歇還續。月上東南峰。娟娟娟疎竹。

盛誠齋儀部招登八境臺二首

雙江如帶繞城流。積翠參差擁堞樓。五嶺北來烟樹迥。八閩東眺海雲浮。丹梯碧檻還今日。薜壁蟲碑記昔遊。玉局風流曾此地。惠州老去又儋州。

二

青門旅橐卷二

三

炎方初伏此。凭闌八扇窗。開俯碧湍飛。鷺浴鷗晴檻。聚堆藍湧翠。晚尊寒宋元。灰劫餘高棟。吳楚風檣倚。急灘白鵲朱樓俱。蔓草隔江殷。殷寺鐘殘。

舟夜

露坐遲明月。東峰缺處生。杉篁千尺影。搖漾半江清。輝水螢亂滾。滾夜灘鳴。暑氣宵分薄。風涼白紵輕。

豐城道中

蕭灘一夜雨。颼颼疑清秋。曉放劒江艇。江渾淥漲浮沙。村漁網集。遠岸荻蒲幽。向夕櫓聲亂。青莎飛白鷗。

二詩皆律  
帶古意



讀阮亭先生南海集戲題奉簡

前年先生嶺南去郡守郊迎令負弩紅衫官道擁蠻娃  
黃帽刺船謹蚤戶今年我訪羅浮春邦伯如帝鬼司閭  
託宿頗遭逆旅罵半龕喜與彌勒親回帆曉泊贛江下

故人邀我弄盃畢盛誠齋儀部持贈先生南海吟壓載鮫珠

三萬顆浴江孔雀翠襪從出網珊瑚紅磊砢我詩強哦

口如箝黃鐘鏗錡鐺缶啞昌黎足令籍湜僵醉翁或許

蘇梅頗蘇子美梅聖俞較量事事未稱意只餘一事應輸我我

來正值荔支天賴虬珠堆瑪瑙盤清泉初浴絳襦皺蘭

香微擘冰肌寒齒唇甜雪融無滓瓊乳霞液爭芳鮮方

青門旅棗卷二

五

紅江綠誰比數釵頭丁香亦可憐飽噉半月變頭髮衰

容看鏡驚朱顏題詩遠寄華不注想見先生掀額捧腹

吻流涎清泉四語為荔支寫照色聲香味具足令我采頤

武昌謠

武昌城頭墮天狗城中半夜聲如吼百犬狂一犬吠矛

稍團團中丞府鳴鶻橫貫將軍肘九門樹旗畫飛駁牧

奴屠兒印如斗團營十萬銀刀都爾曹齏粉行遭屠不

見菜市街縣賊顧誰作逆者耿與吳是漢魏謠辭在張文昌楊麻夫上

筠州漫興

鳳山之麓古筠州兩城中貫錦江流仙蹟有無象石嶺

柑林青翠鮎魚洲秋深驛路樟仍綠霜薄陂田稻更收  
摩挲北宋殘碑碣依舊東軒屬子由

西陂雜詠爲宋牧仲先生賦六首

淶波村

結廬宋城下豁達南湖口天水涵空青烟波盪窗牖閑  
扉狎鳬鷗淺渚足魚藕試披輞川圖淪漣勝此不

釣家

泛宅計元疎移家意殊快小艇離根柢閑罾高柳挂落  
日攜竿歸秋風響蒲稗釣亦自不得得亦自不賣

緯蕭草堂

青門旅棗卷二

五

水閣烟鴛小渚寒秋光薄嫋嫋西風吹葭莢日搖落草

根亂蟲聲荳簫通夜作高人亦晏眠篝燈自織箔

和松巷

天空激翠濤夜靜疑風雨開簾澹明河松頂月初吐攜  
琴就松根一彈聊再鼓寥寥空山中冥心遊太古

芟梁

水淺菱葉亂水深菱蔓長蔓長礙牽舫葉亂愁漸裳一  
水橫畧約采采盈幽香溪路久延佇新月隱迴塘

放鴨亭

朝呼闌鴨出暮呼闌鴨歸寒翠啜石髮浮沉弄漣漪浦

樹含遠綠。空亭漾清暉。沙頭兩鷗鳥。與爾共忘機。

西坡諸詠  
最近唐音

登臨江麗譙望閭皂山

山如傑閣竦。翠靄橫半空。白雲生山腰。却遮東西峰。雲去衆峰出。了了青芙蓉。福地傳圖志。列仙有遺踪。搗藥留丹臼。靈禽鳴洞中。斗壇掃叢竹。瀑布吹天風。玉像出碧土。鐵鐘識咸通。宮觀千餘年。屢見劫火紅。唐碑想剝泐。宋碣應苔封。我來已半月。未暇試孤筇。青鞵蹋泥滓。慚愧塵土容。茲晨俯危樓。碧浪涌且重。秋樹正如洗。秀色開心胸。青鳥從西來。寄聲語仙翁。五嶽願儻諧。逝將

青門旅橐卷二

三

巢雲松

中秋客廬陵使院戲効楊誠齋體

前年中秋客西湖南。高北高雲模糊去年中秋。住白下大珠小珠濺。簷瓦今年偶作廬陵客。四望青天喜澄碧。三年祇得一年晴。今年那得兩。今夕屋角初上黃金盆。月華桂露微細縕。須臾萬象共一色。碧烟歛盡玻璃寒。官釀驚黃壓鄴醪。飽飮鷄頭開鴨腳。諸君自醉我自醒。金波倒射鷗鷺杓。夜深獨上凭危樓。月仄下瞰白鷺洲。螺峰一點蒼烟浮。青原黛色橫城頭。滿前清景供冥搜。我詩老懶愁凋鏤。直向誠齋乞句子。明年月似今宵不。

舟中九日

九日頻爲客。今年又轉蓬。川長遙鴈滅。秋老異鄉逢。嶺樹千盤翠。江楓一葉紅。東籬花自好。漂泊漸成翁。

安福山行

涉冬氣微溫。南中信殊候。嗽澹林景清。巒翠微瘦。紺碧閒青黃。霜林紛纈繡。刁調振虛巖。羣響互奔湊。路傍千穉松。青青類舍耐。人聲驚麋逸。泥跡於菟圖。磴石澀古蘚。暗泉洩巖竇。湍流去無踪。紆徑忽復遘。明滅榛莽中。蛇行屢回脰。斗折赴陂渠。瀧瀧決縣溜。出谷見邨墟。人烟午炊後。田家欣有秋。負暄嬉老幼。空園臥轆轤。低

青門旅橐卷二

三

牆垂橘柚悠然懷。故山歲功亦已就。

擬儲王之標  
乃爾新致

分空道中二首

山腰縈細徑。仄磴滑苔封。紅葉不落樹。白雲時露峰。凍泉依古澗。崩石偃枯松。颯颯黃茅仆。驚心印虎踪。

二

莽嶺山行盡。平洋帶一川。茶花繞籬落。冬月開白花。蕎麥秀陂田。犢飲投前澗。鴈盤逼暮天。寒江臥虹影。驅石

話當年。萬年橋頭年鹿傳  
是故相嚴嵩作

題孫徵菴前輩觀瀾圖小照二首



十年宦海得閒身回首驚濤拍岸頻何似鶴湖風景好  
鳴頭微皺碧粼粼

二

白髮紅顏羽翰生黃婆丹鼎大還成御風會訪三山去  
身在鼇簪頂上行微庵願談內丹故詩及之

袁州謁昌黎祠

祖龍一炬灰墳丘燭龍晝暝天帝督西京老翁解事  
手箋口授牛毛稠當塗以還亂繩紫南島北索如羹蜩  
叶況復丘軻沒已遠東西二鳥鳴嘲嘲帝憂濁世寒  
樵造公騎驎下九州東坡碑詞下與鈞韶九奏響阿閣

青門旅槩卷上

宋

金鐘大鏞鏗天球二鳥縮頸萬寂暗儀鳳舞獸紛夷猶  
炎州湯沐帝所賜潮州量移仍袁州袁陽山城僅斗大  
袁山屏顏袁江流元和去今一千載雲烟草木榮光浮  
祠屋三間古臺下丹楹粉壁龍蛇幽豐碑倒薤纏蟲鼠  
公神縹緲應來遊星旄騰霄軼浮景挾兩蒼螭驟素蚪  
十洲羣仙從遊戲圓綫馬扶桑輓我欲挽公敬下拜  
踞陳辭香公許不韓門弟子四五輩翔泥郊籍誰其儔  
天門談蕩公不來風寒竹樹聲颼颼

足與李商隱並韓

空春臺懷古

團圞千峰斗大城層臺四望翠烟橫巴陵水闊鴈初到  
嶽麓霜寒猿夜聲吏部殘碑纏野蔓贊皇遺蹟竄山隄  
文章勲業俱黃土寂寂袁江夕照明臺左爲昌黎祠化成巖文饒讀書處

青門七律往  
往起語力量

人日小飲牧仲先生署齋賦贈二首

軍吏放衙罷翛然高士廬一尊又人日萬卷苦吟餘殘  
雪明屋角梅花對道書凝香簾影外凍雀下空除

二

鈴閣眞如水臣心聖主知指揮閑羽扇環甲靜園基  
談次偶及戊辰七月定變事扶屐雲卿圃看碑孺子祠風流笑山簡

青門旅槩卷二

元

只醉習家池

雪後登滕王閣放歌

我攜鐵篴羅浮回豫章城頭吹落梅羅浮仙人大狡獪  
蜚廉膝六供呵撓亂灑梅花遍原隰千峰一夜爭皚皚  
曉披白鶴氅獨上滕王閣九疊屏風失青翠瓊樓十二  
垂珠箔長江瀟森迷孤蓬漁舟藏浦高桅泊團團萬頃  
水晶盤一片寒光暮寥廓初疑海上浮神山蓬壺縹緲  
不可攀其物禽獸盡白色用封禪書語銀爲宮闕虛無閒又  
疑誤跨玉虹入月府玉輓抱杵凍不舉霓裳對對舞仙  
姝清虛高處寒如許回頭雉堞堆瓌瑋簷冰拄地鐸鈴

語鱗鱗萬瓦濕烟浮旋覺此身尚塵土忽憶勝閣今千  
年勝王蛺蝶隨荒烟子安退之骨已朽何況珠簾歌舞  
當時妍惟有西山只如舊此中棲隱多神仙洪崖丹竈  
流銀汞蕭史茅龍耕石田我欲左攜葛勾漏右挽梅子  
真徑呼玉蚪騎上天雲中縞鶴紛翩跹或言神仙之說  
竟茫昧且飲美酒酤朱顏向晚江山轉清絕逸興擎雲  
坐超忽夜深蹋雪還上來揮手寒窗招海月

渾涵汪茫千葉萬狀青門才  
情故未易多有許郎不下拜

### 漢四神古鏡歌爲家汝爲作

蜚廉鼓鞀噓祝融幽煉三商騰雄虹幽煉三商  
鏡背銘字金姥竊

### 青門旅棗卷二

三

月離月宮取兔作腊斫桂叢一片秋水空復空栢梁建  
章窗玲瓏嬪嬙照影芙蓉紅茂陵相隨葬龍子千八百  
年精不死飛出人閒土花紫硃砂翡翠斑鱗起阿咸得  
之豫章市按圖考銘十二字囊以古錦陳文几要我作  
歌傳久長湘簾夜夜凝寒光雷電搜取慎隄防

長吉嘔心語那得  
如此秀爽靜山

### 南康阻風和彭觀宸

廷獻

夏庚

廷謨

宮亭湖上春風顛落星灘頭浪拍天二月未殘五老雪  
長年誰放九江船黑豚無數正吹浪白鳥一雙時掠舷  
篷窗竟日蒙頭臥弟倡兄酬覺汝賢

老筆疎放得  
杜意靜山

### 題錢舜舉三蔬圖和牧仲先生作三蔬菜筍蘆菹也

眼底青青見生菜泥融雨濕流新翠箭筍翻土一尺漲  
錦綳乍脫嬰兒臂恰疑江南三月天不應蘆菹已出地  
細看乃是三蔬圖雪溪好手寫生殊雪苑先生精賞鑒  
一蔬五十六璣珠先生分繫以古體  
長句五十六字青門老圃江南客  
蔬譜風味頗能說爭春蚤韭抽露牙破寒晚菘壓小雪  
榛羹青嫩蕨苗肥點匙鹽豉蓴絲滑驚雷森玉蕈如釘  
拗頸爛烝壺似鴨叶桑鵲梢鷄下筋鮮蔓青叶薺登盤  
活筠籃小摘爪甲芳薑辣橙香紛縷切二十七種庾郎

### 青門旅棗卷二

三

鮭五百食器烏鰐鱉窮冬旨蓄貯凍壘枯腸破甕寒菹  
熟楊誠齋詩自笑枯腸成  
被羹一生只解貯寒菹十年無事作行腳南窮邕管  
北幽朔南庖只解腥介鱗北饌未免誇羊酪邇來日日  
飽官厨西江花豬白勝玉雖憐菜籬遭蹴踏頗笑將軍  
不負腹恐此亦復非良圖齒雖未豁霜生鬢青門三徑  
行荒蕪芋區瓜瓞歸當鋤展圖惆悵胡爲乎江南何處  
無三蔬噫噫吁江南何處無三蔬

如此學宋詩風韻  
正爾佳絕靜山

### 庚午五日楊青邨大令邀泛琵琶湖六首

十日九日黃梅雨半晴未晴端午天餘干令君雅好事



酒鎗茶具上湖船

二

琵琶洲漲浸城門也有龍船鑼鼓喧最憶胥江水嬉盛  
黃龍十丈繡旗翻

三

弋陽溪頭急雨生羊角峯尖斜照晴遊人艇子爭歸去  
鴉札滿湖柔艣聲

四

人散湖空鷓鴣閑斷雲薄靄有無閒移船更向梅巖下  
卧看雲林一幅山

青門旅橐卷二

三

五

三叉艸徑聽呼牛一抹邨煙紫翠浮山照欲沈殘雨散  
斜飛白鷺掠船頭

六

背郭人家蚤上燈青衫小吏立沙汀底事回橈已曛黑  
使君貪看晚峯青

芝城道中偶維舟村步即景

夏木十餘株交柯暗空翠茆簷三四家繞溪種菱菱纔  
丹綠陰下赤日無暑氣邨婦餉田歸邨童泗水戲林外  
殷其雷湖雨忽而至

舟中爲彭觀宸題四時漁樂圖

蓬窗十指如懸槌彭子持畫索我題展頁四幅漁樂圖  
平湖好手今倪迂桃花水滿蒲葦綠潑刺白鯽三尺玉  
薰風湖岸荷田田綠陰樹底枕蓑眠秋汀鴈落秋山翠  
得魚沽酒船頭醉忽然幻出千峯白一竿清絕孤舟客  
看圖髣髴笠澤湖我亦煙波舊釣徒憑將逸品雲林筆  
簪笠樓蓑貌老夫

六月初二夜泊康郎山書所見

火雲崢嶸日欲暝康郎山脚船拋碇崖深樹黑鷓鴣呼  
漁燈星點互澄映湖東黑雲起如綫須臾潑墨滿湖面

青門旅橐卷二

三

風伯噫欠初蓬蓬忽然震撼翻天宮戰馬萬匹車萬兩  
奔騰轟轟聲殷空阿香玉女助威勢掀掀海簸何洶洶  
可憐山根艤百艘大船小船相舂撞呌號吸呷人聲呢  
高桅摧折拔枻椿駭浪澎湃走石紅飄瞥一覆誰能扛  
赤光睽睽音閃黑雲裏疑有神龍掉其尾倒捲番君半  
湖水雪雪蕩蕩蓬蓬萬矢雨聲似拔昆陽壘漲水盛溢屋  
瓦飛虎豹股栗牛馬死平地定應深尺咫三更風定雨  
漸微敲火照船乾處稀我書一束亦漏濕不眠咄咄頻  
嗟咨篙師斂手向前語君今得生乃大喜破書數卷不  
值錢飽蛟螭腹尋常耳日出開船打鼓聲起看波面韡

紋生光景變幻只如此得喪俄頃何足驚君不見鳬鷺  
拍拍風飽帆湖光依舊青於藍

橫空盤硬語妥帖力排羣  
如此詩侶可不媿靜山

北蘭寺記遊六首呈澹公

仿舫居

巖屋如鵲螺盤旋通詰曲仿舫五笏餘芭蕉半池綠何  
處來炎歊高樹夾修竹

到汝堂

到汝堂中坐翛然涼吹生娟娟翠篠合嘒嘒幽蟬鳴我  
欲敷清簟卧聽疎雨聲

青門旅橐卷二

三

列岫亭

列岫隔江青孤雲就檐宿煙渚白鷗飛樹杪風帆逐微  
雨鶴嶺來南宮山六幅

種瓜圃

開荒薈薈林藝此五色種艸逕露未乾老僧來抱瓮我  
亦種瓜人煙雨長鑱重

棟花坪

在到汝堂左高下種  
棟樹予愛其景因名

石磴上修坪苔逕破幽靱棟樹百餘株濃陰午匿而想

當花落時地衣紫錦濕

澹雪泉

泉絕佳而舊名頗俗予更  
名以澹雪故參寥泉同也

北蘭澹雪禪西湖參寥子泉以二老名風流亦相似山  
月轉轡聲幽鳥忽驚起

短章高秀亦原  
於常柳靜山

又寄題棟花坪

北蘭幽絕棟花坪上有斲成青玉枰棟陰滿地山鳥寂  
隔院時聞落子聲

李渭清宮贊典試雲南遙寄

銅龍闕下承新命黃雀風前過洞庭竿焚烟開六詔遠  
澧沅天入九疑青木瓜砦古餘蠻壘金筑城荒閭使星  
舊是長卿乘傳地盛張幾輩許傳經南士盛覽張叔  
俱從相如受經

青門旅橐卷二

三

二

古驛秋蟬疎柳黃碧油幢擁下關滄鐵橋銅柱標蒙詔  
一握孤雲露點蒼象馬頻年通貢道賸蠻盛世有文章  
去攜李白瑤璃研詩句流傳遍夜郎

青門旅橐卷二



序

思硯齋詩序

合肥許君生洲大父中丞公明天啓開守紹興夢東坡手授一硯明日童子種竹郡亭於巖窾間得硯旁刻天然硯三字背有東坡像蓋郡亭枕種山麓相傳山以越大夫種得名云中丞公寶之數十年明末失於亂時中丞公既歿而君之尊人蒼巖先生追念手澤顏其齋曰思硯既而君宦遊京師乃自爲思硯齋詩紀其事一時

青門旅棗卷三

序

與君遊者又作爲詩歌以傳之余開攷東坡年譜未嘗至會稽友人毛奇齡之言曰公守杭去此僅百里往來遊居亦未可知或信然耶東坡之硯如鳳咮龍尾洮河石之類皆爲銘而不及天然意當日偶然而得之亦偶然而失之遂不帶芥耶久之詩益多君乃類所得詩若干首屬余曰子爲序夫物成毀得喪相尋於無窮理所固然君豈真介介於一硯與亦曰先人所好吾好之硯其小者耳然而子若孫方且咨嗟索紱於既失之後至於數十年不置則夫詩書格椽之澤之存者其世守勿墜可知語曰硯其小可以知大則是編之傳宜也嗟夫

坡公距今六七百年其間功名富貴蕩爲雲烟者何限而一硯之微顧使人得而愛失而思歷久而不能置然則士君子所以自不朽於世者固有在哉

老筆深思正自使人留連不已

毛稚黃

青門旅棗卷三

二

周櫟園文集序

文章之士不幸不遇則隱約終身幸而遇矣其才氣慷慨足以自奮功名而往往遭廢斥排擠不一竟其用甚者避離既患至詘支體關木索雖屢仆屢起卒不免抑鬱坎珂以死而其文章之僅存者乃僅與貧賤隱約之士爭一日之名嗚呼可悲也歟櫟園周先生少舉進士筮仕卽有能聲順治閒歷官福建按察使遷布政使前後治閩凡八年閩阻險多山時郡縣初定數反覆先生調畫兵食經畧百方閩賴以全以副都御史徵復驟擢戶部右侍郎忌者側目爲蜚語聞上逮繫刑部獄獄日

青門旅櫟卷三

三

急有詔朝審部院諸大臣皆集先生自列狀訴諸大臣傳視未竟俄大風起西北揚塵沙蔽天晝晦風掣手中所視狀入空去風定冢宰大言曰天意如此獄可疑同列皆然之奏上未報會世祖崩大赦得釋時順治十八年正月七日也今上初稍理還其官以僉事按察青州尋遷叅議督糧江南未幾復遭劾解職聽勘先生博學多著述所爲詩文極富至是忽夜起徬徨悉取火焚之曰使吾終身顛路不偶者此物也迨事解而先生亦卒矣悲夫先生旣沒予在浚綴拾所爲賴古堂集若干卷傳之且屬予序予以爲先生詩文久自行於世

世皆知愛重之獨悲先生位不配其才遇不究其用爲可歎悼蓋天下有事常患無可用之才而士之才者又往往患不盡用嗚呼如先生者不可惜哉不可惜哉慈溪姜宸英誌先生墓稱所爲詩及文機杼必自己出語矜創獲不蹈襲前人一字剗鉅瀟濯而歸之大雅又稱先生方對簿時吏卒犇立銀鑄累累呼晷聲如沸手拳據地顧伍伯乞紙筆作送客遊大梁詩先生意氣如是其詩文安得不卓爾出羣也先生名亮工字元亮櫟園其號在浚字雪客好學能文章有父風

青門旅櫟卷三

四

泉咽於危石 王阮亭先生

意境殊不猶人起處數語便復耐人俯仰後入感慨一二語便止矜惜筆墨如此今人多不解爾直以拖沓潦倒爲工耳○文經阮亭評點大約最嚴最當予極愛其丹鉛矜貴語子湘當破例存之 陸水修



贈王子重先生序

進士之名猶古也。古者學成而爲進士。後世成進士始可以爲學。三代之時士之入於學者。春誦夏絃。秋學禮。冬讀書。而其養之之漸。必自一年歷七年。謂之小成。九年知類通達。彊立而不反。謂之大成。然後論選於鄉。升於司徒司馬。而名曰進士。故古者無不學之士。士無未成之才。今世則不然。其急者科名也。其習者辭章訓詁也。兢兢守四子一經之說。童而學之。白首而浸淫焉。一切經史子集。兵農禮樂。天文律曆。象數諸書。相戒屏斥。以爲是不利於制舉。間有一二瑰奇辯博之士。稍思旁涉其源流。其父師之操之也。惟恐不嚴。幸而成進士矣。然後得釋去。經生家言。而其間又有不說學與不暇學者。陋者飾輿馬。儼從蓄聲伎。亟譙會誇耀里閭。以自豪者。其有志者。又以仕爲學。往往困於簿書期會訟獄之繁。嗚呼。信乎學者之難其人也。黃岡王子重爲今學士。吳廬先生次君歲己未。就試禮部。成進士。不肯畱京師。曰。吾將歸而肆力於學焉。子重以名家子。能自刻苦。好古義。紛華靡麗之習。無所動其中。而今時銓法壅滯。山進士起家者。或索十餘年。乃得官。王子行矣。負好學之資。居可學之地。而假以寬閒之歲月。譬之於舟堅其楫。施

其帆檣其用良矣。以之行江河之中。沿流而遇風。吾能竟其所至。哉。於其別也。爲之序以廣其意。

不煩結構而機杼天然。結處尤有自厓而反。君自此遠矣之妙。

王阮亭先生

結體命筆俱近退之。自是文之最上一乘。

陸冰修

送翁武原詩序

錢唐翁君武原來京師謁選得黃州倅行有日矣翁君故善詩爲賦別詩四章諸與君遊者皆和之謬以予能文屬予序黃州楚名山水處也江出夔峽下荆渚合洞庭沅湘會漢沔以至於黃澎湃蕩涵浩無涯涘隔江武昌石門諸山峰巒隱見縈繚萬狀憶十年前中表兄楊簡菴令黃陂予一再過其地輒游眺竟日獨赤壁不在今黃州後人多怪予瞻之誤按圖經嘉魚有魚嶽大崖之山瀕江爲赤壁北可望烏林陸口宋謝枋得曰予自江夏泝洞庭舟過蒲圻望石崖有赤壁字其北岸曰烏

青門旅藁卷三 序

七

林亦曰烏巢上有周瑜廟此爲瑜戰地無疑考之史皆合蓋古蒲圻地今屬嘉魚也黃州之山則名赤嶼地志曰赤嶼距圻而近北望武磯是也亦名赤鼻桑欽水經曰鄂縣北江水右得樊口又左逕赤鼻山南是也子瞻博極羣書不當從俗訛嶼爲壁豈其撫江山之如昨悲英雄之易逝偶借以發一時憑弔之感其誤謬有不足深論者耶夫攬山川之勝詳攷故蹟此賢有司事也若夫道情念離諸君子言脩矣簡菴從子陶雲今方以觀察蒞黃陶雲好古工詩亦愛予文相見必善遇君君試以予言質之單拈一事澹宕而多風

王阮亭先生

送張君之南寧別駕序

南寧古邕州地當桂林西南徼瀕大海外連交趾是惟颶濤瘴霧毒熱之區蛟鯉蝮虺之所窟穴林蠻洞獫鳥言卉服之民之與居仕宦者往往不樂其地而別駕所以佐守然有分職或主錢穀或遊徼盜賊厘其職之所司不敢旁及吏民持牒愬却案畧不敢省不者爲侵官故雖有瑰奇特立之士思自建豎恒鬱鬱無所表見嗟乎豈朝廷設官意哉長洲張君肅如令登封仁慈尚教化尤自愛力矢廉潔登封人信之曰廉令也位於其上者皆信之曰張君廉令也以卓異聞於朝朝之卿大夫皆信之曰張君廉令也而今例令以卓異舉者得爲御史給諫其次亦爲曹郎君廉顧皆不得得南寧之別駕以去其心獨能無介介耶雖然君嚟然守古道者也士守古之道者內外遠近劇易惟上所任使皆可自見故夫謂君不樂於茲行者淺之乎知君也於其行序以送之

青門旅藁卷三 序

八

尺幅中具無限感慨低徊欲絕信乎下筆有神

毛雅黃



贈戶部尚書王公祀名宦錄序

世祖章皇帝師入關仗大義驅逆闖賊潰西遁而青豫  
閒多爲賊保聚元年八月墨勒根王議遣兵下山東河  
南前戶部侍郎淄川王公時在京師懼東省桑梓地一  
旦重罹兵乃身出邀說王曰殿下奉命討賊灑中原不  
共之讐甚義電捲颶馳不旬日而平幽燕甚武畿輔以  
南亾不釋耒倚機傾耳以待命者然殘寇餘孽所在保  
聚二東三河聲教未通驟以大兵臨之恐民情疑畏堅  
其附賊之心且兵法有先聲後實者請按甲休兵遣一  
介之使宣揚義聲則兩省可傳檄而定墨勒根王大喜

青門旅槩卷三 序

九

奏遣公以原官招撫至德州以書諭城中陳利害既福  
降之諸郡縣相繼降至濟南稍稍置官吏收版籍布威  
德衆志大定東次青州趙應元者黠賊也擁衆數千僞  
乞降公信之不設備應元乘夜襲青州城陷公死之嗚  
呼當申酉之際海寓土崩大河南北受僞命負固者相  
望蠶屯蟻聚至不可勝數然小民何罪數年之內雖次  
第削平而老弱苦累丁壯膏野草民之離於鋒鏑者  
不少矣公單車馳尺一之檄下五十餘城淄兗海岱閒  
晏然若不知有兵革事功顧不偉與武者以青州之陷  
咎公之疎天下事患固生於意外而變起於不及防既

已出身犯難詎能一一逆視禍福特視其幸不幸耳在  
易需之夬曰需於血出自穴需濡也血傷也君子痛生  
民之塗炭戚橫流之未已將濡跡以濟之雖傷不顧若  
其出不出天也然則公之心獨苦而遇可謂不幸矣公  
死再閱月將軍哈木率師復青州擒趙應元誅之事  
聞詔贈公戶部尚書予祭葬官其一子後三十餘年畿  
輔學臣以士民請檄祀公名宦公之從子學士君又徵  
薦紳先生詩若文紀其事而屬序於予按祀典有功德  
於民則祀之死勤事勞定國則祀之使公非有功德於  
民既三十餘年矣士若民何所不忘於公而請祀之耶

青門旅槩卷三 序

十

嗚呼可以觀公之事矣公諱鰲永字蘅臯別號澗邈世  
爲山東之淄川人  
有體有法要是名手文氣亦近西京 陸冰修

送姪璿遊太學序

邇者廷臣言太學人才所自出比入貴者多無以稱上  
廣厲至意願下明詔令學臣選茂才異等者郡學二人  
州縣學一人以名聞貢入太學詔曰可於是吾郡以璿  
應詔予於璿爲族父行又常從予遊其行也何能已于  
言上之人操以進退天下士者文而已耳而原乎其意  
亟亟焉欲得天下士而用之者又不以文蓋生民之治  
否中外之利害得失一代之理學事功節義皆待此數  
十輩科目之士羣起而任之而今時所爲科目之文守  
章句攻訓詁驅天下瓊瑋卓犖傑出之才俛首而束縛

青門旅櫟卷三

士

于其中方且相習爲丐貸剽竊空疎無用之學以微倖  
於一日之得而不知所返是故所養非所用豈上之意  
固然耶吾邵氏之先實祖康節自淵清公扈蹕而南派  
衍吳越閒宅不敢遠引梁谿文莊公洊歷中外所至著  
清譽正德中忤閹瑾幾蹈不測晚以請養歸講學東林  
得濂洛之傳武林弘齋公嘉靖初以議禮忤枋臣拜杖  
遠戍著書數百萬言學者私謚弘毅先生今年予客越  
得讀其書所謂三弘錄者益想見其爲人相距二三十  
年開東西四百里兩鉅公裁業相望若吾宗二華然嗚  
呼科目如是可謂無負矣璿內行醇備事親孝居三世

不析著力學者古自六經以迨史漢唐宋大家皆涉其  
藩舉業之言亦能高出儕輩以故名嘖嘖起使挾此而  
希一日之倖何難顧予望璿不止此方今賢士輻輳太  
學如東漢郭林宗符融唐何蕃歐陽詹宋六君子之流  
表表史冊者今固宜有其人然求其可與講道德資古  
今者終身得一二人已足願益讀書慎交遊務爲有用  
之學以庶幾文莊弘毅所樹立使世謂科目有人詎不  
偉哉曩予客京師久名公卿及四方賢士往往親予試  
持子言以往諸君子且幸教璿也

歷泝家學而勉之諄諄閱論卓識中有矜慎處斯真

青門旅櫟卷三

士

古人斯真古文

毛稚黃



張水部歸養詩序

六經之教惟詩善言情而情莫切於父母之養顧三代之盛也臣子往往不自言其情而上代爲之言小雅四牡之辭曰是用作歌將母來諗解者口諗念也知汝以養母之志而來念也夫使臣不言而上委曲言之如此使其請之有不聽乎故其時無不養之親親無失養之子而南陔白華華黍作焉三詩皆至詩亡其辭序曰南陔孝子相戒以養也白華孝子之潔白也蓋言奉華黍以養其親如華之潔也自是萬物咸遂其養而王道成矣故繼之以由庚崇丘庚更也言物雖更變託於大丘之上靡不遂也及其既衰上既不能周知臣下之情而臣下亦無由以自達乃不得已而託爲憂愁哀怨迫切之音以庶幾於上之人之聞之也而采詩者亦備錄其辭列之變雅祈父北山諸什是已聲音之道關乎盛衰信夫 今天子孝治天下士大夫親老無他子者得終養如著令水部魯菴張君以壯年歷官曹郎有聲譽一旦念太夫人春秋高白其曹之長爲請於朝以養歸諸與君遊者皆作爲詩歌以美其行余得而讀之大要其情潔其旨厚其詞渾乎爾雅類有合於南陔白華華黍所稱詠而非祈父北山憂愁哀怨迫切之音可髣髴也

青門旅櫟卷三 序

三

然則是詩之作且以鳴王道之盛焉其傳也固宜詩見冊子中者若干人四方之士皆有之屬毘陵邵某爲之序

文用說詩體風神澹宕在子政南豐間 毛稚黃

青門旅櫟卷三 序

古

豁堂語錄序

華菴上人持其師豁堂語錄若干卷自錢塘走京師三千餘里屬予序予未習佛家言而嘉華菴之意乃爲序曰夫學佛者之有語錄猶夫學儒者之有集云耳自穆子三不朽之說並立言於德功而後之學者莫不鉢心擢腎疲畢生之力以斬成一家言傳後世然開攷前史漢藝文志所載至隋已亡十六七歐陽修稱唐之學者自爲之書多至二萬八千四百六十二卷宋存者僅十二三以今日所見求之宋元明亦復如是嗟乎是皆世所稱能言之士也其文往往汪洋奧美震動一世之耳

青門旅棗卷三

序

五

目世之好奇愛博者往往慕說稱道之而數十百年間已凋殘磨滅不可勝紀彼其說雖未必盡合聖人然類多依本孔孟之指君臣父子夫婦之道禮樂刑政治忽之大端穿穴鉤蠹以成其說然猶不能傳遠如是况乎虛無澹泊如浮屠氏之言者歟聞浮屠師有達磨者以爲三藏皆筌蹄不立文字而後世學其學者顧喋喋咕咕欲以信今而傳遠毋乃惑歟雖然吾見世之號師弟子者輕棄師說守之不堅其者角立門戶不幸遭離禍患死亡則自諱其師更名它師者有焉今華菴表揚其師於既亡之後篤信自守華菴之賢有吾儒所不能及

者矣豁堂爲臨濟宗其傳遠有端緒常與今相國益都馮公交相國欲延致之京師豁堂堅謝既示寂相國銘其塔而新城王阮亭先生語予曰豁堂本儒者其詩清麗可誦云

原本韓歐二公之旨不粘不脫是其佳處

王阮亭先生

近日士大夫沉溺二氏殆不復知六經爲何等語子湘斷斷斷斷操昌黎遺矩了不過徇便是空谷足音中一戾歷落鄭重令讀者猛然不敢作慢易閱過品格卓絕

陸冰修

青門旅棗卷三

序

六



送孫太史周儀部出使安南序

代

皇上天覆地載。薄海內外。悉主悉臣。四裔之君長。重數譯稽顙闕下。使節往來。冠蓋相望。而安南於諸國尤恭順。先是逆藩構亂。道梗塞。又其國再易主。顧懃懃不忘天朝事大之禮。勿懈益虔。上嘉其忠。詔選廷臣。通達國體。知使事者。滿漢各一人。往諭祭其故王。又滿漢各一人。往賜璽書。襲爵如故事。上親灑宸翰。書忠孝首邦四字。賜之恩禮有加。於是編修孫君儀部周君承命以行。朝之士大夫皆贈以言。予聞按史冊。安南古交趾也。滇粵以南。占城真臘。滿刺加之屬。雜國以十數。安南最大。宋元來世。備外徼。明永樂間。常用兵郡縣其地。不數年輒叛。宣德間。以二楊議罷之。復其國。然而終明之世。叛服不常。今天子仁聖神武。或逆節萌生。王師所臨。簪飄席捲。而守禮之邦。則寵嘉而褒異之。薄其貢入。不利其土地。深合古聖王御遠之道。而安南亦明於逆順。王享惟謹。所謂主臣交得者也。何其盛歟。又聞弘治初。翰林侍講劉戡使安南。宣詔明日。遽行所賂遺珠香犀象及橐中裝直可數千金。峻却之一無所受。交人愧服。爲建卻金亭於思明道中。今兩君皆博雅君子。以學行受上知。視戡所爲。無足深異。兩君行矣。當必有增重

天朝炳煥史籍者。若夫交遊之離合。羈旅行役之勞。山川風土。瘴雨蠻烟之異俗。皆小者也。故不書。立言有體。筆意夭矯。卽何減送殷員外序。

陸水修

吹萬集序

楊子聞緒令餘于之明年余以粵遊經其邑楊子余中表親也喜余至延之署中歡洽累旬日已乃出其詩曰吹萬集若干卷屬余序吹萬者何本蒙莊吹萬不同語也蒙莊氏之言曰大塊噫氣其名爲風是惟無作作則萬竅怒呿故其所爲以鼻似口似耳似枅似圈似臼似洼似汚者極衆竅之不同也激者謫者叱者吸者叫者譟者突者唱于者唱喁者衆竅之聲之不同也然而冷風則小和飄風則大和參參調調刁刁而自合乎籟者則無不同古今之詩亦然詩自三百篇離騷而下有漢有魏有六朝有三唐有宋有元有明有今海內稱詩家其不同也猶夫竅也其音之洪纖高下正變清濁剛柔嚶緩促急和平噉咷之不同猶夫竅之聲也而要其緣乎情沿乎法各鳴其胸之所欲言而扣之而成聲則無不同不成聲不足名詩余怪夫百餘年間譚詩者之曰陋也主漢魏三唐者詆宋元人詩曰旁門曰小乘主宋者詆前之所作曰賸曰勦甚則怒其子孫乃并其祖父而訾之波流雲擾詆誦益出不惟其是之折衷而規規焉分流派別異同以靳其勝而後已譬之三尺童子截六寸之管空其中而吹之偶得一二聲守之不變且號

青門旅槩卷三

序

九

於人曰吾之聲可使景風翔慶雲浮吾之聲雖師曠之清角鄒衍之吹律無以加噫其陋也余以謂詩顧其成與不耳成則皆足以傳而流派異同固可亡論楊子之詩初喜劒南近乃喜讀少陵大要能自鳴其胸所欲言而扣之而成聲者進而不止則其詩之可傳亡疑余學詩三十餘年詩亦屢變今老矣愧未有成顧塵能言之楊子將以余言爲數音乎哉

青門旅槩卷三

序

二十



仁和李氏宗譜序

仁和李生祖望請余序其宗譜余諾之而未暇以爲者三年於茲每見請益堅噫生之用心抑可謂賢矣周禮太宰以九兩繫邦國其五曰宗以族得民註曰宗繼別爲大宗收族者也余嘗以謂三代以後宗法旣廢而先王尊祖敬宗收族之遺意屢有存者莫重於譜系李觀有言五服者人道之大治也然而上盡高祖勿盡三從上盡高祖則遠者忘之矣勿盡三從則疎者忘之矣人情忘則遺遺則散散則交臂不相識慶弔不相往來甚者相奴隸膝僕而不相卹人道幾何不淪胥耶若譜系

青門旅棗卷三 序

三

明則不然自始祖而下吾身而上苟世次名諱之可知者靡不詳載世次名諱之旣詳則雖親盡服盡吾猶得而收之而不至於遺且散故宗法雖不立而大宗之意猶有存焉嗚呼不綦重哉今世類不講譜牒之學世家子弟往往以門第高人而高會而上或不能舉其名者有之而其得姓所自支分派別之所由雖號稱士大夫或不能悉可慨也李於仁和并著姓顧其傳頗久宋高宗時諱彥者扈蹕而南董龍舟之役杭人稱爲船李彥十三世孫諱官明萬曆間以工篆籀選爲禮部儒士譜其所輯也距今七八十年祖望綴拾而更新之又乞當

代名人鉅公序言多至數十首抑可謂賢矣按譜始李耳垂二千餘年凡李氏王侯將相畫像傳贊具在余頗疑其厯雜自豸以下乃皆犁然可考傳曰禮失而求之野有韋布之士委巷編戶之氓之所爲而學士大夫乃反不之及者獨李氏譜乎哉

能於大處起議論無小家數 毛釋黃

青門旅棗卷三 序

三

南城程氏族譜序

建昌之南城曰金斗程氏者其後人某抱族譜介而謁序於余余嘉其誠不能辭南城於郡爲治在黎肝二水之交鳳凰山之陽其民尚通而善賈其世家巨宗則敦詩書尚氏族傳世遠者或千餘年不絕故尤重譜牒之學聞前明時郡故饒又分建藩邸其雄堞樓櫓之傑麗臺池苑囿之高深鐘竿笳角漏柝之喧歌舞騎射弋獵之娛樂與夫奇花異卉燕會醪醕之盛直爭雄於姑蘇錢塘蓋余常誦其鄉先生羅圭峰珥之文所稱說者如此今年余以客遊至其地乃大不逮所聞井屋蕭然闕

青門旅彙卷三

序

聞之區斥爲甌脫者猶十三四詢之邑人則曰江右三  
十年間再燬於寇而吾邑尤甚故瘡痍至今未復因而  
屈指其鄉之世家巨宗蕩析播遷不能保其世者往往  
而有朱邱華屋塵爲劫灰而區區圖牒之散佚文獻之  
彫喪蓋不知凡幾矣於是而弗墜世守益之潤色非賢  
者能與程氏系出高陽世爲重黎氏與司馬氏同祖周  
成王時始封程遂以國氏程伯休父其後也自是代有  
顯人五代之季有名淪者遷休寧閩口自閩口四遷始  
家南城之半角元末名世亨者又由半角遷金斗則今  
之遷祖也余按歐陽氏譜中間失世次者再蘇氏譜三

世而上失其大明李空同譜曾王父而上失其名而程  
氏之譜自周至今歷二千七八百年獨能絲聯珠貫世  
系犁然雖遭亂而獲全爲不易得抑聞之譜所以傳信  
也近世氏族之譜往往由子孫無識好牽連傳會遇有  
闕佚必求其人以實之甚者僞譌諱字世次抵牾正史  
爲識者所笑嗟乎彼三先生者其讀書考據豈遽出今  
人下耶胡聽其闕失也余謂程氏譜第當著其得姓所  
自而支分系別則斷自遷金斗始明初廬陵解學士縉  
精譜學江西一省之氏族源流婚姻官閥無不貫穿古  
與肝接壤今豈無傳其學者君歸求其人試以余言質  
之以爲何如也

青門旅彙卷三

序

作譜序與一邑之盛衰相感慨大家往往有此前幅  
能直寫它人文字三四行一氣轉折如自運固非老  
手不辦

靜山



代寧陵縣志序

寧陵古葛伯國湯所始征也春秋桓十五年邾人牟人  
葛人來朝一見於經其後無可考亦曰沙隨成十六年  
秋公會晉侯齊侯衛侯宋華元邾人於沙隨是也地在  
今縣西寧陵之名始見班固地理志而後世因之舊志  
稱漢元狩元年始置縣是也縣之有志明嘉靖間創於  
呂司寇公坤本朝續而修之爲邑紳李公若星今繼  
修之而以序請者邑令王君也寧陵爲下邑地偏而瘠  
然緒梁宋宛洛許潁江淮之衝明白中葉時頗困共億  
又瀕大河歲有人徒舂鍤之勞前志已卹卹乎憂之迄

青門旅槩卷三 序

五

明末造流寇往來蹂躪墮垣堙塹井屋蒿萊一二遺黎  
驚竄於青嶺白骨閉寧之爲邑幾不可問及皇清受  
命統一寓縣兩河之閒復爲樂土民生自童穉以至垂  
白不見兵革五十年於茲矣今覽邑志所載城隍峻深  
廛市鱗比學校署舍以至道梵仙釋之宮有廢畢舉加  
之年穀屨登戶口殷殖其君子敦禮讓說詩書其細民  
勤生力田以致蓋臧視史冊所稱古先王遺風殆未遠  
遜蓋自今上御極以來有絲賦屢蠲復勸農桑益務  
與海內休養以無事然後湛恩汪濊日所入出泳沫霑  
溉垓宇之大生息理極雖窮陬小邑物靡不得其所故

邑志之成適際其盛而抑知上之人涵濡浸潤如是之  
深且久而後致是哉按周禮外史氏掌四方之志上之  
天子欲以周知列國都鄙州邑之盛衰與民所樂苦今  
國家方修一統志薈萃天下郡邑志書悉詣送如上如古  
外史所掌夫覘一邑可以知郡覘一郡可以知天下然  
則邑雖小亦將有取於斯志云爾王君名某金谿人起  
家孝廉能以經術緣飾吏事宜得書

文氣古茂有體有法此爲大家正宗

青門旅槩卷三 序

五

青翰草序

南昌彭子觀宸以副榜例當貢太學意鬱鬱若不自得者毗陵邵子語之曰以子之才而浮沉遇不遇之間其鬱鬱固宜顧今日科舉之學何如哉士習四子一經兼通其傳註僅數十萬言然不竟讀也主司不以命題與集註之無益於帖括者塾師率汰其三一而卒業焉已又取時文之剽販丐貨骯骯庸瑣而已售於有司者數百篇課之畧成誦已又取坊刻策論表之與時文類者數十篇瀏覽之大較不過二十餘萬言子弟之穎者可計月而畢乃昂然出而應有司之求用之弋科名去而躋顯榮者蓋比比矣閒有卓犖瑰偉之士稍知博涉經史又不幸負能文章名則去科舉之途漸遠其學益肆則其去之也愈遠流俗乃爲之說曰是不合於有司之繩尺嗟乎繩尺安在哉如此而得我從之而未必得矣如彼而失我矯之而亦失矣然而剽販丐貨骯骯庸瑣而遇者十九卓犖瑰偉而遇者百一則又似有繩尺者存子之才固所謂去之漸遠者也而猶介於遇不遇之間乎則幸矣又何鬱鬱爲且夫學者讀書續言非務博而好勞其中必有所以確乎自信者吾苟有以自信詎以外之僥得僥失者爲重輕哉彭子喜曰先生言是

青門旅槩卷三

序

也會梓近詩一卷曰青翰草屬余序余乃誦前語令弁其端其曰青翰者何蓋彭子以能文章受知家靜山提學按部所至輒攜彭子偕詩多舟次所得因以名云說得極痛快處正爲作者身分青翰意末句畧點最得法

姜西溟

青門旅槩卷三

序

天



少司馬王公奏疏序

王公起家明萬曆丁未進士崇禎初歷官甘肅巡撫入  
爲戶部右侍郎攝尚書事最後以兵部左侍郎總理五  
省督勦有奏疏如千篇定其可存者釐爲三卷明自思  
陵御極十七年間水旱盜賊交訌中外搯擊蒿日而萬  
難措手者曰兵曰餉籌餉則苦兵冗而糜餉籌兵則苦  
餉匱而兵飢馴至中外交困而誤遂貽於國事公三任  
皆當兵餉責而尤難者在總理之役先是上憂賊貽藉  
楚豫特設五省總理命盧公象昇爲之豫撫則陳公必  
謙二公戮力討賊數有功未幾盧公入援陳公以人言

青門旅藁卷三

序

去上難其代者乃命公以兵部左侍郎出總理五省兼  
攝豫撫蓋崇禎九年十月也蘅讀公陳流寇情形及催  
援兵定營制諸疏大要老成持重不肯僥倖不可必之  
功以誤疆事有曰臣區區一念樸誠從實地做起庶幾  
有効不則可以欺人不可自欺更不敢欺皇上嗟乎三  
代以下安得此純臣之言趙充國云兵者國之大事當  
爲後法老臣不惜爲主上別白言之公意類是與跡公  
當日任事僅九閱月兵無專兵餉無專餉故左指右拄  
亦不能大有所創而混十萬蛤蜊圓瓦背紅旗諸賊竄  
伏嵩澗宛葉間者竟公任亦不得逞不可謂非公功也

青門旅藁卷三

序

繼公而總理者爲熊尚書某熊故喜功好大言賊既以  
撫給熊熊亦以撫自給善乎公之言曰力勦而後可撫  
勦不力則以撫誤而撫必不堅嗚呼公固見之蚤矣不  
幸公言而中至於穀房之變張獻忠羅汝材兩渠相率  
颺去如猛虎之跳踉火之燎原江河之潰決奔軼四出  
而不可復制而熊亦自悔其失策雖身伏歐刀而賊禍  
愈烈矣嗚呼悲夫又讀公備陳南陽災荒疏竊歎明祚  
之亡已決於此當是時豫楚沔離兵旱地赭數千里人  
相食而南陽尤甚公抗疏請蠲語至慘痛不可讀即朝  
上而夕報可猶懼亡及而部臣泄泄循習故常第曰南  
陽十三州縣災有輕重渠請蠲免恐餉匱難支嗚呼兵  
以缺餉而折而入於賊民以飢饉賦歛驅而爲賊兵與  
民日少賊日多而卒莫之悟以迄於亡雖曰氣數豈非  
謀國者之不藏有以致是哉或疑公五疏乞歸似以賊  
遺君父憂此非知公者聞反覆公疏以原公之心公始  
拜命慨然以殲賊自矢迨以無兵無餉之總理提空名  
於諸將之上稍稍形見勢詘而會武陵驟枋用陰有所  
主遂聽公歸而公亦不得不去藉令不去必有掣肘  
者嗚呼甲申之變公七十老臣踰伏田野久矣顧不難  
慷慨以身殉況親荷烈皇帝倚任之隆詎不知主憂臣

辱而肯便文自營以弛擔爲全軀計哉竊又以悲公志之不遂爲可惜也公名家禎號軒錄大名之長垣人康熙庚午公季子元烜以名孝廉宰吾邑出公疏彙命衡校讐因具論之如此公死節及它行事宜詳史傳者皆未之及也

文特撮其大要然有明末運禍亂之原已盡於此向見王公與楊忠烈往來書服其先見不可無此文一爲闡揚觀其詳畧處可悟文家輕重之法

姜西溟

青門旅彙卷三

序

三

青門旅彙卷四

後集

毘陵邵長蘅子湘 纂一名

記 書後 雜著

飛來峰記

武林諸山以峰名者百數飛來峰最奇峰之奇以石以巖洞峰高五十丈許緣址至巔皆石也石之狀稜者砥者剝者植者什者兀者寧者獸相搏者駢筍者卓筆者驚若飛墜若壓者奇詭萬態而無一相肖北倚大滬削壁橫展百餘丈石益奇多樹木少土樹多楓樟儲桂松杉冬青石楠大者圍三尺餘冬夏蒼翠藤蔓纏絡之根出石縫鬱屈如虺蛇蟠怪石上澗北爲冷泉亭亭之勝亦以峰不爾亭無奇也巖洞在峰麓有三曰龍泓曰玉乳曰射旭龍泓洞深廣二室其上圓穴仰望見青天如在井中又名通天洞也旁一竇直下深黑相傳有人深入數十里聞舟楫波濤聲反在頂上蓋錢塘江底云出洞折而南爲玉乳洞空廣倍龍泓三面巖戶洞豁豁衍相通人如行屋廡下石乳下垂青瑩膩滑開作紺碧色壁間泉水涓涓下滴窪石大旱不枯又西爲射旭洞亦名理公巖腳皆空嵌浮土上石乳益玲瓏有曰倒垂蓮者圓徑丈下柱不及地尺許華瓣垂垂豐上而銳末如



鏤刻然遊人側肩從華辨閒度最爲奇絕又行十餘步  
旁得石罅僅容身穿罅中出循峰麓而西爲蓮華峰  
是下竺之後逕矣理公名慧理晉咸和間來登此峰曰  
吾國靈鷲山小嶺不知何以飛來其說頗怪峰顚以此  
得名洞皆有題字今苔蘚剝蝕不可讀余遊蓋丙寅二  
月也

筆墨峭蒨與峰爭奇讀之如行叢巖積翠中面面烟  
雲衣袂欲濕

毛稚黃

青門旅彙卷四 記

二

夜遊孤山記

余至湖上寓輞川四可樓已半月輞川者家學士兄戒  
菴別業也樓面孤山暑甚未能往七夕後五日雨過微  
涼環湖峰巒皆空翠如新沐望明月上東南最高峰與  
波溶漾湖碧天青萬象澈澈余遊興躍然偕學士呼小  
艇渡孤山麓從一奚童登放鶴亭徘徊林處士墓下已  
拾艇取徑沮洳間至望湖亭凭檻四眺則湖圓如鏡兩  
高南屏諸峰迴合如大環蓋亭適踞湖山之中於月夜  
尤勝亭廢今爲龍王祠西行過陸宣公祠左右有居人  
數十家燈火隱見林薄並湖行二里許足小疲坐西泠  
橋石闌學士指點語余曰宋賈似道後樂園廢址在今  
葛嶺又記稱水竹院在西泠橋南左挾孤山右帶蘇堤  
當卽此地嗟乎嵐影湖光今不異昔而當時勢談之赫  
奕妖冶歌舞亭榭之侈麗今皆亡有旣已蕩爲寒煙矣  
而舉其姓名三尺童子猶欲唾之而林逋一布衣垂六  
百餘年遺蹟顧至今尚存何耶相與慨歎久之孤山來  
經僧舍六七梵唄寂然惟鳳林寺聞鐘聲寥寥也作記  
以遊之明日

烟波嫋娜得六一坡仙之逸昔人評畫以逸品居神  
品上也

毛稚黃

青門旅彙卷四 記

三

萬柳堂記

今相國益都馮公於都城崇文門東治園一區因其突者壘之爲岡阜爲陂陁因其窪者疏之爲池爲澗因澗之曲折跨以爲橋作堂三楹其中繚以橫檻旁植含桃梅李之屬百本而柳最多至不可數計因名其堂曰萬柳康熙己未春予客京師數往遊旣得謁公於邸第退爲之記曰夫立於百僚之上以身係天下安危忠言嘉謨效於上利澤被於下而已常任其勞此古大臣進而相天子者然也優遊泉石之閒弋林而緝淵羣萃則有朋友琴酒之娛獨居則有詩書吟咏之樂此退而逸於

青門旅藁卷四

四

家者然也二者往往不能相兼歐陽永叔年四十餘卽思買田穎上旣由翰林致位兩府閱二十年願迄未遂自序其思穎詩以爲有志於彊健之年而未償於衰老之後溪以爲歎司馬溫公當神宗時退居於洛十五年其身逸矣顧其時青苗助役農田水利新法紛紜溫公以言不行不在其位老成憂國之慮常有鬱鬱不自得者國家自甲寅以前朝廷宴然海內又安無事公是時已經始此園旣而滇黔用兵邊陲蠢動賴天子神聖大臣協和襄贊五年之內次第削平而園亦適成蓋公以忠誠寬大爲上所倚任常屢疏乞休堅不聽公歸

忠孚於主道行於時故功成而人不驚而公因其休

暇得寓其樂於此入則謨謀廟堂出則徜徉林麓古人

所願慕而不能得者而公得兼有之噫何其美與又聞

公於園西偏闢屋儲餼收棄子設義塾掩骼胔細至昆

蟲飛走皆被其澤而園之中遊者雜遝飲者叫呶以及

販天野老肩摩袂接於展席之閒然則推公之意殆將

忘勢位齊物我欲物各得其所不與平泉履道爭奇

一樹一石誇都人之美觀已也元廉文正公希憲常作

萬柳堂遺址在今豐臺左右論者以公慕文正爲人因

仍其名按史稱文正以天下爲任振舉紀綱綜覈名實

青門旅藁卷四

五

其相業足與公埒而公之德有過之者昔韓魏公以醉

白名堂自比樂天蘇子瞻爲之記以謂君子處已也厚

取名也廉故實浮於名而世誦其美公自比希憲意與

魏公同惜乎予之文遠不逮子瞻也

中一段寫出先憂後樂之意最有地步作者極得體

裁處前後文情綫繞照應自然 王阮亭先生



毛會侯垂竿圖記

予嘗命工圖予像凡五日展卷曰課耕曰垂竿曰遊岳  
曰蕉園而自爲長歌題其卷有曰如此溪山吾老矣釣  
竿蠟屐明年始時康熙庚戌也其明年予以事牽願莫  
之遂予家兩湖之中西望瀟子東距笠澤漁人畧師之  
所往來煙帆之所出沒歷歷可指數心甚樂之私計他  
願卽不可必當治一舫浮家泛宅徜徉兩湖以髣髴圖  
之所爲垂竿者亦足慰矣又明年始買一舟復以奔走  
衣食去客豫章年餘歸江南又客吳門忽忽五六年舟  
亦敝漏棄去今年來客京師則予之願又無由而遂焉

青門旅藁卷四 記

六

遂安毛君會侯起家進士令祥符有能聲尤工古文辭  
方以博學宏詞徵詣闕予遇之京師出小像屬予記與  
予向所爲垂竿圖乃大類予復於君曰夫翳嘉樹坐磐  
石投竿而漁此貧賤之士之所樂也君以文章政事顯  
於世將大用而反若有慕於貧賤之所樂此其意甚高  
然以貧賤之士願之十年而不能遂者而君欲兼而有  
之是必不得之數也屈原之滄浪蒙莊之杏壇未必實  
有是人皆藉此以寓意君之圖亦寓焉已耳吾聞桐廬  
巖壑幽勝其地有嚴子陵遺風意必有石隱之士如鑿  
坯披裘之徒姓名不聞於人間者君倘得見之乎願君

與予則非其人也

冷甚妙甚○皇甫謐高士傳以姓字不可得聞者爲

上用意最深予湘此文同意 王阮亭先生

蕭疎散朗絕去近手畦徑非鶴舫未易與作爾語 陸

冰修

青門旅藁卷四 記

七

問津園記

士苟抱曠遠之識。負遺世軼俗之情。非必伏閑隱。噢。逃。蓬藿而茹薇蕨。然後樂也。隨其所之。皆有以寄其所適。設非其人。強而處之。山咀水涯之間。子子焉不能終日。甚者導憂而增慨者有之。無它。衷所得者異也。曾庵張君始官京師。爲水部郎。常闕所居。旁隙地。鑿淵。疊石。厥以華堂。周繚文檻。顏曰一畝居。自曹歸。則杜門掃軌。而時與海內文章士之客京師者。觴詠其間。余過而樂之。爲賦數詩。有口登危。仍綴菊澗。仄亦遊魚。又曰。明日還來過。新詩許更聽。蓋紀實也。未幾君以親老乞歸。視去

青門旅橐卷四 記

八

官若脫屣。然僑居津門。方治所爲問津園者。一樹一卉。皆手自灌植。日往來園閒甚勤。今夫京師固榮利之藪。而干勢者進之人。所輻輳而奔走也。雞鳴而出。鐘動而未休。黃塵眯人。馬上咫尺不相見。營營然東西騖馳。彼方自謂志得。而津門北近海。南通江淮。是惟舳艫魚鹽。銀銅果布杉楠之湊。其俗趨賈。爭擁貲自封。開亦聲伎。讌會相徵逐。以是爲豪耳。而君所樂。顧皆不在此。余自京師南歸。舟行抵津門。訪君。君喜。觴余。問津園因屬余記。蓋園之大。視一畝居。可四五而贏。塋爽閑曠。亦復過之中。爲堂三楹。左右翼以回廊。曲室堂之後。屏以茅亭。

堂之前稍左。俯以峻閣登。閣而眺。則海氣泱泱。千里一白。而潞河北來。衛水東注。其間蒲樹沙禽。風檣魚網。出沒掩映。於几。鳥閒亦勝觀矣。而園之主人。益蒔花木。度圖史。徜徉吟詠。翛然泊然。視世之所有。舉無足介其懷者。蓋足於內者。無待於外。君所得與其所以樂。固有異乎。人者。園亦寄焉而已。園舊爲某公題額。或曰其地嘗有隱君子耦耕也。因以名云。

前後掩映。紫迴其文。其境與人皆翛然自遠。毛稚黃

青門旅橐卷四 記

九



嵩陽書院記

代

書院非古也。古者三代之學。嘗出於一。其時自家至州。間鄉黨以達於王國。無不立學之地。自國子至庶民子弟。無不學之人。自春夏秋冬歷之三年九年。無一日去於學。而又取卿大夫之致其仕而歸。能以道得民者爲之師。其德則智仁聖義中和。其行則孝友睦婣任恤。其術則詩書禮樂士之生其間者。奇袤淫僻之說。無所惑。其外干進者祿之。念無所動其中。其於聖賢之道。若繪布稻梁服食之不可斯須去也。故及其教之成。上之公卿大夫士皆得其人。下之道德一風俗同。三代之盛大。

青門旅藁卷四

記

十

率由此。逮嬴秦滅學。歷漢唐宋元明千餘年間。學或興或廢。其所以教者。要非古法。師弟子羣居族處。上者講章句課經義爲干祿之文。下者責贅脩微。逐酒食號稱于游氏之賤儒而已。葉適有言。州縣有學徒以聚食而士之俊秀者。不願於學。蓋宋世已然。於是。一。二。有志之士聚生徒設學舍。奮然於千載之下。講求斯道於千載之上。而科舉之學與性命之學始岐而爲二。而當時右文之君往往卽其地賜經史置校官書院之興。蓋防此矣。夫學校所教如彼。師儒所講如此。二者果岐而不可合哉。識者憂科舉之陋。常思有以變其法矣。而卒不可。

變。夫無變乎今之法。而有以合乎先王之道。此賢者責也。豈世果無其人哉。登封有嵩陽書院。建自五代。宋至道中。賜九經子史。當時所稱四大書院。嵩陽居其一。自元明訖於本朝。廢興屢矣。邑人大名兵備副使耿先生介家居講學。毅然興復。邑令張君壘力襄之。於是二程朱子有祠會講有堂。燕居有室。生徒誦習有舍。旣成。集諸生讀書其中。每月以朔之三日課藝。卽今時所爲科舉之文。以越望之。三日講學。先生之言曰。今日論學。不必煩爲之辭。卽於舉業加一行字。使修其辭爲有德之言。見諸用爲有本之學。嗚呼。循乎今之法。而能合乎先

青門旅藁卷四

記

十一

王之道於先生見之矣。先生誠賢者耶。古所稱卿大夫之致仕而教於其鄉。以道得民者。其在先生耶。慶曆中胡安定環教授蘇湖海內方尚詞賦。獨環教以經義。時務湖學蒸蒸多秀彥。於是。有司請取環法爲太學式。今天子重道崇儒。表章四子六經。頒示中外。其廣勵之意。綦厚。誠如胡環故事。取先生法下郡縣。使博士之所。以教弟子員。之所以學。舉出乎此。自一邑移之一州。自一州移之天下。卽所爲科舉之學。而各有以自得夫聖賢之道。教化之成。其何難之與。有張君爲吏廉仁愛民。今以治行當遷秩去。來請曰。願有記。余幸獲以文辭。則

名諸先生後而又喜教化之將行也遂記之若夫興廢沿革之詳庀工之月日載書院誌及湯先生斌記中可互見者皆不書

元元本本淹雅肅穆真湛溪經術之文曾子周宜黃學記李泰伯書院記後得此可鼎足 王阮亭先生

重建始祖康節公祠堂記

皇上以天縱之聖。留神理學。謂性學之傳。自孟氏後。至宋儒始明。而周程張邵朱六子。獨得其宗。乃親灑宸翰。書學達性天字。分賜六家後人。俾揭於祠之楣。衡始祖康節公諱雍祠在河南伊川先塋者得邀寵賜。奎章下被輝映。几筵甚盛事也。而衡所居毘陵之章。惶里故亦有始祖祠。蓋先君子治命而衡責成之。有司歲以春秋二仲。奉牲幣承祭。如著令族父老相與謀曰。惟是

聖天子崇儒重道。與賢有司之春秋致禮於先祠。以奉上德意者。甚隆。而故祠庳隘。弗妥弗虔。懼無以稱鉅典。

會江西督學道裔孫延齡侍讀學士裔孫遠平各致白金如干兩。謀新祠宇。遂卜址於敝廬西數十武背坎面離地勢。塏爽近紫清溪。遠屏翠巘。經始於己巳八月十二日乙亥。至十一月某日訖工。中為堂三楹。左為別室。以貯祭器。前為門。為廡。庑有序。更衣有所。級崇除坦。棟宇翼如。凡用木以丈計者。大小四百五十。輓甃以片計者。十一萬三千。灰堊以斤計者。四千六百。礮石三十丈而贏。匠人巧人以工計者。三百八十。役夫倍是而贏。三之一焉。它膠煉絲鐵之需。稱是。總計費白金以兩計者。二百一十有奇。衡費率當十五成。先志也。既成。乃鑄



石於壁以識月日捐金者若干人例得書

通篇不著議論手法高潔延齡辛丑通籍後卽欲於  
當湖建公專祠忽忽二十餘年此願未遂毗陵衡弟  
已先某爲之讀祠記殊增媿色 延齡識

息芥記

邵子年五十三而治棺顏曰息芥取蒙莊氏語也旣成  
名戚友子姓落之客有疑者曰夫死者人情所苦也而  
子一似有所樂者何居邵子曰嘻子奚知所以苦奚知  
所以樂予見夫晝夜矣予見夫寒暑矣當晝而營營當  
夜而冥冥適然寢遽然覺常也寒至必暑暑至必寒大  
暑流金石大寒病駮瘕而人不驚順也夫人於死生亦  
若是則已矣里之人有病悸而惡夜者夜則怔怔然忤  
忤然若虎豹之來搏大盜之狙擊其後也其父母妻子  
焚燭露刃環伺而守之乃得一息之安其親交之視之  
者以爲是有所大苦而無可如何也亡它失其常也可  
不謂大哀乎是故神仙之說乘人之貪而誘之也釋氏  
之說乘人之怖而劫之也惡知夫貪生而生不能幸也  
惡知夫怖死而死不能辟也吾見可哀也已故子犁  
之蟲臂鼠肝悍也楊王孫之命贏莖諄也劉伶之荷鍤  
便埋誕也吾無取焉且夫吾形化矣而有不化者存則  
吾又將以是芥爲遽廬也而又奚知所苦奚知所樂旣  
以語客因書之爲息芥記康熙己巳長至日  
達生之旨文氣亦近子書爲集中變調

書岫巖碑後

客自南岳歸者貽予岫巖碑字皆古文不可識後年餘  
得楊升菴慎金石文所釋讀之凡七十七字其文曰永  
帝曰嗟翼亦作翬輔佐卿水處讀作洲與登鳥獸之門參身  
洪流而明發爾興久旅忘家宿岳麓庭智營形折心罔  
不辰往求平定華岳泰衡宗疏事哀勞餘伸禮鬱塞昏  
徙南濱衍享衣制食備萬國其寧窳舞永奔最後見衡  
山誌載楊少宰時喬所釋亦七十七字有訓釋與升菴  
同者二十一字餘各異其文曰承帝令襲翼爲援弼欽  
塗陸句登島瀉句端鄉邑句仔窳流船暗歇遲眠卽夙

青門旅彙卷四 書後 七

訖冬次岳麓音田裂升析音教罔墮躍往求出竅華  
恒泰衡嵩陸事哀獻稭挺禮鬱濬墊徙南暴幅員節別  
界聯魑魅夔魍魎舞蒸彝音律又見沈鎰所釋與升菴同  
惟嗟作谷洪流作魚池久旅作以此鬱作羸衍享作昌  
言窳作鼠永作蒸十字小異鎰亦萬曆間人自言釋此  
碑時夢長人授以古餅篆文語頗怪不經按禹碑相傳  
在岫巖峰又傳在衡山縣雲密峰唐宋以來劉夢得韓  
退之朱晦菴張南軒四先生屢訪求不得王象之輿地  
紀勝稱宋嘉定中蜀士有好奇者不憚高峻始陟其所  
濡紙脫其文七十二字刻於夔州觀然不著蜀士姓名

郡邑志稱宋嘉定壬申何致字子一者遊南岳至祝融  
峰下樵夫引逕隱真屏凡三度淵乃達碑所得古篆以  
碎屑紙摹之刻石夔門觀及嶽麓書院參考二書蜀士  
卽何致升菴所得蓋致本傳刻者也宋楊南仲有言古  
文自漢世知者已希賈逵許慎輩多無其說蔡君謨亦  
曰古篆字或多或省或移之左右上下後人各以意辨  
識互有異同公足怪者嗚呼篆繆分隸之學踵譌襲外  
世不講久矣况古文乎今讀碑辭升菴所釋較古雅少  
宰暗歇遲眠不類周秦以上語竝存之俟博古者

論敘俱簡淨有法 王阮亭先生

青門旅彙卷四 書後 七



書嵩山石闕銘後

嵩山無秦漢碑碣。惟三石闕僅存其一。在中嶽廟南百步。東漢安帝元初五年。陽城長呂常立其一。在少室東。邢家鋪西。有題名而亡其辭。今可撫搨者二十一。行行四字。其一在啟母祠南百步。漢安帝延光二年。潁川守朱寵立。載啟母廟銘辭二。辭皆古雅可誦。前有題名十行。行七字。與少室題名同。少室題名有廟。搨辛述廟佐同。猛趙始此無之。而益以搨陳修佐左。福二闕蓋一時建者。志稱闕疊石爲之。相去二丈許。而缺其中如闕。其空處刻雜花紋及山水鳥獸形。皆古拙。竊怪嵩高當天

青門旅棗卷四

書後

六

下中周營漢都。皆近在畿內。且其名首五嶽。載祀典。秦皇漢武以來。意必有刻石紀功德。如鄒嶧會稽之比。而今無一存者。豈風霜野火兵戈之所剝蝕。樵夫牧豎之所剗削。千餘年閒。遂磨滅無餘耶。然則金石刻之存於世者。亦有幸有不幸耶。石闕刻舊亦不著明。萬曆閒。傅君元鼎得之。始見於山志。康熙閒。葉君封令嵩陽。益撫搨傳之二。君可謂好古博物君子矣。中嶽廟石闕已不可搨。今葉君所搨。啟母廟銘較志又闕七十八字。相去僅五六十。年而石之泐者已如此。然則天下何者可恃爲久存者。與康熙己未四月一日。語簡而意長。阮亭

書朱文公同年錄記後

右宋高宗紹興十八年戊辰。朱文公熹登王佐榜進士。同年錄裝褫成帙。友人林璐爲之記。按紹興十二年。和議成。誓表稱臣。構中有云。旣蒙恩造。許備藩方。世子孫謹守臣節。嗚呼。宋之君臣。於是乎喪心矣。自是媮安偏隅。一切修彌。文以飾治。十四年四月。知虔州薛弼言。州民朽柱中有文曰。天下太平。帝大悅。詔宣付史館。十六年正月。耕藉詔曰。今疆場罷警。流民復業。錄中載十七年三月。科舉詔亦曰。今疆圉日靖。宜令有司蒐取茂才。咸與計偕。善乎林璐之言曰。奄奄一小朝廷。借貢士

青門旅棗卷四

書後

七

以粉飾太平。考亭當日讀之。必有痛哭流涕而不能已者。又按紹興十七年十一月。詔復進士。聞喜宴故錄中載五月五日。賜狀元王佐等。聞喜宴於禮部。蓋建炎以來廢宴。至是始復也。宋制科分五等。其上二等皆虛。而進士分三甲。自太平興國八年後。遂爲定制。錄中載公名第五甲第九十人。璐言不知五甲之制。更於何時。按熙寧閒。安石更定科舉法。殿試分五等。其第五等賜同學究出身。而其後沿之而不變。或遂以五等爲五甲耶。余記問荒落。行篋中又無它書。可考姑存疑。以俟治聞之士。嗚呼。自宋紹興戊辰至今。歷九戊辰。蓋五百四十

二年矣。其開豐碑深刻與夫金裝玉軸四庫之書散爲雲烟者何限。而是錄以文公故特存道德之足重固如是哉。錄今藏杭州朱氏家記稱朱氏寶此五百五十三年亦誤。蓋未詳考也。康熙己巳五月廿六日毗陵邵長衡題於武林舟中時林璐歿已三年撫卷泣然璐別號鹿巷錢店人以能文章名

書金谿兩烈婦紀畧後

兩烈婦爲金谿孝廉張君冠玉之母故姊妹也皆姓吳氏皆蚤寡奉姑以孝稱順治丙戌冬故中丞揭公重熙起兵襲撫州不克走金谿金聲桓王得仁躡之縱兵大掠兩烈婦踉蹌掖姑出遇遊卒拔刀刼姑驚仆地烈婦遽奪持其刀以身蔽姑呼曰寧殺我卒怒殺烈婦次刼姊姊罵不絕口亦被殺而姑竟得免嗚呼兩烈婦之死烈矣無待區區詩文以傳況張君能致詩文如是之夥又奚藉余言顧其開議論有刺謬者是不可不辯盱江鄧吳之言曰兩烈婦之死死於金王之卒而階之厲者

實中丞也又曰於家國無所濟而於鄉鄰大有所禍以是爲中丞罪嗚呼斯言也決天下後世忠義之防而有志之士爲之搔脫索欬泣下而不能止也自古忠臣烈士遭難百六明知事不可爲然且逆天命犯首禍慷慨赴之瀕九死而不悔者其心固有所大不忍也人情莫親於父母妻子莫愛於身夫人至捐軀命忍其父母妻子以舉事而又遑計成敗利害哉今夫匹夫慕義奮袂而起不旋踵而異懷觀望踴躍而不敢前者則計較利害之念沮之也而謂豪傑之士然乎哉以余所聞中丞公告廟與師破家出走崎嶇江閩萬山中屢蹶屢奮迨



勢窮力詘計無復之然後以一死謝天下嗚呼處死如公亦可告無罪矣而吳猶云然鄉人以愛憎爲毀譽固如是哉如吳言則睢陽之屠空院之敗不能追荼毒生民之罪而凡史冊所載始生苟免全軀保富貴之徒皆可自詡明哲而開門乞降賣君父以求榮者且得以保境安民論功矣是烏可哉是烏可哉吳才識庸陋又不曉古文法其文必不能傳而是編已有從而附和之者況於世之以文章名者其立言可不慎與

某既爲此文寫一通寄張君附孝烈冊中以傳欲令覽是編者不致爲詖辭所惑張君恐未必許也然某

青門旅棗卷四

書後

王

文已鏤板是正海內有識之士必有是余言者

長蘅跋

邵生之言唐時論張許已作此見邪說之害中心心術如此是文出功不在昌黎下矣

姜西溟

書雙忠遺翰卷後

右長垣少司馬軒錄王公與楊忠烈公往返手札而司馬公令嗣似軒先生輯而傳之者也按忠烈公疏論魏璫二十四罪在天啓甲子六月是年十一月削籍明年三月被逮六月下北鎮撫獄一札署六月二十五日燈下弟連再頓首卽論璫之六月也其一則就逮時筆所稱崔公爲大冢宰崔景榮崔亦東林賢者甲子十一月起官冢宰明年七月卽移疾去公去而忠烈亦慘填牢戶自是緹騎四出清流一網盡矣卷中載司馬公復忠烈書及上太宰崔公書皆在乙丑三月後蓋忠烈就逮

青門旅棗卷四

書後

王

時崔猶在朝也後二十年遭甲申之變司馬公以起義謀誅僞令不勝死余嘗謂明祚之亡人知亡於賊而不謀實亡於閣蓋正人者國之元氣方閣議肆毒斬刈誅勦惟恐遺種譬之病人元氣耗竭奄奄者僅餘息耳思陵初政如人將死而神清詎能延已絕之大命哉二公一死於閣一死於賊皆與明祚相關開循覽遺墨其感槩激烈之氣蟠鬱紙上更千百年讀之凜凜如生嗚呼當天地晦冥治桑灰劫之餘後人能掇拾而表彰之使司馬公之名與忠烈並垂天壤則王氏子孫亦賢已哉司馬公歿且四十七年似軒先生來令吾邑某因得覽

所爲雙忠遺翰卷微襟莊誦爲之肅然改容庚午臘月望日

緊附何減半山公議見議論則遠勝之○諸作議論醇雅鄙伍謹嚴至不可增損一字當今主盟斯道非公其誰妄政數語直是隔膜不知痛癢聊志嚮往之意而已 姜西溟

青門旅棗卷四 書後

王北山哀辭 代莊澹庵官族

北山與予後先在史館北山通籍時予廢棄家居未相識然往往聞北山名戊申客武林遇於湖上始定交十餘日別去後九年予復官京師相見握手懽甚自是別數日必聚聚必促膝銜卮縱談詩文閒出古書畫金石刻鑒賞懽笑竟日以爲常後年餘北山又別去予送之彰義門別數月而訃至嗚呼北山死矣予與北山別九年幸而復合今年餘又別私計不久當復合乃遽哭其死也嗚呼悲夫北山名曰高字鑒茲北山其號順治戊戌成進士官翰林今上改元授工科給事中歷兵戶

青門旅棗卷四 哀辭 五

二科給事中遷禮科都給事中賜對稱旨遷京卿以候補歸遘疾卒蓋康熙十七年戊午七月也北山貌厚而氣和其爲文章清雅尤長於諫孝友著宗族閒與貧賤士交久而益篤在諫省十餘年不喜矯亢立名所上章以十數務持大體恤民瘼數陳水旱災異其給事工科也首疏請勤學親賢以端蒙養隆治本其遷兵科值畿輔齊晉吳楚閒同日地大震人畜死壞公私廬舍以萬計而淮揚復苦水災疏請減田租出帑金遣使者護視災黎所全活以算遷戶科疏劾天津債帥及江南大蠹之爲民害者遷禮科疏請卹關陝荆湖死節文武將



吏又請發粟賑江淮饑民。上多從其言。賜對便殿。慰勞良久。曰。王。某。數。論。事。未。嘗。言。利。真。諫。官。也。國。家。自。甲寅以後。三方用兵。度支苦餉不繼。於是中外講求利端。而郡縣吏益務綜核。以朘削爲能。其不肖者。又因以爲姦。天下勞弊。而君處言路。獨數以愛養元元爲言。天子嘉其忠。可謂主聖臣良之一時也。方倚以大用。而君死矣。嗚呼。非獨知交零落。爲可感。而國家失此善人。可不爲之愛惜而痛悼也。歟。其辭曰。

謂君未用。今則爲諫官。謂君莫知。今帝嘉其賢。不究厥施。分中道濫捐位。不竟志。今德不配年。自君之沒。民

青門旅橐卷四 哀辭

三

力益殫。東南水旱。今民食孔艱。艸根樹皮。今溝委壑。填君儻不死。今痛哭陳言。人之云亡。今爲斯世而汎瀾。僅交情離合。今何足以云。

文字貴有關係。如此文。便非尋常哀輓之言。可以論世矣。王阮亭先生

族兄靜山提學哀辭 并敘

庚午中冬。余自豫章東歸。兄握手語絮絮。不忍別。曰。明年使事竣。還里。當訪子青門草堂。余曰。諾。今年六月。聞兄歸平湖。遣奴子持一札。訂草堂期。報曰。中秋後過毗陵也。八月行。盡余方訝其不至。復附書往。會有傳兄。遄遊道山者。余愕未敢信。十月朔。再遣奴子走平湖。不數日。持行狀歸。嗚呼。兄真死矣。越明日。爲十月八日。弔服爲位而哭。兄於室禮也。余時病喘。兩月餘。氣忡悒。僅續如綫。按狀。兄歿以閏七月十九日。蓋余附書既未達。而計又不時至。距兄死。蓋七十有九日。而今始得哭。兄嗚

青門旅橐卷四 哀辭

三

呼悲夫。兄起家順治辛丑進士官內閣中書。歷戶刑二部。郎中以按察司僉事提學江西。滿考歸里。以疾卒。初官中書時。會演變起。朝議用兵。隴蜀中書當選一人隨征。同列皆有難色。兄毅然請行。從安西將軍入蜀。董格貝子以兄知兵。令參其軍事。爲畫利害。懸決勝敗。輒中常一不用。兄策軍困於蟠龍山。絕糧月餘。將士飢疲。無人色。兄意氣自如。有餉羊肉者。笑曰。此人肉也。死生有命。吾不忍啖此。卻之。會援至。得出。靖逆侯張勇填鞏昌。召飲帳中。詢平蜀方略。兄左手引卮。右手以箸畫地。談戰守機空。及蜀中水陸險要。阨塞。娓娓疎聽。侯喜曰。經

生中有此真邊才也。將薦補隴右道缺。或尼之不果。嗚呼。國家滇黔用兵以來。智者効謀。勇者効力。自卒伍之賤。以至市井屠販。椎埋剽殺。亡命之徒。往往奮身弄刀。稍或樹頤頰。微倖取功名。富貴過其望者。不可勝數。兄以一書生。據馬韉。跋履三千餘里。崎嶇蠶叢鳥道。瘴癘虎豹。虺蛇鋒鋦。矢鏃死生。呼吸之間。歷三年之久。大帥知其才矣。然不獲以功名顯。乃僅循資平進。浮沉郎署。十餘年。迨駁駁。擢用而兄死矣。嗚呼。豈非命哉。豈非命哉。憶己未。余客京師。始識兄。相見詢譜系。世次同祖康節公。又同派姚江爲兄弟。行則大喜。兄時官曹郎。獨季子侍京邸。呼之出拜。余亦入拜。丘嫂於房。自是別未幾。輒相見。乙丑南歸。別最久。戊辰。余自嶺表還。會兄履江右。任遂畱署中。前後閱兩期。故余知兄尤深也。兄伉爽和易。不治哇吟。與人語。衝臆而吐。然遇意所不可。輒面指斥人。或雜以詼調。爲諸語刺譏。雖權要人不避也。人以此諒兄。然亦往往以此嫉兄。故宦終不顯。在江右名能知人。得士諸生。俎豆兄於李空同。夢陽家。文莊寶侯。廣成峒。曾蔡忠襄。懋德閒四公。皆前明視江右學者也。論者不以爲過。讀書務博。涉強記詩文。濡筆伸紙數百言。立就。然不欲爭文士名。持論少許可。詩推新城王士

青門旅棗卷四

哀辭

天

祺文推寧都魏禧同郡。則推朱檢討彝尊而尤喜余文。每得一篇。輒咨賞。彌日或嘗余文。太澹笑曰。澹處正不易及。君非知文者。嗚呼。兄之知我。乃勝我自知。兄今死矣。嗚呼。悲夫。兄諱延齡。字靜山。別號耐軒。卒年五十。又七。又聞季子翼以哀毀致疾。後兩月亦卒。翼字汝爲。力學攻文章。曩侍兄京邸者也。嗚呼。天道慘酷。胡至斯極耶。將買舟力疾往會兄喪。思所以寫余哀者。乃爲楚音以當哭。其辭曰。

青門旅棗卷四

哀辭

天

隴阪碣磧。水鳴咽些。蜀山嶽峯。巖巖畫不見日些。猥猥吟嘯。虎豹慄些。封豕長蛇。薦吞食些。君胡來思。激忠肝些。書生投筆。逐戎旃些。人肉爲醢。骨爲薪些。入虎穴幸而得全些。嗟哉。數奇獨苦辛些。偃仰郎署。逾十年些。九江五老。迎使車些。清秋日。晶縣玉壺些。歸來今。卽君之新居些。華軒突宇。網戶朱些。砥室鬆八陳。詩書些。胡爲乎舍此而逝。曾不畱些。去歲別君在南浦些。朔風飛霰。雜以雨些。余祛君。慘離思。苦些。今歲扁舟。登君堂些。像設塵筵。素幃張些。呼君不應。涕泗洟些。總惟絳絳。今燈青熒。嗚呼。哀哉。今何以爲情。



張烈婦哀辭 并敘

烈婦荀氏父名中益考城人適寧陵柳河張鐸鐸世農家父亡獨母在烈婦勤於操作事姑謹鄰韓可元者素亡賴築黠橫里中烈婦始嫁時可元已闕而豔之顧未有間久之烈婦自母家歸姑方盪醬麥於箔未覆烈婦問故曰麥煮適熟而客至呼汝夫語未返耳烈婦不易衣飾遽出門承藟林葉爲覆麥計蓋門外數百步卽鐸田也可元瞰烈婦獨入深林中呼王璧與偕躡其後王璧者亦亡賴子年少而美可元私計婦人見璧必悅悅而從我因而持之必得所欲其本謀如是是日烈婦

青門旅棗卷四 哀辭

三

見璧入林叢駭且避問曰若何爲璧稍近之烈婦大呼救人璧遽扼其吭可元亦前抱持嚇曰不從殺汝曰願殺璧曰不從勒死汝曰全屍更好誓不從汝強犯之則以手批可元頰且碎其裾可元拉烈婦手折之則更抵以足兩人拌烈婦髮使仆仆復起屢起屢仆髮髻鬆脫落委地已乃極力偪之至衣條條裂終不得犯可元欲舍去璧曰識汝奈何遂共縊之死繫頸於樹烈婦將絕時所當手足抓地處坎可尺許血殷然又以林本柵下體掠其首飾指環去烈婦死時年十八康熙己巳五月廿三日也鐸既歸姑訝婦久不至遣鐸往視見婦屍鐸

大駭號呼村人環顧咨嗟莫得其故鐸計無如何買棺殮屍事將已初可元自秋閒出時適與張光彩遇光彩者亦柳河人見可元衣縷縷碎又有血洩痕踉蹌走若鬪而不勝者私怪韓十素橫不讓人今日氣何索耶可元多兄弟行十故里中以韓十呼之及是心知可元所爲私語其妻妻唾彩面曰啐韓十惡人今貫盈自斃汝畏十不敢言死者有知必爲厲鬼禍汝立起欲自往光彩懼且慚乃走告鐸願爲證鐸遂訟可元於官可元賄吏緩其獄至六月廿二日始往驗烈婦死匝月矣啓棺而如生肢體血斑斑鮮掖之則僵而立衆皆驚異作人

青門旅棗卷四 哀辭

三

盡隱其傷謾云項上繩痕不交蓋人勒之死則繩痕交今言不交謂自縊也令惑其言將坐鐸以誣觀者大譁令心動揮衆使散曰明日更鞠之明日聚耆益衆縣庭至不能容乃移鞠城隍廟作人供如初有扛屍夫張九容者突前叱曰韓十私我曹金汝得金若干尚何諱初可元賄衆時張獨不肯受故云然作人語塞令不得已薄責之衆憤梓件人叢毆幾斃可元既魄視於神又見衆怒洶洶知不免具吐致死狀纖悉如畫曰柵下體者憤不從也掠首飾指環者不得漁色姑取貨也令遣隸索可元家則首飾指環具在乃收繫可元璧俱論死未

幾相繼斃獄。余於寧陵縣志中得隍人田蘭芳所爲張烈婦傳讀之。氣結填膺。幾欲哭出聲。不可忍。嗚呼。秉彝之在人。如是哉。按邑故有烈婦祠。祀黃喬兩烈婦。明嘉靖間人黃烈婦李氏。舉人黃嘉猷妻。喬烈婦解氏。監生喬文光妻。皆夫死自經。置側事聞。詔旌門。建祠祀。今百餘年。不廢。嗚呼。黃喬之死烈已。然皆士族高閥。習聞詩禮之訓。且其胸中固蚤辦一死矣。一田閒婦。遇強暴於倉卒之頃。迫脅凌厲。死生呼吸。稍一啓亂。皇惑鮮不自喪。而能不怵不回。以死自衛。此其成就尤難。而慘毒亦過之。愚以謂烈婦之死。應祀典。謂宜附主於祠。與黃喬並邀春秋一奠之榮。此賢有司事也。余既序次其事。乃變爲楚聲。以招之。冀貞魂來安享於祠也。其辭曰。

青門旅棗卷四 哀辭

三

葛林蒙密不見天。只幽篁黑箐孰後先。只辨徐征征走逐。人只荃往遭之康厥身。只殷肉血拇胃樹間。只豐隆碎甸雲晝露。只羈禽嚙獸悲空林。只貞魂歸來毋滯淫。只穹祠銀旂有華堂。只網戶朱綬文杏梁。只承塵方紋蘭幕張。只黍稌麻麥稷稻粱。只膈魚騰騰椒桂芳。只五齊四酎醒柘漿。只雲旗下來靈風翻。只六銖纖絃鳴珮珊。只慘黃攜喬步瓊軒。只含顰凝睇。慘不言。只貞魂歸來開且安。只。

代甘霖應禱頌 并序

皇帝祇天法祖。寬仁恭儉。嘉與海內休息者十八年。於茲乾覆坤載。元元阜殷。或逆節萌生。旋起旋踣。跋行蹢動之類。以生以成。乃歲屠維協洽。自春徂夏。驕陽爲沴。解澤不降。歲將無麥。

皇帝於是端居念咎恤刑獄。省繁囚。制詔禮部。乃者朕躬涼德。雨暘愆期。朕甚懼焉。朕夙夜祗稟。爲民請命。臣工務循省過。愆格共迺職。以交修朕不逮。四月十有二日丙子。

皇帝齋於宮。三事百僚齊於署。越三日己卯昧爽。

青門旅棗卷四 頌

三

皇帝素服。斥鹵簿。止傳警。至圓丘門。却輦徒步。百官從詣壇。祠官陳俎豆。撤樂。肅恭奠獻。禮成。屏翳繽紛。微雨灑灑。將還宮。兩大霑澍。從臣懼欣。抃舞僉以爲皇。上步曆正時。燔瘞祗祓。至敬也。肸蠁九廟。豫順兩宮。至孝也。屢肆赦。寬繇賦。賜民租。至仁也。聖躬衣浣濯。上方減將作。盛德也。皇威震讐。殊域革面。神功也。蓋天人之際。乎格已。預警慈父之於愛子。疾痛呼籲。迺罔不聞。昔桑林之禱。應以七年。桑穀之祥。弭以七日。方之今日。不亦慙歟。臣某躬扈從郊壇。獲望盛德。休光不敢辭固陋。敢載拜稽首而獻頌曰。



皇帝踐祚仁覆萬縣未明求衣日昃不倦惟歲協洽夏  
迺告旱五日不雨來楚斯嘆 皇帝曰咨是惟予譴陝  
日齊戒撤縣避殿嗟爾臣工于猷汝贊四月既望有事  
郊壇緹幕夕張帷宮宿幔 帝昇於壇迺燎迺燔醴馨  
牢登執爵獻瓊白茅籍精蒼璧分奠垂慘惻旃恍惚隱  
見夙戒之夕明星有爛月麗金波繩低碧漢將事之晨  
雷靄靄蜚廉屏翳列缺後先肅寸斯合崇朝已遍華  
旗風舉御衣珠濺滲漉泥濊忽滴漫衍雲覆油油麥秀  
蓓蓓跂蹇欣欣婦子衍衍鼓腹擊輶塗歌巷朴惟敬格  
天惟天垂眷天所助順推類可見天眷 皇帝金甌煌

青門旅藁卷四

三

煌疇迷逆順旋踵滅亡餘孽奔走襁負來王天眷 皇  
帝幅輳八荒西航弱水東拂扶桑南蕩滇蜀竿焚冉驪  
天眷 皇帝錫之禎祥赤麟黃龍蛇蠃游翔九莖連葉  
靈華芝房天眷 皇帝豐年屢降兩岐六穗黍稌秣穡  
納結納秬來此萬邦萬邦既來大開明堂偃武右文熙  
幽陟明賜租息繇勸農課桑億萬斯年永垂衣裳

雅頌之音崔蔡不足多也

王阮亭先生

銘頌之學大約習於靡曼子湘筋力堅凝神采峻發  
沈約魏收欲於何處生活 陸冰修

代清故光祿大夫太子太保禮部尚書王文貞公

誄并序

惟康熙十七年冬十一月十有七日故禮部尚書文貞  
王公以疾薨於邸第嗚呼哀哉初

世祖章皇帝在御天下大定朝野晏安無事天子思創  
興禮樂釐定天地山川祠事成一代鉅典一時儒學文  
章偉異之人彬彬向用而公以是時歷官宗伯尤爲上  
所委任公問學淵洽知本朝故實一切制度沿革必援  
經史據古今侃侃持論務合於典禮或廷議糾紛待公  
一言輒決其尤大者詔議裕祭禮公疏言宜奉 肇

青門旅藁卷四

三

興 景 顯四祖及 太祖南向 太宗東向又詔議  
大享殿合祀禮疏言本朝所封起運山宜附中岳壇天  
柱隆業二山宜附北岳壇如前明附祀例又疏言帝王  
廟宜增祀守成令主如商高宗中宗周成康漢文帝宋  
仁宗明孝宗七君並宜世祀又言宋臣潘美不當在從  
祀列張浚二命爲將三致敗且劾李綱殺曲端疑岳飛  
薦秦檜雖爲南渡名臣無可紀之功當並罷從祀 上  
從其言公立朝議論多此類也長子尚書公熙先在翰  
林與公同爲學士尋以考績同官禮部尚書父子後先  
同列海內榮之會

世祖章皇帝崩公治大行喪及今上登極禮日夜辦事左掖門勞瘁致疾累疏乞歸後十六年年七十有八遘疾卒天子哀悼予祭葬恩卹如著令禮官以謚請於是閣臣議曰臣謹按謚法道德博聞曰文大慮克就曰貞故禮部尚書臣王某兼茲二德宜予謚詔曰可遂賜謚文貞嗚呼哀榮之義備矣公諱崇簡字敬哉生平學行文章官爵世次子姓具詳汪公琬狀及葉公方謫誌銘中某辱姻末敢託累德述哀之義而爲之誄其辭曰倚歎宗伯系自任丘皇皇烈祖廼宅燕幽奕世克大厥聲以褒翳惟顯考分陝望重來旬來宣嶠潼關隴公實

青門旅藁卷四 誄

三

篤生岐嶷少成岳瀆稟精靈曜苞純弱冠矯翮羽儀初升陽九否往三辰泰亨

世祖龍飛拔茅彙征浴堂賜對禁掖掌綸公遽請告十載東山聲敷物聽賢簡帝心乃光薦拔達於黻展冢宰難之帝曰毋以予知女賢女其強起惟帝有詔講幄女侍遂佐銓衡遂掌邦禮

世祖升遐鞠躬遺寄玉几揚命綴衣陳陞臣力孔艱匪心况瘁四疏乞歸望高身退公之行已凜彼屋漏永言必孝因心則友公之文章披華振秀原本六籍斯足不朽公之下士吐握恐後嵩嶽棟峙俯彼培塿聖有遺言

平格天壽昊天不可喪此黃耆嗚呼哀哉聖朝震悼僚屬增欵金吾復塋大官供胥累德銘勛考終定謚惟帝念之哀榮斯備某辱葭莩覆露重陰承諱切怛涕淚雨頸託茲旒旗典寫予情嗚呼哀哉

序以簡嚴勝誄以警雋勝俱絕去時手繁蕪冗浮之病王阮亭先生

青門旅藁卷四 誄

三



傳

明監察御史張公傳

公名緒倫字彛叙先世自淮陰徙青州之安丘遂爲安丘人少與兄嗣倫繼倫同以文章名齊魯開崇禎辛未成進士謂選得大名府推官時流寇蔓延河洛三輔纂嚴公從巡按御史行部抵順德寇卒至公請以身捍乃率民兵登陴日夜巡樓櫓戒蘭石弩矢賊攻城多殺傷驚出不意解去事聞錄其功尋奉檄校士楚省還過栢

青門旅藁卷五

傳一

一

鄉流寇數萬自寧晉大掠而西會栢鄉缺令賊且至屋邑洶洶號呼聲震天或勸公閒道去不聽疾馳入城爲畫方畧集士民堅守而身自擐甲宿城上三晝夜適熊將軍者擁兵南來將北走公邀留激以大義又重懸賞格一軍思奮乃以兵法部勒其偏裨分軍爲左右拒開門縱鄉兵千餘人出搏戰賊悉銳迎之戰既合左右張兩翼薄之賊不支遂大敗斬首二千餘餘衆竄走時崇禎六年冬也久之攝守大名大名故無兵守備單弱公出私財募士籍其號勇者八百人給鎧仗置材官親勸習之自是魏博軍雄於它郡又攝開州州境白甯集連

山寺閒亡命嘯聚揭竿如林公以計禽其渠數人餘黨解散當是時流寇既已半天下蜂屯豕突飄忽如風雨所過郡縣吏或迎或走不敢一矢加遺而順德栢鄉皆非公屬特以忠義所激慷慨赴難又自負才足辦賊故再以身當賊鋒倉卒定變如此公狀貌魁偉美鬚髯爲吏厲丰裁刺舉無所避尤惡墨吏每有所案治輒盡法雖權貴人居閒爲請終不能得然內慈獄有矜疑必力爲平反貧弱不能自直者必右之不肖爲毛細苛鰥遇事議論慷慨剛直不撓然務順民情以是受上知然亦以是爲忌者所側目理大名六年以最徵當事無爲之

青門旅藁卷五

傳

二

地者僅擬遷部主事疏入三日忽中使馳召公烈皇帝御中左門趨公入面詢練兵措餉機宜奏對稱旨又袖出御製策問命條對時殿庭暄炎令兩中貴昇試案廊廡閒對畢又大稱旨賜上方米鑑及果餌叩頭出尋擢湖廣道監察御史命巡視東城已命巡視兩淮鹽課先是淮揚鹽羨課當天下半而明季諸軍乏興增引增課無虛日公以謂加賦變例祗病商無益於國大指務恤商寬民力而國計自裕不欲以言利詭結主上心前後章凡數十上爭甚力其尤著者郎撫某請增荊州鹽引而松滋加食川鹽可得羨課數十萬緡公疏爭之峇



曰。荊州歲引三萬六千計。口食鹽非可以意議增。况三楚游離。兵寇戶口衰耗。正引尚滯。若驟增引。則鹽賤鹽賤。則商人裹足。無益。鄖餉而重損淮課。非策也。按祖宗舊制。川鹽不許入楚。亦賴松滋州邑犬牙相間。今入松滋。必順流入楚。姦民犯法者多。雖鉗欽日聞。勢不能禁。而淮引逾壅。課將安給。臣聞利不百者。不變法。况今有害無利。章章如是。請一切如舊制。便臨淮侯某請增黔吉鹽引。公復抗疏曰。黔吉二鹽。自熹廟時建議以來。十餘年間。旋行旋止。蓋黔鹽可私鬻。楚中吉鹽可私鬻。江右遂使兩省正引難銷。綱商告困。故前此鹽臣屢奏罷

青門旅藁卷五

傳

三

之若益浮課而損正綱。公私交病。臣未見其利也。疏入。悉報可。宦官高起潛奏。特遣中使督追遼引。趙課武城簿。某條奏鹽筴變法六事。事既已施行。公皆疏請罷之。嗚呼。明季之禍。勢如瓦解。原其所以由於民窮。歟。急驅而爲盜。而中外諸臣。方日夜講求利端。盜賊愈繁。賦歛愈迫。日朘月削。以至於亡。語曰。竭澤而漁。明年無魚。公固蚤見之矣。公按淮。未朞。以與誠意伯忤。移疾去。誠意伯劉孔昭者。襲世爵。操兵江上。多縱爪牙爲姦利。齟齬商人。公論奏。有詔令公自案之。乃收繫其黨魁十餘人。窮竟所考。賊皆系鉅萬。竟論如律。誠意既內銜。次骨會

是秋京掣。險期誣劾。公而憾公者。又陰喉言。官論公病。不視事。公遽求罷。三疏上。乃許之。所謂憾公而極力排。竿必去公。而後已者。則前在。大名案治之。墨吏也。歸不數月。竟卒。年五十。有五。初。公理大名時。故事。囚入獄。輒雍眉髮之半。以防越逃。公愴然曰。囚自有國法。何至私戕其髮膚耶。請於臺令。畿南四郡悉除之。永著爲令。淮揚歲禮道。殫相望。公出六千金。告糴於楚。設廠四門。日爲粥。以食饑者。所全活萬計。及歸。襖被蕭然。運司積羨及贖鍰之貯帑者。得七萬五千金。盡斥以佐縣官。無毫髮染。惟籠六鶴。自隨。閒語所親曰。昔趙清獻止携一鶴。余滋愧矣。嗣倫舉孝廉。繼倫鄉貢進士。皆不仕。繼倫有子貞。好學。攻古文辭。常以博學鴻詞徵。今官翰林院孔目與衡善。

青門旅藁卷五

傳

四

邵衡曰。明之末造。天下多故。當是時。左支右訕。每患無可用之才。有才矣。又患不見知於上。公之才。思陵知之。而多讐少與。未竟其用。卒齟齬以死。是命也。夫抑國事可知矣。公所爲奏議四卷。余采其有關鹽政者。著於篇。令後有考焉。語曰。十夫撓樵。君子小人之際。可畏矣哉。前半叙戰功。後半叙不肯言利。截然兩大段。章法井然。而議論感慨處。大有關係。不輕作者。王阮亭先生



登州太守譚君傳

君姓譚名吉璵字舟石浙之嘉興人以國學生試補內閣中書遷榆林同知會滇蜀用兵上官以君爲能檄轉餉十萬入蜀至寧羗州遇亂總督莫公死之撫軍杭公移駐漢中遣騎追饌還久之漢中食盡大軍退保西安棧道阻絕君開道從黑水峪出峪路崕呀峭險上梯懸崖下臨溪谿俯視宵黑數百丈不見底窮冬冰雪滑不可駐足是一失則顛墜糜碎君募土人善緣山者爲導其上則土人先登垂絙下緣之登其下則繫絙於腰人持其絙末自投而下晝斧冰作糜夜取松栢枝藉冰雪

青門旅藁卷五 傳

五

上擁衾卧七晝夜乃達盤屋病甚卧數日榆人迎之昇以歸是歲康熙十三年冬也明年二月定邊副將朱龍舉兵反當是時滇蜀用兵踰年閩粵東粵相繼告變秦隴復叛三陟騷然朱龍乘亂擁兵出不備所過如破竹直逼波羅堡堡距榆不百里屋邑洶洶榆林道高公召君問計安出君具盡利害狀高公是之明日入關帝廟士民聚者數千人君灑泣誓神諭以死守意誓詞有曰某忠臣之子義不與賊俱生辭氣慷慨激昂聞者感動已高公出數千金屬君募壯士得四百人立忠義大會爲編什伍明號令製旗幟畫牌而守閒出其家私財享

士而身自宿城上晝夜調畫兵食衆倚以安四月又有周繼明之變周繼明者綏德州之西川人西川地阻陘關賊李自成故產其地俗剽悍易爲亂繼明聚衆數千入神木與叛將孫崇雅合攻陷延安綏德勢益張榆兵迎戰不利而榆林故斥鹵四望黃沙平時恃餽運以給至是運道梗城中食盡居人采野蒿刮木皮以食偶語籍籍多欲出降者高公夜呼君語曰事急矣鎮兵疲不足仗人心將變奈何君奮額大聲曰死譚某分也先君爲明末忠臣某爲此官非先君意今得効嵇紹之死庶幾可見先君地下先是君父名貞良明末以五經第進

青門旅藁卷五 傳

六

士官禮部主事遭亂棄官挈家航海入閩卒不屈至漳州之佛潭起兵病甚歿於軍故君語云然高公慨然曰君儒生乃能爾吾聽君出諭士民曰忠臣我與高公爲之豈責若輩死我所以死守正爲若輩計賊一入城則玉帛子女皆賊有也且若輩今日降明日大軍至無噍類矣衆泣且拜曰公言是明日高公又出千金公益以數百金開道渡河買粟於保德河曲以兵突圍衛之入人心益堅閏五月王師及蒙古救至圍始解西邊自朱龍構亂延安一郡十九城三十六砦堡相繼淪陷官吏開門納降或棄城走者相望也而榆林以彈丸之城當



萬餘方張之寇。提餓羸之餘卒。堅守五閱月。卒以城完。蓋君與高公功爲多。高公名光祚。寧津人。後年餘以內陞去。榆林既解。嚴響水清平鎮羅諸堡。猶爲賊保。聚君單騎諭降之。諸堡悉平。馳至神木。爲檄檄孫崇雅周繼明曉以禍福。崇雅繼明以衆降。事平。募府當上功簿。而君以不肯殺降。忤大帥意。詘其勞。僅加一級。久之。遷知登州。君遷登州。蓋歷俸久。當得量移。又不以軍功也。自滇閩變起。朝廷一切務寬大以安反側。郡縣不幸中寇。吏走且降者。後自拔抱印來歸。皆貫其罪。復官之中材以下。大抵皆苟免。媿生自營矣。而激於忠義者。乃出身

青門旅藁卷五 傳

七

犯難奮萬死不顧一生而文法吏反得操短長而訾其後。此所以沮忠臣之氣而有志之士所爲發憤太息者也。君至登黃縣。有女子父爲盜所殺。令誣以姦獄。且具君廉得其冤。力白之。坐是與上官忤。數構大獄。計所以中君者。君僅一子。會以疾夭。既內痛之。而所構獄辭連君。吏議奪二官。尋邑邑遭疾卒。君故以文士知名於時。爲人坦厚。氣溫而語和。與人交洞見胸臆。及臨事。乃更嶄嶄。不可以死生利害怵也。好學工文章。自少至老。未常手釋卷。爲吏尚教化。好緣飾以儒術。官榆林時。憫榆士僻陋。建尊經閣。買十三經貯其中。令學者知漢唐

以來諸儒傳註。榆故無志書。創修延綏鎮志。手自削槁。發凡起例。論者謂可方武功志。蓋武功志成於康修撰。海最稱善。云其詩初爲中唐清麗。自喜入蜀後。乃更沈鬱。學少陵爲記序。及它文。實勝詩出入廬陵南豐間所著嘉樹堂集。爾雅綱目守榆紀畧。肅松錄。凡若干卷。君廉儉無它嗜。好獨嗜書。所至輒傾貲購之。方間道出蜀。時猶自監屋買書千餘卷。以橐駝載之。歸其沒也。無千金之橐。宗伯沙公贈以棺。乃能殮其同官交遊皆厚賻之。乃能以喪歸。弟瑄孝廉亦文章士。有氣節。觸熱走三千里。赴其兄喪。又經紀其後事。如身事。有足多者。

青門旅藁卷五 傳

八

邵長蘅曰。始予客京師。識君其爲登州。予客其署者半閱歲。故予知君特詳。瑄又泣語予曰。兄昔從吾父入閩。遇盜斧傷父兄。以身蔽之。盜拔刃睨兄。兄擁持益力。盜以刃背捶兄數十。不爲動。曰。孝子也。捨之去。先母之沒。兄客汝南。聞疾晝夜馳三百里抵家。則蓋棺矣。以頭觸棺。棺釘破。其顱血濡縷。暈絕久之。乃甦。言已。則益泣。嗚呼。不愧忠孝矣。

紫巖逼真班掾子湘敘事之文。直是高絕五百年無此作手矣。陸冰修



明左都御史李忠肅公傳

公名邦華字孟闇別號懋明先世唐西平忠武王晟之後也西平第十子憲觀察江西憲子游爲袁州刺史始家袁再傳至遵遷吉水遂世爲吉水人父建以舉人官南刑部主事公舉萬曆甲辰進士知涇縣行取山東道監察御史巡按浙以例調外熹宗初起兵備副使分守易州入爲光祿寺少卿擢僉都御史巡撫天津又召爲兵部右侍郎移疾去削奪爲民崇禎改元起工部右侍郎改兵部協理京營戎政進本部尚書踰年用中旨罷歸尋起南兵部尚書參贊軍務以憂去服除起南右都

青門旅藁卷五 傳

九

御史道拜北掌院左都御史時崇禎十五年也公初奉南院命以衰老固辭俄聞邊警乃奮袂起曰此豈臣子辭官日耶爲文告大江之神誓墓訣子孫而出抵湖口而有左兵之變先是左良玉以缺餉兵潰東下所過殺掠畱都民一夕數徙文武大吏相顧無人色公適遇之湖口爲檄告良玉曰本部院四朝大臣一生忠孝勤王討逆仰望貴鎮與我同讐頃傳麾下全軍南潰江流中斷陵京震驚何輕舉若此我朝列聖英靈皇上神武羣醜遊魂旦夕膏斧貴鎮不以此時枕戈礪劍與疾討賊乃甘自菲薄貽悞功名竊所未解海內豪傑人各有心

各鎮及麾下將士保無從旁觀變者舉事一不當辱身家而污青史爲千古笑端智者所不出也宜即日嚴戒軍士疏通江路尅期還鎮本部院當力爲貴鎮濟此饑軍不則義旗回指將不得以玉帛相見矣良玉捧檄心折又用其親信李猶龍胡以寧開陳禍福良玉大感悟乃飛書皖撫發庫銀十五萬補六月糧軍心大定南都始解嚴越日公具威儀入其營良玉昧首韞握刀插矢俯立迓鶴首公辭改用師弟子禮見良玉請公坐樓船大閱士慰勞諸將詢問部曲姓名一軍思奮又爲公斬淫殺者四人徇於軍釋被鹵男婦四千餘人還漕鹽艘

青門旅藁卷五 傳

十

五百餘臨別至牽衣號慟公入朝上迎勞曰潰兵事處置得宜東南半壁賴卿亡恙跪奏移時數詔起立溫語如家人父子上旣倚重公公亦知無不言顧是時外侮內訌人主孑立軍國之積弊臣下之錮習如盤根之不可拔如棼絲之不可理如壞屋漏舟之不可撐拄公隨事納忠卒亦不能大有裨補而天下事竟不可爲矣甲申三月賊破潼關上召見羣臣泣數行下公退具疏請急遣皇太子監國南京疏畧曰臣去年入都卽請勅畿輔郡縣預備城守秦督宣扼關自固別遣重臣督師防河諸臣泄泄不省以致百二山河河決魚爛都城堵塙



一無可恃爲今日計。皇上惟有堅持効死勿去之意。爲中國主則當守中國。爲兆民主則當守兆民。爲陵廟主則當守陵廟。周平宋高之陋計非所宜。聞東南曠遠賊鋒漸蔓齊魯。一旦南北中斷。則神京孤注。竊見皇太子天資英武。豫教端凝。正宜歷試艱難。請亟倣仁廟故事。撫軍陪京。卽日臨遣。親簡親臣。大臣忠誠勇智者。專勅輔導。便宜行事。刻期饋水陸飛輓。集方州義師。以鞏燕雲。遏寇氛。此宗社安危所係。不容刻緩者。賊兵驕師老。急檄關寧吳三桂提師迎擊。可以必勝。勅襄城伯李國禎悉簡京營精銳出爲犄角。守城之事。臣等力任之。皇上下詔罪已。悉發內帑蓄積以餉戰士。勿局錡爲盜守逆賊之首。未必不可懸藁街也。又曰。皇上勿疑臣南人。借此自便。臣誓以身許國。皇上卽委臣南事。臣不敢任。越數日。又疏請命定永二王分封江南。烈皇帝袖公兩疏達殿行。且讀且嘆。密諭閣臣陳演曰。憲臣言是演頗洩其語。旣而羣臣爭疏南遷。臺臣閹然詆排。上恚甚。并公兩疏寢不行。三月十二日大同昌平繼陷。公亟議登埤死守。走告內閣。閣臣魏藻德故曳踵徐徐行曰。且姑待公唾之而出。明日率諸御史登城。城瑯拒守者矢石交下。慟哭返。十八日賊破外城。公移宿吉安館。文信公

青門旅藁卷五 傳

十一

祠下烹賜承祀。信公徧餉所知。詰朝內城陷。公亟奔大內。闕門閉不得入。歸館沐浴。整衣冠北面再拜三揖。信公曰。邦華鄉邦後學。當死國難。請從先生於九京。取白練書贊曰。堂堂丈夫。聖賢爲徒。忠孝大節。誓死靡渝。臨危授命。庶無愧吾君恩。莫報。鑒此痴愚。縑尾書。人生自古誰無死。畱取丹心照汗青。句書已。繫之帶間。顧語家人曰。謹護總憲印。還朝廷。毋污賊手。不得皇上確問。無驗吾屍。乃移席正坐。持束帛繫文信公坐。棺投縗而絕。三月十九日辰時也。年七十有一。旣死正屍中堂。眉目軒舉如生。時賊過者咸咋指呼。忠臣或有下拜者。越三日。乃殮。嗚呼。唐安史之亂。房琯首建分鎮討賊之議。詔下。遠近相慶。祿山撫膺曰。吾不得天下矣。公之策正與琯合。當是時。燕京決計固守。賊雖強不敢越燕而南。太子南行。可以必達。旣入舊都。緩則填撫東南。亟則控江扼淮。號召燕齊。援師進戰。退守天下事未可知。公固籌之熟矣。乃天不祚明。以烈皇帝之英明。不能用公策。卒致宗社淪胥。主臣同盡。嗚呼。豈非天哉。豈非天哉。公生而孝友。不苟訾笑。江西有二儒者曰。鄒忠介公。元標曾恭端公。同享鄒公識公於諸生。勗以萬物一體之學。旣登第。謁曾公。南太宰署與極論古今典章吏治人才世

青門旅藁卷五 傳

十二



運曰吾老矣報國微忱舉付吾子公學問原委得之二公爲多令涇下車未幾問里銖兩之姦悉知之會歲祲勸貸賑濟全活六萬人爲御史條上章數十皆軍國大事首輔福清葉公下朝房秉燭照公面曰吾不知李懋明何似敢言乃爾福王之國有日請給養贍田土足四萬頃而後行部科噤不敢言公曰若是則之國無日矣手疏數千言爭甚力福清亦上疏極言事得寢福王遂以甲寅三月就國巡按兩浙斥贓罰公費銀數千兩屬吏洗手奉法當憲囚積案填委公攜冊坐輿中流覽暗記數百人以次決遣姓名訊牒不遺毫髮吏民驚以爲

青門旅槩卷五

傳

神其鎮天津也蒞任方一日妖賊猝攻陷景州而鎮兵盡東出城虛無兵公飛騎檄東師還遮擊賊復還步卒千人躡賊後各戒以道里時日比合戰兩軍猶不相聞各奮擊賊賊腹背不支遂大敗俘斬四千有奇連克景武鄒滕蓮妖殲焉既而與定督撫攘其功得金吾世職而公僅加一級益當時疆事類如此遷兵部右侍郎會增陝方熾移疾歸御史倪文煥疏論公東林渠魁與周公順昌林公枝喬並落職其起爲南叅贊機務首議定營制汰虛卒裁冗官躬巡視江北渡浦口徑池和梁山上采石磯旬日走四千里熟察水陸形勢扼塞防禦

宏繪爲圖分五疏以進大要謂守江東不如守江北請於滁和全椒壅田積穀屯兵數千人且屯且練以固門戶守下流不如守上江請於池陽開府采石置哨太平舟車兼制以固咽喉又謂徐州當四衝水陸交會宿重兵設總督一旦有事片檄徵調北捍邊西扼寇中奠陵京此萬全局也疏下兵部舌吐不敢覆公亦用外艱去後六年南都擁立一二老成所規畫畧如公疏人於是服公先識云甲申四月公柩至自燕贈少保吏部尚書諡忠文入國朝改諡忠肅予祭葬其家葬公於鼇山之釣魚臺

青門旅槩卷五

傳

邵長蘅曰余客江右數往來峽江吉水閒望所謂釣魚臺者巨石巉巖然俯江岸昔人以爲可坐而釣也因以名云余每過未嘗不欲飲也虞山錢公謙益爲公謨神道碑敘事詳贍然頗病其蕪曩見野乘所載謂公亦倡議南遷以賊臣劫制而罷嗚呼公之忠謀石畫不幸而不見用而顧使剝耳吹聲者影響附和幾與詩幸江南之王欽若幸蜀之陳堯叟同傳豈不諄哉余故掇其大者具論之如此

此明末有關係文字虞山神道碑盈萬言子湘約以二千三百言不漏不支要是鑪錘力大

朱笈仲先生

雪樵先生傳

先生姓邵名泰清字以規世爲浙之仁和人雪樵其號性狷介方潔寡言笑不苟諧俗家居以孝友聞大母林疾亟先生頓天巧以身代大母病良已以高壽終兄客粵東或傳凶問至先生晝夜泣目爲失明年餘得兄書知無恙則大喜目開明如初其摯性多類此明崇禎癸酉舉於鄉出王忠烈公之門王忠烈公者名章江南武進人初令浙中以高第入爲御史崇禎甲申三月闖賊入京師公方戎服巡城賊騎連呵下馬公不顧賊槩公股遂墮公踞地大罵賊怒擯槩刺公至死罵不絕聲語

青門旅棗卷五

傳

具余所爲武進三忠傳公死時先生以孝廉家居爲慟哭者案月已乃斲木爲忠烈公主設之寢朔望歲時必祭祭則陳蔬脯酌酒再拜伏地哽咽或號慟至失聲如是者幾三十年居常鞅鞅不自得曰吾前朝老孝廉顧不能蚤從王先生遊地下卽死何面目見王先生故自甲申後箬冠布袍屏跡靈鷲之呼猿洞不復入城市或語以時事默不應臨歿勅其子曰吾死慎無乞誌銘嗚呼可悲也已卒時年七十八所著有忠孝見聞錄甲子紀言雪樵吟若干卷初先生避亂居山中同年生某棗千金寄其家人無知者某尋死於亂先生走數百里訪

其子還之楊天驕者亦同年生客京師遭疫闔門死者十八人親交絕跡先生躬視含殮歸其喪又撫其孤汪度成立二事亦人所難者于昌國僅募不拘小節方闢粵用兵時上書親王纔纔數千言談兵事親王奇之又常獨身入賊巢說降劇賊千餘人敘功當得官輒棄去昌國余兄弟行

青門旅棗卷五

傳

邵長蘅曰宋謝翱以布衣受知文天祥參其軍事天祥死翱悲不自勝常挾酒登子陵臺設天祥主荒亭隅再拜酌畢號而慟者三已乃以竹如意擊石爲楚歌歌闌竹石俱碎聞者傷之而史官之論曰翱蓋天下士也翱不負天祥肯負國哉余於先生亦云

文品高潔酷似雪樵爲人中帶敘王忠烈公及昌國作小傳贊中畧敘謝翱羽事亦小傳也其掩映在有意無意閒殊妙

毛稚黃



進士王東亭傳

東亭先生姓王氏名士祐字子側濟南新城人與其兄考功弟祭酒並以學行文章重海內名相埒無所軒輊故海內往往稱三王云年十五補諸生二十以貢入太學三十二舉於鄉三十九始成進士後十年需次客京師遽以疾卒卒時年五十一先生負至性篤於孝友事親先意承志無幾微違細至虎子唾壺每身自灑滌居母喪苦塊三年不內寢考功當典試河南以磨勘繫獄先生日就獄視飲食臥起出則營索餽調緩急蹴躡黃塵赤日中顛蹶營救事尋解考功每語及輒哽咽蘇蘇隕涕者久之祭酒官揚州時常病困先生馳千里往視晝夜手自調藥病良已嗟乎世人詡意氣矜然諾千里頌義而斗粟尺布之謠號稱世家大族往往而有如先生可以風矣既成進士後會甲寅乙卯閒滇南用兵餉不給令得入貲補官於是正途益壅先生以次當補京職然竟未及補而沒矣嗚呼士或負畸行跡弛傲物動與世忤其坎壈范鬱固宜先生與人偃僂恭謹躡躡繩墨自內至外翕然稱長者而顧坎壈范鬱終其身年不及下壽名不結朝籍以死而今世仕宦不由科名起家至大官者相望也果時為之耶倘是亦有命不可強耶

青門旅藁卷五 傳

七

窮與

青門旅藁卷五 傳

六

文似退之柳子厚墓銘而悲愴處或過之 毛雅黃

先生幼聰敏七八歲時出語即驚其座客所為詩最清麗可誦然不多作有京口紀遊詩見南昌陳允衡詩選有吳興倡和詩藝圃詩姑熟遊稿最後絕筆有和張司業秋居詩其傳於後世者僅亦止此悲夫考功名士祿居喪哀毀遭疾以死前先生九年祭酒名士禎學者稱阮亭先生即屬衡傳者也子啓治好學為諸生有聲邵衡曰太史公曰孔子罕稱命蓋難言之也信夫先生年垂強仕始遇 句將用矣顧連蹇糾結以死詎非命哉然先生外和而中介視榮利泊如也聞方需次時側當得鄉試同考官堅以疾辭不赴嗚呼其介也乃其所以

馬氏二烈女傳

康熙甲子衡客都門今少司寇馬公世濟持其先人文毅公殉節錄一編貽予秋夜發冊讀之慨然想見公箕踞罵賊裂背噴血時狀燭影熒然空除葉聲欬歛蒼涼慷慨淚落行閒嗚呼公固不死也而一時忠義所激能令妻死於夫子死於父戚獲爭死於主閭門從死者四十餘人方之晉卞壺元余闕似又過焉嗚呼烈矣文毅二女子死尤奇予心壯之作二烈女傳

二烈女者馬文毅公女也一小字二姐其一小字五姐

青門旅藁卷五

九

初文毅公陷賊時二女相要約同死公妾顧氏亦願從公既遇害女謂顧氏今日吾輩踐約時也將為縗梁閒從容語顧氏曰夫人故諸母行位次宜居中雖顛沛序不可失氏曰某妾也又無出何敢與諸母齒讓至再竟先顧氏五姐弱句力不能勝縋久之縋未就呼曰姊助我二姐笑曰妹怖死耶吾助妹已乃以次就縋死先是公子少司寇公獨脫身閒道歸京師其夫人董氏妾苗氏皆在賊中董氏先二女自經縋再絕再仆地傷額及足三縋乃死苗氏與文毅公妾劉氏相繼死在二女後最後文毅公夫人李氏視諸人含歛畢曰姑媳子女皆

幸不辱身吾無憾矣乃繫帛奮身絕吭死是日死者凡七人二姐死時年十有八五姐僅十五顧氏年二十餘識字工楷書

邵衡曰嗚呼死生之際大矣兩童年弱女目未嘗識忠孝字也臨難乃能從容審處蹈之如飴雖古烈丈夫無以過異哉余閒按史冊所載女子大要死夫者十九若二女則死君父矣婦姑同盡妾媵爭死文毅公刑于之化亦淡矣哉

寫諸人次第殉節處亦從容亦激烈更千百年讀之尚凜凜有生氣 王阮亭先生

青門旅藁卷五

二十

二女死節既烈又附見諸死節者極錯綜極簡潔當與王于一魏冰叔新樂侯傳鼎足傳世 毛稚黃



贈兵部尚書馬公家傳

余既爲馬氏作二烈女傳少司寇公又以家傳誣謗公之先兩世宦江南有惠政余江南人而文毅公大節又余所欣然願爲載筆者也何敢辭乃作贈兵部尚書馬公家傳

公姓馬氏名重德字瑞軒其先山東蓬萊縣人始祖英仕遼東保義副尉卽又占籍爲遼陽人年十五補衛諸生明萬曆間以貢除遼陽都司學訓導遷太平府別駕在太平數年投効歸本朝以孫貴得索贈如孫官公居官潔廉尤明敏善決疑獄一再攝聚令所至黠吏豪

青門旅藁卷五

傳

三

民皆逆爲歛然寬於貧弱務牧養小民以故得惠愛聲常攝蕪湖令蕪有豪殺人焚其屍與滅跡更數令獄久不決公微知冤狀顧未有以顯服豪久之廉得其焚屍處單騎馳往命卽屍所聚炭薪炙地沃以醢已取堅楮覆之頃之揭楮視則屍痕宛然故所中創處毫髮畢見豪叩頭具服竟論抵又攝蕪湖關樞盡斥羨緡佐縣官旣盈額則以償前使者逋課竟數月不名一錢再攝當塗令皆著治迹以病自劾去兩邑吏民號泣送者數萬人旣去兩邑爭立祠肖像祀之後四十餘年公有孫以大司馬總督江南江西行部至蕪湖瞻拜祠下以公像

失真謀更塑而匠人無識公者難之明日蕪湖民奉公

畫像至以十數計中有酷似者像遂成嗟乎近世郡縣

吏視其官若傳舍然民亦以過客視吏更數年或不能

舉其姓氏甚者誦習隨之吏乃詆其民曰俗薄公以

一署令更易代歷四十餘年而民顧每食必祝如是豈

非良吏難得而遺愛之在人者可久哉然則謂民俗嫵

薄者何歟三子長與進尤知名與進字復所亦以貢授

訓導不赴嘗受知經畧熊公廷弼熊公負才畧視世所

稱豪傑士無足一當者顧獨折節公卽其人可知矣與

進二子長鳴珮卽以大司馬出總督者也次鳴玳能文

青門旅藁卷五

傳

三

蚤卒

總督公名鳴珮字潤甫年十七補博士弟子員時遠左

初隸本朝太宗求賢知自助以公爲工部啓心卽會

諸事草創亦有規畫建置輒以詢公公對輒稱旨甚器

重之公爲人浚博有謀善兵畧從世祖入關以左叅

政分守山西潞汾道闖賊餘寇號一隻虎者驍悍將吏

莫能制常寇尙嵐公設伏敗之已獲復遁去呼郡將密

授方畧馳數十騎往縛以歸餘賊駭散移分巡下湖南

道課最超遷戶部右侍郎督理江南糧儲錢法又命總

督宣大所至治辦皆有聲順治十一年遷兵部尚書總



督江南江西軍務。當是時。天下畧定。大江西南地延袤三四千里。荏苒伏莽。所在多有。而鄭氏餘孽跳梁海上。瀕海郡縣數中寇。吏民苦之。公至。則選將校。明什伍。繕墩堡。治戰艦。軍政畢舉。大將軍梁公化鳳時爲偏裨。未知名。公與語奇之。疏薦。化鳳有大將才。命統水師。遮擊海賊於崇明。大戰陣斬千八百級。獲賊艦百。復平洋諸沙賊。氣懾。欲遁。公爲檄。檄賊中開示禍福。僞督張銘鎮阮四陳輝僞總兵顧忠王有才相繼乞降。忠尤劇賊。號網倉。顧三善水戰所。鄉輒利羣賊。倚以爲導。忠降。賊益沮。竟公鎮不敢入寇。久之以目疾再疏乞休。詔回京視

青門旅槩卷五

三

醫藥後十餘年卒。先是公既去鎮。賊闖入海門。破京口。攻圍金陵。東南大震。化鳳以吳淞總兵赴援。提三千卒。擊破賊衆十餘萬於龍江關。賊宵遁。金陵圍解。捷聞。卽軍中授大將軍印。封世爵。世以是益服公。能知人云。一子卽文毅公。

文毅公名雄鎮。字錫蕃。少以大臣子選用。授工部副理事官。擢宗人府啓心郎。以憂去。服除。補左僉都御史。命巡撫山西。不果行。康熙九年改右副都御史。巡撫廣西。公質重有守。忠孝出天性。奉總督公喪。哀毀循禮。與人交。謙厚溫謹。長者也。遇事有不可。則毅然必達。不爲利

害撓。待人推心不疑。能得其死力。粵西地遠。溪峒犴狴。雜處羣盜。左江楊其清平梧莫扶化黨。皆數百人。逐捕歲餘不能禽。公至。勦撫並用。不數月殲其渠率。餘賊解散。已乃建議復邊俸。省兵米。開蘇木禁。停采買藥材。疏士餘上先後得報。可。後三年而孫延齡之變作。延齡者。故定南王孔有德壻也。王鎮廣西薨。無子。朝廷以延齡爲將軍。攝軍事。延齡數擅殺人犯法。都統王永年發其姦。遣使者案驗。辭服。上不忍致之法。詔奪其官。會吳三桂反。粵西震動。廷議復以延齡爲將軍。填撫之。延齡既內嚙王永年。又怨前削奪其官。見三桂勢張甚。

青門旅槩卷五

四

遂蓄異圖。十三年春。詐集諸將議事。縛王永年於坐。殺之。殺副都統三十餘人。遂勒兵圍撫署。以僞命遺衣帽。脅公降。是時。承平久。撫臣名封疆大吏。然實無兵柄。權輕。會變起倉卒。公知勢不支。易朝服。北鄉再拜曰。臣亡狀。謹以一死謝國。卽距戶自經。家人踰扉入救之。得不死。已乃遣其長子世濟詣闕。上變語曰。賊勢雖強。人心尚固。王師至我爲內應。破之如振槁耳。不則父子俱屠。無爲也。公子涕泣叩頭去。逾月事益急。又遣其客携次子世永孫國楨乘夜穴垣出。開道達京師。賊偵知公終不屈。而子孫入朝乞師者相繼益衆。且懼賊兄廷基率兵



排闥入。環立。露刃。睨公。公引所佩刀。自剄。不殊。血漉被體。賊卒前。抱持救之。奪其刀。刀剄救者。右手墮。三指。賊昇公出。並驅其家屬。幽別室中。公絕食數日。不死。乃復食。自是坐臥一室。足不踰戶限者四年。三桂以書招公。公手裂書。抵之地。罵曰。吾天子大臣。肯作賊耶。其後逆賊互相誅屠。賊將吳世琮入桂林。執孫延齡。殺之。遂收公及幼子家僕。去世琮。責公降。公鬚髮怒張。目皆裂。叱曰。吾大臣。義死封疆。所不卽死者。欲手刃叛賊耳。今志不遂。死矣。何多言。世琮見公詞峻。無降意。移置他帳。令賊黨更相誘說。公瞋目不應。稍進以酒食。則傾食擊器。

青門旅藁卷五

三

罵詈不絕口。賊大怒。令牽去。以刃夾諸人坐之地。先殺幼子世洪。次世泰。次家僕諸老道以下九人。次及公。公北嚮坐。欣然引脰受刃。蓋康熙十六年十月也。年四十四。有四。是日聞變。夫人李氏與其女媳妾媵自經死者七人。語在二烈女傳。先是公有一幼女四孫男女及婢僕十九人。皆以凍餒死。闔門先後死者凡四十三人。公既死。賊怒猶不解。下令禁收公屍。暴四十餘日。賊將趙天元過之。睨公面。勃勃如生。驚下馬。羅拜曰。忠臣也。解衣覆其屍。潛瘞之。廣福寺後。守弁某亦以李夫人及子女遺骨。糞其旁。初公所遺長子世濟來京師。上憫其忠。

詔官四品京卿。至是抗疏畧曰。臣父身死封疆。闔門慘難。暴骨原野。臣誠日夜痛心。願得匍匐往收遺骸。惟陛下哀憐。疏入。詔世濟乘傳往。遂以喪歸。上遣重臣臨祭。者再。勅有司治窆。特贈太子少保兵部尚書。賜諡文毅。又親灑宸翰。文其隧道之碑。嗚呼。觀公之盡忠與聖主之所以酬忠。交得之矣。世濟字元愷。今官刑部侍郎。好學。問喜文章。士能以忠孝世其家。

青門旅藁卷五

三

年閒再罹凶阼。天之於馬氏亦酷矣。抑余聞長老言。忠烈之門。是當有後司寇之世大也。宜哉。

叙次奕奕有神。采賡單拈一事。補傳所未及。手法絕高。王阮亭先生。

八大山人傳

八大山人者故前明宗室爲諸生世居南昌弱冠遭變棄家遁奉新山中薙髮爲僧不數年墜拂稱宗師住山二十年從學者常百餘人臨川令胡君亦堂聞其名延之官舍年餘意忽忽不自得遂發狂疾忽大笑忽痛哭竟日一夕裂其浮屠服焚之走還會城獨身徇伴市肆開常戴布帽曳長領袍履穿踵決拂袖翩跹行市中兒隨觀譁笑人莫識也其姪某識之畱止其家久之疾良已山人工書法行楷學大令魯公能自成家狂艸頗怪偉亦喜畫水墨芭蕉怪石花竹及蘆鴈汀鳬儻然無畫

青門旅棗卷五

三七

家町畦人得之爭藏弄以爲重飲酒不能盡二升然喜飲貧士或市人屠沽邀山人飲輒往往飲輒醉醉後墨審淋漓亦不甚愛惜數往來城外僧舍雜僧爭勸之索畫至牽袂捉衿山人不拒也士友或餽遺之亦不辭然貴顯人欲以數金易一石不可得或持綾絹至且受之曰吾以作韞材以故貴顯人求山人書畫乃反從貧士山僧屠沽兒購之一日忽大書啞字署其門自是對人不交一言然善笑而喜飲益甚或招之飲則縮項撫掌笑聲啞啞然又喜爲藏鈎拊陣之戲賭酒勝則笑啞啞數負則拳勝者背笑愈啞啞不可止醉則往往欬欬泣

下于客南昌雅慕山人屬北蘭澹公期山人就寺相見至日大風雨予意山人必不出頃之澹公馳寸札曰山人侵蚤已至予驚喜趣呼筇與冒雨行相見握手熟視大笑夜宿寺中剪燭談山人癢不自禁輒作手語勢已乃索筆書几上相酬答燭見跋不倦澹公語予山人有詩數卷藏篋中秘不令人見予見山人題畫及他題跋皆古雅閒雜以幽澀語不盡可解見與澹公數札極有致如晉人語也山人面微頰豐下而少髭初爲僧號雪箇後更號曰人屋曰驢屋驢曰書年曰驢漢最後號八大山人云澹公杭人爲靈巖繼公高足亦工書能詩喜

青門旅棗卷五

三八

與文士交

贊曰世多知山人然竟無知山人者山人胸次汨汨鬱結別有不能自解之故如巨石室泉如濕絮之遇火無可如何乃忽狂忽瘖隱約玩世而或者目之曰狂士曰高人淺之乎知山人也哀哉予與山人宿寺中夜漏下雨勢益怒簷溜潺潺疾風撼窓扉四面竹樹怒號如空山虎豹聲悽絕幾不成寐假令山人遇方鳳謝翺吳思齊輩又當相扶攜慟哭至失聲媿予非其人也

種種設色點綴如唐畫寸馬豆人鬚髮畢見能不犯一俗筆故是高手贊語風神橫溢妙在言外



朱學子傳

孝子姓朱名壽命餘干之團湖邨人康熙乙卯遭亂與母李相失孝子日夜泣不欲生如是者數年一夕夢若有神語云汝母亡恙籍正藍旗下孝子益痛哭遍拜其戚族鄰里且與訣曰壽命待不見母不生還矣短衣芒屨背黃袱足脛赤露旬旬三千餘里走京師至則行乞市中或遺以餅餌則自食或遺以銀錢則紉衣縫中竟日忍餓不敢費一錢為贖母計也蹤跡久之果得母所在如夢中語而旗人故邀重購拒孝子孝子日踞其門外雙膝為廬遇母生日持肉麵一盂跪進母伺母食畢

青門旅藁卷五

傳

然後起家學士遠平時方官京師高其行為捐金贖之既出無所依因留學士家母性卞急小不如意則詬詈不休甚則摔而批其頰孝子益嬉笑謝曰恐傷母手後數月得便舟奉母歸餘干

邵衡曰往歲余客京師數見孝子體羸而面黃蓋凍餓奔走者三年矣是固宜然孝子不知書故其語質每對人言在母腹時日噉母乳三合何忍不報嗟乎豈非天性哉余初見孝子迎拜余余大驚跪掖之起曰吾輩當拜君耳乃敢當君拜吾媿死矣

叙瑣屑事難其古傳如此 毛稚黃

青門旅藁卷六

後集

毘陵邵長蘅子湘 纂一名衡

碑誌表

代蔡忠襄公祠堂碑

蔡忠襄公祠者故建以祠前明殉節山西巡撫蔡公也公以副都御史奉命巡撫山西之明年流賊李自成陷潼關榆林寧夏繼陷秦中瓦解三晉獨當二千五百里之長河汾州平陽所在震動公屬巡按御史汪宗友守太原而自提羸卒三千往來拒賊河上一敗之大慶渡再敗之風陵渡又敗之吉鄉渡相拒四閱月衆疏請餉

青門旅藁卷六

碑

請援兵不報而會賊自榆林聲犯太原宗友馳羽書趣公歸衛晉王王亦手書召公使者相望公不得已三分其戢下士以二千人守平陽汾州親引千人馳入太原公既歸宗友遽出城按它邑去而平陽亦尋陷是歲崇禎十六年十二月也正月賊遂渡河向太原而宗友以已實趣公歸懼得罪乃反誣劾公不守平陽狀有旨解任聽勘以郭守昌代命閣臣李建泰督師來援兩人者皆逗畱不進或謂公已解任例可出境候代公慨然曰吾封疆臣當死封疆吾內斷於心久矣此時存亡呼吸奈何便文自營倖苟免吾死不忍為遂集衆啖血盟有

誓守封疆不逃不迎舍生殉國願告神明語當是時太原守備羸弱兵僅及千又無外援而臨危更易軍府事益難集士民皆知必不可守徒以激於忠義奮願同死盟廟之日哭聲振天賊遣使持偽檄招降公碎檄斬使竿其首堞樓上賊怒悉眾五十萬攻城公先期於城外度要地理礮以待賊至果駐營其上夜募壯士發礮殲賊數千人賊益怒肉薄仰攻三晝夜有叛將內應城遂陷公知勢不支先草遺疏懷之至是以授贊畫知縣賈士璋曰吾死此矣君速歸報天子是時從公者中軍副總兵應時盛材官段可達率麾下數十騎巷戰久之騎

青門旅槩卷六 碑

二

欲擁公出西門公遽躍下馬厲聲曰出門一步非吾死所時盛已出城回顧不見公呼可達復斫賊入見公坐地上時盛下馬曰死則俱死耳公問三立祠何在三立祠者故建以祀山西先賢而公常講學其中者也步行至祠從者猶十餘人公顧可達馬尚在揮之去曰汝非命官可無死明日收吾屍也可達泣拜上馬斫西門出時盛解袍帶係東梁公再拜先賢就縊身輕不卽死時盛解鐵甲加公肩而氣絕時盛再拜公亦東向以弓弦自勒死十餘人皆同時自刎死自成故憤公甚購公屍戕而弃之海子可達陰求得之後十日乃與旗鼓周文

郁材官田中馨市棺殮公葬南門外東岡竟如公命云公死以二月八日距公死僅四十日而燕京淪陷愍帝死社稷矣烏虜悲夫策公當日可以不死者有二奉旨解任待罪幸得弛擔可不死城破矣從諸將躍馬出城徐圖恢復可不死而公顧必死視夫智窮力竭計無復之而慷慨引決者尚不當同日語而況下此者然則公於成仁取義可謂安之者矣烏虜豈易而致哉公諱懋德字維立別字雲怡先世居河南之新蔡隨宋南渡再遷始家崑山爲崑山人曾祖以下三世冒姓陳至公乃復姓蔡氏萬曆己未成進士釋褐杭州推官課最當得

青門旅槩卷六 碑

三

給事中以忤同縣閣臣顧秉謙改禮部主事其爲主事又以忤太監魏忠賢謁告歸忠賢誅起禮部郎歷外任其爲寧前道有松山城守功又以忤閣部楊嗣昌不叙應詔上三疏極言時事忤上意有旨切責總監高起潛素貴橫公貽書責之大畧謂職與貴監相見之禮不載會典體統當從義起耳貴監體不詘則爲傲德職等體不信則爲失己今使職惟朝命自尊而貴監折節士大夫懽然通賓主豈不兩相成哉雖重忤起潛意然竟無以難爲河南布政司會斗米三金人相食而賊聲言先服者不徵糧人心搖搖公曰此時急催科是疾驅民爲



盜也。檄郡縣停徵而抗疏自劾。忤旨。坐奪七級。公獄獄時名節不顧利害。多類此。初公爲諸生時。得陽明傳習錄讀之。喟然曰。聖學淵源在是。吾知所宗矣。畢生學問得力陽明不動心爲多。公有體有用。臨大節而毅然不回。有以也。夫殉節之明年。南都建號。禮部尚書顧公錫疇抗疏畧曰。輦轂淪陷。天崩地坼。文武官吏相率抱首鼠竄甚。而迎降獻策爲逆賊出死力者。多有至於忼慨赴義。則僅遇其人。故巡撫山西臣蔡懋德以隻身控扼全晉。備著勞績。事窮勢迫。灑血盟衆。死守城陷之日。竟聽其志。若不厚加恩卹。何以慰忠魂而示以死勤事之

青門旅藁卷六

碑

四

報疏入詔。與祭葬。建祠諡忠襄。而閣臣馬士英方與顧修故郅媚士英者。遂劾公失守罪。祠蔭格不行。烏虜此明季國是可爲太息者也。入 本朝順治十三年。王貞公崇簡疏公忠節。詔下部議。許特祠於鄉。而前明巡撫祁公彪佳故嘗建祠胥門外。燬已久。康熙某年月。前撫睢州湯公斌始檄有司。建今祠在虎丘之麓。圯礧峻整。堂廡實枚而麗。牲之碑久未有。辭公子方炳再拜請。某惟公英風毅烈。更百世如生。幸得列名碑末。有餘榮焉。乃按汪編修琬魏處士禧所撰誌銘與傳。稍詮次之。而於死事特詳。以勵後世爲人臣者。重系之辭。俾歌以

祀焉

天柱折兮山隤。蛟鯨吐兮海飛。衆賤妹兮墨泉。獨致命兮。麟所志。平 風靈爽兮安之。簡雲駕兮焱上馳。擊慧旂兮踴躍。擁修竿兮格澤元。氣瀕瀕兮日星薄。忽臨睨兮故國。麥漸漸兮原陸縹。馬兮丘之麓。歸祠兮孔安。鏤檻文槐。白石闌。櫻桃殷兮春原。洞庭秋兮橘爛。稻粱穠麥。香騰臚。直尊蒿蓂。吳羹酸。公來享兮游衍。弗替引兮子孫。

序死事特詳處筆筆生動。龍跳虎臥。惟子長優爲之。次亦不減韓柳。書張巡傳後及狀段太尉遺事也。三

青門旅藁卷六

五

詞古奧神肖昌黎

代清故通奉大夫詹事府詹事兼翰林院侍讀學

士加禮部侍郎沈公神道碑

公以能書名海內三十餘年受知

世祖章皇帝以第三人及第晚被 今上特達之遇恩禮莫並或命就御榻前濡墨揮毫或頒官紙令繕寫卷冊以進日或一再召見見輒賜茶或賜坐上或自作大書令題其後所賜御書鳳管裏蹄貂裘文綺茗饌之屬至不可勝紀兩宮殿庭屏障以及御座箴銘皆屬公書自元公鉅卿碑版之文下至遐陬荒徼琳宮梵宇爭得公書以爲榮以是公名動天下與趙承旨孟頫董文

青門旅藁卷六

六

敏其昌相埒而公之學行政事又有焯然足不朽者嗚呼公詎以書重哉公諱荃字貞蕤號繹堂順治辛卯舉於鄉壬辰賜進士及第官國史院編修會 世祖加意吏治內外互用知公才欲試以吏乃出爲分巡大梁道副使羣盜董天祿牛光天聚衆千餘剽掠許穎間許民驚竄勢張甚公至則練卒除器縣購賞飭軍令遣中軍王福爲前鋒而身自督勁兵繼進殲其渠率餘賊解散巡按御史以功聞禹州四十里外有竹園叢篁密篠陰翳數里盜窟穴其中劫商賈殺而埋其屍公遣吏卒收捕發土得屍累累十餘盜具伏悉按誅之老生其無子

買妾有身矣與傭姦而逃盜殺傭匿妾公捕得置妾獄

中生兒乃呼老生還其兒按妾如法生叩首泣下曰使我得有後者沈公也久之以監司入覲疏陳彰德養馬病民又禹州糧應分上下等凡十餘事皆中利弊得報可康熙元年冬丁母憂去服除補通薊道以他事呈誤議奪二官謫寧波府同知公具疏辨 上雅聞公名召見命作行楷各體書稱旨特詔以原品內用明年爲康熙壬子以翰林院侍講典試兩浙入爲國子監祭酒案遷詹事府正詹疏言 皇太子聖功在於豫養引明臣馬文升言及韓韜聖功十三圖以進未幾復疏列出閤

青門旅藁卷六

七

四事奏上並報聞故事詹事得與會議會推公於民生利弊時政人才得失剴切極言畧無所瞻徇十八年大旱詔求直言時方更定新例令罪人當流者徙烏喇極北以實邊下廷臣集議公獨以謂烏喇距寧古三四千里地不毛極寒人畜凍輒死今法罪不至死者乃遣流而更驅之死地失好生之意宜如舊例便乃獨爲一議上之有詔令盡一公堅持前議又力爭之 上前曰此議行三日不雨臣願受欺罔罪聞者皆悚 上爲改容納之越二日大雨盈尺流徙烏喇例竟罷時廷臣同署議者惟少詹王君澤弘御史謝君兆昌傳曰仁者必勇



公倘近之與先是公官大梁巡撫賈公漢復屬公修豫省通志手自刪彙既成上之後十餘年詔天下郡縣皆修志發凡起例一以豫志爲法其見重如此沈氏於華亭遠有代序明初有兄弟同官學士者長諱度次諱榮並以文章書法名於時人稱大小學士公蓋小學士十世孫也曾祖諱愚祖諱偉麟父諱紹曾皆績學不顯自祖以下以公貴得榮贈如其官紹曾舉二子長卽公幼孤事母康太夫人最孝方官編修時忽心痛不能忍驚曰吾母春秋高得毋病耶不數日訊至母果得疾乃拜疏趣歸省抵家則霍然矣說者謂誠孝相感云娶莊氏

青門旅槩卷六

碑

八

案封夫人子男四長宗昌太學生次宗敘廩生俱前卒次宗敘舉人侯補中書次宗敬舉人女二孫男子四孫女二以康熙甲子十一月七日卒於京師邸第距其生爲明天啓甲子得年六十有一訃聞上悼惜久之曰沈某極清苦命以白金五百兩賻其喪其明年某月公子宗敘宗敬將以喪歸扶服來請文其隧道之石予懼後世徒知重公書也乃論次其大者而繫之銘銘曰世祖皇帝飭勤吏治輟侍從班曰往旬宣尚洛瀝澗旌榮有踐三輔保釐撫之庠之皇帝嗣位召公於外爰侍承明爰陟銅龍廷議紛紜勿隨勿渝奮其謇諤矯矯

嶽嶽臣忠載披天聽爲移偉彼沈公瑚璉鐘鏘鍾王虞裕公小技耳巖巖豐碑煌煌龜螭弗啗弗泐銘詩有揭峻整令度銘辭用韻古雅毛稚黃

青門旅槩卷六

碑

九

代丁九貢先生墓誌銘

嘉禾有隱君子曰丁九貢先生以壽終將葬其子穎澈等述其行誼世系卒來請銘法然曰噫予戚也又名德應銘法何敢辭先生諱鑛九貢其字世居嘉善之永安鄉其先號海鶴公諱某者以徵聘起家仕黃州別駕四傳至清惠公諱賓明神宗時歷官大司空爲名臣事其載國史子三人先生其仲也生以明萬曆丁酉十二月某日卒以康熙癸亥六月某日年八十有七先生爲人溫厚與人語嘔煦惟恐傷之燕居每自整飭辨色起盥櫛雖盛暑不脫巾襪浴罷必衣冠爲學遠於性理以

青門旅棗卷六

誌

十

躬行爲宗不崇議論性最孝當清惠公懸車歸晨省秉燭問起居命退始退暮復往候就寢率以爲常遭喪哀毀循禮每歲時伏臘爲魚菽之祭進觴飯拜跪雖老不以屬子孫既祭必泣方髫齡時補諸生前辛酉就試南雍中副榜以明熹宗登極恩當得官久之會崇禎甲申之變乃絕意仕進一以讀書自娛然於古今治亂興亡以及忠臣孝子蹈難捐生之事輒邑邑竟日不食或至流涕四十年丹鉛甲乙窮晝夜忘倦先生固樂此不疲抑其衷抑鬱感慨固有在耶屢舉鄉飲以避清惠諱堅辭不赴其辭當事啓畧曰少不如人猶辭簪綬老無能

事敢與敦槃杜門却掃聊擬中屠之藏終隱焉文豈有彥方之譽又曰避嫌詹事固讓中書會戒同音况於直犯桓君對酒宜法然於聞言劉叟望山必惕如其却步雖申私悃良關大防嗚呼高節亦概見矣昔班史嘉龔勝之守死美郭欽蔣誦之好遜謂被其風聲足以激貪厲俗也東漢尤高守節士而當時處士之賢若孺子叔度皆隱約終身言論無大表見而聲施百世其名重於王公大人蓋有所以不朽者也嗟乎彼獨行終其身不悔者詎無故哉再娶皆錢氏三娶張氏子男三人穎淦郡庠生嗣徵裔沆皆國學生女二人皆適望族孫男七

青門旅棗卷六

誌

十一

人棠發舉人來候選州判其餘幼也孫女九人曾孫男四人曾孫女十二人葬以某月日墓在某鄉之原銘曰猗嗟先生維德之充匪其時之逢也碩果不食道剝窮也菴蔬盈車蓀獨芳也薰不自燒膏不自銷以大老終也以考貞珉以利其後人茲焉藏也

潔而雋感慨具在言外銘語特佳

毛稚黃



諸老道墳銘

諸老道者馬文毅公僕也。名兆元。江南句容人。老而蔬食。喜佞佛。故稱老道。云文毅公撫桂林。遭變。拘賊中。四年。抗節不屈。語具在。公家傳。及新都朱叻所爲殉難紀畧。方賊遣騎收公時。并縛其僕次。及老道賊以其老。縱之。去。老道大呼曰。吾得從主人地下。甚幸。豈效鼠輩叛主。苟圖富貴。貽千古罵名耶。奮然隨公行。公至箕踞大罵。老道亦詢詈不絕口。公遇害。賊亦竟殺老道。或曰。老道僕也。於法不應銘。邵某曰。嗚呼。老道之死。烈矣。所稱殺身成仁者。非耶。吾見今世士大夫。訾謗人。輒詈曰。奴儕。嗚呼。奴儕乃有是。是宜銘。銘曰。生也主從死也主依。其遺骨寢於斯。如此文足當一潔字。王阮亭先生

青門旅橐卷六

記

十三

王母韓孺人墓誌銘

孺人韓氏。太學百川君諱某之子。內殿中書舍人王君諱某之婦。登仕郎鴻臚寺序班有大君諱某之妻。歲貢生候補國子監學正觀光之母。以康熙癸亥七月某日卒於京師之邸。年六十有四。其明年十一月某日。將與鴻臚君同祔葬於中書君之祖墓。葬有日。觀光乃扶服來請銘。再拜涕泣。言曰。吾母幼婉嫕。事外大父母以孝。稱及歸先府君時。會大母猶在堂。春秋高。吾母先事承指。能得老人意。事先王父及今繼祖母孟。一如其事。父母府君幼失恃。每念及祖母莊悲。輒不自勝。每祭必泣。吾母痛不逮事姑。每助祭亦泣。佐襄先王父喪。哀戚循禮。娣姒皆以爲法。府君女兄弟行。凡三人。歲時餽遺具棗栗。拒收之。屬必腆終其身。訢訢無異言。憂某鮮兄弟。爲府君治兩妾。飲食服御如鈞。尤人情所難治。家持身恭儉。以有禮故其存也。內外親無老幼疎近皆愛敬之。自以爲不及其歿也。下至臧獲無不哭失聲。嗚呼。足覘吾母矣。吾母舉子一卽不孝。某孫一孫女二皆幼。又曰。某亡狀不能顯揚。其親惟其文之垂遠者。庶幾不朽。吾母於地下敢以爲請。蓋觀光之言如此。而今相國宛平王公誌鴻臚君墓。稱君能推先人遺貲分贍其族人。又

青門旅橐卷六

記

三

推以澤鄰里。其居京師。能好客。客亦日進。擊鮮烹肥。窮日夜未嘗見厭倦色。則孺人之助可知。是宜銘。銘曰。韓世房山王同里。閑乃遂婚媾。惟圭承瓚。鴻臚登朝。章服光光。孺人婉婉。內治之襄。房山之邑。繼陽之里。瘞銘其藏。垂千億禩。

章法簡淨 毛稚黃

青門旅槩卷六

十四

清故文學耿君墓表

曲沃有賢而不仕者曰貞子耿君。以諸生終於家。其卒以康熙壬寅某月。蓋距今廿有四年矣。而曲沃人至今思之。其里閭婢獨饑饉之人。皆曰耿君亡矣。吾屬安所資以生也。鄉邑有訟者。曰耿君亡矣。吾安所平曲直也。宗黨戚屬之貧弱不能自立者。曰耿君亡矣。脫一旦緩急。強孰抑之。弱孰右之也。其子若孫守其家法。循循孝友恭謹。曰吾先府君亡矣。府君之教。罔敢失墜也。蓋君能自不朽於其後者如此。嗚呼。不賢者能然歟。君諱介貞子。其字一字伯猗。世居曲沃南關。自君以上。以科目

青門旅槩卷六

墓表

十五

起家爲郡縣。至監司累累。而有故稱曲沃望族者。必及耿氏。君爲人剛直好學。問事父母以孝聞。遭喪哀毀循禮。屏斥浮屠家言。子孫至今倣之家。故饒於貲。明末歲饑。盡出穀賑其鄉里。遠近依君以居者三十餘姓。沃邑洵饑而君之鄉獨全。有友爲勢家奴所凌轢。慙不能自直。君毅然代直之。至而斥顯貴人。顯貴人爲愧謝而扶其僕爭訟不平者。輒詣君。君爲片言析是非。輒釋然服。邑子有恃其桀黠健訟不聽君其後。長吏讞決卒如君言。順治初。盜起垣絳。聚黨數百人。剽掠旁近。郡縣吏不能制其渠率。曲沃人也。曲沃令議遣邑中賢豪爲賊所



信服者三十人。往撫君亦在遣中。既至。賊礮刃以待。聲色俱厲。同行皆驚悸股栗。君顏色自如。從容爲陳說。福賊悚然不敢加害。遣騎持令箭護之歸。三十人皆得無恙。君遇事敢爲。不可以利害怵。多類此。性穎敏博學強記。家故多藏書。遭亂散佚。僅存者亦多脫簡。不可讀。君從書肆中緝閱。默識歸。葺補成書。無所遺忘。教子孫嚴而有方。故其後卒皆有立。子度以高等補博士弟子員。名焯焯庠序間。孫蔚起。今官內閣中書。亦知名。嗚呼。賢者固空有後信矣。君生以明萬曆丙戌。距其卒之歲得年七十有七。兩娶皆楊氏。初配楊孺人。前君三十八年。

青門旅槩卷六

墓表

十七

卒年僅二十有六。繼配楊孺人。後君十八年卒。年八十有二。君葬以康熙甲寅某月日後十二年爲康熙乙丑二月某日。將啓君之封。以孺人柩附禮也。其子度既自爲狀。命中書君蔚起請銘於今翰林院侍講馬邑田公。又以狀與銘來請。余表其墓。嗚呼。余見今世稱素封。擁貲雄於其鄉者。皆厚自封殖。視其鄉人。饑饉凍餒。漠然不相關。而較量其身之利害。如毫毛。遇小禍患。則戰掉失次。歛手縮足。以退。蓋比比也。嗚呼。聞君之風。不重有愧哉。余又以惜夫。君之僅以諸生終也。昌黎有云。譬之水。其爲澤。不爲川乎。川者高。澤者卑。高者流。卑者止。其

積者多。施者不遐也。君倘類是歟。如君之賢而不表以風世。其何以爲末俗。勸余故畧其行。誼大書於隧道曰。是爲文學貞子耿君之墓。至於遷徙世系子姓姻屬誌狀中。可互見者。皆不書。其墓蓋在某縣某鄉之某原。澹宕之調風神。最近永叔。毛稱黃。

青門旅槩卷六

墓表

十七

文學明卿楊君墓表

余里中稱著姓者必曰前黃楊氏。楊余母家也。故君與余爲中外兄弟行。君五世祖諱圻。選將材官鎮江衛。指揮使正德中以征江西峒賊功。世襲本衛左所正千戶。高祖諱鉅。收業儒嘉靖乙酉舉於鄉。未及仕而歿。曾祖諱一珍。中武科。又連姻戚里。得選直侍衛。東宮歷遷錦衣衛鎮撫。祖諱應奎。父憑愚。公諱啓聯。皆襲世爵。明制鎮撫秩五品。於錦衣屬也。顧得專典詔獄。所統緹騎刺姦視古司隸。故雖冠武冠而權勢與大僚埒。仕宦者以爲榮。憑愚公生五子。君其長也。君性孝友。與人交坦易。不設城府。謙謹嘔煦。其接人卑賤者益加禮。好學攻經義。爲邑諸生。弟希尹。僞負才。憑愚公奇愛之。憑愚公歿。君次當襲爵。因以讓希尹。曰。吾才不如弟。且父志也。吾自守諸生業耳。嗚呼。自季札子臧之風。邈俗日媮。薄兄弟相尤。乾餼豆。簞之微。往往露齟而爭奮。袂而起於。是韋元成劉愷。下鴻諸人之行事。往往書之史冊。後爲美談。而閱牆推刃之釁尤屢見於大家世族。君之讓非直乾餼豆。簞比也。嗚呼。詎易得哉。希尹當官治辦有聲。後奉詔使嶺南。便道過家。上塚。朱轡黃蓋。出入里閭。鄉人嘖嘖榮之。以是益稱君孝友。云君歿且二十年。其孫

青門旅棗卷六

墓表

六

肇請文其墓上之石。余諾之。經年肇踵門至十餘請。無倦色。憶余童丱時。隨先孺人。每歲一再至外家。喜從諸長老詢訪舊事。聞楊氏之先有諱浦者。居五世不析箸。食指千餘。尊卑秩然。蓋楊氏詩書禮讓之澤。望於里中者幾二百年。不僅以閱閱也。先孺人兄背迨今三十餘年。余亦客外久。踪跡闊疎。不知吾鄉風俗。今視曩所聞。何如。顧以謂行誼如君。雖微肇請當亟表以風世。余故論次其大者。表之曰。是爲讓君子文學楊君之墓。俾過者式焉。夫豈徒昭示君之後人。君諱希臯。字明卿。其它事行及子姓生卒。宜詳誌狀中。皆不書。

青門旅棗卷六

墓表

九

抑揚感慨之間。澹而愈古。雋而彌永。明人惟歸震川能有此種風調而道潔處。更爲勝之。宋牧仲先生



余生平好與海內賢人君子遊揚扈風雅更倡迭和集中所載雙江西山漫堂諸什雖不及漢上題襟松陵集之百一而素心酬倡一往情深頗爲名流所稱述青門邵子湘與余交最久自黃州迄今逾三十年中間乍見忽別贈答之作寥寥壬申秋余自江右移節吳會子湘偶見過卽爲設榻使院小滄浪以詩爲課余簿領微纒吟情不屬子湘每與發掀髯高倡哀哀數百言語必驚人余讀之如故疾逢蝦蟹輒走筆屬和其開拓胸次陶寫性情依然雙江漫堂吟嘯時也子湘詩格高氣厚得唐人三昧閒闌入宋人要是佳絕予爲之碎舍者屢矣

井梧集題辭

子湘梓其三年來近作附余倡和詩如干首通爲二卷用少陵清秋幕府句名曰井梧集屬余評次竟因題數語卷端識余快且識余愧商丘宋準



序

錢唐馮景山公

予爲古文蓋學諸青門先生邵子湘不見垂十年今年春來吳門乃見先生於商丘公使院道契闊共晨夕歡甚先生出其近作曰青門賸彙者眎予且屬予序先生之文如麓彙旅彙久已版行世世之好古文如予者皆爭索而讀之而賸彙則未之見也予旣快先覩益歎先生之文老彌潔位置當在韓師曾友間亦說之非阿者也其以賸名彙何先生曰杜子美有云文章一小技於道未爲尊方吾壯盛時已苦刺刺不休今又載之末年賸矣夫子曰以道言則文章爲小然文以載道者也載道之文六經尚矣自漢唐宋以來其間能立言者不知凡幾要之於道合則傳離則不傳子美所云小技殆指雕琢風雲藻繪月露者而豈所語於卓然載道之文哉古之達人以道養身而以經世爲緒餘以司名爲羸法餘也羸也皆賸說也彼且以身生性命爲天地之委形委和委順而以子孫爲委蛻其視天地間事事物物無一而非賸者然至於載道術而著書則五千言不爲少肆其無端崖之辭不爲多雖謬悠詭譎猶自以爲不可以已先生何言謙也嗚呼儒者屈首受書明先王之道

亦欲見諸行事豈徒著空言云爾哉既與時違終已不  
試稿項華顛日冉冉其將盡乃始大懼而悉吐其中之  
所蘊結蔚然文之以彰於後世在則人亡則書沒而不  
磨久而愈光而聲施不朽矣嘗觀古人爲文晚益善韓  
之潮陽蘇之海外是也彼皆積讀書養氣純深之後而  
又多歷畏塗如作易者有憂患作詩者皆發憤故可傳  
也先生推排人間數十年蓬累而行六十後益委懷觀  
化發而爲文經經緯史要不畔於道安得不傳願先生  
出茲羸餘以公世人之求之若挹河而取燧也學先生  
文者獨景平先生毋贖先生梓先生笑應曰諾先是  
井梧集詩二卷商丘公爲評次而叙之先梓行茲益以  
詩一卷文五卷合之凡八卷而統名曰贖橐云康熙己  
卯中秋朔日

馮序

二

青門贖橐總目

卷一 井梧集上

古近體詩七十五首

卷二 井梧集中

古近體詩五十二首

卷三 井梧集下

古近體詩十一首

卷四

序十三首

卷五

青門贖橐總目

記九首

卷六

傳八首

卷七

碑三首 誌銘五首 墓表一首

卷八

雜著十八首



青門賸棄卷一

毗陵 邵長蘅子湘 集

井梧集上 古近體詩七十五首

壬申除夕客吳門官舍三首

冬盡愁爲客如何翻別家一年又除夕百里亦天涯不

覺雪花大高開簾官燭斜松盆撥還燄吳人謂除夕火燭爲松盆起立嗅

梅花

只作客中慣今宵也惘然節偏驚旅鬢感易入衰年穉

子嬌無那老妻病亦憐關心還一事梅蕊綺窗前

吳趨風土記約略似吾州蠟暖燒蒼木年豐占牢婁妙稿

青門賸棄卷一 井梧集

俗名凝歎誰要買爆竹不曾休似有新年約春晴踞虎

丘

送心壁道人還開先寺二首

偶逐閒雲出還隨海燕歸落梅香洗盞渡水綠漸衣天

際九華見春江一櫂飛還山花事過藥院長薔薇

漱玉亭邊路芒屨記昔遊野花藏欄戶翠篠入僧樓峽

響四時雨松風一壑秋遙知禪定夜山月與猿幽

附前題次韻

漫堂宋竿

送爾半塘上飄然廬阜歸肩挑桃竹杖身挂水田

衣詩有江行作帆同燕子飛到時春欲盡開遍野

薔薇

我昔開先寺曾爲竟日遊看碑綠石證覓句坐僧

樓瀑響晴疑雨山空夏亦秋卻因贈別處惆悵桂

叢幽

使院後園同諸君看梅四首

東風一夜已紛披盡放南枝與北枝老夫那得化身法

一樹梅吟一首詩放翁詩何方可化身千億一樹梅花一枝猶戲謂用其句

麻姑狡獪弄丹砂別有僊人萼綠華古井南邊渾爛熳

滿園玉蝶上杈柯

半醒半醉興還賒市樹行吟到日斜欲去更遲新月上

青門賸棄卷一 井梧集

一池煙水浸疎花

孤山已負去年約元基又虛昨日行拆得一枝鐙下看

清吟冷嗅到三更

奉和漫堂先生春日過靈巖元墓看梅之作用

韻六首

不忘名山約幽尋與每耽撥雲緣鳥道聽雨宿僧菴松

色連青嶂蘿陰搖綠潭吳門山水窟勝處記曾探

館娃隕趾在幕府試春臨何處埋香骨空巖聞磬音晴

天孤塔聳落景太湖深不盡興亡意寥寥曉夕吟

一入春山路梅花著處多銅坑全放未石壁定如何堯

湖梅花晴雪三十里香風一萬柯舊題應已泐洞壑長煙

峰迴路疑閉逕轉忽僧房密竹半空暗幽花一澗香危

樓擁山翠絕壁盪湖光三萬六千頃春風益森茫

羊傳峴山好庾公逸興嘉鐫詩尋薛壁啜茗入山家客

背午鐘去帆隨飛鷺斜還城騶唱晚壕樹已栖雅

中丞有高倡詩格自屏顏不數西江派全追大曆還帶

將白鳥句寫入畫圖閒添我漁竿坐煙波竟日閑

心句妙景可畫收結及之

附原倡六首漫堂

青門賸囊卷一井梧集三

花事盛江南看宜蕊半含春風吹小艇遠岫送晴

嵐野店經行好精廬取次探提攜雙蠟屐謝客未

應慚

千載吳宮蹟青山未陸沈廊空傳響屨臺聲罷調

琴懷抱江湖入登臨感慨深迢迢香逕在白鳥下

波心

斜陽照山麓鼓柁向長河掩裏梅花放人家酒旆

多溪橋聊待月畫舫忽聞歌煙水迷濛際幽香幾

陣過

小泊太湖尾高眠領衆香凌晨扶竹杖結伴入僧

房仙梵雲霄落宸遊礪壑光相思今一寫倚檻

對漁洋

未嚼銅坑蕊還看隧道花

槎柯危石閒堪凭遊人靜不譁誰將補之筆貌取

此幽葩

最是吾家山千林一望閒淺深花遠近上下鳥綿

蠻勝友此爲別

草將句寫屏顏

題尹迂夫小照

登江與秋月淥淨空煙水幽人耽清景翫舟芙蓉沚倚

舷吸觥船青天墮孟底一鶴橫江來磔磔楚雲裏

是劉春虛佳境寥寥數語正以苦吟得之

題吳孟舉黃葉邨莊圖五首

華子岡頭秋色浣花溪上柴門掃葉僧來廬嶽開牕鳥

下湖邨

紅龍靡靡一灣翠竹娟娟千箇客來溪女畱魚客去先

生高臥

煙波南垞北垞鄰舍田家釣家路行人歸村逕鷓鴣暝

立枯楂

語兒溪柳繫舫女陽亭花覆龕淺瀨鷗來兩兩小園徑



關三

童鳥已傳玄草樵青解收釣筒我欲放舟畫裏清秋鴈  
白鷗紅神韻悠然不減摩詰

附 前題二首

漫堂

黃葉邨莊結夢思披圖略約帶疎籬砌壑幽幽鎮

相對合教唱出菜花詩孟舉有菜花詩

溪堂高話者誰子風味裴王差不殊我亦西陂有

別業幾時放鼻入菰蘆

奉和漫堂先生使院後園絕句八首

軍吏散牙叅老兵戟門臥先生鎮清吟簾閣焚香坐

青門贖棄卷一 井梧集

五

嘯駕嬌可憐雜花歌滿樹新題述鹿軒偶會蘇州句蘇州有

述園鹿詩取以名軒

積雨苔上階閑園絕行迹新霽還獨來落花深一尺

行藥後園去雨餘水木香石角蔓藤刺疎花明夕陽

遊絲胃檐牙輕風開萍沼寂寂綠陰中一聲秦吉了蘇詩

鳥

偶聞鳥語佳虛亭延步屨晏坐忘日斜綠草飛蝴蝶

疎竹颺茶煙清泉洗鵲鴒把卷就前檐春衫染新綠

齋間清如許畫寂疑空山時有燕來去應無人往還

唐賢三昧集中絕調也  
侯詩恐未堪婦妙在

附 原倡六首

漫堂

官事自勞如我懷何容與斜日後園中閒關聽鳥語

牡丹故園種髮髻香鬟開花名雖輕醉傳呼吏人至隨我

看花來

阿段荷錨來開畦花臺右老翁一飽餘小試種菜

手

幾日春欲老空林新綠加乍驚殘雪在零落繡球

花

種藕向清池來看日幾市新葉小如錢呼童打花

青門贖棄卷一 井梧集

六

鴨

西軒八席幽砌上苔痕畱焚香此獨坐偶似韋蘇

州

豫民謠有引

歌謠多出民間故語質而俚二謠偶聞於一時衍

其辭備采風者覽焉

大車何碌碌小車何逐逐牛號剝剝石確確運米連連

入函谷只言秦民饑不顧豫民哭百金僦夫致一車富

家賣田貧賣債米入函谷關倉囤高如山不救秦民饑

只飽秦倉鼠秦倉肥鼠大於狸秦民羸作溝中土

吳民謠

水車翻翻催日出。水車鳴鳴送日沒。日出日沒海亦枯。  
農夫淚流心惛惛。帝憂海枯魚鰾空。遣六丁下鞭驕龍。  
驕龍蠕蠕起江中。叱咤城隍咎社公。人言雲中見爪尾。  
擺掉定決天河水。男祈女祝徒呀咻。涓滴不救枯苗死。  
九鳥翅翬毳殺稼。焦原紅堯令羿射。破其弓。苦哉蟻蝨。  
民欲訴不得通。痛哭獨有中丞公。

二謠得古樂府法  
故應在張王上

池上雜興八首 并引

予所居寓齋前有池。規可廿弓。碧藻淪漣。芙蓉萼芬。

青門贖棄卷一 井梧集

七

勇子徂夏。涉秋坐臥南榮。得古體詩八章。觸境率  
爾。都無詮次。老人懷抱。不自覺哀樂之無端也。癸

酉七月廿日

高館映華池。澄漪漾虛牖。我來勇八榻。清風披左右。日  
長懶不襪。午倦眠枕肘。翛然便野性。未覺嫌老醜。鶴髮  
浣花翁。幕下有此不。

清秋鶴髮翁又胡  
為來幕下皆杜句

艷艷荷華紅。田田荷葉綠。時有蜻蜓飛。偶然鷓鴣浴。疎  
雨池上過。跳珠碎寒玉。卷書坐南楹。清香媚幽獨。  
蚤起浴清池。纖月猶掛杪。風涼墜粉香。露寫擎荷小。宛  
疑溪莊幽煙中。散曉鳥日出。紛囂生牙門。角聲曉。

我偶攜釣竿。孤篷泊湖汜。半夜湖雨來。點滴愁入耳。風  
聲戰菱蒲。窸窣響不止。今夜獨眠客。聽雨高齋似。起坐  
攪鄉心。愁思紛難理。

初霽清景佳。漲添一尺許。朝日半池塘。樹頭滴殘雨。荷  
偃夜來風。紛披互仰俯。嬌花自亭亭。新粧明洛浦。

蒲葵白練帶。短髮喜新沐。遲暮月陪庚。公褰開滅官燭。  
露氣清。潭香流。輝激古木。池南石假山。幽幽類巖麓。公  
來聽秋聲。須添百竿竹。

是夕陪中丞  
公坐月池上

孤生池邊柳。垂垂復裊裊。日夕聞鳴蜩。有時坐黃鳥。秋  
氣一夕生。槁葉紛可掃。觀此含酸悲。灑淚向秋草。老大

青門贖棄卷一 井梧集

八

會傷離。骨肉焉長保。

是歲子有安  
仁之悼故云

三更起披衣。獨繞池上月。露荷傾微風。清響疎還歇。草  
根流螢閃。陰砌吟蜚咽。昨夜月團團。今夕俄已缺。脈脈  
增繁憂。徙倚至明發。

諸詩要是唐音以神  
韻勝在韋柳境中

附 秋日池上遣興六絕句

漫堂

天矯驚看龍挂湖。漫天雨氣白模糊。  
龍挂湖白模糊吳中農諺 桔槔  
費盡千村力。龜坼山田始一蘇。

此日監門已繪圖。忍教一雨便追呼。比來枵鑿不  
稱意。獨遶清池數帶雛。



日過西軒始放衙。厭聞鼙鼓戟門過。恤人悶悶渾無計。號作韋菴也不差。

韋蘇州傳有悶悶恤人語

荷花娟淨水平池。疎柳空亭韻細颺。坐久忽疑乘小艇。清香無際入西陂。

每逢衲子喜追攀。瓢笠何當遂我閒。世外因緣知有在北蘭。書到又盤山。

近得潘雪拙菴二公書

肺病秋來劇可憐。詩腸枯比旱時泉。偶和故人池上句。坐殘清漏廢高眠。

子湘亦有池上詩

奉和漫堂先生慧山紀遊見寄長句

九龍天上耕芝田。月明下飲梁溪渚。繞溪幻出九芙蓉。

青門賸棄卷一

井梧集

九

攫霧擎煙秀如許。一龍弄珠吐清冷。滑如雲母甘勝乳。

山空有時響琴筑。水遶處處走巖甌。谷簾中冷無定評。第二之名獨千古。

子瞻一去六百年。空山那得驚人語。綿津先生宋夫子。輟棹幽探勇能賈。籃輿仄逕緣青蒼。

小隊朱旗隔山塢。僧徒松下著袈裟。蘼蔔林閒叫鸚鵡。鄰園秦園試遊屐。山鳥山花共爾汝。還登絕頂望太湖。

天半一鈴鳴翠堵。三萬六千頃銀濤。捲向硯凹灑秋雨。新詩句句神骨清。似與九峯鬪眉嫵。我家遠山不百里。

竹榼芒鞋昔遊數。五年不蹋漪瀾堂。雙腳自嫌泥塵土。蘇詩還將塵土足。一踏漪瀾堂。公詩玉局行驂驪。我媿黃秦失跬武龍頭。蘭

蠢驚軒轅吟。吻聲悲空自苦。老病况欲師維摩。漸憊綺語剗應補。山靈丐我十笏閑。擬向松菴聽粥鼓。

附 慧山紀遊寄子湘

漫堂

毗陵挂帆得快風。惠山迎人媚如許。老夫遊興忽勃發。藤杖芒屨勇可賈。初從曲港破澄碧。俄近招提聞粥鼓。入門鴨腳葉亂飛。颺颺晴空來急雨。蕭

閒法界帶巖壑。抖擻冲襟絕塵土。肅瞻祠宇憩杉徑。探泉源歷磻戶。一泓古甃酌清冷。香美應知勝牛乳。竹爐遺製爭摩挲。

華亭子祠

盧為明初僧性海製王孟端諸公圖詠

園任容與。荒寒僻境難久畱。展眺東山趁亭午。

青門賸棄卷一

井梧集

十

丹房禪室半荆榛。獨有浮圖峙今古。九龍峰迴阻霄漢。五里湖明辨洲渚。微茫雲外是具區。聖姑毛

公堪爾汝。下山餘興不可遏。別苑重過瘦筇拄。

良譙屢到嘉樹堂。新構偏愛梅花塢。即次思欲委符節。局促人間亦何苦。還舟命酒寫所見。回首林

巒幾延佇。屬和好待青門翁。定笑顏唐劍南語。題朱竹垞檢討小長蘆圖五六七言斷句各一

遙和阮亭先生

我家旁湖邨。披圖偶相似。煙水秋森茫。白鷺忽飛起。

六言

老子閒來踞石添丁釣罷攜竿十里蘆聲雜雨一灘暝  
色荒寒

七言

范蠡湖邊鰕菜好。宣公橋下鼻頭清。竹竿嫋嫋三十尺。  
不向嚴灘更釣名。

附 前題同賦三首

漫堂

誰寫水村圖。蘆汀秋色冷詩翁。脫帽來懷抱江湖

永

愛此雨簑煙笠相將更有佳兒我亦何時攜幼挈  
船直入西陂

青門賸棄卷一

井梧集

十一

斜陽裊裊釣絲風。蟹舍魚莊野岸通。此際披圖心

一洗解人卻憶米南宮

米有寶軸時  
開心一洗句

題漫堂先生小照

古藤纏長松。空際落幽翠。石罅鳴清泉。苔紋斑滿地。先  
生坐忘機。松子鏗然墜。

秦吉了聯句同漫堂竹垞兩先生

珍禽產邕管。自呼秦吉了。

子湘

脩脩羽儀澤炯炯。眸子瞭

紺衿映日明。花翅點雪皤。

子湘

尾輸山鷓長形陋。么鳳

小丹味漫多。知黃距亦何躊。

漫堂

批肉冠樣奇。垂耳蠟光

皎。

蹤跡儼鵠鵒。嗅嗅鄙伯趙。好語鎮閒關。餘音或繚

繞。雖殊鳩舌蠻。偶類雉鳴鷺。

竹垞

宣和譜。迺遺爾雅釋

未表。屢奮躍不停。獨立聲忽悄。唳受野鶴欺。飼慮狡童

鵬。

甘與炎陬辭。怕趁海舶杳。羈棲恣飲啄。簾幙信昏

曉。寄身在籠中。結思仍木杪。

子湘

稟質洵云微。卽物慨詎

少。所以韓退之作賦。感二鳥。

竹垞

奉和漫堂先生歲暮高江邨詹事以乍浦秋鳥

見貽并索題句

有引

海外有鳥。秋冬閒風吹渡海。羣集乍浦屠康僖公

墓木似黃雀。而大啄食茴香胡椒。掩捕之剖腹往

往得椒粒云。味極佳。土人呼爲秋鳥也。

青門賸棄卷一

井梧集

十二

十洲兩兩羽衣客。帔裁黃雲稱身著。誤隨罡風渡海來

化爲小鳥。翳林薄。瑤璫毛羽體披縣。鸛鴒汝兄弟。黃雀

茴香胡椒腹。猶果艾而張羅。遭急縛。解衣遊戲。請入囊

爲築糟丘。此閒樂骨醉十日。不願醒。薦以雕俎。閒羹臠

白泥紅印。充餽遺。不論江珍與海錯。先生鎖印官事閑

掃地焚香坐簾閣。詹事尺書扣戟門。遣百輩來佐匕酌

開卦十步。鼻觀殊玉。呼歡伯。傾鑿落。鰕蟹鮓。眞婢才

柿狸。竹颺祇懷忤。腐儒畜眼見未曾。官廚也侶屠門嚼

銀盤。只愁放箸空。詩債未怕隔歲索。三更吟作蒼蠅聲

滑稽聊爾資。噓噓。

滑稽處是才人本色。阮亭



坡公五日一見花豬肉放翁吾少貧賤眞儒語  
語本色遊戲三昧此篇亦是規撫兩公而蒼雄  
兀氣兼杜韓便  
踞兩公之上

附原倡

漫堂

吳越食品風味饒當筵往往羅珍錯歲宴齋廚有  
餽遺園官菜把嫌澹泊江村先生眞好事方物遠  
貽資大嚼乍浦秋鳥信一奇齋無泥封驚創獲  
書言此鳥產海外朔風吹向屠墳落黏竿巧取送  
飲流腹腴項鬚皆可卻薦而後嘗美無度關箸小  
兒來霍霍欲證注疏失羽毛但憐背爪同鋒鏑輪  
困不數刺毛鷹亦吳中名產肥澤殊勝披綿雀深盃屢倒  
青門贖棄卷一 井梧集 十三

附前題和韻

江邨高士奇

海壖屏迹無束絡土俗鄉風閒領略馬車入夏壓  
網多當湖海捕有馬車最重午前後不  
過半月家家烘腊供一歲之用兼以寄遠秋鳥交冬因風落  
溫經近每絕羔烹近年書經常累  
句疏食戒烹宰盤饌惟茲稱大嚼歲  
寒懷友思餽將妄謂小物殊珍錯鹽炙醬醃置雙  
瓶不學邯鄲五彩縛孔叢子邯鄲民以正月日  
獻雀於趙王而綴以五彩尺素還述土  
人云此鳥產處隔蓬弱平時飛息在三山飽食椒

苗與芷若泠泠戲作御風行翮倦爭栖望林壑乍  
浦東南灌木深脇翼羣投欣有託幸不化蛤入大  
海何辭登俎供杯杓肌豐骨嫩饒腴滋色非丹翠  
羽戍削中曰花雞小鑽籬土人云中者名花雞  
小曰鑽籬有三種山經埤雅  
堪恢廓廣平肝腸雖鐵石亦賦梅花粲齒齟過除  
卻值公務閒官齋脩潔止琴鶴不緣麕野鄙牛脣  
翻許吟詩美鹿藿長篇偉句氣界兀遠走鮮卑慰  
寥寞湖千年新人事斷書來展讀快以樂枉比山  
平玉穆羹頓指筵前黃領臙病鳴雙鳥本尋常昌  
黎有詩高品格老髯妙詠我更妒好主嘉賓關奇

青門贖棄卷一

井梧集

十四

作兼示于  
湘和詩想見張燈甲煎時來詩成  
于除夕席上揮毫精且博  
草堂歸後五逢春自守柴桑同尺護故人相信絕  
干請往往郵詩叩鈴閣才盡江淹布絮無勉強摘  
詞究貧薄樂府舊集貧  
薄無所報詞三篇工力悉敵 阮亭

癸酉除夕悼亡詩廿首

有引

荆室奄逝忽忽半載欲作悼亡詩嗚咽不勝拈筆  
復放者屢矣客中除夜百端交集率成斷句廿首  
聊以當哭哀絃促柱亡怪不能成聲也  
滿城炬火亂栖禽有客孤吟泪濕襟身前身後何窮事  
併入今宵一寸心

清泪無端濕白鬢卅年踪迹半饑驅感君辛苦炊屨日  
媿我膏騰老腐儒

星白煙青午夜天鰥魚惻惻那成眠苦吟常侍傷心句  
霜髮明朝又一年

空房舊榻網蛛煤想見燈殘饑鼠來細雨黃昏家祭了  
梅風吹動紙錢灰

牛衣苦語記酸辛井臼壘鹽并一身恰是得閑君又死  
龍香妝閣定何人

去年端的負歸期今歲思歸又怕歸腸斷屠蘇人欠一  
忍看兒女涕頻揮

青門賸藁卷一 井梧集

十五

艾蠶蒲盃笑語殷牛旬那便死生分哭君才過榴花節

歲歲榴花解憶君于五月二日抵家孺人以十一日無疾忽逝

草堂夢到是耶非匱側悲風動故衣兒女夜深渾睡去

蕭蕭總帳一燈微

三條蠟燭淚頻流坐撥寒灰擁布裘惆悵一年今夜去

平添白髮五更頭

苦於茹藥密於簷往事尋思總不堪多謝細君珍重意

楊枝桃葉各宜男驛兒以庚戌正月殤孺人出也是歲于買二妾孺人脫臂珥助之

絡秀生兒君顧復可憐寸草未酬恩一語寄君開笑口

明年兒子會生孫

刳壤訛傳蛻幻身瓦占鏡聽總難真最憐閨裏刀頭夢

幾夜秋風泪滿巾已未于客都門會地度有傳于遺壓者

小堂歲歲燕飛迴藻井營巢去卻回識主也應傷宋冀

明年社日不須來

著蓼裙布嫁時仍閨範吾宗侶爾能鍼線殘奩開不忍

中元時節判施僧

蚤埋玉樹惜童烏廿四年來淚眼枯屈指驛兒之殤廿四年矣而今母子

應相見也有雲藍小裏無庚午五月中先喪一妾

我正悲君忽自悲吳霜一夜上于思草草百年同是客

夜臺慘手得多時

青門賸藁卷一 井梧集

十六

愁伴霜髭日夜生不須根觸又憑陵心情食蓼蟲相似

一穗寒花暗曉鐙

也知去景似奔輪歛爾驚君倍愴神掉頭我欲叅三觀

白氎樺皮送老身

立亡坐脫大脩然五十六年彈指緣法喜前身君定是

何須梵呪始生天

無端嗷嗷重吁呀疣贅吾生也有涯至竟蒙莊能作達

曉窓炷篆讀南華

澹雪上人小照作澹江古木獨坐孤篷

道人澹塵襟偶然孤舟宿湛水搖青天秋雲疎古木世



界足風波此閒淨寒淥自淥淥人不<sub>不</sub>江空僧亦獨

附前題次韻

漫堂

扁舟一道人超然古尊宿斜陽泊斷岸靈籟響喬木何人貌得之胸映澄江淥白鶴招不來閒雲伴

幽獨

白門柳枝詞

秦淮柳罨水接藍倡條冶葉爭甦甦怪底風流渾別樣六朝煙雨在江南

石城西畔莫愁家長條宛地葉藏鴟郎棄班騶蹋春去

青溪小姑顏如花

音節高古似樂府

青門賸橐卷一

井梧集

十七

奉和漫堂先生深淨軒落成用深淨爲韻二首

韋公擅此州簾閣事清吟畫戟凝香句傳誦遂至今公來繼高躅卽事愜幽尋有池聒鼃黽濁泚潞溪有石臥牛羊斑駁蒼蘚侵曰此中大佳搜剔力所任汨泥涌神漢種竹招清陰圓荷漾田田高柳垂甦甦穉松纔三尺松毛翠如藍欄牙波光動雨餘衆綠深沈思忽然往恍疑在山林

丘壑曾次有新獲快奇勝昔晦始顯今物理固前定公豈學黃老治乃尚清淨旄亦麤官圖書自閑靜句寫烏絲箋談捉青松柄挂壁絃琴清臨池搨黃硬列侍百

紅莊隔簾豔闌映旣欣泉石懷亦樂魚鳥性凍雨忽而至浙浙亂清聽雨過得好月青天縣孤鏡諸君且小住庚公有佳興

清蒼古澹兼章柳歐蘇之勝

附原倡二首

漫堂

有池隣庖福委棄歲月深屏除小結構開軒臨碧潯古柳忽生色怪石增嶮欹種荷荷有花種竹竹成陰何意咫尺閒渺然江湖心幸非池館華聊繼韋公吟

述鹿野稍荒僻來鶴

覽易竟惟有此軒中水石

青門賸橐卷一

井梧集

十八

兩幽映穿藻素鱗跳裏露紅妝靚勝友曾過從逍遙共觴詠恍疑淥波村高臥謝朝請三復蓋公言庶幾得清淨

秋夜

露冷殘荷葉刺香不眠獨自遶池塘一聲鶴唳秋河澹月照高梧影過牆

奉和漫堂先生九日池上見示之作次荷字

芙蓉颭雨風折荷池上浙瀝秋聲多鬢鬢霜髭從作客寂寂寒花聊放歌青山城外晚逾翠白鴈燈前影乍過賴是謝公吟興好詩成屬和許羊何

清空界兀杜韓佳什 如此  
因繼恨不願身其閒耳 降

附九日池上示子湘

漫堂

秋色連朝攬獨多霜威欲倒半池荷乍憐黃菊窺  
人在未返青山奈老何舊雨每來方外札新詩偶  
立水邊哦相看一笑清如鵲惟有韋菴與亦窩

送宋山言入都二首

短簿祠邊落木聲金昌亭畔送君行掉頭已作隔年別  
握手重含千里情凍埃隻雙騎馬滑霜邨隔膊聽雞鳴  
若到保州應小住對林風雪話三更令兄似齊時  
佐郡保定  
昔遊曾作燕山客破帽疲驢六七年趙壹柴車聊復介

青門賸彙卷一

井梧集

十九

禰衡漫刺只徒然即今文筆小坡健到日鶯花上苑妍  
子貴我衰相憶不五湖獨上蘇釣魚船

青門賸彙卷一

青門賸彙卷二

毗陵 邵長蘅子湘 纂

井梧集中 古近體詩五十二首

追賦元墓探梅紀遊五十韻呈漫堂先生

青山如故人別去思會面矧乃成久別邂逅劇欣忭茲  
山別十年幽懷鬱憲憲喜陪元公遊偶獲諧所願囊衣  
挾書笈傲裘不待旦出郭意已佳青山眼中見惟時春  
始交孟陬月將半浮陽霽暉暉晴波淥渙渙木瀆風逗  
帆虎山日未盱捨舟呼籃輿歷覽從所翫朱旂樹杪翻  
從騎花間按墻頭闌婦女籬落走童仆嵐翠四面合湖  
光遞隱見近寺泉淙琤到門竹峭蒨僧梵聞迦陵檜柏  
森古殿夜寂叩老禪跏趺談止觀旁亦及南華莊釋理  
一串獨投高閣眠缺月隱西巘夢驚風雨聲松濤入清  
澗初日照高檐起覘天宇煥首途指彈山仄徑緣溪轉  
邨僻花益繁谷深鳥聲變脰側枝挂衣風吹雪沾髮潭  
東地漸高陟巔土微衍七十二峰閣嵒嶮太湖畔湖中  
兩洞庭東西張翠幔其餘七十峰各各呈詭幻或刻刻  
如筍或峩峩如弁或如鳳皇翥或如鳧舄散或如蛇蜿  
蜒逐鼠忽驚竄或如龜出曝坼裂殼受鑽或立若老翁  
或平若食桮或如箬帽浮或如筆格薦或如琴如杵或



如甌如甌滅沒銀濤中。爭以奇自銜。出山日亭午下憩。  
田家飯遂登吾家山斗起勢頗峻怪石被蒼蘚猗猗類  
彪彪山脚壤就平梅不計晦晚俯視晶茫茫華光凝一  
片恍疑靚瑤圃千頃鋪縞練微風薰百和艾蒻旃檀亂  
佳境難久畱回顧仍繾綣惟公廊廟資而耽山林玩賓  
從羅勝流琢鏤富篇翰茲遊果奇絕搜句困鋤鑿公勅  
軍始張予懷甲未振辟舍遂至今闕事覺餘憾今辰風  
日佳秋窻洗破研補綴成詩篇資公一笑粲

長篇排宕足令昌黎把臂山谷卻步

題董文敏江山秋霽圖奉和漫堂先生

青門賸葉卷二

井梧集

三

元明兩代兩文敏後有宗伯前王孫王孫獨攬茗雲秀  
書精畫妙驚軼塵宗伯去之三百載風流文采豈後身  
波拆已壓文祝倒敝染泥揖倪黃親此卷自題做子久  
江山霽景澄鮮新高麗鏡面只三尺漠漠平遠開無垠  
沙草微茫認細逕清沱淺渚荒江濱斷岸無人帶略約  
隔掩仿佛藏煙邨雲嵐秀潤巖樹活筆墨掃盡無纖痕  
我不能畫識畫理明窻磴礧融心神誰歟愛者高唐事  
大內鑒賞精絕倫漫堂先生乍得之珍比珣珣琪璠  
現示客怕汚寒具油裹將那惜白氎巾邇來吟筆健扛  
鼎便欲與畫爭千春斯語非謾吾最許果然此詩此畫

平千春結用先

附原倡

漫堂

昭代鑒賞誰第一棠村已歿推江村五年當湖暫  
休沐摩挲卷軸窮朝昏昨歲寄我銷夏錄雲煙過  
眼實第第今年奉召北赴闕書畫船泊胥江  
濱相見不暇作絮語珊瑚之網出異珍金題玉躡  
得未有領囊倒篋縱橫陳卷舒寧辭抵我手聳肩  
靜對不欠伸三日眠食爲之廢有時大叫忘主賓  
富春山圖袁生帖無上妙迹欣相親楓橋祖席興  
不極華亭畫卷許更捫煙江煙江疊嶂圖秋霽兩奇絕氣  
韻生動真天人秋霽長不滿三尺高麗表紙光如  
銀一重一掩師造化一樹一石絕點塵從來詩理  
卽畫理芙蓉朝日相鮮新跋云古人不我見大癡  
心折定九原朱印粲粲色奪目朝鮮國王印點綴更足重  
璵璠先生好我舉相贈題識數語情彌敦欲辭不  
得拜命辱包裹脫我衣與巾要我長歌記勝事報  
辭良愧薄且貧歸來重展燭屢跋缺月光射莓牆  
根苦吟攢眉作山字句雖不警事則真錄入卷尾  
更寄似此詩此畫爭千春

冬日寓齋雜興戲學放翁體十首末章專呈漫



堂先生

小齋蕭寂旁清池。布幙油窗冬亦宜。風字研涵鶴眼活。  
哥窑爐爇鷓鴣斑。鷓鴣斑結香名枯荷爛盡仍留藕。衰柳髡餘剩

有絲。恰似今年春較蚤。臘前梅蕾已垂垂。

短檠寒漏不成眠。胃次槎柯也可憐。射虎聞雞豪氣盡。

藥罏經卷老懷便。嗽人獠。猗朽餘骨粘壁。蝸牛枯有涎。

莫笑腐儒生計拙。玄經身後有人傳。

壯歲初心與古期。推顏老態忽如斯。讀騷痛飲豈名士。

送鬼燒車亦大癡。未必文章肩子厚。且謀杞菊擬天隨。

卻慙幕府栖遲在。輪與松江理釣絲。汪純翁手札謬稱于文章似柳子厚人似陸魯望近陳椒

青門賸藁卷二

井梧集

四

峰爲子作傳亦用其語故聊及之

擁堦敗葉時疑雨。烘日疎窗暫似春。漫尔文書供引睡。

偶然流坎不關身。飽諳橘柚。槿梨味已倦。東西南北人。

三徑菊松元好在。柴門柳下接羅巾。

霜落吳田喜歲穰。書來更是說吾鄉。團臍上楸螯如戟。

杭稻登場顆帶芒。酒擔纏紅驢嫁娶人情飽。歲有餽餽。

邨莊樂事君知不。掠社驅雛處處忙。

草堂地僻近湖干。南北坵連夕照寒。落木青開峰面出。

樵蘆白放水痕寬。賣書船到添新帙。問字人來整舊冠。

如此敝廬歸亦得。殘年真合伴漁竿。

丹荔紅蕉處處稠。嶺南風物憶炎州。枕椰樹暗蠻邨雨。  
章舉魚腥蟹戶舟。扶胥口駕汐潮上。浴日亭看蛟蜃游。

三十二峰吾未到。祇今清夢遶羅浮。

濟南好景樂源殊。七十二泉爭跳珠。銀箭雪球驚鈞笑。

藕花菱蔓滿明湖。古亭歷下楸桐晚。水經註左右楸桐異日相仰翠色城頭

華嶠孤十餘年後堪追憶。翻笑當時一句無。于客濟南半

楚粵燕齊行萬里。西湖每到眼偏明。層層翠黛窺青鏡。

舫舫紅簾鬧紫笙。林逋墳邊梅盡放。岳王廟下雨初晴。

句畱曾作三年住。小別於今尚有情。

先生大似開堂老。我學遊僧偶寄包。矮屋暝糊新蠟紙。

青門賸藁卷二

井梧集

五

古墻東拆舊梅梢。閑臨董卷誇爭坐。董文敏臨爭坐位卷最佳老愛蘇詩

懶自鈔公待歸朝。吾買犢浣花溪有數閒茅。

體學放翁氣格仍是唐人所以高絕沈石田做倪迂畫力量每過元本余于茲什亦云

戲題示友

詩成不得解人讀。卻似背癢禁搔爬。此苦語君君不會。

浴池獨立數疎花。

可當詩話一則

乙亥元日雪奉同漫堂先生試手賦長句

王正元日斗插寅。夜半跌蕩開天門。眞官羣帝朝正散。

驂龍姦歟周八垠。太皞執規挾玄冥。呵噓滕六供駿奔。

下視塵世桑田萬萬頃。要我玉禾成瓊田。天明啟扉目。



花眩園林琪樹紛便娟。池塘冰開已綠淨。驚毛片片銷  
無痕。沿池拳足立雙鶴。縞翅映色增鮮妍。田夫三白笑  
赫赫。傳聞吉語占豐年。元公祝釐歸未盱。牙門局鑰無  
嚙喧。歐蘇白戰卻寸鐵。聚星堂客繼者難。公詩先成得  
好句。小梅濕重香微傳。即先寄人以鮫珠一百五。迸圓顆顆  
光照盤。亟傾鑿落澆東筆。羊角燈射晶光寒。印甌赤泥  
壓重碧。飢餒海物兼鹹酸。我老倔強怯大敵。降幡欲豎  
仍逡巡。開春風日晴即好。梅花爛熳不隔旬。茶山吾山  
千萬樹。待公褰帷來行春。此時從公勇當賈。銅鉸玉雪  
酬冰魂。子瞻詩玉雪為骨冰為魂

青門賸棄卷二

井梧集

六

極意摹退之筆仗  
銳不可禦阮亭

氣雄力厚酷似昌黎方之書畫惟顏魯公磨崖  
碑范中立雪圖庶幾近之僕詩又當辟舍矣

前題

漫堂

去歲春雨兆有年。長句曾寫述鹿軒。今年元日更  
快意。開門大雪來漫天。五更的皪晃冠佩。向曉飄  
瞥迷市廛。朝正已罷掩戟戶。平鋪曲逕添靜便。登  
樓一望飛鳥絕。穹窿峯峩何處邊。方塘波溢石欲  
沒。小梅濕重香微傳。打麥穫稻事可必。田租之半  
况已蠲。青門客山尹廷兩詩老競呵凍筆。吟聳肩吾  
山香海待臨眺。歐公白戰聊周旋。詩成呼酒澆利

市我醉欲枕印麓。眠黃昏簷溜滴不止。風吹街鼓  
聲闐闐。

春雪後夜坐効韋左司

池上明殘雪。檐端得新月。寒釭閃疎檣。街鼓坐來歇。東  
竹響梢梢。饑鶴唳歇歇。切新節攪鄉思。山窻蚤梅發。

神似左司令人歎其清絕

附和子湘前題

漫堂

梅花半將開。媚此雪後月。空亭耐春寒。坐到昏鐘  
歇。池光明簷楹。鶴唳激林樾。幽人默相對。詩思清  
到骨。

青門賸棄卷二

井梧集

七

黃山松石歌奉和漫堂先生松為金將軍贈

我吟李白黃山詩。四千仞削金芙蓉。傳聞軒轅煉丹處  
青鸞朱砂拱天都。山中靈異孰究悉。松奇石怪可賦呼。  
擾龍松撐峰頂裂。作其鱗而旁攬挈。蒲團倒挂。巖幻奇。  
古高二尺幹。千歲餘滿山。龍子以萬數。盡吸石髓蟠根。  
株石骨磊砢作松幹。松毛髮髯作石鬚。輪囷礧砢闕詭  
狀。爪鬣定與凡松殊。茸城將軍好事者。鐫鑿山骨雙松  
俱。夸娥夜半負而走。洗剔貯之玉甕。盞俱吟於肅閣。不  
得短後健兒尺一書。餉商丘公激珍賞。選寘吟窩東南  
隅。一拳石松一尺耳。三十六峯蒼翠移於斯。叶公來巡

檐日百市寵以篇什鏘珩琚少見多怪得未有賓從獻  
疑紛詫吁或云軒轅當年鑄丹鼎丹成遺此一片雲碧  
腴或云猿公擲劍刺石鱗化作青蛇抉尾銚蠕須商丘  
公自笑哈爾拍容成肩呼浮丘叶兩老翁汝知不松  
即擾龍峰天都漆園小生齊物何足道獨不見芥孔納  
得須彌無恍洋洋自恣理絕繩尺兀辜

驟讀之駭其蒼莽有大海迴風之勢細按覺稟元  
排宕中字字妥帖可謂意愜關飛動篇終接混茫  
附 黃山松石歌寄金仁叔將軍兼索子湘和

漫堂

黃山松石天下無好事往往繪爲圖千巖萬樹不

青門賸棄卷二

井梧集

八

到眼刻意摹寫徒區區茸城將軍胸次別遠道移  
取來崎嶇石一拳耳儼千仞松不滿尺盤兩株盛  
以巨盎置鈴閣珍比七尺紅珊瑚今年移鎮向閩  
海臨行輟贈及老夫鼻背船載入解舍賓客咋舌  
兒童呼吟窩得此良不俗大笑今我官豈麤南榮  
相對坐竟日看山讀畫同歡娛石也以松爲毛髮  
松亦以石爲肌膚芙蓉一片忽墮地陵巒宛轉秀  
色殊擾龍雙幹雙塵尾干霄之勢當前俱晉卿倘  
見定豪奪柴桑或撫還驚吁叢桂疎梅助清致何  
煩命駕窮天都將軍雅意應有報幾迴欲賦還踟

躋今晨鼓興了此債屬和火急催髯蘇

湖上宿小軒川館二首

新綠漲湖岸宿雲擁南屏孤山如舊識相送一樓青

天然佳句

侵曉上壽山脚未聞鳥語石上滑青苔竹閒滴殘雨

裴王風格

西湖雜興二十首

不到西湖三四年青山紅寺只依然灘頭鷗鷺渾生眼

飛起湖心掠釣船

銀龍卷地赭門來羅刹江頭雪作堆贏得婆留好身手

青門賸棄卷二

井梧集

九

三千鐵弩射潮迴

釣石鹽擔盡錦衣還鄉三節有光輝錢王舊事今人說

解唱花開緩緩歸

清波門外錦成沙仙姥墩傳舊酒家黃酒方平今不見

春風開落野棠花

望湖樓下蜻頭舫有美堂中鵲尾爐幽尋三百六十寺

畢竟風流讓大蘇

南渡江山似畫圖宮中別築小西湖慙一片臨安月

也照青城毳帳無

龍舸三宮次第行御前宣喚進魚羹白髮青鬚宋五嫂



光堯閒與話東京

仙韶宮女夜薰香翠鬢珠腰一色妝菊部梁州新按就  
官家明日卻排當

西湖遊炬夜薰天葛塢嬌娃沸管絃蟋蟀關酣師相醉  
襄樊援絕已三年

楊髡白塔寺門斜廢殿淒涼記宋家試向鳳山高處望  
更無宮樹挂袈裟謝暉詩萬年枝上挂袈裟

玉匣珠襦散不收寒瓊幽草亂山秋杜鵑血盡冬青死  
處士依然土一杯唐詩夢中詩報拾寒瓊出他草

青驄油壁曉紛紛金縷歌殘日又曛干墳湖南岳墳北  
青門賸橐卷二井梧集

遊客偏澆蘇小墳  
段家橋西葛嶺下大癡山樵兩畫樓今日對君真粉本

一堤煙樹數峰秋黃子久畫樓在寶石山王叔明畫樓今爲小軒川館見西湖志  
杭州食單大蘭奢西魚東菜總堪誇楊梅夏熟臯亭好

石首鮮來頭水嘉東萊西魚杭人諺語也  
蓴絲滑膩鯽魚肥白芡紅菱也不稀日暮西冷橋上望

更無船唱采蓮歸湖上近絕無荷花  
記得中元上野航荷燈千點亂星光回船遮莫三更晚

櫂入蘋花風露香  
儂然銀箏湖上樓郎騎白馬湖東頭南高雲過北高宿

裏湖水出外湖流

桃花梨花踴春初三三五五花不如天竺遊來還蚤在  
去看玉泉金鯽魚

偶憶高人趙子固扣舷晞髮歌離騷雲巒佳處忽狂叫  
煙雨滿湖風蕭颯

湖水入籬山遠舍和清幽居勝絕是孤山逋翁遺宅若還  
在逕合移家老此閒

奉訓漫堂先生久雨忽晴喜子湘心壁道人同  
日至垂示之作

青門賸橐卷二井梧集

二三月花開落過一百五日春陰驕江路纔晴逢穀雨  
客帆沿岸落楓橋清新開府得好句解后詩僧肩破瓢

花底銜盃吾能不病身白鬢風飄飄  
老氣無敵足與少陵客子入門月皎皎  
並傳不謂韻而謝意唐人多有此格

漫堂  
一春積雨徑生苔池館今晨霽色開高士青門行

藥至道人盧阜打包來禪牀吟筆須料平聲理蟹舍  
漁莊好溯洄莫問政成鐫腳石唐河北三郡相鄰皆有善政鐫鐫脚刺史山桃

花下且銜杯  
尚友五君詠并引

予自壯歲抗懷高躅忽忽三十年心迹乖迕良用  
慨然乃思古人有先獲我心者自唐歷宋元凡得  
五人要是鄙意偶會耳太史公曰雖不能至心竊  
嚮往之作尚友五君詠

王無功績

無功隱河渚有田十六頃婢爨奴解耕種黍足稷秉規  
池養鳧鴈蒔藥疏畦町牀頭置老莊壁間挂笈簪仲長  
時相過對酌遂沈冥一笑忘言說寂默趣已領醉鄉亦  
寄耳微官况疣癭糟粕吾不談揖讓吾不能聲應笑河  
汾人辛苦事雖訂禮樂易書詩箋績芬麻絲何如緼我

青門賸橐卷二

王無功

十三

真翛然逃茗芋

陸魯望龜蒙

天隨高曠士漁具併一船船尾寘罾因船頭漾綸竿  
簫笠溪雨響背蓬江煙寒性亦愛茗飲買園顧渚山槍  
旗摘巖露烘焙穀雨前緘題品甲乙氣烹貯清泉稗說  
閒倚撫松陵富吟編松陵富吟編松陵富吟編襲美豈其倫判若薰蕕  
然嗜茗兼嗜鱸曰予性所便會思買舴艋浮家恣浴綠  
赤脚汲江月漁童收釣筌具區接洮滷吾將老是焉

林君復逋

吾愛林處士結廬旁湖汜綠漲浸籬根嵐雲濕軒八高

僧時往還釣具閑料平聲理有時扁舟出扣舷夕陽紫岑  
翠落湖心草樹香隄水一室渺長物梅妻鶴爲子曾無  
封禪書肩頤侯門履千秋配水僊高潔乃在此東坡詩只應  
配食水僊王

蘇翁雲卿

蘇翁非石隱用則管樂輦東湖葺敝廬把鉏自種菜畚  
礫刪管榛分畦藝菰芥寒綠紛可蔬織屨堅可賣案頭  
西漢書時復策成敗二客何從來帥漕亦狡獪函幣致  
尺書故人邀共載德遠固賢者此事未了在徒卓曲端  
旗莫救符離潰所以灌園叟斂手殘局外天際望冥鴻  
高踪邈難逮

青門賸橐卷二

井梧集

十三

倪元鎮贊

晴嵐拂書幌飛花浮茗盃雲林高士此幽栖自然與世遠  
清閔名環竹梧蕭閒名淨苔薛品逸壓黃王鑒精辨識  
款豈惟風雅宗達識諒亦罕脫屣倚卓貲泊如雲煙散  
頗遭流俗笑不受多藏捷朗詠素衣詩斂裳嗟晚晚放  
浪湖泖閒扁舟老忘返二泉流琤潺九龍青巉巖我來  
訪遺踪懷古心纂纂素衣詩序云曾輪官租羈繫  
幽憤思葉田廬飲棠荷道焉

五君詠寄託深遠一洗五千七千集日詠魯望便  
似松陵詠林逋便似和靖大有史公傳遊俠儒林  
意在

吳趨吟

井引



予久客吳閭見風俗有可慨者輒記以詩學白香山秦中吟作八首似亦足備采風詩體則不盡做白也

粥女

吳人重生女不望爲門楣桃花噴女面祝女豔容儀十  
二弄脂粉十三調筆絲十五髮被肩姚冶好蛾眉阿母  
大權笑價直千金爲上客來何方揮金買吳娃聞有此  
好女登門前致辭女出跪拜客媒姬相扶持拂裙露纖  
趾約腕呈冰肌問女好弦索正柱彈烏栖問女好臨池  
衍波寫新詞問女好手談對面試圍碁客喜語阿母千  
金詎爲多今夕定情夕跳脫壓金釵合歡紅羅帳四  
角流蘇垂都梁自有香兔絲自有枝今夕就郎宿明日  
與母辭女兒不戀母阿母亦不嗔蓬去迷故科雛成各  
東西重利輕骨肉念之令人悲

種花

山塘映清溪人家種花樹清溪鼻頭青門前虎丘路春  
陽二月中雜花千萬叢朝賣一叢紫夕賣一叢紅百花  
百種態牡丹大嬌貴一株百朵花十千甫能賣朱門買  
花還四面護紅闌繡幕遮風日嬌歌閒清彈復有些子  
景元人呼盆景爲些子景點綴白石盆咫尺丘壑趣屈蟠松檜根買實

八案閒一盆直十鑽老圃解種花老農解種穀種穀輸  
官租種花豔儂目種花食肉糜種穀食糠粃還復受敲  
朴肉剝難爲醫嗟呀重嗟呀老農苦奈何呼兒賣黃犢  
明年學種花

酒船

我我白鵲舫漾漾十丈餘綠絲持作竿木蘭持作艫周  
遭紅闌干碧紗交綺疏吳儂大好事用以供遨嬉船  
船競裴束日日追懽娛舟人飾共張舟婦理中廚飲客  
惠山白清醪冰玉壺薦客吳羹味江瑤壓松鱸纖指弄  
嬌絃朱脣發清謳戲具拉雜陳投瓊列擲捕小娃年  
十五韶慧無匹儔行酒工調笑樂方良獨殊人言吳  
儂樂我笑吳儂愚中一人家產酒船一日需十船十中  
家漏卮焉不枯巷有饑餓人晨哭炊無煙奢靡何以救  
會須燔其船念此坐太息惜哉我無權

贗骨董

閭門古吳趨陳椽如鱗比骨董大紛云請從書畫起鐵  
石充逸少朱絲作道子用子當時已雜糅近來益幻詭好  
手不自運臨筆取形似牛馬署戴韓山水大小李董巨  
至唐仇一一供撫擬蘇黃字郭填唐宋碣磨沈藏經熏  
煙煤宣和指印璽名重賈易售千金尋常耳近派重華

亭教插標遍井里不意翰墨場組僧乃介介次復辨鼎  
彝髣髴秦漢字藥鑄出斑駁紅綠紛可喜柴汝官哥定  
直亦璠璣比貴人負賞鑒金多購未已真者豈能多賈  
物乃填委徇耳不貴目也事盡如此

度曲

有明嘉隆間吳騷變新聲唐祝檀填詞崑腔始魏生昌  
流傳百餘年屢變伎益精兩兩清客輩吳人工簾管度曲者稱清客絃拍  
簫笛箏相與期何所虎丘可中亭相與期何時三五蟾  
兔盈廣場人聲未獨奏衆始驚細如駐游絲檐牙颺春  
晴一字度一刻嫋嫋絕復繁或如瑣窓語誦誦未分明

青門賸藁卷二

井梧集

七

又如春園花皖皖流鶯入耳忽淒緊浙浙蕉雨清聽  
者喚奈何靡靡蕩我情坐立互徙倚彷徨達五更何人  
理元曲嗑然笑荒僖人情貴後來世俗悅蠅淫新衣自  
勝故古調不如今元曲且掩耳何况瑟與琴

冶遊

吳峯如點黛吳溪如染藍吳娃豔妝裏冶游心所快玉  
腕黃金釧鷓鴣髮琥珀簪月華百褶帶杏子單紅衫二月  
春始半蹋青邀女伴小桃虎丘紅新柳山塘短燒香觀  
音山絲繡三丈旛拔釵供佛會共郎遊梵天五月胥江  
怒水嬉謹競渡圓扇薄不遮故教冶容露六月荷花蕩

輕橈汎蘭塘花嬌映紅玉語笑薰風香中秋千人石  
聽歌細如髮十八楞伽山湖亭待串月何許更登高吳  
山黃花節冶遊春復秋婉戀不知愁西鄉大養蠶東鄉  
種棉花養蠶姊條桑種花妹紡車儂自袖手坐衣著綾  
羅紗

財婚

古人重嘉耦今人重財昏麗皮風已遠茲義誰能敦况  
乃吳俗奢媒氏費較論既須計錢帛亦復矜高門西家  
昨聘婦千金光爛爛紉綺三百匹文采何爛熳東家昨  
嫁女資送紛繽繡繡袂冒廂笥流蘇綴琅玕玉釵大秦  
珠直可千萬緡錦繡照途巷光彩溢里鄰夫壻承咳唾  
公嫗大懽欣亦有貧女嫁著蓼青布裙三日向暗壁低  
頭減容顏富女易嬌妒貧女淑且溫富女熏香篝貧女  
井臼勤胡不比較論富女不如貧

重賦

九四起鹽販張案時竊爲王毒斂周鐵星鞭算析毫  
芒刮膏啣民髓髓竭國亦僵明祖自天授作法胡乃涼  
租簿定稅額畝賦七斗盈叶相沿三百年吳閭有重糧  
吳俗喜奢淫吳民甚蓋藏譬如酒色夫中乾而外疆柰  
何吏吳者又不悉民窮叶春絲接秋穀箕斂終歲忙太



守急縣官縣官責忙農叶里正才來杆軸倚空墻隸  
卒箠箠來雞狗亦蒼皇五日一榜笞血殷布襦襦寬大  
天子詔考課大農章銖黍不中程斥逐及龔黃豈不愛  
民命且自念功名叶吏半遭譴謫民寧免流亡我欲竟  
此辭援筆中慨慷

八詩絕妙漢魏樂府又有關係風人  
遺音也詩至此不堪泣鬼神耶一擊

青門賸稟卷二

青門賸稟卷二

井梧集

十八

青門賸稟卷三

毗陵邵長蘅子湘集

井梧集下

奉和漫堂先生謝高詹事餉龍井新茶索子湘  
同賦用韻

古人品茶例烝碾團龍香雲誇芳甘縷金屑餅失本性  
有如玉環脂粉嫌今人品茶重烘焙揀芽抽葉勞慘慘  
土銼松薪夜火活三更煙白月挂檐焙成青翳旋包裹  
韻香色味百不嫌滄浪寓公先生今詞伯琢詩戰茗嗜頗  
兼蒸盤北苑小峴春品題甲乙排標籤我來偶直穀雨

青門賸稟卷三

井梧集

二十一

過櫻桃映盃燕入簾邀我啜茗坐石上渴羌鼓隴驚胡  
貪公言此茗出龍井石乳雲液叢幽岳論文舊遊得高  
適武林遠寄分緇匳呼酪蒼頭不肯受禿管城子聊戲  
拈公詩堅壘提一律草木臭味供鐫剗野夫欲和愁險  
韻霜須斷莖口銜箝且放退之教獨步何如玉川子六  
椀七椀清風添朴老清新兼少  
陵東坡之勝

附前題

漫堂宋 犖

江南春半茶事動老夫幽夢挂碧巖虎丘舊種鏹  
已盡陽羨佳品心所欣小峴春作梅花片六安茶名  
小峴春近  
製梅花  
片最佳年來羅致余能兼穀雨已過山塢曉焙香幾

處吹茅檐江邨詹事抱茶癖龍井手製馳郵籤銀

絲冰芽竝珍重白甄青筋勞封緘山瓢急取酌惠

水折脚石鼎安風簾松濤響罷注縹盞清芬拂拂

浮晴嵐笑他七椀真水厄小啜已令俗韻砭緬茲

嘉木出勝地辨才玉局曾遙探性芳味永正可錄

中郎何事相譏讒袁宏道評龍井茶作草氣包裹那許鑽權倖唐

突未敢加薑鹽滄浪一杯澆子美酬和七字促邵

顥于從此漫堂開湯社舌本不强容高談

前題

江邨高士奇

雨中石花長雲寶春半月生松巖國史補石花浮明月皆茶名

青門賸囊卷三井梧集

氲不入將軍腹潔色長得詩人悅吳中開府季卿

匹清事每許常陸兼語林常伯熊因陸羽著茶論李季卿宣慰江南名伯熊又有薦羽者兼召之義

興秋片六安藥開籠老翠浮晴簷西湖佳種數龍

井火前鴉嘴如排籤野夫摘香手自焙剪絹穿篲

親包緘青猿急遣致鈴閣花陰晝靜鰕鬚簾石銚

火活湯鼓浪竹廊風定煙凝嵐非獨雪煩且破睡

嘔酸滯冷何勞砭東坡詩草茶無賴空有座閒嘉客我未

與案頭險韻公先探解人自謂獨知味君子由來

不信護中丞詩云中郎何事相譏讒素品題堪破毀茶論音

節如歌疎勒鹽何時紫甌得共坐紅蓮幕下攜蒼

髯謂各搜文字五千卷玉川詩云三椀搜枯腸惟有文字五千卷滄浪亭際

資清談

紀夢併引

予病喘初愈夢中苦吟得空山閉積雪石屋隱孤

鐙句旁一龐眉老僧顧予語曰子詩甚會禪理第

一句是外不放入第二句是內不放出予听然而

寤急起剪燭成小詩丁丑八月十二日夜漏下三

鼓是歲予以病廢吟僅得此二十字耳

空山閉積雪石屋隱孤鐙清磬一聲寂中峰有定僧

題萬里一歸人圖送淵公遊滇

青門賸囊卷三井梧集

峰圍蒙雋合雁過澧沅希方外寧親者孤筇此路歸虛

煙隨磨跡楓葉點僧衣莫宿投荒寺天寒半火微

雨後遊滄浪亭懷古作

清曉臨高亭亭高俯木杪霽景澄川原林霏散煙鳥隔

城三四峰空翠濃可掃僧扉扣始開花木紛窈窕浦荷

涼斂馥石逕濕露草臺榭幾廢興蘇梅骨已稟千載亦

虛名彭殤孰壽夭迴策度溪橋漁唱前溪窅

商丘公攜餉建蘭一瓊寘之几側靜對欣然輒

成古詩二章比類屬辭亦風人之意也

新涼起我蚤端坐攤卷書泠泠微風至幽香盈坐隅芳



蘭衰晨露法光葉舒一叢滿百莖用龜策傳語一莖八九華

切致此自閩嶠道遠經崎嶇想當攜鏡去翻動麝磨居

瘴雨嘯王孫蠻煙吟山都愛而遠莫致側身長嗟咨夫

子篤嘉惠况比珣珣草木有本性臭味敢差池

宣尼操倚蘭喟彼衆草伍湘纍危江離乃離茱萸妬當

門忌或鉏遭焚香自旤後切冀壤蘇充幃迷陽傷跬步自

古嗟已然榮悴理孰觀而茲獨何幸託根欣得所葆此

王者香言依高士特高士門故用伯鸞事不隨蒼蔚隋豈竝蕭蒿腐

鴟鳩縱先鳴孤芳終自許

二詩寄託大有漢魏風製古調今人不彈矣

青門賸彙卷三井梧集四

題畫送僧歸開先

百丈琤潺漱玉亭廿年前憶我遊曾而今老去還看畫

落木空山有定僧不著一字盡得風流

小寒食集深淨軒馮山公宋山言同作

二月悠悠已三月春陰黯黯春光遲即驚上已連寒食

不放桃花竝柳枝吳蠶燕麥深愁雨杏粥楊柳且賦詩

見說蘭亭今望幸風流那更求和時蘭亭新修時會大駕南巡

前四句一氣滾出雄健高渾雅稱老手山公首尾一氣呵成總因格高故耐人尋味山言

韋菴詠物詩山公山言同賦六首

哥窯蟹書滴

蝓蚌穴海岸螭蜥腹璣結不應斐几上有此鱗介物初

疑是巧匠青珉斲山骨摩挲認哥窯埏埴括蒼出火煨

及水淬蟹形而玉質殼攢鐵足四紋作龜焦裂仰臍刻

中空貯水容掬溢用淮寧指拊陳烏皮提攜近縹帙柴汝舊

齊名官定恐非匹剡溪藤株青端溪鴿眼滑易水魚胞

堅中山競豪拔四友相攀追藉君得濡沫是中勺水耳

詎有蛟龍窟膚寸起滄然波瀾接溟渤

詩亦是有波瀾接溟渤之勢俯視餘子直污沱耳

我眉石

我眉翠壓岷巫巔兩峰孱顏青巉天玉牀金鼎含紫煙

青門賸彙卷三井梧集五

躡空遊戲佛與僊神燈瑞像縹緲間丹砂真汞閱千年

君不見一寸石亦吐光怪扶桑朝暎射晶彩頗黎水淨

搖蔚藍珊瑚枝瑩映珠琲五色眩閃難強名璚璫琬琰

瓊瑤瑛

從我眉說起氣勢突兀趁人此為高手老法後生不能到云

神韻似太白結語亦具五色句法古拙大奇

附前題

錢唐馮景

我眉山石小膚寸曜靈下射搖晶光如火無性出

陽燧照之白黑青紅黃又如五色爛卿喬牟尼珠

在淵吐芒此豈恒星不見夜實作璞韞球琳琅頗



疑支機迸一角內含雲錦天孫裳不然十二玉樓  
墜瓊玖天門蕩蕩飄西荒樵夫牧豎競拾取供人  
近玩圖書旁或是女媧鍊時賸龍星不耀開農祥  
忽然亭于大船北三旬春雨愁無陽我欲持此補  
天漏高渺難覓丹梯長總然御風抵清關虎豹固  
拒關九閭飛廉豐隆雨師怒譙訶多事狂夫狂  
晚六龍馭義轡會瞻朝旭升扶桑爾時杲杲煥光  
彩今且韜晦藏巾箱

玉蘭餅刀鱸魚二子各賦律詩予得七古二章  
章十四句

青門賸彙卷三

藉集

六

漏天頽雲亂紅雨杏花臉泣天桃苦東風一夜開辛夷  
瓊葩玉蕊紛葳蕤採花意造作餅餌蔗霜乳酥凝寒脂  
微香小粹有真味嚙脣一片甘如飴起溲牢丸儉父耳  
餽餽粗糲差肩隨不見秋菊餐英湘纍歎叶上聲梅花嚼雪  
愁冰齒何如玉蘭膏環登金桴吟箋細擘澄心紙

右玉蘭餅

春江荻長萑蒿齊河魚大上石首肥就中刀鱸最高格  
比玉珧柱嬌西施麗罨眉爭春潮船頭潑刺冰花高  
砧几平鋪亂雪片晶盤的皪堆銀刀纖鱗細骨不汝放  
豎儒大嚼真老饕我思猩脣熊白那得致拘項爛蒸大

少味但辦官廚十日買刀魚不羨金齏玉鱠秋風鱸

右刀鱸魚

永樂窯席帽盆詩山言先成予奉和

席帽瓷盆大難得席帽歌辭老無敵君言盆出永樂窯  
側釐比薄堅瑤璃晶瑩若空冰一剎暗花映日雕鏤奇  
君歌欲闕我遂歌我歌曼聲感槩多蒼狗白衣君不見  
世情好尚喜遷變貴人豪舉性無常愛憎倏忽如轂轉  
大秦明月見不鮮扶餘火玉看亦賤金多身閑可奈何  
爾來瓷器供清玩柴窯運寸比瑤璃汝官哥定各矜銜  
明朝第一成化窯高士鷄琬品最高瑚蜨盆草足標致  
點翠累累垂蒲萄以窯名此皆珍重直論百購得不惜傾  
精鏤永窯席帽其亞者價貴猶足爭琨瑤是物得時三  
十載不踴而走吁可怪包裹或當商君鑽媚妒亦防季  
倫碎一貴一賤物豈知俛仰隨人自軒輊噫吁噫荆山  
鑄鼎飛上天泗水絙鼎沈深淵栢梁金盤辭漢月茂陵  
玉盃出人閒球球塊蘇何足數六十小刳飛雲煙

詠一小物乃寓爾許  
感槩此為大家公

附前題

商丘宋至

近代窯器首成化盆草瑚蜨雞缸亞高士亦成窯  
有名尤  
誇品格高薦入朱門不惜價誰知永樂窯更工賦



白如紙驚玲瓏腹中暗花隱復見一捧冰雪清心  
曾我有嘉賓出侑酌琥珀光搖良不惡好當筵  
贈山人九日風高防吹落

河南牡丹

戲效六一東坡咏雪詩體限不使花王貴客國色  
天香沈香亭百寶欄等字及姚黃魏紫金樓玉盤  
一捻紅潛溪緋諸花名要二山同賦

河南牡丹天下無天彭丹延產不如錢思公譜九十種  
麗冶一一矜名姝廿二番風纔穀雨刺紅歷亂青蛟走  
子與切 舊薇一名刺紅 東坡醉醺詩青蛟走玉骨 此時婪尾須名花紫皇乘雲作切花

青門勝彙卷三

井梧集

主遊裂天機五色絲散作千花萬花藥流光吐艷嬌臨  
砌霞檐雲幕重重綺犢車細馬爭春風季倫步障四十  
里後來新樣益紛拏標名別字誰能紀江南此花無奇  
姿凡品蓓蕾大夥頤花小瓣硬少風韻譬如村粧羞嬌  
施商丘巨公好事者香山贊皇乃其亞水郵陸遞馳筠  
籠奇葩先到韋巷下公議爾來種漸來江南滄浪亭子法  
螺卷二處花皆 公分遺皜如凝雪朱含丹微頰卯酒玉奴酣我家東  
軒尋丈地十本也自河南至惆悵開時不在家到處看  
花增歎噴與花神約不食言明年花發相周旋裏露曉  
來巡百市惜殘把燭夜深看縱然零落那忍弃玉搓寒

具和酥煎

三月十二夜與山公步月池上

久雨得月佳澹煙猶羃羃百五寒食過芳草紛已積沿  
月遶清池惜此履綦跡桃暝望欲無梅殘點餘白招攜  
有良友欣茲數晨夕那知幕府寬偶似江湖適石上坐  
談詩城鐘夜寥寂  
澹遠得章孟之神 山公

寄題李百藥漁川書屋

不識漁川景試吟漁川詩漁川森何處覺社湖之湄湖  
涵遠天白樹帶高城碧把卷復行吟想見茅齋客枕上  
聞琴音離邊繫釣船有時下雙鳥隔垞起孤煙王翬族

青門勝彙卷三

井梧集

工耳畫圖亦未似須我扁舟來爲君作佳記

紀恩詩爲商丘公恭賦

皇帝三十有八載乘春出震巡南陲河舊衍溢蓄淮泗  
自臨捷石拯阻饑遂浮大江下吳會駕六蒼蚪翳華芝  
吳有賢撫臣曰犖地大物齎誠難治帝曰汝犖予汝  
嘉仁惠誠民有褒辭御書四字字徑尺榮光休彩天昭  
回淵鑒齋帖攸一束宸章駢羅九瓊奇五緯垂芒峙五  
岳賜書共 五種龍騰天門鳳翺岐耕織繪圖詎游戲邠風無逸  
厘民依傳詔又賜袍與帽帽珠煩黃光輝輝袍織蟠龍  
龍五爪貴從聖躬親解衣鹿脯鹿尾分玉饌上尊黃

封苞縹瓷奉聲擎稠疊恩數異跪拜九叩天顏怡是日  
百僚盡陪位虞廷肅穆班阜夔帝念臣廉賜子渥煥  
煥天語臣聞之從官橐筆書諸冊得賢臣頌千秋垂鰥  
生幕下偶欣觀盛事得不傳歌詩如公十輩布中外宣  
上德意普澤施賜租復絲歲屢穰帝垂衣裳萬福來  
中和樂歲應有賦王褒筆札生能爲

渾果肅穆真可頌頌韓  
碑柳雅必傳無疑 山公

### 大駕南巡口號五首

龍舸乘春下九河天吳弭節聽撫訶聖主自臨投壁  
馬十年沮洳熟稔禾

青門賸棠卷三 井梧集

十

馳道春風萬柳斜竹西歌吹古繁華至尊自要勵清  
問不爲蕃釐觀裏花

連朝清雨灑輕埃曉日瞳瞳卿看開百歲老翁勤拜跪

萬年觴奉蘇竹根盃

武林供張天下無龍船鼉鼓沸西湖那知皇帝憂民

意要聽樓前于爲于

潞河冰解出龍旂歸及櫻桃薦廟時輦路經過聞好語

蠶誇八繭麥雙岐

### 用韻送出公秋試歸錢唐

黃雀風前暮雨來白蘋浪裏布帆開三秋應有西湖夢

幾夜同傾吳苑盃我曹意氣虬蟬笑餘子功名蠶觸哀  
似爾致身仍未晚負薪牧豕何人哉

風骨蒼然

### 御書萱瑞堂詩爲工部臣曹寅恭賦

崑崙半夜天雞曉玉井轆轤聲宵宵玉母呼龍耕紫煙  
不種瑤芝種萱艸種得移根北堂下朱榮綠葉紛嬌姪

小人有母賢母娛鹿慈鵲皆名都雅帝乘翠蚪前長

離伯僑羨門廝踰趨大人賦所征伯  
僑而後羨門南娛幸臨臣寅居春暉

藹藹天顏舒綠玉榜題萱瑞宇喬雲垂天光燭地銀鈎

金薤琳琅璆榛拱崇業龍蚴蟉兩宮懽豫寵賚優寅

青門賸棠卷三 井梧集

十

拜稽首揚王休皇帝陛下壽萬歲臣母期頤作人瑞

起境奇闢此題不意  
有此一結是樂府法

### 含清亭賞芍藥用梅聖俞揚樂道留飲置芍藥

### 韻漫堂先生馮山公吳荊山同賦

中州盛壯升通又誇芍藥瑪瑙盈尺槃樓子十重夢紅

白爭繽紛一一標名各種詎止三十翻笑花譜略風雅

得元公移根自宛洛種近含清亭疏畦藉鉏鑿立夏三

日晴名葩披灼爍枝枝風嫵媚朵朵露娟娟亭空映紅

闌樹密張翠幕公爲文字飲餽飮開杯酌櫻桃筠籠寫

鮮筍清泉瀹甌香日注嘉釀涼玻璃薄半酣徵故事高



談展懽謔廣陵金帶圍。魏公久寂寞。東武玉盤盂。髯蘇  
跡成昨。高韻繼者誰。公應躡前屨。詩篇餘事耳。雅音振  
韶濩。大馮况詩豪。解衣羸盤礴。季重亦可人。一鼓氣堪  
作。笑拍都官肩。君筆真可閣。思拙筆屢閣  
即聖前句

老筆紛披一氣輸  
寫此爲詠物上乘

### 延熹華嶽碑歌同商丘公賦

華山作鎮帝所宮。拔地削成三芙蓉。明星玉女竝娟嫵。  
天神博處鉤梯通。少昊金天幹元化。虞巡周望秩祀崇。  
茂陵劉郎斬不死。集靈宮築山之趾。松喬芝蓋紛往來。  
子仙茅龍大憮怳。亡新變亂迨東京。文字磨滅餘荒祀。

青門賸棄卷三 井梧集

三

此碑紀年延熹八四月維夏日廿九勒石者誰弘農守  
袁逢開先孫璆後郭香察書恐臆說洪适隸釋云郭香察書者  
爲郭香察所書非也明楊  
文貞跋以爲郭香書亦誤曰蔡中郎亦無考叶唐徐浩古迹  
記爲蔡中郎書或云漢  
魏存古碑例不著名書誰某紛云辨駁姑置之隸法第  
一真瓌奇公此石本得何所點畫完好無瑕疵圓方古  
匾體兼備挑拔勁如折刀鉞斯邈故是丈人行冰潮呼  
作大小兒光如以前得有此嶠嶠石鼓肩相隨我思桓  
靈社政吁可詫歎息痛恨誰能那鈎黨橫填北寺獄價  
官更諧西園賈大學石經空駢填鴻都鳥篆資詈唾誰  
陽鐘虞俄銷燼飛廉銅馬亦摧破歎碑最最獨歸然千

五百年安帖。安明嘉靖間始遭。播有如。嶧碑焚野火。紅  
豆老人錢穀作長歌。缺百廿字相矜夸。何況此本缺僅十。  
紙新墨古神不磨。虎爪攫拏鐵如意。蚪枝屈折青銅柯。  
知公鑒賞有真識。渠凡一日三摩挲。

氣體雄渾博大雅與題稱  
此昌黎所謂光燄萬丈者

附前題

漫堂

迢遙太華參金天。虞周巡幸禋祀虔。集靈宮建炎  
漢代飾闕載紀延熹年。望仙門下聳巖巖。隸書壯  
偉蛟螭纏經始者誰袁太守。遼市石者誰從事遷  
杜遠郭香察書義莫辨徐洪考究終茫然。端嚴自可

青門賸棄卷三 井梧集

三

配白帝奇古直欲追周宣。無論史晨與韓勅。撤畫  
已開光。和先桓靈社政令人恨斯文。頗盛千秋傳  
片石。不隨鐘簴改精光。奕奕射嶽蓮後來好事錄  
金石上。繫斯邈邈隨肩有。明中葉遭播擊神物消  
滅同飛煙。關中秘藏或一二剝落那得驪珠全。此  
本宋搨缺僅十一字可博一金錢。河北金吾王元孫  
賜冲老愛此摩挲。珍比瓊琬璇何幸。鴻寶入我篋。虹光  
頓壓書畫船。寄語郭穎趙嶠二子道於今。好古應  
讓西陂專。錢牧齋詩云關中汲古有  
二士郭穎趙嶠俱堪識  
御書鶴栖堂詩爲檢討臣尤侗恭賦

青田山高翠如削。中有上古雙白鶴。牝虛夜寂松風微。  
露白煙空清。唳作年年生子東西飛。老鶴只踞喬松枝。  
緜山仙人呼鶴語。月明飛過胥江渚。西堂老人玉京客。  
胥江別有神仙宅。天書招鶴栖此堂。緜緣深衣斂霜翮。  
獨不見鶴栖玉牀蛟龍纏。烏鳳青鳥紛翩翾。二室三花。  
逸何處。夜夜榮光起燭天。

靈秀縹緲之致大似青蓮大家故是無所不有

後玉帶生歌奉同商丘公作 并序

玉帶生者宋文文山丞相所珣研也。生紫衣玉帶。丞相素重之。呼召不以名。故稱玉帶生。云丞相殉

青門賸棄卷三 井梧集

南

國謝臯羽攜生哭之子陵釣臺有西臺慟哭記。又攜生尋宋諸陵哭之有冬青樹引謝歿生流落人間。後百年婦楊鐵崖列寮中七客之一。張思廉憲作玉帶生歌序中述其事頗詳。距今又三百餘年矣。硯今歸商丘公公作後玉帶生歌。公子山言廣之一時名流多有詩予亦繼作。

海翻日陷扶桑黑。神鼇斷脰天柱仄。劫火然空玉石焚。端溪畱此一尺璧。景炎丞相起視師。橐鞬出入常相隨。紫衣編欄腰玉鞶。錫以嘉名呼曰生。飛檄雷霆走精銳。揮毫冰雪淨聰明。少陵雷霆十字予嘗謂惟諸葛武侯足當之。後以贊文山亦是無愧。五陂嶺上猿

鶴散柴市西頭。燐火青睞髮山人。丞相友世變。攜生出走。天寒酹酒登荒臺。魂歸慟哭朱鳥味。桐江七里寒光碧。古猿嘯煙斑竹裂蒼茫。何處弔諸陵。山南鬼戰驚碑礪。謝翱冬青樹引七度山南與鬼戰。墨花蝕盡翡翠斑。殷疑一片冬青血。四百年間誰識生。今有韋菴前老鐵。文采風流又一時。巨軸聯賡黃絹辭。我攝衣冠虔再拜。重是文山正氣所馮依。詩成研亦吐光怪。化為白虹紫蛻。五結切。霄騰暉。

沈鬱頓挫真能得子美骨或以爲昌谷未免皮相剽

附前題

漫堂

有客有客端州生。家住下崑之老阮。質溫以栗靜

青門賸棄卷三 井梧集

五

以正紅光燭燭搖日星。紫衣玉帶端人相聲價。倏然來連城。景炎丞相宿友善。周旋几席儕墨卿。虔州露布曾視草。寶惜不數瓊瑤英。柴市殉國客散走西臺。血淚同吞聲。冬青樹罷歸何處。抱遺老鐵邀作朋。幽寮七客數晨夕。文章之職維汝承。門人作歌寫遺烈。隱然五岳方寸橫。古心古貌儼舊服。守玄那絢鵠鵲睛。腰閒驪珠十四煒煌。丞相所賜銘予也。師事寧敢友如圭如璧。親典型安得七客忽邂逅。得余而八重結盟。

奉訓商丘公兩泊仙女廟示青門作次畱字公



時以振饑行部海陵

野廟泊官舟。蕭條江上秋。西風吹急雨。木葉灑船頭。枯  
葑<sup>苦南切</sup>依扉落。殘晉結樹畱。元公憂國淚。五載不曾收。

附原倡

漫堂

芒稻河邊路。寒雲竟日畱。荒祠問仙女。疎雨滯行舟。  
村隱敲斜竹。童驅子母牛。篷窓對詩老。頓覺破離憂。

題顧赤方遺照因憶舊遊成二截句

驚心宿草又三年。驥子相逢一惘然。兜率海山何處是。  
先生依舊擁書眠。

青門賸藁卷三

井梧集

六

回憶與君分手處。玉河橋畔柳條青。老輩卽今看欲盡。  
廿年如夢話旗亭。

唐人神韻

題徐學人雲谿艸堂圖

雲谿浦上樹含煙。雲谿灣頭菱葉鮮。雲谿主人何所作。  
讀書懷古神。脩然漆園久忘鵬。鷄適石榻高話羲皇年。  
昨夜橋西聯宿漿。賣魚船尾賣書船。

清空一氣如話

商丘公雨中元墓探梅索和卽用其韻

八年前憶從公去。今日因公逸興生。小隊花閒霑濕過。  
層湖林隙密疎明。千點萬點著枝重。一株兩株壓橋橫。

我亦巡檐索梅笑。池邊牆腳支筇行。

初體蒼老生新  
故是老杜勝處

青門賸藁卷三

井梧集

七

青門賸稿卷四

毗陵 邵長蘅子湘 纂

序 十一首

陳荃峰史論序

荃峰陳先生著史論成屬余敘余與荃峰居同邑里又同方同學烏容辭敘曰史之有論昉於馬班論贊而左氏所稱君子曰者已爲之濫觴後世議論愈多乃各自成書唐劉知幾有史通二十卷宋胡寅讀史管見三十卷孫甫唐史要論十卷范祖禹唐鑑二十卷而荃峰乃至百卷自邃古迄於明末具論之富矣哉古未有是也

青門賸稿卷四 序

余嘗以謂近代士大夫無實經濟繇於無實史學蓋自春秋歷宋元二千餘年其治亂興亡之大禮樂刑政兵農學校典章制度因革之詳人之忠邪賢不肖之行事備載於史而其間變故之盤錯機事之猝乘後世智勇豪傑之儔或深思熟復而未當者而古人已一一具有法則學者覽其事則思其事之成者何以成敗者何以敗考其人則知其人君子者可爲吾法小人者可爲吾鑒而或君子而冒不韙小人而附於君子者又必推見至隱使無可遁而吾乃可出而斷天下之事辨天下之君子小人故史學亟也顧自科舉之學日陋士知讀

史者少閒有之矣而不善讀者又有二病俗士耳剽等之說鈴卮言廬資譚助而小生儼子用意刻薄喜摘舛古人之瑕類刮已朽之骨而索其瘢而取快一時之筆舌若者與不讀史等荃峰蚤成進士負盛名常官於朝會有忌之者遽歸益捷戶著書垂二十年未嘗手釋卷於六經百家之說靡不博綜而尤攻史學自言十餘年苦心在是凡前人已言者不更言或述其言而可否之則必載其人之姓氏大概能不襲前人成說而是非好惡一出於正苟試之於用必有過人蓋嘗譬之奕然古今者局也史者奕之譜也國工舉棋固不泥譜而惟熟於譜者能變化於譜嗟虜士爲世用者每患無經世之才之識而才者識者或不必用而廬廬託諸議論以斬自見於後可惜也夫然而後世有志之士得荃峰之論而折衷之蓋於史學過半已荃峰著學文堂集八十卷久行於世余嘗序之史論百餘卷今方板行又經解若干卷未卒業云

青門賸稿卷四 序

二

廿一史爛熟胸中乃有此見解筆力踴悍極似蘇老泉也



重刻前後漢紀序

蔣君重刻前後漢紀成予得而讀之欣然觀未見書系晝夜卒業乃爲敘曰編年紀傳二者皆史之正體紀傳詳於人編年詳於代將綜其理亂興廢紀綱政治得失之故以爲後法戒則編年爲宜顧自史遷掇爲紀傳作者相承苟悅撰漢紀乃倣左氏爲編年體而袁宏繼之撰後漢紀要可謂特立之士宜當時之重其書也是書前後各三十卷分代以紀年因年以繫月日而凡制度之沿革人之忠邪刑政賞罰之是非與夫日蝕星變災祥沴戾之作大略該載而亦時有論著以明已意悅紀

青門賸彙卷四序

三

奉詔作論多醇正宏紀其自所撰集故論猶放縱光武卽位於鄣而宏以爲更始尚存不宜自立論六家九流而曰道明其本儒言其用因陳紀之論而曰肉刑當復如此類頗不盡合於道顧其筆力蹇蹕亦史家之雄也夫二子之才其去班范尚遠顧能於左傳之後司馬通鑑之前卓然成一家言論者謂二紀與漢書不同使竝傳於後未易以彼廢此知言哉余又嘗謂三代以下享國惟漢最長法戒亦至漢而略備人皆知西漢之亡以外戚東漢之亡以宦官姦臣愚不謂然夫木先朽而蠹生物先腐而蟲出今夫外戚宦官姦臣是蠹也蟲也而

所以穴蠹與蟲者其原在上人主清明英斷進用忠賢屏斥讒邪則西東京之所以盛人主優柔昏回讒邪進而賢人退羣枉熾而正士消則西東京之所以衰迨夫國勢已移其時雖有忠義之士痛哭而陳發憤而圖難而卒無能措將傾之厦絙旣沈之鼎雖曰氣運良繇人事是可爲永監者也按荀紀後於班而班之前尚有賈逵劉歆諸家袁紀先於范而袁之前亦有東觀紀及謝承薛瑩司馬彪華嶠輩凡九家今大概缺軼矣是書垂一千四百餘年自宋至今更六七剞劂而幸而得與范班二書竝傳士之著書立說有賴於後人之表章者顧不亟哉然則蔣君之於荀袁厥功偉已憶六年前予識君豫章醞藉有名士風卽之溫然蓋時時往來懷抱云君名國祥字嵩臣襄平人

青門賸彙卷四序

四

三家文鈔序

論者謂文章與世遞降信夫六經不可以文論周秦而下文莫盛於西京漢氏之東稍衰矣沿至六朝文幾亡唐振之而唐之文不如漢唐末更五代之亂文又亡宋振之而宋之文不迨唐歷元訖明而元明之文不迨宋譬之大江然岷峨導源西東京則瞿唐灩澦也唐則岷冢大別也宋則潯陽馬當也元明至今則金陵揚子而下流分派別而滌洄於吳會者也是故通二千年之源流論則後往往不及前蓋氣運爲之莫知其所以然晝代而論則一代有一代之文不相借亦不相掩不相借

青門賸彙卷四序

五

故能各自成其家不相掩故能各標勝於一代是故稱漢氏者必曰馬班賈董劉向揚雄矣稱唐氏者必曰韓李柳州矣稱宋氏者必曰歐曾蘇氏父子矣稱金元氏必曰元好問虞集黃潛諸家矣稱明氏必曰宋濂王守仁歸唐諸家矣假而舉元明諸家上如馬班韓愈不待識者知其不倫顧沿而及焉則孰有能遺之者哉本朝文治之盛逾五十年而商丘公起而有三家文鈔之刻三家者何侯朝宗方域魏叔子禧汪鈍翁琬皆公友也衡謬辱校讐既畢役承命序其末簡衡惟三家之文侯氏以氣勝魏氏以力勝汪氏以法勝不必屑屑傳合

其出唐宋某氏竝元明某氏要之可謂作者後世稱

本朝之文吾知其無能遺三家也三家足以傳矣文章作者難知者尤難桓譚有云世人親見揚子雲祿位容貌不能動人故輕其書昌黎文垂三百年得廬陵而後大重於世子雲退之且然矧下此者於戲古今工文之士指擢心腎疲畢生之精力以斬附於立言何啻千萬而挂名編簡傳流至今者僅數十人耳其餘則已音塵寂滅真如飄風過耳忽焉斯盡彼其同時之人豈盡才氣相什伯幸而有人焉表章其後則傳不幸而不遇其人則速朽於戲其可惜哉於是歎商丘公之盛舉而又

青門賸彙卷四序

六

深致幸乎三君身後之遇也



周穀城遺藁序

常讀柳子果臝癘痔草木之說以爲人之生能攻穴天地之陰陽元氣而天地亦讐視之其說詭已而韓愈氏則以謂天之好惡與人異賢者恒不遇恒天恒窮餓困賄則旋而死不賢者恒比肩青紫恒志滿氣得恒耆壽予每疑其過激顧念亡友周穀城之死則又以爲信穀城負才名困童子試二十年逾壯始得列弟子員三舉於鄉輒報罷尋以新令絀籍家奇貧無儋石儲則時時客遊客太末客鄞踰仙霞嶺客閩又北客濟甯無所遇最後客都門以病死於逆旅同旅者殮以柳棺最之

青門賸藁卷四

七

黑窰厥龍爪槐下後十年其子爰諏匍匐往謀輦輅歸葬而匱已毀度無可如何痛哭三晝夜火其骨甕盛之負以歸於庠夫之阨才貧賤凍餓至於摧挫顛踣以死穀城甘之矣第令遂首丘葬骨從先人後何害今夫三寸之棺一抔之土雖馬醫夏畦之鬼皆得之其不能得此者百一耳而顧以吾穀城當之欲全其窆木緘齟之遺骸以返故丘而猶不可得於庠可哀也已穀城刻苦嗜學好深沈之思工詩歌每有作輒引被蒙頭竟日臥起則振筆疾書出語多驚人齒長予十年以上予學詩在其後顧喜與予論詩穀城既旅死詩亦散逸所存者

止此予每讀其感春雜詩髣髴陳子昂其北風行陳太僕五圖歌及贈予長歌諸作沈鬱蒼古必傳也於庠世之富貴躋壽考者何限臯某方號屋而其身名已與齒豁同朽如腐草濕螢奄然漸滅而穀城尚有不朽者存夫又奚憾穀城姓周氏名漢石宜與人籍吳郡諸生穀城字也

青門賸藁卷四

八

## 二家詩鈔序

今海內稱詩家並稱新城商丘兩先生無異辭蓋如室  
華之有太少禪宗之有南北矣兩先生各專集行世長  
衡乃合鈔之錄之黎而爲序曰一代風雅之歸必有正  
宗宗之言主也尊也言其人能主持風雅而學者尊事  
之也夫其所以爲一代之宗者其才足以包孕餘子其  
學足以貫穿古今其識足以別裁僞體而又有其地有  
其時夫才與學與識人也地與時則有天焉五者兼焉  
故難也今夫躋高位都通顯者其氣力能奔走一世而  
或不暇問風雅爲何語而古今詩人多窮而在下屈勢

青門賸彙卷四

九

與位如孟郊張籍陸龜蒙梅詢蘇舜欽之徒往往能自  
不朽於身後而及其生存往往困踣湮鬱不能自振而  
世亦未有從而推之者阮於地也亡友汪鈍翁先生常  
舉元遺山語以爲金源之文如宇文吳蔡諸人皆宋儒  
之仕於金者大定明昌間文派斷自蔡正甫党竹谿趙  
閑閑始因而推論本朝詩文若常熟太倉合肥諸公  
雖或爲文雄或爲詩伯亦皆前明之遺老衡心韙其言  
竊疑正宗別當有屬何者軋於時也然則本朝五十  
年間能兼是五者而得之而爲風雅宗意在兩先生處  
衡奉教兩先生久數聞緒論因得以闕作者之旨新城

天授既高變化逾出如遊賈胡之肆光怪瑰瑋而珊瑚  
火齊木難之錯陳也商丘含吐醞藉標格雋上如良玉  
之溫潤縝栗而精采肆映也其體製故不相襲而其淵  
源於風騷漢魏三唐以自成其家大概相同兩先生既  
遭際昌時受天子特達之知爲時名臣而乃出其緒  
餘揚扞風雅天下士之趨之如波委雲合皆曰兩先生  
一代之宗工也而遭逢加盛焉詎易得哉嗟虜自祗唐  
禍宋之說盛後生靡然且謂兩先生亦嘗云爾顧兩先  
生詩具在其所爲滂源風騷斟酌漢魏三唐以自成其  
家者各有根柢雖閒亦取於宋人第以資汎濫耳學者  
病不好學深思不能知前人根柢所在而爭剽販於景  
响形模之間妄分畛畦前膚附唐人而贗今膚附宋人  
而亦贗影掠李何王李諸家而失影掠蘇黃范陸九楊  
諸家而亦未爲得沒人笑溺舉世滔滔自惟挽之無力  
庶幾尊兩先生以挽之是則余鈔二家詩之指也夫新  
城王氏名士禎字貽上學者稱阮亭先生商丘宋氏名  
舉字牧仲學者稱漫堂先生集各如干卷掇其尤者次  
爲王氏漁洋詩鈔十二卷宋氏綿津詩鈔八卷

青門賸彙卷四

十



愔園文集序

愔園集者故大司寇健菴徐公所著詩十卷奏疏記序雜文二十四卷公子侍御君類而集之嗚呼公一代偉人也。國家太平五十餘年。今天子稽古右文儒學鄉用而公適際其盛以高第第三人官侍從入備顧問出效編摩會詔修明史修一統志輯古文淵鑒諸書悉以屬公於是公之著述在天府。上知公可大用欲試以事命佐宗伯掌邦憲歷大司寇公屢有建白在禮言禮在刑言刑侃侃不爲唯阿而公之議論丰采在朝寧一再枋文衡拔擢寒畯收召名流海內之士波蕩雲會翕

青門賸囊卷四序

士

然以君宗推之窮鄉遐徼無不熟公姓氏而公之名在寰宇嗚呼公固一代偉人也。不待文章以傳而公之文章又焯焯可傳非佔俾小儒可及者其故有二曰讀書多曰聞見廣公家居構傳是樓貯書數萬卷視其鄉前輩藏書家太倉虞山殆爲過之公既稟資絕異又篤嗜學孜孜矻矻寒暑疾病未嘗暫釋卷遂能博極羣書而所交多鴻生鉅儒益上下其議論又身所歷朝章國故郊廟典禮沿革諸大政考據逾詳諳練逾晰故其發而爲文無意求工而自不能不工視豎儒挾兔園殘帙習聞丘里之言而自侔工文者相去何止莛之與楹今

夫下邑小聚中人家稍高其開閤具闔扇飾塗墀自謂觀止矣與之遊京洛之雉闕王侯之邸第連房洞戶柱壁雕鏤加以銅漆牕牖綺疏青瑣不覺瞠目自失蒙袂疾趨而反亡它其規撫大小異也文章猶是矣公遇事激叩每言人所不敢言其剛正邁往之氣折而不回故當時愛敬公者多而忌公者亦衆以人言紒疏乞歸上不得已聽公歸許以書局自隨既歸而忌者猶未已吏議敗其官又撫它事文致其子姓公怵怵不自安乃避而之林屋之長水又避而之鳳山邨舍艱陋房皇幾於投足無地賴天子仁聖保全恩禮勿替未幾有

青門賸囊卷四序

士

詔起公將復用未及聞命而不幸以前一昔棄賓客矣嗚呼抑命也夫然而詆指當代偉人必歸之公卽忌公者亦未嘗不以相推是足覘公之大已公好士若饑渴士苟負材藝不憚千里羅致而或去而畔公者亦不之怪子瞻有云翟公罪客而公罪已與士益厚何古今一揆也故蘅竊以謂公好士篤誠似宋歐陽修學問文章似明宋濂以儒臣際會盛朝榮寵優渥與濂亦相似然濂垂老投荒薶骨夔峽而公得蒙恩終始其遭逢之幸有非濂所及者嗚呼豈不難哉蘅衰老久棄於世獨嘗以文字辱公獎藉謂可進於作者一言知己沒齒不忘

又怪公歿且四年謗歟亦熄而當代立言之士未見有焯然爲公表章者何耶衡輒爲此序貽侍御君非僅以挂名公集爲幸後之論世者亦將有取於余言也

耐軒遺彙序

予族兄耐軒先生蚤歲成進士宦遊幾三十年手未嘗去書生平不欲以詩自名然興至輒濡毫落紙簌簌如風雨聲數十百言立就其得意處往往有鵬舉海立可愕可喜之觀視世人所爲儷花鬪葉粉黛纂組奄奄無生氣者輒唾而笑之尤長賡韻每拈一韻至數十賡不窮閒集唐句爲古近體天然湊泊無斧鑿縫紉之迹蓋其於古人詩自李杜昌黎以至歐梅蘇黃諸家靡所不好而出之自爲耐軒之詩予評其詩似楊誠齋或疑不類予曰子不見誠齋自序乎始學江西旣又學後山半山晚學唐人最後乃辭謝唐人及王陳江西諸君子皆不敢學而後欣如也斯則誠齋與耐軒所爲自得者矣予瞻稱江瑤似荔子又稱杜詩似太史公書賞其神味耳形焉乎哉先生沒且三年其次君曷哀其遺詩如干卷屬予序將鐫梓以傳憶先生宦豫章予客其官舍每雙燭清談至夜分一夕偶論詩小屈則大聲曰今海內詞人易與耳僕行歸矣讀書三年且當拄諸君之齟因相與大噱而罷嗚呼笑言在耳而先生之墓宿草矣昌黎有言人欲久不死而觀居此世者何如也可慨夫先生諱延齡字靜山耐軒其別號姓邵氏與予毗陵之邵



同出康節公後今爲平湖人。高字葵園。績學攻詩。世其家者也。

積善錄序

代

積善錄者平江老儒朱翁排續吳舍人孟舉所爲賑饑救苗已責助喪諸善事成帙而名之者也。孟舉博雅以詩文名。又精書畫。賞鑒雅不樂仕宦。予擬其品當在楊鐵崖倪雲林閒詎以是編重朱翁之意亦以風乎世之擁賢自封。賸生而心死者耳。爲之序者五六家皆文章鉅公也。毋論予不文。卽文奚辭於贅顧錄中有一事可補史傳之闕。而論世之士亦或有取於斯者。余特表而出之。孟舉有疎戚曰費君名彥芳。明萬曆閒舉於鄉。崇禎五年補平涼隆德令。未幾流寇薄城守弁某先遁。君登陴扞賊中流矢城陷賊執君掠署舍蕭然無長物。訖曰窮如是其好官耶。縛不殺先是君以九書乞援於固原道陸公夢龍報曰第堅守且日自提兵來而書爲賊所得設覆六盤山以待陸至陷伏中力戰被重創死。全軍殲焉。賊怒君之乞援也乃害君。君挺立受刃。腹頸皆穿穴以死。事聞當優卹而逃弁某賄樞部卹罪於君謂城守謀疎故僅贈奉直大夫靜寧州知州喪歸貧不能葬二子又相繼死孟舉慨然爲舉三喪屬呂雷良銘其幽蓋距君之死四十九年矣。呂文最感概可誦大略謂明季仕宦獨尊進士而其中又有門戶之黨出必由進

士仕必入門戶。則進捷而退難。聲譽易起。絀誤易復。失職敗節。可飾罪為功。其力至於顛倒一世之刑賞。是非而不以為難。公特以不由進士。不入門戶。以迂拙守宦。死封疆而無聞焉。予讀之不禁掩卷歎。蓋明自熹宗時。閹禍蔓延。正人刳屠。略盡思陵之世。僅存者一二。斬刈糜爛之餘也。而門戶愈堅。朋黨之禍愈熾。黨同伐異。賢者不免。卒之君子不勝小人。勝而明祚亦移矣。二百八十年。無恙之金甌。破碎於千百庸進士之手。相傾相軋。馴至土崩瓦解。而原諸臣之心。則宗社可覆。君父可亡。而進士門戶之局。必不可破。百世而下。讀史者有餘痛焉。嗚呼。賈君以老孝廉身殉城社。而事往世移。史書既未必錄。而鄉里亦鮮有能記其事者。向微孟舉。則忠臣姓名幾何不為。獮狢噉盡。而羈魂之泣。青燐而嘯宵露者。且求一抔之安而不得也。然則孟舉豈不誠高義哉。予序積善錄而於君之死。特詳者。欲令後世知有君名。因茲錄而逾著。或者亦孟舉意也。

青門賸藁卷四序

七

痛焉。嗚呼。賈君以老孝廉身殉城社。而事往世移。史書既未必錄。而鄉里亦鮮有能記其事者。向微孟舉。則忠臣姓名幾何不為。獮狢噉盡。而羈魂之泣。青燐而嘯宵露者。且求一抔之安而不得也。然則孟舉豈不誠高義哉。予序積善錄而於君之死。特詳者。欲令後世知有君名。因茲錄而逾著。或者亦孟舉意也。

題外單拈一事作序變體也。昌黎太學博士李君誌銘。六一海陵許氏南園記。已開此格。末幅浩瀚淋漓。二百餘字。作一氣讀。真是扶龍門髓。

明文在序代

文之有選。始於梁昭明。其所收雖未足盡。秦漢魏晉之文之勝。而後之言選者。昉焉。自是姚鉉有唐文粹一百卷。呂祖謙有宋文鑑一百五十卷。蘇天爵有元文類七十一卷。明文久未有成書。薛子乃編次為文在一百卷。既成。以序請予讀之。竟褒為之序。曰。文章在天地間。其用最廣。三代六經之文。予不敢輕論。已後世稱文。乃厘以詞章當之。顧所係亦鉅矣哉。上自朝廷郊廟詔誥冊祝。非文不宣。奏議牋啟。非文不達。史官之藏。朝章國故之太。非文不著。名公卿大夫之勳伐行事。非文不行。不遠

青門賸藁卷四序

六

下至山川草木。贈送遊覽器物之微。非文無以徵古今。抒意旨。蓋天地無終窮。文章之用。亦與無終窮。不能一日廢也。自西京歷唐宋元之久。為文者至多。而為之而詣其至者。邈固而下。不過數十家。其間代有升降。因之文章有洪纖高下。深淺精粗。蕪潔之殊。或者疑其不盡。同獨聞取是數十家而按之。大概其出也。有原。其注也。有委。施之世。可以裨用。垂之後。可以不朽。則未嘗不同。夫其所為不同者。形模也。句字也。其同者。本原也。嘗譬之水。然河之渾。淮濟之清。江之洶湧。湖波之演漾。其變不窮。而其出於地而注於海。則同。豈惟是。凡盈天地間。



之水巨細不可以什伯計而苟其發之有原注之有委則皆得以水名惟夫爲斷港爲潢汙斯無取焉耳近代之言文者吾惑焉六經不可學學文當法選固前人有爲是言者於是一二人力而爲之舉世靡然從之顧選固之本領不可得而闕而遷固之形模句字易襲也識者乃從而詆其後曰賡史漢詆之則思採之採之之道舍歐曾奚從於是一二人力而爲之舉世靡然從之顧歐曾之本領難闕其形模句字易襲猶之史漢也識者又將從而詆其後曰賡八家嗚呼本之不探而徒相徇以貌此亦一賡彼亦一賡吾懼相詆訾無已時也是編

青門賡彙卷四序

九

所收未知足盡明文之勝與否而能斤斤祖禰歐曾蓋將躋明一代之文與宋元諸名家並而由宋元以力追數千載之上而與之頡頏如歸震川所云者庶幾近之已按文鑑止於北宋文類成於元統皆其本朝之人爲之姚鉉以宋人纂集唐文與是書頗類鉉書成藏於家其子嗣復始上之朝猶未卽行世薛子以門人之力錄諸梓得身見是書之流布則門人亦賢矣薛子名熙字孝穆常熟人

井梧集小序

壬申杪冬今大中丞宋漫堂先生延予幕府先生雅知予讀書論文外不以俗事相撓所居寓齋前高柳清池池上假山孱顏翛然野趣吳門距予家二百里而近音問時至無越鄉之悲故予頗安之先生稍暇輒課詩詩成互相彈射雜以朱墨脫略如布衣交三年之間予得詩一百四十餘首經先生點定爲二卷而先生詩如干首附焉題曰井梧集取予美清秋幕府句也嗟乎今之幕府視古迥異唐時節度諸使得自辟置便登朝籍宋則皆朝士爲之如尹師魯於范文正歐陽永叔謝希深諸君於錢思公是也今直寒士筆傭沿其名耳昌黎稱李杜文章光燄萬丈予何敢以燭火希光於日月顧聞按子美集所爲贈嚴中丞及幕府之作多至數十首而鄭公詩見集中者寥寥未稱又嘗誦子美宿府詩曰已忍伶俜十年事強移栖息一枝安遣悶詩曰束縛酬知已蹉跎效小忠立秋雨院中詩曰已費清晨謁那成長者謀蓋往往有抑鬱亡聊之概焉然則子詩不敢望子美而先生則遠勝鄭公矣夫後之視今猶今視昔後世之士或亦有興感於茲編者夫

青門賡彙卷四序

十

贈侯粵文序

叔向攜手駸明聞其言也趙景真追逐中散奇其貌也  
侯君家於宋距余邑二千里平居無一言之介半面之  
雅忽焉慇懃寄聲歲一再至蒙之區區竊亦未喻噫倘  
所謂神交者耶夫偶一相思千里命駕古人有是今亦  
宜然雖然此猶有待也余將化尻以爲輪神以爲馬遇  
君於寥廓之域亡何有之鄉泊焉相遭听然而笑君與  
余不自此遠耶

青門賸彙卷四序

圭

青門賸彙卷四終

金焦集序

稗海以內山水之挾奇而名者不可以數計而或山與  
水相遭則大奇遭矣而山與水勢足相敵則益奇江以  
南故名山水處也其水洶湧澎湃魚龍吟嘯再折數千  
里而東注者曰大江環三州之竟周五百里掀天浴日  
潏潏不見涯涘曰具區而阨大江而爭奇者其山曰金  
焦踞具區而爭奇者曰洞庭七十二峰蓋相遭而勢  
又足以相敵予行天下不數見是也侯君博雅環奇之  
士工詩而家於吳門其視具區洞庭猶几案閒物也而  
客遊則於金焦當其揚舲泝江登妙高尋瘞鶴馮弔北  
固南徐英雄之遺蹟訪三詔之高踪邈然興懷慨然而  
賦蓋山水擅奇於東南而詩又足爭奇於山水遊如是  
詩安得而不工也侯君姓顧氏名嗣立遊以丁丑八月  
往返未旬月得詩凡四十首題曰金焦集刻既成毗陵  
邵某爲之序

章法奇絕昌黎後那得有此筆力

青門賸彙卷四序

圭



研堂詩彙序

予杪秋客遊歸肺病杜門三徑聞如忽長須持名紙入視之則楊子地臣也予夙耳地臣名久聞其工詩又工舉業家言欣然屣履出攝相見一揖外楊子出所爲研堂詩彙示余余受而陳之几未暇讀而與楊子論詩楊子之言曰今天下稱詩慮亡不祧唐而禰宋者予曰然詩之不得不趨於宋勢也蓋宋人實學唐而能變逸唐軌大放厥辭唐人尚醞藉宋人喜逕露唐人情與景涵才爲法斂宋人無不可狀之景無不可發之情故負奇之士不趨宋不足以泄其縱橫馳驟之氣而逞其膽博

青門賸彙卷四序

三

雄悍之才故曰勢也第學之有善有不善耳顧近來吾吳詩派則往往喜輕俊婉麗宗玉溪而稍近元人譬如吳趨少年輕衫細唾又如新婦子粧梳粉白黛綠百態呈新而於少陵所謂前輩飛騰鯨魚碧海者或未見焉予心訾之而未知所以救也楊子聞予言而是之是日扈酒細論予病亦良已抵暮別去乃剪燭讀研堂詩大概生新韻折不屑屑規撫唐宋亦不隨近今習氣而能自據胸臆所欲言今代詩人雖多如楊子者豈易得哉楊子故世家子能自刻心無綺紈膏粱之舊弱冠補諸生有聲屢蹶場屋而氣逾銳而伎逾工予友陳子道

稱其文珠光玉潔識者欽爲特達之器而其嶽崎歷落倜傥感槩不平之鳴亦時時於詩發之然則楊子之詩又自有日進益工者而予序尚非定論也楊子別後爲古詩一章寄予有曰一見能盡言避席實悚聽勿愛西崑詞勿學工餽釘滔滔看波靡矯矯回風勁又曰飲我松醪醇飯我雲子淨夕陽趣人行月舸乘逸興記爾日情事可念予每吟諷不自已云

青門賸彙卷四序

三

青門賸棄卷五



記 九首

毗陵 邵長蘅子湘 纂

元墓探梅記

環元墓而山者以十數環山而村者以百數環村而梅者無隙壤也花時平望三十里如雪故元墓之名以梅著元墓相傳晉郁泰元葬此得名亦名萬峰山一曰卽鄧尉山冬燠無雪今歲梅特蚤中丞公以正月初十日戒行會風雨不果十一日雨止放舟三十里木瀆又三十里虎山橋公舍舟肩輿行同遊者皆竹堦從出沒湖

青門賸棄卷五

記

光嵐翠閒遊興躍躍五里抵元墓聖恩寺主席仁公肅入坐四宜堂堂前古桂六七株離奇欹倚數百年物也堂之右稍南小軒爲今上駐蹕所御書松風水月字嵌壁閒前仍設御榻瞻視而出飯於還元閣閣面湖環山松風謖謖然飯罷循修廊出寺後山麓觀真假山石玲瓏類人工鏤鑿故名凡物往往以假冒真茲石獨以真冒假爲之一笑已乃取徑萬峰院登鐘樓樓前多壽藤長松牆外巨竹萬箇爭挐雲聚密幽清凄寒未夕而暗出竹閒循石級南下半里許地漸平行回望四面皆梅蒼蘗香氣花光合市夕霞如燕支紅返射

益奇麗還坐石橋欄徙倚久之則林壑暝色煙雲暮色澹月在松杪矣返寺茗話僧定後公與猶劇攜蒲團跏趺御榻旁聽仁公談禪說莊子予閒一訓答覺有理趣夜且半予返閣中宿籟響谷鳴松濤颼颼逾激幾不能成寐中丞公字牧仲姓宋氏學者稱漫堂先生同遊六人公子筠孫吉金羣從之舉鎮遵化戴生日宣予則毗陵邵長蘅

彈山吾家山遊記

彈山在元墓西南六里山故有七十二峰閣公耳其名久銳欲往十二日晨行二里過董澤陽墓至此逕益狹

青門賸棄卷五

記

花益密低枝觸帽絛衣遊者時時側脰過之閣踞彈山巔圯不可登有李西涯篆書題額亦破碎山爲顧文康公丙舍公名鼎臣明嘉靖間人閣後稍東百餘步正面太湖湖中山近而最大者曰西洞庭稍南益東而大者曰東洞庭馬跡山則翠屏隱隱在百里外其它如龜如鼉如龍舌如梭如蛇如猫如鼠如鳳凰如錢堆如大玃小玃大雷小雷如石公如謝姑如南鳥北鳥東島西島如栗如杵如筆格如蕩帽遠者近者浮者沈者峙者蓋七十二峰若可數云按志彈山亦名潭山故土人呼潭東潭西也潭西小山曰茶山曰石壁梅爛熳望之如



雪滿山與湖光相映。下山飯邨莊行三四里登吾家山。山高僅廿仞。其上少花。多巨石。鮮駁。下視則千頃一白。目滉漾銀海中。幽麗殆不可名狀。月夜登此。不知奇更何似。公欲題以香海。予曰。極佳。可作漢隸鐫崖石上也。循舊逕下。至虎山橋。入舟解維歸。爲記遊詩若干首。命某同賦。今夫探幽勝。嗜吟咏。此山林之士之所擅而樂也。公以中丞提節鉞。撫七郡五十三州縣吏民。顧不撓於劇澹。然有以自足。而又汲汲與山林士爭一日之樂。非賢者能與爲之。記歎公之賢不可及也。

靈巖山遊記

青門賡稟卷五記

三

歸舟至木瀆。日未晡。故韓蘄王墓在靈岩。西麓公艤舟往觀。登岸不一里。豐碑兀峙。高可三丈。闊當高五之一。額曰中興佐命定國元勳之碑。爲宋孝宗御書。文則趙雄譔。周必大書。公徘徊求王冢。不得。向碑石再拜。蓋冢在碑西北里許。榛莽翳之。嗚呼。當王之葬時。玄甲列陳。起冢象山。極一時壯麗。高峻雄傑之觀。距今五百五十年。而一坏寂寞。斜日蒼涼。鷄狸驚竄。欲求當年石馬翁仲之遺蹟。而剝泐頽仆。僅有存者。嗚呼。如王之赫赫功蓋天壤。猶若是下。此者何恃與。然幸而王功在史書。雖童穉婦女。識王之名。固知北山石檸紵絮。陳漆。安歸。

朽而名垂簡冊者。爲可久。與公屬有公事。先返。予與同遊者從微逕上百步街。捫石鼓。望醉羅漢石龜。極肖獨西施跡。未免唐突。循寺門西折而北上。石磴至響屨廊。山雨忽來。琴臺咫尺。不得上。踉蹌入舟。覺遊興頓盡。舟抵胥門。昏黑久。門者猶啟牡以待。入署。予疲極就枕。夜漏下十刻矣。後三日記成。蓋甲戌正月望日。

青門賡稟卷五記

四

深淨軒記

使院來鶴樓之左有池規可廿弓相傳明萬曆間巡撫某公鑿池上故有軒吳郡志稱鑿池栽竹極幽邃之勝是也軒之廢不知何時池西老屋三楹廢爲庖廚爨煙突煤楹桷黝剝乃俎腥穢之棄以池爲鑿巨石頽斷或臥或踣第草翳之窪然者塗汚而已商丘宋公來撫之二年政簡俗誠理甚無事暇日行池上延佇久之曰是中大佳如委之草莽何於是醜之而神漢出時之而美藻華已乃徙竈遠庖因舊屋而新之以簷以垚以甃闢東向而池繚以朱檻波光日景滉漾動搖環池植竹幽

青門賸稿卷五

五

蔭翳蔚旣成與賓從觴詠於是凭檻四顧則芙蕖之媚靚翠篠之蔥蒨怪石之嶽峯與夫嘉花蓂嶽疎梧高柳之掩映若前日未有是池而一旦開闢疏鑿而出而萃勝於軒之中也公樂之名其軒曰深淨命長蘅爲之記客曰公之名軒蓋取少陵竹深荷淨句也予曰固然然可以觀政焉蓋公言治道貴清淨曹參師之而齊國大治其入爲漢相大指如奉教於蓋公者故其時歌之曰載其清淨民以寧壹深淨猶曰清淨莊子曰息之深深息深則神清淵深則波清故深清皆從水理相因也然則公之撫吳其卽參之治齊乎後此繼公而來者凭茲

軒而思所以命名之意則吳民有厚幸焉記之作豈徒垂茲軒於有永公曰予志也乃鐫石寘之壁康熙甲戌閏五月九日

青門賸稿卷五

六



傳是樓記

大司寇徐公健菴先生名其藏書之樓曰傳是吳門汪鈍翁甬東黃黎洲皆爲之記鈍翁之言曰先生召諸子登樓而詔之曰吾先世故清白起家吾無媿田宅園池臺榭金玉玩好之物以傳後所傳者惟是耳矣遂名其樓曰傳是而黎洲則以謂世之藏書者未必能讀讀者未必能文章而先生兼是三者而有之非近代藏書家可及其說美已顧衡竊疑先生名樓之意不在此常誦昌黎文堯以是傳之舜舜以是傳之禹禹以是傳之湯湯以是傳之文武周公文武周公以是傳之孔子孔子

青門賸棄卷五

七

傳之孟軻乃喟然曰先生所以名樓意在斯夫傳是者何傳道也蓋昌黎自言之矣斯道何道吾所謂道也嘗試博觀天地古今之故微而性命道德仁義顯而君臣父子夫婦昆弟朋友其精則卦象圖書其迹則紀綱政事禮樂大則皇帝王霸之政所以相嬗細則鳥獸草木蠕蠢肖翹之所以咸若皆是道也六經載是者也子史百家羽翼是者也善乎先儒之言曰昔聖人之述六經也猶之富家者之父祖慮其產業庫藏之積其子孫或至於遺忘散失而記籍其家之所有以貽之使之世守故六經者道之記籍也聖賢所以相傳傳是而已或曰

樓所貯不特六經子史已也凡山經野乘以至浮屠神

傳醫藥卜筮種植之書靡所不收合乎道者離乎道者甚而披猖滅裂顯畔夫道者皆在焉循子之說如偏而不該何衡則以爲是未聞道者夫道有相因而相爲用者質文損益舟車裘葛之類是也有相反而實相成者水火東西黑白之類是也不相因不見道之全不相反不見道之大故曰稊稗瓦甓無乎不在且夫道術之裂久矣舉世貿貿沒溺於訓詁辭章之學而莫知所擇必當有鉅儒者出滄流而濬源上闢鄒魯下守洛閩息異同之喙而倡明一代之絕學如姚樞許衡其人者乎是則先生傳是意也而顧謂厪厪以錦標牙籤與藏書家相爲勝豈知先生衡氣機者哉衡愚陋又有所大惑者近來一二振奇之士厭常喜新於六經子史之書讀焉未必能遍也而務搜求斷編僻簡七畧四庫所不列前賢所擯斥而不暇以觀者偶得一二傳相鈔寫侘爲秘函智者不免今夫稻粱蔬肉以爲食繒絮布帛以爲衣古今莫之易也有人焉曰吾食必龍之膳麟之脯吾衣必鮫人之杼火浣阿錫之布不則寧凍餓以死吾惜其人之自蹈於凍餓瀕死而不知悔也悲夫苟得先生之意而深思之其亦可廢然返己夫

青門賸棄卷五

八

西陂魚麥圖記

商丘公命廣陵禹生圖小照科頭野服坐柳樹下面清溪溪荷如錢岸麥新熟如黃雲釣艇魚罟與夫瓜舍牛宮參差映帶題曰西陂魚麥圖屬長蘅爲記公之言曰吾邑西門爲古埕澤之門距城闔三里有埕歸然高十仞削立如卓錫志稱關伯墓云又西南行十里有澤演漾而滌紆澤多菱芡蒲葦荷九盛聯綿隋堤南湖森然勝觀予別業在焉先是其地史氏常居之名史家河予乃更名之曰西陂以在邑西也詩曰彼澤之陂有蒲與荷孔安國曰澤障曰陂也予常欲移家而居焉此願懷之十年而宦遊南北卒卒未遂乃僅託之圖畫形之篇什且累累盈卷軸矣今又作是圖自惟固陋遭逢聖天子知遇之隆再擁節旌更巨鎮寵榮逾涯大懼無以報稱臣子之誼豈敢言乞身然而故鄉之思寤寐不忘是圖蓋取元次山將家就魚麥歸老江湖邊之句而名之可以見予之惓惓於西陂也長蘅曰公不可以次山竝次山刺道州遭亂時政迫促不行其志退而思自放於江湖故其言如此公際盛世道能獲於上澤能及於民中外相望將大用公固不當於次山竝第所爲守官靜以安人偶相似耳歐陽永叔續思穎詩序自言南

青門賸棄卷五

九

至在中書十有八年而得十三篇在毫及青三年而得十七篇以爲年益加老心亦漸迫故其言愈多也公儻類是乎然閒按歐公年譜皇祐二年留守南都卽思買田穎上其致政歸老在熙寧四年中間相距廿有二年而歸穎之願始遂公素澹榮利嗜山水其難進易退不殊歐公吾知公之引竿刺船於西陂固當有日而今非其時也則聊以是圖寄臥遊焉可也商丘公姓宋氏

青門賸棄卷五

十



香草菴記

予友胡君以香草名菴。惲正叔爲之圖。顧方江詹瞻龔仲震賀剡川爲之詩。方樓岡爲之序。諸君皆一時知名士。樓岡序引王元美所爲葉文莊菴竹堂記及楚書化城事。蓋君之菴固無有也。憶戊辰春遇君蘭闌揖而請予記。予客遊忽忽八九年。比詢君近狀。則菴仍無有也。予笑曰。君之菴虛也。予請爲君實之。君之名菴非有取於屈原香草之思乎。按離騷所引喻香草不一而足。其首章曰。扈江離與辟芷。紉秋蘭以爲珮。離離也。生於江曰江離。一曰卽蘼蕪。一曰楚謂之薜。音謂之薜。齊謂之薜。之。芷也。辟芷。芷生幽僻也。蘭闌也。以闌不祥也。傳曰。德芬芳者。珮蘭荀子曰。蘭芷。本漸於蜜醴。一珮易之也。連類而及者。凡十有二。曰蕙。蕙惠也。或謂之蕙。氣薰則惠。和也。曰荃。卽蓀也。原借以喻君。故曰荃不揆予之衷情也。畱夷者。畱畦也。揭車爾雅曰。揭車。芑與是也。杜土鹵也。杜蘅葉似馬蹏。俗呼馬蹏香也。菊。全鞠爾雅。鞠治牆。今之秋華菊也。或曰。鞠窮也。草有華至此而窮焉。故謂之鞠。薛山蘄也。薛荔。緣木而生。藥荔然也。胡繩。葉纚纚可繩也。葳蕤也。荷芙蕖亦名芙蓉也。草而及木。凡三。曰木蘭。白椒曰桂。惡草之類曰葳蕤。施曰茅。口葳

青門賸彙卷五記

士

艾曰。椒以喻佞。嬖上官大夫靳尚子蘭。鄭神之徒也。原意若曰。謂幽蘭不可珮。謂申椒其不芳猶之曰。是椒也。蘭也。至於蘭芷變芳。荃艾化茅。則與之俱化矣。蓋世之盛也。君子道長。小人樂爲君子用。或化而爲君子者。有之。泊君子道消。則中材皆驅爲小人用。甚而君子而化爲小人者。亦有之。宋明黨禍之末流。可觀已。若乃獨立而不懼。瀕九死而不悔。如原者。何可及哉。何可及哉。太史公稱之。謂可與日月爭光。信矣。其曰志潔故稱物芳。則香草之謂也。夫原之於香草。特寓言耳。君以名菴。又寓原之所寓耳。君試以予記張之壁間。士友入君室。誦予之記。則江離蘭芷蕙荃之屬。若蔚然紛披於除菴然。苾勃於几於榻也。則君之菴竟可不作也。君名某號半莊。嗜書工詩。喜與名人遊。康熙丙子八月邵某記。用爾雅說文體。亦學昌黎讀者。自不覺耳。

青門賸彙卷五記

士

客山園記

上虞治之東北三十里有山竦拔而挺峙如賓客者曰客山對面有山類橫琴者曰琴山形類鳳者曰鳳皇山迤西一峰離立高及客山半若俛而拱揖然曰主山羣山迴合隱然如環中有居人數百家其里名五大夫鎮相傳昔焦媼居此五子皆爲大夫因以名而玉梅溪會稽賦則又稱五松云地多水田平疇宜秔秫其東有湖曰新湖淪漣十里漁莊蟹舍映帶如畫是姚虞之界矣予友尹君迂夫居其地數爲予言之如此君又言曰客山距舍下僅百武舍旁故有隙地一畝而廡中有池

青門賸彙卷五

三

有梧柳予將甃池種荷環池益植巨竹梅花叢桂之屬又將構屋五楹於池北中爲天放軒虛其左右以皮書籍貯茶器酒具而榜其扉曰客山園予故倦遊將歸老於是矣敢以記請予笑曰吾記易耳須子園成記之未晚也尹君曰不然吾園旣成則園娛心也吾園未成則心造園也久矣夫吾心之有一客山園也而奚不可記且夫造物者有亡成毀之數相循無端遠而金谷平泉履道之勝亡論已近而李文叔洛陽名園記周公謹吳興亭館記更近而遺老所親親記弁山一諸園其吞若吾園什伯而不慈芥者何限而今有存者予亡有也

嘗試曠覽古今當已毀之後視吾園未成之前孰有耶孰無耶抑吾園浸假自亡而之有浸假又有而歸亡有果成耶亡果毀耶吾不能知也夫旣而銷沈刻滅矣而區區之名仍存天壤則豈非文章之垂後者差能久與予喜其言類聞道者乃次第之作客山園記君名鏐能詩工臨池亦豪於酒迂夫其自號也

青門賸彙卷五

五



靖江縣鶴祥菴記

靖之爲邑四面環大江洲嶼芊綿孤山兀與海潮相迎距望之洪波灝灝疑若海外員嶠然其具城郭闐闐墟落亦一奇也鶴祥菴在邑之元山距郭十里而近菴之建蓋以劉處女云女故世家子幼卽蔬食有出世想稍長虔奉大士梵典不經指授皆能成誦一夕夢神語曰汝筭止十九齡亟祝髮女私念父母必不從乃自製僧衣帽潛出投尼菴比曉其家人覺邀之歸而一二惡少年驟有謠詠語父聞譙讓女女曰吾世緣行盡吾視去來倏然耳奚辨爲後四日忽端坐自繫死死之時

青門賸藁卷五

五

風吼鬼嘯異聲殷空先是鄰人見火毬二騰擲女所居樓脊上而家人婦夜聞僊樂自遠而近者三及引樁有白鶴十二導至葬所盤旋空中久之見者駭歎其父武南君思女不寘爲建丙舍三楹安木主而邨翁里媼皆稱仙姑往往有膜拜者君乃肖女像傍室而中楹供太士像令尼某者偕其徒居之此鶴祥菴所以名也君來具道前事請予爲之記予嘗覽續僊傳女僊謝自然每云登玉霄峰卽見滄海蓬萊亦應不遠於是入海求師後竟得僊去而韓昌黎作謝自然詩則云華榮慕絕父母慈愛捐疑心感魑魅恍惚難具言又云聆笙簫

韻來自冥冥天白日變幽晦肅肅風景寒其詩指卒歸之於正而事適有相類者顧未聞致白鶴與如劉女也或曰鶴陽鳥而遊於陰爲僊人之騏驎劉女疑果以尸解得僊故有白鶴之異或曰鶴靈禽皓潔不受汚女以死自明儼然不欺其志故鶴類之其來非異也以表潔也邵子曰信夫鶴之來以表潔則謂之祥也固宜菴成以康熙壬申某月爲之記以己卯某月

青門賸藁卷五

青門賸藁卷五

六

青門賸囊卷六

毗陵 邵長蘅子湘 纂

傳 八首

房景春阮之鈿合傳

房景春字和滿江都人萬曆壬子舉人崇禎間官房縣令阮之鈿不詳其邑里以薦舉官穀城令與景春同時當是時流賊在鄖襄間者號十五家亦稱十三家張獻忠羅汝才為渠率獻忠尤桀黠怵於新敗乞降總理熊某承制命監軍道張大經受其降獻忠入據穀城不宥放兵謾言曰予我十萬人餉為三郡扞圍三郡鄖襄荆

青門賸囊卷六

一

也熊某者故多易好大言且貪立奇功遽信之疏為請銜給以六月餉獻忠具軍狀備調遣然竟不應而汝才諸家賊蹂躪黃光隨間僱尸千里會總兵左良玉龍在田大破賊於雙溝斬二千餘級汝才懼叩太和山提督太監乞降熊某疏言臣於射革順徇四股主勦其餘九股主撫今汝才已輸誠請赦罪授游擊將軍詔許之率所部分屯房竹上保四邑時鄖屬列城灌莽房縣以景春故稍稍剪荆棘集流移完保聚汝才佐之解甲耕屯是歲崇禎十一年也明年五月獻忠反穀先是獻忠部賊數標掠之鈿執以告獻忠始猶稍懲以鈿既而掠

愈甚之鈿數言之曰縣官自不與餉耳得餉當自止穀城下有河當漢沔匯處獻忠立關徵稅月數千金軍士於草間得義勇營關防制府即以給之獻忠寢驕制府又檄張大經入穀城護獻忠軍大經客某得出入幕府諛獻忠干支當極貴獻忠心動反益亟之鈿屢開視禍福獻忠銜之之鈿度無可如何憂憤成疾累月不視事及是遂毀城塞囚徒劫庫兵殺傷吏民之鈿聞變遽飲鴆未絕賊突入索印之鈿搖手不與賊怒揮刀刃之奪印去縱火燔官舍骸骨為燼獻忠未反時之鈿題壁云讀盡聖賢書籍成此浩然心性勉哉殺身成仁無負

青門賸囊卷六

二

賢良方正蓋自知不免云景春聞獻忠反度賊必犯房縣呼其子鳴鸞往覘汝才為之備鳴鸞諸生負忠勇多力而健鬪賊素憚之是日馳入汝才營握手語曰君不念香火盟乎口血未乾亡從亂初汝才之乞降也景春以制府檄單騎往撫汝才及其黨白貴黑雲祥啞血盟故鳴鸞云然汝才唯唯鳴鸞見其目數瞋曰是賊叵測亟入城與守備楊道選授兵登陴景春遣間使縋城求援制府凡十四反最後以寸蹠蹠刺血書告急終不報既而賊火至獻忠兵白幟汝才兵赤幟俄與赤交麾其眾四面環城攻之白貴黑雲祥策馬呼曰亟以城讓



我曹保亡。它景春厲聲曰。吾頭可斷。城不可讓。賊又持張大經檄諭降景春。怒大罵。碎其檄。鳴鸞戰且守。相持五晝夜。發大礮擊賊。多死。賊負板穴城。城將崩。鳴鸞積薪焚鑊。油下灌之。又斬賊前鋒。上天龍於城下。已又擊獻忠。傷足。士氣益奮。而指揮張某故與賊通。開門延之入。城陷。楊道選巷戰死。景春被執。脅之降。不應。賊先殺同縛者數人。漉血滿前。景春不爲動。引頸受刃。鳴鸞伏父尸。且哭。且罵賊。又刃之。至死。罵益厲。僕隸宜亦死。同時有主簿朱邦聞與其家人俱不屈死之。鉅死以五月六日。景春後之。鉅二十五日死。事聞。贈太僕寺卿建祠。

青門賸彙卷六

三

鳴鸞與陳宜並得祔祀。總理熊某以受賊給大辱。國綏騎逮至都。論棄市。

論曰。明季寇禍烈已原。其所由失策。在撫一悞於楊鶴。有耀州之撫。再悞於陳奇瑜。有車箱峽之撫。三悞於熊某。有穀房之撫。而賊燄燎原。明事卒不可爲已。善乎鄭撫戴東旻疏畧曰。羅汝才詭占屯部。帶刃以耘。一有勃稽奮挺而起。張獻忠據邑弄兵。其人豺狼。萬一兩部俱動。則荆襄之禍。不知所終矣。以臣愚計。賊散則難追。合則易殄。今猶檻羊奔獸。周陸二三百里內。令命理臣率鄂郢之卒。督臣掃關隴之兵。出其不意。可以滅此朝食。

不報。嗚呼。謀賊不從。不滅。覆用誰職。其咎哉。予悲二八之死。乃具論焉。又按綏寇紀畧。載景春父子事頗詳。特以房姓爲郝。或別有據。姑並著之。

明末最有關係文字。叙次高老。不待言論。尤服其卓識。

青門賸彙卷六

四

明少司馬葉公家傳

公諱廷桂字青來七世祖諱受自江西太和徙河南之  
商丘爲商丘人考諱呈春以貢授訓導後贈如公官公  
少有文武大志喜論兵負膽畧中天啟壬戌進士授戶  
部主事遷郎中歷郎署四年大著聲蹟出爲陝西分巡  
道以內艱歸服除補陝西督糧道當此之時流寇起秦  
中延綏南北所在充斥渠魁則王左掛點燈子王嘉賴  
神一元又有不沾泥可天飛紅軍友李老柴上天猴獨  
行狼一條龍之徒蠶屯蛾聚大者二三萬小者數千人  
奔突飄忽郡縣不能制中外方亟邊才秦撫練公國事

青門賸藁卷六

傳

五

疏薦公有將畧可倚一面調分巡關內道特敕監軍是  
歲崇禎四年二月也公首條議用兵十三事皆中機宜  
練公建之以公督諸將趙大胤張全昌艾穆等三月從  
擊賊於中部四月從擊賊於郃陽又從急擊賊於韓城  
於柳村於上峪口每戰公被甲先登屢急叱咤大呼衆  
皆應聲騰赴因馳騎合擊賊輒大潰十日五捷凡斬級  
七百有奇鹵獲器甲輜畜無算點燈子跳而免乘夜渡  
河去公長軀偉要腹高七尺餘面方晬垂耳戟髯聲效  
如洪鐘臨陣儼若神人敵望之氣懾戰勝諸將上首功  
擲級滿前血淋漓積骸突兀如丘冢公踞上座引卮

滿意氣慷慨諸將功多者自起酌卮酒酬之一日將士  
追賊暮歸營公已寢未及驗級相率挽結賊首髮寘公  
牀下公勦寢達曙嘗夜起擷檐楹間有物纍纍然燭之  
則所割賊鼻耳也宿將悍卒皆咋舌竊語曰不意文官  
中有此人先是文臣爲監軍者不親行陣從容坐莫府  
治文書而已遇賊嘗躡諸將後問離賊遠近諸將亦以  
書生心輕之及見公所爲乃大驚服故爭樂爲之用七  
月賊李老柴等陷中部練公以公督諸將合總兵王承  
恩軍攻圍之城堅久不下公親率騎薄城流矢中胷飛  
礮及左股不爲卻夜大雨賊突圍犯營軍中亂公手斬

青門賸藁卷六

傳

六

一校以徇又自襲礮擊殺數十人賊乃退明日攻益力  
榆林道張福臻總兵曹文詔亦提軍至軍聲大振百道  
並登克其城生得李老柴一條龍輜致之京師磔都市  
是役也攻圍逾三閱月公之功爲最總督楊鶴方堅主  
撫議公爭之力且引段頰語以謂狼子野心難以恩結  
勢窮雖服兵去復動惟當長矛挾脅白刃加頸今日事  
勢正與相同不聽因與制府郤公退歎曰所謂治疾而  
必遺種者也後當思吾言矣既而受撫者多畔去上怒  
其誣飾楊逮訊論戍練公亦戴罪益服公先識靖遠  
盜劉瘤子本衛弁倡亂外連回囉詔書名捕數年不能



得會公以副使移駐靖遠。公曰：吾未抵任，盜不吾備，可禽也。密授計，遣壯士縛以來。猓氣斂。五年二月，鄜州亂。初，楊鶴所撫賊上天猴，其部二千人，散處鄜。至是，突發劫庫兵，殺一監司，總督洪公承疇念戢亂，非公不可，請於朝，移分守河東道，駐鄜州。始至，居民裁三百家，蒿萊滿城，狼白晝行市上。城半壁下臨流沙，築輒圯。公爲文禱於神，脫所著緋衣覆地，承土築之，城遂成。已乃招流移，設方畧，禽斬賊渠六十七人。上天猴誅死。鄜延復平。八月，從督師追殺賊於鐵角城，獨行狼可天飛伏誅。明年二月，以晉寇故，調山西河東道，移鎮蒲。十日，賊突

青門賸稿卷六

七

犯垣曲，絳夏間力戰卻之。七月，賊大至，援軍亦麇集，公晝夜竿芻粟，飭樓櫓，又厚養閒諒，謂賊動靜悉知之。出奇邀擊，多斬獲。賊遂巡遁去。公策曰：賊雖卻，窟穴如故，難未艾也。乃躬厲將士，轢河津，剷稷山，擗標聞喜，大枿其枿枿。賊在公境者，鞭門抵壁，爬梳畧盡。會冬，防河難，民擁河干求渡者數萬。公悉令結衣渡，有司慮賊難其，中力陳不可狀。公笑曰：吾在此，脫有變，吾自當之。是歲河竟不冰。父老訖以爲異。始至歲苦旱，斗米直白金七錢。公出步禱，泣下雨亦下。又多方振貸，所稟活甚衆。尋擢本省按察使，大同巡撫缺，廷議難其人，部擬推公上。

命改推京堂，召對平臺，部臣頓首言：葉某智勇兼瞻，五年監軍，身踐戎馬，廷臣無出其右者。七年五月，命以右僉都御史巡撫大同，大同爲沿邊重鎮，公至，適有寧恩之警，乃大閱諸軍，汰罷伍完聚穉，起亭障，謹邊塞，一鎮屹雄中外，遂請開馬市，歲獲馬十萬匹，籍馬價之贏六萬金，上於朝，詔褒之。自後以獲級功，再賜銀幣，又以叙捷功，廕一子錦衣衛副千戶。世襲又以入衛京師，賜銀幣飛魚服，而武陵相方枋中樞數，齟齬公，猶以其父鶴督秦時，郅也。公力乞休，前後疏十三上，得予告歸。甫謝鎮營卒，以缺餉夜半撞監司門，將爲亂。公聞變，遽躡履

青門賸稿卷六

八

出，遣一卒傳呼曰：中丞來。亂卒問公安在，公命舉燭火，大聲慰遣之。卒投戈伏地請死，戮其首亂一人，餘還伍。公定變於臨去，不動聲色。由威信素著也。歸一年，召起戶部右侍郎督理邊餉，改兵部右侍郎，總督諸軍務。公生平耿介，孤立不植黨。不旁門戶，故其再出也，益齟齬。屢有奏請，輒不報。以病再予告歸。而中州陷賊，公歸已無家矣。鳴序患陵末年黨禍益烈，其時非乏才，也不入其門戶，雖才不必用，用亦必不盡其才，責之愈重，則肘之也愈力。使必無成功，誰生厲階？至今爲梗，詩人所爲太息也。甲申三月，公浮家江南，時已病，聞燕都之變，勸



哭絮日。幾不欲生。自是公益病。明年五月王師渡江。破金陵。公由杭入閩。欲卜居東甌。航海遇盜。乃泊台州。趨黃巖。又從溫陵再航海。久之還至衢州。以順治三年十月日歿於逆旅。年六十二。是時本朝定鼎。公固知天命有歸。閩越相繼建號者。皆庸才。必無濟蓋決之蚤矣。自以逋播老臣。既不忍爲再醮之孀。又不欲向小朝廷苟延旦夕。而乃踣躡轉徙。漂泊經年。幾幸速死。且以訃客死。勝於家死。嗚呼。夫獨非人情哉。公固大不忍於此也。蓋至易簣逆旅。公於是乎爲全人矣。此論世者所以悲其志。而惜其遭逢之不幸也。歿且五十年。公子金

青門賸稿卷六

傳

九

吾君元滋孫增英。函公行狀及孝廉計東所爲誌。詔走千餘里。請爲之傳。予故掇拾其大者傳之。其它治行尚多畧不書。公在娠時。母任淑人。夢緋衣秉笏者曰。我居汝家。俄火光燭室。驚寤而公生。爲諸生。受知郡守鄭公。壬子榜發。置騎馳賢書。至鄭公曰。姑勿言解元。其葉生乎已。而果然。則大喜。二事其鄉人至今艷稱之。乃附著云。

論曰。公生於明神宗之世。海內晏安。又起家儒生。一旦當劇寇。顧慷慨自奮功名。可謂奇士。方官戶部郎奉命理御馬監三草場。張奄者魏忠賢黨也。乘間達忠賢指。

欲交公。公峻拒。一日。餽以內庖。公愕曰。使者悞矣。吾不識魏公。曷餉我。揮之去。明日。遽謝草場篆。嗚呼。其時義子乾兒蒲伏呼九千歲者。接踵也。彼其人。堪辱公唾否。耶。嗚呼。豈易及哉。

附參考事蹟件繫如左

一中部邵陽韓城諸捷。在四年三月。公初任監軍時。綏寇紀畧專繫之秦撫練。公國事無公名。當是練公以開府專征。公以監軍親履行陣。有功而紀畧止據塘報功歸主將耳。此處叙戰功。例用以字從字。似爲得之。

青門賸稿卷六

傳

十

一流寇名目如神。一元點燈。子類不下數十。各自分股蹂躪。非一地。授首亦非一時。三月諸捷。獨係點燈子一股。行狀概稱前後殺賊某某等。非今正。一中部攻圍三月餘。決非公獨將。行狀於諸將名。一切抹殺。紀畧并不載公名。均非信史。今據行狀爲主。參考當日情形。似已得七八。覽者庶不駭其互異也。一行狀公以四年八月陞副使。移駐靖遠。按中部陷賊在是年七月。攻圍凡三閱月。城始下。八月正在攻城時。不知何以移鎮。大盜劉瘤子。又實有其人。不敢刪姑畧其年月。係之鄜州。以前未審是否。



一公以議撫不合與總督楊鶴忤楊卽武陵之父也  
後武陵柄中樞與公修郅尚以此此事最有關係自  
應大書不一書又行狀有願假精兵三千可永絕寇  
患語當時賊勢已成燎原談何容易公老成謀國必  
不輕作此語行實亦不載刪之又鐵角城訛鐵甕城  
可天飛獨行狼伏誅亦非四年事今正宅無從考据  
者並依行實長蘅附識

侯方域魏禧傳

侯方域字朝宗。商丘人。祖執蒲。官太常卿。父恂。崇禎間  
官戶部尚書。方域既世家子。幼從其父。宦京師。習知中  
朝事。而於君子小人門戶始終之故尤熟悉。喜結納名  
士。與貴池吳應箕。宜興陳貞慧。最善。阮大鍼者。故魏奄  
義兒。屏居金陵。謀復用。諸名士共爲檄。檄大鍼罪。應箕  
貞慧主之。大鍼愧且悲。然無可如何。訶知方域與二人  
者相善也。私念得交侯生。因侯生以交於二人。事當已  
乃屬其客陽交。權方域。方域覺之。謝客不與通。而大鍼  
家有伶一部。以聲伎擅名。能歌所演劇。號燕子箋者。而

會諸名士以試事集金陵。朝宗置酒高會。趣徵阮伶。大  
鍼心竊喜。立遣伶往。而令它奴訶之。方度曲。四座稱善。  
奴走告大鍼。心益喜。已而抗聲論天下事。箕踞叫呶。語  
稍及大鍼。遂戟手罵。詈不絕口。大鍼聞之。乃大怒。而恨  
三人者尤次。骨後數年。南都擁立。大鍼驟枋用。與大獄  
將盡殺黨人。捕貞慧入獄。應箕亡命。方域夜出走。渡揚  
子。依鎮帥高傑。得免。方域儻蕩任俠。使氣。好大言。遇人  
不肖。平而視。然一語合。輒吐出肝肺。譽之不容口。振友  
之醜。能不恡千金。然亦喜睚眦報復。居鄉時。扞文網。崇  
禎末。劇寇李自成圍汴。急詔侯恂出督師。援汴。方域進

曰大人受命討賊廟堂議論牽制奏請不應徵調難集願破文法以賜劍首誅一甲科令守而晉帥許定國師噪當斬以徇軍事辦威立疾驅渡河就左良玉於襄陽約陝督孫公傳庭犄角於秦賊乃可圖也恂叱曰是跋扈也小子多言趣遣歸方域既負才名以明經索舉於鄉輒報罷尋邑邑致疾卒年三十有七是歲順治十一年也明季古文辭自嘉隆諸子貌爲秦漢稍不厭衆望後乃爭矯之而矯之者變逾下明文極敝以訖於亡朝宗始倡韓歐之學於舉世不爲之日遂以古文雄視一世末年游吳下將刻集集中文未脫藁者一夕補綴立就人益奇之既歿而文章乃大著初陳貞慧就逮入詔獄鍛鍊久之會大鉞敗脫歸後十餘年卒於家王師下金陵吳應箕謀起兵被執不屈死方域著有壯悔堂文十卷詩六卷又遺藁一卷板行魏禧稍後出其文章與方域並名於時

魏禧字叔子一字冰叔贛之寧都人其生以天啟甲子後方域六歲然不相識方域既歿而禧名繼起與之埒故世或稱侯魏云禧年十一補邑弟子員試輒冠其曹後十年會甲申之變愍帝死社稷禧聞號慟從博士後日哭臨縣廷居則憤惋叱咤如不欲生謀從曾給事

青門賸藁卷六

十三

應遴倡義復讐不果已乃謝棄諸生服隱居教授禧負才畧善擘畫理勢修幹微髭自光奕奕射人每事前決成敗縣策而後驗者十常七八方流賊之熾也承平久人不知亂且謂寇遠猝難及禧獨憂甚移家翠微峯居焉翠微峯距寧都西十里四面削起百餘丈中徑坳自山根至頂若斧劈然緣坳鑿磴道梯而登其上穴如窺口因實開爲守望士友稍稍依之而彭士望林確齋亦至士望南昌人字躬菴遭亂喜結客立義聲公卿間與禧立談定交遂偕林絮妻子來家翠微林故南昌宗室子變姓名爲林確齋世所稱易堂諸子也其後數年

青門賸藁卷六

十四

寧都中寇被屠掠而翠微獨完禧既謝諸生益肆力爲古文辭授徒窮山弟子著籍者常數十人喜讀史尤好左氏傳及蘇洵其爲文主識議凌厲雄健不屑屑撫擬如世之貌似大家者遇忠孝節烈事則益感槩激昂摹畫淋漓故其所爲新樂侯劉文炳傳及姜垓江天一諸傳尤工年四十乃出遊涉江逾淮游吳越思益交天下非常之人聞有隱逸士不憚千里造訪於吳門交徐枋金俊明西陵交汪渢乍浦交李天植常熟交顧祖禹毘陵交惲日初楊瑀方外交藥地槁木皆遺民也康熙十七年詔中外舉博學宏詞禧亦在舉中被徵以疾辭



郡太守縣令更督趣就道不得已昇疾至南昌就醫藥撫軍某疑其詐以板扉舁之至門禱絮被蒙頭臥稱病篤乃放歸後二年赴維揚故人約舟至儀真暴心氣病一夕卒年五十七著有文集二十二卷詩集八卷左傳

經世若干卷兄祥字善伯第禮字和公並有集行世

論曰侯方域魏禧行不同予論次兩家文乃合傳之方域才氣踴弛似陳亮其遭大獄瀕死亦似之然亮猶登第一夕而卒而方域竟殛諸生悲夫明宣德中周文襄忱薦龔翊爲太倉學官翊辭不就語人曰吾仕無害於義恐負金川門一慟耳而禧之論以謂翊一門卒非有知己之恩國事之責也旣已更歷三朝身逢賢聖之主而皦然不肖少污其志賢已鳴虜僖儻自謂與

青門賸藁卷六

五

楊隱君家傳

隱君諱湛露字燕侯世爲宜興人學者稱西山先生子論次其事爲之傳始稱楊隱君云子瞻有言凡人相與號呼者賢之則曰君繫以隱從其志也交諱萬春以孝友載邑志生二子次卽隱君幼奇慧兒時嬉戲拾炭畫地作張桓侯像絕肖及長通五經旁及子史釋老星曆陰陽卜筮之書靡所不究弱冠餽於庠弟子自遠至者凡數十百人年四十以次當貢京師會遭甲申之變棄諸生絕意進取葛巾白布袍隱居教授從學者益衆忌者或爲危語撼之隱君慨然曰教我矣遂散遣生徒絕

青門賸藁卷六

六

學捐書危坐一室灑掃潔不容唾每踽踽獨行荒野中遇意有感觸則慟哭返歲時拜先墓必伏地長號失聲間亦蒔菊種花興至酌酒清吟以爲樂康熙間中丞趙公檄郡縣講學令欲得隱君主講席博士徒步造請至再隱君仰天嘆曰士故有志何至相迫南山之南北山之北豈遂無法高卿耶言已涕泗交頤令知不可強乃已晚頗好導引五禽之術亦喜堪輿言然家益貧或日晏未炊子孫至并日而食處之怡然會詔賜民年八十以上者米帛縣首及隱君隱君堅辭不受後以壽終年九十嗚呼申酉之變予所聞吳中士大夫都魏科

海內重望。學者仰之爲文山疊山者。當其時亦往往高肥遯之操。勵泉石之志。未幾而中道回車。不復吟老客婦謠矣。而守死固窮。至五十年不悔者。乃一諸生何與。豈富貴重者名節輕。莊子所謂金注者。婚與抑誠偽異歟。先是明崇禎間。宜興相再召。勢談翁熱公卿爭奔走其門。顧獨重隱君名。欲延致之。遣所親道意。隱君終不一詣。楊機部廷麟以盧司馬喪至。宜興奇隱君文。欲一見。不可。機部死難。隱君泫然曰。士重知己。吾極不忘耳。爲位哭之。極哀。邑人李三綱以諸生赴義湖南。歿於柵。隱君撫其子如己子。至成立。其立名節多類此。休寧汪寶臯同邑史。夏隆皆遺民。與隱君相友善。年皆八十餘。乞子傳者。其從孫懷遠以能文名諸生間。

論曰。予聞隱君喜吟咏。然不以示人。彙亦隨散失。故鮮傳者。宋末鄭所南翁名思肖。故太學生。宋亡遂隱。不仕。過歲時伏臘輒野哭。南向拜。聞時人語掩耳急走坐臥必南向。所爲詩有曰。不知今日月。但夢宋山川。此世但知君父外。不曾別受一人恩。又咏菊曰。寧可枝頭抱香死。不曾吹落朔風中。彼其視畱夢炎趙孟頫諸人。眇然曾足當其涕唾哉。嗚呼。隱君似之矣。

青門賸彙卷六

十一

左副都御史徐公家傳

公諱元珙。字輯五。別字荆山。徐之先出自伯翳。爲嬴姓。其後分封徐。以國爲氏。徐後有僊王。當周穆王時走死。失國。子孫散之。徐揚二州間故昌黎云。徐氏十望其九皆本僊王。系遠而譜牒不明。公先世家江陰。不知於徐何望也。明景泰間有諱泰者。南京兆解元。官荆門知州。泰子元菽。官鴻臚寺序班。始徙武進。占名籍爲武進人。鴻臚君四傳至夔州別駕秉忠者。公之祖。邑諸生。陽者公考也。順治乙未成進士。除刑部主事。歷員外郎。郎中。出爲福建建寧道僉事。移山西。參議。以內艱歸。服除補口北道。駐宣府。康熙甲寅乙卯間。滇黔亂。猝起閩粵。東粵相繼煽動。朝議大出兵。四征不庭。而太僕見馬不足。以給軍。公首輸家財。買馬資戰騎。上嘉之。詔從優議。叙徵入爲光祿寺少卿。歷太僕通政使。太常寺卿。凡四遷。康熙廿五年拜都察院左副都御史。公爲人質厚。有識器。當官不務表曝聲跡。填以安靜。在建寧弭山藪窟穴之姦。在口北撫防秋潰卒。具有方略。及歷位九卿。益飭脊周密。勤力於職。非休沐不出。有所建白。鑿鑿傳經義。可見施行。在太常以北郊配位未愆。上封事略曰。本朝稽古典禮。分祭南北郊。圜丘南鄉奉三聖並配。

青門賸彙卷六

十二



甚鉅典也。獨於方澤配位。臣不能無議者。謹按昭穆之位。分左右。不分東西。圓丘南鄉。則東爲左。爲昭。西爲右。爲穆。地祇既北鄉。則以西爲左。爲昭。東爲右。爲穆。蓋東西有定方。而左右無定位。從正位所鄉而分。攷漢唐南北郊。或分或合。而地祇皆南鄉。至宋政和四年。引北牖答陰之義。始改地祇北鄉。配位從之。而改宋太祖位西。設東鄉。其明証也。明嘉靖九年。建方澤壇。因宋制。地祇北鄉。而配位仍設於東。不應古禮。本朝因之。未遑更定。蓋嘉靖議禮諸臣。原知以左爲尊。而禮官誤執以東爲左。乃相沿至今耳。然明配位止一太祖。或左或右。尚

青門賸彙卷六

十九

無越次之嫌。本朝三聖並配。左右易位。因之昭穆失序。況配位誤。則從壇皆誤。而陵山之從祀於岳鎮者。亦誤。揆諸典禮。實有未安。是宜有待於聖明之釐正也。疏入。上諭儒臣考論古禮。學士徐公乾學韓公荻皆是。公議而廷臣有持地道上右之說者。議遂寢。而公疏亦畱中。顧有識者。建之爲都御史。有請正北海祀典疏。略曰。臣按歷代北海祀典。唐望祭洛州。卽今河南府宋望祭孟州。卽今懷慶府。明亦望祭於懷慶。說者謂懷屬之濟源。潛通北海。故就濟濱廟望祭焉。本朝典禮東海祀萊州。南海祀廣州。西海望祀蒲州。要爲允愜。

北海沿宋明之舊。仍祀懷慶。臣愚以爲岳鎮方位。當以天子所都爲準。往南而祭北海。義竊未安。謹按北鎮暨巫閭山。在今奉天府境。山旣爲北鎮。川卽可爲北海。請更定北海之祭。就北鎮暨巫閭便。若謂歷時已久。不可輒更。臣又按北岳祀於恒山上。曲陽歷二千餘年。本朝用科臣言。改之渾源州矣。岳祭可改。何獨疑於祭海。下其章。令廷臣集議。皆以爲宜。詔報可。公奏疏尚多。退輒削其彙。雖子弟不得聞。故傳於人者。止此。公念太公春秋高。力請告歸。歸而太公已前卒。公持喪甫月。會孝昭文皇后崩。匍匐三千里。赴闕哭臨。尋遘疾。卒於

青門賸彙卷六

二十

卽是歲康熙廿七年三月也。年六十歲。天子憫之。詔給置傳。歸其喪。祭葬恩禮有加。蓋異數云。公里居以孝友聞。遇人嘔吻謙謹。親故雖疏賤。必鈞禮。教子姓有家法。臧獲數百指。皆有執業。儉約。素積纖微。太公之訓也。然好行其德。里閭稱之。其尤厚者。爲座主陳公。事陳名彩。字美公。廣東順德人。官翰林外。還常鎮道。康熙元年。嘗輕刑。全活逮杖諸生千餘人。諸生德之。以裁缺歸。嶺南遽卒。而家屬寓維揚。妻妾相繼病歿。僮僕散去。有一子二女子。甫一歲。公攜以歸。撫其一子一女。爲營昏嫁。成立。當析。禧。查產悉與已子均。同年生某。撫其一女。公

卽聘爲子婦。烏虋足風末俗矣。子永寧舉人官大理評事。永宣貢生候補中書力學攻詩文與子厚婦陳女者永寧也。

論曰東漢尚氣節故最重師門之誼桓榮爲朱普奔喪九江李膺爲荀淑自表師喪蓋比比而有桂陽胡騰少師事實武武被禍獨殯殮行喪孤孫輔年二歲騰以爲已子使聘娶焉輔旣長還實姓以事列上事與此相類世往往言今人不如古者妄耳如公行義豈讓騰哉兩疏翬翬幾釐祀典或從或不子采其文辭略著於篇令後世議禮者有考云。

湖廣提學道僉事邵公家傳

明季詩學榛蕪歷下竟陵爭談互燭寔淫五六十年。

國初猶沿餘習江北七子出然後詩道寢昌長垣邵公其一人也公旣以聲詩鳴河朔聞海內知與不知皆曰邵公今詩伯也跡公生平弱冠通籍逾壯懸車家食垂四十年士論之重公者謂公澹榮利難進易退高於世所稱名士一等而不知公固具文武才饒幹濟塵一試而歸未究其用而竟優遊泉石以老有識者所以歎公之難及而不能不爲當代用人者惜也公歿之明年公子驥遴走使二千里來請予爲之傳公諱煥元字凌玉

學者稱雪嵐先生先世自山西長治縣徙大名府之長垣遂占籍爲長垣人曾祖永春明嘉靖壬戌進士累官按察使祖和鳳臺塲父獻珂崇禎庚辰進士官吏部主事予告不仕晚更號潛菴公幼穎敏崇禎己卯登賢書年甫十七爲實林劉公所拔劉公才士每語人曰吾得一小門生髮方覆肩蓋自詡得人也由是小門生之號籍籍京師入本朝丁亥成進士謁選得山西太原令太原故土城庫不及尋而地當汾潞衝公至議增築甃以甃石衆迂之公不爲阻未幾有姜襄之亂城西南隅未完者尚三百丈時值嚴冬公捐俸三百金命熾火爇



炭於陣間烘乾。炬灰由凍堅以沸湯沃之。晝夜趣工。三日而城成。當是時。大同告變。寧武應朔相繼陷。遠近震驚。公嚴飭守禦。申條約。練丁壯三百人。可以戰。烏銳三百杆。可以擊。俄有傳偽檄至。縣揚言招安。公大怒。立命索賊斬以徇。賊逸去。乃手碎其檄焚之。詰朝集衆關壯繆祠下。剖羊啣血。自誓與城俱存亡。詞氣激昂。吏民感奮。公乃奏記撫軍曰。職按今日賊勢。以西山爲盤踞之窟。開色諸口爲出掠之門。萬山崎嶇。紆迴五七百里。官兵進剿。寔難。爲今日計。惟於開色諸口屯勁卒數千。建大將旗鼓。聲足以奪其魄。寔足以扼其衝。原太汾潞俱

青門賸彙卷六

三

可恃以無恐。若如今日倏去倏來。兵疲於調發。民受其騷。非策矣。是歲順治五年十二月也。明年正月。忻州定襄陷。巡道王公死之。未幾交城陷。未幾清源又陷。徐溝祈縣太谷相繼陷。原益孤立。公再奏記撫軍請援兵。畧曰。原距省四十里。爲省會門戶。無原。是無省會也。今清徐祈太盡爲賊有。孤城危如累卵。且賊游騎薄城者。職輒奮擊遁去。賊憤必謀大舉。乞速發滿兵。援背城借一。事猶可爲。不則職死不足惜。如封疆何。撫軍見事亟。先遣三百騎馳至。將軍羅某率滿兵三千繼至。與賊遇戰於花谷村。互有殺傷。大軍入城。賊亦逼城下。夜半

攻西南隅。城上礮矢如雨。賊不得登。五鼓復焚南門。門燬。堞亦圯。公急調西門精騎五百引滿外向。張兩翼待之。賊逡巡不敢入。又身率烏銳手從城隙擊斃數賊。賊稍卻。乃運木石撤門扉。室隙塞瑕。誓死守。諸將見賊勢張甚。議棄城走。公爭之力。又以乏芻。辭公曰。城外青麥足供芻秣。脫慮病民。吾請於臺以貯麥。易之。諸將語塞。會端重王統兵至忻口。公遣使告急。王率師日馳二百里。賊嚴陳以待。王躍馬麾兵從山巔馳下。大呼陷陳。賊披靡。刈其衆數萬。遂解太原之圍。餘賊遁晉祠。王命刊木豎柵。環賊壘。列營困之。公募黨民數百穴其墉。傳以

青門賸彙卷六

五

火藥震迅如疾雷。從地中發。當者糜碎。血攻三晝夜。拔之。盡殲其衆。積尸滿山谷。晉水爲之不流。王師尋下清原。交城汶水諸郡縣漸次告復。自去冬至是年五月。公城守凡六閱月。不解甲。倂日而食者動累旬。日是役也。徵公捍孤城以當賊衝。全晉幾殆。王呼勞曰。封疆危而復安。紆天子西顧憂。實公功爲多。隨列上功狀。得行取會新罷巡方。改補刑部貴州司主事。久之以考選出。視學湖廣。公至。則釐正文體。蒐拔寒畯。絕苞苴。竿牘所賞識多知名士。前後成進士爲名臣。不可枚數。今大家宰熊公賜履宮贊。張君希良其著也。撫軍某以童子百



名屬公。公拒不應曰：以朝廷名器，媚當道，吾義不敢撫軍銜之。造蜚語中公罪，且不測。臺諫交章訟公冤。上敕廷臣會勘事得白。撫軍以言事不實，鑄九級謫外。而公亦竟投劾歸矣。今上初追錄晉中城守功，樞部以公名上。公歎曰：二人春秋高，吾奈何以三公易一日耶？堅辭不起。家居以著述自娛，間出遊訪名山水。秦晉齊魯以及大梁吳越間足跡幾遍。後若干年卒於家。年七十三。嗚呼！使公得竟其用，其功名豈僅著一邑與世言？文士虛聲鮮實，濟如公者，豈匱匱文士乎哉？初與公並稱七子者，多一時偉人。尤著者彭禹峯而述中州人宋

青門賸彙卷六

五

荔裳琬山左人，申恩盟涵光與公同畿輔人，皆崛起大江以北，故稱江北七子云。

論曰：憶庚申予客青社，與公邂逅逆旅，論詩投契，辱與公爲忘年交。常竝轡登雲門山，踞崖石把酒賦詩，甚樂也。屈指十六七年，予幸後死，乃爲公作傳，可感也。夫公事吏部，公篤孝，迨老孺慕不衰。吏部公捐館，公年六十六矣，蹕踊哭泣，水漿不入口，或援家禮六十酒食如常，以勸公涕泣不應，嗚呼！非純孝能乎哉？狀又稱公令太原時，親王嘉公功，賜以一女子趙氏。公詢知爲士人婦，訪其夫還之，是亦足傳者。

黃烈婦傳

烈婦姓周氏，其先華亭人，徙居梁溪。年十九歸江陰縣諸生黃晞，爲繼室不數年而黃氏家難。作先是晞父毓祺字介子，前明啟禎間以文章道德爲諸生祭酒，甲申聞變，仰天痛哭，擗踊嘔血已乃類中風狂走者，嘗結客蹈海不死，作詩有可憐上帝如泥醉，自笑遺民與石頑之句。自是變易姓名，轉側江淮間數年，所至皆親其豪傑，爲怨家所告，捕繫金陵按察司獄。後竟死獄中，而禍猶未解。晞兄弟四人同坐收籍其門，沒入縣官。周氏名在籍中，當行初毓祺亡命時，晞挈氏轉匿窮山，偶出爲

青門賸彙卷六

五

邏者所得，繫縣獄。晞自分不免，手書與氏訣。氏大驚，是夕引練帶就牀第自縊死。婢覺救之，得不死，然傷甚，頸面殷紫逾月。既念夫在獄，餽粥縫浣，匪妻孰職？乃潛返故居，日挑野菜屑糠覈爲餅餌，以誑口充腹，而餽獄食必謹。家居夏月不施帷帳，蚊蠅聲營營撲綠達旦曰：吾遙與獄中人共苦耳。繫獄十閱月，會事小解，得釋歸。及是晞再就逮，烈婦撫膺歎曰：吾不免矣！時方避地董氏屋後有深池，烈婦潛夜出投水中死。比覺之，踪跡至池上，則尸已浮水面，昇入室久之，嘔出水斗許又不死。而董西來者亦義士，語其妻曰：吾聞服金屑能殺人，烈婦



聞喜甚曰何不昨語我西來晞之姑子家故貧其妻銀俱質錢亟取歸屑而服之三錢盤旋腸胃間如割刀然又不死俄伍伯驅之入舟抵郡晞有友某者來視烈婦或言金不赤不能殺人友疾趨歸脫其妻約指雙銀屑以遺烈婦服之亦金屑死四章法變烈婦已陰挾利刃藏衣縫中矣是日詣府當僉解太守出坐聽事左右吏卒環立按籍呼烈婦名不應亦不跪直趨上階右手引袂障面左手抽刀自刺喉如刃者再垂欲斷血衝涌仆地太守怛然失色左右皆大驚是日也日食既陰風怒號正晝如晦星見或謂烈婦所感云府前人嘖嘖傳說一時

青門賸葉卷六 傳

主

好事者遽醵金治木為烈婦發喪及夜半喉間稍作聲漸活又不死太守既心動又直天變見輿情滄沸暫釋歸而上其狀於按察烈婦歸創甚臥淨土菴菴主涵輝晞姊也為言鴨血解金毒強烈婦飲烈婦終不月飲曰家門禍深孽重何意求生亡何頸創漸合金亦竟亡恙按察某者故嘗求賄於毓祺不應心銜之及得太守所上文書為烈婦申此處補亦詳請免逮者則大怒追逮愈急縣卒及里鄰十餘人入菴索周氏聲嚶嚶烈婦故徐行出應曰我在也奚索命老僕呼巾車來返其家顧語卒曰我不累若輩徐之伺我氣絕若輩第持片紙去即官事易

了也又手檢單衫一付老僕曰主人出門久無裹衣備浣濯汝持此寄之已乃入室闔戶自經死焉序烈婦求死者五矣死縊不得死溺不得再死於毒不得死於刃又不得至是乃得死焉序烈已頃之卒踰戶入見烈婦帶纏項神色如生皆羅拜歎息去烈婦死以順治庚寅十一月十二日年二十有八是時晞尚領繫按察司獄董西來走金陵具說前事晞曰吾固知吾妻必死不意其能從容乃爾晞乃就獄神廟下倚牀泚筆作黃烈婦事述頗詳晰而系於其末曰烏序伯夷餓死屈原沈湫王蠋雉經豫讓伏劍彼所謂成仁取義之士也所以趨

青門賸葉卷六 傳

主

死之道不一由其一皆可得死天於烈婦獨使多途徧歷歷苦不嘗然後予之死焉若是者何也余聞國家甲申之難學士大夫慷慨赴死者多有往往一發不中不復能自舉其身始於偷生卒於塗面亡它志節不堅而力怯於再振也若夫術愈窮而志愈勵烈婦蓋當其難矣語有云婦人不下堂下堂蓋殺我烈婦常誦言之不得已而至暴骸浮尸非其本意幸而顛跌頓撼卒死於家一以顯百折不回之苦節一以遂正命內寢之初心天於烈婦之死不可謂無意也蓋晞之持論云爾晞竟坐沒入輸旗下為奴後年餘同鄉人斂金贖出之乞食



南歸而骨肉喪亡略盡晞子身授徒毗陵大室爭延致  
爲子弟師晞學有原委對客議論經緯史上下貫穿  
千餘年斐亶不倦幅巾白布袍終其身晞字仔薪壽七  
十餘卒所著詩文百餘篇毗陵士友家多有其鈔本  
論曰晞父子蓋忠孝人也予讀晞所爲先府君行畧未  
常不哀其志顧語多觸諱文亦不能大傳而遺老行盡  
漸無有能舉其姓氏者悲夫予傳黃烈婦乃牽聯書之  
欲令後世知有毓祺晞名韓退之有云濟逢父子自吾  
人發顧未知予文遂足傳毓祺晞父子不耶  
寫烈婦五死不得及從容致命處讀之凜凜有生氣

青門賸棠卷六 傳

元

論只贊晞父子更無一語及烈婦蓋已錄晞語作贊  
故也當是宇內有數文字 馮山公

閻典史傳

閻典史者名應元字麗亨其先浙紹興人也四世祖某  
爲錦衣校尉始家北直隸之通州爲通州人應元起據  
史官京倉大使崇禎十四年遷江陰縣典史始至有江  
盜百艘張幟乘潮闌入內地將薄城而會縣令攝篆旁  
邑丞簿選悞怖急男女奔竄應元帶刀鞭出躍馬大呼  
於市曰好男子從我殺賊護家室一時從者千人然苦  
無械應元又馳竹行呼曰事急矣人假一竿直取諸我  
千人者布列江岸矛若林立士若堵牆應元往來馳射  
發一矢輒殪一賊賊連斃者三氣懾揚帆去巡撫狀聞

青門賸棠卷六 傳

三

以欽依都司掌徵巡縣尉得張黃蓋擁前驅清道而  
後行非故事邑人以爲榮久之僅循資遷廣東英德縣  
主簿而陳明選代爲尉應元以母病未行亦會國變挈  
家僑居邑東之砂山是歲乙酉五月也當是時 本朝  
定鼎改元二年矣豫王大軍渡江金陵降君臣出走弘  
光帝尋被執分遣貝勒及它將畧定東南郡縣守土吏  
或降或走或閉門旅距攻之輒拔速者功在漏刻遲不  
過旬日自京口以南一月間下名城大縣以百數而江  
陰以彈丸下邑死守八十餘日而後下蓋應元之謀計  
居冬初薙髮令下諸生許用德者以閏六月朔縣明太



祖御容明倫堂率眾拜且哭士民蛾聚者萬人欲奉新  
尉陳明選主城守明選曰吾智勇不如閻君此大事須  
閻君來乃夜馳騎往迎應元應元投袂起率家丁四十  
人夜馳入城是時城中兵不滿千戶裁及萬又饑無所  
出應元至則料尺籍治樓櫓令戶出一男子乘城餘丁  
傳餐已乃發前兵備道曾化龍所製火藥火器貯堞樓  
已乃勸輸巨室令曰輸不必金出粟菽帛布及它物者  
聽國子上舍程璧首捐二萬有傳五千金捐者麇集於是圍  
城中有火藥三百罌鉛九鐵子千石大礮百鳥機千張  
錢千萬緡粟麥豆萬石它酒醕鹽鐵芻藁稱是已乃分

青門賸橐卷六

主

城而守武舉黃畧守東門把總某守南門陳明選守西  
門應元自守北門仍徵巡四門部署甫定而外圍合時  
大軍薄城下者已十萬列營百數四面圍數十重引弓  
叩射頗傷城上人而城上礮礮機弩乘高下大軍殺傷  
甚眾乃架大礮擊城城垣裂應元命用鐵葉裹門板貫  
鐵繩護之取空棺寔以土障隕處又攻北城北城穿下  
令人運一大石塊於城內更築堅壘一夜成會城中矢  
少應元乘月黑東蔓爲人人竿一燈立陴陴間市城兵  
士伏垣內擊鼓叫噪若將縋城斫營者大軍驚矢發如  
雨比曉獲矢無算又遣壯士夜縋城入營順風縱火軍

亂自蹂踐相殺死者數千大軍卻離城三里止營師劉  
良佐擁騎至城下呼曰吾與閻君雅故爲我語閻君欲  
相見應元立城上與語劉良佐者故弘光四鎮之一封  
廣昌伯降本朝總兵者也遙語應元弘光已走江南  
無主君早降可保富貴應元曰某明朝一典史耳尚知  
大義將軍胙土分茅爲國重鎮不能保障江淮乃爲敵  
前驅何面目見吾邑義士民乎良佐慙退應元偉軀幹  
面蒼黑微髭性嚴毅號令明肅犯法者鞭笞貫耳不稍  
寬然輕財賞賜無所吝傷者手爲裹創死者厚棺殮醉  
醪而哭之與壯士語必稱好弟兄不呼名陳明選寬厚

青門賸橐卷六

主

嘔噓每巡城拊循其士卒相勞苦或至流涕故兩人皆  
能得士心樂爲之死先是貝勒統軍畧地蘇松者既連  
破大郡濟師來攻面縛兩降將跪城下說降涕泗交頤  
應元罵曰敗軍之將被禽不速死奚喋喋爲又遣人諭  
令斬四門首事各一人即撤圍應元厲聲曰寧斬吾頭  
奈何殺百姓叱之去會中秋給軍民賞月錢分曹攜具  
登城痛飲而許用德製樂府五更轉曲令善謳者曼聲  
歌之歌聲與刁斗笳吹聲相應竟三夜罷貝勒既覘知  
城中無降意攻逾急梯衝死士鎧冑皆鎖鐵刀斧及之  
聲鏗然鋒口爲缺礮聲徹晝夜百里內地爲之震城中

死傷日積。巷哭聲相聞。應元慷慨登陴。意氣自若。旦日大雨如注。至日中有紅光一縷起土橋。直射城西。城俄陷。大軍從煙焰霧雨中。蠶擁而上。應元率死士百人馳突巷戰者八所。當殺傷以千數。再啟門。門閉不得出。應元度不免。踴身投前湖水。不沒頂。而劉良佐令軍中必欲生致。應元遂被縛。良佐箕踞乾明佛殿。見應元至。躍起持之哭。應元笑曰。何哭事至此。有一死耳。見其勒挺立不屈。卒持鎗刺應元。貫脛脛折。踣地。日暮擁至栖霞禪院。僧夜聞大呼。速斫我。不絕口。俄而寂然。應元死。凡攻守八十一日。大軍圍城者二十四萬。死者六萬七千。巷戰死者又七千。凡損卒七萬五千。有奇。城中死者無慮五六萬。屍骸枕藉。街巷皆滿。然竟無一人降者。城破時。陳明選下騎傳戰至。兵備道前被殺。身負重創。手握刀。僵立倚壁上。不仆。或曰。闔門投火死。  
論曰。尚書序曰。成周既成。遷殷頑民。而後之論者。謂於周則頑民殷則義士。夫跖犬吠堯。鄰女詈人。彼固各爲其主。予童時。則聞人嘖嘖談閭典史事。未能記憶也。後五十年。從友人家。見黃晞所爲死守孤城狀。乃撫其事而傳之。微夫應元。故明朝一典史也。顧其樹立乃卓卓如是。烏虜可感也哉。

青門賸囊卷六 傳

三

一故典史死守孤城八十日。捍二十四萬之兵。損卒七萬五千。不降死節。自古節烈之奇。無踰此者。然非青門先生大手筆。安能與昌黎書張巡傳後並傳于古耶。讀者至貝勒濟師來攻。及應元厲聲叱之。去方爲之不寒而栗。陡入會中秋三行文字。應元臨危整暇故奇。而行文至此。若於鼎沸中忽生一朵青蓮花。極筆墨之奇觀。  
馮山公

青門賸囊卷六

青門賸囊卷六 傳

三



青門賸囊卷七

毗陵 邵長蘅子湘 纂

碑三首 誌銘五首 墓表一首

宋氏先賢祠碑

商。丘。宋。氏。有。賢。而。克。大。其。世。者。三。人。其。一。為。莊。敏。公。公。諱。纁。明。嘉。靖。間。成。進。士。歷。官。大。冢。宰。逮。事。穆。宗。神。宗。方。正。嚴。毅。以。天。下。風。俗。為。己。任。與。海。忠。介。瑞。陸。莊。簡。光。祖。耿。恭。簡。定。向。趙。忠。毅。南。星。鄒。忠。介。元。標。相。善。數。公。皆。一。代。名。臣。江。陵。枋。國。時。公。不。肯。俯。仰。請。告。歸。時。為。之。語。曰。南。出。海。瑞。北。出。宋。纁。其。見。重。如。此。起。撫。保。定。歷。戶。部。尚。

青門賸囊卷七

一

書改吏部萬曆十九年薨於邸賜諡莊敏其功名具載國史公從子諱沾萬曆間以孝廉令福山故稱福山公令三年卒官貧不能殮福民斂錢為治棺喪歸男女負香幣晝夜哭送者數千人給事孫善伯作墮淚碑記其事後三十年其追贈制書有曰循吏之德更十世不忘又曰汝陰神父和寧慈君方斯茂出即其人可知公位止邑令年未躋下壽宜達而塞乃大昌於厥子曰文康公公諱權八歲而孤二十八成進士崇禎初歷吏兵工給事中伉直敢言事忤柄臣意出為山西副使乞終養歸久之起三遷至順天巡撫受命甫三日闖賊李自成

青門賸囊卷七

二

陷京師賊將畧地至遵化公倉卒走白羊峪與故總兵唐鈺夜勒兵還襲斬其將黃鉞盡復太平喜峰松棚三屯諸險攻入遵化誅偽官十餘人會王師入關賊遁公籍所部來歸詔巡撫如故公曰國讐復吾願畢矣力請解官不許乃抗疏陳三事其一首請議崇禎廟號疏入得報可士論韙之是歲順治元年也後二年入為大學士贊密勿時國家草創公處滿漢間一切持大體用清淨和平調劑內外海內馴致乂安公有力焉相六年致政歸歸年餘薨賜諡文康公事行官闕已上狀史館太常及詳碑誌中故不具列其概宋子姓後以國氏歷漢唐宋以來名公鉅卿相望史書而商丘故關伯之墟得姓之宗碩大且蕃實逾他望而推宋氏之賢者必稱三公故其尸祝在畏壘俎豆在鄉校其家宜有特祠顧闕焉者四十年於茲今中丞公怒然曰是惟子疼乃倡其弟之子起學共捐宅一區直可千餘金撤朽易新片其前為門為廡工費視直而減其半則中丞公獨肩之倣古同堂異室之制中祀莊敏公左福山公右文康公遣次君至遯歸董其役已乃進門下士邵長蘅命文其牲石蘅按古禮諸侯始封與始為大夫者得為太祖廟皆百世不遷鄭氏註曰雖非別子始爵者亦是宗

法所由立也。後世宗法雖廢。唐宋大臣三品以上皆得立家廟。視官之崇庠而差次其廟數。宋司馬溫公爲文潞公作先廟碑記。規制具可考。又仁宗時。因宰臣宋庠言。下兩制集議。凡始得立廟者。不祧比始封。其子歿別祭於寢。惟身當立廟者。乃祔其主。議最宜於今。亦不悖古。明太祖於品官廟制。未遑釐定。弘治末。修明會典。僅撫朱子祠堂誌當之闕畧甚矣。故終明之世。大臣鮮有家廟。而望實崇隆者。子孫往往卽其家立祠。蓋今之特祠卽古家廟也。中丞公是舉。可謂合禮。唐宰相袁滋旣立廟京師。元和間。以荆南節度使入朝。將作廟碑曰。必

青門賸藁卷七

碑三

三

屬篤古而達於詞者。乃以屬昌黎韓愈。今宋氏家世振於袁而衡文不逮昌黎遠甚。何敢辱中丞公諉還辟辭。讓者再中丞公顧執謙循禮滋益堅。若忘衡之爲一介者。乃拜手而係以詩。中丞公名肇。於莊敏公爲族曾孫。於福山公爲冢孫。於文康公爲宗子。今方撫吾吳。卓然爲時名臣。祠經始於某年月日。落成於某月日。其詩曰。微子之裔宅是邑。商始晦不顯。三世乃昌。暨暨莊敏晉斧。畿袞迨持八枋。黜陟維允。福山旅喪。孤嫠有愴。歷屯而亨。發祥文康。文康祇祇濟險。出否楚材。晉用鈞衡。是倚懿哉。三賢遺庥。委社集於中丞。以續以似。關伯之

墟。堙澤之陂。稽古廟制。廼作新祠。筵楹閑闕。斲之礱之。黜堊有耀。唐陳砥而祠成。肆祀敢薦嘉籩。孝孫之來。孝孫之濟。濟濟惻惻。拜壓以肘。掄膚實鼎。飽饒羞豆。魚腊羊胾。鉗俎則有尊罍。勺羹盎齊。玄酒惟是新祠。中丞所考。藉承庥嘉。大燾厥後。堙澤之陂。關伯之墟。有碑業業。奠於龜趺。於百其世。勿泐勿渝。

青門賸藁卷七

碑四

四



奉政大夫提調江西學政按察使司僉事加一

級邵公墓碑代

故奉政大夫提學江西按察司僉事邵公諱延齡字靜山別號耐軒宋大儒康節先生後也世籍姚江六世祖某自姚江徙平湖故公爲平湖人曾祖某祖某考贈奉政大夫某世有隱德皆不仕公以順治庚子舉於鄉辛丑成進士久之除內閣中書舍人康熙甲寅吳逆反滇黔隴蜀騷動朝議遣安西將軍統大軍入蜀董格貝子繼之公以中書自請從征歷蠶叢鳥道戈頭矢簇間瀕死者屢矣屬有天幸得不死董格貝子聞公知兵請參

青門賸藁卷七

碑五

五

其軍事公縣決勝負往往奇中偶一不用公策軍困於蟠龍山絕糧月餘將士飢疲無人色公意氣自如采野蒿以食苦不得鹽作澹蒿詩紀其事有餉羊肉者笑曰人肉也死生有命吾不忍啖此會援至得出靖逆侯張勇填鞏昌召飲帳中詢平蜀方略公左手引卮右手以箸畫地談戰守機宜水陸險要阮舉如指掌侯詫曰經生中有此真邊才也將薦補隴右道或尼之不果公佯爽直中無崖漁而外近於慙視朋友有急傾身赴之不可擇利害爲趨避與人語衝臆而吐然意所不可輒面批折人或雜以詼調俳諧爲刺譏雖權要人不避也人以

青門賸藁卷七

碑六

六

此諒公然亦以此嫉公從軍三年還仍故官稍遷戶部山東司主事監寶泉局以外艱歸服除補戶部雲南司主事遷河南司員外郎又遷刑部福建司郎中諫請多所平反與司寇爭獄事至項頗發亦不爲訕榜其署曰常思于定國門何以高當知張釋之法如是足蔚州魏公象樞爲司寇最器重公出爲江西按察司僉事提調學政按部所至有公明聲吉頓俗以佃爲僕子孫無得與童子試公爲按版籍勒石永禁破數百年陋俗比自拔出就試者衆諸生爭尸祝之滿三載最當詣闕道浙江過家省墳墓未幾遘疾卒於里第康熙辛未閏七月某日也距其生明崇禎乙亥年五十七先是公以中書從征也同官錢芳標當行已銜命矣而錢有老母在京邸不忍旦夕離又懦不任騎日夜憂恐不知所爲公遇之朝門語及流涕公曰吾代君行可乎錢遽下拜謝明日遂言於朝毅然請行吳越官京師者高其義贖金爲贖錢亦贖公直可數百金公笑曰王事也奚以贖爲力卻之絲毫無所受嗟乎今士大夫號砥行立名節者睨其跬步間遇小利則疾趨小害則卻足甚者擠人於危以自安者比比也視公行事可易能乎哉公是舉較柳子厚以柳易播殆爲過之使昌黎握管予不知其索飲



感慨於斯人者。又當何如惜乎。文不逮昌黎也。茲事行狀不載。予聞之。朱檢討彝尊云。錢亦知名士。華亭人。字葆汾。與檢討雅故。故檢討之言。信公讀書喜博涉。強記。凡星緯方輿兵法樂律勾股切韻諸書。皆手纂鈔盈巾笥。詩文不名專家。與至揮灑千百言立就。彙亦隨手散去。或爲之惜曰。吾詎以此爭文士名耶。僅存詩三卷。文二卷。今鏤板以傳。配王氏封宜人子男三。濂太學生。曷貢生。候補教職。翼太學生。有雋才。後公兩月死。女一。適孝廉陸煥元孫男四。某年月日。濂曷葬公於吳縣華山之祖塋。既訖。來請文其墓道之碑。往予與公同宦江右。

青門賸彙卷七 碑七

七

稱知公乃擬其大者書之。而系以銘銘曰。

世患偏左。相刃相靡。投隙抵巇。公劇崖谷。而以天遊。忘其枯機。世尚委蛇。睨顏色。側肩語耳。公獨任臆。談調噉諧。不擇怒喜。利則赴之。害則避之。世乃謂黠公坦而趨劍閣。砥如孰云。塊位不竟。用壽不配。德乃止於斯。茂苑之西華山之麓。有豐者碑。以詔來世。以永厥慶。視茲刻辭。

福山縣重建宋公祠碑代

福山古黃腫地。自金源寘縣。更今名。距今垂六百年。邑令祀名宦者僅三人。其一。則商丘宋公也。公令福山在明萬曆間。有惠政。居三年。以疾卒。官遺孤甫八歲。扶匭歸。邑人相率持香幣走送。舅婦耄倪奔走相屬於道。號哭聲。涓沸至數百里。不忍去。東萊孫給事善吉爲作墮淚碑。紀其事。邑人相率聚哭。碑下。久之。相與謀曰。是未足報公也。則相率詣縣。請祠。公名宦扶服蛾伏者將千人。縣爲上之於府。於督學道。核實祀公如著令。已又相與謀曰。是猶未足報公也。則又相率詣縣。言願醵私錢建專祠。祀公既得請。建祠東關外。嶽廟之右。昇給事所課碑。植之南榮。歲時朔望。邑人則相率持香幣扶筇曳屣。奔走伏謁祠下。如初。益虔於是。屈指公之歿。蓋九十九餘年矣。歲久祠漸圯。丹堊漫漶。楹蠹垣墉。父老皆以爲歉。先是祠在嶽廟垣外。墻地主守無人。風雨不戒。乃謀改卜。今址直廟垣內。稍東得隙地。廣袤若干丈。尺爲堂。爲門。爲廡。易故而新。翼翼枚枚。旣訖。功廟之黃冠某守之。爲之司鑰。壯其灑埽。父老謀醵石紀重建月日。則以屬予。予嘗讀漢史。朱邑病且死。屬其子曰。我故爲桐鄉吏。其民愛我。必葬我桐鄉。民果共爲邑起家立祠。歲時

青門賸彙卷七 碑八

八



祀祭不絕由公挈之可謂一轍顧邑之後未聞有顯者  
漢宣詔賜邑子黃金百斤而史不著其名又邑之言曰  
後世子孫奉嘗我不如桐鄉民竊疑邑之子孫或未必  
賢公子文康公起家進士國初爲名宰相卽曩八歲  
孤也家孫中丞公舉以任子歷官今開府江南清節重  
朝野孫曾數十人家門鼎盛蓋賢於邑多矣嗚呼方公  
之以喪歸也一孤童侍孀孀兩鬢上奉白首之王父蹒  
跚二千餘里路人賈涕幾疑天道無知豈意其後日乃  
至是哉然則天之報施廉吏顧不厚與而天下後世之  
爲吏而廉者不益有勸與於是作迎享送神辭三章刻

青門賸彙卷七

九

九

之石俾歌以祀焉公諱沾號復宇世爲河南之商丘人  
萬曆辛卯舉人其德政惠愛孫給事碑著之詳已故不  
具論云祠成之歲康熙三十四年正月也其辭曰  
之采青兮歷屢祠宇屹兮崑嶺公神來遊兮晏娛靈風  
颯兮翻兩旗願弭節兮徘徊華堂孔安兮歆享祀  
華鯨兮鼉鼓竿瑟繁會兮芭舞酌羽觴兮酌齊臚蟠  
兮羹鯢魚公顧予兮色笑前召父兮後杜母回風  
激兮滄海波雲冥冥兮日又斜公不久留兮奈何福我  
老穉兮婆娑荻蘆黍稷兮滿篝車我子兮我孫永俎豆  
兮無佗

太學生宋君墓誌銘

宋有孝子曰宋君廣生歿以康熙庚戌距今二十八年  
矣其族黨猶能言之當君之葬也子之塾狀君而不乞  
銘曰吾謀不朽吾父者將必求世之立言者而托焉寧  
慎之母遽後二十二年之塾繼歿其明年君配劉孺人  
亦歿又五年爲康熙丁丑諸子之璽等將以是年某月  
日啟君窆奉孺人匱合乃介子友微峰持之塾曩所爲  
狀來請銘予受狀讀而歎曰微獨君孝子應銘法其子  
亦孝子也知求文章以不朽其親而志迄未遂可哀也  
已蓋遲之廿有八年而乃屬予銘予其敢辭按狀君諱

青門賸彙卷七

誌銘一

十

廣生其字宋之商丘人曾祖諱縹明神宗朝歷官吏  
部尚書諡莊敏宋故有三報祠祀包孝肅海忠介與莊  
敏而三云莊敏公生治庵生官刑部郎治生材太學生  
材四子君其仲也君幼有摯性年十二喪父哀戚如成  
人事母武太君步不忍離奉甘膳必腆既娶生子矣猶  
依依如孺子然明崇禎十五年流賊再圍汴決河灌城  
賊兵搜牢四出宋城亦陷君鹵入賊營與母相失晝夜  
號哭不食賊厭且怒脅以刃君泣陳幼孤奉母狀曰母  
死生不可知願一見母死不憾賊惻然曰孝子也戢孝  
子不義釋之遣導之城外尋訪兩晝夜與母遇長跪相

抱持大慟。賊騎縱橫馳過者。皆環駐歎息。君扶母匿尼菴後。數日賊去。竟闔門無恙。尋草寇起。宋不可居。將避地河北。念母春秋高。欲自負母。度氣力不勝。涕泣語其僕曰。患難見人心。吾母即若母也。僕泣應曰。惟命乃縛木爲甕。子與僕同昇。母行日百里。足爲之腫。君體故豐。疲極喘汗。被踵欣然也。亂後奉母歸故居。後十餘年。以壽終。予讀唐史。孝童楊牢。父遇軍亂被害。牢走二千里。往求父尸。號伏賊壘。委髮羸骸。爲可憐狀。賊意感憫。以屍還之。烏虜牢求父於死。而君求母於生。匍匐呼號。身試豺虎之吻。而至誠所動。事適相類。而世往往謂古今

青門賸彙卷七

誌銘三

十一

人。不相及。何歟。豈非持論者薄歟。君讀書通大義。年十八補邑諸生。後以例入太學。性剛直。遇所不可。輒憤發面斥人。已則懽然待諸子。如嚴師。稍失意。則庭立譙讓。久之乃已。治家精心計。課僮奴耕畜拓產。至三百頃。遂以貲豪然。慷慨樂施。與能振人之急。人亦以此多之。生於明萬曆乙巳。距其卒年六十六。劉孺人明舉人金鄉縣知縣諱廣譽女淑嫔。識大體。能佐君孝事其姑。家居不御綺綺。操作勤勤。及耄猶筋力不衰。後君廿三年卒。年八十有七。子男五。長卽之塾。前卒。次之璽。與塾俱貢生。候選。八同知。次之坎。之型。之堡。俱太學生。之堡亦前

卒女三。諸生宋瓚。周士璧。常世燁。其壻也。孫男十四人。女若干人。曾孫男若干人。女若干人。墓在三陵臺西南。距莊敏賜塋百餘步。微峯名。懇君之從子讀書質厚人。也。徵其言。信銘曰。

窀卮年。銘石缺。今得之。錮以鐵。孝子有後。徵茲碣。

青門賸彙卷七

誌銘三

十一



誥授奉直大夫保定府同知宋君墓誌銘

君姓宋氏諱基字維德別號似齋世爲商丘人諸生貢入太學以候補中書外遷保定府同知尋攝南宮博野二令攝博野再閱月以疾卒官年四十有五君精練敏於吏事保定當三輔繁望號難治君至甫數月名實爆燿自天子大臣皆許以國器上官知其能檄赴密雲督建廩倉數百楹料木石估工直纖鉅悉當不匝月而工竣其攝南宮也披姦發伏吏民驚以爲神邑故有冗費千金令藉入私橐踵以爲常君至盡革除之吏以例告曰吾知洗手奉法耳邑西八村罹水災君躬自檢勘

青門賸棄卷七

誌銘四

十三

計畝代償逋賦民賴不困有某甲牒訟乙於官其理直及庭鞠覺其辭遁呼詰曰汝得乙六貫錢欲爲脫罪耶甲叩頭服因笞而遣之是日邑御史鄭公延君飲笑謂君曰乙懼罪實賄甲錢四貫耳明府有神君稱乃誤斷而責其善擿發多此類博野關令臺復檄君往以疾辭不許至博野治聲如南宮疾寢劇遂歿老幼相扶攜哭縣門者日千人而南宮人奔君喪莫醊亦以千計既而兩邑竝請祀君名宦蓋君之試於事者小而惠利之及人亦近故事迹可紀者止此宋氏得姓久遠於商丘爲巨闢君以明福山令諱沾爲曾王父以大學士文康公

諱權爲王父而今大中丞開府江南名某之冢子也君既家世貴顯顧能自刻苦居官補衣糲食有寒士所不堪者妻子不令至官舍男如金往省君怒罵曰汝來何爲汝視吾牀第間有尺縑半緡長物爲汝曹計耶遽遣之歸故其歿也肱篋不贏十金童僕一二輩視含殮嗚呼可悲也生以順治辛卯五月卒以康熙乙亥八月元配狄氏封宜人壬辰進士官兵部主事諱某女與君同年生以哭君致羸疾後一年卒子男子二長卽如金次岐金俱庠生岐金連遭兩喪哀悴過毀一慟輒啜血數升未幾亦卒人或謂死孝云卒時年二十未娶君仲弟

青門賸棄卷七

誌銘五

十四

至奉中丞公命撰次君行述使來告窆期曰康熙丁丑十月某日告窆所曰文康公賜塋東南隅將以宜人附請銘曰子爲我銘予聞宋氏之先有莊敏公諱纁者於君爲族高祖祖父明嘉隆間名臣時爲之語曰南有海瑞北有宋纁蓋稱其廉介云嗚呼倘假君以年其樹立寧渠出莊欽下哉而用未竟才中道摧折果命制之耶予見世之闢葺而尊顯且壽考者比比也所謂命果孰軒輊之耶然而生有榮名歿而俎豆視世之尊顯且壽考者所得孰多耶亦可爲賢者慰矣銘曰孰畀其才孰阨其施乃止於斯以永其傳寔石有辭

文學宋君墓誌銘

君諱陸字海叔一字鴻儀世爲商丘人姓宋氏今大中  
丞某第三子十五歲舉子十六補邑諸生有聲年二十  
一而卒娶夏邑崔氏生子男一曰吉金女一許字劉孫  
男曰齊萬幼君卒以康熙戊午二月某日卽以是年某  
月日祔葬文康公賜塋之西南葬後十七年吉金奉中  
丞公命徵銘於毘陵邵長蘅且以中丞公所書行畧來  
涕泣再拜固請長蘅再拜受而讀之曰陸性孝謹數歲  
母葉淑人病晝夜省視如成人每進藥與兄弟爭嘗母  
假寐則時時穴牕紙含淚閱之家人爲之感動常遣弔

青門賸彙卷七 誌銘六

五

鄰邑會深秋風雨寒甚予解裘衣之期以三日返次日  
遽歸問之對曰恐大人需裘耳方就傳時予宦遊未常  
親督課顧所爲制義輒能工陳太史介眉見之大激賞  
有清疎蒼莽之目予驚喜始知其能文里人徐孝廉恭  
士以詩名亦善書其題東園詩有乾葉閑中落虛堂冷  
色侵之句兒輩相傳誦以熟一日竊書二語於壁不署  
名頗疑恭士筆旣詢知之益驚喜予又訝其能書方期  
以大成而遽得瘵疾以死悲夫予所爲閱十七年而痛  
割如新不自知老淚之涔淫也蓋中丞公之言如是予  
忍不銘銘曰

木生而材則槎則析則剝則霜雪而摧則斤斧而踣而  
百圍十仞而不中道夭者乃在液樛軸解之散木噫噫  
乎宋君謂君不宜然而胡以然或曰非人也其惟天吾  
烏知夫所謂天者果好惡與人相反乎抑自死自生自  
壽自夭亦芸芸而聽其適然而漆園氏則云人之君子  
天之小人噫噫乎宋君嗇厥躬羸厥後昆以詔來世徵  
予文

精神在銘誌不更著一語高潔之極

青門賸彙卷七 誌銘七

十六



葉淑人墓誌銘

嘗誦詩序鵲巢夫人之德也。羔羊鵲巢之功致也。詩疏謂在位之卿大夫居身節儉爲行正直德如羔羊然而顧推原於鵲巢之功所致心竊疑其迂。顧三代以後士往往以家自累貪冒苟得或外藩飾取名譽而內牽帷府之私而不能自克。蓋非必中材一也。後然後歎風人之旨深矣。而後之論世者亦以謂惟周士大夫侯公之妃修身飭行能輔佐勸勉其君子而王道賴以成有以也。夫子誌葉淑人墓徵其說益信。葉氏於商丘爲望族淑人者明兵部左侍郎諱廷桂之子貢士官訓導

青門賸棠卷七 誌銘八

七

諱呈春之孫年十三歸同邑宋氏。本朝相國文康公諱某之冢婦。今大中丞公某夫人也。中丞公嶽嶽峙名節以廉介聞。今上稱之有宋犖不要錢語。公歷官四十餘年不執何家事。迨官郎署卽不以家隨家事。一以任淑人淑人性儉。覈能勞勩。凡鉞紉泔濯酒醢饔飧賓祭之事未常不親執。每歲田租所入菽粟稷黍穀糴薪橐細至雞豚米鹽凌雜具有簿籍握算鉤校纖悉雖黠奴不能銖黍欺。躬自節費而用其贏餘益市田宅持筭簪者二十年。視中丞公家居時拓產以倍然識大體歲時中外姻黨餽遺必腆其尤難及者。每家郵達中丞公

數以廉謹相勗曰我黽勉耕紆足爲兒孫計。不願公寄一錢歸也。故中丞公二十年亦無一衣一簪珥貽淑人。烏嚀中丞公之爲廉吏爲名公卿固不待夾輔而成而或國事埤於外摧謫交於內雖在賢者不能無幾微帶芥欲確然行其意難宜中丞公之自言也。曰室人交謫自古已然余何幸得此於淑人哉。烏嚀可哀也已。抑可傳也已。公所謨行述又稱淑人事尊章以孝接先後以和教子女慈而嚴予曰婦德固然然士庶家之淑嫗者或能之故畧弗論。初封安人再封恭人三封至淑人而所爲翟冠翠翹揚帔曳帶之飾未嘗被體歿之前二歲

青門賸棠卷七 誌銘九

六

來吳門官舍始一服卽什襲藏之曰是天子所以寵榮大臣而逮其家者何敢褻嫁時故有金臂釵已失其一攜至吳欲令工更造猶與久之曰無乃累官聲不竟不果。二事中丞公云然淑人生明崇禎乙亥四月十二日以康熙丁丑四月二日終於中丞公使院之寢年六十有三子男子六人長基保定府同知先卒於官次至副榜貢生好古以詩文名次陸次著皆庠生先卒次致貢生並淑人出次筠庠生副室薛出生七日喪母淑人撫愛之過所生云女六人皆適望族孫男六人如金侯選中書吉金臨穎教諭岐金庠生前卒韋金庠生華金

禹金幼孫女二曾孫男一人齊萬幼也其婚嫁姻戚具詳行述中至等卽以是月某日奉淑人匱歸商丘將營兆於邑某鄉某原以某月日窆而奉中丞公命先期來請銘先是保定君基之喪予爲之銘又嘗追銘文學君陸故知公家世宜詳不敢以賤辭方治淑人喪也四方士大夫郡縣吏賻送衆數千金中丞公峻卻之曰吾不忍負我淑人銘曰

岱岳出雲厥妃維瀆矯矯中丞素絲絀絨淑人贊之敕身省穡一衣十年孤裘儷德維儉成廉氓受恩福有歸者封有幽者安後其克綿蕤蕤釋釋勿泐勿磷視茲臧

功

青門賸豪卷七 誌銘十

五

宋室劉孺人墓誌銘

予友商丘宋君穉佳來吳閩省其家大人中丞公與予相見於幕府居數日嗚咽而語予曰吾妻亡矣吾妻年十六歸吾家歸四年而夭得年僅十九歲嗚呼已矣死者不復生而吾之哀有時而旣而惟託於文辭者爲無窮敢以坎石屬吾子矣則又抱其子再拜嗚咽而言曰吾妻柔淑無它才能可稱顧三四年來不見其疾言忤色家大人故宦遊未及事而事吾母孝吾母奇愛之曰吾新婦賢吾叔母愛之如吾母曰吾新婦賢吾諸姪愛而敬之曰吾弟賢於其病而歿也吾母撫之哭極哀吾

青門賸豪卷七 誌銘十一

三

叔母吾姪哭之則又哀下至臧獲童婢家之老稚哭之無不哀觀於生者如是則死者可知方疾革前一日吾母來視疾猶蹙然起坐曰新婦體中幸小愈母芥老人懷臨歿神氣如平時執吾手曰妾死妾有兒猶之不死也君慎毋念妾蓋其能自力於死生之際者如此邵長蘅曰予聞太上忘情下者不及情故晉人之論以爲情之所鍾正在我輩予亦抱喪偶之戚除喪未久語曰悲者不可爲絮欬思者不可爲歎息聞君言予心忤忤然蓋不自知涕洟淫下也乃泫然序而銘之序曰孺人姓劉氏世爲祥符人故光祿大夫少傅兼太子太傅工部



尚書諱昌王父也。階文林郎官靈臺縣知縣諱士冠其父也。而於光祿大夫太子太保內翰林國史院大學士贈少保諡文康公諱某爲諸孫婦。今巡撫江南大中丞公名某爲介婦歲貢進士致爲配康熙丙辰七月十日距甲戌九月四日其生卒年月也。直文康公賜塋之西數百步其葬之所是年十二月某日則窆之日也。子男一人禹金甫二歲初文康公與尚書公同舉進士。又同朝爲大官相厚善。故子孫講姻媾云。兩家並貴顯家門鼎盛而孺人能淑順婉嫕執婦道固當應銘銘曰：穀有子。曰不死。銘之壽斯不朽。云吉。窆於此。閭茂之。歲月厄。紐有崇者封突而峙。有錮者藏庀爾後。

青門賸囊卷七

誌銘十二

三

叙以法勝銘語隔句用韻奇

通議大夫刑部左侍郎馮公墓表

代

臨海馮永年述其考刑部左侍郎諱魁字再來之行治伐閱世次以來請曰。惟馮氏之先自宋觀察公諱安國者始家台。世爲台之臨海人。明河東鹽運使諱學易公曾王父也。庠生皇贈刑部左侍郎諱元鼎公王父也。皇贈刑部左侍郎諱繼祖公考也。旌表貞節封太宜人。加贈太淑人戴氏公之母也。公生數月而孤。太淑人苦節鞠育之。幼奇慧。自有重瞳子。以順治丁酉舉於鄉。戊戌成進士。辛丑除永昌司李。奉太淑人之官。會歲饑。請於督撫發騰越積餉分賑之。所全活無算。郡遭賊蹂躪。後子女多陷身羣島。公出數百金賂羣目。得縱遣各歸其父母。以最遷激江守。又調繁楚雄。兼攝大理雲南。及臨沅道按察司諸篆。所至治有聲跡。未幾而逆藩之變作。先是逆藩吳三桂專制滇黔。久生殺自恣。所爲多不法。公策其必反。以終養請格於例。不果。乃謀遣家屬奉母歸。逆藩偵知之。執公至會城。環甲以守。而馳騎邀還家。屬母驚悲疾遂革。既卒視不受。舍公號踊曰。吾母慮不得與父同穴。耶兒所不力圖。吾母歸先壟者死無相見。目乃瞑。是歲康熙甲寅十二月也。逆藩欲降公。拘之僞都督署防守甚嚴。公求死不得。或說曰。公徒死無益。古

青門賸囊卷七

墓表一

三

人達權之義云何聞粵藩雖變與逆通然勢不相下方  
議遣使往公盍乘此機謀脫虎口事尚可爲也公然之  
請以妻子爲質往使粵逆藩不疑遽遣之公至則與粵  
東諸公共謀歸國間道達蠟書上嘉其忠悃詔優叙廷  
議以知府推陞廣東布政使上特命超遷廣東巡撫撫廣  
十餘月前後條上軍民利便積八十餘疏多見施行內  
陞刑部右侍郎尋遷左康熙十九年主師入滇公念母  
匱異域方具疏陳情而會永年亦投謁軍前得知閩門  
安全狀公再疏請假歸葬詔許之抵蕪湖則永年侍母  
奉太淑人匱適至遂歸合窆於贈公墓焚黃封鬣卒踐

青門賸彙卷七

墓表三

三

同穴之願公之苦心蓋至是始大慰也已公自是亦優  
遊林泉不復言仕後若干年爲康熙壬申十一月某日  
以疾卒於里第距其生明崇禎戊辰得年六十有五配  
侯氏封宜人加封淑人前公四月卒壽六十一歲其生  
卒皆壬申子男二人長慰殤次則永年也候補四部主  
事女三人諸生何文猷楊永清洪熙揆女夫也初侯淑  
人與永年陷賊凡八年瀕死者再闔門張皇淑人神色  
不變曰吾蚤知有此我輩死忠死節矣懼爲旣以癸酉  
十二月某日合葬公與淑人於臨海湧泉鄉蟠龍山之  
原而未有以碣諸墓敢再拜以請蓋永年狀云爾予按

宋史吳曦反蜀中以轉運使安丙爲丞相長史丙稱疾  
不視事卒與楊巨源李好義諸人密謀誅曦公之功雖  
不逮丙而間關自拔挈全粵以歸朝廷且毅然棄骨曰  
妻子云稍顧戀其所爲有難者當是時吳逆以鳴張跋  
扈之雄白首舉事郡縣吏望風瓦解計惟有降與死耳  
降則身敗名隳君子羞之卽死而無濟於國論者未嘗  
不悲其忠而惜其志之未遂若公者委蛇觀變以圖濟  
國事卒之身名俱泰室家無恙倘孔氏所稱可與權者  
或近似歟予乃按其大者而論次之使表之墓上其它  
誌狀中可互見者皆不書

青門賸彙卷七

墓表三

三

青門賸彙卷七



青門賸彙卷八

毗陵 邵長蘅子湘 纂

雜著

君子鑒說

吳君允成儒而以鑒名。今大中丞商丘公雅重君。扁其廬曰君子醫。而君又欲得余一言以張之。乃爲說曰：古之爲此名也，所以命天下之有德故有德者通謂之君子。宋儒蓋嘗云：爾今夫鑒之爲道，其理甚深，其視疾有切脈望色聽聲表形之微，其治有湯液醴醢石橋引毒熨之方，其得失係人之生死，而其人君子有小人。

青門賸彙卷八 雜著

案繩墨調陰陽守診籍之效者，而變通之治其本不急其標，寧使已無旦夕功，而不冒以人命試君子也。小人則不然，滅裂古法，矜智徇臆，苟一時之效，貽終身之患，而不恤其尤者，未疾也。藥之而疾焉，疾未甚也。藥之而甚焉，而因而乘之以邀利。諺曰：學醫人費儻，謂若輩耶。余觀昔之爲國者，莫急於辨君子小人。君子用則寬大和平，與世休養以無事，其時即有水旱兵革，世未大治也，而必不至於亂。小人用則好事喜功，用一切苛碎刻覈培克之術，而任之以鷹鷂之夫，施之庸有小效，而及其敗也，執如潰癰決瘡，而喪亡隨之。聞覽宋史熙寧之

初天下無病也。王安石新法行，而病始生。繼之呂惠卿、章蔡之徒，與利開邊，黨禍大獄相尋，而病乃百出。雖有元祐諸君子，不能挽也。卒釀成靖康之禍，宋幾以亡。顧愚以謂宋之亂，安石諸人釀之，而亂而不遽亡，猶得延南渡一百五十餘年。之國脈者，蓋元祐諸君子不爲無功焉乎？士大夫多君子，則國治安；鑒多君子，則疾可已。人可活，君子所係重矣哉。吳君謹厚長者，與人無貴賤，必以誠試其藥，皆精良，多驗。人翕然信之。余夙有肺病，氣逆上壅，而爲喘，遇秋輒作。作則馮几危坐，瞠目攢眉，撼膺呀吸，索晝夜不能就枕。少閒輒復作。冬至乃已。今年君治之，護其元氣，補以茯苓，屏去疏快耗削之劑，而疾漸減。未涉冬而愈。所爲治其本不急其標也。其謂之君子醫也，固宜。唐時有宋清者，長安藥市人也，居善藥疾病疔瘍者，皆樂就清，雖不持錢來，必與善藥。人謂清類有道者。語在柳子厚所爲傳。夫清市人耳，得子厚傳之，而名至今不朽。余文雖不逮子厚，顧如吳君，詎能已於言耶？君名某，允誠其字，世爲吳門人。

青門賸彙卷八 雜著

二

書畫說贈宋穉佳

大塊靈秀之氣融結而爲山川。夫人靈秀之氣舒而爲文章。爲書畫。是造物者所以洩其奇也。書畫力可千年。文章之力無窮。顧皆不能如山川與天地相終始。然而山川幽麗瓌怪可喜可愕之奇。不能自名。乃反待人而名。而人之名之。往往託之文章。與夫圖經金石刻傳之於世。而奇乃大著。則信乎人之靈也。顧人於是三者。往往不兼能。苟能其一。必其性所有也。豈惟能之。苟知而好之。必其性所有也。不性不能。不性亦不好。余幼喜文章。長而習焉。故頗識其徑術。唐肆書畫之至於吾前。欣然接之。亦覺其佳。而不能言其所以佳。余友宋君穉佳。乃於書畫生而好之。見輒能品題。某贗某真。某也佳。某也不佳。一時名鑒賞家莫能難也。君雖處貴介而被服儒素。嗜讀書。又喜交文章士。然則君將兼是三者。篤好之而不厭。豈性使然耶。余辱交於君久。一旦攝衣冠而請曰。某願得先生一言。余不能辭也。嗟虜處。犧以一畫洩造物之奇。而後世文章與書畫同原。於是是塵藝云乎哉。

逆旅說

形骸逆旅也。吾心逆旅之主人也。吾生貴賤榮悴。逆旅中之過客。儻去而儻來者也。來則欣然接之。去而不復省憶。貴者自貴也。賤者自賤也。蓋一宿而同爲陳迹矣。何庸主人之係戀耶。浸假日落墟空。闐無過客。主人且反鎖逆旅歸矣。主耶。客耶。歸者將安之耶。某君達者也。書以問之。



答葉荃伯書

欽遲道範積日累歲山川修阻良用惘然比辱以司馬公傳見諉承命驚悸懼非其任寄視誌銘行狀要屬作手後來更難涉筆某經營十日僅能脫橐既成乃了不異人意如何某因作傳參考明末紀事及綏寇紀略諸書事蹟間有牴牾僭輒改政數條具別紙司馬公自是明季偉人傳當徵信史冊一事傳疑後人將併其傳信者而疑之故不敢草草每見時賢作鉅公誌傳於理學文章事功節義孝友樂施事事缺一不可一人之身諸美畢備子孫得之以爲榮蒙不敢謂然人苟大賢以下

青門賸藁卷八

五

自賢智豪傑以至一才一藝之士其生平必有一二端獨到處如火燥水濕性不可移而其人畢生精神亦全注於此所以可傳作者從此摹畫乃與其人肖事事籠統反掩其真曾見市肆鬻行樂圖黔者哲者髯者少須者妍者媼者與夫老少肥瘠長短一一張之壁間聽人自擇文章籠統何以異是司馬公大概是豪傑一流耿介孤立乃其自信處故特畱拒璫一事入贊以見公功名如是氣節卓卓又如是足不朽矣其餘小節無妨從略即得力王文成不動心一語姑聽誌銘見之蒙所爲不敢求全也申申以後事誌狀至此頓爾氣索某文頗

極意闡幽雖委婉出之覺司馬公幽憂孤憤之氣隱隱勃窣行間此處似不虛孝子賢孫千里外誣諉盛意耳嘗覽六一論尹師魯墓誌牛山答錢公輔學士書古人於文章得失不嫌自述某文何敢效古人藩籬然亦小有用意處甘苦自知信筆覲縷至此主臣主臣潤筆過腆本不敢當遠引持正福先寺近援文長酬字堂例又不敢堅卻拜賜赧然未占叅侍幸惟強飯自愛

青門賸藁卷八

雜著

六

奉答王阮亭先生書

春間伏蒙賜青門集序重以誨言獎借隆厚狂喜欣踊捧函叩頭如獲瓊瑤某五年前小札有云敝帚不得牛生一言亦此生大缺陷事幸而得之誠感誠忭久宜鳴謝時會疾作恩歸里徂夏涉秋病肺病疔百疾交攻藥餌沈綿筆研都廢顧雖枕席呻吟中來書出入懷袖紙毛盡生亦足見其感激之誠矣中冬望前過吳門始見先生致商丘公札讀之汗流被趾悸不自定伏念某雖世故脫畧而於文字小有宿緣寧當疎慢加於所天區區想蒙照察也奉讀來序謬以荆川相况荆川爲敝

青門賸彙卷八

雜著

七

鄉前輩其學問之淵該經濟之恢拓某何敢仰跂獨古文辭庶幾駢驪亦未知果能至不也比最心折來序所云博學未知視荆川何如其於文章洮汰鍛鍊則已至矣語如秦越人視病洞見隔垣某三十年苦心於此頗沾沾意得今得元晏一言遂爲身後定評虞仲翔云一人知己死不恨倘某今日謂耶先生又謂荆川之文渾茫演迤使與少游無咎文潛輩馳騁後先可以無媿竊意少游古文辭自策論五十篇外寥寥未稱尚非鼂鵒比葉石林嘗稱無咎雄健俊拔筆力欲挽千鈞又稱文潛雍容而不迫紆裕而有餘二君皆文豪也假令竝生

今世某遇之當側足讓畔顧區區願學實不在是某於斯道竊闕堂廡心竊知其所以然嘗以謂自南宋至元明五百餘年其間文章之士從憑踰蹕而起奮然思以立言自命者蓋幾千百人得列名作者流傳至今亦且數十百人試發其集而讀之卽亡論龍門扶風也上視韓歐大家或爲別子或爲旁支固代不乏人而大宗之傳竟未有屬下此則強者標攷弱者裨販丐貨矣某才力遲頓又媿讀書不多縱畢力赴之或者可備小宗支庶之一人耳遙遙千百年竟當埃之來者此語似非謬悠然已重爲不知者詬病矣旣念海內雖大知我如先生輩者屈指不過三數人輒不能自嘿聊一及之序書俱刻成以冠拙集今裝潢一部馳奉久病手顫不能作楷口占屬友人削牘竝乞宥原月日某再拜

青門賸彙卷八

雜著

八



與徐藝初書

前歲冬杪力疾會葬山中卒望見顏色牽於俗禮未能握手一慟吐胃臆所欲言至今邑快春中來吳門得見尊公先生遺集及慕廬先生所撰行狀讀之竟帙涕淚汎瀾私念尊公先生立身立朝自有本末其得謗之由亦有因起此事異日當傳信青史苟晦諱其寔大懼無以揚幽光想足下於誌銘碑表類都未請乞或亦是此意不惠意文章第當求其可傳不必定屬顯人且姑遲之勿遽蓋歲月尚近則瞻顧必多頭銜太大則忌諱益甚偶憶鼂公武作東坡祠堂記有云崇寧閒人皆畏禍莫敢莊語公之葬也少公黃門銘其壙亦非寔錄今之情事想將無同慕廬先生狀具見古誼其所摹畫亦厘什之七八耳然已大難得矧敢望之它人耶第怪世儒臨文每每囁嚅喉吻閉噤不敢吐心竊非之僭不自量輒奮筆作憺園集後序繕寫一通是正倘有避忌不妨遲遲出之幸勿改竄弟自信此文小有意致似足仰酬知己萬一也又曾撰傳是樓記脫稿於甲戌三月竟未及致今竝寫寄似與黎洲鈍翁作未知堪姊似不可今往拙集一部新刻韻略一部聊識相憶敬思令弟竝以此札寄聲適酬應膠葛中信筆都無詮次不一

青門賸彙卷八

雜著

九

題舊本施註蘇詩

施氏註東坡詩四十二卷鏤版於宋嘉泰閒世之學者往往知有其書而流傳絕少商丘公購之數年從江南藏書家得此本又殘闕僅存三十卷是書卷端題吳興施氏吳郡顧氏而不著名而序文目錄又闕故覽者莫得其詳也其後得陸放翁所作施注蘇詩序有云施宿武子出其先人司諫公所註數十大編屬某序又云助之以顧子景繁之該洽又按文獻經籍考載司諫名元之字德初其注詩本末與序合又參考郡邑志及它書而三君之名字乃灼然亡疑商丘公幸是書之存而惜其殘闕也乃進毗陵邵長蘅屬以訂補爲之綴闕正譌芟蕪省複而所爲四十二卷者粹然復完可版行聞之昌黎言用功深者其收名也遠故夫文章之士仰面屋梁指擢心腎幾幸得自表見使有身後名耳及觀施氏父子萃數十年心力成是編其用功不爲不深而垂四百餘年若滅若沒其姓名亦且從狐狸猓貉吻中挾而出之而厘厘不泯蓋其傳之之難如是而註蘇之割裂紕繆如世所傳永嘉王氏本其出施氏下遠甚而顧得行世豈亦有幸不幸與然而書之不足傳者雖幸而見稱於人譬之秋潦汪洋儵歸烏有而其必傳者或忽於

青門賸彙卷八

雜著

十

近而貴於遠。或晦於昔而大顯於今。雖經蟲齧蠹蝕之。名言餘而若有物焉。馮之不可磨滅。語有前節註一家詩之興廢其微焉耳。然亦有可感者是編出。吾知其必將焯然與東坡詩竝垂久遠。無有能起而蓋之者矣。

中有名論不磨風神吞吐大是一勝處。馮山公

題廬山詩刻

廬山之勝至淵明慧遠始著。遠常倡蓮社於山中。好事者圖之。世傳匡廬十八賢圖是也。鮑照陰冰寔夏結炎。樹信冬榮。謝靈運晝夜閉日月。冬夏共霜雪。要是廬山警語。唐宋以來詩文為廬山重者。李太白白樂天周茂叔蘇子瞻朱元晦明則王伯安李獻吉六七君子耳。嗟乎自淵明至今。山遊者日千百人。亡論已其閒文章之士。作為詩歌。深鐫大刻。欲與茲山爭不朽者。何限而千三百年。閒剝泐頽仆於樵斤牧礪風霜野火之餘。亡一二存者。梁蕭統南唐李景且不能有是山也。矧下此者與。然而六七君子之名特重者。詎不以其人與。王申秋漫堂先生自江右移撫吳。泛舟彭蠡。攜衲子宿應超淵。山人羅牧訪白鹿洞。尋栖賢三峽。開先諸勝。得古體詩六章。既刻石開先寺。復命蘅題蘅以謂公之名垂廬山者。當與六七君子同不朽。蓋不獨以詩重也。羅山人故善畫。惜未能為之圖。與蓮社竝傳。然而後世誦公詩一時文采風流。真可想見畫之有無亡足論云。



題學詩圖卷

學詩圖橫卷絹本高八寸長可三尺許桐蔭蕉林藁簟  
蘇石綠天無罅空翠欲流桐下大石案一陳卷帙古研  
一人坐石榻斜倚案上左手舒一指右睇而微笑者漫  
堂先生也旁坐一人魁梧微髭鬚執卷請益者先生仲  
君山言也卷當是少陵或東坡詩末可知帽類古席帽  
淺藍寬衫束帶微露鞋條然晉人風味偶思東坡斜川  
相對時不無此好景惜當時無好事者圖之寂寂六七  
百年遂獨讓宋家父子寫者禹慎齋之鼎補圖者王石  
公輩皆好手康熙丁丑花朝後一日

青門勝彙卷八

十三

鐘形研銘

石女質金女形旋蟲篆枚文庚庚扣而發之聲呖嘈

黃蚪天然研銘

璞不琢蘊時目涵陰摩藏蛟螭

七星研銘

攜龍角枕參首端巖石中涵斗六丁下遣雷斧培追之  
琢之永爲寶

又

杓衡之精化爲鴟鵂壘池半規日沐月浴

筆筒銘

青門勝彙卷八

十四

神過用則疲鋒屢試則禿吾常謂君中書乃休以管城  
之湯沐

風字研銘

風水淪漣自然成文

端研銘

斲青玉髓蛟鼉窟砥之淬之大文發

周翁像贊

冠今簪鬚兮髮手數珠百有八翁師竺乾氏耶師猶龍  
氏耶乃默然而不吾荅吾笑謂翁不荅是荅

漫堂先生像贊

匡廬帶嶺笠澤渺茫公來於南握節兩邦一以爲定綠  
之新建一以爲撫吳之文襄而挹公道貌乃儵然列僊  
之儒山澤之臞清吟晏坐簾閣闌如是當位公於蘇州  
香山之間而與古爲徒

青門賸稿卷八

青門賸稿卷八

青門賸稿卷八

青門賸稿卷八

青門賸稿卷八



青門賸稿十六卷附邵氏家錄一卷青門旅稿六卷青  
門賸稿八卷

安嶽巡撫  
採進本

國朝邵長蘅撰長蘅一名衡字子湘武進人是集乃  
其兄子璿等編次康熙戊午以前爲青門賸稿詩  
六卷文十卷已未訖辛未爲旅稿詩二卷文四卷  
壬申後爲賸稿詩三卷文五卷其邵氏家錄則以  
康節祠堂碑記之類彙爲一編者也



# 竹垞文類二十六卷

〔清〕朱彝尊撰

北京圖書館藏清康熙二十一年刻增修本

附《四庫全書總目·竹垞文類

二十六卷》提要

秀水朱文恪公以名德著萬曆中諸子姓彬彬繼起號能文章四十年來浙西言文獻者必首朱氏文恪公之曾孫曰彝尊錫鬯最晚出文章之名播海內一旦出諸父之右予考唐史若韋氏杜氏蘇氏崔氏盧氏之屬皆累世爲公卿當時史官至爲著宰相世系迄于宋代則有若邯鄲李氏魏郡王氏壽春呂氏河南韓氏陞范文正韓忠獻父子兄弟其功名率與國運相終始蓋唐宋以來其重世臣如是錫鬯少逢喪亂棄制舉自放于山巔水涯之間獨肆力古學研究六藝之旨于漢唐諸儒註疏皆務窮其指歸家苦貧竹垞文類序

依人遠遊南踰五嶺北出雲朔東泛滄海登之衆所至叢祠荒冢金石斷缺之文莫不搜剔考證與史傳參互同異其爲文章益奇嗚呼以文恪公之德錫鬯之才不得比于唐宋之世臣而老于布衣僅以文章自見蓋遇不同矣是可感也錫鬯之文紆餘澹濳蛻出風露于辯證尤精詩則捨筏登岸務尋古人不傳之意于文句之外今之作者未能或之先也始順治戊戌予在都下見錫鬯嶺外詩嗟異之康熙甲辰錫鬯過廣陵授予歌詩適予客金陵不及相見丁未始遇于京師中間聚散者不一迨今丁巳予復入京師

而錫鬯又將有金陵之行回憶予始見錫鬯詩時忽忽已二十年兩人論交且十有四年而錫鬯與予皆非少壯人矣錫鬯過別予以所著竹垞集屬序予因述其所有感于中者而非道予二人離合之情以遺之錫鬯其亦有感于予言也濟南王士禎撰

古今之論博學者不必工于文工文者學不博秀水朱錫鬯幼負異才爲太傅文恪公曾孫年十七棄舉子業學古文博極羣書既食貧歷幕府則之豫章之粵之東甌之燕之齊之晉凡山川碑志祠廟墓闕之文無弗觀覽故所作文考據古今人物得失爲最工

竹垞文集序二

而經傳注疏亦多所發明然世之博學者往往其文不工則何也老子曰當其無有室之用天下之理以實爲體以虛爲用是故風觸于虛而聲作水激于虛而瀾生博學者惟思自用其實故窒抑煩懣而無以運之且夫鵬鵬之神也水不從南溟風不搏扶搖九萬里則不能自運何者水狹而風卑則其虛也懸幾何地而何以運爲然且見聞多則私智勝又好以私偶合穿鑿附會古今之事故其文愈根據而愈昧于道吾觀錫鬯所論說兢兢然必稽于古古人所無有弗道也又必折衷聖賢之理而載籍所未嘗明言者

每引伸觸類互推而得其說人之始視之也若夏雲之起于空中若城市樓觀臺閣車馬之見于海湄乎不見其根本既而求之則皆有以得其確然之故而援古喻今使言者無罪聞者足戒是蓋所謂能以虛運其實者非耶三吳顧寧人汪若文博學窮物理推最愛其文有根據而錫鬯皆與爲友虛已以平不與切削其學又能出新意自見此其文之有主也吳寧都魏禧頓首撰

竹垞文集序三

葉先生年譜又類晉兩付南離一在壬戌年

汪川吳以培董其事爲卷二十有五一首頁有布

衣表亦與葉尊一行爲卷二十有六即此冊也

陳說刊於何時曰識教語於簡端

年百廿月秋客記

又葉年譜先生四十三歲辛亥年竹垞及類成於戊壬壬午都認清卷序則此冊者

布衣二字可見在宋徽宗以前壬戌則已與以布試後矣



竹垞文類目錄

布衣 秀水 朱彝尊 字錫鬯

卷之一

樂府詩四十首

卷之二

古體詩四十八首

卷之三

古體詩三十一首

卷之四

古體詩一十四首

卷之五

今體詩八十七首

卷之六

今體詩八十二首

卷之七

今體詩七十七首

卷之八

今體詩二十三首

卷之九

今體詩五十四首

卷之十

今體詩四十五首

卷之十一

今體詩六十七首

卷之十二

今體詩七十九首

卷之十三

今體詩一百首

卷之十四

聯句詩八首

集句詩二十七首

竹垞文類目錄

目錄

二

卷之十五

序一十三首

卷之十六

序一十六首

卷之十七

序一十四首

卷之十八

記一十二首

卷之十九

記七首

題名七首

卷之二十

書十首

卷之二十一

跋一十九首

卷之二十二

跋一十四首

贊三首

銘十首

卷之二十三

雜文一十一首

卷之二十四

竹垞文類

目錄

王

碑五首

墓表六首

卷之二十五

墓誌銘一十一首

卷之二十六

論六首

傳二首

祭文四首

哀辭一首

竹垞文類卷之一

樂府詩四十首

長歌行

短歌行

傷歌行

苦寒行

董逃行

五游篇

猛虎行

悲歌

雞鳴

讀曲歌

華山畿三首

那呵離

烏棲曲

休洗紅

東飛伯勞歌

阿那瑤二首

竹垞文類

卷之一

樂府

白紵詞二首

靜夜思

北邙山行

雀飛多

采蓮曲

樹萱篇

捕虎詞

捉人行

馬草行

宋烈女行

少年子

小長干曲

春江花月夜

從軍樂二首

當壚曲

明妃怨二首

芳樹

劉生

長歌行

四庫全書  
詩集部



糾糾葛屨行彼中逵豈無輶馬登高則危解一姬姜誨

淫吉士悼之赫赫王侯竊鈎笑之解二羔羊之革可以

禦冬狐貉雖溫君子固窮解三誰謂松柏微霜萎而誰

謂風雨雞鳴已而解四芻蕘者謀先民所度志士立言

豈必好爵解五陟彼北山俯視崇丘千秋萬歲孰知我

憂解六

短歌行

飲酒當醉拔劍當歌人生相知樂豈在多解一相彼中

林枝葉猗猗嚴霜一至焜黃奈何解二飄飄寒風不知

所屆豈曰無衣將子于邁解三鳴鹿在圃載食其蒿男

竹枝文類

卷之十一

二

兒墮地惜無錢刀解四明星在天雨雪在野我思故人

泣數行下解五今夕不飲來日大難今若不樂來朝示

歎解六

傷歌行

北風其涼雨雪如擣栖栖素冠行彼周道解一蟹則有

筐蟬則有綏父喪不葬誰憐我為解二瞻彼桓山有革

其羽載鳴載揚忽失其侶解三力行雖疾不如奮飛遠

望雖高不如早歸解四凡百君子庶幾心惻翳桑之餓

可以報德解五

苦寒行

九州皆可歷何為雲中居聽我歌苦寒泣下沾衣襦

解寒風利如刀雪花大如席重裘如束木安問絺與

絺解二白日無光鼎鑪沙但茫茫舍我四方事土室獨

摧藏解三盧叟自言高乃是太古雪瀉洩自言深腹堅

不可裂解四斧冰持作糜餠糜糜已冰展轉長宵中晨

風不得興解五攬衣未及帶手龜血出漉嚴霜割我面

哽咽不得哭解六男兒可憐蟲出門思故鄉寧飲吳市

酒不樂邯鄲倡解七

董逃行

我欲上登峻峭謁見仙人韓終兩腰白鹿雲中輕車

竹枝文類

卷之十一

三

忽忽西東駕者何人木公旁有千載玉童耳長覆髮

丰茸天門開者蘇林復開闢招尋青藍紫柱成陰

清風細雨吹襟提壺設席盡簪蒼龍白虎交臨投壺

六博無方中筵促坐芝房有美一人清揚輕軀暢舞

洋洋宛若龍游鶴翔清歌妙曲難忘四坐歡樂未火

曠曠日出扶桑

五游篇

崑崙有鳥自名希有東覆木公西藏金母解一飄風東

來吹我西征路從弱水阿母未經解二雲車隆隆土鼓

逢蓬道逢仙人言堇雷公解三河鼓渡河天孫設食奔

星馳驅不見太白解四方丈之山其高五千羣仙往來

不願升天解五

猛虎行

斑斑南山虎黃金環兩目矜鹿非不甘妄意食人肉

解一朝亦伏林間暮亦伏林間將軍不敢射何況惡少

解二東海殺黃公山嶠逐馮婦牛哀導我前左飛踞

解三我後下士捉虎尾上士持虎頭雄豪安可常寢處

解四託王侯

悲歌

我欲悲歌誰當和者四顧無人執笏曠野

竹枝詞

卷之一

四

鷄鳴

東方未白雞長鳴離人東帶步前楹中聞切切再

語曉寒入室燈光清家僮驅雞誤相觸隔隔膊膊飛

上屋

讀曲歌

素藕生池中紅荷浮水面與汝同一身本自不相見

華山畿三首

華山畿弩張不發箭知子未投機

其二

兩相望儂非孤矢星安能長對狼

其三

奈何許安得鳳凰子迎接儂與汝

那呵灘

聞歡當遠行泣下不可止大鰲開江津懊惱鐵鹿子

烏棲曲

天河漫漫月流光錦筵紅袖燈輝煌城頭烏棲夜擊

鼓吳王更衣西子劍

休洗紅

休洗紅洗多紅漸白人心初不同愛好非前日紅顏

絕世衆所尤美女入室惡女仇

竹枝詞

卷之一

五

東飛伯勞歌

伯勞飛來燕飛去參辰天上重相遇誰家女兒十五

餘織成湘綺三條裙迴身微步乍生塵巧笑明眸善

避人慙金爲堂柱爲柱中庭新種相思樹陽春已暮

花漸稀可憐高下從風飛

阿那壞二首

黃塵起跋跋乃自渭橋過小袖織錦袍足踏深雍鞞

其二

問客家何方揚鞭兩走馬四角白虎幡招搖來闕下

白紵詞二首



吳王宮中夜欲闌秋江露白芙蓉殘青娥二八羅裳  
單左鈿右鈿何娑盤明星滿天月三五城頭坎坎夜  
擊鼓君王既醉不知音猶向燈前作歌舞

其二

天橫北斗夜沉沉美人並進揚清音白紵輕衣香氣  
深玉釵亂墮無人尋此時但恐君恩竭急管繁絃那  
能歇明燈忽滅烏夜啼醉起更衣滿江月

靜夜思

靜夜涼風天氣清開軒白露滋前楹憂人佇立愁屏  
營仰觀北斗懸高城浮雲飄忽蒼烟平誰家青樓歲

竹垞文集

卷之十一

木

麤鎗月寒沉沉夜飛鵲

北邙山行

北邙山前望行路素車白馬紛朝暮誰家丘墓樹龍  
從白楊粉檟松栢桐黃金爲是石爲馬魚燈焚燐照  
泉下古碑崩剝無歲年後人於此犁爲田維狐仇仇  
雉角角人聲夜哭鳥聲樂

雀飛多

雀飛多飲啄野田裏奈何卒逢黃鶴子誰其救者彈  
以丸何用報君雙玉環玉環如可得不惜黃花與爾  
食

采蓮曲

采蓮女兩漿橋頭去錦石清江日落時羅裙玉腕花  
深處采蓮童素舸游湖中江謳越吹歌未歇朱唇玉  
面來相逢共道江南可采蓮湖中蓮葉已田田攀花  
風動飄香袂照水萍開整翠鈿翠鈿香袂逢人少回  
看蘭澤多芳草青鳥飛來啄紫鱗白蘋斷處生紅蓼  
雲起暮流長飛花鏡裏香雙雙金翡翠一一錦鴛鴦  
鴛鴦翡翠飛無數蘭橈並着輕搖櫓素藕連根絲更  
柔紅蓮徹底心偏苦誰家年少垂楊下出入風姿獨  
妍雅岸上徘徊七寶鞭湖邊踟躕千金馬淥江腸斷

竹垞文集

卷之十一

七

起歌聲惆悵方塘一望平水上輕衣吹乍濕風中細  
語聽難明沙棠舟繫青絲絳相邀盡說江南樂白雲  
初看翠蓋飄秋風漸見紅衣落橫塘燈火采蓮歸隔  
浦歌聲聽已希雲間月由開烟樹惟見沙明白鷺飛

樹萱篇

朱明四五月萱草滿中園花花連枝發葉葉從風翻  
一移萱南湖濱樹萱北庭側亮無同心人馨香詎相  
識二兔絲自有枝桃葉自有根黃花特小草何用通  
慇懃三冶容無故惟柔條易顛倒本是忘憂花翻成  
斷腸草四解

捕虎詞

黃桑彎弧棘作弩村民少長齊捕虎南山有鹿北有  
獐何爲馱我檻下羊青天杲杲白日出橫行大道終  
罹殃君不見靈丘捕虎虎盡死太原城中狼入市

捉人行

步出西郭門遙望北郭路里胥來捉人縣官一何怒  
縣官去遯兵來中流蕭鼓官船開牛羊棄駝蔽原野  
天風蓬勃飛塵埃大船戕戕駐江步小船捉人更無  
數顏垣古巷無處逃生死從他向前路沿江風急舟  
行難身牽百丈腰環環腰環過杭州千人舉棹萬  
竹垞文類 卷之一 樂府 人  
人謳老拳毒手爭毆逐慎勿前頭看後頭

馬草行

陰風蕭蕭遶馬鳴健兒十萬來空城角聲嗚嗚滿街  
道縣官張燈徵馬草階前野老七十餘身上鞭朴無  
完膚里胥揚揚出官署未明已到田家去橫行叫罵  
呼盤殮關牢四顧搜雞豚歸來輸官仍不足揮金夜  
就倡樓宿

宋烈女行

紅羅持作帕素練持作巾何必合衾幃始爲同心人  
宋氏有女典生長蔚州之野西崖之山年紀十五餘

許配千字村村民蘭州廝大義結夫婦忽登泰山錄  
人壽不得久女方曬穀聞之聲悲哀長跪告父母兒  
當從黃泉下信誓旦旦不可乖父母向女言尊章爾  
未事慎勿捐形軀相保親父子各各還室中涕淚終  
不止月正三十日其日二十三白日從東來奄忽墮  
西南闔門夜無人女向空庭坐攬我素練巾接彼紅  
羅帕徘徊寢室旁自掛中門下父母收視哽咽不得  
言觀者四方至歎息日暮還童童啁啾側乃有松栢  
林誰言寸草莖乃有松栢心

少年子

竹垞文類

卷之一 樂府

人

小長干曲

臂上黑彫弧腰間金僕姑突騎五花馬射殺千年狐  
江水東流急風波正未安郎今何處去留妾小長干  
春江花月夜

今夜江中月兼花照水濱春潮寒不起定有弄珠人

從軍樂二首

大漠孤雲萬里來遶城落日照輪臺蓮花寶劍千金  
值楊柳春旗五丈開

其二

疊鼓鳴笳瀚海傍白麟朱鷺凱歌長妖姬十五琵琶



曲美酒千鍾琥珀光

當爐曲

吳姬春酒解當爐隨意絲繩瀉玉壺五馬漫誇秦氏女雙鬟愁殺霍家奴

明妃怨二首

青海長雲雪作花紫臺風急旋驚沙君王自信和親好不見閼支入漢家

其二

上林消息斷歸鴻記抱琵琶出漢宮紅顏近來憔悴盡春風更遠畫圖中

竹垞文類

卷之二

十

芳樹

芳樹不知名當君階下生流光分夜月曉色徧春鶯看舞山荊曲聽吹玉笛聲相思人不見終日遶花行

劉生

京華多俠客勇略重劉生一劍酬然諾千金問姓名歌鐘喧北里冠蓋隘東平聞道龍城戰軍前更請纓

竹垞文類卷之二

古體詩四十八首

古意二首

雜詩三首

漫感

龍潭曉發

晚過寶林山寺

遊門山

舟中望柯山

楓橋夜泊

錄別詩二首

小孤山

大孤山

舟中望廬山

濱陽峽

香爐峽

大廟峽

羚羊峽

竹垞文類

卷之二

一

七星巖水月宮

入景福洞登璇璣臺

由香關至玉虛觀遂轉登絕頂

下扶嶺臺陟圓風崖自蓬壺逕汎舟入鐘鼓洞

將歸留別粵中知己 楊歷巖觀瀑布水

庾嶺三首

永嘉對月懷家孝廉一是四首

同宋使君遊雲門山

雨渡永嘉江夜入枹溪

施學使閩章招集湖舫

由淨慈寺登南屏山絕頂晚憩慈航精舍

別李繩遠

十月十四日夜同曹使君雲州對月

十五日夜月

十六日夜席上贈陳孝廉容永

十七夜月

雁門關

酬潘耒

送柯通政聳歸嘉善

古意投高舍人士奇

酬閻若璩

劉中丞生日詩

古意二首

涼秋八九月游子當遠行寫心未及竟轅馬顧我鳴  
竹垞文類 卷之二 古體 二

我車駕君馬我馬駕君車徘徊四野中執手且斯須

何用問遺君約指于闐玉上有龍子蟠下有鴛鴦宿

綠以五色絲青紅與碧綠願君一分手思我贈君時

潛淵與皎日信誓終不移

其二

嚴冬十二月飛來雙白鵝錦字盤中詩中央周四角

君書我當報我書君當開徘徊一室中庶以喻中懷

何用問遺君却月裁胸前縫以七孔鍼著以同功綿

青紅與碧綠五色絲相連願君一置腹思我寄君情

轆轤與車轂輾轉何時平

雜詩三首

滔滔東流水中有西上魚素著揚洪濤騰決勢有餘  
雲霧生晦冥川岳助吹嘘白龍未變服胡然愁豫且  
亮無圖南志終返北溟居

其二

鷄鵠本大鳥海處揚波濤何意天風來吹之入魯郊  
鏘鏘鐘鼓鳴耳首思扶搖青雲鍛其翮烈風焚其巢  
先時方笑言後至斯號咷

其三

騏驎服鹽車爾候騎土牛於心徒欲速爲計苦不周  
竹垞文類 卷之二 古體 三

白洋既覆粟太行亦傾軛擇術昧先幾焉能獲所求

漫感

淮陰昔未遇旅食昌亭年薄俗愛惜費晨炊固空焉

哀哉趙元叔日歎囊無錢男兒雖落魄寧受衆目憐

相逢游俠子白馬黃金鞭揖我入酒家飲我斗十千

臨觴忽不御拔劍心茫然

龍潭曉發

曉發白龍潭移舟綠楊岸篙師暗申語行客水邊飯  
雞鳴潮始來月落天未旦冥冥州霧生稍稍城鴉散  
乘風萬里外擊楫中流半抗慨游子心臨江起長歎



晚過寶林山寺

相傳山自瑯琊東武海中夕飛至人民皆徙焉

春風從何來吹彼芳樹枝客心坐惆悵日夕千里思  
出門異南北獨往任所之春言登茲山已見西日馳  
羣峯趨戶外出沒成參差置身空濛間恍惚飛來時  
向下聽雞犬極視窮高卑沉沉西林路光闇從此辭  
回瞻白雲合林外鐘聲遲

遶門山

修途緣廣隰川塤高烟平迢迢前山路落日西林明  
捨舟復登陸慰我巖壑情斧斤山林外白石丁丁鳴  
危梯懸木杪幽谷聞人聲陰晴古壁暗高下蒼崖傾  
竹花文類

卷之二十一

四

或見山火出時聞猿鳥驚平看雷雨黑下視源潭清  
微風吹素浪日夕沄沄生山田足禾黍水石明柴荆  
何年此幽棲深謝世上名無爲在城市戚戚多所營

舟中望柯山

朝光麗華薄清川蕩浮瀾艤楫臨江阜流日肆遐觀  
丹葩眩重谷素雲冒曾巒我行既遲迴顧景多所歎  
青林翳巖桂香風過崇蘭空亭邈孤高修竹自檀欒  
緬懷古之人知音良已難

楓橋夜泊

初月開平林繁星羅遠戍驚禽沙上鳴漁子夜深語

遙聞歌吹聲暗入楓橋去

錄別詩二首

丈夫志四海投袂始出門親知未及送僕夫已具存  
天寒月沒參辰昏人生重離別豈不懷故園  
一言許知已萬里誰復論

其二

飄飄山上雲泱泱溝中水居人語前除行子夜中起  
攬衣候雞鳴東帶復隱几上堂辭嚴親入室慰妻子  
戚戚對弟昆依依向隣里臨當掩柴扉行復顧桑梓  
睽彼雙飛鴻徘徊不能已

竹花文類

卷之二十一

五

小孤山

北船乘長風南船載柔櫓篙師戒晨征渡口動津鼓  
霧淨開孤峯沙明橫極浦逶迤經前山日色未亭午  
半嶺界樓臺參差近可親離離金碧光官神靈雨  
遠望空愁心沿流采芳杜

大孤山

兩孤去百里宛在中流半匪獨形勝殊氣亦變昏旦  
天梯鬼斧開廟大神鴉散昭昭雲月輝歷歷明星爛  
空水既澄鮮浮光亦凌亂飄緲御冷風恍惚度銀漢  
未有歸與情空深逝者歎

舟中望廬山

昔予志名山夢寐五老峯今茲遠行邁舟楫欣來逢  
中流望員闕隱見金芙蓉空翠非一色飛雲渺千重  
歷歷澗中水青青崖上松所嗟限于役策杖誰相從  
空愁石梁在緬懷虎溪蹤嚴棲不得送惆悵東林鐘

湓陽峽

吳山多逶迤粵山獨嶄崿壁立千仞餘洞壑俯穹嵌  
千午見日月朝夕鳴松杉天風一以至蕭瑟吹江帆  
懸崖蒼長嘯空翠濕征衫側聞飛仙度遠見浮雲銜  
何當刷靈藥坐惜無長鏡

竹塋文類

卷之三 古詩

本

香爐峽

何年香爐峽擅此香爐名匡廬與會稽秀色同削成  
篁徑散彩翠溪流澹澄明青雲結車蓋白日懸霓旌  
孤舟汎容與百丈紛縱橫人影如沙蟲林林川上行  
夕陽下長坂猿鳥盡哀鳴征途渺何極惻惻使心驚

大廟峽

連山何迢迢迢迢夕陽外我行曾幾時虛舟入青霏  
崖傾斷車箱廟古陰松楸遙見靈旗翻微風響清籟  
川光與天容上下如衣帶縈縈白石明窅窅浮雲晦  
日夕故鄉心山川渺吳會

羚羊峽

泠泠高峽水際曉烟光微一聞征橈發宿鳥皆驚飛  
蒲樹既迢迢山雲亦依依谿迴修竹靜日出行人稀  
雙崖信奇峻屹立如重圍猿猴相呼嘯水石湛清輝  
遂令遊子心萬里亦忘歸林棲如可得顧息漢陰機

七星巖水月宮

晨策遵北渚初暎麗陽崖淒清曾颺發轡迷素雲  
橫街越故蹊交林冠高齋蒼烟秀松果白石崇基階  
以茲清曠地結念澄中懷瑤琴雖無音山水調長諧  
何必若歌歌魚鳥卽朋儕懷新意猶春撫往迹誠乖

竹塋文類

卷之三 古詩

七

卽事非浮歡真樂亮難偕

入景福洞登璇璣臺

紺宇陟既窮靈域探未竭援蘿巡領崖窺巖辨修砌  
滅跡超重深拂衣避碑碣入宮驚坎習出泉自蒙發  
洩雲晴未歸石火寒不伐吹萬聆天風明兩見日月  
芳塵凝花堂象緯逼金闕陰澗待息心陽阿足晞髮  
歲晏當來游毋令蕙草歇

山香閣至玉虛觀遂轉登絕頂

山行不辭勞况非道路長石門敞層阿沙草敷陽岡  
仄徑既窮窳連峯復蒼蒼登高昧千里矯首凌八荒



飛鳥遺之青埃風吹我裳覽彼終南詩有紀亦有堂  
亭亭翠旗列宛宛朱鳳翔忌憂豈在邇爲樂誠多方  
何當啟閭闔高舉劓紫皇

下扶嘯臺陟閭風崖自蓬壺逕泥舟入鐘鼓

洞

高寒肆冥搜幽異愜心賞窮梯背樵蘇密徑而篠簜  
睇後路既廻瞻前渚彌枉緬辭蘇門嘯重作剡溪訪  
泉石匪自今亭臺已成曩其錄異短聞無射中奇粹  
偉茲造化功流形信无妄津逮興故超神淵道斯廣  
懷哉謝人寰歸與授吾黨

有北文類

卷之二 古體

八

將歸留別粵中知己

請君膝上琴彈我遊子吟哀絃激危柱離思難爲音  
寶御皆煩紆何況居者心于役既有年歸哉方自今  
不辭路悠長眷此朋盍簪山川一以隔邇若商與參  
行邁日靡靡憂心亦欽欽汎舟滄浪天驅車過雲岑  
中誠何用寫執手情靡任

楊歷巖觀瀑布水

瞻塗越修峻遵渚拂芸苔駕言陶嘉月采隱滌氛翳  
舍車循曲汜捫葛升陵喬柔蕙挺英蔡灌木蔚豐條  
仰沾潺湲沫俯聆載道鷗逝者如斯夫游至非崇朝

靜觀羣化遷始悟萬象超一鼓在中琴清響流山椒  
鳴鳥聲相求潛虬德彌劭願言繫白駒於焉久逍遙

庚嶺三首

不隨野雀棲不挹斜階流顧茲非我鄉胡然久滯留  
侵星陟長阜亭午次崇丘九九青窠偃鬱鬱玄雲浮  
有泝自東來畢景忽西邁征夫念獨宿徒御方相尤

其二

相尤夫何爲獨宿在車下往矣歲聿除來思月惟夏  
大儀互廻游芳華兩徂謝迴車感長途如歲匪遙夜  
我馬旣已瘠征夫本靡暇日且候雞鳴嚴程起夙駕

有北文類

卷之二 古體

九

其三

夙駕踰秦嶺連岡勢逶迤一爲愁霖唱慨彼東山詩  
沾我征衣素絲以爲緇不愁裳衣濕所嗟徒御饑  
薄寒忽中人不異三秋期言旋雖云樂翻使我心悲  
永嘉對月懷家孝廉一是四首

娟娟東城月濯濯中園露修堞乍升輝廣墀已流素  
感物成憂端翹思念情故心賞竟莫同歡歌有遐慕

其二

昔我濟江時別子澄湖陰申以欵曲言可謂超重深  
軒車來何晚離緒故難任不因道路修惠以瑤華音

其三

瑤華尚阻修何以展嘉觀  
越非殊鄉方舟翼來適  
新蒲紛紫茸春草齊碧色  
徒令芳醕陳庶幾煩慮釋

其四

芳醕無長筵煩慮何由捐  
我思一何篤有若明膏煎  
兼山義有托涉川道未愆  
安得飛鴻翼報子池上篇

同宋使君琬游雲門山

頻年客會稽愛茲山水幽  
咫尺雲門寺經旬不出遊

朝霞開霽色喜見風雨收  
使君高興發要我登輕舟

輕舟出滄汙人語蒼清冷  
流連石帆下遂至樵風涇

會稽文集

卷之三

十

北船吹以南南船吹以北  
欲問仙人居迢迢不可得

仙人張射侯乃在雲中弋  
一鶴西飛來拾矢清谿側

鶴飛猶在沙回流汎若耶  
可憐誰家女顏色如荷花

新粧映碧水一笑浣溪紗  
如雲匪我思但弄耶溪月

裊裊綠蘿烟照見清輝發  
際曉衝薄寒更衣度林樾

鬱金蘭陵酒酌以鸕鷀杯  
一飲動一石不覺玉山頽

扶我上馬行有似乘船迴  
便蠟阮孚屐來登任公臺

昔賢多奇懷眷此滄洲釣  
至今臺下泉清風滿雲嶠

蕭蕭翠竹陰隱隱哀猿嘯  
猿嘯溪風生動影搖空明

時從翠微半一聽鐘鼓鳴  
鐘聲來何遲及此夕陽時

山尋子敬宅塔訪辨才基  
明當凌絕頂更讀秦皇碑

雨渡永嘉江夜入柁溪

落日下崦嵫飛雨自崇墉  
駕言出北郭汎舟橫江東

近岫既凌緬遙岑亦濛籠  
葱青水竹交乃有樵逕通

潛岫寒載鬱海鷗夕來雙  
顧望雲葉開張星昏已中

荒岡響哀秋枉渚遺輕鴻  
故鄉日以遠川路靡克終

寄言薛蘿客歲晏期來同

施學使閔章招集湖舫

朝騎青驄馬搖鞭似飛燕  
道逢尺一書要我出芳甸

是時孟夏初澹蕩南風遍  
天公忽大嘯向下降雷電

會稽文集

卷之三

十

吾黨三五人類古之狂狷  
脫我尋山屐登艤接高宴

作使平頭奴行厨具豐膳  
雙絲白玉餅勸飲嘉舫薦

向曉更移舟浮嵐夜頻變  
平湖靜無波皎如一匹練

恍惚葑田中明滅金牛見  
左持鸕鷀杯右把琉璃研

一笑問主人何似宣城縣  
試畫敬亭雲貽予白團扇

由淨慈寺登南屏山絕頂晚憩經庵精舍

南山色蒼翠宛若屏風張  
下視湖水深十里浮清光

是時溪雨止霽色開秋陽  
吳娃蕩兩槳送客上方塘

靜聽烟寺鐘忽落翠微傍  
綠蘿掛絕壁紫葛懸層岡

層岡何盤盤松林陰巖日  
公等皆好游我意雅相匹



入洞窺乳泉登崖採蜂蜜失道蒼耳中蒙茸久方出  
山谷齊下山遂叩中林關山僧顧我笑拍手磐石間  
簷前桂樹白鏡裏荷花殷攀荷坐更遲拂石影相並  
愛此精舍閒留連日將暝日照未足愁浮雲蔽崇丘  
雷聲驚客聽急權回孤舟

別李繩遠

鴻雁歲北向鷓鴣日南征棄置父母邦各事萬里行  
我游踪上谷君去適昆明迢迢異鄉縣邈若參辰星  
登壇卽長道祖席依修壩俯視溝水流仰見浮雲平  
居人有餘戚况乃衢路情昔賢重離別努力期修名  
竹垞文集 卷之二十一 詩 五

忠信苟不渝川陸猶戶庭日邁月斯邁暑往寒再更  
但令長相思何慮不合并

十月十四日夜同曹使君雲州對月

發軔自徂暑息軼及玄冥迢迢沙際月皎皎雲中明  
阜禽警朔吹別葉辭苦莖青霜降北陸參井綽縱橫  
主人託嘉藻休澹寡所營悟彼行役艱曲宴奏中誠  
清尊湛瑤席兎首亦以烹但言青塵闕豈意良規并  
謙謙君子柄習坎美不盈澄輝矢相照憫我殷憂情

十五日夜月

重陰積遘亭風候異楊粲駢筵集親懿復此亭上月

析析靜衰林斐斐滿層闕清砧無緩響素雲屢興沒  
客情易爲懷庶用慰寂蔑哀雁逝不居流芳久云歇  
天道互虧盈物理信昭昧詩人戒太康職思永無忽  
霜露日夜零故鄉渺難越悽愴游子心獨坐待明發  
十六日夜席上贈陳孝廉容永 孝廉成進

晷運方代序感此成鬱陶良友繫白駒芳酒永今宵  
團圓東城月萬象仍光昭誰言客輝減彌覺神理超  
哀笛奮層樓餘響薄風霄悲哉遠征士氣轉不得驕  
冲魄會有空盛滿誰能要伯陽之流沙箕子去商郊  
苟懷艱貞節道德豈不劬中章託微諷撫景答長謠  
竹垞文集 卷之二十一 詩 五

十七夜月

磊磊列宿明曉曉塞日晚盍簪數晨夕吾道豈云遠  
飛光上層軒薄雲冒崇巘迢迢界斜漢惻惻引朔管  
圓靈乍警闕素魄已辭滿清輝寧有淪潛德期日損  
幽人貞素履君子利往蹇擇術雖殊塗心賞得所款  
感目旣多顏懷鄉匪異撰申旦陳苦言庶令勞者纂

鴈門關

南登鴈門道騁望勾注巔山岡鬱叅錯石棧紛鈎連  
度嶺風漸微入關寒未捐層冰如玉龍萬丈來蜿蜒  
飛光一相射我馬忽不前抗迹懷古人千載誠多賢

鄧都守長城烽火靜居延劉琨發廣莫吟嘯扶風福  
偉哉廣與牧勇畧天下傳時來英雄奮事去陵谷遷  
數子不可期勞歌爲誰宣嗷嗷中澤鴻吟我慷慨言

酬潘耒

燕京秋九月雨雪紛紛初晴出戶去延望西山崖  
薄衣先苦寒炙背返荆柴晚間僮僕語有客叩吾齋  
新詩題紙扇留贈出中懷臨風百過誦音響一何佳  
泠泠朱絃瑟調必宮商諧壯哉四方志獨擢浮江淮  
傷禽戢羽翼鳴鹿求其脩河東衛先生簡詩掃室道  
南街希音辨元始望古窮津涯同聲一相應衆說誠  
竹垞文集 卷之二 古體 五

可排爾雅及三倉豪髮未嘗乖伊余去鄉國萬里敞  
青鞵愧乏洛生詠徒觀泰山紫憂玉聞琳瑯披雲霓  
塵靈譬彼同岑草所惜在根莖願貞歲寒期登筮行  
相偕

送柯通政聶歸嘉善

朝遷左納言薄暮上書歸北闕豈不戀南陔情所依  
倚間已十年色養空無違軒馬出東門送者盈郊圻  
悠悠通路水歷歷連橋園越舂解猶緩暑雨來浹瀼  
盡我欸曲言信宿袂未揮密坐潭潭園森木陰巖扉  
清池皎若鏡鷺立池上磯山茨對水榭徑轉紛紆威

於此御潘輿永日被采衣人間有丹丘以之名庶幾  
西風五兩搖到值香醴肥遯膝盡才子樂事克庭闈  
嗟予尙留滯足繭雙繩非千里雖比隣終憾晤言稀  
目送碣石鴻寸心東南飛

古意投高舍人士奇

奕奕九成臺泠泠五絃琴威鳳制其羽歌舞樂帝心  
朝儀靈沼上夕息高梧陰覽輝千仞餘求友及遐深  
爰居本海處亦復辭烟濤東門一戾止游目嘉樹林  
和風動閭閻百鳥啾啾吟獨無笙簧舌臆對難爲音  
主人軫物微伺花若黃金食之非不其愧莫報以琛  
竹垞文集 卷之二 古體 五  
寄言鸞鳳侶釋此歸飛禽

酬岡若璩

烈火燔帝竹秦鏡忽以淪番番濟南叟後死毫而勤  
腹笥傳少女齒落餘空齧掌故潁川來何繇聽其真  
所怪張歐陽疑義嘿不申金絲魯宮響蚪蚪蟠輪囷  
俄遭巫蠱發竹簡迹久湮梅生千載後一一紛羅陳  
其餘航頭字拈撫亦有因譬若完衣裳安用重補紉  
文從義艱晦體殊絕踪塵孔書既成在謨詰恒鮮新  
何不正今譌去險歸溫純此義誠難知疑者頗相循  
閻生并州彥徙宅清淮潯昨午應詔至旅食春明春



小心對縫掖餘勇刺古人示我一編書其言狂且醇  
諸家援王吳百氏搜墨荀幽室決交與希音辨韶鈞  
雖爲見者駭猶勝徒咕呻吾生嬾述作老矣潛悲辛  
君非漢井井經義何紛綸況有統扇詠贈我情彌親  
客子寓招提不出動盈旬春水玉河裂草暖波粼粼  
紅杏舒繁條翠嵐壓重園相則出郭遊西山恣迴巡  
竝馬騁劇談九皇八八民醒卽坐松石醉卽卧花茵

劉中丞生日詩

我昔爲公客乃在歷下城公年方強仕填撫三齊并  
戟門一十四赤羽揚雙旌自公日多暇文詠恒相靡

竹垞文類

卷之三

七

簾外珍珠泉灑灑循階鳴每逢棗弧懸輒見賓鳥盈  
饌必羅海族飲必呼從伶勝事宛如昨星紀忽變更  
公從濡水栖我歌薊門行陽鳥數南飛旋復西北征  
雖非比隣接所慰契闊情況逢公初度年齒千百羸  
暫緩朝黍勞耽此林壑清糟床注易釀菜甲啜吳羹  
荀龍數乃倍謝絮吟交呈調絲和釵澤聯臂踴童嬰  
多男古人祝公也信莫京豈必鼎鉉司始爲當世榮  
我年與公齊自顧慚修名譬若園中花公爲茵上英  
譬若山有木公秉松栢貞願言頌難老侑以斛角觥  
想見函山居春氣融前楹雪晴蒨提出雀語梅花生

竹垞文類卷之三

古體詩三十一首

神宗皇帝御書歌

崇禎皇帝御書歌

長歌贈繆永謀

對酒示李十九

山陰道歌送沈進游越中

送林佳璣還莆田

寂寞行

姑蘇城上晚望

偕謝晉吳慶楨登倪尚書衣雲閣

南安客舍逢陸郡伯兄世楷以滕王閣詩見示

漫賦

竹垞文類

卷之三

七

羊城客舍同萬泰燮燁陳子升薛始亨醉賦

越王臺懷古

喜羅浮屈五過訪

雨中陳三島過偕飲酒樓兼示徐晟

蘭亭行贈朱大

山陰雨霽同楊大游郊外飲朱廿二墓下

贈沈華

寒夜集燈公房聽韓七山人彈琴兼送屈五還

羅浮

將之永嘉曹侍郎餞于江上吳客韋二丈爲彈

長亭之曲并吹笛送行歌以贈韋卽送其

出塞

舟行酬王明府世顯 金華道上夢游天台歌  
蔣廣文薰留飲縉雲學舍爲談仙都之勝

石門懷古寄諸大

華壇望鴈宕山歌贈方十三朱十八

寄贈查容

梅市逢魏子

觀海行贈施學使閏章

贈周參政之恒

送謝煥入燕

鮑家寺白松歌

送葉上舍舒崇之睢陽

神宗皇帝御書歌

并引

竹垞文類

卷之三

二

癸巳夏客華亭表兄唐子顯出外曾祖唐

文恪公廷賢見示上有神宗皇帝御書六

字筆畫嚴整探篋如新予念先文恪公賜

第時先唐公三載而對策卷真蹟經亂遺

失制誥無一存者凡能於流離播徙之餘

守而勿失抑何賢也作長歌紀之

吾兄堂前道家世知我清門雅相似開函示我對策

文上有神宗御書字憶昔先皇太平日十四年春乘

縹緲當時待詔三百人詔賜唐公居第一玉堂學士

如堵牆臨軒侍讀舒文章錦袍宮帽從中出白馬朱

幡降路傍古來書法工飛動字大嘗令筆多縱此日

經營楷法嚴祖宗得士由來重沉吟往事跡未陳高

堂披拂猶如新明時入告多苦語憂危百代思良臣

吾家先臣昔廷對賜第前公更三載經綸文彩事亦

同真蹟飄零竟何在桑田滄海市朝遷盛事今來未

百年故物尙存多難日傳家爲羨子孫賢

崇禎皇帝御書歌

高生載拜陳御書對客還從亂離說當歌欲言不得

言相視無聲但嗚咽伊昔龍馭升代邸方入朝外廷

已見誅王甫中禁旋聞戮趙嬈此時圖治苦不早此

竹垞文類

卷之三

三

日憂勤古稱少爲轉運行九陌春雞鳴數問千門曉

萬幾餘暇樂事存爰有妙翰昭乾坤當知聖學本天

縱手追心慕徒空論卽如此書書法麗遠過師宦官

楷鍾繇隸貴戚無如尙主家奎章早賜通侯第君不

見

青絲白馬下

臺城驚傳三月咸陽火當年九鼎鑄荆山回首烏號

遂不還蜀帝至今啼出血湘娥空有淚成斑可憐珠

囊玉軸零落歸人間使我恍惚咫尺覲天顏不禁涕

泗流潺湲我欲問天公天公醉未已鵲首翻然下賜

奈

逆聞借古來恨事多如此問君涕泗何爲爾獨不



聞堯幽囚舜野死

長歌贈繆永謀

古來詩篇勢奔軼後有李杜前曹劉嗚呼大雅不可  
作吾生懷抱將何酬豈無和歌三五人出處殊塗終  
見尤南村繆子高世士晚來同氣心相求商歌時時  
出金石佳句往往窮冥搜遠如蘇卿去絕國靜如王  
粲登高樓黯如甯戚怨長夜凜如宋玉悲清秋幽篁  
窈窕山鬼泣風簾飄忽湘娥愁而我有時忽惆悵滿  
堂歎息不得休補衡昔遭黃祖怒阮籍亦爲羣公讐  
文章有神翻見忌投筆焚硯誠良謀君不見自從禹

竹垞文類

卷之三

古詩

鼎沉泗水魍魎魍魎盈九州鄉黨少年弄文墨問閭  
小子盛交游赤雞白狗信盟誓翻雲覆雨生戈矛罵  
坐無端肆睚眦笑人當面比俳優男兒落魄衆所侮  
薄俗炎涼何足羞危冠側注亦嘗事擊筑吹簫非下  
流逢時便擬取將相失意亦復輕王侯燕雀寧知慕  
鴻鵠蟪蛄僅足夸蜉蝣與君狂走出門去大笑傍人  
非我儔

對酒示李十九

有策莫上說秦書有文莫獻美新作蘇秦歸來祇敝  
裘子雲老去空投閣主人有酒夜復良嘉賓滿坐月

滿堂千迴行酒罷膝席百罰深杯亦舉觴男兒及時  
但快意致身豈必皆侯王我歌此曲君莫忘

山陰道歌送沈進游越中

我從山陰來却憶山陰道客舍高歌一送君江南愁  
思盈芳草芳草碧迢迢離人千里遙青山謝公屐白  
馬伍胥潮潮來潮去春江路行車遠發西陵渡雲暗  
清溪梅市空風吹修竹柯亭暮邂逅鏡湖邊中流記  
采蓮樵風空舊跡沉釀自成川誰家青翰長相見何  
處紅粧不可憐溪風橋雲門寺流泉淙淙石齒齒我  
昔愛奇未到此送君遠游從此始直上秦山望海水

竹垞文類

卷之三

古詩

送林佳璣還莆田

高樓置酒觴今夕愁聽驪歌送行客搖落深知羈旅  
情飄零况是雲山隔林生磊落無等倫鳳雛驥子誰  
能馴一朝忼慨辭鄉里幾載機寒傍路人平生崔嵬  
好奇服流離恥作窮途哭往往詩歌泣鬼神時時談  
笑驚流俗林生林生骨相奇昂藏不異井州兒看君  
富貴當自有不合憔悴留天涯高秋別我閩中去看  
李蕭條條條徒御客舍清江萬里船鄉心紅葉千山樹  
九里湖邊倚翠屏穀城山下俯清冷寒風江路兼山  
路落日長亭更短亭嗟予分手天南遠惆悵河橋送

君返遠客休辭行路難高堂應念還家晚

寂寞行

寂寞復寂寞四壁歸來竟何托男兒不肯學千時終  
當餓死填溝壑布衣耳聒東海濱饑寒乞食行負薪  
不然射獵南山下猶勝長安作貴人

姑蘇城上晚望

闔閭城上悲風來闔閭城下生黃埃金車編欄馬蹀  
躑躅臨不見姑蘇臺憶昔千門蔽行路錦帆春水南  
舟渡古巷今傳堂邑人山僧尚記要離墓寒林日落  
起鳴鴉唯見蕭條百姓家君看桃李傷心樹無復吳

竹垞文類

卷之三

七

王苑裏花

偕謝晉吳慶楨登倪尚書衣雲閣

飛樓跨百尺畫棟長飀飀我來偕客一延佇置身髣  
髴雲中君憶昔樓成時尚書歸田里北海方看尊酒  
開公嘗宴黃公石齋于此東山終爲蒼生起自從龍馭歸鼎湖  
公亦仗節死京都子規燕市尋常見白鶴遶東歲月  
徂十餘年間亭已壞遊客經過增感慨月榭雲窻見  
漸稀雕闌錦樹今何在君不見往時干戈入帝宮歛  
忽江表傳邊烽兩京城闕已非舊銅駝委置荆棘中  
千門萬戶盡蕭瑟何況尚書一屋室請君下樓歌莫

哀回首高城月東出

南安客舍逢陸郡伯兄世楷以滕王閣詩見

示漫賦

憶昨君從柘湖至揚舲爭發吳趨市京口相逢借問  
君艤舟揚子江心寺晴雲縹緲散碧空歛忽破波生  
長風孤舟如巨魚鼓浪洪濤中川原迢遞不可極布  
帆飄忽隨西東我從鹿渚超長薄君到洪都更棲泊  
遠望開襟彼一時憑高獨上滕王閣茲樓傑起天下  
雄珠簾繡柱垂文虹當年王師此高宴一時詞賦推  
羣公留題真蹟不可見烟雲過眼須臾變古來文采

竹垞文類

卷之三

七

光祿長千載王郎信堪羨君家兄弟才難伍甫里聲  
名動江左揮毫落紙氣凌雲坐令長才失千古我亦  
天南萬里行白衣搖櫓度江城開雲潭影徒回首南  
浦西山空復情大庾城邊日將西下馬逢君復攜手  
座上新開北海樽客中飲我蘭陵酒酒闌相示絕妙  
辭九莖勝食齋房芝曲終定有湘娥怨讀罷如聞帝  
子悲當前勝地不得上使我沉吟一惆悵舟楫重過  
定幾時雲山滿目知無恙明發梅花嶺外看長從驛  
使報平安側身天地多知己且莫頻歌行路難

羊城客舍同萬泰嚴煒陳子升薛始亨醉賦



客舍所居堂勝侶時相求興來攜手一展眺恍如孫  
楚之酒樓樓頭取酒恣驩譔遠勝十千宴平樂海寺  
鐘聲風末聞江城帆影尊前落夕陽飄忽晴滿林須  
更急雨來庭陰發天五月不知暑座客相看寒已深  
我本蘆中人易下新亭淚莫辭魯酒薄拚作高陽醉  
出亦復苦愁入亦復苦愁黃河之清不可俟何用長  
懷千載憂陳拾遺嚴夫子羅浮四明兩道士意氣寧  
從杯酒生文章本是千秋事況今生涯羈旅中時危  
得不悲途窮丈夫三十不自立一身漂泊隨秋蓬雖  
未白頭成老翁當前有酒且痛飲明朝岐路仍西東

倚花文類

卷之三

人

越王臺懷古

君不見越山高高越臺古複道逶迤接南武北望山  
頭徧白雲西臨城下環珠浦由來形勝盡高丘萬里  
天南此壯遊驚濤暗向扶胥落佳氣晴連鬱水浮憶  
昔中原逐秦鹿五軍失利屠睢戮番君一山王衡山  
戶將從征入函谷天教霸象開南溟宵分東井聚五  
星龍川縣令起嶺表被書移檄馳遶庭聲言三關盜  
兵至一時按法誅秦吏萬人既禁黃陽城千里還開  
雒王地漢帝當年爲剖符陸生燕喜出西都冠裳懸  
結須臾變文錦蒲桃絕世無齊魯之交一都會因山

築臺落天外百丈迴盤信壯觀三時朔望長升拜白  
古羈縻稱外藩誰令市鐵禁關門不見鯨魚重入貢  
旋看黃屋自言尊漢使陳觴更行樂紫貝明犀雙孔  
雀重來錦石已成山歸去黃金遂盈橐一從蒟醬故  
唐蒙越騎較尉甘泉中是誰修殺棄繻者江淮巴蜀  
紛來攻伏波下瀨軍三面樓船戈船齊教戰合浦珠  
崖隸海隅山蓋扶荔移深殿尉佗城圯夕陽原建德  
園荒秋樹根虛傳避暑遊宮闕幾見浮杯出石門木  
棉花開山雨積鴈鵠啼處蠻烟碧舊井潛移郭璞城  
離宮半入虞翻宅人事消沉洵可哀千秋朔漢餘高  
臺漢家遺蹟不可問吁嗟乎歌風柏梁安在哉

倚花文類

卷之三

九

喜羅浮屈五過訪

春風蝴蝶飛綠草南園遍知是麻姑五色裙羅浮山  
下曾相見開門一笑逢故人遠來問我桃花津若非  
綠玉杖定跨黃麒麟不然出入京雒一萬里何爲布  
素無緇塵相知樂莫樂不用金箱圖五岳況今天地  
多戰爭赤城華頂風煙驚山陰道士不得見四明狂  
客誰相迎山脊城南春可惜竹石如山水千尺從此  
扁舟范蠡湖長歌來往裴休宅

雨中陳三島過偕飲酒樓兼示徐晨

吳門十日風雨惡，決明花開忽復落。游人登高愁未已，客子入門慘不樂。陳生踈放良可喜，雨中過我臨頓里。却話平生同調人，吹簫擊筑皆知已。阜橋橋西多酒樓，妖姬十五樓上頭。百錢一斗飲未足，半醉典我青羔裘。坐中臨觴忽不語，南州孺子高陽侶。同是東西南北人，明朝酒盡歸何處。

蘭亭行贈朱大

右軍三十三條袂，蘭亭中一書。蘭亭序天矯，宛若天門龍。我今生年與之同，秋蛇春蚓百不工。場來山陰道，柳青桃復紅。車如雞栖馬如狗，空使林泉落我手。竹垞文類 卷之三 古體 十  
朝來蠟屐思入山，雨急風顛重回首。吾宗尋也書絕倫，頻過論書仍論文。臨池就我一題扇，世上俗學徒紛紛。持觴勸君且傾倒，晴日今年去年少。山水東流不待人，春風吹遍蘭亭草。

山陰雨霽同楊大游郊外飲朱廿二墓下

簞膠河邊閒杖藜，道逢酒伴相招携。醉向南隣抱被宿，際曉不聽天雞啼。醒來忽驚海日出，披衣却步無東西。殘流小草水泱泱，舍南舍北猶春泥。楊雲不曉事，要我登會稽。香爐乍見紫烟起，石簣尚有陰雲低。坐我石橋上，影落橋下溪。笑看展齒折，未得凌丹梯。

敝車羸馬寒食下，感念同遊淚盈把。新鬼今從故鬼隣，百年誰是長年者。我今持杯一勸君，有酒且對劉伶墳。從教浣女溪頭曲，併入山陽笛裏聞。

贈沈華

沈生好畫兼好詩，昨朝和我春游詞。臨風一曲歌未已，惱殺城南輕薄兒。城南游女明珠佩，青翰舟中時並載。生也經營意匠新，纖纖貌出當風帶。明眸皓腕倚芳叢，修短穠纖思不同。飛燕忽教辭漢殿，西施不見入吳宮。尤長花鳥工，沒骨染草紫沙細。如髮蝴蝶麻姑五色裙，蟠桃漢帝千年核。新製齊紈更可憐，明竹垞文類 卷之三 古體 十

寒夜集燈公房聽韓七山人彈琴兼送屈五

還羅浮

韓生燕市來，夜向招提宿。本是悲歌擊筑人，援琴爲鼓清商曲。安絃操緩夜三更良，久徘徊不出聲。坐使閒心遠，方聞逸響生。商風泠泠七絃遍，天馬空山忽不見。石上爭流三峽泉，平沙亂落瀟湘鴈。聞道清商固最悲，不如清角更淒其。一彈試奏思歸引，再轉重愁雙燕離。此時長鐘猶未撞，月露霜華滿深巷。四坐無言歎息頻，籌燈欲滅風升降。羅浮道士思幡然，忽



憶朱明舊洞天種得梅花凡幾樹泥成丹竈已千年  
雲山告歸從此始四百三十二峰裏人海能馴海客  
鷗携琴便駕琴高鯉

將之永嘉曹侍郎餞予江上吳客韋二丈爲  
彈長亭之曲并吹笛送行歌以贈韋卽

送其出家

韋郎舊隸羽林籍曾向營門教吹笛不聽吳中白雪  
音定呼鄴下黃鬚客平原相見轉相親置酒誇君坐  
上賓下若尊壘朝未罄東山絲竹夜還陳開來坐我  
花間奏玉洞飛泉響巖溜古調多傳關馬詞新聲似  
竹苑文華

卷之三

主

山康王授問我東行到海壖日斜江上慘離筵還將  
北鴈南飛曲催送錢塘楚客船船人插鼓津頭泊紅  
葉千山富春郭忽作邊秋出塞聲江楓畔柳紛紛落  
哀絃促管不堪聽賓御聞之亦涕零佳席遠移嚴子  
瀨看山直上謝公亭聞君欲問雲中戍雪消飲馬長  
城去廣武營邊折柳時黃瓜阜上題書處司農舊是  
出羣才此日征西幕府開試向尊前歌一曲梅花飛  
遍李陵臺

舟行酬王明府世顯

君從漢陽來飲我宜城酒酒盡沙頭津吏迎乘潮直

沂錢塘口憶別西陵各惘然東山零雨已三年一朝  
遠作瀛壖吏千里重浮夏口船君家兄弟文章在  
廉士夙昔聲名遍湖海此去題詩孤嶼亭白雲青草  
遙相待我欲看山到永嘉不辭蠟屐向天涯謝公正  
有同舟興相與揚帆采石華

金華道上夢遊天台歌

吾聞天台山高一萬八千丈石梁遠掛藤蘿上飛流  
直下天際來散作哀湍衆山響燭龍啣日海風飄猶  
是天鷄夜半潮積雨自懸華頂月明霞長建赤城標  
我向金華問客程蘭谿谿水百尺清金光瑤草不可

竹苑文華

卷之三

主

拾夢中忽遇皇初平手携綠玉杖引我天台行天台  
山深斷行路亂石如羊紛可數忽作哀猿四面啼青  
林綠篠那相顧我欲吹簫駕孔鸞璿臺十二碧雲端  
入林未愁苔徑滑到面但覺松風寒松門之西轉清  
曠桂樹蒼蒼石壇上雲鬟玉洞展雙扉二女明粧儼  
相向粲然啟玉齒對客前致詞昨朝東風颯我芳樹  
枝山桃花紅亦已落問君採藥來何遲曲房置酒張  
高宴芝草胡麻迭相勸不記仙源路易迷樽前只道  
長相見覺來霜月滿城樓恍惚天台自昔遊仍憐獨  
客東南去不似雙溪西北流

蔣廣文薰留飲縉雲學舍爲談仙都之勝

軒后丹砂就乘龍上紫清不知滄海畔亦有鼎湖名  
故人家住梅溪上渡口扁舟日來往一別柴門已二  
年看山忽作仙都長要予松下飯胡麻言自仙都道  
士家時有青童來海市或看玉女載河車一朝風雨  
青天注馬跡龍髯不知處蓮花一片天上來從風飄  
落東陽去東陽游女弄潺湲素舸綠流濯足還笑拾  
飛花看不足當歌明月出雲間廣文先生居四壁青  
山無數堂偕側采藥曾迷阮客踪窪樽舊是陽冰宅  
若去仙都訪道書金龍玉簡定何如他時僦入神仙  
竹能文類 卷之三 古詩 古

宿携手同騎白鯉魚

石門懷古寄諸大

石門山中瀑布水奔流直下青雲裏晴日遙看細雨  
飄中林近見微風起謝公當日此山棲髣髴陽阿路  
不迷已遺連巖移密竹還營高館對迴谿昔賢勝跡  
今游眺佳處猶能領其要我亦沉冥山水人振衣便  
可稱同調芳塵瑤席已無存惟見峒巖雙石門不携  
江海同車客何處相期智者論

華壇望鴈宕山歌贈方十三朱十八

我昔逢羽人迢迢歷滄海貽我神山鴈宕圖玉笈金

箱至今在夢想忘歸亭上遊琪花瑤草幾春秋崩流  
一萬丈濯足大龍湫邇來作客荒山道欲往層崖事  
幽討方君遇我顏色親朱子更覺人情好攬環結佩  
山澤間樂酒今夕須歡顏登華壇之絕頂眺鴈宕之  
迴巒雲容容兮欲雨水嘈嘈兮下山遙岑出沒不可  
以悉數但見哀禽離獸日暝而俱還君不見宗少文  
當年意興真軼羣名山卧遊不得見眼前圖畫空紛  
紛君不見謝康樂跡近名山遠城郭咫尺丹梯竟未  
登江南江北徒丘壑我今得偕二子從遙看一百二  
高峯彈琴坐待天邊月携手同行石上松荆榛極天  
竹能文類 卷之三 古詩 古

路參錯惆悵平生遠遊諾安得仙人相贈九節筇招  
爾雲中兩黃鶴

寄贈查容

查容側儻無與儔頻年題詩黃鶴樓一朝携家忽西  
下挂席遠返荆門舟平生與予未相識相逢意氣何  
相投往時寒食一百五園雞要我東城遊東城春寒  
吹細雨留我南軒長夜語坐中陳<sup>光緒</sup>吳<sup>統</sup>持十數公一  
時傾倒相矜許呼僮將炙襄陽兒與婢監厨大堤女  
盤中尚進武昌魚甕頭更出空城醕別來幾月不相  
聞聞道新詩更軼羣九日登高還落帽三秋對酒定



論文由拳城西白日短寒風淒淒雪纂纂舟楫傳君  
數往來音書未得通情款妻子猶從廡下居朋簪尚  
遺堂中滿年來我亦善留賓千金散盡空一身不知  
生產緣何事仍復饑寒傍路人只今交道非疇昔論  
心那得同金石空手徒令壯士慚因人遠道非長策  
勸君有錢須愛惜楊朱岐路見不悲阮籍窮途慟何  
益

梅市逢魏子

前年逢君射襄城山樓置酒權平生淳于一石飲未  
醉孟公四坐人皆驚今年逢君梅福市潦倒麤疎已  
竹垞文集

卷之三

七

無比寒暑推移六七年眼前貧賤猶如此悲君失意  
成老翁况復奔走隨西東攬鏡不知頭盡白逢人先  
說耳初驚山陰祁生賢地主好奇往往相傾許豈無  
上客朱與姜齊向高堂飯雞黍哀絲急管橫相陳拂  
衣起舞任吾真

便當晨夕相怡悅不用長齋事高潔醉去任揮白玉  
杯渴時生飲黃犢血魏生魏生奈爾何百年強半成  
嗟陀天生汝才豈歸下何爲抱勝徒悲歌

觀海行贈施學使閩章

吾生空好游五岳未登一玉女青童笑向人間君婚

嫁何時畢竭來四月西湖邊興盡却返山陰船餘杭  
春酒亦不惡醉來只向鱸頭眠宛陵施夫子貽我觀  
海篇吳歎會吟不足聽高張齊瑟絙朱絃我歌且謠  
未終曲風雨泰松振崖谷天雞叫罷扶桑枝羣飛海  
水搖空綠東臨傑閣觀蓬萊瀛洲草暖浮烟開丹田  
玉闕了可視空中照曜金銀臺齊王士魯兩生由來  
此地才華盛我欲從公問姓名更欲徐市尋仙去親  
向蓬萊采藥行

贈周參政之恒

周君此地推風雅幾載栖遲白門下四壁蕭然竟罷  
竹垞文集

卷之三

七

官知君亦是悠悠者匹馬西來訪故人相逢師友更  
情親自言滄暑辭堂邑不覺辛盤換早春春晴風日  
官齋迥翰墨于今數公等畫品真同顧愷工隸書遠  
見鍾繇並貽我梅邊索句圖江南春思到平蕪蒼苔  
濁酒尋常得冷蘂疎枝何處無紆千山高凍飛雀健  
步移來總蕭索不見黃鬚細細開惟愁白雪紛紛落  
蘇武城邊送別進桑乾河上已流漸遙將南浦離人  
曲迸入西征橫笛詞憐君此去壺關道盡簪到處逢  
迎好澤潞三時芳樹多江風五月歸帆早滄洲萬里  
憶田廬流水柴門今尚虛卜隣倘就携家約來共梅

花溪上居

送謝燦入燕

記昔別君時太原風雨梁公祠五年不一見顏色竭  
來濟上樽重持勞人相顧徒草草白髮青燈且傾倒  
歷下亭前柳滿汀塵沙又走長安道人生聚散絕可  
憐吾將歸種梅溪田夏蓋山南湖水北扁舟期我知  
何年

鮑家寺白松歌

鮑家寺中九白松扶疎宛似桂之樹密葉陰連古殿  
寒霜皮畫偃盤根互我來繫馬風冷然入門四顧喜  
竹垞本類 卷之三 古體 九

欲顛巢欲迥見鶴鶴坐幹老不數蛟龍經長廊飯僧  
僧未至松子松花飄滿地半嶺平銜夕照暝雙林遠  
勝春浮翠其餘四株皆可娛矯矯離立空牆隅枝柯  
雖殊無異色知是歲寒霜雪俱山僧怪我摩娑久茗  
枕簾前一招手此樹今來二百年問余歲月能知否

送葉上舍舒崇之睢陽

昔遊同鼓山陰權我年方壯君尙少紅粧隔座送藏  
閣君醉宵眠我狂叫江湖轉眼遠離羣東尋百越西  
三雲幾回落拓來燕市秋草金臺共夕曛君今三十  
猶貧賤吳楚山川遠游過天涯聚散二十年鄉里何

曾一相見酒人燕市愛君詩置酒邀君必我期城東  
城西夜漏午呼僮僕被恒相隨謂當同醉椒花酒夜  
雨新年剪新韭豈意驛駒忽在門贈行不待春楊柳  
黃塵千里盧溝橋朔雲慘淡風蕭條短衣匹馬睢陽  
去正值梁園雨雪飄平臺滿目皆狐兔對雪相如可  
重賦若見當鑪勸酒人也應憶我長安路

竹垞本類

卷之三

古體

九



竹垞文類卷之四

古體詩一十四首

朱碧山銀槎歌孫少宰席上賦

和程遠龍尾硯歌爲方侍御亨咸作卽送其入

粵

藍秀才見示劉松年風雪運糧圖

送喬舍人萊還寶應

夢硯歌爲江舍人懋麟作

春暮何少卿元英招同故鄉諸子集古藤花下

送譚十一孝廉兄之舒州

竹垞文類

卷之四 古體

一

題元張子正林亭秋曉圖

讀葉司城封嵩游草賦贈

贈鄭簠

兕觥歌

江舍人懋麟以丁娘子布見贈賦寄

夏至日爲屠母壽

冶源歌壽相國馮公

九言題田員外雲秋汎圖

朱碧山銀槎歌孫少宰席上賦

高堂宴客客未醉主人愛客期開顏羽觴玉爵詎足

算勸我鑿落重三釵槎枒老樹幾千歲霜皮崩剝枝

柯剛陰崖自遭兇斧劈積雨暗齧苔紋斑跡源之使

出想像高踞兩膝頂禿髯觀其傲岸意獨得彷彿歸

自明河灣流傳河畔逢織女所恨尙少雙烟鬟劍中

鄉衝入其腹未解刀削何山彎傳之四坐呼奇絕有

如白鳥飛翔翔細看款識刻至正間誰爲此朱碧山

良工名盛心益苦顧茲母乃經營艱主人博搜金石

文向我更話天曆間丹丘先生愛奇古命製芝蘭如

初琴當時處揭相獻酢是物亦得流人寰自從闖賊

謁燕市大掠金帛仍西還紛紛入肆肆假冶否亦道

半委榛菅聞之不覺三歎息可憐雙鯉今成鰥吾鄉

藝事多絕倫奇巧不數古輪班張銅黃錫遊乃出未

竹垞文類

卷之四 古體

二

若此老技最嫺殊方促坐但酹酹莫遣酒醒懷鄉關

和程遠龍尾硯歌爲方侍御亨咸作卽送其

入粵

龍眠柱史饒硯癖篋藏龍尾開深窪雀臺古瓦詎比

數石末未許青州誇黝如純漆久欲脫梓若水玉堅

新剗中央私印尚可識流傳乃自元章家駭人生年

記辛卯初度摩錫名何嘉十桴槩開見八八兩已相

背無低邪當其片石始入手重之豈易黃金車雲峰

模糊潑急雨雪蕭天矯騰修蛇東都淪後內庫發重

寶散失同紛麻赤瑠玉英半缺折以理所貴賴其華

流傳迄今六百載山骨完好無纖瑕黃公昔年在漳  
浦以此注易緯蒼牙嗚呼聚散勢所必精靈呵護靡  
幽遐房融有硯譚梵宇遺蹟尚爾矜僧伽平公巨璞  
本光滑少陵野老猶咨嗟况茲貞質世鮮兩宜爲有  
識羣高奢前歸大滌後履谷顛人地下應哈呀黃海  
布衣嗜奇最吟成古調殿沼畦盤空硬語難驟讀詩  
膽直欲凌劉又謂余吾歌子當和之且莫譚

竹坡文集

卷之四

三

界微白窀似蕉葉抽春芽其餘瑣細盡當辨黃龍翠  
羽兼丹砂爭如此石鐵色古稜角漸去成礪礪柱史  
聞之忽狂叫便欲五嶺撥雲霞隋堤三月送君去柳  
絲蕨蔓何堪絕然消魂萬里別長言不覺肆滂葩

藍秀才見示劉松年風雪運糧圖

潞河十月櫓聲絕連檣如萍啼饑鳥層簷炙骨苦岑  
寂有客示我運糧圖遙峯隱隱露積雪村原高下紛  
盤紆千年老樹風怒黑寒葉盡脫無纖枯人家左右  
僅菲屋傍有水碓臨山厨批棟旣揚力輸稅安有甌  
石存桑樞大車檻檻四黃犢疾馳下坂尋修塗嗟爾

農人歲已暮婦子不得相歡愉披圖恍見南渡日北  
征甲士連戈爰當年諸將猶四山轉粟未乏軍中需  
同仇大義動呖詠輸將豈畏胥吏呼始知繪事非漫  
興堪與無逸圖風俱古來工執藝事諫斯人書院良  
所無嗚呼斯人書院良所無不見宋之君臣定和議  
笙歌晨夕游西湖

送荷舍人萊還寶應

今秋甲子雨不絕小池殘暑風淒淒棧車難行瘦馬  
滑終朝兀坐愁雲低有客上書臨欲去折柬招我斜  
街西房山香醪貯一石浮以斛角進羅犀定州磁盤

竹坡文集

卷之四

四

白如雪津門紫蠟團霜脍坐中曹舍人汪舍人意氣  
古杜詩韓筆名相躋草堂圖盡凡幾幅酒酣並起  
留題龍筆寺傍射陂曲中分一水名析溪君家嚴君  
侍御此游息翠烟繚繞含晴電王官谷深城府隔武  
可勝此游息翠烟繚繞含晴電王官谷深城府隔武  
陵花發時人迷只今八十尚健健過橋不用扶青藜  
郵籤此去秋未晚籬邊同菊黃花齊連江峭帆檻外  
落一雙老鶴階前栖衙門後綵衣入定使眼膜開  
金籠桓山四鳥雖折翼時舍人循陔庶免心酸嘶兼  
珍之膳娛永日靜觀節物移晷嗟余旅食尚淹滯  
懷鄉未得瞻秦稽送君沉吟數長路寸心千里隨輪



蹄維揚粳稻美自昔邇來厝土仍塗泥灣頭清水聞  
更失上流未築歸仁隄千村廬舍總昏墊可知雁戶  
猶悲啼漕船萬斛輓不上荒岡斷岸何繇梯太倉紅  
粟漸已貴曷歸長水親鉏犁期君歲暮白田上班草  
城南手重携

夢視歌爲汪舍人懋麟作

我怪汪舍人卧病懶朝奉眼前富貴非所好惟於載  
籍偏沉酣無錢可糴太倉米僮僕入市心懷慚舍人  
舒膝方畫寢如蟲食麥翻知非忽然夢入無人區廣  
庭巨室何耽耽中羅石硯十有二一一就視烟雲含  
竹堦文類

卷之四

五

體磯苦堅龍尾滑洮河水玉徒窺窺詎若羚羊峽中  
質青花白葉波渟涵良璞得一亦已足十二盡取  
乃貪覺來伏枕賦長句中心惆悵真難堪爲語舍人  
且莫貪高要峽路吾能詣昔年著屐人巖穴親斷山  
骨施斧鑿黃金盡散要不惜一百八石巖前擔自從  
輕舟發大庾蓬窓一日摩娑三榜人潛窺竊其九餘  
歸見者爭來搏眼看美好盡已去何況夢寐侈空譚  
舍人翻然釋惆悵留予濁酒開新壘統如漏鼓猶未  
起起時月落天西南

春暮何少卿元英招同故鄉諸子集古藤花

下送譚十一孝廉兄之舒州

古藤二本高刺檐毵毵亂掛驪龍幃主人築堂二十  
載客到盡捲堂中簾肥香徐來翠陰動晴絲欲墮朱  
光炎今年經過物候早三月已見繁花黏河豚未罷  
宜沽市牡丹定綠房山尖春風不飲最可惜急收筆  
架移書籤相期鄉黨十數子同時走送譚孝廉一觴  
一詠少長集脫略禮法無纖嫌懸燈宜教猛燭並有  
酒但向深杯添移時留光盡送客三人密坐清宵嚴  
北城漏鼓聽漸數下弦殘月光磨鎌捉卧甕人還新  
格主猶鯨吸賓魚噉人生離多合亦易有泪肯對花  
竹堦文類

卷之四

本

前沾舒州地勝山水兼孤城皖口跳波漸芙蓉之池  
泛永日訟庭無事恒虛恬鱗魚凝脂切黃玉翠螺如  
畫圖蒼藂乃知下第去亦得絕勝六街衣馬塵容黔  
題元張子正林亭秋曉圖同高層雲賦

一峰畫品最緻密逾三百載流傳稀今人摹倣日未  
睹但取率畧屏紆威殘山剩水不數點豈惟神異貌  
亦非當時藝事許入室華亭張中稱庶幾卽如此圖  
乃學井西王生筆林亭曉色開熹微煨黃老絳下掩  
百竿竹是誰竹下結屋開荆扉橋無一人行樹無一  
鳥飛斜川折溜凡幾轉古寺突兀樓松園涼雲濛濛

不可極懸泉直下春林霏人家磧歷更高處水棚入  
九相因依武陵桃花笑早濕茲山避地堪茹薇當知  
作者意獨得能使留題數子傳聲徽客中三伏正苦  
熱對此羽扇都停揮安得天風扶我縹渺度絕磴與  
君攜手同振千仞岡頭衣

讀葉司城封嵩游草賦贈

客居通路春復冬有如饑鳥仍投籠平生夢寐在五  
岳垂老未覩嵩陽峯峯頭玉女定笑我那不控鶴鞭  
凝龍瓊漿勿飲良可惜白髮滿鏡徒愁客葉君昔年  
宰登封莓苔洗字尋石淙雲梯高高八百丈笋鞭踏  
石旋支輦

卷之四

七

過青芙蓉盧巖瀑飛一匹布鐵梁峽偃千年松仙人  
十六時相逢閑吹鶯管向明月有時髻插三花櫻酒  
川俞曼與君往來熟言君愛奇恒未足開筵爲蒸玉  
面徂行藥曾騎雪色鹿測量還登測景臺逍遙宛在  
逍遙谷偶然長嘯百里聞每遇殘碑三日讀不見囊  
中金石編何殊集古歐陽錄崇文門西車轂擊十里  
黃塵眯人目下馬尋君道名姓一笑情親爲鄉曲投  
我嵩陽詠百篇勝聽哀絲與豪竹近來海內工詩格  
新城王君最雄獨一見君詩許絕倫同調山來賞心  
速君今司城名籍甚栗果少年齊足踰入門廳事半

栽花挿架圖書尚連屋作吏知君良不俗閒從巷北  
期王君定許高齋醉醺醺金箱圖書恣卧遊豈必盧  
鴻草堂宿

贈鄭簠

金陵鄭簠隱作醫八分入妙堪吾師場來賣藥長安  
市諸公衮衮多莫知伊余聞名二十載今始邂逅嗟  
何遲自從鴻都石經後工者疎密無定姿任城學宮  
闕里廟羅列不少漢人碑簠也幽尋過墓傷義娥星  
宿撫無遺邵陽酸棗法尤備心之所慕手輒追黃初  
以來尚行草此道不絕真如絲開元君臣雖具體還

卷之四

八

幅漸墮趨肥癡寥寥如解八百禪盡失古法成今斯  
邇來孟津數王鐸流傳恨少無人披太原傅山最奇  
崛魚頰鷹時勢不羈臨清周之恒委曲也得空勾吳  
顧苓粵譚漢暨欽程遠名相持未若簠也下筆兼經  
奇絲如烟雲飛欲去屹如柱礎立不移或如鳥驚墮  
羽翮或如龍怒撐之而箕張昂萃各異狀屏幃大小  
從所施平山堂成蜀岡湧百里照耀連雲橫工師斲  
扁一丈六衆寶嘆息相瞻貽須臾望見簠來至井水  
一斗研隄磨由來能事在獨得筆縱字大隨手爲觀  
者但如不敢訾五加皮酒浮千鴟我聞此事足快意



目雖未覩心已怡安得留之數晨夕醉時竊相語肩  
隨盧溝橋北風已厲子今南去生凌漸驪駒在路留  
未得歲事其暮云誰思鍾山草堂定好在放溜且任  
吳中兒華陽瘞鶴字刻露鄧尉遺樹花參差無錫城  
邊見嚴四示我長歌一和之

見航歌

賦爲詩文穆公後趙太史定宇物爲何少卿賦

覆玉益屏香螺徹銀鑿落金巨羅黃支之犀塵盡辟  
主人持航客前席請看航上銘爲君陳夙昔定陵中  
年資相臣元老奪情衆怒噴朝陽一鳳午門伏折檻  
寧辭逆鱗觸歸時餞者滿都亭珍重臨岐許文穆神

竹葉文類

卷之四

九

羊一角詎有雙流傳既久歸婁江張公以之遺弟子  
敢諫吾公趙公似更兼愛客無倦容平原十日恒過  
從朝衣典盡且不顧快意但寫見花濃我浮此航亦  
已數尊前豈惜狂歌重吾公題年徙卿寺西掖南牀  
誰鶚視漢殿今無白獸樽滿飲黃流莫輕賓

汪舍人懋麟以丁娘子布見贈賦寄

丁娘子爾何人織成細布光如銀舍人笥中剛一疋  
贈我爲衣禦冬日感君戀戀情莫踰重之不異貂襜  
褕携歸量幅二尺濶未數星執與荃葛曬却渾如飛  
瀑懸看來只訝神雲活爲想鳴梭傍碧窓慘慘女手

定無雙浣時應值瀟瀟水漂處除非濯錦江長安城  
中盛衣馬此物沉思六街寡裁作輕衫春更宜期君  
再醉天壇下天壇三月踏青時領邊短髮風吹絲試  
尋油壁香車路追逐紅裙錦髻兒

夏至日爲居母壽

臨高臺將進酒君提壺我鼓缶君子且勿誼小人鼓  
缶歌一言我昔從東海上親見上元夫人指爪長長  
鬢髮翩翩吹瑤笙擊石鼓宴者誰有金母投壺玉女  
爲客豪青虬白鹿相招邀鍾山之李綏山桃李如旂  
桃如斗得而食之皆老壽今日高堂上壽稱觴一年

竹葉文類

卷之四

十

三百六十日三百五十九日無如此日長

冶源歌壽相國馮公

冶源之水巨洋分古壇相對籠芳雲沿溪修竹百萬  
個高梧下瞰青氣游鱗浴鳥不可數垂金屈玉鏤  
沙文游浮先生此栖寄箏歌妙曲天下聞哲弟風雅  
共甄綜典午諸謝焉能羣清塵繼之有宗伯枚馬雄  
詞董生策吾家太傅昔同朝枚卜均逢定陵擇中肯  
方將闕下宣片言偶爲宵人格文獻公與宋文格同  
日賦卜爲四明所沮中經綸未展宜代興致君堯舜相國能邇來吐握下  
白屋維公維旦千夫稱沙堤還開萬楊柳邸第近接

雙觚稜尊也平生布衣賤柴車偶逐摘詞彥龍門側  
足未遽登自分江湖釣游便冶源水冶源山我公飲  
此玉鍊顏願隨海上南飛鶴遙聽雲璈一曲還

九言題田員外雲秋汎圖

田郎與我相識今年新詩日下萬舌爭流傳黃塵  
撲面三伏火雲熱每誦子作令我心爽然開軒示我  
秋泛圖五丈鴨頭畫出宛似吳中舫大通橋北官舍  
最湫隘箕筍斗斛囊橐羣喧闐他人對此束縛不得  
去田郎掉頭一笑浮輕漣疎花蒙籠兩岸渡頭發蹇  
驢敝簑百丈風中牽五里十里長亭短亭出千絲萬  
絲柳枝楊枝眼當其快意何啻天上坐酒杯入手興  
至吟尤顛慶豐開口自有此渠水未知經過誰子曾  
洄沿倉曹題柱名姓不可數似子飛揚跌宕真無前  
長安酒人一時賦長句我亦對客點筆銀光賡筵窓  
寂寞不妨添畫我從子日日高詠秋水篇

竹垞文集

卷之四

七

竹垞文集卷之五

今體詩八十七首

春日閒居

春晚過放鶴洲

遣悶

夏日閒居二首

八月十五夜望月

曉入郡城

雨後卽事二首

野外

示舍弟葵舛

寄沈進

同徐四李十九高七沈大鍾大譚十一兄集徐

二南園

同諸公放鶴洲探梅

建公過

南湖卽事

竹垞文集

卷之五

一

七月八日夜對月

曉

九日集錢汝霖宅

晚

寄胡明府

與舍弟葵政

哭萬兒

過吳大村居

立秋後一日集屏嶺齋

對月簡周質繆永謀

送屠曠入閩

送家叔子葆游中州

送舍弟葵鑒之山陰

懷鄭珣客淞江

寄家孝廉一是

哭王處士六首

寄顧處士

百里

舟次平望驛



太湖	汎舟橫塘經何山下
鄒尉山	同夏士兄登觀山頂
治平寺	中峯尋讀徹上人不遇
將之越中峽山道上留別曹大	
蕭山道中	禹廟
雨坐文昌閣	葢山亭子
梅市	歸
金山登妙高臺	湖口
望湖亭對月	封谿薛侯廟
新淦縣	虔洲懷古
丁酉元日陰	夢寐
同陳五游光孝寺	
東官客舍一公過談羅浮之勝時因道阻不得	
游悵然有懷作詩四首	
食龍目	贈張五
送嚴煒之惠陽	曹方伯留飲酬原韵
奉荅曹方伯見贈	
蓮軒落成曹方伯招飲納涼卽席分韵	
憶遠	夜泊西南驛
三水道中	舟次羚羊峽

夢洲寒望	贈高儼
送曹方伯還里	逢陳恭尹
席上留別陸兄世楷	謁張曲江祠
舟次彭澤悼萬孝廉	還家卽事四首
春日閒居	
幽棲城市隔好鳥亦來翔閉戶野橋畔讀書春草堂	
有時歌阜州終日據繩床且貴隣家酒狂歌盡一觴	
春晚過放鶴洲	
問訊裴公島春來幾度遊古牆修竹上潭水落花浮	
烟雨無人境山泉放鶴洲鳴夷今不見往事有漁舟	
竹垞文錄	卷之五今集
遺悶	三
一雨竟十日蕭條成暮春歡娛那有地歲月漸過人	
烟草天邊路風花陌上塵良游如可再尊酒莫辭頻	
夏日閒居二首同范四路作	
蘭草羅含宅蓮蒿仲蔚園桐陰初覆井瓜蔓漸踰垣	
歸鳥簷前樹斜陽嶺上村無家味生計漂泊信乾坤	
其二	
草閣親魚鳥江天滿菱荷行吟多澤畔晞髮自陽阿	
傍水看垂釣因風聽伐柯高陽尋酒伴乘醉亦來過	
八月十五夜望月懷陳大枕	

明月生滄海天橫一氣中遙憐今夜客相對與誰同  
應有良朋過街孟學孟公思之不得見清露小庭空

曉入郡城

輕舟何處泊滿目陣雲屯古道橫邊馬孤城閉水門  
星含兵氣動月傍曉山昏辛苦鄉關路烽烟屢斷寬

雨後卽事二首

暑雨涼初過高雲遠未歸冷冷山溜遍浙浙野風微  
日氣晴虹斷霞光白鳥飛農人乍相見歡笑欸柴扉

其二

一雨平林外羣山倚杖前蛙聲浮岸草鳥影度江天  
竹塹文類 卷之五 吟體 四

鳴磬上方寺揚帆何處船坐疑秋氣近蕭瑟感流年

野外

野外蹊行跡深林客到遲江湖殊後會風雨惜前期  
秋艸飛黃蝶浮萍漾綠池南樓夜吹笛寥落故園思

示舍弟彞玠

攤書仍失學萬慮亦徒然就市非長策躬耕少薄田  
請纓今日事作賦幾時傳莫效諸兄懶蹉跎愧昔年

寄沈進

城隅分手後幾日罷論文卧病重爲客長愁獨憶君  
寒燈依水宿清漏隔風聞咫尺梅谿路相思間白雲

同徐四善李十九良年高七以永沈大蕙綰

鍾大淵映譚十一表兄瑄集徐二嘉炎

南園分韻得鹽字

遲日衙門下如雲勝友兼箏調金粟柱盤出水晶鹽  
沙暖堪垂釣風多更卷簾還將碧草色南浦望江淹

同諸公放鶴洲探梅

徑轉蒼筤曲谿迴石磴斜爲園傳故相唐相裴勝事  
休別業復吾家晚日吹山雨陰雲覆浦沙春風三百樹猶有

未開花

葵公過

竹塹文類 卷之五 吟體 五

遲客無三運浮杯自獨園林棲堪永日瓢飲坐忘言  
竹戶青蟲網荷風翠鳥翻更看涼月上徙倚向南軒

南湖卽事

南湖秋樹遠放棹出迴塘簫鼓聞流水蒹葭汎夕陽  
心隨胡雁滅目斷楚雲長惆悵佳人去憑誰詠鳳凰

七月八日夜對月

素月弦初直清宵漏轉添乍堪盈手贈無復兩頭纖  
影動明河腸涼生碧海蟾玲瓏看不定試上水晶簾

暝

暝投人外宿桑柘藹陰陰獨樹歸禽少平川隱霧深



松篁初月上鐘磬夕陽沉漸覺微風起寥寥山水音

九日同張與繆永謀集錢汝霖宅分賦

魯酒飲未醉商歌調復勞百年齊下淚九日罷登高  
短髮參軍帽重寒范叔袍舊來飛動意空羨五陵豪

晚

白屋生寒早蒼烟向晚陰松門清磬遠楓岸夕陽深  
坐聽農人語多諳靜者心荆扉猶未掩倚杖數歸禽

寄胡振芳明府

老去其垂釣秋深嘆轉蓬虛堂驚蟋蟀涼露滿梧桐  
隱吏思梅福忘年得孔融飄零方有日清宴幾時同

竹花文集

卷之五

七

與舍弟葵政

昨夜山樓雨池塘草更深相思頻悵望惜別動沉吟  
詞賦從吾好林泉見汝心何年人境外偶坐撫鳴琴

哭萬兒

提携猶昨日髮髯憶平生夜火銅盤淚春風竹馬聲  
無錢輕藥物瀕死念聰明迢迢黃泉道沉沉劫汝行

過吳大村居

汎舟經谷口迢遞入林端一徑野烟夕孤村返照寒  
榴花赤瑪瑙竹色青琅玕蒲酌主人酒休歌行路難

立秋後一夕同睦修季俞亮朱一是繆永謀

集屠癩齋

秋風吹細雨蕭瑟度庭陰把袂來何暮當杯夜已深  
天邊同落魄江上獨愁心誰念新亭淚飄零直至今

對月簡周貧繆永謀

楓林初落日秋露漸沾窓仰視明明月遙臨湛湛江  
游思陶謝竝客有阮何雙待發清溪棹相要醉玉缸

送屠癩入閩

故人千里去風雪上行車南浦悲長路西河歎索居  
江猿啼遠近天水入空虛莫作經年別高堂正倚闌

送子孫叔游中州二首

木葉下亭阜西風一雁高驅車千里道結客五陵豪  
河水浮官渡開門鎮虎牢驪駒方在路尊酒意徒勞

其二

旅館涼風起秋城畫角哀天涯方遠客祖道且深杯  
山色陰中岳河流繞吹臺梁園多雨雪歲暮好歸來

送舍弟葵鑒之山陰

別情不可道送汝益淒其分手悵前路離居感後時  
山中伯禹穴江上伍胥祠何處無芳草池塘遠夢思

懷鄭羽客淞江

連江楓樹外烟水隔層波歲暮饑寒逼荒城雨雪多

故人居谷口策馬去山阿幾日離居恨還應獨嘯歌

寄家孝廉一是

懷歸當歲晏木落徧江潭作客應相憶離羣自不堪

陰風連晦朔寒口下西南早晚依同病窮愁意亦甘

哭王處士翊六首

書信傳初到銘旌已在途今來紛涕淚肯別念須臾

迢遞悲長道艱難喪老儒山陽懷舊賦流恨滿江湖

其二

遠道將歸客孤舟返舊林招魂迷楚水卧病絕吳吟

夢裏羅含鳥囊中陸賈金猶憐別時語使斷故人心

竹垞文類

卷之五

人

其三

江海飄零日秦川喪亂餘淒涼蒿里曲生死秣陵書

零雨沾青草高原哭素車南山桂搖落無復子雲居

其四

知己從今少平時負汝多人生看到此天道復如何

流水茄簫曲悲風薤露歌王猷竹林在舊徑不堪過

其五

落日明丹旆飄風卷總帷途窮偏作客身老獨無兒

書籍今何托人琴不可知高山空有調回首失鍾期

其六

相送悲長別還家慘獨行流連簡書札次第念交情  
自有篋中作何難身後名泉臺應快意未必似平生

寄顧處士有孝

東吳顧文學念爾亦窮途留客還難黍傾心及釣屠  
江城三歲別書札一行無何日能相訪扁舟范蠡湖

百里

百里寒山下荏苒遠近齊探丸分赤白放溜各東西  
都尉金爭摸出尤霧忽迷今宵聞野哭應有萬行啼

舟次平望驛

舟人爭利涉日夕更揚舠一水分平望羣山接洞庭

竹垞文類

卷之五

九

風來潮約約烟積雨冥冥愁聽嚴更發中宵尚未寧

太湖

澤國東南遠樓船舊荷戈明霞開組練惡浪走蛟鼉

橫海將軍號臨江節士歌淒涼不可問歎息此經過

汎舟橫塘經何山下

橫塘楊柳樹春思滿河關夕照東西路晴江遠近山

王孫驅馬返游女蕩舟還惆悵何顛宅千秋不可攀

鄧尉山

峻嶺盤空上樵聲逐處聞朝霞膏照水春樹不開雲

峒曲垂蘿暗泉飛積翠分荒祠寥落盡誰賽鄧將軍



同夏士兄登觀山頂

杖策荒塗外凭高遠樹重微茫開積水縹緲見孤峯  
細雨春歸雁深山日暮鐘何年共招隱相伴入雲松

治平寺

招提下山路一徑轉廻塘塔影開初地鐘聲到上方  
陰崖深樹綠落日亂峯黃湖上扁舟興沉吟意不忘

中峯寺讀微上人不過

中峯藤蘿上亭午傳齋鐘無復憚長路因之策短筇  
山明石齒齒樹暗雲容容不見支公鶴相隨塵外蹤

將之越中峽山道上留別曹大

竹垞文類

卷之五

十

向晚川流急停橈夕照微離亭尊酒盡惆悵故人違  
古渡分青草春山限紫薇昏鴉棲不定月出更南飛

蕭山道中

古樹參差暗春禽旦暮鳴東西開水市高下築山城  
翠竹千家靜清江二月平昔賢栖隱地巖壑有同情

禹廟

衆水分疏鑿羣峰自鬱盤雲霞山殿古松桂石壇寒  
往事梅梁失遺封玉簡殘南巡祠廟在拜舞蕭衣冠

雨坐文昌閣

芳草辭南浦晨風寄北林佳人天路隔帝子水雲深

風雨他鄉別羈愁薄暮心萬方多難日孤客淚沾襟

蕺山亭子

石磴層層上凭高四望同君王遺跡在寂寞古亭空  
綠水人家外青林島嶼中昔年生聚日辛苦舊江東

梅市

仙吏經過處空江日夜流何年市門去千載渺難求  
竹暗清溪路沙明白石樓羈鴻與孤客歸思兩悠悠

歸

江南春事早二月已飛花眼見芳菲盡吾生信有涯  
妻兒空待米風雨獨還家自斷無長策何勞感歲華

竹垞文類

卷之五

十一

金山登妙高臺

高臺堪極目落景一登臨衆水金陵下孤城鐵甕深  
平沙依雁宿橫笛想龍吟不見安禪叟寥寥江上心

湖口

翠壁千尋削滄江兩岸虛沙含溢浦月湖落武昌魚  
載酒思元亮當歌笑接輿東林多勝事便擬度匡廬

望湖亭對月

山色匡廬近湖光彭蠡開異鄉頻見月孤客乍登臺  
遠樹霧中失浮雲川上來離心似黃鵠中道一徘徊

封谿蕭侯廟

返照封谿上停橈思惘然地傳白鹿渚人記赤鳥年  
簫鼓迎神曲帆檣送客船誰令戎馬日萬里入南天

新淦縣

寒日巴丘路川原萬里長峰藏令威宅地接子真鄉  
老樹多歸鳥童山易夕陽哀猿不可聽爲爾一沾裳

虔州懷古

橫浦樓船靜西風草樹凋城荒百戰在地入九江遙  
豪傑爭先後山陵慘寂寥鬱孤臺下水流恨自南朝

丁酉元日陰

黯黯窮陰合蕭條歲序遷故鄉應雨雪絕域尚烽烟

竹花文類

卷之五

主

更憶高堂上頻思遠信傳辛盤空自好誰爲介尊前

夢寐

夢寐看兒女沉吟泣數行他時嘗獨立永日見相將  
去動憐渠小歸應共我長雲山千萬里誰道不思鄉

同陳五子升游光孝寺

浩劫虞翻宅沙門大士居寒烟萬井外春樹六朝餘  
是日風旛動諸天夕照虛更尋濠上樂偶坐一觀魚

東官客舍一公過譚羅浮之勝時因道阻不

得游悵然有懷作詩四首

枉作名山約茲來不易逢雨指千徑竹苔冷萬年松

錦鳥青丘下霞書石室封向來獨往地惆悵闕仙踪

其二

連峯不可極望望碧雲深地遠黃麟跡風傳朱鳳音  
山林從所好盜賊爾何心獨客沉吟意吾師亦至今

其三

傳道朱明洞堪留白石樵鸞鳳曾可御蛇虎爲誰驕  
細草香金澗寒雲束鐵橋梅花清夢斷彼美龍相要

其四

勾漏來仙令神靈得鮑姑丹砂不死藥竹葉辟兵符  
白日飛蝙蝠紅雲泣鵲鳩何能振衣去敢復計窮途

竹花文類

卷之五

主

食龍目

龍目原奇樹嘉名自海區何年賦勞挺得與訓生俱  
黃擬交郎眼圓分漢女珠幾人曾嗜此昌歎未應殊

贈張五家珍

可歎張公子流離自妙年身孤百戰後門掩萬山前  
易下窮途淚難耕負郭田平陵松柏在餘恨滿南天

送嚴煒之惠陽

相期且樂酒相見輒悲歌相送有如此相思知若何  
晴川踈樹遠落日亂山多別後豐湖月聞鐘應獨過

曹方伯溶留飲奉酬原韻



鄴下才真捷蘭陵酒復清遠遊懷陸賈知已重劉生  
旅思三江鱸春城二月鶯高陽從酩酊倒載馬蹄輕

奉荅曹方伯見贈

萬里題詩客三都作賦年高譚今夕會餘論幾時傳  
草滿班荆地花飛載酒船府中留牘少隨意撥書眠

篷軒落成曹方伯招飲納涼卽席分韻

卷幔溪光夕開軒露氣澄參差交月樹升降護風燈  
幕府容疎放蠻天罷鬱蒸南園多勝友况把酒如罍

憶遠

爲憶盤龍鏡當無膏沐施貧家踈遠信鄉夢亂歸期

竹垞文集

卷之五

古

曉月青楓樹秋山紅豆枝離居日以遠勿復寄相思

夜泊西南驛

生煙平楚夕隱隱見西南獵火寒歸騎津亭暗落帆  
往來仍嶺外憔悴卽江潭縱有還家夢愁多已不堪

三水道中

浦樹高原盡人家負郭稀夕陽明斷塔風色上征衣  
老馬長途伏饑鷹側翅飛寒江日西下不送北船歸

舟次羚羊峽

古峽滄江上重來已隔年生魚同丙穴伐竹擬湔川  
有客携桑落憑誰采石田交州懷步騭臨眺一凄然

鬱洲寒望

一丘廻柱清獨往失斜暝到地無南雪連天有朔雲  
貪泉懷刺史發語問參軍漸聽寒潮落昏鐘隔浦聞

贈高儼

高生老畫師往往賦新詩能事繇來重在歌和者誰  
飲知犀首好情識虎頭癡不向銅鞮去尋常倒接離

送曹方伯還里

惆悵紅亭酒登艫索別何秋風空日夜岐路渺關河  
重以歸與歎因之勞者歌還憑長短笛吹出感恩多

逢陳恭尹

竹垞文集

卷之五

五

零落金吾仗飄搖青翰舟小山閒種樹大澤見披裘  
滿地王孫草連波海客鷗相看惟涕淚不爲說窮愁

席上留別陸兄世楷

但秉中宵燭重爲旅客吟驪駒卽長道絲竹本哀音  
越嶠停雲遠秦關落日陰無勞岐路別酒坐已霑襟

謁張曲江祠

峻坂盤神樹陰崖鑿鬼工芳塵羽扇冷春燕玉堂空  
不規關門險誰開造化功經過遺像肅千載嶺雲東

舟次彭澤悼萬孝廉泰

涕淚千秋在田園萬事非悲風彭澤柳宿草首陽薇

但有青蠅吊虛傳白鶴歸秣陵書不遠何處覩音徽

還家卽事四首

回首辭江海驚心念物華漸看鄉樹近頗覺旅程賒  
避地虛留井無田學種瓜重爲廬下客慙愧說還家

其二

遠客朱顏改高堂白髮新長貧謀半菽幾日且兼珍  
遂有耕田計無勞陟岵頻南陔蘭可采春戀及良辰

其三

卜築仍無地來歸轉自憐癡兒猶昨日病婦已連年  
肩有蒲葵攬牀移苑蕝眠濁醪供取醉不向酒壚前

竹垞文集

卷之五

七

其四

至此猶餘悸於焉暫息機不辭新蠟屐重理舊鴟衣  
鬼笑劉龍拙車看袁紹非生還良已幸長飲幾人歸  
有感介人履安也

竹垞文類卷之六

今體詩八十二首

八月十二日夜飲吳興宅是夕舟發梅溪

十三日夜汎月太湖 十四日夜楓橋對月

十五日待月虎丘夜無憂士兄宅

十六日夜月 十七日夜月

十八日擬汎舟石湖不果是夜無月

罵腹湖 旅興呈憂士兄二首

屈五來自白下期作山陰之游

柯山 題祁六東書草堂

竹垞文集

卷之六

十

元日對雪簡宋孝廉 送蔣翰林歸金壇

山陰苦雨酬謝處士

與朱二十九約過楊大三江村居

曹娥廟觀渡 食鱖魚

酬毛十九兼寄張五 祁六紫芝軒別

贈蔡五十一

同王處士施學使陸處士汎舟西湖遇雨

湖上逢楊二給事 送汪進士挺游嶺南

夏日西湖同曹學士余山人汎舟待曹侍郎不

至有感舊游愴然於懷作詩二首



寄屈五金陵

懷嚴煒客嶺南

西陵感舊

贈顏鼎受

吳興客夜

九日

欄山橋觀漲

山碧浪湖汎舟至仁王寺飯句公房

白雀寺

七里瀨經嚴陵釣臺

由丹岑驛曉行大雪度青雲嶺桃花隘諸山暮

投麗水舟中三首

夜渡永嘉江入黃畧返照

孤嶼亭對月

竹垞文集

卷之六 吟體

二

舍弟爨鑒遠訪東甌喜而作詩

山雪

雨

七夕

賦得歸雁寄曹使君

雨

憶河鮪二首

病橘

華陽精舍贈源上人

郡東山對月懷周四陳大吳二

九月十四日夜月

秋日對酒江心寺同高石埭賦二首

西陵後感舊

贈杜濬

黃河夜月

謁先賢仲子祠

曉發東光縣

青縣同高大雨泊

董子祠

高博士席上畱贈公子緝膚二首

七馬坊

晚次崞縣

將次山陰墮馬傷足張明府枉顧逆旅餉酒賦

謝二首

畱贈王沙縣四首

寄酬譚七舍人兄陸二舍人弟

太原客舍同方三孝廉話舊二首

七夕立秋王方伯席上和毛會建

龔百朋自梗陽以詩見寄湯客二首

竹垞文集

卷之六 吟體

三

雲中客舍曹武備自津門以筐蟹銀魚見寄賦

謝二首

八月十二日夜飲吳興宅是夕舟發梅溪

浮雲斂暮色初月上東隅重露漂銀漢疎星暗白榆

高堂要坐客左顧敕行厨此夜前溪棹清光興不殊

十三日夜汎月太湖

爲愛清秋月中流獨扣舷艱難群盜路寂寞五湖船

白髮從今夜青山憶往年酒闌愁不寐相顧意茫然

十四日夜楓橋對月

徙倚楓橋上清輝獨夜看晴山開窗霧遠水動浮瀾

刁斗風前急星河樹杪寒斷腸南度雁飛不到長安

十五日夜待月虎丘夜抵夏士兄宅

故事中秋夜游人徧虎丘清歌聞北里明月滿南樓

錦帆微風入香車夾道留嚴城歸路遠愁上木蘭舟

十六日夜月

令節逝不處單車誰見招空濛青霧盡零落素雲飄

烏鵲愁中度關山望裏遙江城今夜月惆悵玉人簫

十七日夜月

待月涼宵靜更濃醉玉缸空城懸北斗流水入西江

落葉紛無數驚鳥起一雙高樓思蕩婦茲夕定當窻

竹垞文集

卷之六

四

十八日擬汎舟石湖不果是夜無月

向夕浮雲合開軒月色微風鳴秋葉舞燈暗草虫飛

高枕愁何極扁舟興已違誰家棹歌發遠火夜波歸

蜀脰湖

蜀脰湖邊水臨流好結廬桑麻懷杜曲雞犬似秦餘

紅葉三秋樹銀花二寸魚買田應可得陽羨定何如

旅興呈夏士兄二首

舊宅烏衣巷涼秋白苧歌湖山歸路遠風雨閉門多

暗壑隱松桂深潭漂芰荷美人日遲暮芳草奈愁何

其二

旅館三秋客端居百慮違張衡長不樂王粲竟無依

夜月彈長鋏涼風歎短衣天涯芳草盡我馬亦懷歸

屈五來自白下期作山陰之游

楚調聞高唱吳航下西京涼秋八九月招我固陵城

射的仙人去籠飛道上迎明湖凡幾曲攜手鏡中行

柯山

柯亭山下路修竹暮紛紛聚壑千尋暗雙崖一徑分

沙光明草樹日氣冷江雲更憶中郎笛寥寥不可聞

題祁六班孫書草堂

愛汝谿堂靜開尊年久惟江花平岸發山鳥過庭飛

竹垞文集

卷之六

五

東海賦垂釣西山懷不薇一爲歌白雪高調和應稀

元日對雪簡宋孝廉寶嶺

令節他鄉會春盤上客偏亂雲迷禹穴獨鶴語堯年

坐下山陰雪無愁射的玄明朝江口望定有孝廉船

送蔣翰林超歸金壇

自聽驪駒唱彌令客思牽相逢繞破月惜別已殘年

紅葉山中展翰林游雲門賦金沙渡口船遙憑千里

夢飛度玉堂邊

山陰苦雨酬謝處士

坐見天公笑何時后土乾遊人三月罷烟樹六陵橫



苦雨同張協佳書報謝安濠梁有高興春水更宜看

與朱二十九驛元約過楊大春華三江村居

獨樹原頭盡三江開口淺聞君理舟楫許我共招尋

美醞千花露生魚二寸針罷峰如可望試作水仙吟

### 曹娥廟觀渡

問渡要津吏沿流信楫師江空鳴社鼓風細颭靈旗  
遂入曹娥廟同觀漢代碑浮江千載恨猶有弄潮兒

### 食鱖魚

白小休論小奇珍信可珍炎天來嶺雪入饌總如銀  
稍蟹時方早尊鱖思莫類不知江海上海處龍垂綸

### 竹坡文集

卷之六 今體

六

### 酬毛十九奇齡兼寄張五杉

逝矣三春日蕭然百尺巖知君南浦上朝夕望征帆  
湖水蓴絲獎櫻桃舫舫街歸期今已近好遣報張杉

### 祁六紫芝軒席上兩別

長路何年別幽居此地偏石林芝草秀蘭澤荷花鮮  
上客且安坐主人猶未眠不知高館裏絲竹是離筵

### 贈蔡五十一仲光

十里湘湖水迴流入女牆君家湖水上時有落花香  
海月伴江寺風琴響石堂更聞多古調識曲漢中郎

同王處士猷定施學使問章陸處士圻汎舟

### 西湖遇雨

東風吹落日西下北高峰欲往南屏路中流聽梵鐘  
迴船沙岸火驟雨石門松不覺碧雲暮涼烟生幾重

### 湖上逢楊二給事雍建

零雨三年別晨風萬里遙川涂思往日舟楫復今朝  
碧州湖邊寺青驄渡口橋東山有絲竹知爾定相邀

### 送汪進士挺游嶺南

獻歲發吳閭緣流抵建康北風吹五兩幾日上潯陽  
榕葉山城暗梅花驛路長回思舊遊地飛夢到君傍

夏日西湖同曹學士爾堪余山人懷汎舟待

### 竹坡文集

卷之六 今體

七

曹侍郎湛不至有感舊遊愴然於懷作

### 詩二首

翠壑南屏下微風細草薰山雷焚斷塔沙柳拂晴雲  
白舫朝朝度清歌處處聞芙蓉如可采相約望夫君

### 其二

回首憐生事驚心念物華同攜今日酒忽對去年花  
驟雨翻青蓋圓珠溜白沙坐看雲色暝餘濕到山家

### 寄屈五金陵

新從白蓮社舊事紫陽君貽我群仙詠全勝十賚文  
風濤楊子渡松栢蔣陵雲其有山棲志題書報爾聞

懷嚴煒客嶺南

老去嚴夫子辭家久不回  
升沉安可問時命轉堪哀  
尚有高堂在會無驛使來  
遙憐望鄉處日上越王臺

西陵感舊

鄴下劉文學陳畱蔡議郎  
後身那再托同調轉堪傷  
白首憐金谷青山棄北邙  
思歸應有夢未許訴巫陽

贈顏鼎受

桐鄉顏氏子才大最能詩  
往作青齊客論交游俠兒  
星流赭白馬日射黃金羈  
不惜歸來困簞瓢樂可知

吳興客夜

竹枝文類

卷之六 今體

人

東武亭邊樹西鳥夜半啼  
江清楓葉下天闊雁行齊  
不寐仍杯酒勞生此杖藜  
誰家采菱調彷彿度前溪

九日

九日烏程縣天寒菊自花  
遠山初過雁淺渚落平沙  
歎逝黃墟隔登高白帽斜  
重憐故鄉侶載酒問誰家

攜山橋觀漲

重陽連夜雨初日汎層波  
不上濠梁望安知秋水多  
淹留攀橘柚想像駕龍鼉  
北渚漫愁思佳期奈別何

由碧浪湖汎舟至仁王寺飯句公房

我愛仁王寺來從碧浪湖  
到門千樹合登閣一峯孤

仙梵迷高下香雲忽有無  
坐愁風雨至還與飯秋菰

白雀寺

竹徑何年寺松門百丈巖  
野雲平石磴江日冷楓杉  
水落青蓮湧花飛白雀銜  
五湖看盡望生計有蒲帆

七里瀨經嚴子陵釣臺作

宋謝參軍別有西臺痛哭記

七里嚴陵瀨平生眺覽初  
江山誰痛哭天地此扶輿  
竹暗湖朱鳥灘清數白魚  
扁舟如可就吾亦釣臺居

錄丹峰驛曉行大雪度青雲嶺桃花隘諸山

暮投麗水舟中三首

曉發丹楓驛微茫出遠郊  
月斜吹積雪風急燒黃茅

竹枝文類

卷之六 今體

九

斷嶺羊腸折寒沙虎跡交  
軍麾猶未靖何處得安巢

其二

隘口屯師日功臣汗馬勞  
耿再成破石空山無赤幟  
廢壘但黃蒿亂插繁花盡  
千盤細路高繇來設險地

未必盡神皋

其三

峻嶺行還出愁人跡轉孤  
饑寒催暮日風雪逼窮途  
土銼須同燎金刀可刺沽  
莫辭舟楫小今夜宿江湖

夜渡永嘉江入黃畧

絕岸蒼茫水窮山斷續  
風雨歸沉黑蛟川暝失丹樞



華髮垂垂短悲歌處處同最憐中澤裏深夜有哀鴻

返照

返照開寒峽江城入翠微明霞飛不落獨鳥去還歸  
是處聞吹角高樓尚縣衣山家多畏虎應各掩柴扉

孤嶼亭對月

皎月空江滿寒雲萬里收纖毫瞻顧恍惚動潛蚪  
望遠高樓笛行歌半夜舟南征有鴻雁相傍宿沙頭

令弟葵鑒遠訪東甌喜而作詩

急難逢令弟訪我自江東頗喜羈愁豁兼聞道里通

晴江空翠裏春草亂山中知汝南來日西陵定遇風

竹花文類

卷之六

十

山雪

山雪消猶未江梅凍已殘龍蛇翻遠鰲鳥雀凜相看  
短服裝綿少淡杯入手乾今宵聞擊柝轉憶北城寒

雨

城晚吹烟霧風迴渡水雲入林初漠漠潤礎旋紛紛  
響愛青荷葉涼思白練裊西堂有官燭更遣夜溪聞

七夕

遠客清樽夕虛堂玉露秋關山頻北望河漢已西流  
葉落他鄉樹砧催故國樓今宵看織女未必請牽牛

賦得歸雁寄曹使君雲中

萬里南來雁歸飛又一群三江重汎汎二月正紛紛  
顧影愁官燭懷書望浦雲關門他夜月應得故人聞

雨

斷續江天雨涼風滿戶庭轉添秋草綠更洗暮山青  
積霧猶沉樹明河早見星南亭有歸客朝夕待揚舲

憶河鮑二首

正月河鮑美嘗時下箸食未應居海曲翻造憶江南  
野老匙真滑西施乳更甘還持春酒極爛醉與朋簪

其二

下若槎頭鱸松江巨口鮑嘉魚吾所飲美味爾終輸

竹花文類

卷之六

十一

一食輕生慣頻年入饌無故鄉弛海禁應得飽春厨

病橘

病橘何年植巡簷許數過他鄉淹歲月此樹漸婆娑  
滿院飛蟲繞空庭落日多向來懷袖意華實竟蹉跎

華陽精舍贈源上人

支公樞上馬謝客郡東山繫馬林亭外看山日暮還  
瑤華猶未折桂樹尚堪攀試醉陶潛酒狂歌白石間

郡東山對月有懷周四吉亥陳大忱吳二周

瑾

白露侵亭幔涼煙滿桂叢如何秋色裏不與故人同

蕭瑟聞風葉飛揚見羽蟲南樓滅明燭佇望海雲東

九月十四日夜月

坐惜如珪月懷人歷九秋關山仍遠道西北有高樓  
苦憶前溪別應添少婦愁清輝憐玉臂獨自下簾鉤

秋日對酒江心寺同高石埭駿升賦二首

謝監尋山日江童擊汰迎寒潮天外落秋草渡頭生  
歷覽窮孤嶼逍遙倚化城行厨濃樹裏乳酒正須傾

其二

驟雨連山暗回風病葉飛入林初緩帶改席忽沾衣  
客醉從高枕川長得斷機扁舟憐范蠡蠶桑久忘歸

竹莊文集

卷之六

七

西陵後感舊

潘安曾對酒吳質數論文舊史悲難續斯人意不群  
一爲江海別遽作死生分凄斷山陽笛那堪歲歲聞

贈杜濬

石城烽火後孤客轉浮沉乞食來吳市爲園失漢陰  
襄陽耆舊傳荆楚歲時心還復扁舟去淒其洛下吟

黃河夜月

落月黃河曲先秋白露寒牽牛何皎皎桂樹此團團  
直北程難計天南淚未乾居人掩閨夕知己夢長安

謁先賢仲子祠

光岳鍾青帝明禮配素王世家猶不泯俎豆儼成行  
力養嗟何及長貧更可傷如聞琴瑟在千載感升堂

曉發東光縣

際曉投前路衝寒祗紐袍關河仍鼓角舟楫已風濤  
落月金樞動疎煙土銑高謀生左有策筋力爾徒勞

青縣同高大佑鈺雨泊

黃河秋潦急羣盜正紛紛去遠驚秋半愁多語夜分  
空城寒更雨哀角斷還聞正值南飛雁嗷嗷度海雲

董子祠

漢日江都相荒祠舊水濱玉杯存乳豆青簡重天人

竹莊文集

卷之六

今體

七

夕鳥窺閣下秋花真露新發涼不遇賦千載一沾巾

高博士恒懋席上留贈公子緝庸二首

別席先投轄升堂喜盍簪飄零忘南北風物盡江南  
滄海窺兇滿張梨白露甘雨連如意舞更與阿戎談

其二

西陸清秋候東山舊宅開盡觴兼日夕文詠許追陪  
且爲看花起還愁上馬回春風倚歸櫂貼壁定重來

七馬坊

積潦黃蒿外連岡黑霧中轉愁人馬滑真覺道途窮  
陶穴遺浚井沙陀沒故宮離程渺天末九月斷征鴻



晚次崞縣

百戰樓煩地三春尚朔風雪飛寒食後城閉夕陽中  
行役身將老艱難歲不同流移嗟雁戶生計各西東  
將次山陰墮馬傷足張明府施大柱顧逆旅

餉酒賦謝二首

可怪乘船客今朝墮馬來半人宣武笑長路步兵哀  
地主逢傾蓋天涯獨愛才淹留憐逆旅相餉竹根盃

其二

果見軒車至舍皇啟夕扉亦知寬禮數強起著裳衣  
涕淚餘生在泥塗萬事非返方堅卧懶猶得藉光輝

竹葉文類

卷之六 今體

古

留贈王少縣泰墳四首

文端公家屏孫

黃閣先朝重清門絕塞存東山遺別墅丙舍有諸孫  
吳楚游能遍詩書道自尊憑將飛蓋夕聯騎問詞源

其二

墜馬愁方劇欣逢出戶迎人扶妨折足家違竟全生  
剪韭當三月浮杯及二更熟知舟楫趣欵欵話南征

其三

先臣典禮日相國去官初各建雷侯策同傳賈傳書  
文端公以平建儲去國至先文恪聽歌增忼愴話舊  
掌大宗伯事章凡三十上得乞  
各欷歔俯仰悲身世相看計盡疎

其四

范甌萊蕪返王鳬葉縣歸饑寒仍不免子姓復何依  
排壁獨和詔張羅秋客屏由來彼褐士萬慮與時違

寄酬譚七舍人兄吉聰陸二舍人第榮

客久憐書札鄉遙感歲時空淹鴈鹿塞遠隔鳳凰池

九月茱萸會頻年雨雪詩朝回逢陸弟爲報日相思

太原客舍同方三孝廉育盛話舊二首

遠戍推亭伯還家管幼安千金裘馬盡十載道途寒  
華髮同雙鬢悲歌感萬端平生蕭瑟意長銑爲誰彈

其二

竹葉文類

卷之六 今體

古

舊業東山下曾經賭墅過飄搖秋雨後零落戰塲多  
避地從人問誅茅奈老何烏衣雙燕子兩恨滿關河

七夕立秋王方伯顯祚席上和毛會建

暑退林初暝露開露漸滋客中憐夜集天上果秋期  
片葉辭風下長河卷幔垂莫教涼月盡同和謝莊詩

與百朋自梗陽以詩見寄潯答二首

傳聞花縣客不異幔亭居閩中張君汝剛令清源葉子錦焉

紅藥賓筵繭白魚仲宣懷土日司馬倦游初咫尺橫

汾隔難尋下澤車

其二

道重論交地書題把臂而相憐煩縉紳永好有詩篇  
多難休儒服他鄉濯酒錢但期陽羨隱見日話歸田

雲中客舍曹武備自津門以筐蟹銀魚見寄

賦謝二首

千里三沽使傾筐異味傳霜螯初入手臘月更須憐  
重馬愁關吏香杭憶野田江鄉好風物罷酒數歸年

其二

水族殊鄉至明燈夜不孤雪花寒意減玉盃近看無  
反厭流地滑安將剩酒沽遙憐垂釣客白首向江湖

竹垞文集

卷之六 今體

共

竹垞文集卷之七

今體詩七十七首

華不注

離水弔韓淮陰

題高六栢塘移居圖二首

濟南除夕

鄒縣謁孟子廟二首

曲阜晚眺同劉中丞

地軸

飲歷下亭汎舟蓮子湖二首

僧蠟

中秋待月和劉興詩

同紀處士杜太史譚舍人兄集孫侍郎研山齋

四首

竹垞文集

卷之七 今體

十

柯將軍園亭卽席分韻送柯三還嘉善

壽申檢討

慈仁寺夜歸同李十九對雪兼有結隣之約

送家司理昇之官峨嵋三首

雪中過程五倉曹同李十九蔡大賦二首

雪夜飲夏侍御宅

立春日同李十九飲孫少宰蟄室有懷曹侍郎

在里

卧佛寺

題退谷

贈冒嘉穗三首

周郡丞遷太原守詩以送之兼懷傅處士



早

題何氏書屋

雪霽同周儀部對酒康山二首

逢周侍郎二首

賦得官柳送人自濟入

譚十一兄歸自楚粵訪予維揚兼懷郡丞七兄

在榆林三首

兩度仙霞嶺三首

題福州林秀才竹亭二首

長城堡皇姑寺

王尚書招同錢澄之毛會建陸元輔陳祚明嚴

繩孫計東瀛集豐臺藥圃四首

題何侍御丹臺書屋二首

竹垞文類

卷之七 今體

二

龔尚書輓詩八首

春雪二首

周郎中自閩回賦贈二首

送龔孝廉掌教涿州 泰安道中曉霧

王大司馬招同陸元輔鄧漢儀毛奇齡陳維崧

周之道李良年諸徵士讌集怡園周覽亭

閣之勝率賦六首

己未元日同孫枝蔚毛奇齡陳維崧吳雯汪楫

徵士喬萊舍人湯右曾上舍集曹舍人禾

書齋遲李良年潘耒不至即席限韵二首

華不注

仙苑開初地春秋識舊名青蓮齊吐萼石筍獨抽萌

泉憶遶庭實居連許殿卿淒涼懷舊意驅馬入荒城

淮水弔韓淮陰

淮陰師百萬曾此擊龍且廢壘人猶識囊沙水漸淤

生慚諸將伍史並列侯書千載烏江廟君臣反不如

烏江項王廟以  
范增龍且配食

題高六柘塘移居圖二首

伍負吹簫市韓信垂釣臺昔賢曾混跡之子亦多才

落月搖鄉樹清淮上酒杯誅茅三徑在高詠日悠哉

其二

竹垞文類

卷之七 今體

三

草綠連隋苑花飛憶楚州人閒從散帙客至許登樓

自卜羅含宅頻移范蠡舟看君圖書意轉益故鄉愁

濟南除夕

五載論除夕依然滯異鄉逃名成白髮歸計復青陽

捫馬喧何事燈花喜太忙故園兒女在相憶或停觴

鄒縣謁孟子廟二首

井地連滕壤詩書近孔門世儒多橫議夫子獨知言

楊墨歸斯受齊梁道自尊巖巖留氣象千載肅心寬

其二

壤道殘碑卧祠官異代虔爵班公一位里紀母三遷

叢木冬春冷風燈半史懸空令布衣士瞻拜獨凄然

曲阜晚眺同劉中丞

徑轉通油幙林深護石苔夕陽新雨過春杏舊壇開  
入廟車猶在看碑日幾廻東城寒食近試上闕雞臺

地軸

地軸連年震沂州接莒州春農千里旱野哭萬家愁  
鴻雁驚難定蛟龍圖未休更聞城郭外蜃氣接層樓

飲歷下亭汎舟蓮子湖作二首

濟水來王屋源泉處處清自從湖口入不復地中行  
柳岸鳴蟬急荷風浴鳥輕江南歸思緩彷彿棹歌聲

竹塹文類

卷之七 今體

四

其二

海右亭仍在城隅路不賒竹深池館靜山轉柁樓斜  
小隊千行柳行厨五色瓜未愁霑席雨歸棹豁晴霞

憎蠅

曉夢晨光裏羣飛戶尚扃慣能移白黑非止慕羶腥  
曲几思投筆輕巾屢拂屏北窓眠未穩孤坐憶江亭

中秋待月和劉興詩

高館清秋會愁陰悵望中當歌延夕漏卷幔颯天風  
玉葉翻雲細金波落酒紅殊方寒思早甘作鹿皮翁

同紀處士映鍾杜太史鎮譚舍人兄吉璉集

孫侍郎承澤研山齋四首

勝序悠初豁高齋近許過圖書留客少花藥閉門多  
興每晚丘髯衣從挂薜蘿千秋論述作出處本同科

其二

東曹後名山歲月深論交半縵披真樂在抽簪  
蕭蕭忘年約虛陪作者林寥寥知己語一一感人心

其三

野趣行無次林棲坐不辭書看金薤出杯喜竹根持  
戶關分今古朋游商歲時齊東回首望最憶虎頭嘯

謂顧子  
炎武也

竹塹文類

卷之七 今體

五

其四

收席塵邇遠看花徑轉幽猶存漢金石不廢晉陽秋  
客已呼沉醉誰當續後遊六街分手緩歸騎夕陽流

柯將軍園亭卽席分韻送柯三維嶺還嘉善

匹馬嵩陽返曾探玉女崖征衣猶雨雪歸棹復江淮  
客有悲歌獨文傳別賦皆葛疆池上月後夜不勝懷

壽申檢討酒盼

東山零雨別不見忽三年再作京華客重逢獻壽筵  
歲星方朔並午夜望舒圓滿把黃花酒幽歌九月篇

慈仁寺夜歸同李十九良年對雪兼有結隣



之約

眼色辭沙界蓬門更掃除數錢燈下酒入饌雪前魚  
遠作比隣約相連水竹居扁舟當此夜來往意何如

送家司理昇之官峨嵋三首

新分明府綬舊詠法曹詩異地難爲別頻年最見思  
賢聲花縣起歸計竹垞遲縱遣音書隔山川夢見之

其二

秦棧無難度巴歌亦可聽勒銘九幾處籌筆有孤亭  
玉壘等山市青衣注水經更傳驢事好空翠落門屏

其三

續地文類

卷之七

六

萬古峨嵋雪孤城暑亦寒爲憐真僻遠猶喜未凋殘  
峽水流琴曲山花接錦官飛來一片月相憶卷簾看

雪中過程五倉部園李十九蔡大賦二首

長安風雪後歌舞閉門重客子誰能記舍曹獨許逢  
窓寒留炙硯日暝坐聞鐘更約尋香閣西山對曉峯

其二

令子趨庭早深杯勸客揮愛看如意舞判倒接離歸  
易酒行無算吳鹽漸稀憑將紅燭淚試作鳳凰飛

雪夜飲夏御史人佺齋中

臘月長安市沙沉雪滿途風流傳柱史書札到潛夫

獸火寒頻續霞觴刺不沾醉歸終未許留聽月中鳥

立春日同李十九飲孫少宰蟄室有懷曹侍

郎在里

七度辛盤會他鄉歲歲殊未如今夕讌得與故人俱  
舞鶴喧庭樹飛花灑畫圖因懷鉏耒叟萬里隔春蕪

卧佛寺

路人晴雲北山欹卧佛前津梁疲已甚土木意能傳  
夜續林中磬春流枕外泉長安車馬客輪爾只高眠

題退谷

退翁愛退谷未老先抽簪行樂亂峯路築亭雙樹林

竹垞文類

卷之七

七

閒中春酒植靜裏山泉音滿目市朝貴何人期此心

贈冒嘉穗三首

我昔齊東住君來歷下游客亭無柰別樽酒未言愁  
暑雨城西寺高林棗外樓醉歌今始得同調日相求

其二

盡說移居好投詩給事莊松筠深不見丘壑興何長  
夜燭攤書坐春膠並馬嘗追隨吾更數知愛接輿狂

其三

捧檄高堂老還家令弟貧流年芳草夢心事綠衣春  
客已嗟垂橐人猶望指囷登樓千里目凝想竹西頻

周郡丞令樹遷太原守詩以送之兼懷傅處

士山

五馬西歸日銅符領晉陽川臨涑涑近山轉岫嶠長  
童子爭騶篠邦人尚詠棠憑君尋傅叟暇卽過松莊

早

水潦江淮久今年復旱荒翻風無石燕蔽野有飛蝗  
桎梏懲屠釣桎梏迫死亾虛煩乘傳使曾發海陵倉

題何氏書屋

屢醉齊東酒曾開薊北書林泉尋舊好瀟灑勝吾廬  
簾額仍通燕堂砌亦有魚蘭成擅詞賦宜作小園居

竹垞文集

卷之七

八

雪霽同周儀部襄緒對酒康山二首

一簣城隅出千家雪後勻江湖談往事絲竹老斯人  
謂對山也不厭尋幽晚惟應對酒頻寒梅意蕭瑟想見武

功春

其二

樽前橫蜀嶺鳥下起吳歌繫馬從星使憑軒覽清河  
雪深花尚發風急雁翻多有約江春到行厨次第過

逢周侍郎亮工二首

悵別西湖曲重逢又十年艱難增旅語領倒共詩篇  
春遠仍題扇江寒未放船甘棠留召伯聽取舊歌絃

侍郎曾觀  
察揚州

其二

阿戎頻問訊

公子燕晉兩鄉俱道已廿三黜家從沈

五湖登臨山屐在存歿酒人殊

感王猷定胡白髮明介諸舊游也

登裏飛揚不可無

賦得官柳送人自濟入燕

官路垂楊柳春風處處青遙憐烟雨色何限短長亭  
送子燕臺去還從歷下經七橋明月夜繫纜有荷汀

譚孝廉十一兄瑄歸自楚粵訪予維揚喜成

三首兼懷郡丞七兄吉聰在榆林

竹垞文集

卷之七

九

鄉園十載隔相對總殊方髮短愁先鐸杯深喜益狂  
寒梅探庾嶺秋草下汾陽未暇歸三徑明燈話射堂

其二

柳岸舟同汎蕪城草乍班望衡曾九面夢雨得雙鬟  
車騎將休汝榆林欲度關雕蟲何足尚辛苦羨名山

其三

十月邊城路曾傳上郡鴻弟兄三歲別夢寐幾人同  
望遠平山隔懷歸舊業空回思童穉日誰料各西東

雨度仙霞嶺三首

縹緲江郎石朝來竟不分客愁偏暑雨祠古但寒雲



小市兵戈盡飛泉下上聞泥塗雖自苦暫喜遠人羣

其二

岸缺人猶度橋迴徑轉偏古苔緣樹上密竹聚峰圓  
白袷晴還濕青鞵暮屢穿笑看茅屋近編筏渡溪烟

其三

仙霞高不極半嶺一雲平倚杖驚吾老攀崖羨客行  
經心蒼蘚滑照眼白花明回首楓林暮先秋葉自鳴

題福州林秀才竹亭

道南移宅後蕭瑟草堂貴尚有孤亭在堪歌伐木詩  
翠兼梧下竹黃折圃中葵最愛涼風滿無煩羽扇持

竹垞文集

卷之七

十

其二

曲几圖書淨叢筠枕簟開忘歸拚永日避暑復深怀  
遂有各山約知無熱客來舞雩今不美百過此徘徊

長城堡皇姑寺

皇姑正統間尼僧入大  
內諫止土木之行

十室長城堡皇姑迹未湮偶然朝鳳闕不惜撼龍鱗  
北伐回轅後中宮感夢頻荒祠巫現在猶見舞冬春

王尚書崇簡招同錢澄之毛會建陸元輔陳

祚明嚴繩孫計東譙集豐臺藥圃四首

上苑尋幽少東山載酒行發函初病起出郭始心清  
一老風流獨羣賢少長并甘從布衣飲真得古人情

其二

水淺孤村外亭開萬柳中流觴過上已卷幔已南風  
旅話江湖別幽期出處同接離拚共倒舉手對山公

其三

山田圍欄水左右出豐臺是日孤亭坐繁花四面開  
蟻浮傾更滿蝶舞去翻來卽事多高詠天涯不易哉

其四

麗草攢細葉晴風卷絳雲井華空近汲衣桁忽斜曛  
興自抽簪發人因賭墅分重過知不厭歸騎且紛紛

過何侍郎丹臺書屋二首

竹垞文集

卷之七

十一

一作長安地先生許數來窓虛同書舫徑盡出丹臺  
風慢空斜卷庭花獨早開但令施枕簟日此街阨

其二

宛在山茨下層陰羃小亭花移大房茜石帖太湖青  
筆斷何妨續琴歌亦可聽閒來須賄墅一爲寫黃庭

龔尚書輓詩八首

坤維初震後元老忽淪亡

九日地震越  
三日公歿

已定春帆計

翻教夜燈藏把杯人未散戀闕意堪傷盛德今祖謝  
悲看大鳥翔

其二

西掖存封事南天返使車位仍三獨坐職半六尚書  
典禮真無忝論文盡不如最憐羣弟子入揖共欷歔

其三

九日龍潭讌招尋自此休公於歲九日謫客賦詩於黑龍潭遲歸因

酒債垂死及山遊九月七日公扶病遊萬壽寺別袂何曾把時予赴通州

州詩篇總未酬重來清泪迸風急總惟秋

其四

京華留滯久恒苦出無車記憶惟公切過從聽我踈

頓忘何日別急簡舊時書剩有雷塘句臨岐襖飲初

辛亥上巳余從京師至揚州公以詩贈行

竹垞文集

卷之七 今體

七

其五

墨自臨池妙詩先過嶺工換鷺何太苦刻燭未教終

匹練題長遍聯篇思轉雄要知作者意肯與古人同

其六

別有新詞麗樽前賦物華歌翻舊桃葉笛按小梅花

檀板柳三變金荃溫八叉江南腸斷句回首向誰誇

公最賞予四風湖口詞

其七

含玉遺孤在招魂上客存天遙丁令鶴夢裏謝公墩

茄吹將歸路因盧何處村應同鍾太傅丙舍寄諸孫

其八

已輟青門餞空憐白馬留九京應萬里百口但孤舟

逝矣名須易傷哉涕莫收寄聲縫掖賤休作帝京遊

春雪二首

臘去初無雪春來盡日飄披離侵柳陌取次及花朝

入夜飛何急因風卷未消携錢思縱飲不用酒旗招

其二

客久催蒼鬢師行冷鐵衣漸看迴雁近只共早梅飛

關塞愁無極鄉園信轉稀空憐兒女在遙計放船歸

周郎中自閩回賦贈二首

竹垞文集

卷之七 今體

七

萬里孤臣去三年別館因遙憐天北望不異海西頭

曲罷紅薔老園荒紫蓼秋空堂今夜燭誰分話離愁

其二

入夜羣同宿經秋鴈不飛歸迎雙眼淚去隔幾重圍

攬鏡顏都改趨庭計已非辛勤完節意冬月尚絺衣

送龔孝廉宜生掌教涿州

圖經雄涿鹿壁沁橋門錦鯉仙人水樓桑帝子村

詩傳願盡解官道彌尊不遠房山麓相期泛竹根

泰安道中曉霧

苦霧滴成雨平林翳作峯不知巖際寺恰送馬頭鐘



汝水已爭渡泰山猶未逢忽驚初日躍遠近碧芙蓉

王大司馬招同陸元輔鄧漢儀毛奇齡陳維

崧周之道李良年諸徵士讌集怡園周

覽亭閣之勝率賦六首

北斗依城近南陔選地偏綵衣逢暇日珠履託羣賢

山擁牆初亞林疎徑屢穿身隨沙際鶴飲啄到平泉

其二

石自吳人疊梯懸漢棧牢白榆星歷歷蒼蘚路高高

宛得樓林趣渾忘步履勞下山無定所隨意各分曹

其三

竹堦文類

卷之七

南

礪白泉初徙籬金菊未枯夕暝言略約亂石點樗蒲

密坐千人許迷途八陣俱不因爨烟細何處覓行厨

其四

風磴雙亭外踈藤蔓十尋龍蛇寒自蟄鳥雀暮長吟

待結千花墜應同萬柳深隔林催未起獨坐想濃陰

其五

屢蒲西南戶堂臨上下洞落成凡幾日勝引喜先陪

監史新圖格壺觴舊醅酬謝公能賂墅會見提書來

其六

小閣簷端起虛窓樹杪憑忽驚黃屋近更繞翠微層

九日今年悔諸公逸興能向書期可平後轉須登

已未元月同孫枝蔚毛奇齡陳維崧吳雯汪

枏諸徵士喬萊舍人湯右曾上舍集曹

舍人禾書齋遲李良年潘耒不至卽席

限韵二首

勝引期元日虛齋束五經客來衣半白杯至眼俱青

密坐更番改清詩次第聆燭花高不落嘶騎且廻停

其二

樂極修簫諸觴行罷酒監同聲歌郢曲異味轉吳音

東閣花須放西山翠可鏡還期共潘李並馬試春

竹堦文類

卷之七

上

竹垞文類卷之八

今體詩二十三首

渡黃浦

送王

午日吳門觀渡

禹陵

土城山懷古

鄱陽

首春端州述懷

阻風垓江口

登滕王閣

贈別王山人

送王援人蜀省其尊人觀察庭

顯皇帝大閱圖爲吳金吾賦

上元南鎮逢蕭鍊師

竹垞文類

卷之八

十一

同王二獻定種山懷古兼招屈五大均

梅市飲祁五居士

岳忠武王墓

于忠肅公祠

謁劉文成公祠

東甌王廟

永嘉除日述懷

曹侍郎席上送顧工部還華亭鄉進士還晉陵

臺駘廟

重陽前一日集柯氏園亭兼感舊游成二十韵

渡黃浦

極浦迎天闕驚濤壯海門揚舲辭驛路放溜入雲根

白霧魚龍伏蒼烟日月昏樓臺朝作市雷雨暗翻盆

疏鑿千年久舟航萬里奔摩霄盤野鶴吹浪湧江豚  
香渺通長島虛無出遠村春申祠廟古內史姓名存  
上客今何在古文不可論乘槎應未得搖落問乾坤

送王翊游粵

好去羊城道吁嗟契濶深離羣空悵望惜別重登臨  
零雨哀南土晨風念北林征途賒酒客天末渡江吟  
烟火蠻鄉少山雲驛路陰桃榔交嶺樹孔雀擾家禽  
夫問楊孚宅歸看陸賈金梅花如可寄幸慰故人心  
午日吳門觀渡

勝日啣杯罷輕舟解纜初盡傳述伍相不比吊三閭

竹垞文類

卷之八

十二

畫舫龍鱗見飛樓蜃市居雲濤看震盪雷雨任吹  
別有張筵客相邀吳市墟王孫五花馬少婦六萌車  
芳樹晴川外平沙夕照餘泉聲聞絲竹人影亂芙蓉  
爲樂時將晚當歌恨不除間闖成土俗天地感權輿  
江表遺風在承平舊事虛吾生多涕淚高會輒欷歔

禹陵

伯禹巡游處茅峰會計時隨山開木石掘地走蛟螭  
相古洪流割惟王庶績熙寸陰輕尺璧昆命有元龜  
自授庚辰籍寧論癸甲期清都留玉女

荒度功攸賴平成理自宜江河趨四瀆日月合雙規



明德由來遠升遐亦在茲丘林無改列弓劍祗同悲  
回首辭羣后傷心隔九疑鳥耘千畝遍龍負一舟移  
斷草巖阿井空亭嶽麓碑芒懷舊跡肅肅禮荒祠  
共訝梅梁失因探窈石遺重來憑吊地拜手獨陳詞

土城山懷古 越時教西  
施歌舞地

此地曾棲越離宮昔館娃含顰施翠黛教舞列金釵  
謬擬君王顧翻令羽翼乖川涂辭范蠡江月醉夫差  
玉佩虛疑返青苔亦可懷扁舟能入夢尚想五湖偕

鄱陽湖

竹垞文集

卷之八

五

掛席彭湖去乘風客思豪川光分俄頃山色豁週遭  
衆水潯陽別諸峯廬嶽高往來凌雨雪歌笑涉波濤  
尚憶收全楚當時擁萬艘驅馳諸將力駕馭聖躬勞  
後乘張黃屋中軍秉白旄爭看登鉅鹿急爲解成臯  
不有興王佐安能鏖賊壕戎衣犀兕甲寶劍鳴鶴膏  
束矢懸魚服皮弁雜虎毛功名超耿鄧帷幄贊蕭曹  
轉戰聲方捷殘兵氣已撓陰陵齊困羽蜀道旋亡器  
赤縣開千雉滄溟奠六鼇春秋冠帶享茅土簡書褒  
遺廟丹青蝕空林赤豹鳴汀沙沉鐵戟霜葉淨黃蒿  
水調吹江笛漁歌變郢騷蒼涼懷古意清淚濕征袍

首春端州述懷寄故鄉諸子

客舍千山外春城萬里心草青仍一度雲暗結重陰  
往事隨蓬轉謀生愈陸沉承歡違菽水兄弟渺商參  
負米情空在離鴻思不禁此邦非樂土何處好懷音  
枉作窮途哭虛勞澤畔吟蒼梧晴峽遠桂水暮流深  
夢斷梅銷嶺囊空陸賈金楓林悲落月苔石憶同岑  
燕笑應如昨沉吟獨至今北歸徒踴躍南望益蕭森  
瘦樹佳人隔梅花驛使臨短書知可報珍重問江蓠  
阻風珠江口漫成十韻

竹垞文集

卷之八

四

疾風江上起舟楫盡停桡靜聽千林折驚傳百丈驚  
飛鳴連雁落高下斷蓬飄急鼓响人伐殘虹颺母驕  
土囊愁岌岌板屋歎漂搖望入孤城近真成一水遙  
空倉寒聚雀深樹晝聞鷄長短誰家笛東西背郭樵  
驅馳嗟異域搖落感今朝惆悵王孫路懷歸不自聊

登滕王閣

峻閣峙洪都凌虛落照孤紫廻窮島嶼波浪接荆吳  
舊地君王賞分封禮數殊霓旌千騎入玉佩幾行趨  
水泚魚龍宅花濃蛺蝶圖星霜歌舞換俯仰物華徂  
蹟以三王重名將百代俱雄文思往事高興亦吾徒  
開檻看如昨登臨信可娛西山開積雨浦散平蕪

作賦秦公子行吟楚大夫由來憑地襟帶有江湖

贈別王山人元慧

王猷原愛竹圖畫得天真老去貧尤甚年來妙入神  
與余情不淺傾蓋日相親  
紉扇題教遍屏風點更新  
蕭疎抽並餘蒼翠染叢筠  
雨一瀟湘夕烟浮郭杜春  
枝柯紛異色水石盡堪珍  
國史傳文苑君家有令人  
令人名級善畫竹不苟作嘗退朝默坐以雙絲索畫  
呼之不應至三年始致之又月夜聞隣人吹簫因  
尺幅與之曰以爾材報汝其風流存髮髯清切典絲  
人更求別幅并前畫裂之  
綸散直矜通籍吹簫狎比隣  
一朝翻毀裂萬里幾逢  
巡能事原殊俗當時信絕倫  
昔賢從脫畧似爾實悲  
竹垞文類 卷之八 今體 五  
辛白髮重湖海青山廢隱淪  
狂歌老藤杖醉脫小烏  
巾不厭經過密惟應歎息頻  
物情輕一藝有識定千  
緡相賞知何地思歸及此辰  
郊扉餘舊業雲霧息勞  
筋早晚扁舟就三江共采蓴

送王援入蜀省其尊人觀宗庭

向晚東城下驪歌不可聽  
寧親遠行遙送客出郊坰  
去馬黃金絡離筵碧玉鉞  
山花開古驛河柳過長亭  
絕域春零雨浮槎夜挂星  
連天秦棧樹如日楚江萍  
已見投三峽曾傳役五丁  
飛雲橫太白丹嶂落空  
蜀道難如此瞿塘險未經  
猿聲流暗壑鳥路入晴冥

好醉臨邛酒重題劍閣銘  
還憑梁上月夢想對儀形

顯皇帝大閱圖爲吳金吾國輔賦

神廟垂衣日江陵總百官  
揆文先奮武慮亂本居安  
殿上蕭何履朝中貢禹冠  
孫通明禮樂方叔蒞師干  
駕馭英雄在超騰士馬驩  
車徒看翼翼禁旅尚桓桓  
畫史真能事披圖得鉅觀  
丹青榮顧愷宮室擬胡寬  
歷歷開城闕高高疊井餘  
虛無凌倒影縹緲結重巖  
太液波還靜長楊露未乾  
粧樓原自鏤圓殿不寒  
仙仗移平樂霓旌擁上蘭  
忽驚千騎並旋訝六營團  
作氣陳金鼓前驅建玉鑾  
輕雲承翠蓋麗日表朱竿

竹垞文類

卷之八 今體

六

遂列堂堂陣爰升將將壇  
小侯班四姓大閱用三單  
紫鷺雙絲絡花廳七寶鞍  
呈能羣角觚教射集星弁  
解飲籌無筭鏡歌曲漸闌  
行知塵冉冉歸想珮珊珊  
元老猶誠壯聞孫慮益殫  
烏啼曾洞腋鴻漸必千磐  
念舊憐禾黍論交出肺肝  
錦題探篋筭湘簾展琅玕  
對此成希覲因之感萬端  
雨烟飛蜀錦霜雪皎齊紈  
賦愧王延壽謠同梁伯鸞  
儀章長在日珍重歲時看

上元南鎮逢蕭鍊師

夏后藏書日時巡到海  
陬周王經野地作鎮表揚州  
秩祀由來重神功未易酬  
河山維十道封爵視諸侯



碧瓦雲旗繞香烟石鼎浮笙簫陳里社巫覡醉春秋  
勝序羣賢至先生靜者流真形圖五岳遐想結三洲  
絳縣年須數黃庭義可求終期御風去長袖挹浮丘

同王二猷定登種山懷古招屈五大均

翠磴盤雲外蒼山山水隈樓從飛翼上峰引卧龍廻  
相宅先謀士成功倚霸才扁舟一以去高鳥至今哀  
後命誰能爾知幾不易哉古碑猶宿草春殿幾寒灰  
流覽窮高下川涂足溯洄車書王會地雲物怪游臺  
鄉路迷吳苑賓朋得楚材清言同謝許妙道解宗雷  
不分征衣薄寧愁落日催成連能就我急爲抱琴來

竹垞文類

卷之八 介體

七

梅市飲祁四居士宅同徐十五祁六分韻

舊里仙人市遙峯玉女巖窓中交浦樹檻外落風帆  
藥圃穿籬遠沙泉近海鹹紺園留過客黃獨副長鑣  
謁下同徐穉林中對阮咸坐來殘暑退涼思入楓杉

岳忠武王墓

宋室偏安日真忘帝業艱但愁諸將在不計兩宮還  
鄂國英雄士淮陰伯仲間策名先部曲薄伐自江關  
赤縣收諸郡黃河度幾灣龍庭生馬角雪窖視刀鐐  
城下盟何急師中詔已頒天威尊獄吏臣節映人寰  
舊井銀蟾高墳石虎閒銘功存版碣鑄像列神姦

曠世心猶感經過淚獨潸傳聞從父老流恨滿河山  
朔騎頻來牧南枝尚可攀紫門人寂寞江樹烏緝蠻  
宿艸徑時綠秋花滿目斑依然潭水月終古照潺湲

于忠肅公祠

昔在狼山下軍書犯近圻六師輕朔漠萬騎失雷霆  
土木塵長滿龍蛇歲不寧豆田沙浩浩秦谷路冥冥  
濟世須元老長材總四瀛從容持國計指顧悉兵形  
取呂安琴議劉琨表外廷嗣王仍屨數高廟有神靈  
旣罷金繒欸無煩白馬刑北轅旋翠輦南內啟朱扃  
命已甘刀鏖功真溢鼎銘春秋隆代祀俎豆肅維馨

竹垞文類

卷之八 介體

八

謁劉文成公祠

草昧經綸日英雄戰鬪年真人淮泗起王氣斗牛躔  
命世生良弼卑栖役大賢一官齊薄尉千里正戈鋌  
記室依袁紹飛書謝魯連神鷹思飽掣威鳳必高竊  
漢祖除秦法周王卜渭岐廟堂才不易東帛禮堂先  
遂有君臣契能令帷帳專南征頻克敵北伐旋摧堅

王會收三統軍謀出萬全河山分帶獨冠蓋  
未辟留侯毅長辭范蠡船麒麟當日畫竹帛後時  
一自丘陵改車愁歲月遷降中猶故宅縣上少封田  
舊俗還祠廟清歌入管絃黃金遺像蝕鐵券幾人傳  
古瓦甍隄落荒庭檜栢圓蛛絲虛寢習鳥跡斷碑眠  
想像陰符策沉吟寶劍篇前賢餘事業後死尚迢迢  
去去辭粉梓栖栖到海壘空林多雨雪哀角滿山川  
二帳無遺術若生久倒懸憑留一黃石相待穀城遙

東甌王廟

九牧維揚外三江霸越餘王勾踐之後同長沙王吳  
竹垞文類卷之八 合體 九

越入關從漢約遵海製秦墟豪俊安如此艱難氣不  
除策功月項藉分壤接無諸迹異尊黃屋忠能奉簡  
書長沙堪伯仲百濮定何如萬古開王會孤城指帝  
車永嘉城東北靈旂存髮髯過客盡欷歔無年頻  
圻霜林日漸疎躩踞山鬼立苔蘚石堂虛側想風雲  
會乘時艸昧初遠途今日暮下拜獨躊躇

永嘉除日述懷

不作牽裾別飄然到海隅謀生真鹵莽中歲益艱虞  
鄉里輕孫楚衣冠厭魯儒微名翻詆挫暇日少歡愉  
處賤無奇策因人遠禍樞同舟邀楚客王司馬瞻曲

賞已歛岸轉羣峰出潮迴眾聲越潮聲漁浦靜樹色  
釣臺殊祠宇浮空翠於茲錄書圖獨懷方浩蕩前路  
已崎嶇草宿侵寒兔林遠夜鳥微茫辭建德縹緲  
望仙都水訝溪流惡山道紆僕夫行木末風雪  
灑天衢老鶴侵晨語窮猿入暮呼轉思臨嶠帆誰分  
久泥塗柔櫓輕帆下青山水區哀禽爭叫嘯孤嶼  
忽須臾洵美東甌地山來謝客娛詩篇留汗漫旅食  
慰饑飢強禁樽中酒難憑用後符朋簪方克萃禮法  
未應拘生意窺籠鳥流年過隙駒笑看風土別驚見  
物華紅紅綻官梅夢青分酒馬芻深杯期夜酌細菜

竹垞文類

卷之八

十

出春厨坐久親孤燭更深判百觚遠書勞日夜歸夢  
越江湖正憶高堂在知携兩弟俱屢空無長物相視  
必長吁菽水承顏好辛盤令節須艱難存病婦燈火  
索隣通書籍愁捻賣衣裳定有無女長工剪綵男大  
學投壺倚著憂他日沉吟愧壯夫虞翻仍去越張翰  
未歸吳詎有追風驃恒隨汎渚鳬達生兼止託齊物  
任榮枯述作安時論鶯花盡友于莫將鄉國淚頻灑  
阮公途

曹侍郎席上送別顧工部大申還華亭鄒進

士祗謨還晉陵二子將有



古寺登高盡平湖向晚晴琴書方燕息車騎更逢迎  
置酒從曹植同遊倦馬嘶壺觴無算爵絲竹漸飛聲  
近地多佳客中筵忽送行蒼茫浮水國迢遞計王程  
顧愷名元重鄒陽賦莫輕良裾當日異書壁一時傾  
皎月衣裳好微風羽扇清濯冠黃歇浦江入呂蒙城  
聞有南征士橫行北府兵時有兵警河橋分手處前路若  
爲情

臺駘廟

鳳鳥書官後鴻荒障澤年神功開白壤帝系出金天  
分野捫參次山川奠禹先按圖移岸谷紀遠昧星經  
竹垞文類 卷之八 合體 十一  
亂水汾洮別諸姬沈似聯唐風誰始祀魯史至今傳  
簫鼓橫流散風沙急溜穿勢曾吞北漢潤亦被西邊  
壁馬黃河並雲旗玉井旋軒裳存想像憑弔一茫然

重陽前一日沈韓日鮑蕤生載酒柯氏園亭

同諸子分賦兼感舊游成二十韵

水竹通三徑星霜隔幾年悲歌同調續秋色異鄉先  
葉落交簷樹雲寒欲雨天解鞍嘶騎擁戰酒迴車連  
席嚮西南上杯行少長前從容寬禮數傾倒迭詩篇  
楚舞何相似秦風亦有焉吟看吳會並交取性情便  
二字真同好相期幸未愆臨池良不服舍坐屢教遷

破帽垂垂落疎簾處處懸離花平綴錦沙雁小如拳  
薄暝爭投轄提壺更數錢風燈升降影茅屋去來煙  
衰藉囊黃早宵因說餅延塵埃驚老大身世益迢邐  
尚憶班荆地曾開送別筵舊遊惟沈岸登鄭培遠夢  
各山川榆塞橫汾曲譚七郡丞兄蠶叢貴竹偏高朗  
年李良中郎遺樊笛蔡湘歎逝轉悽然

竹垞文類

卷之八 合體

十一

竹垞文類卷之九

今體詩五十四首

古意

贈諸葛丈

送袁駿還吳門

表忠觀

固陵懷古

南鎮

梅市對雨遲朱士稚不至分韻

留別董隱

毘陵

秣陵

度大庾嶺

珠江午日觀渡

五羊觀

贈張山人穆

崧臺晚眺

竹垞文類

卷之九

峽山飛來寺

題南昌鐵柱觀

烏江謁西楚霸王廟

同曹侍郎遙和王司理秋柳之作

梅市訪祁七明府留贈公子誠孫

侯山讌集

送曹侍郎備兵大同

黃龍寺

題廊下村主人壁

夢中送祁六出關

歸次阜亭山作

臨清州大寧寺

八月十五集天津官舍

土木堡

宣府鎮

雲中至日

滹沱河

聞黃鶴樓成賦寄楚中一二知己

人日同閻孝廉紀陸周三處士集龔尚書齋

度駱馬湖

淮南感事

寄懷李因篤

送汪戶部還長洲

送越孝廉入楚

題竹垞壁

人日再謁景皇帝陵

壽陳叟

和韵送徐編修

送陳鉞之青浦

寄懸公

送鄭培南還

贈別吳明府

懷上方二首

上杜少宰

嚴侍郎招集吳氏園亭

竹垞文類

卷之九

壽劉中丞

壽何少卿

同諸公集曹主事齋二首

古意

青樓百尺狹巷傍中有桂樹臨高堂啼鳥自將八九

子鳴鶴散立東西廂情人碧玉小家女快馬瑯琊大

道王陽春三月獨不見夜如何其守空牀

贈諸葛丈

旅館張燈夜未央相逢跋扈少年場同來大道朱樓

上並坐佳人錦瑟傍白首悲歌非往日青春把酒是

他鄉襄陽耆舊今寥落乘醉還須問葛疆



送袁駿還吳門

袁郎失意歸去來彈鋏長歌空復哀天寒好向汝南  
卧酒盡誰逢河朔杯遠岸楓林孤棹入平江秋水夕  
陽開要離墓上經過地知爾相思日幾迴

表忠觀

城邊碧瓦樹靈旂廟口明湖濯翠微罷聽緩歌歸夜  
月獨存豐碣對閒扉錢塘白馬迴犀弩玉座青苔上  
錦衣保障東南功不細祠官異代豈相違

固陵懷古

越王此地受重圍置酒江亭感式微想像諸臣紛涕

竹垞文類

卷之九 今體

王

淚淒涼故國久睽違天寒竹箭參差見日暮烏鳶下  
上飛猶羨當年沼吳日六千君子錦衣歸

南鎮

稽山形勝鬱宮雘南鎮封壇世代遙絕壁暗愁風雨  
至陰崖深護鬼神朝雲雷古洞藏金簡燈火春祠奏  
玉簫千載六陵餘劍舄帝鄉魂斷不堪招

梅市對雨遲朱士稚不至同呂師濂祁理孫

班孫分韵得泥字

溪亭蕭瑟水雲低積雨千山極望迷落葉漸看沙徑  
滿寒鳥偏傍女牆啼重來賓客仍羈旅此去鄉關亦

鼓鞀何事懷人坐惆悵且拚今日醉如泥

留別董監

離堂剪燭重燒燭深夜他鄉說故鄉作客蕭條官舍  
下逢君歌哭酒釭傍明朝分手仍南北後會相期各  
渺茫長路烽烟驚海甸亂山風雨暗河梁

毘陵

黃山舊是蘭陵地路接吳王避暑宮廢苑何年行殿  
盡橫江當日霸圖雄汀洲雁下離亭暮橘柚霜深震  
澤空珠履憑誰延國士夕陽迢遞浦雲東

秣陵

竹垞文類

卷之九 今體

四

秣陵城闕暮雲封估客帆檣落日逢萬里星霜沙塞  
雁五更風雨掖門松長江鐵鎖空千尺大道朱樓定  
幾重此夕愁人聽鼓角驚心不似景陽鐘

度大庾嶺

雄關直上嶺雲孤驛路梅花歲月徂丞相祠堂虛寂  
寞越王城闕摠荒蕪自來北至無鴻雁從此南飛有  
鷓鴣鄉國不堪重佇望亂山落日滿長途

珠江午日觀渡

蠻歌撫節下空江畫舸朱旗得幾雙想像戈船猶漢  
日忽驚風土異鄉邦芙蓉遠水迷花渡琥珀深杯覆

酒缸近市青樓經亂盡知無紅粉山當窓

五羊觀

中天瑩殿倚南溟玉珮雲衣散百靈瘴雨不開烟樹  
黑驚濤直下海門青騎羊舊說朝仙馭啞穀何年降  
楚庭歎息遺墟今寂寞高林空度羽人經

贈張山人穆

鐵橋山人逸興長草堂卜築東溪傍彈碁擊劍有奇  
術飲酒賦詩多樂方逢人豈憚霸陵尉書馬不數江  
都王莫道雄心今老去猶能結客少年場

崧臺晚眺

竹垞文類

卷之九 今體

五

傑開臨江試獨過側身天地一悲歌蒼梧風起愁雲  
暮高峽晴開落照多綠草炎洲巢翠羽金鞭沙市走  
明駝平蠻更憶當年事諸將誰同馬伏波

峽山飛來寺

花宮蕭瑟暮雲間絕磴藤蘿不可攀一自高風留帝  
子至今修竹滿空山澄潭犀去沉金鎖古洞猿歸帶  
玉環此夕登艫渾不寐更教沿月弄潺湲

題南昌鐵柱觀

丹雘縹渺麗層城鐵柱縱橫鍊紫清陰洞蛟龍晴有  
氣虛堂神鬼費無聲游人自愛登高賦仙吏仍兼濟

物情雷雨忽愁天外至江湖元在地中行

烏江謁西楚霸王廟

山前松栢憤王宮遺恨當年尚不窮忽見諸軍盡垓  
下愁聽父老說江東美人罷舞餘春草駿馬悲鳴自  
朔風萬歲來游還此地千秋霸業有誰同

同曹侍郎遙和王司理士禎秋柳之作

回首秦川落照殘西風遠影對噴吡城頭霜月從今  
白笛裏關山祇自寒亡國尚憐吳苑在行人只向潮  
陵看春來已是傷心樹猶記青青送玉鞍

梅市訪祁七明府熊佳留贈公子誠孫因憶

竹垞文類

卷之九 今體

六

八友朱廿二士雅

出郭試尋梅福市臨流不減仲長園白花結實垂垂  
綻紅藥當階故故翻公子風流能愛客君家兄弟數  
開尊重憐舊日同游少腸斷空山聽曉猿

侯山讌集

山係晉孔愉所居

侯山山上放岷臺百尺紅亭鏡裏開試向花源齊列  
坐何如蘭渚遠浮杯巡檐浦樹迎人出卷幔洲禽拂  
席迴我欲臨風歌一曲起行松月重徘徊

送曹侍郎備兵大同二首

司農論議朝端重副相聲名禁下聞豈意尚煩西顧



策翻教暫領朔方軍河遼遠道人千里天外鄉書雁  
幾羣到日開城春色早李陵臺畔柳紛紛

其二

關榆蕭瑟二庭空埃火平安九塞通往日連師驚朔  
漠只今市馬互西東黃河天上三城戍畫角霜前萬  
里風知有馮唐論將帥不令魏尚久雲中

黃龍寺

黃龍隘口黃龍寺法鼓空林十里聞故老尚談元總  
管成功實倚耿將軍蕭條象馬金輪地寂寞山河鐵  
券文古往今來意無限仙壇瑤草幾斜曛

竹坡文集

卷之九

七

題廊下邨主人壁

江城獨客一千里海月愁人十上絃夢裏還家無長  
物天涯歸思逼殘年饑寒僮僕今何有雨雪關山劇  
可憐珍重主人投轄飲幾回把酒意茫然

夢中送祁六出關

酌酒一杯歌一篇沙頭落葉何紛然朔方此去幾時  
返南浦送君真可憐遶海月明霜滿野陰山風動草  
連天紅顏白髮雙愁汝欲寄音書何處傳

歸次臯亭山作

去年雨雪桃花嶺此日烟波楊柳船相值臯亭山上

月離家一十二迴圓滄江游子愁心劇白髮高堂望  
眼穿行李自憐垂橐返田園生計轉茫然

臨清州大寧寺

西北浮雲過雨晴香臺落日散高城遠烟歸鳥忽雙  
下法鼓空林時一鳴江海幾人懸夢寐詩書無地問  
柴荆勞生擾擾成何事目極關山萬里情

八月十五夜集天津曹武備斌官舍分韻得

牀字

北里商歌倚笛牀層城秋色轉蒼涼開河西望猶千  
里時予將適雲中烏鵲南飛更幾行冷露自零叢桂樹深杯

竹坡文集

卷之九

八

無柳鬱金香習池不改山翁興倒載還同舊葛疆

土木堡

平蕪一簣狼山下九月驅車白霧昏到關河成故  
迹傷心土木但空屯元戎苦戰翻迴踵諸將論功首  
奪門早遣金綰和社稷祠官誰奉裕陵園

宣府鎮

高城西北控燕都吹角清秋落日孤尚憶武皇巡玉  
塞親從鎮國剖金符宮槐御柳今蕭瑟虎圍鷹坊舊  
有無邊事百年虛想像誰誇天險塞飛狐

雲中至日

去歲山川縉雲嶺今年雨雪白登臺可憐日至長爲客何意天涯數舉杯城晚角聲通雁塞關寒馬色上龍堆故園望斷江村裏愁說梅花細細開

潯沱河

潯沱河上流漸急騎馬春水滑可憐百尺浮橋空斷板孤城哀角動荒烟愁顏送老饑寒日絕塞行人雨雪邊轉憶江鄉多樂事花濃齊放五湖船

聞黃鶴樓成賦寄楚中一二知己

平生未鼓湘江柁萬里投詩黃鶴樓壯觀百年今在眼異時獨上迥含愁碧窓下湧樊山月紅葉斜連鄂

竹垞文類

卷之九

九

渚秋爲報故人多釀酒飛帆真作漢南遊

人日同閭孝廉爾梅紀處士映鍾陸處士嘉淑周處士容集龔尙書鼎華齋中得人字

汾東代北三千里惆悵花前四度春江左文章公等在燕臺風物客愁新牋題薛訪誇車子時命三歌童行酒歌訖荆鄉和酒人不是尙書期我數天涯淒斷此佳辰

度駱馬湖

自從前度黃河決董口漁漁駱馬過夫柳至今喧里巷客帆終覺屢風波東南民力愁先竭西北源泉在

尚多安得歲星長守越年年輓粟上盤渦

淮南感事

城樓高見碧湖懸淮壘將傾近百年比歲凶荒耕未得向來修築計誰先預愁四瀆江河合直恐三吳財賦捐開濟何人輪上策升虛急誦楚宮篇

寄懷李因篤

雁門北上忽西還未得相逢一解顏傳道全家依渭曲幾時匹馬出潼關樽前舊事憑誰說篋裏新詩待爾刪三載齊東留滯日愁看李白讀書山

送汪戶部琬還長洲

竹垞文類

卷之九

十

殊方動惜故人違聽唱驪歌泪暗揮白下乍傳星使返江東忽見步兵歸茗華徑曲藏書屋蓮葉舟輕釣磯不獨文章今日少誰能未老念荷衣

送越孝廉閻入楚兼作廬山之游

蕪城相見惜蹉跎又送雲帆楚澤過九疊屏風何處好三湘芳草至今多尋山應得逢匡俗作賦還看壓景瑳淮擬歸來秋月滿樽前同聽大堤歌

題竹垞壁

買斷竹垞將四載園林新笋未經嘗今來散快時初夏忽見抽梢喜欲狂背市有人酤濁酒南隣許我借



匡牀江村卧穩真堪樂愁說燕雲射獵場

人日再謁景皇陵

重湖裂帛已流漸岸柳三眠又一時尚有寢園開夕  
照每逢人日撫殘碑童童獨樹栖禽少冉冉長途下  
馬誰回首昌平山近遠裕陵松柏總淒其

壽陳叟繼新

城東小徑舊升堂八載京華鬢已蒼誰肯艱難全李  
樂未容各姓隱韓康風帘花市春游健雲碓青精午  
飯香問史佳辰須盡醉細論烟水送歸艎

和韵送徐編修乾學還崑山

竹垞文集

卷之九

七

潞河臨發動晨風惜別重歌折柳辭前席定來宣室  
召蹇驢仍借杜陵騎秋深准續登高約月出應懷對  
酒時賓從玉山知不少相思定寄艸堂詩

送陳武之青浦

憶同九日登高譙益信陳琳最善文易水自來長送  
客詞人且免學從軍帆飛薛殿連鄉樹錫下華亭劃  
海雲吾老思歸猶未得天涯歲月摠離羣

寄懸公

竹外繩橋渡口鐘別來消息五春冬南湖虛有煮茶  
約下若幾曾歸棹逢去鴈書成難問訊愁猿路險怯

過從衰年願得精廬近須卜橫山第一峰

送鄭培南還

長安似爾客最久自別舊鄉今八年五里亭邊傾煎  
酒一帆風末掛吳船承顏正好趨庭口生計須謀負  
郭田莫以故人歸未遂卜居不與竹垞連

贈別吳明府山濤

詩人吾愛塞翁好風格西陵別擅場嗜酒肯淹千里  
駕罷官爲起七歌堂雲山畫出無前輩暑雨燈殘話  
故鄉用里菜畦猶未賣歸時休只戀餘杭

懷上方山二首

竹垞文集

卷之九

七

不到上方三歲久茅茨長想結山隅盡移細石教泉  
下亂插繁花把徑開倦客秋深歸未得故人書寄約  
重來水筒雲碓安排易只欠江南遠屋梅

其二

百丈霞梯磬戶扁層崖依舊入天青花源未有秦人  
住屐齒曾同謝客經殷地昏鐘催夜月過橋春水續  
寒汀精藍近結支纖侶準擬松根煮茯苓

上杜少宰豫

吾家太傅登庸日舊向東堂贊秉鈞盛事尙傳長水  
曲代興今屬杜陵人

嚴侍郎招同吳明府山濤龔觀察佳育陳處

士晉明高進士層雲集吳氏園亭時公

子曾繫在坐

八騶曉出郭門東避暑開園河朔同山簡賓寮携沼  
上謝家裴屐滿亭中微涼高柳虛檐日過雨新苗隔  
岸風四坐傳杯那不醉主人先已百分空

壽劉中丞芳躅

聲名開府舊超羣五載栖遲易水濱問字故人誰載  
酒趨庭才子盡能文龍鵠書過紅泉墅羅雀門題紫

竹垞文類

卷之九 合體

七

塞雲猶有窮途朱亥在一觴遙壽信陵君

壽何少卿元英

冷卿宴客已無錢猶有南牀許醉眠清鏡看來容四  
十練裘書禿管三千日邊初度春尤近雪後今宵月  
鉞圓弟子麴車來不少相留判飲到新年

同諸公集曹主事廣端齋得郎字

叢筠小徑升堂路曾記芳筵對侍郎公子多才諸謝  
少酒人重過十年強客當改席來尤數興到登臺醉  
不妨惟有春帆紫夢寐願尋淥水送歸艎

又得書字

簾旌盡徙簾額除烏皮几綻風吹書亭西亭南月淡  
淡樹頭樹底花踈踈監酒無妨一回笑賦詩真愧百  
不如河橋三里暗塵細走馬已及烟鐘初

竹垞文類

卷之九 合體

南



竹垞文類卷之十

今體詩四十五首

江亭

懷朱山人扉

九日東沈十二進

凌江道中

晚過東山寺

阻風吳城

永嘉元日

元夕寄故鄉諸子

永嘉雜詩十二首

縉雲雜詩八首

題峴山窪樽亭

湖上贈蘭陵陳生

送屠鱗重入閩

對酒酬周箕兄弟

淮陰城下作

上谷道中

竹垞文類

卷之十

寄錢二枋

玉泉山下別瞻公

無題

留題何侍御丹臺書屋三首

會稽蓬萊閣晚望

秋浦

放言三首

江亭

楊柳官亭外春來送客頻傷心車馬地淚盡復生塵

懷朱山人扉

別時桂樹秋相送衙門夜不見所思來春水生堂下

九日東沈十二進

我欲登高去君當載酒過高陽風日好倒着接羅歌

凌江道中

遠客千行淚離程一葉舟生憎江上水不肯向東流

晚過東山寺

飛閣流丹蝕層巒積翠多松間明月在惆悵下山歌

阻風吳城

客路愁何極清樽幸未空匡廬長在望不服石尤風

永嘉元日

官舍紅梅放繁花一樹春誰憐元日會無復故鄉人

元夕寄故鄉諸子

竹垞文類

卷之十

二

戍鼓動高城青燈暖虛宅爲報故園人天涯此元夕

永嘉雜詩十二首

松臺山

蒼蒼山上松颯颯松根雨松子落空山朝來不知處

斜川

九曲斜川水分流到海濱金釵河上月留照浣紗人

春草池

謝公去已久空餘池上樓春風園柳色朝夕使人愁

南亭

薄雲雨初霽返照南亭夕如逢秋水生我亦西歸客

西射堂

已見官梅落還聞谷鳥啼  
愁人芳草色綠遍射堂西

北亭

日落空木深潮迴春岸白  
時有看山人江南望江北

孤嶼

孤嶼題詩處中川激亂流  
相看風色暮未可攬輕舟

謝客岩

朝看白雲飛暮看白雲宿  
聞有山阿人曾歌白雲曲

吳橋港

聞說吳橋港荷花百里開  
當年王內史五月棹船迴

竹垞文集

卷之十

三

白水淙

雲峰斷人行活活風泉落  
知有山桃花青春發紅萼

瞿谿

鳥驚山月落樹靜谿風緩  
法鼓響空林已有山僧飯

上戍渡

月露下橋鳥天風靜江樹  
何處夜歸人歷歷沙中語

緡雲雜詩八首

吏隱山

隱吏昔山棲留題有真跡  
將尋好奇人結茅看青壁

窪樽石

不用青荷葉何須白玉杯  
窪樽山上醉客有千迴

忘歸亭

連山積翠深白石空林廣  
落景不逢人長歌自來往

天際樓

蔣廣文薰讀書處

高樓上浮雲故人曾此住  
何處問歸舟惟見雲中樹

西巖

朝聞谷口猿暝宿崖上月  
夜久天風吹西巖桂花發

仙巖寺

咫尺仙巖寺雲峰望轉親  
夕陽鐘磬發猶有未歸人

積翠亭

竹垞文集

卷之十

四

孤亭雲木暝衆壑哀猿嘯  
空翠濕衣裳夕陽忽來照

桂山

蒼蒼桂之樹樹下幽人語  
山中正可留惆悵王孫去

題峴山窪樽亭

醉殺烏程酒天寒不放船  
從教騎馬去日日峴山眠

湖上贈蘭陵陳生

西泠橋下水清擬惠山流  
笑問蘭陵客能來釀酒不

送屠鱗重入閩

閩嶠曾游地仙歌聽未終  
花源凡幾曲身入幔亭中

對酒酬周貧兄弟



去作西陵別來從下若還慙慙杯酒在試說道場山

淮陰城下作

听柳行將過郊扉日漸昏淮陰十萬戶誰解飯王孫

上谷道中

急雪千山下渾河萬里流搖鞭逢漢使走馬入雲州

寄錢二枋

我登魯連臺君入淮陰市不知千黃金何人酬國士

玉泉山下別贈公

石橋風冷冷夕曛斷崖口回指翠微深山僧此分手

無題

竹垞文類

卷之十 合體

五

金谷繁華地風流石季倫明珠能幾斛買取墮樓人

留題何侍御丹臺書屋三首

半載頻過此壺觴定不虛殷勤主人意猶怪客來疎

其二

紅藥今年晚晴花五月開徑須投轄飲不用過豐臺

其三

驄馬曉未嘶驪駒客先發懸取玉杯深心期醉秋月

會稽蓮菜閣晚望

源水桃花樹樹春風燕子家家目斷江南歸思愁人

不在天涯

秋浦

秋浦沙寒鷺浴散亭山暝雲流何處吹來片雨回風

止瀉降舟

放言三首

長門賣賦司馬秦市懸書呂韋吾生恨不能早手載

其金以歸

其二

爲文思以冢葬對客寧將硯焚當年必無鍾子後世

定有楊雲

其三

竹垞文類

卷之十 合體

六

種南山一項豆瞻西疇三徑松耕桑若得數畝吾豈

不如老農

竹垞文類卷之十一

今體詩六十七首

同魏周二處士集鍾淵映宅遲俞汝言不至

祁理孫席上口占 飲吳生理楨宅

祁六坐上逢沈五 贈祁七敷

高舍人席上贈伎二首

伎席贈王二 酬藍秀才深

何侍御元英招同高上舍朗士奇繆處士永謀

趙舍人隨鄭舍人宜飲刺梅園松下四首

賦調陳維崧

竹垞文類

卷之十一 今體

飲康侯寓齋卽送游蘭陵二首

席上贈陸生三首

卽席送王廷璧朱士稚同之松江

山陰客舍送高舍人還膠州

送錢六霍朱大士曾同游白下

送吳二先輩還漢陽

送曾司理王孫之官漢中二首

山陰送葉六還當湖

送葉大舒崇還吳門 別友

送王汾游嶺南

送牧雲上人住持太白山

送懸崖上人之太白山

送沈大憲縵游河南 送孫處士默還黃山

將游嶺南留別故園諸子

將之晉陽留別包十二銘

送趙三湛還永年 送計孝廉東還吳江

酬別沈九舍人胤范 送陳叟南歸

送顧乃西還楓涇

送李侍御棠謫信宜二首

將出都門曹舍人貞吉黃舍人初緒沈舍人胤

竹垞文類

卷之十一 今體

二

范喬舍人萊曹舍人禾汪舍人懋麟招同

高上舍朗李秀才良年賦詩贈行口占留

別 酬彭師度三首

送柯大崇樸還里兼寄周質

潞河遙送湯駟南還四首

送龔大之淮陽二首 送董孝廉愷游五臺二

送顧瀛之沂州二首 懷黃十三客問

寄陸圻 寄懷徐孝廉之瑞

寄高層雲 寄遠

雪中得內人信 蘭谿道中懷遠



壽劉編修芳詰二首 哀莫處士以寅

同魏周二處士集鍾淵映宅遲俞汝言不至

城隅急雨漲溪沙酒坐銅盤燭影斜有約南樓懷謝

監起看江水落江花

祁理孫席上口占

公子華筵醉幾迴玉簫金管夜重催他鄉信美不歸  
去一飲須傾一百杯

飲吳生理楨宅

吳郎愛客解千齡勸飲青絲挈玉餅落日兒童齊拍  
手過江三日幾曾醒

竹垞文集

卷十一

三

祁六坐上逢沈五

東陽年少沈休文五載相思兩地分今日謝家羣  
在青綾障外更逢君

贈祁七數

曹娥江上草初齊謝傅堂前日未西碧樹紅泉應有  
待春來絲竹正堪携

高舍人席上贈伎二首

樂府新傳夜度娘吳衫白紵越羅裳愁看玉面燈前  
出笑問銀鈎若個裁

其二

千鍾已分醉如泥授色留賓曲轉低想像天河猶未  
落長鳴不聽汝南雞

伎席贈王二

松樓竹館映清輝半醉重窺玉女扉我欲傳杯杯不  
放落花如雪滿春衣

酬藍秀才深

辭鄉十月度津門烟樹西湖夢想存此際寒梅着花  
未篝燈重與話江村

何侍御元英招同高上舍朗士奇繆處士永

竹垞文集

卷十一

四

四首

禁烟高詠遍龍潭未得同游祇自慚小榼春風携最  
好又騎驄馬到城南

其二

客來隨意但圍碁細草空園席屢移憶過松陰三度  
醉未如此會恰花時

其三

吾家池上雙槐好此樹連蜷想像間最喜諸公盡吳  
語一時把酒話鄉關

其四

離筵九日記曾開送客西征上郡隈正向樽前論在  
事不知天外一書來庚戌九日集此送譚七郡丞兄是日適得翰林來札

賦調陳維崧

路轉西勾海澱深前裴春水費招尋誰知歷綉蓮花  
步却在高城細柳陰

飲康侯寓齋即送游蘭陵二首

故人折柬話離愁  
臘釀傾銀自易州  
主客相忘迭相  
勸不知簾外夕陽流

其二

毘陵官閣對荆溪  
歷歷春山畫堞西  
倘憶酒人長病

新楚文類

卷十一 今體

五

渴雨前紫笋數封題

席上贈陸生三首

江東陸弟擅風流  
負笈今爲萬里遊  
畫取燕臺山近  
遠黃雲白雪一時愁

其二

芳筵鮭菜故鄉同  
刻燭藏鈎漏未終  
閉戶須爲十日  
飲銜杯最愛百分空

其三

風雪寒凝老樹枝  
蟹螯深夜且同持  
前身定是周邦  
彥醉裏能歌片玉詞

卽席送王廷璧朱士稚同之松江

楊柳青青覆板橋  
春江花月夜生潮  
停杯又是他鄉  
別無那相思一水遙

山陰客舍送高舍人還膠州

公子翩翩狐白裘  
向予長揖返膠州  
西陵松柏闔門  
柳紫馬春風何處樓

送錢六霍朱大士曾同遊白下

高詠方從月下聞  
佳書猶未換鵝羣  
一朝並馬金陵  
去開殺羊欣白練裙

送吳二先輩還漢陽

新楚文類

卷十一 今體

六

漢南歸思遠晴川  
滙浦西風送客船  
莫上武昌門外  
望斷腸楊柳似當年

送曾司理王孫之官漢中二首

韓信臺前冷戰雲  
漢王城北罷懸軍  
三秦父老還相  
語國士無雙屬使君

其二

吳山楚水送行車  
此去秦關逼歲除  
試向嘉陵探兩  
穴雙魚莫忘故人書

山陰送葉大變還當湖

滿舸乘風一葉輕  
紅亭相送客相迎  
宸憐小吏如初



日不勸離筵到五更

送葉大舒崇還吳門

明童倚曲動梁塵姪女新粧更絕倫齊向羊車看衛

玠臨行愁殺洛陽人

別友

水國霜深橘柚香孤舟江上夜雲涼欲知別後相思

意明月青山是兩鄉

送王訪遊嶺南

送君西去大江深回首雲烟楓樹林嶺路千山萬山

外相思秋月夢中尋

竹垞文集

卷十一 七

送牧雲上人住持太白山

越山東望路迢迢澗口寒藤度石橋惆悵空林飛錫

遠海門秋雨浙江潮

送懸崖上人之太白山

送別南行太白峯江天秋思落芙蓉浮杯暗入西陵

渡愁對寒雲萬徑松

送沈大慈纓游河南

沙頭官柳拂行塵三月黃河問去津爲報戶門抱關

客故園亦有鼓刀人

送孫處士默還黃山

蕪城客散亂烏啼別業黃山路不迷後夜相思秋色

遠月明三十二峰西

將游嶺南留別故園諸子

驪駒長路起秋塵遠客清樽不厭頻握手相看猶未

醉滿堂明月照離人

將之晉陽留別包十二銘

客亭冰雪阻蕭關蕙草芳時各未還此去尙同千里

月相思知隔幾重山

送趙三湛還永年

離堂卜夜且成歡酒盡休歌行路難四十逢時猶未

竹垞文集

卷十一 八

晚看君騎馬入長安

送計孝廉東還吳江

三年歸計總蹉跎日見輕舟下潞河君去登高誰對

酒空憐秋色異鄉多

酬別沈九舍人胤范

故人詞賦動西清一曲陽關送我行試向尊前論往

事傷心不獨感離聲

送陳臧南歸

軍都關口朔雲凝羨爾臨行匹馬登歸向高陽逢舊

侶銜杯試話十三陵

送顧乃西還楓涇

客游五載莫凄然元夕天涯我十年爲羨王孫歸去路岸花江草送吳船

送李侍御謫官信安二首

驪歌未比放歌長祖帳輕塵散夕陽猶有酒人雙泪在送君携手上河梁

其二

鳳城寒雪剪銀缸漏盡頻飛玉璫雙此去窪樽誰共醉嶺雲春樹隔梧江

將出都門曹舍人貞吉黃舍人仍緒沈舍人

竹莊文類

卷十一 八

九

胤范喬舍人萊曹舍人禾汪舍人懋

招同高上舍朗李秀才良年賦詩贈

口占留別

鳳池才子各翩翩携客城南釀酒錢滿眼鶯花無奈別河梁愁思復今年

酬彭師度三首

燕郊春雨灑塵輕我唱驪駒子送行回憶酒人天外隔不知舟楫下蕪城

其二

艾家橋北論交日回首星霜十九年祗向天涯相送

老新詩韻罷一凄然

其三

竹西酒市接平山燈下妖姬十八鬟留取霜絃調錦瑟紅橋一曲送君還

送柯大崇學士歸寄周貧

渡淮三月滯江都送君歸尋舊酒徒十幅蒲帆鄉樹杪夜船聽雨到南湖

路河遙送湯明南還四首

惜別無從倒玉壺似裴遙餐短亭孤荆高舊侶分携盡燕市何人送酒徒

竹莊文類

卷十一 八

十

其二

青齊南下卽扁舟一片雲帆故國樓此去向平婚娶了明年五岳試同遊

其三

生計歸時且掩門還憐舊業已無存全家欲傍西溪住最愛梅花第幾村

其四

竹垞三徑也蕭然歸夢天涯又隔年倘肯結隣長水市開門同對小池蓮

送龔大之淮陽二首



潞河遇日送征驛禁雪初晴柳向含一路青山到淮  
浦照人明月已江南

其二

十年仙尉市門樓匹馬齊東路不迷莫戀鄉園下吳  
會盤山春晚共攀躋

送董孝廉愷游五臺二首

軍都關外朔雲屯過盡龍堆入鴈門一路金光瑤州  
色青天直上五峯尊

其二

樂府新聲次第裁清涼百尺坐高臺好填望月婆羅  
竹垞文類

卷十一 令體

十一

引一洗邊愁阿鞬迴

送顧瀛之沂州二首

官亭把袂惜離居南指臨沂歲未除行過蒙陰山葉  
響馬頭青壤雪消初

其二

苦酒千鍾任客持訟庭無事畫簾垂春游試問桃花  
澗勝汎芙蓉庾杲之

懷黃十三客閣

八月霜清木葉飛開河秋望淚沾衣寒山桂樹今搖  
落惆悵王孫尚不歸

寄陸圻

兵戈江海惜離居愁絕蓬蒿掩敝廬爲語故人多病  
久相思不寄一行書

寄懷徐孝廉之瑞

憶別吳山事隱淪相思烟草歷冬春餘杭溪水空千  
尺不見雙魚白錦鱗

寄高層雲

萬里歸舟興有餘蜀薑召客鱸鱸魚酒邊可憶朱齡  
石深夜明燈勘羽書

寄遠

竹垞文類

卷十一 令體

十一

南風日夕度江潭旅夢還家路未諳寄語寒衣休憶  
遠更無霜雪到天南

雪中得內人信

河橋風雪斷歸航遠信沉吟祇自傷不道比來相憶  
苦虛煩錦字十三行

蘭谿道中懷遠

近郭開門一水居別來消息定何如銀絲細鱸蘭江  
鯉不見佳人錦字書

壽劉編修芳詒二首

金錢袞袞考堂輪今日通階昨日殊誰似編修廿寂

寶七年不向集賢趨

其二

人日梅花二月前騷人初度棗弧懸蕭然賦雪携羣  
從絕勝徵歌玳瑁筵

哀莫處士以寅

濃花細雨落前簷憶別江樓暮捲簾今日天涯同調  
盡白楊荒草哭陶潛

竹垞文類

卷十一 今體

三

竹垞文類卷之十二

今體詩七十九首

七夕詠牛女二首

同沈十二詠燕

詠草

題項叟聖謨畫柳

爲程舍部題畫

題譚漢書山水送譚七舍人兄三首

題曹岳書五首

題畫竹二首

爲葉九來題扇

題顧夫人畫蘭

題畫四首

古興二首

南湖夜聞歌者

西湖卽事

竹垞文類

卷十一 今體

一

鑑湖

若耶谿

土城山和錢六

越江詞

寓山訪屈五

渡錢塘

彭山卽事

重經彭山

南鎮春游詞四首

秦淮舟中作

采石

灘行口號六首

雄州歌四首

分水廟酬高大佑鈇

守開清源驛凡五日不得度

出居庸關

觀獵

太原客夜

再度鴈門關



自沂水至大峴山作 西山書所見

來青軒

同劉中丞入大房山時劉編修養疴山中八首

紅橋

和曹使君憶姚州酒歌三首

懷鄉口號八首

七夕詠牛女二首

浪傳靈匹幾千秋天路微茫不易求今夜白榆連理樹明朝銀浦斷腸流

其二

竹垞文類

卷十一 吟體

二

瓜果中筵笑語微西樓涼月夜閒扉無因得沈浮槎去親向天孫乞巧歸

同沈十二詠燕

節物驚人往事非愁看燕子又來歸春風無限傷心地莫近烏衣巷口飛

詠草

南浦萋萋一望平東郊立馬若爲情原田不解王孫恨依舊春風滿地生

題項叟聖謨畫柳

吾家舊宅由拳北恰與胥山樵對門巷柳蕭條今已

盡春風猶喜畫圖存 胥山樵項叟自號也

爲程倉部題畫

年來新卜竹垞居對此雲峰愧不如忽憶君家珠海曲木棉花下滿牀書

題譚漢書山水送譚七舍人兄三首

舍人佐郡山京華馬後圖書載五車欲上恒山最高頂自馴白鹿飢松花

其二

大漠霜流磧草枯那箇蘆酒急須沽雲中西去黃河曲未必山川似畫圖

竹垞文類

卷十一 吟體

三

其三

桑乾九月未成橋想像關榆葉盡凋曾向雁門三度宿人家歷歷在山椒

題曹岳畫五首

香醪小榼載吳船隔岸桃花湧石泉此樂江鄉長在眼披圖那不數歸年

其二

密樹雲根一徑開水亭風檻足淹回最憐略約前谿好可惜無人載酒來

其三

岸柳山松壓翠微  
籬宛轉護柴扉  
主人且莫攤書  
坐看弄漁舟箇箇歸

其四

招提絕頂掩松關  
茅屋出阿竹樹環  
恍憶昔游長至  
日滿衣風雪括蒼山

其五

水檻風亭八九椽  
叢筠秀水總堪憐  
炎天引我江湖  
興懊惱黃鸝白玉鞭

題畫竹二首

疎筠箇箇倚風輕  
忽憶鄉園宿雨晴  
三畝宅西桐樹  
竹垞文類 卷十二 今體 四

北此時新笋又應生

其二

雪禽未染唐希雅  
怪石須添趙大年  
興發欲尋潭柘  
寺春流泱泱響山泉

爲葉九來題扇

草堂聞在玉山南  
金石遺文許共探  
爲問飛來雙白  
鶴可能借一與蘇耽

題顧夫人畫蘭

斜樓人去筆牀空  
往事西州說謝公  
猶有秦淮芳艸  
色輕純勾染夕陽紅  
蘭名見金漳趙氏譜

題畫四首

林深屐齒未曾經  
萬竒松濤偶坐聽  
我若支筇來此  
地便携酒榼上茅亭

其二

綠蕪遠近山參差  
露氣暗浮松樹枝  
烏篷七尺屢回  
首看到月明歸未遲

其三

長林楓葉早霜催  
絕磴鳴泉激石迴  
料得山樓聽不  
盡絃桐欲寫又徘徊

其四

竹梢藤蔓淨飛沙  
冷翠疎林不着花  
羨殺幽人此高  
卧更無剝啄到山家

古典二首

空井雙桐落葉深  
銅餅百大響哀音  
美人不見涼風  
至愁對秋雲日暮陰

其二

羅生芳草綠汀洲  
少婦明粧北渚游  
日暮清歌何處  
發蘋花秋水木蘭舟

南湖夜聞歌者

輕舟暗度古城東  
惆悵霜天落塞鴻  
誰向夜深歌水



調傷心不待管絃終

西湖卽事

吳姬纖手抱雲和花下迴船燭下歌此夕緣流思並  
載愁人無卽月明多

鑑湖

狂客當年歸四明經過遺跡不勝情澄湖一曲明如  
鏡身在山陰道上行

若耶谿

若耶溪頭春水深南風北風樵采音浣紗女兒不得  
見清江日暮愁人心

竹里木類

卷十二 今體

七

土城山和錢六

江花江草滿江關浣女清歌日暮還曲罷絲雲猶未  
散春風吹上土城山

越江詞

山圍江郭水平沙過雨輕舟泛若耶一自西施采蓮  
後越中生女盡如花

寓山訪屈五

草綠南園積雨餘谿橋宛轉石門虛山頭白鶴遙相  
待知有仙人射的居

渡錢塘

渡口乘潮漾北風輕舟如馬行江東明朝又是山陰  
道身在千巖萬壑中

彭山卽事

誰家三婦艷新粧靜鎖葳蕤春日長一出浣紗行石  
上飛來無數紫鴛鴦

重經彭山

猶憶清江舊板橋門前曲水細通潮垂楊不是傷心  
樹柳得長條更短條

南鎮春遊詞四首

頻來花下失前期坐見花飛春日遲多事定情繁主

竹里木類

卷十二 今體

七

薄山南山北淚連絲

其二

北渚佳人望漸稀西江游子澹忘歸新詞唱盡梅花  
落散作滕王峽蝶飛

時豫章王子猷定歌吳歎  
山陰沈子佩吹笛和之

其三

春林山市酒旗迎才子東陽八詠成不待綠窓明月  
上玉簫先作鳳凰聲

其四

黃衫白恰染緇塵惆悵花時已暮春總向越王城下  
住扁舟須負五湖人

秦淮舟中作

聞道秦淮樂未闌小長干接大長干桃根桃葉無消息腸斷東風日暮寒

采石

采石磯邊積雪晴橫江館外暮潮生金陵美酒百斛盡明月滿江空復晴

灘行口號六首

白鷺洲前動客愁黃公灘畔駐行舟誰開瘴嶺天涯路惟有清江石上流

其二

竹枝文類

卷十二 今體

八

銅盤灘急水西東兩岸高山四面風絕壁倒飛巫峽雨懸流直下呂梁洪

其三

黃茅峽外野人居潭影空明漾碧虛長箭短衣朝射虎鳴榔持火夜驚魚

其四

斷徑陰崖百丈牽斜風細雨萬山連長年三老愁無力羨殺南來下瀨船

其五

紅霞深樹嶺雲平兩槳戈船石鱗行浦口清猿催客

淚一時齊作斷腸聲

其六

羊腸鳥道幾千盤設險寧惟十八灘見說一灘高一丈直從天上望南安

雄州歌四首

雄州滿目瘴雲靈風物當年亦可懷大庾梅花連小庾正階流水入斜階

其二

綠榕萬樹鷓鴣天水市山橋阿那邊蠻雨蠻烟空日夜南來車馬北來船

竹枝文類

卷十二 今體

九

其三

滇江西下墨江流來雁孤亭春復秋十部梨園歌吹盡行人虛說小揚州

其四

山頭風急雨淒淒篁竹荒茅一望迷縱有歸人歸未得空勞夜夜子規啼

分水廟酬高大佑鉅

落月西風動戍樓津頭官柳繫輕舟行人莫唱思歸調汶水南來已北流

守閘清源驛凡五日不得度



清源驛路接幽燕日日沙頭但繫船五兩南風空自  
好無由吹送衛河邊

出居庸關

居庸關上子規啼飲馬流泉落日低雨雪自飛千幃  
外榆林祇隔數峰西

觀獵

白狼堆近雪嵯峨風卷黃雲入塞多盡道打圍春更  
好夕陽飛騎兔毛河

太原客夜

陽曲城頭烏夜啼明燈深巷綠窓低從教趙女工瑤  
瑟不遣愁人醉似泥

再度鴈門關

雁門關北雁初飛萬里征人淚濕衣回首秋風行已  
斷天南消息到應稀

自沂水至大峴山作

征衣莫浣淚痕斑五載辭家尚未還目送燕鴻南去  
盡計程翻度穆陵關

西山書所見

斜陽猶未鎖松筠雪後風清石路塵莫笑春游今歲  
早燕燕已有上山人

來青軒

天書稠疊此山亭往事猶傳翠輦經莫倚危欄頻北  
望十三陵樹幾曾青

同劉中丞芳躅入大房山時劉編修芳謁養

疇山中八首

華峰迴合靜飛塵野杏山桃各自春不共南陽劉子  
驥花源一望已迷津

其二

丹梯直上與天連鐵鎖垂垂百尺懸安得山中十日  
雨石門一道迸飛泉

其三

帝城回望隔峯霞

士

帝城回望隔峯霞蘭若松門自歲華剩有紅羅宮監  
在香臺猶禮九蓮花

其四

上方層閣少經過猶有樵人樹杪歌試乞山僧老藤  
杖天風扶上摘星陀

其五

解道劉伶善閉關田衣竹杖此躋攀長安車馬紛無  
數誰肯高居六聘山

其六

春風依舊野棠紅麥飯僧厨餉客同不用三車頻問  
法白頭試話玉熙宮

其七

定公八十猿猱捷峻嶺何曾策杖遊邀我遠登龍虎  
峪翠巖天半結飛樓

其八

羊何此日和歌成夢草池塘句更清刻取谿亭雙櫂  
樹千春長識謝公名

紅橋

春蕪小雨滿城隈茅屋疎籬兩岸開行到紅橋轉深

竹垞文類

卷十二 今體

七

曲綠楊如薺酒船來

和曹使君憶姚州酒歌三首

姚州白酒白於泉醉客何論三百錢十月摺牀初滿  
注莫教焚却好畝船

其二

曹娥江口晚潮低兩漿春船入會稽最憶黃冠欹倒  
日夕陽山色鑑湖西

其三

往歲姚江酒初至西陵市上鱸黃魚只今萬里勞相  
憶白墮春醪總不如

懷鄉口號八首

醴舫西偏盡竹梧紫微山石儘教鋪兒孫鄉里堪娛  
日不用千金買佛奴醴舫余齋名元濤樂間以中  
統鈔一千錠買歌兒汪佛奴

其二

先人舊宅北門樓舍後斜陽塔影低門逕傷心難再  
問夢魂猶繞舊沙堤

其三

碧漪坊裏譚公宅鴨脚清陰半畝餘最憶兒時好見

弟樹根同讀五車書五經進士譚公宅在府治東北  
弟樹根同讀五車書

山太守次友典籍及兄舍人夏士皆

竹垞文類

卷十二 今體

七

其四

舊日園林半已荒惟餘曲水繞芳塘少年最憶春游  
好曾向顏家看海棠顏家園海棠花  
最盛今已摧折

其五

墨林遺宅道南存詞客留題尚在門天籟圖書今已  
盡紫茄白苧種諸孫項處士元汴有天籟閣舊古書  
畫甲天下其間下有皇甫子循  
題詩尚在

其六

舊游俞繆日過從三李銜杯興最濃明月綠窓期沈  
約白墮赤米問周顒德右吉天自斯年武  
約分虎山子青士也



其七

司農泉石向來耽徐穉同遊飲必酣夢想谿山真意  
好憂天修竹水亭南曹什郎秋岳倦圃有谿山真意軒徐穉指敬可也

其八

方外能詩數復公結茅初地虎谿同詞人寂寞空過  
此一舸月明湖水東復公字文可住初地菴詩格最老

竹垞文類

卷十二 今體

古

竹垞文類卷之十二

今體詩一百首

鴛鴦湖權歌一百首

鴛鴦湖權歌有序

甲寅歲暮旅食潞河言歸未遂爰憶土風

成絕句百首語無詮次以其多言舟楫之

事題曰鴛鴦湖權歌聊比竹枝浪淘沙之

調冀同里諸君子見而和之云爾

蟹舍漁村兩岸平菱花十里權歌聲儂家放鶴洲前

水夜半真如塔火明宋末帝前地嘉禾放鶴洲其園亭遺址也余伯貴陽守治別業

竹垞文類

卷十三 今體

於上真如塔峙其西

其二

沙頭宿鷺傍船樓柳外驚鳥隔岸啼爲愛秋來湖上

月橋東不住住橋西

其三

春城處處起吳歌夾岸疎簾影翠蛾一葉舟穿妝閣

底傾脂河畔落花多領脂河在楊嚴寺東人家多跨水爲閣

其四

寶帶河連錦帶斜精嚴寺古黯金沙鵲陰一逕游人

少開遍年年梓樹花寶帶錦帶俱水名精嚴寺多梓樹

其五

西埏里接韭谿流一簣餅山古木秋慣是爭枝烏未

宿夜深啼上月波樓西埏里載千寶樓神記在嘉興縣治西韭谿之水經其下餅山

宋時酒務月波秀州酒名載張能臣天下名酒記樓係今孤挺所建宋人集題詠詩詞甚多

其六

橋李亭荒蔓草存金陀坊冷寺鐘昏湖天夜上高樓

望月由東南白亭村橋李亭址在金光明寺北宋岳珂爲勸農使居金陀坊著金陀

粹編寺南有樓名湖天海月

其七

百尺紅樓四而窓石梁一道鎖晴江自從湖有鴛鴦

竹垞文類 卷十三 今體 二

目水鳥飛來定自雙

其八

作解偏空置酒過亭前花月至今多不知三影吟成

後可載堯娘此地歌陸游入蜀日記倅解花月亭有陸游云得句於此亭也張子野云往歲吳興守

滕子京席上見小伎堯娘後十年再見於京口

其九

女牆官柳遍啼鴉小閣臨風卷幔斜笑指孩兒橋下

水雨晴漂出滿城花孩兒橋在天寧寺東石閣盡刻作孩兒戴魯應龍括異志

其十

檣燕橋烏繞楫師樹頭樹底挽船絲村邊處處圍桑

葉水上家家養鴨兒興府阿子歌注嘉興人養鴨兒作此歌

其十一

桃花新水湧吳艚十五歲娃櫓自操網得錢塘一雙

鯉不知魚腹有刀杜子恭就人借瓜刀其主行至嘉興有魚腹中破

魚腹得瓜刀見後記

其十二

湖南逆葉小於錢柳雖多不礙船兩岸新苗纔過

雨夕陽溝水響谿口

其十三

金衣楚雀白鷗雞不住裴公島上啼白馬嘶雲屋

竹垞文類 卷十三 今體 三

外紅船先度板橋西裴公即放鶴洲相傳裴休別業

其十四

隄外湖光隄內池露荷珠綴夜涼時阿誰月底修簾

譜更按東堂舊日詞毛滂在秀州賦月波樓中秋詞云露荷珠綴照見鴛鴦睡月底

修簾譜樂府調名東堂滂集名也

其十五

鳴飢飽小漉微鹽雪後鱸頭酒價廉聽說河魴新入

市蓼蒿荻笋急須拈方回題竹枝詩跳上岸頭須記取秀州門外鴨饒飽

其十六

城北城南盡水鄉赤闌橋外繞回塘千家曉閣紗窗



拓二月東風蕙草香

其十七

西水驛前津鼓聲原田角角野雞鳴  
葦心菜甲桃花里未到天明棹入城

西水驛在城西桃花里人多種菜為業

其十八

姑惡飛鳴觸曉烟紅蠶四月已三眠  
白花滿把蒸成露紫甚盈筐不取錢

姑惡鳥名蠶月最多野蒿枝間白花田家籬落間處處有之蒸成香露可

其十九

村中桑斧響初停溪上叢疎色漸青  
柳閣南風纔幾日荷花開滿鏡香亭

府城西北有麻溪鏡香亭在慈恩寺南今廢

其二十

超山楊梅似蜜甜徐園青李核何纖  
搗來取酒但臨飲一醉渾忘夏日炎

超山在日楊梅徐園李核小如絲懸其中相傳即橋李也

其二十一

藉袈橋上水松腴白石登登鴈齒堦  
曾記小時明月夜踏歌連臂竹鄰街

竹鄰里元陳秀民所居藉袈橋在其東北

其二十二

谷水由來出小湖渚城辟塞總春蕪  
戰場吳楚看猶在折戟沙中定有無

水經注引吳記谷水出吳小湖逕山拳縣渚城在今城北十五

里水經注又云浙江又東逕柴碑南舊吳楚之戰地備候於此故謂之碑塞

其二十三

金魚院外即通津轉粟千艘壓水濱  
年小女牆隨意望縫衣恰對柁樓人

輿地紀勝金魚院在嘉興縣西北

其二十四

歌臺蠱處酒旗招五里螺潭入望遙  
安得張涇炯上下一時都起跨塘橋

螺潭在城南陸龜蒙詩路接張涇近橋在澄海門外

其二十五

學繡女兒行水渚遙看三塔小如鍼  
竝頭菡萏雙飛翼記取挑絲色淺深

城西學繡里俗傳西子入吳刺繡於此三塔龍淵寺前塔也

其二十六

梅花小閣兩重堦屈戌屏風六扇排  
不及張銅鑪在地三冬長煖牡丹鞦

里有張鳴岐製銅為薰鑪間於時

其二十七

鵝湖東去水茫茫一面風涇接魏塘  
看取松江布帆至鱸魚切玉勸郎嘗

鵝湖在魏塘清風涇即白牛涇

其二十八

蓮花細步散香塵金粟山門禮佛頻  
一種少年齊目斷不知誰是比肩人

金粟寺在海鹽西南林岬誠齋雜記海鹽陸東美妻有容止夫比肩人孫權封其里

其二十九

織成錦衾碧間紅線以吳綿四五通錦上鴛鴦三十

六雙樓夜夜水紋中里出善錦

其三十

天寧佛閣蚤春開鳥語風鈴次第催怪道回船淫羅

襪嚴將軍墓踏青來天寧寺在秀水縣治東北後有嚴助墓

其三十一

長水風荷葉葉香斜塘慣宿野鴛鴦郎舟愛向斜塘

去妾意終憐長水長長水秦時所鑿斜塘地名

其三十二

竹竿文類卷十三

疏地垂楊絮未飄蘭舟上已被除遙射襄城北南風  
起直到吳江第四橋城北王江渚有射襄橋俗語

其三十三

宣公橋南畫鼓撾酒船風慢挂鴉叉碧山銀枕勸郎

醉棹入南湖秋月斜陸宣公橋在城東朱碧山元時嘉禾銀工宋隨人滋南湖草堂

記橋李澤國也東南皆映湖而南湖尤大

其三十四

木犀花落搗成泥霜後新梅配作羅猶恐夜深妨酒

渴教添玉乳禦兒梨禦兒在玉乳梨見漢書注

其三十五

畫眉墨是沈珪丸水滴蟾蜍硯未乾休恨圖經山色

少與郎終日遠峯看沈珪承人善製墨諺云沈珪對

郡城四望無山宋鄭毅大月波樓詩野色更無山隔斷是也

其三十六

三姑廟南豆葉黃馬王塘北稻花香秋衣薄處安思

妾春酒熟時須餉郎三姑事見括異志今長水有廟馬王塘在其北

其三十七

小婦春風樓下眠與論家計最堪憐勸移百福坊南

宅多買千金圩上田石門有春風樓錢塘應才為嘉興學正婢曰陸小蓮百福坊人

其地元木遊地千金圩

竹竿文類卷十三

其三十八

小舫中流播蕪梢一螺青水練塘坊隨郎盡日鹽官

去莫漫將儂半邏拋蕪梢小船名長水東有練塘坊為半路

滿刺今謠

其三十九

銓金硯匣行波陵日坐春風小閣前鑲管簪花書小

字把郎詩學魯魯編銓金硯匣法以黑漆為地銀刻山水人物花竹翎毛亭臺屋宇人物詩編年自宋人魯魯始

傳之見陶宗儀輯耕錄杜詩編年自宋人魯魯始

其四十

雨近黃梅動決旬舟回顧渚闌茶新問郎紫夢誰家



焙莫是前溪讀書人

其四十一

秋燈無焰剪刀停  
濃桂樹青怕解羅衣種鴛  
粟月明如水浸中  
中產鴛果相傳八月十五夜  
仙女解衣播種則花倍繁

其四十二

繡綫圖存陸見遙唐家花鳥棘鍼描只愁玉面無人  
畫須是傳神盛子昭  
陸見禾人有繡綫圖藏宣和畫  
墨作棘鍼子昭魏塘  
人寄畫在鴛鴦像

其四十三

去郭西南桂樹林五畝之園一半陰笑插枝頭最深  
竹花文類  
卷十三 今體  
藥兩鬟如栗辟寒金  
城西屑氏園有桂二本垂蔭逾  
畝分歲兩樹送開金葉一枝

其四十四

榆錢陣陣麥纖纖野菜花黃蝶易黏記送郎船谿水  
曲平蕪一點甌山尖  
甌山在桐鄉今  
爲錢大理貢墓

其四十五

比翼鴛鴦舉權廻雙飛蝴蝶遇風開生憎湖上鷓鴣  
鳥百遍魚梁曬翅來  
鷓鴣湖在海  
鹽縣西南

其四十六

龍香小柄琵琶彎切玉瓊瓏約指環試按花深  
曲海棠開後望郎還  
南宋大學服膺上舍  
人妻孫氏寄秦樓

傳插酒樓伎館皆歌之載古杭雜記花深源  
海棠開後詞中語也琵琶唐人多作仄音讀

其四十七

穀皮素紙產由拳不數成都十樣箋題取相思八行  
字好憑蒼雁寄天邊  
太平寰宇記故  
山拳縣山好紙

其四十八

落花三月華西施寂寞城隅范蠡祠水底盡傳螺五  
色迥迥空挂網千絲  
城西南金光引寺有范蠡祠相  
傳蠡西子處湖中產螺皆五色

其四十九

蘇小墓前秋艸平蘇小墓上秋瓜生同心綰結不知  
處日暮野塘空水聲  
唐徐凝嘉興逢寒食詩惟有縣  
前蘇小墓王禹偁詩縣前蘇小  
有墓墳今縣  
南有賢如巷

其五十

風橋水檻盡飛花一曲春波瀲灩斜北斗闌干郎記  
取七星橋下是兒家  
春波七星  
二橋名

其五十一

天星湖口好花枝便遇三春采未遲蝴蝶雙飛如可  
遂教郎乞夢冷仙祠  
天星湖在嘉興縣治東湖北有  
協律郎冷謙祠詩夢者有奇驗

其五十二

江樓人日酒初濃一一紅妝水面逢不待上元燈火  
夜徐響廟下鼓聲聲  
徐響廟在府城東北每歲人  
日鼓日率舟擊鼓士女往觀

其五十三

河頭時有浣衣人處處春流漾白蘋橋下輕舟來往  
疾南經娛老北蹲賓 娛老橋在城南蹲賓橋在府治西

其五十四

芳草城隅綠映衫鳳池坊北好抽帆徐恬舊宅芹泥  
暖過雨斜陽燕子銜 鳳池坊裴機故宅今郡學之前徐恬宅見陸通徵吳地記

其五十五

秋涇極望水平堤歷歷杉青古開西夜半嘔啞柔櫓  
撥亭前燈火落帆齊 秋涇橋在城北杉青開名落帆亭名

其五十六

竹堧文類 卷十三 今體  
屋上鳩鳴穀雨開橫塘游女蕩舟回桃花落後蠶齊  
浴竹筍抽時燕便來 橫塘在城東俗名筍之蚤者曰燕來

其五十七

漏澤寺西估客多樓前官道後官河正值喧闐日中  
市楊花小伎抱箏過 吳船女郎入市 吳曲號唱楊花

其五十八

五月新絲滿市塵綠車鳴徹斗門邊沿流直下羔羊  
堰雙櫓迎來販客船 羔羊堰在石門縣斗門在石門北

其五十九

魚梁沙淺鷺爭淘處處村田響桔槔一夜城西茗水

下酒船直竝小樓高

其六十

九里橋西落照銜櫻桃初熟鳥爭鵲須知美酒烏程  
到遙見新塍一片帆 宋曹魯公監秀州新塍酒稅今作新城誤

其六十一

馬場漁叟幾沙汀宿雨初消樹更青最好南園叢桂  
發盡棹長泊煮茶亭 彪湖一名馬場湖宋滿師旦以門外建會景亭南園余叔宣春令別業有桂樹四本高俱五丈蘇子瞻煮茶亭在水北

其六十二

青粉牆低望裏遙紅泥亭子柳千條郎船但逐東流  
竹堧文類 卷十三 今體 水西麗橋來北麗橋

其六十三

伍胥山頭花滿林石佛寺下水深深妾似胥山長在  
眼郎如石佛本無心 胥山在城東十八里石佛寺唐剎

其六十四

花船新造水中央曉發當湖泝漢塘聽盡鐘聲十八  
里平林小市入新坊 丹里東為漢魏二塘德藏寺鐘之工行至新坊十八里連擊之山是不能遠聞載括異志

其六十五

蒲山草與齊山齊潏浦潮來乍浦西白沃廟南看白



馬巫言風雨夜長嘶蒲山葉齊山俱在平

其六十六

綠烟初洗兔華秋片片魚雲靜不流山月池邊看未

足移船買酒弄珠樓山月池在平湖德義寺城東有弄珠樓

其六十七

鸚鵡湖流碧幾灣白龍湫水落陳山游人秦小娘祠

過社鼓聲邊醉酒還鸚鵡湖即析湖陳山上有白龍湫見括異志秦小娘晉時人祠

在平湖縣東南二十里

其六十八

向儂家住秦溪頭日長愛權橫湖舟霑雲寺東花已

竹窠文類卷十三今體

放義婦堰南春可遊橫湖霑雲寺俱在平湖東義婦堰漢許昇妻呂榮家死黃巾之

難康府君飲錢弄之今為呂家

其六十九

亞子峯晴返景開傳聞秦女塋山隈閒聽野老沙中

語曾有毛民海上來樂資九州志鹽官縣有秦駐山始皇還此美人死塋于山下山

之東海口有亞子山水經注光熙元年有毛民三人集于縣蓋泥于風也

其七十

橫浦東迎白塔雲下方鐘鼓落潮閑結成海氣樓相

似煮就吳鹽雪不分白塔山在海中鹽官亦有鹽市

其七十一

勸郎滿飲黃支犀鬱郎莫醺花冠雞聞琴橋東海月

上烏夜村邊烏未啼開琴橋在海鹽城東烏夜村何準宅舊址

其七十二

鷹窠絕頂海風晴烏兔秋殘夜並生鐵鑲石塘三百

里驚濤盡寄奴城鷹窠頂在澈浦山椒每十月朔日月並出海中晉安帝隆安五

年孫恩犯海鹽劉裕拒之築城於海鹽故治

其七十三

招寶塘傾水淺深會骸山古冢銷沉都緣世上錢神

貴地下劉伶改姓金招寶塘在海鹽西南九州要記古有金牛入山阜伯通兄弟鑿

山取牛山崩二人同死穴中因曰會骸山即有劉伶墓土人避錢鏐諱改呼金伶墓

有花文類卷十三今體

其七十四

曲律崑山最後時海鹽高調教坊知至今十捧元官

鼓絕倒梨園弟子師

其七十五

春絹秋羅軟勝綿折枝花小樣爭傳舟移濮九娘橋

宿夜半鳴梭攪客眠濮院元濮樂開所居濮九娘橋在焉

其七十六

郎牽百丈上官塘客倚蓬窓晚飢香黃口近前休賣

眼船頭已入語兒鄉

其七十七

輕船三板過南亭盤女提籠兩岸經曲罷殘陽人不見陰陰桑柘石門青崇德古南亭石門春秋時吳壘石以拒越

其七十八

走馬岡長夕照中塘連沙渚路西東不知吳會誰分地生遍茱萸一色紅走馬岡在石門永新鄉地有官室相傳吳越分疆處語兒中涇一名沙渚塘吳會分地紀書名見太平御覽吳茱萸禾郡土產

其七十九

移家只合雙川居釀就新藥雪不如留客最憐鄉味好層墳秋鳥馬嘯魚閩人卓成大元末僑居雙川馬嘯城殆即水經注所云馬嘯城也魚可爲脂

竹垞文集

卷十三 今體

南

其八十

郎家湖北妾湖南兩藥綠流路舊請却似釣鯨磯釣鯨磯在南湖中

其八十一

野王臺發只空墩翁子墳荒有墓門舍宅尙傳裴相國移家曾住趙王孫白蓮寺隔水有顧野王讀書臺址朱買臣墓在角里街北真如寺相傳裴休宅趙王孫謂孟堅也居廣陳里

其八十二

秋晚東林落木疎白蓮僧寺水中居昏鐘不隔漁莊火古殿猶傳日本書白蓮寺即東林施水院漁莊在其北寺壁有日本國人題名二

處

其八十三

新王戰艦已無蹤樓相高墳故舊封會見朋游南渡日北山堂外九株松縣東三十里一冢甚高傳是襄陽堂沈氏宅其石壘自南宋

其八十四

仲圭舊里足淹徊曲徑橫橋一水隈小榭春風誰酌酒佛香長和墓門梅吳鎮墓在嘉善縣治北梅花庵

其八十五

懷蘇亭子草成蹊六鶴空堂舊蹟迷惟有清香樓上月夜深長照子城西蘇亭在府治六鶴堂宋知州鄧根建府廨有清香樓見吳興總錄子城載開窓括吳志今日爲子城碑

其八十六

梨花楓葉宋坡湖路轉潮鳴山翠無百里鹽田相望白至今人說小長蘆宋坡湖即貴湖吳郡記海濱廣斥鹽田相望橋李舊號小長蘆見則必大吳郡諸山錄

其八十七

桑邊禾黍水重圍時有秋蟲上客衣三過堂東開夕照蒲村黃葉一僧歸三過堂蘇子瞻遺草黃葉庵釋智然所築

其八十八



百花莊口水沅沅中是吾家太傅墳當暑黃鸝鳴淮  
木經冬紅葉映斜暉百花莊在城北十五里先文恪公賜塋在焉

其八十九

鴨嘴小船淺水通荻花門巷蕭蕭風荆南豫北關新  
釀不比吾鄉清若空清若空亦秀州酒名見武林遺事

其九十

秋水尋常沒釣磯秋林隨意敞柴扉八月田中黃雀  
啁九月盤中黃雀肥黃雀味甚腴產陶莊馬嘯

其九十一

江市魚同海市鮮相湖蜆勝穆湖偏四更枕上歌聲

竹垞文集

卷十三 吟體

七

起泊過冬瓜堰外船相家湖產蜆最肥穆湖溪不如也唐張祐曾領嘉興冬瓜堰稅

其九十二

妾家城南望虎墩郎家城北白牛村白牛不見郎騎  
至望虎何由過郭門陳舜俞居秀州管跨白牛往來自號白牛居士

其九十三

百步橋南解纜初香醪五木隔年儲不須合路尋魚  
鮓但向分湖問蟹胥去郡城東北三里百步橋馬永鄉鮓真子蘇秀道中有地名五木山作酒陸游日記合路賣鮓者甚衆一統志分湖產蟹

其九十四

石尤風急駐蘇灣逢着隣船販橘還祇道夜過平望

驛不知朝發洞庭山蘇灣近吳江境上陳舜俞墓在焉

其九十五

父老禾興舊館前香杭熟後話豐年樓頭沽酒樓外  
泊半是江淮販米船望雲門北舊有禾興館唐李潛嘉興屯田政績記嘉禾一穰江淮為之東嘉禾一歎江淮為之儉

淮為之東嘉禾一歎江淮為之儉

其九十六

茅屋東谿與可乘竹籬隨意挂魚罾三冬雪壓千年  
樹四月花繁百尺藤東谿從叔子蓉別業

其九十七

舍南舍北遶春流花外初鶯轉未休畢竟林塘輸角

竹垞文集

卷十三 吟體

七

里愛携賓客醉山樓山樓從叔子葆所居四方賓客至者必集於此

其九十八

谿上梅花舍後開市南新酒醺新醺尋山近有受基  
宅看雪遙登顧況臺余近移家長水之梅谿受山在共西橫山在其南皆可望見顧況讀書臺在橫山頂一

其九十九

歸人萬里望丘為白酒黃壺作厄來往棹歌無不  
可西溪東郭任吾之丘為郡人王維送之詩云五湖吉治錫為壺極精級近日鄉人多用勉樽西溪在府城西三里鮑衡所居東郭在下湖

其一百

石尤風急駐蘇灣逢着隣船販橘還祇道夜過平望

檻邊花外盡重湖到處杯觴興不孤安得家家尋畫  
手谿堂遍寫讀書圖

黃子久有由  
孝義書圖

竹垞文類

卷十二 今體

其

竹垞文類卷之十四

聯句詩八首

孫少宰蟄室觀吳季子劍

雪窓 秋日登胥山

八月十五夜集半邏錢爾復齋有懷錢四汝霖

過復公西溪精舍懷羅浮屈五留白下

九日刺梅園松下送譚七舍人之官延安

贈徐侍讀 壽何侍御

集句詩二十七首

贈顧樵 長安賣卜行贈吳秀才

竹垞文類

卷十四 聯句

京口同魏二對酒 俞汝言移居八首

題錢宗伯集後 壽姚叟澣

送王治皞歸四明壽母

贈趙三 晉祠唐太宗碑亭題壁

留別楊二給事 寄譚七表兄

王明府席上留別 題王女史畫蓮

題陳較書畫二首 送祝郡守還山

徐給事席上卽事四首

孫少宰蟄室觀吳季子劍四十韻

窮冬蟄室寒重局晝飛雪

嘉興李良  
年武曾

役車雖已休



子遠相挈莫尊蕭然主人意示我太古鉞吳江潘黯

淡四座光模糊百夫血上海蔡精氣所結聚入手詎

敢褻良年摩挲讀遺銘千春字不沮莫尊始知延陵

佩曾掛徐君碣未金碧爭臺茫雨風助鳴咽湘歲久

臘就頰中作黍米缺良年段冶難爲良青白氣先竭

莫尊首廣信參分身重裁七錡未九九如莖長衍衍

漸後設湘制類銅虎符質並蒼水玦良年其文雜蟲

魚其體蔓瓜爬莫尊蜿蜒蛟螭纏錯落星宿列未當

其結始成見者皆骨裂湘洪鐘無聲拂堅玉應手切

良年拭用華土良淬以江水烈莫尊一充君子服遂

有花文類卷十四聯句

使雌雄別未神靈相護持鬼物盡楚躡湘試空借諸

離相必經歐薛良年適楚羞湛盧制越定姑蔑莫尊

神物不虛歸抗首想前哲未紛紜春秋季推亦相

竊湘何爲藐千乘脫屣意不屑良年遠繼讓王風

慕子臧節莫尊投分寄縞帶達官在樂園未寸心美

所要存沒傷中訣湘留贈物則微高誼泉壤微良年

古樹風蕭蕭下爲狐兔穴莫尊何期陵谷變土花未

云齧未依然出人間百代共傳聞湘題字勘孔碑裴

炭談越絕良年接末驚窮猿于霄飲雌蜺莫尊雄思

崆峒倚利想犀兕未是物洵希有寧許膜眼別湘

博物類張華造書辨臣頤良年豈爲馮生彈耶效莊

妻吹莫尊感我壯士懷慨慷中腸熱未持之祓不祥

可以當桃菊湘

雪窓

寒威凌夾窓夜色不可拚莫尊初疑弦月駐載驚隣

燭燄蔡湘漏鼓凍欲沉荒鷄號已漸莫尊攬衣訝手

敲出戶怯風颭湘朔氣何稜稜同雲猶泠泠莫尊饑

鷹距未擊嗥雀羽齊歛湘老樹壓更高遙岑明復暎

莫尊灑盤過水泉浮空露仄仄湘僧閒梵未放磴滑

樵愈險莫尊恍若玉井峰蓮花冠郊陝湘中田從射

竹花文類卷十四聯句

兔北園左載獫莫尊銓冷生濕烟草枯覆叢薪湘近

須爐火圍遠愛酒旗閃莫尊就市沽芳馨傳杯瀉漱

澗湘元叔裴垂空平仲豆猶掩莫尊旅思話歸吳扁

舟懷入剡湘束薪硯初炙裴几翰斯染莫尊形兼洛

陽跡跡異昌黎貶湘撤鹽擬詎工授簡賦何諠莫尊

郢曲有和歌殊鄉耶自懷湘

秋日登胥山

秋水日以駛莫尊輕船泛清澄周貞流沿轉紆曲沈

功武權急黏荻菱莫尊仄峯尚阻樹貞近寺俄飛鰲

傳弓官官楚第出莫尊鱗鱗波雲興貞流目訝突兀

傳弓 賞心闕峻嶒藝尊 舟維卧柳渡實 道失寒爪勝  
傳弓 誰言暗嶮微藝尊 曲磴緣百層實 碣殘蘇欲剝  
傳弓 祠古藤交緝藝尊 緬懷大夫節實 千秋痛填膺  
傳弓 覆楚豈大義藝尊 忠孝不兩能實 飲泣蘆中漁  
傳弓 悲歌河上朋藝尊 當其恥已雪實 樹鏤非所矜  
傳弓 慨此空山中藝尊 遺跡猶可徵實 刃裁兩白石  
傳弓 指點由孤僧藝尊 其傍卧石劍實 霜色長侵步  
傳弓 崎如鋪練帶藝尊 亘若橫丹矜實 又如常山蛇  
傳弓 首尾相爲應藝尊 觀其氣怒激實 毋乃神式悲  
傳弓 尚想鞭荆尸藝尊 壯士心摧崩實 至今祠下水  
傳弓 猶作胥江稱藝尊 吾徒久于役實 遠攬岱與恒  
傳弓 顧茲百里內藝尊 展齒游未曾實 故鄉洵足慕  
傳弓 高興偶此乘藝尊 寄言同心客實 暇日期重登  
傳弓  
八月十五夜集半選錢爾復齋有懷錢四汝  
霖錢四木姓何  
舊識何暕宅李鏡 溪亭禰樹交秋花低結子藝尊 寒  
竹暗抽梢屢下南州榻李良 重慚上客庖青絲携桂  
酒錢爾 金鼎出蘭肴樂飲傾三爵李符 賓筵賦載嗽  
風多沉北斗錢遠 雲密自西郊肅肅離鴻下藝尊 栖

栖獨鶴巢空堂良年 涼牖落蟪蛄待月虛高  
詠爾復 停杯試解嘲小山樓隱處符 悵望隔衡茅遠  
過役公西谿精舍懷羅浮屈五留白下  
爲愛精廬好朱一 還從勝侶探屠橫眉 連山藏砌戶眉  
傳 百頃漾風潭李鏡 暇日同看竹周實 終朝罷采藍  
傳 永 汀洲紫山岸鄭珣 空翠入層嵐沈進 靜聽蓮花  
漏藝尊 幽尋燕子龕李鏡 林泉訪支遁李良 晨夕過  
劉恢李符 慧業知相似一 是玄言試共參廣 香雲浮  
貝葉焯 松火照金函鏡 坐起頻移榻實 遲留此盍簪  
永謀 漫須觀露槿明 且與薦霜柑進 高興雖云洽藝  
竹垞文類 卷十四 聯句 五  
離懷摠不堪遠 同心方遠道良年 輟權復停驂  
符 澤畔吟應數一 是淹中卧未甘廣 飄零曾薊北焯  
棲泊又江南鏡 赤羽紛傳檄實 青鞵孰荷擔永謀 石  
城秋草積明 瓜步夕陽含進 佳訊憑誰寄藝尊 端居  
祇自懸遠 西飛有孤鶴良年 天末望蘇耽符  
九日集刺梅園松下送譚七舍人之官延安  
四十韻  
秋氣薄林木南海程可 蕭條鴻雁天他鄉仍令節藝  
傳 高會散離筵客盡東南美華亭高眉 情因去住懸  
黃花分漢苑長洲申 綠酒自吳船紫馬斜陽裏李良



年式班荆古樹前枝撐寒雪厚山陰沈肩幹走老龍

經空翠垂垂落江都王德層陰的的圓旅懷長戀此

嘉興詩吉幽興豈徒然歲月風塵換可則川涂夢寐

牽相逢會幾日莫尊回首憶當年慷慨荆軻筑層雲

飛揚祖述鞭一官乘絕障從雙關動行旃入維名元

近良年臨關汝最賢蒲桃隨馬至片范鸚鵡得人憐

地險榆爲塞德麟原荒幽作田由來秦上郡吉瑞遠

接漢居延百戰山河舊可則單車騎吹闕自應思魏

尚莫尊那復美張騫美政知無敵層雲雄文孰與傳

龍山爭繼絕從鳳閣尚留連勝事歸圖畫良年長歌

竹垞文類卷十四本

當管絃江淹魂已黯片范顧愷技誰先銀燭燒林黑

金盤泥露鮮霜蒼兗海族吉瑞香橋摘江烟燧

米封鱗細可則更房壓髻偏幾忘身是客莫尊怡笑

口流涎俊味還稠疊層雲深杯莫棄拍劇談迥袞袞

繼屢舞各僊僊聚散時難定良年交親志肯遷彈冠

新得路片范簪筆舊隨肩作吏今行矣德麟專城敢

任焉瘡痍何術起吉瑞井邑幾家全不問金如粟可

則寧論酒是泉徵書黃霸績莫尊擁傳馬卿旋但道

心期在層雲無愁後會愆河流千尺練從月挂九秋

弦坐久頻催漏良年衣輕更著綺祗緣詩錄別片范

遂使夜忘眠長短青門柳德麟崢嶸華嶽蓮來朝一

揮手吉瑞惆悵隔幽燕可則

壽徐侍讀元文

紫藥雲霄迴莫尊金門雨露偏羣公爭獻納李良夫

子信才賢甲第烏衣盛莫尊家聲鳳沼沿堂看遺笏

在良年經憶過庭傳儒雅矜當代莫尊飛騰數妙年

九重書第一良年三策對無前候出仙厨美莫尊袍

分獸錦鮮上陽芸是閣良年中禁木爲天苑柳晴相

映莫尊宮鶯歲屢遷星輶馳漢節良年驛路入秦川

得士皆殊絕莫尊難兄編修更接聯遙問臚唱日良

竹垞文類卷十四本

年正值使車旋兩到須迴轍莫尊雙丁足比肩把文

同謝舅良年謂顧子炎武染翰失張顛賓至交珠履莫尊朝

回並玉鞭連枝真不易良年初度乃居先南斗神仙

錄莫尊西清侍從員黑頭誰得似良年青眼獨依然

歷下尋山屐莫尊江干載酒船因人慙入洛良年結

客重投燕不謂迎縫掖莫尊翻教起畫眉茱萸猶結

佩良年醞醞此開筵釀進崑山玉莫尊花明秘省輕

幽歌應可續良年比調有新篇莫尊

壽何侍御元英

東閣寒梅放諸九西山雪霽誦人日初度諸九朋

酒歲月仍頌魯則難老莫尊歌函信有徵名先挂下

史沈解官亞殿中丞禮自猶龍擅吳浩謠聽避馬會

城南瞻斗極沈岸薊北凜霜稜敢諫虞箴在九鼎籌

時國寶增文左獨瑣細理獎力掃榛芳水早謀誠切

莫尊徵輸法可承廟廊需至理韓日駟駿必深懲嗜

肯雙龍關浩透迤四牡乘桂林啣羽節岸登勾漏問

丹秤嶺外收區冊九鼎舟中慕李膺含香持國計理

聚米佐軍興允矣資喉舌莫尊良哉寄股肱人倫誰

比似韓日意氣益飛騰入顧三君並浩千金一諾憑

聯詩過沈范岸登愛客邁春陵勝日交珠履九鼎高

竹垞文類卷十四聯句八

齋冒紫藤對門深徑轉理開閣小山層畫得滄洲趣

莫尊書傳草聖能連蜷師衛薑韓日妙麗奪曹蠅箴

帙縱橫列浩爐烟遠近蒸庭閒看玉樹岸登道重比

朱繩謬喜枌榆托九鼎相親色笑恒一行來獻兒理

萬里此簾勝月尚今年滿莫尊觴同舊里稱頌椒春

序近韓日懷核舞筵登青眼人人識浩朱顏歲歲凝

不辭五雲裏岸登長對九枝燈九鼎

集句詩

吳江顧處士樵扁舟過訪留所畫山水圖并

新詩見贈集杜句酬之

君不見東吳顧文學前者途中一相見同心不減骨

肉親素知腹子甘貧賤故國平居有所思數篇今見

古人詩飄零已是滄浪客酒後常稱老畫師畫師不

是無心學合杏高名動寥廓敢勞車馬駐江干數問

舟航留製作春山無伴獨相求請君一來開我愁乘

興遣書滄洲趣舟楫渺然從此去乃知變化不可窮

意匠慘澹經營中陰崖却承霜雪餘山木盡亞洪濤

風尤工造勢古莫比雲白山青萬餘里虛無只少對

瀟湘天下何曾有山水浴鳥飛鷺晚悠悠琴瑟几杖

柴門幽鳴呼何時眼前突兀見此屋獨立縹緲之飛

樓

竹垞文類卷十四集句九

長安賣卜行贈吳三統持集杜

翻手作雲覆手雨長安布衣誰比數天涯涕淚一身

遙避地何時免愁苦男兒性命絕可憐實藉君平賣

卜錢身上須綰腹中實長安市上酒家眠酒酣拔劍

肝膽露勾陳蒼蒼玄武暮人生萬事無不有世人那

得知其故揚眉結義黃金臺亦知窮愁安在哉可憐

懷抱向人盡黃帽青鞋歸去來寂寞江天雲霧裏舍

南舍北皆春水龐公臨時盡室去我獨何為在泥滓

泥移栖息一枝安百遍經過意未闌復有樓臺街暮



其也從江檻落風濤多才依舊能潦倒百壺且試開  
懷抱但覺高歌有鬼神不知明月爲誰好吾兄吾兄  
巢許偷路難悠悠長傍人可憐爲人好心事終日坎  
壘纏其身

京口同魏二對酒戲集唐人長句

君不能狸膏金距學鬪雞又不能崎嶇傍朝市平生  
傲岸其志不可測古人制禮但爲防俗士嗟爾遠道  
之人何爲乎來哉我能拔爾抑塞磊落之奇才清風  
明月不用一錢買賴得飲君春酒數十杯君不聞胡  
笳聲最悲君不見沙場征戰苦慎其愁思憔悴損容  
顏  
竹垞文集 卷十四 集杜  
輝酒不到劉伶墳上土

俞汝言移居八首 集杜

亂後居難定臨江卜宅新入門高興發對酒蒲壺頻  
爲客裁鳥帽呼兒正葛巾平生飛動意披豁對吾真

其二

寂寞書齋裏幽偏得自怡美花多映竹小水細通池  
丘綰曾忘返招邀屢有期論文或不媿步履過東籬

其三

田園須暫住版築不時操落景聞寒杵牆頭過濁醪  
雜花分戶映亂石閉門高試問垂綸客吾何隨汝曹

其四

簡易高人意村花不掃除日長唯鳥雀客至罷琴書  
颺藥安垂老鈔詩聽小胥由來意氣合歲晚莫情踈

其五

卜宅從茲老幽居不用名倒衣還命駕高枕笑浮生  
弟子貧原憲諸公厭禰衡看君多道氣携手日同行

其六

隱者柴門內無村眺望賒圓荷浮小葉秋竹隱疎花  
帖石防隤岸傾壺就淺沙何時一茅屋來問爾東家

其七

竹垞文集 卷十四 集杜  
床上書連屋庭中藤刺簷看君用幽意勝槩欲相兼

其八

滿目悲生事終朝有底忙世人皆欲殺詞客未能忘  
回首驅流俗過逢類楚狂吾生無倚着醜爾亦茫茫

題錢宗伯謙益文集後 集杜

海內文章伯周南太史公衣裳判白露門巷落青楓  
興與烟霞會人今出處同白頭無籍在愁坐正書空

壽姚太學 集杜

五千白頭翁經書滿腹中畏人成小築把釣待秋風

黃卷真如律清樽幸不空看君多道氣恥與萬人同

送王治暉歸四明壽母 集杜

王子思歸日潘輿送喜頻義方兼有訓詩興不無神  
鶴下雲汀近杯迎露菊新維南將獻壽更覺綠衣春

贈趙三 集杜

有美生人傑克家何妙年驂驪開道路鵬鷃在秋天  
國待賢良亟來因孝友偏平生飛動意爲爾獨相憐

晉祠唐太宗碑亭題壁 集杜

步驟深林晚春池賞不稀文章千古事社稷一戎衣  
野日荒荒白悲風稍稍飛無由覩雄略寥落壯心違

舟中 集杜

湖上留別楊二給事 集唐

石門斜日到林丘高調鳴箏緩夜愁念我能書數字  
至似君須向古人求同舟昨日何由得匹馬今朝不

少留回首可憐歌舞地心隨湖水共悠悠

得譚七表兄吉惠西陵書却寄 集杜

蝦菜忘歸范蠡船斷腸分手各風烟更爲後會知何  
地自斷此生休問天縱酒欲謀良夜醉將詩不必萬

人傳江山路遠羈離日郭外誰家負郭田

王永嘉集上留別 集杜

石田茅屋荒蒼苔黃帽青鞵歸去來欲向何門販珠

履願吹野水添金杯殊方日落玄猿哭城關秋生舊  
角哀此別應須各努力艱危深仗濟時才

題王女史畫蓮 集唐

可愛深紅間淺紅滿池荷葉動秋風繁迴謝女題詩  
筆一片西飛一片東

贈陳較書并索其畫扇二首 集唐

不將清瑟理霓裳笑倚東軒白玉床小窗紅箋書恨  
字屏風誤點感孫郎

其二

葡萄美酒夜光杯夜半高堂客未回知我憐君畫無  
有在木末

敵且將團扇暫徘徊

送祝郡守還山 集唐

紅亭綠酒送君還嫩蘂濃花滿目斑自是君身有仙  
骨偶然爲客落人間

同楊二給事飲徐給事惺舟中四首 集唐

仙侶同舟晚更移嬌歌急管雜青絲相逢苦覺人情  
好百罰深杯亦不辭

其二

山餅乳酒下青雲青翰舟中有郭君 時歌童  
翻雕玉案開箱驗取石榴囊 垂手亂



其三

風吹洲渚錦帆開  
絲管啁啾空翠來  
此曲祗應天上  
有須成一醉習池迴

其四

孤鴻落葉一扁舟  
妙舞逶迤夜未休  
但使主人能醉  
客微軀此外復何求

竹蛇文類

卷十五

古

竹蛇文類卷之十五

序一十三首

陸氏春秋三書序

春秋權衡序

春秋意林序

易輯開序

丘氏周禮定本序

五經翼序

朱文公文抄序

遜志齋文抄序

王文成公文抄序

高太常齋庵遺稿序

喬御史讀書劄記序

黃先生遺文序

授經圖序

陸氏春秋三書序

竹蛇文類

卷十五

一

唐丹陽王簿趙州啖助考春秋三傳短長撰集傳復  
攝綱條爲統例助卒其子異哀錄遺稿於是門人洋  
州刺史河東趙匡損益之而給事中陸淳師事匡纂  
會其文爲春秋集傳纂例十卷又撰集注春秋二十  
卷微旨三卷辨疑七卷集注自元已亡而纂例及辨  
疑微旨三書延祐中從集賢學士山出之請鈐板江  
西許省魏晉以前說春秋者創通大義而已有所未  
通則沒而不說又或自亂其義自杜元凱以例釋左  
氏其說有正例變例非例之分別爲五體以尋經傳  
之微旨言春秋者宗之然猶畧而未該至三子書出

例乃大備庶乎絲麻冠履之不素其有功於春秋甚  
大淳爲韋執誼所援得侍講東宮柳子厚因執弟子  
禮歸安朱臨序是書謂子厚文章宗匠以韓退之之  
賢猶不肯高以爲師獨肯執弟子禮於陸氏以此推  
陸氏之學要之子厚之師陸氏特出於黨人一時附  
和正未足以是爲輕重也然唐人所尚者詩賦往往  
未暇究明經義陸氏獨能傳習其師說通聖人之書  
於後世其賢有過人者當其時蔡廣成以易施士句  
以詩仲子陵袁翼韋彤韋蒞以禮強蒙以論語皆自  
名其學以顯於時今其書俱不傳惟三子書僅存錢  
竹坡文集

春秋權衡序

孔子之作春秋撥亂世反諸正其好惡一出於平而  
已非若後世司馬遷陳壽有所激於中借史以泄其  
忿也顧說春秋者往往未得聖人之意煩其例苛致  
其文予者十一誅譏者十九夫有所懷也蓋有尊也  
有所貶也蓋有褒也今欲尊周而動著王室之非禮  
欲誅亂臣賊子而先責賢者備亡不越竟卽責以弑  
君不嘗樂則罪以弑父是聖人惡惡之辭長而善善  
之辭反短比之申不害衛鞅韓非而有甚焉者矣我

故於說春秋者義無多取見有刻濫之文戾乎孔子  
之旨未嘗不疾首張目焉及得朱劉仲原父春秋權  
衡讀之凡三傳有害於義者旁引曲證必權其輕重  
而別其非是以待讀者之自悟可謂善學春秋者也  
原三家之傳雖或未得其平由於尊聖人之過求聖  
人之心不得遂紛紛同異者有之要其所主皆二百  
四十年之事若胡安國之傳出言無不純理無不正  
然其文則孔子之文其事則類摭南渡君臣得失斷  
蓋因述以寓作者矣近乃舍三傳而列之學宮久之  
取士者并舍經而專主手傳是何異學易者之僅知  
竹坡文集

春秋意林序

往予與高念祖同舟至天津念祖書篋中攜劉仲原  
父春秋權衡意林凡一十九卷宋刻甚工時歲在甲  
辰七月暑未退揮汗讀之舟中未暇抄錄也旣而念  
祖隔京師二書爲有力者所得予在大同聞之頗以  
爲憾越五年潁州劉考功公誠相遇濟南揖罷亟語  
予以獲權衡爲喜問以意林則無之又五年求之清  
苑陳叅議祺公遂以權衡抄本貽予復從宛平孫侍



郎耳伯所抄得意林然後二書悉爲吾有原父在嘗  
日聲譽與廬陵歐陽子相上下暨弟貢父並以經術  
聞其說春秋尤長二書之外有春秋傳一十五卷予  
獲之書買舟中又有說例二卷文權二卷惜乎不能  
盡得也予感是書自舟中讀後幾不復遇求之十年  
乃始得焉而予之爲客不自知其已老矣南還之日  
念祖無恙尚期共讀之兼以二書聞之考功亦足以  
豪已乎甲寅十一月書

周易輯聞序

周易輯聞六卷宋趙汝樸撰取雜卦反對之義上下  
衍地文類

卷十五序

四

二篇各一十有八卦每六卦析爲一卷附文言於乾  
坤釋彖之後而繫辭說卦諸傳皆闕焉余既抄而藏  
之簡序之曰易之爲教本窮理盡性之言自周官掌  
之太卜筮人而秦以其卜筮之書未燬迄於漢孟喜  
京房焦贛之徒多藉以考驗災異而已鄭康成王象  
數王輔嗣主名理言數者或失之巫言理者或失之  
鑿往往得其偏曲而未窮其奧蘊焉考之隋經籍志  
說易凡六十九部唐四庫書目益之凡八十八部至  
宋增至二百一十三部而是書未與焉可謂詳且博  
矣迨後家守程朱之書未暇廣究諸家之說久之本

義單行并程氏傳亦輟不復覲況凡有小異朱子之  
說爲制舉所不取則見者非僅不觀將嚙而遠之惟  
恐子弟之入於目此自隋迄宋諸家之撰述日至於  
放失無存也是書晰理而兼詳夫象數援据精洽足  
以益學者之神智萬曆中周藩宗正淮南曾雕刻行  
之顧流傳者寡惜世無有重刻之者汝樸爲資政殿  
大學士天水郡公善湘之子商恭靖王元份七世孫  
善湘以儒生破李全身歷戎馬乃能注意經學六易  
藁而授之子汝樸不以世祿自矜遠游閒服玩之習  
惟遺編是輯又歸其善於親益以徵宋時經術之盛  
化俗之厚而淮南亟刻其書雖流傳已少是書寔藉  
以無失皆宗室之賢宜附著之以告後之君子讀是  
書者

丘氏周禮定本序

考工記可補冬官之闕乎曰周官三百六十多以士  
爲之若記之所云直百工焉爾矣夫王府有工有賈  
而巾車弁師追師屨人之屬府史胥徒而外咸有工  
以執事亦猶大府典絲典婦功庖人羊人馬質之各  
有其賈也賈不與士齒工顧可克司空之官乎典絲  
則頒絲矣掌皮則頒皮革矣藁人則掌六弓八矢四

考矣是則凍絲者工也而頒絲外內者考工者也函  
鮑韋裘者工也以式法頒皮革者考工者也刮摩  
攻木以爲弓矢者工也而受財於職金以齎其工書  
其等乘其事試其工等者考工者也以是推之則記  
之所載三十工鄭氏以爲司空之官非矣新昌黃氏  
度作周禮說置考工記不解至臨川俞氏廷椿復古  
編謂司空之屬分寄於五官同安丘氏暢其旨取五  
官所屬歸於冬官六屬適各得六十著爲周禮定本  
昔人皆言冬官闕一篇蓋讀此而宛如全書焉繇漢  
迄唐說經者義雖紛紛往往存其疑而不改逮宋元  
竹坡文集

卷十五

五經翼序

本

諸君子生千載之後一旦蓋正其文若朱子之孝經  
大學蔡氏之武成金氏之洪範蔡氏之雜卦傳吳氏  
之禮記以及俞氏丘氏之於周禮皆自信而不惑後  
學者莫敢議其非雖然無數君子之學識苟好奇穿  
鑿則或失之僭或失之誣殆亦難乎免矣丘氏名葵  
字吉甫隱居海嶼自號釣磯翁蓋宋人而不仕於元  
者書成時年八十餘可謂老而篤學者也

五經翼序

古之仕焉而已者歸教其鄉里尊之曰先生親之曰  
父師王者養之則曰國老乞言合語載諸傳史授教

而論說之若傳記所稱老彭老聃皆殷周之國老而  
遲任周任之言殆卽傳史之文也漢之時伏勝張蒼  
轅固博士江翁胡毋生杜子春之徒多以耆蓋教授  
弟子蓋聖人之道莫備乎經學者必老成人是師庶  
學有統而道有歸然守一家之說足以自信不足以  
析疑惟衆說畢陳紛綸之極而至一者始見故反約  
之功貴夫博學而詳說之也吏部侍郎宛平孫先生  
年八十矣好學不倦集漢以來諸儒五經序義分爲  
二十卷名曰五經翼給事中餘杭嚴公鏤板行之先  
生凡五致書命予爲序予惟經學之不明非一術矣  
竹坡文集

卷十五

五經翼序

本

自漢迄唐各以意說散而無紀其弊至于背畔貴有  
以約之此宋儒傳注所爲作也今則士守繩尺無事  
博稽至問以箋疏茫然自失則貴有以廣之先生是  
書所爲述也當萬曆中周藩宗正灌甫藏書八萬餘  
卷至黃河水決遺籍盡亡初先生知祥符縣事時從  
其孫永之借鈔諸經義後又益以私閣流傳諸書故  
多世所未見者予不學未能發明五經之蘊因述先  
生之老而好學無愧於古之致仕者以爲當世法俾  
讀其書者見傳史且及其采輯所從來蓋歷數十年  
而始成洵匪易矣嚴公亦與予善其勤學下士相等



事三老者必有五更告於先生者必及君子然則舍嚴公其誰也

### 朱文公文鈔序

陳同甫言於孝宗曰今世之儒士自以爲得正心誠意之學者皆風痺不知痛癢之人也舉一世安於君父之仇方且低頭拱手高談性命之學不知何者謂之性命乎吾嘗誦其書而悲之嗟夫言固可以若是哉及觀新安朱夫子之文其上孝宗封事感奮激烈殆有過於同甫之所云者世之人重夫子以道不以文覽其文者或以質直病之不知夫子之文原本乎道其闢二氏崇經術正人心皆非得已孟子曰予豈好辯哉予不得已也夫惟不得已而爲文斯天下之至文矣孔子筮得黃惓然有不平之色而曰黃非君子之所樂也丹滲不文白玉不雕質有餘者不受飾也其夫子之文之謂歟夫子集凡百卷生徒問答八十卷別錄十卷大約論學之書爲多而予獨取其有關時事出處者若干篇蓋非爲學者入德之資俾後之讀文者不以質直病焉而觀其風奮激烈彼同甫之書其不爲夫子言之亦可信已

### 通志齋文鈔序

有宋文獻

卷十五

序

有宋文獻

卷十五

序

孟子曰盡信書則不如無書吾於武成取二三策而已矣自昔帝王廢興之際志節之士與事功之臣所操各殊彼見殺身成仁之難往往高談受命之符借人主刑賞之權以怵天下後世明已之全軀出於不獲已蓋舊史之文多有失其實者當文皇帝靖難師入寧海方公首以縋經見悲憤激烈寧斷其舌赤其族不肯少屈史氏猶誣其叩頭以乞餘生況其他哉而傳者又載公有十族奈何之言由是文皇并其門人故友戮之死者凡八百餘人自古忠臣被禍之慘未有甚於公者然嘗攷公少以文見重於宋文憲公王忠文公及鄭貞孝先生故文憲之子仲珩忠文之子孟繼仲緒貞孝之子叔度皆與公交莫逆而叔度之弟叔美叔端仲緒之子叔豐俱受學於公自公既死朝廷嚴文字之禁而鄭氏所輯凡四五冊餘皆叔豐補完之公之文卒賴以傳然則諸君子或爲公友或在公之門當日咸不及於難吾是以知合門人故友爲十族之說亦傳之者過也宜德以遺文字之禁漸弛公文始顯行於世其間漢博大駿駁乎馳逐昌黎眉山之間至其談理之文淵懿醇正雖新安朱子不足過予嘗以爲文行如公宜從祀孔子之庭而萬

曆初詔復建文年號其時在廷之臣無有以是請於上者可嘆也嗚呼革除之事傳失其真不可盡信者多矣若刑賞錄所載茅大方妻死命之飼犬王言若是又豈臣子所當道哉此則孟平之所不取也

王文成公文鈔序

由孔子而前爲之君師者聖人繼起由孔子而後逾千載無有焉豈千載之人無一可入聖人之域者哉則儒者之過也夫伯夷之隘柳下惠之不恭孟氏以爲君子不由至論聖人則以百世之師歸之蓋生民以來未有盛於孔子其餘爲清爲任爲和道之至者

竹坡文集

卷十五

十一

統謂之聖後世儒者之論務求其全世無孔子千載無一聖人焉宜也荀卿楊雄吾無論矣唐之韓愈明聖人之學於舉世不講之時儒者猶嘗之不已以爲守道不篤致有大顛往來之書自昔言虛無清淨者宗老氏言神仙者首葛弘而孔子或問以禮或問以樂彼潮州之書果足爲韓子珩與嗚呼大道之不明釋老之言克塞乎天下幸而有講聖賢之學者其門人弟子同異之辨復紛囂不置舉同室之人日事爭鬪我道無全人無惑乎異學之日盛矣文成王先生揭良知之學投荒裔禦大敵平大難文章卓然成一

家之言傳所稱三不朽者蓋兼有之世儒講學率寓之空言先生則見諸行事者也議者或肆詆訾謂近於禪學夫弃去人倫事物之常而謂之學者禪也使禪之學能發於事業又何病乎禪也耶遂輯其文之尤者若干篇以示同好

高太常齋庵遺稿序

建文壬午靖難師入自金川門文學博士方先生孝孺以下死者不可勝記吾鄉之殉國者有若程先生本立楊先生任而太常少卿高先生遜志潔身去止官走永嘉山中是秋窮餓以死其門人翰林侍書同

竹坡文集

卷十五

十二

里蔣先生兢敝而葬之芙蓉峰北野史所載盛庸兵敗自經者誤也予嘗游永嘉登華壇青嶂諸山遙望所謂芙蓉峰者丰容窈窕出沒林表思遂攬龍湫雁宕之勝并求先生之墓拜焉而寒蕪秋兔山蹊盡塞訪之樵夫蕘豎而不可得矣嗚呼遜國之際蓋難言之當方先生杖屨經入見文皇謂曰此朕家事其然哉始於易姓則有問矣人臣之義君存與存君亡與亡當日舊君尚存援兵未解事變猶不可測至姚善王璉之師不克舉天下事始大定矣此先生拊心嘔血不欲久存也若先生者其不失古人臣之義歟先



生所著有辛丑集今軼不傳其十世孫佑鉅收輯其詩文爲尚庵遺稿二卷鏤板傳之屬序於予者以予考先生本末獨詳異夫世之捃摭失真者也

喬御史讀書劄記序

先太傅文恪公克天啟二年會試總裁官是科中式者四百人得人稱最盛寶應喬公與焉公自中書科舍人擢監察御史兵後築室柘溪之陽山衣山屨不入城府年八十有雙白鶴降於庭東南隱居之彥咸賦詩記其事叔子中書舍人曰萊字子靜與葵尊定交京師世好彌篤歲在癸丑中書君以省公歸葵尊竹垞文類 卷十五 序

卷十五 序

主

送之宣武門右期以南還時一謂公比予歸再游京師道出寶應則公已逝既而中書君同官江都汪君季月攜公讀書劄記二卷述中書君之言屬爲序葵尊不敢辭竊嘗汎觀今昔講學之儒多輕視夫出處之際問之則曰吾將行吾道也迨既致通顯初未有兼善天下之效卒之或并不能獨善其身蓋枉已未有直人者必患得患失之心盡去出處進退毅然不苟然後可以言學也公之學一主乎敬而又審夫進退出處其立論藹然不事詆訶排擊迥紛綸同異之辨微折其非顯歸於正由其資之有素而出之有本

故能遷世無悶老而益勤惟其獨善斯可兼善天下後世者與葵尊總角時公奉命巡按浙江既入境屬吏伏謁道左公首問先大傳第宅所在吏以鍾秀坊對旌蓋闔於藉袈之橋公自巷左舍車徒行百步入自門升階肅衣冠拜祠下復坦步出巷之右乃登車故吹導以行鄉之父老至今能道之則是公之平生蓋無時不敬非至暮年講學始然也汪君聞之瞿然曰是宜并書之可以愧弟子之不敬其先師者

黃先生遺文序

君子之學一於誠而已以之治心而心正以之決事而事無可疑察乎幾微禍福之萌信諸進退出處死生之際孔子曰篤信好學守死善道夫惟誠立乎中斯毅然有不可奪之節蒙難不失其正順道而死蓋雖主壁析於前而不顧刀鋸鼎鑊懲於後而視之若無物也齊之虞人招以旌不往孔子取之孟氏以爲枉已未有能直人者則聖人之所守可知已接浙而去齊不稅冕而去魯是豈肯應公山不狃佛肸之召者故曰可以止則止可以處而處孔子也顧後世躁進若楊雄之徒每援聖人以自文其過其進也不以禮其祿也非其道幾微禍福之不明進退出處死生

竹垞文類

卷十五 序

主

之未能信善道之謂何無他誠未立於中宜所守之  
易奪矣嘉定黃先生諱淳耀字蘊生別字陶菴平居  
講聖賢之學躬行而不倦崇禎十六年秋賜進士出  
身未授官歸越二年殉難以死同里門人陸元輔輯  
其詩若干卷雕刻行之又搜其遺文僅四十餘首藏  
之笥葵寧游京師元輔請序受而讀之其言和以舒  
其析理也審以辨其援據經史博而不誣所謂修辭  
立其誠者非與於是先生之歿三十年矣誦其文恍  
若覩其容而聆其聲欬信夫有道之言之入人深也  
嗚呼以先生大節如彼其學業文章又如此宜其於  
竹垞文類

卷十五

古

人少可而多恠今觀集中論學書絕去儒者黨同伐  
異之習是尤恒情之所難能也講學莫盛於宋然汴  
京臨安之陷道學諸臣以身殉國者不數見至於明  
死靖難則有若方公孝孺死闖禍則有若高公攀龍  
而山陰劉公宗周漳浦黃公道周與先生後先自靖  
咸以道學兼忠節即宋儒有未逮焉而元輔於兵戈  
倥傯之餘能集其師之遺文俾無失墜亦可謂篤信  
之君子已

授經圖序

六經大義至宋儒昌明之而始無遺憾學者守爲章

程宜也不知絕續之際漢儒爲難當日秦書既焚往  
聖遺言漸滅殆盡幸而去古未遠間得之屋壁所藏  
女子所獻老生所口述然而僅矣迄學者代興遐搜  
博攷或一人集衆是或數人成一經要其授受各有  
師承非若後人以意見爲予奪也劉歆遺書博士謂  
孝宣時廣立經文義雖相反不嫌並設與其過而廢  
之寧過而立之旨哉斯言爽潑鄭氏乃云秦焚書而  
書存諸儒窮經而經絕於是有指斥漢儒跡其同異  
紛紜爲詆訶所自起豈知前聖未墜盡信非也概疑  
之亦非也六經之義如江湖日月無所不該解之者  
竹垞文類

卷十五

主

惟其不肯於經斯已爾而又何同焉夾潑之言過矣  
授經諸圖見於章氏考索明西亭宗正復加釐定并  
採諸儒言行列爲小傳由是師友淵源燦如指掌自  
漢以後晨星相望專家雖不逮漢儒而亦多有繼承  
惜其未暇補入然傳注義疏序解辨問諸條犁然各  
具於圖之左方覽者因目以求其書則得矣是集未  
經鏤板黃徵君俞邵向藏寫本龔主事蒨圃高舍人  
藩人刻之白下世之師心黨同薄前賢爲不足法者  
庶幾知所返也然則漢儒洵有功於六經而爲功於  
漢儒者三子又將與西亭並傳也夫



竹垞文類卷之十六

序一十六首

九歌草堂詩序

王禮部詩序

錢舍人詩序

程職方詩集序

葉指揮詩序

丁武選詩序

陳叟詩序

高舍人詩集序

嚴蓀友秋水集序

王築夫白田集序

朱人遠西山詩序

鍾廣漢遺詩序

王考功遺集序

清風集序

感舊集序

燕飛吟序

竹垞文類

卷十六

九歌草堂詩序

王者之迹熄而詩亡非詩亡也古者太師陳詩以觀民風記曰詩言其志也又曰志之所至詩亦至焉王迹熄而列國之風不陳於太師矣詩之所由亡不因民志之日以亂歟騷也者繼詩而言志者也彼其疾世俗則曰寧溘死以流亡哀南戶之莫知下女可詒則曰及少康之末家恐高辛之先我其思也近於淫其怨謫也幾於怒而劉安司馬遷謂其志潔其行廉其稱物芳兼國風小雅之義可以爭光日月是豈僅稱其文字之工哉亦推其志焉爾矣予友屈翁山爲

三閭大夫之裔其所爲詩多憤懣之言慨然自拔於

塵垢之表蓋自二十年來煩冤流落至逃於佛老之

門復自悔而歸於儒辭鄉中跡塞上走馬射生縱博

飲酒其儻蕩不羈往往爲世俗所嘲笑予以爲皆合

乎三閭之志者也嗟夫三閭倬楚之將亡不欲自同

於泥濁其歷九州去故都登高望遠游仙思美人之

辭僅寄之空言而翁山自荆楚吳越燕齊秦晉之鄉

遺墟廢壘靡不畢涕過之其憔悴枯槁宜有甚焉者

然三閭當日方歎恨國人之莫知今海內之士無不

知有翁山者則所遇又各有幸不幸焉嗚呼難言矣

竹垞文類

卷十六

二

翁山歸自雁門將築室南海之濱題曰九歌草堂而先以名其詩集予與翁山相遇南海嗣是往來吳越十年之間凡所與詩歌酒讌者今已零落殆盡至寘於國殤山鬼之林散棄原塋翁山弔以幽渺悽戾之音彷彿乎九歌之旨世徒歎其文字之工而不知其志之可憫也予故序之以告後之君子誦翁山之詩者當推其志焉

王禮部詩序

龔尊幼而學詩竊願望見作者之林甲申以後屏居田野不求自見於當世顧思得海內善詩之家其辭

之工可以出入風雅必傳於後無疑者而與之游庶幾或附之以傳焉蓋自十餘年來南浮滇桂東達汝濟西北極於汾晉雲朔之間其所交類皆幽憂失志之士誦其歌詩往往憤時嫉俗多離騷變雅之體則其辭雖工世莫或傳焉其達而仕者又多困於判牘未暇就必傳之業間或肆志風雅率求名位相埒者互爲標榜不復商確於布衣之賤信夫傳者之難其人而欲附之以傳者又難也今年秋遇新城王先生貽上於京師與予論詩人流別其言悉合示以贈予一章蓋交深於把臂之前而情洽於布衣之好先生

竹垞文集

卷十 不序

三

之於詩洵乎其辭之工矣爰出壬寅以後所作雕刻行之而屬予爲序予惟四始之義言之一國爲風言之天下爲雅方先生成進士而官揚州也其於秋柳寄情之篇香奩唱和之集與夫歲暮懷人之作吟咏情性一皆風人之遺今入爲禮部頻年以來行邁之光華山川之游歷兄弟之急難而不失其愛朋友之宴樂而勞之以言非所謂出乎風而入乎雅者與然則先生之詩其必傳於後無疑而予之欲附以傳者不可謂無其人矣伐木之詩曰嘒其鳴矣求其友聲大鳴鳥既遷于喬木而必下呼其友先生之交游滿

天下顧獨有取於予之一言是亦小雅之義也

錢舍人詩序

緣情以爲詩詩之所由作其情之不容已者乎夫其感春而思遇秋而悲蘊於中者深斯出之也善長言之不見其多約言之不見其不足情之摯者詩未有不工者也後之稱詩者或漫無所感於中取古人之聲律字句而規倣之必求其合好奇之士則又務離乎古人以自鳴其異均之爲詩未有無情之言可以傳後者也惟本乎自得者其詩乃可傳焉蓋古人多矣吾辭之工者未有不合乎古人非先求合古人而

竹垞文集

卷十 不序

四

後工也中書舍人華亭錢君芳標字葆汾於學無不博尤工於詩集平居所作鏤板以行而屬予爲序予反覆誦之其辭雅以醇其志廉以潔其言情也綺麗而不佻信夫情之摯而一本乎自得者歟華亭自陳先生子龍倡爲華縉之體海內稱焉二十年來鄉曲效之者往往模其形似而遺其神明善言詩者從而厭薄之以爲不足傳由其言之無情而非自得者也若君者庶其可傳於後矣爲之序豈惟以質之君將俟後之覽君詩者亦或有取於予言云爾

程職方詩集序



詩三百五篇自周召而下作者名氏多不傳見於序  
者衛之武公召穆公凡伯芮伯蘇公家父寺人孟子  
率皆憂譏刺時之言而和平之音相寡仍叔之於周  
史克之於魯僅有頌美其君之辭而未言其志故詩  
之盛無若尹吉甫彼其人既有文武之才而又樂於  
取友韓侯申伯召伯仲山甫張仲咸與同志來歸有  
飲御之權出祖有贈行之作人得其言以爲重已亦  
不讓其美讀崧高烝民之卒章君子未謂其言之夸  
也職方郎中南海程君周量好爲歌詩與予定交嶺  
表中間聚散十有五年每一相見輒出其新詩累百  
竹垞文類 卷十六 序 五

葉指揮詩序

王制九州千七百七十三國諸侯之附庸不與然得

列於詩者自二南邠及王風外僅十有一國而已夫  
以邶鄘曹桮之微不遺輶軒之采况疆域之大焉者  
乎彼其國人豈無感於心而宣於言永歌嗟歎以賦  
其事然皆置而不傳何也傳曰若以水濟水誰能食  
之琴瑟之專一誰能聽之殆或所操類隣國之音所  
沿者前人體制則言不由中膠固而不知變變而不  
能成方斯則可以無取司馬遷謂古詩本三千餘篇  
孔子去其重複取三百有五其信矣夫自後變而爲  
騷爲樂府爲五言爲七言爲六言爲律爲長律爲絕  
句降而爲詞爲北曲爲南曲作之者恒慮其同則變  
竹垞文類 卷十六 序 六

變而其體已窮則不得不復趨於古譬之冶金者必  
異其齊改煎而不耗斯其爲器新而無窮敝盡而無  
惡故正考父奚斯之頌不同乎周景差宋玉之辭不  
同乎屈平孟郊劉叉盧仝李賀詩不必盡學退之張  
晁秦黃詞不必盡師蘇氏此其人皆以雷同勦說爲  
耻視其力之所變莫肯附和不知者斤斤操葭黍圭  
臬以繩其非是欲其泯出於一母乃謬論與三十年  
來海內談詩者每過於規倣古人又或隨聲逐影趨

當世之好於是已之性情汨焉不出惟吾里之詩音  
響雖合取而繹之則人各一家作者不期其同論者

不斥其異不爲風會所移附入四方之流派惜夫工之者類多山澤憔悴之士不及汲於名譽或不能盡傳又或傳之不遠則一人之言無以久下歲在丙辰遇葉君并叔於京師誦其詩清而婉麗而不靡戔削而無刻劃之迹至於友朋山水之流連唱歎而不已庶幾發乎情止於禮義可以久而風上者與君前知登封縣事入爲西城兵馬指揮與尚書郎以下善詩者九人合刻其集以行比而觀之若金錫之各異其齊不同夫琴瑟之專一可謂善變古人者矣君雖家於楚實予里人也乃爲序之以質當世論竹垞文類 卷十六 序 七

丁武選詩集序

閩自十才子以詩名而高廷禮集唐人之作別其源流嚴其聲格若圭景籥黍之無爽當是時吳有北郭十子粵有南園五先生名譽實相頡頏其後吳中之詩屢變而閩粵獨未之改梁公實名列七子詩猶循南園遺調鄭繼之規法李獻吉曹能始與景陵二子游倡和甚密今讀其詩所操益依然土風也三十年來海內譚詩者知嫉景陵邪說顧仍取法於廷禮比復厭唐人之規幅爭以宋爲師夫惟博觀漢魏六代

之詩然後可以言唐學唐人而其體然後可以言宋彼目不覩全唐人之詩輒隨響附影未知正而先言變高詡宋人詆唐爲不足師必曰離之始工吾未信其持論之平也武選郎中晉江丁君雁水分司通惠之河暇彙其所作爲問山集讀其詩直者不伉綺者不靡約言之而可思長言之而可歌斯善學唐人者矣今夫離支之爲樹相其柯葉無以大異于凡木也當其薰風被朱實垂問其種以百數雖下者亦可敵四方之珍果焉况夫凝冰挂綠種之尤美者乎顧吳越誇以楊梅燕齊誇以頻婆之果閩粵之知味者將竹垞文類 卷十六 序 八

陳叟詩集序

詩以言志者也中有欲言縱吾意言之連章累牘而不厭其多無可言則經年踰月置勿作焉也可詩三百有五爲嘉爲美爲規爲刺爲誨爲戒皆出乎人心有不客已於言者言之非有強之者而後言也後世君臣譙游輒命賦詩記事於心本無欲言但迫於制詔爲之故其辭多近於強勉若學士大夫用之贈酬



餞送則以代儀物而已甚至以之置科目取士限之以韻其所言者初未嘗出乎中心所欲而又衡得失於中冀逢迎人之所好以是而稱之曰詩未見其可矣故夫作詩者必先纏綿排側於中然後寄之吟詠以宣其心志言之工可以示同好垂來世卽有未工亦足爲怡悅性情之助不以人之愛惡而移不因人之驅使而出則學士大夫或不若布衣之自適游覽之頃從吾意之所如而言之不倦此詠歌之樂至於足之蹈之手之舞之而未已也錢塘陳叟游於燕集舟行所作詩多至百首誦其辭莫不有欣然自得之趣而不爲風格所限蓋言發乎中故志之所至詩亦至焉其視世之驅使而出者遠矣予故序之而語以古詩人之旨若此

### 高舍人詩集序

詩之爲教其義風賦比興雅頌其旨興觀羣怨其辭嘉美規誨戒刺其事經夫婦成孝敬厚人倫美教化移風俗其效至於動天地感鬼神惟蘊諸心也正斯百物盪於外而不遷發爲歌詠無趨數教辟燕醴之音故誦詩者必先論其人記曰寬而靜柔而正者宜歌頌廣大而靜疏達而信者宜歌大雅恭儉而好禮

竹垞文類

卷十六

九

者宜歌小雅正直而靜廉而謙者宜歌風凡可受詩人之目者類皆溫柔敦厚而不愚者也詩三千篇孔子存其三百匪僅取其辭之工而已蓋必審論其人故小雅之材七十四大雅之材三十一自周召而下詩人之見於序者莫非君子疎遠及譚之大夫賤至寺人孟子好惡一山於正其存者若是則所刪者非以其辭之未工去之殆考其人而去其詩者多也迨至陳靈以後是非之不公淆於視聽觀民風者於其所不當陳者陳之防邪之訓無聞誣善之人日衆作爲詩篇豈盡無工於古者特其人有可疵則惟有棄竹垞文類

卷十六

十

### 嚴蓀友秋水集序

錫山之泉居水晶第二自楊子中冷水莫得其真而衆水皆出是泉之下縣治萬家負郭之壓相比富者飾樓榭亭池以恣游衍士雖貧山茨水檻亦必有竹樹交映清江淡池演漾門戶之外其人多簡秀自好

所爲詩文每以真意取勝無凌厲叫囂之習信夫山水之足以益人情性也處士嚴蓀友生於其鄉以工詩聞書畫兼臻其妙來游京師公卿薦紳爭爲矜譽予特愛其古文辭澹然而平盎然而和雍容紆裕而不迫庶幾可入古人之域視世之鏤琢字句以眩人耳目者遠矣蓀友聞予言欲然不足旣而曰子曷爲我序之曰子之以秋水名集也何所取諸取諸有源也與源之見於地也下則湧而爲濫上則縣而爲沃仄者洑旋者過辨順道而行空明而不滯小波淪大波瀾石激之而鳴風盪之而怒雷霆車馬神物恍惚

竹垞文類

卷十六

序

水豈有意爲奇變哉決之不得不趨鼓之不得不作亦隨所遇而已文之有源者無畔于經無窒于理本乎自得抒中心所欲言固不在襲古人以求同離古人以自異也蓀友其可與言文也矣譬諸水近乎海則鹹近乎鹵則苦其者爲醴濁者爲膠火可以然而湯可以浴夫人皆能辨之至授以茗荈別其上下析及苗髮之微則必山林寂寞之士若陸羽者而後知之蓀友無取乎公卿薦紳之言獨命予爲序其有意也夫

王築夫白田集序

文章之敝患在亟見其才亟見其才者其學有未克也善文者足以達其辭而已易曰修辭立其誠故惟克實而後光輝乃見義之至則辭無不工彼意在求工而後爲之誠之不立雖屢變其體以徇於人吾見其僞焉耳矣夫太常之樂不在悅耳聽之者恐卧然以奏之園丘方丘則天神地祇可得而致若夫跳丸嫋索掉險竿誼鼓笛一時視聽鮮不惑焉試之再三則索然意盡無他出之也僞斯其聲談易滅也長安王築夫學古文四十年立言淳質若惟恐其辭之工者由是與時進老而益窮其言曰今之爲古文者僞竹垞文類

卷十六

序

朱人遠西山詩序

自居庸折而南連峰出沒者百數以其在都城右合名之曰西山游者或徒或騎各隨所適故歷境往往不同能文之士輒爲賦詩記事蓋非以衒其才而山水之勝足以移人情者言之不能已也去年春予與同里李武曾吳江潘次耕上海蔡竹濤游是山樂之留四日得賦詩銘記四十餘首遂題名於壁旣而予



客揚州武曾入於黔次啡竹濤相繼游晉未幾竹濤  
客死交城比再至京師讀王郎中貽上及其兄考功  
子底西山記游集觀予題壁因賦詩見懷於時貽上  
使蜀考功去官同之同游死喪睽隔既不得見卽後  
子游若兩王君者風流雲散於四方回憶壁間題字  
日憑沒於沙塵石溜漸不可辨識游人且視爲陳跡  
予亦不自知衰老之相尋也已海寧朱人遠以歲之  
八月游西山命予序所作詩 塵境先後不同而詩  
之工則與向時同游三子無以別也人遠善游嘗自  
溪江泝荆門入蜀往還數萬里猿猴之所棲巖嶽之  
竹垞文類 卷十六 序 主

鍾廣漢遺詩序

秀水朱藝尊序其亡友鍾淵映廣漢之詩曰嗚呼廣  
漢之亡才者釋所忌不才者去所怨而予心之悲不  
自知其泫然流涕之無已也廣漢在吾黨年最少所  
爲詩文橫絕時人其論駁援據古昔雖老儒鉅公莫  
能難居恒遇人勝已者執禮法甚恭至不如已者或

終日不與語以是鄉曲之士嫉之而仇然如予  
廣漢不及遠甚而與之交十年未目其倨祇見  
其恭也自予歸自永嘉廣漢已病猶力購文史晝夜  
編纂期予共注五代史記既而予游大同轉客太原  
廣漢遺予書數百言謂五代之主其三皆起晉陽最  
劉昫三世固守其地思覽其廢墟考其遺跡未幾  
避京師將出居庸之關病復作比予至自京師則廣  
漢已三尸歸喪且旬餘矣廣漢喪既歸其平生  
廣漢無忤者先刻其詩以行予留京師與譚七舍  
八兄舟石復集其古今詩得二卷較之先刻者去取  
竹垞文類 卷十六 序 主  
略異蓋其存者未必皆其稱意之作而是集則卓然  
可傳雖忘者怨者見之亦從而稱善也嗚呼後有作  
者取廣漢之詩誦之其和平醇雅可想見其爲人益  
以信予言之足悲也已

王考功遺集序

詩自刪後亡其辭六篇惜也南陔白華孝子之詩居  
其二也既又思之子之獲侍庭闈定省之文晨羞夕  
膳之節豐儉雖殊承志則一斯其言爲人之所同二  
詩雖亡其義可以意得若夫色養有違斯境以人殊  
出是陟岵則嗟其遠汝墳則迫於近鴇羽悲於下四

壯論於上北山思養四月思祭已爲人世可矜之事  
至於親公不得見則天下之慘莫甚於是此蓼莪之  
痛以爲不如死之外也當其已反於家而哀思益甚  
故曰出則銜恤入則靡至又曰民莫不穀我獨不卒  
此其時尚貪食息以自全哉乃或泥毀瘠而病君子  
勿爲之說以繩當世之執親喪者嗟乎使蓼莪之孝  
子作詩之後而死則孔子必不以滅性非之而仍錄  
其詩可信也新城王先生子底以吏部考功郎中被  
謫喜溢顏面將歸養其親而母夫人逝先生辟踊而  
哭水漿不入口三日既歸血漬於繆幕之上夜不解

竹垞文類

卷十六

五

經蟻蝨盡生蓋未練而卒於是鄉人私諡之曰節孝  
先生既歿四年其弟戶部君阮亭輯其所遺詩文爲  
爲若干卷屬藝尊序之先生詩空明超遠初誦之若  
淺易諷詠數過而旨愈深其文條暢芊蔚羽翼經傳  
益言出乎肺腑而辭無雕繪至告母文三篇哀動頑  
豔尤卓然可傳無疑也藝尊以貧故遊四方先舍人  
之喪踰月而奔未祥而復出舍聖廬而逆旅繩屨要  
經僕僕於途道而靡所止息藝尊之不孝是豈足以  
先生之 或惟是行役而喪其親所遭之慘則與  
先生同之 感蓼莪作詩者之義乃因戶部君所請

論次之如此

清風集序

武進毛子霞集海內詩人投贈之作題曰清風集刻  
之太原其友秀水朱藝尊序之曰自埤風廢於太師  
詩之爲教世儒鄙爲小技輟置不錄故魏晉而降傳  
者率多學士大夫從游應詔之作至窮閭漏屋之士  
蓋千百而存其十一焉其或藉友朋之蒐輯往往得  
附見於世若今所傳篋中諸集是已五常之目君臣  
父子兄弟夫婦四者皆命之自天一定而不可強獨  
朋友之交取之在我逢時利達既可致攬環結綬之  
竹垞文類 卷十六 五  
好卽不遇于時偃蹇失志而擔簦戴笠賣漿鼓刀擊  
筑之徒意氣相洽反或過焉蓋自少壯以至頽老自  
隣比鄉曲以達天壤山林朝市恣其所求而不爲之  
限故言天下之至樂莫朋友若也雖然人之聚散無  
常死生契闊有非吾意之所期者類弁之詩旣見君  
子友當悅懌之時乃曰死喪無日無幾相見而申伯  
之人謝仲山甫之祖齊則得吉甫之詩以爲榮信夫  
嘉會之不可數得而同心之言尤古人所重也予寄  
跡草野高堂違魚菽之歡兄弟有鵲鵲之痛入門則  
婦子交謫不休舉四者之樂無一得焉惟是奔走道



路通都廣邑山祖水涯獲從賢豪長者之後琴歌酒  
坐記憶平生相知贈酬之作略與子霞相等而比年  
以來零落過半追思往事恍若夢寐求其斷緒遺墨  
或邈不可得然後知子霞是編爲不可廢也子霞長  
予更一十七年自閩粵江楚以達於晉其舊游之感  
宜有甚於予者聞予之言得毋有愴然不能自己者  
乎

### 感舊集序

見新而遺舊者人之情也然時方日趨於新未必盡  
懷舊意所存往往不若山於舊者之無敝則新者反  
竹垞又類 卷十六 序 主  
陳而舊者祇覺其可慕焉茲尊兒時見先王父母治  
酒食燕賓客磁盆多宣德成化款識近亦嘉靖年物  
酒杯則畫芳草關鷄其上謂之鷄缸至萬曆室所製  
至或下勞僕從見聞所習無足異也既遭兵火往時  
之栝櫟盡失而景德鎮近日磁盆頗極精巧或謂可  
勝曩昔惟有識者輒以爲不然蓋嘗以月之朔望觀  
於京師慈仁寺比日中天下之貨咸集貴人入市見  
陳磁盆爭視之萬曆室一器索白金數兩而宣德成  
化款識者倍徙焉至于鷄缸非白金五鎰市之不可  
有力者購之不少惜既得之惟有咨嗟歎賞而已是

可取以喻天下之才焉少日所見先人之執友往來  
譚藝先人退語藝尊曰其蓋博通六經二十一史者  
也其蓋讀書萬卷者也及年二十餘漸識海內知名  
士酒間賦詩贈酬唱和不乏叩其學年齒均者恒不  
若父事兄事之人輒尋常視之今年且半百眼睛髮  
白歷游燕晉齊魯吳楚閩粵之交始覺後生足畏益  
遜三十年前生才之盛轉戀舊游之可懷則唱和之  
篇贈酬之作蓋已零落無存矣新城王先生阮亭以  
詩名天下久於學無所不博其交友較予尤廣感時  
懷舊雖平生故人詩存殘兼錄凡五百餘首而以哲  
弟之詩爲最 卷十六 序 太  
見考功於焉入是集者山澤樵悴之士居多故背予  
在識止詩或往日所見謂爲無足異茲諷詠之而信  
其可值傳之更久後之咨嗟歎賞宜何如矣或曰先  
生仕爲郎一時巖廊翰苑朝會燕喜應制投贈之作  
咸樂得先生甄綜之顧寥寥數人外多置而不收何  
居曰獨不覩夫市磁盆者耶黃者縹者碧者百子圖  
者龍文五采者皆昔日皇居帝室之所尚也而有識  
者莫或顧焉然則先生亦取夫芳草蘭離之酒缸足  
以傳乎後斯已爾

### 燕飛吟序

燕飛吟者宛平劉先生增美傷逝而作也予在濟南  
見先生事太夫人甚謹雖判牘糾紛晨暮必問安者  
再其居喪毀瘠寧過於禮無不及焉觀集中句有云  
節情但恐傷吾母於此驗文生於情非本乎天性者  
不能工也古之傷逝者非一若孫楚江淹沈約之徒  
皆善言情者尤必以潘岳爲最岳爲閒居賦勤勤以  
膝下色養爲念故其辭曰壽觴舉慈顏和人生安樂  
孰知其他及爲哀永逝文則云慈姑兮垂衿非特情  
緣夫伉儷之重而已可謂哀樂不失其正而本乎  
性有獨異于人者存也推予之言以誦先生之  
竹垞文類 卷十六 序 九  
何不及古人之有

竹垞文類卷之十七

序一十四首

樂府補題序

果蝶齋詩餘序

陳緯雲紅鹽詞序

宋院判詞序

李分虎未遑詞序

蔣京少梧月詞序

送曾處士還寧都序

蘇經廣義序

咸應篇集註序

葛氏印譜序

贈筆工錢叟序

贈顧銘序

贈汪叟序

劉氏旌譜序

樂府補題序

竹垞文類

卷十七 序

樂府補題一卷嘗熟吳氏抄白本休寧汪晉賢購之  
長興藏書家余愛而亟錄之攜至京師宜興蔣京小  
好倚聲爲長短句讀之賞擊不已遂鏤板以傳按集  
中作者唐玉潛氏以擢官改殯義聲著聞周公謹氏  
寓居西吳自稱弁陽老人而武林遺事題曰泗水潛  
夫者研北雜志謂卽公謹仇仁近氏詩載月泉吟社  
中張叔夏氏詞序爲鄭所南氏作王聖與氏先叔夏  
卒叔夏爲題集釋其詞殆嘗仕宋爲翰林其餘雖無  
行事可考大率皆宋末隱君子也誦其詞可以觀志  
意所存雖有山林友朋之娛而身世之感別有凄然



言外者其騷人橘頌之遺音乎度諸君子在當日唱和之篇必不止此亦必有序以志歲月惜今皆逸矣幸而是編僅存不爲蟬蝕鼠齧經四百年藉二子之功得復流播於世詞章之傳不傳蓋亦有數焉

### 黑蝶齋詩餘序

詞莫善于姜夔宗之者張輯盧祖臯史達祖吳文英蔣捷王沂孫張炎周密陳允平張翥楊基皆具夔之一體基之後得其門者寡矣其惟吾友沈覃九乎覃九鮮交游故無先達之譽又所作詞不多人或見其一二輒忽之然其黑蝶齋詞一卷可謂學姜氏而得其神明者矣白石詞凡五卷世已無傳傳者惟中興絕妙詞選所錄僅數十首耳今覃九年方壯爲之日久其篇章必數倍於姜氏盡出以示人人未有不好之者序其端竊自喜屬和之有人并以見予賞音之獨早也

### 陳緯雲紅鹽詞序

宣興陳其年詩餘妙絕天下今之作者雖多莫有過焉者也其弟緯雲繼之撰紅鹽詞三卷含宮咀商騷騷乎小絃大絃迭奏而不失其倫噫盛矣其年與予別二十年往來梁宋間嘗再至京師一過長水謂當

竹垞文集

卷十七 序

二

竹垞文集

卷十七 序

三

相見矣竟不值而緯雲留滯京師久予至輒相見極譚譚贈酬之樂因得詢其年近時情狀三人者坎坷略相似也方予與其年交及日子未解作詞其年亦未以詞鳴不數年而烏絲詞出題之又久予所作亦漸多然世無好之者獨其年兄弟稱善人情愛其所近大抵然矣詞雖小技昔之通儒鉅公往往爲之蓋有詩所難言者委曲倚之於聲其辭愈微而其旨益遠善言詞者假閨房兒女子之言通之於離騷變雅之義此尤不得志於時者所宜寄情焉耳緯雲之詞原本花間一洗草堂之習其於京師風土人物之勝

### 宋院判詞序

商丘宋之南京也東都盛時山汴水浮舟達通津門三百里而近車徒之聲互冠蓋之絡繹妖童光妓自露臺瓦市而至樂府之流傳朝倚聲而夕勾隊於瑤碧堂上蓋流風雖遠遺響宜有傳者故言詞之學若燕函秦廬夫人而能之者也然自金源變而後則

中州言韻者四聲乃去其一按以大晟之律呂不能無誤生於是土者又必游覽四方交友之往來審音於南北清濁之辨用心專一而後可無憾焉理藩院判宋君牧仲個儻好結客其談論古今衮衮不倦至爲長短句虛懷討論一字未安輒歷繙古人體製按其聲之清濁必盡善乃已故其所作咸可上擬北宋雖東南以詞名者或有遜焉不觀夫函乎必先爲容乃以制華權其上下旅衣之始可無斷至於廬摩鋼矣又置而搖之使其無端矣諸牆以砥其橈之均橫而搖之以砥其勁蓋專且審如是然後謂之國工則竹垞文類 卷十七 序 四

李分虎未邊詞序

二十年來詩人多寓聲爲詞吾里若右吉庾清青士山子武曾咸先予爲之者也逮予客大同與曹使君秋岳相倡和其後所作日多謬爲四方所許然自諸子外鄉黨之論或不爾也使君既歸倦圃李子分虎時時過從相與論詞其後分虎游屐所向南朔萬里詞帙之富不減予曩日殆善學北宋者頃復示予近藁益精研於南宋諸名家蓋分虎之詞愈變而極工方之武曾無異填篋之迭和也今海內甄綜人物輒

數吾鄉三李惟斯年獨不以詞鳴比聞自懷寧轉客長洲江左固多詞人蓀友子山其年葆粉其詞皆與南北宋方駕斯年當必見獵而喜然則三李之詞庶其可繼花萼成集南歸之日將并序之

蔣京少梧月詞序

宜興山有小蘭大蘭碧雲紫雲之峯白鶴之洞澤有荆陽菴畫百瀆之水茶檣酒幔與朱藤翠竹交映陶旋之器走他縣自昔遠驚之流咸思棲伏杜牧之留營水榭蘇子瞻思種橘三百本買田以居豈非林麓之勝有發人吟咏性情者與蓀尊家長水四望無山竹垞文類 卷十七 序 五

盪泉飛瀑之音不入於耳近宅田磽確遇歲旱輒不登比年客白下思入茅山爲道士著書以老願未果翻策柴車入京師風塵蓬勃懷山水之樂益有夢寐不能釋者吾友陳其年偕里人蔣京少訪予僧舍其年別久出其詞多至三千餘而京少所刻梧月詞凡二百四十餘闕穠而不靡直而不俚婉曲而不晦庶幾可嗣古人之逸響京少年甫二十耳爲之不已必至於三千無疑也當牧之子瞻時不聞陽羨有賓朋之娛猶思卜築於是假令遇才若二子者唱酬和答於其間則其移家之謀更不俟終日焉可信也京少



歸爲我度百畝之田陰崖可植藤竹陽坡可以種植  
開門山可望沿溪舟可挈游可以亭憩可以閣茶有  
鉤而羹有勺三絃之箏雙髻之伎相與按四聲二十  
八調於酒邊花外京少其許我乎河水待泮放溜而  
南姑置茅山道士勿爲已

送曾處士還寧都序

曾得姓以國魯襄公六年莒人滅鄆傳春秋者曰非  
滅也其後昭公四年取鄆傳曰滅之方鄆世子巫奔  
魯爲襄公者宜同盟以正莒之罪則莒不敢遽立其  
出乃反率諸侯會鄆人于戚何哉及去疾立不能撫  
竹垞文類 卷十七 序 六

鄆鄆叛而來魯之君臣常納至于鄆矣又利而取之  
是則鄆視魯仇也故曾嘗佯狂不仕舞雩沂水之言  
殆有託而然與子與善繼其志寧仕於莒不受魯君  
之邑比越寇武城既不甘爲魯守又不忍利人之災  
則惟有先去以自全終其身不仕於魯而已予嘗謂  
子與之孝此最養志之大者顧儒生尙論不及焉歲  
在己酉客游兗州觀乎舞雩之墟渡沂水求曾氏之  
後思以告之顧無足與言者明年至京師遇寧都曾  
青藜誦其詩清真而悽惋與之游者累月孝友之性  
溢於言論之表詢之則子與之後其譜系可考人謂

青藜既不仕進宜專心性命之學庶無忝其祖德不  
當自放於詩酒而青藜笑不應也旣而歸省其母謂  
子宜有贈言夫青藜孝子也潔白之養所以娛親心  
者竭力焉奚子與之不若吾今而昔之所欲告者出  
矣

葬經廣義序

堪輿風水之說儒者多辨其非解之者曰霜降而鍾  
鳴山崩而鍾應木華於春栗芽於室氣機之感有然  
世之君子存其言而莫之廢也蓋孝子之葬其親非  
直欲人之不得見而已必爲之測量水脉候土驗氣  
竹垞文類 卷十七 序 七

以厚死者而安其寃鬼焉故曰三月而葬必誠必信  
勿之有悔焉爾矣古之葬者家人營之墓大夫掌之  
相與辨其兆域而爲之圖將葬筮人執纘以告曰度  
茲幽宅兆基無有後艱旣井梓矣卜人共楚焯燂服  
以告曰考降無有近悔夫其致慎如是迨其後周禮  
旣廢家人墓大夫不司其職則不得不取信於葬師  
之言其人既不學專以榮利動人變亂他人之是非  
以營己之利學士大夫未暇深究其義鮮不惑焉至  
七濂水漬從而遷之其悔焉者多矣嗚呼爲人子者  
苟能審夫測量候驗之說比死者寃魄得安雖上

與福於子孫庶塋焉而可以勿悔也記曰古之人何  
爲而死其親乎夫覓魄既安矣邇者數十年遠者百  
年雖至累世之後其澤已新其骨已枯而子孫之富  
貴利達者必推之祖宗兆域之蔭此誠孝子慈孫不  
忍死其親之義也則其言庸可廢乎塋經者相傳爲  
郭景純所作傳世既久塋師欲祕其術慮人之共曉  
也遂以偽竄真故爲焚惑其文俾讀者難定其指歸  
同里吳子周瑾有憂之由是集諸家之說旁證曲據  
爲廣義三卷其說祇以避禍不計求福庶無戾乎儒  
者之言既成將謀鏤刻行之予因樂爲之序夫以塋  
竹垞文類 卷十七 序 八

感應篇集註序

浮屠老氏之學雖戾於儒者之言至其自修之勤則  
一也釋氏有因果之說道家亦有感應之篇然福善  
禍淫之原易書詩著之詳矣夫曰禍福無門惟人所  
召本閔子馬之詞吉甫之報如影隨形同孔安國尚  
書傳若其自省之嚴涕唾不敢北面夜起不敢裸露

以爲明神居焉懼或殛之庶幾合乎君子慎獨之旨  
矣夫鬼神之爲德莫備乎聖人之言自二氏之說興  
而言鬼者歸之釋氏言神者歸之老氏小人之爲不  
善其畏人之心恒不勝其畏神鬼之心故以易書詩  
喻之彼謂迂濶而莫之信易以二氏之說無不悚然  
共聽非真窮其義而樂其言無他信生於所畏也因  
其畏與信而導之則爲力也易君子之於佛老惡其  
無用於世苟有以善天下之權無戾乎儒者之旨則  
未嘗無取焉求其同歸於善而已宛平劉先生宣人  
俾工刻感應篇集註以行先生儒者也其道德文章  
竹垞文類 卷十七 序 九

葛氏印譜序

印信不始于秦也周官掌節掌守邦節貨賄用璽節  
凡通貨賄司市以璽節出入之鄭司農曰璽節印章  
如今斗檢封矣賈公彥謂漢法斗檢封其形方上有  
封檢其內有書蓋其初僅用以通商旅然魯公璽書  
見左氏春秋傳沿至戰國更三百石上皆佩之衛宏



稱秦以前民皆以金玉爲印唯其所好則匪直官印  
不始於秦也迄於漢夫人得有私印大約刻玉者十  
一冶金者十有九後人易之以石雜以象犀碑礪琥  
珀水晶之屬好奇者或以鐘鼎古文施之而秦漢之  
法漸廢官印之體屢糾其文不必盡合乎古其用也  
止以調遣文書杜姦萌而已不可施於翰墨迨時易  
代遷卽王公將帥所綰之章得其文者或未注視至  
布衣稽古之士圖書鑒賞一有私記輒摩挲鈎畫以  
之定往哲之僞真世固有朝廷馭爵之權反有時不  
及布衣稽古之士足信諸百世而下者私印其一矣

竹垞文類

卷十七

十

然不得其人往往味六書之義混大小二篆爲一易  
爲識者所訕笑其或徒攻乎石藝雖至不能傳之永  
久則稽古者又無取焉嗚呼私印之重得其人之難  
若是此予見葛氏之譜凡攻乎堅者益工深合夫秦  
漢之法獨有會於心而序之也葛氏名起字振千一  
字南廬華亭人

贈筆工錢叟序

研得一可以一生墨得一可以一歲故惟筆工爲難  
吾嘗誦黃魯直之言而是之不惟爾也羽陽銅雀香  
姜之瓦先吾數千歲陶之墨之壽亦百年爲之者不

期同時足爲吾用至于筆其人必與吾書法相習緩  
急肥瘠先入其意中然後拔穎斬幹縱吾腕之所如  
而無憾故必熟識其人而後可工之擇毫匪一羊鼠  
之鬚山雞雀雉豐狐虎僕狸猩蚺蚺狸獺麝鴨馬鹿  
之毛各呈其能自宣城諸葛氏以散卓得名蘇子瞻  
亟稱之而弋陽李展舒城張真嘉陽嚴永錢唐程奕  
歷陽柳材廣陵吳政吳說以及侍其瑛張通郎奇吳  
無至徐偃張耕老之徒往往因蘇黃諸君子之言垂  
名於後洵夫一技之善有深入人心而不可沒焉者  
已歸安近多筆工錢叟所製羊毛筆最爲得法予識

竹垞文類

卷十七

十

叟且二十年每出游輒橐置叟筆百餘自隨恒恐其  
盡持以作字蘊藉之妙不知有筆在吾手中而法度  
生焉至易以西北人及他工所爲則心不相謀毫與  
手拒爲筆所役不勝瘁劣之苦無他技穎斬幹之失  
其宜其人又不與吾書法相習故也若叟庶幾可進  
乎古筆工之列矣昔子瞻還自海外用諸葛氏筆至  
於驚歎以爲北歸喜事又言往還中吳說以筆工獨  
耐久予之贈叟以言豈惟歎其一技之善殆亦猶蘇  
子之於說也夫

贈顧銘序

寫真之肖者自閩中曾鯨外吾得四人焉錢唐謝彬  
華亭沈韶山陰徐易海鹽張遠往予盡識之今此四  
人者皆已老矣昔唐之丹青首曹將軍霸杜南贈之  
詩有曰必逢佳士亦真其老也于戈漂泊至尋常  
行路之人皆貌之夫豈得已哉鄉人顧子兼師乎謝  
氏沈氏挾藝以游於京師與予相遇於天津爲予寫  
影惟肖由吾鄉至天津舟車之程滌紆三千里自吳  
楚齊魯以達於燕其間相遇之人何限而顧子獨肯  
貌予其不以尋常行路之人視予可知也今海內畫  
手類師曾氏向之所游四人者學曾氏而有得焉者  
竹坡文類 卷十七 三

贈汪叟序

湯武周孔古之大聖人也而嵇康非之薄之韓愈之  
文至矣而劉昫訕之天下以爲賢一鄉之人曰否聽  
者從而疑之矣同調以爲工異乎已者以爲拙昧者  
從而信之矣是則毀譽之至無定者末世之文行也  
因思藝事之微有一定而不可淆者宜莫如弈方其

勝敗決乎前某也一品某也二三品較然論定有非  
毀譽之所能移既極其詣則其人雖吾所惡但可詎  
及其人終不得詎其藝之未至孔子曰不有博奕者  
乎爲之猶賢乎已故夫弈雖小數亦有可學者焉然  
藝之至者恒僅專心於是未暇究文章道德之業則  
士君子雖與游未嘗不厭薄之噫使其言行之際一  
如學弈者之心而審其得失焉不可因其人而益重  
其藝乎歟人汪叟善弈者第一品觀其貌睥然可親  
察其言藹然可聽所爲小詩詳雅而中律其寫真畫  
卷當世之鉅公才士莫不嘉獎若出一口將不特以  
竹坡文類 卷十七 三

劉氏族譜序

姓以別生分類也顧後世乃反合之合之自漢賜婁  
敬項伯爲劉氏始自漢以後帝王將相惟劉氏爲獨  
多斯緣附者日衆而譜系益繁其最著者七房彭城  
尉氏臨淮南陽廣平丹陽南華而北魏凌江將軍之



後由襄平徙河南者不與焉譜劉氏者有漢氏帝王  
譜宋譜餘若幾若晏若興若沈若復禮各著有宗譜  
雖不盡傳隋唐以前所重者門望大率皆遠引往牒  
尊之爲祖源遠則交易焚族繁則難合於九族則忽  
之於所不可知者強附而親之惑已遠陽劉氏其先  
傳是太保秉忠之後至正末有諱顯者仕爲通州安  
撫司副使洪武中授都指揮僉事封明威將軍子世  
襲其子通以軍功進指揮使封懷遠將軍賜鐵券免  
三死作鎮開原世居東寧衛惜木城十一傳而徙大  
興裔孫某抗懷有志行述其先人之訓撰族譜上下  
竹垞文類 卷十七 古

竹垞文類

卷十七

古

卷自明威將軍始譜系墳墓灼然可信京師士大夫  
見者莫不嘉歎蓋本支近斯宗族易敦家誠約斯子  
孫可守其之爲是書豈惟傳之於家殆吾黨所宜效  
法者也

竹垞文類卷之十八

記一十三首

天津衛稽古寺重修藏經閣記

大悲院記

倦圃圖記

應州木塔記

雲岡石佛記

游晉祠記

樂儉堂記

風峪石刻佛經記

游卦山記

謁文水縣卜子祠堂記

唐朱邪府君墓銘石益記

登嶧山記

澹泉記

竹垞文類

卷十八

一

天津衛稽古寺重修藏經閣記

佛之書入於中國其初四十二章耳其後盛於姚秦  
熾於梁大備於唐代興日繁幾與儒者之書相等縉  
紳學士靡然舍己所學從之而其徒復侈大其事鳩  
土木以爲之宮飾朱丹爲之楹誦焉則有拜跪坐起  
之容梵焉則有抑揚高下之節而又緇繩以襲之鐘  
鼓以宣之其所以崇奉之者靡不至自孝定皇后篤  
信其教命中使頒經藏於梵刹其徒猶慮未廣更梵  
夾爲篇籍自是經藏薄海內外所在多有嗚呼使遇  
漢明梁武又可知矣天津衛風京畿之衝城之西門

有稽古寺藏經之閣峙焉地近海多風飛沙晦冥歲未久閣圯浮屠舍光者新之千艘舟道此登焉夕陽在衣風鈴鏦然翔鳥上下爲之目曠神怡舍光語予曰凡吾材之所需非稅之入升菴之儲積之累年始成焉俾閣之頽而經藏將失也今縉紳學士誦法周孔其於六經百氏之書舊聞放失往往置勿問而州郡縣學或傾廢不治不有愧於佛氏之徒也哉浮屠之言雖非聖人所與而能崇奉其教以廢興自任若舍光者殆亦聖人之徒之所進也遂爲文以記之

大悲院記

竹垞文集

卷十八

二

孔子歿百氏之學與其最甚者楊朱墨翟治墨氏之學者至分爲三其師說之不傳豈非孟氏闢之也歟浮屠之言近乎墨者也墨之教摩頂放踵利天下爲之而獨於治喪也以薄爲其道爲浮屠者術主乎慈其始去父母昆弟捐妻子而不顧詎非忍哉昔孔子不遇於時馳驅四方若微生畝接輿荷蕢之徒交訕其後而曰吾非斯人之徒與而誰與痛哉其言也蓋吾觀於佛獨善彼所稱觀世音菩薩者推其願所至欲盡斯人而登之善其去孔氏之旨不遠而大悲菩薩者彼所謂觀世音之化身也其手目之數多至八

萬四千目必有所運手必有所執俾匠人一一肖之佛氏之教則然禪人世高結茅天津之衢夏以水冬以茗菓施往來之人而予友曹君實司武備茲土捐俸錢繼之程功庀材築室三楹題曰大悲禪院而請記於予嗟夫舉斯世之人其可惻然悲者衆矣惟泥於無所睹聞則已試游目而觀其迷途陷溺目不能周手不能援者何限此菩薩之以大悲名也而況聖人之心哉曹君勇而好文取兵以嚴而養民也惠始所謂可使治賦者也夫浮屠之言儒者疾之以其無預於世天下饑溺而不思所以救也世高用其師之

竹垞文集

卷十八

三

說獨以大悲菩薩自託則豈盡無意於斯人者哉宜曹君之樂其人而信其道也

倦圃圖記

倦圃距嘉興府治西南一里在范蠡湖之濱宋管內勸農使岳珂倦翁嘗留此著書所謂金陀坊是已地故有廢園戶部侍郎曹先生潔躬治之以爲別業聚文史其中暇則與賓客浮觴樂飲其以倦圃名者蓋取倦翁之字以自寄予嘗數游焉樂之而不能去於懷也歲癸卯先生左遷山西按察副使治大同踰明年予謁先生於塞上時方九月層冰在川積雪照耀



巖谷彌望千里勾萌盡枯無方寸之木相與語及倦  
圃山泉之深沉魚鳥之游泳蔬菜花藥之蓊鬱情景  
歷歷如目前事先生抱膝低徊者久之嗟夫故鄉之  
樂人之夢寐在予暫游者猶不能釋於懷況先  
生之寢處笑語予者哉先生之門人周君月如工  
繪事爲先生圖之爲景二十於是三人各系以詩先  
生復命予記其事予嘗覽前代園亭山水之勝往往  
藉人以傳又必圖繪之工而後傳之可久若王維之  
輞川顧瑛之玉山百世而下觀其畫圖不獨想見西  
人之高而其所與游如丘爲裴迪崔興宗下至袁華

竹垞文類

卷十八

園

于立虛熊郊館之徒覽者亦希慕之不已然則圖繪  
之作顧可少哉今先生方欲任天下之重援斯民於  
饑溺雖欲遺章組之榮息影江湖之上以遂其所好  
蓋難幾矣是倦圃之所有山泉魚鳥蔬菜花藥之樂  
先生且不得而私而予與周君翻得藉圖之圖以傳  
爲可樂也周君名之恒山東臨清人嘗爲江西參政  
罷官後遂移家江浦云

應州木塔記

軒楹臺榭廣垺複宇游觀之勝苟作非其時侈過其  
制則春秋書之太史紀之故雖王公之尊不敢輕役

其民至浮屠之宮竭天下之民力奔走恐後世莫有  
議其非者吾不知其故也彼其師以虛無寂滅爲教  
視安骸爪膚爲不足惜而崇奉其教者顧必范金以  
像之築宮室以棲之非大惑與然山川城郭必有升  
望降觀之地惟浮屠之制崇高累級出軒楹臺榭之  
表足以曠覽形勝所在登高明而遠眺望感時賦詩  
則又君子之所不廢也去應州治西北百步有釋迦  
佛塔建自遼清寧二年上下以木爲之其高三百六  
十尺州居絕塞之衝土風苦寒無良材珍木之產一  
木之運百車牛乃達蓋遼之君臣恃甲兵之武責獻

竹垞文類

卷十八

寺

納於宋金縉所入動億萬計宜當日成此不難也遼  
史載道宗即位初詔求直言亦嘗有志經國者迨乎  
晚節崇尚異教一歲飯僧至三十六萬人一日祝髮  
至三千人嗚呼侈心有漸皆是塔落之也已土人指  
余簷端大字凡八係長康二陵駐蹕時所書其一時  
游豫猶可想像得之然則登是塔者不獨盡覽山川  
城郭之勝而盛衰之故又可感也遂相與賦詩記之  
同游者三人山西按察司副使前戶部侍郎同里曹  
公溶江西布政司參政臨清周君之恒汾州推官大  
興孫君如銓而鏡子文於壁者知州事蓋州傅君登

榮也

雲岡石佛記

雲岡之寺有十建自拓跋氏今之存者特其一耳石佛大者高七十餘尺至徑尺斬山爲窟數十鑿佛數千軀架以飛閣人客大同者必游於是予嘗再往游焉觀石像之怪偉退而作記按魏志世祖用崔浩之言毀佛像造泥人銅人者門誅土木宮塔莫不畢毀及浩既戮典光和平之際爭立石像太和中四方諸寺凡六千四百七十有八延昌之季僧尼所居積至一萬三千七百二十有七剝窮而反理數然也釋

竹垞文類

卷十八

木

氏之說如蠱之中人卒不可愈良醫者擇其可治治之有疾之者見方藥不効遂剝患者之腸胃必盡殺其蟲乃止患者既死其同病之人未有不剝於醫者崔浩是已方詒遺立像其徒惟恐再毀謂木有時朽土有時崩金有時燦至覆石以室可永無泐又慮像小可鑿而去徑尺不已至數尺數尺不已必窮其力至數十尺累數百千而佛乃久存不壞使見者因像生感自謂極天下之智慮不知其陷於至愚也嗚呼周公仲尼之道感人千載之下者豈以其像哉雖然拓跋之俗習聞釋氏之說其敬信固宜非

梁武生周公仲尼之鄉而沉湎異端者比也彼十六國之君殺人若割羊豕而佛氏倡好生斷殺之旨世主信之往往少回其殘虐之習是佛像之有益於當日亦事理所有也然則君子之排擊異端尤當揆世之理亂彼持論過激豈吾道之幸歟夔州李先生者好爲古文辭素摯佛又與予同游雲岡者也遂書一通寄之

游晉祠記

晉祠者唐叔虞之祠也在太原縣西南八里其曰汾東王曰興安王者歷代之封號也祠南向其西崇山竹垞文類

卷十八

七

蔽虧山下有聖母廟東向水從堂下山經祠前又西南有泉曰難老合流分注於溝洫之下溉田千頃山海經所云懸壺之山晉水山焉是也水下流會於汾地卑於祠數丈詩言彼汾沮洳是也聖母廟不知所自始土人遇歲早有禱輒應故廟特巍奕而唐叔祠反若居其偏者隋將王威高君雅因禱雨晉祠以圖高祖是也廟南有臺駘祠子產所云汾神是也祠之東有唐太宗晉祠之銘又東五十步有宋太平興國碑環祠古木數本皆千年物酈道元謂水側有涼堂結飛梁於水上左右雜樹交蔭希見曦景是也自智



伯決此水以灌晉陽而宋太祖太宗卒用其法定北漢蓋汾水勢與太原平而晉水高山汾水之上決汾之水不足以拔城惟合二水而後城可灌也歲在丙午二月予游天龍之山道經祠下息焉逍遙石橋之上草香泉冽灌木森沉鯨魚羣游鳴鳥不已故鄉山水之勝若或睹之蓋予之爲客久矣自雲中歷太原七百里而遙黃沙從風眼昧不辨川谷桑乾滹沱亂水如沸湯無浮橋舟楫可渡馬行深淖左右不相顧雁門勾注坡陀阨隘向之所謂山水之勝者適足以增其憂愁怫鬱悲憤無聊之思已焉既至祠下乃始作地文類

卷十八

八

欣然樂其樂也由唐叔迄今三千年而臺駘者金天氏之裔歷歲更遠蓋山川清淑之境匪直游人過而樂之雖神靈窟宅亦憑依焉而不去豈非理有固然者歟爲之記不獨誌來游之歲月且以爲後之游者告也

樂儉堂記

太原劉炳請名其所居之堂予名之曰樂儉而爲文記之曰儉之爲德匪直以撙節口川飲食而已君子將收其放心必自此始夫象犀琛貝綃紵錦綺臺池僕御之盛人咸慕而趨焉及危機既觸粉華盡去

尤隨之往往退而喪其所處未有百年不易者然後知儉之能久惟其可久而樂存焉蓋我既閑其侈心天下無不足之境食之糠粃而克然置之膏脂而不潤宜其無戚戚之容而樂於中者有不能自己者矣太原唐叔之遺墟也儉唐風也請爲子歌唐蟋蟀之詩曰蟋蟀在堂歲聿其暮今我不樂日月其除憂時之易去思行樂之方也既而曰無已大康又曰好樂無荒因爲樂之一言申誠至再則仍未嘗樂也其二章曰職思其外其思可謂深矣猶未免蹶蹶也其三章曰職思其憂夫至於思其憂則其可憂者已去而祇見其可樂焉夫然後曰良士休休也此樂儉之說也今太原之俗所不足者非儉也儉而能樂者鮮矣知其樂者予試以予言告之

風峪石刻佛經記

太原縣之西五里有山曰風峪風穴存焉相傳神至則穴中肅然有聲風之所從出也愚者捧土塞穴建石佛於內環列所刻佛經凡石柱一百二十有六積歲既久爬剔居之雖好游者勿敢入焉丙午三月予率上人煥薪以入審視書法非近代所及惜皆掩其而未縱觀其全也由唐以前書卷必事傳寫甚者

編韋續竹枝蒲輯柳而浮屠之言亦惟山花貝葉綴集成文學者於時窮年筆札不能聚其百一難矣石經肇自蔡邕歲久淪缺至唐鄭覃周墀復勸於京兆後唐長興中始爲雕印舍至難而就至易由是書籍日以盛而世之學者忽其易反或束而不觀何歟豈其所謂日盛者乃其所以衰歟北朝之君臣崇奉釋氏故石刻經像在處多有子友太原傅山行平定山中誤墜崖谷見洞口石經林列與風峪等皆北齊天保間字而房山石經刻之自隋甚矣其法之精熾也今佛宮所棲少者百人多至數千人然通其旨者率以語言文字爲無用見講說佛經者往往鄙置不屑嗚呼佛之說雖戾於聖人之言要皆彼國中之先生長者也既用其法盡棄其先生長者之言果何如哉九經之文在西安府學儒者雖不能盡觀而得之者咸知愛惜至風峪所藏其徒雖繁莫有顧焉者矣是則釋氏之無人不尤甚於吾道之衰也夫傅山聞之曰然遂書以爲記

游卦山記

卦山去交城縣西北五里連峰夾礪若卦畫之相錯陰陽乖合不可端倪山以是名陋者增益其文曰萬

卦山而卦之義反以數窮矣丙午之秋予與同里包銘登是山觀唐文高李玄穆所撰碑記及貞元元和中陀羅尼石幢日將暮風雨驟作乃留宿僧舍曉起登峰以望白雲逢逢瀾漲柏谷下視城郭出沒霧中若方艦之浮於海午霽下山因書來游之歲月於壁包子歌曰繫予馬於城隅兮攬子祛於山幽徵子之書兮後之來者夫孰知予之偕游余不復和也

謁文水縣卜子祠堂記

孔氏之徒身通六藝者七十子子貢以夫子之言性與天道不可得聞而曾子以魯得之至論文學必曰

子游子夏

孔子既沒曾子之學羣弟子或未之篤信

獨以有若爲似聖人而子夏居西河西河之人亦疑之於孔子若二子者將不得爲具體者歟徐防之言曰詩書禮樂定自孔子發明章句始於子夏蓋自六經刪述之後詩易俱傳自子夏夫子又稱其可與言書儀禮則有喪服傳一篇又嘗與魏文侯言樂鄭康成謂論語爲仲弓子夏所撰特春秋之作不贊一辭夫子則曰春秋屬商其後公羊穀梁二子皆子夏之門人蓋文章可得聞者子夏無不傳之文章傳性與天道亦傳也是則子夏之功大矣而戴氏禮載曾子



之言以疑於夫子罪子夏夫曰有子之言似夫子曾子聞之子游未之恠也其不從羣弟子繼者特以事之不可耳後世拘儒泥其說於廟庭之祀黜有若而進子張又或謂西河不當專祀子夏由其過信曾子之言而未之釋也抑何其刺謬歟文水固當日西河之境也隱泉山之麓舊有子夏祠歲在丙午秋八月子獲拜祠下縱觀昔人碑記往往僅誌土木廢興及歷代封秩而已至其發明章句傳孔氏之學爲西河文教所自始顧不及焉私心竊以爲憾夫山水亭臺之勝卉木之華其有歷久不廢者游人過之尚或覽竹垞文類 卷十八 記 主

物而賦詩或題名鐫石其處况夫瞻先賢之祠宇卒無一言暢其旨其何以祛世儒之惑則後死者之過也爰綴舊聞爲記亦以見戴記所載殆非曾子之言而六經之傳子夏之功尤多報祀之義蓋匪獨西河之人宜然矣

### 唐朱邪府君墓銘石蓋記

丁未之秋自代州復至大同將次應州避雨馬神祠下前有施食臺刻石列八卦於旁又書二十八宿字心異焉俾從者覆而觀之上有篆文曰唐故汾州刺史朱邪府君墓誌銘蓋少陀之俗死焚其骨盛以石

函此則其蓋也考後唐家人傳無官汾州者惟明宗之父電嘗贈汾州刺史見冊府元龜又葬於應州其爲電墓銘無疑也史稱明宗無姓氏太祖養以爲子不知其父冒姓朱邪者久矣後明宗卽位諡其考曰孝成廟號德祖當其時祠官之守春秋之祭山陵之封土必崇執意爲人所發千載之下并石函亾之而僅存其蓋也乃言於按察副使曹公徙之於州學而爲文記之

### 登嶧山記

嶧山上下皆積石間不容趾小若拳大若堂房若鬼竹垞文類 卷十八 記 主

工所運而驚濤駭獸之突於前也山遠近草木不殖然嶧陽孤桐載在禹貢豈以其生之不易故貴之與石質巖惡游者鐫姓名於壁未及百年輒泯漫磨泐不可辨識李斯篆其不存於今宜也按詩言保有鳧繹釋者謂繹與嶧同鳧山在今嶧縣縣雖以嶧名山去縣二百里在鄒縣之南杜預以爲在鄒縣北蓋縣治之徙久矣山徑塊北無燕愁之所以是游者特少然升高遠望風檣烟浦出沒百里之外於以覽神禹之迹笑亾秦之愚足以增懷慨慷豈必林木鬱蔥臺館高下然後爲名山也耶同予登是山者四人巡撫

山東工部侍郎兼右副都御史宛平劉公芳躋增美  
公弟芳永大年河間府推官大興牛祿范式之歛人  
汪之魴于鱗登其巖者公與之魴暨予也

澹泉記

宛平劉公巡撫山東之明年於廳事西北掘土深二  
尺有泉涓涓出自穴從而濬之又二尺其廣倍焉甃  
以埽養魚百頭清可鑒髮公顧而樂之語其友朱彛  
尊曰是宜何名曰爾雅水自濟出爲澹其澹泉乎記  
之曰天下之水源激者流必清源濁者流亦濁然河  
出崑崙虛色白所渠并千七百一川色黃則衆水混  
之也航於下流者見其濁以爲河之性然彼徒竄其  
末而未窮其本則謂之濁也固宜爲政之道亦若夫  
而已吏至廉也爲之賓客者苟萌營利之心惑於視  
聽則混之者日至源之清濁流亦異焉今公既能潔  
已於上賓客咸以公之心爲心若泉之在甃纖塵有  
所不納雖極而至於大小清河而入於海無非清者  
矣公曰肯哉子其書之以告後之居是邦者

竹垞文集

卷十八記

十四

竹垞文集卷之十九

記七首

西山碧雲寺記

眞賞樓記

看竹圖記

十二硯齋記

匏齋記

白玉椀記

荷柳堂記

題名七首

橫山題名

題杭州酒樓壁

重游晉祠修禊題名

題歷下亭

西山秘魔崖題名

題福州長慶寺壁

竹垞文集

卷十九記

十一

房山北砦題名

西山碧雲寺記

西山佛寺百數多建自內官其最閎麗者曰碧雲寺  
因山下上築臺殿金碧露松栝之表其北內官墳墓  
數十鐫石爲闢窮極纖巧翁仲羊虎夾侍墓碑林列  
其文俱宰輔所製中立穹碑二具書總督東廠官旗  
魏忠賢爵秩游人每畫灰於壁作憤詈語寺僧輒塗  
去灑掃惟謹過者徒有歎息而已方忠賢擅政建生  
祠立碑者徧天下固無足責迨刑書既定執童子問  
之鮮不以黨逆爲耻見其姓名踏石破碎之惟恐不



速地僻遠無存者而茲山近在輦轂顧秉謙魏廣微  
之文大書深刻獨得不去則以忠賢雖敗而闢寺力  
護其類至其尸已戮其族已徙復樹碑立塚有非法  
禁之所能懲者然後知小人流禍未有酷於闢寺者  
也易曰君子以遠小人而嚴夫身爲宰輔其地  
不爲不峻必先假之以顏色而後小人得邀其文章  
秉謙輩不足數顧中人以上亦爲之諛墓何與浮屠  
之教背棄父母殄絕宗祀內官樂其相近捐無用之  
金錢顯爲邀福於佛陰令其徒守塚寺僧藉以衣食  
遂甘爲所愚而灑掃無廢可憫也嗚呼士君子立朝  
竹垞文集 卷十九 記

眞賞樓記

平山之堂旣成越明年中書舍人汪君季角拓堂後  
地爲樓五楹設栗主以祀歐陽永叔劉仲原父蘓子  
瞻諸君子名曰眞賞之樓蓋取諸永叔寄仲原父詩  
中語也君旣爲文勒堂隅議落成之歲月請予作斯  
樓記於是樓成又逾年矣方山陰金公將知楊州府  
事實期予適館旣而予不果往及聞堂成之日四方  
知名士會者百人多予舊好咸賦詩紀其事顧予獨

客二千里外不獲與私心竊悔且憾回憶曩時客揚  
州登堂之故址草漉數尺求頽垣斷砌所在不能辨  
識慨然長謡謂茲堂之勝殆不可復覩會幾何時而  
晴欄畫檻忽湧三城之表且有飛樓峙其後旣感廢  
興之相尋復歎賢者之必有其助也當永叔築堂時  
特出一時興會所寄然春風楊柳蓋別久而不忘子  
瞻三過其下悵仙翁之莫見至題詞快哉亭尚吟思  
此堂未已卽永叔亦感仲原父能畱其游賞之地賦  
詩遠寄是當時諸君子未嘗一日忘茲堂可知已肇  
祀焉庶其馮依而不去者與堂之廢自世人視爲游  
竹垞文集 卷十九 記

看竹園記

寧都魏叔子與予定交江都時歲在辛亥明年予將  
返秀水錢塘戴蒼爲書煙雨歸耕圖叔子適至題

卷於是叔子亦返金精之山蒼爲傳寫作看竹圖俾予作記予性癖好竹甲申後避兵田舍凡十餘徙必擇有竹之地以居其後客游大同邊障苦寒乃藝葦以代竹旣而甯山東見冶源修竹數百萬狂喜不忍去歸買宅長水上曰竹垞叔子過予言金精之峯十有二其一曰翠微易堂在其上梧桐桃李橘柚皆植獨竹不生種之自叔子始近乃連岡下上無非竹者蓋予兩人嗜好適同也珍木之產由兩葉至尋尺歲久而林始成又或萎於霜或厄於閏若夫竹苟護其本則末乃直上匪特有君子之守而已其勃然興起

竹垞文類

卷十九記

四

突怒無畏類夫豪傑之士拔泥塗而立加萬夫之上叔子居易堂讀書且二十年天下無知叔子者一旦乘扁舟下吳越海內論文者交推其能若竹之解於籜而驟千夫煙霄也文章之爲道亦猶種竹然務去其陳根疏而壅之其生也柯葉必異然則叔子毋徒恃其已學者而可矣

### 十二硯齋記

中書舍人江都汪君季角僦宅宣武門之右窮巷蕭然儲爨不繼君方病臥夢入廣庭得石硯一十二枚寤而作歌其友和之君因名其齋俾秀水朱葵尊作

記記曰聚五方之人於京師各有所營畫之云爲夜形諸夢寐寤而詢之其可告人者寡矣古昔盛時以牛羊之牧其夢可獻於天子其降也得位夢棺得錢夢穢僅自喻於心已焉舉平生無不可以告人而夢寐則有難言者吾未見其可也君子之學貴夫內得於心而不外玩夫物羅十二石於前不見其多無之不見其不足君豈惑於是與顧一身之盈虛消息通於天地感於事物蓋所好者存雖夢寐有難遺忘者悅之故言之而長言之歌且和之至以名其室焉列繫冠曰西極有人不食不衣以夢中所爲者爲寶十

竹垞文類

卷十九記

五

### 匏齋記

匏之爲物其葉苦其蔓弱其形呬然非若瓠可以燔灰可以蒞世遂以無用目之然制爲器可以象天地虛其中可以受物裁之則蠶窪之則樽則以爲笙大者巢小者和摯竿而吹則爲衆音之長匏非無用也審矣當其秋霜旣降而呬然者堅水出其前略約之不施舂舂之不設揭者涉者跖者泝澗上者泝游下者潛行而泳者正絕流而亂者咸濡首滅頂是懼試腰以浮諸水則雖江湖可以無沒其有濟於人爲功



甚鉅今刑部主事德州謝君方山取以名其齋焉君  
質直好學所爲歌詩無懦響金清玉振若笙竿之悅  
耳而悉中法度飲酒百觴不醉君之所以自託非以  
是與雖然殆有濟物之思焉夫二尺四寸之律取象  
於坎民之陷於法也如溺於淵覆獄者虛其中以服  
念則濺者可以綆山漏者可以砌塞譬置匏於河隨  
所溺而拯之車有時而濺舟有時而覆克匏之用無  
過涉之患而有供濟之功則凡經義之紛綸賓坐之  
論說得之一室而施之萬事者何莫非君之匏也於  
是其文秀水朱英尊釋匏之義廣之作記書諸壁

竹垞文集

卷十九記

本

白玉枕記

予自大同轉客太原留布政使王公官廨時歲在丙  
午客有述定陵遺事者云吳中有貴公子周姓逸其  
名家有美玉俾工治作杯玉色粹白旁有赤文九工  
琢之爲盤螭旣成裝以重錦盛之櫝將自郊關以入  
周氏子慮城圍輒石之或墜也緼布於木山女墻升  
降張讌會賓客或進曰人不目子爲周九癡乎今玉  
工乃刻盤螭九是以子爲戲也周氏子大悲太監孫  
隆聞而購以五百金進之御顯皇帝愛玩焉每夕必  
舉以飲及李自成陷京師杯流傳人間今失其處矣

公曰我所藏雖遜之然其佳者亦未相遠也予請觀  
之公乃越日具酒肴發箱筭若敦者一若匡者二若  
葵羹者一鹿羹者一若卣者三用以合盃者四若匜  
者六杯卮各五強予一一飲之予曰是烏足以擬客  
之所云公曰未也於是別發所藏玉爵一色白以周  
尺度之其崇九寸趙康王所以燕賓者也玉杯一色  
白黃螭抱其耳以脣下飲尾貫於足公之王父爲兵  
部尚書定陵之所賜也白玉枕一崇五寸濺四寸六  
分徑七寸舉以映膏燭皎若冰雪有黃黹如粟凡十  
餘綴焉獲之晉恭王府者也予狂喜連引滿遂大醉  
竹垞文集 卷十九記 七

竹垞文集

卷十九記

七

然之山滄也遂書以爲記焉公諱顯祚字湛求先世  
襄陽人其爲兵部尚書諱一鶚者始徙家廣平之曲  
周云

### 萬柳堂記

度隙地廣三十畝爲園京城東南隅聚土以爲山不  
必帖以石也捐溝以爲池不必甃以甃也短垣以綠  
之騎者可望卽其中境轉而盆瀆園無雜樹迤邐下  
上皆柳故其堂曰萬柳之堂今文華殿大學士益都  
馮公取元野雲廉公譙游舊地以名之也古大臣秉  
國政往往治園囿於都下蓋身任天下之重則慮無  
不周慮周則勞勞則宜有以佚之緩其心葆其力以  
應事機之無窮非僅資游覽燕嬉之適而已方元之  
初廉公定隴蜀還進拜中書平章政事賜宅一區暇  
同盧趙諸君子出郊置酒所謂萬柳堂者故老相傳  
在今豐臺左右當其飲酣賦詩命歌者進驟雨新荷  
之曲風流儒雅百世之下猶想見之今公彌諧盛際  
謀謨內贊坐致太平其勲業與廉公等然廉公宣撫  
隴蜀荆南威望著於方隅而公澤洽天下廉公在廷  
日少公自翰苑登政府立朝且三十年廉公畏譏憂  
譏而公一德孚於上下所遇之隆有過於昔賢者要

之勤學好士孜孜恒若不及則異代同揆宜其曠世  
有契於心也曩尊客山東時道經臨朐觀乎熏冶之  
源清泉自沙淪漣側坎之下叢竹百萬詢之則公之  
別業循階以登徑之翳者當辟石之戴土者當剔亭  
之圯者當葺公輟不治顧專力於是則以冶源公所  
獨樂而京師與天下人同其樂也入其門門者勿禁  
升其堂堂焉者勿問庶幾物我俱忘者與堂成後適  
四方人士應召至京師公傾心下交貧者爲致館病  
饋以藥喪者賻以金一時抒情述德咸歌詩頌公難  
老又慮公舍斯堂而請歸里也爭賦詠公前期公樂  
之而不去曩尊惟鄙無文獨未獲游公之門其爲斯  
堂記者譬猶山禽楚雀啁啾翠陰之交公之聽之未  
必不欣然悅於耳焉

### 橫山題名

自梅花溪達橫山十五里而近余徙居溪上凡七年  
始一至焉同游者周貧書士繆永謀於野沈進山子  
也山雖小有岡有岫有章有隆有堂有密有厓屢有  
潭有埭塞者可開爲徑高者可升爲臺其下多民居  
守望可以相助乃與三子謀結隣於是而皆無其費  
也登舟悵然聊書於壁姑以俟之異日焉歲在乙未



十月既望朱葵尊記

題杭州酒樓壁

毋輕視此樓秀水朱十南海屈五曾留此信宿後有登者作仙人黃鶴觀可也庚子九月晦日

重游晉祠飲題名

丁未三月三日永年趙湛秋水秀水朱葵尊錫鬯桐鄉孔與儁子威曲周王寬中栗修袂祠下酌難老之泉采長生之蘋網魚於淵沾桑落於市相與聚飲溪亭之上留宿朝陽之宮既且感後會之難期重念此樂之不可泯也乃縹馬於林紀同游姓氏於壁葵尊有年文類  
卷十九  
十  
記湛書

題歷下亭

庚戌五月既望汎舟蓮子湖眺北極臺時菡萏始舒熱風未甚循湖而行求七橋故址俄而雨驟至復乘舟登歷下亭與客縱飲既霽泉泠泠注亭下有魚白濺沫躍入階除童子烹以侑酒蓋客濟南二年矣乃得一醉茲亭焉

西山秘魔崖題名

秀水朱葵尊錫鬯嘉興李良季武會吳江潘耒次明上海蔡洲竹濤自翠微山來登是日疾風揚沙夕陽

在嶺僕馬憊甚相與摩挲故硯覽二龍子遺事徘徊久之後日入乃返時歲在辛亥正月九日也導予游者退谷僧瞻西

題福州長慶寺壁

長慶寺在荔枝林中樹高五六丈者凡五百餘本壬子六月偕欽人鄭理曉行城下遠望初日浮林端青紅如覆重錦既至上土人方採樹采摘納之於篋坐僧舍俟之人各啖百顆亭午飯僧厨日哺乃去世之品荔枝者不一或謂閩爲上蜀次之粵又次之或謂粵次於閩蜀最下以予論之粵中所產挂綠斯其最矣  
有年文類  
卷十九  
十  
福州佳者尚未敵嶺南之黑葉而蔡君謨譜乃云廣南州郡所出精好者僅比東閩之下等是亦鄉曲之論也書之壁用質之知味者

房山北砦題名

癸丑二月之望自上方山麓策馬折而西至北砦雙崖如門琳宮梵舍對峙左右老樹欹斜交蔭磻谷寒葉盈尺人行簌簌有聲流泉三疊鳴空山中注而爲池土人誠勿濯手濯則龍怒雷電且至緣仄徑而上鉢於僧寮遂掃壁題來游歲月同游者宛平二劉先生芳躅增美芳詰宜人涿州馮源漳子湛華亭錢伯

竹垞文類卷之二十

書十首

與李武曾論文書

與查輯荒書

與高念祖論詩書

報友人書

與顧寧人書

報汪茗文戶部書

報周青士書

荅孫侍郎書

與越辰六書

與魏善伯書

與李武曾論文書

僕自季夏與武曾別舟行無事每誦武曾送行之文雖未即方駕乎古人其於今之爲古文辭者固已不

竹垞文類

卷二十

一

侔矣日月遄邁別復半載知武曾近所造就當有十倍曩昔者然僕竊感古之君子往往以離羣索居爲過蓋切劘者寡則怠心乘之又恐武曾以僕之去復置古文於不講也故輒陳近日所得冀武曾垂聽焉僕之將游大同也筮之得明夸之既濟文曰箕子之明夸利貞私念昔之聖賢文明柔順蒙難而克正其志以之用晦而明天殆欲嗇我遇以昌我文未可知也既至大同閉戶兩月深原古作者所由得與今之所由失嘿然以疑憬然以悔然後知進學之必有本而文章不離乎經術也西京之文惟董仲舒劉向經



術最純故其文最爾雅彼楊雄之徒品行自饒於聖人務掇奇字以自矜尚安知所謂文哉魏晉以降學者不本經術惟浮夸是務文運之厄數百年賴昌黎韓氏始倡聖賢之學而歐陽氏王氏曾氏繼之二劉氏三蘇氏羽翼之莫不原本經術故能橫絕一世蓋文章之壞至唐始反其正至宋而始醇宋人之文亦猶唐人之詩學者舍是不能得師也北宋之文惟蘇明允雜出乎縱橫之說故其文在諸家中爲最下南宋之文惟朱元晦以窮理盡性之學出之故其文在諸家中最醇學者於此可以得其槩矣以武曾之才正不必博搜元和以前之文但取有宋諸家合以元之郝氏經虞氏集揭氏僖斯戴氏表元吳氏萊明之寧海方氏孝孺餘姚王氏守仁晉江王氏慎中武進唐氏順之崑山歸氏有光諸家之文游泳而抽繹之而又稽之六經以正其源考之史以正其事本之性命之理俾不惑於百家二氏之說以正其學如是而文猶不工有是理哉惟怠心乘之役於妻子衣食而輟置不講則其害有不可言者然吾黨處貧賤不堪之境尤當以艱貞自勵不可自夸其明此箕子所以處明夸之道也武曾聞之以爲然耶否耶相去四千

里信問實難人旋之日幸賜報命并示近製以補區之不及幸甚幸甚

### 與查韜荒書

與韜荒別六月矣前行至長洲時曾寓書左右以古文辭相易不審別後進德修業能直詣古人堂與否文章之難古今不數僕頻年以來馳驅道途幸不後君子之教然自商丘侯朝宗南昌王于一二子之外其合於作者蓋寡二子又未盡其蘊以死僕誠痛之比來京師五方之人操翰管而高視者何啻盈求其若二子者已不多得况夫與古人方駕者哉既又自念天之所以與我者未嘗有靳已則一采而厚望於人非大感歎由是日取六經及唐宋元明諸家之文讀之惘然若有所遺亡其有得也雖未敢遽附乎作者其於二子庶幾焉及之

所可憾者與韜荒相去四千里從討論得失不知是非果有當於作者否也記曰時過然後學則勤苦而難成獨學而無友則孤陋而寡聞今韜荒方在壯年又樂於取友吾黨之士可語者不乏相觀而善以底於成則惟韜荒是賴夫天之生才非必千里一賢百里一士基布而星羅之蓋嘗聚於一境之內孔門

四科遠者惟言子一人其餘類皆齊魯宋衛之士而  
廬陵南豐臨川近在數百里之內至眉山蘇氏乃萃  
於一門韜荒在吾黨試與二三子相勉無倦士貴立  
志志既立而業不成未之聞也然後各出其官務勿  
戾於聖賢而有裨世教使吾黨之文振起一境之內  
豈不盛哉其言之不作特韜荒之助我也

與高念祖論詩書

京師苦寒念祖無恙伏承手教再四諄諄以詩律下  
問念祖年齊於僕而謙以自牧若此又處客途窮乏  
之時饑寒奔走無一足以動其心惟風雅之是務是

竹垞文集

卷二十

四

豈當世之士所能冀及者故輒陳萬一之得於左右  
惟高明擇之僕之於詩非有良師執友爲之指誨也  
蓋嘗反覆求之其始若瞽之無相俛俛乎墜於淵谷  
而不知如是者十年不敢自逸然後古人若引我於  
周行而作者之意庶幾其遇之矣書曰詩言志記曰  
志之所至詩亦至焉古之君子其歡愉悲憤之思或  
於中發之爲詩今所存三百五篇有美有刺皆詩之  
不可已者也夫惟出於不可已故好色而不淫  
而不亂言之者無罪聞之者足以戒後之君子  
世治之汗隆政事之得失皆可考見故不學者比之

牆面學者斯授之以政使於四方蓋詩之爲教如此  
魏晉而下指詩爲緣情之作專以綺靡爲事一出乎  
閨房兒女子之思而無禁儉好禮廉靜疏達之遺惡  
在其爲詩也唐之世二百年詩稱極盛然其間作者  
類多長於賦景而畧於言志其狀草木鳥獸甚工顧  
於事父事君之際或闕焉不識惟杜子美之詩其出  
之也有本無一不關乎綱常倫紀之目而寫時狀景  
之妙自有不期工而工者然則善學詩者舍子美其  
誰師也歟明詩之盛無過正德而李獻吉鄭繼之二  
子深得子美之旨論者或詆其時非天寶事異唐代  
而強效子美之憂時嗟乎武宗之時何時哉使二子  
安於耽樂而不知憂患則其詩不作可也今世之  
爲詩者或漫無所感於中惟用之往來酬酢之際僕  
嘗病之以爲有賦而無比興有頌而無風雅其長篇  
排律聲愈高而曲愈下辭未終而意已盡四始六義  
闕焉而猶謂之詩此則僕之所  
而念祖以未  
能工此爲慮是何足道哉比得念祖所爲述祖德詩  
諷詠數過深有合乎古人恭儉好禮廉靜疏達之義  
此非有本者不能爲也而又謙以自牧無一足以動  
其心其進於古也不難耳僕自至大同未嘗爲詩辱

竹垞文集

卷二十

五



索新詩無以報命謹錄雜文六首冀念祖教其不及幸甚幸甚廣平之行何日與念祖同舟而來中忽相失不禁悵悵也

報友人書

辱惠書以古文辭相勗足下負高世之才所爲歌詩皆必傳之業而手教諄摯抑何其自處之恭而稱許之過也文章之本期於載道已道無不同則文亦何殊之有足下乃云南北分鑣合志豈非以于鱗爲北而道思應德熙甫數子爲南乎僕少時爲文好規倣古人字句頗類于鱗體既下大悔以爲文

竹垞文類

卷二十書

七

章之作期盡我所欲言而已我言之不工必取古人之字句始可無憾則字句工拙古人任之我何預焉乃深有契乎韓歐陽曾氏之文不自知其近於道思應德熙甫數子也足下學博而才富大敏果銳之氣直欲軼秦漢而上之視僕之所爲出唐宋之下宜其分鑣疾馳去之惟恐不速若僕之所期於足下則不惟不以唐宋之文強足下以所不爲亦且不以秦漢之文爲足下勸勉蓋足下之所向者文而僕之所期於足下者載道之謂也孔子曰辭達而已矣禮曰辭苟足以達義之至也詩曰人之好我示我周行夫

萬里者必於周行始之有人焉以爲周行人所共由不若轉而之梓崖峻嶺雖極於嵩華恒岱之巔我未見其能達也已文之不能載道何以異此僕之深契夫韓歐陽曾氏之文以其折衷六藝多近道之言非謂其文之過於也足下試取古人而神明之勿規倣其字句拙言持論期大裨於世道人心而不爲虛發將足下所謂分者未始不合也道一而已何南北之殊塗哉悵悵之誠忘其愚蒙而辨說於左右冀足下亮之而已

與顧寧人書

竹垞文類

卷二十書

七

太原客館遠辱賜書贈以長律二百言久未得報去夏過代州遇翁山天生道足下盛稱僕古文辭謂以朝宗于一之上僕之於文譬猶秋蟬候蛩僅能遠去穢滓以自鳴其風露焉爾夫人所尚不同則文亦異焉足下謂僕之文異乎二子可也而豈遂過之與亟欲就見足下自訟其短既至京師而足下已去見所撰詩本音謂三百篇無叶韵自僕思之聖人復起豈有易於足下之所云乎繼見足下與武子書論琴字音義之謬證以簡兮采芴之詩且廣引定之方音令車麟諸篇凡零令等字悉當讀若隣足下之

可謂勤矣然僕竊有疑焉采苓之詩曰采苓采苓首陽之顛釋者謂苓蒿也今甘草是也而枚乘曰蔓草芳苓李善注文選以爲苓古蓮字僕因是悟向者箋釋之誤蓋苓之爲蒿猶夫茄之爲荷爾蓮水花也而采于山巔五沃之土產蓮而自三瘠之地正以喻人言之不足信也而鄭氏以爲首陽山之上信有苓矣豈不謬哉楊雄之頌趙克國也曰明靈維宜戎有先零而漢書金城有令居郡則零令等字古之人類讀若憐而非鄰矣夫鄰之與隣其音雖通然亦不可不辨聞足下將携是書刻之淮上故以是聞於左右

竹垞文類

卷二十

八

僕之言本無足採足下試因其言而詳釋焉亦未必無小補也

報汪茗文戶部書

竊尊不敏言行不足取重鄉里比來京師平生交游惡其姓名之賤至有患難相援懿親相目者登其堂或避匿不出而執事無一言之介揖諸坐客之右有請必見規我以道德繩我以文章此昔之人所謂得一人知己可以無憾者也遂忘其勢分之隔而遽以所生之墓銘爲請執事不拒繼繼數百言述先人之行義甚備且以子厚永叔二子爲喻冀尊受而讀之

始而慚繼以感泣然不知涕洟之被面也古之墓者書則於方書遺於策後乃納之以銘銘之作必其文辭之工卓然可傳於後庶足遺其子孫而信之百世近代不然往往就爵位相次者刻其名以爲榮不復計辭之工否故公孤之墓不乞銘於卿大夫卿大夫之墓不乞銘於士則夫士之不得志以歿欲求卿大夫一言以誌其墓抑又難矣往先曾祖賜塋日其神道碑例當請之宰相是時閣寺擅政正人皆已去國在位者率非其人由是神道之碑闕焉至先大父卒亦未克表其墓自執事銘及先人而上及於先曾祖

竹垞文類

卷二十

九

先大父幽潛之德廉慎之節皆於執事之文信之是則執事一援筆而推賜及於數世向之所謂難者請之執事而遂得焉信夫道德文章之交其異乎流俗者相薦也辱論書法敬聞命矣雖然竊更有請先母唐家本華亭考諱允恭公官石屏知州生平毅然不惑神鬼佛老之說有君子之守祖文恪公萬曆十四年賜進士第一人以禮部侍郎掌翰林院事卒贈尚書予謚匪特朝有正人之目所著家訓東南巨室以爲圭臬其地閭官世例得書顧執事略焉願得附書之不勝幸甚



報周青士書

久不得足下書客自京師郵致一通發函誦之喜溢  
顏面至及交道之薄邛何言之悲也足下平居急人  
患難至稱貸益之自僕里居時已有竊笑足下之愚  
者今坐困若是恒人之情方益誚訕之不置又誰援  
足下於阨者耶雖然足下其無患孔子曰富而能及  
人者欲貧而不可得也矧足下昔未嘗富而皇皇以  
及人爲念天雖欲長貧足下得乎足下但肆力文章  
勿以貧賤戚戚來教云吾黨數人漂轉四方天自斯  
年武會類皆有所遇合而聽聞之謬謂僕以古文辭  
竹垞文類 卷二十書 十  
傾動一時比之不龜手之藥其業則均而泝泮統封  
侯有異則僕誠有所未安僕頻年以來馳逐萬里歷  
遊貴人之幕豈非饑渴害之哉每一念及志已降矣  
尙得謂身不辱哉昔之翰墨自娛苟非其道義不敢  
出今則徇人之指爲之惟恐不疾夫人境遇不同情  
性自異乃代人之悲喜而強效其歌哭其有肖焉否  
耶古之工於此者莫若陳琳阮瑀工而多者莫若劉  
穆之然傳於今者特少則以當時雖嘆其工而之三  
人者終未慊於心以爲不足傳而葉之者多也至徐  
幹懷文抱質有箕山之志自由其文爲中論傳世最

久儒者取焉然則欲文之工未若家居肆志者之獨  
得矣足下方登古人之擅場而左右之於以裂土封  
侯蓋無不可若僕者乃所謂泝泮統焉爾與足下別  
六年未得歸聞足下困阨不能救私心負疚無已束  
修之入聊分銖兩爲卒歲之需傳天自斯年已歸足  
下試取酒飲之告以鄙言則不特爲足下勉之而已

荅孫侍郎書

昨酒間以玉劍相示藝尊疑不能決歸而中夜輾轉  
思古經籍所載未之或聞疑古瑛圭之屬因作釋圭  
一篇以獻先生不罪其妄賜之手教甚溫殆孔子有  
取在簡之道且報且悚欲默而不言慮無以荅循誘  
之盛心故敢復奏記於左右來教云圭下不應有一  
孔攷鄭康成注周禮謂以組穿聯六玉溝瑋之中以  
歛尸賈公彥疏其義則云六玉兩頭皆有孔又於兩  
孔之間爲溝渠於溝之兩畔稍高爲斜瑋而圭亦在  
六玉之中則其有孔不足異也來教又云元人大朝  
會陳玉斧於酒海前斧亦殷時物斧可玉則劍亦可  
玉夫藝尊之致辨非劍者以玉劍之未見於經也若  
玉斧則諱有之矣明堂位曰朱干玉戚注以爲戚斧  
也春秋傳曰鉞鉞鉅也詩曰千戈戚揚釋者以戚爲

斧以揚爲鉞蓋其大小異名則元人所陳正記之所云玉戚是已曩尊不學狃於章句六經之所無者不敢遽定其有伏惟先生深思好古當世博物之君子無以踰焉願更聞玉劍之訓俾小子知所裁勿令釋主之言貽笑於世斯幸甚矣

與越辰六書

七發廣陵之曲江卽浙江曲與折義均也故其詞曰弭節伍子之山通厲骨母之場注以爲骨母胥母之譌也水經注浙江水流兩山之間江川急濬兼濤水晝夜再來至二月八月最高潮水之前揚波者伍子

竹苑文類

卷二十

三

胥後重水者大夫種是以枚乘曰海水上潮江水逆流似神而非於是處焉其詮釋最確而曾鞏序鑑圖有所謂廣陵斗門者在今山陰縣西六十里去浙江不遠至若江都之更名廣陵在元狩三年時漢已卒不應先見之於文是七發之廣陵非江都也明矣又元至正元年省試羅刹江賦試者三千人獨錢惟善以錢塘江爲曲江遂開於時號曲江居上載記歷歷可證顧世人以廣陵二字遂誣曲江在揚州指城東小水以實之可笑也比見足下榜門書廣陵濤字流俗相沿無足怪特不妄誤自足下故以奉

察

與魏善伯書

叔子至述足下甚賞詞文以刻集爲僕序集唐詞裏裏太遲不敢當僕延下久意得把手揚州不謂浙江徑越然古人相知有交深謀而之前者不在合并之速也方今作者寥寥可數足下弟舅父子各出其文相雄長盛矣而足下才多無所不有雖然名之所指段易歸焉故立言尤不可不慎伏讀集中正韻竊取一卷僕不能無規於足下聲韻之書自魏晉已有之李登之聲類昌靜之是已外此周研張

竹苑文類

卷二十

三

諒段弘正該李槃夏侯詠等各有成書少者三四卷多至四十餘卷惟沈約所撰四聲譜見於隋志僅卷其非全韻可知至唐四庫書目不載則已亡之唐初奉爲章程者陸法言切韻其後孫愐刊正爲唐韻宋陳彭年再修廣韻丁度定集韻景祐以還行禮部韻略紹興間毛晃之增韻出廣韻久而所廢蓋韻凡數更已非法言之舊然分韻二百有六部未之有易也淳祐中平水劉淵始併爲一百七韻曰壬子新刊禮部韻略足下所見今世所存特劉氏之韻爾顧曰爲沈氏書加以詆詆其母乃重誣古人矣乎僕以爲



韻之失不在分而在合足下怪門存吞思不應在元  
韻而文韻內有勤斤段欣等字謂分之無所分夫自  
二百六部未合門存歸於意吞思歸於痕未嘗在元  
韻而勤斤等字則自唇腭部足下試取杜甫詩誦之  
凡勤斤字寧與真同用無有與文同用者然古人分  
韻雖嚴通用甚廣如真至仙爲部十四皆得相通蓋  
嚴則於韻之本位毫釐不真通則臨文不至牽率而  
乖其性情亂之自劉氏始有妄男子於此取古詩書  
篇什悉以已意紊之或見而恚遂力詆伏生毛公之  
非不可也且韻書之作自李登以下南人蓋寡沈  
竹垞文類 卷二十一 古  
氏書既無存傳者陸氏切韻爾法言家魏郡臨漳同  
時纂韻八人惟蕭該家蘭陵其餘或家范陽盧思  
家狄道辛德或家河東薛道衡或家臨沂顏之推及清  
皆北方之學者黃公紹失考謂韻書始自江左本是  
吳音者妄也至正韻之成樂邵宋諸君子則皆南  
人矣足下詆北人之書爲缺舌聲音既不足服其罪  
意欲力崇正韻而反詆厲南人何哉僕非敢好爲排  
擊也以足下愛我無以報願附諍友之義望足下必  
改正孔子曰過而不改是謂過矣冀尊嚴拜

竹垞文類卷之二十一

跋一十九首

周鼎銘跋

漢郃陽令曹全碑跋

漢桐柏廟碑跋

漢冀州從事張君碑跋

漢白石神君碑跋

魏晉郡太守張猛龍碑跋

唐郭君碑跋

唐北嶽廟李克用題名跋

唐濟安侯廟二碑跋 晉王墓二碑跋

千峯禪院碑勒跋 光孝寺鐵塔記跋

天龍寺碑跋

宋太宗書庫碑跋

太原縣惠明寺碑跋

宋京兆府學石經碑跋

大同府普恩寺碑跋

題偽刻李衛公告西嶽文

周鼎銘跋

右周鼎銘一新城王吏部子底見之焦山佛寺中  
程處士穆倩讀之其文可辨識者七十有八字存其  
疑者八字不可識者七字吏部爲長歌述之其弟禮  
部貽上和焉而摹其文授予三君者可謂好古之士  
矣昔歐陽永叔得古器銘必歸楊南仲釋其字南仲

之言曰古文自漢世知者已希賈逵許慎輩多無其說而蔡君謨亦曰古之篆字或多或省或移之左右上下惟其意之所欲甚哉辨識之難也鼎銘詞曰惠敢對揚天子丕顯敷休其人莫考曰王格于周曰司徒南仲殆周初器也其曰立中庭按毛伯敦銘文亦有之薛尚功釋爲立而楊氏謂古立位同字古文春秋書公卽位爲公卽立則是銘曰立亦當作位穆情定爲立從薛氏讀也古之勲在王室者旣受之冊必銘其器論譔其祖父之德善功烈以明示後世如申伯召虎韓侯文侯錫予之盛詩書所載僅千百之什銘文類

卷二十一

二

一二而銘諸器者無窮蓋不特盃盂匡敦卣爲然舉凡鋒矛刀劍莫不有銘自秦銷金咸陽厲禁所至爲段冶改煎殆不可勝數世徒懲秦燔詩書之禍不知銷金爲禍之益烈也嗚呼三代之文自九經而外其得見於今者希矣顧神物顯晦或有時復出惜乎又委之荒山梵宇中莫之寶惜徒令好古君子摩挲嘆息之不已也鼎崇尺有三寸腹深八寸唇廣一尺四寸其耳三寸禮部諸子云

漢卻陽令曹全碑跋

萬曆中卻陽縣民掘地得漢曹全碑以其最後出字

畫完好漢碑之存於今者莫或過焉按碑文全爲隸集侯相鳳之孫鳳嘗上書言燒當事得拜金城西部都尉屯龍耆而全以戍部司馬討疏勒又定郭家之亂信不婉其祖矣時人語曰重親致歡曹景完蓋其孝友之性尤人所難能也嗚呼今之爲吏者雖遭父母之喪必問其親生與否投牒再三始聽其去而全以同產弟憂得棄官歸以此見漢代風俗之厚其敦孝友若是宜士君子顧情清議而自好者不乏也全以禁網歷家巷者七年可以補漢史黨錮諸人之闕史載疏勒王臣磐爲季父和得所射殺而碑云和德

卷二十一

三

殺父篡位德與得文亦不同史稱討疏勒有戊巳司馬曹寬而不曰全又云其後疏勒王連相殺害朝廷亦不能禁而碑云和德面縛歸死蓋范曄去漢二百餘年傳聞失其真要當以碑爲正也

又

右予庚戌冬跋尾越二年再至京師從慈仁寺市上買此碑石已中斷完好者且漶漫矣更歷數十年必又歎此本爲難得

漢桐柏廟碑跋

右漢桐柏廟碑購之江都市上水經淮水出南陽平



氏縣胎簪山東北遇桐柏山酈道元謂山南有淮源  
廟廟前有碑是南陽郭苞立又二碑並是漢延熹中  
守令所造斯蓋其一矣考歐陽氏集古錄所載碑文  
中山盧奴君奴下闕一字斯碑云盧奴張君特未詳  
其名爾其曰春秋宗榮碑作宗奉災異告變作告愬  
而靈祇下碑闕報祐二字中云從郭君以來廿餘年  
不復身至集古錄闕其文郭君殆卽苞也獨怪歐陽  
氏謂其文字斷續而是碑甚完好疑爲後人重摹然  
流傳於世罕矣

漢冀州從事張君碑跋

右漢冀州從事張表碑石今不存予所見者宛平孫  
氏家藏宋榻本也嘗惟六朝文士爲人作碑表誌  
每於官閣之下輒爲對偶聲律引他人事比擬令讀  
者莫曉其生平而斯碑序述全用韻語不意自漢已  
有作俑者然其書法特在今世所存諸漢碑上

漢白石神君碑跋

右漢白石神君碑在無極縣立石者常山相南陽馮  
巡元氏令京兆王翊與歐陽氏集古錄所載無極山  
神廟碑略同文稱神君能致雲雨法施於民則祀之  
宜也然所云蓋高者合之無極廟碑特常山一妄男

子爾先是光和四年巡詣三公神山請雨神使高傳  
言卽與封龍無極共興雲雨賽以白羊高等遂詣太  
嘗索法食越二年具載神君始末上尚書求依無極  
山爲北卽見聽許蓋斯時巫風方熾爲民牧者宜潛  
禁於將萌乃巡謂輕信巫言輒代爲之請何與非所  
云國將亡而聽之神者與碑陰有務城神君李女神  
碑石神君壁神君名號殆因白石而克類名之者碑  
建於光和六年是歲妖人張角起矣

魏魯郡太守張猛龍碑跋

右魏魯郡太守張猛龍碑建自正光三年其得刊孔  
廟者以當日有興起學校之功也吾於是乎有感孔  
子之道若日月然萬物宜無不向照乃武叛而之併  
老何與蓋誅賞者治世之權聖人者是其所從出也  
春秋之作所以誅亂臣賊子者至矣天下之人非者  
多是者嘗少懼無逃於聖人之誅而佛老以無所可  
否之言暢其清淨寂滅之旨爲恒情所樂聞而聖人  
者亂世之所惡也元魏之俗事佛尤甚斬山以爲窟  
范金以爲像九層之臺萬金之液竭民力事之及其  
既成靡不刊石勒銘以紀功德斯時也又安知有聖  
人之道哉猛龍爲西平武公軌八世孫方晉之朝士

崇尚莊老獨武公在涼州徵胄子五百人立學校春秋行鄉射禮而猛龍克循祖父之教修聖人之學於舉世不爲之時使講習之音再開於闕里噫可傳也予留大同問拓跋氏故都親所鑿佛宮穹碑巨碣已無存者而斯碑在孔氏之庭歷千年不壞雖更歷千年知莫有徙而去之者此予所爲感也嗚呼爲政之君子可以知所務矣

唐郭君碑跋

右郭君碑在汾陽縣北七十里予於丙午之秋經郭社村行溝中仰見土岡之上碑額微露環岡數里乃

唐文苑

卷二十一

本

登讀其文皆駢儷語首二行剝裂君之名字門世與撰文者皆闕焉其知爲郭君者藉有書額存也碑立於乾封二年中有云揮霜鉞而斬老生蓋從太宗攻霍邑者按舊唐書宋老生棄馬投壘甲士斬之新唐書則稱爲劉弘基所殺溫大雅創業起居注又云老生攀繩上城軍頭盧君諤所部人跳躍及而斬之世咸不知揮刃者之爲郭君而君之名以石裂終不傳可惜也

唐北嶽廟李克用題名跋

曲陽縣北嶽廟有唐李克用題名一百十八字文

稱中和五年二月者卽光啟元年攷僖宗以是年二月至鳳翔三月還京改元之詔猶未下也克用與義武節度使王處存同破黃巢以功封隴西郡王而盧龍節度使李可舉成德節度使王鐸惡處存約其滅之分其地通鑑載克用遣將康君立救之而碑文則云領蕃漢步騎五十萬衆親來救援與通鑑異又云至三月幽州請就和斷遂班師取飛狐路却歸河東則又史所不及載者當唐之季藩鎮連兵境上各事爭鬪職方不錄其地朝廷號令所及僅河西山南嶺南劍南十數州上下不交以至於無邦生斯世者其

唐文苑

卷二十一

七

聞見已不能悉真況百世之下寧免傳聞異詞哉惟金石之文久而未泐往往出風霜兵火之餘可以補舊史之闕此好古之士窮搜於荒崖破冢之間而不憚也克用本武人未嘗以知書名而碑文楷畫端勁詞亦簡質可誦英雄之不可量如是夫嗚呼益以見金石之文爲可寶也

唐濟安侯廟二碑跋

乙巳秋客自華州來者貽予唐李巨川所爲濟安侯廟碑濟安侯者華之城隍神也巨川爲韓建掌書記撰許國公勣王錄以姻建方昭宗幸華建請散殿後



軍誅李筠圍諸王十六宅皆巨川教之唐史附諸叛臣之列觀其碑文盛歸功於建此猶猶犬在吠無足恠者繼得金張建所撰廟碑謂諸王既見殺是夜建袖劍詣行宮將及御幄神厲聲叱曰汝陳許間一卒耳蒙天子恩至此輒敢爲弑逆事乎建倉皇而退昭宗德之徙神於行宮既還京封神濟安侯而歐陽子五代史則謂建父叔豐所誡殆儒者不語怪之意歟金源之文傳世者寡碑辭特剴切可誦其稱神神草傳泥假以成像猶能奮叱不祥而當時藩鎮重臣幸時之氣曾不遺偏裨老弱之師爲衛社稷勤王計殆有定文類 卷二十一 碑 九

晉王墓二碑跋

代州柏林寺東晉王李克用墓斷碑二其一曰唐故左龍武軍統軍檢校司徒贈太保隴西李公神道之碑文曰公諱國昌字德興世爲隴西沙陀人偉姿容善騎射蓋克用之父朱邪赤心所謂赤馬將軍火生

頭上者也其一曰唐故使持節代州諸軍事代州刺史李公神道之碑文曰公卽太保之次子也其名克字僅存餘可識者有公前躍馬彎弓及徐方等數字按史克用第四人次曰克讓爲振武軍校從討王仙芝以功拜金吾衛將軍宿衛京師親仁里第自克用稱兵雲中殺守將段文楚詔捕克讓讓與僕十數騎轉派躍馬突圍出奔雁門與碑文合則爲克讓無疑但史載克讓守涇州與黃巢兵戰敗匿南山佛寺中爲寺僧所殺不言其爲代州刺史又得歸葬於代皆不可曉者土人相傳王墓上舊有碑十三今十一已亡其二存者又散埋土中蓋金石之文自歐陽永叔趙明誠後世無篤好之者宜其漫漶不可辨識如是也當永叔時去五代甚近沙陀世次已不得詳其爲唐家人傳謂太祖四弟皆不知其父母名號至國昌字德興紀亦遺之是十三碑者永叔亦未之見更六百年而予乃得覩其二非幸歟惜乎十一碑者不及見也同里曹先生博采金石有歐陽趙氏之好出二碑於土墓之塌本俾予審定其字若干遂書其後歸之

千峯禪院碑跋

右澤川盤亭山千峯禪院後唐明宗賜僧洪密勅蓋明宗踐位日洪密具表稱賀以此答之文曰退避無所愧惡良多嗚呼五代之季安得聞此長者之言哉歐陽子謂明宗武君不通文字觀署尾數大字出自親判上有璽曰書詔新鑄之印可異也

### 光孝寺鐵塔記跋

嗚呼僭竊之主未有愍於劉鋹者也謂羣臣有家室顧子孫惟宦者可信不知其植黨納賄更甚焉鐵塔建自大寶十年凡七層合相輪蓮花座崇二丈有二尺觀其列名皆宦者也當其時銀又範銅爲已像并肖諸子列於天慶觀而今已亡之蓋金石刻之傳於世金之用博故其鑠也易以予所見自唐以來惟雲觀法性寺二鐘銘及是塔記而已若晉祠鐵人鑄自宋建中靖國年則其文在胸突出難以摹搨蓋欸識不同變前人之舊矣

### 天龍寺碑跋

丙午二月登天龍之山得北漢李憚所爲千佛樓碑異焉俾工榻歸裝潢之書其後曰北漢之爲國不足當一大郡而王朴以爲必死之寇也最後自周之世宗宋之太祖百戰不能克宜其君臣有過人之才而

劉繼元處喪瘡吮血之餘輕役其民命嬖臣范超治金爲佛治不急之務憚身爲相臣不能匡正惟事園棋飲酒反撰碑文侈大其事何歟碑稱承鈞爲睿宗皇帝繼元爲英武皇帝皆史記所未及劉曼之語張元徽也顧我是何天子爾亦是何節度使然則憚之夸大其辭適足以形其陋而已攷繼元之立在宋開寶元年戊辰史稱其卽位時改元廣運而碑建於乙亥故其文口上御宇之八年後書廣運二年歲次乙亥按楊夢申撰劉繼順神道碑亦稱廣運元年歲次甲戌與是碑合則卽位改元之說史未得其詳矣繼元殘忍好殺具書於史然當時諸臣率奔之降宋范超者亦降惟憚至國亡乃降蓋其誅戮亦所必行無足浚罪者嗚呼以蕞爾之地抗百萬之師民爭爲之効死其君臣豈真無過人之才者哉若其文格之卑書法之陋攷古之士無議焉可也

### 宋太宗書庫碑跋

右宋太宗皇帝書庫碑大中祥符四年眞宗御書勒石在太原府壽寧教寺碑爲風雨崩剝其半沒土中歲久盡蝕文凡二千餘言僅存數百字其陰石尤泐所可識者有太宗御製文集四十卷又集一十卷怡



懷詩一卷迴文詩一卷逍遙詠一卷至理勤懷篇一卷宋志載御製集一百二十卷蓋統言之也恭勢圖琴譜各二卷蓮花心漏迴文圖若干卷雜書扇子一百三十六柄雜書箴子七百五十三軸按史帝既削平諸國收其圖籍下詔購遺書於左昇龍門北建崇文院徙三館書實之此崇文書目所自始也又分三館書萬餘卷別爲書庫所謂秘閣是也王明清有言太平興國中諸降王死其舊臣或言怨言太宗盡收用之真之館閣使修羣書廣其卷帙厚其廩祿贍給以役其心俾卒老於文字則帝之留意翰墨特出於常地末類 卷二十一 幸

太原縣惠明寺碑跋

呂惠卿儉人也當時君子視若鬼域而王安石獨任之不疑且曰惠卿之賢雖前世儒者未易比也今觀惠明寺舍利塔碑雖能文善書之士無以過之世徒知爲頭會箕歛之才不知兩人當日以經術定交而取合於文字也嗚呼此其所以爲姦也歟

宋京兆府學石經碑跋

京兆府學新移石經碑記宋元祐中京兆黎持撰文河南安宜之書鐫之者長安石工安民也其曰汲郡呂公者宜公大防之兄以工部郎中陝西轉運副使知陝州以直龍圖閣知秦州大忠也自唐鄭覃等勒石壁九經一百六十卷天祐中築新城石爲韓建所弃劉鄩守長安募吏尹玉羽請輦入城謂非急務玉羽給曰一旦敵兵臨城碎爲矢石亦足以助戰郭然之移置尚書舊省至大忠領漕日始克盡列於學載持記甚詳方是時宜公在朝二三執政罔非正人

竹垞末類

卷二十一

幸

監司長吏咸以典起學校哀集經史爲務至紹聖元符之際小人柄政諸君子咸被重罪以去宜公竄死虔州未幾大忠亦降官崇寧初耕黨人立石端禮門側蔡京復自書碑頌郡縣彼張商英周秩楊畏之徒反覆附和恬不知耻民以一石工獨能嚴邪正之辨不肯鐫名姓於碑惟恐得罪後世匹夫之志不可奪如是夫持爲京兆學官其文辭條達類南豐曾氏而宜之之書亦稱入格迄今博聞之士或不能舉其姓氏民則後生末學皆能道之以此見立身行已不可不爲後世慮苟是非得其正雖百工技能之人反有

榮於當時之士大夫者嗚呼可感也已玉羽者京兆  
長安人以孝行聞杜門隱居鄴辟爲保大軍節度推  
官仕後唐至光祿少卿晉高祖召之辭以老退歸秦  
中嘗著自然經五卷武庫集五十卷其事散見於冊  
府元龜惜歐陽子不爲立傳而其書亦不傳於世也  
予既感碑文之出於民所鐫而題其後予友鍾淵映  
將注五代史記并書玉羽之事告之俾附注於邨之  
傳焉

### 大同府普恩寺碑跋

右大同普恩寺碑記宋修武郎借吉州團練使克通  
有建文廟

問副使婺源朱公弁所作也公以建炎元年十一月  
奉使爲金人所留迫之事劉豫不可欲易其官不可  
探策使之歸復不可其語耶律紹文曰上國之威命  
朝以至則使臣夕以死夕以至則朝以死觀其懷印  
臥起悲歌慷慨與漢之蘇武何異非孔子所稱不辱  
君命者歟記成於金皇統三年二月實高宗紹興之  
十三年也於是公之去國蓋十七年矣題曰江東朱  
弁而不書官又其上系以皇統年號論者疑公自貶  
其詞合乎古君子危行言孫之義而未得其本也攷  
公之歸宋在是秋七月記之作當在和議初成而公

臨發之時也彼寺僧者見公旣去不能原公大節所  
在惟知奉國人之法輒刪去其官爵增易其紀年無  
足惟者史載公被留時嘗具酒食告僚友曰吾已得  
近郊某寺地一旦畢命諸公幸瘞我其處表曰宋通  
同副使朱公之墓於我幸矣而公碑文亦曰予築館  
之三年歲在庚戌冬十月乃遷於茲寺然則所謂近  
郊某寺者殆卽普恩寺非耶史又載公以文字教金  
之貴人子弟使之就學因得以和好之說進蓋公之  
文有不得已而爲之者當其時宋諸臣留於金若宇  
文虛中吳激蔡松年之徒多以文學自命頗寺僧獨  
以公之言爲足重於世亦以見恭敬之不可弃而忠  
信所行者遠也嗚呼士君子不幸生喪亂之際又不  
幸以文章爲世所重得其文者或不原其志意所在  
輒更易以就時人之耳目至使大節皎然若朱公者  
幾無以自白於後世讀普恩寺之碑其亦可感也夫  
題僞刻李衛公告西嶽文

王侯將相時至則居之雖豪傑之士不能預信於平  
日也劉季起沛上衆推擇可爲沛令者蕭曹等皆文  
吏自愛恐事不就盡讓季當其時安能必後之相季  
封郎平陽哉劉伯溫羈管紹興感憤至欲自殺又嘗



爲石林宣孫所用初未有佐命之思而或謂其在西  
湖望見雲物曰後十年有帝者出吾當佐之殆妄也  
世傳李衛公未遇爲文告西嶽神意在取天下次則  
擇主而仕若微時預以帝王自許者然考之史衛公  
初仕隋爲殿內直長尋爲馬邑丞唐高祖擊突厥衛  
公察其有非常志乃自鎖上急變新舊唐書所載畧  
同可謂不知天命之尤者亦安得於未遇時逆知爲  
厝佐命出入將相乎其事業雖見李肇國史補而告文  
不知何人所作其云斬大上之頭焚其廟宇此豈衛  
公之言昧者從而刻之石按歐陽趙氏所錄皆無之  
竹垞文集 卷二十一 跋  
蓋近代作僞者爲之真妄男子也

竹垞文類卷之二十二

跋一十四首

裏鮮帖跋

聖教序跋

王維伏生圖跋

光武帝燎衣圖跋

八景圖跋

書淳化閣帖夾雪本後

趙子昂書十二月織圖跋

鮮于伯機草書千字文跋

鋤菜翁夢記跋

陸績懷橘圖跋

項子京畫卷跋

書花間集後

高念祖先世遺墨跋

宋本六家注文選跋

贊三首

退谷先生像贊

謝柔則像贊

烟雨歸耕圖自贊

銘十首

方硯銘

風字硯銘

沈覃九片雲硯銘

汪桐尹風硯銘

圖書匣銘

筆筒銘

銅水盂銘

錫書燈銘

烏絲筆格銘

檀戒尺銘

裏鮮帖跋

裏鮮味佳一一致君所須可示勿難當以語虞令凡  
一十九字晉右將軍會稽內史王羲之書今藏宛平  
孫氏義之書古今獨絕世人得雙鈞及傳摹石本爭  
以爲寶況真蹟乎是書南宋藏之內府元兵輦以入  
燕前有亾宋南廊庫經手人郭墨印記是時元中書  
省撤論中外江南既平宋宦曰亾宋而斯人遂直書  
亾宋又隱其名以示不臣者然卷後有米友仁跋及  
趙子昂諸人圖書可定真蹟非謬君子觀於是歎子  
昂以王孫佐元其有愧於南廊庫經手人多矣

聖教序跋

竹垞文集

卷二十一

二

鍾山紀穽子客於燕壬子八月過其寓齋觀宋楊聖  
教序舊爲吾里項子京家藏上有張激跋尾激字如  
瑩建炎中官尚書右丞周益公稱其馳聲翰墨位望  
既崇人欲其尺牘不可得今觀其書法果入格且款  
此冊紙墨絕妙當知爲南渡以前物矣子京蓄書畫  
甲天下卷尾必估其價析產時按所書以遺諸子見  
者以爲不與鉢兩也甲寅春穽子假裝南還相對潞  
河酒闌索予題識復以他本較其鈎畫要未若此本  
之善

王維伏生圖跋

右王維所畫伏生上有宋思陵題字庚戌十月觀於  
退谷孫先生之齋生濟南人也予游齊南於長白山  
之陰拜生墓見其祠宇庫隘至不容筵凡有司牲醴  
歲時之饗或闕焉不修因嘆世人無知重生者蓋經  
學之不明久矣思秦之時諸生訟言封禪致有坑儒  
之禍生爲秦博士得免其明哲有過人者及漢興隱  
士負一時之望莫若商山四皓初未聞講習經義傳  
之弟子則其年雖八十餘衣冠甚偉與土木何異生  
獨能於微言既絕之時教學齊魯老而益勤卒傳之  
龍錯斯文未喪天若有意於生而錫之年者百世之  
後立師其人而識其貌焉維之所畫特想像爲之而  
已然藝事既神其精思所感如或見之觀是圖者不  
問知其爲生此思陵所以寶惜而親題之也世之法  
書善畫多秘之內府人既未得觀間復流傳於世藏  
之者非其人則觀者亦取非其人此書畫之厄也是  
圖之得歸孫氏非至幸與先生今年七十有八猶治  
尚書不輟所注禹貢洪範其發明經義甚詳對先生  
之容益悟維之貌生能入神也同觀者譚七舍人兄  
言璉舟石李十九秀才良年武曾

光武帝像衣圖跋



漢光武帝燎衣圖唐吳道子畫道子開元中嘗召入  
宮禁爲內教博士非有詔不得畫論者謂其下筆有  
神然多施之門版屋壁歲久易毀至仙佛鬼怪世雖  
流傳又非儒者所取故是圖最爲難得圖之作未詳  
何年意開元初明皇勤政圖治思古帝王肇造之艱  
萬幾餘暇道子奉詔作此其後司馬承禎張果葉法  
善相繼被召而浮屠之營建亦盛由是東都老子廟  
與地獄變相之圖交出一龔之微亦隨世運升降  
可歎哉圖今歸程穆倩氏穆倩得之僧漸江漸江購  
之飲吳氏

有宋文獻

卷五十二

四

### 八景圖跋

宋度支員外郎宋迪工畫平遠山水其平生得意者  
爲景凡八今人所做瀟湘八景是也然當時作者意  
取平遠而已不專寫瀟湘風土迨元人形之歌詠其  
後自京國以及州縣志靡不有八景存焉固哉世俗  
之可笑也是冊不知誰氏之筆而意上平遠不失員  
外之青見者勿定作瀟湘觀斯得之

### 書淳化閣帖火雪本後

淳化閣帖十卷摹自王著等董道訊之謂決磔鈎別  
更無前人意然當時珍惜特甚藏板御書院惟大臣

進登二府者賜以一本耳所謂官法帖也此歐陽永  
叔時板已被焚稱舊本爲難得况後此又數百年乎  
夾雪本舊藏顧大理家後歸蔣氏宛平劉大夫知鎮  
江府日購得之其公子携之濟上歲在庚戌觀焉中  
多闕文補以文氏唐氏所藏本皆遠遜原帖其以夾  
雪名者雖食其墨以素紙裝之若六花之散於几席  
也蓋自崇材既裂後遂模以銀鋌世多以此驗其僞  
真是本裂處以木補之殆在銀鋌未模之先賜本之  
僅存於今者矣法帖之傳於世各有源流可攷而吳  
中黠工每割裂跋尾圖書以眩人耳目雖善鑒者或  
致疑焉若是帖之見傳於世其文宛轉糾纏字畫無  
損巧過漏痕釵股鰓魚鴈鳥柳花之象印至點者不  
能倣其萬一宜有力者所共寶也觀於是而知古人  
未可輕詆永叔謂其難得是誠知言

### 趙子昂書十二月織圖跋

趙文敏書僞本最多卽有亂真者僅得其斌媚而已  
此卷風骨成削當屬晚年家居時筆詩亦有陶靖節  
風味題云奉懿旨作當日宮閣猶知重文且留心鑑  
織皆可記也

### 鮮于伯機草書千字文跋

元白趙子昂書法盛行一時相率習妍媚之體獨鮮于伯機以古瘦見長世所傳高閑千文及張旭書大約多出其手也是冊脫去狂怒之習平淡之中筆法最爲謹密後及宋集賢李昭文周景遠田師孟李惟肅皆北方能書家惜其書今罕傳矣伯機漁陽人居於浙余浙人客漁陽題其書異哉

鋤菜翁夢記跋

周禮占夢有六曰正曰噩曰思曰寤曰喜曰懼若曹先生所述三夢殆噩夢而不失其正者歟先生窮究儒者之學其於佛氏之書非其專好乃頗有感於觀

竹垞文類

卷二十一

本

世音菩薩者何歟豈畫之云爲固嘗思道之而忽感於中歟易曰神以知來知以藏往惟先生於佛氏之說寂然無動於心斯能感而遂通其故其於鬼神之情狀宜無不知也蓋誠之不可掩信有若記之所云者圖而傳焉可以明吉凶憂患之故矣原佛氏之入中國其初感於漢明帝一夢而百千年來師其說不敢異彼能入人夢寐而誘之以善吁亦神矣哉

陸績懷橘圖跋

曹先生有愛子曰民表性至孝先生之官大同日民表方四齡今二載矣鄉人南來者道民表思慕先生

不置山是先生命其門人周泰政月如畫陸績懷橘圖寄之蓋民表之年與績謁袁術時適相等也然績在九江其父康爲廬江太守實携之同行而民表去先生四千里其眷戀之私宜有過於績者又績本吳人九江去吳不遠橘非難致猶未嘗暫釋於懷今先生遠居塞上橘柚之味經歲不能致而故園范蠡湖之濱有橘山者華實離離民表行其下載觀是圖能不更深庭閨之念哉若夫民表異日所樹立當思遠出乎績之上無僅以績自擬此則能養先生之志者也

竹垞文類

卷二十一

七

項子京畫卷跋

予家與項氏世爲婚姻所謂天籟閣者少日屢登焉乙酉以後書畫未盡者盡散人間近日士大夫好古其家輒貧或旋購旋去之大率歸非其人矣噫非其人而厚藏書畫之厄終歸於燼而已黃山程穆倩家最貧嗜古尤癖書畫歸之幸矣惜乎價盈千百者力又不能購也子京之畫世人知之者罕程子獨加珍惜俾予跋尾夫程子且然況生同里而數過其廬如予者也

書花間集後



花間集十卷蜀衛尉少卿趙弘基編作者凡一十七人蜀之士大夫外有仕石晉者有仕南唐南漢者方兵戈倣擾之會道路梗塞而詞章乃得遠播選者不以境外爲嫌人亦不之罪可以見當日文網之疎矣坊板謄字最多至不能句讀此舊刻稍善爰藏之而書其後

### 高念祖先世遺墨跋

予友高念祖一飯不忘其先與之言非祖父之言勿道也嘗集其先世手書裝潢成卷蓋雖南游舒越西北入於燕齊梯涉數千里必載以行其用心勤矣昔

竹坡文集

卷三十一

八

江左諸王氏多工書至唐則天后索諸其裔方慶方慶集其先二十八人之書以獻后命善書者鈎畫設九賓觀之武成殿上其遺跡流傳世以爲寶今高氏數公雖不盡以能書著俾傳諸子孫克盡如念祖之用心守以勿失焉知不爲異代所寶念祖請予書其尾其以予言爲可徵也夫

### 宋本六家注文選跋

六家注文選六十卷宋崇寧五年鑄板至政和元年畢工墨光如漆紙堅緻全書完好序尾識云見在廣都縣北門裴宅印賣蓋宋時蜀版若是也每本有吳

門徐賁私印又有太倉王氏賜書堂印記是書袁氏襲曾仿宋本雕刻以行故傳世特多然無鑄板畢工年月以此可辨僞真也

### 退谷先生像贊

藤以爲屋芥以爲舟秋水是觀退谷是游娛老懸車之所藏書萬卷之樓畫圖四壁金石千秋咸以爲陶情之助而非玩物之求蓋翁所志者纂微言於既墜黜異學於橫流故窮年席研仰屋梁而著書不休其從翁游者訝傳神之惟肖其未登翁之堂者千里之表百世之下親茲虬鬚鶴髮庶幾乎方之藏史之在

竹坡文集

卷三十一

九

周

### 謝柔則像贊

子乎誰乎凝然不語其有所思乎游乎太行勾注之巔息乎始寧東山之墅或耕於巖或釣於渚意其射的之仙人江東之巢父乎

### 烟雨歸耕圖自贊

儘有婦子居有環堵舍爾征衣荷簑而走爲力雖微其志則堅粒食旣足不期逢年咄哉斯人誰爲徒者人或爾知百世之下

### 方硯銘

而德之溫而理之醇而守之堅雖磨之不磷以昌子

文

風字硯銘

妙萬物莫若風我行四方惟汝從

沈覃九片雲硯銘

質雖薄氣則潤千秋名視方寸

汪桐尹風硯銘

行則渙養則井君子之德庶幾可並

圖書匣銘

我言之不信人惟汝信爾體之克全我名斯全噫是  
竹垞文類 卷三十一 十  
其爲先生之執友而相保以百年者乎

筆筒銘

筆之在案或側或頗猶人之無儀筒以束之如客得  
家閑彼放心歸於無邪

銅水盂銘

方寸之金一勺之水惟靜恒存惟廉知止

錫書燈銘

人之有精猶膏之在藥養之既固溢爲聰明未有膏  
竭而燈猶有光者也戒之哉

烏絲筆格銘

毋側頗僻毋過不及

檀戒尺銘

其徑直其德方以鎮物罔不臧

竹垞文類

卷三十一

十



竹垞文類卷之二十三

雜文一十一首

讀聘禮

讀函詩

釋圭

釋齋

原教

原貞

名孫說二首

說硯

醉司命文

呂家考

讀聘禮

記曰久無事則聘焉蓋諸侯之邦交歲相問也爲之  
賓介者亦得私而私覲於君卿大夫其於幣率書之  
有按文類 卷二十三 雜文 一  
宰夫具之史展之於玉賈人啟之宰執之使者受之  
張廬於竟迎者士郊勞者大夫賈人拭圭有司展幣  
覲用束錦賄用束紡無不以告諸人者近世諱略之  
名相問者惟恐人知有聞則法吏必按以法豈今之  
禁令固有善於古者與夫無事而不相問此有事之  
所以載寶而求也嗚呼聘禮之廢苞苴所由行乎

讀函詩

吾讀函詩於東山之四章見作者之深思焉詩以美  
周公何難鋪揚其出師之盛奏凱之容顧樓樓及於  
室家兒女子之思若是乎言之近於褻者何與蓋師

不以律往往恣其淫掠而在行門者室家之思反緩  
室家之思既緩則其婦子自分其身爲夫之所棄置  
不復切於懷思卽歸矣而男女之相悅其情終未必  
摯若東山之歸士當其勿士行枚可謂暇矣而獨宿  
甘在車下迨三年之久初無子女動其心比及還而  
男女始有及時之樂則師行之秋毫無犯可信已然  
則大夫之作是詩其思深其情婉而至洵善於美周  
公者也

釋圭

圭之爲制不同而用之亦異天子大圭長至三尺土  
有按文類 卷二十三 雜文 二  
圭尺有五寸鎮圭裸圭四圭尺有二寸琬琰九寸鄭  
康成謂琬大者度尺二寸琰圭七寸兩圭五寸而命  
圭則自九寸以下爾雅圭大尺二寸謂之珣詩云錫  
爾介圭以作爾寶說者曰非諸侯之圭故以爲寶也  
是凡尺有二寸以上皆天子之圭矣記贊大行曰圭  
博三寸厚半寸剡上左右各寸半而琬圭以易行除  
隱鄭衆謂其有鋒芒則其厚且殺之又王所摺圭插  
於紳帶之間蓋其銳與劍相類所謂終葵首也考工  
記曰天子圭中必鄭氏謂以紐約其中央以備失隊  
而典瑞璽圭璋璧琮琥璜之渠斛則以紐穿聯六玉

是凡爲圭空鑿好於肉然後可以組穿聯之也宛平  
孫先生藏古玉一相傳盜發成湯墓得之傳世已久  
先生出以示予其光粲然若山玄而水蒼長尺有二  
寸博二寸中鑿以孔可以穿組刻其上若苾苾殆古  
琖圭之屬而尺寸過之疑卽康成所云大琖者也昔  
湯旣伐三腹俘厥寶玉誼伯仲伯作典寶而考父之  
頌曰受小球大球又曰受小共大共釋之者曰小玉  
尺二寸圭由此觀之是玉也焉知非詩書所云而成  
湯旣沒納諸其墓者乎客有先子觀者爲賦玉劍歌  
予考桃氏爲劍未聞攻玉玉劍之載於六經者無之  
竹垞文類 卷三十五 雜文 三

遂定以爲圭作釋圭

### 釋齋

今人多以茹蔬不肉食爲齋稽之古不爾也周禮膳  
夫掌王之食飲膳羞王日一舉王齋日三舉殺牲盛  
饌曰舉蓋周制王日食供一太牢遇朝加日食一等  
當兩太牢而散齋致齋齋必變食故加牲體至三太  
牢是齋日仍肉食反有加矣論語齋必變食以下至  
不多食邢氏疏云此以上皆蒙齋文凡言不食者皆  
爲不利人齋必嚴敬食之或致困病故不食其凡常  
不必然而孔子惟酒無量則齋日并酒亦飲之矣不

飲酒不如葷山莊子文似未足據

### 原教

始爲三教之說者誰與其小人而無忌憚者與生民  
之初草衣而血食露處而野合聖人者出教之田里  
教之樹畜養生之本旣具然後修道以明之其理身  
心性命其治家國天下其端禮樂刑政其文易詩書  
禮春秋蓋自庖犧氏作而伊耆軒轅堯舜禹湯文武  
周公孔子以數聖人損益之而教已大備初未嘗有  
所不足必待佛老之說以濟之也佛老者持過高之  
論行不近人情之事不耕則無食不蠶則無衣無男  
竹垞文類 卷三十五 雜文 四

女則生人之道息無上下則紛爭之漸起以彼其說  
行之國中蓋有時而窮則相率聚於中國食人之食  
居人之廬陽叛聖人之言而陰收聖人之教之利愚  
者不察遂惑其說至等聖人之教三之嗚呼彼之所  
奉者一而我之所奉者三曾彼之勿若矣天下之理  
出乎剛則入乎柔出乎陽則入乎陰出乎君子則入  
乎小人未有兩是者也惟內無所主則死生禍福戰  
於中其初守道不篤持論兩端其究歸於無所忌憚  
而獲罪名教當是非可否之際倡爲翻停之說者未  
有不流爲小人者也且所謂教者何哉君臣父子兄



弟夫婦朋友之教而已矣舜命契曰敬敷五教孟子曰使契爲司徒教以人倫故曰教以孝所以敬天下之爲人父者也教以弟所以敬天下之爲人兄者也教以臣所以敬天下之爲人君者也彼二氏者既已棄絕其人倫事物之常將何以副教之名哉子路問爲政夫子告之以正名謂名之不正至使民無所措其手足若是其甚也世之儒者誦聖人之言而安於三教之口其亦罪人矣夫

原貞

表貞婦之里而旌其門自後世始也然則古人未之

竹垞文類

卷三十三

五

重歟曰在易恒之大過曰恒其德貞婦人吉古之人以爲從一而終者出乎義之宜無足異也曰女子未嫁而夫死終身不嫁焉可謂異矣顧經傳亦莫之詳何歟曰先王制禮用以防民之所不足期合乎人事之宜而已未昏而夫死既葬而除服服除而嫁人事之常也其或終身不嫁蓋禮之過焉者也此經傳之所未詳也嗚呼自昏姻之禮廢而夫婦之道苦民至有自獻其身者矣蒙之蠱曰見金夫不有躬貞也者後世之所難雖過於禮焉苟合乎從一之義是則君子之所深取耳曰古者女未廟見而死不遷於祖不

附於皇姑歸葬於女氏之黨示未成婦也而况其未昏者乎謂之從可乎曰夫婦之道守之以恒而始之以感夫男女異室無異穴澤之相睽自將之以行媒之言信之以父母之命委之以禽納之以純帛則猶山澤之通氣其感與之理已深故曰男女睽而其志通也因其所感不以死生易其志乃所謂恒其德也春秋僖公九年書伯姬卒文公十有二年書子叔姬卒傳曰許嫁矣字而笄之死則以成人之喪治之禮女子未許嫁而笄燕則鬋首許嫁笄而字則爲之纓蓋至嫁而後主人親脫之凡此者明繫屬於人所以養貞一也則從之之義也曰趙喪而哭禮歟曰記有之取女有吉日而女死婿齊衰而弔既葬而除之夫死亦如之斬衰而弔焉其誰曰不可也曰詩言之矣穀則異室死則同穴然則死可以合葬歟曰若詩所云緣乎情而未合乎禮者也周官媒氏掌萬民之判禁遷葬與嫁殯者未昏而合葬是悖禮之甚者也曰生不得結其衾死不得同其葬是人事之最可憫者矣旌表焉不可以已也曰此有司之事也彼女子之貞惟知一其志以恒夫婦之道而已又豈樂有聞於鄉里而爲之者乎山陽高子雲其兄之子昂聘大河

竹垞文類

卷三十三

六

衛蔣氏之女未娶而夭女趨喪而哭甚哀自誓不嫁  
每歲寒食必往祭昂之墓年五十餘矣而有司莫知  
也世儒拘牽之見謂女尚未嫁不當輒詣夫家撫棺  
而哭而鄉里憫其守者謂死卽可以合塋於昂之墓  
皆非也高子習於禮而克明貞女之志故不請於有  
司乞予文述其事予遂原貞女之志行合乎經義者  
告之而載之世史者不復詳焉

名孫說二首

昆田生子三齡矣命之曰桐孫爲之說曰天下之木  
莫良乎梓桐也者梓之屬也榮木也易生而速長者  
也

竹莊文類

卷五十五

七

也凡木本實者末虛桐則枝之小者益堅孫枝所以  
貴也清明而始華末後時也當暑而蔭炎熱之不附  
也鳳凰之羣遊非桐不集琴瑟之中呂非桐不宜日  
月之正閏非桐不辨產乎荒岡窮木未嘗有假蹇樵  
悴之色及其自拔於百尺之表紫鄂之垂柯葉之潤  
望之者愈見其可親也是非不材之木也矣詩曰其  
桐其椅其實離離底其蕃衍吾後乎

百穀之見於六經者秬秠糜芑荻麻麥秫蕡菰稻  
穠穰黍稷而黍稷稻粱尤嘉穀之最也詩言穡事多先  
稷黍然頌豐年者必及稌又釀者則以稻酒爲上而

食稻比之衣錦稻之重於時久矣吳田之宜莫良乎  
稻取以名次孫也可幽詩云十月穫稻爲此春酒吾  
將以娛吾老焉

說硯

端州於今爲肇慶府山石多可製硯惟水巖最上水  
經鬱溪東至高要縣爲大水蓋蒼梧至是五百里有  
羚羊峽以東之峽勢將盡其左折而北趨有峯曰朝  
天巖端溪之水出其陰溪長一里許廣不盈丈自水  
口北行三十步有穴窺之止容一人倪伏捫而入積  
水灌其中凡取石必先以瓠汲水自內而外若傳杯

竹莊文類

卷五十五

八

然水既涸熬豚膏燃紙爲燈由穴而入中漸廣分三  
涂穿洞半里抵巖壁巖高三尺下上皆列石不可鑿  
也鑿石之工多黃岡村民日役不過四十人坐卧偃  
側其內得石自內傳之外一如汲水法巖三尺石分  
三品焉上巖者質純而紫中巖者質潤而凝色  
漸青下巖者質淡而細色近白有眼沉水觀之若有  
蘋藻浮動其中者是曰青花試以墨若熬釜塗蠟者  
然斯爲美矣其餘紋不同紫氣奔而迴礪謂之火捺  
聚而爲輪謂之金錢紫氣既竭白氣次之謂之蕉葉  
白凝綠若灑汁謂之翡翠白凝於綠纖而長者謂之



玉帶黃氣亘其上若虹謂之黃龍若縷謂之金線點  
墨癡相比謂之雀斑丹若粟者謂之朱砂斑斑如  
蟲齧謂之蟲蛀旁色赭者謂之鰓血之邊其爲眼不  
同有鵝鵝眼有鴉眼有象眼黃謂之鴉碧謂之鵝  
眼不貴黃也四者爲鵝鵝爲鴉長者爲象眼不貴長  
也或三五其址或七九其址有奇而無偶者也辨  
水巖者必於是驗之思過半矣朝天巖在水巖之南  
產石易與水巖混亦有蟲蛀有玉帶有金縷若翡翠  
似矣恨微黃黃龍似矣恨燥蕉葉白火捺似矣恨微  
糊硃砂斑似矣恨大抵其眼四旁若潰暗翳不明此  
竹垞文類 卷三十五 九

泪眼也形體畧備光采全無此死眼也自此而外則  
屏風山背有石西坑有石北嶺有石大抵拒墨者多  
向日視之見有若繁星者有若金銀氣者其理雖其  
質燥其聲堅響其色深紫或如猪肝或如黛綠或如  
敗錦或間道如松木紋皆石之下者也宣德巖在屏  
風山半開自宣德年品在朝天巖之上山多虎患故  
歲久無采者要之得水巖而諸山之石可廢得青花  
兼鵝鵝眼者而諸品又可廢矣典水梅花坑去端溪  
四十里在三水縣境產石亦有鵝鵝眼方之水巖無  
異也然徑尺之石眼或至百數光滑而易裂不知

硯者惟眼是求挾之以爲希世之寶特宋人之燕石  
耳予游嶺表正值采硯時購水巖石百餘久盡散去  
海鹽周福柱從予學詩以端石硯爲贄乃追憶舊日  
所得爲說示之俾審所擇焉

### 辭司命文

臘鼓送寒明燈射牖月窮則涂其日丁丑巫言是夕  
司命上天指掌翕舌譴告下人爾不神媚青及厥身  
於是主人整衣前揖而祝惴惴兢兢肅肅大夫  
都尉矧童是告神乃降而言曰子亦知子之過乎凡  
子所爲吾聞其萌及愆於帝何患無名子如不信據  
竹垞文類 卷三十五 十

觚而聽昔者二氣既分節運推斥上麗三辰下立四  
極百神繽紛如影投隙靡有大小各司其職顓頊之  
虛吾攸用宅帝臨在上下土是彤曰庖曰竈往哉汝  
監孰爲有罪告予非讒吾軼雲輪吾馭風馬下視崇  
墉於斗分野戟門二八翔子之舍子之先世秩祀孔  
虔戶門井甯吾居一焉牲醴肥香有粢有筵有祝有  
相有簫有言及子之身流離環尾自牧徂荆舍城而  
市粟主數遷誅茅長水無恒安息遠近游遨持取吾  
土不思故巢朔雲東岱西濟汾洮南廐閭粵抗石凌  
溝歸視其突未黔而跑子之比閭吾得欸睨西家至

婦有腰有姊哀粉游紅玉珥象栴鏡聽而前狄香在  
袂維子之室有姬無雙簪蒿於蓬卓樵於髻欬彼廣  
廈不可瞻諦瘳子廬孫愁苦終歲東有雲屋穴金十  
囊割蠟而發封腴以膏左鼎右盃楚苗吳杭釀用醲  
酒薦我黃羊嗟子終宴脫粟糝羹并日而食或絕其  
糧勞薪不繼焚之以糠粃反於宅鼻嚏日曉南隣北  
舍審音識曲越調吳歎哀絲豪竹迴腸蕩氣娛我心  
目維子之家詩書是讀井曰晨暄機絞夜績尺口手  
牙寒號饑哭攪我風宵蒙耳駭囑寒向不塞熱肩  
通蛙鳴礎下雪灑於窓無冬無夏上雨傍風嗟此荷  
竹垞文類 卷五十一 雜文 十一

呂冢考

半邏之南有呂冢相傳謂吳孱陵侯蒙冢也考吳志  
蒙卒於公安史不言其葬處而盛弘之荊州記云長  
沙荊圻縣有呂蒙冢冢中獨骸極大蒙形既長偉疑

卽蒙獨骸則冢之在楚可信矣按漢末黃巾之亂吳  
有許昇妻呂榮不辱於賊爲所殺廩府君飲錢葬之  
嘉興南土人號義婦塚然則呂冢殆呂榮之冢其音  
聲相近遂譌榮爲蒙爾地名之傳於今往往非昔卽  
以嘉興論如由拳之譌爲油渾西延之譌爲西縣踣  
寶之譌爲蒸餅射襄之譌爲壽春新陸之譌爲新城  
徐鬱廟之譌爲徐偃王廟蓋不可勝數矣書以俟記  
地志者正之

竹垞文類

卷五十一 雜文

十一



竹垞文類卷之二十四

碑五首

東甌王廟碑

開化寺碑

野坊廟碑

重修張仙祠碑

中奉大夫分守嶺北道江西右布政使賀公祠

堂碑

墓表六首

五經進士譚先生墓表

貞毅先生墓表

文林郎湖廣道監察御史王公墓表

竹垞文類

卷之二十四

封奉直大夫顏公墓表

處士繆君墓表

錢孺人墓表

東甌王廟碑

豪傑之士往往起破家亡國之餘流離瑣尾極人情所不堪卒自奮於當世論者徒矜其勲伐之隆至心跡之微隱而不彰者多矣張良之於韓田橫之於齊卒從諸侯滅秦要其志期於報仇雪耻而已若夫封留王齊豈以是爲榮哉予讀史至秦楚之際有感東海王之事其報讐雪恥無異良橫之所爲而終王其故土守越之宗祀以不廢則又良與橫衡悲飲恨而

不能致者王克致之可不謂難焉惜未有推明其心者而僅以趙佗梅銷之屬視之也歲在癸卯予游永嘉乃得謁王之廟於縣治之東華蓋山之下廟久不治言之知縣事漢陽王君世顯修葺之王君許諾以予之將歸也先事請予文紀之石按史王勾踐之後國覆於楚至秦郡縣天下廢爲君長及諸侯畔秦王率越從郡君入關滅秦漢擊楚王率越佐漢滅楚高帝封王於越以奉越後惠帝二年舉高帝時越功曰閩君搖功多其民便附乃立爲東海王都東甌世俗號東甌王廟之所由名也漢制非劉氏不王其初異姓王者八國卒就誅滅王與長沙王芮閩越王無諸獨終始得全非以忠謹然與司馬遷謂王入關時項籍主命弗王故王不附楚是亦未推王之心者蓋王之國楚實覆之項氏雖非楚後而世爲楚將安知覆越者之非項氏也然則王之不附楚而佐漢也明矣方其喪國於楚廢於秦版圖入丞相府越人終保而不散以瘡痍未起之衆馳數千里犯強虎狼秦及漢軍垓下黥布信越期會不進而王之用命若蹈湯火蓋國耻未雪王之心誠有不忍一日懷安者是可謂豪傑之士矣夫其流離瑣尾英毅果銳之氣百折而

同發爲明神廟食於千載宜也爰從王君之請綴以詩俾迎享送神者得以歌焉辭曰

茫茫禹迹無遠弗届兮維此東甌九牧外兮夫餘封越少康之支兮至於勾踐遂霸江淮兮施與不壽世載更兮翁翳之侯及無疆兮師覆於荆其亡忽兮或君或長海濱是窟兮七世維王既訕乃仲兮地雖秦郡人越人兮函關既入拯羸酷兮復會於垓破楚族兮國恥既雪白馬刑兮敬鬼而壽百六十齡兮維甌之鄉王所泣兮秩祀孔虔民有事兮何以迎之尊石壘兮批杷橋栗桃李梅兮維王之來樹兩旗兮何以送之工用謳兮琴瑟笙竽筑坎侯兮維王之去亦莫我尤兮我歌倡兮我舞洋洋兮黍稷維馨豆大房兮千秋萬歲俾樂康兮

開化寺碑

搏土以爲神傳以彩飾綠衣烏幘兩童子夾侍紫白馬於前曰文昌之像者古有之乎吾不得而知也築室以爲宮刻栴丹楹旁三門門三塗若王者之居以栖文昌之神號爲帝君者古有之乎吾不得而知也然則文昌之祀非與曰何可非也司馬遷天官書斗魁戴筐六星爲文昌一曰上將二曰次將三曰貴相

竹葉文類

卷二十四

三

竹葉文類

卷二十四

四

四曰司命五曰司中六曰司祿班固漢志謂五曰司祿六曰司中晉志則謂四曰司祿五曰司命六曰司寇此文昌之名也書曰禋于六宗孟康以爲星辰風伯雨師司中司命周禮大宗伯以禋燎祀司中司命小宗伯兆四類於郊月令季冬之月畢祀天神祗鄭康成謂司中司命與焉漢律曰祠祀司命此祀文昌之見於傳記者也若今帝君之名特出於道士之說謂士之以文進者其姓字悉書之帝君得以進退其柄由是海內爭祠之至徙其像學宮與孔子並居噫亦甚矣道書稱帝君之神屢降於世必爲王侯將相其可知者在周爲張仲在晉爲涼王呂光五代爲蜀主孟昶予嘗怪其說以爲帝君既能以文化成天下其降生之人宜有迥異下土之才聞天地之大文以垂教於世乃張仲者世遠勿論若昶之所能僅聞打毬走馬而已至呂光者史譏其不好讀書則於義何居焉吾知之矣古之祀文昌者司中司命而今之號爲帝君者蓋司祿也世之享厚祿者不皆善文之人則司祿亦無事於文矣使夫天下之士才者不必祿祿者不必其才則帝君進退之權不已重乎雖然其祀於學宮則外也原道士之說所以夸大帝君者



不過欲撼我孔子焉爾彼謂詩書者惟孔子之教若  
富貴利達則皆帝君司之而孔子不與焉陋儒不察  
於理遂從而祠之學宮神之靈豈安於是哉開化寺  
者大同之士人別築以奉所謂帝君者也其堂室之  
制不庠不侈視世之崇祀者不改於度宜神之安於  
是焉予悲夫世之人徇道士之說未暇究文昌之名  
義又感流俗並祀學宮之非而大同之人獨得也既  
爲之文復綴以詩曰

倬彼文昌帝車之次觀象於天戴筐是似稽古肇祀  
司命司中維今之人司祿是崇有嚴類宮釋奠孔子

卷二十四

本

本

雜祭於祊匪罔之紀懿彼塞垣誕啟大局爲堂爲凡  
殯殮其庭祀典旣一牲醴孔時佑我髦士受祿於斯  
先民有言禮失在野我作此詩敢告來者

按武陵太守星傳三台一曰司命二曰司中三曰  
司祿星經又云司命二星在虛北司祿二星在司  
命北司危二星在司祿北司中二星在司危北蓋  
四司鬼官之長祭法王爲羣姓立七祀諸侯五祀  
其一曰司命鄭康成以爲小神居人之間司察小  
過作譴告者熊安生亦曰非天之司命故祭於宮  
中也漢制掌之荆巫應劭云刻木長尺二寸爲人

像行者置篋中居者別作小屋祠以春秋之月而  
屈平作九歌分司命爲二疑所謂少司命者卽星  
經所云故其辭多近山鬼而大司命之辭曰廣開  
兮天門又曰乘清氣兮御陰陽斯則文昌之第四  
星也

### 野坊廟碑

天子之大蜡八其祭坊與水庸之辭曰昆蟲母作詩  
曰去其螟螣及其蠹賊無害我田穡故以方以社  
祀於田祖祈年於天宗先王之勤農事可謂備矣予  
考之周官凡天鳥蟄獸蟲蟲水神蠱物爲民厲者莫  
有坊文焉

卷二十四

本

不掌之以官牡犗牡犗象萬盛炭方書靈鼓其攻榮  
之術必詳顧昆蟲害稼者不及焉何與豈其有所未  
詳者與非然也蓋鳥獸蟲蠹之妖世不恒見則攻榮  
之術罕傳不有司之無以祛民之惑若昆蟲害稼農  
人咸知所以毆之農之所不能毆者官亦不能去也  
故特責其事於田畯致其祈於田祖爲之秉畀炎火  
而害可去先王治人事神之道蓋無不宐也野坊廟  
去汾州府治一十五里歲丙午八月予謁神之宇觀  
廊廡所樹碑率鄙俚不文里有隱君子胡庭者請予  
曰子盍爲文紀之予惟神之名號未顯於前代而主

民穡事近乎古之田祖至疇疇者害稼之物陸璣以爲螟之屬也神以是名猶疑氏螟氏之命其官爾矣嗚呼自浮屠道士之說興先王祀典所載神示物彪之號往往潛爲所變易世之所報者久而不復察焉往予兒童時江南飛蝗蔽野見所禳神皆出二氏無稽之說蝗亦卒不去既心知其非嘗有慨乎儒者之不能師古輒爲二氏所惑也若神之名號則猶循古之道而土人之載牲擊鼓致賽於是者去祈年方社之祀不遠微庭之言固將以是告世之君子其或不幸而罹凶旱螽蟥之災則當以此邦之人事神爲法以無戾先王報祀之義而不爲浮屠道士之說所惑庶乎其可已系之以詩曰

告諸方夏

重修張仙祠碑

吳越之俗祈子者必禱于張仙之祠或曰文昌星所化也或曰孟昶既亡蜀宮人費氏所謂花萼夫人者入掖庭私畫和像以祀宋太宗問之詭以張仙可祈

子爲對之二說皆非是按神諱惡子生於越焉姚長至蜀憇梓潼嶺神衣布衣道傍語其曰秦人將無主康濟其在君乎宜亟還秦請其氏曰吾張惡子也甚旣稱帝長安命使入蜀求之勿獲遂立廟梓潼嶺上唐僖宗幸蜀神自廟出十里餘白霧中彷彿見列伏狀僖宗脫佩劍賜之王鐸蕭遇咸賦詩刊石而李商隱詩亦載神以鐵如意贈其事蜀人俎豆不絕比之射洪灌口號爲三神是則蜀之人無不祀仙者花萼夫人所畫實仙非和像也攷仙卽梓潼神世乃分而爲二又以梓潼神爲文昌星神號於是乎失辨矣月竹苑文類

神之降兮嶺縣陷邛池兮震電神之游兮梓潼佩如意兮山中玉聰兮婀娜迎翠旂兮道左解龍劍兮胎之助威稜兮旋彼六師蜀之人兮頌神之庥誕昭靈惠兮九州差池兮燕羽至之日兮孚乳帶弓鞬兮十



女無害兮無苗生子今天材巫言兮嘉告饒福記兮  
高祺善爾兮交鼓陳詩兮合舞牲酒潔兮春復春播  
神絃兮終古

中奉大夫分守嶺北道江西右布政使賀公

祠堂碑

公姓賀氏諱萬祚字孝延浙江秀水人萬曆三十八  
年進士除南京刑部江西司主事改禮部儀制司主  
事持父喪歸服除補兵部武選司主事歷郎中出爲  
山東按察司僉事提督學政遷福建按察司副使分  
巡建南道徙廣西布政司參政分守左江道轉江西  
布政司右布政使分守嶺北道年六十三以歿公之

竹堧文類

卷五十四

九

在山東也妖賊徐鴻儒倡白蓮花教遠近煽惑公佐  
巡撫指畫卒以決勝其在廣西土寇胡扶記爲亂官  
兵敗績路將蔡人龍戰歿詔集大師征討會監軍參  
政潘應龍知潯州府事張嵩相繼卒於師環西江州  
縣咸震驚公疾馳上官以方略獲扶記父子兄弟皆  
就戮招降莫敬龍所部千人置之內地別部帥黎扶  
三以兵出掠敬龍生擒以獻公斬之於市羣蠻懾伏  
境內盜賊悉平鎮安土司岑繼祥與歸順土司岑大  
倫爲仇力不勝溝通安南莫敬寬密以騎象掩殺大

倫劫官男州印去當事者欲徵功謀討安南公曰鎮  
安土司世受冠帶一旦其爲禍首舍此不問問安南  
非計也宜治鎮安以漢法詰責安南聽其服罪當事  
者從公言敬寬果輸服送還官男州印其在江西流  
賊方肆焚劫圍定安破安遠公至相視羊角石背諸  
營堡賊聞有備引去嗚呼士大夫當承平日久人不  
知兵洎夫故禍之際一夫構患監司長吏輒束手無  
策羣盜四起天子赫怒命宰輔督師無不立見摧敗  
卒之蠶屯烏合長驅入居庸之關蓋自陝及京師僅  
五旬爾向使若公等十數人落落然分置要害地則  
冠帽何難撲滅惜乎試之窮山絕徼雖事功屢奏無  
補天下之大勢而公則盡瘁死矣公所著有禮曹修  
議兵曹疏略大業齋文集其平生未嘗談兵所至輒  
以兵事顯卒之後無子以兄子侃修嗣侃修中崇禎  
六年舉人未幾亦卒無後藝尊之再從父弟藝政於  
公爲外孫懼公名姓不得書於國史久而湮滅乃具  
狀請處士俞汝言表公之墓又葺其丙舍爲祠藏主  
以祀屬余記公行事於石并作詩以頌焉辭曰  
公之考祖鹽官是處後遷於府居城東兮既舉於鄉  
遂揚于庭其文有章譽斯崇兮爲郎勅法克正五罰

竹堧文類

卷五十四

十

不與苗髮刑德雙分禮樂攸司章服是宜昭德甄微  
宣國容兮爰佐司馬九遷之野洞若觀火贊戎功兮  
誕出掄文去疵而醇歸夫義根發滯蒙兮閩甌寧地  
有嚴無比失貴人意違此邦兮度嶺而南桂水之潯  
蠻獠所侵屢奮庸兮踰嶺而北寇賊未息以戰則克  
保陴墉兮世盡愉愉公也饒劬恒集於枯命之窮兮  
轅攀輪拒公去不顧死於道路衆所憫兮有崇者丘  
左右泉流植以松楸馬鬣封兮公雖無祀女子有子  
狀公行事其可徵兮有覺其楹丙舍未傾祠我先正  
方替宗兮

竹堇文獻

卷之四

七

五經進士譚先生墓表

彝尊之姑之夫曰築巖先生姓譚氏諱貞良字元珍  
崇禎十五年以五經舉順天鄉試明年會試復以五  
經中式賜進士出身第一又明年李自成陷京師先  
生衣丐者服奔南京除禮部精膳司主事又明年命  
典廣東鄉試至里門南京不守先生浮舟於泖達會  
稽由臨海抵福州以戊子七月卒於漳州之瑯溪庚  
寅子吉聰扶櫬歸貧不克塋甲辰十月次子瑄等始  
卜兆府城西北七里二生圩既塋題曰五經進士譚  
先生之墓先生嘗仕於朝爵通顯矣不書書五經進

士譚氏之先自河南徙嘉興曾祖某不仕祖某封福  
建布政司叅議父昌言山東布政司叅政巡視登萊  
卒贈太僕寺卿先生以萬曆二十七年十一月生生  
而髫髻及肩母嚴淑人呼曰長發兒十齡能遍誦五  
經先太傅文恪公異之許嫁以女孫卽彝尊之姑也  
太僕公卒於濟南先生時在登州跣奔五晝夜視欽  
舍旣歸喪服除哀思不置太僕嘗知婺源縣事有惠  
政盤山通往來行者民德之號譚公嶺先生乃步廬  
入婺源山止祠下攀庭中枯栢宛轉哀號淚漬其理  
柏復榮先生廣交游名聞一時家居每晨起誦經史  
晝或與客圍碁夜飲酒漏盡乃已見者疑先生嘗廢  
學不知其用力勤也及對策殿廷大臣以先生辭過  
激抑置後列思陵披覽良久曰此實學之士御書名  
次卷上蓋先生甫釋褐而國事已不可支矣嗚呼以  
先生之才使遭逢前二十年經世之大文發爲事業  
必有足觀者天下事何遂不可爲哉逮至危亡相尋  
始獲一第流離饑渴竄跡虎蛟龍鯉之鄉銜恨以沒  
洵可哀已夫人生不幸遭喪亂受全之體毀傷者何  
限先生百折不回卒保其髮膚首領從君父於地下  
是則忠臣孝子之用心真可以無憾也自先生沒後

竹堇文獻

卷之四

七



十一年而癸尊之姑亦卒合塋於墓又三年始克伐石爲表蓋自甲申以後先生之大節東南隱居之士多能道之吾欲書其大者而其大者不可得而書也吾欲書其小者而其小者又不足以盡先生其斯以表先生之墓焉而已矣悲夫

### 貞毅先生墓表

貞毅先生姓朱氏名士稚字伯虎更字朗詣世居山陰怪山下其曰貞毅先生者門人之私諡也父某官雷州知府祖廣少師恭太子太師吏部尚書文華殿大學士贈太保謚文懿曾祖某以文懿公貴贈如其

竹庵文集

卷之十四

墓表

官先生少好游俠蓄聲伎食客百數所最善者一人曰張生宗觀宗觀字朗屋善樂府歌詩以王伯之畧自許時號山陰二朗先生遭亂散千金結客坐繫獄論死宗觀號呼於所知歛重貲賄獄吏得不死既而論釋宗觀聞之大喜踴躍夜渡江馳見先生未至爲盜所殺先生既免繫放蕩江湖間至歸安得好友二人其一自慈谿遷於歸安者也自是每出則二人俱至長洲交陳三島已交予里中交祁班孫於梅市後先凡六人往來吳越以詩古文相砥礪吳越之士翕然稱之歲已亥陳君以憂憤卒六人者喪其一而先

生亦嘆息悲思遂病隔庚子冬疾亟自歸安渡錢塘以是年十二月日卒于家年四十七二人渡江經紀其喪視歛舍以辛丑二月葬於大禹陵西原時送葬者百人予與祁子臨穴視其封樹哭而去先生之季弟驛元及子鎬以狀至歸安乞二人誌其墓而二人者皆不果也又明年壬寅六月朔二人坐榛法死祁子亦株繫戍極邊以去當予與五人定交意氣激揚自謂百年如旦暮何期數歲之間零落殆盡陳君之不克塋二人者并骸骨亡之慘更甚於宗觀獨先生之墓在焉爾嗚呼死者委之烏鳶狐兔而不可問徙者遠處寒苦不毛之地幸而僅存如予又以饑寒奔走於道路然則人生相聚豈可常哉後之君子謁禹陵經先生之墓弔焉覽予之文夫亦可泣然而悲矣乃書其詞寄先生之子鎬而表諸其墓

### 文林郎湖廣道監察御史王公墓表

濟南之新城去郭二里鄭潢河東有湖廣道監察御史王公暨妻于孺人合塋之墓累土於傍封崇四尺者公子儒學生員士和之兆也公諱與胤字永錫一字百斯曰重光貴州布政司左叅議贈太僕寺少卿再贈少師兼太子太師兵部尚書公會祖考也曰之

垣戶部左侍郎贈戶部尚書再贈少師兼太子太師  
兵部尚書公祖考也曰象責戶部廣西司員外郎公  
考也曰象晉浙江布政使司左布政使公本生考也  
公中崇禎元年進士改庶吉士試授湖廣道監察御史  
史巡按河東鹽課羨金數百鎰皆却之視茶馬陝西  
邊境肅清奉命督應天學政將行上疏劾總兵官  
鄧垹玩寇忤大臣意引疾歸歸九年李自成陷京師  
帝崩煤山公聞變慟哭將浮於海行至利津海多盜  
不可行公嘗覽方書謂碌片多服能死人遂命僕購  
之僕市僞者以進公晨夕服之不死夜起投水者再

竹垞文類

卷二十四 墓誌

五

僕衛之又不死公乃迴舟抵里求死愈決自撰墓志  
以四月二十六日暨妻子登樓齊縊死遺孫敬沆僅  
五齡士和絕命詞曰痛予生之不辰兮天滅我之立  
王吾父母一聞之兮涕沾沱以傍徨以身殉國難兮  
維千古之臣綱嗟反面而事仇兮方臣妾之未遑哀  
世穢濁兮四維不張大地無容身之際兮願隨吾父  
母歸於帝鄉公卒時年五十有六子孺人福建道監  
察御史青城子公永清之女卒時年五十有五士和  
爲人坦易博綜經史書學李北海能神似卒年二十  
有八公遺教莖從薄從速遂以其年某月不卜日而

莖莖之日觀者千人僞順縣令賈三自聞之亦來觀  
衆爭持土石擊之三俊棄縣印遁去久之公從子今  
戶部四川司郎中士和刻公遺詩以行公之大節漸  
聞當世又慮傳之不遠也乃伐石爲表命其友朱葵  
尊爲文揭於墓道於是公之歿三十有四年矣嗚呼  
士大夫不幸而遭國難其始皆有捐軀之一念臨當  
引決或情牽於婢妾或僅僕援拯小不忍而自全若  
夫撓之不奪臨難慷慨就死固人之所難能至鋒刃  
未迫於前鄉里可保而守乃遙聞君喪率其婦子從  
客就義一室之內非事之出於尤難者與先是崇禎

竹垞文類

卷二十四 墓誌

五

五年十一月援遼師變掠新城時則公之從叔象復  
及子與葵死之十五年十二月城再破公之弟與政  
與朋及與朋子士熊士雅又死之至是公父子夫婦  
又死之而士和妻張氏於十五年城破亦自經死方  
賊兵之陷京師也大學士范公景文以下死者二十  
三人事聞江南江南草野上交填膺扼腕謂三百年  
養士之報盡節者不啻寥寥皆是遂持論書義誤國  
制科可廢藝尊時尚少亦助之憤慨不平久而游四  
方歷戰爭故壘訪問耆老則甲申前後士大夫殉難  
者不下數百人大都半山科第而新城王氏科第最



盛盡節死者亦最多然後知報國未嘗無人而往時  
草野之論特一時過激未得其平也象復字完  
定府同知贈光祿寺少卿與夔字風虞萬曆二十八  
年舉人贈宛平知縣與玫字文玉與朋字壽三貢生  
士熊字渭濱崇禎十五年舉人士雅字大雅生員皆  
盡節之士附書之

### 封奉直大夫顏公墓表

公諱伯璟字士瑩山東曲阜人中憲大夫知河間府  
事諱胤紹之子贈文林郎江都知縣諱弘化之孫處  
士諱從麟之曾孫而復聖顏子六十六世孫也母曰  
竹垞夫人

卷三十四

七

孟孺人公少補四氏學生員讀書卓犖自喜不治章  
句人或勸之銳意仕進則曰世事如炎火燎原者將  
及於履處堂之燕雀吾不爲也從其父歷鳳陽江都  
邯鄲事無纖鉅待封必中理河間兵至中憲公修渠  
壩爲禦城孤乏援不支衣朝衣朝冠北向拜集家人  
一室中舉火自焚死公暨弟伯玠時家兗州府兵亦  
至登陣以望鳴鏑自西來集於譙門城將陷兵民皆  
竄公性肥不能駛足伯玠性瘦善走手掖公以行步  
益窘公曰同死無益弟亟去猶可活也伯玠不肯釋  
公給弟他顧自城躍下伯玠俯視慟哭矢及其身而

卒公仆地傷左足極夜乃甦爲邏卒所得見公修髯  
廣頤狀甚偉不敢害車舛以告其帥公見帥不爲屈  
帥驚曰吾略地以來未嘗見有此人問之則顏子之  
後遂延之坐留帳前遇復有被掠者對公偶語曰昨  
見城中婦女十數輩邏卒驅以走中一婦不肯行卒  
反刃擊其臂臂折猶罵不已卒殺之牆下有媼過之  
指曰此顏氏婦也公曰得非吾婦乎語其帥同被掠  
者至牆下果然蓋亦傷已四日矣驗其息猶未絕載  
之還卽今朱室人是已帥謂公曰而日念而父然充  
州破時河間之陷已一月矣公聞之長號力請於帥  
竹垞夫人

卷三十四

本

以博通經義恒自言吾壽止六十一卒之歲果驗公  
生於某年月日卒於某年月日封奉直大夫娶朱氏  
封宜人有子七人男六人光猷翰林院編修光敏吏  
部稽勲清吏司主事光政光枚光孜光敬俱四氏學  
生員女一人嫁孔毓燾孫十四人男六人肇雍肇育  
肇永肇聲肇亨肇亢女八人一嫁孔興梓餘未嫁  
尊獲交吏部君久繼又識編修君公之卒於陋巷里  
也兩君咸官京師聞親喪梓踊盡哀涕與血俱四方  
觀禮者有顏子善居喪之日既成服而後行將歸葬  
公於侍郎之林請爲文表諸墓嗚呼公父死於忠公  
竹垞文類 卷二十四 墓表 九

處士繆君墓表

鄉有篤行君子曰繆君其言曰人豈惟貧之足患惟  
富尤足患爾故終其身處約取舍介然不苟見人無  
賢愚容色必恭親戚富貴者或經年莫之過也其爲

人質訥望若田夫野老叩其學聲聲不窮問爲詩以  
取自怡悅而已不輕出示人所居堂三楹窗以蔭其  
考妣蓬戶翛然有自得之色鄉鄰素苦徭役貧不支  
君每代之輸不責償也遭亂里西偏多盜相戒勿入  
君室有子永謀能文章君教之隱遂絕意仕進授經  
生徒以爲養不給則游於四方歲一歸視君困輒復  
出而君竟以年月日病卒年七十有二葬尊來京師  
值永謀將歸塋君於舍傍請爲文表君墓嗚呼士之  
患在汲汲於榮利既汚其身復導其子弟倖進與夫  
學未有實而盜虛名力能援人矣而吝於山納其與  
竹垞文類 卷二十四 墓表 十

錢孺人墓表

嘉興李鏡明達之妻桐鄉錢氏者歲貢生諱某之子  
廣西布政司右叅議諱某之孫贈兵科給事中諱某  
之曾孫而李君諱某之子婦兩淮都轉運使諱某之



家孫婦也其生以某年月日其卒以某年月日其年四十有九其塋也以某原有子四人曰某某某女一人嫁海鹽王某明遠予友也力學而貧其祖運使公好結納天下名士卒之日家無餘蓄明遠少孤所受產有宅半區有田三十畝力不能接賓客恒閉戶不出自予之外相往還里中者六七人而已予交明遠二十年入其宅四壁蕭然而未嘗有戚戚之色則以孺人能安其貧無推隨之言入其聽也孺人詳於禮謹於婦德事王舅如舅鞠視幼叔小姑如子卑尊外內悉稱其賢所衣布裳澣濯至補紉百結儲饔之供或雜以糠粃隣婦驟見之不知其生長富貴家也自其始嫁遭舅喪繼喪王舅當大事者再娶娣婦二人嫡婦一人嫁女妹一人女子一人集其貲費不爲少矣然不告急於嫗族不稱貸於隣里而三十畝之田半區之宅卒保如故由孺人之勤斯能相夫子以不匱噫亦異矣孺人既歿明遠踰替而哀值予歸自濟南請爲文饒諸墓予謂女子之德不外勤與儉耳亦惟貧窶乃見若夫身處富貴不侈以蕩者有焉其何儉勤之足述而見諸學士大夫之表者往往揚詡過實諛墓之文覽者莫之信也惟窶且貧者不與儉

期而儉至儉矣未有不趨乎勤者也然或慕人之有餘或怨己之不足雖士君子或不免焉若孺人之賢茲匪直女子之所難幾矣表諸墓庶幾予言之不失其實而明遠門內之化若此亦以見予取友之端焉

竹垞文類卷之二十五

墓誌銘一十一首

王處士墓誌銘

張處士墓誌銘

文林郎知桃源縣事張君墓誌銘

殷先生墓誌銘

諸處士墓誌銘

歸安縣儒學教諭馮君墓誌銘

朱開仲墓誌銘

烈婦楊氏墓誌銘

李夫人墓誌銘

馮媼冢銘

葉姬冢銘

王處士墓誌銘

竹垞文類

卷之二十五

十一

墓誌銘之州有處士王君客代州年月日以疾卒其友人管代州參將事榆林趙君墓鼎殮而葬之州城之南演武塲之右山西布政司參議清苑陳君上年首爲詩悼之富平李子因篤復爲立傳而趙君之弟劬鼎屬南海屈子大均遺書乞予文誌其墓嗚呼諸君子之欲傳處士可謂至矣處士名席民字安生少補義陵州學生遭亂匿山中胡公際亨保湖南聞其才令掌書記城陷胡公不屈死處士與諸客皆就縛將刑諸客仰天哀號涕泗被而處士慷慨就死監者壯之爲言於主帥悉減死分籍卒伍處士乃得隸趙君

籍中日負芻以供軍饑處士芻獨少同伍皆詬訾處士愬之趙君趙君與言大驚遽前擁處士上坐解衣衣之遂爲趙君賓客會趙君移官代州引處士自助遠城閒暇處士乃復事文史間爲詩歌自娛荊州自表宏道倡卑靡淺俚之體鄉曲翕然從之繼復盡於鍾惺譚元春之說詩品愈下處士既交陳君遂大變鄉人之習一以唐人爲師然每多感時嫉俗之言輒自焚其草以是存者僅二卷自趙君釋處士於負芻待之上客世多以此爲處士幸嗟夫士爲知己者死當胡公被難之日刀鋸斧鑕處士固甘心焉使自改其節以處士之才何難力致通顯則非處士之志也彼夫刀鋸斧鑕不足以動其心而負芻又豈足以困處士哉然處士不遇趙君則憂愁困躓其詩必不工間有所作不過與牛童馬走悲吟踟躕於荒山窮谷之中已耳將未爲識者所賞又賞者未極海內賢豪之選其言不信於當世則處士之詩終不傳傳矣或不能遠且久然則諸君子所以重處士者雖由處士之才足以動之而趙君之賢尤不可及也已處士生於某年月日卒時年四十有六娶左氏無子一女甫四歲趙君撫爲己女銘曰



乘爾壙幾喪爾首刈爾薪忽失爾負萍沱之陽雁門  
阜吁嗟趙君葬其友厥銘維實庶永久

張處士墓誌銘

永年有隱君子曰張蓋字覆輿一字命士以能詩聞  
工草書寇亂後謝去學官弟子悲吟侘傺遂成狂疾  
嘗游齊晉楚豫間歸自閉土室中引酒獨酌醉輒痛  
哭雖妻子不得見惟同里中涵光雞澤殷岳至則延  
入土室談甚洽其爲詩哀憤過情恒自毀其藥或自  
狂草累百過至不可辨識乃已久之狂益甚竟死涵  
光輯其遺稿僅得百篇刻之又襄其窀穸以年月日  
葬於其原嗚呼君詩人也工之數十年矣其五言  
詩尤高簡力詣古人而今之可傳示於世者止此悲  
哉斯人也銘曰  
或游或處或泣或歌家室之不一而極其他彼狂者  
實耶是維子之室耶

文林郎知桃源縣事張君墓誌銘

仁和張生某與予相遇濟南將歸塋其親請曰吾先  
人之卒七年矣饗饗之產猶足以營窀穸其過時不  
塋者懼銘之非人未足昭於後也願得吾子之文納  
諸墓庶後之人得以考信焉予辭不獲已乃按狀誌

卷十五

墓誌銘

三

之曰君諱某字其其先世曰叔義者仕宋爲右正言

從高宗南渡遂家臨安其後代有顯人曾祖某不仕

祖某官南京禮部主事父某階奉直大夫知蘭州事

母曰崔室人崇禎十五年纂修玉牒君以貢士廷試

駙馬都尉掌宗人府令萬緯以人材薦詔錄爲武英

殿中書舍人李自成陷京師賊帥聞君善篆俾更書

印篆君辭不能強之官不受拘繫七日脫歸後五年

乃就試吏部除知桃源縣事縣濱黃河民困於夫役

而驛傳官馬多責民芻牧君至盡革其弊士有貧者

賜之金粟與捐讓甚恭然驅直自遂往往忤上官意

卷十五

墓誌銘

四

竟以計吏罷職久之客游河南以疾卒於偃師年五

十有七娶某氏子三人生爲之長次某次某女一適

蔡某方君之罷官也携其子女僑居江都生自河南

扶喪歸殯君於山陽人或勸生葬君江都之鄉生不

可卒營兆祖墓之側以某年月日封其藏可謂知禮

也已銘曰

謂年空永不躋胡考降於乙巳而終於辛丑謂祿空

豐解其章綬棄彼故鄉載之廣柳嗚呼斯人我用是

傷九九者松卜此陰岡肆乃祖乃父封穴在傍我銘

維實逝者不亾

殷先生墓誌銘

先生諱岳字伯巖一字宗山姓殷氏先世自山西遷  
雞澤曾祖某祖某不仕父太白舉人仕至陝西按察  
副使母曰田安人先生少跡弛然篤於孝友與其弟  
淵並負才名崇禎三年舉鄉試後數年省其親入蜀  
值副使公由遵義知府遷今官時流賊寇漢中關南  
大震分其黨伺副使江上副使將之官先生言曰今  
逆寇充斥若順流下必墮賊計乃請移檄與安命吏  
卒迎於江潛以數騎山萬山中出夜抵興安賊大驚  
以爲神會閣臣楊嗣昌以督師至惡副使抗直誣以

有定文集

卷十五

五

違令致賊突圍當坐法淵請闕訟寃不得白而副使  
以病卒先生再疏爲父乞遺骸歸自漢中及家京師  
已陷先生遁居西山與淵討賊事泄淵被執不屈死  
永年中涵光者素與先生爲友留城中聞賊索先生  
急募死士夜馳與賊戰脫先生於難遂渡江同游吳  
越逾年乃還吏部按籍除先生知羅寧縣事布袍皂  
帽騎驢至官舍時兵革甫定先生爲政持大體與民  
休息治聲甚著涵光遺書勸之歸先生慨然曰我豈  
以一官易我友哉遂力請上官投劾歸騎驢出縣門  
學官某者送之於郊先生亟以朝衣盡與之仍布

有定文集

卷十五

本

袍皂帽還里所居鄉曰小蒼草屋三楹與涵光晨夕  
唱和相樂也先生爲詩自魏晉下屏不觀尤不喜律  
詩謂徒費對儻無益性情故平生所作惟五言古風  
一體莽莽然肖其爲人遇佳山水輒留連不去游河  
南愛大鵬風土思携家往強涵光爲隣涵光不果乃  
已鉅鹿楊思聖以病留輒開語先生曰疾革矣得傳  
青主藥我庶其瘳乎青主者先生之友太原傅山也  
時六月霖雨疾馳水石中五晝夜挾之並至蓋其重  
交游趨人之急多類此先生外和而內介遇田夫野  
老陶陶雜處至見俗士面斥之未嘗假以色笑讀書  
必窮義理其拒異端邪說尤力知離羣日有僧用鐵  
釘朱室坐其內募金錢男女往膜拜先生怒欲焚之  
僧叩頭乞哀卒與之杖里居有祠曰三教堂塑釋迦  
佛像於中而孔子末坐先生過之悲甚嚮所有田畝  
塑孔子於中俾釋迦隅坐僂僂若奉教狀旣成爲義  
學以教鄉之子弟先生產雖穠欣然意自得也子客  
太原與先生定交每索予爲弟淵作傳予未果今年  
春先生游福建次桃源猶寄予書比予至京師而先  
生內問至以六月日病死福州距生萬曆年月日享  
年六十有八娶康氏無子一女嫁松江府通判曲周



張某既歸喪涵光立其族孫某主祭祀卜日葬之副使之兆且具狀來告嗚呼予未爲淵立傳於先生之葬是不可以無銘銘曰

諸處士墓誌銘

處士錢塘諸君既卒及葬鄉之人共謀所以易其名者曰士之有私諡也古也君潛德未顯宜有諡以昭來世則曰君年二十遭父喪三十六而妻死竟不復娶事母三十七年未嘗晨昏去左右母語人曰是兒五十餘髮頰白矣乃戀我如五六歲者謚法能養能

竹垞文集

七

恭曰孝君有焉衆皆曰可則又曰君之棄諸生也年未四十日以文酒自娛閉戶不出者二十載先是崇禎間歲大祲民饑死相藉君家無益斗儲爲粥覺苑寺以食饑夫瘞族人死者一十六暨又上救荒三策開米禁行改折設義倉監察御史從之全活甚衆其後兵相持江上白骨滿道人不取收君出私錢悉掩之六和論下南顧巡撫某移官浙江與君有舊君卒不往見謚法好廉自克曰節君有焉衆皆曰可遂謚君孝節先生於是君之子乙鼎以狀來請誌朱葵尊曰是足以誌君墓矣君諱玄振字以默一字應倩生

而有文在手曰丰故又自號丰山曾祖某祖某考某俱有文行母張孺人配程氏生子男二人九鼎匡鼎皆知名女一人嫁王某孫男三人辛發壬發丙發女五人君生某年月日其卒也以某年月日年五十七孺人程氏後君十月生先君二十一年卒年三十六年月日合葬於靈隱山之陽實先世之兆銘曰是惟諸氏之阡永吉无咎鼎也藏孝節先生之隱妣附其右於戲

歸安縣儒學教諭馮君墓誌銘

年月日歸安縣儒學教諭馮君以疾卒於官舍年七

竹垞文集

卷二十五

八

十有四其子金榮舉樞歸貧不克葬後若干年乃卜塋於其原馮氏世爲嘉興人君之曾祖某祖某父某皆不仕君少好讀書有孝行父病醫言割股可療君遂如某言母疾亟亦如之補秀水縣學生工時文然省試輒不利年六十五以歲貢試京師又二年銓授紹興府儒學訓導歷七年遷於歸安未甚而卒君平居好爲善言以勸鄉里徙宅者八之官者再所至鄉之縉紳耆老門生弟子聞其言輒目爲善人無異詞嘗村居過隣人飲隣有怨家爲盜率其黨來報仇盜先至闕隣人戶見君方持酒數以善言勸其隣出戒

其無勿入君歸及舍盜殺隣人妻女火其廬而去嗚呼自世日降躬行之君子吾不得而見之矣苟出其善言以導人爲善抑其次也夫盜至不仁猶感君言之善相戒勿入况夫吳越之士聞其言有不遷於善者哉則君之所施遠矣君諱鎮鼎字子晉初名亮嫌與古同名乃更焉娶俞氏早卒再娶胡氏賢而無子君有子一人金濬也女五人其一歸於我銘曰言之善行乃踐遇則塞施諸遠誰爲銘其女夫蔡尊名姓者朱

朱開仲墓誌銘

新誌文類

卷二十五墓誌銘

九

君姓朱氏諱扉浙江嘉興縣人曾祖某祖某考某俱不仕君少有文自以多病不娶好覽方書知醫傍通釋氏青屏去肉食遇讌會強之乃至進杯酒而已方余避兵練浦君居南村子村北每相值覽余詩欣然肯和予病爲治藥畧留終日不去憂見於色屋三楹井竈之外薪數束粟一盞篝燈布被無餘物晨起淘米躬執爨恒留予共飮去則鍵戶凝坐以爲嘗予既徙宅梅花溪漸與君遠既而游四方歸輒出及訪君則已死年若干歲會其鄰欲瘞君乃銘以納其殯嗚呼君雖學於佛視飲食男女無足動其心然與之言

及父母存亡輒歎歔不止見人有疾若已疾蓋爲於行而有所不爲者也銘曰

有男子曰韓畧生北平旅江鄉訪吾長水登吾堂授琴操殺彈清商終身不娶難意量扉也方之殆舅友絕嗜欲安老壽胡二人止盧首我銘扉藏表畧名開仲扉字畧石咩

烈婦楊氏墓誌銘

新誌文類

卷二十五墓誌銘

十

華亭之鄉伍胥浦之右有水口黃溪陳氏世居其上烈婦楊氏者儒學生諱某之子給事中諱某之孫嫁陳某生三子一女歲在乙酉八月松江城破游卒乘勝至黃溪執陳某斧傷其首烈婦奔救其夫卒舍某執婦某得脫婦給卒曰毋縛我我走及汝卒信之比登舟遽躍入溪中死時年三十有一陳氏之僕有妻曰張惜匿葭葦中見婦死狀兵退其長子曰治年十二號於溪畔越二日婦屍浮溪而得就殮當是時游卒大掠溪上一婦投溪之東曰徽州商人孫氏之媼一婦投溪之西曰儒學生孫謬妻顧氏三人皆完節死烈婦幼能讀毛詩孝經列女傳平居訓子女不輟舍傍有梅三十本皆其手植蓋至今存也治好學多才藝游於京師以醫自給將歸塋其母乞其友秀水



朱藝尊爲銘銘曰

溪之水法法若斧者墳於戲女子而烈如是既活其夫乃捐其軀子也賢始克有傳我銘無泐南史是擇

李夫人墓誌銘

夫人李姓順天大興人曾祖某祖某考某妣左氏今江南布政使司布政使仁和龔公佳育之配主事翔麟之母始封孺人進封空人贈夫人以某年月日生年十五而嫁嫁二十九年於某年月日卒京師卒之後五年乃歸柩於錢塘卜年月日葬焉夫人性莊靜而明敏幼事父母孝既嫁恒以未逮事舅姑爲憾屢

行義文類

卷五十五墓誌銘

十一

臘祭祀治牲酒必虔言動皆擇義理順事夫子視妾媵若姊妹未嘗少嫉妬遇妯娌女公以和撫子女極慈愛然教之特嚴夫之宗屬姻鄰寒者爲之進衣饑者進食雖相且病不有惜容公好賓客每漏鼓數下聯騎闔門巷夫人亟治酒膳極醇腴若夙具者下至僮僕必醉飽歸由是公交游日以衆名聞士林其出知安定縣事入爲戶部管通州西倉督坐糧廳漕務悉以廉名夫人實贊之至斥賣鉅珥不惜也夫人沒後公自兵部武庫郎中遷山東按察司僉事整飭通永道擢今官宗廟嬭鄰之論咸以夫人不及見爲憾

惜然公之廉名早著於督漕時今歷階領大藩蓋本

於夙昔之聲譽不可謂非夫人之助夫既相夫子成

廉吏又教其子能文是則可無憾泉下而不繫乎年

之永不永也藝尊嘗客公所故能知夫人之懿行於

公請銘不敢辭銘曰

生不必永齡克垂女史葬不必於鄉舅姑之里遙遙

漸江遠於桑東度夫人之宮有磐貞石藏之無泐昭

夫人之德

馮媼家銘

嘉興縣治東南三十里曰練浦浦之東民居曰馮村

行義文類

卷五十五墓誌銘

十二

村之女有終身不嫁年六十七以死者曰馮媼媼之兄歸安縣儒學教諭馮君也葬媼於君之宅西二十步而誌之以文者君女婿朱藝尊方媼年少父母欲嫁之媼之言曰吾好並言而貌樸好並言必獲罪翁姑貌樸則不禮於婿嫁焉未有不困者也吾從兄嫂以居而送父母老何以嫁爲馮君憫其言不復強也媼之父母既歿食於其兄者四十年君既統官乃依子妻以居抱子子女甚謹予游嶺南歲丁酉正月媼以疾卒予妻視其殯殯焉予哀媼無祀爰封以土銘其藏在其年月日嗟夫婦人之義從一而終嫁而寡

守貞室也其或未嫁而夫死雖未從之以身守其言不改其節蓋世之所難能故或旌其門或表其閭則猶有名焉若媼之貞無得而名焉者也予嘗疑媼迷惑佛氏之言詢之馮君暨予妻則媼生平未嘗事佛異哉媼之所以自處也銘曰  
荷女子之不字無非無儀壑汝銘汝夫又奚嗟

葉媼家銘

葉媼者孔子於襁褓者也予生四齡媼歸歸九年湖東西大旱飛蝗蔽天歲饑人相食而媼之夫適死因就食予家予家自先太傅文恪公以宰輔歸里家無什產太康  
卷二十五 墓誌銘 三  
儲粟先大父繼之益以廉節自礪知楚雄府事還力不能具舟楫至是先大父已卒先處士安慶先生家計愈窘嘗至絕食從祖諱大定通判成都以蜀江米四斛貽處士米色殷而糲食之咽喉若中魚骨媼不得飽乃流涕辭去十年之中凡五嫁而夫輒貧嘗語人曰安得十郎驟富使我老不復更嫁乎其言可憫如是十郎謂予也媼年七十有一而死死之日後夫益貧予妻爲典衣買棺以殮越明年戊申予在濟南聞而哀之資其夫錢若干俾往壙焉寄之以銘曰  
婦人五嫁理則不可貧實驅之否誰依者傷哉貧乎

乃至辱其身乎

竹垞文集

卷二十五 墓誌銘

三



竹垞文類卷之二十六

論六首

春秋論三首

秦始皇論

韓信論

楊雄論

傳二首

崔子忠陳洪綬合傳

張宜人傳

祭文四首

弔李陵文

祭孫侍郎文

祭劉太夫人文

祭黃母周太孺人文

哀辭一首

沈氏功表辭

春秋論

春秋之義莫大乎正名何以正之正之以天子之命而已列爵有五公侯伯子男天子所命也其進也惟天子得進之其黜也惟天子得黜之孔子特據之以大書于策以明天子之命故邾附庸也而進爲子滕薛來朝侯也其後滕降爲子薛降爲伯州處郭小國也而稱公杞本公也而或降爲侯或降爲伯或降爲子或復爲伯他若干葵丘宋以公而稱子于溫于召陵陳以侯而稱子傳者見稱名之有異因之據例發

義于宋于陳則云在喪未葬也于州于虞于郭則云非爵也于杞則云用尼禮也夫曰朱葬稱子則三公十有三年衛之宣公未葬而書衛侯成公三年宋之文公衛之穆公皆未葬而書宋公衛侯僖公二十五年衛文公既葬矣而盟于洮書衛子是稱子不係乎葬不葬也夫謂舍國滅國被執雖生齊之于死故稱公則紀侯大去其國不當復書侯譚子弦子溫子楚衛侯鄭伯曹伯莒子邾子執于晉皆不得復書爵也其曰杞成公之卒賤之終其身也文公之來盟既已賤之矣其卒復書伯其義何也成公文公之書子也以其用尼禮雖大日子也其先公降而侯侯降而伯其義何也之衆說者皆由尊聖人之過謂聖人可人意于奪之進以示褒黜以示貶測之愈深而離之益遠矣方周末衰諸侯不享覲者一貶其爵再削其地至于不朝者三則六師移之迨後戰于繡葛敗績于貿戎而成周之禾溫之麥可芟而踐六師既不能移土地又不能削惟爵號之存猶可操其柄則因其罪貶之當日之諸侯未肯降心以從天子之命其盟會慶弔來告于宗國必仍其舊而莫之改孔子則因

其時而考其事書其爵以正其名凡王之未嘗黜者雖州虞之細猶得稱公其既黜者杞雖二王之後迭降爲子俛知王命之不可犯僭稱之不足恃以取信後世而當時之亂臣強國知所懼焉故曰春秋天子之事也曰然則宋陳稱子不以在喪未葬歟曰諸侯即位必命之天子既葬而稱子未受命于王也受命矣則雖未葬可以書爵宋公衛侯是也子言之矣惟器與名不可以假人君之所司也夫以君之所司而在下之權得以進退子奪之則孔子先自處于無干何以使亂臣強國知懼而示信于後世乎顧羣儒之

仲連素論

卷二十一

生

說猶紛紛附會之不一此乃孔子所云罪我者也

### 春秋論二

春秋隱公元年天王使宰咺來歸惠公仲子之賵二年三月天王崩秋武氏子來求賵僖公三十三年十有二月公薨于小寢文公元年春天王使叔服來會葬夏天王使毛伯來錫公命四年冬十有一月夫人風氏薨五年春王正月王使榮叔歸含及賵三月葬我小君成風王使召伯來會葬八年秋八月天王崩九年春毛伯來求金傳者曰非禮也喪事無求求之非正也魯雖不歸周不可以求之曰此失孔子之意

吳周自東遷以後其君非有幽厲之行其臣非有桀紂之殘其號令政教以晉楚之疆諸隨問曲折以王章天命之不可犯未嘗墜文武成康之訓而于同姓異姓之國結好諭志交福贊喜致禱其禮未之有廢顧諸侯之事天子禮反闕焉孔子從而書之苟失禮于王室魯雖父母之國不少爲尊者諱俾後之覽者因年以考事則是非自見焉耳夫平王之與隱公既朋及其先公矣又推及其先公之母襄王之與文公既使叔服會葬其先公矣又使召伯會葬其先公之母其生者被錫命之榮其死者復有含賵之贈周之于魯其禮不爲不備矣禮諸侯五月而葬僖公之薨在十二月而榮叔以正月至其葬也在三月而召伯卽以是月至未嘗後期也魯之于周則不然平王之崩三月來告至秋而未之賻襄王之崩八月來告至改歲及春而貨未之歸夫人有德于己猶不可忘况施及其親又其事在數歲之內朋友之義無施不報况出天子之賜而一旦忘之是魯之無禮爲已甚矣周之嗣王若置不問以宗國不共弔葬四方諸侯將從而效之何以號令于上而奔走天下故其初以武氏子來求及襄王之喪魯使非其人弔又不至于是



毛伯以上大夫卽前錫命之使臨之書曰來求云者猶夫齊桓之責包茅不入于楚也昔孔子從祭于魯膳肉不至而行孟子曰不知者以爲爲肉也其知者以爲爲無禮也周雖貧豈藉魯之金以襄大事哉孔子之作春秋志在尊王而已尊王故于王室之文有美而無刺羣儒未究其義于宰咺譏其緩予榮叔譏其兼之非禮于召伯譏其不及事至謂來聘錫命皆非禮之正是周之備禮無一而是也石尚之來歸原也曰久矣周之不行禮于魯也夫不以久不行禮譏譏而反責備禮之非是信羣儒之說則春秋徒周之

信史文類

卷二十一

本論

訪史爾安在其爲聖人尊王而作乎曰求金與則非譏子言則然矣求車何爲者曰古者諸侯以其國之所有時獻于天子義也桓公八年天王嘗使家父來聘矣至十五年求車仍以家父爲使魯或前此者許而未之獻故卽以奉使之入責其失信史蓋諱之而沒其文也

### 春秋論三

所以定天下之疑而彰信百世莫善乎春秋昔者魯之文姜通乎齊襄遂被彭生之禍而且孫于齊享于祝丘會于禚于防于穀甚至如京師其游敖也無節

當時國人傳聞桓公有同非吾子之言罔不疑莊公爲齊侯之子將使主魯祀者莫信爲周公之後國惡孰大于是孔子有憂之從而辯焉不可也諱之則疑者益甚乃爲著其事于春秋桓公六年九月書曰子同生是已先是桓三年文姜歸魯齊侯出疆送其女桓會于讎而親受之昏禮之始不爲不重矣逾三年而生莊公莊公生十二年而桓公始會齊侯于濞爲之特書曰公與夫人姜氏遂如齊足信會濞以前文姜未嘗一至齊而莊公之生在文姜來歸後三歲其爲魯君之子不待辭說而顯可以彰諸百世無惑此

信史文類

卷二十一

本論

世子之生前乎此者不書後乎此者不書惟于子同生書之噫易芊以黃易虞以呂易司馬以牛其事或未足深信惟無聖人之書法可以祛惑史沒其文斯人之疑者益甚然後知春秋之爲世道者大也

### 秦始皇論

法制禁令所以防民之姦而非化民成俗之具也惟秦之爲國不本于道德而一任乎法術執曰法之不行自上始也刑加于太子之師傅而范雎爲相素逐君之母弟秦之君以爲法在焉師傅可刑母弟可逐而法不可易也其甚者荆軻以匕首劫始皇幾堪其

胸環柱而走人情孰不急其君左右之臣至寧視其君之死不敢操尺寸之兵上殿其與寇讐何異自當時視之以爲于法宜然無足惟也嗟夫方其初用事之臣惟知任法積之既久雖萬乘之尊爲法所制軍以身殉法而不敢易上下相殘甘爲衆惡之所歸以至于亾豈不哀哉蓋吾觀于始皇之焚詩書而深有感于其際也當周之衰聖王不作處士橫議孟氏以爲邪說誣民近于禽獸更數十年歷秦必有甚于孟氏所見者又從人之徒素以檮秦爲快不曰嫪毐則曰暴秦不曰虎狼秦則曰無道秦所以詬訾之者靡

有毫末類

卷二十六論

七

不至六國既滅秦方以爲傷心之怨隱忍未發而諸儒復以事不師古矣訕其非禍機一動李斯上言百家之說燔而詩書亦與之俱燼矣嗟乎李斯者荀卿之徒亦常習聞仁義之說豈必以焚詩書爲快哉彼之所深惡者百家之邪說而非聖人之言彼之所坑者亂道之儒而非聖人之徒也特以爲詩書不燔則百家有所附會而儒生之紛綸不止勢使法不能出于一其忿然焚之不顧者懼黔首之議其法也彼始皇之初心豈若是其忍哉蓋其所重者法激而治之甘爲衆惡之所歸而不悔也嗚呼邪說之禍其存也

無父無君使人陷于禽獸其發也至合聖人之書燬焉然則非秦焚之處士橫議者焚之也後之儒者不本乎聖賢之旨文其私說雜出乎浮屠老氏之學以眩于世天下任法之君多有使激而治之可不深慮也哉

### 韓信論

或曰韓信之反信乎曰信不反也何以知之于信之報漂母知之也方信在淮陰一市咸笑其怯母獨爲進食宜其有知己之感千金之報不爲重也迫于楚爲郎中投漢爲都尉至此而天下遂無一人知己者此信所由亾也當其時豪傑並起可與就天下者惟楚漢信之亾將安往哉蓋惟有窮餓于深山以沒世焉爾何也彼其視郎中都尉之遇甚于胯下之辱也乃高帝一聞蕭何之言不特赦其罪且以爲大將又設壇場具禮召居上座自古君臣相親之隆未有若高帝之于信也其知己之感雖蒞臨其身不惜彼武涉蒯通之言曾何足以動心哉天下已定信未嘗有纖毫之過而陳平倡僞遊之邪說無故貶爵使與絳灌並列其與郎中都尉之遇何異欲禁其無怨望之言難矣彼呂后者包藏禍心以爲信不死必不爲所



用由是文致其辭戮之鐘室史遂附會其說謂與陳  
穉有執手之言嗚呼以信用兵之神衆寡莫測欲反  
則反耳何藉穉爲信之視穉猶絳灌之屬不屑與之  
言者也然則信悔不用蒯通之心非二心何曰信之  
言曰衣人之衣者懷人之憂食人之食者死人之事  
信爲高帝所殺則雖植臨無憾其爲是言者深憾爲  
女子所賣也不然以漂母一飯之不忘忍負解衣推  
食之高帝哉豫讓之死也曰中行衆人畜我我故衆  
人報之智伯國士遇我我故國士報之賈生以讓行  
同狗彘而能抗節若是孰謂信也行乃出豫讓下哉

楊雄論

卷二十六

九

以言取人僞之所從出也昔者太公誅任蒯華仕于  
齊子產誅鄆析于鄭孔子誅少正卯于魯聖賢所以  
彰刑罰大權者豈好爲已甚哉無他深惡其言之不  
實而僞學之足以欺世也楊雄之書誦法孔子自周  
秦以降折衷聖人而純于道德者莫有過焉者也抑  
知其盡出于僞哉王莽將篡漢恭儉以士士雄之潛  
泊自守若無榮利動其中其初蓋欲悅莽之心及久  
未見用躁不能禁乃爲劇秦美新之文以獻媚前之  
所爲唐尊之柴車瓦器也後之所爲哀章劉秀之符

命也其獨不得柄用者莽嘗與雄同爲郎莽之僞雄  
知之雄之僞莽亦習知之也莽作金縢大誥以自擬  
于周公雄作太玄法言以自比周易論語相率而爲  
僞焉爾矣投閑之事已爲當世所笑後之君子顧或  
有取于雄者徒以其言之不詭于聖人也夫安居而  
誦習周孔鄉曲之士能之迨事變猝至臨難而不失  
其正者希矣世之儒者幸生太平無事之日飽食暖  
衣無纖毫之憂患匡坐而談性命之學及其既歿門  
人弟子矜其迂濶腐爛之說歸然配食于孔氏之庭  
非是則俎豆不預焉噫吾能必其言之不出于僞也

什坪主編

卷二十六

十

耶

崔子忠陳洪綬合傳

崔子忠字開予一名丹字道母別字青蚓先世萊陽  
人居京師補順天府學生員通五經能詩尤善圖華  
亭董尚書其昌與之謂非近代所有子忠益自重有  
以金帛請者概不應也友人有官吏部者爲選人以  
千金爲子忠壽子忠授之地曰若念我貧不以麋粟  
與我乃以選人金汚我耶卒不受史公可法家居過  
子忠舍見子忠方絕食乃留所騎馬徒步歸子忠牽  
馬于市賣之遂呼其友飲曰此酒自史道鄰來非盜

泉也一日而賣馬之金盡絕食如初李自成陷京師  
子忠出奔鬱鬱不自得會人有觸其意者走入土室  
中匿不出遂餓而死

陳洪綬字章侯浙江諸暨人年四歲就塾翁家翁  
方治室以粉壁既出誠童子曰毋汚我壁洪綬入  
視良久給童子曰若不往晨食乎童子去累索登其  
上畫漢前將軍關侯像長十尺餘拱而立童子至  
思號哭聞于翁翁見侯像驚下拜遂以室奉侯既  
師事劉公宗周講性命之學已而縱酒狎妓自放頭  
面或經月不沐客有求畫者雖整折至恭勿與至酒

傳

卷二十六

七

間召妓輒自索筆墨小夫稚子無勿應也嘗留杭州  
其友召之飲期于西湖上洪綬往遇他舟徑登其席  
坐上坐飲主人徐察之知爲洪綬也亟稱其畫洪綬  
大駭曰子與我不相識也拂袖去崇禎壬午入貲爲  
國子監生明年還里既遭亂混迹浮屠自稱老蓮亦  
稱悔遲亦稱老蓮縱酒狎妓如故醉後語及身世流  
亂輒慟哭不已後數年以疾卒

朱彝尊曰予少時得洪綬畫輒驚喜及觀子忠所作  
其人物惟偉略同二子癖亦相似也崇禎之季京師  
號南陳北崔若二子者非孔子所稱狂簡者與惜乎

僅以其畫傳也余友孫如銓常師事子忠道子忠二  
女皆善畫而洪綬妾胡淨髮亦能畫花草云

### 張宜人傳

新城王先生士稔有賢妻曰鄒平張宜人以鎮江府  
推官諱萬鍾爲父以都察院左都御史諡曰忠定諱  
延登爲祖以巡撫河南都御史諱一元爲曾祖年十  
四歸王氏四十而卒宜人幼明慧既嫁修婦道惟謹  
時先生祖象晉以浙江右布政使家居亟稱其賢及  
先生成進士除揚州府推官入爲禮部主客司主事  
遷儀制司員外郎視權清江浦還進戶部司郎

傳

卷二十六

主

中典四川鄉試丁母孫宜人憂奔喪歸除服補戶部  
四川司郎中宜人或隨官解或歸家省視舅姑娶子  
婦靡不中禮恒隨滂澹舅姑未進不敢嘗居姑喪蔬  
食三歲祭必盡哀相夫子以莊無諍語惟以康樂相  
勸勉持家二十年不有私蓄諸姑姊妹咸敬愛嚴于  
教子有女公之女爲女無異所生待下終歲不聞譙  
訶先生以詩名海內上自公卿下及山林樵悴之士  
集門屏恒滿先生酬接無倦色宜人輒治酒肴不繼  
援頭上釵付質庫不惜也閩人許必以會試入京師  
道出揚州金盡告急于先生先生無以應有憂色宜



人隨脫跳脫于腕徐夜者字東癡隱居系水上貧且老雖凍餓不以干人會大風雪宜人出絮帛謂先生曰君得毋念徐先生寒乎曷以遺之其恭順賢敏若是宜人生長貴族迨三王兄弟先後登進士榜門才著稱山東先生名譽日益重而又有令子宗黨咸爲宜人美然自庚戌後先生之母之兄兩子一兄子一子婦相繼卒而宜人在淮南時其母景碩人歿于家蓋哀戚無歲無之又少隨其父之官鎮江避兵江寧轉徙金壇又從先生往來淮揚及京師未嘗寧居人謂宜人所遇極其榮不知實終身憂患人也

有學文錄

卷二十六

主

朱彥尊曰余屢從王先生論詩意甚洽比夜燭至食亦至先生不善飲家無餘醢酒盡童子擊磬于堂北稟宜人命入市沽或再三諸子讀書聲不輟以是心知宜人之賢及聞許秘徐夜二事其與風詩所傳雜佩以遺者何異先生屬予作傳乃撫其大概庶後之迷女史者有以采焉

弔李陵文 并序

朱子登乎采掠之巔覽大漠之野見有雪山峙乎西北若出若沒若廬若旅回睇從者忽失其處從者曰是所謂天山也李陵之臺在焉朱子曰噫嘻有是哉

竊嘗論陵本文士顧以家世爲將欲立功殊域方其召見武臺耻隸貳師軍請得步卒五千自當一隊其才誠有過人者及兵盡矢窮以身降敵短衣椎結對蘇武泣下沾襟抑何陋也其身辱名隕亦足爲負才喜功者之戒然陵方降敵隴西士大夫咸以爲媿而司馬遷猶力爭以爲國士雖大節如武終不以衛律遇之交好尤篤一其情有可矜者也河梁之詩爲五言所自始使得一鳴號歌郊祀之盛庶幾史克正考父之美復見于漢乃委之漢北幸而武奉使倡和之詩得復流傳于世迨武既歸其悲惋無聊之思必有

有學文錄

卷二十六

主

甚于平昔者登臺而望豈乏感時懷友之作惜乎不傳者蓋已多矣自古愛才之主宜莫如漢武然其所好特司馬相如靡曼之詞枚舉東方朔俳諧之體以遷之文陵與武之詩獨未聞有稱焉至柏梁旣成賦詩高會當極一世之選乃所與廢歌賦言則衛青輩一二儼豪武人及大官上林丞刀筆俗吏八九而已此何爲者耶賈生之才文帝不善用之爲世所惜若武帝之于陵用違其才殆又甚焉嗚呼才士之不遇于世自古然矣爰命從者酌之以酒而爲文乎之其辭曰

入雲中而四望兮路百折以登危  
躬絕漠之驚塵兮悼失身于驚期  
嗟平城之構患兮三十萬其莫支  
曾不念祖父之數奇兮至大言于武臺  
以五千當萬騎兮固宜心一而不離  
何女子載于行間兮將在軍而莫知  
儒生不可使印戎兮如人不可與謀  
無援師以委敵兮何百口之足讐  
死既媿成安兮生復慚乎況野憾因  
杼之妄言兮遂投行于謀者前  
奚侯使上坐兮後丁靈之嘲我殺身  
既難能兮寧歸國之不可得  
冰以爲精兮續帶以繩  
膽畢踊于南街兮望天漠之東  
傾朝忽忽其就暮兮夜迢迢而獨興  
雖永絕于君

曾堯文

卷二十六

七

親兮尚見思于友朋  
刀環既遠願兮何故鄉之足  
驅索馳與羗牛兮獵霜禽與秋兔  
登荒臺之變絕兮送故人于長路  
舞短服于樽前兮聽悲歌其如訴  
身雖陷沙漠兮盟未忘乎曹柯  
嘆形迹之長乖兮豈忠信之可訛  
居殊域而心故都兮夫孰明子之  
無他彼河梁之高唱兮麗五字而  
爲詩感杜甫之遺言兮謂二子其  
吾師斯人不可作兮大雅其衰才  
士自古而失職兮奚吾生之足悲

祭孫侍郎文

公之歷仕記則有史公之生平藏則有銘我姑略焉

詳公交情往歲丁未我末公觀公獲我詩寶座賞鑒  
庚戌八月謁公之堂我祛公攬偕步于廊款語未已  
旋羅酒漿自是過從旬必三四公召我趨我歸公至  
嗟世論交不樂草茅雖在丘園以位自高誰肯忘年  
爲謙川勞公以先覺自稱同學題扁見貽竹垞之櫺  
我歸二載公頗未改仰屋著書一本程朱河淮之議  
水田之利舍彼蕪神蕩蕩是詢公學不泛攷古能鑒  
示寶琰玉僉目爲劍尊曰不然作釋主一篇公書報  
我謂云可傳歲且更始祠考亭夫子執櫺視壺廢微  
而備公言子去歲必來助我考之喪見星而奔公命  
竹堧末續

卷二十六

祭文

七

哲嗣馳聘國門書言卧疴未克躬唁期子重來慮不  
爾見我時臨發對書載眺朔南攸隔歲月其悒既達  
于京公果逝矣不覩公容親公孫子回憶公言聲悲  
益吞僅一人知己而又存觴酒在筵挺燭在几我  
涕有盡我哀何底

祭劉太夫人文

嗚呼太君其德斯柔色斯愉也孝以爲婦而順以承  
夫也以嚴則母慈則姑也卑尊長幼咸克有孚也樂  
善之勤靡終初也相少保公之起家縣令而躋尚書  
也太君于時挽鹿車也千里之行奉板輿也在汾之



陽在浚之都也錦軍之坡白門之解往必俱也總師  
于遊贊中樞也耆德既隆壺範益擴也九伐司馬五  
教司徒也三典司寇進三孤也綸翟之榮錦霜象軸  
責于問也公沙六龍皆民譽也其三同懷二入翰苑  
女封夫人則鳳雛也孫曾則百詵詵揖揖蠡斯如也  
爰自侍郎公之填撫竟青徐也河山十二極海隅也  
沉寃之獄滅其辜也敝邑之民緩其逋也災傷之地  
蠲其租也賑者累萬必及其孥也是乃奉太君之教  
以成公之計謨也蓋太君之仁匪特下及家人子姓  
而已凡賓客之至問所須也及饌遺所無也貸者無  
不輸也惠心淑問難悉數也嗚呼太君貴矣富矣昌  
矣大矣壽矣康矣榮矣哀矣稽之于古殆莫之與符  
也某等從侍郎公游歷下獲拜太君子堂而忽聞長  
逝誠不禁涕泗之霑裾也牲之膾也酒之醕也盤有  
果而俎有脯也踞陳于筵几之前念德容之如昨而  
不可覩矣爲文告哀冀靈之式鑒而享此肴蔬也

祭黃母周孺人文

嗚呼孺人嫁不必鄉里寓公是歸產不必多男有子  
而才當其相夫子而仕也六館四門教胄子也監丞  
之賢孺人爲之耦也及其殞所天而孀也慈闈之訓

兼義方也徵君之賢孺人成其名也嗟世營營聲利  
是求維孺人之德安貧勿憂餐以菽水不事鼎鼐服  
以綈綌不事玉錦古聖微言載在六經有圖有史百  
氏縱橫香厨秘閣易散難并監丞耽讀廣爲探纂徵  
君益之凡八萬卷朝哦夜誦孺人佐之機綬之聲徹  
于書帷歲著雍敦祥閏月修病我辭白門言歸柴僻  
徵君邂逅周在浚之宅時暢書初下有司敦迫人爲  
君喜君感其頌匪榮名是述念母氏今劬勞商秋乃  
發達于燕郊陳情之語僅徹東曹哀訃忽至杖桐而  
號見星斯奔過市則哭觀者道傍屏營躑躅矧在冀  
尊猶子情親帷堂未拜漬酒遙陳臨風涕泗媿告哀  
之不文嗚呼尚饗

沈武功哀辭

歲在己酉冬予將往濟南友人沈武功送予落帆亭  
畔越二年歸里武功偕予登胥山賦聯句詩未幾別  
去予留江都武功寄予書將葬其父處士君世涵具  
狀來請銘銘未就鄉人自南來則武功以正月癸丑  
死矣武功幼遭亂失學九齡始自讀書日記誦萬言  
長工于詩性恬澹不樂仕進居父喪盡禮事母至孝  
卒時年三十沈氏自南京太理寺卿玄華以廉慎聞

其子文靖博洽資時譽人謂必相繼取科名卒不遇  
再傳至處士君省試將見錄矣復橫而武功亦困窮  
死嗚呼生才實難顧武功以上世多文采疑天于沈  
氏獨厚然皆終其身不得志以死至死且天此人事  
之最悲者爰爲辭以哀之武功傳傳弓秀水人辭曰  
處賤以爲榮遇不義也豐實而藏華行勿毀也孰是  
人斯壽止此也妻以矣遺其穉女親老矣鞠及童孫  
菽水伊何死甘旨也嗟行之人悲未已也矧在同游  
識君久也嗚呼欲銘其父而先哭其子也



竹垞文類二十六卷

內府藏本

國朝朱彝尊撰彝尊有經義考已著錄是集乃其未  
遇時所刻中有曝書亭所未錄者皆悔其少作自  
爲刪汰也



受祺堂詩三十五卷（卷四  
未刻）

〔清〕李因篤撰

北京大學圖書館藏清康熙三十八年

田少華刻本

附《四庫全書總目·受祺堂詩

集三十四卷》提要

受祺堂詩集序

人心世道如江河然導之使下  
甚易挽之使上甚難俯而趨時  
甚易勉而從古甚難舉世皆卑  
靡而矯之以剛勁舉世皆浮蕩  
而救之以淳古非特立獨行之  
士莫之能爲詩篇一藝耳而風  
格日下百餘年來學者之弊佻  
而爲公安纖而爲竟陵浮而爲  
雲間流派各別去古滋遠迄於  
今效元白效皮陸效東坡放翁  
者盈天下與之言風騷漢魏盛

唐李杜則掩耳疾走如杓鑿之  
不相入豈非唱郢曲者難爲工  
和巴歌者易爲響耶富平李天  
生先生關中豪傑也爲人豁達  
慷慨自負經世大略無所試其  
奇一吐之於詩其詩原本風騷

受祺堂詩集序

二

出入古歌謠樂府而以少陵爲  
宗意象蒼莽才力雄贍旣與杜  
冥合而章法句法講之尤精千  
錘百鍊而出之此學杜而得其  
神理非襲其皮毛者也先生嘗  
慨世不乏才人而爭新鬪巧日

趨於衰颯故其爲詩寧拙毋纖  
寧樸毋艷寧厚毋漓乍讀之不  
甚可喜而沉吟咀味意思深長  
與夫翡翠蘭苕繁促節者相  
去霄壤矣誠得先生輩數人主  
詞盟而樹之幟大雅元音庶幾  
不墜矣乎微獨先生之詩進於  
古也先生之爲人更高邁卓犖  
與古爲徒當戊午己未間  
天子旁求淵雅宏達之士徵詣  
京師先生夙負重名公卿交薦  
之有司迫遣就道試于

受祺堂詩集序

三



殿廷既授官檢討念母老具疏  
乞歸養通政司不敢以聞先生  
具密疏上之竟奉

俞旨不就職而歸天下高之當  
是時同召試入詞曹者五十人  
先生與朱子錫鬯嚴子孫友及

受祺堂詩集序

四

未四人者則以布衣入禁林爲  
千古曠典然

主恩難報物望難酬此五十人  
者二十年來不勝升沉存沒之  
感其能卓卓樹功名可不朽者  
亦無幾人而先生獨鴻軒鳳舉

不受羈紲陳情一疏與李令伯

同擅千古非深識遠見冠絕一

世而能然哉先生詩文無慮若

千首晚年自定其詩得三十五

卷樂昌令田少華先生之表姪

也携其藁至粵東割俸梓之以

受祺堂詩集序

五

行世以未託先生末契屬爲之

序未嘗不獲見古人

看字猶幸得與先生同時且與

之同薦舉同授官數奉教言謂

高邁如先生固不待文章而名

世卽使其詩不甚工猶當傳之

百世況其天才學力卓然與古  
作者方駕耶千載之下讀其詩  
而尚論其人當知先生非詩人  
乃天下士也

康熙己卯孟冬吳江潘耒撰

受祺堂詩集序

六

受祺堂詩目

卷之一

老人謠

并序

雲謠

并序

月謠

并序

擬漢古五雜組詩

擬漢兩頭織織詩

其二

又擬漢古五雜組詩

又擬漢古兩頭織織詩

其二

巧拙謠

并序

訓子謠

并序

朝雨謠

并序

雲謠

并序

受祺堂詩目

擬猛虎行

甲子謠

并序

甲申謠

并序

中秋謠

并序

句謠

并序

其二

元宵謠

并序

六日謠

并序

山水謠

路傍謠

星謠

畢星謠

後猛虎行

其二

擬魏武善哉行次元韻

擬古詩十九首

擬古詩五首

擬古詩三首

擬古詩一首



牛女行

壽外祖 六月廿六日

外叔祖嫖姚公南征先生荆園蜜蜂數十隊

不呼自至同賦

見外伯祖侍御公疏草不得悵然有作即寄

十六舅

從舅上馬先生舅母徐氏孝烈未旌值邑人

稟列有感

先外祖見背後青門諸友迎至西郊旅次感

懷

過前中尉子斗先生舊第有感

受祺堂詩目

二

聞劉閣學客生先生定逝並難兄遠生司馬

亦亡

卽事悼外叔祖嫖姚公

潘二大光宅感舊

題前中尉仁亭翁贊

題世胃都指揮使崔公汝明象

雙鵠曲懷張二完字

青門道院聞晨鐘

清明長安寓中憶先子

旅夜追思外祖高士田公漬淚成八百字

秋興八首

卷之二

追問諸將五首

舅氏石臣先生詣青門視予旣歸又得一信

感賦

懷趙趙城明府一鶴

趙舊爲伏菴兩當令得稱明府

潔之伯貞來興善寺

贈劉大六茹

再訪廣東上人卽書觸目

答孫隱君

受祺堂詩目

三

贈慧徹上人

蜀人爲秦州諸生

陳二飛溟坐上賦朱鳥

夢康大子元

二劉二絕句其一劉八石生

其二劉大六茹

廣東上人分惠新茗奉酬短句用端明答佛

印韻

酬挺北二兄

永慶菴留別馮英吾驃騎

長武趙明府熙工招飲

答黃公子仲珍

五日舟次再答仲珍

池陽送邠州蘇使君生紫赴補

東張別駕延嘏張參議大時同客臨泉

並東陳處士似古張參議大時同客臨泉

為陳二大行贈麗人丈延嘏韻

留別延嘏似古 九日呈大行

獨鶴行有序 續獨鶴行有序

春日寄六茹三首將下榻子齊

寄舍弟三首

喜雨為陳大夫作

紀別八首時將往雁門

三皇廟

舜廟

洪洞謁始祖皋陶公廟

雁門關三首

偶然作

蘇使君坐中見石生詩集有懷

君

保德姜節婦詩二首有序

留別蘇使君三首

重憩雁門關五首

羅南擢威遠令取別雁門刺入走筆志喜

綠牡丹

送羅南入蜀馬上口號

趙驃騎出麗人佐酒請賦瓶中綠牡丹

四月十三日紀異歲在重光赤奮若

蘇使君至雁門夜不及晤走東二首

瓶中芍藥二首

紀雨美蘇使君與公先生

受祺堂詩目

卷之三

早秋遊五臺道憩鵝口同家舅石臣陳端伯

弟子立

碧摩崖有序

同端伯立上碧摩五里觀龍潭

宿碧摩崖方丈

止永安寺有感

題永安光公壁用韻二首

清涼寺

登清涼閣因觀洗鉢池古跡



古清凉僧云即自聖文殊處

清凉石

清凉石殿上三大士

金閣嶺閣上

金閣壁上觀侯正鵠題唐太宗藏經詩川韻

和之

金閣嶺東道中口占

宿白雲山寺

爲蘊公作蘊公江南人以拔貢被刺壯遊五臺遂不返

棲賢舍過公簡藏處

受祺堂詩目

公鄉人又釋友廣公弟子傳廣已逝有感

紫府巷

殊象寺僧云文殊見形飯仙山肖像寺中二

首

塔院寺詠大塔

髮塔塔文殊髮也

旻青閣見董宗伯米太僕題額

羅睺寺道場

圓照寺

銅瓦寺

菩薩頂卽事

永明寺後閣謁九蓮觀音爲神宗母孝定李

太后恭製長歌

永明寺亦曰靈鷲寺立有感

永明阻雨不發借箸僧寮因憶棲賢之遊馳

示公

新霽步永明寺殿上遙東顧公先生

味爽登望海峰四首平巖嶺

登叶斗峰是五臺絕頂爲詩八首

藻浴池在公矢貫文殊處

崖側遙望古冰暮抵翠巖峰五首

紫霞谷贈西公西公亦子鄉人

失路碧山道中

受祺堂詩目

七

碧山寺懷蘊真重憩金閣嶺

金閣嶺東道中歷登錦繡峰六首

望挂月峰十絕句返清凉石四首

清凉石留別公寄別西公

大明殿別馮秦字都尉馮秦人

將達碧摩崖回首五峰馬上占十絕句

重宿碧摩崖二十韻

呈舅氏石臣先生

東端伯蕭蕭然絕世謂神仙可攷也

示弟子立出山絕句

立秋二首

柏隙觀月八舅刺史翁命賦

寄蘇使君林清 七夕二首

喜晴六首

貞燕篇爲涇陽趙母劉太孺人作卽寄元深

同學

綈袍 浦外

瓜 夜露

浴 水蓼

受祺堂詩目

八

楚客 王安石席民荆州文序時在縣騎幕

舍弟至值子臥病行後悵然有作

白馬 趙驃騎馬時 七月十五夜

未得 近說

莎雞 汲公

尚憶 二李

讀史 獨坐

得劉八石生書却寄二首

聞會大庭聞如朔方

聞砧 再聞水發

朝晴 不解

師行 安穩

得寧人先生詩有感

約生表兄近詩斐然喜賦短句

補清明 秋雪

獨立

趙驃騎蒼篆初度有感

懷瓜圃二首 趙子二首

雁門秋日三首 秋興十首

壽蘇大肩雪

受祺堂詩目

九

刺史八舅自太原書至

聞道 冉冉

壽姜肇周 雨

八月十四夜月二首

十五夜月六首 陳使君席上作

砧 聞雁

送約生表兄西歸 長城

答蘇紫煥薊門喜子得子之作

病 寄八舅

病 懷趙大元深



溫大桐伯道人報尊徵君訃繼告十月襄事

奉詩代唁二首

答溫子翺

九日二首

對菊限西字看字

霜節

懷全樹先生兼爲表兄訂婚期

霜

紅菊花二首

搗衣次杜韻

苦雨

同頡田二君看紅菊小酌

得澄一書

得傅徵君信

菊

受祺堂詩目

十

雁門邸中初雪得達字安字二首

早雪

答聖年五兄見懷

初冬

送于子上之中州

寄弟四首時兒陳新殤

除架

除架了

蒹葭

樹間

卷之六

楊生耀祖發武解馳五百里執贄雁門贈二

詩

草

月

長至二首

不寐

慰內三首

伏喜祺公先生考績晉大夫第一恭賦七言

排體五十韻

端伯至代有讀書之約喜而賦此

雪

晴

雪

杜二杜若白潞安寄詩至

雪晴

答王安生二首

嘲安生墜馬

風

受祺堂詩目

十一

風後

寄答趙三季襄時有黔中之行

返照

除夕三首

奉寄太守葉公三十韻

元日試筆

元夕感書

霧松

早春

雁門觀春二首

元宵賦呈祺公先生四首

人日

諸弟

橋

魚

送姜大隆周滿選

燈前一夕

燈夕二首

簡代州連歲詩偶題

春日同諸君遊柏林寺二首

送聖年五兄公車二首

趙驃騎招同約生安生端伯方仲叔成再飲

柏林寺順道看孫馮諸園亭十首

送正子小歸

藉草

新雨

二月望連日大雪深數尺四首

送曹秋岳先生齋表之長安四首

受祺堂詩目

主

爲方仲作

喜河曲田印尼明府舉子

前率南鄭

雪晴

雁

聞雁

雪晴

春

修禊前同諸子柏林看驃騎新題寺額

兒衣

鏡中美人二首

寄懷寧人先生

一百五日二首

清明二首

再作六絕寄寧人先生

卷之七

表弟田二子經自代赴都作詩送之

表弟行篋中得外祖叅藩公書贈美人扇唱

然有作

寄伯紹楊太舅八十詩

寄答舅氏

三月二十五日見杏花

枸杞

寄懷龔行人兼有所屬

寄朱學士滄起先生四首

受祺堂詩目

主

聞笛二首

芍藥二首

送約生表兄歸里新婚二首

送龐泗傳歸里二首

鄭澹菴明府奏最二十韻

答子實二首

五日

太原再晤劉興甫

同傅徵君公他劉明經興甫米侍御輔之陳

公子端伯永刺史舅飲崇善寺十首

偶感二首

爲約生表兄題舅氏三扇圖四首



代州西墅事

早

早發代州

閻泥驛二首

宿文殊寺

縣南

程義士嬰墓二首

黃土砦

流杯池別劉子與父二首

傅徵君書至知六茹先生在太原卽遣相迎

寄懷楊太舅白石先生

輓左二仲寶三首

夏日懷秋岳先生兼讀封事

王安生令弟自楚焚裝徒步訪其兄于雁門

受祺堂詩目

古

兼感陳使君贈行慨然有作

爲叔成作二首

寄懷張文止兼謝六茹未歸

寄懷何觀察雲子 答建明表叔見寄詩

答崑圃表兄時崑圃讀禮

鄭明府澹菴自敝邑新推職方

挽顏謙一二首 從弟甲至

送甲從軍二首

冬日同諸子觀獵東岡就飲般若寺呈驃騎

趙公

離合郡姓名字爲祺公先生賦

送弟甲從趙驃騎軍感賦一首

卷之八

發代州書觸目七十六韻

宿敷廡坊

繁峙縣

三泉

平陸關

宿靈石

趙武靈王墓

廣昌東郊信步覽一帶流泉兼登泰山祠望

牆外浮圖

紫則關

紫則道中

受祺堂詩目

古

渡易水

召公祠二首

荆軻山

井

涑水

涑州

漢張桓侯故里二首

良鄉

臨郊

獨坐懷陳使君入朝

蘆溝橋

樓桑謁漢昭烈皇帝廟二十韻

樓桑村瞻大樹舊跡四首

保定謁楊忠愍公祠二首

廉將軍廟

侍御鶴冲金公死難詩

故侍御金公長君佩舉挽詩二首

前寧夏撫軍韓公貫道墓

雨後看夏屋山

獨鶴亭詩寄王徵君山史

自保州旋代却寄陳大來先生三十韻并介

初度

石生子頑兩君至雁門夏日雲岫亭限雲字

奉答約生表兄聞余過軍都二首

送子頑先生之春明

受祺堂詩目

東陸大使仁甫

陸精岐黃家言善奕

席上呈傅徵君

題牧菴三十行樂圖

同劉朱諸君詠雨中月二首

詠駝

立秋四首

歲在癸卯大荒落

天花

雨無正

對酒

看夏屋山二首

驃騎招飲席後緩坐東亭二絕句

雁字三首陳使君郎中同劉朱諸君

太原晤米侍御時謫藩幕聞有里門之役述

舊一章

寄王二思益并訊輔之侍御雲鶴丈三君並

善書

卷之九

喜羅南先生至雁門

趙驃騎報最

至日四首

答羅南留別并詩仍用元韻

驃騎招同諸公飲柏林寺二首

望雨限字

清明限東齋二首

寄葉太守濟水

寄張都閫

龍神廟紀事二十四韻

并序

受祺堂詩目

王岡行

并序

武安君廟三十韻

并序

屈五新婚卽事二首

呈陳大端伯

舊廣武

王萬莊

田家窪

挽樂山上人

早發田家窪

沙泉

水

三岔

沙泉西道中

十方院

挽蘇使君生紫四首

歸發沙泉

河間中秋待月二首



魏家密

寄

秋夕同諸子小集

齋中卽事相調二首

九日得安字

對菊分初字寒字二首

送陳四季昭歸里

呈六弟初度

子質至自焦獲

寄傅大壽筆

寄懷葉太守

送劉二尋長歸宜川

寄張鹿洲都使

呈端伯

早春詠雪

守歲值立春

元日試筆二首

歲伯來先教祥

受祺堂詩目

六

尚友齋詠梅是傅徵君所植者

讀方密之先生南康飛錫詩感次其韻

調胡公子文述

八日

元宵日諸子屬賦祺公先生屏詩十首

卽事呈約生表兄

風

寄侯扶宇楊太舅

寄從舅仙掌先生

一百五日

清明二首

三月三日雪

卷之十

雪後

早秋齋中卽事二首

七夕

旅興

寧武關四首

文殊寺

送約生表兄歸里

九日

九日席上

寄懷馬瑞圖

寄懷胡于野二首

葵

盆松

生壽子

十月一日

韓侯嶺二首

西河訪朱學士二首

答西河胡洞庭于野兄弟

慰牧菴哭令子仲忽

受祺堂詩目

九

高河曉發

高河謠并序

船涉里

再經始祖公廟

幽風圖詩題賈撫軍初度屏

贈白制軍懋韓大司馬二首

留別葉太守濟水

留別張都使鹿洲

柬何少參雲子

葉太守葦關中書院成授館羣賢有京兆人

文之刻再奉此作

贈賈撫軍膠侯大司馬

先寄祺公先生

白制軍授官銜奉詩致慶

答會大庭問三首

答廖邵鎬

昭華州王刺史文韓兼憶西陵諸子

答韓二薄其

別表兄石太守

答王伯佐從遊

寄沈逢溪先生

再過朱學士滄起先生二首

又寄朱學士二十韻

受祺堂詩目

送馮恒山侍御之荆西少參任

寄石崑圃表兄

寄朱學士滄起先生

遙題黃鶴樓

長至前二日同右吉

雁門關卽事四十韻拈玉露凋傷楓樹林

之句分凋字

小至雪中同

長至二首

善哉行詠穗雨牧美曹觀察之政也

又

雁門除夕同兩舅氏表兄守歲

元日

東倪飛卿二首

卷之十一

效大雅文王之體賦祺公先生初度七首

送王瑤客二首

示方仲

蔚羅呈傅刺史時兼攝此州

喜王太令毓青世兄生子

受祺堂詩目

贈彭進士哲人彭高祖向爲白水令客秋西

行得入名宦詩以美之四首

答杜二蒼舒

夏日清晏堂小集二首

呈汪元直

喜雨

同帝臣公履憩子洪謁漢前將軍廟

表兄田民部陞福建督學

再送表兄出都

送我實舅氏從表兄督學公之閩



喜鼎甫先生自司農郎拜主客大夫

寄何山陰其人

九日清晏堂同諸子作得清字堂字

傅應州席上喜晤闕古古先生二首

太原別傅郡丞藩臣三首

祁縣東王梧音大令四首時予攜家自雁門

歸

安邑過趙大令講村兼問六茹起居

解州別刺史

雪中過金湯先生草堂喜次即止始補弟子

受祺堂詩目

員用蒼舒別駕韻

贈孫二諡生前督師公子

送母姨夫朱公之海門任

易公出語錄有贈用何大玉其韻

送表兄崑圃之楚時予亦將出關

張太叔人挽詩四首

王四青巖索予詩作此寄之

梁幼春太翁七十詩

送子經懸壺池陽兼寄兩城兄弟

哭五舅雨我先生二首

過元直村居二首

哭杜二蒼舒姻家二十韻

呈侯七少文

東侯昆池守備

子實齋中賦二十韻志別

稷山呈父執孟大令溫濱先生

稷郊卽事再呈孟公

水磴代州西郊

冬夕集尚友齋

送楊鄂州樞部使安南十二韻

送張彥若歸西湖

夏口芝麓先生招同伯紫

諸君夜飲西

受祺堂詩目

園別後追憶前遊奉寄五十韻

夏以過紀高士伯紫齋中留飲同

三十

韻

寄懷大司馬芝麓先生十首

卷之十二

六月三日送先生歸南海四十韻

同懷思益病居二首

登代州白人巖因飲孫園十四首

卽遠公初入道處

賦得故衣誰當補

梁木天補安肅奉東五首

時子客保州

昌平憶守陵侍郎朱公

朱子同里人

夏日過德州程水部正夫招飲卽席贈詩次

韻奉答

早

張孺人挽詩兼唁木天三首

霍州除夕

元日靈石道中

歲在屠維作麗

陳謫公招飲卽柬二首

清明

題武曾弟灌園圖

表兄約生以畫松壽母姨夫鼎甫先生屬予

受祺堂詩目

三

題句

舊年寧人先生以無妄繫濟南定書報我解

暑馳視苦疾作馳還先生寄贈行三十韻

詩春日昭保州重會薊門奉答前詩廣五

十韻

聞咸寧升耳黃明府訃

家書至却寄舍弟三首

寄漢姪

寄渭兒

憶長女

憶次女

憶壽子

遺悶

撥悶

王五山史緘芥片至却寄三十韻

鼎甫先生鈔春秋意林見寄奉酬十二韻

答沈司馬元錫見寄用來韻

答文二黃庭用來韻時同元錫入甘撫幕

再答黃庭

又憶次女

雨

東城下見新麥作二首

對鏡二首

酬程五周量二首

浴

石左函表弟舉賢書

受祺堂詩目

三

王四青巖舉北雍賢書其猶子亦領關中鄉

薦

贈新城宰王伯貞兼留別二首

別張公子振六

海姨夫鼎甫先生擢川西觀察二首

菊

寓保州聞父執孟公自稷山致政還里

歸過雲中懷秋岳先生

清商篇贈汪二開美

汪舉人

贈于二密庵二首

于金壇人



答張都使夜集見贈得儒字

除夕

此夕賦得四子明朝是

元日

送張侍御赴補還朝

送母姨夫南僉事之任威茂四十韻

送汪文石入蜀

卷之十三

春日里門與朱太史兼述所懷

正月十一日諸公見過草堂詰朝表兄崑圃

太守詩至川韻答之

受祺堂詩目

去

答石建明表叔仍用前韻

答大兄南陽公仍用前韻二首

南遊答長源表弟送別

隋田公真紫荆坊

華陰廟

潼關三首

靈寶拜先外伯祖田公去思碑

土壕有坊題云蘇季子故居

周公廟排律二首

府城在河南

河南府夢曹侍郎

詠懷古跡六首

黑石頭渡維水

王公輔嗣談易坊

周大夫養公墓

周國敬王神道碑

杞縣

胡家莊阻雨

泗州

泗州西解齋中卽事呈黃氏兄弟三首

過太和縣訪楊振公邑令二首

鄴陽謁蕭相國祠

柳下惠先生故里

謁閔子祠

試劍石

虞姬墓

鮑家集

維陽呈鄭樞部澹菴時領權關三首

鄭前爲

府

受祺堂詩目

去

撥悶

清明

喜晤陳二建極

贈王公礪

贈程十乘

王築夫行樂贊

題畫

酬張中翰樺恭送別兼訂秋日西歸用來韻

贈項城宰習三兄賡寄兼述舊九首

過朱太史鏡波園留飲答見貽詩用韻

七月晦日呈朱太史山輝

貽朱長源

望嶽

呈張都使鹿洲

醉時歌

府九芝

呈張都使得溫字

中秋都使鹿翁署中招飲卽事二首

秋雨居青門鹿洲公爲製冬衣內外甚備感

賦

題邵鎬新居

贈梁貢九

東郭大金湯

贈田長民刺史

挽王三玉質先生二首

閱兵美閩使張公

唐藩鎮歌

秋日雨中張都使招同諸子暨子輝上人集

薦福寺訪元公限韻四首

受祺堂詩目

末

又代

又代

卷之十四

三過薦福寺

贈月下彈琴者

賦得春蠶到死絲方盡蠟炬成灰淚始乾慰

鹿洲都使悼亡二首

慰鹿洲都使薦福寺悼亡用韻四首

郭贊府招同諸子飲董子祠和贊府作用韻

董祠感懷再用前韻

慰鹿洲都使病懷用韻

送孫雲章廣文之隴州任

雙鳧歌

寄涇陽王明府

涇陽書王明府書年屏十首

東張五子遠三首 喜晤劉大淑止二首

贈子正弟進士二首

送武五台心謁選兼述舊二首

酬華子繩廣文二首

王石貞孝廉招集兼聞家學感賦二首

寓休公房

冬日從涇陽來過少文草堂同諸子集飲竟

夜因爲長歌

受祺堂詩目

元

冬夜再集少文齋中分韻三首

題杜公履像

哭楊女季羸殤兒泗三首

耀州傅使君遣使致書敝廬卽事有作

贈鄒明府靜菴

古詩爲范母作

牡丹詩四首

并序

再過少文園咏繡毬花四首

又陶世丈暨從孫德符偕同青巖叔潛子實

季徒次典公礪少文不飲翠竹山房子舊

嘗憩此別來二十有六年矣述德興懷以



屬和者

春晝同振之雲生子實少文又陶飲薛爾至

前輩草堂泛觀書畫三首

陶伯爲韓駕部聖秋先生令嗣賦詩贈之

東王二達生

司馬即大龍先生之子

送人之京

贈趙伯岑新婚二首

同子禎子實飲元深西園看牡丹得流字合字

三月杪同子連方叔青巖諸君集少文東郊

園亭四首得微字園字妍字家字

受祺堂詩目

三

王青巖得小婦詩

甥坦三年之喪畢作詩慰之

再集晚園

送人之京

同官呈王明府二華二首

時來署篆

夏日寇仲符前輩招同諸子登凌遠閣並懷

習項城繼遷二首

送金明府鳴霄罷官歸

京師

送王頻山督學之楚任

張閭使茹王趙三幕僚郭贊府招同諸子集

秦邸西偏因步壽樂園限韻二首

放歌行

有序 別友二首

卷之十五

蠟梅花三首

後紀別詩

壽龔使君素若四十韻

龔舊令府谷並及之

贈高使君擢楚臬二首

長歌呈高使君欽如

答周參藩伯衡

答南陽大兄

送高三肅公之建康迎令姊歸寧

東高二巒伯

答劉序先

黃鶴樓

贈高大扶南

受祺堂詩目

三

送母姨夫朱公仲采之上杭任

晤遂安丞表祖石翁

送巒伯將妹之石城却聘小婦同還

客鄂渚營草堂成述懷呈王藩伯茂衍次老

杜將赴成都途中寄嚴鄭公韻五首

中秋夜王督學文石招同里社集飲五首

十六夜會飲臬署西臺卽席贈潘令瞻

客散獨立西臺慨然有作

再呈遂安丞表祖

喜子禎先生至武昌故舊述懷四百字

九日

寄十六舅即送計偕

至日有懷陳使君二首

贈高使君初度二首

立春日題得春字

時在荊州

除日承王藩伯茂衍貽詩見懷兼致筐幣却

謝

除夕同子禎璇伯約生雲叔舍弟嘉武昌守

歲分花字

元日武昌謁孔廟二首

元日同守歲諸公

歲在昭陽亦齋若

受祺堂詩目

三

巒伯餉紅梅東謝 正月二日大雨雷電

太昊行武昌送黃二璇伯之黔中

璇伯人

答子禎題几上紅梅

置梅几上同諸公夜酌

移梅入內室

對梅再成小詠有懷陳使君

詠懷四首

人日同子禎璇伯雲叔舍弟嘉小飲

雁

對雁懷舍弟

元宵前一夜武昌作 元宵行

戲詠愛妾換馬

橫山寺塔燈

寺故歸漢陳友諒所居

卷之十六

哭王督學世兄文石先生五百字

遣晉之保州候陳使君歸感懷一首

羊裘

贈茂衍藩伯初度二首

高歌行

寄程穆倩

無酒

答巒伯見貽酒蟹二器

高枕

清明二首

受祺堂詩目

三

答汪彥倫兼懷令兄開美

鱖魚

茉莉

無酒

答子禎詠齋前茉莉

喜張澄一自金陵來楚述舊感懷因寄陳使

君

送澄一用子禎韻兼呈陳使君

再送澄一三絕句

樽前又疊三絕句兼呈陳使君

得寧人先生書感賦却寄

王藩伯茂衍座中喜晤表兄同生之輒聞西



歸遙寄此作兼呈藩伯

寄王石屏海嶼兼呈令弟茂衍藩伯二首

送劉五還里 送巒伯之燕

答子禎喜子端陽日生子爵

浴後 茉莉

鄂洛送六舅雪田先生歸里

東棚成呈子禎

東棚新成便就憩急兼答子禎二首

送左函表弟自楚還里即赴計偕

萬年藤杖引有序 望江

受祺堂詩目

詠初月 再詠初月

詠新月二詩一興一賦再成此篇兼用比體

王藩伯茂衍招飲喜晤尊外舅趙天一前輩

二首

月

中秋夜同子禎子經茶酒對月盤豆蕭然感

賦二詩

月

十七夜月 再登黃鶴樓

月夜同子禎送表弟田二西歸

月夜過子禎山齋 夜雨有懷兼呈子禎

再送表弟子經還里 詠楚署雙鶴十二首

大江二首 漢二首

卷之十七

舟行三首 九日二首

岳家口宿

澤口阻風曳舟遲久始出漢水晚泊趙家臺

赴月渡瓦子湖 抵荊州

荆解對菊黃白二種二首

將發荊州仍留一日 泊仙桃鎮

受祺堂詩目

項徐中丞以雙鶴餉高使君欽如招飲席上

賦詩美之即送入覲二首

再詠雙鶴二絕句即呈高使君

同子禎賦雙鶴詩了却贈二絕句

鄭澹菴明府自部郎擢湖廣學使馳書見懷

喜賦二首

楚邸答約生表兄 寄張文學力臣

贈朱高士友玉 投贈鄂制軍五十韻

表弟朱長源過草堂集杜句贈之

郭明府九芝擢敝邑喜賦長律六十韻兼申

夙好

贈永壽張明府西屏

爲奉先明府弟奉壽太夫人三首

呈祝贊府思益時斷華州郝太公行樂圖贊

歲晚呈邑大夫匡廬

送張敬一澄一歸雍韓仍期燈後見過

馮方伯秋水先生挽詩代

寄張別駕公弼

答張澄一使至見貽詩畫

羅石泉明府貽一絕句答二絕句

受祺堂詩目

三

贈馬旭東馬固原人予舊從陳使君客此述

往有懷因及亡友張羅南先生二首

奉酬翁大夫述懷見貽之作時翁自隴州擢

西安郡丞卽送之關門任

送鄭使君司直備兵神木二首

喜郡別駕郝公擢西延司馬仍留青門行衙

五首

送周制府還高平五首

送張將軍鹿洲請假暫還兼申夙懷用志引

領代

贈侍御朱公崇祀聖宮兼賦學博黎先生終

事之美代

題世節卷爲楊文學念修楊大母沈母閭皆

早寡鞠子以老猶子婦席氏又烈死卷首

序出先河濱兄故有末段

黃龍山行贈郝司馬兼公

留別黎大參天錫

送郭山函卽婚雁門子亦有燕代之役二首

卷之十八

張二又南擢延尉同諸子留宿東齋賦五十

韻

受祺堂詩目

三

題房發公冊

留別八舅

梁司空子遠招飲時候補上封事卽贈二首

答戴二楓仲見懷兼申別緒五首

敬題陳使君宗祀圖

再過雁門悲開府鹿洲張公捐館奉挽五首

答姚子遜

中秋日馮星南招同諸子集芍藥園大樹樓

卽事四首

題謚生世兄郊西草堂二首

可經永碓村孫二博六草堂有感



答馮端函送別

菊四首在表叔唐大章先生園值重陽

鳳翔呈周制府彝初先生

送姚叔煙還錢塘二首姚三原人客越

送卜簡菴明府聞訃還越代

送譚方遠代

送陳嗣華太學之保德任

扶風行贈王九青太史 寄贈張紫臣郡丞代

寄謝譚延州見貽榆林志代

送新推舍人徐明府還越省親代

受祺堂詩目

胡叔子灝亭挽詩卽慰叅藩公四首

題孫邠州小像 題白儒人小像

壽鄂制府新補河西撫軍五首

中秋客青門奉懷徐明府代

中秋卽事二首得園字稀字

承聞 先生中秋抵華下阻雨尚稽省視

悵然有作四首

詣華陰時 先生未至一宿而行二首

先生肯訪山邨留宿見贈四詩用韻奉

答

白撫軍祠迎送神詞三章

趙母王碩人六表詩

秋雨同開美客飭鎬齋中方叔繼至聯牀敘

故感懷成篇

池陽焦翁像贊

壽周制府彝初先生五十韻

贈劉明府敬菴四首

同舅氏十六翁表弟子經集少華孝廉草堂

雨中夜酌卽事

卷之十九

受祺堂詩目

贈奉先令采公弟四首

壽公門宗翁百歲二首

邑里絕句五十首

酬母姨夫焦二虞先生有序

送郭山函廣文謁選

舅氏十六翁齋中牡丹盛開招開美飲奉寄

此作二首

贈楊太守陞榆林兵備卽送之官代

寄懷趙大蒼篆

寄朱太史卽問疾二首

寄采臣明府弟時膺薦剡

贈茹別駕四十韻兼寄公子紫庭明府

六月二日集陳大允中宅贈韓二溥其初度

雨公同茂引過訪留飲值七夕卽事二首

寄壽鄂撫軍

時鄂在上郡  
予之山右

哭陳使君祺公柩次十二首

答友兄錫鬯垂示山左見懷之篇

贈履吉侍衛卽懷尊大人司馬公

初雪東廷尉昆弟兼懷山史

投贈家學士湘北公兼述近懷五十韻

受祺堂詩目

呈

卷之二十

投贈內閣項學士兼書所懷五十韻

無異先生同客京師家書至有舉曾孫之慶

喜甚旣而嘆曰安有爲人作曾祖尚可干

進者愚述其意爲賦古詩因得畧叙山川

門閥之雄弁及生平梗槩凡六百字卽示

門人輔

東高舍人澹人二首

答儲明府廣期二首

贈馮訥生比部初度二首

賦伯母瞿太夫人初度五首

投贈馮相國兼上七袞之觴

時屢承枉  
顧並見

東高謨園進士二首

裴主事晉齋新納第三寵姬有贈

陳情抵京再寓張廷尉幼南齋中屬書屏詩

十首

答無異先生

贈張振六員外

王茂衍方伯初度卽事

述懷呈御史大夫魏公環谿先生

贈家學士公初度

受祺堂詩目

呈

二月四日雪後王侍讀阮亭招同諸子集飲

屬賦古體五章卽景拈積素廣庭閒之句

爲韻

石樓納却赴召入都索詠卽贈

答雷因兄過訪不值見貽之作用來韻二首

贈施尚白觀察

湯使君荆峴先生家食有年名所居曰潛菴

應詔北上命予爲詩紀之賦古體四百字

贈房樞部慎菴

寶坻相公見貽詩略敬賦長律奉答兼書感



懷

贈陳大其年

賦贈葉學士初菴

卷之二十一

投贈大司農王立梁公十首

花朝大司馬宋公蓼天招集海棠禪院賦詩

五章紀之

送翁武原郡丞之黃州任

益都馮相國萬柳堂五首

贈別中翰九兄

檀池劉公崇祀

同諸公宿餘部公署即事限衣字

受祺堂詩目

呈

答 太史季貞再用衣字韻

曹主事正子招集屬賦近體二首

送葉道子之臨清守備任

孫母顧太夫人挽詩

送孫維舟之官永和 又代

呈王詹事吳廬時令子新成進士二首

喜趙元潑成進士 又代

張儀部民部祖孫崇祀應選即淮山公命為

二詩

贈劉戶部介菴二首

羅揚庭先生崇祀令孫侍御君徵詩却贈二首

送金觀察式菴齊捧還武威二首

送謚生孫世兄之任新田

題江青園廬墓圖

印事東張振六員外 贈張鳳舉公子

題萬肅菴觀察小像 又代

首夏承沈詹事招集出所藏長翰屬賦兼申

風懷七言排體二十韻

送宗姬之任澧州

受祺堂詩目

呈

張廷尉幼南省覲畢迎娶還朝詩以紀之四

首 又代

侍御侯蓮嶽先生挽詩即慰中翰君少文讀

禮

送馬吏部右實分巡肅州

丹壑太史初度 太史為學士公子

紫瀾太史弟初度 太史籍德州

送侯繹來還解池

方渭仁重葺健松齋屬賦

陳情後投上家高陽相國

題楓江漁父圖爲吳江徐電發太史

贈韓燦之

又代

曹孺人挽詩爲尤太史展成賦二首

酬大文公見贈

田司李雪厓致政村居里社裴省郎晉齋房

樞部慎菴倡同人製清防介其初度命予

爲長歌

裴晉齋初度卽事

又代

卷之二十二

房衍公初度

又代

受祺堂詩目

留別詹事大兄三首

留別吳侍講臥山

房比部慎菴山唐十八學士圖屬賦

留別王司勳菴菴世丈四首

祝孟母太夫人

留別主政俊公大弟

賦別碩言先生二首

送淳化令之官

祝沈僉憲範先

代

寄懷吳觀察榮叟先生時予姻家杜子方叔

南游其兄別駕君與先生夙契身後蒙庇

最深故感而及之

表陳觀察貞亭公殉難

埜冀北詩集憶陳使君曹司農二首

陳情歸賦雲中曲呈郭明府兼感風懷

冬日青門贈杭撫軍五首

答友

代

贈吳醴泉虞升

代

贈黎大叅天錫

代

又代

池陽道中懷元溪

祝我實舅初度

祝明府就別敝廬座上口占

酬劉俊公都使見候並寄到朱太史錫鬯仲

文學固存劉子

述懷呈郝司馬公

受祺堂詩目

送祝明府思益之長洲任

送陳太學視三暫歸慈谿省覲兼呈孫內翰

補菴

寄贈陳母何孺人六表應令子視三之請

里人爲郭明府像贊

唁公廉姊丈喪予並寄女二首

送郭明府九芝之達州任十首

送郭孟昭隨祖翁大夫之蜀任

送何文學鳴高隨外舅之蜀

送王復初隨舅之任



雨

晴

懷開美入蜀用舍弟韻

趙贊府不敏見貽詩謝用韻奉答

秋日寓青門西郊東萬年明府筠菴弟四首

贈郭明府獻素

卷之二十三

壽葉太君吳淑人卽呈學憲蒼巖

壽邑明府郭公獻素四首

除夕

贈禮泉高明府四首

高方伯欽如遠貽書幣答詩五首

受祺堂詩目

吳

采公參藩弟抵任觸暑來奉先起居太夫人

作詩美之

兒渭赴試下榻咸寧明府筠菴弟西齋却寄

贈采公參藩初度四首

參藩弟新爲大姪娶於岐陽曹觀察兼舉仲

子陪祀還臺再遣車馬見迎率賦五首

贈筠菴弟五首

七夕慰子頑感亡二首

十五夜卽事二首得玕字中字

贈汪侍講東川與秦試

送葉督學蒼巖竣試南還五首

歲暮感懷呈郭明府獻素四首

代贈紫庭明府

寄贈宜公公子初度二首

挺北二兄像贊

送宜公公子隨侍內臺三首

喜制府大司馬陟內臺五首

喜鄂撫軍自西方伯權中丞四首

題張天衣行樂圖

趙司馬像贊

習伯子像贊

書郭明府屏歌

受祺堂詩目

吳

序毘陵高君衆偕重輯興安志附贈以詩

東郭明府初度四首

補贈趙贊府不敏初度

喜咸寧明府筠菴弟首膺臺薦卽寄三首

贈趙司馬連城初度

贈劉刺史初度

贈華陰遲明府屏萬五首

爲筠菴弟題所藏黃大癡谿山無盡圖

徐子猶再惠詩畫賦謝二首

單紹衣見貽畫扇却謝

之二十四

贈陳碩公

壽郭金湯先生題棉芝四首

贈司馬郝公時兼攝同州五首

送采翁弟之黔中臬使任五首

送漢九姪隨侍黔陽

送張通參恕翁補官之京師二首

贈友

張母李太夫人挽詩五首

寄沈雲巖繹堂先生三首

受祖堂詩目

送王方伯茂衍分藩東川五十韻

代寄吳彥敬觀察

舍弟生日次子禎先生韻二首

虞廷

先生寓曲沃臥病小愈走書相聞卽遣

使起居奉詩五首

康大孟謀貽尊外舅路板公先生畫幅見訪

並辱贈詩用韻奉答

慰表姪孝廉君讀禮

鳳翔贈曹太守冠五五首

東鄭副戎復菴二首

東任鳳翔明府覺之二首

送表弟子衡隨侍十六舅氏之蘭州

二月二日張中翰稭恭招同朱大子禎送漢

頭洞瞻孫思邈先生祠却尋鄭白遺蹟承

示田園諸作時令子暨幼孫各一人侍飲

河干卽景兼述別懷六首

家五兄宅對海棠有感

霍憲曹邵室齋中賦海棠

詠海棠二首

受祖堂詩目

不離海棠遣興再賦

張子遠先生招飲卽席賦海棠二首

花朝前一日張又韓雲七兄弟招集述園卽

賦觸目六首

無燭嘲宋大

酬劉喻人太守三首

周長伯請題稭恭書卷畢却贈兼憶令叔川

督彝初先生二首

寒食

挽王司勳公篆菴先生兼慰又陶世丈大襄



畢近體五首

宋和無燭再貽詩解之兩川韻二首

東周納言二峰先生

酬列子遠先生二首

大將軍靖逆侯張公入覲詩十首

卷之二十五

哭先生一百韻

憶亡友陳使君兩先生三首

卽事再別張宋二絕句

曹公子冲谷貽詩扇墨二事口占却謝用來

受祺堂詩目

辛

韻

制府大司馬希公垂念幽微因蒙方伯太守

延致奉謁投贈五首

伏承方伯希公飛至青門投贈五首

贈臬憲布公五首 贈糧藩王公

贈費司馬姓菴 贈劉都使峻公初度

寄俞學憲公夢符五首

寓關中書院賦呈太守董公

送祝明府子尊自韓城之端州任

西園卽景爲太守公賦十首

劉使君敬菴餽櫻桃柬謝次杜韻

贈神木司馬弟茂遠 贈費司馬初度二首

東劉使君敬菴二首

雨中答子禎川來韻二首

苦雨再用前韻酬子禎二首

宋見苦雨鄙作更云元唱是夜雨再和二首

仍前韻

喜十四夜月得明字蕪字

中秋夜積雨初晴對月限字二首同子禎作

歲在昭陽  
大淵賦

受祺堂詩目

辛

寄遲明府闇生

寄懷觀察公二首

寄劉令聞明府時讀禮將歸

題無異先生顧廬三首 有序

煥翁觀察公暨黎恭人雙壽四十韻

筠菴自成寧擢興安刺史喜賦長篇

雪後予禎先生見東五詩適趙二子實至答

用元韻同舍弟

代賀筠菴使君

卷之二十六

冬日寄紫庭明府兼書感懷六千字

冬日再如金州賦東使君弟五首

喜驃騎兄舉第五子 題張都尉賜若畫竹

題筠巷使君畫牡丹 東程總戎大功

除夕卽事用子禎韻並答見東三首

端午奉寄太守董公

送遲明府奔赴東還四首

送長源將令妹之京就婚石民部左函第

喜金州使君弟至青門馳晤却贈二首

寄太守董公初度五首

春日岐山詣茹明府紫庭感舊述懷賦近體

受祺堂詩目

圭

十首

岐山公解喜晤二兄雪木處士却送歸山

過開美木弟宅

曹太守潛齋招同開美謝青遊東湖請賦古

體時公子冲谷在坐

秦臺古意兼懷茹明府

東湖拜蘇端明公祠有感呈茹明府

茹岐山爲喜雨亭詩愛而和之仍樹字韻

注元

亭在東湖

東湖行和茹岐山川元韻

又見茹岐山近體似學王孟興之所至輒復擬之用元韻二首

載賦二章卽事贈岐山

再用前韻賦喜雨亭兼呈明府二首

喜雨亭排體四十韻和茹明府用元韻

春懷八首

并序

喜晤劉博士淑止卽事四首

文姬

并序

雁字八章

有序

卷之二十七

聞黃鵬同處士兄賦兼呈茹明府五首

受祺堂詩目

圭

茹明府築朝陽書院置膳田伏日枉車駕見

迎集諸子會講又日治具館穀來者賦詩

美之

謁周公廟卽事兼柬茹明府

七月二日謁周公廟兼承茹明府攜具同劉

廣文淑止遊飲竟日賦詩十篇

五丈原懷諸葛忠武公同茹明府作

早秋五丈原謁諸葛忠武公廟承茹明府陪

往同劉淑止廣文汪開美太學張簡修文

學懷古八首

地在岐山界內



寓朝陽書院奉答曹鳳翔澹齋川來韻

伏日應茹明府召下榻朝陽書院承曹公子

冲谷見貽新篇用來韻奉答三百二十字

答澹和王司馬周輔兼呈紫庭明府用來韻

存歿口號一百二首有序

卷之二十八

卽景題江濟之小像

貽張穉恭舍人詩六首卽承次韻見酬頃枉

佳章仍疊前韻苦次追酬如其篇什生平

用來韻不次此則集中別觀也

受祺堂詩目

苦

酬藍謝青太學

酬許學憲生洲太史用元韻并序

答許學憲用元韻二首

集杜句酬高祿侯見貽書幅

五丈原次何仲默先生韻

再疊前韻同子禎賦五丈原并序

酬魯橋張七令公用來韻二首

送友人歸漢南兼懷王副戎德溥

雨中同白公季亨宿高陵芸白羽士院索題

次壁上太乙韻

送王羽臣世丈之鎮原學博任

青廬死悵然有感贈董太守初度五首

贈胡明府鏡水初度二首

思硯齋引應許學憲公命有作

中秋夜思先母賦得有淚如金波二首

常母胡太孺人七袞詩應涇陽介公明府作

母舅十六翁兩趨江右操外祖大叅公喪輓

旋里時爲蘭州學正假公車以行藩郡嚴

檄促之遂不克葬口占送別

許督學公行部過敝邑重陽使院阻雨胡明

受祺堂詩目

重

府鏡水以酒饌至同張子餘孝廉卽席拈

玉山高並兩峰寒之句分高字二首

送三水楊明府蒲馥歸三首

寄贈許學憲公初度時在奉先使院

郭山兩廣文將之東川取尊刺史前明府樞

過草堂有作用韻奉答

壽翁東山郡丞母孫太宜人八袞

吾仲行贈金州使君弟

十月一日憶先母

趙母劉太孺人挽詩兼呈令子元深進士三

首

寄懷驃騎兄隱梧三首舊歲承徵婢子末首

專詠其事

劉贈公輔字先生李太宜人羅孺人挽詩兼

呈介菴觀察四首

贈上郡丞瑯菴弟兼述舊五首

長歌寄茹明府

長源表弟舉第二子慶其彌月是日長至六

首

卽事東張廷尉

受祺堂詩目

吳

老友荆山前王孫手製藥丸

兒貽東謝人彭楚

贈許督糧無功四首

廷尉齋中微雪初晴屬諸子分賦時予已入

城遙和用子實韻

送表弟田二景桓謁選

評許甥仁長前齋集畢却寄二首

贈高母袁孺人時初建貞節坊應令子奠邦

千長之請

贈長安盧節婦荀氏兼慰乃父聞庭

除夕二首

歲在旃蒙  
赤奮若

喜子禎先生至卽事三首

卷之二十九

贈涇干常明府介公初度

喜肇慶弟齋觀畢省母里門卽送旋郡四首

雪木二兄過草堂同子禎作三首

驟喜聞鳩同子禎作 枕上聞鳩戲呈子禎

四月朔內子請予佩皂芽可以逐疫不知其

所有起戲爲新句

寄懷茹明府四首

初體

寄贈費司馬姓庵初度三首

余月十日

受祺堂詩目

廷

食苜蓿呈子禎先生二首

苜蓿東子禎先生二詩卽承見答轉和來韻

苜蓿再用宋韻二首

蔚蘿桂萼大兄自江南歸迂道相看出新圖

命賦水心亭詩倣老杜狂歌行卽拈吾兄

吾兄巢許倫爲起句

肇慶弟過村居同子禎卽席賦

送王大省度之漳縣學博

陳中翰端伯馳書相唁兼示堪輿家言索東

瑩地圖因寄



早

早甚

小雨

南園呈子禎先生

久旱

麥索

五六一作問俗通問里音新及毫繫

麥索和子禎先生韻

麥索又用子禎韻

子禎再和麥索韻一首因答

詠蓮五首

長歌送張二幼南自大理卿擢全閩提帥

夏五承曹太守公迎至周原下榻西池卽贈

公子冲谷初度

送劉爾玉郡丞省尊人方伯公成都時方伯

受祺堂詩目

受祺堂詩目

公有吏議

高伯姜輓詩兼慰冲谷四首

遙題松茨

有序

題鄭副戎復菴行獵圖

韓溥菴別駕招飲東湖東謝

東顧遠公典籤

留別斗所並懷尊使君劔南

曹觀察公子

贈斗所初度

曹太守迎子周原府舍與公子冲谷連榻自

夏及秋冲谷見贈四詩卽用來韻奉答四

首

答冲谷詩畢兼屬家姪實君和卽事却贈

府君

將發冲谷載貽二詩悼傳顧云亡撫時相勉

撮來意答之用元韻

岐山生日得舉孫之信

兒書至報孫同生用獻吉先生舉孫韻

法門寺相傳刻昌黎先生佛骨表尋之不獲

織錦臺

新店七夕

孫與予同辰乳字曰同以詩紀之

受祺堂詩目

受祺堂詩目

生孫答子禎先生再次前韻

答舍弟喜兄舉孫仍前韻

寄贈太守董公初度五首

再承子禎先生疊前韻仍答一首是日孫同

彌月

贈胡明府鏡水初度三首

贈胡公子秋亭

奉酬許學憲公西夏得予近信知在曹鳳翔

署却寄一首並呈曹之作次來韻

方子楚邑構精舍得鮑明遠舊址許學憲公

爲賦新篇寓書淵道屬于繼作卽寄方兼  
呈學憲公

係翼垣先生初度

卷之三十

寄劉驃騎峻公三首劉自閩司遷此

題王將軍廟碑五首有序

中秋卽席呈許使君無功二首

送張民部振六赴補北上四首

贈衷愚公先生初度糧臺案師

呈希制軍五首  
投贈圖撫軍五首

受祺堂詩目

卒

答陳棘菴中秋見贈二首用來韻

青門喜晤使君弟偶去華下却寄

秋日下榻糧藩許使君無功東齋奉贈五十

韻兼述近懷

寄方伯傅公四首

青門喜晤鄭使君司直却寄五首時備兵京莊

山史先生舉第五子賦寄新句

寄茹明府五首  
贈馬子良日者

贈許公子青錢  
青錢像贊

陳棘菴像贊  
贈朱太學二玉

書太守公屏應屬部刺史明府之請

題關中八景圖絕句

草堂煙霧  
灞柳風雪

雁塔神鐘  
華嶽仙掌

驪山晚照  
曲江流飲

咸陽古渡  
太白積雪

奉答許學使公冬日華州邊予不至之作

奉贈制府圖司馬學士公五首

歲暮有感奉懷許學使公

起服阻病蒙公承問公許爲代疏感寄三首

受祺堂詩目

卒

歲除寄太守公

改歲將迫有懷許糧藩無功

雪三首

壽沈母龔太君卽寄令子蘇菴二首太君端教公殊

告病值歲暮感懷寄茹明府四首

起服請病蒙邑大夫胡公慨具印結歲除始

報二詩

胡秋亭以所作時藝屬點閱却贈

卷之三十一

秋山寓青門承費司馬姓菴招飲歲杪有寄



病臥喜父亞沈燕賓先生新愈因寄

除夕十首時立春已涉旬

寄題潘半峰徵君枕流草堂兼呈金子浣濤

用許督學公體

元日

晴

人日二首

穀日二首

馬鬼和太守公作次元韻

奉答許學使公和予跋山間生孫次崆峒韻

之作

奉答許學使公重九頻陽山中宿仲春再

受祺堂詩目

空

過阻雪並延予使院別後見貽之作廣三

百二十字

謔史得泉字

夏太守董公

承趙贊府驗病後報可却寄

夏日寄邑大夫胡公

承聞學憲公行道過訪並覽宋隱君喜賦

二首用宋韻

夏日伏承許使君四山邀同胡明府鏡水潘

徵士浣濤垂訪村居並取鼎甘泉宋隱君

子禎因延表弟朱長源摘蔬漉酒肯留及

夜適榆塞趙文學子實至自池陽兒子渭

侍恭賦長律一百韻

溫稼母唐氏詔旌貞節建新坊成索詩因寄

題許使君所藏宋觀察荔裳先生手書詩冊

二首

苦吟戲嘲宋大因索和

寄傅梅臣文學二首

送許使君無功之滇臬任時自關右大叅新

擢四首

惠孝廉過訪辱贈詩次韻答之

受祺堂詩目

空

雨

雨

遙題康大孟謀澹園次衛太史紫岫先生韻

賦得暖老須燕玉嘲宋大

有序

小兒滿歲日例陳諸物觀所取以知其志先

太孺人云予取書孫同亦然識之以詩

是日答子禎先生

代三賢書太守公屏三首

鄭使君司直以治行第一大臣公進於朝自

涼莊少叅特擢楚臬時齋捧畢還青門喜

賦五十韻卽送之任

京兆山奉爲太守董公壽

贈胡明府壽兼謝盛夏枉駕山堂二首

寄盤屋學博劉茂琳茂琳爲姻家石生族孫

兼書卽事

送岫雲先生還山兼爲諸羽士訂後期

賀許學使公舉第二孫

十五夜卽事呈子禎先生二首

歲在癸丑

高平牛月三進士過訪却送東還二十韻予

之先晉人也篇中及之

寄答胡季子文來韻同汾之高士也時客

受祺堂詩目

寄

京師

卷之三十二

許學使公旣入關舉家孫于京師家少宰命

名秦卓予見之青門因賀次孫生並寄此

作仍景文韻

送費司馬還籍 九日二首

酒間答宋隱君二首同習大令玉臨宋次首

用寒韻因步元韻一首

感懷再呈二賢二首 重疊前韻六首

菊得時字

再送費司馬五首

寄學使許公兼介初度同子禎拈文字廣三

十韻

田家詩暇日用杜擬陶得近體二十首

贈趙贊府不敏初度二首

兒渭之平陽會別駕茹公葬因寄前明府紫

庭司馬四十韻

寄盤屋程明府麓仙

西屏文學像贊 并序

奉酬許學憲公用來韻 有序

喜中黃二姪雪中來自朝邑

受祺堂詩目

寄

開美屬賦再送費司馬

開美又屬賦別費公子公遠

立冬後一日雪二首

寄一首

孫奇生名以椿而紀之詩

馮訥生少參抵任奉寄五首

開美又屬賦別費公子公偉時往漢南

月

壽池奉先夏菴明府四首

酬杜廣昌讓水見寄杜自翰林孔目出宰興



奶家蒼舒別駕通譜詩中及之六首

投贈撫軍布公兼書感懷五首

投贈方伯穆公二首 投贈臬臺臬公二首

冬杪再寄馮使君

喜聞許學使公首登薦剡兼歲暮書懷五首

冬杪寄董太尊二首 酬仁長甥春初見贈

學憲署中晤熊高士振公卽贈

寄贈閩副戎聚亭 歲杪柬胡明府

並寄秋亭公子

長源表弟見貽佳米輕裘感賦二首

受祺堂詩目

奕

扶病見長源使者知舉第三子喜賦並寄

東池明府特恩旨蠲今年殘賦並除明歲租

庸篇中有述

作詩啓俟諸公竣示兒渭

### 卷之三十三

除日書卽事

歲在癸丑

除夕 同上

元日

歲在癸丑

正月初三日立春

人日

正月上日承許使君招同表弟朱長源詣青

門有限元宵必至先成是作

阻國恤未能卽赴悵然有詩

同長源抵使君署

長源卽席呈使君詩旋蒙報章並及鄙人奉

酬用長源韻

答浣濤和使君見待之作用元韻

和仁長贈長源詩用韻

金觀察公子遵同糧藩學憲二公過寓卽送

齋捧之都門

過騎都尉震陽弟西第

閩副戎聚亭席上作

受祺堂詩目

奕

贈郡司馬張公敬菴

贈于通守玉山兼懷尊叔司徒公

卽事贈同譜果能時爲大中丞幕僚兼送還

京四首

羅選士文燦作秋興終及老夫感賦二詩兼

舒夙抱

送許使君四山還朝霞古體十首

送仁長公子隨侍南還卽用留別元韻

送潘國學浣濤同許使君南歸兼呈令兄次

排太史三首

呈贈學使張公繡甫五首一字柳巷

問文學母王氏以高節徵詩有贈

喜雨二首

張大令猷侯請題令先君貴宇翁母朱孺人

行像將攜之官以便展祀

張並請題祖頻山翁妣沙孺人行像

送馮督糧訥生轉福建二首

喜雨渥二首

投贈制府總憲右司馬葛公五首

題何內親家張孺人小像兼示武舉君子力

受祺堂詩目

昆弟

生日

七夕

七月十二日立秋是夕雨

贈董郡伯四十韻 送王默公進士謁選

高陵朱明府人瞻來攝敝邑詩以代柬

送張子丹進士謁選子丹家有七鄉舉

壽華陰董太夫人卽呈裕菴明府四首

贈王太學琴伯時在董明府座上二首

答孟謀嶽麓別後却寄賦懷長篇川來韻詩來

三十二韻  
廣六十一韻

寄趙贊府不敏時有得雄之喜

雨

雨十月十日

冬日贈董明府裕菴述舊申懷兼介初度五

首

補裘

投贈薩撫軍四首薩自山西臬司超陟僉都

歲除寄懷張學使繡甫前此相晤敝邑東偏

詩中及之三首

歲底寄太守公二首

卷之三十四

受祺堂詩目

寄董華陰明府卽事書懷二首

歲除呈朱明府人瞻三首時自高陵攝敝邑

十二月朔舉次孫陽長至後三日也喜而賦

此仍景文公生孫韻

除夕歲在屠維

元日孫陽彌月歲在屠維

人日

元宵日贈都尉弟震陽初度三首

東徐明府湯公新任予之先晉人也詩中及

之二首



贈徐明府初度二首

送田少華表姪謁選

寄贈康叔方補博士弟子員兼呈令兄孟謀

宋子禎先生舊歲六月有次兒雲叔茂才之

變寄詩奉慰兼迎杖履過草堂六首

送趙贊府不敏之京郡新任

金憲僉子遵陞督糧兼驛鹽少叅賦寄四首

對鏡

大雨

連日雨

贈洪參戎古山初度二首

受祺堂詩目

主

贈董郡伯初度五首

壽董太君兼呈裕菴明府四首

送表弟田二青嶽之棗陽新任五首

壽魏學博母白太孺人兼喜令子隸弟子員

壽秦緒昌六表

十五夜月二首

歲在屠維  
大荒落

九日

擬張參藩初度四首

代

湯明府旭升自華池來稱敝邑贈詩二首

送胡鏡水明府南還二首

壽湯明府旭升二首

壽筠菴使君弟三首

雨時暑  
小雪

贈鄭贊府

壽華陰董明府三首

次孫陽試志取子名印及尚書乃世經也喜

而有詩

歲底東太守董公二首

歲除東湯明府旭升二首

歲杪寄陽陵朱明府二首

臘杪病中承白水釗明府玉樵遣李文學領

使相訂詰朝枉駕山居見贈佳篇喜而有

受祺堂詩目

主

作五首

立春在屠維大荒落  
十二月廿五日

除夕

壽震陽初度並題畫

元日歲在尚  
章啟祥

人日

喜羅明府蒞任二首

梅

迎子禎先生至承見柬詩次韻答之

子禎先生示別後見懷詩十數篇病中愧感

交集口占二首

讓水有誕珠之喜同方叔賦時方叔將奉探

二首

谷樾雪峰太史 有序

許文學廷玉偶至宜君承謝明府南齋一見

動容旋延署內款渥備至屬賦和寄

許廷玉並請賦宜君李驃騎高義因寄

又爲廷玉寄宜君朱守戎

卷之三十五

病居承杜姻家方叔整輯詩稿感賦古體五

百字

保德節孝王母詩即寄蓮山文學

寄柴郡博仙枝

受祺堂詩目

圭

題松鶴岡壽柴郡博

燕子來北堂作次杜韻

卽事柬子經表弟次宋先生韻

酬畢西臨次元韻

喜震陽承恩陞見特權遊戎

五日東繼明府梅崑

夏日寄長源表弟兼仲積懷五百字

送張大令子丹之崇仁新任兼呈左守卿菴

弟

送白覺斯文學暫還仍訂重過草堂

秩翁二舅遠寄詩幣次韻奉答

浴

喜禹思二姪補博士弟子員兼呈太守孝廉

兩弟

壽梅崑羅明府初度二首 七月七日

壽董郡伯五首 又代

壽朱明府人瞻二首

壽董太夫人卽呈裕菴明府四首

魏母白孺人挽詩卽慰哀所博士

喜張五嘯月鄉北捷音

受祺堂詩目

圭

喜主稱寶光收宗人種芳爲門徒賜名覺善

適表弟田子經至字之以復初贈二詩

壽華陰董明府二首

歲杪寄鈕明府玉樵二首

寄糧藩金使君子遵二首

寄太守董公二首

寄陽陵朱明府人瞻二首

早春東羅明府梅崑二首

守歲同汪二弟開美

元日 歲在重光協洽



壽鈕明府玉樵

白水鈕明府葺縣門思齊樓竣工垂示所撰

新記爰賦古體用杜工部題衡山文宣王

廟學堂韻呈明府

鈕明府葺思齊樓予爲賦古體畢興猶蔚然

再奉七律二章用工部江陵節度新樓成

同嚴侍御作並後首元韻

贈華州刺史黃公極時兼攝敝邑

贈學憲高使君嵩侶五首

壽朱明府人瞻二首

受祺堂詩目

七首

壽董郡伯五首

承聞前學憲許公四山凶問奉輓五首兼寄

公子仁長

答許仁長見懷詩用來韻

壽董母徐太君

喜蔣明府雨亭蒞任

贈負別駕震生

聞董郡伯擢洮岷觀察驚喜相兼口占五首

壽蔣明府雨亭

壽華陰董明府裕菴

早春東鈕明府玉樵

早春東學憲高公

早春東陽陵朱明府

度除

歲在重光協洽

元日日有餘之既

歲在元載沿灘

壽鈕明府

歲饑承蔣明府力庇殘黎偕邑里作頌一章

次少陵美嚴中丞韻

卽事再成二律呈明府

受祺堂詩目

七首

受祺堂詩卷之一

中南山人荆東李因篤子德著

老人諺 并序

予聞此諺垂三十年其音亦稍變

老人語楮中緒

雲諺 并序

予聞諸老農驗若影響然惟渭北如此稍變之

雲之西 并序 雨湧泉雲之南水傾潭雲之東佇立  
木頭生耳 并序

受祺堂詩卷一

蓋自童稚聞之中稍改正

初二三產西南初七八中天發十一二暮東次十  
五中昏出東十八九坐相守廿二三落天南廿四  
五牛出戶廿七八日相戛

擬漢古五雜組詩

五雜組機上絲往復還手中厄不獲已別臨岐

擬漢古兩頭織織詩

兩頭織織滿張弧半白半黑太極圖扁扁膊膊方  
沸鑪磊磊落落垂流蘇

兩頭織織新畫眉半白半黑對奕棋扁扁膊膊駿  
馬追磊磊落落園中葵

又擬漢古五雜組詩

五雜組華嶺薦往復還南北鴈不獲已當決戰

又擬漢古兩頭織織詩

兩頭織織績絲柯半白半黑花翅鵝扁扁膊膊然  
豆鏢磊磊落落懸鳴珂

兩頭織織織錦杆半白半黑繡來黼扁扁膊膊芭  
蕉雨磊磊落落高城杵

木頭生耳 并序

受祺堂詩卷一

之訓諸孫也引諺如此敬識而聲

巧自巧問三老拙自拙恥人說

訓子諺 并序

母訓子婦有曰

饑來須耐籽粒長在寒來須當畱作客裳

朝雨謠 并序

聞之田畯

朝雨雖雨不雨老健春寒秋暑

雲謠 并序



聞之隴上待雨者

橫雲不雨縱雲雨願爲東風吹送汝

擬猛虎行

寧從猛虎行不從野雀栖猛虎恣咆哮野雀嬌且啼

甲子諺

舊諺以甲子爲千支之首忌雨倒其句入

韻

春雨甲子赤地千里夏雨甲子操舟入市秋雨甲子禾頭生耳冬雨甲子雪壓羊豕

甲申諺

亦聞之老農取雨爲韻漢有此體

四時不取甲申雨

中秋諺

聞之席上高年稍易之爲韻

八月十五雲遮月來年元宵燈晃雪

句諺

聞之老農易數字

壬子癸丑甲寅晴五旬之中宵見星

戊午至甲子七日行泥滓

元宵諺

此諺自童時聞之易一字爲韻

風吹十五月雨灑清明節

六日諺

聞之高年屢試皆驗

六月六日雨菜根遭蟲蛀

山水謠

越重山陡步間隔一水如萬里

路傍謠

終身讓路日算幾度終身讓路相距幾度

星諺

星睇日雨侵屋

畢星謠

大餅注小餅溢爲雲水聲其下如建瓴

後猛虎行

饑不從猛虎食猛虎仍在深山側猛虎有時捕野

雀險于虎

遊子安野雀自言百年樂野雀高飛可奈何駕車

馳馬前山阿

擬魏武善哉行次元韻

我生嗟衰

一作

祐世患遑急苦鳴鴉鳴其門鴻鴈

弱無語

一作

望荒前訓悲來痛何怙矜歎不自量

子居其孰與

解

漂搖者如是夙願逐零雨汨沒于

風塵行藏罕能

解

白榆晝在天冬虹交其左潛

將畢初期悅行終流楚

解

于人易所因中道難自

攸高明非一塗古之各有緒

解

吾適亦何嘗徒憂

反無處安得秉我心于丹淵祛垢如墜雨

解

六

擬古詩十九首

惻惻將焉栖遠遊心易悲情契在君子不圖中有

遠凄然霜露凝歲月亦已非晨風號西陸旅鴈奮

受祺堂詩卷一

五

南歸冉冉以相偶行行忽在後朔氣生積陰悲君

乃蒙垢道長永棄絕潛意于林藪慷慨苦不極夙

懷難具剖

爰爰路傍兔交交枝上鳥栖栖行役子靡靡委秋

草鏘鏘鳴和鈴鬱鬱傷遠道笳作鴛鴦遲今成牛

女早牛女歲相逢盛顏難自保

蔚蔚園中柏我我道上石哲人一長徂飄忽時代

圻天運如循環白駒迅過隙百年復幾何勞意營

朝夕吾欲策羸馬與君馳且射道旁有廢圃云是

王侯宅畫棟翬入雲長楊暮成陌歡來儻不醉過

此徒相惜

美人歎枉駕顏色青雲姿肆筵鳴錦瑟朱鳳託遺

辭玉體揚德音中情亦在茲小心自避謝邂逅初

見知嘉會難久戀策名各及時願言奮高翮天路

同所期賤子拙薄陋潛身歸東菑

飛閣延朝陽四隅垂丹梯鳳皇巢其顛桂樹夾道

齊之子抗雲端當樓理清機三歎投杆起出入嘗

苦悲寧作陌上草不爲蕩子妻草枯有時榮蕩子

無還期何惜妾心苦但恐君情非焉得如候雁應

時歲來歸

受祺堂詩卷一

六

隔水望葦葭芙蓉生相偶伊人天一方夙昔展情

厚遠道乖所期流離浩奔走向回顧無同心太行障

北斗

嚴霜澹朝暉古木秋盡赤東望首陽山白雲何奕

奕往時二餓夫載傳遺跡念此爲沈吟中懷不

得釋披裘道間老姓字寧自惜吳札乘人倫所言

何乃迫驅車自茲遠不知蠻與貊君子聲明義素

心如夙昔

默默澗下草幽居無與鄰自君謂我芳移植連格

筠格筠同一體交結同一身逝水判不屬茫茫難



爲津獨行使道遠良會無由申倉庚昨夜辭白露  
盈今晨歲月倏云暮徒傷毛髮新思君生高翼夢  
見亦相因

堂前蓄好鳥翠羽妍朱唇自教爲語言日久聽其  
真欲假枝風力託之告所親路長險且阻羅網恐  
見陳

高高天上烏子子姮娥子輝輝弄素杵灼灼圓金  
藥望皆有時德音互不已清光虧復滿安知所  
終始皇皇九道間汲汲還復爾

臨岐折楊柳藹藹春未晚兩雪忽霏霏君行不顧  
受祺堂詩卷一

返離居聊放意對酒日以淺四望無知音歌久  
自遠願比雙鴻鵠飛鳴共相善

層城霄漢間第宅鬱盤曲落葉浮遠楹飛霜忽盈  
屋人生戀故里但感流年速朔馬鳴其風秋蟬處  
于木曠懷寄忠厚庶以安幽獨關塞多新聲繫車

恣所欲倩妝來好女絲管互追逐期子未敢言指  
繁音相屬深衷被顏面偃蹇更結束賴有賢主人

高堂繼明燭

沾衣雙華東遂出五原路松柏何離離鼠狐跳古  
墓嗟哉下世人戚戚可誰訴千載一寒暑焉知朝

與暮茫茫天地間躑躅復何故託命似春草還如  
花上露榮名潤金石少壯徒自誤海上三神山風  
吹不得渡但當攜所喜荒宴以爲務作仙山

戚日嘗苦多歡日嘗苦遲昔所欣故舊相拊忽如  
遺取酒澆汝墓黃泉莫能知種樹猶昨日離離漸  
成固感時懷故鄉展轉復何之

丈夫輕離別恒有萬里期年往畏道長欲辭先自  
悲分手朝復昏振綬還相因徬徨泣永夜所重平  
生親緬彼何梁篇悠哉絕等倫

迢迢歲方始俛仰天一隅鴻雁忽復至故人無尺  
書盛時不再得爲樂良獨殊會面日以少恩情儻

中疎思君到累夜百慮空躊躇昔初交接託歡  
若連株既來結同根相顧忘薄軀大義永有保綢

繆還相如春風起往道湛露明吹噓浩蕩江湖間  
長爲比目魚

良辰見春性旦日何皎潔獨坐知晝長懷人展怡  
悅三陽衆草黃四陽蘭蕙發寄書與故鄉欲語先

氣結入門含悲辛出門迫契濶流涕滿書中客心

繁百折好修同瞿瞿無使芳樹歇

期我流水涯一罇在其後高言相對剖逸氣振林



鼓持以白玉壺酌之黃金斗南山雕異文芝草結  
看壽指陸臨洪河誰能致不厚

芳草何濯濯下車言采之愁多不盈把去路嗟逶  
遲苦辛將其迹因物寫我懷踟躕無使寄坐歎忽  
經時登高酌百觥結志同前期

擬古詩五首

流蕩天一涯故人與我違故人體情恕相易結新  
知不樂新相知悠然憶臨岐臨岐如昨日鬢髮一  
朝衰君遊蘭池上心中懷我悲庭陬翠鳥集坐惜  
羽儀垂羽儀苟不就焉得摩天飛飛飛橫四海永

受祺堂詩卷一

九

與故人期

有客登我堂自言來遠方貽我明月綺爛然列星  
光上垂百象寶下繡兩鸞翥五色何煜燦葳蕤奪  
流黃天孫爲此綺織女成七襄文彩親手作合歡  
義相當披帷萬餘里宛轉充君牀徙倚不果居空  
憐兔絲長

送客遠方去附之尺素書眷言無別語相易以其  
初自惜結交晚乖違希定居思君渺何所夙好中  
躊躇還顧別時道淚流如連珠

明明河漢水照我羅衾綢繡似奇鳥揚縹從水

流空牀生夜寒展轉有千憂獨歎彼行子忘歸何  
所求

孤竹生深巖繁霜乃獨榮高節良自固坐歎蕙草  
零遊子曠天隅欲歸多棘荆自愁盛年移顛顛空  
復情膏沐豈不妍誰能爲委形

擬古詩三首

鶴潛異彩僻居在西極荷君得高選驚翥自努  
力託命親前庭馴遊以報德棄捐自中道使共凡  
鳥食君問王子焉藉予爲消息

受祺堂詩卷一

十

遊空庭駐暮雲高樹風飈飈蒲自池中出萍來塘  
上流潛魚泳其水旅鴈鳴其秋鴈爲綵帛下魚爲  
素書雷書帛同時發庶將獲所求曰歸日延佇聊  
用忘我憂

北園春草生楊柳冒清沼素手折其枝臨風悲窈  
窕行行轉自却上有雙棲鳥薄命委路隅感茲傷  
懷抱含情無可言鬱鬱憶長道

擬古詩一首

浮雲在東北嘗恐相棄置雙鯉江漢流故人附書  
至振衣望關隴關隴高難攀願作齊飛翼乘風歛



來還

牛女行

天邊河漢不盈汴坐隔牛女成彼此夜長長聞機  
杼聲三日五織空爾爾南箕北斗鬱昭灼總使負  
薪欲何以安得豐城雌雄劍如乾青霄一池水願  
爲大妻如秦徐無爲朋友如蘇李浮雲交態易輕  
薄執手河梁焉能比

詩外祖 六月廿六日

雨過微風善長天一色新娛情非帶紱託興有格  
鈞栗里幽居徑桃源絕俗津罄懽躋魯酒同底綵

衣春

外叔祖嫫姚公南征先生荆園蜜蜂數十隊

不呼自至同賦

蜂房十餘所層集應佳辰野託幽樓計天畱故國  
身開軒依日月感物見君臣百卉花方聚趨工正  
及春

覓外伯祖侍御公疏草不得悵然有作卽寄

十六舅

北極頻廻首西臺久能登諫書遭亂失遺直到今  
稱歲月都非故滄桑莽復仍家聲存舅氏幹蠱自

世憑

從舅上則先生舅母徐氏孝烈未旌值邑人

彙鄉賢有感

慷慨悲音舅從容感令妻環墳流水咽抱郭斷雲  
低子子青燐見雙雙彩翼啼豐碑仍有待俎豆莫  
長違

先外祖見背後青門諸友迎至西郊旅次感

懷

緬節麗看座追隨總角年春聲淹宿雨漬淚鴻春  
泉悶解城西榻愁移渭北天遺書時展誦手授跡

猶鮮

過前中尉子斗先生舊第有感

碧瓦堂還在金閨籍已更萋萋秋草合慘慘暮霜  
明一老悲劉向三閭弔屈平城南尋別墅轉託舊  
坊名

聞劉閣學客生先生定逝並難兄遠生司馬

亦亡

出境地儒服投荒跨戰鞍賈生長名對匡鼎竟休  
官瘴海遊魂渺江湖返櫬難賢兄曾並出絮酒亦  
同壇

卽事悼外叔祖嫫姚公

竟作休舉計全忘  
榮戟秋能詩推靖  
節破產憶留侯  
鴻鵠期終遠麒麟  
願未酬彥昇饒義  
故妻子尚含愁

潘二大光宅感舊

安仁多難後弱冠  
早從戎赤紱藏垂  
敝黃金散屢空猶  
思雙淵月未涉五  
陵風潘嘗寓敝廬倦客初歸臥飄蕭若轉蓬

題前中尉仁宇翁贊

幽棲而絕塵者高士之躅耶  
烏巾而緩帶者野人之服耶

受祺堂詩卷一

三

之服耶湛然秋空不凝纖翳者其虛中如谷耶怡怡自得等富貴於浮雲者其清標如玉耶跡已遠於金閨心不存於華屋耶雖垂翮而遐舉爲冥鴻逸鶴耶亦凌霜而獨立比喬松修竹耶嗚呼斯人不可作逝者何遽耶隆準而虬髯或髣髴於圖象之肅肅耶倘寶珎珊瑚尚在其長襦耶

題世冑都指揮使崔公汝明象

高皇養士三百秋  
衛帥食恩等通侯  
銘鐘書帛列上第  
玉案金樽羅羣羞  
一朝河上度機氛  
虎嘯峭匪不可聞  
赤幟無色鼓聲死  
嬰城惟有崔將軍  
將

軍開國世家子輕裘緩帶談經史吹簫時過大司

農謝公兄北斗西豪俱在此昭陽之冬月無陽

野鷗對虎色黃央背不知有鋒刃疾呼白日生

冰霜重矢已窮力戰久側身誓天不相負已拚先

鴻侍中血寧料如生元帥首紛紛侍衛盡同朝今

何從夢昔何驕朝行出攻暮不返歲寒松柏乃後

凋後來傳疑未傳信壺祠蠟墓無人問長甯遺像

天地間勇者成仁懦者奮

雙鶴曲懷張二完字

北山高萬仞其下有雙鶴接翼託青雲潛身遺濁

受祺堂詩卷一

古

俗一鶴歟西飛飛悲局促却顧平生居爲懼苦

未足新知在霄漢竭力當自勗因風寄舊侶勉臥

春苔綠

青門道院聞晨鐘

遠空高響落微微笙鶴聲中細認非已冷宿心潛觸發猶憐長嘯久遲違誰家悽絕頻停杵旅榻徘徊數攬衣粉黛漢宮銷歇甚催妝莫到景陽扉

清明長安寓中憶先子

孤墳望望隔萍灘洒掃逢期淚不乾素業久荒春復暮青袍垂敝畫多寒未辭懷抱拋遺早曾接音



容想像難更念北堂違母側臨風迴首白雲端

旅夜追思外祖高士田公清淚成八百字

憶我方襁褓呱呱失所天舉家依外氏銜恤荷翁  
憐膝下親授讀會心亦偶然解頤道我賴嘉譽爲  
之延時值翁暫出走趨必隨肩道傍買果何恒累  
傾囊還五歲就小塾攜持行相聯竹窓伴夜誦湯  
餅嘗滿前未夕來促坐中星屢移躔嬌癡至觸首  
起立多板牽八歲通制義濡毫預羣賢執經儼侍  
側諄復破言詮十歲解小論初成雲臺篇陳中  
興佐提按冠鄧偏展視雙眉動方諸萬斛泉追隨  
侍御宅習禮叨賓筵謂我尤強記藏書腹已穿諸  
賓半疑信卽席分彩箋哦畢賈董策績賓咏甫田  
賓驚起舉爵剩酒沾喉咽始試崔明府虛聲自此  
傳日中呈數藝稱我似青蓮翁喜賦神駒至今猶  
待鐫入門呼我母相顧淚潸潸豈料驚流羽潢池  
溢河漚督師剛自用羣帥久驕眠使過幸緩急乘  
之以糾虔兼聞迫吏議猝發踰更 願訪田公積雨  
饑兵弛空拳哀哉驅光甲十萬糴錦鞬狼狽俱北  
走所經絕炊烟奔亡爭昏濟半奪大將船瀕洞關  
蜂坼蒼黃秦社遷兇渠忽僭號偽傲遙騰邊勒限

受祺堂詩卷一

五

入仕賊青門故高塞敢違投鼎鑊從卽被旌旂人  
命細若草血流漂長川義竿聚揚首載道堆肢體  
百輛殷赤輅浮屍飽烏鸛侵晨掃其跡抵暮仍委  
填畏禍甘苟免新裝或增妍累累何若若濟濟歟  
翩翩翁竟解儒服誓將逃舊廬親交喧衢巷棟棟  
日百千飛霞舞盛夏不寒而栗焉路傍尚惕息何  
况瀕倒懸客語電霆急翁心金石堅龐公終匿跡  
尚子託遊仙溪壑賊未厭酷刑搜金錢縉紳而罹  
害翁旅俄株連數欲偕我去潛居北山巔拋家輕  
敝屣不復稍纏綿亂定後歸里窮栖纔數椽艱辛

受祺堂詩卷一

六

煩翁慮緒繹問每專猛志人共嘖狂吟世攸捐髮  
髦期挺達三十尚迢迢悵結因致疾膏肓賴翁痊  
外祖兼精岐黃迨翁遭虐厲環側影空駢荒忽屬續頃目  
張憂心煎舉頭喚我仲生理增迴沿駟隙那可駐  
義和違停鞭泰峰一以頽零露晞芳荃秉道節獨  
苦遺文塵盈編藐孤戴覆幬沈痛難具宣黃鳥悲  
莫贖白楊響新阡承恩孚罔極受業仗陶甄宿昔  
贈我句唐虞許周旋神駒篇有天寧知遭板蕩枘  
鑿違方圓翁性最溫裕競練無一愆及夫臨事斷  
卓識乘幾先世俗矜所愛嘗思其飛鸞惟翁著隱



德教我安眠所匪學雖難就潛修庶苟全雙丸互  
馳逐四序何乃逆勿論忍終實泥塗嗟蜿蜒總教  
足蔬食麓絡聊蔽屨誰與寄斯信達之於九淵得  
翁舒積抱歡笑比當年存沒永棄絕夢魂希絲緣  
依依瞻隴樹洒血類啼鵲

秋興八首

西風蕭瑟隴雲游沃野黃圖一氣秋地潤河源寒  
白瀉天清華掌翠同流烟霜漸老伊人色

搗練聲悲搖錦綉長安獨倚最高樓

芙蓉苑側駐新軍鼓角喧聲劇夜分邛路遺坊潛

受祺堂詩卷一

下馬王家故老夙能文謂中尉層霄寂寞千門月

列障縱橫萬壘雲碧竹香蘭違歲暮仙舟玉珮冷

同羣

三川水繞翠微開萬壑晴吟野樹哀古殿蒿梁通

覆棟空村石鼓半生苔秋深獵騎枰弓出日晚漁

舟擊擢迴漫對諸峰憐畫嶽當年雙闕引蓬萊

皇陂御宿倚林垌杜曲樊川接戶庭落日暮霞三

輔紫多時秋色五陵青南州去後誰懸榻北海歸

來老授經着處關山虛少壯故園風雨歎飄零

雕輪汗馬絡青絲翠羽明珠漾雪姿黍稷故宮秋

正滿鴻飛中澤暮何之浮雲迴首悲關塞返照經  
心有歲時蟋蟀多愁音屢變榛苓在望好誰思  
咸陽佳氣鬱難消渭水清流晚自潮皎月猶連京  
兆驛黃沙已合霸陵橋蒼然霜露兼葭靜峻極崑  
崙琬琰遙百世金騰藏秘簡三開玉葉本同條  
江頭池館靜含虛水荇離花照客車采地縱觀周  
名邑滄波高枕漢唐渠春期未歇商飈後夕宴長  
明曉漏餘藉草微歌今不再撫時懷古一躊躇  
丹霄紫極未央宮宿霧凝嵐太乙通古幾荒臺殘  
野戍健兒哀角和秋風金門想像長楊下粉堞淒

受祺堂詩卷一

木

連暮雨中道路空嗟鷗泛客乾坤已任鹿皮翁



受祺堂詩卷之二

中南山人荆東李因篤子德著

追問諸將五首

軍都客裏暮春時路傍橋山謁帝祠鼓角數驚  
雙闕夜格楸多損萬年枝迷方雨雪悲行役故國  
風雲託夢思一墮烏號龍不返居庸首自潰王師  
重關曉柝散無聲九塞同時仰漢旌北向羽書馳  
大內南來烽火照西京丹書自動桑榆色白馬空  
閑帶礪盟況說嫖姚誓不共薊門揮涕望援兵  
枕戈中土日騷然推轂西征憫數賢忽放金雞開  
請室重高牙蘇計屯田關雲半壁悲歌裏渭樹千  
行涕淚邊憶賜尚方遲反命誰占紫氣劇龍泉  
防河一旅誓黃昏謁陛辭行感至尊中夜鸞輿  
臨左掖累朝宗器饒前門塵飛易水師空次詔  
出金臺語尚溫釋甲不須煩繫矢戰場無處賦招  
魂

朱轡黃鉞總戎機鐵券金符世不違竟視鉤陳移  
帝座難憑河鼓震天威書徵萬國旌旗晚劍隔千  
官侍從稀薤露歌來春雨黑哀鷗只傍紫雲飛  
舅氏石臣先生詣青門視余旣歸又得一信

感贈

舅氏衝暑來風塵做顏色徒以眷令變涉旬奔走  
亟陟站抱長痛兼之時序逼勒疾又獨還中心常  
惻惻客從澗道來迎問知消息開書讀未竟局促  
何其極九原含遺恨親黨氣盡塞存亡兩不愜萬  
感填胸臆

懷趙趙城明府一鶴

趙舊爲伏  
羌兩當令

浮雲馳千里聚散豈有常遊子志行役未能安故  
鄉惟念同心友乖離各一方良時難再至奄忽隔  
星霜顧非蕙蘭質珍重入君堂靜晝操素瑟中宵  
展清商黃鶴遠遠別奮風仍高翔感彼離羣鴈哀  
鳴動我腸鬱鬱懷宿好行行促嚴裝徐經君舊邸  
我馬立傍徨下馬欲何適褰衣還自傷庭戶塵日  
積眴眴以沾裳連城聞佳訊尺鯉亦得將每攜隨  
出入懷袖襲餘芳悠哉限一水欲濟川無梁何當  
追疾鳥振翮墮其旁

潔之伯貞來興善寺

黑雲注韋杜青嶂俱斂翠蕭蕭風雨中二客日暮  
至常子增老醜王生近頗頽問酒喧鄰廛燒燈話  
往事丈夫意氣深圖大遑矜紉安能舍生平苟免

時俗議君看五柳公自寓桃源記幸託素心侶何  
辭終夕醉

贈劉大六茹

聶客擔簦至酒酣拔吳鉤絺衣走大雪掉臂凌王  
侯避人啟竹策蠅蚪文相樛自云兗州籍劉有詩再三問

姓名但道籍兗州

無乃滄海流世乏虎賁者吁嗟將何求

羣狙盈前路勸客且復休夷洲稱至德陋巷餓巖  
幽養晦道所貴期君追前修

再訪廣東上人即書觸目

振衣出城雨竟古窮浩野忽經斷隴側時過雕墻

受祺堂詩卷二

三

下竄鼠銜金魚跳狐叫石馬飄飄白楊風激和清

淚瀉五岡一叩關幽意同瀟灑藉草聞淨業談心

結蓮社有爲露電移何論形骸假辭去尋復來德

輝堪重把

答孫隱君

大路迴且長崑崙杳殊域重華不可作帝望何由

塞世變紛相乘民勞日以亟積霖生塗潦真宰久

曠職饑溺如當平敢云一士力其咨呼仁人孰是

益與稷邈彼孫登遊高蹤衆莫識蒼蠅聞鳳臧大

笑乃滋惑流俗好危言緇儒工外飾遵時在明哲

抱道唯守嘿芝草歌漢恩族薇荷周德贈予惟此  
語三歎奉嘉則

贈慧微上人

蜀人爲秦州諸生

儒冠天水客失路忽逃禪杖鉢寧違衆風塵只自  
憐還分同舍米頗費乞來錢感此披荒徑論詩過

皎然

陳二飛漢坐上賦朱鳥

白社栖遲暮

時余寓興善寺

青芹契約通長川烟樹裏好

鳥霽霞中巧奪雛鸚舌妍分綺席叢主人憐惜久

志却在樊籠

受祺堂詩卷二

四

夢康大千元

獨臥懷人迴連宵入夢勞散襟臨北澗攜手步東  
臯古調應管惜時名亦幸逃歸帆愁歷險疾去慎

風濤

二劉二絕句其一劉八石生

上郡遙看嶺樹重彭城宿望本詞宗客遊南北流

傳賦兄弟才名見八龍

其二劉大六茹

日暮青雲遠澗迴髯翁白首臥莓苔居關本作逃

秦計去魯翻從蹈海來



廣東上人分惠新茗奉酬短句用端明答

印韻

幾片春萌泛白波  
爐烟遶榻漾新羅  
墨本色  
無相引出曹溪味正多

酬挺北二兄

凍雨侵晨劇薰風入夜寒  
離杯方浩浩去路復漫漫  
喜託天親在愁詢世籍看  
故秦郎  
儀衛正吾兄能倦別  
更欲緩歸鞍

永慶菴別馮英吾驃騎

花宮秋氣爽繫馬聽松濤  
不識將軍樹獨憐彈鋏

受祺堂詩卷二

五

豪散襟寬禮法高興涉風騷  
客路歸難待歌聲竟夕勞

長武趙明府熙工招飲

雅望接難兄

謂伏羌  
趙公一鶴

新歡繼此聲一花原並萼

雙壁總連城  
着七蔬絲嫩傾壺酒味清  
語深懷舊好時見玉繩橫

答黃公子仲珍

春申長避地曲水暫停軒  
豈不悲離別輕車不轉轅

五日舟次再答仲珍

乍解江亭袂重聞渭曲歌  
榴花然急雨似染淚痕多

池陽送邠州蘇使君生紫赴補

春鴻雙澗側忽報使君還  
相期新豐市踟躕渭水  
潯東南羽書急載道行旅艱  
匹馬來獲曲同人滿郊闌  
雨霽驪歌促燈深別酒殷  
詰日將首路歸輪未可攀

東張別駕延叔

張龜縣人時  
同客禮泉

谷口寒真氣禪房臥客星  
洗然新掃榻時出舊傳經  
木落秋山紫霜浮夕靄青  
看君垂彩翳何日

受祺堂詩卷二

六

滄浪

並東陳處士似古

張同  
里人

月落城陰暗秋寒邸漏增  
羈心搖遠杵別緒亂  
燈尚有絺衣着裁餘款段乘壯圖知未艾他日  
昭陵

爲陳二大行贈麗人次延叔韻

雨瀉驕寒劇風來雜珮薰  
眉疎青嶂翠鬢微蒼海  
雲顧影圖爭似窺籬菊未分更能歡上客春雪座  
中間

畱別延叔似古

爾正催裝數余辭叱馭先談深嘗繼夜契合早忘  
年共醉黃花酒分攜白雪篇戒車情不愜揮淚晚  
風前

九日呈大行

阿房遙繫馬勝友共登臺使節西州近使君分藩固原未至

佳音北道催溪雲寒自落岸樹晚多哀有約臨雙  
澗青尊歲暮開

獨鵠行有序

五原署中畜雙鵠其雄偶失嶋獨辛苦哺

數雛李子傷之爲歌其事

受祺堂詩卷二

七

乳鵠雙書梁聯翩好容儀日暮有烈風雌歸雄何  
之筑筑兩三雛鞠養寧自疲新亡銜恤侶子飽母  
恒饑賢雄不同行大義甘獨持鴛鴦仲卿墓鳥鵠  
韓憑枝鳥鵠鳴札札每來朝暮隨鳳凰尚不慕凡  
鳥焉敢窺

續獨鵠行有序

陳大夫與余爲獨鵠行其後諸雛旣長散  
去間有紫衣雄者大肆侵侮數瀕危勁氣  
凌人座客壯之曰鴈不負二詩乎適鵠在  
戶外余戲謂得毋如客言履闕作聲如相

頷狀旣而徘徊几席客皆異之作續獨鵠  
行

宿昔悲獨鵠力飭諸雛幼諸雛紛成飛飛毛華  
秀各能逐雌雄星散亦何驟子然無復來淒苦加  
於舊何物紫衣即驕盈如貴胄肆彼跋扈威數稱  
巢穴寇可憐婦者門強近不爲收項上毛可類項  
下血可鏤使君邦教淳高節世希覩淮海變微禽  
神明從所授獨坐玳瑁梁曾經春草茂烈日滿丹  
崖天風吹白晝

春日寄六姑三首時下榻余齋

受祺堂詩卷二

八

蓬華安良友邊隅寄客身無書驚道隔有夢託情  
親地迴蕭關野天遲隴道春暄涼真異候共惜遠  
遊人

尚覺文風在翻教客宿違自慚移跬步相望杳容  
輝俊鳥寧留跡神鸞不好飛安知持論者却取見  
時稀

最愛芳朝景初移綺席看晨昏垂引分菽水靳承  
歡陟屺行行瀾循陔事事寒煩君稱壽酒有弟采  
春蘭

寄舍弟三首



不畏銜鯁遠嘗嗟舞袖孤瞻雲疎子含噉指曠征  
途賴汝寬相憶潛修勉自娛數緡分使署風雪抵  
家無

僻性耽詩酒幽栖只弟兄儼驅吾忽去子立爾何  
成近喜東州客謂六姑遙憐北郭生論心披短褐不  
厭吸藜羹

齒序原相亞肩隨忽至今嘯歌兼好友貧病是知  
音稅斂春來急冰霜歲暮深養親惟一弟彌感北  
征心

喜雨爲陳大夫作

受祺堂詩卷二

九

有客京兆來黃塵蔽冠屣涕流盈短衣平野盡如  
燬自春而徂夏靈雨亢弗被兼苦徵索亟玩時弗  
爲理使君聞客言三歎坐復起位高多愆德天運  
亦應爾斯須沛禁章引咎修明祀盼蠻達滿城屠  
沽爲之已詰晨夏五朔徒步行郊壇幃旣森嚴  
閉縱成條紀忽得車蓋雲當頭重商裔垂如  
注從公出廟始逶迤登北山素服在泥滓吾民瞻  
道周淚下不可止勃然興田苗安集及婦子延佇  
歌有年錫公以嘉祉

紀別八首 時將往雁門

歲云暮北堂生遠暉牧鳥相與鳴哭風厲重  
聞慈母就持箸欲言先歔歔出門尚無程問我何  
時歸遙遙計往路歷歷詢征衣雨雪勤自保音書  
莫來稀長跪問母言敢不敏庶幾行役亦不遠歲  
時寧久違病妻扶下牀相視首蓬飛謂我當引邁  
有淚不敢揮

弟從母側來再拜投一竿征駒鳴前庭擔負已出  
野僕夫前致辭冉冉西日下要當慷慨去不覺淚  
如瀉兄言勤門戶弟言慎車馬

小子復牽衣岐路含百慮不知行何方強欲偕我  
御念當遠乖離那忍揮之去悲哉遊子吟斯須哀  
樂具中懷如懸旌搖搖不得住依依天屬親撫事  
愧童孺

受祺堂詩卷二

十

兄馬行在前弟馬行在後愁思各盈懷當言未及  
剖平生有微尚與世既不偶閉戶每苦饑謀食憂  
多垢夙昔諸故交時能乞升斗庇家且茫然違復  
資奔走顧此懷中兒念我堂上母隱者樂田園非  
希封藏厚

朝辭山中樹暮出山下道四顧生脚躡浮雲互浩  
浩鵲鵲依舊羣麋鹿鳴野草歲祀爲嚴裝鬱鬱

懷抱遊子心多悲遠行亦易老萬里風雪中安能  
顏色好當年無所慕求志苦不早誓將謝晨風骨  
肉歸相保

矯矯千年松託根重兇絲結髮事君子綢繆當及  
時芳樹亂於風浮雲無定之新心日邂逅豈暇崇  
前期空階視春草奄忽遂若茲盛顏日銷歇遊子  
何從知

客從故鄉來視我過逆旅長跪向客前將言淚如  
雨出門歲云徂貧家無廣貯乞活于新苗所憂在  
碩鼠客亦長跼言東作幸有緒春鳥鳴柔桑牛羊

受祺堂詩卷二

十一

散宿沿引手見北原高禾已若許賴知稼穡登不  
患兵戎舉他日行邁歸浩歌固其所書札謝未能  
平安傳口語

黃昏送客去哀笳嗚啾啾招搖初西指河漢已北  
流歸鴈奮長風苦聲呼其儔慷慨無可語寸心煩  
百憂蒹葭各有宜姬姜何足求夜深不成寐他鄉  
難久留

三皇廟

皇才並與二儀分秀水春生萬古雲草昧久忘開  
耒力艱虞彌景建弧勳宮牆五綵龍犀會華表中

宵笙鳳閣一氣帝王恭繼緒垂旒端拱接氤氲

堯廟

朝看姑射白雲叢俯仰康衢帝力雄三極星辰循  
舊序萬年茹土見遺宮階舒蕤莢春還茂闢走羲  
和日正中莫訝箕山樹高節牽流擊壤亦同風

舜廟

堯階近接有虞宮入廟光華氣象同海岱柴巡畱  
畫粉瀟湘玉珮引薰風旁瞻五聖龍衣肅下照千  
春鳳卜雄一自宸遊悲遠駕廢歌無復繼河中

禹廟

明德悠然疏鑿畱大河奇蹟冠神州驚濤萬丈天  
邊噴峻閣孤峰水際浮繡柱蛟龍嘗下出金爐岳  
牧自來遊正圭朱告功方始滿目胼胝送壑流

洪洞謁始祖皋陶公廟

故國河山道先公俎豆鄉光華殷際會俊乂畢翺  
翔久厭結繩朴深維諸夏防帝初懸象典天豈缺  
秋霜董戒雖時具賡歌足並行俗熙追燧葛風動  
及遐荒五聖兼推子三謨互贊皇肇封延本系遺  
廟啟康莊閣曉鐘音肅檐春日氣昌碧梧凌漢秀  
仙李託根香冕紱先元凱丹青接拜颺高雲還繞



冀大社已崇唐隴水源流潤汾川爵里長逢人詢  
舊齒下馬式前坊象老龍鱗護陰清鳥跡光柯條  
仍與博譜牒半存亾尚庇餘暉紫潛修奕葉芳采  
繁應合薦糾族幾同堂殿角頻迴首階除更拂裳  
乾坤懷祖德歲月正難量

鴈門關三首

崇岡迢迢百層臺峻坂陂陀一綫開僅有羽毛中  
出入遙驚車騎下徘徊繁弧故壘風雲散振旅荒  
祠草樹摧獨苦春闈勞倚竚征人不與鴈同來

重巒天設隼墉豪尚憶皇威右顧勞那得一夫騰

受祺堂詩卷二

三

自倚空餘千嶂屹相高峰鄰句注虛殘戌月照潯  
沱冷逝濤一賦哀鴻遠晚角中原鐵騎日蕭騷  
蒼生縹緲漢時城粉堞孤危走畫旌但說北門封  
絕塞愁傳西輔檄神京榛蕪漸闢樓煩道鳥雀初  
棲廣武營辛苦籌邊陳代伯坐揮白羽暮雲清

孫督師郊園二首

沿堤水擁數家村抱郭春開十畝樽世變驚花空  
繁主臺荒歌吹莽經門浮雲似帶嶠函色積雨難  
招郊郭現剩有孤亭瞻野戍清笳幾處送黃昏  
重開軍府事蹉跎未整戎行已渡河選甲猶臨犂

窟呼庚遽倒總戎戈烏啼老磧生烟霽柳散平  
沙長薜蘿悵望山林頻駐馬他時更欲泛池荷

偶然作

青青楊柳枝娟娟碧水流年少彼姝子采桑行道  
周新妝妙一世細步閒且幽顧見雙鴛鴦聯翩恣  
夷猶含睇杼微怨寘筐倚中洲願言往從之辭拙  
重簪修鳴鳥寧足託軒車且復休曠焉秦羅敷高  
節古莫求

象魏

象魏更朝漏絲綸亂暮鐘羣才歸仗馬一氣接從  
龍秘帙邊愁入降王甲第重相傳揚末命玉几未  
從容

受祺堂詩卷二

古

蘇使君座中見石生詩集有懷

君

保德州蘇舊  
郎故得稱使

秦晉旣接壤大河遙相屬河西憶故人老病傷幽  
獨使君存夙好佳句照行簾展卷爽秋籟驚濤噴  
座隕人生苦參商一別違嶽瀆魚鴈深且長每難  
及空谷扁舟亦可操欲往迷前躅脉脉東逝水無  
因訴衷曲

保德姜節婦詩二首

并序



蘇使君守保德部民婦姜年二十而夫死  
其父欲嫁之氏請歸告之姑夜半自經使  
君具棺衾合葬輓以二詩用韻和之

霜滿河洲樹色濃素車丹旆鬱相從路人投足爭  
流涕鄰女含悲亦罷春五里徘徊飛孔雀雙牆左  
右植青松採聲無自達天表搔首林濤雲萬重  
中壘園高引興長偶來幽谷攬遺芳暮霞寒抱空  
閨月春草愁凝絕塞香有客觀風聞晉乘誰家取  
婦必齊姜使君爲政今如此不比當年陌上桑  
留別蘇使君三首

愛祺堂詩卷二

十五

尚憶蒲津渡塞裳送北征車裘長假客陸海正聞  
兵旅舍連牀久歸帆隔岸橫只今重請郡能不置  
秦聲

最羨河魚美相招代馬來徵歌憐老大縱飲臥崔  
嵬晚翠孤城出春花亂水開後期難預指離席首  
重迴

愛客親爲林懷人共倚樓水邊聚陶穴天上落漁  
舟玉塵談深見驪駒日暮留交情付公等未敢薄  
諸侯

重恩鴈門關五首

霓旌天半護烽臺鳥道雲迷望或開水擁南河吹  
日轉門迎北斗過關來秦城萬仞徒空說漢騎千

羣莫漫猜自昔禁中煩拊髀將軍尤亟守邊才  
遙嶺哀笳走塞陰磧亭搔首一沾襟羽書迢遞傳  
西北營壘淒涼閱古今烟繞遊絲春色澹樹連飛  
翠夕陽深椎牛射虎懷前史野廟殘碑入故林  
重樓百雉杏難攀畫棟晴臨列嶽間地接雲州盤  
大漠天封冀野作高山烟塵收保人何處雨雪長  
征鴈獨還谷口紛紛藏晚嘯防秋鼓角未應閒  
欄戶蕭條起暮春班荆指點對前峰誰教阿閣凌

愛祺堂詩卷二

六

孤隼信有平池匯九龍地有九龍池峭壑瀑垂青嶂雪

虛垣聲落紫崖松近來輪輓茫無據寥落邊儲總  
自供

逶迤細路薄層霄飲馬寒塘帶石橋月出疎林春  
歷歷風鳴遠戍夜蕭蕭江湖轉鬪熊羆盡壁障飄  
零鶴鶴遙候吏忽傳馳絳節關門明日獵輕鑣

羅南擢威遠令取別雁門刺入走筆志喜  
故人移宦檄頻催行色悽悽轉自哀惜寄尺書瞻  
嶽返驚聞匹馬出關來燈花已兆連宵夢雀語還  
畱盡日林百里劍南民散極艱辛初試濟川才



綠牡丹

名花藏異興矯矯出叢苔對覺高嵐盡潛移積水  
開金莖看獨得翠鳥坐相猜莫漫同羣卉拾筠一  
色來

送羅南入蜀馬上口號

脂車冉冉動前期送客城南水一涯眼底數杯須  
好盡天涯明日不重持

趙驪騎出麗人佐酒請賦瓶中綠牡丹

雨鬢直千萬相漾數枝開未解青細帙偏傾碧玉  
杯遠山迷坐右空翠落筵隈恰恰鶯啼處尋春莫

受祺堂詩卷二

七

妄猜

四月十三日紀異

歲在重光  
赤奮若

落日滿輪赤西山飛翠濶移時月東上厥色猶彷彿  
長空捲片雲照地光全沒籬外衆木深起行相  
摩受自春徂不雨陽亢論難奪倘復悔蘊隆滂沱  
應時發語多雜兵端師久愆薄伐未議牽重陰宮  
闈說恍惚嗚呼天道遠冥測亦徒聒休咎在人事  
懼若不識察庶徵舍主德爲象如毫髮汎汎任衆  
口將無忘其物

蘇使君至雁門夜不及晤走東二首

聞君太原道適館又經旬窮擬旋征旆應來問故  
人天開青嶂月地迴白榆春數傍驚禽起舉簾未  
覺頻

五馬初連境雙魚忽到門登臺攀草樹命駕迫黃  
昏已盡中宵燭虛留細雨鱗維藩明擁篲更得醉  
西園

瓶中芍藥二首

藥欄邊地少晨起注瓶枝客自傷僑寓君如感舊  
時馨香風處發潑灑雨中姿別恨沈吟久無繇贈  
所思

受祺堂詩卷二

七

江雲愁日暮海水覺天寒獨爲繁華惜誰同遠道  
看琴書聊恣賞坐嘯欲忘餐未忍前修替還來徒  
露盤

紀雨

美陳使君  
祺公先生

前歲關中旱五原小有年親見我西伯上書于昊  
天舉燎忽滂沛枯苗重一鮮遺愛追比帝口碑甚  
流泉及夫東臨代飛颺久蔓延公起謂條吏召災  
觀所先斯民亦何罪坐視其播遷推縱有條紀苦  
憂中若煎令行尚未究甘雨紛盈前更慮溝澮涸  
諸君幸勉旃

受祺堂詩卷之三

中南山人荆東李因篤子德著

早秋遊嘉善道心鵝口同家舅石臣陳端伯弟

子立

谷轉微風出溪迴曲徑遮雙屐通鳥道獨戍有人家已飽黃精饌閒搜白石華聞香披戶牖傍水坐雲霞

碧摩厓 有序

宿秘魔厓舅氏易之以碧摩命予誌以詩厓出北辰下客從西極來歎歌渾野興山水自真

受祺堂詩卷三

才古壑幽蛟起高椽蚤露催松風新籟溢披拂舊莓苔

同端伯立上碧摩五里觀龍潭

僧詫龍潭勝吾懷鶴頂遊到厓孤洞沒隔岸萬松流坐久微沾雨憑高蚤悟秋下方有清磬遺響出丹樓

宿碧摩厓方丈

幽花媚澗底暝日浮林端微雨自西來石橋生暮寒遙遙南嶺松鬱鬱虬龍盤千林陰一氣萬古青聊耳登臨意轉愜倏忽踰層巒峭壁漸迴合空泉

增波瀾東峰迴獨出列嶽歸嶺下有老開士中年解儒冠繫馬從揮塵張燈及授餐榛栗不外取菽葵良非難語深兼往事回首涕闌干此利初全盛規模儘足觀高殿百餘所側身天地寬雲中孺奔兕夏屋來揭竿衷甲紉繡葆殺牛爨白檀池灰望猶熾杵血漂未乾子遺逃去江海何漫漫北聞甌稍戢感故心悲酸策杖吁其徒茅籬手自搏收橡糲庇客終坐慘無歡俛仰感人腸滄桑多浩歎長吟倚畫榭片月懸飛端

大明殿口號

受祺堂詩卷三

松風習習透層灣六月花開谷口山多少王孫迷舊路白雲空抱帝鄉還

止永安寺有感

昨暮碧摩厓新題碧摩字愛彼松陰清稍令休車騎壯哉陳伯子看山得意遠探五龍泉相顧無還葉衰顏去須扶峻嶮歸匪易晚分伊蒲饌縱論十年事語際生悲歌鐘動未成寐雙瞳壓五嶽炯如天畔望待旦即東裝貪遊俱忘瘁健兒繫野犢霹靂當空墜驚魂乍有無感物意不遂繫馬大明巖招鹿永安寺即看麟鳳姿養生資神智優游雲



青間獵者所能刺

題永安光公壁用韻二首

得見高山士餘生歎有悲好雲留石上幽樹繞河  
沿白日觀身淺滄洲託賦遲將圖酬歌楊莫問夜  
何其

臺遊堪幾日客夢已多年水復山中去秋從樹杪  
懸松厓寒逸響瓦閣上疎烟送老深林足何人判  
夙緣

清涼寺

層壑牽雲至羣拾一色寒臨深甍朔馬吐梵得南

受禪堂詩卷三

三

冠寺有嶂剖岑樓碧花明遠樹丹秋期山更近瑟  
瑟曉鐘殘

羅漢洞

洞口溪聲住捫蘿訊廣長萬年青嶂色一擔白雲  
裝倒壑噴高雪飛巖帶夕陽人天清淨裡不擬復  
深藏

登清涼閣因觀洗鉢池古跡

袞袞清涼地諸峰競得名尋溪微見陌洗鉢寂無  
聲鹿豕俱聯趾乾坤一解纓却憐潏水岸莊惠不  
同情

古清涼僧云卽自塑文殊處

不辨莊嚴始還推寂滅餘移人初地勝問法上流  
疎林隔長生白雲飛細簡書時有舊語已失封山  
無蒼草誰起漢相如

清涼石

不悟秋毫大今知泰岱微疏峰遙抗館片石共披  
衣辭業看皆妄林泉到却違重期清露下直攬斗  
星輝

清涼石殿三大士

古殿空王識化身西來僕馬漫沾巾噓山靈氣千

受禪堂詩卷三

四

峰雨夾路幽花六月春戶敞雲樓天並碧崖窮石  
棧木爲津風雷合沓新秋至一洗臺嶺萬古塵

金閣嶺閣上

入谷晴光敏停鑪暑氣醒孤嵐供遠眺細響耐深  
聽石潤迴風綠燈寒背日青南臺新雨爽合譯舊  
藏經

金閣壁上觀侯正鵠題唐太宗藏經詩用韻

和之

真人虎視出皇圖首闢荆榛創此都貝葉千年花  
未落烟光五嶺蒼知無支離天賜開雲冷寂寬林

山閣夜孤滿目縹緗高御氣承家卜世幾能符

金閣嶺東道中口占

建景開巖角秋雲曳樹梢壯遊危馬耳高詠肅鳥巢古木陰陰溜虛巖藉藉茅此遊喧雜甚誰解碧

山嘲

宿白雲山寺

清涼羅諸峰中角峙之五一探幽興愜俱忘躋攀苦金閣出躊躇日躔方卓午微此明毛煩馳走白雲浦谷風逶迤來吹落遠戍鼓清涼蕭然在蒼松不可數清飈激素幢古屋飄丹縷天人生妙相凡

受祺堂詩卷三

五

案綴花雨山果紅垂門闔手白勝乳方丈既森肅文章亦談吐我久耽息機北征困塵土諸緣忽盡妄逝者將誰怙男兒寄人間富貴應早取那堪壯齒失老與樵歌伍神仙亦難爲草木行同腐誓欲割餘髮結茅充外圃

爲蘊公作

蘊公江南人以拔貢拔刺壯遊五臺遂不返

江岸傳燈起少儀塞門飛錫竟麗翁閣中雲岫開襟遠簷外松濤入定遲客過白蓮留置酒亭聞黃鳥佐圍棋炎天頗喜涼風至醉臥長林一賦詩

棲賢舍過公簡藏處

雨色朝收破杳烟石鏡澄五峰通梵曲一水撼禪燈案掇金蓮早經讎白馬增蒸欲渾欲去不事涉層冰

公鄉人又釋友廣公弟子傳廣已逝有感

宗風舊接五岡春

向與廣公同居與善

別路天涯阻問津古

寺談經他日淚名山卓錫故鄉人西歸忽失浮江

華北渡仍傳入夏薪

從廣在學夏

且喜源流皆寓目何

煩存歿共傷神

紫府菴

嶺斷空青壁橋移太白霜真人手佛果客子愧仙

受祺堂詩卷三

六

鄉畫冷龍蛇暗壇開伏臘長故園西道隔歸思欲言衰

殊象寺僧云文殊見形像仙山肖像寺中

自攬全臺色其如意匠何寺深幽照迴山古大年多翠樹延空黛寒巖浮碧蘿飯仙屬日久嗟汝昔人過

六月披裘子曉風吹上芳松巖寒致露石室靜聞香緩送笙歌近高吟蟋蟀涼不知吳季札天樂幾褰裳

塔院寺詠大塔



臺畔浮屠起規模帝京層雲封嵐跡暴雨出龍  
聲石鼎千崖麗珠胎萬國平黎牀眠始覺殿閣化  
如城

燹塔塔文殊髮也

一髮先儒重千秋塔存烈風行驚嶺空梵落天  
門颺颺愁無着鵲鵲過不喧客途渾似寄聞法可  
重論

曼青閣見董宗伯米太僕題額

塔院仍今額

詩名

曼青識舊樓厓蛛常戶冷石蘚

視階柔北斗衣冠夜西方涕泗秋如橡前輩筆永

受祺堂詩卷三

七

藉法王雨

羅喉寺道場

宛轉峰陰靜梯梁谷水遙四山開覺境孤石志前  
朝快友危相傍高格翠欲飄旅魂登眺愜誰仗鼓  
鐘招

圓照寺

路隱前峰合僧依內殿深石泉清厲齒秋日澹開  
襟犬臥遙疑豹鼯啼斷入琴一乘門外法何處有  
知音

銅瓦寺

淨地疏甍苑中朝想像成虛簷于嶂落暗樹一蟬  
鳴夕火長垂象秋山久未晴東臺延客入急雨促  
人行

菩薩頂卽事

自酌虛空住其徒數百人穉論諸塞俗琬琰設朝  
珍覆座金枝並移牀繡幕新西戎蒙舊德朔馬耀  
前津

永明奇后閣謁九蓮觀音爲神宗母孝定李

太后恭製長歌

太行西北山北來中有凌空之高臺月挂蒼巖龍

受祺堂詩卷三

八

虎嘯雲生赤磧風雷哀千松萬松立窈窕十步五  
步行徘徊縱日清涼在霄漢握衣靈鷲逼蓬萊  
靈後閣屹如峰九蓮閣中瞻聖容莊嚴具足得未  
有草莽何知爭爲恭炎山忽飄孤嶼雪靜夜時落  
翠微鐘秋色蒼茫弔餘趾夕陽明滅懷故封神宗  
聖拱五十載太后齋居多光彩內啟祠嘗恩不遺  
旁搜象教力仍逮五臺神龕近京輔兩宮收賜兼  
鼎鼐時移物換凋碧梧寒冷天飛逐滄海出門惟  
皓白雪飛澗水松風聽不違攀弓抱劍悲相向鶴  
鳴鸞旂久未歸此利離同靈光在也年彷彿魂魄

依君不見畫壁金鋪光照眼貝花隱隱發靈機

永明寺亦曰靈鷲暮立有感

驚閣中懸何處峰脩脩天畔五芙蓉  
舊臺銅柱舍情露絕壁香爐隱暮鐘  
日落林泉丹嶂走秋高戶牖白雲封  
闕尋列嶽將儲藥欲傍前崖學種松

永明阻雨不發借箸僧寮因憶棲賢之遊馳示公

馬立不違風鳩飛不違伴它鄉難獨留  
遊子懷所產炎月來清涼暮雲託高館  
館端飛錫人豪邁故鄉延延客寨重  
屋燒燈作精飯四座情俱舒饒疑

受祺堂詩卷三

九

夏日短述其所傳鉢故舊聲非遠合離無恒期  
生死爲悲出門行復速酬酢事多簡靈鷲片時隔  
雨聲終夜滿短牀苦卑濕不寐憂心轉感子敦維  
桑天隅將共返

新霽步永明寺殿上

暮枕羣峰覺朝欄急溜滋遨遊隨野興靜坐簡新  
詩碧殿悲搖草青雲貺采芝秋涼襟袖薄獨感授  
衣時

遙東祺公先生

遙樓暑色度杯餘谷口秋風著後初  
臨眺看山長

在邵梁鴻託廬卽吾廬攀雲弄水愁俱愜漱石餐  
柏興不疎更貰香秬多釀酒歸來把臂共躊躇

味爽登海峰四首

夜抱扶桑日秋臨望海峰千厓嘯古樹一徑引疎  
鐘淵僻開花久林迴飛翠濃前樓半燕沒斷砌落  
寒春

咫尺呼羣帝微茫辨宿霞洲來高逼斗日出儼生  
華艸藉輕雲濕潤侵幽磴斜雙星隱天半只可泛  
浮槎

殿殿晴空洞壑荒夜氣寒幽巖頻洒雨老石舊爲  
壇

受祺堂詩卷三

十

壇谿壑開青嶂乾坤接紫瀾滄桑如一息達者竟  
同看

且訝盤餐劇渾無陟降勞虛霜猶坐瓦初日漸通  
濠獨嶼居仍大羣峰望欲高僧眠酬對畧罄折失  
吾曹

華嚴嶺

日晝如更序寒暄兩不禁落聲緣壑細燈燄入樓  
深臥鹿酣忘客饑鴈解避林開天留梵偈閱世仿  
雄心

登叶斗峰是五臺絕頂爲詩八首



振足層霄上天清玉露繁此邦連大漠何路抵中原  
慘澹悲秋旅徘徊謁帝門一津開析木高問五  
星源

作客愁無緒憑高興忽滋石林中古色戎馬少年  
時把斗聊彈劍寒雲偶賦詩雨花列疏品何必羨  
芝

迢遞黃金築淒涼石宮伯圖沉壯氣京國遠皇  
風瀑挂丹崖裏屏障翠巘中將培茅屋樹葉間鼎  
湖弓

漢祚衰何極賴家訓未符歲華諸事杳天地一峰  
孤夜月泉如練秋風草自蘇道長將母隔聊寄采  
蘭圖

水散中厓白雲深衆壑迷寒潭龍獨臥密樹鳥羣  
棲隨意捫星斗驚心問鼓聲暮霞精舍北遙接故  
山西

上古龍蛇窟中間祗樹林諸峰懷淨土半榻滌煩  
襟雪乳傾杯數枰華綴席深客來多信宿吾醉亦  
長吟

因地臺池省憑虛枕簟涼繁舟聞往籍避暑得遺  
經嶺曲樵歌聚村中牧笛長山蹊歸一覽宿鳥共

迴翔  
借箸論疆圉登樓拭旂旌清笳何處奏古戍盡人  
耕塞馬嘶 嶽關榆墮紫荊征夫休恃險虎嘯日  
縱橫

藻浴池李衛公矢貫文殊處  
告嶽風猶在參禪興不羈沉潭藏日月壯士鑑鬚  
霜壁護丹青老山來蛺蝶遲只今開國箭猶領半  
臺池

崖側遙望古冰  
曉寒山玉團成萬歲冰隔林迴夕燒欹樹却秋  
螢乍霽雲輕合長天暑易蒸僧寮駐秣馬次第歷  
蒼藤

暮抵翠巖峰五首  
紛紛松子落秋山細雨平林一扣關碧靄數峰危  
自擁丹梯千仞迴誰攀開罽古屋笙歌度汎掃長  
廊鳥雀還忽憶探幽期正迫翻因脫屣坐初閒

萬壑千巖競夕陽遺垣新構綠繁霜忽臨明月思  
皆淨重接香醪興欲狂戎罷烽燈開角好厓垂蘿  
蔭衣涼猶傳往事逢恩洽更有雄規起混茫  
羣峰四望鬱嵯峨獨立中臺心浩歌極靜蛇龍吟

有待高翔鴻鵠意如何寒泉直倚青霄挂灌木蒼  
生白露多醉裏慨然揮從客不須駭屑話干戈

徒倚清涼知幾峰紆回良久數能從閒居自惜朱

顏改旅食相看白髮重僧處陰厓依古雪鵲巢危

閣帶疎鐘當時惠遠遲南渡咫尺何緣斬錫節公

人

石林辭去復逡巡看奕呼盧夜色新野老爭傳觀

祭地邊隅獨泰太平人將車佳事推猶子下榻清

光動比鄰有昔五臺稱險要須畱良牧在風塵

子

受祺堂詩卷三

圭

紫霞谷晤西公

西公亦  
子鄉人

路出中峰草芊芊紫霞東望山可辨數聲霹靂谷

欲動垂暮招提僧將眠維桑與梓幸不隔剝棗烹

葵聊隨緣莫向秋風悲搖落故鄉前輩半學禪

失路

宛宛紫霞谷悠悠碧山寺征馬嘶林間牧兒語雲

次

碧山道中

細草平如織低雲薄代耕馬疑新雨佳人傍晚鐘

行石鉢時聞乳厓花半逸名林荒樵路合隔水脂

聞鶯

碧山寺懷蘊真

蘊公既杯度無復大江濤妙諦懷初服幽居得故

林雲移孤嶂遠日抱五峰深倚閣成微歎遙遙白

社心

重想金閣嶺

繫馬何年樹燒疏昨暮村高霞紅汎壑積潦翠侵

門戎卒畱城旦經厨耀帝閣閣前逼南嶺飛雨竟

同論

金閣嶺東道中

受祺堂詩卷三

古

雨餘攀鳥道天畔落猿聲一葉滿梁下千山暑氣

平

歷登錦繡峰六首

早起尚微雨驚風森萬木白雲度嶺來延客南山

麓中道謝徒旅策險凌重谷一鳥啼林端蕭然天

地肅人說仙花塔曼殊所親築細徑倚山開單車

不轉轂兵戈忽滿眼霜雪殘茅屋被緇數遺人江

湖如聚族導我爲遊覽寒雲俯層陸歷歷羣厓飛

迢迢衆壑伏蒼嵐旣各異翠嶂還相屬雄圖帶燕

趙漢索分疆收西南有奇峰削立當幽獨聞是古



臺跡石廬振衣速

灼灼金蓮枝清涼六月息最後登南峰看花識太極隔岸聞妙香停鱗殊色古卉誇祗園何時入中國健兒爭下馬危岫相攀陟采采人一束我我增新飾顧此花木情山川各有則移之出山外轉使見者惑

中原全盛日獨有世宗朝覺士依淨域結廬在山椒飛泉自澹蕩落靄何峒嶢古巖藏冰雪炎日慘不消所悲劫火生池底寒灰饒杖錫今誰子艱辛仰素標荒山闢草萊阿閣橫雲霄問其所營貲

受祺堂詩卷三

五

土皆責徭蔬果稍自植徂猿時相要賴有賢使君多方慰蕭條客來勉成禮四座風俱超昔人久寂寞何處容遺樵

陳子好山水幽尋無遠近翼我逍遙行中情若合筍數目山蹊間徐看跬步謹南厓眼忽豁百丈平如軫壯年氣飛動對此難自忍見子馳馬先何敢辟不敏烈士欽英風艱危無所忿遙遙曠世懷那隨星霜隕吾賢足風流勝地爲招引尋常類木雞登覽疾秋隼世人安蓬蒿嚮大鵬晒豈知圖南意行待培風盡

日午山欲曛松陰得高坐公感意氣風駕振柔輿乃云飛錫初適阻此峰臥冬夜如年長雪花比掌大細竇哀響侵重幃烈風破寒冰漬短衲半偈成幽課平明石牖開幾屢茅簷挫空垣起五峰鑿穴相經過所志在巖棲何往無輒軻樵採既不達涉旬甘長餓賤子慕蕭疎低回牽網邏恨不及斯役白雲一倡和

受祺堂詩卷三

六

五臺五百里五峰插天半去去板夏雲勞勞如秋燕南谷哮豺豹茂林正葱蒨僕夫促人歸數告西日晏顛氣浮諸峰晴霞倏萬變依然辭執友臨岐增婁斷曲徑述古松尋蹊繞危澗虬幹交馬足鶴巢拂人面逡巡落葉中漸與溪山判忽疑所坐厓天際遙相見返照曳重陰涼颺不絕斥逸興倘不竭探奇終須徧

望挂月峰十絕句

四望名山秋色清清涼各有發新硯獨憐挂月峰頭月遙夜光寒處七星攬衣天外得狂歌他日幽尋許再過自采金蓮奉白帝因觴玉露酌黃河枯桑何自識天風石壑靈雲鬱未通西嶺似畱奇



絕處阮公非爲泣途窮

新秋好月下蓬瀛舊是西峰獨擅名肯向峰頭拚  
一醉秋天逾白月逾清

峰南烟雨到初開忽阻良朋結驪回倘畏勳予桑  
梓念西臺何似望鄉臺

支公多癖亦吾師獨踈寒林有所思不見北風依  
代馬愁論越鳥在南枝

挂月峰高障薜蘿秋來月色定如何曼殊南倚仙  
花住瑤畔清光似更多

仙花塔在南  
峰曼殊居之

臨岐惆悵罷登臨一發新醅興不禁譬如讀書觀

受祺堂詩卷三

七

大意瑯琊千載是知音

鴈門明月照秦天一片清涼不記年遂有衆山頻  
託賦何妨孤嶼夜聞禪

蟬鳴古樹一山聞旅旆秋清掛暮雲同倚蒼藤深  
待月露花凝席白紛紛

返清涼石四首

清涼臺畔草蕭蕭冰泛秋霖渡石橋絕境烟霞朋  
好共他鄉風雨客身遙三千覺界通殊域十萬王

程抵聖朝西域入至五臺  
香林路十萬里稍待青松開霽景重  
披紫邏問漁樵

天高木落鴈南飛坐歇層臺客未歸若越烽烟滿  
野戍林胡禾黍澹秋輝風潭蕩蕩魚波老雪磴陰  
陰花氣微欲遣暮寒須酒力鳴蟬林外莫相違

林胡昔地名

暑退千巖白露生匡門回首思縱橫綠簪草觀

山漲落日傾罇待月明五岳長嶺婚嫁隔中宵頗  
憶竹書清故園松菊今何似天外秋光接渭城

山溪新月照滄浪大火西流夜未央座上御風寒  
受袷杯終洗馬爛生光

地深豺虎千峰或天割幽  
并七月霜非爲潛期仍近野但容高枕亦吾鄉

受祺堂詩卷三

大

清涼石畱別公

公抗爽支公倫邂逅風流難具陳揮麈四座天  
花落據牀一唱幽谷春憶昨秋風正蕭灑重尋石

徑宿蓮社盈盈新疊登深更夢夢濁浮衆竿詰  
朝聞予出南峰自控高足遙相從虎跡縱橫無所

畏馬蹄馳驟還能工畱連西下清涼院頓覺離愁  
在顏面爲送陶潛過虎溪破歡成涕紛如霞

寄別西公

憶逐星杓右微吟谷路南畱歡詢故國送別過深  
潭夜色中峰霽秋光四嶺含山臺眠不穩相念紫



霞風

大明巖別馮秦宇都尉

馮秦人

都尉亦秦產出防居五臺驛駟分客去部曲過山  
來獵劉秋天豁驪鐔日暮催五原多將系因爾一  
徘徊

將遠碧摩厓回首五峰馬上占十絕句

山外一乾坤山行如伯仲雙屐此初閒五峰巖似  
夢

冉冉出重厓茫茫時自失山情在平原風雨留十  
日

受祺堂詩卷三

十九

百丈飛泉落千峰霽色寒雲霞無復道努力勒加  
餐

頗愛烟嵐別深知虎豹隨四山親載酒孤負望題

詩

曉雨臺池淨秋山草木和昔時飛錫者長見白雲

過

清涼送山色片石在山中六月吾來此披襟坐御

風

秋風溪畔起白雲寒欲流客與雲俱去悠然山下

秋

酒肆陶彭澤山居支道林吾生何後汝千載得同  
心

高坐無漢語惡其酬對煩新詩忽自哂難與衆人  
言

萬壑秋風裡千厓夕照中依然入城路能不愧麗  
公

重宿碧摩厓一十韻

辭攬清涼色臨厓肺病醒雲歸天轉靜雨至客初  
停

涼壁過來紫寒松淒以青碧摩之松千七百餘年  
樹入戶啟夕嵐局雞犬乍相忘樓臺深所經開襟

受祺堂詩卷三

二十

疑翠閣洗硯漱泉亭宿衲頻看好新齋二可銘花  
枝幽照座燭影翠輪瓶遠戍移秋月長廊山夜露

蛟龍纏赤彩鵬鳥發滄溟忽感三秋賦高懸片石  
例空林悲契濶壯齒付飄零并稅渾無緒干戈鬱

未寧登山披落木飲馬接流萍漏擁中林霽帷張

大壑星餘滋鳴石白哀響急沙汀冉冉多垂簾飛

飛有健翎古巖成坐嘯良友對儀刑杖屨邊陲及

笙歌幕府聽禪棲連曠野逸興倚郊坰

呈舅氏石臣先生

獨遶關雲至同驅代馬來人山道杖履沾酒坐蒲

集 248—489

苔野興歸仍適狂歌起就裁雁門秋思近花徑別  
筵催

東端伯隋書盧大聖隱居五臺山多藥  
物蕭然絕世謂神仙可致也

舊跡懷高士良朋委壯遊黍禾千頃色風雨四山  
秋曲好稀賡和杯深脫獻酬論交憐濟美須向竹  
林求

示弟子立

絕漠終櫻罷深林負笈歸石巖杳杳秋樹日輝  
輝浩野歌初放寒溪醉不違汝曹舒健翮吾老故

山薇

受祺堂詩卷三

三

山山絕句

壯日不聞道名山空復歸賦詩多造次聯騎有光  
輝

受祺堂詩卷之五

中南山人荆東李因篤子德著

· 立秋二首

一違鳳城月三改鴈門秋北塞飛霜早西風落葉  
浮壯心頻倚劍愁思獨登樓轉羨白雲急遙通關  
隴游

蒸霖裁過眼宿霧復沾纓樹老雷深翠籬開動遠  
明天邊歸鴈色戶外搗衣聲濁醪吾憐汝攜壺細  
細傾

柏隙觀月八舅刺史翁命賦

受祺堂詩卷五

一

夜影臨池澗空光抱樹流聚飛憐翠鳥高臥照明  
虬皓寫柯條化紛垂枕簟幽悄然聞遠笛西北下  
高樓

寄蘇使君林濤

頻催秣馬踐長橋却阻驕霖斂去鑣宴豆連年秋  
嶂合吟帷此夜月明遙空嗟山塞淹蓬鬢未報移  
官慰折腰鬱鬱愁心遣雙鯉時時從倚望層霄

七夕二首

羣星分顯晦一氣動波瀾相對參商似獨爲牛女  
難杼機經歲作河漢轉蓬看欲識君心苦金風曉



露寒

世人凝眺處離合不同論萬古雙星節孤城七夕  
鉤彩雲憐浩渺烏鵲解縈奔詰宿明河岸迢迢望  
帝孫

喜晴六首

暑雨三旬臥秋晴一葉聞碧山俱歷歷萋草各薰  
薰未妥林皋景還疑日暮雲遣懷成緩帶徐步野  
鳴羣

寒角初高起天河遽改流占星思往事對月灑沈  
憂幾處鳴碁急誰家弄笛適地寒風力猛須頻舊

受祺堂詩卷五

二

征裘

一晌梳頭嬾三更罷酒遲伏雷餘勇奮零露早涼  
吹紫燕行何適清蟬聒正悲安居生旅興暫破讀  
書帷

葺瓦人登屋持竿自曝衣晨風舒翼遠曉弄襲香  
微骨肉連宵夢音書數月違白雲疎在目遙愛北  
堂暉

粉堞凌蒼雉黃榆動綵鴻偶提甃底劍隨取壁間  
弓擬射長城磧將探碣石宮壯圖貧失緒聊復避  
墻東

木沿池迴孤亭落照繁仍沾遺暑濕轉苦聚蟲  
臨脫屣閒除徑分疏笑入園奚童收藥裹踞坐一  
忘言

貞燕篇爲涇陽趙母劉太孺人作卽寄元深  
同學

鸞鴦集桂樹孔雀鳴高梧不及天水燕清輝里閭  
乎我聞賢母手生有落花圖堂上見開府惜之如  
掌珠于歸孝廉室弱冠爲俊厨君舅啟絳帳授經  
盈其廬過庭靡異訓久次更相於旣萃鄉國彥嶺  
來四方車時時陳罇酒事事應所須遂就夫子德

受祺堂詩卷五

三

成名信羣儒兔絲附松下枝葉初得舒中道乖比  
翼結根失連株尊章並華髮襁褓遺彩繡自念不  
亡人尤難惟撫孤沈牀躬操作椎布茹苦荼奉事  
八九載憂勞不勝書皇天載降割負痛承寡姑獨  
立持門戶森然一丈夫雞鳴泣盟櫛欲進還踟躕  
晨省及閨內強顏成敷腴將兒碎績側儼若生徒  
俱弓冶垂兩世責茲藐焉軀爰能啟苞鳳步步趨  
亦趨詞翰久照耀友聲凌雲衢揭來慈戔道披寫  
肝膈輸拜跪展家傳歲幾延四隅緬維鳥祥飛  
繞此門樞銜恤歎獨返百年安棲居自從滄桑來

起著嚮背殊庶以告採風貞光激寢區

綈袍

綈袍存范叔脫粟逮平津滾滾塵埃道悠悠旦暮人不才遑自恤前事竟何陳貴得杯中酒為歡幸及辰

浦外

浦外過流水峰餘動落曛暴晴翻鼓濕垂暮復烝雲爽合當風坐香畱隔院聞更深眠未穩憶在曲江濱

瓜

受祺堂詩卷五

四

五色青門種相違有幾秋不時傾水待真作破籬求餘味沾童僕清心倚蒨緜西風一迴首觸物益

關愁

夜露

夜露迢迢落園林寂寂寒旅愁聊託飲多病強加餐學悔初年誤交知末路難明朝應有約傍戶理秋蘭

浴

暮坐還能析秋天未解涼湯池清上眼壁火靜聞香月照眠蟲出風吹宿鴈翔濯纓仍濯足隨意有

滄浪山去

水蓼

秋至羣花暗朝看蓼葉叢幽枝偏近水香蒂不妨風蝶坐愁飄忽蟲飛接混蒙為憐寒事少霽景入杯紅

楚客

王安生席民荊州文學時在驛騎幕

楚客久無信秋風空復勞短牀述夢蝶團扇續離騷似爾才偏滯為歌興自豪不辭在戎幕青鬢有雙毛

舍弟至值予臥病行後悵然有作

受祺堂詩卷五

五

舍弟經年至長途匹馬回徒勞營藥裹不及把行杯春草連牀發風花去路催晏公推族黨真規古人才

白馬

趙驃騎馬時假于太原

白馬怒行邊嘶風久護前影排千匹濶雲散五花燃央逐如人意馴良托主賢渡河初掉首應惜錦鞍韉

七月十五夜

浩浩中元月婁婁朔塞逢啼門猶近古挿穀自為恭代俗是夕皆哭其先又懸新穀門上燭隙飄寒燧風餘落暮春諸



阡疎濶甚節夕淚痕重

未得

未得歸朝信南征事若何  
普天兼水旱終日只兵  
戈吏術轉相飾皇猷空自多  
安能清淨擊壤再聞歌

近說

近說湖南北紛然大帥齊  
不聞皆遇巷何路忽成  
踐繫脫星羣走籠寬鳥亂啼  
朝恩兼用過紫詰費新泥

莎雞

受祺堂詩卷五

木

莎雞宜在野七月坐聞聲  
似入琴書亂渾疑枕席  
盈避寒從寒俗娛客訴幽情  
徙倚愁相和悠然遠興生

汲公

汲公高臥處曹相醉呼時  
日日俱如此人人聽可  
之澹忘應自足科指亦安施  
若問周官故何曾置一辭

尚憶

尚憶憂雲漢還書大雨霖  
客居詩自遣鄉思坐相  
侵步舊秋亭窄簾高暮角深  
孤峰淹豹霧萬壑醉

龍吟

二李

冷漠表齊幟北地本秦風  
絕構皆千古雄才有二  
公雪嵐嘗抱日金剛久摩空  
薄晒看流輩江河逐漸東

讀史

尚論闕文及吾衰誰與謀  
三皇無定位二伯不深  
求但使行生遂何勞混沌愁  
獲麟誠絕筆猶著幾春秋

獨坐

受祺堂詩卷五

七

獨坐秋聲急微霜露氣醒  
暮雲屯落燒高樹沒空  
青杜山詩如史楊雄賦得經

得劉八石生書却寄二首

樹外輕雲擁別巵春朝黯  
淡憶歸時薜蘿仍發幽  
棲蔭楊柳空長折贈絲千  
里入門隨戎馬十年多  
病到占著頗聞韋杜能畱  
客紅藥叢中見紫芝  
秋風有信倍淒然入塞移  
家事尚懸白閣難尋同  
邸賦黃花獨過曲江船諸  
侯尚許顏公廩逆旅還  
愁劇酒錢吾意神仙不可  
致祝君健飯卽長年

開會大庭間如朔方

十載江湖內春風又朔方  
攜家如杜甫玩世學蒙莊  
客久貧無藉詩成老不妨  
泣麟今有作吾子亦升堂

聞砧

含愁何所爲落涕倚雙扉  
萬里暮雲影千家秋月輝  
時猶多戰伐客欲早旋歸  
不必玉關外臨風俱攬衣

再聞水發

遠雨看雷電驚潮接混茫  
聲驅千嶂落氣抱一城

受祺堂詩卷五

人

涼仰月裁知外爲河未可量  
當時臨瓠子湛玉爲宣房

初晴

夜雨不知住秋陽如近人  
寒花猶到眼乳酪亦沾脣  
水出魚相競風迴鳥自親  
茂陵車馬絕愁日著書頻

不解

不解客行樂如何秋未歸  
晚花多抱子賓鴈已成飛  
水落汀葭暗霜晴塞柳稀  
同袍疎永夕彷彿見重幃

師行

師行何日返古史貴攸歸  
信宿還書次淹旬未解圍  
雨中青草沒城上赤雲飛  
大帥方安枕朝來令印稀

安穩

安穩西階石風雷昨夜停  
高暉流澹澹爽籟肅泠泠  
傍架山雲白侵簾砌草青  
秋來諸事懶外戶只長扃

得寧人先生詩有感

三吳俗幽風一氣春君才雄  
後起吾道得先

受祺堂詩卷五

九

民格論微無間新詩妙入神  
秋深登華岳一問博望津

約生表兄近詩斐然喜賦短句

外氏名家業吾兄肯讓人  
葛裘爲客改風雨賦詩新  
有楊容高臥安車出後塵  
懸知歸里日斗酒足爲鄰

補清明

瞥失落花記風塵秋復清  
幾人開上巳何日賦絲庚  
野哭乾坤晚春愁蟋蟀鳴  
辟寒兼藥餌鳥舊關情



秋雪

秋雪明無理山光照若空  
莎雞遷野色螻蟻識天  
風客鬢今年換歸心去日同  
若逢吳季子真是被裘翁

獨立

獨立朝暉上凝霜宿露中  
梧桐長淺碧石竹老殷  
紅野戍旌旗滿城樓翳  
築工關雲時在望不忍背  
西風

趙驃騎蒼篆初度有感

客裏誰招託將軍有故人  
何期生日酒不似舊年

受祺堂詩卷五

春節序看俱過河山告所親  
知音賞得吾願不俱陳

懷瓜圃二首

落落髯公去相思歲又更  
種瓜藏系本逃酒見平生  
妄有江東信長寒渭北盟  
小樓懸短榻塵垢不勝情

學道憐遲暮行吟有是非  
他時同我出此意到君  
稀世事宜高枕山風好  
下幃寧須湖海上別構釣  
魚磯

趙子二首

趙子一時傑逃名人未知  
蕭騷常見性二十早能  
詩風壯白渠水野多紅  
樹枝此中安嘯樂何似  
北征時

吾嘗憐汝直世已病予  
狂刻意翻多累隨緣足  
兩忘秋陰齊樹淡夜氣  
浸燈涼客夢思舟楫兼  
葭渭水陽

鴈門秋日三首

山城河水日滔滔白日黃  
雲滿塞壕古障空懸西  
景暮秋陰不斷朔風高  
無邊落葉橫深壘幾處  
牛羊走亂蒿徙倚蓬扉  
歸未定霜花猶照舊綈袍

受祺堂詩卷五

鴈門秋色鬱崔嵬表裏  
州圖亦壯哉鼓角新歸  
驃騎府烟塵久閉度支  
臺猶堪百兩戎車去不  
復千羣汗馬來最是關  
城通口北銅符竹節互  
相催通民下令治窮邊  
一代三章此最先露處  
已深閭左日塗吟何似  
董逃篇滹沱野水吞溝  
澮楚蜀軍儲歷歲年君  
慎勿言王路近幸非王  
路少王田

秋興十首

使節臨東路軍精及兩  
關江湖輪輓濶部領度  
支閒水長飛孤口峰高  
落鴈灣壯遊遲舉步秋  
氣苦催顏

鎮朔城爲驛傳郵吏攝防兩河街市暗羣草漫山  
黃犢挂新耕壘鶯啼古戰場抱關遭所識曾與賦  
東光

復戶人誰是開荒野自如中原無竄草太府出新  
書帳聚羣羌合烟移比屋疎每懷寬大詔重睹塞  
垣初

地下高田晚谿明暗水饒羽書時有至雷電日難  
調廣武懸軍薄居庸通馬遙客居逢歲儉林壑畏  
風颺

鴈門爲郡久何代易今名附郭渾無縣從商半是  
受祺堂詩卷五

兵東聯燕上谷北出趙長城月下吹蘆管殘疆幾  
處聲

李牧祠坊迴孤陁俎豆存開邊連大磧饗士只荒  
屯絕壁鵬秋站空山虎夜蹲斯人不可起宿恨滿  
關門

百戰沙陀李桑榆說晉王梵宮遺冕服 隴遠明  
莊潦捍村隄固香畱塞菊長英魂照三矢白日敞  
迴廊

潯沱不同本浩淼合城涯岸圻波沈石川平樹帶  
沙青岑封收豎粉堞臥龍蛇落日頻搔首瞻鳥迹

正餘

中丞歲持節此郡坐防秋句注晴雲捲樓煩曉角  
流猶聞封使院不復到邊州古戍虛恒朔霜天萬  
里愁

八月諸峰好清涼翠巘開徒傳高士蹟不辨繫舟  
臺老雪懸明鏡幽松抱磐雷登臨須地主獨仗頽  
川才

壽蘇大看雪

賓筵未冷落花叢曉戎侵霜歎轉蓬流水乾坤成  
晚序故人關塞起秋風相憐彼美白華賦自謂吾  
受祺堂詩卷五

師黃石公安得長房移地縮與君同醉月明中

刺史八舅自太原書至

往事沾襟旧他鄉把臂初事無班馬助人自早鴻  
疎冷露猶淹邸郎長風忽寓書客身俱未定千里共  
躊躇

聞道

自顧不聞道悠悠將奈何壯心愁已折羣籍悔空  
多歲月看鴻鴈乾坤寄薜蘿前途方浩浩努力御  
風過

冉川



冉冉涼風至其如歲暮何遊絲垂戶牖逸響出烟  
蘿半日攤書罷斜陽隱几過東籬頻夢得興入故  
園多

寄姜肇周

南山疏翠接叢蒼愛汝柴扉背市廛臥覺孤城秋  
有客肩隨諸弟少多才河邊雪鯉三旬共塞上黃  
花八月開別後思君情不減春風重許醉新醅

雨

向午有微雨蕭然齋閣涼雙扉侵蟋蟀一枕到羲  
皇花氣陰陰縱雲峰脊脊強中秋將次近莫遣庚

受祺堂詩卷五

五

樓妨

八月十四夜月二首

細雨移時息高輝隔夜圓管明古塞松桂憶長  
安翠嶂波逾委青林色正寒三秋長作客萬慮獨

凭欄

絕漠無遺照中天故放晴坐深羌管發風起戍烏  
鳴極目星河澹回頭驛路清故鄉同皎皎佳夕思

縱橫

十五夜月六首

陳使君  
席上作

雨過空光湧登樓倍可憐千厓環野盡一水背城

懸玉杵寒初急金波皓正圓更隨公讌久相對物  
華鮮

絡緯纏東壁笙歌度北亭清商天半起白露夜深  
零爽壑銜微蕙陰厓約數星捲蘆何處曲愁絕不  
堪聽

羣坐徒空去寒輝迴自深已兼蘆荻浦不辨雪霜  
岑宿鳥淒疎落征鴻遠奮吟中宵光不改徒倚故  
園心

影徹虛垣曉輪開永夜清獨存行邁色長鑒別離  
情顯接西陲近霜涵北極明振衣歸自審飛鏡幾

受祺堂詩卷五

五

回橫

白髮他鄉早丹梯萬仞看滄桑如晦望人世有悲  
歡畫榭畱疎角明河落綺湍鴈門秋色裏蟾兔爾  
同寒

終古青霄上于今素女愁孤高難自照光彩爲誰  
畱迴忘衣裳薄眞採草樹幽故山明月下遙對北

堂秋

歐村北山  
曰明月山

砧

隔戶鳴蛩迴誰家搗練遲臨風吹轉切對月照增  
悲草木知霜露關河戀虎豹悠然征戍萬里遠

如期

聞雁

天半九秋聲羣飛一色清順風呼下疾餘照著來  
明歲月多違土江湖遠向榮寄言行役客霜落舊  
邊城

送約生表兄西歸

去年與君發故鄉春草含碧柳初黃雨雪聯鑣二  
十日東馳西顧何茫茫是時君作鼓盆曲行旅聞  
之皆慘傷岐路寒暄照汾水我過石嶺君太行太  
行山高猶未高人事翻覆如波濤晚得諸侯北入

受祺堂詩卷五

共

代天涯傾蓋分綿袍男兒會當有知己骨肉何遽  
輕一毛肝膽互披向明月酒酣渾欲拔佩刀前除  
列坐多佳客止郡劉生氣最豪此筆親題孝子巷  
新銘更荷雄藩勞二公立言言並妙巖穴所至矜  
幽照荆秋中原忽至今班荆絕塞誰能料爰從舅  
氏灑頸血土冷木長無光耀此悲此銘置人間重  
泉亦應開口笑使君鴈門頻掃榻太守河上雅同  
調貽縞爲帶紵爲衣譬車在途川得棹榴花五月  
照君旌露冷霜飛始送行將謂歸裝故園解豈知  
坎壤中道生秋來蒹葭又徧野且復鬱鬱計長征

况是仲冬花燭節開書視 利此月兒纔外傳女  
別席秣馬驅風安能歇

長城

長城近接雁門關絕漠雲飛萬葉閒牧笛吹來猶  
漢月邊榆墮處是秦山椎牛舊蹟蒿蓬裏飲馬新  
軍雨雪間趙代興亡皆有恨雄封空自鎖烟鬟

答蘇紫煥薊門喜予得子之作

城南里社半凋零爾臥長林戶獨扁憶與諸公分  
上已曾來匹馬託居亭懷子豚犬心猶切入世龍  
蛇老更經每把報書慙日暮徒勞風雨望秋漠

受祺堂詩卷五

七

病

敢謂貧非病多愁動損神讀書欹枕短開戶著衣  
頻石徑疎行展烟谿冷釣綸栖栖何所事惜老異  
鄉塵

寄八舅

相去纔千里相思又一秋秦風遵自出塞月照同  
愁旅食從人寄征衣只有謀囊來慚折柳垂涕把  
吳鉤

嫋嫋

嫋嫋深秋雨苔疎淨白沙數蠅依火立羣雀傍簷



遮遠霧摧崖木微風撼徑花做裝不禦冷燭酒更須賒

懷趙大元深

細雨長安戀別樽淹留絕塞異寒溫依稀涇渭長  
來夢契濶求羊獨閉門束帛遂繁慈母壽封書迢  
寄孝廉村萊衣羨爾承顏得客袖時沾涕淚痕

溫大桐伯道人報尊徵君訃繼告十月裏事

奉詩代唁二首

半尺哀絨下定菴聞君洒血漬麻裳白華無字吹  
還出黃鳥含悲叫在傍閭里遂空三老坐廟宮終

受祺堂詩卷五

六

妥百年觴端門祖德遺弓治努力諸孫已雁行

予廢蓼莪無所從痛連吾黨折鳩筇絮雞總使傳  
千里車馬何繇逮孟冬苦雨傷心書再至凝霜和  
淚坎初封他時相唁來東閣彷彿梅花識舊容

答溫子翽

故人執扇好持贈下殊方浦敝初聞雁兼葭已帶  
霜北流汾水濶西望隴雲長出入予懷袖恩情未  
敢忘

九日二首

萬木西風急孤城北鴈來愁深餘攬袂病起試登

臺息雨微烟上衝寒濁醪開龍山思勝迹俯仰大  
夫才

露重朝垂實籬疎野出盤水邊雲氣冷天外樹聲  
乾枯菊空相憶茱萸只自看舊遊何處問回首白  
雲端

對菊限西字看字

露井初移樹霜華忽滿蹊苦心經歲月高節仗提  
攜彭澤尋常見樊川咫尺迷落霞關路迴迴眺萬  
峰西

老有修名懼貧交遺世難九秋荒秣馬三徑入憑

受祺堂詩卷五

九

欄就月壺觴適臨風步履寒征鴻無太驟遲爾一  
枝看

霜節

絕漠望無際寒空如有爲兼葭秋結浦蟋蟀暮侵  
帷日短溫偏惜雲疎澹欲垂東籬歸正晚斗酒間  
新炊

懷全樹先生兼爲表兄訂婚期

九月霜深木葉紅懷人早晚對西風不須一意成  
孤往行約諸緣與衆同藥物常須連歲費林居小  
築數椽功所親曾許新開館爲訊良辰六合中

霜

日上苔華白風飄木葉黃  
二儀浮澹景羣蛟作清商  
舊岸谿河改新烟稅和香  
倚檻閒注目啼鳥遶高翔

紅菊花二首

北樹暈光發東籬綠夢開  
高霞凌碧檻冷艷逼青苔  
燠煦羣爭候風霜獨見才  
莫愁新釀竭應照白衣來

數朵殷留景無言稍護黃  
階前看屢易徑樹採偏長  
團圓紅靨色杯添琥珀光  
終夜進俗眼不惜殷

受祺堂詩卷五

五

羣芳

搗衣次杜韻

傍閣秋風起含愁發葉礎  
最憐長及客遙繫故園心  
曝濯工須備冰霜慮獨深  
君聽鄰杵下總是斷腸音

苦雨

羣動將歸息重陰久錯行  
漏椽侵短牖崩浪溢新聲  
幾片高田熟多時積潦明  
嗷嗷憐澤雁凍雨逼南征

同韻田二君看紅菊小酌

淡句不對酒晴日到籬邊  
鵲數盆菊勞何處蟬涼風  
稍隔住薄雪傍畔懸亦復分  
濃冶秋光倍颯然

得澄一書

春渚曾先雁北征旅途歸翼早  
長鳴書來塞上逢霜信客在天涯  
對月明長俟河清憐趙壹漫嗟蘭  
馥怨張衡飛飛預說來時道雪壓關山十日程

得傅徵君信

河汾文獻未全空蠶上乾初有是公  
不卜同舟瞻郭泰徒知中論擬王通  
芳期虛訊春來鳥劇飲猶

受祺堂詩卷五

五

傳雪後鴻他日華門相候處下車應拜採桑翁

菊

白石風前皎黃花雪後多蕭蕭三徑側  
冉冉一蜂過幾許關幽思時來發浩歌  
故園無信久秋色正如何

鴈門邸中初雪得達字安字二首

朔氣凌晨寫空花藉地飛關颺深入夜海日暗通輝  
極浦魚龍覺平林鳥雀歸故園憶梅柳愁遺素書達

野抱黃雲濕陰凝紫塞寒霏霏侵絕戍衮衮沒層



巒出積冰霜早懷人道路難北門頻削跡無地學  
袁安

早雪

向夕剛移架朝來雪到門河陰連岸縮樹色帶風  
昏獵火飛孤嶺樵歌出數屯牧兒橫短笛羊馬半  
依村

答聖年五兄見懷

亂後浮家歲月淹詞人生計俗多嫌文昌自昔連  
羣將武庫於今屬孝廉契濶榆關歸未卜流離隴  
水信空瞻時逢吟咏牽愁緒况復迴頭雁序兼

受祺堂詩卷五

三

初冬

歲晚休羣動天空下暮霜薄嵐排戶入遺照汎風  
涼作客遙經塞登樓每憶鄉遣愁新釀好不計漏  
聲長

送于子上之中州

塞雁南賓盡聞君欲渡河執交前路接裘馬半生  
過夜酒催臺漏晨風遶戍歌上林花信早鄉思莫  
蹉跎

寄弟四首時兒陳新殤

頂恐傷親意遙爲報弟書臨池光更明把筆自躊

蹀伯道愁相似東門達未如可憐展青鏡雙鬢比  
來疎

汝嫂垂頭哭前疴一痛深有拚寧有命相解復何  
心薄雪捎風住昏燈帶漏沈隔牆誰氏宅中夜有  
啼音

琬琰初移案熊羆驟失圖黃雲飄翠羽紫塞折青  
梧卜子良朋貴王公我輩呼鄉雲二千里客影坐  
中孤

生死原殊分彭殤失大觀暗霜譙角出淒日野陰  
寒急淚迫毛裏殷憂摧肺肝北堂無過慮西望勉

受祺堂詩卷五

三

加餐

除架

薜蘿障秋邸霜霰壓冬晨已耐陰涼積何辭剪伐  
頻空烟寒不住白氣淨無塵坐嘯經年久情如別  
故人

除架了

疎翠還留眼高霞忽近人地明流響落風濶篆香  
新代謝天時互枯榮物候因護持應有道生意俟  
來春

兼葭

陵國疎予久秋郊野岸橫天寒霜露聚水落草蟲鳴  
颯颯已難屬洞洞空復情伊人不可見遠浦白雲平

樹間

相幹相凌出霜華半院侵暑時成散帶寒至避繁  
陰宿鳥俱安往盤虬對有深蕭疎過籬壁日影帶  
青岑

受祺堂詩卷五

受祺堂詩卷之六

中南山人荆東李因篤子德著

楊生耀祖發武解馳五百里執贄雁門贈二

詩

三晉稱強國千夫爾冠軍連鑣推善射染翰復能  
文遠度冬溪雪高探夏屋雲淵源亦何有佇望起  
橫汾

服食竟何如干霄奮翮初赤松遲辟穀黃石早傳  
書樹楔通羣邸揚旌返舊廬殷殷關塞上執手慰  
蕭疎

草

砌草發時晚年年春後青琴書留靜挹雨雪耐深  
經藥檻沾香氣山園撫翠屏酒酣一磅礴長遣客  
愁醒

月

緩去深宵月園亭遠照空扶疎紫宿鶯一二度征  
鴻地涸潛移水輪高半入風漫霜寒自噴莫點鬢  
毛同

長至二首

積雪在山豎長颺生塞門陰陽衡進止節候曠寒



召比南州臥天廻  
荆駁奔旁詢宮綫  
覺晝刻可

論

日至愁中是年華  
客裡疎拜冬存禮  
數臨野杏垣  
虛柳信遲隨臘椒  
觴暗逼除觀臺候  
雲物久矣素

書

不寐

署舍聞鐘晚寒天下漏遲  
聞聲喧遠枕不寐託深  
帷凍瓦鳴殘雪疎籬送  
早曦朝來衣帶緩客緒漸  
離披

慰內三首

受祺堂詩卷六

二

善病常憐苦征途到却隨  
終年開笑眼一夢失佳  
兒負影斜陽外吞聲逝  
水滑如教弓冶續不惜歲  
華遲

予亦悲無所依人自昔難  
明霞飄絕漠翠露沒狂  
瀟啼笑俱無賴庭闈莫異  
看有行關造物終許淚  
痕乾

好佩忘憂草先描緩帶圖  
傍簷馴乳雀將子任飛  
鳥蔡襲封曾繼商瞿相不  
孤他鄉須共道舉案慰  
潛夫

伏喜祺公先生考績晉大夫第一恭賦七言

排體五十韻

高霞忽聚鴈門前  
大國風流說潁川  
父老同心欣  
保塞朝廷一意委  
承邊城頭皎雪封  
西輔岳外晴  
雲耀朔垣表裡提  
封原重鎮安危坐  
制必名賢行  
春亟望褰帷山  
峽日猶餘閑閣  
眠旭管部墩銷  
舉  
燧昏鐘叅佐度  
歌筵公階時帶  
清瑤湧野笛偏  
隨  
縞帶傳長照何  
曾疲皓魄惠風  
端不憚澄泉子  
嵩  
若在神應王仁  
祖相依恨可捐  
彈指惟騰臨海  
側  
式問恭作豫章  
先况多膏雨沾  
鄰壤從茲幟幟  
冒  
列蟬林屋投醪  
噓並及戎戎挾  
纘守應堅兩關  
驛

受祺堂詩卷六

三

路開王路千里屯  
田詠大田畫角已  
吹鏡鼓曲銅  
符兼握度支權  
遂教衣食生千  
府渾覺乾坤飾  
豆  
邊抱槩親搜岫  
嶠字論詩肯雜  
辟支禪案觴連  
夜  
恒沾引屏燭淹  
旬自接聯輦轂  
遙封佳士杞  
澤沱  
每繫寓公船乘  
陽瑞草幾番茂  
帶露幽葩俱可  
憐  
叢藥纔看殷似  
火嫩枝仍詫碧  
于烟旁徵客賦  
成  
輿論稔採民謠  
撫御箋帝座龍  
飛初纘邦  
圖島服盡歸塵  
極辰獸闢明堂  
位侯甸還通法  
宿  
璿爲慮計諸敷  
早粉因求考績  
踐真詮躬桓並  
罷  
青蒲伏日月順  
瞻玉燭縣漢吏  
書庸遵六課虞  
臣



殿最約三年逞時內重嗟倚角 當代僉詢喜淨  
便次第功宗疇采敘逡巡閱歲華遷爰咨古絳  
誰方駕獨是君陳首着鞭拜賜重頒中府帛銘勲  
永紀太常旃頌盈絕漠簪紳製謳滿遐陬比巷編  
靈景臨池霜哲寒星垂牖月娟娟鴻猷煥啓孤  
城象 鳳詔飛來五色妍徐勣殊勛邀密勿暫留  
嚴節仗陶甄序開柏酒濃無滓雙登宮衣冷着綿  
黼黻錦鱗光奪目區量長短巧隨肩臘朝膺發汗  
盈體 宸墨淋漓題自天八路熊羆均唱導三台  
鶴警總聯翩典謨曲沃相公語秦漢陽城司寇篇  
受祺堂詩卷六 四  
時文武係公製錦屏其文一出屬我同人爭效曝  
衛山沃文石一出白陽城東谷  
伊余小子愧操 諭交神託丹青契誓笠平將琬  
琰鐫漫訝北門無擇木應如南叟自忘筌草堂留  
邸妻孥在樓井成名世代延寧忘兼葭懷白露敢  
云貂珮醉青蓮官厨合費叨餘粒左个分暉乞數  
椽猶有二方函丈近更知三葉長文連引商刻初  
頻心折覽勝窮幽任履穿邈近篝燈他夕久淹栖  
下榻此遊專僑嬰詎謂能強晉教隄深期不負燕  
赤雀正於牙蘓集黃麻應得紫宮宣  
端伯至代有讀書之約喜而賦此

初酒子春郭相逢忽歲除雪籬梅發後風樹鳥啼  
初世祿會無傳名山自有書一燈堅此約攜手莫  
躊躇  
雪  
江門雲除合褰簾雪色重烏巢迷列障鶴影動羣  
忽哨高樓笛微流遠戍鐘南征時未已白羽過  
居庸  
晴  
風寒風覺清晨薦客韓遠山如破碎初日倍光  
輝傍鳳羣玄醒倫春一翼飛歲終垂晚計愁絕故  
雪  
受祺堂詩卷六 五  
朔雪寒威壯初來爽氣溫江花明鈞艇岳樹暗雲  
屯烏雀交愁磧牛羊不出村北門流歎後漂泊信  
乾坤  
杜二杜若自潞安寄詩至  
再接賓鴻至聞君潞潞州未攜新紵出應爲濁  
留服食須高枕風霜慎薄遊何時採參罷紫袋及  
邊樓  
雪晴  
雪晴



雪罷簷初霽風深日未調黃隨堤柳綻白着積雲  
搖傍竹看鳴鶴臨城起站鵬早傳過金鼓原上獵  
標姚

答王安生二首

自昔浮雲擾寧君不自明鬼神憐賈傳官闕窺梁  
生客夢江籬得春懷驛樹攸攸風雪後鞍馬又  
孤征

出塞風多驟悲秋莫具陳黃金銷衆口白雪向何  
人總洒南冠泣能忘北府春預期楊柳岸翹首待  
歸塵

受祺堂詩卷六

嘲安生墜馬

地用無如馬王生大放顛招魂應自賦伏枕更誰  
憐雪耐邊城日春遲戰壁天沈吟毋過苦省否塞  
翁年

風

朔風何日住春望隔年深野迸渾沱拔山搖碣石  
吟雙洲蘇偃草萬里會歸禽任捲青霄徹浮雲自  
古今

風後

一夜狂風住千丘薄霧醒遠空寒發發初日白冷

冷啁雀初依樹啼鳥稍入亭折柳遶隴使惻悵倚  
雲屏

寄答趙三季襄時有黔中之行

北門披褐翁無地寄貽岩中懷如抽裂混跡爲公  
養趙生既素產姻婭吾一行憶昨下重夔圖南期  
甚壯二十頗不足分符專城上騎鶴瞻令儀權琴  
作高唱無何棄終襦俛仰情愴恍男兒當封侯百  
里苦不暢春日過脊鴿手塞句注嶂見訪落花池  
雍雍敦揖讓雕弓挽數石燕領驚殊相暑途動驪  
駒秋雨淹宿漲長安客大幕塞角遙相傍瑤華飛

受祺堂詩卷六

七

片雲白雪拜來貺書中復何言鼓棹乘順浪人皆  
美大藩吐哺延歸王憐才如渴饑落事號宗匠演  
黔初頒朔萬事俱草創西土多帝榮待之裁煙瘴  
回首浮雲陸馬門亦在望鴈門雁北歸應寄江湖  
狀

返照

日暮輪逾上天寒竊欲浮渾沱沈極浦勾注出高  
樓戍火千雲直村春傍隙道雪融春有信光彩  
潛州

除夕三首

負米何時就褰衣向夕勞乾坤成逆旅弟妹隔蓬蒿  
邸路喧聲極鄰人笑語高素餐年又盡清暑愧綈袍

悲哭家家接爐烟處處浮笙歌胡自起俎豆不禁愁  
濟世無柔翰藏身有敝裘起看杓柄逼春色近邊州

遠爾流光積凄然客慮長虎貌仍衛道鴻雁已懷鄉  
在邸分桃字隨人坐柏觴東風無太急夜分小年光

奉寄太守葉公三十韻

受祺堂詩卷六

八

關河古京兆宿昔盛才良鼓角遙猶接租庸近益  
詳惟公優偉抱歷仕盡巖疆美政俱游刃濃陰更  
蒂棠稔年書太史甘露溢康莊偶值寒雉出爭傳  
採頌揚單車臨大白五馬識乘黃落景郊花靜秋  
風潤杜香昨歌盈遠徼歲德奠勾芒度俗綱維整  
推誠逆億忘伏蟲銷鼠蠹鳴鳥窺鵲布律教春  
住移塵傍日強里閭三輔滿村火五陵望訪隱多  
深谷開樽幾夕陽行西鞭弭振歷下坵壇光氣誼  
真殊匹風騷再擅場時陳三物後地起二南鄉茂  
績兼周漢前賢失趙張不才名序晚干役歲華長

性癖耽雜詩心高恥稻粱幸爾知已坐因泛野期  
航僕孺需官廩諸侯築草堂谷雲深積翠籬菊迎  
含霜旅興生超忽羈愁豁混茫每懷西土沃翻耐  
朔風涼引領攀三徑興言至六閭所嗟冰雪皎空  
感鬢毛蒼最是矜陶拙偏能獎點狂投桃詞可勉  
獻聯聊將異日觀王化謹吟正未央

元日試筆

歲在開建統徐

元晨無所事早起獨徘徊鼓吹催初景雪霰薄外  
臺千家爭爆竹四座勉銜杯却憶渭川棹何時歸  
去來

受祺堂詩卷六

九

元夕感書

一日春多少三更雪驟來邸歌圍暖玉賓豆落風  
梅有士思袁臥何人訪戴回夜闌猶徒倚流詠到  
爐灰

霧浴

亂樹飛高霰空堵注薄暉客愁雙屐冷鄉夢一牀  
遠俊鵲凌霄沒饑鳥畧院歸歲豐傳未定春思欲  
沾衣

早春

臘歸寒轉劇春至苦多陰雪壓紫荆壯風連銅斗



深沙哇淪宿隴野火帶平林不見關中客梅枝兩  
處吟

鴈門觀春二首

戶牖層軒豁遐視五色光排雲行錦隊打鼓逐勾  
芒日薄歌屏緩虹流舞帶長大夫勤用意隨事勸  
農桑

應角開東建揚旂奮朔風儼猶三代禮部足萬人  
雄去鳥迴筵隙流星迸坐叢燭人不繼夜搔首向  
烟空

元宵賦呈祺公先生四首

受祺堂詩卷六

十一

一傍萍沱繫客槎茅籬次第築崇牙伏鱗每動春  
初渚寒翼羣翔雪後花風有和風銷野燧還吹霽  
律煖關葭雁門名郡逢良夕燈市星橋燦若霞  
車笠論盟振古難縱心鮑管忽同看頻添客履鐔  
長在溥染詞毫露不乾公譏既多明月夜宴交時  
倪紫金丹應徐並有陪遊曲首唱陽春自五官  
闌林霽景託朝塘早鼓佳音起暮鐘落靄遙遮三  
輔障揚旗近拂五臺裕部戎樵爨殷相屬賓席笙  
歌總自供傳語春宵遲罷酒主人安坐且從容  
磧北諸侯起屬垣尚嵐寧武井雄藩羣知鎖鑰歸

東道共喜鶯花會上元封內趨裝常不次舍中雖  
缺復何言扶持社稷惟公等欲老衡門學灌園

人日

吉日分嘉貺高堂佐遠圖未能歡弟姪翻覺愧妻  
孀罷爽情何有臨觴淚不無逢時傳綵勝懶復佩  
流蘇

諸弟

諸弟俱關內吾遊且冀方歲除音尚冷春及夢空  
長底用添蓬華將無缺稻梁百憂難自遣遙惜養  
俱蒼

受祺堂詩卷六

十一

橘

萬里荆南橘新來自帝京蕭湘霜落晚几席露霑  
明帙轉黃雲速盤飛赤玉輕邸中叨此味懷汝涕  
縱橫

魚

西河有佳產最著石華魚晶晶冰猶沃溶溶氣若  
舒故人貽尺素春酒介盤蔬雪鱸爭畱七江瑤恐  
未如

送夢入華周謁選

姬轍既東分獲麟高晉社伯圖散飄風遺跡悲墜

死我來觀故國寥落好音寡三豕竟渡河實沈寧  
知野良牧風昔歡謂蘇使君疊招林胡竿援琴一索和  
得予中情寫爛滅所懷刺持之東戶下傍階落翠  
微廳事裁旋馬醇釀酌始熟石華沾鮮鮓氣能備  
寒溫談必窮騷雅縱飲復幾時春風吹炙輟相期  
有寸心早粉邊工冶路岐增縵縵行色對蕭酒那  
用慰客愁除書光盈把

燈前一夕

夾路飛紅雨流輝通錦袍夜闌鳴霹沸天際落花  
高巷鼓生新月樓歌遇濁醪罷遊歸不待搔首豎

雙毛

燈夕二首

斗酒臨東序危竿倚暮霄彩雲歌底出清露夜深  
調月白闌隨電花明驟聽潮鄰園多霽景旁囑迨  
漁樵

隊火羣飛樹新聲暗度墻蛇龍無穩蟄獅馬有新  
妝雪後傳柑至城中下漏長不知明月里諸弟幾

臨觴予家明  
月山下

簡代州連歲詩偶題

偶出征途草端居思黯然黃農虞夏意雨雪塞垣

年撫已終多歎隨人莫浪傳尚懷歸大雅迴望錦  
京天

春日同諸君遊柏林寺二首

强半成高臥郊圻得近遊寺雲何代起僧榻隔年  
畱野日銜冰壑林鐘度堞樓二陵有憑弔衰晚問  
武皇陵

未盡登臨意遄歸契執同迴頭孤泊白仰而一星  
紅暗人流新壘愁雲滿故宮稍遲春草秀重沃講  
筵風

送聖年五兄公車二首

戚屬支離滯北征蕭蕭隴樹見關城樽罍暫對鄉  
愁解鬢髮都於客路更隔歲雙魚傳朔郡臨期匹

馬上春明卸鞍聯榻才謀夕沙暗天陰忽送行  
曉起臨裝莫遽辭藩亭匿轄更相資傳家已判籌

邊策過弟初同出塞詩北極雪融舒健羽南宮花  
發照連枝孝廉公族推能賦傾耳嚶鳴慰所思

趙驃騎招同約生安生端伯方仲叔成再飲

柏林寺順道看孫馮諸園亭十首

袞袞招提路悽悽抱郭宮野雲生舊邸溪日度新  
風勝友還相索潛期久自通遊娛客意不遣羽



鴈空

旅病出門懶城南祗暫過陰厓明雨雪亂水壯渾  
沱牧笛洲中競村春樹外多道傍頻促馬濠濮興  
如何

近識尚書第猶看別墅春沾襟臨近景下馬拜斯

人有分勞疆場無時理釣綸兩嶠屍不瘞遺恨失

封泰

謂督師公

藥樹寒仍故柴扉夜不關依牆惟種柏架石自爲

山壁粉何年墮藤陰竟日閒

公起吏部

大招誰更擬流

水傍城還

受祺堂詩卷六

西

世晚繁名法人亡憶老成臨門青嶂斷隔浦白雲

平燕葦類新雨鶯歌過別莖此園從畫閣沙霧暗

神京

大小稱詞伯中都有二馬宅當司馬後園在繡衣

東著述人爭羨林泉爾獨生杖藜歸正得何必鹿

皮翁

謂秋水先生詩生博士繡衣則恒山侍御也

細徑盤冰入危磯倚岸看井槐屯遠照堤柳蕩餘

寒地僻遙疑野花逢頂作欄大藩幽夢足無事說

彈冠

社鼓喧戎戍昨燈接寺樓主人方側席賓客共披

裘帳落金繩早筵揮玉座留平原僥俠樂寶地恣  
旁搜

樹靜嚴廳息屏開霽景多健兒行酒饌方丈列笙

歌射火流丹鳥燒酥臥紫脫他鄉稀宴接宿契洽

烟蘿

腐集寧辭醉萍浮亦有涯居耽青嶂近墳邇白蓮

賒緩帶星初出回鑣月已斜重期寒食後再就碧

桃花

送正子小歸

兩地趨庭亟連圻叱馭侵惠風吹古障晴雪帶歸

受祺堂詩卷六

圭

岑對覺羈懷減行看別緒深過句要逐旆河岳吐

清吟

藉草

藉草風亭外雲疎見翠微乳羊嬉馬櫪馴鹿囁人

衣杯度夕陽遠坐看春露微不須安莊夢相對已

忘機

新雨

好雨春分至絲絲遠颺空餘寒終蘊雪半浦曲隨

風綠漬瀕河草青歸在署桐興來醺小酌雲裏望

歸鴻

二月望連日大雪深數尺四首

夜雪來何急凌晨蔽客廬移牀沾履齒掃徑過庭除  
野色雙溪判空光四壁虛故人盈海岳踪跡近逾疎

轉訝流泉閉先疑下地潮花成初五出霰積已連朝  
內郡租庸緊嚴邊羽檄遙牛衣吾忍泣觸目處漁樵

漠漠春懷冷悽悽旅病工九關應路斷三尺準年豐  
竹葉他鄉綠桃花故國紅曾傳漢蘇武向困朔風中

受祺堂詩卷六

六

夕望迷嵐谷朝暉暗紫荆尚懷清節臥誰續苦寒  
行作客愁無緒書時涕拂纓農兼兩穡無遺失春耕

送曹秋岳先生齋表之長安四首

憶送雙旄白日斜俄鳴四牡促皇華暮雲句注千  
峰雨春水桑乾二月槎瞻闕使星高多繡遶關王

路接龍沙經過秦漢多遺跡定有雄吟弔落霞  
飛飛晴雪度征輪路入春明草漸新斗柄此時趨  
萬壽台階何日起孤臣懷柔稔著安邊策講授皆  
為列席珍若使元侯慨天保歌唐卽是華封人

司徒左遷前視學北  
極卿相多由其門

春風久矣隔江湖縞帶初承子大夫濟世自難分  
內外論交偏欲過屠沽車中十日呼嵩表篋裏三

雲拱極圖向沃雅談情轉切旋臺遙欲瀉新酥  
北望關烽息戍樓東依塞月此淹留潁川遂解藩  
亭楊譙國還同邸夜遊鳳沼花深紛劍履羊城雪  
盡返旌騶長安自古浮雲地蹀躞空瞻御水頭

爲方仲作

日薄屏帷曉障清春隨之子慶傳觥吳歌隔院畱  
梅笛度入江雲滿塞城

受祺堂詩卷六

七

喜河曲田印尼明府舉子

前宰南鄭

片雲出河上佳氣滿林胡柳葉初開雨梅枝忽照  
途震從懷內索文在掌中敷錯彩應知鳳鍾奇可  
字烏清防盈戶牖雪卉寫珊瑚偉器聞啼卜雄占  
與夢符吳墟承世譜虞幕啓宗圖績報五年最門  
懸正月孤春觴初剪韭讌豆亦燒酥敢托幽風末  
羔羊附大夫

使君

雪晴

一徑初融洽千峰漸霽何春寒行處減曙色望中  
多嫩草舒襟異新花傍酒醺南郊乘野興早起聽



農歌

雁

萬里江湖去三春雨雪歸凌羣排勁羽伏卵赴溝  
暉霄漢情何極乾坤序不違雁門多雪嶂何日彩  
雛飛

聞雁

雨色侵窓啓流音擾晝眠競呼盤大漠清影帶遙  
天一鳴相和聲聲斷復連因風吹客耳別緒正  
悠然

雪晴

受祺堂詩卷六

大

霽景全騰壑冰流稍出溪城中看易盡隴首望多  
迷斷甯生牛背輕雲散馬蹄南河澎湃早好築萬  
家堤

春

立久吟帷靜鄰春過夕陽驅歸春雁迅側覺晚鳥  
忙旅興工九藥賓亭佐舉觴朔人昏每競聊辦詰  
朝糧

修禊前同諸子柏林看驃騎新題寺額

十里煙郊樹色分閒驅獵馬泛鷗羣誰知蓮社推  
元亮共道蘭亭傷右軍野敞青苔初受雨樓高白

日自生雲連鑑西墅歸何急緩帶東園已借醺

兒衣

一抱西河泣長倚北塞扉牽愁詢婦病滴淚卷兒  
衣

鏡中美人二首

曉閣倚粧至春風吹鬢寒避人工徒倚凝睇足悲  
歡好女難魂得靈娥倚魄看尚愁凌宿露飛去碧  
霄端

霽景褰花樹明霞瀉翠岑陽臺雲半落維蒲霧初  
沈皓奪瑯玕圃清移玳瑁林何來雙蛺蝶影入畫

受祺堂詩卷六

九

圖深

寄懷寧人先生

徵君早負濟世策卓犖不羈中庸格飲酒數升便  
能醉狂歌時覺雙眼白自言伊呂未得志莘野渭  
濱潛其跡南溟烟雨待舒鱗北極扶搖遲縱翮回  
憶六龍奮飛初閑予雖亟訪落疎賈誼不蒙宣室  
問王通徒上太平書是時中原會用兵鳴羽吹角  
多喧聲憂國何必盡肉食避人翻教疲長征自嗟  
淹臥北山岑搔首好爲梁父吟伏處未堪流俗許  
窮居引蔽水泥深蘭池日月亂干風晚得諸侯過

碩東實沈臺迢迢寂寞銅斗夏屋還朦朧青梅煮  
酒高香障攜李與君儼相向謀身已在六合間論  
世恒超三代上時同秋岳先生集陳使君署又過趙驃騎飲別後有關中之行仍返汾  
上攜李頗搜滄海迹君亦歷吐朝京壯賴有潁川  
賦嚶鳴頻過天水開宿懷忽訝暑途無安寢西陵  
鵲首如疾隼經年再傳汾西魚十日重期河朔飲  
汾水太史立高樓著書等身近罕儔子長康成得  
同日吳札叔向成久留況今羽檄催暮影環海烽  
烟迷人境長吏競飛輓運車將軍獨老江湖艇微  
外浮雲抱野急關頭明月中宵冷惟聞松楸懷故

受祺堂詩卷六

五

宮客裏听夕情延頸

一百五日二首

燕翼遷嘉序鶯啼動客愁墓田憑夢到林園伴羣  
遊俗古通寒食風高着做漿中年頻顧影觸節涕  
長流  
就被宜和日寒衣怯病身邊榆逕解凍著柳漸知  
春席地瞻帷影沿郊蹴鞠塵奚童持杏萼喜見一  
枝新

清明二首

謁謁流光度朔風依依令節歎飄蓬松楸去國浮

雲晚雨雪淹旬臥病工一徑和烟鳴乳鶴雙洲鷺  
景泊歸鴻遊人寥落芳郊外禊事淒涼上巳中海  
岳年華違逆旅邊隅詞賦狎羣雄愁來竹葉無心  
綠望去桃花幾樹紅舊俗壺觴多在野殊方結束  
半從戎誰家少婦黃昏哭按籍征夫紫塞空夢阻  
江湖飄絕戍魂招沙漠倚悲翁登樓忽起傷春笛  
改火初橫向日楓寒盡牽牛仍展轉律吹始洗亦  
朦朧茂陵消渴傳新句關外徐尋故漢宮  
何處覓春春最賒雨晴青草吐新沙溶溶暗發空  
溪水冉冉將舒帶郭花寒上無絲蓬葍蒹村邊稍

受祺堂詩卷六

五

喜近桑麻老鳥饑啄隔年雪高峴驚重過岫霞世  
異山陵歸野寺春深楊柳繁行車遺宮無主熊羆  
徙故壘臨風蛺蝶斜人磧堅冰遲解凍鄰城曙色  
引吹霞出關已費梁鴻杵操楫嘗寒祖述從從附  
紵衣畱塞上忽悲華髮在天涯千秋久失美人曲  
四海皆爲流寓家滌蕩客情憐碧酒殷虞吾道愧  
丹砂幸調眠食身猶健它日西歸與莫遮

再作六絕寄寧人先生

一片白雲歸漢宮千年詞賦起秋風傳書遠述西  
河子下楊兼知太史公謂朱學士



翠籍當年無馬鄭九經何處叩羲文彼美尚懷新  
祭酒吾生親見

八月聞君西入關三秋著屐盡名山渾疑春草  
色只在伊人縞帶間

誰言婁壯本秦風肯舍周南學小戎君從鄴鄲  
王化舊蹟依然渭水東

江鄉春色隔年看細雨遙飛冀北寒卽後雁門修  
禊約奇峰終遶塞雲端

春雪盈盈三尺餘貯之堂上玉壺虛畱傾石碗消  
長夏待浸冰心慰索居

受祺堂詩卷六

三

受祺堂詩卷之七

中南山人荆東李因篤子德著

表弟田二子經自代赴都作詩送之

細別頻移歲懷愁遽有涯寧圖馳絕漠忽肯駐征  
車坐覺形容變來看道路賒接塵詢戚串通夕話  
桑麻夙引春何劇高堂日已斜聊當升斗負不聽  
里鄰譁弟子無單傳蕭曹且世家小儒嘆笑失吾  
道步趨遐五穀輪穉稗羣嘶溷渥注每思投筆勇  
空抱棄襦嗟似爾才猶健因貧仕未差縣裝謀野  
客酌酒傍官衙熟食天多雨芳朝樹欲花新聲開  
拊瑟朔氣壯吹葭接席虛前箸趨京緩去植攸身  
如困勉成宦裕年華捧檄心良率乘時興亦嘉儒  
冠真自哂旅騎莫頻遮簿尉舒初翼簪纓託暮霞  
關陰連驛道好去慎風沙

表弟兄篋中得外祖叅藩公書贈美人扇嘲

然有作

筍草淪亡極征途涕泪新音輝如隔世把玩忽移  
晨紫蕙要爭賞明珠亦共珍落花遺句在風雨正  
愁人

寄伯紹楊太舅八十詩

近古求耆俊，鴈翁獨此翁。承家縫掖後，閱世海棠中。  
酒德從無敵，林居晚愈工。門庭留朴茂，節序轉鴻蒙。  
案擁圖書潔，耕餘黍稷豐。朋觴虛道左，別業起墻東。  
貨殖初年傳，桃源晚歲公。絳人寧鹵莽，莊叟本英雄。  
分定園樂名，高紱佩通白。雲生隰澗黃，髮步華嵩令。  
子裘冠聚諸孫，玉樹叢會聞初度。日初敞泰階，風遶砌流斑。  
彩盈廛，照錦幃輪蹄千里至。里巷萬人空，我亦叨姻戚。  
交能具始終，干戈分宅早。榆柳託陰隆，飲隔諸賢座。  
歌懷五畝宮。客愁頻朔漠，歸路極崆峒。洗爵遲賓馬，封箋囑塞鴻。

受祺堂詩卷七

二

遙期天左側，出入正安窮。

寄答舅氏

臥病緣愁甚，家貧類有之。春來持短札，扇上讀新詩。  
雨息鳴鵬後，風輕過燕時。春懷應自慰，莫遣鬢盈絲。

三月二十五日見杏花

五沃移佳種，新枝露正圓。鵲聲愁雨積，蝶翼妬春殘。  
水近潛流影，雲垂故遶欄。情移堪靜對，亦得宕餘寒。

枸杞

枸杞羌中盛，年來植雁門。蒼苔供庀藥，紫實佐開樽。  
正合攜千里，寧專壽一村。寄聲張掖路，甘滑可同論。

寄懷龔行人兼有所屬

縱日中原道，裊然十五風。繼爲騷賦學，因得武陵公。  
遠客紫塞上，時遊黃河東。宿歡逐鳴籥，驕思悲轉蓬。  
府州邊秦壤，呼吸與晉通。往者度劫火，橫琴無完桐。  
爰從分錦製，極力轉鴻蒙。遂使西京積重瞻，渤海冀嗟予。  
晚獻紆納手，方匆匆。惟時雙鳥起，入謁明光中。古人矜一諾，傾蓋豁心胸。  
興緒憐碧

受祺堂詩卷七

三

水襟期薄蒼，峇大行鍾邁。等舒氣若春，虹結梁雲霄。  
峻連鑣郡邑，雄自顧如短竹孤。生附喬松板，茲旁垂蔭獲。  
託不肖躬，憶昨辭三殿，銜書下九重。恩宣梅嶺嶠，履賜泰山封。  
江花移古戍，朔草慰遙蹤。木瓜良云厚，瓊玖況動容。  
涼颺吹數字，別思亂秋蟲。過歲裁得報，纏綿正難窮。  
長跪展素翰，暮霞侵青楓。文園猶苦渴，湛露采芙蓉。  
聊陳瓜葛故，借管作黃鐘。因君拂高羽，譬響空谷蛩。  
結意未得敘，知音無遺聰。鬱鬱長相憶，殷殷屬所宗。

寄朱學士滄起先生四首



西河授經後學士著橫汾築墅臨丹壑登堂禮白雲陽秋多隱痛史漢有微文不必桃源裏津高絕世氛

宗邦懷舊德蟋蟀久悠然一老祝融裔千春姑射仙人才推正始物望待承邊試問甘蔬食禪栖四十年

離騷本難讀握粟復何從倒屣蒙殊契藏書許盡供行藏詢舊齒日月老羈蹤近把閒居賦如聞五夜鐘

河陰春水漲一派度江湖解楊猶前日占星定此

受祺堂詩卷七

四

都下時  
下  
春花行欲盡暑雨約難孤竚擬長橋上重開進履圖

聞笛二首

脉脉傷春笛徐徐散碧岑月明流水住風定落花深似覺魚浮沼微看鳥出林曲中長短續遙作武陵吟

客子懷鄉耳隨風上戍樓關山清入夜楊柳亂生愁抱塞黃雲合臨城白羽浮哀多聲轉峭戰伐幾時休

芍藥二首

暑帶葵陰薄春深藥圃遲微香生緩步宿艷入疎籬倚杖羈愁淺開樽野興偶來成合嘯終日坐難移

絳萼延丹景青柯被綠苔將離聊寄恨欲賦轉論才燕語憑欄劇鶯啼過院來相思隔長道采采莫頻催

送約生表兄歸里新婚二首

訪舊留關陸隨緣卜草堂愁惟中表共夢逐里閭長面帶三年色風生四月裝臨岐多細雨款款向斜陽

受祺堂詩卷七

五

展轉歸仍遽西行好御輪悲歡紛吉夕子女拜嘉辰垂度慈裁雨簫吹石澗春預知北堂上同話遠遊人

送龐泗傳歸里二首

苑樹看仍煥征車喜再過客愁經歲月歸路傍漳沱雨夕畱春晚花朝入夏多他鄉舍別泪不忍聽驪歌

海內求賢達名家復幾人省郎千日醉公子四方身薄宦寧知老遨遊不救貧舊傳於忽詠搔首覲山塵

鄭澹菴明府奏最二十韻

久冠黃圖籍初騰紫詰泥銅符分井上綵筆動  
關西信美疇堪比稱名孰與齊渾渾似注聽政  
忽成跡露藻含花萼光凌照水犀鄉風崇蜡飲壑  
響與鯨鯢地本荆岐舊堂因名杜躋郊晴爭奏笛  
野潤畢扶犁績已徵羣瑞才應識介主諫垣他日  
草即柱此行題賤子淹荒谷長林憶故棲醉吟愁  
所向歸夢醒猶迷好會違牛耳遙征束馬蹄爲坻  
餘採藿借芑飽炊藿屬歲寬輪輓連疆靜鼓聲尚  
雷藩邸榻頻照客牕藜五岳應終徧孤城只暫稽

受祺堂詩卷七

六

坵壇須付託昆季辱提攜曉望邊雲迴春懷驛樹  
低濟時公等在吾合老潛溪

答子實二首

大兒孔文舉小兒楊德祖千載稀知音此言亦久  
負抱情瞻宗邦長揖及舊輔仲子欣邂逅其才猛  
于虎浮俗崇游聲弋人蔽澤藪孤鴻翔天外仰面  
適自阻岐路多飄風浪雲易失所相期勗明德聚  
散寧足怙

嘉會復難久別來生白髮流光迅推移坐歎春草  
歇念子居獲中奇懷忽遙發賦詩新寄將懷袖展

明月江左多令才建安有遺烈努力赴修途揚鑣  
追曩哲客緒亂如絲逢人常氣結美人曠宿約何  
用爲歡悅

五日

樓葉賓亭解蒲觴曉露融丹砂聊避毒羽扇忽生  
風屋燕營新壘篋蠶倚故叢飛舟傳挽屈習俗塞  
垣同

太原再晤劉輿甫

暑雨愆常期長違若霧傳巖一招隱清籟生老  
樹草樹迷行旅沈酣疑不寤忽聞啓雙扉吾友移

受祺堂詩卷七

七

遠步昨者雁門邸初傾荷沼露客愁煩我役舍意  
未得訴呼焉就荒郊倚裝瞻華戶悽悽詢晨征冉  
冉至日暮別後緣莫移締歡金石固太原重握手  
尊酒展良晤攬勝徧僧廬絳幽從僻路更窮入晉  
源同涉橫汾渡憶昔皇極衰邦危嗾黨錮東京崇  
好音勁節半韋布首唱推彭城高名匹俊顧始憐  
滅項凶終有成仁慕况乃保哲嗣艱難存宗祚丈  
夫誓死國成敗皆前數人謂尊徵君抗懷最偉度  
兢兢幹其蠱謹厚安本務聞子遊公卿溯流恤義  
故坤才發化德慎往斯無誤吾黨勤令圖所期鄙



章句他時九華道擬反三閭賦

同傳徵君公他劉明經與甫米侍御輔之陳

公子端伯家刺史舅飲崇善寺十首

亂後到并州林泉過卽休故人逃別墅長日快同  
遊背市炎飈靜回溪碧樹幽近來耽古蹟多自上  
方求

白日流雲脚青山挂雨痕褰裳高士傳避馬故王  
門國雅樞榆冷宮牆采繪昏登臨情未愜底用劇  
開樽

意不關城市來兼避鬱蒸落花行處得空翠坐來

受祺堂詩卷七

八

增嘯咏俱宜寺招尋况有朋參禪揮玉塵畢景傍

寒冰

地僻渾無夏簷深遂却風名香浮几席美蔭藉梧

桐酒出藩侯署

時王方伯  
餽酒候

苔霑御史驄不知嵇阮

後歡讌復誰雄

木發隔年溜谿吹何徑烟崩雷千午景急雨就空

天燭燼丹垂萼顏醺白漾蓮曾無賓主位坐臥各

隨緣

失謁承珪地悲瞻識錫鄉歲時通野老功德本前

王閱世丹青積

詩有英  
道子嵩

憑霄檜柏長徘徊持半偈

俯仰獨沾裳

謝靈運  
如志

傅老耽高尚臨池平人微僧塵盈翰墨壁粉有光

輝帝夢還能否仙源諒不遠興移杯物遽原圖竟

先歸

遠眺巖廊篆高探雪嶺圖祥羅薰石磴羽葆肅金

鋪夜闕羣真合壇澄萬象符藉非因舊邸焉觀此

規模

塋響攸然至樽醪一再行少微聯四國高會紀孤

城返照涵虛白餘霑傍座明絺衣披醉後共覺晚

涼輕

受祺堂詩卷七

九

抵暮欲誰適爲歡知幾何無心窺象魏竟日寓悲

歌月帶歸輪上風隨戎角過會當出懸甕同泛晉

源波

偶感二首

雲中四望白蒿深節使臺前喜暮砧北部防秋聞

故事西州祠嶽走同岑朱門碧草他年得錦瑟瑤

笙何處尋未信諸羌能固好近邊芻牧不相侵

雲中

翠嶺榆河魏闕連居庸上谷近依天土人餘俗歌

西狩皇介親馳幸朔邊野祭嘗空兔部秋風不

動白狼烟欽惟大漠同休

武帝天威萬載傳  
西

爲約生表兄敬題舅氏三扇圖四首

仲舅遙捐舍孤墳久待銘同時傳翰墨絕塞得丹青嶺樹寒猶聚溪烟顯忽停喪亡有遺恨愁對虎頭祠

一涉滄州趣皆移白日曛遠山深帶雨高渚亂生雲跡遠披殘帙哀多憶舊聞河山應寶護莫使雜塵氛

六藝俱無憾斯人實罕儔綺辭從早出國扇至今留宛入山陰道真來海上洲追隨方總引日月悔悠悠

受祺堂詩卷七

十

世變悲歌集人亡矩矱存身名殉君父手澤到兒孫蕙草幽人傳桃花處士村異鄉加拂拭持此一招魂

代州西墅卽事

雲漢昭回久更深暑未平炎風吹馬站落月帶羊城陽明堡人細麥瀕河熟新畦傍斥明飛霞仍照地萬慮入晨征

早

禱雨方無極斯民亦孔哀留春殘破壘候火只空臺背日英英蜺遙天殷殷雷未能驅旱魃揮涕滿

塵埃

早發代州

雨急沿郊黑川長帶壑遙瀕崖愁失馬蹴屋喜聞雞菽黍秋風內谿山夜色西誰工中澤賦用意恤殘黎

問泥驛二首

山苦只鳴蟬孤城亂水邊故人羈旅色薄宦置郵年乞豆通鄰圃邀賓坐馬驚匆匆分道去執手各悽然

受祺堂詩卷七

十一

早雨生花落秋風欄戶閒捲簾吹獨戍臺空動空山契濶悲行野艱危最抱關古來征戰地時有白雲還

宿文殊寺

忻州城南

暑甚逃長郭匡迴得故林人烟雙壑迴樹色一燈深雨足開殘照風巢落暮陰赴京行轉急無暇滌塵襟

程義士嬰墓二首

國士蒸嘗濶孤墳意外逢碧生沿郭樹寒徹下方鐘谷勢包寧武河流撼秀容郡人疎掌記遺恨滿西峰



藉地愁無似憑高泪不窮古渠移數壑新雨落雙虹  
故國浮雲外中原蔓草中亂餘憶黃綺流汗浹  
臣躬

黃土砦

砦屋昏逾熱山蹊一御風行憐青嶂暗坐睹白雲  
空杏實跳高鼠榴陰度遠鴻解衣情稍愜歸路任  
奚童

流杯池別劉子興父二首

浦日澄如練塵襟澹欲醒幾年懷曲水何意到蘭  
亭壑漲孤村白嵐深萬樹青上方仙閣近鐘鼓會

受祺堂詩卷七

三

羣靈

俗朴花陰靜波平岼景遲窮源窺世代徹底湛髮  
看傍水秋先覺傳觴興不移暮雲歸路迴分手重  
前期

傳徵君書至知六茹先生在太原卽遣相迎  
忽有勞人信并州已歲除傳魚春不達立馬意何  
如作客關山迴臨邊節序疎眼穿圖好晤岐路莫  
躊躇

寄懷楊太舅白石先生

開元以降南雅墜五百餘年北地興步曹躡劉自

跌瀉凌鮑燦謝何峻嶒此時風氣首關內河岳翕  
然同向背壯藻許西管競發新聲鄒杜共酬對三  
子並擅德名五星重瞻井鬼會最憐胎簪稱俊  
逸猶喜昌穀絕倫輩後來宮商頻動容天下傾耳  
待黃鐘援古特立漢京幟縱談曾標騷賦宗歷下  
初難離阡陌聊那晚亦夾元白哀思一變爲楚聲  
秀令千秋墮唐格遂有光祿起經學同時孝廉推  
詞伯野臥徵綸久寂寥公車老死空烜赫未見侯  
芭前卒業稀聞羊步過相索先生遊處兩公間迴  
若片雲秋在山興至不羈紅塵色吟成實助白雪

受祺堂詩卷七

三

顏遐寄曠攬愼攸託杜陵崕峒非杏廓郡乘已舒  
五馬驂私田翻較諸生薄鮑叔仗義多賙給陶公  
辭榮竟一壑傾家結客乃徒然閉戶攤書聊足樂  
予朔淵源遵自出半生零落不具述惟桑與梓每  
繫懷澗曲雲亭增泗通咫尺東里尚書莊張公嶙  
峴南川太宰坊孫公侍御直聲追賈董楊忠公丞  
古調逼虛王石公從遭兵戈盡散佚况復行役愁  
蒼茫恒嗟人倫違有道竊幸戚黨及中郎世儒舉  
細遺者洪苛議悠悠挂英雄羣兒疇昔輕韓信刮  
目誰今識呂蒙丈夫不早封萬戶華髮可憐做章



句鼓笳屢沸屬國煙丁壯徭沈江湖霧舉帆遲擊  
祖生杵真誥且傳景注北歲太白晝垂鉞中宵  
櫓槍占失度行窮桃棘做蟋蟀坐感兼葭繁霜露  
夢裏猶嬉俎豆家征途暫委諸侯路恭爲所親歌  
大壘努力加餐慰遲暮

輓左二仲實三首

仲子百夫禦遺哀強仕年夜寒河鼓謫春濶塞旗  
懸部曲移新雨賓朋散暮煙華原他日過北道莫  
蕭然

定遠曾儒服終童竟節旄事移心不忝名在迹猶

受祺堂詩卷七

古

豪別任關榆墮歸驚隴樹高哭君無處所沾麗舊  
縮袍

州里論辭客君家兄弟行橫經軍細柳騎馬賦長  
楊鳥雀巢新墓貌猶泣舊坊異時仍許國辛苦有  
諸郎

夏日懷秋岳先生兼讀封事

飛簷浮朝景遠砌瀉碧蘿散帙猶未竟清風滿地  
荷客襟敞前牖佳興懷玉珂關土曙卓議流民捐  
常科洛陽昔經國中道生輶軻久乃召宣室咨嗟  
終未過殷憂無所諱浩浩濟懸河磐石厚本計鼎

境良難磨孤旌抗輦下九阪方陂陀禹稷當平世  
昌言詎足多皇華三雲路蔭此萬畝禾應念攜手  
好疾馳北山阿

王安生令弟自楚楚裝徒步訪其兄于雁門  
兼感陳使君贈行慨然有作

王生賦行役失路乃從戎節序奔亡後乾坤惕息  
中峽雲飛白帝湖戎掩靄楓散騎銜枚以城闔鑿  
道攻傳烽忘近遠擊柝恨朦朧守帥辭無屈宿僚  
勢已窮臨危寧愛死去國不求豐再引嫖姚幕仍  
瞻禮遇同持身矜大義逐事效微忠作各行間久

受祺堂詩卷七

五

爲師席上崇走趨分僕妾生養見兒童鬱鬱征魂  
斷勞勞旅餐空夢酣幾化蝶愁積但雕蟲已判鄉  
間阻寧圖骨肉通孤帆迷鼓棹一葉付飄蓬凍餒  
衣裝竭艱難雨雪融逃禪資募丐涉險狎熊羆黍  
暗餘新壘蒿長沒故宮江湖晨似練斤木晚多紅  
楚棘悲徒步關河矢苦衷面顏驚却是生理訴如  
壘壯志非疇昔遨遊竟老翁淹留夔府右展轉晉  
陽東畫燭披帷密清談入座雄臬蘭存不佞傾蓋  
及羣公斗酒殊方合綈袍曠地蒙使君分若解羈  
客戴蒼穹適與歸期會遙將卽次充飄囊酬吝吝



折簡慰匆匆導水爭趨壑登山忍背驚鴈鵝猶託  
鴈鵝莫窺籠屢接笙歌底恒尋榮戟叢追陪盤  
粥漫坐嘯倚梧桐每藉春蒐暇兼收日注功旁騫  
從射雉偶出任乘驄曉嶼寒橫玉晴川漲飲虹樵  
蹊看仔細牧笛奏玲瓏漫惜蚤音早深憐豹霧工  
考槃娛塞月行露憶邦風好待烟塵靜湘潭度北  
鴻

爲叔成作二首

壯齒看逾進初孤儼在懸夏雲頻布澤春卉甫爭  
妍傳毅遵衢戒張華勵志篇令圖應早起無使寸

受祺堂詩卷七

十六

陰愆

公子春秋世才名人傳繁賦詩多大雅嘉會滿中  
原比下羣儒楊嘗趨駟馬軒穎川高譜系須爾繼  
名藩

寄懷張文止兼謝六茹未歸

近與咸陽舊博徒愁傾東海罷操觚相期報國年  
華在自料封侯骨相無出日雲霞連少昊深秋風  
雨臥潛夫並遊非爲渝佳約山水移情忍遽孤

寄懷何觀察雲子

畿南揚淑問輦下識卿才要地論思展辰猷黼黻

開明公興上谷弱冠陟西臺業睹高班震頻聞直  
道推柏深流碧景霜迴落丹埃俯仰烏啼肅黃綠  
蟻附摧皇輿嚴扈衛紫陌重徘徊會促廳輪起遙  
欣法宿來繡衣趨海角驄馬避江隈弱孺咸思奮  
豪胥不售哈抗章通啟沃投契絕嫌猜採俗春申  
里移風泰伯垓久宜叅大政聊且出中台履賜諸  
侯右帷褰節鎮陪樹屏遮浩蕩行縣歷崔嵬飽注  
新城講長吟水部梅漢京雄輔甸管室近杓魁每  
有安危託良須侍從材憐予淹逆旅惜往滯莓苔  
悵別憑誰賦窮途只自哀孤城鄉夢積萬里塞雲

受祺堂詩卷七

十七

回偃臥分官米狂歌送客杯大書州郡早連紀夏  
秋雷在野遑謀國空談那救災日歸關路迴于役  
歲華催葛屨繁憂思兼葭幾溯洄南枝飛久息北  
壑首頻頻接席陰尤厚傳牋頌未該他邦承顧盼  
盡室荷栽培預指登堂日無愁壯志灰

答建明表叔見寄詩

遊蹤屢出太行東默佐鳴琴表大風客路懷人春  
草合高臺繫馬暮雲空齊門蕪沒悲流水魯殿婁  
迷想故宮萬石多才君更健他時攜手上崆峒

答崑圃表兄時崑圃讀禮



江海齊盟強半疎夜即歸後復何如循陔忽作笙  
詩續按部遙論鼓角初千乘風流傳五馬六年消  
息到雙魚苦居終繫蒼生望早晚承恩下詔書

鄭明府澹菴自敝邑新推職方

司馬新泥一借驪跨鳬期日渡河汾驪歌夜走關  
門月輦路秋生塞曲雲周禮職方資掌地夏曹郎  
位主將軍若論遺愛盈關輔興頌當時已飽聞

挽頡謙一二首

頡老諧交態依劉晚入關臨池憐白髮好酒得朱  
顏不復傳魚至空悲跨鶴還漫勞歌激羽風雨暗

受祉堂詩卷七

六

秋山

朴意看猶古龐翁亦壽徵承祧應不恨餌求竟何  
憑露掩空閨月苔深外戶燈幾回刀札裡惆悵失  
良朋

從弟甲至

惜爾亡佳偶飄零懶自存諸孤肯寄食匹馬遂長  
奔雨漬征衫壞風吹旅鬢昏天涯重執手面而有  
啼痕

送甲從軍二首

作客移朝暮無才庇弟昆龍驤新幕府燕領舊公

孫抗慨思彈缺哀歌罷鼓盆有兄寧足仗前路一  
消魂

草檄吾何有橫戈爾及時趨承親講席主將寄恩  
私臥弩花前靜行庖獵後滋無令筋骨情熟誦北  
征詩

冬日同諸子觀獵東岡就飲般若寺呈驃騎

趙公

塞草日蕭蕭將軍去射鵬旗門牙琯發荻斥畫旌  
飄大閱誰堪記前期早見招戎行經信宿渡口涉  
雙橋朔麥恒違序東河久罷潮傍圻村火沸經雪

受祉堂詩卷七

九

戍鐘遙木落天空澗沙平野寂寥凍雲遲昏障晨  
景泛微颺髀肉生閒骨征鞍奮詰朝初猶依水汴  
漸欲跨山椒鼓角寒逾壯威儀整不驕驚禽迷斷  
嶼俊鵲破層霄急羽凌風墮斜暉逐電搖忽聞前  
列轉仍取別灘饒馬脇鳴垂兔弓響站鴉深亭  
殘菊迴絕漠晚榆凋野蟄剛逢祭春耕不害苗排  
雲分壁壘貫革有嫺姚蔚蔚車徒合團團罄控矯  
兩膝爭暴虎孤岫忽騰貂但解冬流縮渾忘夕照  
深峰霞沈霽靄澗樹斂冰條卻觸他年感空縈旅  
夢千山疎入夢嘯驚憶垂髫夙好頻開邸高齋



客遊披短褐仙侶漾輕綃向暮生慷慨臨  
斗杓翻紆歸路騎得緩上方昭谷勢長難盡  
枯榮欲描覓聲仍近壑攜友暫停鑣益卉籬前  
吐撥發杖底邀桑鞭嬰况碎鉢錫浣煩羈室密寒  
龍覺山深朴未雕息機花雨墜揮塵俗塵稍稍許  
休禪榻旋知起麗譙部歌喧堦院屏燭劇僧寮促  
坐聞檀板寒帷出洞簫當軒延再闢秉燭漏新調  
驛橋隨方致酡酥不外燒日歸翻不愜將去益無  
聊少長軍容順馳驅物采昭川谿侵嶺麓賦駟挂  
城標獵燧羣沾項行竿各在腰數星輝遠磧叢眉

受祺堂詩卷七

護嚴宵道險稽連軌梁窮接短橈太康斯土戒同  
澤舊邦謠符固須陽止盟俱矢久要新歡盈劍紱  
末契及簞瓢衛霍推公望應劉識幕僚時公西席安注同行  
釋棚明月下高會得漁樵

離合郡姓名字為祺公先生賦

河自天來靡可統同離水靜攝萬流爭趨海中離  
字合菱菱在涯支潛葉叢離草駕行朝肅鳥飛遙  
成清離死字隄江防漢舍是焉容離下棟梁之須移  
空離成苑木王宮離東字占湖窺夕口莫能窮離下丕續芳  
木離成陳不知所終離一杭稻盈目亢減災融離禾羊

辛原隰草刈田豐離千崇燦望秩去此疇宗離  
字基高極深系連鴻蒙離其其都貢道無異堯  
封離八公矛之施九有何庸離公

送弟甲從趙驃騎軍感賦一首

紫馬雁門山六年如逆旅故園多浮雲羣季杳何  
許甲也金吾裔甘棠植斯土諸父長戎行亂離悲  
薄祐伊雖出小宗數攝蒸嘗主為人頗任俠不肯  
從田賈前歲白頭吟忽亡糟糠侶兒女三四輩一  
朝散如雨笑笑嗟嗟無歸謁邸就兄所所憐萍水間  
飄泊焉能舉西郊再握手面目驚惶無能策去

受祺堂詩卷七

留哽咽不成語多謝驃騎公推烏相救取援之流  
俗中補入材官伍殊慚蘊抱疎但可充牧圉何期  
叨德輝竟與共樽俎優養既非分逸居將焉怙總  
為將軍憐當啓儕輩侮况予忝素心車笠辱高譜  
要宜如子弟誨之以作苦鏤骨寧足云矜歎亦難  
處清籟生遠樹好音徹前浦



受祺堂詩卷之八

中南山人周東李因篤子德著

發代州書觸目 七十六韻

比來冀北水吾意兼憂旱今忽歲告饑兩災交罹  
難塞土木瘠惡豐年耕獲半公家輸常征事事取  
平辦科斂之所餘蓋藏又非善且乏懋遷貨謀生  
相助贊斗米至二緡頓爲生民患邦域浩流離四  
垂紛哀怨聞彼句注陰十廬九不爨鑿冰掘草木  
晨夕充一咽甚則茹毒夢捐生引白練盡室靡子  
遺清谿甘長薦長吏曾日擊殷憂動宵旰奈何手

受祺堂詩卷八

一杯無濟車薪歎出門互抱攜中澤號鴻雁亡命  
一起呼必滋萑苻亂節鎮得聞之徘徊疑且嘯釋  
衙務廣咨徒爾煩文案嗚呼瘡痍深疾詎一旦  
及其達 朝廷新鬼不及見余適觀京師客星皇  
華伴含情未得發晚泊漳沱斥所悼絡繹人周呼  
環山澗層圍擁馬首約畧數盈萬自云沾旬餓鳴  
咽腸中斷裸拜無完體仰頭盡鳩面竚立沾我襟  
彷彿剪我盼貽笑於偕行杞人空戰戰丹鳳從東  
來 紫綸下朔棧盡除今年租量頒太府羨部使  
與行省倉皇在郊甸藉藉責其下形骸工組練撫

事頗自傷吁嗟爾何晏死者長已矣殘黎骨肉散  
雖然斃歲凶歷劫皆前判哀矜沛 明詔瞬息如  
病間賤子躬流寓年華亦遑變攜帑託諸侯草堂  
蔽霜霰哀時固夙懷况值饑饉潯痛哭迫洛陽何  
途問西漢世治疋其根世衰疋其蔓世治睹其微  
世衰睹其繁世治制其聚世衰制其渙自古俱若  
斯安危遂相禪星李去年冬入春還更現太白晝  
經天旁躔虫尤轉識緯涉渺茫杓衡垂昏幻地震  
兼雨粟紛紛紫耳畔竊疑天道遠人事可近按三  
關管上游右輔依藩翰平時敦大帥委國比條鄧

受祺堂詩卷八

晉卿乃重幣漢法疎巧宦邊民夕 骨邊吏俱沾  
汗高卑兩憂危積漸生塗炭適讀金雞文良亦愜  
衆願充此覲所至庶成中孚彖乾乾豈終朝忽忽  
仍舊貫徒然陳夸辭底可答天譴何不速出令暫  
開紫荆傳移民就三輔往返要爲券遊子懷故鄉  
勢窮迫旅竄他時知招輯各有所生戀細儒翻早  
計安土成廟算坐使諸無辜千村同燼爛議蠲恣  
紛紜倒廩愁郡縣來日方無涯寸波豈能徧猶聞  
彗宿位乃在辰勾院數月苦不雨南河爲之曠竊  
意夏秋交將無霖以電西北盛陰氣屬羗皆伺便



古帝戒無虞天行期不倦策荒鮮異術憂世張  
撰狂飈暮不休小邑春如綬萬感集余心臨餐多  
暇高歌以當泣洒涕何漫漫使君謁天子持  
作雲漢卷

宿敗廉坊

武州萬家邑蕭索惟空谷人煙晚明滅乃至不可  
宿東走山漸合草寒春未綠烽臺多就傾一老  
戎卒我馬悲蒼黃我僕愁輾轉欲歌行路難西望  
日輪促授餐得孤村松响來謾謾乍與兒女隔悄  
然亂心曲旅牀不施帷涼月直侵屋展轉寐無時

受祺堂詩卷八

三

呼童更秉燭鄰舍逃歲凶所遺僅斃獨夜半在閭  
門垂頭相向哭司農下德音詔發兼錢數赫赫大  
中丞飛輪遙追逐此中距代郡百里堪馳驅所獲  
不還家我能一果腹隔歲曠雨澤嚴風拔林木行  
役浩中野拊膺嗟半菽陰陽與人事條濬逢百六  
塞鼓枕上喧東方迎朝旭

繁峙縣

夏屋連衆山孤城暮蒼蒼野煙迴寂寥啼鳥滿夕  
陽東望多鰥獨忍饑號路傍客馬爲踟躕念之斷  
人腸

三泉

路傍淖泥去村空羽檄年合流藏雨郡夾斤說三  
泉地濶溪爭發山深樹欲連歸鴻何處響目斷數  
峰煙

平陘關

谷口細如帶亂山乃突出粉堞各逐成峰高生落  
日蔓草介路垂懸厓嘗到膝躑躅下馬行捫空經  
峯律斤樹鳴幽鳥欣欣啄厓蜜愛此稍躋攀愁於  
同儕失晉代連右輔關河中蕩滴二十有五城東  
門何蕭瑟黃昏抵重關列炬明斗室清泉資解纓  
亂髮不自櫛守將在北道盤餐皆可述健兒飲馬  
還山半吹觥栗

受祺堂詩卷八

四

宿靈石

我行在趙邦經武靈王阡漲霾白日昏英爽疑在  
奈奈何五尺碑零落生春煙撫塵有遺恨懷古風  
嗟然雄伯不可詰白楊吹潺湲縣尉通桑梓郊行  
帶比肩他鄉說故鄉娓娓復拳拳抵暮問遺至雞  
黍情可憐

趙武靈王墓

君自用君法千秋今是非黃雲纏旱魃白草照荒

坊已令前朝篆空沾過客衣山河無限事寂寂付殘碑

廣昌東郊信步覽一帶流泉兼登泰山祠壑

牆外浮圖

舊夏之晉水高探素女宮澄泉透數壑萬樹青濛濛東去方尋丈鯨濤皆巨衝皎皎靡纖翳流觴時自通陳子向有言振衣來涼風請君觀拒馬何乃汪洪同聞之半疑信指畫猶朦朧一旦臨清池悠然豁余衷晉源多亭沼拒馬僅林叢人事之不齊苟焉相與終倬彼曹使君先朝爲司農向聞溉田議治水河渠中渠雨師如雲自茲多田功水石泥數斗寧復斬年豐時勢或未便舉行何從容陽陵遲後歌鄭白邈前蹤危標盤煙霄繡柱凌蒼穹趙燕但一色分戍知誰雄斷碣侵苔華幽廊閉燭龍羽客從外來登樓具暮鐘掛塔復何人寥寥如轉蓬隔院見啼鳥徒倚愁簷枅滄桑在一瞬逝者知焉窮古臺俱可至無路達牆東

紫荊關

上谷雄六關紫荊儼天府山勢鬱嵯峨帝京局西戶危堞干青霄萬人可列堵舉火通邊障師行

有鐘鼓西日照荷戈戍兒默無語草色幾時青離聲東去苦回頭數峰深細路艱且阻轉訝喪亂初安驅過流羽薄暮臨其城徘徊眺三輔過雁須傷匹飛鴻徹前浦泛覽情未愜攀雲行鳥嶼短壁相逐高樓各爲所關內榆柳新開陰榆柳古關上有旌旗關前有行旅吾聞有道時所重惟守土三年明斥埃一歲飭戎伍譬彼營巢鳥綢繆在未雨歸戶既已成下民焉能取

紫荊道中

城闌峙天半石壘出陂陀雪透畫孤嶺春生拒馬

受祺堂詩卷八

六

河青青勢柳色款款發鶯歌白馬關東子看人意氣多

渡易水

慶卿將西去高唱易水濱漸離擊筑和商羽含苦辛長虹繚白日所偶終不待含笑叱祖龍此聲踰千載客嘗避嫚秦遺世悲無聊欲渡泪沾袂斯人胡可要白榆隨意發黃鳥鳴其曹中流生慷慨兩岸風蕭蕭

召公祠二首

蕭蕭易水水東潛下馬來尋太保碑隔代世家觀



子姓當年宗國想朝儀虛牆暗度桃花落古殿嚴  
局柳絮垂客自沾襟桑海後因歌蔽帝不勝悲  
春深深巷草萋萋日暮階除落燕泥竹帛已傳江  
漢外蒸嘗遙出帝京西悲風有意吹禾黍野戍  
無邊人鼓鼙最是慶卿別處荒雲枯壑望中迷

荆軻山

句盤落日滯山頭向說荆卿此壯遊事去尚能耽  
史傳名高翻悔動王侯谿雲暮鎖諸陵樹野禽寒  
生大漠秋欲得斯人論劍術舟車西去已悠悠

井

受祺堂詩卷八

七

易州城上有高泉春綆平臨雉堞縣落日悲風從  
地起清笳不斷五雲邊

涑水

出山目漸豁饑馬不能停比年習荒邊翻訝榆柳  
青涑水近皇畿質明商旅經食時須膏沐小憩  
得林垞此邦有美醞執友相對傾惠風在高樹鳴  
鳥幽可聽自憐行役者出入皆及星欲歌度關山  
春日難爲情

涿州

漢季失王綱羣雄何啾啾正朔歸先帝龍潛已有

秋我經車騎里撫蹟爲淹留咫尺眺樓桑風沙天  
正愁託宿于北郭揮塵下吳鉤浮雲東北至畫角  
滿城頭嗟哉皇興近汝漢不可求五方同一氣居  
者最難揉十一存里閭春光委斷溝自憐滄海前  
不及來此州

漢張桓侯故里二首

一德通潛邸孤村表漢年傳于荆節並功在草廬  
先綠草搖新碣青榆託故塵壯心吾已冷經此一  
悽然

戰伐皇興迴鶯花輦路長幾人同報國千里獨登

受祺堂詩卷八

八

堂畫戟明春水煙鑪注夕陽仗君旌節近歸日拜  
樓桑

良鄉

王畿千里餘赤縣首三輔佳氣來閭閻去天如韋  
杜古時封內地多以蕃同譜凡溫及應韓歷歷皆  
可數朔風日暮急慘澹過戎伍二南有遺澤流恨  
兼今古附海無細波附岳無卑岵所以封泰山嘗  
先禪梁父約畧計斯城初不下萬戶胡爲兵戈中  
築堞失完土還聞東土人據地列田圃自云託國  
家一一皆肺腑大兄侍中郎中兄司鹵簿季子未

拜恩鮮衣纓華組安坐名縣官促裝揖州府還家  
自生光道上人如堵兼金舊絡馬百寶新裝弩貂  
首大秦珠可充千兩信牛羊盈其門珠玉盈其廡  
堂上斗酒會健兒鳴鐘鼓大婦工錦瑟中婦歌金  
縷小婦貴家子徐徐調鸚鵡吾欲終此曲此曲開  
者苦安連狹邪日月通前浦

臨郊

不耐春城劇臨郊覓上方蒲團誰是主風雨暫爲  
鄉壇無時歇松陰隔院涼更關聞叱咤戎卒在  
迴廊

受祺堂詩卷八

九

獨坐懷陳使君入朝

獨坐虛簷閣春光滯故林人留青瑣闥地接翠微  
岑樹密鳥聲永風閒花落深賦詩羈興與適合意爲  
知音

蘆溝橋

水急桑乾渡晨光粲若朝海山通一氣車馬入層  
霄落月初移市流雲已過橋莫令風雨後春色日  
蕭蕭

樓桑謁漢昭烈皇帝廟二十韻

漢帝龍飛處遺宮接紫宸冕旒躬清蕩戎馬事艱

辛代隔滄桑暮天高俎豆春青松森寂寂白石粲  
磷磷鹵簿嚴朝啓龍蛇畫壁馴中山存世系易水  
轉洪鈞血戰平生得皇猷絕塞新喪亡昭正統飄  
泊共斯民建武年猶繼桓靈痛未伸兩京期麗掃  
萬國待彌綸衮衮股肱位淒淒風雨身託體如周  
召傳聲失異恂羣謀遲北伐獨斷出東巡日月光  
終命乾坤付老臣遂瞻陪享坐何愧受遺辰湯沐  
能無所粉榆故有人總殘郊祀曲猶及寢園蘋展  
省憑時宰登歌屬後座黍離聊吟階下泪沾巾

樓桑村瞻大樹舊跡四首

受祺堂詩卷八

十

出日雲深起范陽征途辛苦拜樓桑南枝直接中  
原氣朔雪長留右輔芳世遠神明依故邸時違俯  
仰庇新京亂後新發  
技餘尚小塵埃豈少躬耕客樹上虛凝  
湛露光

地隔渾疑壯觀休塵高遺跡有千秋永懷羽葆虛  
先輅帝少同羣兒坐樹下嘗云  
他日貴當乘此羽葆蓋車長託根株紀舊遊  
父老尚遲三日飲風沙遙入二京愁正位後未回  
盤二京亦未

後山青水白看無極立向空垣涕泗流  
滾滾長安賜逝波淒淒輦路獨經過翠華萬里粉  
榆冷湯沐雙村鼓角多地有東西  
兩樓桑須有祭田供伏



臘已折餘烈付山河先皇魂魄應來此爲賦燕歌  
當楚歌

玉殿朝來野望通廟在村外春柯只在市衢東新章正

復追司隸猛士居然繼大風驚宿久安鄉社月龍

歸中蟄海天虹壯桓旒袞俱陪享一德乾坤報祀

同

保定謁楊忠愍公祠二首

降嶽神靈遠沿城俎豆存蹈危辭盛代追贈有殊

恩野蔘休登屋幽蘭宛在門敬來讀遺草流涕一

招魂

受祺堂詩卷八

上

滿注乾坤淚空殘劍履春風霜雷往蹟禮樂喪斯

人漠漠諸陵雨荒荒百戰塵在天應不沒聞闔暗

傷神

廉將軍廟

壯烈無復睹尋聲胡自煩青苔寒藉路白石老橫

門畫甍臨風落村翁紀事喧蘭公納交後千載亦

同論

侍御鶴冲金公死難詩

朔風吹高林頽浪日東逝亂起如于風他心何可

制當年金直指受命亂軍際破產捍危城捐軀先

自誓所志無依違天皆有崇替追攀三月弓一體

殉先帝城下泗澗水湛蘭清且厲蛟螭不敢遊

雨雪常相蔽身前有君臣身後有仇儻侍御畢命後夫人投

從死婦孫婦侍女附祀得三墳纍纍還相擬嗚呼

板蕩初麟獲傷反袂懦愚務苟隨翻覺生死細丈

夫重末路吾道觀衰世要當去取明底論謀不濟

下馬拜斯人關河空洒涕爲賦大招篇自投流水

蒹葭秋炳管蕭吉日追那祭放悲靈之來神哉般

流涕其下若風馬北來行甚銳默坐眺八鄉奚須

環奇麗四圍春草生千載哀湍閉死者長已矣存

者德音繼吾愛孝廉公謂侍御翁子孔保孤存本系嬰

杵獲同心幽明事一例况復故司徒侍御父司農公爲奉先令

至今宗邦多遺惠敝廬咫尺間聞政如魯衛直指

西巡待秦天一再霽至今共伏臘先後垂棠碣悠

悠吾所思乃在江海裔從泣戰城南美人空迢遞

然登斯祠慷慨感深詣澄波既終古皎月無年

歲白雲蒼爲堂嘉夜著爲砌東西植梧桐左右種

椒蔥上有雙鳳凰飛鳴何嘒嘒寄謝後來人聞風

同勗勵

故侍御金公長君佩臯挽詩二首



宿昔班荆處天高落木深  
召南聞舊政羅水咽遺音  
雪斷春前路苔荒別後岑  
不須聞報訃飄泊已沾襟

客似文園臥秋從邸夜分  
故人今白馬公子待荒墳  
夢悄漁陽角寒生易水雲  
向來畱劍意何敢負徐君

前寧夏撫軍韓公賈道墓

野日明高隴悲風滿故阡  
爲尋行省碣兼覩秦陵年  
土蝕金貂暗苔侵石馬穿  
至今秦父老流淚賀蘭邊

受祺堂詩卷八

雨後看夏屋山

木杪高嵐山城陰積翠流  
地連銅斗冷山遠秀容愁  
風定歸樵響雲稀見戍樓  
郊田猶待澤稍喜斷虹收

獨鶴亭詩寄王徵君山史

鶴生何矯矯高舉入青冥  
瀟灑辭江海委身君子庭  
庭庭中有玉樹曉露滋其榮  
側頸時就飲回翔代飛鳴  
嗟哉當世士爲樂甚多營  
野田憂黃雀蕩子惜烏生  
欣我賢主人古歡不近名  
東瞻蓮花空窈窕宛作此  
亭悠然忘雕飾冀託展素  
情抗志無儔匹

相將保百齡咳唾皆珠玉  
被之得餘馨駟馬常到門  
中宵起長征語君且復休  
人事分虛盈天寒朝雨深  
聊用採杜蘅

自保州旋代却寄陳大來先生三十韻并介

初度

自過西豪里春雲滿北畿  
誰教軒蓋路故引芰荷衣  
櫛沐勞三握將迎出兩騑  
已分河朔酒還下鄴園帷  
竹樹皆親種濠梁暫息機  
薄遊新雨後徐詠落花歸  
宦學承家督鄉平冠國扉  
數椽旋馬地孤嶼釣魚磯  
族黨貧能託琴書老不違  
省耕多蚤起

受祺堂詩卷八

西

謀野見潛輝衮衮朋簪至  
盈盈宴豆闔井芹持半摘  
園果薦初肥水次高蟾冷  
天開列嶂微臨行增繾綣  
贈別帶郊圻歲月相思瀾  
關山信宿稀銜鑣追逸趾  
蓄軫傍流徽雪霽關林秀  
風和塞翼飛嘯歌愁振領  
趨走歎無非非非古通用漢詩作無非禹度雖遼絕  
周行倘庶幾心隨豹霧地  
隔畫龍旂吾道留春杵將  
歸憶蕨薇新歡車笠合老  
淚海田晞漆野敦蒙叟朱  
顏陋楚妃衡茅清入夢布  
褐澹生成未覺音塵迴渾  
忘節序非朝嵐瞻岱岳夕  
斗送璿璣仲氏前通籍先  
恩總賜緋時祺公先生以前樞傳部大夫贈其二親



離魂孤矢問齒憶庭闈

先生與先子齊年

旬牧馳遙札封

人彙大祈到來青鳥篆楊柳正依依

石生子禎兩君至雁門夏日雲岫亭限雲字

老樹高亭坐不分臨風兼得慰離羣已低落照浮  
初月何限流霞染暮雲三物在朝關補救九經謀  
野罷紛紜頗憐孺仲歸耕處披髮行吟不可聞

奉答約生表兄聞余過軍都二首

二雅淪胥久諸陵陟降懸書同西狩日客在北征  
年舊德畱鄉社中人食祭田感君歌有淚遙灑白  
浮前

受祺堂詩卷八

五

魯衛無公族松楸有故枝尚懷行露意空及采蘋  
時歲久愁風雨天高冷夢思白雲俱不返遺恨鼎  
湖詩

送子楨先生之春明

雲滿孤城樹色閒索然行李度嚴關振衣落落君  
才壯徂暑悠悠世路艱邂逅向誰操白雪塵埃應  
自惜朱顏漢家待詔遲金馬秋日林臯擬暫還

東陸大使仁甫

陸精岐黃家言善奕

在邸寒暄劇終旬出入勞清河傳內史紫塞得倉  
曹坐隱人俱却垣方見獨高內經無舊注微義晰

秋毫

席上呈傅徵君

江海英風老漸疎菊松高枕送居諸野航慣載看  
山屐春帖曾無乞米書燦燦紫芝存古調番番黃  
髮長朋車兔爰中谷遙迴首蝴蝶莊生各有初

題牧菴三十行樂圖

西方之人兮宛彼美且都皎皎長白哲粲粲頗有  
鬚壯齡意未展端坐情脚躡垂老度關山德音長  
自如相攜日同行好我如連株香草薰高亭肅然  
對斯圖風塵在兩鬢迴與當年殊浩浩修途內悠

受祺堂詩卷八

六

然念厥初

同劉宋諸君詠雨中月二首

落雁銜波急庭蕉帶漏明

雷緩渾窺注危忽墮聲風簾流火夕素影濯

來清

颯沓光仍逮關山夜未央卑棲霑末照靜對矚微  
涼碧漢高垂瀑炎階亂殞霜亭虛增徙倚宿鳥傍  
簷翔

詠蛇

亦是龍驕子何塗貢磧西崔巍沙步健礪礪肉峰

齊詩萬里行鹽鐵長年入鼓聲塞垣明月冷舒  
項帶風啼

立秋四首歲在旃蒙大荒落

遠樹來秋色朝涼愜旅顏歲華雙樹底身世一亭  
間宿鳥謀營舍征鴻欲度關苔深寒溜積時覺隱  
幾閒

病裡思葭葦閒來采杜蘅滄洲高枕得白露遠林  
生宋玉悲何事班姬怨入情行藏敦舊好不遺壯  
心驚

水旱民生迫風塵世路疑日行星失處時太白秋經天

受祺堂詩卷八

七

至雨無時久廢西郊法誰陳七月詩故山歸計窘

回首涕空垂

顛顚從茲始棲遲可奈何草堂常偃伏花徑幾經

過隴坂浮雲暮關閉落照多遺時拚對酒排悶強

成歌

天花

自是瑤芝本絳來受性寒忽霑清露至猶帶白雲

看薦藻登珍食陳疏出戒壇時自五臺僧舍見遺幾回疑進

七秋水在雕盤

雨無正

積潦乘秋見鳴蟬滿地生薄言風有隧遑恤雨無  
正冀北猶艱食天南未解兵十年留滯盡愁思日

縱橫

對酒

對酒初疑月看花漸到籬白連寒雨斷青入遠山  
遲乳鶴巢空穩鳴鳩語盡悲燭昏吟不就流照屋  
西極

看夏屋山二首

秋色自西來蒼然萬壑迴涼風吹窈窕落日徘徊  
徂林谷關音本乾坤老象才何絲施謝屐直上翠

受祺堂詩卷八

六

微隈

萬樹歸青靄千峰列畫眉野陰寒入岫流水暮通

陂露晴霜花落虹殘燎月移誰家賓坐晚哀角徧

東籬

驢騎招飲席後緩坐東亭二絕句

紫扇桃笙春半開繁促柱響多哀最憐樹色流

青嶂似與蛾眉競爽來

河浦歸雲上坐聞寒星冉冉落前灣催歌換燭非

吾事落日秋清且看山

鴈字三首陳使君邸中同劉宋諸君



鴈門歸鴈鴈池頭指畫江天染素秋老足摩霜憐  
瘦硬寒空振迹起騷愁時排雲漢蒼翎濕不盡  
湘翠竹流一自鳥官違世紀吮毫誰注鳳凰樓  
行行春渚記尋征點點南飛露正明驟出煙沙初  
脫草迴翔漠漠登瀛猶舊古色白羊羣忽送佳  
音 兔城照入松軒常悲啓縹緲亦帶羽毛清  
大翻山空跡有傳刻人朝後序頻遷清澗高舉舒  
鋒穎長瀉還輝滿藥鎔雨挂海嶺處黑晴垂吳  
練望來妍綠窓多病驚新候麗驪驤北斗邊

太原晤米侍御時謫藩幕聞有里門之役述

受祺堂詩卷八

九

舊一章

疇昔壯懷難自問振衣謬欲凌千仞會看多壘生  
昏郊嘗惜三微起畫暈葵藿傾陽旣莫易草茅侍  
母安其分散帶僅堪怡菊松彈冠謂必待堯舜那  
意當時梁父吟至今契濶故山岑饑驅忽走關河  
外敝褐長栖雨雪深牛嶺悠悠阮生嘯三旬落落  
榮叟琴最憐古老多幽興安得伊人治素心侍御  
早推鄉邑彥粉榆密邇東西澗抗言佛骨入中土  
兼論漕舟移海甸漢帝不收痛哭書班經太賦齊  
執扇總教蔽帝前江國無補行吟勞澤畔子時舉

步泣窮途醉後同君碎唾壺男兒不勒萬年鼎醒  
甌空悲三寸觚鸚鵡能堪誰氏客鸚鵡併與酒家  
壚 上蒼茫流水意醉中點綴落花圖米善圖成丹青  
六載艱良晤北至崆峒東句注春風忽送太原城  
暑雨遙同汾水渡移書愁說歲華積握手驚看毛  
髮素逐客遲回宣室年征人流滯諸侯路臨岐欵  
欵話歸山五斗那摧壯士顏側聞太白照三楚天  
下飛芻糲百蠻清問應歸耆舊列好音終復惠文  
班不然採芣期難待遲我蒹葭渭水間

寄王二思益并訊輔之侍御雲鶴丈三君並

受祺堂詩卷八

十

善畫

貽蕩東山客淒涼北郭遊故人多薄宦吾子更窮  
愁夢斷雙溪雨秋生十尺樓丹青饒逸興更爲子  
雲畱



受祺堂詩卷之九

中南山人荆東李因篤子德著

喜羅南先生至雁門

大雅難再聞卑棲回吾願五岳懷風契蹉跎齒已  
半憶昔之崕峒西征逐霜霰萬事多艱虞聞雞中  
夜亂就君尊經閣羅南時為同原學博徐披愛世撰懸榻有  
諸侯潁川時秉憲作客既無方同人悲雨散朔雪  
與炎風天涯成薄宦自寄都亭劄遙違塞曲傳悠  
然西上魚邈矣北來雁居者最難在途長戀戀  
坐使宿愁積空憐春色斷一日佳兒至三年隔旅

受祺堂詩卷九

獎喜極翻無辭相看涕覆面自云趨庭疎於此冀  
得見猶恐來路長况夫值歲晏落暉動前除征馬  
鳴郊甸千里霜雪中故人振高翰握手真意外離  
愁失條貫回首年事移互驚鬢毛變嗟彼孤生竹  
結根在巖畔其傍附松柏始自生葱蒨昏星湧掃  
帚曉角喧雲漢所惜經國才終身滯貧賤隱憂何  
可輟親故幸無間更逼守歲期長吟須春旦

趙驃騎報最

嫖姚昔寄大帥廐束髮才名噪三輔匡坐忽感班  
定遠慨然投筆提鉞鼓走馬呼鷹有時爲穿楊貫

札何足數既從左翼都尉列還佩中軍大夫組五  
月蘆花飛敘州千帆江月下夔府半濟忽分荆上  
騎羣才幾老蜀川潁尚遲南粵輪輓書長閉西山  
盜賊藪議撫議攻悉紛沓懸軍左擔忘辛苦士卒  
皆持十日糧將軍嘿嘯千鈞弩黃牛白馬高未轉  
持水湘花疾如雨功成現由他徑得論定甘從積  
薪取屯田當復須老臣大樹未容知聖主遂使  
春歸參井上遙看戎蕭渚沱浦余昔嚶鳴洽舊邦  
得交難弟歡同乳秀姿迥氣淵若谷才畧縱橫猛  
于虎載酒時時肯過從操往往空今古傾耳稀

受祺堂詩卷九

聞歌者和獨醒翻便醉人侮不忍黃鐘瓦缶鳴能  
忘白露蒹葭侶東走絕塞就風好潁川與君多遐  
舉偃蹇車上愧侯嬴蹉跎幕中慚杜甫多傍雙轅  
詢薛荔一爲萬古洗鸚鵡寶篆傷心振武堂此三字相傳洪武初御製流年寓目樓煩部潁川託契北兄弟君亦  
論交披肺腑雲屏夜敞翡翠亭獵響秋生鴻鴈渚  
途窄資格每相限積輕英雄難自處柏梁竟缺衛  
霍詩雲臺羞與岑賈伍自古大言終罕用徒張清  
談究何補近日諸將或飽饜東南百蠻猶跋扈  
詔書未許五溪入于羽徒勞兩階舞羌管暗吹玉



門煙海潮遙斷珠舶賈長城虛說秦漢跡屬國實  
連燕秦戶重譯數輩銅標邊大宛千羣汗血阻恭  
惟將軍初報最速會宇內方右武礪山帶河佇邀  
盟虞狩軒圖應再親垂體舊傳寵趙賦願從七子  
觀新譜

至日四首

宅朔寒逾烈懷春夢亦非儂鳥窺密坐啄雀掉潛  
暉古塞驕栖久佳辰振履遲凍雲荒戍外何路望  
西歸

未暖關中席長留冀北罇舊年逢獻年迴首暗消

受祺堂詩卷九

三

魂余去歲至柳散征人路梅高處士村旅懷難自  
遣愁緒共誰論

萬慮連宵盡偷安逐日同長吟地歲月弱翰負英  
雄暫種關南樹遲傳渭北鴻心灰吹不轉未解對  
融風

壯志悲無者前期恐未遑半生爲客老諸弟幾人  
強著述思繁露

建業之俗十一月望日長至則通國拜賀

今歲天涯誰好我漫賦北門京

答羅南畝別屏詩仍用元韻

行行客句注故國違已久撫事每自憐含情將誰

剖我願奉北堂躬耕安南畝遐攬欣有會置身亦  
何有豈無仗策路慷慨圖不極山戶忽徬徨生當  
堯舜後亦知奮清時功祚皆可收放歌在柴門微  
尚終自守俯仰懷杞憂狂夫一搔首還遭儕輩嗤  
踽踽謝衆偶究苦生事疎饑寒累八口訪舊關嶽  
外窮年浩奔走所嗟未聞道謀食滋多垢回顧憐  
宿心遠慚鹿門叟既非金石姿安得松喬壽劍老  
書未成身名兩相負振衣素髮垂臨鏡朱顏似百  
慮從中來蒼茫鮮所叩古人重知己矜歎同志友  
託體比君臣求聲兼夫婦斯義既飄飄羣居甘集

受祺堂詩卷九

四

詬誰解膠投漆安分薄與厚撫跡不自量臨文忘  
覆瓿砥躬憶白髮交臂俱黃耆頻問清河公別來  
健飯否從歸天末植竟種山中柳人言君未衰合  
起拯陽九何哉一躡足決意栖林藪與君霜雪盟  
情切左右手地邇翻屢隔田荒且遲耦白露幾爲  
霜青陽新改節幸於伯通家重託梁生曰相見皆  
老大旅居益衰醜君才甫小試網密俄襁綬抱諒  
持生平辭榮信薄佑萬鍾夫何加一介固不苟男  
兒七尺軀不早登台斗垂白弄柔翰敝襟嘗露肘  
故業付佳兒英資冠瓊玖追隨侍杖屨接席親授



受賴我賢使君賓筵傾旨酒布衣十餘輩思樂追  
采芣乘興操秦音慨然起擊缶暮雲河上來春草  
寫前牖西歸已匆匆振藻垂蜎蜎珍重爲後約潤  
陽拜吾母

驃騎招同諸公飲柏林寺二首

月吉曾邀集春深復暫過野風寒食好罇酒故人  
多創景斜明樹分流散入河滄桑何可詰寺北舊  
沙陀

適得將軍名羈愁一望餘彌天深待澤入室忽逢  
花傍郭生新鬼沿城隱暮笳應憐雲漢賦不到數

受祺堂詩卷九

五

公家

望雨限字

出戶愁朝景瞻雲亂夕嵐栗緒公府得溝壑小民  
堪歲事陽愆九關烽夜圻三誰能叱雷電大注瀉  
傾潭

清明限東齋二韻

坐惜芳朝晚行瞻令節通故人疎海內吾道寄河  
東積冷經時雪春高出塞風桃花天末戍定有未  
歸鴻  
不盡傷春淚悠然動客懷密雲終日爾羣宿隔年

乖柳火寒猶暗被歌迴未諧逸居無寸補供給愧  
高齋

寄葉太守濟水

遊子別故鄉適征無時了省母歌明發兼程抵京  
兆河嶽喜客歸郡屏開竊窺遂使深山松青雲起  
蘿爲所惜屬集人和鳴不相保借管吹鳳凰宮商  
應者少彼美來歷下褰帷出周道揖客九經閣源  
流皆可考古星動少微四序開金昊時探玉井蓮  
俯視羣岫小憶昨停鑣初長安雪皓皓離沓爭屬  
辭風簷失昏晚惟公持大節託契洽管鮑歎息鹽  
車下何當屬腰裏下榻多逸興高霜滌寒篠無令  
旅進意散入名山草我讀機軸文時京兆人文刊  
成請予爲序  
西京同探討老馬鳴伏櫪羣才集俊造衣裳有高  
會坐嘯舒懷抱何必鹿門翁舉家辭劉表

寄張都閫

有出關門雁門去羈懷鬱鬱涇渭樹朝起握衣司  
馬里問津不得淚如注趨庭有美黃石流燥髮已  
聞寶劍賦棄繻遂結羽林節局舍恥隨統綺步燒  
燭苦吟遠時蹊舉觴遙集多大度憶昔先公握兵  
本峰明羽急喧聲路中書秘詔屢臨門便殿親訓



皆要務千金不易老臣策片語能救富宁悟促坐  
密語人罕聞天明入朝出日暮憂說刺佞復何事  
棟折榱崩良有數諸葛不延漢室亡茂陵徒短公  
卿祚移時桑海莫具悉隔代通家同沿溯四十年  
來掃帶星重移南字如瀑布但向高齋舒野興時  
教宿好得佳器獨憐于役不遑畱來往匆匆悲脫  
宛當途豈之撫雪者自古新知誰如故

龍神廟紀事二十四韻 并序

廟在代郡北門將圯陳使君更新之落成  
之日同人往遊讀使君所製廟碑遂有是

受祺堂詩卷九

篇

北方當坎位呼太舊爲龍曉稼依雷雨專祠具鼓  
鐘何年奔潦至絕嶺噴波重木葉侵階合苔華帶  
露濃狂飈鳴閣道渠畧上門松畫棟虧旁構雕墻  
失外墻廟前神道舊爲三官祠所遮曝衣時競暖懷鉢且移春  
漲色聞聲望山光懸數峰歲荒望備邦祭大雩  
逢出舍嚴齋宿無文肇禮宗賢哉觀察使獨見鞠  
勞容倒屣先仁牧蠲租卹困農靡神忘奠瘞中夜  
賦瞻叩遂感涕沱早寧遑畚鍤備坎墮嗟海若主  
壁陋乾封祀事多前著鳴材總自供殷殷方土物

歷歷計徒庸右个開新序崇樓拓故蹤落成春節  
平鋪石舊年冬萬舞何飄忽諸條盡景從暮雲垂  
萬萬新草發茸茸大有休祥集明禋陟降恭丹青  
塗吹澮劍履湛芙蓉寄謝將來者承流想巨衝

王岡行 并序

王岡年八十有五負土陳使君公廨中憫  
其貧老呼坐東齋詢岡本末撤食賜之易  
内外衣甚備將行又贈以米糴若干予目  
覩此事慨然而詠歌之

受祺堂詩卷九

八

路出入周行徘徊不前實阻且長呼翁來前涕落  
連珠面目犁黑鬚蒼瘁枯愴愴多悲却立踟躕足  
下無菲衣無完襦翁答邦君生命獨苦屈指其年  
八十有五朝夕市中乞託于野邦君惻然泪下如  
雨君復謂翁豈無兒孫壯而佩犢迄不逢年五十  
始配帝畿空村有女遠嫁不知其人翁昨就嫗泣  
涕漣漣朝出在城嫗行負薪十旬九餓身無單裙  
敢言伶俜維昔無倫汝舍汝筐坐汝高齋爰敕中  
厨飲之食之爰命紀綱徧授之衣載衣載抱歸及  
汝妻有錢一緡有米一秉甲士一人導之出境稽



首瞻顧自詫其影將汝復來推恩維永拜辭出門  
如起嚴妝自告其名厥惟王岡賓客相對太息沾  
裳余用作歌以風四方

武安君廟三十韻 并序

武安君廟拉攤日久陳使君重葺之增兩  
序以居社童子爲詩一篇美其事也

雁門戎馬地曠代一千城劍兒遙垂範旂常夙著  
聲高原青草合絕戎白雲生勝畧猶堪紀述邦竟  
莫爭俗荒新鬼偕年久斷碑橫伏臘通歌舞階除  
及鼎烹左有靈侯祠俗呼神村翁向余臨戰蹟

受祺堂詩卷九

九

懷古識英名下馬瞻遺廟當關拂畫旌關上亦風

吹南口月水灌北門營魯鄭多求貨春秋竟易祔

側開釐祀典遙集問宗盟頓洗羣巫陋還謀夾室

清庀工分祿米先事費軒衡八陣仍圖壁諸儒寓

課耕折衝樽俎具疆國豆邊明執友由同約潛期

快此行時與六茹門額經過少巷迫往來輕廢沼

龍時見空廊鳥亂鳴薜蘿寒發發溝渰水盈盈龍

障西廬得雕題左个并撫塵增百感臨敵憶專征

契合要難據安危只自傾哀笳中夜濶候火夕陽

迎獨立排羣議訂謨仗國卿河山相盪出節序證

然更末世驚高舉雄圖破宿醜梁公敬奏祀士雅  
劇論兵舊壘風雷肅遐陬鼓角平地員無寸憾邦  
教洽幽情稍待垂神版援毫賦落成

新婚卽事二首

已是綢繆夕其如邂逅何坐看秦女並人羨楚才  
多玉鏡臨文藻藍橋慰薜蘿曉妝催莫劇斟酌畫  
雙娥

有母勞中饋征人動遠圖每憐宗器冷遑問旅情  
孤出汲親提甕篝燈對辟纒他時春廡下足感伯  
通無

受祺堂詩卷九

十

呈陳大端伯

鴻鵠乘秋起帝鄉轉因歸省見春觴然膏發篋梅  
初霽束帛登車柳漸黃公譙最禁霜雪冷綵衣時  
帶薜蘿香明年冰泮雙魚至尺素兼分上國光

舊廣武

雉堞渾無恙更籌寂不聞遠村秋入水高澗暮多  
雲馬站榆關立人家荻岸分東城烽火接保障說  
新軍

王萬莊

亂木鳴蟬急孤村倦馬過種莠依晚稼彈瑟下新



歌歲月風霜早乾坤羽檄多久閒生解肉心緒付  
蹉跎

田家窪

雨後秋山漲西風野店秋村泥深沒屋陷柳倒垂  
溝報寒龍祠減饑寒驛路稠老翁頻歎息無計應  
公求

挽樂山上人

塔路沈苔黑關城老鶴號此翁終客死當日本禪  
逃蔚朔歸魂絕清涼掛錫高白蓮談冷笑風雨望  
中勞

受祺堂詩卷九

十一

早發田家窪

高瓦鳴晨雀初陽照遠山黍禾千畝盡場圃一村  
閒道出黃榆外霜生白露間壯心猶未歇驅馬渡  
雄關

沙泉

喜見沙泉樹蓬蒿一徑開清秋流大火白日撼輕  
雷潦壯連宵雨門荒隔歲苔林胡多舊識坐覺好  
音催

水

聞道偏頭水滔天忽倒行萬靈隨劫盡三日賀潮

平野混虹霓色山流虎豹聲澹災憑牧尹安坐負  
蒼生

三岔

北道更盤馬山間暫息裝龍蛇初遠去鴻鵠久高  
翔野稷浮新水村人聚夕陽坐來搔短髮秋色滯  
他鄉

沙泉西道中

非復盤溪路凌空若踐橋壑田登野耜陶穴應邦  
禧日煖樵歌出天清戍火飄大河西到眼危堞在  
雲霄

受祺堂詩卷九

十二

十方院

膏沐臨初地禪燈照客車近城無僻鳥聞法有仙  
漁懶着登山展閒尋出世書當門河斤濁日影故  
徐徐

挽蘇使君生紫四首

蕭蕭玉露暮垂堂絮酒淒然薦夕陽曾是論才推  
趙魏敢云爲政必興黃侵門峽急灘聲苦向夜亭  
空樹色涼咫尺孤魂招不得教人流恨對殘疆  
木落秋清雁影斜悲風吹斷塞垣笳虛堂已覺同  
羈旅薄宦何勞數歲華疇昔獨行空易水只今高

士失元嘉最憐妻子愁相對回首燕雲歸路賒  
天畔雙虹劇雨痕到來煙市類空村那無季札能  
畱劍豈有任安尚在門燒燭徵歌勞夢想授餐投  
轄異寒溫十年塵滿萊蕪旣收得遺稿可並論  
因君一涉定羗津客路東西託傳頻白馬素車今  
日事黃河青嶂幾年春孤舟興盡欄如剡七月風  
高尚在窗却憶秋郊酬別處徘徊落景泪沾巾

歸發沙泉

澗戶秋風內雙崖逕盼成溪流長著枕露氣忽沾  
纓陶復當簪長雞遙極鳴望中霞一片應照定

受祺堂詩卷九

羌營

河曲中秋待月二首

十年不對青門月今夕遙分紫塞秋戍鼓依稀留  
戰壘河燈寂寞帶漁舟懷人淚斷關山夜去國寒  
生蟋蟀樓徙倚西風歸路濶天涯何處寄離愁  
中秋無寐獨沈吟百感蹉跎已至今越陌度阡違  
宿好時蘇使君新故登山臨水有遺音白雲頻寓秋來目  
香草還憐歲暮心傳語高蟾暫相共判傾樽酒佐  
披襟

魏家密

未慣陂陀路嘗愁僕馬違突然逢急雨何處覓柴  
扉款客衰翁出樵山病姬歸吾家賢五馬比芾自  
依依

徂暑憶班荆關門落照明十年勞夢想一語託平  
生風拔秦陵樹苔深漢將營含愁行邁跡賴子紀  
王程

秋夕同諸子小集 齋中卽事相調二首

日暮遙砧發風迴細草蘇曲房憑密坐高枕竟狂  
天鴻鵠秋皆舉榛苓夜不孤臨卽千載事莫漫說

受祺堂詩卷九

當爐

片月開清角微霞點碧岑蘭池無轉顧珠海有他  
心露濯彈箏苦燈寒落黛深爲誰疎影歇當戶一  
沈吟

九日得安字

離花初喜上堂端萬壑清風已戒寒醉裏茱萸隨  
地得霜前鴻雁幾人看新歌入坐秋聲壯緩帶臨  
燈夜色闌不用高臺遙縱目西來飛雨接長安

對菊分初字寒字二首

木落東籬潤盆花喜自如不隨秋色盡懶與故園



疎一氣分鴻漸同人老竹書蕭霜聞舊政空感授  
衣初

月滿苔岑化風深幕燭殘愁移堪對把興適已忘  
餐蟋蟀時時劇葉葭處處看南山遙入坐采采白  
雲寒

送陳四季昭歸里

菊底趣裝漏未調離懷不次月中宵霜催班馬聲  
兼別雨瀉秋河岸有潮毛氏門庭工捧檄謝家兄  
弟本聯鑣自憐短髮他鄉滯爲仗音書破寂寥

呈六茹初度

受祺堂詩卷九

七

紫塞相逢歲月除黃花忽屈美人初不妨繩準看  
飛鳥饒有風流託課蔬雞澤尚懷遺世典豕羣時  
辨渡河書故山高旅多搖落樵牧同君老孟諸

子實至自蕉穫

蕭蕭匹馬下秋風握手天涯慰轉蓬稍喜有年傳  
丙史深愁多壘構西戎送歸遙羨雙飛鵠賓主初  
瞻九月鴻他日桃源津可問結廬終與故人同

寄傅大壽髦

孺仲辭漢詔躬耕北山廬披髮臥蓬戶淡然無他  
娛一朝故人子車馬盈前途制裝致殷勤容服驕

且都兒曹起迎客釋耒生慚沮恩深忽自失夙尚  
終何如傅子曠代才遭逢悲崎嶇將父歸故林一

心著潛夫登堂竭甘脆出門多苦荼直窮朔漠涼  
時覽瀟湘圖齊桓昔未遇旅販淹夷吾伏波待南  
陽權爲牧與芻高車經松僑立馬野踟躕子方行  
條桑顏色正敷愉語客詣家君傾筐來徐徐西鄰  
過濁酒小圃摘華蔬樹酒親持客客言使吏胥諸  
吏盡珠玑野人遵寧居披腹論當世述古及唐虞  
縱橫百家言究返箕穎初吾亦拂衣入賃春歷邊  
隅永懷版築巖將與白雲俱

受祺堂詩卷九

六

寄懷葉太守

長安日與白雲疎又值吹葭逼歲除把臂適陳三  
物後寒帷猶識二京初閭中關洛人重睹少虛先  
中天開久矣江上河渠地自如公爲再建復曲江之舊如此

送劉二尋長歸宜川

別君幾日卽長征相見悲歡兩地生倦關遲門寒  
暑拙孤雲託木往來輕籬邊晚菊催行色馬首朝  
霜動旅情吾邑適當南北道莫辭數數過柴荆

寄張鹿洲都使

河上風高過雁羣  
戟門回首隔氤氲  
文僥起蔭登中秘  
逸少多才領右軍  
春酒遙牽池樹得  
夕歌長倚畫圖  
聞采薇宗國風猶  
在終許躬耕谷口  
雲

呈端伯

至後春迴日漸蘇  
寒空萬里帶平蕪  
紫雲忽起黃鐘管  
青火時臨白雪圖  
已自蒹葭通蟋蟀  
更隨遊未識封胡  
執鞭太史情何限  
誰許孤行晏大夫

早春詠雪

勁氣中宵覺從風  
遠颺早時潛測景  
空外亂生雲  
日月遲南雁  
江湖滯北軍  
草堂梅正發  
春酒怨

受祺堂詩卷九

七

離羣

守歲值立春

歲共關雲濶  
春添塞樹微  
祛蠶貧有味  
失學晚多違  
八口遙分帑  
餘生只採薇  
同袍思倍結  
獨坐見容輝

元日試筆二首

歲在癸卯

霽色萬峰連  
春光到客邊  
憂時書出塞  
在野託編年  
懶上河東策  
長耕谷口田  
高齋朋黨繼  
土銑發新烟

去日隨人過  
空言轉自疑  
不如稊稗熟  
徒苦歲華

移絕漠呼庚徧中原  
振旅遲當年攜手約  
努力赴前期

尚友齋咏梅是傳徵君所贈者

莫莫高山樹移盆  
入畫圖白雲自得  
豹一相呼濯雪心  
恒苦懷春興不孤  
無言酬令德一氣慰

讀方密之先生集飛錫詩感次其韻

漢璽中藏碎復圓  
斯人何意早迴肩  
半生華屋渾如夢  
垂老寒灰未著烟  
餐菊近遊彭澤野  
采薇遙託首陽田  
最憐南渡諸公後  
支遁新詩絕塞傳

受祺堂詩卷九

六

調胡公子文述

江鄉春色近如何  
藉草悠然到薜蘿  
醉任緩聲喧北曲  
愁看高鳥起南柯  
傳家絕世珠琴舊  
倩納情中原縞帶多  
自笑邊風吹短屐  
乾坤空老五噫歌

人日

地冷邊陰合  
兵殘戍色分  
開春多隱景  
竟日只看雲  
雨雪高龍臥  
關山隔雁羣  
應時聊自遣  
杯酒莫辭醺

元宵日諸子屬賦祺公先生屏詩十首

漢治中都始陳風  
泌水遙下圖躋海岳  
兼得進通



樵部夜星初聚筵春月正饒驚花何太劇錦瑟坐  
來調

萬騎資騰飽三關總度支寇公河內日蕭相櫟陽

時處傳燧征苗舊出師巖疆須付託歷代盛

于斯

自昔民勞止公其保障哉運籌野集羣

才樂想韶箭舊宮鄰碣石隈春濶時恣日不爲望

蓬萊

北極皇輿近東藩紫塞雄多方融冰旱一力轉鴻

濛畫刻攤書出山雲傍席通初筵應授簡足爲賦

受祺堂詩卷九

九

彤弓

曲徑捫蘿度高齋藉草同耽吟時硯北退食每墀

東壯畧銅鞮後嘉猷綽帶中還教對諸謝子舍沃

餘風

種樹他年美藏書隔代多移情從坐歌愛客有笙

歌醉日沾深影微霜霽始和太行三路接車馬一

時過

宛宛屏雲薄輝輝曙景高孤城紛劍履半面走蓬

蒿道盍朋簪盛詩聞杖屨豪輕風頻換燭竟夕不

知勞

不貽朝宗日居然歷聘秋中原依舊乘逸興託邊  
州玉帛乾坤在江河日夜流執鞭何所慕應與信  
陵遊

盡是桃花客來傾竹葉觴暫時辭碧岫隨意發清  
商吐握空三起榛苓豈一方前賢矜此會惜爾未  
同堂

漏淺層霄徹烟清列綺疎合辭歌湛露終宴答嘉  
魚好會盈川酒佳人慰索居自今連茹濶長紀孟  
陬初

卽事呈約生表兄

受祺堂詩卷九

三十

春風追通滯秦裘五岳前盟老未訓亂世可爲惟  
著述高人何必盡林 葛衣蒿目先公地謝外祖  
參藩公

桃樹關心故國樓雪霽朝暉將次暖同君抵掌續  
陽秋

風

紫塞忽高揭黃雲俱旋飛乘時鴻鵠起得食虎貔  
歸岳路浮春樹河橋辨夕暉漢歌思猛士回首十  
年遲

寄候扶宇楊太舅

春隄直接塞門懸隔歲傳魚竟寂寥閱百年遵

自出絲蘿三世託同條薄言東次關河峻何不西  
歸雨雪遙夢到外家嬉戲處柴門俎豆正蕭蕭

寄從舅仙掌先生

青門握手尚依然秣馬懷人又隔年盡說世家超  
錦帶誰知春草判朱柴門靜落桃花雨石徑寒  
流竹樹烟甌勉薄軀訓夙望垂髫宅相恐虛傳

一百五日

漸喜狂飈歇初看弱草伸別冬泰俗諺泰諺曰冬  
到寒食一

知遺蹟漢京春射御吾何執農桑晚最親明朝移

東大七見柳榆新東京有清  
明上河圖

受祺堂詩卷九

三

清明二首

一出桐華路流光滯朔城春山雲山樂早樹露滋  
榮故國傳鴻雁嘉農種杜蘅和風將霽日頻對峭

寒輕

亦覺鶯花至翻教雨雪遠願鄉存熟食懷古試春  
衣戍火潛通嶂漁歌稍出磯底須韋與杜車馬有  
光輝

三月三日雪

暗壁開高蜺遙天縱始雷夜窓入暮春對冷侵  
苔柳賜函京火桃傳雒水杯祗今歎留滯佳興一

徘徊

受祺堂詩卷九

三



受祺堂詩卷之十

中南山人荆東李因篤子德著

雪後

脉脉融階升我我偃徑杳幽蛟中夜起宿驚早雲  
封被袂遲常祭謳談聚困農坐看簷溜發罇酒得  
從容

早秋齋中卽事二首

小極登山後高齋伏枕時初寒驕積雨萬籟蕭晨  
颺桂發何年種松添到日枝短籬俱隱秀清眺落  
參差

受祺堂詩卷十

野障薜蘿外天清霜露中晝眠頻不穩秋病數逾  
工積草叢生黑盆花一徑紅授衣吾未賦分減興  
奚童

七夕

燕婉仍當夕分離動判年關山常塞地河漢復生  
天白露沾時早清砧聽處懸君看征戍急別思各  
悠然

旅興

旅興三秋內佳人一水涯薄雲寒就日疎檻曲藏  
花喙雀喧初雪賓鴻帶遠霞更誰弄羌管聲急亂

峰斜

寧武關四首

水退雙關淵山迴萬壑斜危旌臨赤斥古戍入黃  
花寧武有硃砂嶺黃花山雨雪羗戎幕關河日夜殲戰場何  
處是前路有啼鴉

遮羽紛仍亟籌邊制易迴萬深臨射圃月暗總戎  
臺時總鎮久撤賞薄誰拚命軍食不論材背城烽鼓發  
秋色萬峰來

戎馬何時息征鴻此月還邊陰生七較協鎮轄七路時缺人  
鎮道冷三關地僻風霜早旌移鎖鑰開暮雲河套

受祺堂詩卷十

接軍吏莫開顏

尚有開門老扶筇述舊聞烝嘗畱皎日逆成至關總兵周公  
詳遇吉同夫人死節有廟宇盜賊本浮雲閭外酬恩碣闔中殉  
難軍他時倘重過酬酒拜孤墳

文殊寺

苔雨遶高樹人烟集晚汀寺荒溝洫古山遶薜蘿  
青趺坐從初地高談有外經斜陽動河影飲馬接  
流萍

送約生表兄歸里

山日鳴班馬朋腸且在憐菊明人却去霜凋雁同

歸轉劇吾廬夢空瞻列岫叩北堂憶遊子重話一  
年違

九日

歲晚佳辰屈悲秋首重搔暗霜晴不斂寒菊老逾  
豪病骨增新絮離愁瀉濁醪故園諸弟在何處賦  
登高

九日席上

坐定風颺歇亭深樹色多僂花明代邸終宴劇吳  
歌畫燭霜前出浮雲日暮過天涯逢令節不醉復  
如何

受祺堂詩卷十

三

寄懷馬瑞圖

客路班荆日鶯花滿介休封書難一致論別忽三  
秋老託倉公術貧餘季子裘懸壺如有暇日日賦  
登樓

寄懷胡于野二首

未辨如何樹聞君此息機訣藏金石髓秋滿菱荷  
衣萬法無荒歲諸昆總少微久應申契約蹉跎寸  
心違

客老黃花日書傳紫塞風世難工霧豹吾已厭彫  
蟲樹靜流雲薄煙寒落月空異時須顧問真誥在

山中

葵

巨野泛晨颺園葵竟後凋露華融地潤霜色背亭  
遙壁靜分煙靄天寒破寂寥滌場朋酒近邠簫竟  
誰調

盆松

盆松儼成樹旭日透籬間幹已更新序根猶託故  
山雲霄無媚色雨雪有蒼斑石徑且如此柴門何  
日還

生壽子

受祺堂詩卷十

四

行年三十六舉汝未云遙歲月寬慈母高曾託  
聖朝秋雲開欲曙塞角壯臨譙子子憐羈旅呱呱  
慰寂寥從畱徐孺榻宛在伯通橋野興渾拚盡佳  
期必見招門懸弧矢得地託藻蘋饒喜附南征雁  
音書故國邀

十月一日

歲序看來暮羈心逐處更禰祠畱塞俗霜露眇先  
坐水落龍蛇迴帷深蟋蟀鳴連宵通不寐萬感動  
歸情

韓侯嶺二首



傍驛摩霄嶺樹深韓侯祠墓此登臨介山東望悲  
風合汾水南流倏日陰路人趙燕開赤幟時當秦  
楚朔丹心猶思猛士勞雄主野濶雲飛何處尋  
古屋荒林落照催高歌酬酒獨徘徊蒼苔印虎秋  
還肅柳只啼鴉晚更哀敢謂蕭曹皆有命愁同召  
呂一論才太史公云假令學道識於漢家翻可方周召太公之徒後世血食矣翻  
畱血食村翁社不爽明煙過客杯

西河訪朱學士二首

宛在河汾一水涯攀雲恨識史公遲深山節序畱  
三物類纂文明關四維隨地陰陰高朔氣有星夜

受祺堂詩卷十

五

夜字南箕蒲輪丹詔來非遠努力加餐慰所思

君初起草直明光

寧圖多難有滄桑藏身默注神仙話盡日恭

聞翰墨香一刺懷中漸滅久登階淚灑庭中懸楔有御題字正不阿四字御書行

答西河胡洞庭于野兄弟

西有美人汾之阿閒臥秋風種薜蘿雄辨炙轂仍  
不屑掉頭好爲白雲歌木落草黃雁南度青山萬  
仞鬱嵯峨我亦遺逸如河東雙屐蕭然悲轉蓬伏  
壯歌殘桃實冷不聞唐風得細風舊年招隱傳巖

下脫畧時賢天地空自此西河有好音胡家兄弟  
何森森迢遞冰雪睢上路苦寒匹馬託同心中夜  
到門呼季子朔洞猶隔水中止俄頃難弟起迎客  
一燈熒熒照左氏丈夫及壯不封侯有貶刀圭從  
九流對酒肝腸互激瀉人生何必接塵游別久絨  
書出長道橫汾秋色何浩浩寸心千里在團扇人  
與新詩爭窈窕努力君亮執高節幽期異時重藉  
草豈有延陵論世才當途不識披裘老

慰牧菴哭令子仲忽

西行霍太山忽得故人書泪痕盈其篋將發更躊

受祺堂詩卷十

六

踏使者忘所忌蒼皇說龍駒芳桂遽自殞蓋棺三  
旬餘馬上痛失聲書中復何如未能周四角流涕  
與之俱嗟我劉季子苦辛憶其初爰從板蕩來萬  
里將此孤伯鸞易姓名子美拚妻孥震蕩百折魂  
艱危九死途天末有遺恨塞垣殘舊廬幹蠱關嗣  
賢高眠乃吾徒嗚呼生如寄奄去命矣夫瑾露故  
易晞蒿里無賢愚之子雖短年令才早自殊著作  
儼成章其裴良不誣一旦罹此變存亡氣盡徂弱  
息方襁褓諸母總彫枯遠聞季也慟瀕絕而復蘇  
街哀應自慰兩槐隔江湖



高河曉發

水落高河冷風迴細路分晨光白于月朔氣凜生  
雲野集哀鴈雁原蒐過馬軍更誰翻戎角悲壯滿  
城聞

高河謠 并序

冬日曉發高河鎮

在山西平陽北門外

遇大風聞之

道中內易一字

出門風閉門住閉門不住吹拔樹

船涉里

魏文開國後遙築此河陰霸業盡流水扁舟遺愛

受祺堂詩卷十

七

深冰雲封古渡臘樹吐前岑定亦有棠碣灘聲何  
處尋

再經始祖公廟

象魏中天起蒸嘗歷代歸戟門開灝潔秋殿敞明  
威四裔機槍靜三辰貫索微契夔安亮采虞夏並  
垂衣翠露浮階出晴霞抱檻飛分祧宗汗漫賜沐  
地光輝揆岳和衷久明良步曲稀村煙凝漠漠砌  
草發菲菲子姓懷先蔭征途老舊畿重來章服野  
未忍片雲違

關風圖詩題賈撫軍初度屏

關風開國說幽雅八百餘年傳赤社使君開府得

此邦那酒在堂歌在野流火授衣皆有時一日二

日公念之流膏播穀春疇滿雨我公田及我私黃

鳥睨睨日初旭陌桑初青多好枝載言采采費白

日爲製公裳兼文質取狐獻豸復何爲炎葛雲裘

傾所出烹葵剝棗歲將晏室處融融天始旦父老

相對爭致辭勞來集流比鴻雁幽人戴公歲月長

載負朋酒牽羔羊稱彼兕觥躋公堂那風之圖俟

高張祝公萬壽以無疆

關風圖詩題賈撫軍初度屏

受祺堂詩卷十

八

尚書賜履舉封雄壯畧清時倚令公坐關文昌連

閣道年追地節轉鴻濛烽銷夜敵三邊戶麥秀春

生萬馬風莫訝鄉賢皆子舍後車兼託大司空

關內河山古上游建瓴天半坐防秋中丞四路瞻

孤節大將前車控八騶長有歌鐘遲戎景不教征

鼓勦軍樓承平自得遊遙撰夢裏飛熊渭水流

關風圖詩題賈撫軍初度屏

車旗冉冉動朝暉道路傳君下釣磯閑燭時連青

杖發賓觴故逋白雲飛梅花犯雪長盈樹柳蒞偷

春漸撲衣無那東征邊馬劇嶽門回首夕陽違



西別張都使鹿洲

一別蓮峰老歲華歸來風雪帶邊沙客愁俱脫金  
吾舍春興還遲澗水涯時有酒樽開幕景更勞車  
馬出高霞青門莫訝侯非故更欲爲園學種瓜

柬何少叅雲子

水部風流壓二京分藩關陝待澄清烏臺焚草江  
湖出紫閣驅車竹樹明最喜狂歌聞几案頻添野  
屨照簪纓異時宣室終前席不但書傳柱史聲

葉太守葺關中書院成授館羣賢有京兆人

文之刻再奉此作

受祺堂詩卷十

九

海內兵深春色殘風雪忽有故鄉看稔聞治術歸  
神爵何意人才起建安高閣靜流霜角苦大屏時  
敝翠微寒自從藏却龍門記今日名山許並刊

贈賈撫軍膠侯大司馬

秋色臺門抱日青好音西國見榛苓四關三輔新  
承制清雒洪河舊樹屏靜晝賓僚簪有盍豐年黍  
稷祀惟馨從容報國渾無事不用天山遠勒銘

先寄祺公先生

三關玉鑰近皇畿得向高牙倚霽暉詞客共成流  
寓草戎雲不動有公憐霜前故國傳魚至臘盡雄

邊有雁歸莫對齋裕懷抱膝授餐終不愧緇衣

白制軍授官銜奉詩致慶

時兼奉  
山石

河渭膏流四塞通紫泥遙錫萬年東籌邊每注美  
容露入部還高嵒蟀風久冠旂常追赤舄新加保  
傳逮青宮欣聞作頌盈遐邇更藉嘉謨啓聖聰

答曾大庭聞三首

橫槊蒼涼落照微故人顛顛出柴扉別深都覺顛  
毛換貧極猶甘薄祿違五岳藏身隨馬首十年經  
世有漁磯不遑細問西歸事行色憐君淚滿衣

酒泛秦宮悵別時瀉瓶無復辨澗涵朔風空下泮

受祺堂詩卷十

十

雲嶼南國誰高宿鳥枝將理敝裘凌積雨更貽團  
扇把新詩高堂安穩諸孫健羸馬冰天任所之

秋聲最是旅人饒夜月迴頭塞北遙雨雪初歸居  
未定風塵遠出晤難招大書頻動占星管

時書星  
屢見

同學多聞背郭樵咫尺一牀傷契濶消魂何必霸  
陵橋

題楊虛若肅人冊

暫求遺逸傍城隈公路無心幾溯洄並說閨賢敦  
內則誰非人子廢南陔乾坤久失先雞賦里巷羣  
推疏鳳才阡草青青臨夜月幾時衰郵樹泉臺



太乙天高雪嶽斜，盡儀多帶五陵霞。異時猶欲分  
鄉望，逋客還能敘世家。南鳥自鳴江畔侶，北堂時  
茂寢門花。哀詞亦可酬高節，夢閣茶燈對莫嗟。

答廖劬鎬

得長安十日停，翻隨城市問林坵。應憐暮雪迷  
樹，頗喜高齋掛蜀星。戶牖長含華蓋紫，琴書欲  
度亂峰青。愁來最是催驪曲，班馬蕭蕭不可聽。

呈戴十

時在外舅  
葉太守署

望升州雁足音，濶懷翻自故園尋。幾時花雨催  
朋酌，前路霜燈劇去心。夜色潛隨西岳轉，晨征迴

受祺堂詩卷十

十一

與朔雲深簫聲欲問秦臺月，引領關門玉樹林。

晤華州王刺史文韓兼憶西陵諸子

歲暮孤城朔氣吹，臨觴忽喜對寒帷。坵壇吳越存  
無幾，風雪乾坤起傍誰。別路雞聲橋外度，寒宵馬  
耳月中垂。更憐僕僕歸塵急，岳樹難教曳屣隨。

答韓二溥其

征人霜雪見歸時，路傍南山憶采芝。未信高歌參  
晉乘，還求遺矩正郊詩。向來交契存無幾，吾子園  
塵過自私。去促不遑重握別，好將瑤草寄相思。

呈鄧明府

還家一夜卽垂鞭，近倚朋暉過奉先。雪盡青疇吹  
細浪，春明粉閣帶疎烟。離騷詞出三湘客，列傳人  
遊兩漢年。已醉邑中桑落酒，兵厨欲乞阮生塵。

別表兄石太守

結髮河山誓所知，天高塞遠前期卽。心非獨敦  
中表，揮涕長能慰路岐。五馬行春南海濶，三關負  
米朔風遲。于今漸老情難遣，不覺凄然念別離。

再答葉太守

旦日裝成過郡門，還勞尺素問寒溫。清暉自我推  
羣從，曲讎於今到別樽。共矢名山無溢語，方知國

受祺堂詩卷十

十一

士有殊恩何時遠，築依劉社南雅西京座上論。

答王伯佐從遊

岳路遙連漢時平，王生束髮早知名。自云欲上傳  
經閣，相許同舉出塞旌。戍鼓寒催歸夢斷，邊霜暮  
點鬢華明。疏山導海原吾事，况有尊人綰帶聲。

集港公精舍

外家村郭倚招提，重過林公已杖藜。步履多年留  
想像，圖書到眼助悽迷。當門雨傾槐根出，遶徑霜  
垂菊樹低。竟日諸賢歡對酒，不堪迴首暮雲西。



寄沈逢溪先生

繫馬青門日暮暉蓬茅愁道片雲歸亦知高士逢  
迎拙何論旁人視聽違最苦邊風吹五柳將攀客  
宿挂三微刪經正雅年來意忍使者儒過從稀

再過朱學士滄起先生二首

太乙高暉觸序遷西河重闢授經年側聞禮樂歸  
先進兼蓄圖書啓後賢賓豆每盈恩賜几日華時  
出御爐烟何由遂着登山屐卻假春風一扣禪  
瞻岳人知霍太山漫隨崇替憶朝班蒲團靜迓溪  
雲落草閣晴吟谷鳥還學到中孚通物候霜繁正

受祉堂詩卷十

七

月念時艱受釐何日詢前史惟有汾陽老閉關

又寄朱學士二十韻

客路河汾劇高山憶采薇上公常老健吾道嗣聲  
徽雨雪巖棲穩雲霞帝夢違牛車投別業雁帛滿  
禪扉聖塢三車度離城萬事稀秘書供杖几宸翰  
接庭闈半世甘茹藥先朝早賜扉傳經青火見給  
三司領海岳遙尊齒乾坤此息機冥搜真諦得  
頓悟幻緣非結想多遐構暫賓或近圻自憐行役  
豈時冷讀書幃落日空回睇辰霜每薦腓羈愁隨  
隴月雅頌本王畿卜築承相引張帆去若飛焚魚

名益著辟穀邀仍肥野宿連東井鄰躋遶少微行  
輪徐轉磧敝棄爛生輝暫飽伊蒲饌遲招舊史旂  
起居上春酒看壽正同依

壽先生二十韻

海內求遺逸如君氣獨豪名成即位晚地接少微  
高已往紆孤憤相逢遽二毛征途霜露浹歲事豆  
邊勞夕宿惟瞻斗晨征遂渡濠荒宮歌黍稷列廟  
達烹蒿入世仍嘉遯同時仰勁操尚懷遊岳志不  
問過江艘道路隨緇帙乾坤到綵毫丁年無曠日  
乙夜有然膏竟登三吳幟旁垂兩漢濤經邦籌利  
疾好古博風騷負版懷天塹班荆樹塞壕亂離途  
迴別居處淚長翰暑雨雷深苑宵燈對濁醪披颺  
同束帶兢爽各舒袍隱德初吟橘冰盤款餽桃幾  
人同炯炯天下久滔滔晚暮聲華盛滄桑寵命遭  
紆衣如許獻堪比呂虔刀

送馮恒山侍御之荆西少參任

姬轍之東失王觀以風易雅風斯各薄海殷憂半  
注荆中原好會同歸晉緬自文襄闢霸略當年孤  
趙聞高論帶礪兼期汾水深旂常不忝太行峻琅  
琅麟筆託周魯奕奕鴻猷分正閏我來寥濶求唐



風蟋蟀淒涼不可問奚有美人馮直指二千餘禩  
興代郡射策早傳白虎通起家遂握銅龍印楊荀  
邈爾繼前步買董悠然垂大訓方謂金甌咫尺逢  
更煩白簡從容進帝曰疇咨爾太史明光未必窮  
其蘊繩愆糾謬資卿才折檻碎衣効丹蓋三吳北  
向已攢舸二月東巡又按山左請告暫因  
白髮歸匡時終爲蒼生奮何知轡轡長安陌驟雨  
浮雲難自信冠等業褒柏府綸外屏旋借荆西鎮  
質惟士論先繡斧故取邦華靖炎熾飛輓能銷庚  
公呵作霖遽使埏埴潤遺大授艱始終盤根錯

受祺堂詩卷十

五

節應游刃直從霜露賦兼葭造般敦梓迫困敦揚  
旌渾比雁門似閱武縱空魚麗陣風高日澹驪駒  
鳴恥出尋常懸橐監賢哲許國無內外要當政君  
如堯舜

寄石崑圃表兄

飛蓋黔南處處兵海山遙對郡星明豈惟羊傳宏  
疆場兼信吳公表漢京孝謹能傳萬石譜循良足  
冠五溪聲歸來讀禮哀無次却感封書問北征

寄何泰藩

臨別臺門緩落暉霜天立馬忽沾衣已叨臺簡增

行稟兼藉牙符出舊畿東部星移河鯉至北原風  
濶野鴻歸更傳公譏燒春燭佳夕屏歌款少微

寄朱學士滄起先生

迴車流怨太行塵爲傍西河一問津隔代春秋瞻  
御筆中原饑溺走同人閭前致禮猶滌魏廡下爲  
備且去秦向過堂端披史冊從公欣觀舊絲綸朱  
上有先皇御製守正  
不阿字並示所撰制誥

清晏堂梅花二首

室撫冰巖入屏移玉樹開華葩猶草昧一氣自昭  
回戶牖朔風轉江山春色來龍雲愁望潤帝鳥莫

受祺堂詩卷十

六

頻催

物候他鄉易年光衆卉看披帷親雨雪邊楊見琅  
玕霽景留霜笛微芬落露盤終晨吾自省忍使白  
華寒

遙題黃鶴樓

仙人磯上舊樓臺亂後雙城望忽開更有朱甍凌  
斤起仍看黃鶴渡江來門高吳蜀紆雄畧地瀉湖  
山起雋才萬里扁舟如到手春風漢樹一徘徊

長至前二日同右吉

陪曹秋岳先生宿

雁門關卽事四十韻拈玉樹凋傷楓樹林



之句分凋字

使者歸旌近雲州去路遙部間催檝馬關下緩星  
輶折簡俱相及披裘各見招佳人蒙風契勝友得  
聯鑣野涸派溪水派音孤風深荻岸橋荒陴依職  
伐晚景媚漁樵漸蹴雙厓底平臨萬仞標羊腸盤  
紫塞塞音邪補青霄日暮冰霜積年豐伏臘調人家  
畱戎壘供帳設山椒惜別寒溫畧哀時比興饒安  
危寧異想駕馭不同條天眷乖西顧民生脫大僚  
時新推秦晉  
總制非人翻疑開府節只數侍中貂句國奚芳  
藹江雲竟寂寥先移浙  
督後改掄才喧此地授鉞憶先朝

受祺堂詩卷十

七

水旱紛猶昨兵戈鬱未銷廟謨多慘淡公等尚風  
塵事豈和衷得恩將使過要與情違坦坦物論付  
諸君半壁功誰就諸羌覺自挑和連猶舉火瀚海  
未通潮洽化同緣木乘除比夢蕉薄言秦鐵駟遺  
恨漢嫖姚時西塞  
有疆事撫跡懷難盡更端客重邀壺觴  
移短榻榮戟壯寒宵地隘霑行騎山高響麗譙聞  
詩矜越絕藉草出江瑤靜覺微薰轉頻添畫燭燒  
醉來吟不次辭去臥無聊素志蹉跎失朱顏積漸  
凋空餘餐菊蕊悔不學松喬已任顛毛換遑論髀  
肉消異方甘蠖伏吾道總萍漂隔屋分旗鼓開牕

通斗杓健兒村外宿飢虎夜深驕奔陸迴長馭和  
義近蓼蕭臨岐愁偃蹇後約待清韶執手晨光發  
登車驟雪飄他年煩太史永紀雁門朝

小至雪中同翁山自雁門旋郡

谷口千盤雪尋溪遠澗灣荒雞寒在樹猛虎夜投  
關草滑輪蹄阻水深羽旆閑明朝春信及虜發望  
空山

長至二首

雪色晨朝霽寒光朔漠生乾坤開萬族節序數孤  
城納稼農歌晚聯鑣獵騎輕閣東梅幾樹消渴比

受祺堂詩卷十

大

金莖

已有寧家使能無改歲儲經時懷往路至日見來  
書剝復蒼生極推遷紫塞初瞻雲到西顛孰與美  
人如

應州呈傅刺史二首

雄邊杲杲帶朝曦尺劍蕭蕭出雁門歲暮牛羊猶  
滿壑時平雞犬自依邨常山舊接雲中樹灑水新  
開代北屯爲憶邦君敦夙好已拚永夕倒清尊  
孤城回首傍寒帷鳳井招攜興頗隨客路不容秋  
色緩朋車應望好音遲黃沙遠抱三韓幹赤磧難



尋六代碑屬國朝宗瞻舊闕西巡不待岳門移

善哉行詠穗兩岐美曹觀察之政也

赤沙皆山黃沙爲田一作二停風雨時愆稅畝有  
常民力多艱相彼哀鴻弗集于垣膏澤是敷駢駢  
如雲布五千緡蠲租一年德音滂沛令如流泉朝  
行南陌鬱何芊芊昔歲哺糜終晨苦饑撫茲溫飽  
麥穗兩岐羞我華黍穀我黍階來格來同百福之  
基

又

甘露未爲瑞神爵曷云祥川岳儼效珍黍稷生馨

受祺堂詩卷十

无

香北遊過雲中寒日燦不光朔風勁如矢吹我征  
衣裳側聞海饑後否泰相低昂監司揭陽春用意  
滌繁霜四序方孔洽干城爲降康念彼嘉禾篇民  
勞安可忘

南池霽日靜含風碧嶂初開柳漸融地阻關河畱  
征舉天遲琴瑟慰梁鴻暮雲萬里江湖外春草孤  
城雨雪中已見吹簫虛幌合還疑陟此太行同

雁門除夕同兩舅氏表兄守歲

舊里陶潛徑殊方杜甫家羣居逢骨肉萬感集年

華關岳頻移蕭蕭戎戎未款笳旅牀寒不寐搔首待  
明霞

元日歲在癸酉協洽

客久瞻新序年增憶舊聞詩書容老學草野戀同  
羣水泮江東鯉是日得信天高塞北雲久不得石生消息同陳使  
君有春懷相對發一藉柏觴醺

正月初六日雪

春光半旬過詰旦雪霏霏獨立心同徹長吟興不  
違寒葩如競爽候鴈莫辭歸客裡愁行邁關河望  
積輝

受祺堂詩卷十

辛

東倪飛卿二首

積夢湖山濶逢君意頗長看花饒旅興飲客至空  
囊錦瑟寒凝雪羅幃澹觸香風流千載後顧曲有  
周郎

不遇安期子蹉跎鬢已華隨緣觀博奕翫世得龍  
蛇塞樹含新霽春燈逼暮霞願遊秦戲水攜手釣  
魚楂



受祺堂詩卷之十一

中南山人荆東李因篤子德著

效大雅文王之體賦祺公先生初度七首

南山孔邇春日載陽於維君子德音其明自貽哲命以保王家克旬克宣其美孔都

瞻彼南山春雲纚纚衰衣在堂侯樹屏之以樹屏之以公旅是庇眷茲多士四國亦庇

庇及四國孔懷胥淑其儀不遠德修有覺有覺德行令聞不忘奕奕來御辟公之光

憲憲辟公維嘉賓所止咸告其心凡今多士今之

受祺堂詩卷十一

一

多士秉德不易豈無遐心靡不思服

靡思不服受命自天敬承無斁爭致其身致魚匪

淵致鳥匪木士之方來維君之故

維君之故聿懷好音孰先孰後朋盍其簪維士有

本末潛修弗替薄言歸止各從爾類

從爾有類山川效之公其好我周行以導之有酒

盈缶有肴盈豆式燕且歌君子萬壽

送王瑤客二首

紅雲屬目歎蹉跎偶得烏衣慰薜蘿時向平原驅塞馬自調錦瑟佐吳歌蘭滋九畹春鷗細雪散千

林霽景多咫尺花前流覽及晨風夙駕意如何

翩翩曾椽起南州把酒臨岐亂客愁已許逢年省

知勇誰云濟世必公侯關榆遠帶盤弧發幕燭寒

催玉笛流兩漢才名推擇盡嚴津足老舊羊裘

贈哲祥刺史太夫人

向觀都水傳圖畫香難齊閣範瞻恒表邦風歷代

西跨鳬會一訣歸鶴不雙棲舊恨湘靈度新恩塞

月題和九時近瞻茹蓼竟如萸令子垂章服雄邊

秉介圭珍瑤調七進繡紱舞班迷憶昨趨長道因

聲過大隄白華真自得青鳥許同稽濁世希耆耆

受祺堂詩卷十一

二

深閨有杖藜悅筵春露迴朋酒暮雲躋稍待鶯花

合關苔送馬蹄

示方仲

高山採芝客及爾慰飄蓬野足三春水關來二月

鴻慶雲延阜樹清響嶺新桐願取蘭皋雪長滋蕙

帶風

送秋岳先生 齋捧

甫見還州騎遙聞出塞裝皇華承大典使節起殊

方角轉關陰潤風來岳路長霓旌飄野戍碧柳發

天鄉玉帛諸侯禮笙鏞左掖光九霄瞻鶴立三殿



萃鵷行燎徹春初霽鐘鳴夜未央惜惜賓座接冉  
冉御爐香大享登華黍都人慰熙柔朋簪時有盍  
拜賜鬱相望舊蹟浮雲共新恩湛露將感懷違瘡  
土回首憶殘疆俗慘無豐歉邊高正雪霜屯田何  
代問戰壁幾年荒薄海供飛輓長城遠屬羌吏疲  
功令密民散版圖張北陸新更序東郊早降康漢  
農須徧德幽酒乃躋堂祝頌尋常有安危咫尺防  
君行勤入告不獨賦長楊

蔚羅呈傅刺史時兼攝此州四首

馬上桃花客春風昨渡關垂裳思漢邸卜築問恒

受祺堂詩卷十一

三

山雪盡長堤麗雲生遠戍閒憑君加拂拭荷劍一  
開顏

請郡聞疇昔兼城識塞垣部謳三路迴朋酒萬家

繁時公舊治鉅鹿申州閉閣時棲鸞循陔只種萱

于今交黨接母壽在中原

慣出雲中道邊霜老敝裘斤鶯驚朔漠津樹逼皇

州日暖昨歌動川平牧笛流更懷千尺塔乘暇賦

登樓

頗喜晴郊色東來野興長歸鴻安落影嗔雀慶新  
疆古壁追秦帝雄圖仰趙襄自公雖五日應不廢

甘棠

喜王大令毓青世兄生子

毓青文端公孫  
吾邑明府公子

文端希世姿皎若雲中鶴六翮翔天表光輝振林  
薄申許既同時德音俱丕作至尊一垂衣宰執皆  
藏鏐中書疎舊輔萬事在臺閣嗚呼諫儲章銳意  
甘 壑獨立四十年傳家無遺業趨庭瞻象賢敝  
邑翁清廓公孫邁前訓苦節追茹藿起令天南陲  
殘疆成柄鑿海畔阻歸舟涼飈捲鳴籟一官不庇  
饑老入江淮幕乞彼升斗潤救茲轍魚涸頭白還  
故鄉箕裘憫零落含悲向同人撫事中懷思先公

受祺堂詩卷十一

四

多令德未得紹家學改歲攝提貞徵蘭諸風約方  
在襁褓間偉然瞻頭角入叩相君祠蘋蘩欣有託  
它時奮竹帛世史光山岳

贈彭進士哲人彭高祖向爲白水令客秋西

行得入名宦詩以美之四首

避地吾安適東征得蔚羅將來秦壁壘不辨代山

河塞北羌戎近天南鼓角多清商寒舊曲爲子一

高歌

客裡聞聲藉春來把臂初壯遊夸季子多病惜相  
如暖日鶯新至微風柳半舒郡君甫投轄歸路莫



躊躇

汝拜先公邑曾留故國關丞嘗分白水僕馬徧青

山學拙才名滯時危處艱亂餘荒祖德相對鬢

毛斑

藥裝愁難開濠梁興不齊漁燈邊外少獵吹水間

連風願垂名岳朋儔阻大隄還期投別賦早過雁

門西

答杜二蒼舒

河山風高阻釣綸隔年書札悵離津長教五岳留

羈旅偶得雙魚報故人蕙草未寒焦穫月桃花空

文獻堂詩卷十一

劇杜陵春時卻逐青驄去樽酒狂歌託後座

夏日清晏堂小集二首

地敞移清陰簷高敞暑暉悠悠關樹發袞袞塞塵

飛一勺沾行潦羣公滯采薇中原雲漢曲半在釣

魚磯

日對時艱劇誰論旅興孤藥欄春自瀉枰籟坐同

蘇冰生歸京簾江山啓畫圖時文石臥遊平意懶

忘却征途

呈汪元直

青門逢二妙本是竹林行別後音塵隔春來道路

長看花重對酒作客共懷鄉得逐扁舟去嚴溪興  
不忘

又呈文石

宿昔長安道憐君數過從羣賢方邂逅斗酒亦春  
容忽冷秋關月遙探夏屋松自今雙屐齒湖海任  
元龍

喜雨

待雨春來迴茲辰始沛然全移三晉色半獲九農  
年砌草延漚聚池花激浪圓故園消息隔搔首暮  
雲邊

文獻堂詩卷十一

挽至真上人

柏林西退院疇昔共經過絕境愁拚飲諸公嘯也  
歌舉簾春磬發倚杖暮雲多不見開山叟題詩帳  
薜蘿

同帝臣公履憩子洪謁漢前將軍廟

閣峭拔雲起槐高落翠新大風吹舊壁宗國對斯  
人水驛斜趨路山城忽滙秦兩君皆征鞍沾細雨

一洗馬蹄塵

表兄田民部陞福建督學

司其新報最授簡出明光陸海三秋色圖書萬里

累起仍求漢紀聞已載周疆聖學遙相視經村萃  
未央塞帷尊節振藻肅王章露白江雲迴天清  
驛樹長舊京推縞帶南國過甘棠盡攬榛苓什遙  
瞻楓樸芳賀鴻歸此後朔鰓溯何方倘有懷予曲  
春風好寄將

再送表兄出都

水落風迴黯去津秋清霜白度征輪堂堂久識田  
京兆濟濟爭推漢使臣邸月漸隨星旆發樓船遙  
望玉書新海濱自昔稱文獻爲購遺經報故人

送我寶舅氏從表兄督學公之闕

受祺堂詩卷十一

七

客歸重接帝城邊行李飄零憶舊年露濯瓜棚留  
代馬霜清水驛散江船早鴻坐見他鄉至秋月遙  
從故國圓萬里加餐須努力提攜自有仲容賢

喜鼎甫先生自司農即拜主客大夫

好音天上至流霽發高春每念年勞合新瞻御氣  
濃容臺題漢柱典屬託秦封萬國車書賁三春玉  
帛逢臨郊權委積倚闕會芙蓉德自彰柔遠威兼  
馭折衝到時留屢譯歸路息嚴烽竟致恩輝著長  
教拜舞恭泥箋頒戚黨草楊桑晨鐘欲復羸糧去  
應須問禮從羈懷開朔漠別恨慰秋冬憶附蓬麻

晚會吟爲臨重外家紛與雁先子共乘龍劍佩相  
欽接其裘自顧情清門依舍邸永日得從容案疊  
宗臣傳簾侵閣道峰高會垂步伐海岳敘敦庸輯  
瑞皇興起披圖絕微供羽階寧數日天保正如松  
頤協先朝矩仍爲大秩宗

寄何山陰其人

作客風霜老慣經吾侯虛館慰飄零暮雲西抱河  
沙白秋色東連塞樹青時見彈琴開野嶂故須驅  
馬上寒星落英早釀看山酒迢遞賓觴倚翠屏

九日清晏堂同諸子作得清字堂字

受祺堂詩卷十一

八

雁門起歸雁霜後下關城令節每難合醇醪須盡  
傾屏臨秋樹爽曲寫暮山清詰日雲中去愁聞征

馬鳴

時已霜降

使君行有日時陳使君諸子遠懷鄉聚集復何地

裁缺將歸

笙歌猶此堂雲來西北紫菊自塞垣黃預苦晨風  
急天涯別路長

傅應州席上喜晤閩古古先生二首

北斗壺漿晚南箕劍履新地高霜漸重天濶雁初  
賓老眼驚離合狂歌慰苦辛溼陽賢刺史西榻待  
遺民



不落鐘聲近幃寒燭氣流美人寧易得班馬欲重  
留月緩黃花夜天分縞帶秋中原多戰鼓逸興在  
邊州

太原別傅郡丞潘臣三首

入代惟飲歸秦始末裝客途楊柳落官舍菊花  
黃  
聞新政驅歌遠故鄉塵襟須一解此夕奉  
琳瑯

漸出橫汾上遙臨太霍低依風遠塞馬帶漏促晨  
雞朔上愁冰雪西征問鼓聲長天新置戍候火萬  
峰齊

受祺堂詩卷十一

九

蘭杜初遙集車旗欲暫分誰能論邊事勿復考星  
文鴈啄諸屯柳笳吹絕漠雲三關兵馬地轉餉正  
須君

時傳將移代  
州治權歸

祁縣東王梧音大令四首時予攜家自雁門

歸

漢史循良傳如君豈易求九農開吏業三物轉皇  
猷舅犯宗臣里昭餘沃野秋歌盈耳得及見此

風流

波美懷王郭潛期與二東滄洲多築隱白社久飄  
蓬文獻羹牆內園林節序中茲遊初念愜宛爾對

羣公上李安郭宛委東雲  
騎雲雄俱華州人

杜甫攜妻子孫卿戀酒杯新從荒塞至遠為故人  
來落日賓鴻合涼風去馬催岳道何處是乘興一

登臺

早成連風雨秋城似畫圖忽陳青玉案徐點紫駝  
酥露林沾新醖盤珍飽衆雛况聞戴安道高臥亦  
吾徒

戴仲人

安邑過趙大令講村兼問六茹起居

徙倚寒林霜漸濃看花却到夏遺封春畱陽月遙  
聞鴈地接中條喜種格齒渚久連三輔躬嘉禾新

受祺堂詩卷十一

十

起萬家春聞君頗洽青藜客不必膺門峻似龍

解州別刺史

春風曾憩五原棠五馬如雲起解梁座對河山鐔  
易綠筵開冰雪菊猶黃北征已任塵裘冷西去遑  
論驛路長欲展別懷應盡夜曉歌遙入首山陽

雪中過金湯先生草堂喜次即正始補弟子

員用蒼舒別駕韻

仲子嚴廊器初通博士家相期矜晚節獨喜榮晨  
葩市得逃秦壑天垂訪戴花娛君羔雁入足老故  
侯瓜

贈孫二謚生前督師公子

無衣未敢賦秦風感興懷交寂寞同忽有故園逢  
勝友遙瞻遺烈泣先公棠陰徧載諸屯樹桂醕空  
陳百戰叢頗喜外臺能庀客脂車徐遣鳳毛東

送母姨夫朱公之海門任

冰橋初泮起征蓬沸雪開樽半畝宮四牡街恩歸  
嶺外雙鳬如鳥渡江東津亭早柳迎年碧水國春  
花到日紅守令漢家風格遠循良多在建元中

易公出語錄有贈用何大玉其韻

支許風流遊所思倦途舍此亦安之空花寒帶蒼

受祺堂詩卷二

十一

烟色獨鶴春留白雪委興至每能垂妙諦愁來時  
復見新詩虎溪明月長松道爲愛陶潛醉不辭

送表兄崑圃之楚時予亦將出關

春雪霏霏柳色黃送君正月下郎襄長風破浪還  
千里匹馬傳經且四方邦教比鄰爭託蔭使帷南  
國爛生光最憐慈母俱頭白歸路無沾海岳霜

張太淑人挽詩四首

匹練青門起哀歌渭水南臨風攀朔祭秣馬望春  
嵐野潤乖婆婆天長失襖舍關河堪信宿不敢復  
停騶

肯作尚書配名家萬族師騎箕曾不待斷杼復何

辭北斗冠簪接西陲駟駟資只今傳閣教諄切大

歸時

祿及承歡久恩叨扈從深几筵開累夜簫鼓動悲

吟置絮寒疑雪揚旗劇若林何煩咳黍詠自洽廟

宮心

屢過金吾舍徽音次第徵母儀交黨合門閭里人

稱紫幃陳蘭蕙珠煩雜燎燈更須旋輓日重理素

車乘

王四青巖索子詩作此寄之

受祺堂詩卷二

十二

自昔桃源曲孤高世罕聞春風吹錦帶忽向五陵

雲細雨花微解疎燈酒共醺北歸判車馬回首惜

離羣

梁幼春太翁七十詩

舊史尊黃髮高山見紫芝世家懷彼美明德足吾

師日求豐岐路天留畢散姿落花圖自出春草興

同時几杖銜恩下笙歌罄夜滋慶雲延子舍霜簪

庇孫枝表冠諸公目裘宜五絨絲比年光罔命他

日續幽詩已擅庭闈齒長迎步屨慈鄉鄰瞻斗極

岳收待疇咨攬揆知無限承歡總在斯於今天下



父萬里萃明厄

送子經懸壺池陽兼寄兩城兄弟

三月清河曲桃花暖正開流鶯啼不住已過石橋  
來劇飲懷諸子能詩有令才君將仙掌露好泛上  
池杯

哭五舅雨我先生二首

客傍湘花冷歸連岳樹長高歌攜錦帶縱飲易雕  
梁蘋藻初聯屬圖書畧喪亡終憐赴蒿里咫尺是  
他鄉

朝日旌竿山悲風總帳斜斂愁看粉黛垂老問丹

受祺堂詩卷十一

三

砂賓客稀新壠聲容減故家渭陽情不薄臨墓一  
長嗟

過元直村居二首

樹隱柴門逼村荒版築停寒春臨野水老友遘晨  
星隴日娟娟白林烟漠漠青諸郎擁岐路繫馬向  
郊垌

去國十年別懷人三徑遲鶯花遠夢雞犬恨前  
期微冷陳琳草書畱郭璞碑客觴能不竭斟酌醉  
東籬

哭杜二蒼舒姻家二十韻

河北聯鑣晚荆西藉草多何人工緩帶得子勵狂

歌短巷輪蹄集清秋劍履過締歡恒在此灑淚復

如何薛正懷初服鸞鳳仰舊柯杜祖母出素藩徽音三堂

賁湛露百年和託蔭無凡種掄才試乙科趨庭嘗

捧檄上酒輒鳴珂白雪推先步朱顏竟後酡曳裾

西華府飛楫渡江河謀野交相企名山志不磨裴

成臨粵嶠賦罷接湘娥絕域初安壘中原已臥戈

結廬身感激通籍事蹉跎服食終難據岐黃每易

訛吹篴悲急管倚玉媿滄波杜兒坦子婿緬想盟車笠

微動附鳬蘿死生同逐電日月迅地梭細帙容披

受祺堂詩卷十一

古

草帷堂欲種荷存孤諸弟力老眼慰婆娑

呈侯七少文

客從好時來雲滿慈我路洪川相逶迤峻巘自迴

互晨鵲鳴前林寒花發幽樹臨水一褰裳中流仍

卻步鬱鬱懷舊歡遙遙感佳晤浩蕩無他適沈吟

惟子故豐體亦已陳清歌縱橫度割鮮競飛霞和

乳凝垂露密坐忘冬威欬觴俟日暮氣靜何可攀

談深不能去驪駒劇歸塗白月森積素相將皓首

心情比金石固

東侯昆池守簡



城闕雪後漢隄清閉閣開蟬晚照輕竹爆塔除供  
乳瀝花分盤豆薦霜英傳家自秘西臺草報國能  
分左較兵晝漏已沈淹客去臨岐轉見故人情

子實齋中賦二十韻志別

自取郊原別難將客路通關河驅暮雨僕馬戀春  
風過塞愁無次登山興不窮持裝何瑟瑟罷酒復  
匆匆遠去渾沱左徐如泰岱東瑯戈殘野戍茂草  
鞠遺宮托賦要皆失寒雲各有工舊京吾子在高  
唱幾人同皓首期偕隱泥塗媿轉蓬旅懷寒燠凋  
歸旆霜粉棟瞻新構黃花長故叢沾衣悲老

受祺堂詩卷十一

五

醜把臂慰兒童勝侶淪亡半欬嚙徒倚中楊懸思  
宋玉時子楨下榻燈燼接梁鴻木天伏讀清歌穩  
從麟綵筆雄源流終出夏感激近臨戎子實從歸  
亦有征鞍作頻探邸笥空遲回謀獨夜齒莽謝諸  
公報玖矜心賞聞賴耳聰倘能超著述終欲就

崆峒

稷山呈父執孟大令溫濱先生

鴻鵠厲毛羽高舉凌蒼昊生平懷五岳蓄軫慕先  
民一爲諸侯客羈縻向風塵香草日銷歇故園空  
復春束裝歎道回首涇渭濱祖德邈無述父行

存幾人孟公廟廟器吾虛稱比鄰憶歸博士籍名

與先子均試率得畿邑丰姿超等倫安居租調畢

頓使光輝新有邵起農官皇古開艱屯遂移鮮食

災嘉穀蔚然臻曠代接循良先後如傳薪按圖求

播直遙爲堯舜臣賤子賦晨征砥躬思依仁東瞻

汾水曲欲發仍逡巡自顧行役久羈懷鬱難伸恐

失趨庭步殊慚題鳳晨嘗聞列侯盟匪但謀乃身

所愛推後嗣聲情亦彬彬驅車事遠遊春風多苦

辛啼鶯坐高樹落花明前津意將稍休沐素心可

具陳叨承規誡及僣僂一書紳

受祺堂詩卷十一

六

稷郊卽事再呈孟公

久向關門出河汾一徑東穰花迷曉嶂霽日媚春  
叢帶郭看耕滿前山置戍通淵源幽雅得不獨賦  
秦風

水磴代州西郊

近郭林塘好尋聲倚澗隈落霞連遠樹寒日浸叢  
苔暗激風輪轉高翻雪浪迴晚涼鷗鷺浴看慣不  
相猜

冬夕集尚友齋

塞菊爭歸幕盆魚薄斂冰緩觴滋永夜羣英撼疎



燈醉道羈愁盡寒催戎角增不須江上雪來往與  
堪乘

送楊鄂州樞部使安南十二韻

左掖催裝日南郊待命秋邊夫奮師武疆事託懷  
采閱閱從人見賢勞獨汝優宣威推壯畧息戰未  
嘉猷衮繡尊榮備笙歌宴接稠飛航輕萬里叱馭  
過三洲霽景沿途潤蒸雲觸暑流嶺南遙繫馬江  
上幾登樓微待相如作檣無博望浮羣疑當自定  
細故不相求覆轡要荒合車書海岳修明年歸書  
省特進慰同遊

受祺堂詩卷十一

七

送張彥若歸西湖

武林好山水湖上憶垂綸安得弄輕楫放歌楊柳  
春繫船何處路揮手去時津黃鵠秋風裡相思寄  
白蘋

夏日芝麓先生招同伯紫

諸君夜飲西

閩州後追憶前遊奉寄五十韻

舊國躬耕子述途旅食年攀雲寒倚代被褐老遊  
燕邂逅朋簪盍蒼茫谷律遷昂琴空復碎墨突不  
更燃土論歸肥水收車比渭川政成湯沐得人與  
薛羅傳散帙滋佳興催歌罷獨眠微風將進酒烈

日暫揮 汎愛存疎豁幽期許接聯龍行朝獲命  
酬別暮張筵遂倒宗臣屣親施野客羶低回趨右

楊鹵莽愧諸賢聖淵炎輝閱簾深爽氣延舉觴霑  
急雨題柱識雄篇翠竹重霄出紅蕖一色鮮鳴蜩  
藏時時宿鷺託娟娟蕉消甘無似梅新摘可憐晚  
晴窺錦幕餘溜灑香烟故濯高蟾厲徐從列宿妍  
塵埃清玉塵蠟炬肅金蓮側聆中台畧旁詢絕域  
驢地猶隆將帥時未息戈鉞歲賜股常稟州圖減  
備員披枝根本及拯溺滄溝先屢變今仍爾丕承  
古有焉頌宜師簡靜兼欲破拘縲宴客何由悉榮  
枯莫具宣長衢嘶塞馬滿篋耀吳牋觸暑愁裝遠  
衝泥任展穿通儒多削跡直道罕隨肩縱目平原  
左沾襟渤海前滄桑畱故事麥黍問遺阡邱樹摧  
爲壁村春刈人泉遺懷增徙倚消渴致迤邐忽降  
空階露頻疑早樹蟬旅牀涼易覺征橈敝相緣暮  
景河梁滯羈思漢時牽鼓鞞驚伏枕冰雪遠垂鞭  
作客尊羹却還家土銚懸蓬蒿難久臥羽旆只孤  
舉築障烽臺迴吹蘆牧豎連荒垣申夙契夕靄戀  
遙天東望西山麓春辭夏屋邊笙簧交未冷綈紵  
暮逾堅在野甘常分瞻京亦偶然溪岑隨處發龍

受祺堂詩卷十一

六



月幾回圓每憶登華省曾勞下市塵將求方外藥  
薄治美陽田粟里時拚醉桃源昨覓船公如惘寥  
落應不廢周旋

夏日過紀高士伯紫齋中留飲同 三十

韻

紫陌連宮樹清波繞御渠偶拚炎日飲閒適故人  
居對客衣新着經時髮未梳微雲生遠樹美蔭託  
空除頓使清狂倍偏宜獻酢疎得明猶夙約高興  
亦吾廬水近流颺換沙明落翠虛碧滋承細草丹  
華鮮菓暑淨蟬蟲末凉分枕簟餘莎雞飛怪惚

受祺堂詩卷十一

九

暮燕語躊躇竹下堪時剖篋中已判儲調冰浴乳  
酪哀露走江疏坐歎風前靜愁吟醉後憶物情紛  
可見吾道復何如慶匪彈冠日方須碎殺書衰顏  
惟感舊薄俗競移初屢睹中台圻懸疑壯畧舒德  
音翻自阻嘉會幾連茹漢節移關塞秦綱委吏胥  
未窮東蹈後時予將有山左之役猶滯北征車倦翮羣相誚  
孤芬世所祛鼓笳進斷壘榛莽遺墟執友多逃  
物狂歌並起予談深飛鳥度酒罷夕陽徐去仕瞻  
空濶行藏信拮据壯懷嗟已矣羈邱賦歸歟在野  
甘垂釣爲園欲鉤鋤豈無春并發遙及暮霞嘯詰

馬臨岐 濕初 煩人素應得到樵漁

寄懷大司馬芝麓先生十首

威有濠梁賦新採碣石宮春輝難自及野望忽相  
通荷木深留景高臺靜御風每多湯沐賜經國嘯

歌中

衛叔王司寇匡衡憲大夫當年傳慎罰薄海頌嘉  
謨列署祠陰輿中宵蠟炬孤至今焚草第帷幄擁  
冰壺

讀史 黃髮如公竟黑頭鼎彝初近御鸞鵲遠橫  
秋舞電 葆苒舸煙疎九塞樓帝鄉羈旅客長歎每

受祺堂詩卷十一

十

無愁

已接非熊座仍餘式燕杯江雲行劍舄省月傍蓬  
萊撫瑟清商緩懷人白露催更將前席意謀野問  
龍媒

世倚安危久身兼節制遙風雷迴秘殿竹帛在層  
霄野峻嫺稱兕遶夫競射鵬中書先有約獨紀令  
公朝

左掖含香後西池稅竹時白華明子舍青靄媚孫  
枝客追來聲約人歌既醉詩未能厭幽興關岳寫  
相思



白日五湖情風塵滯此行長衢春鳥換大陸夏林  
清谷口耕誰得關門隱未成微公懷懷抱那與盡  
平生

尚憶朝參簡曾無退食喧阮徐才並妙伊呂望彌  
尊雨送珠琴急香浮象簟溫翻疑新月皎盛夏接

江村

舊年同伯紫  
雨中集公宅

屢見諸侯士還從萬里歸乾坤存故舊草木共光  
輝旨酒勞相憶賓鴻數不違別深寒燠改終日首  
蓬飛

浩蕩中樞契艱艱故國身萬方清鼓角三徑託松

受祺堂詩卷十一

三

筠翠滿燕山路寒生易水津欲來觀振旅辭去學

垂綸

受祺堂詩卷之十二

中南山人荆東李因篤子德著

六月三日送

歸南海四十韻

憶聽驪歌急秋風起雁門傳書驚去住執手判寒  
溫暫繫長衢馬時聯永日鐔羈懷頻不愜往事許  
重論使節紛皆罷賓筵嬾自存邊禽無定羽塞草  
各殊痕稍喜游聲濶深防佩劍昏客途誰穩坐組  
暑爾長奔海畔將趨母山中舊有村三閭荆子姓  
五族漢王孫井稅先朝遺蹟思取家仍出  
塞圖徙正如鯢旅食愁妻子征衣雜蕙蓀塋會  
並席蒲葦莫移根自惜狂吟悞相期令德敦敝廬  
懷夙雅嘉樹記同捫北渡窺龍嶺南枝託虎賁好  
遊雖在眼溫清欲消魂遠踐平城戍重經廣武屯  
新詩滿閭闔執友佐饔飧水斥寒通邸桐陰翠入  
軒炎颺吹解榻驟雨落傾盆不肖追隨共群賢陪  
對繁滄浪終有待桃李竟何言世難今方亟君才  
衆所尊半生甘放廢他日任飛翻岳路愁來迴江  
濤夢裡喧空囊憐趙壹枉駕過陳蕃久客塵襟敝  
將歸旅興煩鹿車須對挽珠掌定高籌旂發瞻秋  
月裝成破曉暎徘徊辭大漠唱歎山中原到取時

宜叢竹堂高好種萱避人少醉賦隨俗祭雞豚豈  
乏彈琴侶應爲抱甕園慶雲多近谷奇鳥不歸美  
行役遲論復西南利得坤羅浮堅臥足莫更問桃  
源

同 懷思益病居二首

有客問飄泊如君良獨難病中時見道賓至必成  
歡雨濯藤根淨風吹竹徑寒佳兒分課畢努力一  
加餐

誰廣絕交論汝爲貧士詩白華西霽景黃雀戀高

受祺堂詩卷十二

枝契潤懷春日艱難入塞時漫泉多美醞重得慰  
相思

登代州白人巖因飲孫園十四首

即遠公初  
人遺處

忽有看山約將拚出塞時菱荷新上水楊柳欲垂  
絲別圃容相問平林信所之漸來幽興愜遙與翠  
微期

萬仞懸孤嶂雙崖劃一門好人在野春水自依

村雨走空天角松藏老石根危梯攀古洞彷彿說

桃源

石棧盤空曲阪陀歷幾灣峰迴蒼靄至雨過白雲

還瀑色空諸想首陰靜客顏漫遊多寓目羣屐未  
教閒

丈室何時構悠然對遠公捫蘿穿虎窟藉草逼蛟  
宮壁擁三關戍山和四月風且疑烟霧底隨手接  
飛鴻

舊史青蓮長宗風久絕倫猶傳南渡偈遂冷北山  
春六代如觀奕千秋此問津相看陶許輩翻是後  
來人

無著開山後披襟有碧峰戒壇山花雨恭聖制神  
龍共坐一拳石孤生千仞松御空吾在此天半識

受祺堂詩卷十二

遺蹤嚴有巨石相傳遠  
公與龍神奕處

只覺前厓好何人並結廬巖巖光倚薄香閣靜舍  
虛法境清涼外人烟戰伐餘因聲寄逆社吾志在

山居

恣眼羈懷放登高浩氣增日星更湧滌今古一憑  
陵木託經春鳥谿寒入夏冰坐移起長嘯多藉酒  
如繩

峭壑臨應得晴疇望欲迷醉無丹障險行與紫霄  
齊勾注并誰畫萍沱帶可攜山深桃李合終古自  
無蹊



頓使形骸細還思嶽瀆豪谷風吹日暖關樹入雲  
高避俗求佳藥藏身付濁醪誰知行役耳竟日抱  
松濤

暫集石林下頻叨新汲泉鹿眠嘉蔭足虹起夕陽  
鮮久客甘從衆狂歌怕碍禪惟應取書籍築室上  
方邊

鬱鬱辭初地縣縣過別岑興隨風詠逸歸踐薜蘿  
嶺角樵更負山梁雉擇陰躊躇城北路獨感鹿  
門心

曲通官道幽尋去復來故交連下榻良友共銜  
受祺堂詩卷三

四

杯隔澗蜻蜓過扶離芍藥開遊仙非易得馬土正  
徘徊

亦惜名園別難爲覺城畱平生耽野趣風好散邊  
州徑起河橋轉烟生隰黍秋詰晨征旆急何處仲  
宣樓

賦得故衣誰當補

故衣誰當補他鄉難久居日對賢主人將言復嗟  
吁彫飾雖細故夸修亦何愚奇服相耀異哉楚

三問

梁木天補安肅奉東五首

時子客  
保州

老臥陪京道新占列宿文卷懷餘泛愛發興有同  
羣古戍攀秋月長天隔暮雲除書頻在手一仗晚  
蘭醺

誦畱南國梁先爲江都令囊韃領大邦謂尊人醉從公  
讌遽歌指麗妹降白露遙通野青楓舊倚江日來  
鳬鳥跡猶向帝城雙

左輔才誰健南箕用久虛似君仍宦達懷古慰蕭  
疎酒劇兼葭後碣寒鼓角餘異時瞻叱撥應過寓  
公廬

自關中台路誰高左掖名邑令內權久不時方勤行近始復舊

受祺堂詩卷三

五

茂宰地復週神京旆轉雲霄合風驅駟賊輕肯  
要皇甫去郊郭問新耕

下馬長林霽開罽落日斜裝須連暮雪到及種春  
花易水清無滓即山燦若霞北征久顛顛天際望  
仙楂

昌平憶守陵侍郎朱公

朱子同  
里人

禾黍望軍都春沙帶碧蕪尾箕先正地朱平引劍  
歷朝途宿宇清乾嶽前旌撼鼎湖彤毫須令子不  
道客魂孤

夏日過德州程水部正夫招飲即席贈詩次

韻奉答

平原四望水爲邦萬艇南來接大江永日避人耽  
野釣炎天畱客倒清釭却懷良友愁無似旋賦新  
詩老未降愛汝竹林眠頗適鳴雞不上早朝廳

人先生繫  
濟南未去

早

經天占太白望雨畏恒風出納無前著安危若轉  
蓬魚藏荷苻末雀飲桔槔中壘畔頻回首淹旬落  
燒同

張孺人挽詩兼唁木天三首

受祺堂詩卷十二

六

淒淒霜露滿孤城蕙草先摧鳩自鳴粉旒畫簾秋  
在眼珠琴羅袂暮無聲披圖誤識中宵面伏枕遙  
憐故國情不擬返魂悲絕術依然華表坐調笙  
落葉鳴砧不可聞江長塞老恨平分中年哀樂催  
蓬鬢絕境炎寒瀉練裙野濶易沈關路月風高難  
駐楚山雲危樓百尺吹簫罷獨立蒼涼弔夕曛  
馴雉經年讀法稀援琴忽感雉朝飛陶潛彭澤風  
流遠潘岳河陽心事違旅邸珮環畱夢在關山冰  
雪伴魂歸虛房彼美珊珊立寂寞空愁明月輝

霍州除夕

踐霍嘗年事今來守歲除隔鄰通夕燎呼僕與盤  
蔬角壯河聲入城高斗勢舒故園已千里終夜獨  
躊躇

元日靈石道中

歲在屠維作禮

客路霍山外鄉心汾水涯輕裝逢歲逼短髮伴春  
蓬片坼明漁火亭空斂戍旗征輪何處駐獨與濁  
醪期

陳謫公招飲卽柬二首

遠託雲州契徐開易水樽深廬安背市稚子學應  
門夜安狂鷗息春融短矩溫綺牕須鳳仙纖手作

受祺堂詩卷十二

七

盤餐

席罷人初定更深醉不辭欬觴聞後約聯新  
詩月傍丹霄起香留碧露滋四郊轉明燭攀接任  
吾之

清明

北野逢寒食西山戀采薇駿奔陵邑近齋宿墓田  
遠地託蒼梧在天甯皂帽歸畿雲連隴月兩處淚  
同揮

題武曾弟灌園圖

誰家別構倚江濱薄采春蘭向日熏十畝未荒烟



雨色雙洲時見枯  
傳聲叢階苦竹交  
紅樹啼子慈  
鳥下白雲我亦北  
征違  
諭母艱難深媿戶曹文正時

表兄約生以書格壽母姨夫鼎甫先生屬子

題句

似見蒼厓上誰移彩棟中  
摩霄寒澗雨傍石儼生  
風靜畫徐樓鶴佳人舊步  
嵩君求廟廟具在野歲  
華同

舊年寧人先生以無妄繫濟南走書報我觸

暑馳視苦疾作辭還先生寄贈行三十韻

受祺堂詩卷十二

八

詩春日晤保州重會薊門奉答前詩廣五

十韻

臥病三秋色懷人五岳情  
涼颼吹夢起啄雀喚愁

生客返關中路書傳歷下城  
客秋有鄉人至自倒

衣初罷枕垂涕復沾纓  
巷伯詩難讀梁園獄已平

長吟歸黯淡別緒鬱縱橫  
憶折前津柳同炊古寺

道兼霞隔周行坎宮并  
莖萊矜野語虞美亂驚聲

已結海羣疑紛所出眾口漫多驚  
智勇微夫子艱

事先生田歆權江波大潯揚海汶輕

危詎此行奮身甘下吏  
易象繇斯助

騷歌比類明經旬  
喧地坡舉國巧天晴  
時地震節

至通嶺藥先生在新愁來憶弟兄  
曾要肝膽契况

泰雪霜盟草第虛炎月雲高隱  
暮旌能呼燕市酒

遙次薊門程戎角迷丹嶺河陰  
護綠衛崩堤頻淖

馬廢塢剩聞驚水旱憂事劇  
誅求條自鳴時道多

詩自有此邦哀瑣尾何室  
腰香橙觸目難俱述驚時

已漸更馳聞瀛瀛盡頗喜  
岱嵐迎膏沐誰遑理壺

殄欲就傾畏途晨上謁  
鵠邸夜班荆續燭探行筇

聯牀敞外楹年華窮不減  
日錄老逾精

恨失登山約嗟爲抱  
甕貞徘徊違魯則劉六新

受祺堂詩卷十二

九

能往邂逅合秦筆鄉人問天木閣彷彿滄溟峻泉憐

酌突清野突泉東狂濤終砥柱直道益崢嶸旅食

悲寒及歸舟阻潦盈依然垂棄去率爾采薪嬰左

次才彌拙西還意若醒  
貧非荒竹徑渴豈慕金莖

急難睽良友端居惕  
遠征寸心如渡落中夜幾屏

營自得分魚素空教怨  
鹿華川原仍獨往伏臘互

相衡甫定他鄉楊  
俄從上日航先生以二好音隨

杖屨佳會足公卿  
律轉堅冰解春迴早卉榮敏才

期近物逃俗勵修名  
忽復追鞭再還來過帝京每

集 248—569

詢邨邑樹誰薦寢園櫻時在清明進履馳逢石將詩悚

報瓊雅田關華好爲耦待躬耕時先生與無異有華山卜築之約

聞咸寧王升耳明府訃

每歎積薪在胡爲騎鶴還憂勞才自達閱歷政相

傳夕月空三輔春風失萬年向多陪飲眺遙灑淚

游溪

家書至却寄舍弟三首

汝病逢初可吾畏遠行過時書不到長夜夢多

驚淚漬秦雲合愁添葉樹橫他鄉遠慈母負米代

寄

受祺堂詩卷十二

十

忽有雙魚至遙憑一鴈看久貧憎藥直佳節強春

盤種柳陰初茂培渠水未乾辛勤都責汝努力自

加餐

大吏俱高臥西戎久晏然如期三月雨不失次農

田聞此情未愜能吟事亦賢草堂宜勉就音信欲

頻傳

寄漢姪

漢爾將羣弟年來始授書離家成久隔學句好誰

如院北移臺後齋東種桂初寢門時省視王母莫

教疎

集

隼翫摩雲翼駒憐汗血容少時觀汝志他日亢吾

宗綵服春來展蔬盤客到供也知書數字消息過

盧龍

憶長女

生爾如昨日八年看至今薜蘿嫻在野刀尺坐相

尋繞膝聞班誠因風想謝吟天涯搔鬢髮豈爲雪

霜侵

憶次女

愛女愁爲別衰顏鬱未開含飴偏注汝晴弄日千

受祺堂詩卷十二

十一

迴曉雪披襟見春雲隱几來班彪視兒女早有大

家才

憶壽子

壽子尤彊幹渠翁只遠方冶裝人共許頭角日相

望乳燕勤雙關征鴻漸一行回頭關路迴忽復歲

華長

遣悶

禿穎愁堪把鮮酥溢及脣文章誠小技飲啄愧高

人臥數紅渠日吟寒白社春遇杯聊復醉疎嬾任

吾真



機悶

偶立疎簷外微吟獨樹邊日浮滄海動雲起太行  
連出處貧難愜風塵老自憐栖栖一魚蠹觸類負  
皇天

王五山史絨芥片至却寄三十韻

渭水魚竿日商山芝草春幽期拚絕境夙好信斯  
人邂逅鮮虞外踟躕北谷濱定州古鮮虞北谷所出舊年秋於  
此遇五班荆酬契濶發篋照沈淪王山新作中有  
兄如京鴈避青榆冷蟬揚白露新獨歸瞻隴月明發送  
京塵惜別仍禁淚飄飄未覺報柴門園暮菊菊徑

受祺堂詩卷十二

三

瀉秋雲眼畔羌烽息年來吏術醇薄知築場圃何  
敢廢拾筠究苦征裘遠空悲旅食頻辛盤疎故國  
綵勝隔佳辰輦樹重連邸邸花各愴神五噫吾漫  
寄三物子初陳屢引中丞幕會聯大令紳新減半  
子雪霜班馬客旌旆擁離津旅病誰兼晤同心豈  
易伸倦遊迷所適高臥忽經旬尺素天邊剖筐篚  
雨後臻蘊蒸渾欲去消渴轉相親石乳清無敵江  
煙香絕倫採泉儲冽水活火致勞薪已愜狂歌興  
翻滋執友貧德音終愛惜賓寵必逡巡醉逐懷思  
減愁於去住均漢儒多萃闕周史暫趨秦定有登

樓賦徐看待席珍攀雲期奉母望嶽許爲鄰時借  
房曉仗時吹角涼風儼憶尊初龍潛勿用羽翼莫  
教馴

鼎甫先生鈔春秋意林見寄奉酬十二韻

攬鏡悲華髮開緘感素臣風隨天闕迴日轉夏  
衡頻芭葉熏彌曆松此鬱未馴摩空高鳥及適野  
片雲新偃蹇從吾道驅馳愧此身猶懷投轄夜欵  
有投書晨去路寒愁客離筵醉閱春秋猶徵朔馬  
節已傍筵賓只抱原思病應移孟母鄰遺經荒漢  
塚老淚託騷人坐惜瑤編贈難將玉案陳長吟酬

受祺堂詩卷十二

三

令德努力問前津

答沈司馬元錫見寄用來韻

長途樹色引春煙蓄軫畿西節屢遷眼底知交多  
去國懷中書札動經年風迴杏實青初聚雨過榴  
花赤欲然寂寞休文甘謝病西征幕府領羣賢

答文二黃庭川來韻時同元錫入甘撫幕

漢上趨庭始盡歡辭家何日渡臯蘭黃河故遶孤  
城出白雪時飛六月寒劍珮繽紛畱客易關山迢  
遞寄書難故林無恙柴扉好期汝遺經靜處看

再答黃庭



老向燕南旅食初故人消息杳吾廬三春忽有北  
來雁萬里遙傳西上魚易水悲歌頻載酒金臺憑  
弔久迴車卽逢楊監憐頭白櫂散無心賦子虛

又憶次女

掌上明珠笑語初踰年不見獨躊躇花深燕乳春  
窓靜大母惟中學誦書

雨

四月卽山雨沿城麥始華高齋寒竹桂遠水縱龍  
蛇忽咽風前角微聞野外笳羈愁清不減徙倚在  
天涯

受祺堂詩卷十二

東城下見新麥作二首

隴首朝來霽輕風拂浪新鳴鴈飛自喜語燕幕相  
鄰榆柳孤城色桑麻六鎮春保定地皆屬占誰憐過遺老  
感慨獨沾巾

顛顛還如此高田比異鄉夢隨青草變愁與白雲  
長井稅煩供給音書遠寄將幽歌天下好指日就  
歸裝

對鏡二首

客瘦從人覺朝來始自驚嘯歌虛少壯筋力負平  
生鵲傍初暉起花分遠樹明因風河嶽外寄語異

鄉情

絕境炎霜候先朝耒耜民祗應遊鹿豕未許畫麒麟  
野送浮雲色天廷苦竹春鬢毛吾愧汝衰颯竟  
誰陳

酬程五周量二首

契濶瞻京日淹栖度夏時避賢拚獨臥謀醉復何  
之老樹清陰足空階澗水滋還容分泌草別後慰  
相思

風昔傾程蓋乾坤荆楚才

迷方良夜雨

薄祿故人杯旅舍逢湯沐離宮入草萊前秋合歡

受祺堂詩卷十二

五

扇一傍月明開

周量賦二詩秋  
日書扇見寄

浴

五月初爲浴孤雲澹若無竹寒池上影松隱月中  
株散帶板河漢臨風憶舞雩颯然高枕得清賴北  
窓殊

石左函表弟舉賢書

卽山春樹鬱重重送子輕車上北雍旅邑別來滋  
過鯉晴光到日冠初格貌猊夜撤天門衛劍珮晨  
高御苑鐘北接村烟同自出攤書種柳舊相從  
三四青巖舉北雍賢書其猶子亦領關中鄠



薦

慈峨佳氣接函關  
灑酒臨岐雪滿山  
一上公車瞻帝里  
爭傳綵筆動朝班  
趨承三物銅龍下  
吟望孤雲玉井間  
小阮况能聯健翮  
高堂應爲破愁顏

贈新城宰王伯貞兼畱別三首

試宰畱畿縣  
當歌憶故園  
數承綦履合  
曾解紵衣  
淵閣屋初分  
命雲霄已拜恩  
看花秋色裏  
桃李正

時和試  
分房

里社竟何日  
吾交多此邦  
尺餘天際五  
鳧到日邊  
錦瑟銷銀炬  
清樽倒玉缸  
畿南暴風雨  
盡入灌

受祺堂詩卷十一

六

地帶

地帶關河潤人推布素  
豪謂令叔無異烏衣東國舊玉

樹昨階高岳路懷池館  
春風見節旄寒深歸馬急

別賦落亭臯

別張公子振六

徙倚東亭歌授餐  
慈虛積翠走雕闌  
青罇坐嘯兼

三益錦帶風流接二難  
歸望羽書秋日靜別愁關

嶽暮雲寒臨觴却憶樊川菊  
那得晴郊並馬看

母姨夫鼎甫先生擢川西觀察二首

霜深朔野滯歸人  
忽把泥書發興新  
落木三秋依

殿陛浮雲萬里接峨岷  
車旗直轉青溪色  
斧鉞重開白帝春  
自有雄辭楊馬在  
無令吉甫杏前塵  
淹畱即署跡蕭然  
日欵別車劇饌烟  
入蜀歲華延四世  
來秦旌節憶三遷  
花明玉壘關  
烽息雁過鹽川  
牧笛連那得輕舟  
就嚴武江村更賦  
草堂篇

菊

朔野歸來日黃花  
蔚歧時晨霜揮茂草  
宿露養深枝  
節序增畱滯  
河山託夢思  
有懷頻不歇  
幽意滿離天

寓保州聞父執孟公自稷山致政還里

受祺堂詩卷十一

七

聞說陶公散帶歸  
故園秋色澹凝輝  
徑花閒采長

盈掬溪柳新栽已  
數圍座上墳荒聽  
自好階前蘭

桂忍相違興來搔  
首東臯上太華  
晴雲點翠微

歸過雲中懷秋岳先生

塞草寒猶發春泉  
去不移鼎鐘孤嶽  
在風雨十城

知朔磧開樽遠江  
樓對奕遲幾時  
除蔣徑親看采

陶籬

清商篇贈汪二開美

江蘇人  
爲鳳翔

陶公不解律乃蓄無  
琴興來輒取弄濁  
酒時自斟曠世同  
子懷逢君亦素心  
臨風操清商數變  
舍



悲壯如風霆俱微如渠畧吟廣如萬幕騎幽如  
清秋砧繹如江海波餘如金石深涼颼蕭高嶺白  
日開積陰潛蛟遂辭經矯鶴胡在林四座屢俯仰  
孤城迴蕭森良久撫佳製路邦垂好音藏跌皆古  
王飾篆山兼金帝子及全盛分藩當盡簪緬然  
游藝日親勒大荒箴揭來四十載戎馬日相尋王  
室生禾黍神州哀陸沈簠簋無從睹細忽至今  
銜觴對落景漉酒盈衣襟我生既遲暮慷慨非所  
任願汝寶斯曲知希君子欽

贈于二密菴二首

于金壇人  
謫關中

受祺堂詩卷三

六

數雨將鴻急微霜縱菊開受塵那老成畱客強同  
杯逆旅吹簫日江山乞食才宗邦初邂逅各抱黍  
離哀

風好多淪喪高賢得放流葛衣曾逮雪蒿徑久宜  
秋屢過寒溫簡深談意氣浮忘情飽蔬食更喜接  
羊求

時諸子  
在座

答張都使夜集見贈得儒字

白日戎車靜青樽野興符賦詩存夙好分米共窮  
途霜樹花初發風雪雁正呼依劉自吾道此席盛  
文儒

除夕

歲在屠維作噩

守歲得歸人臨觴語笑新庭燎光畫棟砌雪斂叢  
筠老是高山客歡逢故國春幾回驚別緒團坐待  
明晨

此夕賦得四十明朝是

每抱無聞懼誰爲強仕時詰晨何鹵莽終夜幾愁  
客縱飲從村醖狂呼謂族師鄉居有真趣斗酒莫  
相辭

元日

歲在上章閼茂

客子他鄉至春風故國來曉山清積雪初日暖生

受祺堂詩卷三

七

梅谷拜煩諸弟驅愁仗此杯辛盤兒女共喜傍北  
堂開

送張侍御赴補還朝

嶽林春曉雪霏霏驄馬東來迅若飛渤海爭傳封  
事去端門久待繡衣歸鸞鳴閭闔瞻天表虎拜雲  
霄集禁闥擬向漢庭詢故實亭輪今復有光輝

送母姨夫南僉事之任威茂四十韻

旅拜川西節初傳冀北鴻安危排吏議保障出宸  
衷夙望諸曹選新恩絕域通趨朝人歷歷授簡事  
匆匆宦轍移傾蓋年勞付轉蓬遷瀛惟拙養益切



自孤忠客敘清首略天留拜塞功度支張國執文  
物彙臺風典屬周官古賓門漢制隆禁闥嚴鼓角  
仙掖迴梧桐柱表爲郎篆星馳出牧驄平時存杖  
杜吉日罷車攻載道樽壘集寧家劍珮雄采藻親  
薦廟衣袞類從東第宅晴光裏園林返照中歡娛  
春再得契濶歲相蒙積雪浮涇渭流雲點華嵩祖  
筵紛在野前部健臨戎露冕頭猶黑褰帷色正紅  
輕輅開石棧畫旆拂霜客舊武承邊及長才喻蜀  
同千盤凌鳥道萬里入轡叢久冷唐羌燧高聯井  
見宮峽嵐熏几席湖樹碧簾櫳落搖寒練橋垂

受祺堂詩卷上

壬

送汪文石入蜀

汪生磊落八尺身敝裘羸馬西之秦學書劍頗  
快意一朝脫去如輕塵畫師馳譽滿燕雲獨寫長  
條迴入神商谷桃源俱曠代忽從開卷接先民我  
聞繪事六朝上張吳手蹟存遺障古皇神后儘多  
委碧水青山寧一狀後來傳習漸失本不書人物  
舊識傳嚴老六十采薇顏色好嘗云爲我做滄州  
大作丹青展懷抱汪生贈別有新快能致此翁發  
佳稿憶對晴光宿潁川三日成之猶草草南陳北  
崔名久齊停筆不下筆端倪性僻林泉寫海嶽交  
忘簪笏愛鹽齏毫端勁氣生突兀雪霜須汝伴陶  
棲安得森羅追大雅所思濃淡洗時塵渭水使君  
文獻家容臺題柱益豪華座中客多寡見許汪生  
每出聞長嗟三春初把酒惜離情萬里同登灤灤  
蜀道江山總奇勝更爲壯士吐雲霞

受祺堂詩卷上



受祺堂詩卷之十三

中南山人荆東李因篤子德著

春日里門與朱太史兼述所懷

岳路春風起關門霽色鮮  
村醪寒自狎里社鬱相  
連觸景幽居滯懷人野興牽  
緬維通戚譜猶及把  
吟箋盛代垂衣日明公弱冠年  
巖谿多緩步飲射  
總隨肩屢過臨郊墅曾淹在邑廛  
浩歌存落落佳  
氣接翩翩袞紱寧資蔭雲霄果象賢  
疾馳金馬右  
高領石渠巔  
論母情何極迎歡例亦全  
來彰經國  
命出補考工篇壯志彌瀟灑深恩肯棄捐  
移窺雙

受祺堂詩卷三

掖月忽轉六朝天獻納提官序登庸貴宰員含香  
頻宿省仗節遠承邊海城波當息梁園賦已傳使  
車逾趙魏賓座歷幽燕南贈羈縻編重披秘笥玄  
他方難屢合此別各悠然強作窮途醉愁餘絕塞  
眠炎颺吹急鯉朔角和哀蟬羽旆江湖歇烟霞里  
巷寨徑花瞻蔚跂池水弄潺湲我亦山中侶家鄰  
澗外田塍歸翻似客高臥欲忘詮獨抱孤栖在誰  
甘薄俗憐爰從聞白雪煩去拊朱 變啓騷人上  
思追雅什前怨何兼闕寢情乃至嬋娟卒取淳初  
洽津無藻續愆漢京於古近江左逐時遷世競公

輪巧天成越女妍憂傷開大 擺闔露微權最惜  
求聲誤徒滋用智穿放言矜鹵莽偏袒雜神仙撫  
舊推遺法逢君契夙緣地通葭葦素盟踐雪霜堅  
草閣迎朋酒柴扉耀錦幃欵畱容簡畧書札動纏  
繇汎愛交雖衆潛期事必專向詢臨郭壘親拜侍  
即阡有老貽雄作傾筐索故編詎知巴曲至長傍  
史庭懸擬報慚瓊玖將征問鎡鋌行藏要並慳去  
住且分躔玉樹東階秀星輪北道聯躊躇幾罷往  
感激定遄旋好種平原竹應加故沼蓮圍棋陪太  
傅更得訪溫泉

受祺堂詩卷三

二

正月十一日諸公見過草堂詰朝表兄崑圃

太守詩至用韻答之

澗外幽期北郭家羣公乘興訪煙霞叢筍已發新  
年翠霽雪還飛上日花汗漫琴書春正好淹畱雞  
黍夜猶賒東莊太守狂吟客一曲先能暖六葭

答石建明表叔仍用前韻

朝來車馬澗西涯結駟重過萬石家抱壑野烟生  
遠樹臨堤春水散平沙應門下食風猶古藉草看  
雲日漸斜敢謂清商無和曲還勞白雪繼三巴

答大兄南陽公仍用前韻二首



春山雪後谷雲賒落日朋車榮暮霞酒傍鶴鵲觴  
自協惟分花萼奕相遮誰教錦帶閒栽柳不必青  
門好種瓜皓首天親違兩地愁來咫尺是兼葭  
晴光泛接五陵霞更得新詩長歲華獨臥渾忘南  
道隔同行肯歎北門賒冥心時序桃源酒恣眠江  
湖野客楂時將南遊此夜占星成偶聚高陽錯爲比荀  
家

南遊答長源表弟送別

暫解征衣歌授餐疎燈垂萼露初溽夜深忽峭高  
樓角風定微生遠樹寒萬里江湖侵別酒三春煙

受祺堂詩卷三

三

雨判歸鞍吟餘好自除花徑再就高齋醉藥欄

隋田公真紫荆坊

野色脊令裏春風鴻鴈過枯株堪再秀逝水復同  
波故老歡聲及長林屬望多中途憶諸弟不覺自  
高歌

華陰廟

嶽寢開周道春林縱夕陽那從仙掌去長嘯博臺  
傍棟宇仍烜赫關河畧散人二京違報祀東望  
沾裳

潼關三首

雲薄關門紫氣長帝樞曾此撼巖疆河經百二開  
天地華枕西南鎖雅梁戍火忽移函谷月征車多  
帶灞亭霜舊京蕭索垂千載飛輓何繇接巨航

聖祖垂裳西顧深前星已肇翠華心風雷卜鼎渾  
非故朔漠開基遂至今萬里有天提鎖鑰三王同

日貢球琳終憐戰骨橫嶠左雪暗春遲白草吟三

謂秦福慶不言韓者韓初封開源永樂中始改平涼

旌隼淒淒列塞壕荷戈非復羽林曹榛苓尚覺西

方近雉堞空連北斗高市泮冰霜春水至山雷壁

壘野鳥號壯懷無據頭將白惆悵臨風拂佩刀

受祺堂詩卷三

四

靈寶拜先外伯祖田公去思碑

侍御先朝雋艱難末路逢埋輪光舊史釋褐弔遺  
封雉影摩霄去棠陰傍日濃土人垂淚說碑篆百  
年蹤

土壕有坊題云蘇季子故居

七國雄長在蘇君自絕倫野荒函谷雨山護土壕

春盜賊中原土壕有城在山上得免帶簪移前路輪蹄滿後塵寧

知東蹈日別有拒秦人

周公廟排律二首廟在河南府城西

邑望岐陽左祠臨雒水涯乾坤愁儉樸制作待光



華負展身彌瘁營周慮獨踪向今瞻繡衮終古奠  
清笳束帶微風肅寒簾落日斜鐫碑猶大詰過客  
盡長嗟世降文明逮功高禮數加澗瀝仍名卜嵩  
華接王車翠竹寒鳴雨蒼松儼着花虎犀馴繪素  
葵蕸薦萌芽緬想車書日恭惟雅頌家此生衰未  
敢爲夢仰雲霞

鎬室西瞻久河流北顧遙深心延二代大烈統三  
朝變起風雷及恩融伏伺銷民頑翻後去譯隔更  
同訓組豆於茲秉謳歌自昔饒垂衣蒙舊德露冕  
試崇標砌合春陰霽簷虛霽雪飄長廊圖柜宅老

受祺堂詩卷十三

五

樹革鳴鵲憶下通天谷徐經抱郭橋有文雷陸海  
遺愛泣漁樵暖託空垣蔭馨聞沃野苗關津倚前  
壑明發更停鑣

河南府夢曹侍郎

見說嘉禾郡司農久退耕江湖孤枕得節序百愁  
生雨斷聞黃鳥春遲悵白蘅馨香滿懷袖肯寄雒  
陽城

詠懷古跡六首

栖遲河雒二京春薄涉江湖萬里身少室有花空  
攬馭高無女獨沾巾雪霜愁附搏風翼戎馬驚

懷入塞塵諸葛臥吟終致主後來功烈逮生民  
漢室文皇興代邸桑乾銅斗是堯封北臨邊塞提  
孤節南御乾坤正六龍疆微風烟清細柳灞陵雲  
物護喬格雒陽年少君臣際遺恨賡歌咫尺逢

賈傳風流絕世姿上書流涕爲明時楚江南正悲  
相弔梁苑驂驪失所之緒論累朝開霸王深宮前  
席戀恩私邛山雒水東來道白日青春耀汝辭  
京兆扶風漢關遮婕妤好門望選才華建章前殿虛  
明月長信深宮鎖暮霞御水流來魚貫少秋風起  
後燕飛糾生憎薄命吟團扇遙砌閒啼萬樹鴉

受祺堂詩卷十三

六

汾陽遺廟華山傍冕服天畱俎豆鄉百丈粉榆明  
霽色千春鵲鷺少同行臯夔易地心彌苦耿賈盈  
庭力共長極目中原饒戰蹟惟公尺劍掃殘疆  
瓜沙迢遞玉門開障塞淒涼畫角哀久戍莫追充  
國議橫行誰復冠軍才戎防漫說長灘迴譯使頻  
聞絕域迴塞下西羌諸部勁秋深東牧過邊來

請大  
草難

黑石頭渡雒水

古道長依雒前津始放船青泥通沃土黑石泛疎  
烟豆粥凌晨具魚肪度地偏御風隨所適江海正



悠然

王公輔嗣談易坊

滿日餘緒談經式舊坊雄才成割裂妙悟得高  
狂宿火沿津永晨鍾帶邑長卦臺終古秘何路一  
升堂

周大夫萇公墓

地古風猶烈川平雪漸銷石傍生宿杜雲外落寒  
鵬碧託邱山翠清來雒水潮東周何處是指點問  
漁樵

周國敬王神道碑

受祺堂詩卷十三

七

故國經春草前王識寢園世家他日在文獻幾人  
存麥秀哀難及鴻飛跡尚溫南陽臨白水欲問漢  
諸孫

杞縣

澗外循河迹周南識夏封歲時今不改朝聘昔相  
從野漫謳歌入春深呖嶺逢近郊有雲氣長繞社  
壇松

胡家莊阻雨

信宿留茆屋聞雞廢寢興  
忘春雨貴頓覺旅愁  
增寒瑟餘調柱吳歌近采菱倚門候風角明發早

驀騰

泗州

野興耽湖曲羣賢許過遊  
斥平初試馬谿午共登  
舟碧繞荒堤樹丹深絕巘樓  
叢苔生漢闕有客涕  
長流

泗州西廨齋中卽事呈黃氏兄弟三首

百感墳城下郊勞有故人  
晝長成坐嘯春靜惜風  
塵醉把榛苓潤情移駟職  
新晚來罷罇酒重設繡  
藤茵

泗水縈襟帶盱山接戶庭  
花浮晴日紫竹抱翠微

受祺堂詩卷十三

八

青角射板鵬鶚行吟傍鶴  
鷄江籬疎更好莫使障  
林局

玉樹森相並高齋豁所思  
三春懷友夜萬里適吳  
時帳幙笙歌合池塘桂杜  
滋淮南多暮雨別汝去  
安之

過太和縣訪楊振公邑令二首

萬樹遙連楚孤城尚隸吳  
所知逢茂宰爲政比澄  
湖夜雨罇壘合春風案牘  
無詰朝頻視舄多恐化  
雙鳧

共學人誰曉吾交汝最賢  
別深修禊日來及看花

大白入黃河水青開綠野烟道長歸不滯愁緒一  
茫然

鄧陽謁蕭相國祠

尚識枌榆地曾先帶礪盟曉雲迴抱紫春露激揚  
清半笑驅羣策規模枚二京蕭然徐泗裏撫跡倍  
含情

柳下惠先生故里

士師歸臥久塵土棄三公邑近星辰曲鄉畱伏臘  
中春暉消薄慮夙夜送和風獨對磧亭柳徘徊天  
地空

受祺堂詩卷十三

九

謁閔子祠

孔堂問車馬夫子但蓬蒿野把蘆花靜門連汶水  
高羣鴻多比翮獨鶴不輕號歎息拂衣者春祠歌  
頌勞

試劍石

魯公初按劍臨石碎狂秦雨後來啼鵲寒生碧草  
春

虞姬墓

美人和歌罷遺墓幾經霜野草春西舞祠南娛項  
王墓草相傳無風自  
動楚上廟在其北

鮑家集

管子南來淮水深魚鹽早起伯圖心當時鮑叔分  
囊處尚有黃鸝送好音

維揚呈鄭樞部澹菴時領樵關二首鄭前為  
敝邑明

府

十載高山屐因君識廣陵征裘淹暮雨客馬瘁晨  
燈暖覺黃鸝近晴看綠樹增別來詢酒力江閣倍  
峻峭

召伯棠猶茂王喬舄未閒斗樞輝漢柱平準借江  
關水長春魚出風平朔鴈還歌矜夙愛一爲破

受祺堂詩卷十三

十

愁顏

四野鳴泉合千家畫舫開質春頻過庶思友獨登  
臺未息南天燧須論右掖才籌邊前箸急早晚  
壘書來

撥悶

欲問隋堤柳宮雲散白沙忍將叢樹月吹入戍樓  
笳曲徑多通邸前湖好泛槎乘春須一醉莫使後  
桃花

清明

久客添愁緒清明倍悵然逡巡辭前闕忽復觀江



天萬樹啼鶯裏千航孔燕邊蔣山風雨夕誰掃

孝陵田

喜晤陳二建極

寂寞刊江道何緣邁宿遊臨風依謝樹竟日把吳  
鉤柳散春深笛桃開水際樓濁醪通造化羈客共  
忘愁

贈王公礪

萬仞慈峨色君才許並長賢書成弱冠綵服嬌高  
堂露浣金點碧花飛玉珮香漢廷須起草驅馬問  
明光

受祺堂詩卷十三

贈程十乘

不睹連城壁新陪照乘珠承權隨杖履散帙對江  
湖館竹晨雷誦谿雲靜入圖賦中傳芍藥年逮陸  
機無

王築夫行樂贊

散坐平隄上芙蓉對灑然避鷺時洗耳臨水待揮  
似得桃源趣長雷錦帶年何當一把臂醉攬獲  
雲眠

題畫

疎嵐大壑瀉滄溟翠入平沙帶晚汀何處杖藜乘

興去隔林臺樹萬株青

酬張中翰稔恭送別兼訂秋日西歸用來韻

那溝玉樹久凋零忽有高歌醉裏聽巷伯憂謫終  
在難離騷遠俗自爲經懷鄉月夜江湖白送客春  
天薜荔青已約故園重把袂西風無使怨流萍

贈項城宰習三兄廢青兼遺舊九首

別後蒹葭冷春來雨雪繁征雲辭大陸客路走中  
原出處渾多故悲歡莫真論彈琴逢退食靜晝息  
塵喧

自昔垂黃綬懷予賦紫芝江風吹獨往塞月寫相

受祺堂詩卷十三

三

思弱冠談經日通家拜母時貧交君已貴不忘角  
弓詩

東髮從耆艾締盟總俊髦宿期終在野同學半登  
朝朔土傳魚隔南天過雁遙相看皆老大動色解  
行鑣

萬仞雪中路雙闕天畔城落花頻對酒燒燭共班

荆竹樹各爲適林泉相與清故人俱好在回首念

嚶鳴

君居同官山城  
內諸子皆無恙

石徑皆通好藜羹屢過栖停車春潮上載酒月厓

西書漢翰新翻松雲戀舊谿草堂煙雨在他日肯

重題

紫閣秋聲闕青門夜色寒池河會並采邱菊好誰  
看日月分望關河對森漫但能慰搖落無事說  
彈冠

始作吳江令遙違冀野書杜蘅香不改鴻鵠意何

如醉眼湖山外安歌宋衡初他鄉無煖席偃仰託

高廬初任江令

宛轉孤蓬宿蹉跎萬里途江關期秣馬蜀道想飛

甍曉障留青靄春耕悵綠蕪無繇登劍閣禮殿乞

新圖補內江令

受祺堂詩卷十三

三

草樹經時易風塵去路長鄉心懸鼓角客淚飽冰

霜燭暗晨雞苦鐘疎古驛涼屬君矜况瘁攜手憶

周行

過朱太史鏡波園畱飲答見貽詩用韻

溫泉雨色帶林垌別構憑高得建瓴驟出潛魚凌

水藻旋來啁雀傍風萍滄池並抱雙厓碧峻閣遙

分萬壑青竟日栖遲仍卜夜頻然藜火續晨星

七月晦日呈朱太史山輝

東山時伴謝公遊坐對蒹葭白露洲上酒徵歌無

太劇良宵自有夜珠留

貽朱長源

天外翔鴻縱所如暫栖高閣向前除世同矧台皆  
公望生傍星辰有賜書蕙草偏承嘉客後榴花欲  
媚綵衣初得從行輩論膠漆無使車音永日疎

望嶽

太華三峰列峻屏晴霄飛翠下空冥曉雲東抱關  
河紫秋色西來天地青玉女盆中寒落黛仙掌  
上接明星亂餘林壑懷遺客縹緲幽棲賦采苓

呈張都使鹿洲

期門侍從九霄推山捍巖疆御氣隨禮樂多時畱

受祺堂詩卷十三

西

北府烽煙萬里靖西陲罇開白露風人幕劍老青

霜左氏帷說道聞輦思將帥如公真可寄安危

醉時歌贈九芝

長安饒吹聯日星贊府自公惟談經千羣宛馬貂

襜褕贊府敝裘走交衢久知敷政如陽春况有棠

歌動四鄰名滿公卿官未調座聞笙瑟客相親舊

邦遊子褐寬博三旬九食如敗稗涼秋枵腹萬年

道屢過郭侯同斟酌百錢買濁醪雙豆盈新藿坐

嘯既不違嬉遊情非薄寒日東籬接暮霞葛巾漉

酒澆黃花痛飲可以闢天地長饑何論栖泥沙屈



原老至空拭袂阮籍途窮未回車朝來新購鵝溪  
絹好手裝成淨若練過我索書囊底詩低回流涕  
被顏面回首束髮抱微尚卽今白頭慚衆彥悠悠  
毀譽總相忘眇眇心期誰復見世人久已棄姬鼎  
君獨何爲憐紫電引商刻羽多遺音太羹酒有  
深眷丈夫要使勒金石雕蟲小技何足羨浮雲世  
路勿復論且倒壺觴歡終宴

呈張都使得溫字

愁來雁鯉未窺門夢裏芙蓉嬾自存豈乏榮條滋  
別墅誰憐積雨閉空村郊寒士馬防秋檄部擁笙

受祺堂詩卷十三

十五

歌照夕罇落落南州徐孺子三年一榻許重溫

中秋都使鹿翁署中招飲卽事二首

對月逢新霽開罇是故鄉名園清近水綺席澹如  
霜遠照宣風達高涵樹羽光良宵饒逸興縱飲未  
渠央

始照賓交合頻憐道路違濕雲全脫障長顯倍流  
輝桂託秦宮迴鴻來漢苑飛醇醪寬百慮不醉欲  
何歸

秋雨居青門鹿洲公爲製冬衣內外甚備感

賦

終子無所攜出門卽他鄉積雨淹旬朔晨颺率已  
涼絺衣生百結持此微寒霜永夜不得寐沈憂煎  
中腸都君敦風好顧我心內傷綺羅來內署纖纈  
一傾筐朝爲歌無衣夕已賦同裳晚霞豁客日月  
尺鳴鏘鏘長裾落靄出縻帶凌風揚寒溫俄易序  
戶牖自生光往愛閤仲叔清標如琳瑯片肝累安  
邑遐舉天各方自惜久行役還家惟空囊采蘭儉  
子舍持水愁賓觴敝裘猶載質儲穀不盈倉兒女  
三四輩呌啼嘗在旁委身兼瑱細懷古增慨慷厚  
顏滋反汗朋執規同行風聞金石交相砥日以強

受祺堂詩卷十三

十六

取膠投漆中明德安能忘

題劬獨新居

昔聞顏氏巷今見廖生廬秋雨經旬作晨炊曠日  
虛罷吟看過蟻乘興貯遊魚更喜衝泥徑頻來長  
者車

贈梁貢九

舊是中卽將飄零泐水陰種瓜成五色結客散千  
金雨濶兼葭迴秋寒蟋蟀深多君知正字不使碎

葉琴調劬

東郭大金湯

青門懷舊侶對子獨含情向午猶高臥經年不入  
城秋來村稻熟雨後徑花明勸客持樽酒佳兒立  
自傾

贈田長民刺史

問命畱家祔戎衣出塞垣陽秋如有待契濶竟無  
言雨霽皇陂落天高白露繁夜來同一醉籬菊綻

挽王三玉質先生二首

故人窰窠近蒿里不堪歌酒頌成孤往貧交得數  
過岳雲垂素幃秋水咽清波令季京湘手貞珉事

受祺堂詩卷十三

若何

華山東去路揮涕想儀形案疊中丞草門連處士  
星和吟寒白雪染翰失黃庭不得板雙旄臨郊極  
一停

閔兵美閔使張公

千城濟美識嫖姚大閱因時出渭橋部黍舊兼鄴  
護帳戎衣親接待中貂雙旆怒馬秋空濶萬幕平  
沙夜寂寥並向秦風夸戲士誰論駟職本

唐藩鎮歌

藩鎮何紛然范陽起自安祿山慶緒殺之

後立陳武王親王改元建明中降尋復叛安史

永並繼無二我建興稱帝據位改元爲順天

義寧王改顯聖兇渠滅自李懷仙篋固懷恩去

方外引番回同寇唐天厭其惡中途死前功莫與

悲傷江淮都統劉展亂神功斬之亦旋亡張

哥人棄降賜名李寶臣擢兵威德抗賊

下稱岳鄂維於山王武俊擊殺之命以恒冀

王叔子起王已復去起爲匱度歸士阜升守

元達頌懿文昭服昭懿正景崇禎寺六葉傳立

卷三

死賊將張  
庭討磔其尸唐莊宗李靈曜窺

宋熙寧以都虞侯殺孟鑒討罪猶煩李忠臣刺史

覆恩空湛懷仙盧龍節始授朱希彩纂一何驟

一平殺彩推朱泚泚入弟滔知畱後劉忸代滔子

其嗣總逆父兄俱被弑棄官爲僧更何心以張

一 卽其位此後奸竊朱克融無何又聞李載義楊

誠與史元忠陳行泰後張絳繼仲武允卺公素

同李茂勲亦懷聘曉或殺或逐而自立跋扈朝臣

莫能制山所歸桓桓博聞豈殺兵和肯自思如悅

方東儒士題一稱其曰在之竹新五之



兵使田興洗說恩請吏奉貢擢節度賜名 正徒  
成德侯希逸爲軍士逐平盧忽歸李懷玉賜名正  
已傳子納僭稱齊王雄東服師古師道世濟惡劉  
悟殺之相怨毒昭義薛嵩領六州子平歸張讓其  
叔逐粵實惟裴志清叛路降魏事反覆梁崇義據  
襄陽起阻兵結援李正已詔李希烈討斬之族父  
忠臣淮西史貪淫失衆爲所驅矯稱都帥奄有此  
建興王僭大楚號改元武成自速死醫醜本出陳  
仙奇降加節度亂未止涇原朱泚罷鎮歸兵變長  
安禍在邇自稱權知六軍事僭號秦漢攻天子改

受祺堂詩卷十三

五

元應天及天皇韓旻斬之何足齒希烈之將吳少  
誠殺仙奇以報讐名敕雷彰義中又叛少陽元濟  
惡貫盈李愬擒送斬都市蔡人雪夜瞻蕩平李懷  
光授邪寧節破此解圍功甚烈瀕入竟遭盧杞誅  
天顏咫尺朕朝謁東歸怨望反河中馬燧討之自  
縊滅鎮海李琦亂賊流遣張子良襲宣州却協衆  
謀兵夜入執琦並子懸髑髏劉闢西川求領軍構  
反誅於高崇文夏綏之韓關塞陰全義有甥楊惠  
琳敢以畱後拒李演勒兵終死張承金邠州朱玫  
逼乘輿故燒閣道塞皇衢裴王監國俄稱帝君臣

並殄王行瑜瑜亦犯順兵東走克用討誅傳其首  
鳳翔司馬李昌言迫逐鄭畋如拉朽昌符舉火焚  
行宮茂貞斬之亦何有東川節度楊師立違詔舉  
兵心快悒時高仁厚彰天討將吏誅之何嗟及高  
駢淮南老嫗虐狂愚見戍畢師鐸華州韓建親犯  
關行瑜茂貞兵相錯黨附朱溫竟再徙亂軍殺爾  
等飛蓬嗚呼諸鎮反側多荷國之恩甘倒戈朝擁  
勁師夕被戮萬年遺臭可奈何汾陽西平兩忠武  
大名至今垂不磨安得文皇三尺劍盡誅鯨鯢挽  
頽波

受祺堂詩卷十三

辛

秋日雨中張都使招同諸子暨于輝上人集

薦福寺訪元公限韻四首

戒馬煙光細停車雨色滋鼓鐘浮淨域松柏翠寒  
松地接皇陂水秋通白社詩昔遊違髮鬢眉半  
如絲

故國風塵裏遺宮黍稷閒攬衣迎朔氣暢酒近南  
山枕簟欣畱野乾坤想閉關主人共疎豁良夕未  
應還

市遠歌初放杯深興亦豪細霖拚竟日長砌曲隨  
溝漢索郊畿古唐垣篆籀高慈恩前路近登覽莫

辭勞

託契耽蘿薜開筵傍石林健兒供汎掃佳客到鳴  
琴霧豹三秋候賓鴻萬里心城居疎風約淡日蟠

幽襟

時開美  
附琴

又代

適野連空界臨觴接暮茲鐘搖雙塔影柏澹五陵  
枝密座兼宜客清秋各賦詩更須騎馬去親攬大  
堤絲

北極風霜後西京桂杜間寒雲流古木濕翠斂空  
山遠水碧如鏡滄洲青滿關却疑香積飲初自刻

受祺堂詩卷三

三

中還

感慨無方集登歌一氣豪虛堂深入雨曲徑飽移  
濤傍戶哀蟬劇摩空健翮高幽居有真趣揮灑並  
忘勞

戎火遙依郭村春半在林客來多紫氣吾醉有朱  
琴絡緯孤廊曲兼葭四野心秋分聯令序好月共  
開襟

又代

城南連宿雨禾黍盡含滋細席此中梵長枰何代  
枝滄池侵古屋縞帶接新詩廡下辭鋒鏑偷存命

若絲

萬壑流雲出巖廊玉露問題詩除畫壁把酒對青  
山地老蒼生砌僧寒晝掩關天涯賓主合信宿莫  
言還

塔際層霄接開尊逸興豪歌成聞郢曲水濶泛江  
濤野樹黃沙暗秋風白雁高登臨連風契罄折肯  
辭勞

積雨催寒劇秋聲老柿林鼓鐘開畫燭山水落細  
琴已得柴桑醉遙憐谷口心幽期從夙好半偈豁  
塵襟

受祺堂詩卷三

三



受祺堂詩卷之十四

中南山人荆東李因篤子德著

三過薦福寺

秋清塔日弄輝輝，屢傍鳴珂坐不歸。  
須有濁醪長夜共，莫教明月片時違。  
牙忽漫逢黃石羽，節新閒道繡衣。  
桂賦尊羹頻在眼，故山吟興落雙扉。

贈月下彈琴者

仙人騎鶴下清秋，獨抱湘琴去十洲。  
夜雨落花不可見，高山流水自生愁。  
若爲畱珮能無賦，何必聞韶始上樓。  
坐久露華庭戶滿，茂陵猶向曲中求。

受祺堂詩卷十四

賦得春蠶到死絲方盡，蠟炬成灰淚始乾。  
慰

鹿洲都使悼亡二首

皓質含經緯，清霄判古今。  
頓看環珮冷，遙對蕙蘿深。  
落葉無歸路，哀蟬抱苦心。  
獨來明月底，蓬首爲知音。

野露沾衣滿，晨風入座浮。  
離騷真解色，變雅復多愁。  
雨濕明珠暗，光沈若木幽。  
秋懷應自遣，莫過洗妝樓。

慰鹿洲都使薦福寺悼亡用韻四首

雖露歌成總悵懸，南林新苑獨翩翩。  
化中天女空

無相塔畔朝雲散，入禪風老白楊頻。  
徙倚水深苔谷自潺湲，因君欲廢哀江曲。  
不道幽香咽九泉。

對此茫茫集百端，初聞哀些出長安。  
明璫錯繡無消息，紫海丹瀛竟渺漫。  
獨夜草蟲悲伏枕，同時賓客勸加餐。  
寧知中散凌風去，一曲朱琴已罷彈。

雲漢三星暗雀橋，梧桐一葉鳳樓凋。  
謝公哀樂中年劇，潘令風華去日遙。  
愁說娥眉工攬鏡，忍教皓齒不吹簫。  
沈吟忽憶雙飛羽，畫屋銜泥怨未調。

羅幔高褰白日陰，是耶千載恨同深。  
本隨明月多凄感，翻致陽春少和吟。  
翡翠難求不死樹，芙蓉忽

受祺堂詩卷十四

斷並樓禽扶持風雅，須公急離緒無令髮髮侵。

郭贊府招同諸子飲董子祠和贊府作用韻

苔華寂寞五陵東，下馬猶傳董相宮。  
萬古滄桑畱漢土，諸賢涕淚灑秋風。  
愁聞畫角騰脂外，忽望彤雲雨露中。  
嗜道林宗兼庇客，琴罇永夕寤歌同。

董祠感懷再用前韻

秦煙魯壁漢同功，武帝雄才匹大風。  
自罷百家崇正始，親延三策剖羣蒙。  
祠坊獨撼摩霄樹，牧績初聞帝鴈路。  
傍芙蓉殊夢覺祠在芙蓉園故地，蓑衣遙對

月明中

送劉州都使病懷川韻

霜薄藜牀枕木剛使君哀詠出周南茂陵臥病三  
秋老彭澤橫琴萬慮含苑杵悠悠同落月籬花采  
木對疎嵐渥池已託龍駒賦何必摧燒玳瑁簪

送孫雲章廣文之隴州任

恭介之宗集衆賢過庭鳧舄更翩翩他時射策金  
臺下故國傳經隴樹邊水落草蟲寒古路秋深松  
菊敞離筵五升官廩休辭薄將父如君且壯年

人進士  
任邑令

雙鳧歌  
寄明府

受祺堂詩卷十四

葉縣仙人冰雪顏輕車華轂寄漢間有時自邑來  
京國朝出朝天暮復還尚書賜履久寂寞太史瞻  
雲空追攀玉鳥高飛數千載雙鳧忽下慈峨山峨  
陽明府瑯琊裔渡江獨高京口系吹笙騎鶴述前  
史起草看花推上第頻歷南北背殘疆至今謳歌  
思未替還須春色開關岳肯向秋風歎畱滯秋來  
野水接蒹葭被褐之夫澗之涯面目黧黑毛髮素  
披繁采苓日將斜西方美人咫尺是夙心古處耽  
煙霞車旗屢過漿家飲劍履時爲北郭遮涇流環  
郭秦川首聚水一石泥數斗爰從山漲沙擁渠鄭

國白公亦何有維侯疏濬無遺力作法俱堪施永  
久况兼嘉績冠諸邦親勒雄文貽不朽時公新修志告成  
文章自昔少逢年屈賈班楊一慨然如君獨立才  
仍達始悟諸賢命可憐乘輿但詢彭澤秣曠懷誰  
計汶陽田近聞當寧軫良牧將有璽書來日邊

涇陽書王明府書年屏十首

遠眺慈峨邑初歸沃野春井疆滋雅頌溝洫逮周  
秦戎角無聲久村春入望新王喬振雙舄此日傍  
征輪

閱閱雄江左 歌領華西部花千日茂朋酒萬家

受祺堂詩卷十四

四

攜訪隱開寒谷行春過大堤白頭涇父老扶杖出  
蓬萊

絲筆途多滯皇華賦益繁琳瑯期絕境狐貉走中  
原每見鐫醪洽會無案牘喧興移明月近匡坐復

何言

碧水觀爲政青燈劇論文自儲彭澤酒長嘯漢宮  
雲岬雀餘冬粒流霜散夕曛二京皆草昧吟席竟

空林  
日抱高原霽春生遠樹霞雙潛鳴翠鳥百里放桃  
心郭谷當時路秦人著處家君將朝 帝闕許泛



白渠棧

野狩因農隙，叱歌及歲豐。和民鄉飲後，取士力田中。雉翮馴相名，琴絲靜不窮。車鄰違舊俗，一意轉鴻濛。

峻版從誰劃，長渠自昔傳。朝暉浮繡嶺，晴雪帶甘泉。縞紵爭投足，萊蕪少並肩。自公何所事，騎馬徧涇川。

赤社登香稻，彤庭賜璽書。落梅寒近幕，啼鳥畫盈除。邑與河陽並，人通地節初。漢賢虛起草，開閣待相如。

受祺堂詩卷四

五

十載他山客，今秋返故鄉。在家常閉戶，聞政一升堂。坐覺藤蘿媚，吟攀劍履光。寒衣畱霽靄，藉手滌繁霜。

旅食分高廩，居停肅令儀。澤忘公路隔，欲抵故山遲。朔景人俱愛，東風客自知。明春陪鳳輦，斗酒曠前期。

東張五子遠三首

匹馬向涇干，霜明霽日寒。故人潛北郭，畱客賁春盤。五柳臨門是三芝，繞膝看城居幽事少過飲。涉

涇川

處物渾無競，成家備有條。門牆賓坐滿，擁案國風遙。時出叔則石詞賦甘途拙，農桑屬歲饒。移時論作用，竊欲效君苗。

旅榻時時下，君才一一聞。雞鳴多獨起，鶴立竟空羣。久臥牆東雪，同瞻谷口雲。頻來兼借箸，不覺滯斜曛。

韋鼎劉大猷止二首

策馬出門去，悠悠涇渭間。臨君成皓首，惜別換朱顏。霽景初浮郭，寒雲未過山。論交重親故，攜手一追攀。

受祺堂詩卷四

六

尚憶長安酒，悲歌十載餘。大才多晚達，豪飲只幽居。曉漏新金馬，春風舊石渠。別深兼歲暮，嘉會莫教虛。

贈子正弟進士二首

關輔懷明德，唐虞述舊勲。舉宗多散處，吾弟獨超羣。醉數峨陽樹，晴瞻汨曲雲。上林推綵筆，花萼傍餘芬。

紫閣疎吟眺，青門冷讌遊。原鴿涇上合，杯蟻臘前浮。藉草生春氣，吹簷豁旅愁。天親嗟地阻，及此共淹留。

送武五台心謁選兼述舊二首

送子嵯峨側晴霜曉度關州零臨白墮徒倚向青  
山辭徑冰渠抱潛輝草閣攀預期把除日春鳥破  
愁顏

結客長安舊論文伯氏豪自從哀俊及誰復見風  
騷忽對開樽遠渾忘落日高季方前路去湖海重  
綈袍

酬鞏子繩廣文二首

旅謁初旋署朋車已在門危墻銜日角老樹躡雲  
根室滿琴書靜陽回地席溫陪遊懷谷口千載賦

受祺堂詩卷十四

七

重論

愛客須肥疴班荆任濁醪春亥令竹徑雪意瀉林  
臯獨解層樓帙時吟曲澗濤壯心寒不禦乘醉剪  
蓬蒿

王石貞孝廉招集兼聞家學感賦二首

涇汭多年別瑯琊奕葉光新歡從故里緩坐得深  
堂室擁圖書富歌懸海岳長清門冠邦族黍稷有  
遺香

健筆懷陳董幽輝闕閨曾

王先人廬墓有三異之  
徵君公徵君作傳思白

宗伯一坵何處問三異到今稱茗枕融新雪梅壺

庭薄冰更披河上草揮涕滿蒼藤謝叔則兄

寓休公房

思果西寮休上人柴扉花徑掩叢筠石牀高臥經  
年雪玉塵時揮半偈春頻去探泉供洗耳偶來沾  
酒爲留賓楸枰鶴圃多幽興謝屐陶興迴後塵

冬日從涇陽來過少文草堂同諸子集飲竟

夜因爲長歌

久雪雪晴寒益驕馬毛卷蹄風蕭蕭無衣無褐在  
曠野遶渭臨涇隨短橈十載荒塞長垂橐新歸故  
鄉復懸鑣遠征近役無差別天空日瘦色寂寥垂

受祺堂詩卷十四

八

暮清渠倚華屋扣門爲就公子宿濁醪最足開旅  
顏霜砌何因發修竹炯炯前除明餘景翩翩好友  
來不速回首羈孤如夢中旅人在堂馬在牧斯須  
蠟炬滿堂生况有花枝照眼明素鱗青芹相斲射  
呼盧浮白酣深更良久賓觴入西序老橫醉眸臨  
秋杵燭燼却引爐烟碧帷張徐窺簷月清公子憐  
我衣裘薄預爲煖牀恣所託晏然高枕視諸賢矜  
故怨老忘酬酢頻接雄辯不知劇忽驚曙光隱隙  
落晨雞亂呼童僕前櫛沐隨意主賓畧東望故山  
百里餘杪秋雙旆及吾廬貧家供具惟脫粟有愧



吾賢此餽誰謂詩人持義木瓜乃欲報瓊琚  
信陵遂爲四君冠能下巖穴名豈虛疇昔少年垂  
玉珮壯遊猶是舊闌闌論交青門多俊厨迨事池  
陽數前輩何期華髮盈我項頓使新歡更相對致  
君亮舜復何人投跡山林安故態旭輪杲杲出東  
方里柳霏微迎朝陽臘窮歲逼客欲去梅芬芝秀  
沾餘芳明知歸馬莫延佇却爲公子立傍徨臨岐  
贈我青玉案戶牖至今有輝光

冬夜再集少文齋中分韻三首

霜寒日紫暮雲垂藉草開罇晚興隨坐久成壺凌

受祺堂詩卷十四

九

遠堞燈深盤豆間新炊漢郊多壘朝烽壯周禮難  
聞夕夢哀愛客平原多曠舉招尋肯後昔賢爲  
蒼荒久不過征輪二妙曾聞澗水濱強策病軀酬  
禮數重呼羸馬向風塵陽回席接冬初暖漏急城  
頭夜未馴甕底梨花傾盡出偏畱葭葦醉遣人  
西窗新築傍流泉欵榻中宵啓四筵宿約能忘吟  
椅契貧交不愧採葵篇漢詩採葵莫傷根傷根葵  
不生結交莫羞貧羞貧交  
不杯流落月晨颺起案疊寒枝野興牽詰日賦歸  
歸未得披裘相對各悠然

題杜公履像

於杜多賢有美其季豐不外浮曠無中滯和鳴兩  
墳抗館天際薄游燕雲乃至吳會倬彼俊厨杵臼  
投契爰錫紵衣用酬縞帶往季之疆多材多藝謂  
追仲蹤胡復連逝季胸浩然自具天地獨感異微  
形諸夢寐笑乘赤虬而謁上帝視考孝 瀟灑何  
異嗚呼此露頂跌坐者吾友公履氏方叔之弟儀  
賓之裔象龍之系贊以長存垂之百世

哭殤女季羸殤兒泗三首

玉樹階前三尺新明珠掌上一朝塵焚焚獨處猶  
疑夢忽忽相逢轉未真石徑愁憑喧鳥雀柴門忍

受祺堂詩卷十四

十

使閉枰筠臨風正灑西河涕卜築誰爲伯道鄰  
慈母酸漸知幾回病妻荒忽渺難開還勞忍痛旁  
相慰却假離羣暗自哀憶放風鳶移白日看騎竹  
馬徧蒼苔凄然往事空搔首急雨嚴風歲暮來  
久客風塵蝕鬢毛初歸涕淚滿征袍牽衣觸首無  
今日繞榻開顏憶汝曹亂木東原鳥坐冷雙坵北  
隴雁飛高悲將落蓋瞻空蒂規逐寒流挽逝濤  
耀州傅使君遣使致書敝廬卽事有作

陳蕃作郡先徐穉入廨不遑驚羣吏千載却逢傅  
使君古人禮賢何足異使君世系山公孤二十承



恩爲大夫道上千人喜相告車前五馬閒且都美  
名洋溢褰帷始高義忽垂采薇子朵雲中挾瑤華  
落春靄紛綸礪戶裏歎子短髮敝風塵飄零歸臥  
北山春褐衣苦寒每卒歲藜藿不飽時經旬厚祿  
故人無消息霜深花徑荒荆棘使君何自懸藻衡  
遙識人間有狂直佯來貽我雙鯉魚剖之中有尺  
素書先從使者聞大畧跪讀素書復何如但云相  
思加餐飯何必疇昔接顏面此聲况自嫖姚來佳  
耦會賓王家倩舊年吹簫黔水隈今年騎馬黃金  
臺遠望道逸在桑梓中州雲樹空徘徊鄉人延譽

受祺堂詩卷古

十一

古亦有宗族江淮一搔首謂淮上宗兄條侯使君採菲又

採葑將前不前悲老醜憶傍堽賦別離春林三

月落花遲亦知卿相皆妙選斯翁惟領獨焉爲侯

久侍次嫖姚我亦缺傾蓋伯子何處揚飛旆忽於天

上得佳訊如對兩賢成高會是日敝廬孤矢懸中

堂羅列湯餅筵仁人愛人及其裔父子光輝賓客

前揭來握衣拜堂下朋酒滿堂雲滿野惟圖一識

韓荆州萬戶之封如土直使君贈我雙貂襦何以

報之大秦珠龍蛇鬱曲不及致極目長天情脚踟

贈鄒明府靜菴

行子來遠方解衣臥蓬華怡情格菊幽輝歲未遑

出長安多素心久別疎膠漆似作麕鹿身租庸少

寧日春來胥史靜忽復歌密嘉音滿山中台杜

相追匹恭惟明府君彼美致非一東國淵淵源南

州萃華實豫章盡梁棟扶傾宜天室紫氣貫斗牛

龍劍歸良弼我侯琬琰姿遲珥承明筆作宰廻時

艱親民觀吏術驅車萬里中泣政三月吉單父琴

初張萊蕪饒獨逸慨然顧蕞爾川岳晚蕭瑟按圖

詢沃野懷古披遺蹟先王之所授奕世猶堪述幽

蕭吹南雅國風固可必惟德足坐治謂士爲民率

受祺堂詩卷古

十二

四座被膏雨羣生瞻清謐頗嗟隔荒山寒燠淹愁

疾聞聲思褰裳接境始造膝高霞堪遠撫霽景亦

爭暱避人有微尚回首殊自失故林暫開顏長道

多銜恤十年一短褐隨處資橡栗辛苦不重論景

行難具悉今晨秣我馬早起頭新櫛再拜令君前

因傾幽繡帙霄漢得函覆庶幾終衡泌

古詩爲范母作

茂士不易觀南陔何悠然雞鳴各見役百慮私相

煎寢門中寂寞風木鬱難宣孝秀希時譽何如但

力田吾友起隴畝養親躬所先詩書敦至性洗腆



推寶冠彈冠僅卿比捧檄爲飛鸞五斗雖云薄庭  
闈祿食連頑家垂哲訓子弟多象賢脫榮固其分  
清白斯獨傳掉臂辭大吏遊歸臥林泉步姑歡會  
及登堂慶復延春酒具爲壽羔羊時擊鮮豈必主  
與組冠衣白翩翩小人亦有母蔡荏苒供衰年爲君  
歌此曲操管窺周旋

牡丹詩四首 並序

昔者濂溪先生愛蓮稱曰君子而于牡丹  
抑此伸彼當亦託興之詞後人競相附和  
至使名花黯然揆諸天地生物之盛先生  
亦所不安季春過池陽牡丹大放秦園尤  
佳爰爲四詩一吐其氣卽周子不至河漢  
也

綺里花爭競名園興獨依石林增氣象亭榭有光  
輝蝶意飛揚久鶯歌駘蕩歸人生致勳業盛壯莫  
教違

麗日中天近香風萬卉爭不圖臨宛雉何處著巢  
由藉席凌醇釀移欄浣碧流長吟春晝曲爛醉每  
忘愁

草閣琴書潤花朝絳珮光佳人遺世立曙色冠年

方百物融孤群三春接混沌此時成嘯飲翻欲過  
羲皇

不睹芬芳節寧窺造化才池魚幸影出塢雀向人  
來曉景霞千片機雲露一杯吾廬同佳種懷抱可  
時開

再過少文園詠繡毬花四首

冉冉春郊日琴樽接勝遊伊誰蹴宮綫澹蕩作天  
球振鷺潛相引藏鵬迴自謀每來朋好合兼釋異  
時愁

室敞居仍聚林幽嘯不違竹泉滋皎潔蜂蝶取精

微只遣青鱗在何妨白髮稀前津流水入更得置

漁磯  
對酒疎狂極看花次第深依然開畫榭似欲變鳴

禽水弄清瑤色風舒粉絮陰寒衣無不可藉草亦  
隨心

勝地疑槐市名賢類竹溪

使艷陽迷道路難高枕山林慕舊柯坐論良會潤

林圃徧相攜

又陶世丈暨從孫德符招同青巖叔潛子實

季徒次典公礪少文集飲翠竹山房子舊

雲慈此別來二十有六年矣述德興懷以屬和者

瑯琊祖孫皆素心別構牆東即竹林三月鶯啼春  
酒熟掃除曲徑相招尋花時風雨每相妬早起霽  
輝滌繁陰執友數人諧風好香膠一滴豁幽襟頗  
宜寒翠吹虛籟况有鳴琴送好音令君飛鳥領幾  
縣公子才名推弱冠坐列鱗等多遺蹟壁懸圖書  
寡近祝博山欵發都梁雲片石還生北地而時出舊研  
有獻古先生秋杵落落傲深席舞帶翩翩洽終宴却  
憶昔年過獲中齋筠下楊光輝同一賦遠遊出關

受祖堂詩卷古

五

塞歸來華髮悲轉蓬再逐朋車集荀里須臾少壯  
成老翁我嘗辟咤丈人後忽復祭酒先諸公男兒  
棄擲勿復道珮玉鳴珂在年少往事脚躡空煙霜  
眼前顧盼盡英妙當花對酒莫辭多此夕不歡將  
奈何人生離合難稱意忼慨臨風一高歌

春晝同振之雲生子實少文又陶飲薛爾至  
前輩草堂泛觀書畫三首

勝集憐焦穫高人拜薛收幽居泉石癖靜晝竹書  
流粉壁輝 燕晴朴劇雨鳩撫塵懷故老零落不  
勝悲

亂石圍墻迴雙藤滿院垂龍蛇紛跋扈雨雪恣葳  
蕤問齒余生及臨傷野興隨屢來清蔭下遙念苦  
心爲

堪上七旬酒况逢三月花長林私野逸古砌落雲  
霞座接羣才壯歸忘暮景斜清瀟僂竹嶼更欲泛  
浮槎

陶伯爲韓駕部聖秋先生令嗣賦詩贈之

藉甚韓公子傳家綵筆稱每開緇帙夜親倚玉壺  
冰更可章三物休教近五陵圖南風漸厚拭目待  
鯢鵬

受祖堂詩卷古

六

東王二達生

司馬即大龍先生之子

道勝耽幽跡塵居迴絕塵邦清樞部里客過紵衣  
人愛酒繇天性工書邁等倫夜來貽小楷懷袖自  
生春

送人之京

送君京國去楊柳正依依惜別牽春草登筵擁暮  
暉樽中黃鳥度馬首碧雲飛不負聯牀約涼秋風  
駕歸

贈趙伯岑新婚二首

河上三星夕翩翩出御輪綵衣要玉珮驄馬蹀青



春憶懷牽絲好階庭列炬新自今嘉禮合無忝丈  
夫身

婚嫁催吾老文章及汝翁寒雲歸妹近春酒盞簪  
同剪翬猶前日探梅竟國風雞鳴應有賦令範寢  
門中

同子頑子實飲元深西園看牡丹得流字舍  
字

半畝嵯峨色爲園帶碧流主人多獨臥春酒及同  
浮未覺茅茨小祇憐竹徑幽日長拚盡醉花好更  
登樓

受祺堂詩卷十四

七

春卉繞亭南名花發興酣臨池滋遠翠倚檻落疎  
嵐雨露三春得乾坤萬象合只宜豪飲共無使衆  
芳叅

三月杪同子連方叔青巖諸君集少文東郊  
園亭四首得微字園字妍字家字

抱郭山林靜當門竹樹圍諸賢遙有約永日愔忘  
歸徑僻通蒼靄亭高接翠微未容飛傘住斟酌向  
斜暉

碧柳春逾峻黃鸝暮自喧故鄉期會少新雨發生  
紫杭稻熟畱客簪裾學灌園偶來愜幽興披豁並

忘言

抗館清渠近疏峰晚照懸猶憐修禊日共坐落花  
天甃壁開孤爽虛階納衆妍白頭對朱紱青嶂落  
芳筵

縱酒寧辭夜張筵故倚花坐聞羣籟響門斂半戒  
復豹隱工無術鷗浮薄有涯放歌聊所契高臥卽  
爲家

王青巖得小婦詩

弱冠看花容新歸意氣中綵雲人自嬌紅葉賦初  
通百爵長虛右三星忽在東微蘭今後事勉勉佐

受祺堂詩卷十四

六

占熊

甥坦三年之喪畢作詩慰之

觸景嗟遲暮含悲撫鳳毛而翁趨漢闕不及試江  
袍劍珮三年冷枹枹五尺高牽絲雖未就坦腹望  
中勞

再集晚園

盡醉東園酒翻疑北郭家傍城連畫漏移坐劇昏  
鴉曲榭風初歇中天月正睎蘭亭連好會及此戀  
明霞

送人之京

清水清無極離鱗倚岸開野街虹影去城遠翠微  
來贈別攀春柳旋鑣待落梅 帝京誰好事圖畫  
一論才

同官呈王明府二華二首

時來署篆

向有中都別遙臨絕塞秋故交紛雨散垂橐共雲  
浮罷接狂歌侶愁登縱飲樓對君悲喜集江海思  
悠悠

祓禩懷秦祀川原領漢封須君雖五日在邑比重  
塘碧帶郭南澗青攀天上峰鬱蒸昏更甚揮灑習  
池松

同官習

受祺堂詩卷十四

九

夏日寇仲符前輩招同諸子登凌遠閣並懷

習項城繼遷二首

步履從前輩登臨與衆髦寒衣青嶂潤把酒翠微  
高峻壁雙城坂新松五月濤白雲瀟洒甚攀弄不  
辭勞

漆水緣郊去銅宮想漢初勝遊長寂寞虛閣暫躊  
躇戎託關梁老山連雉堞疎故人花縣隔鳬舄正  
何如

送金明府鳴霄罷官歸京師

三韓世家橫雲霄七葉金氏皆耳貂我侯未壯已

黃綬珠珮翩翩來渭橋渭北川原多大邑頻陽乃  
有先秦立大田時聞碩鼠鳴中澤未睹哀鴻集侯  
今匡坐意悠然閉閣彈琴忽累年不比丹青成速  
化誰云琴瑟必更 自公多暇繁玉趾裘帶徧交  
都人士却憶車旗過蓬華如余淪落亦爾爾辭君  
足跡在天涯十易炎霜未還家頓有二天庇桑梓  
長途高枕寬愁嗟寧知世網密如草蕙質蘭心難  
自保馬援憂傷中流言陽城撫字書下考我侯功  
垂九仞餘裁失一簣無安居騏驎如飛只暫蹶燭  
龍含光寧久虛嗚呼薄宦悲垂橐罷官徒壁增蕭  
索若雨長征關輔道將求升斗不為薄自從堂上  
少知音無復入城論素心臨岐脫贈一樽酒酌對  
叙茲肝膽深六月鬱蒸被曠野風飄赤汗嘶班馬  
離筵辛苦詢前期却立吞聲淚如瀉

送王頻山督學之楚任

省郎清望徹容臺南國旌旄授簡來郢士操歌聞  
古調湘妃鼓瑟藁羣才橫江曉渡中流楫傍岳寒  
生細席杯我亦有懷凌桂水汎舟猶阻澗之隈

張閭使茹王趙三幕僚郭贊府招同諸子集

秦邸西偏因步壽樂園限韻二首



霜霽天高木葉稀  
邸門搔首一沾衣  
中間玉砌浮寒景  
別殿金鋪走翠微  
想像鼓鐘遺淚在  
悲歌禾黍壯心違  
朝來輦道樵蘇合  
紫樹千羣縱牧歸  
畫棟何年落燕巢  
空垣列幕藉叢茅  
游魚曾滿滄池上  
架石還凌玉樹梢  
竟日愁深惟判飲  
羣公祿薄更兼庖  
西來佳氣寒猶得  
欲傍清笳出暮郊

放歌行

有序

秋日客青門所交新故凡數子共听夕者三閱月爲放歌行紀之

神馬鑄鼎之荆山  
山之布衣中閉關  
夙懷求友復

受祺堂詩卷四

三

他出秋入長安冬未還  
懸鵲不知憂雨雪如蓬  
翻得好容顏蓬門忘機日  
復久有數君子遊其間  
結交要在含情素何必新  
知不如故于生憔悴來江  
左百折逃禪多妙悟朝來  
斷米已經旬戶外朋車鬱  
無數危坐無言或終日動  
心忍性成大度梁生質肆  
且藏身肝膽較然披向人  
憶昔神龍違窟穴蛇螭異  
種寧相親魚服遂遭豫且  
制從行何意潛完鱗至今  
越鳥每南向涼風一起恒  
沾巾與生舊歲思杯酒實  
惟廖生相左右惟蜀有才  
廖稱最貴齊庶下同賢婦  
士曰昧且女雞鳴朝行暮  
歸情不

突然詞賦貧逾得  
貽我七歌嘗在口  
貧交宛轉忘予心  
且與汪生理素琴  
躁釋忿融見至性  
含宮苞羽聞希音  
晴霜滿野暮山紫  
擁褐醉眠秋氣深  
惟生憐我寒無寐  
靜夜一彈輒橫參  
男兒作事期有濟  
往往英雄亦游藝  
吾友張也賣卜耳  
淵源遙邇清河裔  
君平取市僅百錢  
日付酒家聯高契  
有時判責解短褐  
獨立雪天無歸計  
多謝梁生爲授餐  
郭生鄰近初締歡  
璞也追隨十餘載  
渠翁託好氣如蘭  
久客蕭條倚門闌  
殘杯到處含悲酸  
數過亦不因盤豆  
文采彬彬今所難  
吾徒王生天下士  
輔也况屬通家子  
工詩工書自家學  
與汝相期寧在此  
子雲皓首竟何成  
司馬多才空復爾  
附翼攀鱗及汝壯  
唇乾足胝吾老矣  
諸子紛綸美亦符  
塞裳把臂漢西都  
古道千回興不竭  
高談四座貧相娛  
榮羹可迭爲賓主  
松菊所之隨有無  
驚馬敝裘恣遊戲  
那知天地當窮途  
人生會合皆難必  
歲暮時移不具悉  
如澠之酒盈我側  
况有同心論膠漆  
華岳雲開霜未封  
秦川雪後樹猶密  
昨暮黑頭晨皓皓  
胡爲不飲愁明日

別友二首

結友多吳越君年妙一時並呼秦氏酒初識漢宮  
詩雨雪深岐路關河擁故危賓鴻歸有日莫令好  
音遲

聚散渾如此愁歌復幾回征途存壯氣故國遠羣  
木樹衝寒發江花夾岸來離愁侵短鬢不必望  
鄉

受祺堂詩卷十四

三

受祺堂詩卷之十五

中南山人荆東李因篤子德著

蠟梅花三首

尚託東籬并先分五出花開遲幽向雪底濶淡流  
霞暖覺生虛牖香疑遶過車鐏前詢所自况出故

王家裕口山保安邸

霜被徵陽德格筠共歲寒誰留明月並忽結彩雲  
團獨佼遙從後羣芳久自安黃鐘鳴始律一氣長

琺玕

古處辭蜂蝶含愁斂薄妝玉壺時取貯金屋夜生

受祺堂詩卷十五

一

光顧影江春近浮階霽日強好修資汝潔移傍北

山堂

後紀別詩

朔風吹飛雪遊子當遠之歸來北堂上已屆明發  
時伶俜初有託我母體仁慈銜恤日百端撫茲黃  
口兒母云此尚可嗟汝行何資小心事公卿高義  
還自持凜凜晨飈嚴恨恨步履遲既無衣與襪長  
往兼渴饑再拜出門去徘徊未能辭晨省違其分  
欲言忽自疑努力營甘脆修途以爲期不如從吾



寄龔使君素若四十韻龔舊令府谷並及之

漢家襲渤海今日授平涼左掖彤雲近中原紫氣  
長雙旄明曉雪五馬粲初陽陌路人皆喜鄰區客  
尚彊歲時矜夙願河嶽庇殘疆候吏遙相識寨旌  
倍有光共云花縣宰猶是漢京良較別驟加大後  
來猶未替楚材追郢都周雅續騷莊果自歌起  
旋聞使命彰公自府谷飯蔬寒獨耐羅雀興逾狂  
每過崇津却翻從野逸忙皇華清比士粉署擢為  
郎式敬分秋憲惟明肅國嘗承恩同列戟入對獨  
含香玉託帶冰冷星沈貫索芒勞深還領郡歲晚

受祺堂詩卷五

忽嚴裝待漏辭閭闔連雲度太行輝凝虛谷景凍  
落遠林霜斤竹搖惹珮巖霞拂繡裳入關寧信宿  
浮渭只孤航倘涉傳經里應懷種柳堂做廬多舊  
德吾道且遐方出塞依句注往從陳使君蒙交託  
定羌蘇刺史生紫牧保德日讌遊殊彼此公與陳  
師子遠金石固存人蘇已故公每念邊隅別會趨  
輦轂旁鷓鴣惟暫寄鴻鵠盡高翔茹藿儀仍忍披  
裘署亦忘幾人憐白雪他日辨清商集邸簪裾盛  
開鐙草樹芳周旋遺俗眼契合在剛腸久旅居難  
必晨征去勿違江帆侵蒨荔鄂月照滄浪時子將

寵擢驚新序聯樓憶故鄉榮恩更絮葛欲濟阻川  
梁芮密嘗連軌陞峒屢累糧子舊從陳使遙知車  
哇噓若引馭鏘鏘古闕探王母豐年名鳳凰西戎  
愁累逼北道急先防肯不捐歡愛佳音一寄將

贈高使君擢楚臬二首

行歌獨帶九秋塵忽邁雙旌四座春醉裏論交連  
海岳風前把袂傍松筠中原縞帶初通楚絕塞黃  
花久庇秦聞道外臺推越次漢廷他日近楓晨  
親臨雪幕靖西戎遠望星轅下朔風遂有笙竿盤  
水鯉頻傳尺素側賓鴻荆門漢月重鰲外龍樹江

受祺堂詩卷五

雲一氣中強項自憐頭已白追陪幕府媿微躬

長歌呈高使君欽如

君不見大江之南漢之東揚來乘憲得高公霜戟  
蕭森拂曉日畫旗窈窕揚春風出門時跨五花驄  
談笑能開兩石弓曾向西陲射猛虎浩歌泥飲何  
其雄憶昨雙帆下洮水咸陽十月承嚴軌幾夜透  
迤邐酒杯諸公邂逅接鞭弭遠天忽帶塞鴻急深  
席猶憐餅菊委既醉何人賦草蟲遙征有士思茅  
苴予適訪舊獨躊躇清河將軍喜讀書野服簪裾  
聯好會繁絲急管同前除匆匆攜手來江夏去去



寒衣望孟諸拼連上谷非得已謂陳使君有約并州復

何如時在晉子頗聞楚漢民孔亟甘雨隨車瞻蘇

息時久旱七澤星寒貫索空五雲日麗中台直有

到高齋幽興遠徘徊忽已青陽逼黃鶴晴川尚眇

茫洞庭雲夢填胸臆天涯歸思日紛紛薄雪初晴

草欲熏躋堂且附兕觥舊適野將還麋鹿羣應航

風契北遊趙或理潛期西渡汾君家最近采薇里

他日行歌肯再開

答周參藩伯衡

太史高吟黃鶴樓風帆時過白蘋洲憐予陟岵懷

明發對客非慰遠遊細雨落花清夜醉浮雲芳

草別筵愁相思莫漫音塵冷萬里雙魚次第求

答南陽大兄

漸遠北堂日初承南道詩雪鴻貽惠問春草入佳

思墨突遙須婦青氍近與兒促裝疎取別雲樹憶

高卮

送高三肅公之建康迎令姊歸寧

四月薜蘿雨三吳鴻雁秋送君馳水驛將姊出江

樓白接鄰帆過紅依厓樹流高堂勤暮倚按日數

歸舟

東高二轡伯

會依北斗問華簪令祖遠扣南託素心獨見綵

衣工拜舞時來花萼慰登臨雕孤繡柱瞻佳氣嫩

竹疎松愛好音孝友應於家傳得沛嘗莫忘主

恩深

答劉序先

中陽文獻擢遺封後起胎簪得紫龍觸暑重關裝

劍佩懷人七澤采芙蓉淹留不爲江魚美咫尺還

孤社酒濃擬向石渠分夜色應趨金馬待晨鐘

黃鶴樓

彩翎何處楚天空飛棟猶憐鄂雉雄勝地金樽高

夜色仙人玉笛散春風江雲漢樹塞聽入蜀機吳

檣拂檻通一自橫戈悲彼黍蒿萊不辨故王宮

贈高大扶南

大雪同辭漢苑鐘微霜已帶楚天杳長臨玉樹憐

車騎獨傍青雲美仲容雨散遠林明薛蘿江高秋

水縱魚龍促裝聊榻經寒夕春酒杯浮琥珀濃

送母姨夫朱公仲采之上杭任

龍巖仙令木蘭舟八月來登黃鶴樓共道鄉心通

漢水誰知客夢冷江秋潮迎彩鷁花爭發野接飛



鳬跡漸流北闕於今勤課吏重書追通下汀州

晤遂安丞表祖石翁

廬舍相依澗水分德門中表託氣氣自從解褐通  
初籍何處傳書慰舊羣萬里關榆天外墮三秋江  
雁雨中聞離筵甫合催征馬早傍棠歌過白雲

送魯伯將妹之石城却聘小婦同還

白露初零赤葉稀清江忽挂彩帆飛去聞柳絮聯  
高詠來有明珠擁暮輝雨色正深東渚合秋聲應  
帶朔鴻歸菊芳蘭秀思公子朋酒休教永日違

客鄂渚營草堂成述懷呈王藩伯茂衍次老

受祺堂詩卷十五

六

杜將赴成都途中寄嚴鄭公韻五首

征塵偃息楚遺都抗館班荆觀使符但得炎荒休  
鼓角不嫌蓬草寄榛蕪格陰畫舸堪供釣竹征甘  
泉足代沽綵筆幽期俱不爽新歌傾耳慰狂夫  
採採池蘭傍澤蘋他鄉忽復就冬春自緣羈絆悲  
遊子每到登臨憶故人觴逮庾樓明月住笛迎仙  
侶白雲鄰已拚花樹消遲日更對秋臯霽色新  
從辭谷口出潛谿塞草湘花路欲迷萬里客蹤清  
河外十年心跡太行西愁來風雨滄舟棹夢裏關  
山人馬蹄盡向知舊一樓憑紫案未暇計雲泥

編茅半畝插疎欄隔院霞飛接翠湍落日白春連  
馬隊清秋天地一魚竿招呼數過杯膠碧竚立空  
吟木葉丹亦自荷鋤虛戶左預防蒿徑駐車難  
荆門見訪曙煙微夏口重隨返照歸睥睨論文桑  
梓共艱難作客歲時非青山桂杜誰招隱皓首江  
湖暫適機相望久懸霄漢想正須時引薜蘿衣

中秋夜王督學文石招同里社集飲五首

楚門明月庾公樓百過翺翔興不休正值良宵開  
燕席依然故里接朋儔江山自可銜杯同閣道何  
須秉燭遊漠漠虛檐時獨倚波光一色皓同流

受祺堂詩卷十五

七

誰驅白兔走林臯閣上清輝送綵毫繡棋虛侵銀  
漢影珠簾直捲素江濤臨風空瀾雨竹笛散帙縱  
橫見楚騷子有囊琴久不御潮新向月中操  
使車多暇綺筵清座滿粉榆酒共傾醉裏推牕看  
漢樹歡時擊缶和秦箏寒衣白露三秋色濯足滄  
浪萬古情月擁玉壺天似水光華偏爲故人明  
邊隅十載論行藏忽漫憑高水一方咫尺疎星搔  
鬢髮徘徊落綺散衣裳關河入照雲虛遠葛屨迎  
寒夜未央地阻情孤欣此會中宵不惜盡餘觴  
天涯懷抱無端難近交親一罄歡冉冉宿鳥屏



外起飛飛雁鏡中看極娛談詭心翻過石微燈  
廚漏已聞班馬並嘶催客去幾回惆悵後期難

十六夜會飲臬署西臺卽席贈潘令瞻

崇臺倚北阜講樹凌清秋豁然星斗垂俯視江漢  
流伊余采蘭若七澤淹歸舟白露晨始降丹楓夕  
颼颼令節有招尋萃才羅楚州短褐不蔽體簪裾  
忝同儔寒空無寸翳明月吞前洲願持一杯酒澆  
我萬古愁天地盡一攬纖毫資冥揆息羽數自起  
歸鴻鳴相求佳客來三吳紵衣通獻酬金波照玉  
樹綺席光天球痛飲把爽致高談醒醉眸披襟長  
風間潦倒風疾驟忽思少壯日回首關輔遊結交  
多俊廚時序共綢繆瀨上柳色盡樊川霜氣浮萍  
蹤南紀內羈思仲宣樓炎蒸尚在眼歲暮何其邁  
清輝漾人鬢素髮盈我頭相依惟濁醪不復論杯  
甌新歡况滿意縱目兼銷憂夜久吹簾寂憑闌拾  
桂幽感慨中易集修名誰遑謀丈夫具木性安得  
久王侯嚮朝而顏覲弄此詞翰柔人生離合端譬  
若水中鷗吹靄良宵景光華竟座留班馬當筵嘶  
躊躇且復休朋爵幸不竭莫問巖城籌

客散獨立西臺慨然有作

經年對明月此夜應獨好晦朔雖有期陰晴未相

保落日來微風寒空淨若掃臺亭瞻新成夕露白

皓皓取醉蒙簪裳忘形共潦倒哀角衝筵急嚴城

解袂早移時喧談謔未暇挹長昊悠然賓侶散始

覺清輝造瀨氣涵名都金波接絕島澤陂通潮汐

河漢縱探討桂樹何年生扶疎終不著辛勤大藥

就玉兔爲誰擣節晚及黃花

是年閏七月

秋深漾碧草

遠渚飛鳥鵲高江動蘋藻燭火衆星避神明天地

寶末照安旅途孤吟信吾道此中故南紀何處望

西顙慈母添龐眷嬌兒尚繡襦關寒寬兵革舊廬

受祺堂詩卷五

九

足禾稻片帆終操機歸馬亦在皂臨水洗煩憂振

衣開懷抱潛將暖景光日月同壽考

再呈遂安丞表祖

天涯獨出仲宣樓錦帶相逢盪客愁薄宦不辭延

海嶽通才何必盡公侯頻來藉草青楓邸忽復懸

弧白雁秋君過富春須借問釣灘可得漢羊裘

喜子禎先生至武昌敘舊述懷四百字

去年春雨積朋屐滿柴門吾子最顚顛敝裘汗泥

痕高堂然劉薦野菜充盤飧微火續中宵典墳同

討論新醅苦易竭客馬嘶嘶嘶嘶嘶嘶嘶嘶嘶嘶嘶



仍駿奔汎愛語未展窮途聲獨吞南征霜霰嚴  
足楚天濫不寐懷明發長饑兼弟昆所希在升斗  
何敢辱芳蓀載聞黃鳥鳴相憶紫榆繁一燈將共  
續孤竹本同根使君采采未契隄弊肅高言秋水傳  
尺鯉琳瑯照荒村遂令幽栖士馳此風駕轅露洗  
鬚毛脫風吹衣絮翻荆襄故重鎮控帶臨中原千  
載呼羊杜順流弔湘沅班荆屬歲暮菊蕊殘空樊  
傾我開旅抱蓬蒿色飛鷲阿崧追步趾負笈來西  
軒殷勤向父執拜跪通寒暄浹日啟詩書山亭接  
瑛璫北斗垂屋脊波濤明虛垣每來坐嘯並平日

受祺堂詩卷五

十一

羈愁煩搔首望燕代側身思名藩往者託縞帶諸  
賢盈清鐙徒泣楊子路未酬信陵恩男兒有去就  
大義乎乾坤焉能棄所好浪跡如窮猿况我白髮  
母倚閭朝復昏數緡不救餓銜恤鞠諸孫子雖東  
俗薄匡席吾道尊枝柯待潛翮溟海瞻化鯢予志  
甘巖穴故交亦具敦東臯闕遺舍引水爲小園卽  
看三徑荒猶幸格菊存松老發虬枝異時君再捫

九日

百尺臺成菊樹香愁來仗劍立崇岡臺在地江山  
無恙慕懷古歲月安歸一望鄉晶晶雲沙秋水白

公車冬嚴急次發卽次多所懷曉曉門前對策  
近丹楓看花迎紫詰遂發名山辭徐酬宣室召  
西北尚飛輪江湖連早涉濟在斯時顯庸何足  
道承家纘前休錫類稱至孝庶存行葦私永保貞  
筠操

至日有懷陳使君二首

往歲羣才滿雁門茲晨屬飲共清鐙却愁江漢風  
濤冷長憶檐帷坐嘯溫雨雪南征迴日馭關山北  
望接雲根玉珂珠履無消息磧柳邊梅有夢魂  
佳日追歡阻浪遊歲嚴霜消繁孤舟天時人事同

受祺堂詩卷五

十二

消長塞色江春有去留懷抱三年述所向悲歌中  
夜炯深愁黃鐘欲轉寒厓律白髮空搔舊贈裘

贈高使君初度二首

春郊獨奈採苓何憶託車塵一放歌碧露載蘇雲  
夢草牙檣同涉漢江波筵開陶庾簪裾盛節照荆  
襄控帶多冉冉和風吹畫幃關山北向早鴻過  
使君冬狩馭驂驅繡綬驂弓識壯猷日色長懸青  
玉案霜華忽漾紫貂裘梅添臘嶼迎雙憶橘傲秋  
枰冠十洲此地景升曾結客有人重上仲宣樓

立春日題得春字時在州



黃鵠志萬里羽毛誰復馴赤驥嬰鹽車嘶鳴欲求  
伸宿懷本巖壑飄蕩於風塵一爲江漢客再見仙  
鄉春七澤久未東冬青寒猶新蟄足有垂絲滄波  
多來鱗飛雪聊應候早霞還照人傍簷鳴好鳥斗  
酒亦時陳鬱鬱遠遊子敝裘如懸鶉負暄暱南景  
當曝違慈親西土高且嚴蠶桑嗟糗食比年曠溫  
清蔬食寧及晨嬌兒留母側弱弟多苦辛待火霜  
掖外傳書蛟龍津觸序思妻孥追隨感天倫若曹  
雖暫睽雲樹同北鄰杭稻秋頗稔族芽亦易詢朋  
舊垂章絃問遺不乏人皇天迴淑氣歲首發深仁

受祺堂詩卷十五

十一

振衣王粲樓疎放存吾真

除日承王藩伯茂行貽詩見懷兼致筐幣却

謝

老爲荆南客蕭颯適歲除所營嗟羈旅焉得不太  
疎臘蟻浮椒花壺觴率易虛里社二三子清談盈  
我廬太原邦國彥關岳拔連茹光綴鑄鼎宮秀涵  
華清渠對策甫弱冠寒帷從皇興高張西州幕再  
抗南北車慨然蓄故舊誼不遺樵漁涼秋一枉駕  
朔雪數傳書每過陳玉案開樽命嘉蔬細挾搖策  
竹墨莊粲紅蕖龍山復邂逅漢水空躊躇歸旌迅

莫攀客路窮安如度歲在戢頃懷春猶拮据徘徊  
願邸舍曠蕩同村墟門有經年負益無斗米儲敝  
裘聊一拂華髮嬾新梳我公獨不忘搔首臨居諸  
貺以尺素札緘之雙鯉魚捧持再拜跪開視照蓬  
閭上云重有愛下云長相於燒燭展高詠解筐傾  
璠璣豈惟追白下超古凌黃初齊紉渾待製已覺  
侵衣裾煌煌錦韞韐未敢側填淤涸鱗去堪縱困  
翻寒欲舒盈几漾劍珮醉眠通華胥溫風披戶牖  
令節有吹噓仗子勤惠好從容賦歸歎

除夕同子禎璇伯約生雲叔舍弟嘉武昌守

受祺堂詩卷十五

十四

歲分花字

暖風拂早卉芳色高吹葭蹉跎歲月改晡晚西暉  
計鄙夫一行邁江漢淹孤槎豈但歸路遠蕭蕭鬢  
毛華嚴冬忽有適返棹凌春沙八口半旅泊誰云  
非吾家寒蟻寧不仁短褐體未遮橘柚楚林茂移  
時童孺嗟此味失亦可拊膺懷天涯所親靳溫飽  
回首猶暮霞度除諸侯邸良友趨步賒絳燭照春  
令清觴兼蓬麻層城劇梁棟燎火喧鼓笳團椒各  
應候爆竹如潮譁玉漏久寂寞中宵聞行車獵獵  
散廣陌唯續明飛紗雪盡尋峰秀官海亦已花



藻杆翠縷藥欄吐紫芽折飲且共遣放歌開龍蛇  
關岳思尚健未應問丹砂

元日武昌謁孔廟二首

魯殿高周日南池碧楚天春迴戎馬後地肅藻蘋  
邊玉珮銷雄竊蘭皋帶逸賢異方安簡畧瞻望獨  
森然

翠木榮初序雕牆託故宮馨香諸夏潤禮樂萬年  
同曉裏包茅露清涵江漢風不須論改物於此識  
鴻濛

元日同守歲諸公

歲在昭陽  
赤奮若

受祺堂詩卷十五

五

但識春暉好誰論歲事增辛盤成邂逅濁酒共峻  
峭敞戶青陽入高巖白日登縱吟聯數子佳氣滿  
孤藤

巒伯餉紅梅東謝

海日融新雨江春放早梅美人雙屐色高閣數枝  
來近帙霞初上移爐火暗催故園隔芳草應報隴  
頭回

正月二日大雨雷電

驟雨纏開電初春迅始雷聲光熛萬象屯難醒羣  
材罷蛟龍起驚飛鳥雀迴書時應誌日魯史亦

悠哉

太昊行武昌送費二璇伯之黔中

璇伯秦州人

君不見太昊生於古成紀卦臺高擁三陽水茂風  
一氣開黃虞文象孔辭互終始千年龍馬不再出  
西控戎羌高霸嶺拾遺萬里來荆門懷古悲沈從  
北望黃生磊落產其鄉弱冠操觚視八荒四科屢  
舉再閱亞三輔時同尉俊翔獻書闕閭老未遇南  
涉江門飄孤航蒼鷹卷翮怒霄漢赤驥長鳴蹴冰  
霜憶在五原通歷聘使君掃榻蕭新詠諸彥爭息  
大木蔭匹夫不傷幽居性幾回紫塞溯黃雲此日

受祺堂詩卷十五

六

白髮共青鏡楊朱岐路空灑泣阮籍窮途奚奔命  
葉公好龍龍非真齊門鼓瑟復逡巡驕寒並理漢  
江楫守歲能甘藜藿春豈無椒盤下侯邸隨事柏  
酒沾客唇戶外悠悠冀英換天涯莽莽年華新昨  
夜綠雨涵朋屢朝來丹萼照盆樹啄雀盈砌飲初  
闌驪駒下堂客欲去草隨征裘色半脫塵拂匣劍  
光猶注短蓬飛櫓僅容身湖水黔山愁屢渡風聞  
南伯彤彩毫帝棠頻著西土勞銅鼓無聲明河靜  
賓山獨壓文筆高翠羽明珠非所問紫藤青荔恣  
遊遨慈母倚闥望彩袖歸帆莫使遲秋濤

答子禎題儿上紅梅

夙昔梅花賦風流朱廣平丹心看尚在綵筆對逾  
清收朶春偏惜盈盆酒共傾何繇沾鼎鼐一使泰  
階明

置梅儿上同諸公夜酌

夕霽仍涵雨春和已任風乾坤迴淑氣草木判鴻  
蒙轉度香醪碧深連畫燭紅向來無數樹曾照楚  
王宮

移梅入內室

江上浣花客所居成草堂傍梅熏雜珮移几冠羣  
受祺堂詩卷十五 十七

芳鬢髮驚春及江湖引興長朱鉛對青鏡雅欲助  
晨妝

對梅再成小詠有懷陳使君

露浸圖書濕光分枕簟妍微芬含綠蕙古處動朱  
雨雪樽常在關山笛莫傳閣梅畱詠遺回首雁  
門邊

詠梅四首

浦霽梅花曉城春鳥雀飛江山先受命竹木靜涵  
輝問使卿心接傾壺楚望歸歲初憶朋舊東閣好  
詩違

翡翠晴雲注珊瑚紫露調隨風熏七澤得影澹孤  
標託贈情臨野忘餐數及朝幽尋多漫興未覺杖  
藜遙

世憶羲皇古天攄雨雪春和羹誰應候急管自通  
鄰勁氣迴幽壑芳華帶白蘋標梅應有賦懷汝曠  
年人

暗水雕欄出疎陰錦樹香乘時超萬卉取色賁三  
陽素蕊深移月丹葩不礙霜虛垣頻洒掃采采竹  
書光

人日同子禎璇伯雲叔舍弟嘉小飲

受祺堂詩卷十五

十八

人日朝來霽合椒猶在觴故園連雨雪殊俗問年  
光暖逗瓶花紫春融積柳黃時看北飛雁媿汝早  
還鄉

鴈

野泊三湘雁春歸萬里羣影斜天際隔聲急夜深  
聞露啄江干草晴飛渭水雲衝寒梅始放色淨羽  
毛分

對鴈懷舍弟

鴻鴈看仍去鵝鵝奈爾何別離空曠蕩書札且蹉  
跎汝儒飛鳴晚身遙旅思多異鄉送高翮關路杳



漢

元宵前一夜武昌作

娟娟玉漏九霄催  
家家笙歌萬戶開  
若木扶桑銜燭起  
魚龍江漢噴珠來  
他鄉欵客傾儲粟  
冬節開樽把舊醅  
咫尺朋離高北岫  
遙臨火樹亦徘徊

元宵行

夏口輕颺罷飛沙  
雲開九陌生光華  
長江明月淨若練  
照我忽在天之涯  
短褐多暖固其分  
村醪數杯不須賒  
同人况沐如蘭誼  
置酒復臨棠棣花  
使君晚登百尺臺  
珠珥玉珮行徘徊  
別有一筵欵賓

受祺堂詩卷五

九

客芳樽滿座同崔  
嵬  
羚羊之角雪皎皎  
翡翠之屏水皚皚  
下有八駿出御苑  
騰驤蹴踏皆龍媒  
上有羣真集北斗  
雕梁畫棟凌蓬萊  
萬草千花競紫飲  
翔鸞棲鶴銜朱璫  
遠巡夜闌月轉白  
錦帶公子還相索  
窈窕春燈劇上竿  
吹竽擊鼓喧前席  
十丈芙蓉火裏秀  
層霄霹靂階除圻  
燎原不礙畫圖明天  
半飛來樓閣碧東望  
遺宮霜露深故池  
無復蛟龍吟楚王  
供奉散暮雨瑤瑟哀  
歌空荒林西門柳色  
春蕭蕭士女嬉遊滿  
星橋安得風俗返淳樸  
泰階光輝玉燭調

戲詠愛妾換馬

宛轉蛾眉別怨長  
華軒叱馭趣嚴妝  
白頭吟冷青絲絡  
朱汗光移翡翠裳  
十斛五花如反手  
驚鴻飛鬼不同行  
珊瑚枕截垂鞭去  
一任愁歌君馬黃

橫山寺塔燈

寺故爲漢陳友諒所居

霸業銷春燄  
崇標聳翠微  
千枝燈窈窕  
十里夜光輝  
射水潛蛟出  
連雲列宿稀  
近來負幽興  
懷古寸心違

受祺堂詩卷五

千

受祺堂詩卷之十六

中南山人荆東李因篤子德著

哭王督學世兄文石先生五百字

僉憲鄉黨秀溫溫樹儀刑垂哀沾旅櫬撫事感流  
萍壇玷頗叨竊里廬皆互經庶幾陳世講銜狀待  
新銘時子爲公憶昔封大夫潛修茂林垌所交聲  
厨俊巖戶虛翠屏先子泰高契揆辭方壯齡各輸  
戴笠素披豁春蘭馨聯牀閨仙郭公村爲唐賈島  
故居封大夫與  
先子同並采西土岑陟岵徒惆悵呼天痛沈冥不  
肯久困墜羈焉嗟伶仃豈知琴書地猶接泰斗矧  
夙好推遺孤諸郎藹鶴鳴子獲侍封大夫於  
西未因交公昆季拜命  
屢拂紳牽衣真忘形公才美淵璞振藻如建瓴三  
物竟先達公鄉舉先  
封大夫一經繇過庭明光擢上第鄴  
下褰輕輶公以進士  
授臨漳令鳬傍魯山碧雉歸漳野青遷  
喬適際會典察兼都亭公以名至  
京授南城暫拔太駭貳幾未  
還太旋高即署星隨權戶  
部員外清泉遙借箸白鷺再揚  
舠又出督臨清  
又監西新關輓儲紛泱泱題柱鬱精淡旁求晉  
水逸博覽堯階莫已解植瓊樹何因飛迅霆公典  
晉試  
桐得人旋以鯨鯢駭逐浪孔翠愁梳翎新恩一條  
浮言被助公復職補  
揚州來轉楚些兼得驅  
蓋諸旆重名公復職補  
揚州來轉楚些兼得驅

湘靈觸熱奔鳥道躡餐罷魚腥迴翔過萬里瘴癘  
染孤汀秋飈肺氣作夕火臺門焚欹枕事終集射  
侯勞未寧公力疾  
竣武關究爲二豎奪無復雙旄停緬維  
曳敝屣辛苦趨巉陁江帆雨颯颯竹館風冷冷遂  
忘使節峻時啓朝關局分米扶東餒贈言慰飄零  
縞帶脫珠閣香醪傾玉鉶談浹懷少壯飲酣視滄  
溟敘往瞻挂犢長吟掇流螢篇章辱指顧筆削煩  
叮嚀公盡出全稿  
屬子論定憐君本宗器未及登大廷狂飈  
隕芳杜積霰摧碧櫺刀圭悲盈几卜筮負結筵視  
斂仍垂橐應門僅數丁短策號弱孺空帷泣娉婷  
鄂雲擁粉旒宛馬嘶春駒歸路阻瀟灑片航艱渭  
涇匪惟睽故舊從此失倫伶窮途迷所詣累日臥  
初醒一賦山陽笛歎歎魂魄聽  
遣晉之保州侯陳使君歸感懷一首  
潁川下賓客春酒多好會昔我遊中原平生一編  
帶西登崆峒巔北覽句注塞官廩叨分攜部花恣  
晤對揮襟忽三秋楚水拂孤旆自覺違夙心君寧  
燭微昧向貽數行書迢遞萬里外日久無報章中  
宵自懲艾依人荷涓滴量力安麤糲不使蔬食充  
能忘衮衣介况聞垂橐歸時復授餐在夜飲質輕



衰柳寒風飛片雪長汀幾末資泰岱庶以五

傷 助盼睽睽冬遣僕佳忽與晨風逆逆旅

寒 途數告誠太行鬱嵯峨河水中澎湃傍

有流狀急適逢雪霜大五旬消息隔雙屐徘徊碎

節 漢春星目窮斂暮靄夢回班馬嘶辛苦此行

最此義關骨肉誰追美蒲稗大夫並珍重敝路還

再拜解帙讀來札綢繆如宿愛

### 羊裘

羊裘雖敝數經春况復相貽自故人

謂陳使君

北極多

寒同茹苦南方引邁不辭貧孤舟自可安垂釣五

受祺堂詩卷六

月誰能辨負薪挈領臨風一題首雁門霜雪淚沾

巾

### 贈茂衍藩伯初度二首

十載溫泉阻問津南條江漢託垂綸非關縞紵憐

傾蓋竊幸風騷得比鄰白雪初承招隱曲彤弓忽

照齊川身征夫醉拂西門柳楚水泰山一氣春

臨

萬里晴戰門

何遠能文似漢京

壁連城

高歌行

寄程穆倩

江城正月黃鳥鳴有客清晨呼柴荆相見乃吾故

人子朗如瓊樹玉山行別時五尺今八尺三載騰

驥遊公卿長跪起居動有禮藻華丹篆輝前楹我

亦再拜讀來札高江波濤同激發自云流寓老益

困中復採薪相摩憂鹽澤汗血反蹉跎魯門鷄鵲

誰識察忍餓恥為稻梁計哀鳴徒仰霄漢刷往者

邢溝嗟賃春豪家睨視薄其儲陋巷經旬覆土銓

僧寮伏枕餐新枥解質未暇惜長劍冠履無時達

受祺堂詩卷六

四

短筇形隻影孤窮安請獨君喬梓數過從君有長

歌二千字兩京板蕩須臾事確露傷逝足慷慨青

蠅惡譏橫涕泗光茫逆飛遑停吟微羽數變始滿

志太和協律迴奇絕長慶尚書何縱恣昔君早與

吳橋游漳海清江俊及流回首太阿倒奄豎蔓延

關雎啼鵲鳴九鼎卒移朋黨禍微霜深中杞人憂

禮失在野此最近詩以於今將焉求晚年貽蕩竹

西久高臥何如鹿皮叟時湛彩筆拂雲烟遍按遺

文盡蝌蚪大鏞石鼓忽同凡犀劍環刀常在肘袖

書韻跡山爭持丞相中即藉不朽林卿徑寸輕千



約取猶鹿沙身貴戚當前况辭謝貧交接  
如飲醇未攜一絲坐相索傾快堆案皆所珍豈但  
室中生交謫鄰翁竊笑童僕嗔薄俗逐聲寶康瓠  
黃鐘遺棄人罕顧山陽遂以工鍛聞正字終須碎  
琴去滄洲躊躇獨往願白髮磨折諸侯路北眺故  
園離樹深東來春水江花暮却送之子江之隅輕  
舟漾日歸東吳內省殊慙報瓊玖相思且欲凌碧  
無風知用拙見天性何必雕蟲非壯夫片帆若訪  
曹秀水爲道蒼生望重蘇

無酒

受祺堂詩卷五

五

苦節思陶侃忘憂必杜康坐憐春草發頻觸暮雲  
涼野色噓新露江聲撼夕陽浩歌惟飲水心跡近  
滄浪

答巒伯見貽酒蟹二器

客久何時醉春深到處花玉盤行幕府珍醢落烟  
霞臘蟻渾融雪鮮螯驟脫沙羈栖安所遇痛飲卽  
爲家

高枕

近日耽高枕頻年補做裘壯心筋力換殊俗嘯歌  
雷曉雨苔爭發春風柳漸柔懷歸情似蹇獨上庾

公樓

清明二首

滿目江花麗牽心隴樹長三年遠拜掃萬里濕衣  
裳祓禊通秦俗蘭茗擷楚芳漢川曾往溯搔首問  
歸航  
傍水暄涼易淡晨風雨勢盤發從凜冽匣劍拂蕭  
騷切切鳴鸛晚飛飛乳燕高楚宮遙入望當日薦  
櫻桃

答汪彥倫兼懷令兄開美

新安司馬先朝彥綵筆光芒時所羨蛟龍已臥黃

受祺堂詩卷六

六

金鈎海岳長留白羽扇公孫避地來岐下紫閣皇  
陂隨顧昀親向周原剪蓬蒿數椽僅足庇霜霰薄  
田種秫不種稷賓旅如歸蒙深眷况復任俠晚逾  
豪時傾心肝人共見難兄託契如手足季子長才  
困貧賤涼秋忽走數行書別致新詩明月片山榛  
隰苓有遺跡河酌行葦情最善去國敢逢歸鴈飛  
懷人遙對流鶯轉丈夫意氣重相許何必接座初  
覲面耦耕君不負前期春酒北堂待高宴

鮓魚

乍睹玉泉遠渾憐雪鱸微盤鱗猶偃蹇席饌已光



芳英靈潭龍惜山健一月津明驛騎飛無繇躍雙問客

淚洒前磯

茉莉

閒草纖纖出缸魚衮衮明晨葩何姣好秀色滿欄  
楹采芳輝受簪來暑氣清香膠並娛客細傍蕊  
珠傾

無酒

江醪時苦貴賴汝豁春愁忽復雙扇冷難爲數盞  
出疎星虛照座遠戍覺添籌使邸暮嘗閣攜壺何  
處求

受祺堂詩卷十六

七

答子頑詠齋前茉莉

萬里白華客翛然姑射姿偶來蘭杜野高詠茉莉  
枝託類親江澤舉英續楚辭素心繁玉樹偏與彩  
毫期

喜張澄一自金陵來楚述舊感懷因寄陳使  
君

長江帶吳楚逆浪襄風席春水桃花深浹雷雨  
迫林泉無所問訪舊慰行役對子壯心俱窮途懷  
抱釋昔別市弱冠排雲摩高翮蹀躞諸侯門爭窺  
汗血赤回首驪歌寒幾年龍樹隔青鬃鬚髩紫

髯忽如戟家聲庶能存俠氣堪動魄殊方判夙好

萬感生今夕當時賴川公獨懋分陝績抗志敦詩

書傾家結賓客少梁初授簡枚叔冠朋舄還攜少

子臯並發梁園策不肖忝末契同遊皆詞伯况沐

芝蘭薰兼出函丈益秣馬句注塞縱觀樓煩磧中

乎可斷金永世逾磐石奈何忽始願相顧捐遺迹

頓爲饑凍驅遙使盡簪圻論交具本末託體如圭

璧悠悠道路間詎有人倫責古來稱賢豪行邁不

妄適豈惟悔客絕終覺周行闕自我滯南征炎荒

成麻痺內省夙期乖沈吟天地窄夏霖旣時作村

受祺堂詩卷十六

八

酒難數碧洞庭付蒼茫黃鶴虛咫尺把臂有餘恨  
歸帆胡太劇曉發更踟躕良時應共惜

送澄一用子頑韻兼呈陳使君

離筵獨擁大江流浪急雲深無限愁往日蓬蒿違  
倒屣他鄉風雨罷登樓孤帆順指吳門練匹馬遙  
驅易水秋下榻自憐徐孺子何時重與大夫遊

再送澄一三絕句

送客江城草閣寒疎燈細雨接雕欄莫辭杯酒留  
中夜明日烟波正淼漫

七載相逢何處家江亭酒盡卽天涯故鄉回首三



千里庭樹同開四月花

高屐初登黃鶴樓片帆遙共水東流吳雲楚樹俱  
無賴一曲驪歌盡白頭

樽前又疊三絕句兼呈陳使君

蕭條可奈故人何酌酒中宵一放歌欲採江離充  
雜佩寒裳無路出藤蘿

江漢同流下武昌曉雲蒸雨渡歸航定知雙櫂人  
千里回望孤城水一方

五月停舟白鷺前輕裝辛苦北遊燕使君高臥多  
清興池樹依稀別酒邊

受祺堂詩卷六

九

得寧人先生書感賦却寄

春水迢遙雙鯉魚好音珍重數行書幽芳出谷原  
多事勁竹同根迴自如北海翔鴻懷遠道南風採  
葛戀吾廬兼知綿上傳經約莫遣關門步驟疎

王藩伯茂衍座中喜晤表兄同生之輒聞西

歸遙寄此作兼呈藩伯

孤舟繫江漢偃蹇無所適造幽多遺懷權室久削  
迹太原秦鄉郡中表聯末戚高閣許頻來苦吟饒  
務隙昨復徒步往忽焉自公迫遼巡能倒屣亦不  
廢良觀春風黃鳥鳴雨歇遠山碧香醪隨照眼骨

肉況不隔吾兄別累歲舊好乖行役中更人事繁

轉恨雪霜積渭川陽舟梁仁里違咫尺喪亂負夙

心幽明餘深責猶思總角年外氏門庭赫並長慈

母手嬉遊大夫宅豪華倏如夢巨族疊罹厄六親

委草莽三輔總金革飄泊奄至今疾驅少安魄馳

馬極幽并挂帆窮楚澤豈意樓宴還同周道客

相訝顏色改各傷頭毛白離愁不易展坐歎仍當

夕靜砌花片落疎簷燭光射北斗已闌干辰星橫

屋脊惆悵竟分袂放歌無煖席俯仰再經旬拘牽

真自惜草蟲嗟遽止唐棣增愁寂人生快目前結

束復何益潛魚詎戀壑老雁甘垂翅爾鴈翅迎夏令

沃野榮新麥粹曙歸裝成蕭然旅舍坼臨岐阻會

面去路連厓壁暑景汗不竭蒸霖聲相繹他鄉依

寄王石屏海嶼兼呈令弟茂衍藩伯二首

秦郊漢峙白雲中繡嶺溫泉紫氣通草徑常思邀

五馬江天却喜挂雙蓬寒帷暑進長湖日把酒香

來大澤風邂逅論交聲藉甚心期况與季方同

明珠大玉並續紛領郡爲邦互有聞棣萼三春開

楚樹榴花五月照滇雲谿山遠集征苗粟邸第遲



歸橫海軍不必銅標光舊史棠臣所向有殊勲

### 送劉五還里

炎方苦溽暑楚境尤卑濕四月已揮汗歎歌輟故  
習薰風無時來落日蚊蚋集幕府朝嚴局累旬寡  
出入劉子忽邂逅素心兼鄉邑誰知跬步間不復  
音塵及君家先奉雁謂其世父雨化先生士龍赤熾久孤立曠  
懷匹秦漢班馬光熠熠大名騰寰區豪俊伏呼吸  
畱客一杯酒醉開萬卷笈暫睹怒鱗舒還傷高翮  
戢惜哉泉石枯終古蛟龍蟄別駕更朴茂謂尊翁彰德判  
宦遊悲維繫脫組尚健傑零瞻原隰哀然飲射  
賓雅望笙簧輯公卿推卽表列坐畧等級所嗟清  
白吏徒洒子孫泣至今厝淺土裏事愁供給任昉  
有義故叔敖多交執莫卹葛衣寒飄蓬江路溼貴  
人奪新歡夙好猶戴笠安能解驂去爲爾下車揖  
况我困羈旅茹辛營勺粒良朋間覲止挂一恒遺  
十初驚會面難轉訝辭行急臨觴迫鬱蒸握手情  
快悒吾志在刪述舊聞潛綴拾四哲傳未遠張太宰揚  
忠介孫恭介李中丞清門欲同葺漢水通褒斜歸航日沿襲  
此後過蓬蒿幽期堪屢挹

### 送嶠伯之燕

行歌已冷薊門春醉覽長江有釣綸豈但使君能  
訪落何妨公子更畱賓臨觴澹澹南樓景擁別輝  
輝北闕塵輦上故交雙羽翰誰從天末問遺人

### 答子禎喜予端陽日生子爵

蒸霖南天滋江漢互激瀉飛來端午日忽照積隱  
野遊子楚山陽賃春高廡下重門裁容人經歲始  
覆瓦樛火照孤矢草堂陳爵尊雖無氣充間頗喜  
生正夏詰朝佳句至雲物一瀟灑寒簾紫輝深徑  
寸珠可把哲匠稱善裘貽謀必良冶自顧殊駑鈍  
如何產快馬君同周漢鄉夙冠俊尉社孤舟沿客  
蹤萬里未相捨推愛懷抱間耀然我心寫東西古  
道接肯使幽期寡他年將車兒亦是下食者通家  
供鞭策庶不墜風雅

### 浴後

楚俗疲蒸暑宜人乃浴湯起行三徑碧披瀉百花  
香好月深垂照微風忽受涼興來重振領人事保  
初芳

### 茉莉

敞牖延香氣編籬妥翠陰盆花開正皎苑竹對逾  
深不染風塵色時居玳瑁林玉蕊清納露因見美



人心

鄂渚送六舅雪田先生歸里

徙步來江漢炎天返故鄉最愁歸路雨猶著到時  
裳過飯安麤糲搔頭慰雪霜微軀送舅氏斟酌報  
高堂

東棚成呈子禎

竹老屹爲柱牆東新作棚庶無炎景逼遙使暮雲  
清枕簟畱高臥蹲踞愜細傾幾番夏彼美兼欲種  
香衡

東棚新成便就憩息兼答子禎二首

受祺堂詩卷十六

永日炎方草樹成疎籬曲檻竹風輕灑然乘興開  
書籍當晝披襟對友生時剪蓬蒿延遠翠忽宜雷  
雨送新聲徘徊况瞻江天豁坐嘯深憐月色清  
南國猶聞王粲樓北山遙入短棚幽隔城雲物來  
江漢高枕乾坤合夏秋地少四格添秀發門無五  
柳遡風流故人佳句吹清籟瀟灑洒冰霜入座浮  
送左函表弟自楚還里卽赴計偕

匹馬重關望不違炎風暑雨忽辭歸早從秋色憐  
春色將自西畿度北畿紫陌看花人正少明光起  
草世多輝尊參藩起漫愁離別他鄉苦遙瞻雲霄

健翮飛

萬年藤杖引 有序

表弟田二具儉自越中歸奉天台萬年藤  
一枝爲吾母夫人壽踴躍成篇

天台山高涵萬狀俯視日月行巖嶂潏氣鬱爲萬  
年藤蒸雲噴雨相摩盪天清地寧萌芽起太昊首  
以木德王鳳劬九子龍下蟠神禹當之亦惆悵石  
窟時接滄海潮虬皮倒垂赤城標溜融醴泉騰數  
壑珠走甘露沃餘條逶迤結根跨紫蓋傲岸飛影  
排青霄北葉渾忘莫英古東枝忽帶扶桑遙崑崙  
桃實三千表想見此藤初半出試呼蒙吏問汝秋  
疑與上椿生同口中滙烟霞繡奇蔓飽餐冰雪培  
勁質蒼莖秀韻老彌章子陵孫蘿爭自暱天產神  
物人所依歷年至今始有歸却借骨肉爲羽翼飛  
來關河共光輝好音徐介蕤賓管恭值太君設悅  
聞青鳥口銜南極杖滿堂佳客皆稱稀舉之瀟灑  
不費力方竹瘦叩無顏色行藏二儀判昏曉跬步  
五岳通消息慈母強健步如飛未須汝扶扶晚得  
膝下小兒未解事斑斕大笑東皇側

望江



清江天際急雪浪抱城流乍轉白蘋棹橫飛黃鶴  
樓蒸騰千壑雨出入萬航秋更擬窮巫峽尋源勺  
水頭

詠初月

炯望輪開郭纖知魄退氛猶同高漢朗不與衆星  
爭遠桂奈天黛斜移楚岫雲關山歸雁急響落大  
江聞

再詠初月

片影懸湘國釣簾啓畫圖桂方萌葉始蟾且一隅  
孤類觸明謙受元精識晦蘇葆光各努力望無

受祺堂詩卷十六

時無

詠新月二詩一興一賦再成此篇兼用此體

乍豎玉弧起孤寒仙珮何飛螢同宕漾宿鳥暫蹉  
跎朧朧還隨分盈虛亦有科廣寒此深隱何處畫  
雙蛾

王藩伯茂行招飲喜晤尊外舅趙天一前輩

二首

藩伯筵開野屨重少微光燭丈人峰才看玉樹紫  
階秀正對金波照席濃羅薛迴分疎檻竹管徐  
入麗譙鐘直從河朔寒高飲今夕風流邁所宗

西苑花陰白露催杖藜隨步出莓苔橫琴無曲韻  
多感抱甕忘饑已見才秋判天隅人未去月明江  
上雁初來良宵歎坐同鄉宿斗酒何辭數舉杯

月

江月融長練江城瀉素秋影涵南紀靜光抱北山  
浮蛇山在杵兔看騰落林鳥接溯游青楓含別怨  
莫照楚王樓

中秋夜同子禎子經茶酒對月盤豆蕭然感

賦二詩

每望秋分月陰晴不定期風雲相盪久竹樹肯辭

受祺堂詩卷十六

遲里彥猶同坐江醪已再持南樓佳興合千載憶

元規

漸喜層陰微渾看積水賒倚蟾俱浩蕩添桂有光  
華擘天中宵迴吹笙何處斜荆襄誰訪逸一泛鹿  
門楂

月

對酒當明月登臺俯大江疎星瞻个个宿雁起雙  
雙地照蘭苔野風明屈宋邦凌輝探往蹟未覺寸  
心降

十六夜月

白露高團影清江乍落潮野林開一色秋水注層  
香物景流觀細乾坤發興遙自從龍竹隱覓荆竟  
誰調

十七夜月

尚見輪如鏡何曾夜滅輝蛟宮深洞達鵲境數依  
違峻潔三秋斂虛明萬象歸悠然懷曠古豈獨視  
纖微

再登黃鶴樓

黃鶴樓高天半牕下臨萬里之長江中流畫舫紛  
無數對斤丹梯亦自雙靜夜蛟龍吟漢水清秋鴻

受祺堂詩卷六

七

鵠站荆邦每來搔首懷前哲披瀉烟濤鬱未降

月夜同子禎送表弟田二西歸

秋月吞江漢高臺縱所思惜同羈旅客悲復別離  
時葛屨寒初逮關山露正滋一罇盈不竭揮手悵  
連枝

月夜過子禎山齋

老向南天濶秋來楚月清草蟲飛遠浦山鬼窺深  
更並抱江湖白新添橋柳明伊人多靜夜賦罷一  
含情

夜雨有懷兼呈子禎

八月江雲白連宵山雨清覺寒移枕簟防溜啓柴  
荆故國違魚札長天走雁聲陽臺人善賦宋玉本  
多情

再送表弟子經還里

風前蕭颯菱荷衣獨以微軀送客歸白露再霑南  
橘見滄江遙對北鴻飛晨昏遠道承歡隔伏臘高  
堂洗腆稀夙忝舅姑兼世講紫荊繫馬莫教違

詠楚署雙鶴十二首

並翥滄江鶴新霑白露來削毛明玉樹將影見金  
杯海嶽風霜起仙人羽騎迴矯然時拂翼終是出

受祺堂詩卷六

六

羣材

脫畧自爲侶烟霞誰與儔笙遙緱氏室笛近武昌  
樓傍席情俱勁昂宵骨未柔不須必高舉消息在  
瀛洲

莫逮前星馭翻遊大澤蘭光隨雙翰迴唳入九臯

寒上客憐殊態幽人托古歡儻親楓屐立頭上寸

毛丹

最爽三秋色長存萬里心霜溪寒自照草閣澹相  
尋逸氣渾如故垂翎忽至今江離陳送眼爲爾一

沈吟



採樂懷遺客空山少四鄰紫芝虛著雨丹竈數經  
春寡和鸞聲細遲歸蝶夢新寧知逐凡鳥不敢忘  
叢筠

粉障行無迹滄洲豁所期老眸藏世宙高步足威  
儀客意相酬簡天邊獨立遲君能安秉節賤子亦  
何爲

延佇思江海悲鳴耻稻梁羣遊雖解伴對舞已成  
行竹露忘機久松風引興長青田違振迹幾落洞  
庭霜

過樹榮秋水看雲倚暮山精神仍物外羽翮到入

受祺堂詩卷六

九

間不與羣鷗狎那隨孤鳳還低徊居幕府慘淡結

容顏

避俗塵囂裏潛輝鑒矚餘碧溟開浩蕩明月恣蕭  
疎渣滓應盡孤騫偶自如寄聲謝時彥皮相莫

躊躇

羽族延狂狷仙羣悵薜蘿蟬蛸觀物小霄漢閱年

多南極騷猶接西池駕若何七旬阿母酒須汝輩

門過

受性宜冰雪含章老翠微鵬鵬寧獨徙雁鷺不同

歸肯縱摩霄去深憐束翅違但應支遁解惆悵對

斜暉

昔年依陝伯謂陳使君祺公雙節上崆峒不見廣成子時

來鶴風秦雲塞秀發楚渚慰飄蓬早晚衡霍去

長吟飛月中中秋必有白鶴萬羣來禮南嶽

大江二首

大江提楚都南紀擅雄圖夏口初要漢秋光盡攝  
湖烟波包陸海天地割荆吳尚冷中流楫浮雲萬  
里孤

雙城遙樹斤七澤附朝宗頃洞炎荒入週迴日月  
從滄颶吹大鳥彩浪簸神龍緬想三百禩皇恩

受祺堂詩卷六

十

牲璧重

漢二首

漢水羣峰秀秋帆九月高旁資飛輓潤悉領懋遷  
勞控帶兼秦楚波濤起賦騷瞻陰思濯甕努力注

餘濤

派並明河著源懷故國遊潛沱分巨澥海濱擅安  
流大別雲初去滄浪天與浮至今驚絕俗猶自表

神州

受祺堂詩卷之十七

中南山人荆東李因篤子德著

舟行三首

憑舟朝欲發客思梗莓苔忽望孤蓬起翻疑兩岸迴  
匡花遙已過野鷺復同來泛泛知安適惟應問酒杯

波濤寒亦落九月溯清輝北雁避霜重西風吹木  
稀畫圖開水榭明鏡入烟扉尚足寬行色前洲有釣磯

征衣秋著絮水次晚加餐漢沔猶深穩潛茫稍汎汎

受祺堂詩卷十七

瀾成雲霜外宿漁火月中看擬傍角聲住飄飄何處灘

九日二首

萬里荆南菊雙橋漢水舟村籬疎帶雨渚雁急鳴  
秋局促違高步登臨冷舊遊偶推蓬戶落惟見白雲流

傍岸忽須酒沿江空有臺帆停丹葉下掉發紫萸  
開四序寒將及三年客未迴醉中搔短髮無使暗霜催

岳家口宿

九日舟中過村醪暮獨傾微霜滋臥梁返照託懸  
庭白鷺衝波落黃花蹴岸明沔南重紀夜漂泊愧平生

澤口阻風曳舟遲久始出漢水晚泊趙家臺  
圻浪將辭漢迴橈別詣河風摧危席緊雨溜急湍  
多錦纜資羣力荒臺得放歌旅魂驚未定明發悵如何

赴月渡瓦子湖

南郡臨秋水東湖湧暮天蒼茫孤月外震撼側風  
前託命催飛櫓連波逐去船自尋沙渚宿漁叟莫

受祺堂詩卷十七

二

驚眠

抵荊州

倚郭瞻清旭停舟借白蘋郡荒重適館秋老尚依  
人稍後龍山醉虛疑虎渡津近傳過使節天地有風塵

荆解對菊黃白二種二首

何是陶籬色相看楚塞隅風塵終不染邸舍亦同  
須客有白雲思天開黃綺圖更移囑書帙餘論展潛夫

徑晚堪高立盆疎忽並肩逸畱丹藻外芳共雪霜



歸船

將發荊州仍留一日

久客因人滯將歸不自如已驚牽纜急無使卸裝  
疎就榻陳杯竿呼童汛掃除西軒猶卜夜振奮憶  
其初

泊仙桃鎮

水泊分孤艇人烟約萬家楓留深澗葉菊送遠籬  
花野案新登竿商帆半權茶虛疑仙侶近欲問武  
陵霞

受祺堂詩卷十七

頃徐中丞以雙鶴餉高使君欽如招飲席上

賦詩美之卽送入觀二首

松嵐乍脫紫虬枝柏府移來白雪姿部鳥懷音俱  
遠嚮屏雲樹羽亦同時天邊八座驂猶待月下雙  
霓舞不辭更倚高樓承綵躡泉署在黃鶴樓側仙人風笛

慰相思

瑤池逸翮不須招渤海清光迴自調欲借丹青生  
衮繡旁垂文彩照賓僚花階分咏霜威近粉閣同  
鳴霽色遙咫尺使君瞻鳳闕從容騎汝上青霄

再詠雙鶴二絕句卽呈高使君

雲路仙蹤下楚邦大夫馴汝在長江葛洪笛罷顏  
初皓清獻琴中影忽雙

時去時來任爾真一飛一啄自相鄰不教風唳驚  
幽谷長有笙歌喚碧筠

同子禎賦雙鶴詩了却贈二絕句

爾擣霜毫琪樹林威遲白鳳告其心瞻衡入華無  
消息廓落天涯滯向禽

澗壑能甘遺世榮階除不作向人鳴空羣况對嵇  
中散欲附青雲萬里行

鄭澹菴明府自部郎擢湖廣學使馳書見懷

受祺堂詩卷十七

喜賦二首

星輅日望彩雲飛徙倚荆關客未歸尚託甘棠存  
風蔭還同苦竹競春暉江東下榻風流遠冀北傳  
書歲月違何意皇華催使節好音先下釣魚磯  
含香舊錫侍臣封省憶京華數過從縱飲自懷燕  
市月高歌同對楚門松樓連鶴背堪招飲無接牛  
衣許賃春典論才高多靜晝猶聞退食敘黃鐘

楚邸答約生表兄

長林秋色少安歌陌雪初飛復渡河不但苦心沿  
汝漢應同搔首憶滄沱徘徊客路莽芳草似續姮



姻附女蘿莫遺相思佳訊隔歸鴻西望故園多

寄張文學力臣

貽來尺素轉躊躇前二年君至敝邑值予游楚畹一函而去日望江關

阻報書龍右連兵愁不解淮南多水近何如遙憐

歲晚兼葭隔僻處天高驛路疎一代儒宗同所向

謂先生時所著書多屬君校刻印須金石正皇初君精於六書之學

贈朱高士友玉

東風吹雨下林臯急澗衝垣瀉石濤里杖恰逢修

禊至春犁聊緩入田操臨藉草開細帙倚樹看

花遞濁醪欲藉歸途詢太史能無新句賦櫻桃

受祺堂詩卷七

五

投贈鄂制軍五十韻

將相臨西極安危倚大賢我公分陝後他日救荆

還坐鎮攀雙節來蘇動八埏廟堂推轂屢鋒鋦折

衝全玉管吹新律鋒車指舊躔紫迎關上氣青綻

嶽門蓮部士歡持軫眇耆出並肩德音仍沛發春

色自依然樹合啼鶯曉花明列騎妍祗聞霑雨露

未覺送戈鋌境內壺漿集邦人番鍾捐公有令愛省夫役

時從減賦布惠比流泉近步通侯壘兼馴屬國

市衢方腐聚田畯得安眠更有戎衣暇親爲野客

前下交吐哺中夜欵登筵燭瀉香醪細杯傾乳

酪鮮太和盈袞鉞高義薄山川遂及幽棲子傍垂

陋族公示致子兄瑤華光忽賁對非鬱相宣往

者初開府疇咨乃制邊聿求幽雅日重睹漢京天

樣史渾無事農桑大有年薦馨主宅飭觀獵馴戎

連百務皆稽古諸生半受塵公起社塾四郊聚徒各數百人風雪

殊濟濟訪落且拳拳憶振周原席因招賴水聘公

徵君諱學抗章呼黼屨潛室逮旌旃不奪躬耕志

終移風駕權考槃惟守轍嘉遜敢忘筌暨此論心

迴繇來託契偏循途廿退伏接蹟奮同遷巖穴曾

銜照丘愚亦荷憐縱談存介鄙良會與周旋旭景

受祺堂詩卷七

六

祥祐益晴郊初旆駢臺門時洞啓俊彥久聯翩每

溯辰猷達多從藻鑑先盤弧雄武庫茂宰盛詞篇

張總戎夢椒張永壽姬郭富平傳芳一時之選皆出公門宿好羣芳並茲晨末

誼堅始登堂已肅頻至榻猶懸靜蓄黃鐘地徐調

太簇汪子星春容隨入寫愷悌畧俱傳輟飲

恒聞角遄征競着鞭乾坤喧井稅道路雜烽煙願

握中台紐能邀使相緣急須寬物役聊復慰勞員

叅佐材宜衆干城任必專輓輪平緩急文法破拘

牽世美旂常載膚功琬琰鐫史臣應致頌天保欲

重編



表弟朱長源過草堂集杜句贈之

恭惟同自出時過北山頭禮樂攻吾短人才覺弟  
優縱談憐野逸高義豁窮愁海內兵猶滿桃源無  
處求

郭明府九芝擢敝邑喜賦長律六十韻兼申  
夙好

萬古榛苓邑三春蕙杜鄉蒼生憂井稅紫諾急才  
良况築周原壘初飛渭曲航物情爭見屬公望獨  
攸當愷悌宜民最賢勞受祿出借恂前未已歌范  
遠能忘野鶴違鳬馬城花少雁行薦紳思眷眷黎

受祺堂詩卷七

七

首色茫茫大旱隨晴雨佳陰雅憩棠疾呼簪易盍  
羣走涕相望競集中丞解還邀使相章後蘇喧接  
境報可慶連疆曉露沾垂綬晴雲染繡裳移官鄴  
陂外出宰漆沮陽地劇裁依美天高忽降祥課耕  
查霖霖循蹠起軒昂正苦干戈沸遙牽銍枯忙軍  
書時冒羽使檄動充囊肆應邦爲活惟寬賦不傷  
槐槍潛避舍貫索盡銷鉞每訝臨幾敏何曾退食  
遑材優終致逸政簡自趨疆暇日農儲戰雄談士  
裘糧偏多迎劍履究未輟笙簫飲射綏醇德科條  
概大綱勝衛猶省過增土必週防隴麥含花好溪

蘋拂水香村 知漸洽馴雉得迴翔客榻偕升秀

朋車亦契狂對人饒白眼憐我及滄浪絕塞聞聲

瀉通都上謁并歌吟同臭味披豁到肝腸向割寒

曹米頻傾間步漿曠懷秋共碧豪飲夜渠央草木

施皆全川巖氣欲張論文兼縞紵越俗偶姬姜憶

遠清罇月空侵短褐霜玉鞭蒙別路烟艇落殊方

屋上墮篋展年來側陋揚關門觀禮樂絨詠下湖

湘北道燒烽峻西歸雨雪涼魂驚重握手邸迫屢

聯牀亂世需帡幄卑棲假棟梁嶽靈真鳳駕郊署

遂嚴裝竟獲神明祐綦新翰墨光摩挲徐奮嗣製

受祺堂詩卷七

八

錦立盈筐詰旦更輿誦危途庇歲康夙歡孚遠邇  
嘉會悉行藏卓爾恒州傑脩然漢署郎冠纓延胃  
系保障攝鄰坊盛事因思古遐接或逮傍崇勲睽  
賈屈綵筆陋龔黃在昔會遺憾於君足並長訐謔  
仄歷史壽考踐層岡訪舊期吟橘援柯已辯篁嘗  
虛山麓翠莫負石林蒼夢裏鳴騶引朝行掃徑荒  
端須題粉壁尚擬肅蒲觴午景烹葵石薰風角黍  
將永言從野老郊簪效躋堂

贈永壽張明府西屏

客從江漢歸逃亂到林藪無食迫歲宴朔風吹露



別入都寒鳥鳴嫖姚素心友遂麾子弟出施樹高  
齋久恭承雙鳥飛豈弟萬民均真意傾巖穴定交  
於杵臼同留平原家屢縱深夜酒燈照脊令色與  
嫖姚君劍聞蛟龍吼醉來聯牀眠肝膈相與剖却  
論天下事旋幹幾人手憶昨拜使相安危付樞紐  
其分陝勲新故不相負但收全秦力持重荆楚  
後緩急資建瓴膚功亦何有出師何倉卒秋雨冒  
西走勞勞鐫訓詞絕不計為明府獨慨慨侃然  
陳臺右自任騰飽策非由度支軍仗義布前行空  
炊膽巧婦輸糧竟山積挾纊乎衆口踰月師中旋  
受祺堂詩卷七  
九  
大仁塞外受搔鬢落雪霜振衣淹泥垢再讀從軍  
詩公時著從經畧行詩清雄建安偶憂國具至性壯謨足不  
朽向日摧兵革三星春在留租庸無時息水旱互  
為咎太白晝垂鉞經天西至西迷離旄頭間夜夜  
焚燄守此雖委微渺人事可占否荷戈盡枵腹驅  
率勇捶毆數驚流羽急惆悵川巖陡鷓鴣鳴棧閣  
烽火耀鵝首公才濟艱難究必踐台斗相時得攸  
宜吾道固不苟况兼起豫章光岳鍾最厚天姿湛  
圭璧哲矩逮耄耄是邦富節槩震動終尚后卓立  
冠前史中原皆培塿世遙追俊民清望接橫綬竹

帛初發初鐘鏞且待扣談罷更呼杯興酣一聲生  
僕子並熟臥朝光舉虛牖平生耽幽討所志在畎  
畝豈無攜手願庶獲躬耕耦丈夫恥獨完懷寶避  
陽九忍遺拯物功遽問彭澤柳下堂班驪駒先我  
旋北阜有約過柴門方期肅箕帚貧家藏舊醅勸  
馬剪春韭聊附贈言未敢為君子壽

為奉先明府弟奉壽太夫人三首

載酒行歌滿路新登堂競識太夫人茹來茶葉加  
鐘鼎調得熊丸託藻蘋閣教應頒中國杖帷花自  
紀漆園春偶從西極看南極鶴影晃輝動四鄰

受祺堂詩卷七

十

青鳥飛飛設悅筵綵衣蘭桂足翩躚引觴徐泛瑤  
溪水簪髻長須玉井蓮陶母英雄新屬目敬姜書  
史舊推賢金閨有客叨同籍竊比封人介大年  
瀛海冠纓一望賒母儀仙李自名家江湖親繡元  
戎節岳輔來看大令花南陸陽迴開霽景北堂風  
暖酌流霞玄音親得增慈算何用重尋斗漢槎

呈祝贊府思益

時攝華州

聞君迢遞沔陽回已後師中獻壽杯着鳥褰帷俱  
著績鳴駝轉餉正須才和風忽度循堤柳快雪還  
明抱閣梅悉索多時窮敝賦行春願望好音來



郝太公行樂圖贊

荷歟俊人帶鳥優游清虛日來高明罕儔龐眉貝齒髦髦是浮碎面盎背名德允修雙梧以表其潔片石以徵其幽據牀安坐傳經貽謀性含純懿才協剛柔有萬石君之至行兼安樂老之風流著忠勲於初興之冊府瞻孝謹於繼起之公侯攜白雲而戀戀儼清風之颼颼將七十公。賜几杖指八千以爲春秋是其嗣美於東山而濟名於太 者耶歲晚呈邑大夫匡廬

夙與駕言邁霜野何皓皓四顧無所之川原跡如

受祺堂詩卷七

十一

掃我侯託素心柔翰盟古道每過必投轄清樽相傾倒忘其編戶微訝對退食早元氣生座隅縱談展懷抱蕭然冰署寒獨臥一榻小虛牖竟夕開布衾明月皎追隨有宅相茹淡嘗不飽款客步武肅徐看顏色好誰云飛鳥地度越衆賢表惟藉圖史陳耐茲僕隸少青陽歲忽逼白雪驚天曉分米佐菽水烹鮮光蘋藻男兒困薄俗落拓身將老卽任瓶罍竭能辭井稅擾累君兼瑣細生理振枯槁終愧安邑令倚違心緒渺和舒大堤枝碧吐雙潤草伏願戴春暉乾坤永相保

送張敬一澄一歸雍韓仍期燈後見過

狂吟苦憶少梁才謂羅南細席初通小阮杯到涉晴沙爭候雁歸迎雪樹早看梅布衣憂國山中久方技逃名市上來準擬春觴懸待月柴門重爲二難開

馮方伯秋水先生挽詩代

寒雲黯中都素旄飛朔甸野濶衆雞陳天高匡衡散方伯少也孤岫興何其健里閭皆不違門閭及相見贈公琬琰材初奮雲霄撰金馬馳宏辭玉樓召弱冠偉哉太夫人閣教能盡善從死忍須臾撫

受祺堂詩卷七

十二

遺垂令憲嗚呼陟岵時乃在登堂畔餐熊勵苦心剪髮留羣彥白華孝子躬黃鳥先臣傳早知夢齊歸旋以賢良薦列郡雄北州分藩自西漢越樹錦爲屏吳江澄似練行省率諸侯度支瘁昏旦遂聞漕輓登徐睹海波晏一朝乞骸骨臣母違霜霰至尊事 太皇推恩從所願高吟盈石牀別構臨幽澗耽飲披烟霞憐才到狂狷龍臥老難移鳳毛雙在盼或含粉署香或縱清秋翰寢門有芳型環繞同孺戀白雪一堂聞陽春三世擅松喬非可期竹帛信如幻忽使梁木摧罹茲暴風變峴首悲方



新甘棠歌正曼伊余溯通家世講兼婚宦鏡具不  
遲隨生芻蕘哀怨何時大招篇酌酒滹沱斥

寄張別駕公弼

昔我遊雲中北陲無控攬奇登大嶽懷古色茫

然嘉禾

大同觀

與上谷

雁門觀

風契分旬宣下榻

恒累月周行接羣賢先公

西路同知

兩漢俊繡

節西行邊敷政如龔黃德音沛流泉使君舞象勺

粲若晨葩鮮裘馬非所性好修潔香茶憶同傳趙

輩披草相往還飲馬桑乾水白登天有時過

太守銓酒承深筵競睹玉樹秀宜生階庭妍絳帷

受祺堂詩卷七

指南國存沒悲逝川巨浪吹江淮蛟龍鬱中纏豈

知二十稔人事忽屢遷絕徼一舉燧乾坤塞風烟

岐關據上游請郡於弋鋌臥閣裁數月飛輪未息

肩每聞戎事隙幽興亦翩翩玉珮必滿座金樽何

喧闐奈何害馬徒城火殃深淵鵲突挂吏議飄飄

歌歸田青門得傾蓋使院同醉眠慷慨溯世講塞

雲垂我前君才匹圭璧通籍當壯年小試大鳥翼

寧爲榆枋牽鄙夫抱微尚中歲乖故躔所志惟訟

母征途懶着鞭安危知有託出處各隨緣努力三

輔道重看畫旌褰

答張澄一使至見貽詩畫

春水雙龍去秋天一雁飛新詩凌翰墨素壁展光

輝石懽行堪采枹陰坐不違與君共幽興還許過

柴扉

又

幾迴戎馬滯長安頻步東堂遊宿歡野客自傾懷

抱盡春風相對酒杯寬郊餘烽壘花仍發部入棠

陰露正闌更散輕雲開霽景南山直接翠微看

羅石泉明府貽一絕句答二絕句

仙令遲飛漢水晁一春風雨臥蓬壺偶憑黃鳥貽

受祺堂詩卷七

新句同典寒裘問酒壚

擊筑徵歌滿故都高眠無奈兩狂夫花朝受簡惟

拚醉綵筆河陽自作圖

贈馬旭東馬固原人予舊從陳使君客此述

往有懷因及亡友張羅南先生二首

十載聞聲隴樹深相逢多難一披襟故園冰雪春

初解遲日風花鳥自吟徐庶本無軒冕計魯連終

表布衣心亦知韋杜饒佳跡桃李江村次第尋

佩劍光寒寒上遊因君展轉憶原州狂歌屢就白

蓮社縱飲時登明月樓忽漫羽書傳警急頻來簪



組接風流強拚華髮從公等招隱能忘洞壑幽

奉酬翁大夫述懷見貽之作時翁自隴州擢

西安郡丞即送之關門任

數對春莫發翻憐旅席溫羈懷無一展亂日可重

論鼓角黔池沸風塵冀野昏徵師糜歲月轉粟半

乾坤漢索宜爭險秦疆久據尊安危中使繼緩急

上游存拯困須良牧衡材慰故園州圖高隴水郡

節領關門軫接雙熊畫縣加五馬軒嘉謨傾上列

正色表維藩道事柳絮重橋迴桐花介路繁陪遊

容野屢擁別萃星轅向把江湖楫曾聯海岳崢羽

書驚滿眼烽火憶招魂絕境同愁况生還各涕痕

迎霜披筍葛採菽佐盤餐郢山翩然起棠歌夙昔

敦嚴城方借箸上將復甯屯物望歸安石才名類

士元蓮峰過遺老謂王五莫使後車喧

送鄭使君司直備兵神木二首

春城雨後百花飛衮衮西畿似北畿去國詞臣甘

寂寞鄭舊臨邊使節動光輝黃河青海新酣戰紫

塞丹州久劇圍朔土遲瞻風日好須令鴻雁盡來

歸

瀚亭頻送別離杯此席聞歌首重回道遠莫酬將

母志時危尤急濟川才紛披柳色侵筵山宛轉鶯

聲入座來匝地兵戈惜分手征駒日暮忍頻催

五首

泥書東望彩雲濃酌酒勞臣慰客蹤尚憶孤舟凌

玉壘曾陪五馬到黃龍使車親列秦山戍仙仗還

高漢苑鐘直是雄才堪鎮綸橫門遙借北門封

當年起草漢明光綵筆同遊鵷鷺行豈謂風塵重

請郡却隨簪舄再登堂浮雲萬古長安道細雨三

春野客觴况對秋杵消永日階除已送藥聞香起

受祺堂詩卷十七

隴雲川樹萬峰看述往能忘行路難雨雪關山愁

裏渡春風楊柳夢中寒生還自洒孤臣淚拜賜初

加上佐冠多少崇班新列戟幾回車馬外臺端

山溪雪盡始聞濤太守南來建節旄竟使兒童喧

道路爭傳騶從過蓬蒿寒融竹樹春暉遠醉拊琴

書夜色高訪落知公關至性夷門不數信陵豪

春來處處羽書飛擬築山亭入翠微自是使君貧

好客翻令遊子憺忘歸燈深花嶼杯醪滿日靜苔

陰榭吏稀祀帖相憐俱白髮臨風互拂老萊衣



送周制府還高平五首

憶拜瑤華澗壑中新塞牙帳接臺驄開北斗關  
輿遠座對西京劍履同太傅圍棋終却敵司徒羽  
扇自臨戎吐餐輟沐公家事賓客迴翔萬古風  
戎馬重逢故國春近陪公讌惜芳晨古來形勝函  
京地天下安危使相身萬里折衝樽俎合三年行  
幕鼓鼙鄰亟酬興望須分陝爲感時艱欲借恂  
仗鉞同聞軍府賢懸師足頌採薇篇向提東海兼  
南海遙駐秦川控蜀川好月深垂江苑柳晴雲正  
繞嶽門蓮鹿皮短褐甘疎放颺逐羣才玉珮筵

受祺堂詩卷七

聞道鳴騶復度關一時僚佐盡愁顏爭瞻漢節黃  
河外忽轉春旂紫閣間土儉作公頭正黑祭遵憂  
國鬢成斑西征已報中台近請緩星輅十日還  
四月山中蘆蕨肥雙溪不遠釣魚磯憐才泛引柯  
亭竹耽酒頻呼使院扉司馬醉吟鴻雁賦野人春  
飯菱荷衣兵深稅急遊難久曉發躊躇嶽路違

送張將軍鹿洲請假暫還兼申夙懷用志引

領代

十年公讌對羣材東閣春風徧草萊代馬遙嘶歸  
路雨關雲競擁別筵杯車旁楊柳堪時折幕裏芙

蓉許再開一賦驪歌增倚竚津亭樹共徘徊

贈侍御朱公崇祀 聖宮兼賦學博黎先生

終事之美代

直指周漢秀傳經起朔方當其登臯比四座集琳  
瑯干羽每在御素琴時高張數椽雖家塾儼若對  
宮牆先朝丁未造籲俊亦多良黼黻隨三物策名  
舉舊鄉公實天下才種花自齊疆清風范史雲百  
世相激昂移賢中得請治劇綬仍黃扶傾支大厦  
豈獨一林梁櫟字入畿輔播氛何披猖所向無堅  
城頽波逝忽揚拂衣臥西山彼黍潛自傷終以遏  
亂畧再觀鷁鷺翔埋輪震都亭繡斧明秋霜杖義  
植紫塞王路生輝光碩抱鬱未展掛冠真清狂遂  
初返故廬名德老彌彰當時負笈者劍佩復成行  
原松二十稔耐廟同馨香厥惟轉象人高義發遺  
芳俯仰節在三辛勤扶天常孝廉擢省郡司鐸來  
池陽春 敷化雨牙袖可頡頏俎豆應鉅典謳吟  
喧新章古道所磨勵河山爲蒼蒼廷對旣引領盛  
時瞻劬勩推此事君父致身追義皇小子沐膏露  
舞雩親同堂作頌激薄俗淵源莫相忘

題世節卷爲楊文學念修楊大母沈母同書



早寡鞠子以老猶子婦席氏又烈死卷首  
序出先河濱兒故有未段

窺身兵戎日彼此南雅冊 農冠士論族望久烜  
赫一高婆女躋三世少微圻翻因遘閔凶大義垂  
金石堂上百歲母杖藜見賓客素髮照龐眉顏儀  
何光澤追隨有同心問齒非多隔及笄爲婦姑垂  
老如羽翮况對孫枝秀早通金閨籍勁節絲至性  
雙旌連電交濯濯華山鳥青青墳間柏月出春草  
寒天凝暮雲碧我讀伯氏文沾襟懷抱關寄言在  
後人珍重名山迹

黃龍山行

贈郝司馬兼公

三川之下彭衙東率律有山名黃龍伏節往聞外  
司馬塞帷會此控巖封秋深積翠浮絕巘日出高  
暉走諸峰玉露金甌互敵射翛然遠望如芙蓉憶  
昨關內羽書逼岐陽阻兵蘆子塞流矢一枝飛上  
郡此山中梗無消息夜半雲燒烽火明西來霧擁  
鐵騎黑疾驅憑誰扼兩塞僉曰太守多風力太守  
早直承明廬朝遊虎觀暮石渠彤庭侍讌歌天保  
綵筆干霄賦子虛驟興忽乖紫陌冷蛾眉多妬春  
光餘雙旌迢遞長安道五馬迢迢別駕車漢水貌

貅三十萬銅梁劍閣久酣戰呼庚呼癸恰客懷石  
棧天梯遮人而使君再轉餉蜀粟豺虎縱橫霜雪  
偏新息終辭隗囂營仲連竟下聊城箭苦節殊勲  
獨爾爲高牙大蘇屬阿誰舊年冰堅白水東要我  
同上龍山陞斗大之城不容足蛟龍何據雷電隨  
公歸青門多歲月尚有涸魚待波吹

畱別黎大參天錫

春野逍遙南伯車夏臺猶上北門書自憐征馬關  
河外相勸離觴日影餘白首干戈傷遠別蒼生雨  
露待新除幾思相訪仍酣飲嵒阮絲來世事疎

送郭山兩卽婚雁門予亦有燕代之役二首

二

東征愁倚大河航觸暑聞君亦治裝綵服出關頻  
陟岵黃驪催轂早還鄉江花渭樹同遊隔鹿苑龍  
城別路長弱冠有才工作賦漫勞正月擬繁霜時霜

驪歌一曲夜平分畫燭重燒酒正醺故國桑麻殷  
待雨中原兵革恣論文藍橋北向來烏鵲紫塞西  
看是白雲預恐太行紫柳絮鳴鑣不逮惜離羣



受祺堂詩卷之十八

中南山人荆東李因篤子德著

張二又南擢廷尉同諸子留宿東齋賦五十

韻

藉甚張公子新除漢列卿釋之今要路安世久賢  
聲誼著趨朝亟勳兼賜第榮衆方推商里吾獨愛  
才名芍藥當年賦驂駟絕足行爲儒端始服歷試  
冠諸生卓立丰姿好雄談老宿驚橋門繼振鸞嶽  
樹已遷鶯會選滇南檄初勦冀北兵是時多負險  
相望少居貞楚蜀遙通燧關涼復抗旌倒戈真瞬

受祺堂詩卷十八

息流矢鬱縱橫玉塞孤存壘蘭河誓請纓摩霄開  
百雉隻手掣羣鯨况阻傳陞陌難知轉餉程量沙  
翻飽士瀝膽得堅盟慮動遲該速週防紂制盈寧  
惟全陝賴實與大江衡入侍來畿並聯翩有弟兄  
鼎鐘將載績金石此披誠憶別邊雲壯愁驅暑騎  
輕收行頻及野雙展偶瞻京遂下高齋榻還同風  
好觥吟慚珠照乘時紫庭伯佐座對壁連城謂初  
帙散偏畱雨筵開却劇晴微颺先畫燭暮靄接香  
蘅剪草銷雄氣展歌爽宿醒時又南和隱陰虛拂  
檻徑露碧沾楹務簡尊家學能寬秉國平白華稱

受祺堂詩卷十八

貝美朱紱簡維楨但覺琴書在渾忘劍舄更幽期  
從退食古道洽嚶鳴自惜顛毛易頻嗟郎緒繁窮  
途迷邁往着處滯遺氓敝絮時侵葛殘杯亦代羹  
幾人餘泛愛羈旅荷深情出必詢車馬歡如鼓瑟  
笙土風調著適秋節授衣成執友朝來過醇醪夕  
共傾經旬添脣鯉綴席有藏橙頗薦高欄肅端宜  
片月清狂夫安坐歇熱客寡逢迎興託滄洲遠圖  
寨墨蹟精曠懷臨遠谷消渴比金莖絕微猶酣戰  
多材亟彙征夢維就竹嶼歸欲閉柴荆撫事同呼  
穢懸心棟報瓊故園依衮繡予志畢樵耕曉日炎

威轉長天霽色明麒麟誰第一細柳亞夫營

題房發公冊

清河陶唐裔聚族獲澤久碧水無殊名堯山况處  
右君家先駕部亮節振鵷首顧額關河歸雪霜大  
義剖斑衣榮成行玉樹明戶牖三鳳同穴飛八龍  
自爲友發公羣季子最端茂潛修終畎畝履庭不  
聞聲遺籍管在手向來痛烏號重趼甘北走將父  
多苦心保身亦何有究傷廢蓼莪居廬入林藪躬  
植枌楸長不移几筵守胡爲騎此去竟失在原偶  
洗馬悲短年中即遂無後丈夫重自立惟德斯云



壽豈必揚英辭榮名乃不朽

留別八舅

旅食長安歲再更秋郊握手默無聲避人故託叅  
同契違俗時觀陌上行雨沸長堤通社鼓苔深小  
閣聽鄰箏臨岐一夜傷頭白徒倚天門傲未平

梁司空子遠招飲時候補上封事即贈二首

故園格菊悵同遊薊闕追陪歲復秋曳履崇班來  
畫省披襟逸興託滄洲流霞屢沐羣公飲烈火新  
銷絕塞愁轉眼却逢良夜月更誰同上庾公樓

興朝物望倚司空抗疏金門繪國風漢武輪臺休

受祖堂詩卷八

三

戊卒周宣中澤集哀鴻天清鴛鴦層霄上日麗麒  
麟秘殿東待次長安淹信宿冰霜心跡幾人同

答戴二楓仲見懷兼申別緒五首

朔雪天無際春風客正愁故人書遠及戎馬問遊  
遊自隔三關道難登百尺樓接塵懷往事飄泊淚  
長流

戴居有  
并楓閣

彩筆題佳句斑衣念薜蘿猶虛弧矢飲不忘脊令  
歌渭水非清瀆汾川且碧波修名俱老大志緒莫

蹉跎

戴書中倦倦老母四  
及舍弟並問子息

漢室間遺老君爲榮草亭海山方轉關天地此傳

經水入昭餘白春開綿上青西河舊風味更許一

揚舲

將起山堂祁  
之南山戴力任之

爲訪南州逸深憐北地翁鄧攸沾老淚阮籍失同  
風夏樹微休馬河陰捷轉蓬相期唁幽壑金石慰  
途窮

傳徵君有猶  
于仁之戚

昔是平原客還同絕塞觴江魚財一寄嶺雁只孤  
翔宦薄捐妻子材違冷棟梁從君畱浹日細與論  
行藏

陳使君待地東夫  
人夫子在籍新也

敬題陳使君宗祀圖

汝南望族於惟穎川浩浩澄波分流於燕上谷之

受祖堂詩卷六

四

陽即山巍然聚族而居子姓實繁代有令問德音  
孔宣迄封大夫其祧八傳益茂厥修鄉邦同賢遠  
嗣太 潛輝後先布衣祭酒歿而祀焉俾元季方  
競美二難藩伯持節鐘鐺待鶴厥功既懋而宗斯  
蕃旁矚青雲明光接肩繪爲新圖蘋藻告虔簪裳  
濟濟瓜瓞綿綿凝禧續緒方至之泉

再過雁門悲開府鹿洲張公捐館奉挽五首

征帆薄涉薊門秋路轉淖沱一溯流出塞每驚霜  
雪早聯牀空赴芰荷幽動名屬目頒朱鷺出處何  
心付白鷗尚擬相思歌采菽誰期朝薤冷前洲



西陲萬里白雲中憶自金吾典部戎載酒還高秦  
苑月驅車不動漢池風霄鳴鵲看能上四座都  
枚訝許同但謂歸來淹伏枕滔滔已失濟川功  
冬官選銳列行牙暴胃持矛擁暮霞巧奪風雲傳  
刻棘等深帷惺擬量沙旌旗欲拂巖疆柳帶烏翎  
出故國花水落南池清可鑒臨流幾泛釣魚楂  
安車蹀躞渭城間一唱驪歌竟出關是處披襟從  
碧水經過發興有青山巖城永日至竿度遠道新  
秋鼓角閒醉倚前除曾解榻長林明月照人還  
高槐並立草堂深翠蓋雙虬構院陰懶向風塵重

受祺堂詩卷六

五

說劍閒看魚鳥對鳴琴清標尚託形弓里懷先公大司馬  
曉露偏明玉樹林謂兩公子不待涼颼起頗牧中原戰  
伐浩相尋

答姚子遜

秋園徙倚雁門藤落葉飛遲露漸凝遲近每憐身  
是客風流殊愧爾多能江鴻避雪歸偏早塞月經  
霜望最澄暫爲常何畱外舍時客劉驥翥底須封事與  
同升

中秋日馮星南招同諸子集芍藥園大樹樓

卽事四首

高臥邊城落木聞曉來秋色遽平分山郊爲待千  
峰月登閣先出萬樹雲屢過熊羆頻入夢幽期劍  
珮偶成醺故園三徑今何似搔首遙天白雁羣  
紫塞風高客路除他鄉痛飲卽爲家到園新摘凌  
霜果憑檻徐看帶露花隨意奕棋消永日有時驅  
馬向平沙桑弧逢矢男兒事况復中原鼓角遮  
句注南臨夏屋山使君曾此控雄關謂陳少舊時參祺公  
賓客風塵裏佳節笙歌涕淚間臺榭幾回重着屐  
野林多處一開顏相如最是愁無賴蹀躞東西未  
許還

受祺堂詩卷六

六

公子多才比信陵綺筵終日酒如澗層樓宿霧秋  
常斂十畝踈陰暮漸凝丹葉滄池分歷歷白波青  
嶂出層層萍泛咫尺寒如帶更欲沿流理釣簪

憩諡生世兄郊西草堂二首

風雨城居秋色關草衣珠鳥強同歡臨郊忽對關  
河盡適野仍畱天地寬漠漠抱溪村稻熟戎戎着  
露蒲烟寒麗公夙昔辭州府百代何人可並看  
西郭之西一草廬地經司馬賦閒居有時乘興觀  
秋稼終日銜悲讀父書薄宿白雲畱照晚紛飛黃  
葉薦霜初中原勳業會遺恨肯使干霄綵翮虛



再經水碓村係二博六首 室有感

村居久有出塵氛  
亂後還同醉夕醺  
訪舊可臨青嶂月  
探幽曾弄白巖雲  
塙東芍藥堪長對  
樹北泉源許更聞  
總使寒飈吹急羽  
暫憑瑤瑟慰離羣

答馮瑞函送別

寒郊客緒滿滄茫  
尚覺青樽照薜蘿  
樹裏依稀看雁字  
村中繾綣得驪歌  
霜飛蟬塞秋聲遠  
月挂關山夜色多  
世講如君頻注目  
端門先後見鳴珂

先人為侍御

菊四首

在表叔唐大章先生園值重陽

受祺堂詩卷六

七

野色高齋放秋聲  
遠樹寒頻來杯物  
把大收徑花看九日  
開爭及三秋立  
獨難主人最幽興  
時禾落英餐

碧水憐東郭黃花靜  
北堂栽移階序滿  
插引畫圖香傍竹  
偏留翠攀松久耐  
霜郊行多困酒暫  
得漱餘芳

尚識三川卉新舒  
一丈花飛雲凌畫  
檻落葉卷晴沙南  
道伊人宅東籬處  
士家乾坤有烽戍  
不使近烟霞

園菊後有城南  
但涉為園趣誰論  
時菊心客牀淹草  
閣吾道付山

林過雁羣相命藏  
鼎不絕吟名分兼  
類叙作用既年深

鳳翔呈周制府彝初先生

有邵文子多名卿  
制府分派古襄平  
秘閣起家自弱冠  
東州持節須澄清  
春旂遠照梅花外  
漢帳高懸銅柱明  
赤舄綰裳不我遺  
珠還鯨徙空聞聲  
一從暫草歸田賦  
湖海橫波忽多故  
天下蒼生起畫安  
日來綠野詢裴度  
戎衣再秉全蜀鉞  
鐵馬長驅劍門路  
身染沙場牙疼痕  
帳連玉壘錦江霧  
川雲棧石鬱相盤  
轉粟懸軍古所難  
况有鯨鯢跳沔水

受祺堂詩卷六

八

頗聞豹虎偃長安  
蠶叢一綫能振旅  
隴障千尋獨登壇  
向暮傳餐後健士  
當機推敵先材官  
西南翰輓日猶競  
羽檄烽烟秋未淨  
關月淒涼塞月老  
蜀人阻絕秦人病  
我公蜀地親驅車  
胡為秦民數請命  
時啓詩書帶紱逸  
且看賓客簪裾盛  
卽今旌纛滿岐周  
將帥東歸公獨留  
露白霜青雪存至  
汧山渭水長悠悠  
爲公一躡遠遊屐  
趨堂重加皇覽籌  
公旦之勲在旦夕  
千年萬禩承其業

送姚叔烟還錢塘二首

他三原人客處

春來雨雪路茫茫  
送客西來山渭陽  
亂水沙繁官



柳澹孤城風捲塞雲黃江天花月憐遊子曉道兵  
戈憶故鄉去住雨情俱未愜臨歧莫厭酒行長  
虎頭幽思幾回新近對烟霞更有神素壁每勞當  
畫拂丹厓還冷隔年春和煙軟草催征騎斷雲遊  
絲胃去津乘興可能一擲管竹宜披豁慰松筠

送卜簡菴明府回計還越代

雒水看花擬問津池陽撫旆識歸輪舊遊煙雨悲  
零落巖邑風光冷比鄰發宿天高翻動越江雲春  
暖竟辭秦別筵折柳憐征騎重望棠歌慰釣緡

送譚方蓬代

受祺堂詩卷六

九

屬歲關河數用兵塞帷絕塞仗難兄季方並接金  
門彥高會同憐玉樹清忽把煙雲移嶽麓居然文  
藻對江城一鱗聊勸驪駒住不盡春風岐路情

送陳嗣華太學之保德任

征車徧涉太原霜每憶花朝臥定羌酌酒送君官  
此地臨風搔首見殊方黃河冰泮魴魚美紫塞春  
迴鴻雁翔藉問舊遊多勝跡肯容天上繫孤航

扶風行

贈王九  
青太史

三百年來論風雅武功郭杜皆稱雄石渠金馬久  
寂寞高視中原得扶風豈但接跡李何後才名遠

於班樣同較書先後登秘閣彤管一氣吐長虹我  
亦故園老親褐采苓甘契濶浪遊南北不稱  
意霜雪忽盈顛毛脫西抱遺經歸漢宮面顏頗頓  
志莫奪有時獨步二京道懷古狂吟天地豁舊歲  
炎飈吹薊門雲旗羽旆暗乾坤平生知契半搖落  
逸興幽思誰共論易水光寒壯士去黃金臺迴白  
日昏篋中漫滅所攜刺雙股塵生高齒痕太史屏  
居築新宅翛然階序無雜客積雨招尋過草亭紛  
披圖籍何喧赫大鏞石鼓坐開卷長嘯短歌皆動  
魄院樹偏涵墨浪明盆花近對香膠碧回首燕山  
莫羨遠馳驅四壯省觀歸御廚拜賜供朝膳萊袖  
承歡漾錦衣惟願母壽椿竹匹膝前蘭桂日芬菲  
德音不忝秦與漢高嶽洪河有光輝

寄贈張紫臣郡丞代

同學羣瞻羽翮高比鄰曾對手編勞絳帷遙攬三  
吳秀綵筆還收六代濤自爲秦風光世族繇來漢  
相起功曹春鴻北指魚西上肯寄音書落遠臯

寄謝譚延州見貽榆林志代

榆河新轉大江濤太守褰帷見綵毫萬里好風吹  
雁羽三秋明月照旌旄雲連戎角關烽壯雪撼旗



門塞色高漢史龔黃皆內擢紫泥應慰積書勞

送新推舍人徐明府還越省觀代

歌辛苦渭城關紫詰初分供奉班綵漾北堂瞻  
鶴馭花明東閣侍龍顏甘棠滿帶長留野駟馬雙  
鳬早渡關七月應領中國杖恩輝遠照使車還

胡叔子瀨亭懷詩作思參藩公四首

薤上珠明露易晞幾南宿霧掩朝暉藥分鳳閣秋  
空到時同令兄赴聲斷鴛原暮不歸續學自留佳  
士傳趨庭猶痛老萊衣藩侯詎遜東門達徙倚齊  
前萬事非

受祺堂詩卷十八

十一

颯爽金風隴隧寒英姿何處長聊玕薊雲回首愁  
迢遙關樹傷心涕汎瀾地下修文終珥筆人間逆  
旅罷彈冠莊生齊物言多寓那得彭殤一致看  
旌帛悽迷玉樹摧好音惆悵計音迴彩霞歛傍丹  
霄散細帙難同畫閣開曉日階庭遶鯉過深秋風  
雨失龍媒憲轅叨隸通家久慚負西郊白馬來  
子舍遺文慟祝予循陔繞膝此庭除自憐謝傳哀  
勞劇誰慰郝公感憤舒接徑黃花光未改摩空白  
雁意何如加餐勉爲蒼生重正倚安危壯畧初

題孫邠州小像

於維使君于越之良初辟京兆大猷用章會操平  
準羣牧是皇儲粲盈枯有條在綱試瞻飛鳥鳬翻  
載翔城入謂野多帶棠花材涇水潘陸嗣芳樹  
政嚴邑宣勞四方州圖可按漢索其詳爰溯爰理  
古公舊疆絳帷高揭五馬並行車葆相屬旌旆孔  
揚謂公西邁胡復我旁垂綬端委既和且康澄如  
止水皓比朝陽中肅以穆外溫而莊壺冰濯玉署  
月凝香仁溥風霽義寒秋霜天休滋至令罔不忘  
公惠臨我衮衣繡裳

題白孺人小像

受祺堂詩卷十八

十二

彼何者鸞翔雲汀排玉房兮淑且清秋水湛然貯  
滄溟薛蘿爲衣蘭芷馨自從嬪于歌雙星中佐使  
君起邁征湘日昧且日雞鳴辟繡忽兮匡誦聲訓  
符西土數巖城皆輦迂之同和鈴幽雅祇今憶遷  
鶯肅雅閉閣垂令名况聞綏手所經推布操作  
如平生七月時聞授衣成夫人篋箱不惜傾徽音  
咫尺接儀刑遠匹任姒超姬媿麟趾之祥頻毓榮  
紫霄佳氣充階庭三雛升穴揚綵翎玉樹臨風總  
瑤瓊伯也飛鳬瞻新冀齊肩仲季列簪纓舞班有  
時輝前楹安坐一笑倚謂母壽多康寧



森掌珠爲國楨

寄鄂制府新補河西撫軍五首

河隴雲飛萬里秋，憲君開府示懷柔。欣瞻節鉞歸西塞，實爲乾坤寄上游。鴻雁早從青海入，虎貔多自玉門收。征南未報寧干羽，閱武親登大漠樓。劍履曾遊侍從班，中丞特簡濟時艱。長陳俎豆文儒盛，每臥車旗葆吹閒。几染霽霜供綵筆，留明月照朱顏。風清日永渾無事，北斗城高萬仞山。使相酬勳主眷隆，坐遷司馬仗臨戎。才如畢散推元佐，地合周秦拜上公。春露寒疑關樹紫，晚暉晴

受祺堂詩卷六

十一

抱嶽蓮紅西人借，寇情原切再親臺。爲御鐵驄憶昨滇黔始，用兵友邦才望首。咸京天高西顧還，移鎮路澗南荒忽。送行一去揮戈湖水白，重來飲馬渭流清。安危自昔餘關輔，况接棠陰四野明。遮道驪歌岐下亭，衆賓皆醉有人醒。袞衣真見東西陝，牙纛兼收內外屏。三載客臺長運甓，萬方征鼓獨談經。趨陪詞客能多賦，莫訝相如碣戶局。

中秋客青門奉懷徐明府代

榛苓采采渭川舟，綵筆初從茂宰遊。忽拊皓月最宜鳬，鳥下清秋風迴綠。野谿禾滿露湛丹，歌臨

林牧笛流徒倚南山，增遠眺良宵誰侍庾公樓。

中秋卽事二首得園字稀字

十載征途月，今宵入故園。酒杯隨分具，風雨罄時繁。燭定初歸坐，雲疎競倚軒。桂宮高不沒，何處獨飛騫。

自照干戈滿，曾臨飲讌稀。經年瞻令節，竟夕待清輝。嬾涉青楓棹，難驂紫塞騑。翻宜霄漢隱，客思望中違。

承聞

先生中秋抵華下阻雨尚稽省視

悵然有作四首

受祺堂詩卷六

十二

紫氣臨高嶽，清光滿素秋。卜鄰初適野，懷友獨登樓。羽檄關河暗，風霜歲月遒。向今開正學，相勗保潛修。

積雨何曾住，前途不易期。暄涼驚歲轉，出處少人知。澗樹濃雲合，山亭皓月遲。兩鄉百餘里，雖近淚空垂。

舊歲燕臺別，寒飈起雁門。音塵情不置，著述道彌尊。節傍丹楓晚，天留白露溫。喜聞征馬歇，離緒欲重論。

渭水堪垂釣，終南有結廬。避人戎馬裏，觀世竹書



餘不負躬耕約將懸歷聘車客鑄開有待秋色翠屏虛

請華陰時 先生未至一宿而行二首

乍見中宵月瞻星引邁初積陰淹道路新水壯河渠野濶鴻行緊天晴木葉疎定知延曉日先驟簾中書

巨浪出還驚三峰到漸明不聞高士駕唯有故人迎謂山風雨愁餐宿關山數驛程北來仍獨返惆悵嶽雲橫

先生肯訪山村畱宿見贈四詩用韻奉

受祺堂詩卷八

五

答

忽枉軒車轍曾叨綈帶盟秋陽生里巷暮靄接柴荆入坐風威轉寒簾月影清慈親親到薦僕馬效將迎

步履曾徒往旌騶乃惠臨水澄圖史色鄉靜薜蘿陰卜築何時定燒燈此夜深華嵐迎渭野端足慰追尋

馬首河山濶春光几席溫出郊馳邑乘聯榻擁朋尊清雁寒俱起離花晚自存披囊頻太息績學爲中原

契託金蘭重詩吟白雪新有材追二雅微尚在三秦日抱關烽發霜吹戍角鄰永言隨杖履情洽和歌晨

白撫軍祠迎送神詞三章

練嘉辰兮時惟良躋桂酒兮公之堂朝興萬里兮自東沙浩浩兮矗千峰長河怒波兮蛟龍時出公不至兮予銜恤鶴唳天兮雲橫野心思公兮憂莫瀉

公候來兮驅素濤兩膝放悲兮嘶青霄岳門關兮秋木丹雷電載翕兮雨般般衆婢競麗兮祠之下

受祺堂詩卷八

六

日公先成兮翔百舞山有榛兮隔有苓娛公安坐兮祀事以寧

白日晞晚兮潛其暉公承靈億兮無遽言歸肴進蒸兮酒無竭悵佳期兮隔旬月公無舍我兮魂魄來遊遺噓霜露兮大有秋氛屬遠去兮百昌日滋自今至於萬年兮鐘鼓樂之

趙母王碩人六表詩

從賦萊衣侍北軒采風猶自亟兵樊旁詢內則聞天水競識徽音溯太原茹苦茶根春轉碧忘憂萱草暮逾蕃洗觴設悅徵邦教慈孝俱爲錫類源



秋同開美客飭錦齋中方叔繼至聯牀

故感懷成篇

十年二十餘渡渭客青門前輩雖寥落典型猶具  
存登高未央臺載酒韋杜村秋色浮諸陵壯懷攬  
北原維時西蜀客坦腹戎衣軒愛我如手足相延  
共餐飧雞鳴賢內子盥櫛出清尊雜珮以時設中  
廚無一喧別來歷河嶽回首稔寒溫毛髮已種種  
風歎多招魂再過貨春廡新值吹角繁里巷稀暮  
火千旌蔽朝駭阮途誰與並南國得公孫家襲司  
馬劍世傳太雨言飄零古岐下令弟同淮園俠久

受祺堂詩卷八

七

比編紆貧能修蘋蘩追隨跨江表次第分歸轅各  
抱岐路戚重於故鄉淪論心語未究接展聞排闥  
季子當陽裔風騷性所敦通家泰難薦弱冠爲弟  
昆憶醉長渠岸和歌老樹根藏書堪自娛種柳亦  
同捫契濶遠如此烟塵忽復昏脫羈就僻墅聯榻  
惟空垣敝葛苦露肘單衾常不煇清秋起涼颼大  
雨落傾盆四座瞻徒壁棲林嗟羣猿况茲漚沔波  
晨夕更飛翻既乏衝泥具疇爲及溺援疎燈然中  
宵散帙漾樊繻仰十載內升沈人事屯束薪况  
告竭脫累艱璠璣僕隸有慚色良朋稀駿奔舊知

張驃騎移靈火熊罴臺廩頗見餽滑苔添履痕旅  
腸幸暫飽流羽盈乾坤安得從漁父泛舟入桃源

池陽焦翁像贊

朝臨東山巔暮倚東山閣煩襟滌日星幽嘯響林  
薄辨香陳別祠龐翁照層壑義問一感激潛輝相  
與樂維翁寓茲峰版築昔躬作翛然列俎豆乃能  
銘丹堊懿行苟足錄佳取良不琢何必蛻塵表凌  
風翔寥廓

壽周制府彝初先生五十韻

日星彤虛地延高榮載秋輦風吹東解積雪是春

受祺堂詩卷八

八

浮遠帶終南色新嘯渭汭流文龍飛自奮駕鶴引  
相求世運遭中蹇公才裕壯猷勲名垂密勿緩急  
付懷柔昔秉端門御自學士曾驅使相騶太山先  
五嶽東海表諸侯適際乾坤好偏聞玉帛修滄溟  
憑生嘯絲筆佐研撽遂冠時巡績真寬左顧憂懸  
牙踰大嶺世廣伏節制荒陬百粵爭歸命三苗已  
就疇香銜梅影瀾碧轉荔陰稠餽絕珠還浦篴明  
翠漾舟叙方歌湛露經國躋崇正睹皇華及奚  
爲綠野畱詭邪工貝錦瓦缶奪鳴球偶託焚魚賦  
日同抱甕儔無何驚曉角忽復構邊愁羽劇瀕池



東峰巖桂水頭荆湖紛載旆蜀道梗傳郵采納興  
情愜登庸物望優廟堂精特節起蜀龜筮協僉謀  
出與全師會分持宿將籌識超資勇決聲茂捲喇  
嗽故穴移晨掃雄關力戰收熊羆因蓄銳豹豹竟  
同仇久處暄寒極親當矢石投守成都凱旋秦內  
史康濟漢神州俎豆雖頻見冰霜且未休馬更嘶  
離谷身不脫吳鉤稔策安危舉遲盟帶礪酬兆人  
願借寇多士快依劉我亦林泉客叨陪劍履遊涼  
興水縞紵靜臺花榛修奕付藏神祕吟惟發興幽  
款觴調琴瑟燒燭度清謳跬步窮焉往階除志所

受祺堂詩卷六

九

絲狂谷元亮醉笑看子陵裘俊驥恒隨列馴鷹若  
戀講烹鮮領外邸寵邁昇長鞦餉輓勞封事詩書  
許校讐縱談雲照席良夜月明樓築障仍多聖論  
兵此上游但思寧井稅徐可戢戈矛隴樹連橫笛  
江波數聚漚前鋒嘗矯矯碩畫詎悠悠獨任功希  
並咸宜祿是適治平如在目麟閣到瀛洲

贈劉明府敬菴四首

秦郊處處角聲催漢令還論赤縣才比歲橫戈時  
受簡羣公結馴日銜杯春明隴麥爭含秀雨散  
花太劇開紫閣黃陂遺勝跡且須同醉曲江迴

仙署雲霞許過尋別開齋閣慰登臨有年多種陶  
公秣無事嘗鳴單父琴石徑虛分幽嶂色怡窓遠  
落翠藤陰客來圖史容高寄坐嘯西園白日深  
日暮笙歌扶醉聽疎狂敢擬少微星遙遙海錯傾  
藏味細細吳歛發從伶揮酒輒悲兵革老借籌無  
計輓輪停何人解奏關山笛一夜春風楊柳青  
冬林冰雪曉初披憶坐雲屏晝不移笑折官梅憑  
野客寒燒畫燭滿晴帷風塵未靜愁看劍帶寫多  
閒到奕棋契濶只今春漸好能忘挾纊有前期

受祺堂詩卷六

十

受祺堂詩卷之十九

中南山人荆東李因篤子德著

贈奉先令采公弟四首

隴水清流望不微，渭川遼海亦同歸。  
雁行忽傍雙鳬影，花萼還高百社輝。  
最喜兼才能作賦，誰云繼亂必宣威。  
蓬蒿幸連鄰壤露湛風和並所依。  
車馬青門曉仗重，賴君聲力亢吾宗。  
爭推玉樹瑯玕秀，數寫香醪琥珀濃。  
歲久邊隅猶轉粟，春來江漢且傳烽。  
時添野客陪高宴，共爲慈親效華封。  
臘日冰河雪浪摧，寒津不渡正徘徊。  
忽驚千騎東

受祺堂詩卷十九

方至徐發扁舟北，斥來古寺長廊堪並宿。  
荒村濁酒復同開，餘溫每戀姜肱被。  
耐可冬宵戍角催，向過花封棣萼芳。  
早春風日似河陽，明知署壁懸魚在。  
却見山城跨鶴翔，掃榻更聞延坐嘯。  
開緘時自有輝光，松苞竹茂歌天保。  
況對連枝奕葉長

壽公門宗翁百歲二首

芒屨濁酒醉前除，健步加餐老自如。  
百歲倘能推律歷，九旬應已授尚書。  
蕭條河嶽風塵滿，咫尺鄉鄰杖屨疎。  
國有高年頻在念，連枝况託隴西初。  
楚南誰信有冥靈，方朔虛傳是歲星。  
何似吾宗存

舊齒亂餘高尚得，新硯關門復識真人馭。  
谷口長畱處士亭，稍待春深騎海鶴。  
徐看太華作雲屏

邑里絕句五十首

西南廢驛紫苔生，沃野於今獨擅名。  
未墜遺田三百畝，平疇新雨足躬耕。  
土門在敝廬南百餘步  
正陽渠引濁河流，辛苦高曾挽上游。  
黃鳥飛來桑柘綠，傍溪豐草臥羊裘。  
正陽渠在村東  
村西古道出三川，隴北青槐花數椽。  
晝沸爐聲矜渴旅，慈親作用仿流泉。  
槐樹巷在村西南隅吾母施茶之所  
泥濶東來繞舊廬，雨中禾黍粲新渠。  
兒孫只說豐

受祺堂詩卷十九

年社省憶前人疏鑿初，  
新渠在正陽渠東今頗疏利

將軍霸畧落秦皇，數請田園入故鄉。  
社火村中延

廟貌時來鷹隼叫，長楊王公廟在敝里社神

高士行祠社樹前，我生蘋藻已三傳。  
春深夜靜龍

潛下細雨融爲太極泉，  
孫真人祠先會祖建

仙李柯條百萬枝，元龍衮尚專祠霜。  
天老柏寒

畱翠落落丹青有歲時，  
老君菴在村北

獨弄白雲烟靄間，疎鐘抱麓暮忘還。  
西崖虎阜遙

通月五里龍泉半在山，  
嶺山南麓有王公廟予少時讀書於此

東市葫蘆六尺強，碧莖翠葉滿園芳。  
往聞冢宰談



佳味朱汗雙獸入帝鄉公卒謂孫太保

市上編茅古押衙逃名說劍水西涯流傳阜英千

餘歲紫帝還開二月花薛市有押衙共

西寺晨鐘委綠蕪時聞龍象泣通塗聲先白社賢

司馬義激青門列大夫薛鎮西寺族祖公披刺

為疏得龍山郡丞郭公持入會城

烈日寒泉引暮霞南川風味隔年華長懷外氏存

江總豈有高文誌孟嘉外祖昆明先生有南川井

石洞春杯古凍醪漢注春酒東醪也瓦盆土鼓社

祠芳更隨舅氏餐秋露此洞亦名秋露白族無數

受祺堂詩卷九

桃花出水高

美田千頃自依然古邑今為野市塵每向荒亭瞻

太宰諸孫種杏說編年太史張公勳卷先生

數過祠傍水竹居尚書遺草委榛墟家聲具載旌

廉榜白日清輝萬丈餘太祖旌廉榜

流曲輕風盪麥花武皇改獵駐龍牙荒祠零落留

軒冕野老春盤走萬家流曲鎮漢武帝山

百里傳郵內史間從何創指華原車解州縣郡公

私使太保經邦見緒餘邑舊屬耀州在縣北六十

高閣脩脩張孝廉酒杯齊物似陶潛沙旬斷米怡

松筠康大能來獎一添張文谷鄉舉苦節貞操康

重耳驅車虎視偏從亾諸佐復森然渭陽會別秦

公子村鎮佳名紀到賢到賢鎮晉文公暨諸臣

東鄰文獻亦堪徵謂表叔石醉裏千篇誦杜陵且

託傳魚通驛使長歌磊落李中丞李中丞公石礪

宰某其後人尚存

萬斛山前一繡衣晴嵐猶照故柴扉公孫詞翰裁

通籍忝附絲蘿把臂稀繡衣謂楊公斛山先生會

遊

明月東遮金粟峰青蓮趺坐有遺蹤傳聞六月垂

受祺堂詩卷九

甘露仗劍空厓制毒龍頻山亦名明月山東有山

紅眼村為女年十五六不言適巨

頻山南去接粉榆趙老投荒避市衢肘後隱文兼

利物高秋騎虎動虬鬚趙老與孫真人同時結菴

則乘虎而下

真人拔宅自何年子姓千羣各異塵我亦源流叨

自出白雲丹竈一蒼然唐時田真人白日上

醉倚嫖姚大樹園黃花三徑遶亭繁東籬孝子曾

題句孔雀猶巢錦帶軒嫖姚外叔祖南征先生園

詩代外伯祖仲御公



農聚族古梅堤載酒亭南帶竹溪夜宿外家悲

壯畧麒麟圖畫夢魂迷楊氏先父母外家也

錦石連連泥澗波灘陽夙好得清河采薇采芑成

孤性貽我盥蔬淨薛蘿張高士完字居西岸灘

采采紅蕖近釣舟壺觴永日快同遊溫泉亦在南

厓下司馬園林太史樓司馬謂朱公西崑先生太史山輝子表姑丈時有招

舊縣春晴柳色寒平疇綠野望漫漫西郊公子同

幽興坐與伊人賦壯升表弟朱長源齋植壯升與令叔高士友玉時同歡歌

太后垂衣西漢初還鄉城郭竟何如廟宮突兀歸

受祺堂詩卷九

浮嶺環珮中宵響玉除薄太后廟在浮原上還鄉城太后戚屬所居

盤龍蘭若孝廉村海內知交遠到門未得茂陵獻

遺草東阿一破碧苔痕劉雨化解元著書盤龍寺東阿謂大令曹禹疏亦嘗

粉堞如雲儼故城谿迴新水漲香秔競傳疏鑿劉

明府新導川梁帶郭行縣故城在郊南溫泉水舊不相通劉公於北門橋上

聯石渠始南行開稻田數百頃

甃石爲渠大有秋臨谿學圃足忘憂甘泉獨向祠

中取碧水翻來橋上流北郭多蔬圃又城內鹹鹵惟王公正志祠有甜水井

西村別墅鄭公陂十畝清涵鵝鴨池虎嘯龍吟深

張望松蟠柏老正栖遲西村村名唐魏鄭公別墅

野郭爭知賈閭仙殘碑磨滅漫經年香林手澤懷

先蹟世講瑯琊裔梓賢賈村爲閭仙故居舊有碑今亡先孝貞與大癡先生

同業西寺學使文石又於余善

繫馬浮原丈八村南陽解綬息柴門呼盧領奕拚

同醉濁酒青燈老弟昆家兄南陽君中悅居丈八村

臨淮篆隸久模糊舊縣唐幢委道途邑掾不供傳

榻費祈寒暑雨困淮蘇臨淮縣舊縣公書在學宮舊縣路旁石幢唐製也

避暑唐園枕簟新茶瓜信宿自留賓支公揮塵成

今古放鶴還隨喬逸人表叔唐大章先生園最幽深支公謂問山高擇喬逸

受祺堂詩卷九

人峙伯隱君也

龍門古寺聰明泉陟屺唐時詠數賢好事沈翁初

發興開山鑿雒又何年龍門村有聰明泉唐賢分詠表出之又云鑿三丈渠可引雒水南流惜事未集

司徒受采漆沮陽十里渠田徧插秧密樹穠花愁

薄暮楊雲指點說迴塘莊鎮爲李司徒光弼采田舊有碑楊雲謂聖如高士

日貫長虹白刃流香寧壯氣拔寒湫至今歲祀馨

廊廡清議猶傳柳柳州梁孝子悅香寧村人柳州復仇議即其事

祓祠陶甃北道來銅梁煤阜到今開天雷此貨均

窮旅未許權門問渡回祓祠故郡名祠梁今同官也



巨積崔嵬百萬層唐家中葉起諸陵青岑墨玉旂

隨闕篆籀光鈇到處徵唐陵下有洞產石名墨玉取鐫碑版甲於天下

工開石盤鏤千花綉引環連數丈遐此執匠師輸

格玉猶瞻華表躍龍蛇邑工舊為石盤石

川長堤曲井欄斜地絕花門旅寓家未有王侯收

晚稼猶寬卒伍聚平沙邑四十里並無王田兵屯地兼絕同紀不罹此三害

北史風流魏孝文雲中雉下見高墳何人鹵莽蒼

邦祭却遺頻西俎豆分魏孝文初葬雒陽後遷雲中今邑所紀者誤以西魏

文帝

歐陽仙令跨鳬來鯉對文忠產大才尚恐邑人疎

受祺堂詩卷十九

七

掌故珠琴玉樹兩徘徊陽公觀

北郭鴻臚利涉橋城衢巷立名堯春和出就溫

泉浴澹蕩東風碧柳條邑北門外

天岳高壇敞戶庭大雩飛旆滿林垌時鞭白虎搭

溟渤咫尺風雷肅萬靈邑東門外有岳廟禱雨之所

神禹荆山鑄鼎宮古坊疎豁送春風我來下馬頻

瞻拜南望川流砥柱中荆山乃大禹鑄鼎處道宮尚存

酬母姨夫焦二虞先生有序

不肖因篤自幼年受知於母姨夫焦公二

虞先生謬以有道期之自巽淪落似藻拔

久虛然先生一代偉人遭亂晦跡時亦未

之知也而冬匹馬衝泥拜先生於清灣別

墅悲喜相兼流連達夜恩私骨肉迴出尋

常既醉歸更貽新篇而因篤以饑驅江漢

三載餘始上報章惟先生鑒而裁之

焦獲寒飈吹廣陌雪花如掌述征客丈人亂後逃

城市第五坊南作新宅登堂灑涕各踟躕哀時撫

景追疇昔回首風塵二十載故園霜露交愁積少

日相期有素心窮途自固如磐石先子况叨肺腑

雅親孤兼領提攜益家國艱虞不具論親知零落

受祺堂詩卷十九

八

誰遑惜往者中丞擢諫議同朝楊左清邦籍毅然

折檻疏綱常行且埋輪誅豎逆魑魅忽張君側焰

雷霆中構黨人厄太傅憂傷去漢廷左徒顛顛吟

江澤天授 先皇更大統改元初政何輝赫漢詔

遙飛在野年踰詩更美居東島不盡賢才布廊廟

徒令 聖主憂疆場所歷雄藩况有辭懸牙絕塞

聞遺跡軍中靖變若拙繭境內除奸如裂帛戎鼓

烽雲總閒閒綸巾羽扇何奕奕其如恭顯盜阿柄

肯許膺滂居肘腋英謀未發復中傷別有旋聞去

安適可憐梁棟置無用雖有具帥難深責流羽縱



橫伊洛平連雲飛越關河圻今懷神器擁僞號昔  
剪渠魁餘斯役嗚呼 大行有死臣稟列忠魂無  
完魄甘露所噓多瑞草渥注之產皆龍脊考槃高  
節晚逾貞遲暮力田亦薄獲顯者到門每辭謝狂  
夫執手情開闢當年吾丈髯猶青一別我曹頭已  
白悉數急難中多故空嗟新舊忽復易始知所親  
卽所宗相親今夕爲何夕清谿晚稻香添滑臘月  
坊芹凍轉碧密座醇醪須倒缸寒簾積霰已盈尺  
暖牀徐遣諸母去高枕醉眠增悲悻昨暮黃鸝鳴  
好音今晨 鳥來新翮高齋冀英將幾變游子關

受祺堂詩卷九

九

河自相索清光敢使却後塵風駕何繇蒙安席逝  
景浮雲瞻浩蕩江花渭樹成乖隔鬱鬱慈峨道中  
杳森森開府墳上柏拂衣歸去公仍健五岳還同  
漫游屐

送郭山函廣文謁選

九鼎出豐鎬中原紛樹戟雅亡南不奏天下削王  
迹與國相繼雄春秋所錄闢是時主夏盟惟晉稱  
強伯比多賢大夫交契滿行役贈答光綸紆勳名  
潤金石我侯產雲中關塞聲最赫曠懷匹皇古周  
漢猶咫尺頻山叢爾區發此千仞翮初聞宓子琴

競觀王喬舄趨庭得綵服有美洵拱壁脩然絕裘  
馬養志傾圖籍既抱軼倫姿彌鍾虛谷益藜火照  
中夜徧探 與索孤竹含高籟落花靜永夕經術  
成弱冠令聞早奕奕末流爽大公偏重持等格已  
任網羅疎真疑天宇窄威施淹幾下駉駉乃負輓  
懸鵠束俊民獵榮當推澤清門儒素風屢冠博士  
冊匪盡薄明揚高會垂遺陌西京慎疇人世守其  
先澤賜族或以官朝常徵家祔謂學必宿成搏風  
資厚積力田思有秋君子恥倖獲維君喬梓才並  
有若述責慷慨一授簡萬夫皆辟易恒嶽據上游

受祺堂詩卷十九

十

太行中橫脊河山可俯視挺達追曩昔憶昨遊是  
都邊霜肅正白愁纓西幸曲大同爲武遠弔代  
王宅攜手兩觀察振衣諸詞客時曹侍郎秋岳陳  
邊青主子實皆來遊嘉譽久在耳好修終親炙况  
能聯世講簪服下縫掖狂歌藐流輩縱酒披肝膈  
躊躇摧盛顏世事若聚奕書劍總茫茫歲華甘浪  
擲髮短已數改牙疎將半圻良會且幾何壯心殊  
自惜皓首疲奔命連年畏兵革春來羽檄明向夜  
烽火赤輶餉猝愆期司農頻踰額昨令觀時艱憂  
勞無日釋更兼被褐交多歎藜羹迫忘分呼官解



倭腸醉醉醉子舍同風歡孫枝亦巨擘

謂同聲英

齡弄柔翰每見輒動魄舊夏賦北征先驅登荒積  
殷勤介朵雲却暑貽締綌君今省侍旋忽復暄涼  
隔邂逅坐未煖輕輅仍遠適三十爲人師 園賁  
束帛聞道有早暮豈須形羸瘠煩問驪駒鳴還虞  
別筵據撫景究餘憾幽棲嗟地僻努力駕言邁朝  
暉方激射來驚雨雪嚴去望楊柳碧海內未休兵  
求賢嘗側席君如踐台斗定裕戡亂策

舅氏十六翁齋中牡丹盛開招開美飲奉寄

此作二首

受祺堂詩卷十九

十一

野閣青罇麗春階白日賒自宜要國士相對賞王  
花豔倒軒楹入香浮几席遮時常臨萬卷此夕繁  
羣車

別院雕欄迴先公手澤深長畱驚俗卉獨出冠芳  
林倚樹丹霞合攀枝翠露沈更和拂焦尾宮角奏

元音

在善琴

贈楊太守陞榆林兵備卽送之官

代

十載褰帷秋色高四方多壘使君勞隴門雨雪懷  
輪輓榆塞烽烟重節旄行部自畱周野樹濟時應  
佩呂虔刀夕陽祖帳憐遊子沾酒東流渭水濤

寄懷趙大蒼篆

青門向接建瓠杯紫塞欣瞻叱馭來嶽樹遙連西  
夏色關疆重寄北門才秋生野笛長河繞夜急邊  
烽杳嶂開欲傍雙牙更敘舊賀蘭迢遞暮雲隈

寄朱太史卽問疾二首

多壘郊原旌旆愁大夫家食未忘憂暄涼况觸春  
風易坐歎仍看野興流遲放名花如有待屢開佳  
醑已同浮西園水遠滄池澗羽息烟消一泛舟

江漢遙驚歸路塵亂離重數故園春從公正喜逢  
湯沐避俗還陪把釣綸方丈維摩才警衆茂陵司

受祺堂詩卷十九

十二

馬賦殊倫比來暫臥翩然起綠柳黃鸝處處新

寄采臣明府弟時膺薦剡

漢署花深夏日長微風解慍靜琴張三年報最如  
冰雪百里同秋足稻梁客展每縈池草澹鱗鰲偏  
瀉嶽蓮香時危爾若登臺省肯念民勞亟上章

贈茹別駕四十韻兼寄公子紫庭明府

丙史先王地西征額俊辰使君登省府推轂慰邦  
人露湛青郊沃棠開白社春寒帷衾上佐借箸慙  
僉詢向憶滇波起翻愁蜀道鄰關烽恒遠及棧雪  
已中堙攝郡煩籌餉防邊亟算緝嘉謨聞侃侃雅



望日說說政擢三年最驟加五馬真展知雄驥足  
出得黃雕輪絕塞橫戈久危疆叱馭頻江山接古  
徑閱閱比勞薪下里悵合諸臺臂指仲漢廷初  
召統河內竟歸詢帶訝腰圍減霜添鬢角新雲霄  
儲健翽蔡藿耐長貧更接芝蘭秀明府還憐汗  
血馴寧家看令子結客有芳長玉樹人爭識金閨  
藉草臻苦吟多獨步豪舉亦殊倫薄俗輕肥好吾  
賢編紵親得聲滿空谷兼愛及遺民快入龔黃部  
慚爲庾謝賓高齋長洞啓偃臥數經旬醺醺親調  
七罇對飲醇秋杵延靜晝夕月燭叢筠却念巖

受祺堂詩卷十九

三

棲老遙探澗水濱明府頗能懷采菽端不棄懸  
鵲別走瑤華屢來須象簾陳披襟綠畏暑適館自  
依仁陰潤炎暉隔亭虛爽賴勻碧浪沾晚翠蒼翰  
作修鱗醉許周旋簡狂無俗侮頃函鑑能迫夏擊  
缶詎忘秦忽喚臺門鶴長瞻子舍椿有封歡倚華  
維嶽頌生申薛荔空他數樣苓託此身濟時期雋  
碩迷俗問風塵接境猶酣戰窮年只茹辛願言花  
喬梓清渭老垂綸

六月二日集陳大允中宅贈韓二溥其初度

性不耐城市麋鹿甘我拙強入塵上中况逢夏日

烈涉旬疲奔走揮汗苦未竭飲水無已時披衣如  
執熱朝來出西郊俛仰情怡悅吹而得微風灑然  
開霜雪徐行天地寬漸有竹樹潔掃榻接故人連  
鱗同羣哲數椽庇飛矢前無猶鳴鐵稍喜部壘肅  
何妨罇俎列吾賢賦皇攬晝漏滋令節隨意臥蓬  
蒿展懷延瓜瓞濁醪漉始熟桃李榮新結斟酌聊  
一摘爲君頌大耋

兩公同茂引過訪畱飲值七夕卽事二首

我李爭推吳郡才通家更識孔融來路迎雙澗行  
難別雲臥諸峰到未開竟日主賓成坐嘯新秋天

受祺堂詩卷十九

古

地有風雷最宜零雨驅殘暑不厭荒村濁酒杯  
木葉初飛大火流衡門搔首不勝愁故園時序酣  
戎馬佳夕陰晴問女牛碧度高欄河漢出涼生綈  
席草蟲幽笑陳雞黍淹中夜蓬華長從二仲遊

寄壽鄂撫軍

鄂撫軍在湖北

兼葭西望色蒼蒼紫塞黃河隔故鄉衮繡長懸邠  
野賦蓬蒿數詣蔣公堂關鴻暖住三川水代馬晴  
吟九月霜直是北門須玉鑰親提牙節控巖疆

哭陳使君祺公柩次十二首

持節驚聞粵嶠長况逢流羽徧南荒

使君補廣西少參遭亂客



死粵江波反覆蛟龍怒嶺館徘徊鵬鳥翔夢入梅

花吹萬里愁懸月影上孤航最憐捐舍無賓客誰

與招魂返故鄉改樹為館

車騎初瞻涇水滸五原秋色慰前期使君初權回原食憲贈子

於郎章驛送聆音忽使狂歌重入部能堪逸興為

錦席傳經漸絳帳兩公子昔從子遊春郊走馬問黃鸝只

今搖落蕭關道惆悵津亭柳遲

憶逐輕輅過雁門使君選代州少參送子俱行三邊鐵馬正雲

屯尚秋不見傳烽入遠戍猶如挾纈溫長有笙歌

開別墅肯教風雨間川爵此時太史古星聚南北

受祺堂詩卷九

五

曾空處士村

冀北風清夏日寒晴雲夏屋鬱千盤代州南山得各夏屋

開懷抱從嚴武真為登臨託謝安寒鯁遙衝冰浪

至保德山石華魚冬月注之以水至代猶鮮臺芝直並雨花看五臺俗各產天

花甲幽居子性耽蘿薜傍舍新移谷口蘭

一出秦關有歲華飄零杜甫更攜家他鄉妻子出

公廩故國交親倚宦樞絕徼塞帷春律駐芳朝幾

帙暮雲斜塞垣藏酒寒逾碧相對琴樽送落霞

幕府移來竹樹新西園佳構為娛賓使君所到舊創新居延

縹緲欸識餘千卷藏書最富皆縹緲光輝蔚四壁

消渴茂陵終是癖拂衣彭澤竟忘貧朔風代馬相

連久愁說林臯處處塵

獨立燕山嗜苦吟狂夫傾蓋已披襟此車關隴孤

城色攜手崆峒萬古心暫出委懷兼瑣細多時懸

榻自蕭森寧知人事如翻掌碣石風烟北望深

雍肅承家有穎川使君名德步前賢鶴鳴原上鳴

相和使君善事伯兄大相和來先生庇其羣從蘭桂階除接並肩兩公子暨猶子

昆仲皆至任統緒數因公譙解木桃偏動故人憐

猶問內子親操作款客中宵畫燭妍

弱冠登朝對大庭南安秀繡山明刑使君錄進士授華昌司李

受祺堂詩卷九

六

一遷樞密稱良佐內樞兵部郎三借邊陲樹外屏陞固備歷代州廣西

戟列不增旋馬宅屬官二十年其居第創自先公

無所苦荒空鎖較書亭尉陀臺畔天如水迢迢楓

林羽旄青

流滯荆門歲月疎太行搔首一傳書子客楚遣人候使君甫得

報而亂作使君四愁篇末悲難盡雙鶴歌成恨有

餘惜別遠違句注鴈羈樓翻食武昌魚夜來披笥

接遺跡報劄凄然絕筆初

綵仗會開瘞玉行使君勸發有珞琴應感斷聲

他君行後從一官兜紫風波險三載萍浮瘴海嬰

恭人贈也



飲水自甘終抗敵分符將及遽辭榮

學撫節疏使

按察使未

晨朝暮改碑長在海峽能言聚淚成

絮酒遙隨鏡具來蕭條門巷委塵埃但愁阡隴貧

難就追問松楸冷未栽擊筑悲歌臨易水論文寂

寞對燕臺不堪重過西川路腸斷山陽晚笛哀

### 答友見錫鬯垂示山左見懷之篇

燕市陳情客未還故人相見慰愁顏曾遲劍舄京

華外予前歲至京值錫却賦榛苓海岱間存沒諸

公皆斷梗亂離九塞各嚴關尚須前箸呼閭闔西

望白雲何處山

### 受祺堂詩卷十九

十七

### 贈履吉侍衛卽懷尊大人司馬公

渭城寒日澹流霜執手臺門菊正黃每憶使君分

旅食親爲遊子具行裝愁侵客路金風早喜對公

家玉樹光侍從班高留宿衛更聞磨盾賦長楊

### 初雪東廷尉昆弟兼懷山史

冬令初看莫葉分前一日曉窓相對雪紛紛故人

朝罷銀鞍濕遊子天涯玉笛聞卽夜寒生滿閣漏

關門愁入太行雲王猷却作牛衣臥未肯移舟一

共噲

### 投贈家學士湘北公兼述近懷五十韻

學士吾宗秀天階隴樹新盛朝需亮采光岳產名

臣弱冠初通籍崇班早致身石渠抒靜畫金馬洞

層闥遂簡樞機重選勞密勿親膚謀躬造膝藻殿

日移晨內酒承杯屢宮蓮徹燭頻貂溫兼賜褒孔

翠接垂紳萬戶寒猶闔千官迴未臻先鍾馳刻仗

挂月駐膏輪步履中台趾履歌亞相春函開收絕

域詔發轉洪鈞卽睹嘉謨粹終憐逸興馴門多迎

荆泉手自植松筠緩帶憑推赤忘形及飲醇同時

才最健每出賦殊倫士論從高汝仙源舊庇秦雄

分淮海潤峻極華嵩鄰自古當餘憾如公始獨伸

### 受祺堂詩卷十九

十六

太羹和助理端絳力追淳露灑清垓合霜融霽闕

辰爰知鍾間代實爲活生民且覺斑衣好相隨綵

筆循鳳雛皆鸞鸞龍種必麒麟謂長君舉足能沾

汗搏飛已蕩旻姤修期暨暨齊美較彬彬近擾炎

荒檄猶驅雪棧塵屬羌微人塞驚浪浩窺垠究藉

安危倚無妨捷伐仁前籌提勝畧就榻草恩綸久

訝傳餐暮爭依挾續均股肱瞻碩輔圭鬯肅明禋

忽報思幽側疇咨待隱淪徵書嚴勒限走吏數經

旬旦夕違慈母關河涉遠津預愁嘗藥失誰復救

顛中摘笋虧盤饌供魚舍釣緝囑歸惟引領瀕去



各沾巾帳望行山角徘徊御水濱信稀悲過雁裝  
敝結懸鵲漫得來青瑣空煩叫紫宸夢遙征序急  
吟冷客途貧要路慚書刺羸軀鬱采薪絲來蓬累  
子豈是尚方珍隘獎攀瓜隄旁陰託藻蘋甚知謙  
受大殊荷友于真晤對披懷抱將迎慰苦辛願留  
還哺翼甘作戀溪鱗錫孝應連類臨軒肯上陳莫  
令千載下徒羨賴封人

受祺堂詩卷十九

九

受祺堂詩卷之二十

中南山人荆東李因篤子德著

新贈內閣學士兼書所懷五十韻

日麗璚臺曉天高漢闕秋秩宗居紫禁昭代表皇  
猷曳璫清逾切含香秘獨留先趨鵷鷺侶緩出鳳  
凰樓薄月遙臨仗微霜久賜裘詔親朝左掖班歷  
內諸侯席接兼稽古帷深密借籌依然門下並只  
與詩中遊族望雄南國詞名冠越州綵毫推起草  
青鬢列行騶指掌絲綸具承顏雨露浮宮衣霑五  
色御案沃羣羞退食歸雖晚佳期與自幽徑花榮  
別第山翠引寒陬卷幔空光入閒踰野屨稠浩歌  
偏近郢虛受亦涵瀉况挺威儀峻欣瞻制作優有  
文如海賦無語不墳歷歷爲繙史寥寥竟罕儔  
北肩騷雅繼徐步極宸絲屈宋疎前烈蕭陳失冥  
淩似公才自顯誰昔命何尤每憶滇波動旋驚蜀  
羽流江雲燒大壑沔機變同舟賦亟邊聲遠整喧  
歲序酒瑯戈叢絕戎鐵騎纂長鞦廟畧通霄落正  
書刻河漢文小詩遶虎節載旆肅龍旂獨翊乾坤正  
旁聞屏翰修匪躬資構厦端拱慶垂旒已睹明良  
今乃勞寤寐求轉蓬殷睿照荒谷縱遐蒐豈謂鳴

河陽憐抱甕州僉詢容短褐博愛比慈鳩郡邑  
入頻至台司微未休當時催策蹇後命速傳郵負  
平違黃閣牽裾帳白頭陌塵初蕩蕩征屐總悠悠  
厚老增延佇途岐幾溯游頻教溫清隔難必痛瘵  
憂爽景裁辭舍堅冰忽滿溝扶牀應注眼陟屺敢  
忘愁往者嗟吟橘年來嬾飯牛早知饒獻替非僅  
急懷柔自顧漁樵鄙疇堪劍佩伴翱翔悲燕雀蹀  
躩逐驪騮出處聊隨分狂愚且放謳覽夫今在趙  
羈客此依劉向把瑤華及多慚木李投更持明發  
淚披豁待君謀

受祺堂詩卷三

無異先生同客京師家書至有舉曾孫之慶  
喜甚既而歎曰安有爲人作曾祖尚可干  
進者愚述其意爲賦古詩因得畧敘山川  
門閭之雄並及生平梗槩凡六百字卽示  
門人輔

華嶽三輔東其高五千丈下有司馬廬開門儼相  
向季子美丰儀中情兼直諒弱冠讀父書諸兄才  
俱讓西遊涇渭間所與必哲匠有時聞新篇四座  
盡惆悵先秦何蒼然兩漢互激宕委蛇縞帶垂一  
吐河山壯少年或豪舉天性嗜醇醪回首笑嵇阮

把杯多跌跣醉拊詞翰柔操觚神彩工篆分存遺  
法龍虎駭有狀君起義獻裔大名日星傍釵角及  
漏痕側鋒安足尚同人巧筆跡注墨猶崩浪片羽  
總吉光餘輝流屏幃潛居將白頭晚節益清亢閉  
戶謝賓客高眠心獨暢凌虛築草亭百尺瞻絕曠  
几席擁翠陰塞簾迷青嶂吾愛仙掌蓮削成本奇  
制怪汝擅此物乾坤乃私昵病餘耽註易疑義晰  
纖繡重發太昊圖槩刪諸說妄吳郡先生 秉人  
倫世儒希得當紫氣昨入關幽期頻往訪二公弟  
若子矜許每過望振綏來澗阿懷古一酬唱春風

受祺堂詩卷三

吹鶴書謬亦點微兩部檄嚴勒程台司亟趣裝俄  
復達慈親未容引宿恙先生以病辭于控徘徊暮  
山深積雨秋水漲省君就僧寮先生時寓撫事同  
樓愴短裘裁蔽膝儲粟不盈盎朝看霜雪明頓使  
朔風颭行矣歲律除日歸仍難量故園通好音羈  
客顏一放孤矢宛在懸朶雲驚殊相充間占舊德  
歷世慰主鬯君近耳順年且遲鄉飲杖桂樹久並  
立謂輔及芳蘭鬱成行先生有明珠徑寸新忽綴  
孫枝上含怡弄所哺已解稱色養爲祖爲人曾老  
懷亦頗亮卽今長安道賢達密列仗底須驅麋鹿



懸鼓議趨抗偃臥室嘗閒將迎項猶強接塵憶平生  
生萬感如夙舛刼急隴首戎還殷棧閣餉牙節豎  
驛館羽林馳諸將自從賦行役辛苦窮旅况供稅  
迫恒期薄田愁莫償佳兒昔負笈畏友慚絳帳捧  
檄詎獲已參軍情悵快前執戲綵柯先生孫駢之  
婚子爲議聘  
御輪幾望玉燕早報慶柴荆能週防藻蘋延屢  
及泉石敢誰証儻附躬耕耦甘爲擊壤倡出邱詢  
曉鐘旋秦倚春舫一片芙蓉月寒光浩蕩蕩

東高舍人澹人二首

常侍傳高適聲華滿禁中時承前席對綽有古人

受祖堂詩卷二十

四

風抱日宮雲好融霜掖樹同朝迴盛簪舄亦念鹿

皮翁

客子悲岐路天門鬱九重長愁溫清冷忽訝雪霜

濃回首詢遙角驚心接暮鐘舍人饒獻替無使滯

遊

答儲明府廣期二首

旅食歸無計行藏晚自憐朔風疑授雪寒日莽催

年候雁驚時早潛魚度性偏放歌逢傲吏相對一

蒼然

袞袞金臺客悠悠紫陌塵浮名關底事高臥得斯

人地僻看花久時艱應詔新班荆論捧檄獨愛遠  
遊身

贈馮訥生比部初度二首

漢署真憐綵筆豪詞名不愧白雲曹策時黃髮頻  
相問懷古朱只有操冬暖閣梅延霽景書清春  
酒泛仙桃馮唐歷事聞西掖竹有新綸報積勞

簪舄從君滿冀都更饒幽興託潛夫坐論關塞同

詞賦曾對園林入畫圖金馬門隨鴻雁影謂令弟  
懿生太

史孝廉船引鳳凰雛謂令郎  
星南邸中佳氣融閭闔皇

輓翁懸北嶽弧

受祖堂詩卷二十

五

賦伯母瞿太夫人初度五首

太皇慈極正坤寧樛葛三朝啓內庭應運母儀瞻

備德推恩宸詔與遐齡金閨晚漾西山紫玉樹寒

雷北闕青象昭然孚聖善不勞旁問斗間星

鳴騶爲導板輿來設悅欣逢邸第開傍臘北堂新

剖橘先春東閣早看梅宮雲五色移天仗御水雙

洲鴻壽杯可但寧親需令子安危方倚濟川才

朝迴八座已充間子舍同時上起居遂有軒幃迎

駕鶴時陳鐘鼎饌江魚大家眞作中宮範方績還

高左氏書自此躋航千百度蓬萊闕下引年初



女修皇古聲徽音泚水清光接如任式譙何須將  
母賦承歡並慰早朝心寒曦暗逐笙歌長畫燭遲  
連劍珮深且喜含怡家慶合綵毫重對石渠陰

常庶

帝城西帶歷三冬遠勝萊衣媿仲容賜杖徐頒瀛  
苑竹稱觴近指掖門松曾憐遊子親調箸屢屬閤  
人許就春撫事獨違明發久椒盤春酒更誰供

投贈馮相國兼上七袞之觴

時屢承枉顧並見招

碩德瞻青郡元僚翊紫宸岱宗高並仰滄海闊無  
垠國做軒轅麓天雷稷契身嘯歌違老步饒溺付

受祺堂詩卷三

六

斯民在行安垂拱先幾燭秉鈞誰聞前著密但睹  
鞠躬頻旭景移旁殿流霞鎖外闥聖情三接久皇  
笑一爲新旨酒霑殊渥雕盤列上珍詔催常侍騎  
恩逮寢園蘋禁樹霜初染池花露未湮珥貂飛授  
服圍玉暖承紳寵錫雖同荷許謨迴獨陳拜颺看  
嗣古風俗坐還淳憶對升朝月歡逢輯瑞旬

公成進士

之年始壁輝傾虎觀藜火發龍鱗累級皆從史援

羣游水鏡晨非葑多人採梁棟鬱相因畫省班通  
掖端門禮絕倫披謨驚侃侃退食雅恂恂董勸當

年典庸威歷代遵刑諸寧執法寰宇自依仁宅揆  
光嘉命疑承并要津乃心冰雪是惟帝股肱親比  
歲疲征役遐方隔觀巡責難憂匪細時紉道能伸  
轉象長提斗噓靈洞徹旻揚來司杼軸延佇託麒  
麟豈料明農疏會傳濟物人清宵殷容覽詰旦藹  
溫綸掛厦工師得調羹鼎鼎勻咸知需佐嚔肯使  
問叢筠藹立推潛羽騰驤滿後塵孤忠開後及絕  
學起關閭

總憲魏公在野公所推轂

昨已彈冠藁今猶側席詢

板書連茹舉谿谷響然臻隙照恒遙屬虛聲亦易  
衍懸裝增黯淡諗母亟酸辛職曠憐遊子途窮倚

受祺堂詩卷三

七

大臣柔榆容愛日菽藿敢辭貧忽下帷車重叨浮  
醪醇醇負春趨末庶懷橘愧諸賓竟飲談猶劇融  
寒氣最真那資鳩杖健爭識鳳毛馴

有公子甚幼編揖座客

擁簪行宜早牽裾義可申勞勞非戀闕款款願歸  
秦漸逼陽生候將臨嶽降辰八千閱

始徐數漆

園春

東高謨園進士二首

尚阻江湖興新知渤海才漢廷需賈董梁苑憶鄒  
枚露浣金莖出春融玉樹開芳朝應有賦緩步上  
林回



郎舍羣賢集冬宵列炬溫早梅疎照座微月澹開  
鐙劍寫寧長聚兵戈莫細論嚶鳴春漸和應下念  
諸昆時舍弟良  
年客於高

裴主事晉裔新納第三寵姬有贈

仙郎題柱待新酬時候咫尺藍橋接漢庭錦瑟高

堂看小婦明河永夜對三星寒深暮靄傳杯碧醉  
起春山入鏡青却笑閉門王給事催妝何用撲蟬  
翎

陳情抵京再寓張廷尉幼南齋中屬書屏詩

十首

受祖堂詩卷二

八

離筵向憶解綈袍客路風霜飣鬢毛海內依然聞  
畫角秋深及此對香醪披帷轉接圖書盛下榻徐  
看竹樹高落拓都亭慚獻紆如君合佩呂虔刀

令公牙帳古甘州身繫安危領上游萬里恩孚天  
北極十年威攝海西頭雲開絕戍關河晚月挂晴  
霄障塞秋况有趨庭光鯉對賜貂新看侍中裘

行年二十早登朝寵禮絲來冠百僚御苑擊鮮馳  
內使宮門傳燭散中宵曾題天上封猶濕忽落人  
間露未消座客渾忘鉢易重前禽細數玉沙遙時

賜太夫人  
關東雜記

高平烽火照秦山朔漠塵沙遠度關戰壘搖搖辭  
子舍戎衣辛苦入朝班寒摧羣木孤松凋瀟微屑  
霽勁翻開漫訝國人爭寓目一時臺省破愁顏前

尉人  
平涼之變

退朝鷁鷁出春城廷尉風流嗣漢京卽對銜杯皆  
白社時看輟箸爲蒼生職通幽谷園扉靜律轉繁  
霜貫索清致主還應追稷契賡歌萬古一含情

長安甲第曉雲飛第五橋邊築翠微勝絕故園行  
處是幽期仙侶醉忘歸輕烟紫閣尋樵徑落日皇  
陂訪釣磯總使北征重倚玉兼茂回百寸心違

受祖堂詩卷二

九

詞名年少曲江潯健筆憂時發興深每攬河源資  
壯畧閒登華頂劇長吟乾坤形勝還關輔楚蜀干  
戈自古今更說西州殷轉餉民勞獨繫采薇心

清卿緩步接氤氲愛弟肩隨齒自分列仗雙瞻花  
萼影時令仲爲宗吹簫送和鶴鴿羣謂叔季聿來  
佳客多橫綬何處狂夫坐論文二妙五常看動色

異時楨幹總凌雲

庭闈一別五經霜抗疏深冬返故鄉絲服到迎春  
酒碧朱旗行淚嶽蓮光兼聞遶膝徵羔雁却喜迴  
車下鳳凰錫類相期敦風好忍教遊子獨沾裳時



對請省親先是尊大人為內幣

泰川西望歲將除隴水東流亦有初憶賦落花同  
騎蕩遙攀春柳正扶疎青芹久隔坊南酒錦字長  
懷渭北書努力濟時屬公等茂陵終許臥相如

答無異先生

客夢生關輔鄉愁逼歲時暗存喬嶽淚猶把漢臣  
詩柳自青陽色松餘白雪委冥鴻隨所往不託在  
林枝

贈張振六員外

我昔遊青門君年甫弱冠結交皆老成幽興託詞

受祺堂詩卷十

十

翰落落絕岫雲孤行春水斤臨風玉樹枝迴與羣  
木判况值滄桑餘西州物采渙韋杜創新築過從  
忘日晏往時痛飲徒淪沒非一旦末契忝此聲狂  
歌資相贊頽然短褐翁對爾簪纓燦隨意臥高齋  
淡句窮壯觀為歡苦不足世路驚多難嘉會忽星  
流故人如雨散自揚溟池波中遘汚上亂是處責  
芻粟連年疲板翰偉哉少傅公雄畧諸羗憚所部  
五涼兒鷹騰何可算屹如山嶽峙俄復電霆煥一  
奮怒蛟威生收峭端謾干城披腹心右顧慰宵旰  
究必裂土封誰為通侯讚尚讓執徐秋行役吟澤

昨京洛車笠盟合離亦得半難兄方要津謂令仲

結襪起衰悵松桂能招隱典墳及抗館君雖後昨

階辟四單有按至性敦嚶鳴潛期乃獨衍別來歲

屢更奔走嘆重汗明發悵倚閭旅愁紛悽斷久懸

牆東楊還給廡下爨綵服違仲氏時廷尉省賓觴

妥操縵喜君掌屬籍邦本依溫幹拔付含香曹爭

瞻繡綬換推心賦草蟲秉燭同几案圖史恣冥搜

戶庭希近翫憐予思萊陵風好接里門安居春又

通事事有條貫朔地古多寒陽回冰未泮朝出解

輕裘室溫融軟幔風雨既無鄉乾坤增慨歎借籌

受祺堂詩卷十

十

乞歸耕高步秦與漢

王茂衍方伯初度卽事

持節塞帷三十年綵毫重賦鳳城前敢云伊呂違  
需次雖入應劉少並肩雪盡蓬萊雲自好花明閭  
闔露初妍樹杯相繼聞外簫孤矢新同北斗懸

述懷呈御史大夫魏公環谿先生

宣聖去我久百家紛吹簫秦灰漢未寒此義微如  
帶首出推孝武天姿奮雄邁毅然踐祚初親擢江  
都對下詔崇經術羣言一以汰溯流非乏人師授  
各殊槩濂雒振遺緒紫陽功獨最警猶廣樂成金



不銑三進往者姚江徒傍分二陸孤冥心希性命  
六院諸煩碎若質鍾夙悟動名亦相配奈何張空  
談儒墨互貽害公起西河鄉好修近莫逮折衷於  
古賢潛契託朱蔡蔡謂虛齋先生訓學如播穀先農世攸  
慎雖陳他珍饈粒食詎得廢補註格物傳恭惟持  
論大蒼茫天地間纂述德音音正始聞黃鐘蛙鳴  
忽已退太羹幸沃腹誰屑譏蒲稗賤子嘗壯年遨  
遊盡關寒涼秋登恒嶽匹馬北過代代謂古澤水澄  
寒海磨笄碧落藹當公賜湯沐倒屣無紹介庠序  
生降階景行肅高會素王統先哲文獻臨綬佩半  
刺未釋手司閤徐出外白之太夫人然後持客拜  
雞黍以時設艸堂占道泰臨岐辱贈辭努力蒙深  
愛公見贈詩有經史待評論之語綺紵金閨物申言母命再至今  
暖老親霜霰融朝濯賦別更十稔饑驅轉征旆浩  
歌冷窮塗華髮愁旅態江上閱除書夙期寧自快  
蒼生起巖阿紫氣分海岱公爲相國益都公還考  
唐虞時奮庸岳牧在疇咨得俊民震動通閭閻重  
喜步朝端鞠躬思匪懈危言悚孤立正色迫前輩  
屢歷皆要津清風久益勵主恩平輿情宸極  
臧鼎鼎比復來溫綸旁求及寡昧天閭迴難呼閣

道慚逐隊伏處念承顏盤餐多麤糲家貧恒不允  
乞米負且戴况乃滯行役維萱違樹背悠悠忘嚙  
指孰與救衰憊公有人倫責絕裾亮所誠願歸竊  
餘光明發自叔父  
贈家學士公初度  
春來踴躍長安道秣馬漸看風日好棣蔭輝輝學  
士宅彤弓盧矢懸門早初隨仙仗飛綵雲一奏夾  
鐘瑤瑤草時先一食客滿堂半傾蓋安居高步舒  
懷抱競言維嶽乃生申皇覽闕逢孟陬辰東序騰  
光接琬琰九衢掣電驚麒麟論思已與泰階會意  
氣長嘯幽谷春天祿石渠久自啓闕宮清廟還其  
醇黃扉機務兼親領副相古之門下省受事獨先  
百執勞蒙恩那許同遊並嘉謨入告藏密勿正色  
格君在俄頃內直多時解繁霜溫綸到處延霽  
景宣徽泚筆霄漢通夙昔詞名達禁中地負海涵  
若列掌含宮吐角何其雄連年戎馬雖未息近者  
櫓槍亦潛融坐倚三微發淑管熙然萬象開鴻蒙  
朝迴宴豆每時設况復躋觥盡賢哲拂面全祛紫  
陌塵褰簾快擁芳朝雪端宜乘興對揮灑更喜披  
襟同皎潔寥落郢人和最爲激揚縞帶情偏切好



音商注涇渭間遊子轉蓬出秦關徒步蓋得避  
近倒衣風駕相迫攀虞廷不問巢山仕漢主仍遣  
鹿綺還豈但在原有至性常緣明發增愁顏大臣  
體國心良苦天下託之如肺腑須使玉燭明四極  
昔教白華缺千古如山如阜迴難倚吸露餐霞何  
足數幸際明良字帝春磨歌曠代繼吾祖謂始祖  
皇陶公

爲簡

二月四日雪後王侍讀阮亭招同諸子集飲  
楊賦古體五章卽景拈積素廣庭閒之句  
爲簡  
初陽浮遠林倦鳥亦舒翮乘興驅馬出門有所  
適美人秦風愛天路揚金石三載一攜手生愁懷  
抱積

惠風展淑景餘雪明高樹春草忽佳色已聞農事  
布開鐫相與傾不覺至日暮情款無不伸永期託  
君素

屬杯三五子咳唾接餘響令德通羣心陽和值道  
長策名戀清時游子述攸往潛見任爾分始知天  
宇廣

古人重知音 發嘗獨停願作雙黃鵠齊飛奮青  
冥拳拳雲際月始見臨疎星良夜吐高吟衆芳畢

前庭

翔鴻輕飛雲臥鹿樂故山受性各有宜佳期難展  
攀醉人遺萬慮常得好容顏歡笑益努力莫令鐙  
中閒

石樓納

却赴召入都索詠卽贈

雙星邂逅宿橋初忽感新泥下玉除戶外驪駒鳴  
自好庭前翠鳥意何如從辭膏沐飛蓬甚卽採芝  
蘭人抱疎回首故園春漸逼日隨慈母結蠶書

谷雷田兄過訪不值見貽之作用來韻二首

偶傍烟光出驚看節候新寒裳憑野興倒屣失佳

受祺堂詩卷二

五

晨尚覺青蓮冷空愁紫陌春格窓頻掃榻肯復過  
征輪

忽枉迴車賦情深采菽年那容方鹿綺惟是戀林  
泉旅夢疎鐘入歸心落照懸病來詩總廢酬對一  
悠然

贈施尚白觀察

華髮銷壯夫竄身弄柔翰愾然念黃虞終古寧再  
日南雅揚其光質文道互贊朱 有遺聲太廟兼  
唱歎傷彼谷風操坐愁王迹渙詩公亂臣出絕筆  
諸史冠駟詠沿餘緒厥辭亦稍曼兩京休明時誰



據作者案瑤瑟罷清商土繭羞玉瓊嗚呼黃初來  
藻績日益燦臨壑端羣趨審音寡俗玩生當李杜  
後頗幸源流判抗志追先民力微忽自憚莫窮虞  
淵涯徒敝夸父斟高樹響偏悲水深波易悍宣城  
至性人託賦懷多難體實具興比言能上樓惋方  
諸三百篇發憤乃同貫憶昔武陵翁謂先生廻車  
西涉漢荒山洽幽襟掃榻留櫛盥抵掌天下士於  
公夙心年十年爭隻字來往札頻換感此希世情  
將圖一假館迢遙孤岫雲不及大江岸盛代方右  
文盈廷美輪奐猶須亟訪落側席殷宵肝公等皆

受祺堂詩卷二十

六

大材義宜備楨幹奈何爲巨室旁採到樗散賤于  
嗟伶俜行吟老澤畔虛蒙薄遊名鄙事何足算少  
作晚知悔思之中夜亂人生非金石百歲已過半  
忍復舍慈親晨征違里閭覩顏從鶴行忘已是鶴  
鶴斯役曠無期旅炊烟數斷來驚曉霜月臥覺春  
冰泮惟喜遵良友造尋酣日晏幾回布褐客相對  
簪纓粲君學如滄海博收取寸瀾持茲佐賡歌立  
睹宸極煥

湯使君荆峴先生家食有年名所居曰潛菴

應 詔北上命予爲詩紀之賦古體四百

字

河圖不復出日月中相嬪維水揚清輝斯文庶一  
變使君生是邦搗藻冠羣彥束髮步石渠時榮非  
所戀西持上游節再控虔南傳所至遺甘棠秦吳  
共茂蔭抗懷本自超流坎得幾先薄俗鴛紛華高  
人情乃見拂衣驚壯齒垂橐去江甸觀者攀其車  
涕洟橫被面鳴鑣迅不停父老悲還羨迭矣疎太  
傅修途竟同踐歸來臥嵩陽茹藿充席饌構屋僅  
三楹藏書踰萬卷既無竹樹饒何必亭沼便幽景  
滿長林素風恒獨薦脩脩鹿綺傳託興千載擅濁  
酒足晨夕羲皇生顧盼菴居亦有名取義卑爲綢  
龍德還溯初退耕豈云倦東吳披裘翁謂先生足  
跡天下徧掉臂凌遠皐惟公按遊燕自公解綬歸  
時序疾於箭過眼二十春藏身經術穿客星照薊  
野詞筆叢佳選未契推所親得交於公嚶鳴治狂  
狷蕭條陋巷中屏跡開士院門少軒帷塵座多布  
褐賤秋風吹我馬旅食對霜霰忽復綠草生徐聞  
新鶯囀年華如流水撫事悲逐電故國未息兵窮  
荒猶酣戰有才美伊呂雄畧工組練遑賦紫芝曲  
請揮白羽扇鄙夫舍老母行役辭鄉縣詎得玷後

受祺堂詩卷二十

七



塵誰爲供朝膳進峰吐瑞葉時王無異作潛卷記意亦兼潛  
見虛谷趨羣壑采詩及但嘯拔毫會予心匪石何  
可轉倘肯念遊子關河蒙風卷

贈房樞部慎菴

棲遲輦路百花明畫省論才得漢京客到隨時開  
臘蟻朝迴有與託秋梓紫芝偏惜東園賦黃石兼  
推北府兵更喜芳晨饒酒力風堤醉數上林鶯  
寶坻相公見貽詩幣敬賦長律奉答兼書感

懷

北極三台正中書八座專明公依帝里宿望領朝

受祺堂詩卷下

太

賢鼎 今逾蕭旂常昔並鑄舊京推世系公系出城南  
前史歷長編相業清門秉詞華哲匠延崇期兼此  
日信美軼當年碣石滄溟會金臺麗景連地形遙  
控趙山勢各趨燕顧俊連他及生材豈偶然斗杓  
騰自上川嶽鬱相宣左氏耽同癖瀛洲早近僊園  
風存大雅儒術藹孤鶩歷敘勲庸著深資啟沃先  
格心端密勿疑績陋言詮屢長尚書省旋提主爵  
權人倫研曉鏡士論洽荒躔止水澄俱入寒輝照  
不偏古藤看忽好羣卉到今妍構厦需喬木爲梁  
涉巨川白麻都邑慶丹仗里聞傳鶴唳原通野龍

光總翊乾遐服紛感激庶品切陶甄直道平如砥  
嘉謨秘拂箋主恩孚納陞戎事炳籌邊漸睹機檢  
却徐聞雉堞捐揚旗新下楚飲馬待臨滇送喜喧

飛騎寬輪罷接 廟堂無失策帷幄似流泉合殿

陰常徒層霄漏已遷禁中畱借箸江外競投鞭醉

鴻銀罍隊行隨玉案蓮右文彰睿藻溫詔起幽荃

郡縣嚴催駕關河迫逐驚忍悲辭老母迷路仰高

天抗表情徒急瞻雲眼欲穿窮途甘伏枕索處類

逃禪溺物多時誤修名壯志愆風烈愁落拓晝永

涕潸潸那意調羹邸還勞采菽篇雄吟開旅興東

受祺堂詩卷下

九

帛耀僧塵跪把黃鐘作驚揮綠綺 逸思憑颶爽

真氣沾纏綿郢雪誰谷和春陽莫舍旃掃門慚未

敢懷楠恨空牽載陳傾筐亟虛疑報玖懸山桑招

我素短褐對增虔久客堅冰解頻嗟皓月圓親衰

寧暖席力薄但歸田頓畧雲泥分私矜縞紵緣南

陔終許補獨荷相君憐

贈陳大其年

老眼花驚放離津柳暗催春風吹薊館野客臥燕  
臺縞紵論交日江山作賦才歸耕安薄分待子奮  
龍媒



賦贈葉學士訥菴

鸞鳳來青霄羽儀照萬目出爲帝者瑞鳴則蒼生  
福學士懋潛修琳瑯方輿圖乘時奮德音獨立清  
邦族射策甫弱冠援毫登天祿十年在外署安臥  
無所欲豈乏要路津高才互追逐致身有大義斯  
事盟幽獨往見剖符及脂車甘屏足榆枋爾亦飛  
英訝鵬鵬伏緩步從朝謁雍容美佩玉饒居固市  
塵而不撓塵俗夕月寒侵帷朝陽引晒腹遺經窮  
其源古道取自淑川拙見本性嘉謨皆前著終能  
結深知 特簡親啓沃桂杜託根際丹青資化述

受祺堂詩卷二

二

升沈各循分志士寧待卜詰旦開講筵先期稟齋  
宿羣書盡淹貫默誦猶秉燭束帶趨闕闕鐘嚴日  
未旭斗杓垂紫禁獵虎夾黃屋黼黻繞桂氣臨朝  
色穆穆簪裳儼在列戟陛森相屬公起徐抗聲格  
心若懸鵠典墳昭往鑒詞指必三復上感宵旰殷  
下憂佳兵黷徵輸困吾民罕譬當痛哭振旅追唐  
虞寬租務殖穀 九重爲動容僚采悚旁矚俄頃  
奉溫綸對揚乃厚勗天門敞九達洞達捐尺觸新  
命恒逾次長曹統史局惠疇孚素履風尚一還樸  
比歲慎此選將因司鈞軸詢謀亮已合宅揆瞻堆

敢遐矣長貽翁採苓故山麓寄書抵都亭封識詳  
且覆珍重拜發絨曠然絕寒燠幽情會滄洲寓  
於草木前一友以空雨寄公發之惟當歸二枝昔者集許輩徜徉入  
箕谷未聞呼稷契招隱以初服投契那可料擇言  
思忠告幾回向賓客披豁心愈肅賤子適預座聞  
之增慚蹇當年逢訪落被 詔至樵牧少壯多夸  
辭諸公或謬錄虛名玷薦賢屢檄蒙敦促扶病哀  
臺司踞陳許削牘 眷懷自崇廣銜恤空躑躅宛  
轉策引邁羸糧傾儲粟刻歸欺老親行役浩川陸  
秋半苦霖雨旅衣時就曝倏驚澤水堅翻耐春枝  
緣叨特下交誼願抒襟抱曲聖王體庶物陟屺爲  
頻顧喉舌賴良弼細微原並有一夫苟失所如已  
推潯瀆公肯展飛離顧恩縱野鹿泰山仰止同遙  
庇孤生竹

受祺堂詩卷二

三

受祺堂詩卷之二十一

中南山人則東李內篤子德著

投贈大司農王立梁公十首

主極殷宵肝司徒總度支艱難同濟物鎮靜獨匡  
時歲舍青陽轉春農碧露滋願聞華黍賦歸勞采  
薇師

別歷瞻三省安危繫兩朝普天烽戍急連歲輓輸

遙禹賦貞如故唐風儉自饒前衢欣擊壤玉燭泰

階調禹貢賦貞注賦以補爲正

冀北清邦族燕南敘世家地連畿樹迴天抱嶽雲

受祺堂詩卷二十一

賒庇國壘芳雲籌邊展暮霞扶陽還近闕作述正

無涯韋賢相漢封扶陽地在京東

禁掖久逾恭班聯衆所宗壇高三禮會令肅五兵

從致主兼舉契論才想燧農殊勲誰並紀合勒太

常鐘公嘗歷司馬司寇宗伯

漢詔臨南粵蠻封啓尉佗滇閩仍躍馬嶺海未揚

波翡翠辭裝易珊瑚入貢多翻疑延上客不及徒

薪何前移諸藩公至粵平南奉詔

水旱頻嗟及干戈鬱未開猶寬平準議不託計然  
才布穀春聲好勾芒霽色來省耕應有事王澤煥

風雷

白日悲戎馬蒼天養寇讐幾時幽雅作相望甫田  
秋吉日聞邦教和烟岩物愁東郊將舉耒臥鼓議  
懷柔

憶昨金臺路初通紫陌津倒衣忘履褐連榻對叢  
筠大漠驚秋早高欄受月新鹽車蒙一顧觸序惜

征塵執徐秋日始謁公

當代論文獻惟公是老成版圖收故府鹽鐵用諸  
生世倚蕭劉業人傳柏宋魯昭星寥落甚依斗更  
含情

受祺堂詩卷二十一

曳履星辰切書思密勿同攸虞先五典維漢領三

公谷轉常山大湖迴碣石雄有儒達諗母徒步日

華東

花朝大司馬宋公夢天招集海棠禪院賦詩

五章紀之

芳郊載淑氣白日滌繁陰久客值辰良輕風吹我  
襟纖埃遠覺地綺色明長林一徑窅然入開花相  
與深翩翩下黃鳥諷諷聞好音有約並延佇褰裳  
從所欽

上公布令問簪舄鳴謙古樹此人倫望怡然衆志



春朝左序暇况適休明日肯念行役子臨餐不  
遑畢軒車過相存被褐安汝質所願叶嘉修何論  
膠與漆

前門天易風車馬競花時請謝陌上客悠悠安足  
期自公發鳳管羣卉敷其私是日塵沙靜微蒙翠  
露滋齊心要一盼努力見榮枝遂使凝寒夢沈吟  
不得辭

紛紛四國士旅次淹冬春采菽半不飽敝裘如懸  
鵲悠哉鄰下讌緬仰西園負盛事起千載心期同  
一伸金臺贈故趾碣石洞前津託契於傾蓋風流

受祺堂詩卷三

三

可具陳

盈盈三月棠灼灼十洲藥天女空際來雨華忽紛  
委春杯寫其深赤舄相漾美四座莫不歡高言無  
窮已於中向隅人獨有陟祀子矯首望餘輝從公  
增徙倚

送翁武原郡丞之黃州任

使君客長安謂尊大人賓至盈邸舍濁酒互招綽  
新詩同披瀉是時摧樓閣流羽照前龍虎塞林  
端輓輪窮石鯀關門據上游孔道當二華仗節須  
俊才戎車乃西邁尊大人自臨一從祖別筵炎景

懸初夏頻落渭橋霜尚遲雨谷駕朵雲非不來雙  
鯉亦騰謝無復浩歌情緬懷雄飲夜趨庭聞綵衣  
美玉且待價乘輿輓荒陬夙期徒嗟咤前武原過  
敝邑見訪  
以山居逡巡逢郡亭五馬已錦帕追通太守帷遂  
居京兆亞齊安古名郡赤壁江漸下其俗富詩書  
力強兼騎射沔湖阻風濤荆益還陵跨用意撫子  
遺維良宣元化楚中憶舊遊東望臨崇榭更折新  
柳枝天邊送黃霸

益都馬相國萬柳堂五首

黃閣名園白日開夾城雲樹接蓬萊長林野興當  
軒盡上苑春風拂地迴纒引遊魚潛自出陰垂宿  
鷺偶無猜扶持大厦需梁棟不遺關山笛裏催  
細草平沙敞翠微春來風物正依依游絲直習青  
霄入接葉暉同碧霧飛天畔榮條先賜暖日邊佳  
蔭靜涵輝芳晨四望饒珠露萬樹金莖晝未晡  
種柳兩期閣道南叢柯密幹鬱相參月來寒浸滄  
溟水雲起光浮泰岱嵐散帙扶疎連畫樹傾杯淡  
蕩曳澄潭猶宜淑管吹新綠鳳闕晴烟一色含  
京華客食慣登臨徙倚芳郊興獨深築室不殊經  
國計爲橋兼識濟川心長楊報賦存羈旅細柳籌

受祺堂詩卷三

四



邊託禁林肯賜五株歸渭山衙門長日戴清陰

地遠紅塵足抱關碧窓黃鳥醉開顏絕無胥吏相  
勾領時任漁樵自往還枝好競分桃李秀色深長  
帶荷蘿間呈猷黼黻須公切几杖承恩坐看山

贈別中翰九兄

風和喜接在原杯况對秦雲首共回日下花舒同  
夢早天邊雁帶好音來爐煙久託絲綸地珮玉偏  
明獻納才我自歸心縈渭曲春城夢裏嶽蓮開

檀池劉公崇祀

五色恩綸出帝京循陔告慕極哀榮早知坊表燕

受祉堂詩卷三

五

山重爭式蒸嘗壁水清萬事光華留肯構一身雲  
漢託登瀛簪邊題柱瞻新緒渤海雄吟曠古情

同諸公宿銓部公署即事限衣字

白頭愁別釣魚磯青綺衡臨畫省扉自曠南陔中

夜亟頻瞻北闕寸心違竹林觴客推山宰

是日有主七人

藤署占星動少微曉雨聲連高閣漏君恩會乞老  
萊衣

答 太史季貞再用衣字韻

隨分鷗鷺性不違強同鸛鷺此飛飛翻因暮雨成  
連榻忽接晨鐘憶拂衣杯瀉香醪賓座滿署懸冰

鏡吏人稀感君登陟貽新句猶恐懷歸不共歸

曹主事正子招集屬賦近體二首

病裏傷春時序催臨期強爲故人來裁隨弱縷聞  
黃鳥已覺輕陰換綠苔嶽樹江雲遙入賦花牀竹  
嶼對銜杯當筵衮衮多詞客授簡何如鄴下才

握別秋郊白露初三年曲徑重舒地過燕趙愁  
論劍春隔谿山憶荷鋤正值良辰思苑結還詢夙  
好弟連如謂尊兄陸海與子同里述塗託跡渾無緒莫訝東

園策杖疎

送葉道子之臨清守備任

受祉堂詩卷三

六

輕風初拂御堤烟列帳揚旗對別筵海甸欣逢持  
節至關門省識葉繡年詩書致主推匡鼎謂尊兄學士公  
帶烏臨戎得惠連鴻雁定聞垂隴賦時山東來嶽左色正蒼然

孫母顧太夫人挽詩

太姒神明裔東吳種德門先朝推闕闕內則比蘭  
孫作配名家早干歸象婦尊蠶桑延夕課監櫛引  
朝暉緩步循陔肅柔聲繞膝溫事姑詳申禮娛老  
山無痕幸託車書舊欣瞻綽綽存是邦才並逸夫  
子好彌敦盛接沿流艇馳夾風駕轅蓋簪通里巷



益滿 樊坐嘯情俱愜庖廚語未喧不須空  
異相訝足盤餐競瞻潛輝著周防暴霧渾端居消  
橫逆遠害結深思曩昔黃泉道飄搖白首魂謂人  
延新思罔墜歲久慟猶吞孝已徽音築慈為第  
根根承顏兼逮母博育自年坤本茂饒聖蔭端長  
信有淵奇應鍾海嶽美寶報瓊璫藉甚珠盈掌肩  
隨絲淡軒關至教提抱寡違言避冠初辭邑  
幽溪小築村時時親授史切切戒窺園竹屋裁容  
杖節迴戴盆何曾虛絳席究必展清餘漸覺從  
游廣類持過飲繁歐書嚴隙駟孟宅徒鄰猿猿露

受祺堂詩卷五

七

凌龍潔干霄玉樹蕃一經方互剖三鳳各高鶩肯  
三君宜棟忘憂解慰萱菴歡榮鼎食迎養式熊幡  
德進霜帷慘謂贈公驚懸粉旆昏衙哀馨和電逐  
序養蒸豚隴舍仍嘗歷枳枳盡所門貞珉占野豎  
石馬帶風蹲聖善嬰難企劬勞莫具論搏扶資勁  
物巨渤起藏鯢屢冠江都對同排漢閣開詞科成  
立彩筆繼諸孫絕儼峰還舉巖疆角正煩廟謨  
春輿輿望待調元忽罹終天戚遙聞併日奔危  
鼓到及薦春禁往庇浮雲住叨依霽景暄  
和蓬谷義問洽中原地瀾湖濤渺瀟垂發宿

胡誰能忘仰桂况復感吹填謂先生葛藟追前烈  
齋斯裕後昆大招如可賦靈馭逼崑崙

送孫維周之官永和

少年結客長安道冠蓋如雲時序好啼鴉一鳴芳  
樹歇五陵佳興跡如掃豈無邂逅稱新知朝雨暮  
霞難自保衰晚得君一掃臂幾回秦漢同幽討曲  
江花發故園春何必今人遜古人肥馬輕裘折借  
客放歌痛飲不辭貧僦負已耐侯生老疎脫猶憐  
阮藉真逆旅班荆能數至高齋下榻必淹留傾筐  
倒皮情非一百慮瑣屑事事悉川膺歲寒比松栢

受祺堂詩卷五

八

與人相固無膠漆解驂長任呼中宵挂劍還聞矢  
白日意氣所向俱傾耳羣豪當之每自失黃金何  
物足重輕壯士咄嗟悲無成前箸仍卹薄游困入  
門忽來交謫聲一官蕭條詎得已三載旅食畱神  
京寶戚過從復滿座濁醪傾瀉連軒楹我聞為善  
荷天祿君獨剖符在窮谷地僻轉宜開嘯詠民勞  
自可廢鞭朴隰山遙重太岳雄汾水直流洪河澳  
西望好音咫尺是綵服雖隔傳魚速御溝溝水東  
西流蹀躞春風不暫休香陌遺跡異顯晦得時不  
皆山人謀丈夫立志度其分悲歎那分沈與浮游



夏之賢多出宰屹然名譽垂千秋多君磊落饒雅  
度努力乘時建功祚書自銘鐘有何常負才但患  
年歲暮人生談笑取卿相百世寧如德業布茲爾  
亦是民社封飛鳧馴雉晉陽路憐予京雒尚棲遲  
忍舍老親忽若遺遠道未通嚙指痛高年誰掖扶  
牀衰浪遊秋衣春衣縱長臥十日九日饑已料菊  
於荒別墅徒令猿鶴悵前期春城三月花吐萼柳  
色青青帶南郭朝起送君過石橋欲賒杯酒悲垂  
家祖筵相觀衆賓醉芳節坐愁懷抱惡早晚恩  
放還山歸途就汝鳴琴閣

受祺堂詩卷下

九

又代

一別長安歲序深雙鳧天畔送佳音時清好種陶  
公秫地僻須鳴宓子琴忽聽歌驪催去路遙看祖  
帳滿平林定懷夙好憐歸客花署風流許過尋

呈王詹事臬廬時令予新成進士二首

憶採蘭若江漢東心期夙寄五雲中初來天祿瞻

家令到處都人誦國風

先生典試直隸

清珮曉隨仙仗切

紫宸春轉泰階同會聞太乙留青杖自可優游譜

華嵩

京雒飄蓬少定居忽煩軒蓋下樵漁幽尋已許呼

銀燭祕賜還驚對石渠北斗簪纓推曠代南宮羔  
鴈競充闕龍門虎觀饒佳緒注目趨庭肯構初

喜趙元深成進士

冥鴻載識孝廉銘老燕孤棲苦竹亭豈僅逢年推  
健筆還聞續學報遺經承顏遂着宮衣綵遶膝猶  
憐玉樹青華晚明光看漢詔天門何策慰流萍

又代

藉甚才名久揚鑲入禁闈曲江花正發阿閣燕頻  
飛制策傳章業富袍藻玉機看君酬綵筆河岳有  
光輝

受祺堂詩卷下

張儀部民部祖孫崇祀應選即淮山公命爲

二詩

淮海風流想玉珂向題漢柱首清河不因列署聞  
三禮爭得籌農備四科世異還高青嶂月時平互  
薦白蘋波潏來天地餘憑弔遙對江山感興多

蓮豆清光几肅生接塵懷古思沾纓升堂述聖原  
同武主嚙聞孫亦在楹春殿闕宮三代具暮雲芳  
草百年情卽今應詔趨閭闔山宰會傳啓事名

贈劉戶部介菴二首

中壘詞名奕葉聞山居卽署託清芬含香不遠金



閨月執戟長連玉殿雲西望關河凝落靄北來車  
馬慰離羣正須前箸資騰飽湖上猶懸六詔軍  
渭水簪裳首重回班荆旅食一論才佳期坐負粉  
榆社逸興翻同苑雛杯風定薊花漸發地偏河  
朔燕遲來他鄉客裏憐高會絳燭初筵已屢催

羅揚庭先生崇祀令孫侍御君徵詩却贈二

首

遺逸聞聲江水濱白華空老杖藜身物情久屬謳  
談起邦教難違俎豆新玉瑟珠琴長在廟牽牲採  
藻亦同春鳳凰臺畔看明月牛首鍾山隔代人

受祺堂詩卷三

十一

臺柏溪松一氣清競聞封事憶傳經雲車風馬高  
人色望水宮牆處士星四國好音叢編紵三吳潛  
德慰榛苓棲遲受簡慙爲賦敢擬中郎有道銘

送金觀察式菴齋奉還武威二首

西望河源古茂深五涼耕作到於今寒帷特節懷  
多難列俎臨戎並好音春暖寒花爭自發月明羌  
笛不相侵比來猶通征南羽輪輓應懸入奏心  
旅食長安八月餘風塵頗領少寧居採蘭那許進  
幽谷種柳還期返敝廬共醉春城公黠酒將旋暑  
雨外臺車使君鳴珮聲深殿肯賦慈烏一起子

送謫生孫世兄之任新田

秋郊一別雁門霜忽見雙鳧起帝鄉塞微兵連須  
茂宰江湖地遠只輕裝歸心正對萱華劇別思還  
牽柳絮長却憶尚書曾作令謂尊大人忠烈公夫子家聲拭  
目待循良

題江青園廬墓圖

七十之翁孺慕稀麻衣披涕作班衣松間馴兔爰  
爰出隴上慈烏故故飛遠墓忍令睽杖屨循陔長  
似對庭闈丹青他日開生而獨立寒雲望落暉

卽事柬張振六員外

受祺堂詩卷三

十二

才名藉甚屬車閒壽省移來扈從班爲賦久於何  
遜並結廬原在杜陵間時揮玉麈聞高論數設冰  
漿浣醉顏強擬追隨慚短髮仙曹詞筆迴誰攀

贈張鳳舉公子

清河兄弟玉森森更得慈明託素心國有河山盟  
帶礪人從霄漢識冠簪琴書轉對風明靜萍荔還  
隨坐嘯深抗館幾回忘永日同苔應許賦前岑

題萬肅菴觀察小像

有美三川俊詞名兩漢流身常依北闕續屢冠南  
州每計林栖早應耽野興幽蒼生方待澤佇見聖

書求

又代

江關一別幾經年別後棠花晚更妍帝里披圖重  
藉草猶鳴玉佩出朝天

首夏承沈詹事招集出所藏宸翰屬賦兼

中風懷七言排體十二韻

鳴珂曉散紫宸東折簡幽期縞帶同座密先知  
京雒暑簷高微受掖門風忽開篋篋臨皇篆恭  
昭圖書沃聖聰真氣浹時驚戶牖片言千古剖  
鴻蒙海山齊拱天威近龍虎欣瞻御筆雄繞

受祺堂詩卷三

十一

屋雲霞徵主眷方噴冰雪照臣衷從聞騰達先  
趨陛小有浮沈屢轉蓬碩德端宜歸秘禁元僚久  
復冠青宮要衝簪蓋羣賢至清晝陰垂委巷通  
回首關疆懷鳳鶴五年夏日公來青門接塵河朔倚芳叢腐  
儒呼闕重關外慈母違顏萬里中講席從容歌既  
醉須論叙孝即移忠

送宗姪之任澧州

他鄉送客每悽然况與吾宗對別筵佐郡江湖連  
險要之官戎馬急材賢酒分蒲節離杯數惟照欄  
花去路襄陽憶澧陵曾命仲須憑尺鯉慰懸懸

張廷尉幼南省親里迎娶還朝詩以紀之四

首

雪樹離離數去程榴花灼灼艷歸旌喜聞堂上加  
餐信徐聽闔中佩玉聲鼓入西陲朱鸞肅車旋北  
關綵雲輕衝寒觸暑渾忘苦報主寧親萬里情

照乘歡持掌上珠戴星嚴限且踟躕塞垣新睹王  
臣貴鄉曲爭傳盛禮殊趨事偏裨俱大帥述婚詞  
賦有名儒袞衣斑綵相看山仙仗戎牙亦並須  
寧朔將軍武庫才館甥新第夾雲開牽絲幕府喧  
鐘鼓烈炬河洲照草萊玉白何煩仙姑待銀槎直

受祺堂詩卷三

十四

摘女星迴清卿弱冠兼能賦攬鏡看花莫遽催  
外舅爲寧夏提督趙將軍擊之

列仗鳴騶歸路勞新妝靚服漾宮袍健兒亦解供  
談塵侍女皆能拂佩刀百兩盈門煙月麗三星向  
夕烏羅高畫眉如問張京兆應許恩輝偏彩毫

又代

綵服問君張掖迴藍橋却問朔方來貪趨鳳閣炎  
鷹劇山遶龍沙錦幕開連報遐方清鼓角矜騰臺  
閣奮風雷還朝定憶承邊事仗鉞應推濟世才  
侍御侯連徵先生挽詩即慰中翰若少文讀



禮

詞臣更着惠文冠

侍御以庶常散館

絲筆霜生玉陛寒

賦幽棲辭

聖主遙驚法宿動長安高吟未改然

黎閣晚計兼工詩藥欄萬里悲風吹薤露清輝直

溯五雲端

送馬吏部右實分巡肅州

玉門關直酒泉西持節餘來入鼓鼙典敘十年推

藻鑑懷柔萬里寄蒸黎蒲觴怡傍岐亭舉杏酪還

分左掖攜客裏送君難遽別故園回首暮雲迷

丹壑太史初度

太史爲學士公子

受祺堂詩卷三

十五

丹雘初起泰階平健翮摩霄得鳳鳴鄧禹冊勲年

有待桓麟酬客賦先成娛親綵着新題錦報主冠

彈舊賜纓謝樹庭階倚玉綺筵徐奏紫雲笙

紫瀾太史第初度

太史籍德州

金門仙仗鬱重重皓首天親邁所宗直向滄溟詢

隴水何疑泰岱有秦松屏臨蕙榭珊瑚碧酒漾欄

軒琥珀濃此度初分維嶽賦百年公讌不辭從

送侯釋來還解池

旅食長安歲月移論文傾蓋重新知輕風有意吹

葭葦潯暑同憐待簾帷愁望河橋催馬暮槐攀楊

柳度杯遲解梁雲樹秦關接回首吾廬咫尺疑

方渭仁重葺健松齋屬賦

南極仙人海鶴姿種松親構紫虬枝炎天暑却風

來後靜夜香生月上時滿眼兵戈長好在沾襟杖

屨獨安之憑君鄉土詢遺蹟可有嚴陵舊釣絲

陳情後投上家高陽相國

聖代垂裳日宗臣秉軸年安危股獨倚作述儼相

宮國體光凝命家聲協象賢謂先先公堂載開舊

德史爭傳我李貽謨大生民肇祀虔仙源遙溯隴

望族久推燕履傍星辰切膏蒙雨露偏沛豐原近

受祺堂詩卷三

十六

漢韋杜並依天奮翮卽山迴濡毫易水妍雅音兼

宕激經術飽騰穿制策畱深殿圖書賜祕篇然藜

堪炳閣發篋似流泉屢冠清班采平登上相躋黑

頭人競識黃髮卷彌堅正色羣僚右和衷獨座邊

雍容瞻物表敏捷洞幾先左序鐘初徹東方旭未

延極宸森列仗闔闔靜鳴鞭特詔趨承謹當時應

對專至尊頻造膝長日數移壘漸瞻皇威霽難聞

密語懸輪誠通肺腑布澤滿陬墟往聚黔池甲俄

高楚塞煙飛輪連棧騎剗障蔽江船駭落任濤莽

欲求急羽駢奔猿寧假木涸已盈釜勝算揮



次英謀授廟壘那須名出已真少議隨肩惠洽雕  
題外功論汗馬前珥貂開七葉端珮領三蟬粵微  
遲溼壘瀛陰且控 敢求湯沐遐迤恤鬚絲鮮託  
契半魚水賡歌靖鎧鋌剛逢戎事肅早覺聘車聯  
小子何能賦愁吟亦可憐總知窮自悔奚補壯多  
愆夙譽饒虛竊貪詢欵謬然苦辭明發駕終挾遠  
遊甄勢迫違慈母途岐戀別筵雪霜身契濶河海  
淚潸潸卸橐秋將暮居亭地屢遷炎暉行處猛夕  
月幾回圓抱病仍趨闕臨軒勉受箋濫分倉庾米  
叨給度支錢眷藻雖同及溫綸乃下詮爰忘蓬戶

受祺堂詩卷五

七

陋竟備石渠員乞養要無已孤恩信有焉迴頭雙  
華阻舉目五雲連所恃紫瓜瓞還勞芑葛縣恭期  
致堯舜錫類許矜全

題楓江漁父圖爲吳江徐電發太史

樵夫忽踏前門塵漁父相逢太液濱一帙雲霞隨  
小像五湖烟雨隔北鄰暮山麋鹿徒空到春水魚  
龍豈易馴醉裏披圖高興發傾杯欲贈負肩薪

贈韓燦之

浮雲渺渺日邊來龍樹臨風並朔洄藉草踟躕鄉  
里社披襟款山帝京杯翺翔敢失慈烏義邂逅爲

憐老驥才尚候君恩難晏山躋觴咫尺限蓬萊

又代

行藏暫倚五雲中喜有兼葭夙好同附驥江湖思  
仲氏班荆羈旅對羣公朋離炎景頻懸榻客路秋  
颺待轉蓬肯瀉新醅忘潦倒當筵兼得賦維嵩

曹孺人挽詩爲尤太史展成賦二首

太史徵車萬里來援琴中斷不勝哀愁聞入舍啼  
鵲劇屢乞還鄉畫鶴催玉佩婁迷無夢到羅幃舒  
卷有人開寧知出處渾難卜別酒翻同永訣杯  
惟布蕭然鮑孟門鹿車曾荷五雲恩凌風羽翮爭

受祺堂詩卷五

大

瞻子遠勝芝蘭已抱孫岐路且沾離席淚異香翻  
隔故園魂多情荀彘應千古薄俗悠悠莫具論

酬大文公見贈

天潢降嶽走羣真畢召盈朝皆懿親不以宗盟先  
同姓承家奕葉有世臣殊勲爛然藏冊府絲筆飄  
忽照青春伏處那須問貴賤人生失意多愁辛漢  
興百年俗淳樸中壘之學開帝族龍種何當墮地  
行虎頭自可飛食肉况知託契盡賢俊時復怡情  
對格菊酒後耳熱欬長吟憂從中來如轉轂憐子  
尚淹京雒中抗表頻步日華東萬里重關甫能叩



三旬九食悲屢空向眠未許通諸貴風駕翻驚過  
上公勉激辱驅起報謁冲襟靜氣相昭融醴筵俄  
頃庶備慷慨具瞻廟廟器一自軍興迫遠輸司  
農仰見無遺利雜耕誰創久戎策堅壁亟需屯日  
議前有襄陽後龍江古人多用行師地炎暉西傾  
坐不辭詰旦使至貽新詩泛愛已蒙國士遇空談  
奚補艱難時老烏忍饑况待哺歸鳥舒翼將焉之  
梁棟要宜託大廈願公有保天人姿

田司李雪厓致政村居里社裴省郎晉裔房  
樞部慎菴倡同人製清防介其初度命予

受祺堂詩卷三

九

爲長歌

節推名滿金陵郡乘興拂衣還綠鬢高臥不復來  
城市十年村居學益進出門嘗自駕牛車觀者那  
知曾佩印樵牧過之無所忤片雲谿樹笑相問有  
田種秫盈舊廬仍典青苗貰香醪聊傾杯多風  
好采苓列組盡雄俊俸錢當日喜購書細帙到今  
猶充牣朝起手披萬卷豁醉中長歌林谷振抗懷  
直接葛天徒託迹轉於彭澤近告以時榮便塞耳  
悠然在野成嘉遯燕臺有客貧且愚舍母遠遊背  
道訓傾蓋兩賢皆梓里與君投契自鄙訕並憐薄

宣雪霜清真許夙期金石信天路總教攜手杳故  
園應憶六翻奮爲逢嘉序屆懸弧春水桃花傳逸  
韻不必彈冠佳事及深知閉戶晚節俊男兒業已  
起策名致主要當入堯舜否則退耕早亦得陽陵  
鄭谷同無悶齊心合意謀行藏道合途岐絕悔吝  
燒燭爲君竟斯山德音迢遞難具論

裴晉裔初度卽事

鳬鳥欣瞻茂宰勞雉車猶望掖垣高艱難食祿才  
仍健質劑留賓興自豪委佩香生秦社酒雕盤冰  
貯漢宮桃樹公清切皆能賦朱夏兼聞白雪操

受祺堂詩卷三

十

又代

薰風拂拂綺筵開卽署星高一論才晉國殊勳淮  
水最藍橋仙仗玉京來紫雲忽漾珊瑚座青鳥還  
明琥珀杯正綺絲毫輝漢柱佇聞綸綍下蓬萊

受祺堂詩卷之二十二

中南山人荆宋李因篤子德著

房衍公初度

才名競識孝廉船督察還推司隸賢帝里每同鄉  
里醉棠花偏傍棣花妍令兄樞部在生躋航三伏逢長日  
緩帶新秋洽盛筵 聖主恩深容乞養高鴻獨望  
五雲邊

又代

新秋瞻爽氣冰署正開筵績冠都亭最人同地節  
年棲花輝座上玉樹滿階前欲介維嵩壽遙攀太

受祺堂詩卷三

華逆

雷別詹事大兄三首

仙李名柯奕葉繁大宗今在率更門人無浮艷推  
陶謝國有醇儒託子孫每惜荆陰行待月時連雁  
序坐開躋端居並溯西涼裔祖德朝庸仔細論  
銅斗桑乾古代封蔚蘿回首憶萍踪驚常客早知  
忠厚承家學新擢京華起元宗樹接西州秋色遠  
雲開北闕曉煙重南鄰况近賢都憲請賜翁先生喜附  
松喬屢過從

緩急謀人古所難迂疎豈合臥長安征衣最苦臨

秋敝旅興空嗟竟日寒切切有兄分薄祿勞勞爲  
母勸加餐 聖恩深重容歸養岐路塞囊露未乾

雷別吳侍講臥山

高樹有慈烏倦飛恒待食臨風憶其子日暮應見  
息歎我貧窶人養親事田稻盤蔬或未充負米窮  
南北舊歲下溫綸徵輪瞻孔亟哀呼迴未達瀾壑  
遲終匿秋杪抵神京接塵多感重上書寧記數炎  
日照顏色轉叩青綺門堂高限重闕同時侍講公  
亦詠飛鵲通優詔兄先許涕洟還共拭據閣者伊  
誰視視聲唧唧請謁無體要前爲制禮乖詞

受祺堂詩卷三

二

難伸終竟莫省識子昔起雲間髫年聞令德絲毫  
對彤廷雄劄垂世則技置天祿中超然萬夫特聖  
若相憶修前錄恩格 皇心前路辭要職前闕推學憲俱以江養不  
赴盛代策賢良舟車盈紫極君雖淹斯行究復磨  
選式明發推所契保持不遺力暑途數過尋愁慮  
填胸臆子頃排閭闔天威詎可測嚙能謀親交獨  
子託羽翼 帝性孝且仁深宮照無忒懷歸憫小  
臣諗母情悽前語且沛殊恩還山忽已得膏車待  
味爽叱馭忘日晏念子循陔心孜孜肯暫默雞鳴



稍踟躕引邁將拂軾吾去仗子勞于畱吾慚慙不  
聲岐路旁執手古臺側願比雙黃鵠南軒早競飾  
綵衣介春酒江總頭正黑老父同康強佳兒並岐  
疑作忠須後圖謀道亦酬國鄙願足救水家貧兼  
釣弋關鴻附好音寄謝邦司直

房比部慎菴出唐十八學士圖屬賦

唐興真人御赤龍虎視目已無羣雄開闢豈惟高  
祖聖駿奔兼有諸賢功秦王初建天年號後又聯  
翩遊其中咄咤風雲咫尺參陪惟懼翺翔同宗  
臣一代推房杜共躋艱難託子為接芳同升十六

受祺堂詩卷下

子攀鱗附翼俱千古淵源三子第共墳壯畧多聞  
出罇俎中或微瑕挂晚節一絲要不傷純組博陵  
佳手首閤生擗管秋風蕩空浪應詔當軒拂絹素  
諸公對面畱丹青衣冠照耀鬚眉動指笏垂紳驚  
鷺停往日登瀛後時論祇今光岳凝日星圖成拜  
恩入前殿彼美俄頃盈玉案遂有詞匠徐奮筆還  
勞至立並為讚大勲業付旂常垂遺象長看金石  
煥此冊在內忽遺外傳非其人寧足算梁公奕葉  
梓里豪歷事南曹又西曹際會何殊貞觀盛才名  
迴與凌烟高百摺購壬非購畫無乃幾先兆旌旄

君不見楊寶之環呂虔刀徵應曾未爽秋毫一賦  
長歌當左券匆匆行色上征袍

畱別王司勳菴菴世丈四首

懷古何如光祿翁五君新咏續安豐暑途長倚冰  
壺近秋色渾憐水鏡同解有藤花開累葉今叔為太宰  
庭垂槐陰兆三公竹林退食多高譙疎放猶存阮

藉第

典論名高庶績蕃持衡特簡下中原時典試河歸南新歸

來太室瞻行旆到處長河繞過軒入採菲葑皆具  
體成蹊桃李自無言乾坤並瞻鄉三物額俊陳風

受祺堂詩卷下

四

左掖繁

載酒論文漢五陵當年意氣互鶩騰盈齋菴竹看  
頰長抱砌芳蘭別漸增豈但粉榆通里社長懷壇  
坫託高會幾回擬作淇園賦風塵苦未能  
紫陌逍遙萬里車黃扉初達數行書故人明月垂  
深照遊子秋風返敝廬客路行看歸有雁羈栖肯  
賦食無魚君恩友誼皆莫絕不覺沾衣引邁初

祝孟母太夫人

孟母清芬百世師徽音千載盛于斯關河配德恩  
同逮竹帛書勲澤正滋彩鶴近迎南極馭丹雛初



介北堂也舍館有暇詢堂棧王井蓮開似舊時

別王政俊公大弟

天親邂逅展初歡  
策路追陪藉自寬  
聖德已沾烏  
馬迹仙雲猶傍鶴  
鴛看高堂菽水歸  
相聚連道關  
河大漸寒弟勸兄  
酬懷此日秋風頓  
使別離難

賦別確言先生二首

夙昔曾垂夏口綸  
天涯獨子託交親  
霜天萬里謀  
歸客酒肆三秋累  
故人烽火有懷愁  
入夢別離無  
使渭沽巾江雲渭  
樹日暮迴避近悲  
歡難具陳

雨散林泉秋氣清  
虛落促坐草蟲鳴  
重門迴避近悲歡  
難具陳

受祺堂詩卷三

五

何地獨向風塵惜  
此行憶別尚憐鷗  
鵲月披襟誰  
料鳳凰城高堂有  
母但頭白莫帶南  
帆五兩輕

送淳化令之官

代

辭華鳳冠蓬珠宮  
賜履初分左掖東  
正值輓輪動  
漢詔居然耕牧迨  
邠風驪駒橋外垂  
絲碧祖帳花  
間接葉紅奏績許  
聞承內簡璽書遙  
下五雲中

祝沈僉憲範先

代

宗臣甲第五雲邊  
仗節軍都得象賢  
竹帛殊勲開  
國在江山信史世  
家傳寨帷叱馭先  
幾輔洗爵投  
壺靖鎧鏃擬賦有  
臺推懋德蓬萊何  
俟問長年

寄懷吳觀察榮受先生時子姻家杜子方叔

南遊其兄別駕君與先生夙契身後蒙庇

最深故感而及之

海濱諸賢多好文  
獻自昔擬鄒魯觀  
祭北來清  
邦庭帝雲間樹亦  
共瞻起家中秘珥  
彩毫玉階楓  
陸贄仙武落筆直  
於漢京近黃初綺  
麗何足數曾

密高懷激越託芳  
杜謂別駕典酣振領一  
蒼茫長

肅論文俱跋扈啼  
鵲春江何故急葛  
衣于舍誰當  
補使君高義照關  
河存歟不殊盟肺  
腑令弟忽操

受祺堂詩卷三

六

入淮檄時方叔有塞裳重舊信通廬君不見雷陳  
人謂等膠漆管鮑  
相知如父母征鴈  
在野翎在原  
肯令貧交棄如土

表陳觀察貞亭公殉難

東甌觀察閩海俊  
抗節從容贈白刃  
鐃角一吹戰  
城南鼓聲歛死鯨  
鯢震倒戈帳下悲  
倉卒烏怒客  
豪寡悔吝梟騎何  
之驚馬鳴國殤鬼  
雄著威信計  
聞 天子為輟朝城  
上秋月照孤標馳  
贈推恩皆  
夔絕考功儀部走  
庶僚雲為車今芝  
為蓋彷彿英  
風賁層霄紫幄貫  
星珠燭夜天門蕩  
蕩江關遙憶



公時昔居霽省秋夜醉眠挹容景燕市酒寒慘離  
色鄂湖萍拆瞻去影但知谿谷驟揚波那料煙霜  
如斷梗萬里晨遊兩浙水雙旌暮宿三山頂三山  
石崩泣青燐歲歲登歌薦白蘋激羽流商音再變  
香藤碧荔何鮮新頑夫覲面起噤噤忍死須臾輕  
飈塵靈爽不移呼即得浩吟天地獨沾巾

理冀北詩集憶陳使君曹司農二首

使君乘雁躡雲根雁去雲飛古雁門此地風流雲  
影散他時賓客雁行論萍沱遠帶孤城色瘴海初  
招萬里魂佩玉褰帷杳何處高秋白月信乾坤

受祺堂詩卷三

七

紫塞金城憶侍郎江梅朔雪雨茫茫愁教別後風  
塵急欲往從之道路長隔代周滕空故邸同遊徐  
阮各殊方猶聞白日湖關臥省對黃花漢署香

陳情歸賦雲中曲呈郭明府兼感夙懷

雲中古雲流天半大嶽秋色開北幹明府苞毓生  
其中嶽雲川雲鬱未散有時長嘯虎風谷北嶽俯  
谷名視人荒何漫漫出獵曾着紫貂裘就吟不違青玉  
案起家非敢薄詞科經術溯源爲浩歌憶握彩毫  
遊轡上中原者俊日經過縵袍自可對裘馬村酒  
還同臨薛蘿高臥淹旬不知因賦成兩漢寧足多

雙鳬忽下萬年道閉閣鳴琴春正好飛鳥香雷鄰  
邑篆薦賢名重外臺草晚輸絕域推壯遊墳籍皇  
初恣幽討雖復公餘但種秫可憐賓客傾懷抱滇  
池人浪跳狂鯨樓閣秦關遙抗旌會值危疆亟茂  
宰誰云叢爾非巖城頻人奔走咸人怨渭水泥塗  
漆水清稽古居然興禮樂講農業已捍櫓槍曩于  
從公爲坐客豪飲雄辨盡詞伯分米每郵故人饑  
脫驂親援當路厄公嘗援西粵傳  
撫軍於瀕危本仁任俠莫具  
述提槩操觚如負責花發郊原望翺蓋歲寒肝膈  
孚松柏青門託契十年餘更喜容輝接敝廬可但

受祺堂詩卷三

八

登臨費公廩幾回借駕官廐車連宵安眠皆爛醉  
一日不見輒來書鮑叔知我誼無兩信陵下交名  
豈虛當年徵轍盈原隰賤子疎頑亦謬及數顧臺  
司塞耳返長懷慈母吞聲泣自從明發易暄涼夕  
膳朝餐皆取給編戶翻督縣官稅市京况資賢令  
入予諱京公爲東裝行後  
公私諸費皆出公賜詎期拜爵直明光仍荷  
君恩許還鄉葆吹喧闐邑里外衣裳照耀東西箱  
秋霖絲延朝始住杲杲霽景升東方晨起呼童秣  
吾馬爲公親介初度觴前秋是日杯相屬左有東  
吳謂中孚  
家兄先生右二曲今此二妙跡稍遠太原



徵君聲光績

時迎青主  
傅先生至

太原工書軼鍾王垂老苦

節凌嶽瀆乞寫長歌致

天子恒山澗水疑百祿

冬日青門贈杭撫軍五首

聖主垂裳九塞春同時岳牧盡名臣地牧侯甸兼

分陝身倚安危獨控秦沓障雲開邊戍肅長隄雪

迴部花新坐垂魚袋紆西顧行省勲名洽四鄰

西望端門第一星建牙天府壯聲靈臺山曉漾秦

山白曉柏寒雨瀚海青出入鴻班推掌憲雍容牙

繡得傳經卽今當寧書嘉績匡衛還高使相屏

對策俱聞豐沛賢舍香早侍至尊前提封文物饒

受祺堂詩卷三

九

三晉仗鉞恩膏湛八川臘雪將舒官路柳晴郊忽

綻嶽門連詞臣奉母安家食祝國欣瞻大有年

黔楚驚連羽檄飛憲君臨事一戎衣馳驅轉餉煩

聽馬耐可傳餐歷舉微遂使農桑蒙帝澤終聞豺

虎懾天威比來六計宣邦教西極光調玉燭輝

見說王師下沔陽川雲浩浩接湖湘舟車迢遞關

烽峻雨雪艱難蜀道長廟畧軍聲籌緩急天時地

勢晰微茫輓輸愁對民勞止休息須公一抗章

答友代

地接燕臺始授經飄然南國到揚舲別來邊馬秋

仍健愁裡江雲暮不停傍闕風迴羣草綠開簾雨

過數峰青思從天祿觀蔡火敢望笙歌說轉生

贈吳禮泉虞升代

結駟長安旅食春飛鳧忽漾彩雲新昭陵載酒徵

文物谷口停車問隱淪隰黍逢年頻作社郊花待

雨劇畱賓連城已自空三輔注目棠歌徹紫宸

贈黎大參天錫代

春城曾對兩驂豪客路胡爲滯彩毫庚嶺梅開清

蔭在函關日霽紫雲高筵回岳麓熊羆氣賦轉江

沱雨雪濤今後依劉客野客早從三輔見旌旄

受祺堂詩卷三

十

又代

南國風流縞帶才江風嶽路久徘徊雙旄百粵塞

帷後五馬三秦仗節來白雪稔聞嘉客賦彤弓初

漾永年杯况叨傾蓋盟金石注目屏雲列外臺

池陽道中懷元深

遶澗梅應發歸塗柳漸新馬鳴焦獲道人隔魯橋

春四顧孫枝秀雙懸子帟珍過從堪永日愁絕在

風塵

祝我實舅初度

弱冠才名起過庭栖栖垂老尚傳經春觴已泛香



膠碧曉閣還憐玉案青  
亂以小廳營薛荔閒來幽  
谷采松苓諸甥一劍貧無  
以宅相空孤外氏劖

祝明府就別敝廬座上口占

仙舄西來十載餘  
種花初茂曉牕虛  
自從聞亂供飛輓  
相憶飄飄少定居  
忽漫絮風吹別路  
還勞征旆過吾廬  
春深楊柳愁攀折  
省爲君侯一繫車

酬劉俊公都使見候並寄到朱太史錫鬯仲

文學固存劄子

夏木深藏入澗村  
都君東帶過衙門  
提封地盡西陲大  
樹羽城連北斗  
尊賢閣五雲通  
夢想江湖雙

受祺堂詩卷三

二

鯉慰寒溫禁中頗收思方切霄漢搏扶有化鯢

述懷呈郝司馬兼公

疇昔遊中原坦懷恣所詣  
論交盡詞豪俯仰雄一世  
嘉會寧有常夙歎日零替  
浮雲成澆俗抱拙動獲戾  
司馬玉除賓獨敦金石契  
窮巖取塗賒吐哺天性銳  
往者傾蓋初寒冬縕袍敝  
升階多軒綬與立竊睥睨  
讓齒引予前逡巡輟奮袂  
後雖譙外臺叨僭恒爲例  
旬朔淹公榻夜深閣未閉  
驛驛任叱歸入廐忘焉稅  
挾纊滿羈屣迎車親擁雪  
雙鸞翔袞綢錦萼照紫屬  
蔬食踰半生覲顏對甘脆  
况聞

夫人賢盤豆手自製燈酒猶在眼  
沾歌香難繼庸知指掌星忽作炎  
荒羣鯨尾跳黔池羽書塞白帝  
聖情南顧殷宵旰百憂勵戎旅  
十萬來疾於風熾近朝辭渤海  
濱夕宿洪河滙秉鉞擬鷹揚監  
征借魯衛車徒會前川赫怒遑  
暫憩轉粟蜀道長飛芻周行滯  
時公車部領水陸並迢遞棧輦  
上拂雲江濤臨無際劫兒乘間  
發蛇虎飽吞噬比及連行營譙  
呵聲匪細畧其調護勤仍下使  
符厲沔口翻頽波蒼黃失節制  
歸旌遭陷溺蹈刃絕凝睇仗義  
棟羣醜吁嗟爲流涕漢廷追直  
辭蘇武竟長繫辛苦

受祺堂詩卷三

三

賀生還九關遮復蔽功高誰見錄  
序調乃邊裔憶昨寒絳帷迂迴訪  
茅砌北堂拜老親供具慚粗糲  
多難敢辭勞永清申廟誓斧斤斯  
兼畚揭于役無寧歲當午閭薄伐  
緒餘工文藝虛名漬辰聰史席容  
補綴乞養戴殊恩遄馳藏澗內惟  
公數招尋倒篋頻損惠假蓋寵先  
驅開樽煩質劑相憐頭已華繞膝  
急蘭桂公負曠代才洞觀安危勢  
民艱迫遠輸撲滅須次第引領俟  
登庸臨軒陳大計一吟垂拱年欣  
覩泰階躋

送祝明府思益之長洲任



茂宰清風擅此邦秋天寫影正雙雙新從燕邇來  
秦邸便下吳江過楚江折柳遙分高嶽路征帆忽  
照故園牕姑蘇名勝饒遺跡興到時傾白玉缸

人常攝  
華州

送陳太學視三暫歸慈谿省觀兼呈孫內翰

補菴

霜天木脫風怒飛太學寓書歛南歸越水秦關將  
遠別臨岐悵望情依依爲言老親倚閭久雖有兄  
弟子獨違征旆向攀隴上月客心先繞嚴陵磯宿  
昔班荆岐山下熊羆遮道行旅寡長嗟羽檄生暮

受祺堂詩卷三

七

暉四望烽烟照秋野十載相思好音濶茲辰邂逅  
肝膈瀉時危未敢定行藏客路明朝愁復捨此郡  
論交轍迹繁平陽昆仲謂開美  
彦倫比平原巖城競樹  
雙牙戟陋巷頻來馴馬軒閉戶畱君傾斗酒中懷  
披豁更何言寒江蛟龍正潛伏絕漠鴻鵠初奮翻  
吾子尚爲諸侯客屢聞窮乏出就畫急難任俠見  
天性揮手倒筐無所惜惟使到眼得高歌不虞入  
門交徧滿北堂喜對萊衣好鄰舍驚看鬢髮白戚  
黨兼知內翰貧前年仗劍西遊秦與子片諾竟乞  
養湖海低今安垂綸憶昨抗章亦得請同聲竊恐

魏斯人中原仙日並把袂老鶴激昂誰能馴

寄贈陳母何孺人六表應令子視三之請

慈烏自西來乃在慈水側倬彼何大家清門冠邦  
域往聞南康尹高義世競式秀發攬孫枝椒育鍾  
弱息十三學詩書十五工組織十八來嬪于威儀  
動合則服勞如性成惟布每處抑奉侍太孺人雞  
鳴無遺力攝其筮簪嚴頻觀炊泔亟況是桑海後  
吁嗟茹荼逼小心上北堂寬譬承顏色甘脆必手  
管起居相扶翊中宵續紉備下逮醢醢飭娣姒恒  
旁觀君姑宛我卽徐徐謝夫子引分安效職惟儉

受祺堂詩卷三

七

足垂範博施兼好德家貧願不垂量出望易塞數  
米置豆勺推恩通艱食紉麻忘彼已羣從且滋惑  
謂毋僅小惠聞言增悽惻而皆義士裔謂始祖德  
之秉高樓以望里人絕炊者遺  
之粟帛名望烟樓有義士名續述期無忒忍使  
百尺樓遺烟於今熄行仁亦多術豈必論豐嗇尺  
寸總波濤江河同所極更知端貴性語笑罕時識  
却以和率賤兼容絕傾仄一從稱未出冰蘗遂獨  
克淨土矢厥天齋心齊儒墨嬪姻須將迎尚不履  
外閭雖復拂族媼梵林辭登陟膝前三鳳雛閣啟  
等嚴敕玉樹及芳蘭森森俱衆特爲援祭酒公



世祖諱敬宗歷官大司成辛苦痛自刻比部紹先

緒陳會祖諱文耽吟窮日長爰能守懿訓大受成

岐嶷龍臥或川潛鶴鳴常久默養親古有道鍾鼎

非盡得至孝懷閔曾盤蔬寧負愚恭逢六表辰介

賦南飛翼賜杖臨海隅貞輝照鄉國

里人爲郭明府像贊

誰揮白刃猝暴於鄉婦子夢夢六人罹殃仇及夙

嫌厥宗用傷死者不言李代桃僵維我邦君雲中

之良一訊立辨高懸析楊白骨重肉恩湛未央新

圖萬年受茲瓣香

受祺堂詩卷三

主

唁公廉姊丈喪子並寄女兄二首

久抱西河戚憐君齒更衰珠明悲露薤玉折怨朝

葵客至應門冷塗窮倚杖危孤孫方繞膝勉慰若

翁悲

老病哀吾姊饑寒隔敝廬暮暉延紡績春雨困犁

鋤地僻歸寧少家貧餽問疎兼知捐宅相遇信一

躊躇

送郭明府九芝之達州任十首

天戈重指劍門初玉壘銅梁迴自如萬里聖書恩

徧及一時方岳更新除東關忽使塞帷去北關空

聞舉最疎此地飛芻殷未解星轡以駕轉躊躇

先公大節表西江觀蔡公起家真率尚有棠陰覆

此邦未墜剖符還世世重來飛鳥白雙雙行郊引

雉花迎野閑閑鳴琴月滿窓擬補循廉慚史筆溯

流從爾片心降

詞名夙冠古雲中好會中原有數公入積綺霞明

塞草摩霄毛羽見邊鴻恒山峻抱東厓雪濯水清

涵北極風一自河汾垂絕緒天憐吾道起英雄

尋春猶識二京天試宰風流得萬年劇邑通塗瞻

四應清曹暇日萃羣賢驅車遠涉荆梁外退食長

受祺堂詩卷三

主

吟郭杜前更說鄰封攀賜履縱笙吹徹大河邊

鯨鯢滇水忽揚波四壁秦關半荷戈自是巖城須

茂宰依然下里有歌懸魚署靜霜陰直種柳堂

深霽色多努力輸將酬撫字艱難獨足慶時和

頻陽最爾漢時封北枕高山接塞烽自教閭閻能

盡寇執徐夏公躬環甲冑笑登墉勲超郡國三千

里捷首關河百二重近喜蜀方俱奉檄賣刀驅犢

勸春農

南征七載賦同袍遣戍江湖列戰艘物力頻繁寬

歲運民艱調劑漸秋毫井疆相望藉禾黍膠序於

今集俊髦雨得移官仍遠出邊州爭慰使君勞  
詔書霄漢下咸京異績殊恩兩藉榮徧賜宮衣俱  
稱體親煩御篆自題名羔羊惟素昭臣節湛露長  
新沃聖情漫道荆原容易去臨岐惆悵野雲橫  
炎方轉粟困難蘇名父蕭然去此都但使殘疆馳  
五馬翻教輦路失雙鳧問詢黃歇臨江宅亟索文  
翁禮殿圖徙倚溫溪思丙穴應緘尺鯉過潛夫  
西郭風物黯津亭酒盡賓筵暮獨醒貧久更知離  
別苦雨深應逐涕洟零庭階暫隔金莖秀謂長君  
博士  
郎舍猶憐玉樹青時公孫誦  
昭隨侍臺閣虛門推令德並  
受祺堂詩卷三  
七

期博羽奮滄溟

送郭孟昭隨祖翁大夫之蜀任

不慮翁行劍珮孤將車自有鳳凰雛早擎珠掌憐  
之子遙侍蘭階婚大夫棧雨蕭騷遮客騎秦雲肆  
兀戀征途他時膝上荀文若萬里還驚賦蜀都

送何文學鳴高隨外舅之蜀

七載棠歌錦不如叨陪賓戚醉前除頻吟東閣推  
何遜共羨諸甥得魏舒岐路忍聞驪唱別筵愁  
折柳條疎自來通復俱天道佳會還期引邁初

送王復初隨舅之任

炎暑寒生冰雪堂舅甥相對一琴張留秦已耐  
暑薄入蜀何辭道路長丙穴溯流魚北至秋原  
縹雁南翔君情曲折如巴水不獨秦風有渭陽

雨

大雨行初伏微風薦暮涼輓輪道道遠耘耔入田  
忙絡緯吟何處蛟龍適爾鄉嘉聲來燭隙散帙有  
餘光

晴

早起炎威却山居爽氣延林開明霽景野抱蔚藍  
天宿草猶含露羣花忽競鮮近郊違縱目禾黍正

受祺堂詩卷三

六

芊芊

懷開美入蜀用舍弟韻

問別驚春暮坂歸劇夜分夏來無好月江上有浮  
雲水路龍龜擁山城虎豹聞輕裝遊不易莫漫賦  
從軍

趙贊府不敏見貽詩書用韻奉答

秋光萬里接郊垌喜對雙鳧困欲醒亂世鳴琴聞  
古調巖封遊刃發新硯彩毫初漾關雲紫丹壑還  
連嶽樹青最是哦格多暇日東堂退食好傳經

秋日寓青門西郊東萬年明府筠菴弟四首



我李榮條冰雪姿雙鳬忽照萬年枝行瞻同夢歡  
相問坐愛連柯醉不辭并稅春深輪輓日棠歌露  
湛鼓鼙時兼聞退食多高譙縞帶風流慰所思  
雪壓長安萬戶局天親邂逅託居停中宵酌酒來  
鴻雁盡日看花對鵲鴿道氣長凝關樹紫詞華偏  
漲嶽蓮青別來蕭爽憐秋色重傍南山倚翠屏  
雙澗環厓自結廬好音迢遞接傳魚吹簫更待琴  
聲好獻紉繡慙棣鄂疎夢入簪裳攀語笑愁看霄  
漢迴躊躇于今聖主旁求急紫誥應飛瑞雉車  
騶旂臨郊野色清紫荆庭宇快班荆真知陶令能

受祺堂詩卷三

七

贈郭明府獻素

兩漢崇治術頻陽舊畿縣美田藉平疇山水開禹  
甸比詭既富名哀然西州擅公家非一科督稅每  
居先守令古難爲天高疎主眷厥躬萃憂勞牽制  
寧得便况爾軍興來飛輪七載見朝騰外臺符久  
下連帥箭機閑無鳥跡蠶叢細於綫動傾中戶貲  
裁致數人饌仰哺惟良牧斯民久嘆徂征要未  
已緩急賴相繕明府海岱邦風推簪纓彥我聞尊

司馬勲業著使院鎮靜安屬羌宣威雄方而朔雲  
倚長城貔虎皆組練偏將違成謀凱旋驟自與  
師嗟深入撲救失還電功罪究不分在廷蒙嚴譴  
榜持仍荷恩含笑着戎弁迢迢烏蘭關戎衣出塞  
龜星霜十八秋乃起皇華傳晚握留都兵樞機詎  
所戀詰晨致政歸泉石清臈薦自臥蛟龍鉤空遺  
白羽扇諸孫續其武競識文彩綢別駕去河南甘  
棠殊蔥蒨史臣憲嶺表髦士風幾變公處昆季中  
雋才衆俱羨嗜吟窮遂初援筆輒盈卷書旃近辭  
吳仙鳬曾歷汴遙通歌聲盡格邑里諺尺璧宜

受祺堂詩卷三

七

爭寶兼金更百鍊當階德輝溫忽挂明月片議連  
心苦調投艱力能翼微茫洞隱幽拱默臨胥掾召  
父謠重睹神君頌欲徧早春陽和發膏露四野珎  
愚本耕鑿徒謬登集賢殿聖慈許抗章優詔矜狂  
狷是役期刪修肩隨總妙選客孤軒陞知獲奉老  
親膳公頃經始日值子薄遊倦將依大厦仁頓覺  
林棲宴顙謁愷悌姿寵光蓬蒿賤鄙懷可具陳黔  
首聊復忝穀豆幸半入乾坤猶酣戰困亨固常理  
消息亦互禮稍待凍草蘇新枝流鶯轉買豚虛道  
左應有敝廬譙



受祺堂詩卷之二十三

中南山人荆東李因篤子德著

壽葉太君吳淑人卽呈學憲蒼巖

意臣懷夙引慈母表華封萬里江雲合千行嶽樹  
重簡書能不畏家慶敢忘恭跂企開筵逮懸娛設  
悅逢淑人推茂族冰鑑有遺蹤飭闈純修備牽絲  
介福鍾端門初作匹後乘每辭從願託君姑侍眞  
爲戚黨宗尤憐珠入掌忽睹桂齊胸搜讀延方績  
蟠膏起既錦滿簾能教讓高步接登庸左掖宸居  
邇東臺御氣濃承明酬綵筆典禮奏銘鋒 特簡

受祺堂詩卷三

提關輔遘驅出禁衝於時鳴大捷在境刈羣兇  
帝德通文命詞源振懦懦渭汧波滾滾裁械色茸  
茸近者陳鄉物昭然變國容遑將連曉駕欲陟限  
層峰酒隔歸猶把衣褰去所縫春長添鳳 老健  
却鳩筇競識朋車棄逾張子舍供藹輝聯並好餘  
蔭覆編農夾路瞻旌節論交定曰春詩來渾照夜  
惠及久噓冬憶過雄談飲新清絕塞烽臨觴頻挾  
橋報賦只如蛩踴躍聞遐算紛披瀉寸悰玉山饒  
琰琬仙露採芙蓉俯仰因風翼貞光拜七栢

壽邑明府郭公獻素四首

一乞萊衣澗水涯三年長臥遠遊車從公願復情

何限在野窮愁與自除餽酒將餘浮柏葉盤蔬亦

遺頌椒花頻占朔雪隨陽候得妥春耕慰大家

遲暮爲園時薛蘿每勞旌旆下山阿村荒地僻罇

肴減草碧花明雨露多瑞雉羣飛鳴好日仙臯接

翼泛澄波看鋤畦圃頻移晝笑聽農夫擊壤歌

黔蜀烟稀輓戎寬我侯嘉惠我人歡時清佩犢皆

登未歲晏鳴琴適授餐宿火不驚馴鳥跡流陰徐

轉釣魚竿于今偃武崇文治報績應高柱後冠

隴首晴輝海岱通開誠尚樸古人風功曹只覺霜

受祺堂詩卷三

二

咸涼子弟嬉遊霽色同翠走荆嵐春不住青來河

柳凍初融家貧救水依慈覆令節欣瞻斗柄東

除夕

歲在上  
章涪灘

五十鬢蒼然蹉跎復判年辭榮貧量力困學老知

愆夕火鐫鱸外春星竹樹邊團椒雙袖舞笑取北

堂憐

贈醴泉高明府四首

春風鄭谷比堪尋况爲神明慶盍簪地阻兵戈懷

夙好時清 誦有知音專城真賜王喬履一邑初

聞宓子琴自古公卿多少壯卽君年事一開襟



當年汗漫楚江遊客裏登臨黃鶴樓縱酒長沾公  
子醉狂吟一散旅人愁湖山築壘偏多擾雨雪還  
鄉豈自繇已剖銅符爲捧檄離居兼慰採蘭秋

仲季聯翩着綵衣

時令季苑侯侍常熟

雙雙騎鶴拜庭闈爭

看吳樹開如錦更羨秦雲度若飛隄月先明馴雉

地江花亦上釣魚磯西亭文酒頻回首愛爾摩肩

棧夢輝

介馬南來道路遙重煩書札問漁樵使君羈旅頻

相憶明府幽期早見招已判聯牀傾別緒翻愁泥

飲劇中宵昭陵山水今無恙暇日還同渡石橋唐太

宗陵在

受祺堂詩卷五

三

所治內

### 高方伯欽如遠貽書幣答詩五首

分藩封畧自洮岷邂逅班荆逐去塵海甸競傳郊

壘忽關彌猶對部花新南枝何處無棲鳥北澗吾

廬有過鱗遠把尺書懷往事炎風回首一沾巾

征帆偶放涉江吟採採芙蓉歲月深萬里白雲遊

子淚三秋明月故人心梁鴻去國依高廡杜甫攜

家託暮碁此日芳蘭迷楚澤驅車續佩想遺音

干旄入覲駐神京鼓角黔陽野驟鳴陟此敢辭歸

路險臨河猶苦陣雲橫山亭舞景開簾及草閣霜

天購竹成不俟還臺吾返旆夢魂長繞大江聲

歸槎曾別仲宣樓既亦聞君去鄂州憲署客懷三

楚夜落方天正七閩秋浮雲忽漫垂中道烈火憑

誰憶壯猷見說賜環恩咫尺何時雙鯉更西流

跨鳬公子度關來勸海傳家總異材玉樹江門親

鳳鳴華池谷口走龍媒音書繼絕猶頻接僕馬將

迎已數廻卽對衆賢情一展印須懷抱使君開

采公參藩弟抵任觸暑來奉先起居太夫人

### 作詩美之

梁益用兵延七載轉輸天上供多壘江喧棧狹龍

虎鬪風叶雲飛石波滙升斗之粟費數鍾省符臺

胥空相逮漢南度支領郡牧心細如髮才如海行

部爭瞻絳帷高吏皆疎怠民不勞於時羌蜀並初

附萬里懸軍聲怒號急運忽焉責激水殊疆何自

歌同袍叠呼庚癸須前箸連疏上聞請節旄

聖主恩深重西顧吾賢簡在眞異數省書未竟聽

可之丹詔星馳臨王路謂子大夫總是役輕裝

朔河還頻渡騰驤長飽劍外師酌劑不加關中賦

憶昨朝野慶新綸東臺引領仍遂巡兼程翻

山涇渭道就宅起居太夫人六月炎熾吹廣陌中



塗赤日沸嚴津有懷明發詎憚此將毋一洗皇華  
塵句剏太君迎子舍八摑輿隸肩相亞總戎熊豹  
夾前旌先公爲大將軍藩伯驂嘶歡並駕谿柳枝移不淹  
畧市棠陰厚渾忘夏虛傳左輔借冠恂不減褒斜  
思黃霸要地崇牙建上游關河百二盡承流坐來  
春輝生綵筆行處明月照吳鉤可但持衡平輓運  
要當臥鼓議懷柔丈夫許身自有分康濟安得非  
人謀列鼎爲庇高堂飯舍節弄孫齒正健承顏戲  
舞緇絳色遠勝芳仲藤蘿蔓我李同蟠隴西根家  
貧食缺垂所願與君作頌方吉甫文武期爲萬邦

受祺堂詩卷五

五

兒涓赴試下榻咸寧明府筠菴弟西齋却寄  
古道通家許過從何如猶子亦登龍東山玉樹親  
安石南道青雲附嗣宗幙敝有宜吟戶早籬疎無  
使戀杯濃賢愚總自牽人意夢遶清川太乙峰

贈采公參藩初度四首

東臺車馬漢京塵五月榴花照座新正值懸弧開  
讌席長看散帙對松筠維藩已託川流勢仗鈔方  
期嶽降身一自秦風高魯史諸侯皆作小邾人  
仙鳧曾傍在原飛漢外棠陰望不違道路猶喧他

輓運旌旄還領舊邦畿風清竹樹開鐔合月滿花  
階抱牘稀最是賓僚軒綬始狂吟忽有芟荷衣  
名家奕葉隴西枝露冕南來慰所思根本計深河  
內日轉輸功亞櫟陽時關疆按堵歌初放羽檄銷  
除醉不辭入部况叨棠棣久當筵頻賦角弓詩  
三年客夢冷青門使者瑤華比過存旅邸授餐容  
數住藩亭懸榻喜重溫墳荒靜晝欣常盍雅頌中  
宵愜細論我自灌園耕且釣好憑公等正乾坤

參藩弟新爲大姪娶於岐陽曹觀察兼舉仲

子陪祀還臺再遣車馬兄迎率賦五首

受祺堂詩卷五

六

晉日天開隴右藩唐興仙李冠中原簪裳自古推  
清族俎豆多君合素門鳳翼偏連鴻翼好棠花猶  
傍棣花尊追陪強欲酬明義爛醉東亭濁酒溫  
嶽路風輕起暮霞周原春暖放桃花正宜公子歸  
新婦應助夫人奉大家渡渭雙橋鐘鼓夕如雲百  
兩勝嬌車信陵畱客多韋布况託天倫樂事賒  
三剖銅符總在秦黑頭公已得斯人裁看羔雁盈  
階至忽復熊羆入舍新門挂彤弧彰祖烈座輪辱  
果彙臺紳免絲瓜脰印須賦勉爲阿戎趨後塵  
海浪蠻煙一氣澄中朝詔使展諸陵頻投鉅任無



遲諾特介明禮敢讓能千里徧垂金閣露十年真  
飲玉壺冰橋山南望崇岡阜漢時唐園次第登  
駟馬星驅下遠阜與夫穀擊過蓬蒿鄰人亦覺光  
輝異使者渾忘往復勞憂旱不須陳折俎解醒初  
及僊櫻桃聊隨官舍分涓滴薄作平疇尺寸濤

贈筠菴弟五首

京光烟光帶郭開正陽春色自東來殿庭初下褒  
賢詔關輔羣推濟世才十月咸秦高鳳 千秋吾  
李奮龍媒晴雲有意臨蘭沼每傍笙歌競入杯  
邸次兼葭坐嘯深開披圖籍轉清陰晨興每訝鳴

受祺堂詩卷三

七

珂山退食偏工緩帶吟情至星霜頻改候醉來天  
地一開襟底須他訪蓬壺侶盤石宗盟萬古心  
百萬之封仙李根東枝西葉許重論潛夫授館長  
雷楊使者承筐屢到門燕豆能教蔬食飽爐香已  
注鹿裘溫塤吹篴和非難事得附棠花一氣尊  
老樹蒼藤露未乾疎籬靜畫出雕盤賓鴻到此流  
音好舞鶴來時接翼看長共阿戎欣晤對敢違仁  
祖說饑寒解衣推食洵高義况託天親至性歡  
安臥西園已數旬却疑歸路曠佳晨筵飛青鳥銜  
杯及徑有黃花照座頻日月升恒長在體河山帶

礪亦同春階前小阮尤叨愛喜採宮芹獻納新  
往祝

七夕慰子頑感心二首

宋玉悲連河漢長逢秋佳夕更沾裳應時鳥鵲無  
消息懷古銀槎亦渺茫斜月虛瞻仙子袂巧雲愁  
奪帝孫襄翻於悽斷聞新曲落葉哀蟬夜未央  
節屈星橋邂逅迎伊人獨對轉淒清牽牛負範虛  
今夕老鳳將雛判此生機杼遂同天路杳珮環空  
逐鏡花明曠懷聊冀齊憂樂香閣羅幃一水橫

十五夜卽事二首得玕字中字

受祺堂詩卷三

八

月在吾廬好秋宜此夜看爲臨黃綺座亦上棗修  
盤河漢層波落乾坤一色寒侵階流竹影細數碧  
瑯玕

列宿中有潤清光萬里同遠山明處滿高樹照來  
空欬起瞻雲雁幽吟動草蟲更懷題桂曲招隱露  
華中

贈汪侍講東川典秦試

皇帝二十載開門開甲乙屬時駕四牡多珥承明  
筆汪子吳越彥雋才罕爲匹自登虎觀來直入龍  
門室紫氣垂關中鴻綸被是日朝辭夕就道觸暑



不遑逸曉月明遠樹連山度重驛畫旗繞青蔥飛  
軫凌翠嶺翼野依閭闔唐風過蟋蟀岳蓮忽蕩漾  
河水橫洞滴東望禹甸舊友邦提封密長安古都  
會四代皆宅吉往者滇池亂餘波楚蜀溢王師  
詎得已引邁如箭疾沔漢驅接壤秦涼叱狂獍荷  
戈藉冰霜吾士寒凜凜子弟列戎行父兄懷糗餼  
迢遞越雲棧斗粟恒數鎰竊喜天威震烟氛頓清  
謐轉機本廟謨神武難具悉聖主方右文詞  
豪競自曜階前干羽舞究使有苗率心膺在公等  
進賢義第一漢京紛秀孝周雅衍笙瑟藝苑萃球  
琳收名仍責實彬彬披令辭大道兼忠質藉手以  
揚庭攀鱗效網罟裒然秉國楨倚佇皆良弼野爽  
零白露林疎敞丹橘振衣天祿臺高譙曲江里帶  
郭竹猶存臨流禾似櫛歸舟渭川陽咫尺沮與漆  
肯念採蘭人墳荒并可述向陪石渠遊勞送金馬  
出諗母歌陟屺君恩到蓬華每持所贈詩蔬食  
生芬秘悵別已三秋潛居遠造膝雖聞賁旂旌引  
領空啾唧當代隆熙運育材有要術臯夔將繼踵  
此舉固堪必

送葉督學蒼巖竣試南還五首

受祺堂詩卷五

九

使君明發戒車還熊軾銜臚未可攀競攬歸旌紛  
載路遙驅征馬不啻關心如清渭三秋水賦比西  
吳萬仞山吳興吳國况託微軀承令德臨岐蕭  
索動愁顏

春城桃李媚芳朝駐景板雲逐去鑣紫氣難迴函  
谷馭囀駒忽轉灞陵橋幽無棄草風霜古夏有遺  
聲採最饒季札當年西聘闕從公擬補泣麟遙  
銅龍金馬御爐寒粉署花階內外看北下青霄瞻  
孔翠西來同按聊軒乾坤不改鄉三物闕閱應  
書漢六官更喜有文進聖主明良佇和集賢端

受祺堂詩卷五

十

崑崙東泛海西波迢迢星輅萬里過地是先王桑  
梓舊人遊大雅瑟笙多將呼塞鴈長遵落莫惜江  
魚不渡河悵望前期懷此別青門風雨淚滂沱  
清班白首愧虛名諗母蒙恩許退耕關嶽故園軒  
蓋至雪霜中夜酒杯傾愁牽秦柳歌三疊憶把陪  
珠照百城公歲除見貽五倘對鸛鸞詢舊隱好畱  
鳥鳥在柴荆

歲暮感懷呈郭明府獻素四首

澗壑冰霜賦性寒春輝憶傍剡符看隴依列宿光  
猶渥野盡深耕露未乾蠟炬通城開丙夜屠蘇比



屋觀辛盤年豐更值賢明府采菽衡門亦自寬  
海岱雄風起俊人台司報績首勞臣應知漢史書  
三異可但齊謳壓四鄰水合漆沮清有色山連荆  
玉翠無垠欣傳聖主虛台鼎佇立雲霄擁畫輪  
十載征輸甫息肩三農鼓腹頌堯年懷新龍麥俱  
爭秀得氣郊花早放妍聽斷才高佳興發登臨情  
寄野航偏幽人偶亦來城市洗耳恭聞單父  
堤柳青隨雉子舒也叨趨步及堦除蒙公剪拂鳴  
驚馬借此波濤縱涸魚暖律先調飛鳥地和風忽  
滿受塵廬長分令序瞻名德獻歲安歌水竹居時

渭兒

受祺堂詩卷三

十一

代贈紫庭明府四首

鳳嘯東臺道氣尊前車傾蓋憶青門亂蓬競託雲  
霄起孤竹長依泰岱根憂國豈皆歸鼎輔策名私  
許正乾坤樞衣花縣渾多暇夙好時艱細細論  
王路搏扶萬里遙早聞風翮漸摩霄曾憐遊子嗟  
垂翼每向同人慰折腰鶴滯山中難自出鳬攀日  
下轉須招平生緩急看人意渭水煙光鬱未消  
數米京華歲月深班荆君亦待鳴琴行厨十日平  
原酒別路三秋鮑叔金永日擁書如虎踞中宵把

劍作龍吟海涵岳峙多詞客披帔燕臺玉樹林  
折柳懸思冀北杯東風雙鳥渡關來及岐舊是天  
王地能賦欣瞻令尹才聽政芾棠盈道左行春馴  
雉傍城隈公餘準擬開懷抱不遣窮途阮籍哀

寄贈宜公公子初度二首

中樞仗節外臺尊錦帶承歡色笑溫長挂彤弧公  
子早膺丹券聖朝恩還臺方召勲初敘人座應  
劉好共敦一水渭川違問渡朝暉引領憶旗門  
秋城笙管晝開筵邸第琴書夜獨傳競道生申維  
岳重兼知訪逸信陵賢爐香碧櫺皇陂水畫炬青

受祺堂詩卷三

三

分玉井蓮尚有前期招澗壑論文重醉酒如泉

挺北二兄像贊

貌癯以蒼神清而恂淵然返樸醇乎其醇曾司邦  
儀世稱虎臣晚歌肥遯樵牧是鄰昔者吾友今之  
古人時雖逢紉道無不伸高柳一株柴桑之濱如  
圖丹青不愧麒麟

送宜公公子隨侍內臺三首

旅食城闕耐鬱蒸驚傳軒珮肅晨興蓬茅頃覺炎  
威減竹樹依然道氣增幕有清池魚數至山多僻  
谷雁無憑南臺報謁情如昨乳酪鮮分玉簞冰



第擁羣書夜色清  
寒帷緩帶託西京  
平原座上三千士  
小范胸中百萬兵  
月挂疎桐琴在御  
杯浮碧漢劍流精  
興來操管聞新曲  
鷓鴣同時作鳳鳴  
賓客依劉歲月深  
別筵無那悵幽尋  
徘徊風雨疑天地  
絕續宮商自古今  
膠漆宛畱公子德  
菊松長照故人心  
寒雲倘結相思字  
不必蓮華玳瑁簪

喜制府大司馬陟內臺五首

提封分陝二京身  
鵲印熊轡九塞津  
節鉞上游瞻使相  
旂常昭代紀宗臣  
天高東井兼收蜀  
地合中原半入秦  
自古關疆如按堵  
神州皆仰建瓴春

受祺堂詩卷五

五

西樞羽葆未央風  
百二河山指顧中  
湛露曉凝臺樹滿  
清光秋漾嶽連同  
朝推元老周方叔  
世倚安危郭令公  
杖屨來逢飲至麒  
麟圖畫更誰雄  
滇黔蠢爾跳狂鯨  
憶列丹騶出漢京  
六郡並馳都護士  
雙牙親控羽林兵  
金符鐵券頒歸較  
石棧天梯數去程  
漫訝秦人願屬目  
江湖新月奏澄清  
高秋振旅大戎堂  
屬部歡迎袞繡光  
雨雪遲歸三峽戍  
笙歌忽繞萬年觴  
洪河本自先江海  
太華依然表雍梁  
且喜鳳毛森介爵  
蘭階玉樹燦成行  
慈輝會照野鷗羣  
憶送徵車入五雲  
自昔時艱多

右武於今主聖復崇文  
一辭關陞鴻初叫重醉  
門菊正芬今日躋堂欣  
展爵彤弓牙帳接氤氳

喜鄂撫軍自西方伯擢中丞四首

兵戈初試巨藩才  
帶鳥恭聞領外臺  
華嶽雲連吳嶽迴  
函關氣抱玉關迴  
新秋禾黍頻遺穗  
暇日賓僚數舉杯  
右顧自天紆北極  
丹青延佇畫圖開  
使君專敕憲西州  
飛指皇華駕赤騶  
披籍已兼三內史  
剖符還走八諸侯  
黃河曲繞東門障  
粉堞橫臨北斗秋  
每賦車攻嗟孔亟  
煩公辛苦表主猷

受祺堂詩卷五

五

鎮靜逢時草本盡  
芳妍煙清絕塞春  
還住露浹層霄日  
正懸况值獻蒲催  
令節宮衣應着御  
題鮮灝陵風雨夢  
中寒一水青門天  
上看奉詔久容歸  
谷口瞻星今始詣  
臺端慈烏野鶴情  
俱得名樹郁雲陰  
自寬但使西疆停  
輓運籌敢謂力耕  
難

題張天衣行樂圖

吾聞漢初之賢卓  
彼二張何龍門贊  
之獨於體貌致詳  
司徒則淵然以善  
丞相乃頎然而長  
豈真有過人之勲  
名必其狀磊落而  
輝煌奚爲乎夫子  
失之子羽而曾子  
亦重念夫堂堂吾  
友天衣張君



蓋清河之苗裔耶而著邦族於頻陽其襟期蕭疎  
而則芳其骨力崑崙而挺昂其行已英爽而雋剛  
其與人坦易而直方風流則晉士之逸高簡或聖  
門之狂雖抱膝而退藏庶幾攀良以提蒼優游期  
頤今未渠央

趙司馬像贊

驟挹之道氣凝然蓋風流彼美耶靜對之吾使君  
也其正位居體耶徐卽之菩提爲心乃洞徹表裏  
耶所謂君子有三變得其近似耶那縝蘭而佩芷  
耶抑川流而嶽峙耶願公中立不倚坐兼二氏耶

受祺堂詩卷五

五

自可攀安提萬印手中波如柱而如砥耶

習伯子像贊

頤然白而哲鬚鬚亦有鬚孝友天所厚溫文行不  
渝善事太宜人賢聲動大夫嗜古披墳典上庠先  
俊廚中懷坦以潔造物偕其徒顏子竟短命嶽靈  
珍斯圖

書郭明府屏歌

我聞郭叔文之昭夾輔冊勲於王朝累葉才良嘯  
復饒流光東海簞洪濤大司馬公挺芳標直聲撼  
天天正寥拂袖清樾之柴椒曾孫有美英瓊岳嶺

翻雙鳥下層霄堂上鳴琴調何高種花忽滿頻陽  
郊風雨濯壇無敢遭晨興自公渾忘勞吏胥抱牘  
奏厥曹九月授衣江令袍恭惟懸弧開人豪旣澤  
羔羊酌香醪冠裳濟濟歡不蕃鳳鳥來翔甘露飄  
治如神爵同揚鑣 聖主垂衣玉燭調干戈方偃  
吏術超西京顧俊鄙錢刀擢爲九卿風百僚先公  
旂常時所褒繼起重珥侍中貂入參樞要出節旄  
躋世唐虞舞簫韶火棗交梨瑤水桃公爲我醉樂  
逍遙

序毘陵高君衆偕重輯興安志附贈以詩

受祺堂詩卷五

六

兵深雞澤典猶虛忽睹江雲快起予十志宛逢班  
掾手三都愁序太冲書寒帷日熾荆榛澗展卷風  
清竹樹疎盛代右文勤漢詔茂陵車馬莫躊躇

東郭明府初度四首

客路黃花傍嶽看華封欄阻部雲端珠琴定對侵  
帷月玉樹還盈繞砌蘭壁有懸魚秋自靜車迎飛  
雉露初圓却憐驅逐風塵裏邠簫何絲此罄歡  
舊歲茲辰慶盍簪曾隨朋酒慰登臨徵兵轉粟嚴  
初解澍雨流膏久益深在野敢忘耕鑿力躋堂兼  
慰艸蟲吟郊原禾黍歸凝望省斂偏勞名杜心



三載棠陰比屋同況聞壇坫起鴻蒙遭時多難才  
逾壯託興潛期賦獨雄并甸不殊周雅日河渠無  
泰漢人功竭來徧覽賢司牧東海洋洋表大風  
九月霜清偏授衣遷家不獨計柴扉南山義取蹟  
航近北闕恩邀賜鳥飛已比慈芬開棧樸欣瞻霽  
景照簾幃立朝門閣先樞府霄漢勲名奕葉輝

補贈趙贊府不敏初度

南國風流衆所宗最憐才子滯花封官閒自課荆  
原秋興至長吟漢署枌猶憶塵埃開翠嶂不圖金  
石到黃鐘登臺且喜臨觴及應插茱萸照席穠

受祺堂詩卷五

七

喜成寧明府筠菴弟首膺臺薦卽寄三首

百戰重瞻故國春看花吾弟領棠臣義聲多唱關  
河首勞績還高楚蜀鄰肆應貌貅如挾纘初歸鴻  
鴈自依仁荆榮近對連枝合詔發欣披五色新  
河鼓鋹收曉露飛比年關嶽慶垂衣全銷兵革敷  
新命特獎循良眷舊畿案牘遙同彭澤簡風雷每  
過灌壇稀佇期台鼎登賢牧岩壑吾甘託少微  
五月薰風入會城前驅敢使後宗盟桃笙象簟當  
筵好竹嶼蘿軒向夜清地溯西京懷祖烈人來東  
海作朝槓明揚更喜先興論不爽心期漢閣行

贈趙司馬連城初度

南山佳氣萬重深太守堂高接翠岑玉燭一陽開  
朔旦黃鐘六琯動元音霽霜時染旂帷色膏露偏  
明竹樹林爲介幽歌趨渭水旗門駘蕩一披襟

贈劉刺史初度

紫閣霜明曉樹初行來五馬暫躊躇貧同北海樽  
猶在客對西園賦不疎製錦有年嗟貝錦投書何  
日報丹書使君當代推雄畧天保還應錫九如

贈華陰遲明府屏萬五首

西京文物蔚相延華尹風流最少年邂逅班荆如

受祺堂詩卷五

六

夙契雍容下榻有羣賢行郊已足三春雨繞閣長

垂十丈蓮欲起龍門論吏術秦宮漢時互蒼然

雲臺樹接紫陽祠適館陶潛附一枝謂先生隔代

虛傳提舉祿新宮兼致草堂貲高山流水多遐寄

白石青枰付後時卽此用心成獨往紛紛俗吏亦

何爲

十年烽火逼長安萬里飛輪奉戰鞍劇邑種花知

政美殘疆跨鶴數才難時危禮樂斯人在世正台

衡接跡看吾士民勞君更悉上書無負惠文冠

征車逐處不遑留每過鳴琴慰遠遊已見冉曾臨



宰牧誰云周召盡公侯金天菌菰春逾翠玉井烟霞市亦幽好德誰同關令喜東來何處問青牛向平婚嫁阻幽栖五嶽參寥豈易躋緩急投人中夜擾行藏感舊寸心迷敝裘衝曉愁侵露饑馬驅風畏入泥佇瀉香醪懷抱豁猶須仙掌一相攜

爲筠菴弟題所藏黃大癡谿山無盡圖

昏昏曾雲萬疊姿森森老樹接榮枝那能躋險尋幽去行到仙源花發時高士烟霞恒自得放懷壑信吾師風流博雅賢明府展卷悠然豁所思

徐子猶再惠詩畫賦謝二首

受祺堂詩卷五

九

長安重作在原遊近喜邊聲息戎樓夙契得聯徐孺榻虛名殊愧李膺舟棲遲籬外黃花晚坐嘯天邊白雁秋未有紵衣酬縞帶江雲樹澹生愁寒城羸馬去安之偃仰西園有所思彭澤對琴恒對酒右丞能畫復能詩青門每見淹旬朔白雪難磨歷歲時久旅春懷雖不次風霜莫點鬢間絲

單紹衣見貽畫扇却謝

三秋風雨絲毫端萬壑烟雲掌上看系與原創書貴子人從燕趙入長安重來冬暖籬花及接座霜晴竹葉乾捲幔翠微開遠嶂高人更借寫層巒

受祺堂詩卷之二十四

中南山人荆東李因篤子德著

贈陳碩公

多病相如客裏身偶來藉草問征輪偏愁越鳥鳴高樹最愛秦雲似美人名杜欣攀花萼影陳徐宛對鄰園春城南烟雨饒名蹟有興仍期一問津

壽郭金湯先生題榴芝四首

北郭先生有道家柴門不出臥烟霞蟬聯第宅遺親中躡伏乾坤老歲華石上孤雲高士枕園中五色故侯瓜年年玉露團新釀客醉東齋月正賒

受祺堂詩卷五

一

四皓何來貺紫芝蟠根芳樹已多時蘭幽誰解黃圖瑞鶴老同添白髮姿香蔚九秋貞晚節慶分三秀兆佳兒療饑底復臨流水虬結嵐疑豁所思白社飄零起暮霜憐君如對古靈光多男堦下榴花異大隱山中桂樹長閒氣氤氲融石髓仙人服食授丹方不圖關輔兵戈日猶見西京市珩芳剖橘空傳敝奕枰餐芝聊復慰躬耕衡連魯衛名猶在系託金張傳未成南極每依芸閣好少微偏帶草堂清何時婚嫁吾粗畢杖履相攜五岳行

贈司馬郝公時兼攝同州五首



暖律先吹左輔春晴光忽轉北原晨勞書兩郡恩  
猶後篆借孤城績更新曠古雲霄凌孔翠熙朝殿  
閣待麒麟道峰託賦情偏切維水何辭屢問津  
馬跡符分漢關東鼎臨京兆右扶風時移久圯黃  
圖大檄攝初瞻赤紱同碧樹來探冰雪裏青鐔憶  
對月明中璽書遙注秦諸牧惟有龍山司馬雄  
早閉清谿萬壑愁炎天徒步禱高四鄰郊墅虛  
占雨三夏州田大有秋更值休兵寬輓運還看閉  
閣議懷柔招尋風駕光潛德半面能空處士樓  
清署蕭然退食吟竹書高擁夕陽深羣公帶寫還

受祺堂詩卷五

關輔太守官商自古今斷策長留滄海事貞珉獨  
表雪霜心公於同州知君用意者殊絕不數

龔黃兩漢林

夙昔論交總盛年中塗出處一茫然尚存肝膈貧  
相問虛擲韶華老自憐縱飲惟謀良夜榻繁文不  
上醉人筵獨詢閭閻熊羆兆何日明珠掌上懸

送采翁弟之黔中集使任五首

秋清詔發五雲端日射臺霜萬仞看漢使剖符臨  
絕徼潘輿將母出長安經過驛竹皆生笋忽復江  
魚競躍盤好助維新開蕩滌要荒仰識聖恩寬

黔陽古是羅施蠻况集龜貅始靖姦敢謂鬼方非

赤子欣逢文筆在青山大威遠擢櫓檣靜法宿高

懸貫索間特簡帝心知有日中原持節待崇班

光舜垂衣想帝廷五臣吾祖著明刑共推奕葉光

顯藻兼喜摩霄對鶴翎萬古心源留掌憲三秋淑

問本傳經愚衰引分安樵牧定有賡歌鼓腹聽

東臯春色近吾廬載酒攜琴興不疎領郡遙貽謀

野賦分藩頻稅自公興亭花解放省同萼樹鳥和

鳴亦並居把臂相依更十稔魂消津柳唱曉初

數醉青門夜月圓生憎此度是離筵猶分常棣雙

受祺堂詩卷五

三

開色忽送征鴻萬里天嶽輔情孤愁不次湖山道  
隔意茫然南來信使山中少莫惜音書宦邸傳

送漢九姪隨侍黔陽

青門衮衮對吾宗邸席勞勞慙屢供酒瀉竹林相  
望及棋翻山墅不辭從琴書分合襄朝樹劍佩時  
聞霜夜鐘最喜高堂能健飯舍儉何用負鳩筇

送張通參恕翁補官之京師二首

柱史名高解豸冠霜飛白簡畫生寒論思已半乾  
坤得出納遙同日月看自臥東山秋屢改將趨北  
闕露新團端門舊是翱翔地紫詰重來五色鸞



乞養。思四載餘。明公湯沐對山居。開樽每引松  
風至。拂壁難教竹月虛。已見旌騶鳴首路。猶煩軒  
冕過吾廬。慈親衰老年來亟。人覲從容奏玉除。

贈友

出谷曾聯着屐痕。重來時序判寒溫。吾家轉掃江  
西榻。有客能登雒下門。劍氣中宵凌碧漢。詞源萬  
峽倒青嶺。連枝更憶燕山玉塞月。關鴻醉後論。

張母李太夫人挽詩五首

玉露金閨湛碧梧。丹旌素旆引蓬壺。真看供帳三  
台聚。更對衰麻萬旅扶。恩深雲霄沾化鶴。地連豐

受祺堂詩卷語

四

鑄問慈烏步欄登。閣窺西表婆宿空懸夜月孤。  
任奴風清江漢秋。夙持蘋藻佐元侯。甘辭偕老羞  
多壘。銳鼎專征捍上游。太岳遙同華表樹。澄川曲  
遶墓門荒。紫泥黃壤幽難隔。差慰名卿罔極愁。  
閭教森森啓鳳毛。鳴騶迢遞敢辭勞。几筵恭接喪  
途大。松柏徐攀隴樹高。擗管進銘三輔俊。當車執  
紼五陵豪。吾儕子舍聞遺緒。繡紱光聯敝緼袍。  
卜葬春秋故有程。諸侯五月至同盟。晉家易經原  
從變。韓氏高原早自行。列戟舉帷瞻備禮。淒風楚  
雨助哀聲。龍門著述悲前哲。塚下徘徊萬古情。

匹馬寒侵渭水霜。慚攜雞絮弔斜陽。萱開尚戀三  
秋色。菊老偏留九月香。昨土豫如封土兆。維馨長  
發寧馨祥。邇來鄰里春無和。鍾郝徽音世不忘。

在堂人

寄沈官詹繹堂先生三首 代

青宮東望彩雲遙。紫禁欣瞻玉燭調。曠世生才推  
亞相當。軒授簡冠羣僚。前星迴帶金門色。少海長  
凝乙夜潮。綺角定儲何足擬。伊周先後共揚鏹。  
城南韋杜漢時村。憶昔鳴騶下華門。岳綻曉蓮供  
作賦。池明春草待開樽。人琴不使暌鴻雁。綳紵頻

受祺堂詩卷語

五

勞及大豚撫事蒼然追。既往泥塗空感信陵恩。  
躡屩前秋入帝都。尋盟猶似在江湖。違攀驥尾嗟  
予仲。借託葭莩保是孤。音比瑤華煩屢及。質慚蘭  
玉荷相扶。知公旦夕登台鼎。夙好臨風困欲蘇。

送王方伯茂衍分藩東川五十韻

使君關岳秀三十。正藩方左次才空。老中原亂未  
央。臺符膺絕漠。帝眷昇殘疆。蔚跂秦峰峻。艱難  
蜀道忙。維時連壁壘。所部攝庸羌。久宦終垂棄。炎  
天忽理裝。姻盟懷莫里。社憶猶詳弱。歲聞佳味  
諸昆總。擅場驅雲徵異色。渭樹鬱騰光競。振詞科



早先鳴畫省郎西曹多健賦北闕少同行妙權  
纓選真知琬琰良絳帷寒 輦轂青史軼龔黃日  
曉吹齊練烟清嶺楚芳海隅分陝及天下采風強  
橋澤如流水行者有帝崇豐碑隨地頌遺惠到今  
香序爵嗟翻覆酬勳付渺茫載瞻新羽葆重指舊  
湖湘否泰人誰料浮沉事亦常撫塵追去轍攜手  
繫征航好會能餘幾驚魂敢暫忘池波衝詔外戍  
火逼黔陽雨雪侵驛客干戈隔故鄉思歸拚孺子  
破險急高堂警夕深籌箸窮途更解囊交情憂患  
得國勢細贏張庇俗權紆禁懸軍蚤聚糧安危窺

愛祺堂詩卷五

六

物表處置斷毫芒屬郡俱蒙益佳兵轉降祥 廟  
謨宜遠鑒興誦豈全荒那謂移薪者翻悲爛額旁  
旅居饒泰竊家食久扶將贈紵承來問投桃辱報  
章村廬遠數井造訪涉層岡把袂騷愁釋論文意  
氣揚鶴書衡附驥柯牖玷聞篋欲使謀宮室胡然  
舍棟梁排闥仍諭母染翰畧褰裳博愛矜迂拙孤  
蹤信激昂經營周瑣細洞達見肝腸去載 君恩  
重歌從戚黨長別離頻送月毛髮漸催霜昔覺蕭  
疎是茲虞跬步妨祝融災合殿飛甍暗崇廊搏挽  
何臣力賢勞公等當牙州憐五馬刺史德維桑

平有惠政卓異遷是官并直官初調相須美愈彰  
屢詢輪棧粟遙登祖筵觴佇望登台鼎民艱啟  
御牀

代寄吳彥發觀察

彼美生京國 先朝簡從臣初傳中秘草遠沛北  
庭綸振藻留丹陛含香對紫宸賦推題柱客經逮  
考工津曠漢期終展滄溟庶已臻鋒車趨楚岫羽  
沛及河濟萬里飛輪關三贏坐摧駟省材雄武庫  
天眷沃征輪仗節資觀察提衡邁等倫豫章浮日  
動匡阜采風親健足皆思勢潛輝總待珍江湖懸

愛祺堂詩卷五

七

皓鑒歲月轉洪鈞去歲鐘鏞晚歸瞻棧樸新暫棲  
光彩服徐立傍蒼旻鼎鼐承歡最笙歌卜夜頻循  
陔躬自得捧檄事宿因况復承高義錄來託大人  
壯圖欽忼慨耆俊領簪紳甲第迎雙闕年華過七  
旬含飴嗜昔齒耀馬向今身有弟俱邦秀爲師載  
德淳寧家何冉冉致主各彬彬宦學誰爭述淵源  
不具論往時燕市酒予仲國門賓警效猶同氣藁  
隸屬後塵名山分努力古道有傳薪却憶皇華詠  
曾臨清渭濱宣恩經朔漠訪舊接松筠獻紉羣賢  
共如蘭小子均墳篋忘別管雨雪仰長茵下榻俄



經月連鑣又幾旬耳提汾水路囊剖社湖春感故  
昔回首哀時忽愴神在原中斷絕謀野獨酸辛制  
以械書痛艱難解賻負秘含施瞑目文翰照貞珉  
勒骨兼生死聞風到里鄰銜環空激切報玖復逡  
巡所惜孤危子惟私頌禱辰我公愜輿望應早畫  
麒麟

舍弟生日次子禎先生韻二首

時長至後一日

出處吾何據窮愁爾自寬朔鴻雲外得池草雪中  
看今日逢陽長潛居保歲寒丈夫孤矢志遲晚更  
加餐

受祺堂詩卷五

八

飲水貧家樂承顏老母慈那無團栢酒同泛采  
芣花夢開相並燠笺和不辭此歌先宋玉長  
人爲

虞廷

虞廷廢共鯀遂舉十六相拱已復何爲皇風還揖  
讓後王崇繁文淳樸道日喪不有誥誓作斯民希  
吾諒

先生寓曲沃臥病小愈走書相聞卽遣

使起居奉詩五首

雙屐遙憐掃徑疎朶雲欣奉杖藜初雖空藥物頻

時侃不苦呻吟減著書鴻雁分飛聲遠及雪霜高  
臥歲將除詰朝河外圖傳史齋宿中庭拜所如  
澗樹東連岳樹深陰前相思北接太行岑蒹葭  
觸居關興蟻蟬偏工入冀吟世易繁霜應有道  
天留碩果定何心晨星落落長蒿日忍使尋盟負  
斷金

王路風流縞帶長霸圖聊託晉初鄉遺音西國思  
千里老眼中原淚數行春通夢隨池草綠臘殘清  
引閣梅芳曾論綴祀虛蓮豆許傍新宮自築堂

有約居雲臺觀朱子祠內

受祺堂詩卷五

九

水凍河梁客未還教人雨雪怨空山難同受性松  
根勁更羨從飛雉子班到處青黎恒照夜何時紫  
氣復臨關耦耕不忘臨岐約南畝桑陰竟日閒  
五十知非似醉醒柴門寂寞晝長福古人何可欺  
毛義吾道將無媿管寧幽俗好風吹舉趾漢時明  
月照傳經鳴車整旆西歸日戶外寒融柳色青

康大孟謀貽尊外舅路振公先生畫幅見訪

並辱贈詩用韻奉答

澗樹風微始聽鶯佳晨有客扣柴荆曾貽綵筆烟  
雲壯更讀新詩水玉清草榻中宵浮濁酒田家決

日茹黎羹與君俱展南陔力愁對高堂白髮生

慰表姪孝廉君讀禮

悠悠逝水絕還波比歲悲君廢蓼莪古制抑情須  
中禮鄰春含戚罷聞歌新栽隴栢成猶未擬補笙  
詩近若何所願乘時崇令德相期不但擬詞科

鳳翔贈曹太守冠五首

三輔同躔控帶雄史臣今借右扶風興來懷古周  
原上長日行春隴道中雨磧紛紛舒岸柳晴洲一  
度關鴻兵深歲儉憂方急土俗忙歌獨見公

紫禁曾傳綵筆豪丹楓欵帶白雲高公自庶常塞  
出西曹

受祺堂詩卷五

十

惟江外新戎馬叱馭岐陽舊羽旄偶憇棠陰皆有  
樹閒裁橘頌半離騷雖知羅漢無名欲自許恩

綸慰積勞公三任太守未調故用苑威贈  
王右丞應同羅漢無名欲之句

回首青門夏日遲使君騶導近蓬萊猶憐傾蓋星

軺合忽復班荆畫漏移海內故人違出處朝端仙

侶曠心期卽今孤矢開公謙碧草金沙坐更隨

霜雪羈栖澗水涯感君錫類有瑤華隔年初涉咸

陽棹臨部遙看太白霞祕省論才兼出牧淵源爲

郡卽承家東湖已據端明地俯仰風流萬古賒

洗馬調弓處處新西疆甫得浣征塵猶瞻桑梓先

江地况對鶯花故國春寒盡渭川連繡幕野明吳  
嶽挂雕輪頗聞關北頻流羽濟還期仗鉞身

東鄭副戎復巷二首

時清漸識故園春戶外鳴騶訪釣綸自合右軍工  
墨誰知新息是詩人恩孚鸛鶴安巢久令肅貌  
猗入部馴莫訝攤書長秉燭近愁西北有風塵  
春深風雨滯岐州憶昨招尋一溯流紫翼撲簾鉶  
放色滄波環砌坐銷憂輝輝劒氣攀雲上淡淡爐  
烟抱席浮北極預開麟閣待英姿何似冠軍侯

東任鳳翔明府覺之二首

受祺堂詩卷五

十一

歲暮傳魚兩澗東春明秣馬過岐豐符分漢索黃  
圖大地盡周原赤縣雄到處桑麻含宿雨相聞

誦遺遺宮棠歌未冷看西極一體循良報祝同尊  
公同爲旌岷副  
憲西上猶懷之

最愛幽人水竹居晴窓醉臥卽吾廬裁隨折柬來

城市恰對鳴琴汎掃除佳日蟻樽融臘雪故園芝

草佐盤蔬卽君池閣多幽意敷政優優錦未如出時  
摩茹

送表弟子衛隨侍十六舅氏之蘭州

草色青青柳色寒春風匹馬上臯蘭始平南道連

草色青青柳色寒春風匹馬上臯蘭始平南道連

草色青青柳色寒春風匹馬上臯蘭始平南道連



車出幼度東山接武看絕塞忽聞行役苦中年更  
便別離難在原兄弟多相憶預指歸鴻一聲歡

二月二日張中翰綽恭招同宋大子禎遊漢

頭洞瞻孫思邈先生祠却尋鄭白遺跡承

示田園諸作時令子暨幼孫各一人侍飲

河干卽景兼述別懷六首

古廟臨青嶂春壇繞畫旂步隨芳草闌來及杏花  
飛亂世安招隱興王聽拂衣北門殷薦路馳逐巷  
人稀

水脈尋源迴郊畦舉鋪多雙渠有秦漢萬頃接關

受祺堂詩卷五

十二

河社鼓寧嫌劇邨醪偶放醅湮流憑指點更許茂  
先過

久說躬耕賦初分維興詩海山流羽後天地灌園

時著滕憐文若行觴命叔慈輕颺吹麥秀飽得餉

東菑

解纜維揚暮班荆谷口春才嗟違出處老覺重交

親野暮紛留客山歛遠降神十年揮別淚翻闌大

江津

夙好存無幾前期鬱未酬在維揚有山暫教佳地  
居讀書之約

否重與故人遊白日搔雙鬢清銷墮四愁底須辭

斗酒溝水悵分流

旅陌紅塵驟危崖翠浪層崎攀舒老眼坐嘯挾良

朋俗情河渠畧禪尊棟宇增卽君頌高議文獻足

吾徵

家五兄宅對海棠有感時五兄在蜀

舊樹春仍下新枝雨漸融屬杯懷並夢搔首問歸

鴻倩逼穠花剖嬌憐杏蒂同美人天末去庭樹爲

誰紅情韻如舊

霍憲曹卽室齋中賦海棠

副相明農墅佳辰煒萼飛夜珠銜自照羸女醉忘

受祺堂詩卷五

十三

歸弄景迷月墜仙雲撲繡衣跡高聯步武曾不怕

霜威尊先人司空曾總臺憲

咏海棠一首

淑管吹寒盡仙株染露繁妍風開畫帙紫霧接晴

軒禁掖深移影蓬萊秘問源會心時一醉奇賞欲

忘言

麗日來無數朱顏望不羣盈盈臨戶牖矯矯絕塵

氛抱蕊雛鶯出爭枝語燕聞雨花紛著樹天女燦

如雲

初晴看海棠

宿艷流新雨朝暉散海霞共嬌千萬夢微放兩三  
花惜暖心無競含滋色獨賒人來休安採倩寫碧  
窓紗

不離海棠遣興再賦

綬命晨葩吐酬分豔燭燒晴虹圍碧葉火齊隱榮  
條海雀春相問江妃醉可招浹旬惡恣眼身近赤  
城標齊去

張子遠先生招飲卽席賦海棠二首

衆卉紛葩始靈根絢爛齊林樾通首暮野老慰幽  
栖嗜飲來饒笑逃名對欲迷柴門過流水擬築沆

愛祺堂詩卷五

十四

花谿

不識珊瑚樹渾翻翡翠文懷春工表色著雨耐留  
醺帶鳥隨仙侶乾坤到綵雲羅敷年正少紫綺織  
爲裘

花朝前一日張又韓雲七兄弟招集述園卽

賦觸目六首

出市邨烟沿郊野興新肯堂成別墅攜手過佳  
辰竹葉耽留客桃花不避秦已酣麋鹿性徐問薜  
蘿春

屢接談經地親瞻樹德家高樓先受月曲徑轉逢

花案靜生幽草欄虛走暮霞更須流水至添著釣  
魚槎

嗜古明三篋論才得二方臥看紅樹近心繞白雲

長祕閣書兼致延津劍久藏前楹存手澤築盤事

難忘

託履寧辭闕爲軒喜川疎洞陰寒石个槐影帶前

除坐眺開罇晚淹留下榻初藥欄皆可賦多病媿

和如

數訊墻東竹疑開渭曲圖修根凌碧漢摘笋啖潛

夫自覺干枝好誰堪一日無芳朝垂玉粒取哺鳳

愛祺堂詩卷五

五

鳳雛

酒瀉春林翠藜燒丙夜青嶼巖留片石放曠接孤  
亭謝屐施初暖何園許再經明歸遂岐路未忍宿  
醒醒

無燭嘲宋大

時寓北寺

借續何人事燃膏累夜空趁眠憐落景高枕合衰  
翁蟻泛長餘綠螢飛肯暫紅佛龕饒宿燄君自怯  
春風

東霍邵室四首

烏臺霄漢一鴻高牙繡新恩起鳳毛惜別留攀步



路柳逢春初綻故園桃長林藉草饒佳蔭竟日開  
鱗對濁醪跋馬過從幽意愜風流還壓五陵豪

燕山旅食歲蹉跎雪滿花深許數過鄉里簪裾叢

緩珮紫衝星月散鳴珂輕裘敞褐看同色綺席雕

欄醉放歌義重古人懷一飯潛期况入渭川多

臨池每歎夜窓虛倒篋能分鄴架餘遂有子卿疎

照坐誰教毛穎歛同車牙籤細帙圍高枕乳燕啼

鴛喚敞廬咫尺歸心牽卷冊花郊嬾逐漢諸渠

古詩筆墨故事

絲羅已附阿戎家仕宦浮沉有歲華爛醉憶傾京

受祺堂詩卷

七

雅酒狂吟曾泛曲江槎主人雖出來看竹休沐無  
多學種瓜乘興時時移坐嘯漫愁階石暮陰斜

酬劉喻人太守三首

臘色延春酒幽期涉黃庭醉臨嘉樹傳狂託少微

星紫燕紛巢屋丹雛自授經兵戈移更蕭畫戶合

長局

紈扇貽新句花朝帶好風愁論爲郡苦晚識賦詩

雄在野能憂國經年不入公陽春就古調未有和

人同

坐並斑衣好池流翰墨光披帷人始見閉閣畫偏

長密契同涇漆工書必晉唐寸陰知自競揮灑潤  
餘芳時見二子時字翥

周長伯請題稚恭畫卷畢却贈兼憶令叔川

督彝初先生二首

昨客從公子披圖對舍人燕窺花檻熟鶯奏酒杯

新綵筆酣移興滄洲老入神平原卽豪舉未涉此

幽津

夙昔長安客同留使相家孤城危置卵羣盜亂如

麻過末逢岐路應徐泣暮霞山陽誰弄笛遺恨繞

三巴

受祺堂詩卷

十七

寒食

異縣逢寒食移旬對濁涇野連秦時碧山擁漢陵

青掃墓疎蘋藻攀松仗鶴鵠東阡曾得誌不媿介

休銘

何詩父墓先生

有懷南園桃樹

三月桃開後吾園樹樹新春風留好夢把酒待歸

人

耕餘更培汝歲歲有

佳辰

挽王司勳公篆菴先生兼慰又陶世丈大襄

畢近體五首

惆悵京華邂逅年與君長訣是離筵每懷秋月同

山宰翻走春風哭仲宣仙署孤藤虛拂座故園修

竹冷隨肩蕭條含飯身猶缺白馬爭鳴旅櫬前

三錫殊恩駕六曹使車人訝侍中刀部郎出按事

始從臨嵩少多芳樹典試所至江湖盡碧濤水驛

張帆風露積山亭疎馬雪霜高聞喪去簪今仍古

玉几咨嗟 聖意勞

祭酒爲文表俊才王阮亭司封同舍灑餘哀

傳三春碣石孤鴻上萬里滄溟一雁來編紵依然

親玉樹人琴何處問金臺謬承授簡存疎拙屬子作志

受祺堂詩卷五

六

錦慚附青雲有重回

公子憂傷二載餘爲公謀定百年居當時賓客添

新隴隔代松楸茂舊墟秀攬慈嶽名接跡光涵清

渭兆克閭九京可作應含笑不使前坊俎豆疎先

人墓

華表新瞻栢樹林執交零落淚盈襟高山流水徒

空到細徑穠花各自深絮酒郊原蒙風講招魂京

雒有遺音西歸曾假安豐力古道徘徊日暮心

朱和無燭再貽詩解之兩用韻二首

卷帙思黎杖盤藥賦子虛爾寧戀蚬蝶吾欲罪蟾

蟾若木愁移海明珠喜照廬時令清心通屋漏况

近白毫居

道扼傳薪盡禪幽而壁同古人不上夜君子固堪

窮臥受雙林雀音歸萬里鴻酬歌偏囑晚暮暮竹

林風

東周納言二峯先生

一疏風流何處尋明公頭黑早抽簪幽期花徑春

能掃敞席松軒暖自吟座接芳朝容散履杯酣靜

書換鳴禽蒼生未許東山臥赤舄長懸 北闕心

淵別子遠先生二首

受祺堂詩卷五

九

九成遺帶挂流蘇更出同時好畫圖時並貽唐

贈渾君瓊玖似留吟可當紵衣無先朝弓劍腸猶

熱旅邸丹青興不孤便擬攜歸塞曲謝良辰把玩

慰辭夫

少壯行吟三十年相逢鬢髮兩蒼然當春桃柳羣

爭色帶郭松筠伴醉眠塵垢何顏論白社酒狂搔

首問青天知君未冷乘槎興落日離津萬慮牽

大將軍靖遠侯張公入 觀詩十首

居延形勝五涼秋少傳中朝倚壯猷坐制羗蜀惟

鎮靜遙清烽火敘懷柔東來地迴皇華合北嚮天



高玉露流一自汾陽勤奉詔羣公競識主恩優

瀕池白羽耀開涼其賴元侯保漢疆雨雪先驅珠

勒馬貔貅爭睹綠沈槍宸謀密救頒巖寨秘果

珍禽出尚方此日九重親入謁恭承溫語畫陰

長

蓬萊闕對武英前特典酬庸有賜筵轉戰寧

知臣力瘁趨朝偏荷聖情憐應加几杖叨殊

寵蚤振車徒撼極邊閣下舊嘗霑譙席神京迴首

綵雲懸

牙開都護玉門東地盡瓜沙部曲雄北極久紆西

受祺堂詩卷五

主

顧慮中原長奠上游功麒麟圖畫光朝野帶礪河

山誓始終欲泛浮槎凌絕漠將因歸旆涉崆峒

崑崙萬里接烟濤節鉞孤城擁塞壕每有賓賢陪

羽獵時臨鞍馬託風騷江河轉自朝宗大葵藿渥

恩向日勞左掖朝暉新綉綵欣瞻宮錦易征袍

戎麾昔徧海山分冊府頻書靖亂勳自列上台趨

帝座何煩太史考天文金戈曉掛蕭關月鐵甲秋

生渭水雲漢武雄才初振旅嫖姚獨冠六將軍

曾占河鼓漾西陲屬國池弓影漸隨謝傳經綸兼

治亂裴公中外繫安危諸郎已佩崇臺綬列校多

塞大將旗却憶承邊心戀闕星軺忍使朔風遲

輕裘緩帶宿登壇羽扇綸巾數據鞍借箸援桴諸

帥聽磨刀草檄萬人看前旌刻漏馳驅陞別墅驅

車過藥欄故老笑迎留對酒依帟身在翠微端

漁樵皓首竊虛名俊乂清塵媿此聲下駟謬分公

子瞻高山深景丈人行君門烏鳥還容哺子舍榆

桑迫至情入覲從容或訪落莫教遺畝負躬耕

機槍初靜曉霞飛拜疏驚聞屢拂衣體健常宜湯

沐早時平無遣戍防稀彤弓旅矢恩猶備華嶽黃

河望不違欲賦幽詩當祖席東郊零雨待公歸

受祺堂詩卷五

主

受祺堂詩卷之二十五

中南山人荆東李因篤子德著

哭

先生一百韻

朝雄初零露浮雲忽障天史無正月紀星脫少微  
歷一代摧梁木千春恨杜鵑與刑今頓墜文獻商  
俱全際剝哀吾道瞻印失大賢渾思焚著述未忍  
沒周旋勁節堪追溯名家敢溢傳門詳吳郡後望  
比武陵前畫省基藩牧彤毫珥御鈿鍾靈簪紱第  
比美孝廉船先生會大父自方伯陞侍郎大父贊善兄鄉舉閱窺芳矩  
詞宗起卯年友兼鄉國盛聲挾俊尉駢少登勝地

受祺堂詩卷五

頻交軫留都幾著鞭銜杯才最逸擲管賦誰先吐  
納蒼江麗招尋紫陌連同過遵石渚獨步採香荃  
競睹潛修洽徐教懿緒延遭時傷失路振翼爽乘  
權上客逍遙久佳人契約偏徒勞殷密勿莫與救  
迤邐海涸龍虛碎山頽鳳不還難求雛翻好漫惜  
領珠圓剖血探危躅攀髯少並肩鼎湖仍問渡喬  
嶽遠懷仙信宿寒郊址恭圖寢廟塋為孝裝潢勤  
更肅拂拭對增虔沐髮嘗爵舍傭身偶就廬北來  
馳險阻北謂三陵南鄉灑潺湲環邸前遺迹荒圻并  
故阡湯孫昭穆萃漢祖壁壘堅歷歷捫松檟婉然

執豆遷金楹澄有赫碧瓦秀含煙灑掃甘從事勳

華恥讓鐫著昌平水記特書森具體凡例發流泉古兆

原分立斯文實創編班揚愁視甚左馬色蒼然自

此淹羈旅餘齡肯棄捐經搜賔典潤世譜乞提懸

似欲超吟詠何曾叩俛佺雄心灰弗已績學勵相

宣逮夜隨燒燭長征亦費研驅車攜竹笈入肆展

霜箋疊案皆親注盈牀益勉旃纖瑕攻琬琰所論

古人細字炳丹鉛取誌惟微已著利病書必遺聞

遇匯川訂謾周利病往冊賴刪詮屢易猶藏稿通

行且待緣昌言昭日錄服力正詩篇著音學

受祺堂詩卷五

二

轉叶音何陋葩騷韻累遷爰稽三頌始盡洗六朝  
愆憤樂忘頭白遨遊任足穿觀恒趨裔塞踐澁涉  
層淵積雪貞珉皎厓藤側蔓纏謂宜輕權機翻喜  
跨鞍鶴到處逢迎備臨岐指顧牽公卿雖倒屣華  
賓每安兼食不晴齋裝  
澹澹素魄坐娟娟桂棘寧知老松疎那受憐刊垂  
資祖籍把贈解囊錢晚結苑裴計將除蘊藻田隰  
苓聊近採關阜儘高寒句服羣推首邦衢舊象乾  
玉風留黍稷伯畧杏鷹鷂遂逆洪河浪因窮太華  
嶺臺祠洵曠舉因宋文公分主節縣宰得循員陰



今遠君任其事  
發達際享  
濁俗多崇墨  
家者半雜禪  
迷津煩

拯助山谷休  
陶甄漸覺  
嚶鳴修俄  
開瘴景  
鮮盍簪

要奮激傾蓋  
及柱頹綱  
帶曾貽音  
先生初同曹司

余于陳使  
清觴再集  
燕集宗愚  
蒙沾善誘等

別荷區銓謬  
許私盟  
陳期軼草  
深恩鴻焉能

暫別鯉魚聯  
卜宅推中表  
寓表弟披帷  
共醉眠頗

耽亭水滌遲  
眺徑花妍  
匝劔舒悲  
嘯望琴寫靜便

縱談衷曲盡  
遐寄物情  
獨鬼微隨  
飛檄神州痛控

紫腸爛悵望  
叱馭復翻  
翻積歲兵機  
餘中宵客

應煎匿形乖  
辟穀覘夢  
醒迴吹憶昨  
登嵩少悽其

受祺堂詩卷五

三

俯洞瀝凌晨  
謀稅野決  
意謝歸抵絳  
依重郭素

居曲誅字假  
數椽泣麟  
微吉在哀鳳  
託終焉臘杪

纔呼走遣使往冰  
巖薄側綿  
報章驚絕筆  
晨起承

韻夕幸幽  
怨屈空拳  
耿介標孤性  
忠誠冠八埏末

絲賞志晨  
疇使抱疴  
痊彼網欣通  
鶴維巢訝類焉

心休游板  
蕩目視為  
戈鋌恐逸陽  
秋撰須存即次

曹外甥俱  
傷哲謂三徐公司  
猶子已騰  
鶴翰令弟中

善幸接傍  
陰茂當提  
主器僊聖途  
湮豈斷儒術衆

疑俊鏡具  
睽峯壑生  
芻布几筵  
輒悲浩漫墓樹

想葱芊直  
擬歌黃鳥  
真應為白  
蓮招魂稱至德茂

降蔣山邊

憶亡友陳使君

兩先生三首

頽川頻入夢  
吳郡罷傳書  
諫風愁違往  
潛龍合

初好春胸悵  
結中夜涕漣  
如自奪千秋  
莽蕭條兩

鬢疎

二君不可作  
孤客竟何成  
海嶽包纖細  
文章託死

生金沙公譙  
曲縞帶故人  
情颯颯憐春  
雨長空一

鴈鳴

老來更戎馬  
天下少知音  
不惜牙擗真  
愁寶劒

沈此身悲獨  
步公等慰幽  
尋寂冥人間  
世誰為梁

受祺堂詩卷五

四

父吟

卽事再別張宋二絕句

張衡心事晚  
多違宋玉牢  
騷賦未歸一  
曲驟歌三

日酒風吹片  
片海棠飛

東來柳葉細  
如蠶欲去桃  
花放正酣獨  
有多情牽

暮雨消魂千  
尺是江潭

曹公子冲谷  
貽詩扇墨二  
事口占却謝  
用來

韻

郊居嬾散臥  
牆東陟屺驚  
心值路窮忽  
有煙光凌

易水漫勞紈  
扇引春風輕  
車已枉夷門  
馭絕唱猶



間漢苑鴻錦帶永看並得芳朝徒倚興難同

制府大司馬希公垂念幽微因蒙方伯大守

延致奉謁投贈五首

萬國同瞻玉燭新中原實藉保釐春羣推旬服先

西土特簡元公下北兵衮繡驅車千載事關河仗

節兩京身喜逢垂拱敷文德時補黃圖繼獲麟

賦地

栢府森森霄漢邊公自御史大夫山制秦蜀鳥臺獨座領羣賢

六方右顧公初至地冠南曹節更專水暖膏流星

海雪春晴畫縱嶽門蓮漫勞臨策思周召分陝遙

受祺堂詩卷五

五

追卜維年

故事名高豐沛間公起家絲綸忽復躋崇班權內

夏卿曾假山公出轉兵部天部重宜水鏡還遷

京邑避驄多緩步拜總塞垣聞敕破愁顏行

人瀚海連青海笑抵蕭關及散關

河外青羌啟幕隨夜看烽火靖西陲黍苗爭傍春

暉解楊柳何煩曉笛窺位重文昌兼將相天官志

身如郭令繫安危爰聞至德清邦族竹

帛旂常一代推

樵牧驚心紫禁杯顧恩月陞賦歸來本無羔鴈資

行省何意鷦鷯託外臺閣敬書喬木世封疆欣

接巨川才依劉趙命真以藕畫閣春深靜畫開

伏承方伯希公延至青門投贈五首

藩方環列樹維城百二提封古漢京篆剖渾疑關

氣紫帷高獨撼井雲清春來廿雨真知候野滿嘉

禾競向榮正似潁陽蕭相國辰猷重發度支聲

十年關輔劇兵戈萬里征輪盡業晚自有德音寬

歲運初逢文伯慶時和花明舊壘鶯啼好水散平

林燕翼多寄語郊原勤底力佇聞春甸下鳴珂

中書行省歷朝同再見甘棠憩召公河渭並歸邦

受祺堂詩卷五

六

教洞雍梁全入地圖雄飛羽休息間屏袂挾纘謳

吟飽部戎父老白頭扶杖立東臺披拂太平風

征蠻初靖羽林軍聖主垂衣銳右文赤籍遙追秦

漢上皇輿直跨海山分時集輿圖公嘗題柱才無

敵國待剛書望不羣典指終南墳八水石渠天祿

萬年勳

君恩泰竊到樵漁歛喜台輝接敝廬阮籍自依司

馬醉侯麻真下信陵車長廊峻閣開襟遠翠蔭青

苔照座舒便欲從公酬令德為農未暇惜春鋤

贈臬憲布公五首



西國啼鶯送好音始和旌節喜初臨共傳封事  
皇極誰識臺端簡帝心以鼓鑾鈴屏燭靜寒帷露  
冕部花深更饒圖史娛清晝周漢風流慰所欽  
行省欣逢解豸冠使君驄馬入長安地臨虞芮交  
成後人是臯蘇曠代看明月每多開霽色綵毫時  
復深霜寒屬方爭沐隨車雨禾黍盈盈湛露溥  
執法天垣右幾星丹書西指入青滇授才真有明  
良契經國何殊內外庭孝弟力田初返樸春薪輪  
作總無形况聞前躅推開府遷擢還同列憲屏

受祺堂詩卷五

七

帶馬鳴謙漢署光同時泰佐抱溫良于公種德門  
原大衛叔祥刑祚獨長日暖飛鳥流影合雲移古  
栢數株香春來登嶽觀鵲野北斗新銷貫索芒  
貧臥蓬蒿禮數違為瞻邦憲一樞衣葭吹荒谷通  
春滿戟列崇臺受牘稀象魏不煩更月甲戎羗遙  
已擗天威如容客宿窺台宿信有三微接少微

贈糧籓王公

上郡塞帷羽檄中榆關持節靖羗戎邊雲北望千  
巖紫塞馬南來萬樹紅新有恩綸寬國賦更隨時  
雨卜年豐借恂吾土思方切旌旆還歌屬部同

贈費司馬姓菴

三春客屐冷青門曉謁東堂色正溫鳥雀競延歸  
哺翼翬貅新定羽林屯貧爲耕釣長依淵喜賦軒  
裳偶山村緩帶自公多暇景花時應瀉藥欄樽

贈劉都使峻公初度

江海心期羽翮高對君真覺次醇醪車戎託賦渾  
如玉露布盈篇不卸刀得士座清秦苑柳逢辰顏  
渥漢宮桃還聞擗管多佳興暇日同吟山水濤

寄俞學憲公夢符五首

列憲新推侍從臣觀鄉曾此首朱輪年芳復紫關

受祺堂詩卷五

八

門氣亂城還清岳路塵風指一南先續雅地連三  
輔再歌秦北看朝露經東壁驚有犀光待隱鱗  
詞名夙擅蕊珠宮忽復仙雲到眼中禮樂不愁侵  
夢神山川真欲剖鴻濛黃梅雨至霑時足玉井蓮  
開照夜同誰道使星遑稅駕正須塞閣倚春風  
浮日南漢慶止戈一時鳴鳳盡同柯華簪久拂三  
垣月藻蓋新飛五老河接歲龍媒騰禁苑何時寶  
鑑下煙蘿祇今被服觀風教不數山中桂樹多  
覽勝停驂古鎬都承明著作領羣儒菁莪色滿還  
勞種翡翠音高好待呼漢時西華仙掌出秦山東



喬伯風孤已欣彝鼎能求士還藉冰霜再剖符  
人祿論文往事疎使君朝野慶新除清宗已歷吳  
都賦綵筆應高越絕書塞州寒風爭自發關鴻振  
翮意何如寄言焦牧無耽隱西國人倫水鏡初

寓關中書院賦呈太守董公

昔子客江漢傾頓衣百結負米安士常當塗謝干  
謁於維罔學尊實建中丞節法宿耀南楚臺門寒  
凜冽抗章號異端心骨披狂謫寬典貸須臾聖仁  
寧久竊聿來十年間初伏兩觀尊欣覲濂洛派炳  
如日星揭鄰驚拂袖歸攀臥無轉轍溫詔許湯沐

受祺堂詩卷五

九

庶僚皆泣假陳詞羅長筵採賤爲寵別時潘泉屬予爲文以  
行其蒙盼柯亭竹會心那得說男兒貴知音信義  
瞻嶠嶠何必接塵遊慰茲懷抱切公時痛陟此宅  
恤方衰絰徒使廣川名溯洄腸屢熱西還跡未穩  
鬼微喧鳴鐵尺水翻逆波橫流幾潰決關涼燭餘  
氛隴道中喋血萬里輸芻粟殘黎已汗竭兇渠就  
天誅醜類隨蕩折環海正拱已保釐需明哲適公  
領是邦問命皆大悅河渭剖雄符漢京超並列顯  
猷承家深霜景著性潔吏畏民益懷風清弊斯絕  
意當臨部初偏會羽書閱靖亂本廟謨猊貅相更

迭舊帥移荆吳新戍下恒碣送往兼迂居與徒互  
填咽肆其鞭撻威張飲詎能輟責賄酣豁壑裝盈  
幕不撤編氓愁牽輓山戶或永訣困役與重遷交  
持生危阻急難仗我公饑溺嘗親挈獨叱征麾前  
寧辭雜亂媒佐之數千緡俱自捐冰蘖巨手撐玉  
岳長留此遺子詰朝禁旅至茅棟增新設蒞事乃  
茹辛吾人解羈紲爰從褰絳帷犯露復凌雪返署  
多秉燭連晨忘櫛櫟才高霽輝延案牘飛電掣雅  
興耽尺籍幽期盡巖穴瑤華賁荒谷內省疎且拙  
下榻授經郎淵源宗國傑徐商髦士舊擬補風雩

受祺堂詩卷五

十

缺誦息戎馬泰山微蟻垤早登要衢津光述開  
府烈託契隗也始黃鐘發吹吹

送祝明府子尊自韓城之靖州任

地阻雙魚憶少梁春晴五馬下湖湘關雲色帶江  
雲闊渭樹光連楚樹長卽擬開尊同別酒初承飛  
旂已征裝荆門鄂渚懷雄槩儻過題詩一繫航

西園卽景爲太守公賦十首

地系思京兆儒宗溯廣川避賢簪紱暇乘興竹書  
年乳燕依新閣飛鴻帶遠天好修重師尹關輔一  
蒼然



郡廟堂逾靜軒高檻正分

小鏡明錦帙玉塵深晴

驪秀入皇陂水寒

去知公愜幽意坐嘯及

義文

築砌金沙晚開簾碧樹春

爲酣欲放豚雀飽能

馴愛士忘餐沐持躬謹笑

醉尋容野老披豁偏

農筠

競惜香醪嫩誰堪綺席孤

車辭要客倒屣迂潛

夫篆籀光盈几藤蘿藹入

數來鳴鳥換烟護博

山廬

靜書縹緗故佳辰宛委開

倚中秘物生有大夫

受祺堂詩卷五

士

才任客拙書卷移時對酒

過從隨暖眼雙屐穩

青苔

舊識中泰邸初瞻半畝宮

花就麗日藉草入溫

誰同

風徑密榮柯細烟疎老幹

雄振衣懷萬古心跡許

南山

退食簷楹敞耽吟帶緩閒

漢唐留赤籍周召正朱

顏藻觸魚波動林迷蝶翼

斑捲唯停暮雨疏翠接

峯杖杜流陰大修篁漏露

正居斗室民物並

春容

步武聯麟閣威儀得鳳毛

趨庭如擅美領郡不辭

同標

勢簿牘春都迅琴樽夜色

高踞之親令德冰玉世

琳瑯

契託乾坤始心期海岳長

撥紛能下榻謀道許連

牀畫棋觀佳構瑤函注夙

芳追隨漸授簡觸目盡

劉使君敬菴櫻桃束謝次杜韻

故國櫻桃四月紅鮮分使

舍出絲籠雕盤粒粒明

珠醉碧梳紫藥瑪瑙同曠

代賜新懷漢邸逢時春

薦冷朱宮朱林蠟顯叨佳

寶客傳餐慰轉蓬

贈神木司馬弟茂遠

遼海仙枝抱日強更逢司

馬羣芳輝輝霽景團

花夢靄靄溫風接雁行旌

羽以憐邊郡苦薜蘿相

對夏陰長稔知勞績推先

步擢遙分譜謀光

贈費司馬初度二首

入郡風華暢夙期春醅轉

眼到鳴鴈心如冰雪增

臨部賦得岡陵值介蒼掾

史不道屏燭靜琴書長

繞閣雲遲漢家司隸推清

紫陌黃圖迴未移

帶被風流漢署芬維南佳氣接氤氲黍禾將滿勾  
芒籍干羽初寧宿衛軍國大有年歡置酒堂多清  
畫劇論文鹽書頻勸宣邦教迢遞關河望不羣

東劉使君敬菴二首

抗節青門節序移登臨不倦費幽期舊京文物光  
浮几高枕松雲淡入帷畫榭杯深鳴鳥變珠簾春  
靜落花遲使君乘興忘家食賓客還空處士籬  
聞說長安義故多萬人同邸競謳歌黃金偶盡顏  
仍壯白壁長存志不磨旨酒嘉魚頻餉隱雄關古  
甸待鳴珂如圖遺愛呼宸極宦況清入渭水波

受祺堂詩卷五

七

雨中答子禎用來韻二首

得雨歡方會成霖意却迷蛟龍應飽食鳥雀未安  
栖川漲羣流遠雲深萬木低旅懷知不次無惜醉  
如泥

最是連朝溜偏愁獨夜聞琴書須暫帙枕簟必時  
薰地僻盤蔬減秋寒昨絮分泥塗違好晤咫尺悵  
離羣

苦雨再川前韻酬子禎二首

耐續中宵漏愁藏薄暮寬水流清不竭苔長綠含  
淒歲力寬輪輓人情厭鼓鼙村醪猶貴得何地可

相馬

急雨傾連屋諸峯捲入雲烟濤供老眼翰墨把清  
芬曝麥誰忘泛鄰砧爾最開幽期攀好月莫更灑

秋分

宋見苦雨鄙作更云元唱是夜雨再和二首

仍前韻

積雨夜燃藜幽人獨未栖洗兵淹微外流火濕天  
西注瀉明河落聲吹黑水迷倚牀增展轉鴻雁響  
遙隄

惱客無時住離居若更聞苦思東嶂月愁殺北山

受祺堂詩卷五

七

雲去燕留華拱飛螢點練裙翻疑神女賦不遣暮

霞暉

喜十四夜月得明字蕪字

苦雨纏旬朔良宵肯遂晴自看秋霧捲相對暮寒  
輕黍稷猶分歲關河始罷兵狂夫奇愛月况得故  
鄉明

散步幽襟爽臨觴宿病蘇先期光不闕永夜興難  
孤萬壑開青鏡千林入畫圖高蟾新濯好緩緩下  
平蕪

中秋夜積雨初晴對月限字二首同子禎作



臨陽大  
題

向晚微風住，衝垣皓月來。水林相際處，天地洞然開。  
素託孤亭影，明連萬古杯。浮楂如許借，直泛斗星迴。

露重融爲液，波明汎若潮。北山行處是，故廬之北爲顧山亦川明西極望中遙。浩蕩吞清漢，縱橫入麗譙。寒蟾思不隔，白兔坐堪招。

寄遲明府閣生

雨後長天一色澄，東原紫日奮朝升。兵銷胥史閑無事，歲稔閭閻慶有徵。秋露遠涵華黍碧，曉烟時

受祺堂詩卷五

五

帶玉琴凝躋堂，正值良辰酒繡轂。朱輪介路乘

寄懷觀察公二首

自賦離居二十年，嵐峯回首一蒼然。浮沉郡省官仍達，契濶江河使未傳。世亂橫戈陳俎豆，功高拂袖訪林泉。少微匡衡原相並，中夜頻窺紫氣纏。馬度青門迅若飛，車前綵服慶庭闈。一枝重傍東山重，千堞親凌北斗輝。玉帛克剛仍拜賜，冰霜載路且遲歸。還期春酒開佳節，笑頰椒花入漢畿。

寄劉令開明府時讀禮將歸

方岳嶺臨楚澤尊，妙年公子早承恩。苦辛鳬鳥還

飛去，迢遞開河有駿奔。別館清秋杯未冷，荒郊白日旆猶溫。自當遄起光勳閣，何地相過樹戟門。

題無異先生顧廬三首

有序

無異先生初輯是廬學易，其中因以顧之

顧先生至華下，借居之。先生既

歿，山翁收署，今名卒生見而哀之，且多山

翁之敦風好也，爲詩紀實云爾。

學易中年自結廬，衡門忽緊遠遊車。雙飛遂合延

津劍，萬卷同歸遜世書。逝水難留清漢老，名山忍

對白蓮疎。還因適館移新額，酒洒西州寓目初。

受祺堂詩卷五

六

江海英靈何處飄，入關曾此問漁樵。三峯客去秋

光冷，一榻亭間夜色遙。博愛滋收元禮御，幽棲翻

易伯通。喬榛苓遺恨無存歿，欲傍周原賦大招。

獨步空庭悼所思，悲歌永夜憶同時。武陵誰引千

年跡，姑射渾無一物疵。每爲松楸愁北嚮，爭教鴻

鴈戀南枝。潛居幸有王符在，夙契兼留趙壹詩。

趙子

煥翁觀察公暨黎恭人雙壽四十韻

地朔楊侯國，天開隴樹源。漢來稱貴姓，江表託忠

藩。暫伏潛居野，長征欲駕軒。倚蘭滋異服，列俎大



唐園閬閬堪遙問榮枯莫具言東枝光我李右徙  
並司根乃蔚興朝傑從瞻望族尊賢書登首善茂  
宰跨中原報最州圖啟臨邊戍障繁絳帷遙有出  
嵐谷迴無喧露沃巖城注風高健爾鷲好音推牧  
寺春色徧湖袁勁旅方凌泊兕渠久寄樊郡屏躬  
輓連驅事改寒喧竟覆星沙掌還摧蟻蠕魂敘庸  
初仗節連收總承恩白榮輝通賦滄洲閱課屯觀  
鄉三物比視學兩京論藻鑑渾隨幕澄輝數舉益  
頑譏遠使部俊及滿公門驟謫今難解浮雲古易  
杳浩然歸棹疾侵競柳永溫貴上虛顏仍綴埃不  
挂痕但懷遮去馬何術晚行幃結髮偕鳴瑟齊眉  
早佩葢相將躋令壽共得引清鐔况接金閨朗連  
徵玉樹蕃摩霄飛嶺鶴破浪起溟鯢舄影雙雙見  
花封袞袞存前盟叨夢想夙契許追奔壯歲遊河  
朔雄心腸塞垣吾宗真自秀彼美亦爭敦別關聞  
聲阻愁深寤抱煩知交乖聊息世路悚騰翻畏亂  
方辭微藏名僻入村尚期依杖履重幸把璫璠枕  
簾當時設松筠到處捫飲須窮夜漏眠不計朝職  
介爵恭逢子舍節樂庇孫昌齡臻耄耄錫祐冠乾  
坤

受祺堂詩卷五

七

筠菴自咸寧擢興安刺史喜賦長篇

仙李百萬葉結根通芳甸使君遼海枝敦敘帝京  
彥雙鳥辭彤雲舊都領赤縣鳴珂自東來到處觀  
者羨二十微有餘春華照顏面聰明表莊臨事事  
如宿練開輔古上游曩時方酣戰飛符競流羽候  
火聞擊電轉粟冥漠遙危厓倬頭艱難白玉粒  
頓致黃金賤將帥多內出王公着戎弁行臺叢會  
城走卒勢相煽貂首挿秦珠馬鞍裝楚瑗薛呼守  
宰門箕坐縱橫聘司牧首正陽接塵蒙佳選更番  
裴繼徒每唱諸屬先大義貌貅激歡聲塞壕徧憑  
收汚水波笑下銅梁箭卅府昨論功昇平初報宴  
課勞已兼人廉卓仍獨擅當泐畫角日且張珠琴  
倩雍容飲射修喜睹民風變綵筆久絕倫幽襟供  
高撰驅車過秦宮攬勝詢漢院逆旅義和居詞場  
賈董禪孤吟濁俗中曠代佳人見明發長縈懷在  
原固所戀推茲同氣情遂沐友子眷疇昔冀方遊  
浪隨蓬影轉仲分舞象勺精比純鈞鍊握別幾何  
時歌盈耳善堪嗟荷耒夫詔對明光殿歸養  
戴聖慈上書容狂狷平生錦帶交蕩析天涯傳  
託契許新知寒空飄弱線好竿乃鼓瑟秋至悲幽

受祺堂詩卷五

六



扇念此安艸茅躬耕寡攀援嚴殿理澈裴半救京  
朝膳吾弟來是邦惠存續有緣鍾期忽從遊瓦缶  
欣白（盛夏登齋閣西園正鬱蒨臣心披素絲亦  
不廢清讌憶立芙蓉池徐聞好鳥嚶淹留老徑菊  
返施霑霜霰幸遭字彗豁重施山川奠辛勤濟世  
才屢以循良薦翻訝嘉績垂未乘要衢便上庸權  
寒帷荒郡須手繕皓月挂離席晴霞瞻綺片江郊  
田最沃竊擬作屯佃

雪後子禎先生見東五詩適趙二子實至答

用元韻同舍弟

受祺堂詩卷五

十九

白鶴摩空影漸遙陽回霽景媚寒朝清分梅萼添  
新色素斂松林瀉後凋歌郢歛吹葭雪燦訪逵偏  
引澗風嬌十年高臥憐公等敢問乾坤玉燭調  
載洒霜天老自休飄零尉俊憶同遊尚餘枚叟文  
仍健深媿袁安臥未幽下榻地連明月迴披帷人  
向白雲求郊行與汝懷疇昔太乙峯開瀾水流

山在北

白馬將軍去朔關今兄嫺姚君初平原公子過東  
山壑冰凝傍仙島解門柳歡迎珮帶間無那飛花  
侵素髮漫愁浮蟻換朱顏晴暉自覺溫隨汝不放

輕車十日還

趙新解組

勝友栖遲野興深欣逢初雪綻長林爲園有仲耕  
相耦洗盞呼兒酒自斟時見老鴻舒凍爪更培慈  
竹庇春陰夜來雞黍還供客因歎茅容奉母心  
礪戶猶慙捧檄過吾親本亦慕烟蘿時方多難容  
偕隱客有知音足放歌望歲頻看六出好銜杯車  
喜一陽和鱗潛蠖伏原隨分莫訝鶴鶴託舊柯

代賀筠菴使君

出宰能高紫閣風寒帷忽擢漢川東幾年御李光  
尤渥多士依劉事畧同官路野禾明綠髮祖筵春

受祺堂詩卷五

二十

酒漾花驄灞橋何限初舒柳吾獨徘徊賦角弓

受祺堂詩卷之二十六

市南山六荆東李因篤子德著

寄紫庭明府兼書感懷六百字

青門交數子末俗抗深契明府最妙年慨然懷六  
藝謂子素心人商摧驪雅製正始無靡響鐘同厥  
論和是時適車方自東臺稅薄祿庇樵漁寒齋  
頻擁篲狂夫麋鹿羣脫畧取塗銳即使和鈴行恒  
於至性戾相知如公等越禮乃不計矧值斯文孤  
將扶吾道做出郊攜手來多得未央愁緬仰西漢  
風遙呼五陵帝悲哉賈董徒豈乏休明世尚耀丹

受祺堂詩卷三

可辭空嗟白骨瘞典酣恣歷覽關輔何迢遰奇嶽  
橫我襟大河近堪揭登臨費頗賒瑣屑情攸繫嗜  
古仁幽尋千秋一睨睨每驚新篇佳刪較野老緩  
包舉窮遂初冥接微雲際楊雄鄙雕蟲致遠殊恐  
泥長箋自業繻重聞誓男兒行所學風志在  
匡濟爲罕雖獨難聖門半諸弟紆迴過草堂飯客  
漸繼繼肝膈託齊盟久要期勿替潛居頭已白嬾  
臥輒多歲竹徑待君掃柴扉嘗晝閒離愁逐序移  
上惜通才帶尺鯉羈好音長鴻數凝睇 聖朝勤  
訪落六俗燭巖桂澗曲及豎儒溫文爲頒制撫躬

受祺堂詩卷三

非軍品寶忍自薇慈母悲桑榆晚聊寧可買哀  
涼字外臺展轉格中側銜卹弗獲已後塵追并前  
欣逢楊石官載把遊子袂北極地圖迴冬晨霜雪  
感却看褐衣裂旬朔庖廩繼客邸幸聯陌輕裝能  
見詣率成陟叱吟惟汝橫流涕莫動要衢憐徒煩  
良友說遂還舊歸身敢辱金馬砌干冒禁網危究  
蒙 天顏齊娛親傳詔許去國兼程逝掘別燕山  
存沿裝濯水漪生平抱微尚舉足疑夢謎從此祛  
遊聲避器脫輿轡家貧養或缺那必營甘脆負米  
違吾職蕭蕭傳雨設晚蕭蕭履易飛頓覺鳴琴逮岐  
下先王都杜松茂罕惠之官輓輪殷肆應勞績勵  
庶佐虎旅飽摧枯豺狼殪仍餘退食閒泚筆詩思  
慙思洽禮教修肅陳元公祭願言往從之汧渭艱  
鼓柝持贈竭忠誠走書當奉幣竭來騁詞場連旆  
敦魯衛宿昔肯相疎高歌瞻愷悌

冬自再如金州賦東使君弟五首

十月霜橫萬木稀賓鴻猶傍遠林飛寒花倍喜開  
同華去道仍憐就風暉野穗初登譙角晚村春漸  
好戍烟微南來辛苦聞邦教地節元嘉此振衣  
春雨城南憶唱騷夏雲山麓照征旗危湍近渡龍



龍窟側徑遙臨虎豹墀從別池塘無好夢漫愁江  
漢阻潛期良宵明月看如水更欲吹埴起和荒  
烈日南橋驛路長肩輿分給美中郎推梨讓棗情  
何限對酒聯吟夜未央劒自雙飛龍已合書能數  
至雁成行吾家載結關城紫不比西豪客宿光  
懷古虛聞蜀道難上庸山水鬱千盤高峰並帶溪  
聲苦峭壑孤留樹色殘恩洽友于人再至賦歌中  
澤郡初完冬春節候分南北暖律光隨一氣看  
下榻長安歲月深客幾太乙幾登臨沿河竹屋團  
朝景入部榮麻聚暮砧夙契猶存嘉樹傳殊方不

受祺堂詩卷五

三

爽在東心懷人東閣饒佳什秉燭高齋次第尋

喜驛騎兄舉第五子

隴樹扶疎託蔭雄仙源鄉國溯流同夢隨雨雪生  
春草時在使君第人傍雲霄數朔鴻忽照寸珠孤矢上  
長看雙璧畫圖中朝來摩頂知英物並振吾家奕  
葉風

題張都尉暘若畫竹

一日何堪少此君圖高西第接江濱寒虛雪牖還  
留月翠漾風簾自拂雲匣劒移來延鳳嘯爐煙近  
處結龍文管香更借如椽腕寫與丹楓玉樹分

題筠菴使君畫牡丹

水落冰寒照客心名花忽自啟春林渾憐並萼如  
兄弟獨出羣芳冠古今對酒色移霜葉重燒燈光  
接絳帷深白鵬赤雀皆殊絕鳴得雲霄振鷺音

東程總戎大功

伊維宗風曠世賢聖書親授武英前盟垂帶礪光  
虞野畫託麒麟表漢年自昔文昌推上將於今河  
鼓耀中天金沙碧草歡留客爛醉旗門日正妍  
除夕卽事用子積韻並答見柬三首

節早春先及年移夜尚存躬耕安隴畝坐嘯老柴

受祺堂詩卷五

四

門對雪融欄淨東風上座溫素居拋歲月高枕信  
乾坤

失學愁增歲藏身嬾近名但呼宗族老相對酒罇  
傾地穩滋萱葉天和走雁聲中宵陳俎豆俯仰百  
年情

自下扶風帳頻遷守歲杯寸陰功未已千里志難  
灰老傍蒼松直寒噓玉樹開不嫌供草具新詠發  
初雷

端午奉寄太守董公

郡閣春醪劒珮同渾忘節序中天中臨郊始訝登



華黍在野長懷賦角弓非社漸聞周雅舊河山重  
觀漢時風推恩京兆詢遺蹟行接 丹書灞水東

送暹明府奔赴東還四首

潘輿曾肇大家來陟屺仍憐首屢迴詎謂鶴鳴原  
上急翻悲菱草夢中摧論交關嶽分符地試宰兵  
戎濟世才自墮玆星違所恃攀轅無計萬人哀

泰藩典試歷秦疆徧採球琳及渭陽令叔駢公主  
已西試舅氏

田孝廉 水木千秋要共木芝蘭兩序亦同芳看山

不惜登臨費下榻何辭道路長此後岳蓮空載目

風流誰接令公香

受祺堂詩卷五

五

問君觸暑賦將歸淵下紆回訪釣磯濁酒深燈成

欵曲荒村陋巷有光輝城連園圃披襟晚野傍林

巖過客稀却笑爲農殷播穀尊前瑣屑話柴扉

淒淒懷抱數經旬欲唱驪歌阻去津驛障苦逢炎

夏景河山爲念遠遊人將圖後會茫難定轉恨臨

岐鬱未伸努力大襄應早畢重懸井牧待棠臣

送長源將令妹之京就婚石民部左函弟

西郊柳色照離卮觸目牽愁比亂絲賦出少陵憐

弟妹名如元叔勳京師徐行輦上塵埃裏慎保山

中霜雪萎却望軍都天咫尺先公古署接堯茨

喜金州使君

離合縈心忽判年朔風炎日雨蕭然一春花發懷

同氣千里鴻飛接並肩憂世祇宜巖谷隱避人翻

就大夫眠冰壺玉塵依清切雅勝池塘夢惠連

使至南州甫息兵遺田蒿目少人耕追陪江上揚

帆出忽復山中叱馭行未必賑饑違漢詔還勞爭

賦守齊盟密雲方待西郊雨樽酒更深只細傾

寄太守董公初度五首

鴻鈞初轉萬方平鳳 長瞻玉燭明閭閻早知連

北風流今復觀西京臨觴野抱瑤池秀捲幔秋

受祺堂詩卷五

六

束紫閣清座客從容歌既醉前除月傍綺筵生

兩關朝日數峰霞竹馬歡迎刺史車正值羽林兵

截路頻傾私帑義忘家論才已跨張京兆受冊裁

如鄧仲華時年廿四向花羣黎通野祝幽詩吹入郡園

餘

躬耕鼓腹自成吟澗戶遙聞尺素臨至止春風吹

緩帶棲遲夏木轉鳴禽傳餐屢沐談經邸時予寓  
書院

吐哺兼殷下榻心咫尺介眉違往約南山雲日望

中深

堂西佳構竹風勞卜築知君作用豪遂有潛夫陪



退食偏多公譙解征袍光分彩棟琴書滿翠接洲  
衆岫壑高此地崑林稱最近香膠更碧漢宮桃  
晴郊曾眺嶽門蓮擬卽軒帷展華筵曉露已生天  
似鏡流霞徐瀉酒如泉澄清盡攬三秋色鎮靜全  
牧雨漢年况喜循良新報最行開黃閣五雲邊

春日岐山詣茹明府紫庭感舊述懷賦近體

十首

清渭東流春色來彩雲飛處縣花開聖圖恭識岐  
豐地仙吏欣瞻屈宋才時見月明高士楊敢云星  
聚故人杯幽期直擬舒懷抱莫遣中宵戎角催

受祺堂詩卷美

七

浪跡門門涕淚班從君每一破愁顏狂呼憶醉藩  
亭酒總臥仍看郡舍山長許悲歌同漢苑更攜憑  
弔出秦關別來鳬舄勞方劇猶得平原十日閒

子即明府遊

夙昔啼鳥阻叫關摩空君亦滯潛鯁天高何路還

西野歲暮相憐賦北門久客衣裘長借質窮途雨

雪屢開樽寥寥緩急班荆意尚欲援琴仔細論

乞在金門明

陟岵秋原痛大招總惟何力撼風塵傳書已愧生  
爲重倒篋兼承玉帛遙竟使秘舍無關事因謀枋

柏有新條鮑山孤立空千古岐下分明峙碧霄

拜嘉川  
與母事

退食驅車託興深卷阿津谷幾登臨徘徊俎豆還  
周召寂寞宮商自古今采采榛苓成獨步洋洋南  
雅見遺音朱 有客塵封久激發爰生老驥心

賜復民田漢詔同美人辛苦慰哀鴻殘疆鐵騎凋  
戈後孔道兩關隴樹中曲轉蒿萊通帝力徐修禮

樂逮王風循良舊在麒麟上不用旁占渭水熊

因於荒田明  
府力請得歸

近築宮墻數仞齊還營講肆戟門西他年間里充

受祺堂詩卷美

八

羔雁盡日風雪散鼓華水傍橫渠羣淵小山登太  
白萬峰低曠懷遙接文公廟周魯淵源望不迷

洋宮制朝陽書院修  
周公廟皆不賦民

爲政風流兩漢看好音迢遞滿長安草蟲人部留

幽社雷雨舍靈避灌壇散帙焚香遲日靜銜杯說

劒一燈寒濟時台斗須名德可但光輝解身冠

招隱花階薜荔長二賢幽谷領羣芳

謂無異雪生  
木雨先生

材天地資棲託薄俗河山起混茫易去朱霞恒照

坐難招黃鵠到成行信陵名冠諸侯早巖穴同留

史冊光



七載 歌好會稀春星欵帶菱荷衣公私多故才  
名聞出處難論心事連夜半羽書懷授簡天邊陽  
驚憶追飛白頭奔走無寧歲夙契從君暫息機  
仲默以秋興貽獻吉索和空同初得秋懷六首  
書冊報之今在池陽薛爾至家與見本不同龍  
池放泊一篇並易其韻而詩亦不逮遠甚古人  
所以言詩不厭改也予才遜北地若明府生平  
勁敵居然信陽知己之深如佳人難再得不覺  
遂盈篇什

岐山公廨喜晤二兄雪木處士却送歸山

受祺堂詩卷五

九

鳳鳥久不至孤雲將安集風吹大澤凍歲暮蛟龍  
蟄有美吾宗老塵埃乃獨立涉旬能幾餐顏色轉  
熠熠至性既嗜飲家貧何繇給濁醪或在手乘興  
留篇什居處一委巷艸堂裁容笠幽輝踰千仞緬  
仰絕等級翻訝龐德公苦辭謝州邑亦嘗開柴門  
羔雁未敢入春日滿卷阿採苓來北隰班荆周道  
旁笑解鹿皮裙良幸託素心接塵傾交執謂紫庭明府  
數椽欣別構花樹照初葦寒雨忽數作積陰晴復  
翕舊年因秋霖謀稼方苦濕况屬用武後征輪無  
時戢荷鋤倘失次何以安樵汲際此剖符彥寧忘

貽夕粒哀鴻浩盈途撫事情快悒縞帶蒙風歡白  
駒頗告繁狂歌瀉其真縱酒如故習隨意披畫圖  
燒燈展書囊峩峩望太白已覺通呼吸山谷始  
泮歸山鶯猶遊前期且茫然曉發嗟底急經過五  
丈原駐車稍沿襲甚勞諸葛公殘局相綴緝萬古  
瞻遺祠英雄爲嘔泣更懷梁父吟高唱許誰及

過開美大弟宅

出郊阻積雨初日憐西莊淑氣中宕濞羣花已吐  
芳眷言過宿好十載同翱翔迴首戎馬際坐愁鬢  
毛蒼昔來尚彷彿嬌女裁扶牀忽復拜簾下肩隨  
如母長閨子遭大憂總素久嚴妝感此骨肉情咨  
嗟使心傷高雲照原野薄俗生激昂况乃屢移榻  
居恒覘考祥丈夫重至性恭視其所將竭意奉寡  
姊推恩維天常當年避世亂卜築於岐陽嗜學資  
緩帶躬耕及方剛雞鳴率先起盟櫛或未遑秉燭  
課僕妾荷鋤兼承筐早知獲賢偶偕隱名益彰推  
布親舉案鹿車賦采桑菽麻豐報種榆柳漸成行  
比屋盡力作淳風遊藝皇塙東喜新構用朴厨外  
防臨砌看蔚趾數竿寫琳瑯黃鸝輒窺戶紫燕紛  
在梁壁壘榮前席披圖皆有章地幽春樹合軒蓋

受祺堂詩卷五

十



慘相望賓豆煩累設濁醪達星光與君爲昆弟計  
齒亦略當蹉跌老仍困撫塵撓我腸平生苦習嬾  
失志多遺忘龍畝半蕪沒奚論三徑荒虛聲負白  
髮內省迷行藏覲面從執友中宵獨沾裳黍離尋  
舊址懷古色茫茫攜步橫水左府同有如明放歌  
棄泉旁昭既不恆懷歸斯堂還憶別經時寓  
書盈客囊君才凌山嶽抗跡寒雪霜藉草延霽景  
援琴發清商喧寒頗外序雪頻垂芒願且易潛  
德修名何足減

曹太守澹齋招同開美謝青遊東湖請賦古

受祺堂詩卷五

士

體時公子冲谷在坐

東湖築何代乃在城一隅發興自賢者遂開林壑  
殊端明參佐始束帶府中趨豈乏濟川略幽尋無  
日無惜哉多壘後人境懸榮枯跼步不得敘滔滔  
如是夫使君石渠俊棠蔭延舊都蕩滌盡有道滄  
洲情難孤春飈吹碧水退食擁冰壺信宿洗讌豆  
憑流張清厨鳳凰下九初飛止將其雛更與徐阮  
輩高吟西園俱從公拜祠宇感激心已輪忽起瞻  
彼美誰能別眉鬚澄波環曲榭點綴托良模咏鳥  
皆自得遊魚亦可呼上勞移雪藕親種雜菰蒲

下過遠岸跨津俯交鄰却看所坐閣縹緲凌天吳  
隨意寫佳醞嘯歌忘日晡始焉值黯慘溟漲含平  
蕪返照開鎮嶽濤光變須臾湖陰有古竹接跡增  
良吁神契付來哲暮雲爲踟躕空庭詢昔構墨浪  
遠金鋪祠亭多太守與轉誦喜雨作依然周名徒  
憂民尚年少冗散羈大儒往事但慷慨斯遊慚並  
驅瞻懷觀逝者桑海亦屢徂努力崇令德臨淵叶  
圖

秦臺古意兼懷茹明府

新年門逐荆川開弄玉吹簫舊有臺一曲自凌霄

受祺堂詩卷五

士

漢去三峰曾引鳳凰來雲移別館秋長闌月滿空  
山夜不迴逝水無情仙珮杳聞笙却想故人才  
弄玉事未載正史然自漢以來相承用之其人  
詩賦者不可殫述而說部至詫其神詭誕不經  
如唐人沈亞之之類謬相附會惑世誣民甚矣  
新年官自在雍地而秦川乃有秦臺遺基指其  
地以實之不知穆公之代遷岐已久也請更質  
之明府

東湖拜蘇端明公祠有感呈茹明府

學士風流遺愛長東湖春色正蒼蒼脩然帶絨瞻

生而不盡煙波遠故坊絕岸平臨天倒出層軒只  
在水中央秦臺漢時知誰是名樹蘇亭萬古光  
村在岐山  
疑卽卽亭

始岐山爲喜雨亭詩愛而和之仍樹字韻元

亭在  
東湖

淡淡湖中水青青湖上樹我我哲人祠袞袞東門  
路杲杲初出口盈盈公府步四十朝大夫三十專  
城據二十爲參佐乃當岐周故甫田已及時春雨  
方布濩適會吾亭成佳名遂相付遺文將千載風  
流杳何處平生滄洲情老得農圃趣沮溺信所希  
夷齊何足慕伊人驅車來駐景幾沿溯取酒斟酌  
之縱橫數有賦躊躇不得留信宿自茲去但去勿  
復道努力建功祚

東湖行和茹岐山用元韻

雍縣城下東風起可憐春光湖光裏一片綠波剪  
不得青冥似出我眉底昔公通籍僉此州三十不  
足二十比省野恰與甘雨會民憂亦憂喜亦喜翼  
然亭子湖之濱佳事佳文足並紀彩筆澄湖互照  
漾橋花渚燕增徙倚我來湖邊謁古祠春色秀發  
眉眉美周悵幾尋芳草外溯洄惟見碧流水數番

竹溪傾春醅還向林壑採石髓滄海桑田七百載  
是湖是亭雄西鄙若爲霖雨自有時清廟明堂紛  
如綺春吐煙濤滿宇宙波瀾乃自東湖始君不見  
韓王初卽生春霜中丞秋臺復茫茫過客含情遊  
湖山伊人宛在水一方

又見茹岐山近體似學王孟興之所至輒復  
擬之用元韻二首

嗟爾明光客卑棲佐吏班勞勞對春雨一爲荒愁  
顏嫩艸芳湖上高亭古木閒斯人不可作遺興與  
跡攀

受祺堂詩卷五

古

夫子少年日風流儼在茲祠在亭上  
有蘇公像水間雲起處  
花暖燕來時此地空千載銜杯慰所思岐侯亦青  
鬚彩筆照荒祠

載賦二章卽事贈岐山

載酒蘓祠曲東湖春水輕忽觀新雨賦因得古人  
情憂樂付公等耕耘安此生不知堤柳岸黃鳥爲  
誰鳴

還如蘇學士屈跡不辭喧佳興起東作沛然春澤  
繁臨觴醉往哲相與唱高言予亦有喜色枯樺舒  
清園



再用前韻賦喜雨亭兼呈明府二首

東郊帶雨色肥酒孤亭間窈窕坐中水欵我湖外  
山暮雲出返照游泳鳬鷗閒羨爾芳朝作春花未  
可攀

猶憐亭畔柳嬈嬈長條垂一縷遊人怨東風日夜  
吹我來雨雪後惟野何離離綠盡舊芳草王孫知  
未知

喜雨亭排體四十韻和茹明府用元韻

老去西京客春來右輔天探幽猶未已好古獨蒼  
然昨日乘佳興潛期出近廛方遵周漢郭忽到水

受祺堂詩卷五

五

雲邊太守攜高侶東湖敞霽筵臨漠瞻洞俯檻  
弄潺湲燕宇差垂接鸞啼劇可憐踟躕遲命酒整  
攝並隨肩禮肅芳亭外心輪道貌前千秋遙灑淚  
四座競依賢憶爾初橫綬於斯乃具員奈何霖雨  
佐翻與帝王懸隴俗愁無麥爾詩重有年祀雲農  
易繁星鳥序難愆敢諉班僚分真提變理偏風雷  
紛效物霖霖沾盈阡作牧渾勞止吾民各勉旃揮  
鋤融曉露播穀啓平田偶際丹穰畢欣彰勸棟寒  
英姿凭在牖絕構把如椽細想靈臺事長吟比並  
篇此文雄嶽瀆他日奮嵩瀍龍吟人孤處炎荒跡

屢遷終侯非不貴公官訖請郡得惟先歎息風流

隔蕭條勸解連鯨魚寧再起蛺蝶互爭妍託賦情

誰盡淹棲屐欲穿朝陽懷下榻杜口迅歸鸞夙契

違中野良辰安醉眠交親仍取晤坐嘯各隨緣與

家雪木二兄王司馬周輔表弟子威欵復接細篋

舍弟子實門人杜雲柯重聚齊間聲光耀彩箋浪驅巫峽倒嵐駕蜀峩巖瓦缶應知

廢鱗鬚詎忘茶將廢緱氏曲數斂伯牙郡國多

憂情乾坤尚舉煙雕蟲誠瑣細展驥待騰鶩甚愛

花成織徒空酒似泉旅禽高臥改明月幾回圓往

哲頻追溯新歌已授鶴詞場同逐鹿讓着祖生鞭

受祺堂詩卷五

六

春懷八首并序

紫庭明府問何不作拗體因賦春懷八篇

續悲秋先後十六章并呈明府

太原城西古晉祠叢柏半作虬龍枝魚多不驕晉

名湧數穴水故平曲流千巖石洞舒暢臥便穩松

莊老人來何時安能終日坐巖下醉弄白雲閒賦

詩祠內多傳公

朝那五原百餘里有客初客陳穎川繁絲急管夜

佐酒碧艸金沙春張筵悵望從君如隔世飄零况

我非少年流水高山一再鼓撫琴淚下悲流泉陳



使君

秦郡作客攜江仲笑呼臺門詩興新奕棋每憐謝  
安石開樽寧屈劉道民渭水無處可垂釣仇池幾  
時來問津惆悵同谷正憶汝日隨徂公如公貧

行臺

上谷曾在即峰下高齋忽寒易水陰荆卿西去竟  
多事鄭叟北來空好音雨雪關山明霞裏封胡還  
末玉樹林重來大夫不可作看桀新隴柏森森  
子弟皆從之遊

歷下東湖青洲歷山北望白雪樓深知鄒子繁

受祺堂詩卷五

七

非罪

時

敢謂魯連排衆謀欲陟岱宗俟他日

將觀滄海難久留安期嗟汝去不返玉帛至今空

悠悠

金城刺史之雲中

謂傅應

邂逅逢之代邸東九龍

琉璃尚奇絕三市高臺如轉蓬少婦解調鸚鵡語

仙人曾叱驂駟風亂深世隔不可問搔首踟躕思

悲翁

獻陵司香年八十聞我抗疏賦歸與扶筇顧顧忽

重訪脫粟艱難良借居相看流涕橫而頰却問比

鄰多丘墟詰朝送汝還山去吾亦從茲返故廬

初太

河南鞏縣有廢宅杜山老翁相傳聞中原橫據伊  
雒水萬古高臺首陽雲

陳元微之撰作公遺蹟至

今傾宇宙瞻懷吾輩揖清芬吾非斯人更誰與下

馬嘶酒愁紛紛

喜晤劉博士淑止即事四首

少壯論文涇渭濱中間契濶迴風塵偶投朋好來  
他邑兼謫心則接故人雪帶晴嵐看轉麗花明餅  
室坐同春風歡傾蓋敦雞黍相對鱣堂霽色新  
才子艱辛就一廬空吾道與悠然幾時天祿徵

受祺堂詩卷五

七

劉向攜手濠梁得鄭虔留客芳朝初剪韭避人高

枕自鳴風流賴有河陽牧月朔常貽貰酒錢

庭明

頭白狂夫萬事慵倦遊司馬過臨巾羈懷緩問周

原月散步頻移泮水枯自采芹香添飯脆還浮濁

酒寫杯濃徵蘭瑣肩頰公等莫笑花晨履齒重

玉樹雙雙倚謝庭潛修君足老傳經人才並育元

公里吏隱潭看處士星風好徘徊忘落日雄心寂

歷付流萍同朝卿相多年少注目排雲起健翎

文姬

并序



李空同詠十六夜月附記云兒時有清輪  
桂闕一分影寒落江門千尺潮之句惜其  
全詩不尋余向有文姬詩恨末聯不稱後  
在雁門舉少年之作盡燒之陳使君  
爭不能得其中非無可存者存者徒亂  
人意春夜偶向茹明府道之附錄今本易  
其結語然中間亦稍改

文姬本是名家子展轉遙經大漠陰萬里春風吹  
過雁中宵笳管入鳴琴燕支慘慘還香色車馬遲  
遲去寒心倘中明妃上青塚躊躇爲我一沾襟

受祺堂詩卷美

九

雁字八章

閱逢執徐之歲客雁門陳使君祺公先生  
所與石生子禎諸君拈雁字詩劉得二篇  
云何處流音過塞壕憑空一一託風騷排  
雲朋翅依秋律入卦臣儀翼遠舉萬里衝  
蘆釵脚冷長林帶雨漏痕高年來已能揮  
鉛興輪却雕蟲任羽毛又歷盡瀟湘與洞  
庭鴻文無範自垂矚方圖畫笏留奔象已  
覺凭欄失陸星賓至無家成水注歸來有  
路按山經最憐南北風塵裏不爽春秋獨

健翎當時推爲第一以其句句先說雁帶  
出字意不似諸賢接用六書掌故強附羽  
毛也夜集偶向茹明府述之追錄之餘自  
歎不及雖更二十稔調高和寡依依如昨  
散後得枕溯流思之尚有鬱然我心者但  
爲君故沈吟至今因賦新篇並呈明府  
萬里春暉照彩毫日歸心緒不辭勞隨陽自識  
依丹障漸陸猶思揮碧濤羣起天邊遺跡遠影  
吹江岸印沙高迴頭想到西京日拂翼摩雲亦有  
曹

受祺堂詩卷美

十

六翮橫披碧落東二儀初判啓鴻蒙迢迢接翅垂  
科斗漠漠成章章草蟲北嚮關山工轉歷南飛汝  
漢受爲風却疑淳古翻多事還藉圖書作聖功  
滄海飛來正練邊碧空明滅見雲煙乾坤慘澹研  
霜至雨雪縱橫灑翰連衍飲有言初起日哀鳴會  
紀肇興年學書人老類雙翼仗爾文明篆九天  
東壁高翔垂露流暮雲明月兩悠悠指揮空濶渾  
如意褰翥蒼茫太劇愁萬古青霄搏赤爪三秋白  
羽帶銀鈎鴻都門下人非故肯縱光華處士樓  
天際徘徊春色寒疾飛斜掠有波瀾爲儀星日蹤

猶在梁翰滄溟露未乾毫素不隨人代易樵漁時  
傍海山看世無許慎明高簫六畫孤鸞欲就難  
澤畔行吟歲月長齊飛霞表陣雲張刷毛排蕩風  
爲勢懸象分明畫有芒卑電驅雷驚急就攀霄漢  
日儼分行翛然遺則同今古物采輝輝久擅場  
興到援琴無翠峨周原目送旅羣過幾迴命匹陰  
相並何處傷春跡最多振穎陽秋留節序舒翎光  
飲在山河乘鳧跨鶴欣同調謂明爲對青鸞一放  
歌

接踵遺經託素臣潛脩羽翼對長新江蘆銜去青

受祺堂詩卷三

主

藜上石液調來紫塞賀貽海已超龐氏劫尋源應  
記武陵春似憐三匝塵埃裏披示東西南北人

受祺堂詩卷之二十七

中南山人荆東李因篤子德著

聞黃鸝同處士兄賦兼呈茹明府五首

粉樹花階白日遲綠窓碧樹叫黃鸝勞勞送到春  
閨夢切切聽來止水涯

故國煙光萬事垂新愁宛轉數聲諸自從杜宇傷  
春去啼破人間烈士懷

白髮羈人老據梧金衣公子過相呼愁聞風絕千  
年響說到鳥生一語無

曉曉東風曉樹林晴簾好舌和鳴琴沿郊喚起扶

受祺堂詩卷三

一

犁千布穀周原次第吟

昨日春歸夏木清佳晨忽已報遷鶯渾同野鴿呈  
顏轉正與仙鳧應候鳴

茹明府築朝陽書院置膳田伏日枉車馬見

迎集諸子會講又日治具館穀來者賦詩

美之

鳳鳥何年至斯文自此昉朝陽詢盛跡所歷久榛  
莽吾友河內君曠懷信陵倣銅符照青鬢玉樹時  
競仰蕞爾卽殘邑宗周之故壤王風委兵戈况乃  
疆理爽責賦惟子黎多時乏完帑土方嗟半菽奚



暇有吹獎憶昨陳哀鴻其辭亦數上究叨 聖主  
恩欣植蠲租勝膏雨叶嘉應力耕春漸廣瘠田爲  
樂郊歸者盡攜襁關學思再觀孔堂忽移曩聿聞

歌聲丕及駿發象謀始崇俎豆築宮度尋丈東  
瞻壁水側而勢爰相仿特祀張誠公牲筵肅奉享  
受塵皆俊民臺廩繼吾黨回首碣石雲慨然垂遐  
想誰將領賓客郭隗宜就養朝庀輿馬出夕專隸  
徒往瑤華走空谷儷語排沆泮僻處泥濶深榮阿  
日初朗寒階驚庭實筐幣色互見賤子嘗少年狂  
吟恣飄蕩征途劔生塵却復親几杖自託紵衣交

受祺堂詩卷七

三

頻開涇渭渠與津或遙探奇義披共賞身隱昧焉  
文盜名牽世網悠悠黃鵠飛詎識魯門饗抗疏蒙  
天慈衰顏庶獲仗去秋降凶災肌骨纏愴怆拜甸  
起報謁策筇行猶強惟君敦末契下榻庇疎放六  
藝靡弗窺兼才凌篠蕩盱衡當代事洞若指諸掌  
舒簡多新篇對之每技癢遂施蜚臂微侵假大車  
輞炎景燦旅陌疾驅渾勞攘還家未煖席載見高  
霞枉珍重展尺素好音遙承懷男兒貴意氣古道  
洵無兩拜命于講筵前除開軒敞憲公公與郡  
伯曹太忘分臨書幌西漢尊經術鉅儒樂做儼彰

茫非凡質鐘律絕細習勇魏撤舉比勤如謀歲穰  
憑君迴河源宿陋資滌盪頭白守遺緒倦遊甘息  
孰卷阿借一枝老得充山長

謁周公廟卽事兼柬茹明府

岐下周公邑傍山得古廟望之似箕掌南面開闢  
與公昔爲上宰六官領其要抱王倚楓宸於此瞻  
玉貌道左勒片石卷阿人相告出林寫餘輝威風  
嘗震耀遺壁數仞下未知何年造篆荒繡作泥苔  
雨迷清眺老樹漢唐物時聞龍虎嘯勁鷲蕩虛巖  
空際吹萬竅秋日纏太陰累句斂殘照忽疑金滕

受祺堂詩卷七

三

啓紛沓雷電燎賢聖世相須廢興難一較曠懷攬  
遐舉流俗寧足道明府抗殊姿率酉年正少憂民  
如赤子潔已凜冰操綏渙羽書中訖蒙寬大詔慨  
焉秩無文殷祀嚴祝報保介重元公高明神所勞  
嶠壁茨蔭忽睹丹雘喜同効燕雀安榆枋雲霄轉  
致笑摩天大翮飛詎可尋常料有士亦承學關河  
叨風好論詩分授簡尚憶髮初燥久客信平原追  
陪淹朔徼長途呼仍炊進食每竟深夢想托周原  
吾衰嗟始到印須恃德音雅興酬憑弔斯構闢雄



通半峰連巨壑先公暨先妣上殿時通燕展謁臨  
袞衣紆回陟幽階舉簾身已肅伏地首頻頽制作  
留畫粉吳生擅羣妙雕牆雖漸頽絲筆那能做嵐  
翠入虛簷水聲流席隄移時心目清不遣酒杯耗  
幽末附公詩雒中刊公誥舊都庇湯沐先後歌枯  
骨

七月二日謁周公廟兼承茹明府攜具同劉

廣文淑止遊飲竟日賦詩十篇

周道栖遲夏日深上公祠宇仗招尋邑鄉伏臘渾  
如故天地文明已至今遂有清風來大陸依然古

受祺堂詩卷七

四

木被長陰將閣階下充司掃自託卷阿羽翮林

頭白猶傳故國經所思初得慰榛苓肅瞻珪璧風

雷貌真在衣裳袞繡庭岳峙川流延野色雲飛日

霽敞秋漢指南儻許頻來此應示遺書古竹青

冕服光輝識聖顏高原古壑共躋攀樹因負屨垂

紅寶髮羅樹數泉近凝旒噴碧山潤德泉諸子推

恩萃后裏公六子封二公陪祀兩楹間太公召公

為聞遺事探幽去轉滌塵襟竟日間

上祀先公最上頭后稷廟在其上當年制作本

辰猷有邵一氣蕃禾黍零雨千村散馬牛俎豆欣

看湯沐邑懷題直壓帝王州歌斷吹簫吾儕事七  
月天清大火流

南面姜嫄姜嫄廟在廟開北任姒並侍母儀任姒亦悠哉

同半實定三朝禮合井祀樂禮起奕葉爰生萬古

才中殿松杉影合漢上辛簋簠遠高禩東偏有登

臨日午頻忘倦爽氣遙分翠嶽來

百里新陽步屨連新陽宮宮西晤對此林泉公猶

惜笏端章甫世有橫戈朔几筵封邑竟符王國號

公賜國號周次子承之易名遙並考文傳公謚丹青省展吳

生壁畫壁相傳秀柏蒼楸不記年

受祺堂詩卷七

五

莫謂詩亡六義疎西來大雅接庭除懷音鳥雀啼

皆好照席雲霞畫未如漱玉水聲明吐握張箕山

勢攬耕鋤駿奔迴首悲年往歎息生民亦有初

倚樹開筵坐嘯同班荆酌酒送歸鴻陰陰地潤偏

宜樹緲緲簷虛忽受風簫室尋常求故隴公葬畢

周南却復拜遺宮自依元聖心猶肅雖把醇醪不

易空

茂宰驅車逸興饒探奇懷古及漁樵疆無曠事冬

官舉野有新宮曉望遙初補梓材瞻赤鳥更留丹

獲漾青霄西輝尚照前期重太白吳山嶺見招



柱下遺臣感聖慈  
沿儒術守東菑  
漢唐幾輔  
堦盡周魯宗風尚在茲  
文物永懷分陝日  
德輝親炙過宮時  
幸叨鞭弭隨良友  
風雨還應繫夢思

五丈原懷諸葛忠武公同茹明府作

諸葛昔秉鉞  
傍原爲行營  
指揮立漢幟  
東望長安城  
神運鞭木石  
尚聞紂孤征  
畫疆示持久  
叢未臨維耕  
父老激其義  
安居半靡爭  
巨奸終悚匿  
巾幗襁餘生  
三輔皆跣踵  
大功已垂成  
星沈事忽變  
故壘空縱橫  
渭水懸厓下  
崩湍日夜鳴  
搗來秋始肅  
高樹有悲聲  
緬仰歷千載  
淒然沾我纓  
至今駐車

受祺堂詩卷七

六

處風日相與清  
岐尹潛蕩客撫茲  
尤心傾中宵  
遂折東畫無揚  
虛明遺像偉  
帶紱侍祠環  
羣英掌中舊羽扇  
冰雪騰前楹  
搔首吟梁甫  
暮雲鬱崢嶸  
戰圖開遠眺  
村酒入班荆  
絕岸俯深谷  
須臾嘗數更  
此人不易遺  
懷古披同情

早秋五丈原謁諸葛忠武公廟承茹明府陪

往同劉叔止廣文汪開美太學張簡修文

學懷古八首

地在岐山界內

憑弔遺祠託乘遊  
臥龍龍臥已千秋  
遙馳絕壑衝炎景  
忽望高原起暮愁  
松柏自吟丹障外  
鳳皇空

叫碧山頭平居掩卷悲時數  
指點行營涕泗流  
星落天空里尚存  
有落星里  
誓師原上想雲屯  
徐興禮樂封梁父  
久駐樵耕控益門  
益門鎮公所置  
羽扇潛揮南向淚  
雲山長守北征魂  
沙明草偃今猶昨  
彷彿迴車有舊痕

獎率前軍指舊都  
遲回大壘坐盤弧  
酬恩遂奪三分計  
却敵還高八陣圖  
天限西南那老蜀  
地懸江海正愁吳  
至今殘戍荒陴上  
時立秋風夜月孤  
何處浮雲遶砌亭  
往時歸旆此含靈  
繫才宗社腸逾熱  
流涕關河目未瞑  
秦塞落霞多暮紫  
漢陵秋

受祺堂詩卷七

七

色爲誰青三垣列宿哀長夜  
萬古難尋此一星  
北伐孱羸野望深  
西風拂面淚沾襟  
寒來已徹臨戎骨  
疾亟猶憐討賊心  
遺廟丹青長好在  
故山樵牧不相侵  
渭流東去山傾左  
傳檄翻成曳杖吟  
壁壓旗門剗賊壕  
經年丞相獨憂勞  
懸軍已落長安膽  
障海寧迴逝水  
濤競許莘耕連釣曲  
誰爲天問續  
離騷淒涼白日登臨處  
古蹟猶瞻萬仞高  
王業悠然出處津  
鞠躬茶瘁一傷神  
退耕虛負明農意  
饑溺難留嘔血身  
世異蒸嘗憑地主  
時清寤寐接天人  
岐侯曠職超當代  
百里何慙社稷臣



太白秋開落照空晴一萬里對孤鴻初書歲月存  
遺障霜露乾坤入轉蓬草木猶垂雲鳥跡衣裳不  
改卦圖風我來沾灑頓搔首西蜀南陽寄興同

寓朝陽書院奉答曹鳳翔澹齋用來韻

舊歲積炎蒸徂秋良未已吾親久扶牀欲出艱步  
履七月日既望庭陰初東徙冥然降大災發宿垂  
天紀小子夙叢愆偷存空忍恥百身奚足贖含襃  
莫爲理救禍感數公扶風先投七傳書瀾曲深忽  
叫哀鳥起回首樹荒阡使來修薦簋冬殘猶缺報  
撫事淚盈几頃者登郡門當途露麻桌逡巡瞻外

受祺堂詩卷七

八

屏不敢輒移跬溫語延客人採蔬撥春蔬作羹滿  
案碧香稻沾唇滯徐指膏懸楊掃除信有以圖書  
光接席待汝息塵軌神曠鳴好駒鳳毛照牕綺塞  
帷出近篇四座皆披靡留客值花朝雨晴風亦喜  
蘇湖託盛緣迅欲追鞭弭燒茗石泉旁摘鮮修竹  
裏古亭驚新構祠屋幸不圯聞政似端明乃心澄  
於水輕機上鬚髯俯仰差得擬授簡及已人狂愚  
寧自揆頽波逐逝川汎濫知焉底兼與雄俊遊玷  
壇盡高壘鳴鳴擊缶徒細響何勞侈南雅懷舊邦  
隴西規諸李狀夫爲雕蟲頭白更可鄙公若謝宣

戚愛才多溢美志其醜且賤遽取清商比純易貽  
佳什綠荷正紛委殷勤假館情再走滄池鯉沿溯  
來公部幾番曳敝屣久要敦前期清蔭固所倚無  
那遶墓兒遠征違慈妣松楸愁遂疎練設况臨畧  
伏枕淹陝旬長暉灼如燬羈懷鬱難伸矯首吟葛  
藟

伏日應茹明府召下榻朝陽書院承曹公子

冲谷見貽新篇川來韻奉答三百二十字

岐下周故都溯源盛文軌象爰追羲皇風雅自此  
起王澤一板蕩浩流紛同靡二千餘禩來潛發橫

受祺堂詩卷七

九

渠水前代尊經術表章肅聖凡將窺洙泗涯並抗  
雒閩壘渺渺鵝湖波長川忽决徙據高如建瓴天  
下莫能理文簡呂仲木與光祿馬伯循孤鳴無所  
倚是時稱關學純粹世罕比吾道判興衰羽書方  
數侈空悲期會繁坐歎景行毀邦伯攬俊人部花  
欣延跼朝陽賢明府奉教固有以筐篋匪攸好振  
衣秦漢裏崇垣闢采苓萬古懷西美郭隗遊碣石  
詢端先其委幽居憫無鹽刻畫良更鄙公子吐雄  
吟片雲看自喜施聲於壘曠卽事懼失擬少賤騁  
詞場頭毛哀白臬晨颺吹縕袍宦轍久納履既之



封侯軒裳詎足紀炎霜纏客途况乃暮安底執  
戟老匹夫庖言猶知恥男兒撫生平弱翰寧遂已  
驚代接逸才後塵承鞭弭芙蓉放曉暉好句餐芳  
菲結旦下飛鴻中霄來尺鯉鄴園展舊賓公譙將  
重庇宜聖護人短不為流俗累陽春和之難太息  
鳴綠綺

蕭溜和王司馬周輔兼呈紫庭明府用來韻  
春風吹雨雪急溜寫黃昏霽色微寒牖愁聲早閉  
門數迷漁角亂難安客牀溫癸酉庚辰日悠悠未  
足論春秋二日紀陰陽之變

受祺堂詩卷五

十

存歿口號一百一首有序

存歿口號始於杜陵往華池溫徵君擬之  
至三十首予苦居多感乃及故人積日所  
為遂三倍溫之數口占率爾不更詮次况  
與諸公託分既深散在四方或竟委塵土  
愛而不見情有餘悲冀後世有聞焉依左  
氏傳已歿者稱諱

吐頰恩孤淚不乾先外祖高士封題義重壓彈冠  
大司寇魏公象樞前以無才白首慚江總江少  
史大夫為子密疏願歸無才白首慚江總  
於外注目養生起謝安

國士蒙知慟翼城崔參藩公諱允升初貧交舉火  
待司兵郡太守公諱為絮雞千里違趨次楊柳三  
春阻送行

三吳柏柏鎖新墳二曲川原杳暮雲

龍臥傷心愁歲暮雁行回首惜離羣

譙國詩人醉碧藤曹公諱穎川賓客散春冰

難教杜甫酬嚴武轉使侯羸哭信陵

龔公吐握間黃泉少宰才名冠白蓮

鵲鳳空沾多士袂鶴鶴賴有若人賢

格莊長捲蹈東濤太原諱華下欣傳晚節高

受祺堂詩卷五

十一

王徵君白馬橫汾終有日黃花入獄不辭勞

高士風流谷口同厚化宋隱孝廉門巷鳥啼空武

蕭騷世外忽乎叟歎息人間亡是公讀

相國留醺春草芳宋長洲相宗臣已失令公香高

猶聞置邸如東閣獨惜離筵是北邙

司李吾家吐長虹家涇陽五憲僉戚黨瘞孤桐

朱門竿好休彈瑟冥路錢輕免送窮

橫渠澤畔問吾宗家鄆縣處少保橋西迴暮鐘三



遺教君諱自如恭毅公季子恭古訓時翻流水在

教創石梁微君嘗飲客於此

惠連醉態近如何家肇慶弟彥珙公子雄吟逐逝波張鎮公

九苞先生家子司馬書劄幾番來海嶠夢魂無路到滄

沱

肥水西來起漢京許學憲公孫基大原南國怨江蘅王伯公

自開三物明光殿誰挽孤槎楚望城

廷尉詞名接子衿張大理公雲翼率更中外憶浮沈詹事府正

京兆傳家惟孝友房京尹公廷禎大叅資志有悲吟朱參政公

受祺堂詩卷五

三

非愁別後稀江鯉却恨當年寄酒箴朱吟飲子每痛

侍御雙蓬落宦楂米直指裏司勳五世弔通家王勣勳公諱九

有世講前期轉隔粉榆酒子舍還留琬琰華

參藩畫艇畫長閒劉少參元勳侍御哀江去不還先伯外

時震田公諱敘別並華孤子時羅內舉遺書虛赤少孫顏

外孫續成史記

吳江新命下銅龍家侍講弟振裕越水懷賢咽暗

蛩項少司馬類錫生躬行韋賦侍講舊歲典素武致謙先太孺人

情援烏鳥侍臣封于乞養公為開學

還推有道主齊盟青門前世襲郭昭信民止欲訴遊巖斷素竿

先母舅文學北郭偷存滄海淚西風不盡渭陽情

太史而翁自古今喬侍讀萊尊人前侍御公理學人茂才吾舅隔人

琴先舅氏孝子田公諱而諫代鳳毛理宿騰仙羽

離鵲蒿原叫血鐔舅氏自經死

中書別構柳陰隨金都門築萬柳堂祭酒道恩寶篆

垂朱學士公諱之綠野東山人尚健青鱗北海世

同悲

黃裳拂衷辭黃閣寶坻杜相公立德逸少停車少白衣王晉

斷蘇公諱冀關驚心蹤一至并州過眼事全非

東海高吟步石渠徐侍御即清河苦節到坵墟里中

康張公二千載上明光賦三百年來孝秀車

司馬尚書長四曹梁真定公清標左藩行省場雙旄高方伯公

諱翼紫微原自依丹陛黃鶴空嗟淚碧濤高與子相別鄂

開府黃犀簡外臺湯中丞公斌侍御清禁抱餘哀

葉少司寇後塵會逐秋光裏前席虛聞夜半來

濟濟徐陵仲自超徐編修公秉義飛飛田鳳季難招先舅

而大田公諱傳臚殿上三芝秀泣璞山中兩世遙祖外

舅氏皆宿學不傳



御史大夫徐德應周趙徒周昌翰林侍講喪歐蘇

先臨川兄公元文武陵甥舍稱先達趙堯忠武諸孫敘

貌孤

退谷遺聲燒佛骨孫少宰公堯峰奮腕即龍岡孫承澤

晚修公鈔書不遠三千里孫多藏書憶別俄驚五六

霜

時望端門第一星公廷敬忽驚方岳待新銘畢布

杯酣南雅長憐賦筆古莊騷半涉經

侍讀中朝白玉樓施恩山公官詹南海木蘭舟阮王

時祭南海相傳寶玦克舍貝獨把珊瑚作釣鈎

受祺堂詩卷毛

古

岐陽綵筆照朱顏岐山如明濟水丹心送碧山濟寧

對高士他日慈恩攜手去幾人華表放歌還

玉署垂霞照去津張學士公英以銀臺屬續臥留

賓王通政公諱潛資啓沃天顏霽尚憶澄清

法宿新

渤海幽期供奉班高侍讀學河濱佳興夜臺閒先

邑大兄驂龍鱗介非凡物倚馬辭華返故山

雲間節使上秦鳳葉觀察公樞賴上藤陰託漢

宮諱體仁公授牘孤寒多進御論文貽蕩爲誰雄

思尊張翰掉西歸張中倫枕膝周侯涕北揮周公

觀鄭白渠前紅藥放舊年張招飲渠武昌樓外

白雲飛襲與周

儀部蹉跎竟一麾周太守臬公生死望三危宋按

隱尋盟淚時垂宋之橫江跨海詩新上周使安南

給諫雄吟武肅關王給諫舍人埋恨此同攀梁中

珮斑舟與王先後爲安西歸更載仙醪碧北望難聞玉

扶風風賞柯亭行公廷敬鄂渚空哀嶺崎裝楊職

南垂北岳山使安鳳凰池迴春雲隔鸚鵡洲高夜笛

長

燕市吹簫和繡衣家蒙陰魯門傾蓋失柴扉德州

先貞部公諱津亭柳色勞前箸暑日篁溪淡落暉

龍門牙起薊門清韓威潞水沙飛渭水鳴三

梁少司徒公諱梁擊楫黃河仙侶意銜杯紫閣古

人情

天水登朝戀釣竿嚴侍講武功請郡泊哀湍蘇縣

東柱德公諱孤舟爾昨江湖去五馬人今晉宋看

驚水多情染鬢絲朱太史虎賁狂客罷聞詩崑山

莊土諱朝回且質鵬鵠帶地下須傳鸚鵡詞



中表高入只灌園唐中表叔外江遊子絕春繁謝

廖君諱殘秋最愛陶籬菊藥葬空孤錦水鴛

忠介曾孫舊永嘉里中楊大令公紹武晉陽崔琰

昔同車太原崔先我之從姑齊德耀翁有殘帙付

侯已

北地傳經靜夜分房氏府教授慈峨遺州尚空羣

上陽命父兄妻子都凋喪鄉里交遊少見聞

榆塞狂歌訝父兄趙文學南陽薄宦割柴荆先大

譚木詞場逐鹿才如虎雄露零虬氣食鯨

鎮西况救阿戎貧家蔚川大韋丈曾憐拙句新陰

受祺堂詩卷七

王季公猶着敝裘蒙風愛更吹哀笛與何人

平陽結友擅西州汪仲子上郡論文悼北遊劉季

客愛女當前如玉樹孤孫何日走驂騑劉一孫尚

處士竹西眉宇古三原孫處士將軍泉下羽旄青

先外叔祖前副世人不解桃源記吾道還高河鼓

星

幽室聞孫玉塵清三水文逸人龍渭川公子白楊

聲先母錢夫焦公諱自云希哲猶尊佛誰識

橫渠已論兵

博士堂中一鏡看三原王世叔夢公孫墓上兩松

寒溫伯子諱論詩羣從爭盤馬接跡孤兒喜授

餐伯子兩男克

兄事瑯琊老授徒三原王伯友悲西夏晚歸吳曾

廉諱蔣公愛我除三徑嵇阮逢伊倒百壺

民曹重對亦矜民張戶部太守長休是別津業

承祀各捧冰漿互沈墓應憐黃綺早辭秦

觀察傳書廢蓼莪家泉司國亮督師抗表泣龍鼉

諱有德青門地隔無人去赤舄大高奈若何

伯起清風表暮輝華陰楊大深源直道近安歸周

受祺堂詩卷七

公諱華山道上鶯長合汾水橋邊雁獨飛殷與

安道談經寓廣文開喜載學杜陵垂翼葬參軍杜別

恒諱王官谷裏千重樹弄玉墳頭一片雲杜祖母

中翰填簷挹曉芬三原侯職方耕牧問歸雲呂長安

大猷窮途解珮長憐汝醉裏迷花不事君

司鐸攜家飲水同汪季子登園雙腕六朝空

青門費高釣魚賒酒秋城外乞米籠鵝旅病中

遲任西園楊再懸華陰遲明郭躬南去恨空牽邑

芳陞郭公諱澄心秋漾三峰月彩猶春流三澗



煙郭嘗題

亳州解綬照春花華州劉判威遠橫棺已散家城韓

張大令史澤神曩宿艸堂驚皓白遙提吳劍一長嗟

俠客涇干老絕倫涇陽張高髯翁鬼錄醉留賓青門

潘安歸不續離騷潘太萬適悲風注濁醪燕山萬進士諱

左掖門西霜似雪慈仁松下月如濤

通籍深知阮仲容陳中翰正哭兒兼折鄭司農

傳處上眉青主先生子太門古瞻新楔傳說星

眉卒先生哭之慟亦亡

沈念故松

受祺堂詩卷五

六

銓部多才更苦吟部光敏鳳池難冷遂初心中

曹中翰先成白雪人稀和不就丹砂淚滿襟

鹿苑探梅初作使高陵裴大夫憲度香山易簣竟

爲僧平定白高士諱荔支鮮摘無由寄桑落昏開

未可憑

水部曾推穎谷恩奉先單工部世子山人難得孟

嘗門金陵紀高士字伯紫萊衣春酒穠違母錦石

秋花尚有村

奕葉猗蘭發宋州家大司成弟元振東莊萬石冷

春愁公諱在極焚魚祭酒年猶少老馬爲駒死

未休

之采底事輕溝瀆敝邑明府福山郭淮水長貧奮

羽毛家諸城太前日桐鄉還下馬只今天祿有同

袍

刺史源通隴樹西家興安賢書墓宿楚雲低廉計孝

東連枝千里金州馬風契中宵紫陌雞

仙李同根樵李繁弟良年趙城流涕趙平原趙明

諱志林自秦昌黎未第傳文字謝眺憐才出雅言

予受知諸

公自趙始

祕省悼亡追奉舊尤太金吾追宿脫嫖姚青門世

善政陳公諱秋深郭外張華宅夢到城南第五橋

魯店歸稱舞舞絲觴濟陽趙進士華原久臥赤霞岡

公諱重顯今年老燕巢何處趙母苦節有往事

哀鴻淚數行公諱重顯

田秀爭傳第五名五桓杜魏舒泉穴領諸甥梁州

上諱鼎國袁小最憐焦獲牽絲地杜稱子坦長送

公安張華行

季方聯輓慰難兄三原侯太學稽紹重泉訊結纓

貴池劉太學諱廷鑾東野三秋二妙跡廣陵一曲

兩朝情

絕學瑯琊繼紫陽朝邑理學王公建嘗高賢梁國溯幽芳里人

謝家車騎謝家車騎徒步荆野龐公至死藏

公幹先朝老孝廉舉公幹汝陽吾土蓋虬髯前中

沛邑晚年哀庾信舍東雲樹今猶隔腰下珊瑚舊一瞻

九泉卮酒遙堪酌萬里梅花昨寄將

安定西河寫魏風汾州胡汝南多士輓江東宜興

史詩懸壺鴻雁供春酌胡之弟同以揚管雲雷迅

碧空

老去楊雄戀草元里中楊文悲來剡水未迴船陽

王隱君諱永松觀浮雲尚待黃梁熟烈日真攜彩

翻前

劉表罷官添上客原興安牧耿弇磨石俟中郎杞

耿明府公諱日典衣貰酒呼同醉懷橘遺羹喜

共嘗

茅山蹤跡古頑民金壇于文學投禠存亡一恨人

同官習司馬三斗逃禪不繡佛五噫亡命却歸秦

徽國亦聞談地理里中朱高士孔章雖死傍銅

標青門陳文學字飛鴻在牛眠卜宅基初定虎

旅勤王事不遙

母黨多才大令賢里中表弟田同遊無復季管憐

里中馬文皮視秋聊隨俗石洞春成別有天馬

嗜飲石洞春

庶下遺人轉入關德王司馬啓宇延津奇樹許

同攀河南先蛾眉舉案長留翠玉珮傾樽一放

顏

于越飄零禹穴居家山陰葛衣埋沒彥昇廬三原

士諱章太泥生尺劍春坊字淚漬雙鈎草聖書

華亭春暖思劉祐三原劉仲博浪沙深倪趙岐化

受祺堂詩卷七

趙明府公諱軟續狐裘霜後至香醪玉盞塞垣

持趙與雁門才子困公車明族田孝韋曲王孫掩舊閭前

尉諱諱子綠鬢金臺十七載瑤華雪鳥一封書

溫水前除放牡丹里中朱伯仲山身後託芳蘭三

楊伯子綸巾羽扇從吾傲縱酒狂呼遇爾難

中舍趨陪九陌中公猶子義川移旄五谿

東宜川前學士呼渠莫墜瑯琊集在野相期管樂

風

祖道流傳白嶽詩莊侍講公輜車沾灑瀟亭后



為賢學公 八龍同產君猶少 汪昆仲 孤鶴無聲客

未辭

東李簪纓溯隴西 家編修 野王臺榭黯村堤 馮公

弟如 衝炎偏覺荆陰好 濟美渾憐玉樹齊 謂學食

吳郡連珠冠六朝 錢編修 公中諧 隱泉 名山 摧玉溯

孤標 鄭學使 公銜悲莫過劉蕢里 錢占籍 墮淚猶

存遺愛橋 鄭前軍 邑 前軍

驃騎風流想雁門 趙副戎 考功急難 借去 短翎原

弟史部 地睽休訝南音杳 天樹長懷左掖喧 子歸

受祺堂詩卷三

三

先至吏部考功代

宋玉逃名餘嗜酒 里中高士 田光博物送臨圻 族

公諱高士田 攜家箕踞三峰頂 卽世飄零萬卷幃

片語慈谿遠挂冠 孫中翰 長休稷令早投竿 父執

山公諱 排闥我亦陳情去 進食翁猶剪髻看

中壘裔孫來白社 劉學仲 宣支庶弔青蠅 王高士

岐侯何似蘇司業 茹明府 數手蹟猶追爾左丞 王

為山

吾家車騎關南宮 家進士 蔚先是南族 五 夙好維

揚謝朔風 楊州太守 傳大兄諱登第始此 但奕棋吾

遷汝同遊屠釣世無公

仙令關河任俠聞 係永和使君 京國厝荒墳 先刺

史公 孟嘗留客皆同舍 張祿更名遂逸羣 使君

元方不忝仲弓兒 陳太學 直為令季徒期早桂枝

方仲弟 自昔追隨無異轍 相逢悲喜竟同時

江湖旅病從臣意 絳懸子醫里社良工奪茂先 中

李先 輩積石博 邂逅前門重灑袂 與趙再昭都妻

京萬里龍談

彭城詞客鉅儒孫 劉太學 鏡前解元 繡嶺狂歌拭

受祺堂詩卷三

三

淚痕 楊文學 頗喜賢甥能舉祀 房京兆 乃解元甥

將看令子賦招魂 楊二子 皆佳

仲子高齋且種芸 負別駕 難兄絕塞痛修文 兄廣

文諱 時頌花露京秋道憶嘶宮商靜夜分

名家素士託懸壺 里中表弟 絕塞羈人惱鷓鴣 寓

門楚士王 哀次披尋垂隴傳舊交 惻悵采苓圖

君諱席民

受祺堂詩卷之二十八

中南山人荆東李因篤子德著

卽景題江濟之小像

抱膝長橫無曲琴梧桐霜磬有清音悠然獨對東  
籬菊想見柴桑避世心

貽張穉恭舍人詩六首卽承次韻見酬頃枉

佳章仍疊前韻苦次追酬如其篇什生平

用來韻不次此則集中創觀也

霽色開芳甸和風扇淑旂天容烏鳥返野接鳳凰  
飛好句頻留榻名山久振衣知音天下重此曲故

受祺堂詩卷夫

園稀

籍冠金閨早吟就橘頌多詞名追俊及足跡遍江  
河白壁磨逾瑩朱顏老更酡幽尋還載酒屐齒屢  
經過

卽事初聞和崇朝復贈詩獨明瞻此日猶及采蘭  
時憶昨悲親老於今感聖慈不才疎報稱循分  
守耕菑

偃蹇明光客棲遲綠鬢春詭言成市虎投杼致慈  
親託賦情難盡援毫藝入神桃源高臥得迴絕漢

唐津

故國喧戎馬他鄉冷獻酬青門空在望白社不同  
遊恣眼高鴻急摩霄孔翠愁亂餘敦舊齒吾子最  
風流

鄭谷尋嘗裏涇波百萬層源源流翰墨浩浩天  
朋地僻村樓峻田荒米價增窮居僥興緒著述可  
時徵

酬藍謝青太學

新雨臨郊萬卉蘇故人懸擬出山圖徵車到眼魂  
猶悸捧檄何心淚已枯忍使烟霞違獨往空教麋  
鹿怨羣孤披裘五月渾狂客笑謂延陵莫驟呼

受祺堂詩卷夫

酬許學憲生洲太史用元韻

向見貽近體二章闕焉久未報行部岐下  
再枉古詩獎其養親以動風木之感受人  
以德君子之用心當如是矣內省頑鄙非  
所敢承輒忘已人效賡此什自違遠墓將  
易一時撫吟傷懷不禁涕泗橫集卽曰聲  
音之道無定體悲者聞之則悲然不得其  
情亦何以沁其心骨乎

肥水正年少慨然直承明發辭潤金石雄氣吞漢  
京歷試司徒署度支並著聲是時見方亂天下方



落院碧照私辛託復尊謂家少定交匪邪

集杜句 明高祿奏見怡懽福



范蔡杖侵寒露春星帶草堂吾衰同泛梗地僻嬾  
衣裳疇昔論詩早山林引興長窮愁但有骨養拙  
更何鄉伏柱聞周史過逢類楚狂會希全物色神  
妙獨難忘

五丈原次何仲默先生韻

古廟泰山麓秋風蜀嶺陰關河垂捷淚父老雜耕  
心壘大星中隕天高漢驟沈空傳伊呂烈二表一  
長吟

再疊前韻同子頤賦五丈原

頃在岐山茹明府亟推何作予謂是詩之

受祺堂詩卷五

五

妙正如獻吉先生朱仙鎮二篇更不得移  
之他處然星落營空在雲橫陣已沈尤爲

絕調因疊一首

丞相迴車處高原渭水陰三軍遺淚迹六出繫愁  
心敵走威長在師還角未沈奇才驚仲達按視亦  
興吟

酬魯橋張七令公用來韻二首

竹徑蘿軒碧水涓疎櫺廣榭綠陰遲諸賢劔屨遙  
相逐列壑壺觴晚更移最喜昨階臨翠嶂仍陪前  
路聽黃鸝入林下榻清無暑珍重名園有後期

西望朱雲豁所思雨中鳴雁走新詩藏書擬倒朱  
門疑旅夢猶憐玉樹枝攜手河梁如昨日贈吟鄰  
下忽同時老夫衰甚甘疎放爲報陽春病不辭

送友人歸漢南兼懷王副戎德溥

城南消息恨離羣與客班荆盡夜分剩着做裴愁  
入幕時彈長劍憶從軍樽前遠眺當關雪馬首寒  
流出澗雲寄語嫺姚多野興輕車何日過論文

雨中同白公季亨宿高陵芸白羽士院索題

次壁上太乙韻

春風吹宿雨別院集良朋渭水仍傳何終南未解

受祺堂詩卷五

六

冰開雉闕白鶴若殿問蒼藤竹擬高欄外朝來皎  
日升

送王羽臣世丈之鎮原學博任

萬年王氏古鄉族門閥先朝雄嶽瀆山宰啓事一  
水鏡再傳有人仍當軸移家清渭濱渭陽接迹朱  
輪耀華轍仙令諸孫司勳子皎如玉樹露萬目辭  
尊居里更居貧養關池上年正淑自說青毡家故  
物傳經何必卽天祿高平舊爲漢相封豨爾之邑  
蕭關隄第一城邊遺戰壘西州割據此饒覆男兒  
須老濟時才大器晚成觀所蓄君比鯨魚奮碧海



好修善下同深谷淮陰會釣長淮干孺子亦教里  
社肉自古公侯寧有種詞名況出世臣屋細惟總  
州到池陽留榻高齋看翠竹尺劍蕭蕭頭全白驅  
車相過輒信宿竹時垂簾散龍文君始學騎竹馬  
速三十年來如轉眼忽褰絳帳玉山麓炎飈吹柳  
照離筵昔賦草蟲今采菽賓客滿堂盡豪俊信陵  
將去皆首蹙我嘗旅食陳大夫安定回中數馳逐  
具悉塞垣競右武寒曹多倚賢司牧軍興行省半  
賜貂絳灌豈能知儒服願且抑心事諸貴摩霄佇  
待秋風肅

受祺堂詩卷五

七

青羸死悵然有感

家貧耕作苦數騎爾辭曹負載能兼任馴良致獨  
勞那無帷蓋及翻媿豆芻高久自安徒步鄰人首  
重搔

贈董太守初度五首

秋霽南山敞翠屏紫雲東望接烟溟蒹葭忽抱關  
疆碧菡萏遙分岳樹青國倚安危還內史天開禮  
樂自新劄甫田華黍初聞賦繁露高懸董相經  
當代垂衣琬琰光自天西顧眷才良應期王佐生  
申呂推數名賢起趙張靜畫開尊賓紱盛豐年臨

部野畦芳吹幽躋酒渾盈目盡入邦君七月觴  
門闕端門接武高郡惟初出戴公勞紛然羽檄清  
輪輓驟集熊羆受塞壕坊有青芹皆可飯地連瑤  
水更宜桃醉吟翻薄安期子猶問蓬萊萬丈濤  
夙好長安何處車惟公軒蓋寵樵漁桃笙象簞頻  
留相竹徑藤陰遠照廬置驛客遊秦四塞謀耕人  
到漢諸渠十年飢渴忘勞止聞政真同地節初  
皇攬秋開劍舄筵兩違朋酒意悠然彤弓盧矢承  
家慶紫綬金魚漾鬢鮮北極載書分陝績南華同  
譜大椿年謂尊甫振衣佇俟秋飈爽重醉西亭酒

受祺堂詩卷五

八

似泉

贈胡明府鏡水初度二首

摩霄競識豫章才授邑欣看瑞雉來風重詞名恩  
轉渥長殷國步慶初開豐年遺穗多盈畝暇日彈  
琴數舉杯佇俟績書登上最深秋仙舄正徘徊  
幽風七月賦躋堂吉夕張筵漏漸長草木近疑秦  
社碧雲霞猶帶漢時光占星咫尺依南斗賜履分  
明出尚方更喜娛賓無俗事花亭靜對讀書牀

思硯齋引應許學憲公命有作

坡公生平好蓄硯鳳味龍尾親爲銘貞質於人有



不契鬱然文彩還相形世移地隔不可遇精爽忽  
通何其靈肥水開府初守越溯流從之郡之亭中  
宵授得青玉片那料遲明眼中見種竹龍山亦偶  
爾潛鱗觸手驚雷電我冠修髯儼有神細畫巧琢  
工如綫出入懷裏數十載連城莫酬南金賤悲來  
駭浪吹風塵瀕洞江淮別主人御案帝鴻落列戟  
先朝肝石埋荆榛嗚呼物化亦常事俛仰梧楸遺  
澤新疑夢非夢竟細細若存若亡空沾巾高齋却  
與白雲際舊是烏臺湯沐第齋裏公子封大夫越  
山吳山一垂涕層霄綠子懸銀榜翫鳳麟此渾盡

受社堂詩卷夫

九

勢寶玉大弓繫所思舍毛灑墨游于藝使君敷教  
漢石渠彤管早隨承明堂尚憶先公著膝上光芒  
此物騰幽居延津劍去石猶在合浦珠還事不虛  
佇望硯歸佐輔黻丹青備汝凌璠璣

中秋夜思先母賦

付有淚如金波二首

秋分愁裏月兩度及庭隙隴樹悲風外盆萱泣露  
初流輝翻白苦被面亦如疎簾照重泉微啼鳥未  
定居

棘人長灑涕佳夕更悽然共覺登樓別  
鮮關河傾滾滾天漢濕娟娟却憶稱觴處空勞素

魄懸

常母胡太孺人哀詩應涇陽介公明府作  
唐魏宗風閣教聞仲山遙發介山雲真知得令如  
慈母更溯通家式太孺鳳詔鳩枝人正健金波玉  
液座同醺秋來倚斗南極婺宿躔高久渡汾  
母舅十六翁兩江右操外祖大叅公喪輓  
旋里時爲蘭川學正假公車以行藩郡嚴  
檄促之遂不克葬口占送別

孤臣流恨大江陰萬里長懸繞墓心竟負遺骸歸  
故隴遙憐重趼入荒臺符迺自他時下客路寒

受社堂詩卷夫

十

從此月深羊傳避封典令德宿叨知愛益沾襟  
許督學公行部過敝邑重陽使院阻雨胡明  
府鏡水以酒饌至同張子餘孝廉卽席拈  
玉山高並兩峰寒之句分高字二首

使者西來叱馭勞停車折簡問綈袍不辭陶令黃  
花飲兼對張憑白社豪邑假甘霖蒙帶烏天留佳  
節欵旌旄文昌本自連匡衡此夜星橋處士高  
鈴閣秋開漏漸高美人車馬託風騷野隨多士沾  
時雨惟有朋儔漾彩毫古木猶疑西漢色寶鳩已  
接大江濤兼葭照席慚能賦更藉登臺指顧勞



送三水楊明府蕭履歸三首

客裏曾聯紫陌塵，炎郊惆悵惜離津。何期即宿光

西野，遂有歌徧北畝牧笛，潮吹谿草發村烟初

濺，野花春邑荒民瘠，勞非易祈歲移風捷有神

綠苔叢茂隱山居，黃鳥飛飛下敝廬。東帛恭承明

府問，開城兼得故人書。交情自怨嵇康懶，禮數能

容阮籍疎。憶接春鴻懷令意，凄然霜雪久躊躇。附會

陳中翰

日暮風嚴落葉聞，天高西北有浮雲。到來單父琴

初御，歸去柴桑酒未醺。滄海暫垂鴻鶴翼，赤霄終

不受社堂詩卷八

士

起鳳凰羣山，中信使應搔首。莫惜梅花過隴芬

寄贈許學憲公初度時在奉先使院

大雅作人稱壽考，西京博學以皇道。千年遺輝照

赤城，有美仗節臨豐鎬。太岳南裔中丞孫，明光壯

遊屬起草淋瀝，題柱動滿署。峻陟外臺資，衡藻華

頂晴開數丈蓮。寒花彩筆樹相鮮，驚雷急電走巨

壑。伏翼潛鱗若高騫，械模凡凡逮江汭。華池之役

簪裳濟濟行涓川。時新有川雲嶽樹互秀發，虎觀

龍門張賓筵。憶昨褰帷漆沮上，經做邑傳魚忽瀉

雙澗浪。錦袍珠履紛盈眼，謂幕府黃菊紫萸喜並

放值九將與季札歌夏聲，况承胡威致秋釀。邑大

酒佳晨落帽，我鬢白雨夕。燒燈公神王，朝日在東

車。復東繫車金粟起，長風迅羣絕足盡時彥。騰蹕

渾於西部同邸席，恰介憲伯酒旗門猶懸。開府弓

但期得士匹，周漢何媿引兼華嵩。聖主好文

蒼生福，梯航所至聲教速。中天下居上游使，者

雄才夙推轂，名德象賢世。仰佇登台鼎，清邦族

還追乃祖逢堯舜，人頌九官十二牧。

郭山函廣文將之東川，取尊刺史前明府。樞

過草堂有作用韻奉答

不受社堂詩卷三

士

萬里凌風素絰垂，飄飄左馬下重薨。接塵欲廣絕

交論，流涕長過遺愛碑。明日吾廬陰未冷，暮雲前

路景難追。東笏東嚮瞻歸鄉，哀些還當賁鏡隨

壽翁東山郡丞母孫太宜人八袞

閣教承聞壽母慈，邠風遙介萬年卮。江魚入饌泉

猶躍，海鶴當筵舞不辭。朱綬綵衣趨永晝，紫雲丹

詔慶同時不須他訪，崑林園友草堂中姑射姿

吾仲行贈金州使君弟

吾仲向爲萬年宰，敝廬乃在涇渭北。碧流照人如

束帶，旬朔時一見顏色。旬朔不見，輒來書鶴鶴在



原聲排側堂西竹樹顚最迴雪牖風簾簾新墨仲  
也朝出雞初鳴委蛇自公日已昇清餽佳味以時  
設侍立小童環我側雙燭遙遙導仲來不遑湯沐  
周旋亟問兄居處洞寒暖推棗讓梨方退食忽復  
綺輝明賓筵華簪雜選半未識有時客到仲却去  
吾起昨階延登陟長枕溫牀燦中宵衆賓皆散吾  
獨得仍憐老骨怕霜露解贈羔裘渾素絨晨著羔  
裘看南山夕聞吾仲催拜。收金川山巒互互峙巖  
水波浪東門通往者燒烽接大江州圖滿眼生荆  
棘昔嗟單孺今五袴藜藿之腹果香襪畫舫臨城

受祺堂詩卷天

三

集布帆平田抱郭開溝洫不爲繭絲爲保障僉曰  
休養仲之力秦控東南楚上游上庸關隘相吞蹙  
自從艱難遘良牧形勢隱隱同樹國回首離羣悵  
友于動移舳艫無消息南花早放少並蒂朔雁幽  
棲悲頽翼匹馬兩番問雁行雲鵬千里瞻熊羆炎  
飈臘雪橫撲面峭壑危湍誰能測突至猛虎吼我  
前空林脚踟天燠黑鑿冰喫火自煮飯柔艾長蒿  
充芻穡石逕陂陀細於蠶絲挂跼步傾且仄天觀  
曠焉喜再晤攬轡曳組通邦城謂所屬到日慶  
鍾欲穿歸塗興隸煩供億旌矛弧矢耀利刃傳長

津丞爭匍匐春笋入採猶含苞茗根孤生摘半殖  
盈筐創篋落盤豆啜友曄鄰情並極舊歲仲車抵  
青門棠陰雉隴垂後則招子連榻臥蒸暑爛醉不  
知稀畫刻吾賦鮮民草土中仲銜重囑黃金勒山  
高水濶阻嘉宴撫事長吟酬令德

十月一日憶先母

年年祀冬朔遶膝製寒衣雨雪思先逮幽明序不  
違痛兒垂布經呼母出柴扉却望新阡近松風寒  
凜揮秦俗是日雞鳴焚香祭于門外

趙母劉太孺人輓詩兼呈令子元深進士三

受祺堂詩卷天

四

首

第五坊西渡石橋東門高冢柏蕭蕭趙孝廉之弟  
人始雨滋茶葉看長碧霜着萱花識後凋有子班  
衣成錦帶諸孫玉立盡清標臨圻車馬趨前引不  
畏川原信宿遙

春酒曾持瑞燕堂

蜀人高節有元鳥孤栖之祥亡友上鄉制石生署其堂曰瑞燕

燕歸空自繞雕梁還同白鶴翔華表更接烏衣洲

渭陽近舍爭傳聞範蕭通家並逮母儀長轡軒他

日經荀里綵筆誰留斑斑光

爲人父

藐藐關河泣二孤相憐華髮戴慈烏銜哀子始營



新隴嚙指君猶痛客途蔬食尚餘雙箸在鼎鐘能  
到九原無傲音里黨俱堪述努力前修慰令謨

寄懷驃騎兄隱梧三首舊歲承致婢子末首

專詠其事

西城本爲阿戎來謂使君弟右第還分棣萼杯隴水流

離源自合關疆迢遞譜初開輕裘善獵兼能賦薄

祿留賓只愛才莫謂時清方偃武天閑終不後龍

媒

祖帳東門霽色寒旌旗直指漢江干同舟及此叨

三秀時同使君共載接踵誇予得二難雨雪霏霏凌返旆

受祺堂詩卷天

五

簪纓濟濟憶追歡雁行迴首人千里愁緒還凝遠

膝蘭謂諸姪

井臼糟糠老莫辭貽來春作慰連枝不教苦次供

九藥何必泥中解誦詩春草懷人江有岸朔風啼

馬路如絲更聞高義同 嫂裝遣青鬃費不貲婢來

嫂氏賜衣  
飾甚備

劉贈公輔字先生李太宜人羅儒人挽詩兼

呈介菴觀察四首

松柏蒼然茂德聞贈公前葬四十餘年渭川佳氣鬱高墳青

藜遠蔭雙洲月公初贈紫浩長飛五色雲進奉直

其向短年悲洗馬誰知高節著參軍公在戎幕奏  
記外臺移粟  
鹿飢軍不受四品芝蘭况許推司憲簡冊曾披曠  
告身拂水而法世芬狀貌示

蟻蟻竿旌百尺飄慈輝彷彿見霜鴈撫孤原自朱

顏始同穴何慚素髮遙石表嶙峋留野茂芻靈烜

赫壯寒朝新阡吾久悲貧薄對此聲容淚更饒公

永訣太宜人  
年二十有六

靈範真知隴水清恩乎後乘轉先傾贈公卒時太  
宜人以觀察

幼勉撫之羅山頭蛺蝶長相逐樹裏鴛鴦久自

名漢詩焦仲卿妻篇云中堂宇競傳雙節賦海棠  
有雙棲鳥自名爲鴛鴦

受祺堂詩卷天

六

偏感百年情羅敷殉義今猶烈可但工蠶早著聲

相向沾襟涕汎瀾並依慈膝邇艱難千秋嬰杵金

閨籍兩漢班楊玉署看最痛升堂違拜母雖歆設

鼎異承歡臨風重灑哀烏淚不逐長林木葉乾

贈上郡丞瑯菴弟兼述舊五首

諸弟才名喜並優使君清望擢邊州北堂樽合雙

親健南部惟高一氣秋郡有豐年頻作社疆無警

夕更登樓漫論離緒年空積咫尺猶牽歲暮愁

幕府分番各著稱吾家司馬獨鸞鵠時在會城道  
學主講林

成柏梁多盜憂三輔神爵叢奸治五陵春律自吹



幽谷霏彩毫偏帶曉霜澄青門旅夢紫花夢頓使

山居氣象增

夙昔嵐陽盛壯年觀察公為詩嵐君方舞夕賦賓

筵飄零關塞人垂老阻絕江湖信未傳近接采雲

秋菊外遙瞻雙憶朔鴻邊班荆酌酒今何夕白髮

渾同綠鬢鮮

雒谷東迎鄜時開蘆關北望赫連臺三冬作客曾

逃亂萬里懷人竟借才比翼遂舒原上影連枝徐

覆掌中杯舊遊回首驚搖落春嶂重看載旂來

水落霜淡行路難披襟憶舊幾暄寒雙鳬遠惜常

受祺堂詩卷天

七

山隔五馬新從上郡看邸夜聯牀逢永漏良辰觀

面已加餐河東賢牧應知否安得荆華並蒂歡前

武邑令兩  
東謂筠巷

長歌寄茹明府

明府二十早通籍振綬周原聲奕奕卷阿之山一

萬仞邈迤直下摩霄翮青鬚綵苞照耀同赤符黃

綬神仙伯自宜豪俊應時起為令卑棲無所擇受

事蹇遭亂軍餘高牙大纛紛接跡羽書在城郭巨

野芻粟朝發金求夕最苦殘疆半輟耕蓬蒿按畝

仍懸額虎貌叱咤橫道上鴻雁哀鳴集中澤君獨

慨然顧皇天倒筐傾篋皆已責漢家綱復會賜詔

誠至鬼神亦昭格從古孝弟繇力田忽聞歌盈

阡陌孔庭姬廟增褰擗帳肆筵有安宅亂後

明府捐貲倡建並葺三物遂能肇計偕先是故

至文武四鄰相望延行履恒嗟薄祿充盤豆偶賦

新篇盡辟易賤子終南老閉關飄零庶下叨為客

耽吟各使性情見散帶真堪懷抱釋憶逐後塵到

燕臺囊空裘敝愁落魄旅牀過舞觴一醉客路燒

燭箸頻借錫類兼貽沈腆資方舟更救鮮民迫急

難音多通遠部窮乏義不爽疇昔春日徒步過花

受祺堂詩卷天

大

封綠波繞堤吹細麥繁霜盡解甘雨澍兢把鋤犁

或挾策攬勝冥接澗壑探幽遙訪周秦蹟曉烟

迷迤生丹嶂晴雪縹緲繪太白泮水西偏築講堂

書院橫渠絕學新開闢蓋簪已窺羣彥珮虛左

猶待說經席旁矚巖穴思遺賢值余却來斥素憤

中行不得必狂狷握手佳期伸咫尺訂余會

雙魚享多儀安車駟馬加束帛填門里巷並歎羨

曠舉關河同暄赫詰旦冠裳張前楹躬先諸子數

請益平生知交誰更在好收去此復焉適君自長

才匹西京况當敝賦窮悉示士元何辭百里宰公



琰轉爲朝廷惜俗吏所爭惟簿書庸儒矜尚託縫掖驚看禮樂環堵內頓沈塵囂暮雲碧日月其陽

有君辰躋觥中阻憐地僻君之愛士出肺腑業厝

斯民于若石壽考稔知推作人南山康爵雅相繹

上公湯沐留茲土千載爲君詠赤舄

長源表弟舉第二子慶其彌月是日長至二

首

鳴鳥飛飛送吉音再瞻弧矢度冰岑鼎居初貴原

從子蘭有先徵授自今履錯東楹紛劔珮門開北

斗舊冠簪聞啼座頂知英物笑詠萊霞託素心

氣蓋熊羆老漸降看君繞膝桂雙雙經旬小別陽

生戶向夕高談月滿牕曉蕤輝輝明玉樹新醅滾

滾注清釭令辰延景留賓客文獻重期冠此邦

卽事東張廷尉

多病渾愁出處難上卿新餽紫金丹頻叨俊味兼

扶老更理殘裘及禦寒中夜論文懷抱盡數旬留

楊酒杯寬後期還指東橋月韋杜花明許就看

老友荆山前王孫手製藥丸見貽東謝人彭楚

江漢曾牽萬里舟故人翻作五陵遊王公尚解尊

景女子何緣詫伯休雪後花枝供飲露壺中丹

粒佐披裘將隨方外探名嶽可許偕行侍杖鳩

贈許督糧無功四首

秦疆寥瀟正須才忽對雲霄曉望開萬里分藩依

內史羣公推轂借東臺時署清時不阻登臨興暇

日還高坐嘯杯編采榛苓情未愜潛期一爲使君

來

落亭晝敞椽曹稀霽色偏留薜荔衣騰飽熊羆渾

挾纈慣遊鷗鷺總忘機冰霜曲護黃花好律呂長

吟白雪飛况復登車頻訪落天西不遣士星違

唐虞師濟百僚通綸仰明良太嶽雄論世久知先

魯史爲邦兼得冠秦風邊陲足食無傳騎謂兼水

澤流膏有集鴻並理佇陟崇班調玉燭中書行省

亦同功

黃鐘歲暮轉初陽紫閣風迴雁北翔客舍猶憐春

色近臺門早覺晝陰長度支岡籍收全陝殊錫車

裘出向方隔代悠然詢甲第藩署爲郭升階真挹

令公香

廷尉齋中微雪初晴屬諸子分賦時予已入

城遙和用子實韻

愁裏飛花向夕飄夢迴鳴雀和寒颺裁看宿霰浮

林出已覺晨曦潤物造歲晚冰霜憐舞景冬溫天  
地籠魚樵雕欄錦樹違公燕蕩漾歸心入渭橋

送表弟田二景桓謁選

陽回柳色上征衣送子關河雁北飛十載摩霄瞻  
綵翮三春賜履出彤扉離筵地濶壺觴晚好會人  
疎劍佩稀題柱風流庭訓在內擢祠部采雲先  
下釣魚磯

評許甥仁長前齋集畢却寄二首

玉樹清輝照雀橋欣隨使邸遺芳朝絳書義挾宮  
商重託賦情兼此興饒黃絹江娥憐片石紫瀾海

受祺堂詩卷天

三

狀出曾香取途老馬忘驚銳驚羨龍文虎脊嬌  
閱閱烏臺榮戟初趨庭毛骨正森如爭推小許瞻  
蘇頌竊喜諸甥得魏舒地迴長煩魚雁及家貧曲  
諒棗修疎何時並馭來雙澗草還蕭條欲自鋤

贈高母袁孺人時初建貞節坊應令子奠邦

千長之請

寂寞深閨歲月長承恩新賜永豐坊盛顏帷幕  
銘金石高義關河照雪霜五尺提攜成燕領千夫  
指顧待鷹揚接微闥隱平生志况採徽音郡國光  
贈長安盧節婦苟氏兼慰乃父聞庭

孤雲西北行孔雀東南飛不見盧氏婦端居嗣芳

徽十三前女誠十四理清機十五着新髻良人驂

左駢雞鳴起盥漱秉燭上裁衣堂下聲儻騰出言

靡誓違舅姑大歡喜鄰里生光輝惟布信吾分倩

妝寧足希嫁來裁數月嘉偶送臨圻自此毀明鏡

嚴霜飄素幃念君付形體遺腹邀庶幾屈指前期

滿懸孤果在屏鞠之十年長恩割曉一揮毒若世

罕並黃泉甘同歸巷春停柩柩姻好共歎秋淑女

忽短折芝蘭凋芬菲聿瞻原上墓何似華山畿詩

合葬華山秀柏中鬱鬱同巒互巍巍阿翁尤慘怛衰

受祺堂詩卷天

三

白痛無依垂經更寒煥肘膺淚不晞語翁勉自愛

高節諒所祈成立在孺子渭陽如庭闈吾將竟是

曲是曲知音稀誰實司風教闡幽表側微

除夕二首

歲在癸蒙  
赤霄若

不復驚親老空煩紀歲增淚將春酒碧愁與暮烟

凝序族懷耆舊尋源識廢興士貧應祭寢團坐守

深燈

是正秋  
先母小祥

臘帶昏風轉春隨霽色高欄虛猶見雪還暖欲生

薄歲月看詩卷行藏惜鬢毛無眠清漏永百感夜

蕭騷



喜子顧先生至即事三首

年時秋杪木葉紅送一却歸甘泉宮碧草漸深空  
口北青雲初照華池水春苗如綫日待雨夕燒  
旬天多風佳客遠來誅一醉入門杯竿愁屢空  
知君垂老生事疎在外在家一牀書居處常有數  
椽漏益中且無三日備獨臥歌聲山金石相逢顏  
色勝瑞璵私託壇帷泰舊好曲肱飲水安吾廬  
大雅不作千餘春吾爲狂歌懼失真同學况乃半  
凋喪夙期惟君高隱淪時愛鶴歸有逸響極知龍  
老無馴鱗呼童汎掃所懸榻席忽寒光彩新

受祺堂詩卷天

圭

受祺堂詩卷之二十九

中南山人荆東李因篤子德著

贈涇干常明府介公初度

漢輔依然名杜鰲仙才騰蹕首壺陽桃開萬樹生  
新雨水會雙渠走巨洋宗國幸連綿上籍郡門曾  
挹座中香將資垂拱須賢佐燕喜因攀今日觴

喜肇慶弟齋觀畢省母里門卽送旋郡四首

仙李同根西葉芳鳳池遙帶隴流涼十年戎馬官  
初調五嶺雲山路正長郡跨南溟惟飲水人趨北  
關舊舍香梅風恰好次行節捲幔還疑粵嶠黃

受祺堂詩卷天

圭

使者寧家傳若飛登堂猶著老萊衣清渠遶舍魚  
新躍淥竹當軒筍漸肥里盡高年傾榼待村如太  
古繫車稀曾無一物堪持獻洗竿承顏志不違  
春草池塘入夢新阿戎天末屆歸輪急難岐路懷  
攜手變辭微乞養弟以戎迢遞炎荒阻問津雞骨  
自憐苦塊日雁行相對宦遊人曉星肯照主程駐  
門外征輶萬里塵

慷慨深知令弟才老夫心已似寒灰故園雪嶺茫

無緒時大殊域烽烟塞未開歸馬即鈔貴州前

早隨征馬劇慶筵渾並別筵催桂榮蘭秀同娛母

明發還聞首屢迴

雪木二兄過草堂同子禎作三首

吾兄生長橫渠間有興多居太白山時採芝苓作  
佩纈飽餐霜雪爲容顏烟溪草長少人渡石磴雲  
窺無處攀忽訝羽毛在雨腋飄然飛出扶風關

正月不雨至四月野枯天昏生炎蒸黑雲一疋忽

已遠黃塵千里來相仍巫峽詞人暮底望隴頭流

水遙難憑思傾涓滴起欵客對酒仰天空愁凝

初營茅舍于塙東既哺且歌從二公客述新聞輒

思睡閒披古籍如擊蒙葛天無懷去我久箕谷穎

水將無同散坐南園日已夕忘機穢注枯樺中

驟喜聞鳩同子禎作

早久恒風甚田家屬望勞忽憐春樹裏遙聽雨鳩

高世難殷相續民生和若毛好音留薄暮無與赤

雲遭

枕上聞鳩戲呈子禎

鳴鳩非水族得氣出平林底事頻呼婦相傳亦喚

陰行雲疑暫住逐飈故長吟借問陽臺客朝朝暮

暮心

四月朔內子請予佩皂芽可以逐疫不知其

所自起戲爲新句

皂莢深閨物炎風首夏高老妻貽雜佩新葉照雙  
毛却垢功堪紀驅氛論復叨茂先賢有裔疎莽愧  
吾曹茂先句用  
儒人姓

寄懷茹明府四首

相別七載一相訪自春徂秋三見迎熟眠雪牖過

烏換新作山堂高雲清乘興散帙趁天曉有時傾

樽來月明渭川浩浩深莫測東向何如故人情

卷阿地是鳴鳥邑五丈原高臥龍祠携琴載酒况

多暇跨馬出郊隨所之到處烟波恣歷覽歸來劒

珮鳴新詩吁嗟古人不可見與子憑弔饒遐思

秦田十畝麥九畝歲事三農覩三春好雨悠悠屢

失序良苗鬱鬱空懷新欲驅旱魃豈無術將滌繁

霜應有人吾子風流妙爲政濟川解澤堪具陳

舜治無爲道最高秦時任法如牛毛比聞白簡急

推吏頻伏青蒲期易操閉閣汲公但長臥酣呼曹

相狎醇醪腐儒謬亦作此想連榻何繇舒鬱陶

寄贈費司馬姓菴初度三首

城畔南山曉嶂垂捲簾東閣霽風吹綠牕退食琴

書擁清晝開鐔劒屢隨部潤干林翔鶴鶴時平四



野靜熊羆更逢狐矢張高譙師尹渾同兩漢帷  
雙梭頻登司馬堂介筵綽綽攬羣芳大關雄嶽遙  
爲案清渭洪河並入觴客席歌秦能逮夏臣年載  
史亦尊王中廚屢換仍呼燭點筆蓬瀛興未央  
春色遙憐邸樹疎夏雲猶抱澗流舒爲農雨急黃  
梅後入郡風翻紫燕初報最晴光騰北極躋航佳  
氣滿前除誰將竚立覘台斗請自丞卿展驥書

食萬莖呈子禎先生二首

曾聞杜陵叟命此是嘉蔬自摘輕陰外同餐曉露  
初注詩功未及爲圖意何如灌溉今方始來朝更

受祺堂詩卷五

四

荷鋤

菜羹君亦飽蔬食諒余貧歲儉蒼生色田荒綠野  
春臨流明遠嶂攬翠接叢筠收以佐杯酒南園風  
物新

萬莖東子禎先生二詩卽承見答轉和來韻  
頗嗜芳畦葉高吟碧澗羹灌園將自老知味有餘  
清澹泊明吾志葦新致物情君忘供具惡礪齒得  
同聲

肉食繇人鄙蔬盤度地宜清齋資困學秀色對忘  
飢不必青芹舊猶憐白社明中須惟我友着七笑

如怡

萬莖再川宋韻二首

課種勞猶昨移句圻漸明晚登盤案後香引桔槔  
輕亂世崇爵相高人節性情剖根須共斷非敢戀  
嘉生

亦自通鹽鼓無煩問鼎炊長饒軍所便脫粟雅相  
宜野樹瞻烏切山雲度雁遲飯蔬頻有賦心迹上  
呈知

蔚蘿桂萼大兄自江南歸迂道相看出新圖

命賦水心亭詩做老杜狂歌行卽拈吾兄

受祺堂詩卷五

五

吾兄巢許倫爲起句

吾兄吾兄巢許倫五十便已懸朱輪天下何處好  
山水所居遂高幽谷春爲園十畝碧流裏種菊種  
松環其濱彭澤渾看三徑在武陵忽連千里津新  
開亭子水之曲獨照主人顏如玉青嶂白雲飛不  
去大溪小汊自相屬亭中熟臥太古長亭外空悲  
人寰促方坐無聞亦洗耳濯纓有興兼濯足東鄰  
大阮扶杖來謂老叔恒水畔時傾竹林杯草屨野  
衣老更健兒孫簪綬紛追陪保家惟書萬石訓誇  
客不數高陽才儼若此亭疎水而噴濤跋浪瞻崔

鬼枝分派合爭自始歟起紫瀾遠即位謂此部初

仙鳥遙騰花縣波謂大姓與絲毫轉漾鳳池翠姓三

東生其餘八鱗十八子簸蕩盡吸瀛洲瑞入則題

柱出濟川滄浪如滄海魚醉溯流不得心茫茫迴

首伊人天一方迢迢炎颺下西澗却隨鴻雁同北

翔別離七載一朔汐連榻裁溫趣歸航更展新圖

親勸酒寒裳已近水中央

肇慶弟過村居同子禎卽席賦

繫馬長林跡未寧銜鑣東出爲原鶴光添澗樹連

枝碧色放山雲入座青地僻比鄰通濁酒天高中

受祺堂詩卷五

六

夜攬空冥卽憐詞客成嘉會愁對秦星望粵星

送王大省度之漳縣學博

年少才名冠舊都只今華髮領生徒承家不忝烏

衣重好學何愁絳帳孤十里炎蒸初度隴一羶森

肅遠追湖荀卿祭酒沾微祿絕勝諸賢作大夫

陳中翰端伯馳書相唁兼示堪輿家言索東

坐地圖因寄

舍人貽尺鯉雙澗問帝鳥絮酒關河及哀章冥漠

孚交能敦宿舊義不爽榮枯欲識新安理銜悲奉

請圖

旱

抄秋迄初夏占雨只恒暘野燬生飛颺天乾隕旱

霜子遺餘幾姓窺伺邇羣羗願急勤雪祀殷憂啓

歲荒

旱甚

水鳥鳴徒聒湫龍臥正酣豆花紛處委荷蓮半來

含暑景偏多晝飄風忽自南憂時將播穀日望雨

傾潭

小雨

小雨欄端颺微聲葉上來何絲蒙沃澤亦足淨氛

受祺堂詩卷五

七

埃戰蟻疎堪數鳴鳩短未哀中宵愁不寐怕暗密

雲開

南園呈子禎先生

聚居常苦狹門外闢南園種樹裁盈把分蔬自作

樊好風時復至長夏不爲暄酌酒對佳客夕陽無

一言

久旱

久旱風爲熱長空上自浮雲經吠湯犬月定喘吳

牛肯下輪臺詔難知沃野秋西苑頻請收肘腋未

銷憂



麥索

五六一作問俗通  
閩里青新及毫

早稼先刈麥青黃恰半堪登場旋作秔入簋細于  
蠶問俗通筐筥嘗新及負擔虛中逢歉歲一飽未  
爲貪

麥索和子禎先生韻

自引渾如緒相屬競作纖厨清加齒滑枕碧受形  
潛老圃鮮相佐荒村味不兼更年人事苦入夏喜  
新霑

麥索又用子禎韻

嫩覺凝香早妍疑帶露瞻曉雲清若縷春酒碧同

受祺堂詩卷九

八

拈舉著忘庵略傾杯可續添貧交君耐久數食定  
無嫌

子禎再和麥索韻一首因答

待稔芳初聚沾唇葢尚含歲登羣穀首天發五行  
甘薦夏違風木歌幽逮朔南不須煩鑿致吾道儉  
同耽

詠蓮五首

花遲羣芳息荷池六月明微風間自遠烈日漾逾  
清抱檻朱雲淨衝波白鷺輕更思臨太液徐落權  
歌聲

山水澄泥泮開軒捍鬱蒸競舒龍女扇渾擬驚巖  
燈粉墜房猶濕珠圓露乍凝興來忘晝永隨意理  
魚簪

斥色高還靜烟光澹不殊所居姑射是曾在若耶  
無啜喋遊黃鵠蕭騷動玉鳧冷然霜雪至似啓北

風圖

白社逃名客滄洲閱世心田田飄積翠採採惜穠  
陰莫辨琅琊塵長宜玳瑁簪漢詩云何用通音與  
信蓮花玳瑁簪  
君共幽潔蟬響託平林

受祺堂詩卷九

九

玉井天孫并金莖漢帝盤薜蘿天倒入谿瀟暮生  
寒葉潤承杯飲枝深夾鏡看扶衰須此味晚飯挹  
香瀾

長歌送張二幼南自大理卿擢全閩提帥

廷尉早知遇黃石飽穿經術今詞伯身長更比張  
丞相玉樹之生乃八尺曉仗初啓接鵷鸞千人萬  
人皆動魄壁間寶劍作龍嘯江海垂鉞開榮戟  
紫詰欽驚香漢來黃圖遙跨七閩籍喜聞自天  
眷南顧推轂連帥當授策咨爾新臣世臣兼壯猷  
名父非久隔文昌六星戴匡衡上將上相相絡繹  
英主論才破拘牽壯夫許國無所擇出師豈必斬

方虎分峽要須追旦與往者令公拜是官身更百  
戰頭將白兩朝端拱三十載天下安危繫張掖  
君昨弱冠立要津彩毫逸羣聲輝赫敘庸偏操府  
寺印延世待綰通侯璧家食居廬歲再移縞衣課  
種東阡柏寵綸被野誰能料還對几筵增踖踖  
定遠投筆老始封終軍棄繻才乘驛男兒少已踐  
台斗秉鉞登壇情頗適大纛高牙舊在堂彤弓盧  
矢新盈陌征駒遲唱灞陵柳別酒偏愁珠履客客  
有李生狂且貧青門抗館風連席採藜茹藿露短  
鬢霜霰飄飄吹絺綌時許貨春過薊都凍雲蒸雨

受祺堂詩卷五

十

淹行役謀歸數解清署俸醉臥渾忘上卿宅近復  
並廢蓼莪篇傾筐曾援孤子厄小忠書疏何足記  
披豁交期到肝膈僻處山中澗阿深相思坐歎懷  
抱積得君好音較稍晚炎日趨走遑辭迨座上起  
居太夫人冰漿頻進春椀碧繞階芝蘭况滿眼君  
可一意勞疆場遙望三山騰水涯誕敷文命謹朝  
汝此邦沿溯考亭後濱海猶傳鄒魯迹君自清班  
擢元戎固宜鎮靜消羽革佇看習禮多佳士談笑  
引弓洞左掖卓彼內臺陟外臺何難拊髀還宣冊  
雅歌欲攀尹吉甫文武爲憲同親炙

夏五承曹太守公迎至周原下榻西池卽贈  
公子冲谷初度

驅車直受使君塵善賦還推子舍賢久聞高齋留  
下榻欣逢今日早開筵座深露裊吳峰翠池淡晴  
開錦帶蓮底事臺門詢唳鶴詩書靜氣裕長年  
送劉爾玉郡丞省尊人方伯公成都時方伯

公有吏議

暑雨猶疑冀北塵

時爾玉有京師初來

炎輝忽下渭西津趨

庭辛苦凌雙棧寵別光華動四鄰繾綣不辭蘆酒

薄艱危須仗綵衣新錦官城外秋如水無惜江魚

受祺堂詩卷五

十一

報故人

高伯姜輓詩兼慰冲谷四首

頓失名家偶猶傳相國孫三星乖女嫠萬里逝崑  
崙露冷秦臺夕秋歸渤海魂哀蟬愁入夏繞樹有  
啼痕

膝下牽兒女堂前泣舅姑鶴歸雲不去烏叫月同

孤玉瘞芙蓉沼香沈紈索圖

時權居西亭

珊珊羅袂出

佇立是耶無

奉侍渾宜婦安仁忽悼亡歌應穢落葉瑟自鼓清  
商六月關陰暗雙嶠驛路長靈旗捲風馬有日到



漁陽

總帳憐鸚鵡椒漿雜杜蘅早收西閣淚須遣北堂

情紫詰留身後青雲漸長成晨窓開鏡篋莫聽

蕭蕭聲

遙題格茨有序

曹使君家園四松署其齋曰格茨爲賦新

篇寄公子肩并負及兼和冲谷

四松曾在浣花溪萬里漁陽對不迷解作龍鱗舒

老眼長開鳳囀託幽棲猶耽林壑推梁棟不遺風

雨入鼓聲暫借一枝何處鶴迢迢時下白雲西子時

受祺堂詩卷五

三

府署

題鄭副戎復菴行獵圖

將軍自臂射鵬弓吉日平原較部戎渭水東流秋

戎潮吳山西帶暮雲雄興來磨盾成新賦閣徹開

筵山彩虹賓座微颺清伏暑不知身在畫圖中

韓溥菴別駕招飲東湖東謝

蘇亭隔代冷芳濶近識荊州拜是官酒泛湖波山

走翠筵移花影晝生寒英英立藕初垂實皎皎游

魚已受餐散帶不知歸路迴西暉晚晚碧林端

東顧遠公典籤

端明湖上草蕭蕭望裏芙蓉接郡僚愛酒西園多

種秫論文北郭暫依樵炎風吹雨違留榻散帶披

襟憶見招更報池荷正爛熳幽尋偏耐馬蹄遙

留別斗所並懷尊使君劔南曹觀察

使君南國夏揚旌公子西池夜濯纓袍璞不言山

自潤看花隨步月同清荷開憶做譙君幕竹密來

尋阮氏觥時舍姪子觀下榻於此一別星軺憐皓首因風欲

鴻雁歸聲

贈斗所初度

城居暑氣復氤氲渺渺心期悵夕曛那得好風吹

對雨冷然長日坐論文芙蓉千載西池月鴻鵠三

秋太白雲却羨北牕饒逸興黃庭隨手換鵝羣

曹太守迎子周原府舍與公子冲谷連榻自

夏及秋冲谷見贈四詩卽用來韻奉答四

首

棲遲麋鹿謝諸公浩蕩烟霄度尺鴻夏木森森高

枕得湖波淡淡入杯同何圖曹植開西苑遂許崔

駟冠朔風日暮前除公譙罷縱談多在月明中

涼分伏日露初零爽託周原臥欲醒醉裏論詩橫

海岳愁來說劒下雷霆奇峰晚放亭雲紫翠羽長

連沼樹青即景吾衰渾嬾賦濡毫看子發新硯

芙蓉池上數枝開永日還持鄴下杯獨立自憐公

子意陪遊誰假大夫才憑軒玉藕參差出俯檻金

魚潑刺迴莫謂美人悲絕響棄泉東有鳳凰臺

頻移好月素輝團忽把明珠照乘看氣應夾鐘春

不歇歌聞南呂夏猶寒時翻白雪兼懷古不盡緇

衣起受餐詰旦秋臙促歸興清芬却瀉釣魚竿

答冲谷詩畢兼屬家姪寶君和卽事却贈時

府君

在野翻違玉樹叢依劉却做竹林風逢入爾自憐

受祺堂詩卷无

古

癡叔對語吾猶媿阿戎久伏鳴蜩聊應候高翔翻

鳳總摩空東歸已覺秋期近戀戀琴樽坐嘯同

將發冲谷載貽二詩悼傅顧云亡撫時相勉

撮來意答之用元韻

夙好悲難盡新歌興復同側身秋色裏迴首夕陽

飄蓬

適野偷流涕哀江嬾賦詩宿心傾不舍吾道去何

之老愛青山日歸成白露時菊芳蘭有秀公子最

相思

岐山生日得舉孫之信

客裏逢初度孤生忽二年先母逝後兩愁隨清晝

積嬾對白雲連發篋當孤矢是日家書至承家有

豆遵壯心吾自問雙鬢莫蕭然

兒書至報孫同生用獻吉先生舉孫韻

好問初傳子新秋遂抱孫隴涼存舊系關嶽想遺

恩子宗伯山右遷居邁種須修翼乘時可佩豚家

冠子路先冠子初見夫子子歸及湯餅爲若落衡門

法門寺相傳刻昌黎先生佛骨表彝之不獲

問法何朝寺懷賢百代碑蛟龍無駐景孔翠隔來

儀白日高翰赫青苔冷復披浮屠如可上獨與故

宮期

織錦臺

織錦人何處遺圖爾自哀有石刻秋風吹蔓草野

日照荒臺繚繞悲心極迴環妙緒開此鄉多好女

重識二班才

新店七夕

眇眇看牛女迢迢復渡河歸途當此夕別思邁窮

柯片月秋同澹微雲夜漸多淡閨凝望久倘見鵲

橋過



孫與予同辰同日乳字曰同以詩紀之

汝與吾同物緣渠得名榮陽前躡在唐成興孫

淵右此辰生協卜曉雲紫懸孤秋日清而翁知德

薄勿但步家楹

生孫答子禎先生再次前韻

結髮同壇結締盟到子孫忽來雄管曲遙託舊邦

恩壯志期如虎曹大家云生男中孚誼格豚自今

留絳帳著舊庇吾門

答舍弟喜兄舉孫仍前韻

與爾同衰暮爲予慶嫡孫一枝仙李葉十世聖

受祺堂詩卷五

朝恩吾宗子之先有十代日合仍躋斗日者家以

星精亦兆豚唐一行傳北我親延俎豆

兄弟笑盈門

寄贈太守董公初度五首

微風吹雨薦新涼太守張筵集衆芳溢溢紫雲皆

自寫翩翩青鳥忽來翔歌屏遠撫秦山翠詩燭深

留漢署香更奏幽笙逢相月優游四坐樂還康

長安竹樹灑秋清徒倚花林露漸明五時竟遂甘

澤舞諸渠初聽下泉聲壇當炎鬱多徒步酒對滂

沱只細傾國遂有年吟茂社燕爲和醴四時榮

環城康爵介嘉辰雨後長天色正新共說董帷高

退食猶瞻京尹逮行春雍雍麟部關河地濟濟功

曹俊及倫照帶蟾蜍秋更爽中宵緩步出叢筠

三年遠引萬年杯省月誰論七月才木謂緇衣宜

授館糊教編帶負登臺山居敢忘躋航及暑退頻

問好角催卽命鯉魚械錦字飛飛鴻鵠正遲回

迢迢澗樹接穠陰衮衮歌託素心逸興會連公

譙發前期轉隔野航深應超循吏爲單傳更判良

時有盜簪屢頌清風慚吉市南山朝靄樸苔岑

再承子禎先生疊前韻仍答一首是日孫同

受祺堂詩卷五

彌月

孔聖俱通世陳荀並及孫頻歡垂聽飲不忘有初

恩若許筵占宿太詩明陵載長文車中時文若

太史之占矣吾當老牧豚此時方看膝他日互應

門

贈胡明府鏡水初度三首

荆巖飛翠瀉秋城介路歡歌曉自迎下邑乾坤高

左輔豐年節序見西京谿雲遠傍仙鳧色隰月時

流旅雁聲雨洗長霄光似鑑鳴琴緩帶有餘清

甘遊鹿豕阮吾廬爲賦吹幽一戒車地僻躋年通

淵北時平洗腆及樵漁蓮開宛接江皋勝水至渾  
看谷口柴適野煩公謀有獲封人擊壤醉華胥

嘉禾被露華新處處棠陰歷名巡鼓簫大脩秦

俗社風雷咸叙漢時春堦盈玉樹明三秀明府座

對霞觴識仲真漢渤海范康字仲真為泰山太守  
借方仲子秋亭春日會晤許學憲

上奕葉稔知饒種德承家垂緒問斯民

贈胡公子秋亭

碧樹江干風質殊中郎才俊起三珠攀安提萬光

時論照乘連城接座隅春酒數緣稱慶得綵衣偏

媚過庭趨摩雲咫尺瞻苞羽佇寫長風天漢衢

受祺堂詩卷五

六

奉酬許學憲公西夏得予近信知在曹鳳翔

署却寄一首並呈曹之作次來韻

暫繫蘇湖舫遙充鄴下賓節旄瞻北塞珠玉照西

鄰夏水傳魚瀾秋風過雁新白雲垂隴首河上憶

佳人

方子楚邑構精舍得鮑明遠舊址許學憲公

為賦新篇寓書澗道屬予繼作即寄方兼

呈學憲公

參軍江左推殊才每奏新聲清且哀鮑允工管急

絲繁有逸響何劉沈謝空徘徊時移幾淥江上樹

月挂河南讀書處河南口地古人接冀塙江雲

江草吹竹素高陽使者明還流一山泠泠六朝秋

醉裏掀翻走塞角吟成睥睨生鄉愁二公同里同

坵席懷古尚賢討遺迹對此長歌憶江鮑高齋烟

雨垂咫尺

孫翼垣先生初度

太保宗賢並善貧公為恭介如君處約更殊倫家

無芋栗賓常集案有圖書老自珍宮錦竚瞻萊袖

好謂令郎潤花徐數漆園春階蘭砌竹年年茂旨

酒承歡霽色新

受祺堂詩卷五

九



受祺堂詩卷之三十

中南山人荆東李因篤子德著

寄劉驃騎峻公三首劉自閬司遷此

宿雨初晴曉氣涼懷人白露始為霜鼓鐘久罷青  
門飲蘭菊還留紫塞芳入夢熊羆能數至乘時鴻  
鶴盡高翔相思欲假輕風翼不畏邊雲萬里長  
載酒尋盟歲月移離筵悵望阻臨岐每圖車馬攀  
春晚翻致音書度朔遲部濶峰陰連舊戍時清關  
角靜秋曦戎衣多暇延賓客緩帶頻瞻左氏帷  
別後蒹葭北望新臨風洄溯為伊人麾收七較如  
分陝節轉孤城尚在秦叔子輕裘明月夜嫖姚壯  
志白榆春猶看列障通蘆子屢接傳魚渭水濱

題王將軍廟碑五首有序

史記將軍頻陽東鄉人吾村在頻山之下  
古老相傳廟祀將軍為社神山亦有廟廟  
額曰美應侯子少時讀書山中聞禱雨者  
挹水龍泉數驗如響故又稱將軍為頻山  
神按是鄉廟數十處惟吾村以七月十日  
為將軍誕辰必大作社行之至將軍所居  
名千口葬到賢鎮南約詠其樂云

頻山頻水樹森森地記將軍有故林斷碣已隨丹  
篆冷荒臺曾染翠華深史記始皇親駕頻山村霞晚  
抱高峰落磧月秋生古淵陰為溯枌榆通里社沿  
公伏臘到于今

秦皇談笑取羣雄一代宗臣首戰功史記秦有天

功最世遠旂嘗徵野老兵餘劒珮式英風新加大

棟躋攀裏舊請良田指顧中過客不須論往劫鄉

人歲歲薦飲同廟垂祀先太孺人遺命新

山靈神祐報祠長梓里還留血食鄉古屋寒雕愁

自站雲旗風馬怒來翔遺封第宅傳千古伏處松

楸列五王五王陪葬將軍墓下地名五塚

勝蹟此褰裳大澤為陵陵是谷閒尋

山居滂沛顓靈偏美應為霖俗並傳避暑灣西遮

虎阜頻山西嶺名臥虎山聞雷廟左帶龍泉龍泉在廟東稍

處千家俎豆兼秋報四野桑麻接暮烟欲問崇褒

何代始村翁不記漢唐年

當時定兆澗流南六月佳城曉霧含將軍冢上每

宮室車旗卒馬千變萬狀日質明數十步必見城郭貝闕珠宮移海市瑀戈

鐵騎隱山嵐長楊溜雨哀聲合老柏摩霄黛色參

莫使墓田侵牧豎清門連復起朝簪謝文伯默



中秋卽席呈許使君無功二首

遙來使邸度秋分細雨徐傾興不羣盡日簪裳寒

照坐中宵宴豆劇論文明珠自擁當軒月諸公子並侍

縞帶渾流過澗雲寂歷壯遊逢此會秦宮桂樹想

氣氤

長安良夜浩無涯玉露金風敞萬家久借俊厨同

雨散漫勞蟾兔入秋賒蕭騷尚對孤亭酒沾濕難

尋八月槎却憶登樓人未臥時迎舉下王徵君山史未至王是日初度

必人山歲以爲常高吟何處醉蓮華

送張民部振六赴補北上四首

受祺堂詩卷三

三

俯仰樊川皓月遲追陪京雒悵幽期重憐訪舊來

鄉曲忽漫開樽是別離振鷺冥鴻常異願叢蘭孤

竹總殊宜故人將發歌招隱無使行藏歎一涯

梓里論才漢署初清河玉樹並扶疎爭推孝友清

邦族更借賢勞佐國儲曉露偏催征旆迴秋暉故

傍祖筵舒乘時仗策君年少擬老村農獨荷鋤

南陌東阡烏夜啼夢我同廢各棲棲新宮耀日層

霄近故隴傷心幾樹低竹帛連翩光冊府風雷騰

蹕起礧溪總叨微祿親難逮苦土終天繞墓迷

紫禁滄洲未是遙締盟結駟意垂髫渾看鸞鶴翔

天宇可許樵漁託聖朝折柳地傳韋曲樹含香

人去灞陵橋他時左掖懷逋客夙昔南塘野興饒

贈衷愚公先生初度糧臺業師

平生取友半西江晚得詞人冠此邦節屆蟾蜍寒

對雨秋溪蟋蟀夜鳴牕應劉作客才難並馬鄭同

時望自雙更值亥音敦舊商良宵披豁酒盈缸

呈希制軍五首

司馬承邊德望尊上公持節正乾坤十年烽火登

車息三極冰霜蒞部溫坐鎮多時紆右顧安危自

古重西門熙朝文命崇開府嶽路猶先寵錫恩

受祺堂詩卷三

四

炎夏驕陽待澤多大雩無奈密雲何憂先郡國煩

徒步慶洽神人起浩歌俗阜竟銷青海檄時平新

臥錦官戈川中有苗亂已戢賓僚濟濟瞻慈宇共沐滂洋

萬頃波

使相分符十二州明公賜履冠諸侯天包涼益開

東井地跨關河領上游寒谷春生吹律徧野航時

帶霽暉流躬耕久自耽林壑望歲頻書大有秋

繁戟垂鉞北斗邊曾披短褐愧登筵干旌競睹秋

飈肅蒨荔偏滋曉露鮮親此八驕臨陋巷更來雙

轡照荒阡公遣官驛於今每出兩京道徒倚臺門



逸興連

雨洗長天色正清  
秋分邸夜接蓬瀛  
當臺皓景千林徹  
仗鉞金波萬里明  
暇日琴書光滿座  
良宵刁斗寂無聲  
極知端揆須賢輔  
還借宸猷庇漢京

投贈圖撫軍五首

熊軾銜旆法宿連  
袞衣特簡借朝賢  
保釐嶽路東西陝  
彈壓秦疆百二天  
氣並靈犀分水立  
光如拱壁向秋圓  
野鴻遵渚胥承對  
垂拱關河兩漢年  
視履寒帷雨露同  
驅流遶瀾盡朝東  
函京外輔連匡衛  
副相崇班引鮑聰  
繡節高迎徽省月  
鳴珂肅

受祺堂詩卷三

五

敞柏臺風還瞻華黍秋  
隨茂共戴邠雲指顧中  
百尺臺門木可梯  
勞謙一氣下雲泥  
稻梁頓覺餘鳬雁  
珩珩偏能靜鼓鼙  
列憲森嚴兼柱後  
生民鼓舞觀邠西  
建牙臨部聲俱潤  
蕃錫鈞膺有四驥  
忽覩秋鷹竦節旄  
恭聞白簡挾霜毫  
紀綱不徂牙門將  
恩信先孚掾史曹  
獵渭竹書千畝  
碧披荆鏞鼎九圍高  
西州式廓同文軌  
獨座提封使相勞  
部鼓初傳綵綬新  
西疆秋肅近陽春  
疇諮緩帶無遺策  
暇日張筵有上賓  
屢接丹書通劄鳥  
長調玉燭傍星辰  
雞栖自負班生筆  
井野慚承鄭驛塵

答陳棘菴中秋見贈二首用來韻

飄蓬新漲渭水流  
好夜同分漢署秋  
客度長霖聊判飲  
天違明月嬾登樓  
連枝有榻方徐釋  
屬草何年進馬周  
渚雁衝波歸轉急  
西風搔首不禁愁

都司幕

同袍感淚授衣辰  
挾纊驚看得句新  
積雨數邀高士展  
微霜偏惜遠遊身  
黃花入座寒留景  
白璧連城晚照秦  
欲報難逢青玉案  
聞歌愧爾郢中人

青門喜晤使君弟偶去華下却寄

從禁隴樹已三年  
却對江鴻一惘然  
咫尺翻違初

受祺堂詩卷三

六

度酒崔嵬欲寄遠  
峰蓮州圖恣眼臨  
青嶂部箭隨車上  
紫烟使君舊皓首周侯尤  
惜別揮觴惟覺護軍賢叔治官中護軍周侯之弟

秋口下榻糧落許使君無功東齋奉贈五十韻兼述近懷

節使聲容峻關封  
控帶遙金闥瞻濟美  
玉燭慰新調鳳紀初開  
朔龍驤本兆遼近天  
無小娃摩日引榮苗  
太嶽羣分譜高陽  
萃立朝殊才推冠族  
卓識自垂髫執戟森  
丹陛含香倚碧霄起家刑部陝西司員外世逢清燕後人臥  
白雲察夏署恩加擢遷兵部中



臺望獨超三驅資主治五格息煩囂此馭瀾滄泚

寒帷蟠燐椒山為廟俗和端吏譯風動洽邦謠已

築收真障翻馳步帖燒羅外將歸題鐵柱隔代仰

銅標再訪耶溪秀補紹興因探禹穴潮鬼崖橫樹羽

閭機逼鳴鵬三逆脆土頻呼吸遐陬屢動搖竟揮

風鶴定徐朴怒龍驕壯略喧行省前籌毗大僚司大

馬前督李公取公安危勤就畫臂指榮依條借箸

雄方面紹寧攀輪跨越橋凱還兼奏武歌敘亦聞

韶忽補笙詩缺猶垂墨經瓢不圖趨海甸何意啜

江瑤起圖之延治斥浮舟緊素壘入部饒謂今度

受祺堂詩卷七

支伴左轄騰飽通連鑣通馬攻駒富池越漾雪嬌

銜書馴掾史鼓腹到簞瓢兼理政攬網維得膏流

伺竊銷論文多靜晝託契有寒樵宿昔狂吟子艱

虞旅食朝詞名虛鬢髮出處點風塵坐惜朱顏換

難同翠柏凋嬾餘尋負耒愁遣問征輶但解鴻達

弋誰云鹿在蕉蓬臆甘蔚蔚短褐莽蕭蕭汎愛情

遑展潛期夢可招聿來通水竹真欲憩鷗鷺老骨

憐強項佳筵恕折腰經旬陪濁酒看客染生銷曉

漏忘嚴刻昏鐘數麗譙齊盟皆國彥夙好伴王喬

時華下王微君山史在憲懣張藩邸秋城泣斗杓軒裳隨興

集杖屨不時邀月滿渾如鏡中秋前至霜深鬱未消

階莫摧更長閣炬爛頻燒道隱長宜拙途窮莫設

焦綺園仍謝漢箕穎究辭堯橋頌成衰晚林栖戀

寂寥使君台鼎質應着待中貂

寄方伯傅公四首

同時方岳慶王言右顧恭聞眷大藩郡國仰成綱

紀重邊疆騰飽度支繁提封漢牧隆三事拜命虞

廷冠八元共向青霄瞻俊鸚西來彩翮正飛鸞

臺端清望壓羣公憶昨關河競避聰東按河水濱

效珍渾漾雪星輅此馭稟生風借恂爭識為邦後

受祺堂詩卷八

歌召依然按部中才繡承流真曠典丹心獨抱嶽

蓮紅

中書內外紫宸看左轄新推白簡寒瀛瀛三峰瞻

峻節泊泊八水障迴瀾聞聲墨吏驚拋綬表範朱

絲慰伐檀莫訝剖符雄百二秦中自古是長安

迢遙三輔滙黃圖畫省惟公託令模霜而不容寬

掾史霽輝偏青照文儒陽開春律黃鐘盛惠洽堅

冰碧草蘇肅肅旗門稀報謁時叨禮數及潛夫

青門喜晤鄭使君司直却寄五首時備兵

曉霧初凝木葉飛輕輅重喜觀連圻十年關塞聞



雞早萬里江湖過雁稀公自浙有選涼莊夙好班荆仍玉

珮征途迴首各戎衣關涼之亂公侯補在秦互牽離緒催頭

白愁立西風攬暮暉

屏客渾看汲黯狂臺門棟攝舊鴻行司道廷謁何長揖諸公多

熙曲公獨抗古禮望者避之故人心迹浮沈得吾道艱難出處

妨尚憶機槍明弱水空傳金鼓震扶桑清秋百卉

驚搖落獨對東籬菊正芳

省戢雕戈上郡東舊為神木道欣來繡節武威中天留

飢溺逢多難世倚安危有數公宿眷不忘沙塞遠

前有吏議賴上知公獨褒之許謨還著石渠雄謂所著時務錄稔知經

受祺堂詩卷三

九

國情偏切一體酬恩內外同

舊史含香冠六曹司衡黔楚重詞豪公前典江右試及督學貴

殊勳近跨江帆濶以台寧道奉卓壯略遙瞻塞月高避

逅地猶依名樹追陪人合贈虔刀黃輿倚藉當途

久不憚星征指畫勞時督繪輿圖進呈

分託漁磯老澗隈尋盟使邸為徘徊憂時豈必伊

周地撥亂深推管葛才月落孤亭頻易燭霜明五

夜共銜杯避人子已甘長隱懷抱從公慰一開

山史先生舉第五子賦寄新句

第五舉殊驍騎名烏衣連翩照前楹爭傳晚節蓮

峰峻更喜同根玉樹清比歲麟書誇過客他時鯉

對接諸兄排雲問序通橋梓先生行本居五鄉族遙追百

代聲王氏百代卿族通鑑王僧虔語

寄茹明府五首

會聞請郡得前期底事裝成却屢移漫對停雲臨

北阜猶煩採菊悵東籬八年生聚酬功薄千里交

遊命駕遲努力無令愁歲暮寥寥宙合有相知

岐陽瘠土半榛蕪力顧恩綸困欲蘇漸喜遺宮

鳴石鼓神華學宮諸廟遙來大澤引蒲引潤德泉入城青霜已

轉孤城色白雪渾高百里符竹下徵書君即去歸

受祺堂詩卷三

十

鴻還假賦新圖

周原漢時異時杯夏樹秋陰去復來到處烟清同

繫馬相思野望獨登臺主人長判林泉費賓客誰

稱坐嘯才無那為歡華此約朔風黃鵠正徘徊

羔羊夙表素絲秋濺濺維羣匪自謀時貽西羊百頭致牧

遙從西澗至街花忽滿北山頭武功蘇典勞苦慚

高節新息馬伏波蕃滋仰壯猷但使薄田豐報種老

子養笠父何求

論交惟子跨羣賢况種城花正少年伏枕為辭青

杖夜躋觴翻負紫霞筵將謀出處須同舍並理宮

商結數椽是日王喬飛賜舄芝車莫更問神仙

贈馬子良日者

聞君雄辯夙縱橫卜肆逃名轉劇名所至簪裳爭  
倒屣還來樵牧共班荆三旬雨積黃花暗九月霜  
高錦樹清倘許幽棲吾自得猶將握粟就君平

贈許公子青錢

麟閣相承鐵券新豹韜翻負象賢身及時軒拔推  
諸弟垂老兵戈侍二親醉倚黃花秋並澹閒調白  
鶴暮難馴真知羅漢無名欲潁水箕山一氣春

青錢像贊

受祺堂詩卷

士

高坐雲根暮息機暫揮白羽卸戎衣佳人仰面裕  
如蓋笑指前汀伴鶴歸

陳棘菴像贊

尚託元龍傲難教老鶴馴紵衣酬彼美戎幕滯斯  
人穴處商山麓竿投渭水濱有時晤唐舉終許畫  
麒麟

贈朱太學二玉

邵陽支子吾賢存猶是愍王九世孫舊業空瞻鎮  
國邸幽棲却近延秋門揮毫醉倚省中月採菊思  
歸江上村布褐潛行羽檄後珊瑚不遺風塵昏

書太守公屏應屬部刺史明府之請

全收三輔舊神京內史維高遠著聲尚憶貔貅馴  
出入爭教鶴鷺託飛鳴承家節傍烏臺峻領郡心  
如碧水清共指南山持獻竿屬車秋色滿關城

題關中八景圖絕句

草堂烟霧

萬古風人地南通尺五天霏霏烟雨色獨傍鳳城  
懸

灞柳風雪

曳絮春疑雪沿堤晚帶潮夕陽杯影亂人去灞陵

受祺堂詩卷

士

橋

雁塔神鐘

郊畿有秦漢篆籀歷隋唐一派霜金吼賓鴻下景

陽

華嶽仙掌

到眼驚奇嶽摩空走巖靈仙人伸玉指取弄白雲  
停

灤山晚照

野抱黃圖盡天留繡嶺孤烽臺殘樹在片片有啼  
鳥



山江流飲

山水傳觴處香亭飲悵長不須問南苑蒲柳度年芳

咸陽古渡

棹翻三輔瀾波帶五陵高拾得阿房翠臨風浣碧

濤

太白積雪

皎皎何年雪山芝六月薰長風吹汝去散作渭川雲

奉答許學使公冬日華州遲予不至之作

交祺堂詩卷三

三

遙有攀雲踐華期促裝將發更迴疑承聞鄭館餐當授政謂山陰興忽移霜寫欄亭臨眺久雪封仙掌度杯遲寒星倦鳥愁舒翮淑管還因郢曲知

奉贈制府圖司馬學士公五首

又昌提斗照端門山總西師望獨尊玉署石渠承風春彤弓牙纛拜新恩星該秦蜀宣風濶旆發河山受詔溫時請陛見憶自衮衣分陝勳猷千載

秋同論

羣扉秘禁九霄間學士深居副相班公為紫詰時雲五色丹楓最近扇雙還親臣受冊初開府龍

命聞期早度關卽得聖情紆右顧渾宜與頌指

南山

神州烟樹太行高使相天心簡在勞公自內閣何

服驅車瞻霽景汾川仗鉞起澄濤人歌桃實存唐

魏地遡桐封建節旄忽進軍麾寧煖席西南侍轉

夏聲豪

外臺專制比公孤遙控中原有舊都北極崑崙收

障塞西條江漢引荆吳畫熊初耀雙轅軾銅虎橫

行萬里符頃立河干頻倚竹蒼生處處喜來蘇

當年抱拙避墻東謬託清塵步下風岳牧還依黃

交祺堂詩卷三

三

聞老旂常應數黑頭公猶違典謁春先及擬賦嘲歌凍欲融濟世才名兼內外麒麟俯仰壯猷同

歲暮有感奉懷許學使公

蕭條臥病掩村樓度歲銜悲可自繇長憶故人馳

絕寒幾回遙望引殘裘春風嬾自蓬門轉朔雪偏

爲陋巷留聞說星輅旋有日那無書札慰離愁

起服阻病蒙中丞圖公許爲代疏感寄三首

鳳闕渾憐鳥鳥微銜書觸網聽歸飛掖垣回首恩

猶切風木紮心願已違使節絲來通估目端門近

得庇慈輝更瞻聖德蓬蒿下朝野情孚衮繡衣

一賦山居鬢雪增二天長倚大中丞青雲勿傍青  
陽轉紫詰頻頻紫氣疑入部烝黎融曉日環臺曹  
孫梁春冰魚鱗鱗伏俱隨意竊比文園臥茂陵  
期迫趨朝困採薪柏臺高義達 皇仁天回北斗  
依司憲上託西瀛有釣綸未惜村農生事拙猶觀  
軒紀歲華新欣欣杖杖來蒼野處處荒霞照綠蘋

歲除寄董太守公

嶽麓東隨五馬來河濱北望片帆開龐公轉自依  
州府鄭老猶能耐酒杯淑景過融堤岸樹晴雲先  
照閣中梅荒村伏枕逢王朔下榻傾壺好信催

受祺堂詩卷三

五

改歲將迫有懷許糧藩無功

五夜酣歌月色澄三移玉筴曉霜增客心長繫南  
州榻年事猶寒北澗冰談愧茂先推博覽爽陪安  
石有深燈忽迴珠斗開新歲何路重吟畫閣藤

雪二首

歲內探春早朝來對雪凝蘊舒冬煖覺消息曉寒  
增雁候迷遊魚游困陟冰喚兒問衣袖花驗五  
堆付

朔吹千里急同雲萬里看風霜飛柳絮節氣促椒  
盤病採冰林暇吟調玉燭難乾川多變乏共汝念

長餐

壽沈母龔太君即寄令子蘇菴二首太君端

端毅清門內外宗風傳歸妹抗名封傳箴班誠當  
年著姜績陶鯁曠代逢省憶金閨聯詠雪猶擎珠  
掌兆乘龍謂學憲許公生北堂燕喜人長健何用  
鳩飛數尺筇

奕葉休文綵袖寒勤宜閣教滿中原冰霜高節懷  
持夢海嶽徽音起樹萱青鳥競銜春酒賦紫雲通  
撫絳人言承歡自與嘉修合六翮能彰母壽繁

告病值歲暮感懷寄茹明府四首

受祺堂詩卷三

六

荒村白日閉柴扉病裏青陽序不違自歛負薪虛  
曉嶂長教沽酒滯斜暉山雲度臘情俱嬾澗樹逢  
春色尚微爲報故人招隱得先須料理薜蘿衣  
老至驚聞年事增冬殘諸負并來仍寒朝採柏非  
儲飲永日囊書但曲肱思友正嗟吾道放歌難  
遣宿愁凝幾人時節蒙相憶西望岐陽信可憑  
中原墮坵久荒涼風好詞人略散亡獨子風流承  
彼美同時俊顧邁年芳鯨魚碧海攀徐及翡翠蘭  
枝許並翔興發每看關路近潛期應與歲華長  
樓上清商起素琴一彈三歎爲知音隨風擬徹良



工耳撫跡應憐作者心鴻鵠願同高奮翮鷗鷺

薄暫依林君耽雪詠清多暇獨坐懷人春草深

報二詩

起服請病蒙邑大夫胡公慨具印結歲除始  
俯仰文園多病身蔡牀藥裹自依仁恩推符狀操  
形管力轉台司微紫宸困鶴女眠垂翅日冥鴻  
託息漸警春朝來枕上聞鄉社一掌壤東臯淑氣新  
西土神明漢關才剖符清靜種化開和風應律啼  
鶯至秀穎先春隴雉來百里流一宵與頌合三年報  
政璽書催吾儕歌祝元循分况一除椒盤獻歲杯

受祺堂詩卷三

七

胡秋亭以所作詩藝屬點閱却贈

公子貽來五色光彩毫星斗鑾垂鉞同推時論騰  
吳越不墜宗風溯鄧黃此義承嶽蘭玉重佳晨發  
篋酒杯長自憐失學從兒嬾相對朱雲單父堂

受祺堂詩卷之三十一

中南山人荆東李因篤子德著

秋日寓青門承費司馬荅菴招飲歲杪有寄

諸公戟戶盡嚴扃獨敞前除寫玉瓶恰值臺符橫  
道路猶看賓座滿池亭秋深水抱樊川白雨歇簾  
開太乙青歸臥長林春又近幾迴幽興接郊汀

病臥喜父亞沈燕賓先生新愈因寄

長者齋居省侍疎川雲間樹兩躊躇遙驚小極傳  
句別忽喜佳音接歲除閱世能高敦行傳承家不  
屑然書冬來寒暖乖常候更慎風霜健步初

受祺堂詩卷三

一

除夕十首時立春已涉旬

驟舍衰麻日猶餘老病身道呼多擾歲賦役久先  
春好問思良友清談過密鄰宿愁攢此夕堅坐待  
司晨

晚覺修名誤貧憐學稼宜及冬儲菽藿乘暇補茅  
離適野綠蘋見占星朱鳥知行藏付農圃未許薄  
堪遲

失學悲殘齒安貧保賤軀東皇新授令北斗已廻  
樞日月中年巡關河舊侶殊宵燈管自守謬冀補  
柴榆

今創休羣婢寒春愧老妻笑移高士臥齋喚太常  
述歲月初鴻雁乾坤尚鼓聲白頭嘲互解青杖勉  
相攜高士句用  
馬仲事

弱弟疲奔走嚴朝耐雪霜年歸雙湖靜日暮片雲  
忙並隱懷新息齊名負季方無才能庇汝不敢怨

從商作本

客至逢局戶冬來不出村高眠吾道得爛醉野風  
存汎掃頻催子舍怡只弄孫芳梅舒早萼且喜照

雙盆

據几座仍在仙毫濕未乾苦吟渾有癖多病強加

受祺堂詩卷三

餐得句披衣起開書就燭看短牀清不寐長似度

除寒

列炬中宵啟連觴屬歲分少微留野宿佳興託春

雲草昧先賢力文章處士勲振衣呼杜甫應共爾

為羣

有使頒春從官餽土牛月厓環樹翠泥湖抱村

流海稻仍兼秫疏毛亦自裘幾時通藥餌隨分足

忘憂

雪英看將首是夕銀壺聽漸高牧羊堅晚計浮蟻

動春醪一夜牆烏影三年隴樹蔭不須傳綵勝音

響接東臯

寄題潘半峰徵君枕流草堂兼呈令子沆齋

川許督學公體

吁嗟巢山不可見寂寂洗耳無其人一派南流去

不返遺風乃在清谿濱東吳令望黃門族有老幽

栖綠水曲擊壤恰逢堯舜時高眠不出箕穎谷草

堂親築溪厓長廻繞衡門泌洋洋欹枕潺湲差足

聽不聞人代幾滄桑許之後裔援溺切謂學  
意公朝發

林泉暮稷契風契常攜彩翮飛時沆齋在  
許公幕新篇遙

並白雲潔江河滔滔日難憑鴻貯那辯滄與通適

受祺堂詩卷三

會春曉吹大雪扁舟訪隱興相乘

元日歲在癸  
丑開蓬戶晴輝疊雪岑觀鄉存旅拜聚族享餘

歡十載風塵迹三年涕淚音躬耕將自老酌酒對

山林

晴

逼歲剛憐雪凌晨已效晴被瞻蘇宿帶膏潤達羣

生解醉春施祐油油物向榮比鄰皆有作吾亦課

東耕

就曝老夫事朝暉除敝垣即舒新蔬急梅放好枝



繁山牧牛羊喜爭飛鳥雀喧青陽初見德淑氣  
西軒

人日二首

上日逢人日爲鄉是醉鄉  
澗流開宿霰山郭擁朝  
光柳帶衙門隱莫舒靜  
晝長病中差遠俗高枕到  
羲皇

晚歲頻耽靜佳辰一放歌  
天晴垂華掌雪盡瀉黃  
河絲裏兒孫得辛盤里  
巷過故園春色好分向草  
堂多

穀日二首

受祺堂詩卷三

四

萬族人爲貴羣生穀是天  
黍稷營舊社雲物驗豐  
年尚友南陽得餘春北郭  
全雪消河正潤移柳問  
東田

拾簞初盈案鳴槽已注牀  
歲功興雨水時已村鼓  
會句芒託老農夫足承家  
祖澤長客來談世事酣  
臥仰春光

馬嵬和太守公作次元韻

上皇駐蹕自成村同輦淒迷玉帳魂  
碧草空隨荒塚暮黃沙猶帶戰場昏  
人間粉澤傳遺土海上蓬萊泣舊恩  
忽遇使君高詠山春風含笑夜臺門

陳秘笥飽食脫賓主瀕發裝忽停凍雲塞極浦縱  
橫白雪飛盡萃郢人斧別緒兼葭深幽期歲月阻  
雙魚玉塞傳幾曲清商鼓相去萬里外撫塵猶思  
補悠悠建安來奮筆曹阮伍負性亦耽吟才微胸  
鹵莽所嗟良工難寧識作者苦感此骨肉恩遙施  
騷壇祐終慚龐德公乃不至州府

詠史得泉字

許由辭天下高步遂獨還何乃逆旅翁坐疑竊其  
冠臨流一洗耳顧影同娟娟邈矣從此逝悠然入  
箕山舉頭見巢父行牧來河干斯事誠不細足爲  
故人傳聞之長歎息去去勿復言未忍汗吾憤疾

受祺堂詩卷三

六

驅飲上泉

夏五寄太守董公

春草扶趨召伯筵夏雲長傍野谿眠  
千家麥菽盈新圃比屋壺觴起大田  
伏枕能忘前箸力躬耕喜有屢書年  
遙知蒲酒開清暑賜著宮衣五色鮮  
承趙贊府驗病後報可却寄

籲急臺門困屢呼春風飛鳥下榛蕪  
曾推風好披肝膈不使殘生委道途  
永日園林聊遣興豐年藥餌未愁沽  
只今簪紱朝如錦何必驚行少病夫

夏日寄邑大夫胡公

招隱風清水竹居令君明德庇樵漁愁連貧病耽  
高枕老信行藏戀敝廬長許松雲舒還在不教羅  
月挂牕虛鳳雛相憶經年別謂秋亭公子延佇佳音慰  
起予

承聞學憲公紆道過訪並就晤宋隱君喜賦

二首用宋韻

傾耳軒車迫驚心澗道荒夏雲知引蓋山鳥佐行  
觴野興通吳綺幽期問楚芳衡炎紆使轍錯比鄭  
公鄉

受祺堂詩卷三

七

病裏加湯沐庭前冰結除侯門千里駕娛客一牀  
書隘巷愁盤馬空庖缺饌魚里鄰喜相告佳氣滿  
吾廬

夏日伏承許使君四山邀同胡明府鏡水潘

徵士浣濤垂訪村居並取晤甘泉宋隱君

子禎因延表弟朱長源摘蔬漉酒肯留及

夜適榆塞趙文學子實至自池陽兒子渭

侍恭賦長律一百韻

使節臨東部星文動北躔紆回因訪落契濶到思  
賢時有劉欲就怡迫炎飈競遲揮午景偏途長無

直軫地僻少鳴泉四牡聲將及雙鳧翼忽連尋盟

徵好會領客喚高眠漸轉層峰下俄馳曲澗邊旃

旌渾引却驂導不充前執熱袂軒蓋披塵跨馬韉

微雲剛鬣隸茂樹稍葱芊霽靄初欣接佳音昨進

宣關河若吐氣邑社互驚傳玉珮孤村得形聯陋

巷延場來開草昧觀者任喧闐土砌寧餘趾蓬門

僅庇石供張慚弗給灑掃布維虔愛渥寒溫備裝

輕輟贈聯薦羅敦宿講金石訂真詮斗酒貧家足

園蔬樂歲縣散雨娛永晝燒燭敞初筵摘葉槐淘

冷醃霜雪酪鮮良朋通欵曲海峤奉周旋或訪葩

受祺堂詩卷三

八

驤舊成傾肺腑堅須截耳大雅受鑑託停淵譙豆

循常設紳裳恣意寒歌秦治擊缶逮夏入薰雨

瀉疎筠細嵐飛晚嶂妍杯深霜漏刻飲適泛爐烟

脫畧台司體紛紜弟子員狂談知越分野集謝多

愆下食兒兼僕移牀坐缺匱包荒聊就枕遣侍各

分塵敢卜平原計逗留信宿緣後期中疊疊岐路

重拳拳尚憶征袍始曾驅列騎先前子在次偶至

棘人徐載贊蕭寺亂聞蟬賜啜香羹滑拈除飢味

擅襍含蒙老母性鼎照新阡小別魚鱗屢遙空雁

翅駢問遺頻倒屣衷緒滿懷箋吾道方攸恃私恩



莫其編輿情乎曠蕩士論善騰謔似風靈力爰  
提造化權崇標勁溯本絕詣必窮顛俯挹黃流醞  
攀們華掌連川隨齊拱欽疏次總趨川近代衰俱  
起遐服俗頓遷漢京森秀孝姬轍正宮懸更暗思  
皇作謂川彌親典敘篇錄有苦心彰藻采明義  
棠丹鉛韻業恢恢奮詞鋒處處研羽苞瞻所發熊  
虎兆于收報績同倫首探幽是役專精神昭夢寐  
禮法破拘牽遂谷掀衣出巉崖納履穿藜蒿餐即  
飽九礫暮忘還倚木題叢桂摩霄詠戾蒼每陳江  
閣榻爭逐刻溪船曳帶吹樵響借輪拂釣釜名山  
舒嘯傲泌水弄潄浚况秉嚴程急翻饒逸興遄縱  
橫逾萬里晦朔迅三年嗜古資憑弔耽吟取靜便  
繁腸恒怒若迴眺獨蒼然振跡晨襟爽凌危物慮  
獨雄同煩歷顧往哲賴追銓榮翰嗟垂瀑援毫訝  
擁椽邦謠營慘澹塞月攬清圓緬仰多君直刪塗  
恕我癡從遊超象表此席冠垓垓內省祇栖鈍旁  
窺寶抱孱潛修今棄擲壯志久迤邐但闢繡書牖  
誰貪負郭田羞承時拔茹嬾逐衆翩翩邱壘仍淹  
朔階莫幾易燕譙鐘醒困旅佛火伴枯禪啄雀招  
當至慈烏忍自捐濫竿冰署秋糜費水衡錢世道

受祺堂詩卷三

九

亨交泰朝禎蔚似仙仙身安蹇劣匿影避嬋娟  
辱誠何有行藏庶苟全非關矜異數乞養促歸  
閭閻崇簪笏乾坤靖鏡鏡頽毛板就整老病鬱相  
纏賤子嘗疎甚羣豪亦舍旃汎施雖召鶴凝望已  
啼鵲誓欲浮滄海要宜訪僊僊柴荆甘阻蔽沼沚  
隔漪漣受性詩爲癖殘齡悔未悛竟輸康瓠寶虛  
嘔麴車涎那復叨殊契掄揚擬太元泥塗能感激  
弱薄仗陶甄歲序滋加厚存亡矢並鐫澄芬頌戚  
紳襍贈耀花鈿承內親家夫宅相光宏閭兄家少  
公孫繞勁過逢才遠展洗滌疾應痊握手  
沈憂去經春積思煎漫勞殷采葛頤肯慰停鞭竊  
謬侯生比真邀鮑叔憐綢繆難悉記隱見約同天  
溫掾母唐氏 詔旌貞節建新坊成索詩因  
寄  
彤雲 紫詰荆山下 詰入人家雲照野颯颯晨  
颺吹不飛琳瑯華表起蓮社 至尊動色詢苦節  
昔舊舍悽說初寡慈笋雕菰有光輝曉烟夕月同  
瀟灑晉陽清河皆茂族椎布操作悚觀者縹緲江  
關懷遠遊鹿車相挽不相捨病姑垂白須往掖姑  
獨乘車妾先馬忍使纖纖疎在途時擎冰漿逮長

受祺堂詩卷三

十



夏良人採薪困天末背面斷指輕土苴總貨須臾  
誠有神難齊修短淚如瀉姑危夫棄載降割女叫  
兒號聲垂啞二十年來畢冠婚三千里外歸廬厦  
渾留九泉水霜危盡洗萬古粉黛假綸綵承恩  
金滿攜邑鄉趨拜酒盈把巷謳衢頌彰潛德憑軾  
褰帷底大雅巨構驚聞喧里閭貞珉忽復耀枿  
我生之初桑海仍高斥爲谷谷爲陵釋甲橋外抱  
遺恨陳情幕前應且憎掉頭翻掌過疾隼舍垢小  
心陟春冰舊燕低回別畫樹新巢高下張華燈鳴  
呼養士不得報俛仰於今空愁凝却取浩氣輸巾

受祺堂詩卷五

十一

惆天清星寒耿玉繩清流唐三原人東遼溫潤泉  
水在富平溫居近之住碧水淡池漆川澄漢時秦祠久寂寞  
荆嵐浮嶂荆山浮原虛峻嶒嶒行旅來溫谷跋  
足新坊數見稱婺婦傍徨楚妃笑吐宮激羽從此  
興聖朝况當廣孝理纖細有善能勤徵不藉是  
母逢是子誰知其淵辨其渾使君錫類詠黃鵠學調  
意良友哀吟箋綵繪諸賢俱有贈章旁剔幽微洵吾願內  
慚衰薄力未勝感時撫事一長歎抽筆臨文中蘊  
蒸但見孤村石柱上中宵嘗得蛟龍憑

題許使君所藏宋觀察荔裳先生手書詩冊

二首

觀察風騷裔心期海岱長歸雲羈蜀道入觀值醉  
月判炎方漢客邪見撫故驚搖落臨文憶散亡相  
看同風契拂拭互沾裳

每惜清商杏猶憐彩筆遲宦遊何處問詞翰此生  
悲嶽靄板應得江春照不遺孤鴻能一響發興爲  
鍾期

苦吟戲嘲宋大因素和

此老同詩癖相逢卽放歌風來吟席靜月向夜隱  
多漫訝何生亮將拚不詔佗脩然雙白髮底事苦

受祺堂詩卷五

十二

婆娑

寄傅梅臣文學二首

西都芳樹一蒼然北地詞人接少年遂有新詩推

武仲漢傅毅字武仲作地志詩長饒雄氣比文淵馬伏波沿郊

數問清渠竹觸暑同吟白社蓮更許潛期通澗水

柴門曾過孝廉船會見訪

清河自倚玉壺冰謂傅外舅並對長天洗鬱蒸正

取芝雲憐宅相還開綈帙慰吾徵興來時弄烟溪

月賓至耽留畫榭藤別後炎風吹浩浩良宵空憶

酒如灑



送許使君無功之滇臬以時自關右大叅新

擢四首

鳳 欣開二紀餘鴻綸更與勳方初下車解

網恩猶狹風動時雍世自如陝右藩宣蒙風好滇

南觀察慶新除棠臣一德分邦憲不盡 皇仁倣

詔書

夙昔逍遙畫省即寒帷曾此借襲黃公自駕部出

也 支郡十年青鬢今何似萬里霜威到有光羽檄向

資全越著公為紹興守值重其贊書遂遷副使

新春遙靜百蠻疆政成高宴同條屬天畔銜杯漢

受祺堂詩卷三

主

署香

散帶高秋沾席溫公餘三載奉清為天文秦野通

滇野驛道荆門定蜀門舊邸圖書空夢寐殊方賓

主自乾坤臨岐展轉傷頭白况復驪歌未出村時

告在

忽見雙魚出渭橋公寓書聞君六月榮星軺蒸雲

暑雨王程急通馬征橋客路遙叔重談經遠博覽

漢詩五經無雙許叔重蘇公屬史限督霄尚書立

冠蘇念生敬此之蘇公屬史限督霄尚書立

王命太史書之不愁江月連湖樹自有清風蕩畫

曉

惠孝廉過訪辱贈詩次韻答之

東莊流水送新 寂寞柴扉引暮烟正苦朱雲紫

瓦閣翻驚白雪下瑤篇頻留潤道空餘過並步濠

梁落日懸川惠眼底秋風能薦爽前期重待竹松

邊

雨

伏暑中尤甚陰雲夜漸繁風鳴吹雨急露宿起人

喧聽雷頻欹枕呼童小濬垣詰朝迎爽氣書帙快

新翻

雨

受祺堂詩卷三

主

夏雨不辭數秋禾方待成夜涼侵几枕天黑動簷

檻病肺高眠穩吟詩宿興清薄農慚未及之野亦

怡情

遙題康大孟謀澹園六人衛太史紫岫先生韻

名園東望大河秋尚託彤毫七紀盛遊所謂伊人長

閉戶印須好友一登樓松雪臥聽濤聲轉石徑晴

看黛色浮更展遺詩懷往蹟白雲滄海不勝愁

賦得暖老須燕玉嘲宋八有序

杜詩暖老須燕玉趙杜婦人也以燕趙多

佳人美者顏如玉為解 更述顧大韶

引玉田種玉事故燕地也禮七十行役以  
婦人八十非人不暖宋年踰六袞無家久  
賦此嘲之

暖老須燕玉佳人問土宜念當消渴久空有望梅  
期落月孤相奈微風早自知楚臺多暮雨神女竟  
何爲

小兒滿歲日例陳諸物觀所取以知其志先  
太孺人云余取書孫同亦然識之以詩

爾祖篋中書吾孫試志初取攜同此物騰達定何  
如拜跪儒家有孫已解此風雲客座舒雨是日扶陽經術

受祺堂詩卷圭

十五

在憶母獨躊躇

是日答于禎先生

攬揆孫知雋貽謨自覺疎欣承佳句及愧荷綵衣  
初愛屋烏皆好當門鳳不書雨深良有意留客醉  
前除

代三賢書太守公屏三首

衡門泌水傍山居坐接清風蔭敞廬古道頻來京  
兆馬幽期不問漢陂魚治成經術揮篋篋才洽謳  
吟臥吏胥借擬歌功兼介酒幽詩七月大臣書  
鈴閣渾高董相經使惟隨意綵雲停豐年禾黍車

頻到暇日笙簧客未醒叢書時開關樹紫翠微  
送嶽蓮青美人躋酒懷東部長對山榛賦臨苓  
太華峰陰撼石橋使君曾此駐星昭不耽柳色  
來醉爲愛山光雨後樵人郡心期連淥水躋堂  
酒上青霄西風吹微鄉關興萬里棠歌起畫樓

鄭使君司直以治行第一大臣公進于朝

自京莊少參特擢楚臬時齋捧畢還清門  
喜賦五十韻卽送之任

聖德綏侯甸疇咨傲掖垣一戎初蓄軫三事接  
軒輶措天心切安危世慮煩課廉先大吏衡實編

受祺堂詩卷圭

十六

中原濟濟簪裳擁鎗鎗帶紱騫在庭省動色師錫  
有孚言共說榮陽秀方分隴右藩起家雄國史銜  
救濟詞源並見七言注最報名都愜已勲登冊府繁維  
皇顏忽霽夾陛喜無喧春眷高移楚朝旌甫去  
開旋車承寵渥秉臬拜新恩慶卽殊疆被賢須  
曠代論輿情僉已滿直道庶能存氣誼河山得忠  
誠肺腑敦每聞籌運數時欲正乾坤况陟台司迴  
頻霽制詔溫已酬知看俊鸚賜地徙長鯢執熱聊  
停蓋懷人數倚鐔寓書來潤戶垂橐下荆門自愧  
幽居僻遙憐曉日照寤歌紫玉珮消息近芳蓀此



處嘗羈旅

客楚

他年引夢魂賦哀鵲鳴鵲啼走杜

鵲痕李白胡親到陶公柳屢捫莽流演微羽俄跨

蜀江屯返里驚霜角逃生臥石根何圖鄰職駟轉

幸識璵璠

使君候補入關與余定交

客預鳴珂飲寒依使院喧

飛符安塞域抗禮肅臺懷

見

歲月同憂患風烟迫

駿奔好音違度野多病只棲村昨際朋簪蓋

重去秋

門會開宿霧昏杪秋傾邸釀中夜沃盤餐細覺心

期重恭惟憲節尊明謨彰沔鄂憩蔭展崑崙昧答

宜通燧澄輝定舉益更經殘戎壘猶對古烽墩未

審瘡痍復深愁喘痛吞虞州懸象魏漢法長兒孫

受祺堂詩卷三

七

整旆仍餘暑吹葭亟用元國將舒瑞莢民盡種慈

萱閉閣恒休掾連圻早撤樊冰壺堪競倚藻鏡忍

誰誼貫索鉅應伏弛繩議不冤清騰吹豸繡偉望

啓熊蟠碧樹行觴逮驪駒傍席踰別還牽帳幙歸

但理雞豚授鉞良基是官占雅命昆君如踐台斗

託庇老

園

京兆曲奉爲太守董公壽

京兆古爲司隸州卽今爲郡冠金甌大河喬嶽在

封內三十七城如繫旆師尹代殊地不異趙張名

遠才堪求剖符不但雄邦域天下安危託上游

皇帝龍飛二十載自天西顧恩長逮

收書獨簡

江都公關輔猶存野戰壘此馭俄聞增氣象寒惟

所至有光彩功曹奏最先友邦册府酬庸跨寰海

憶昨公來青鬃妍纔如高密拜表年恰逢禁旅當

移鎮爭奪牛車或控

公出奮身喝熊虎不時傾

篋安市塵假旗息鼓須臾事疆詠衢歌道路連惟

大中丞中外則好修久自過庭得傳家琬琰世成

史接跡鼎鐘朝競勸退食散帙復張筵山榛隰苓

遙侍側公嘗示之大人訓滿座賓客皆動色七月

幽風華黍香豐年屢及介眉觴自憐笑竊在疚

受祺堂詩卷三

太

南望躑躅遠躋堂晨攬我衣秣我馬載塗朋酒鳴

羔羊披圖按籍吟斯曲錫福于公壽且康

贈胡明府壽兼謝盛夏枉顧山堂二首

秋氣初高曉露明美人爲政跨連城漢疆禾黍千

家色爾酒笙匏七月聲束帶自公無雜語披帷懷

古起深情村居鬱鬱違嘉會一望荆雲澗樹清

列宿光輝接敝廬炎天軒蓋訪樵漁山中聊及行

春暇澗外還停卜夜車三載好音惟鎮靜九秋安

臥足儲胥金風齒齒環城發玉帶滌澗抱郭渠

寄盤屋學博劉茂琳茂琳爲姻家石生族孫



兼書卽事

蘆關近灑八龍哀謂石生昆弟有八人盛族從知博士才趙

客存孤猶異姓朱虛概種本同苔三秋塞遠音塵

及二曲惟高俎豆開自得聊耳疎報玖愁心况攬

朔風迴

送岫雲先生還山兼爲諸羽士訂後期

吾賢遭亂西入關舉頂結廬遠人寰石室月明夜

自啓松雲臥秋長閒有時睇龍過白帝成日駕

鹿遊青山鐵鎖挂壁蒼苔澁丹梯摩霄未可攀憶

着黃冠下湘北春花照水同顏色子房辟穀嗤太

受祺堂詩卷五

九

晚園綺定儲薄其德吸露餐霞老難移明星玉女

恒在側義和駐御叱倒景億萬斯年看畧刻說經

愛說南華經蒙叟曠如新發礪古洞幽蛟出易服

高巖鳴鶴潛垂庭關門再聚真人紫漢閣空傳太

乙青咫尺况接周南路河圖洛書風降靈先生鍾陽人

閔子三載催荼毒重見生芻來一束客比南州肯

下榻人非有道期如玉鳴呼論交本所生與子大

義兼相最旬朔菜羹堪共飽曉霜裋褐亦隨足霜

清木落客欲歸肅肅涼颼增晨威戶外羽流仙舄

擁階前遙逐彩鸞飛鼎州古是唐山真人中舉處美原東

宮後宅飛昇沿溯淵源仰遺徽竚待芝車開淑管

東壇春草幸無違

賀許學使公舉第二孫

郢樹南枝數尺清項見秦珠中夜傍臺明戟門四

世歡相接江閣重關氣欲盈入掌秋輝隨照乘齊

眉物望總連城佇攀祖德躋開府兼慰山公宅相

情

十五夜卽事呈于禎先生二首歲在癸丑

雨望秋偏急晴霄暮獨遲簾虛遙見影雲薄澹流

輝花萼團清夜朋觴倚少微疏盤從簡略俯仰素

受祺堂詩卷五

五

心歸

地界烽烟靜秋期桂杜新猶憐滄海月忽照白頭

人色迴頻移漏光開判及晨蒐園佳客在取醉不

辭貧

高平牛月三進士過訪却送東還三十韻予

之先晉人也篇中及之

忽枉山中馭微留澗外曛故園通俯仰佳氣接氤

氲隴右遺封合牛與李俱條陰受族分過從忘陋

巷沿邇慰離羣遠餉雙罇酒兼攜一卷文示所作

詞名欣被推作者競推君已植元初熾渾清帖括



京島嵐垂袞袞浪起法法賦車仍繫并山  
開城前欵開譚酬以契把玩襲餘芬白  
西柳長瞻冀北雲舊遊憑傳單  
古道憶河汾醉酒空知尋芳久易燕奔駒  
景逝水絕還紋邂逅新得縱橫逸興紛撫  
拊試奏囊穎欲輕焚度雁鳴寒雨流螢寫練裙  
歸裝頻訝急晚坐莫辭釀甫急連江戎猶傳出塞  
軍飛晃觀仕始努力建殊勲

寄答胡季子次來韻胡汾之高士也時客京

師

受祺堂詩卷三

三

廣陌明秋雨深林鎖暮山得書青鳥外期友白雲  
間愛弟同遊雛佳兒昨度關採芝兼定嗣千載怨  
商顏

受祺堂詩卷之三十二

中南山人荆東李因篤子德著

許學使公既入關舉家孫于京師家少宰命  
名秦卓子見之青門因賀次孫生並寄此  
作仍景文韻

攀喬懷自出遶膝晤元孫已具人倫表應延世族  
恩喜難能附鳳啞馬但聞豚漢詩苑中三公館下  
馬氏事南肇錫嘉名得仙源左掖門

送費司馬還籍

東亭尚憶羽觴飛世路艱難竟拂衣僅有琴書裝

受祺堂詩卷三

一

敝篋空教鷗鶴散前磯關門露重車聲遠瀟斤霜  
寒柳葉稀亟擬借恂淹臥病天高况隔九關扉

九日二首

九日晴輝淨諸峰翠障開病身拚對友佳節強登  
臺早滯黃花發霜同白雁來京輿高轉細撥悶得  
徘徊

秋野明如拭秋雲淡欲寒那遺三徑酒休落萬年  
冠到手黃枝健簪裳竹葉乾偶逢僧社入丹樹暫  
留看

酒間答宋隱君二首同習大令玉臨宋次首

周寒韻因步元韻一首

野興習池隨秋憐宋玉悲天清堪眺遠地寒更登  
危關寒狂吟合前代楚之遊宋多與俱江湖短髮衰向來遊  
宴處惆悵不重窺

西候炎涼異東臯跡緒煩遣時耽菊日憂鬱想桃  
源佛鉢通秋杖村醪照夕軒逸情嵇阮共誦唱有  
高言

感懷再呈二賢二首

節序催秋晚林泉發興深憑虛懷故舊撫景惜登  
臨遠下亭臯葉寒流澗戶碁柴桑惟嗜酒出處遂

受祺堂詩卷圭

二

何心

老鶴三秋樂賓鴻萬里天摩霄時奮翼屏跡但高  
眠西陸飛雲表南山採菊邊散愁成緩步蓮社有  
同賢

重疊前韻六首

節好渾宜飲村荒尚有臺躋攀輸少壯坐嘯託蒿  
萊古澗秋風落疎林野照開經年多伏枕是日稍  
趨陪

轉覺秋陽熾虛疑白露寒三農愆末序百卉冷雕  
闌幽霽移時得郊原應候看從來談世事不到竹

皮冠

舊塢留城角新苗涉寺門地高雙澗迴秋晚一陽  
尊剝聚山房竟餘瓜井架存浮空雲不薄似見雨  
垂痕

散步忽忘久徐歸疑所思燈前仍有述酒至欲無  
辭身老憐霜葉時清憶紫芝願存貞秀性同保歲  
寒姿

佳日登高處美人遲暮心西風禾黍後北望翠微  
深掃徑探芳色銜杯洽素襟相關復何故永夕自  
沈吟

受祺堂詩卷圭

三

獨坐還吾道同遊許二賢星霜憂不細拾菊夢相  
牽但醉東籬酒長吟北郭年平生江海興晚節倍  
悠然

菊得時字

親字

離菊嗟何晚瓶花慰所思猶當勸雨日時久忽寫  
傲霜姿臥久荒三徑情深把一枝更憐憔悴極相  
對獨醒時

遽爾來佳色悠然憶美人餐芳清着几裏露靜無  
塵海岳悲秋興乾坤抱病身幽居揮俗物獨此寄  
情親



再送費司馬五首

寺門秋霧暗出處亦難知雁翮飛寥冷龍媒蹀躞  
遲關河懷舊德歲月渺前期觸日悲貧病蕭然賦  
別離

去家長作客投郡適何人所過跡如掃惟公情最  
親深觴時照夜積雨動移句忽聽陽關曲回頭百  
處新

傳書過澗北念舊損征裝落木晨颺厲浮雲去路  
長三秋催短景一夜有微霜此意勞珍惜驪駒緩  
下堂

受祺堂詩卷五

四

棠陰行部裏柳色暮筵中東望愁西候南車逐朔  
鴻吾衰尤慘別臥久不禁風歎惜征塵遠淒涼落  
照空

使君垂橐返行道萬人看祖帳黃花令離亭白露  
寒賓朋同洒淚父老待彈冠 聖主矜民欲東山  
起謝安

寄學使許公兼介初度同子禎拈文字廣三

十韻

野霽青松色天高白雁羣溯流推彼美慷慨念斯  
文受簡 興朝著論才盛族紛雄風延楚服大雅

接江濱昔華柏臺武猶銘銅柱勳令和中丞採蘭  
馨子舍餐菊慰微君封大夫里遂啓金閨籍初疑

玉署芬公起吟酣頻緩組興到或書裙列戟行容

商舍香氣肅氣西曹詞賦合左掖度支分歷比部

最是手衡藻偏多萃錦紋鹽車曾判冀桂權復橫

汾分較北關比靖炎荒檄遙歸測微軍上游懷嶽

輔師錫動朝暉報可 皇心鑒維時 聖眷聞

救宜春已亟旌發夏方熏孝秀馳聲早前科鄉闈

我髦理緒勞入裁蒸蔚蔚合韻收紘紘是科有萬

里憐霜月三秋微紫雲千霄齊奮羽束帶競傳纁

受祺堂詩卷五

五

時諸孝廉詩辭頌公灑沃皆承露留舍總戴耘蒙知兼骨肉

竊庇洽榆枌憶傍喬柯迴渾移樾蔭薰鯉趨攀翫

鳳駒汗附飛公子仁長余姪增兒淵叨過隴源

俱得謂予與歌桃實再實謂兩誼乎瞻並逮情至

欲何云筆彩寒仍照爐烟靜自焚良晨褰燕席爽

籟却遊氛酒度秦關景孤凌漢閣雲南山吹積翠

展爵未同醺

田家詩暇日用杜擬陶得近體二十首

平昔慕農圃及茲歸故園春風桑柘綠野望麥禾  
繁荷篠東鄰叟傾壺北牖軒陰晴聊答問此外欲

志言

面郭三百畝築園等丈間柴扉晝嘗閉榆柳自開  
閒春草非一色暮禽相與還爲農時有會永日悅  
心顏

華陸暮思雨杖藜來一登嶽嵐清可見河氣朗初

疑正爾南畝急鬱然東作興頗聞川峻喜豐歲有

嘉徵又俗頻雨則華山見  
又河練如帶垂天

雲氣已盈岫雨鳩聲在田家臨雙澗水日引北山

泉操畚課僮僕荷鋤相後先躬耕盡吾分庶可畢

殘年

受祺堂詩卷五

六

早起衡門下天晴布穀啼耕人已盡出吾亦扶其

犁流水新渠至炊烟古社齊牛羊駐旁阜饁彼候

山妻

良晨欣命駕獨傍野田行靄靄綠楊裏交交黃鳥

鳴春苗方吐實夏木已敷榮感此時節換駐車移

我情

陶公性好飲夙昔苦家貧賴有江州牧溯流風味

親遺錢充酒價不致解吾巾肥水千載後乃能追

若人謂許使  
若生洲

多謝賢茂宰百羊遺長成荷農幸借沃豐草相呼

鳴時伴牧兒去屢看羔乳生逢年何遽擬所感故

人情見明府紫庭  
見貽百羊

生無諸俗韻弱冠好羣書亦復計衣食力田難自

疎培瓜引蔓起種樹納涼初就視前畦亂課兒吟

且鋤兒謂請  
書園內

大車施任重攜負復非遙雖愧上農稼所登欣已

饒薰風來澗曲把酒聽鳴蜩鄰婦屬遺穗受餐同

詰朝

近與狂歌客南園日暮時場陰同藉草興至或談

詩一席桔槔外數杯斟酌之當年沮與溺託契諒

受祺堂詩卷五

七

如斯宋隱君子  
近館於此

爲田固有畔灌漑分同波偕隱先親志耦耕遲暮

過猶須促雞起不必扣牛歌今日閱吾稼孰論於

仲多舍弟材近緩于  
耕以此責之

星火趣義馭雨餘明潔輝園中清露落樹杪白雲

飛松桂望仍秀黍苗吟不違冷然送風善日夕憺

志歸

宗老秋圃側欵言稱所欽世榮詎不慕衰薄諒難

任聊酌罇中酒忽忘頭上簪君如賞此趣一撫無

琴



經歲農最苦有時良獨歎濁醪惟取漉新果復登  
盤飯罷輒思睡客來嘗不冠悠悠思彼美念此力  
耕難

清秋遇佳日載酒出東臯洗盞猶未飲耕夫前告  
勞征鴻到有次食鹿鳴其曹此興聊足紀因之爲  
吮毫

採菊凌南陸初陽耀北林所嬌頗解意相喚甫成  
音撫汝溫茂質保茲貞素心忘憂兩相倚倒景襲  
予襟孫梅生年餘矣

在野罕人事歲寒農且休詩書娛我老旦夕臥斯

受禪堂詩卷三

八

樓懷古慰遙集扣門來舊遊觴行叨一醉亦不廢  
諮酬

長夜恒寡寐曉看天若暝千林垂欲雪四野歛同  
雲風定挈壺聚霰飛歸笛聞諸奚耕牧暇得酒幸  
平分

墟戶正羣處負暄惟一翁義皇遺我去作息偶然  
同向晝亟乘屋方春其播工長懷彭澤老或有少  
陵風

贈趙贊府不敏初度二首

亭臯霽色滿東籬採採清秋景未移恰對澗阿片

集美况逢陶令菊花期筵開林麓瀉初至酒度蓬  
萊鶴自知會有月書酬茂績臨郊漫訝綵雲遲  
寒深何處泛漁初近得平原託縕袍招隱不難題  
散桂放懷真似醉醇醪前請告蒙具結琴書久傍松風靜  
帶鳥時分竹月高此日醪醕看更碧笑持康爵興  
猶豪

兒渭之平陽會別駕茹公葬因寄前明府紫  
庭司馬四十韻

適野來鴻雁悲君廢蓼我郡圖瞻茂澤邦域走連  
柯蓬露音同把葭霜望匪化束芻隨友去齋鏡屬

受禪堂詩卷三

九

兒過卽事情焉釋伊人痛若何別離違繫馬時序  
憶鳴珂尚覺追餘蔭無絲攬逝波十年開濟接三  
輔溯流多子舍兼通廡朋簪亦帶衰忘形呼飲漿  
託命出干戈坐嘯頻移月招尋每印蘿白華迎膝  
好升壑醉顏酡竟漂憐清渭仍炊越大河北征附驥尾  
旋裝資贊畫客席載婆娑別類痕俱染臨觴髮更  
皤日窮遙樹外心寄故山阿詎是遺軒紱寧違種  
芰荷奉公恒急軫憂國少安歌比列才誰並賢勞  
任獨頗蹈危拚憊穴叢案軼常科道路勤忘飯風  
機倖戾和秦關虛亢碣晉嶺鬱嵯峨莫轉東歸轍

胡愁北嚮馳驚巢悲逆旅明陳迅傳梭綵服歡能  
逮苦居序不訛縫合詳較閱勲閥備編摩時貽公

撫跡增延詩論文許切磋忽承烏繭淚如對素絲

純祖帳新懷缺幽棲久負疴攀號惡格櫟先太廟

屈荷飛逐魏駕鵠受簡寒初厲時以公拔毫曉有

呵峴碑終率律襄隴竟蹉跎公曆漬絮聊將酒靈

輜未挽羅衆皆馳杳障吾豈戀榮適恰隕高原木

長留舊部禾神應會江海公東葬不遠澤沱公前

况踏慈輝暮猶須屢舞僊絳綸榮晚節在鼎

霜冬莎就喧雖疎往銜哀幾費哦庶存循吏傳金

受祺堂詩卷三

石永難磨

寄整屋程明府麓仙

伊維淵源豐鎬車晉陽文藻冠昭餘詞人製錦仍

山水劇邑鳴琴對簿胥暇日每留彭澤秫清風時

式段千廬還聞退食多乘興定有新詩一起予段

微君兄

西屏文學像贊并序

東族子西屏茂才名唐晟弱冠拔武庠技

勇軼倫溫恭君子也予每以教遠期之其

從父通議大夫國之虎臣恒自謂弗及不

幸短命死矣西屏親老有視子之歎請題

其遺像

尚覺英風在空沾老淚長短年悲洗馬無後痛中

即樹上烏啼急圖中豹飾長寒朝重展對撫跡為

三良

奉酬許學憲公用來韻有六

躬邁盛朝詔徵遺籍使君有蒐羅之任

當彙進之期親事校讎並延迂僻膏車有

贈入署無嫌下陳榻于高齋開鄰函於永

日夜必五垂閣漏朝爲七長階莫既屢譙

受祺堂詩卷三

以留歡兼傾筐而厚別按部頃臨遠道傳

郵仍脫新詩溯洄申縞紵之盟綢結敘葭

萃之好敬遵元韻聊報短章撫序增懷惟

常依乎君子援毫善賦是所愧于大夫

彌衡懷刺迴誰投北海開樽許並遊謀野濫招麋

鹿侶較書將進鳳凰樓絲蘿况早攀江樹雨雪渾

遲轉渭舟更有朶雲能遠及新貽佳句豁窮愁

喜中黃二姪雪中來自朝邑

仙李三芝錦帶連先河嶺兄有子三竹林頻接仲

容前汝翁宦蹟悲流水吾鄙詞名屬象賢駒汗久



嗟行在地鳳毛終許上摩天不辭河潤東西潤乘  
興時來雪夜船

開美屬賦再送費司馬

歷歲觴歌照席溫經時客夢遶青門尚期秋爽兼  
改合無那天高驛路昏入部帝棠猶在眼沿橋疎  
柳最消魂浮雲白日須臾事竹有瑤環 寵錫恩

開美又屬賦別費公子公遠

公子論文對薜蘿過從時許傍鳴珂長聞帶絨能  
空渭忽漫冰霜欲渡河岐路並愁征緒冷別樽誰  
耐醉顏酡灞橋衰柳寧堪折爭挽驪駒日暮歌

受祺堂詩卷五

主

立冬後一日雪二首

節氣入冬喧凌晨雪正繁褐衣催著絮蔬豆待登  
園樹迴蟲音覺簷虛鳥翼翻時同戴安道謂子喜  
接素心言

老領牛羊牧貧爲筆墨傭及時霜野凍偷暇酸醅  
濃六出偏隨柳紛飛益秀格巖柯耽此物適興不  
妨農

晴二首

癖性長憐雪寒朝亦快晴郊原一佛粉障春揭濟春  
耕牧笛橫門好爐烟入座清深仁蒙造物炙背倚

前櫬

出郭融泥滌沿渠接澗口飛飛林鵲勁濯濯隴苗  
鮮萬動寒將息羣書老自編兒長孫解語甥我授  
經年

孫奇生名以椿而紀之詩

汝及兄隨舉翁於老更憐扶衰雙羽翥照坐兩珠  
圓素業應長託青燈可並傳從容看嗣武咫尺慰  
摩肩

馮訥生少參抵任奉寄五首

幽棲嘉會遡何因使者風流動四鄰別邇星霜人

受祺堂詩卷五

主

久臥來看河嶽雁初賓澄曦已耀林皋色暖律先  
鳴牧笛春正擬寒衰遠足藹藩亭須有放權晨

輕輶夾路護棠陰尊大人方伯公尚憶先公節再

臨繼踵詞名高統系諸侯賓客舊冠簪符追分陝

東西合跡紹襄帷歲月深漢代馮君稱大小相傳

魯衡一長吟

心期夙昔賦同袍到處班荆對濁醪失學自憐牛

馬走論文兼接鳳凰毛謂公子星南孝廉光輝客席攀珠

樹落拓征途解佩刀渭水一航今咫尺何辭乘興

訪蓬蒿

縱橫陳榻雁門秋謂陳休公悵望燕山客自愁陳上谷人

志飲不忘珂里月微歌同上庾公樓殊方羣鶴悲

仙侶絕塞風烟冷舊遊詩與使君欣把袂邊霜猶

照紫貂裘

山中久不視除書海內詞人半欲疎夙好曠瞻開

梁戟嚴朝況得罷耕鋤重論雨雪關山外更倒樽

聖省解初莫訝比年淹伏枕許聞嘉詠啓相如

開美又屬賦別費公子公偉時往漢南

寒天邸夕問懷人棧曲囊斜悵去津祖席待傳垂

隴賦漿家何愧信陵賓蕭蕭班馬風初急慘慘離

受祺堂詩卷三

十四

筵雪正新更遡秦臺依玉潤鳳凰飛處見麒麟南

外舅前雍守于公時  
開美見其二公孫

月

冬宵憐皓月氣微湧金波象簾應常避貂裘罕復

過微雲寒自斂列宿迴無多濁酒禁錢得奈茲良

夜何

詩池奉先夏菴明府四首

至後下迴臨城春晴朝鳴鶴見東鄰驅車最喜烟

光接入窗初憐物候新恰取椒花持獻頌爭舒柳

夢坐娛賓西縣本在王風後寫影遙追名杜津

以望寰中羨楚才會臨河上問江梅辜芳憶朔湖

陰去製錦欣逢漢句來樂歲里間頻作社良辰羔

酒競躋杯誰云眉未無傳續更爲詞人賦有臺

嶰管先鳴左輔珂潘輿遠肩北堂和時迎太及特

臘蟻融霜早何處江魚漾雪多遶膝斑衣榮綵繡

環階眉介起歌聖朝孝理光宸極花縣頻瞻

紫誥過

曾息炎暉使院陰玉壺相倚條煩襟投桃贈繒憐

傾蓋適館開筵慰盍簪忽漫星霜催歲晚徐調絲

竹度陽深林臯自此通悵覆况託同苦不異岑

受祺堂詩卷三

五

酬杜廣昌讓水見寄杜自翰林孔目出宰與

姻家蒼舒別駕通譜詩中及之六首

向結青雲契曾連白玉珂論盟兼縞紵託分引絲

蘿塞草芳臯發江鴻雪磧過故人今出宰無路接

歌

爾送烏啼去手悲綵袖寒詞臣勞綰綬恤子罷彈

冠五斗腰寧折孤墳淚不乾行藏各珍重努力勸

加餐

尺素懷人處縹緲照篋時時刊詩集關河分薄祿

歲月紀新詩珂筆才仍健行春賦正滋漫愁霜露



晚遙把杜蘅枝

小阮新之蜀謂令阿戎猶在吳久旅江南起居違

杖屨心跡阻江湖紫陌班荆邸金貂貫酒壚向同

指泉穴相訪保遺孤蕭舒歿已久方叔視子

代北關封晉雲中路入燕榻高迎曉日賓至若流

泉曹武農秋岳觀蔡大同陳使君射雉蜚狐口叔

魚拒馬川幾回憐往事為爾興翩然

同里懷仙尉里人張君陪遊憶廣文為學博卑

棲誠有託樂詠與為羣野帶東橋景天通右輔雲

報書情繼繼回首思紛紛

受祺堂詩卷五

去

投贈撫軍布公兼書感懷五首

節度牙開獨座尊輝輝法宿炳端門分疆周召東

西合錫命唐虞內外論自列丹墀行部靜長調玉

燭逮春溫占星已肇豐年瑞况復夫多右顧恩

題柱羣推羣上才剖符三晉一徘徊公自部大夫

伯來持嶽輔中丞節坐正關河副憲臺白簡水巖

明豸繡形毫日麗走龍媒時新報文東華已覺晴

義轉不俟吹葭曉律催

聖主覃敷錫類仁歸耕實慰採蘭春愁睽菽水嗟

何及困臥藜牀鬱未伸竟許餘生安隴畝公垂示

鼓腹民  
瞻瞻至德庇裕筠函京沃野通臨冒永作康衢

風雪難融涉渭濤肅開開府望矜勞繫懷紫閣雲

峰遠傾耳青門鼓角高歲穰人皆崇俎豆時清吏

不問錢刀山居總暫稽傳謁喜託忻懽逸興豪

宸極昌明萬彙滋海山清宴邁同時寒朝每擬歌

公狩伏處能忘感 聖慈獻爵椒盈多福頌環臺

柏引傲霜枝春和更採藍田玉帶舄欣垂紫綬絲

投贈方伯穆公二首

行省中書上大夫上游親控古西都四關三輔遙

受祺堂詩卷五

七

水檄高嶽洪河盡入圖正色當臺羣品敘慈輝被

野一愁無岐瞻階宇清相漾冰雪堂深擁玉壺

雲賜藩方淑氣同邦君一力轉鴻濛賦惟輸正如

流水苗已懷新自翼風春 竟先南雁至歲華遙

度朔梅融杖藜誰謂疎佳節擊壤人遊泰域中

投贈臬臺吳公二首

執法星高節使堂西臺夜靜月如霜潛調六律催

春轉欽觀三辰啓歲陽按部雲霞封屋瑞披圖芝

草訟庭芳民懷吏畏登淳俗樂庇乾坤化日長

采戟簪簾接翠微花明柏秀鳥安飛常聞臥鼓符



嘉應競借燃犀薄霧暉里陌時雍鱗組列階除日  
永掾曹稀憲君加意開慈宇遊子長吟仗息機

冬杪再寄馮使君

承聞旌旆一傳書忽復冰霜逼歲除接跡猶連方  
岳舊論交直溯寒垣初年華春草勞相憶世事浮  
雲敢有疎七發知公饒妙解何時燈酒慰相如

喜聞許學使公首登薦剡兼歲暮書懷五首

荷望欣乎岳牧心競傳推轂盍臺簪朶雲照野渾  
佳色雙鵲鳴簷有好音關右編徵輿論遠汝南遙  
契聖情深使君辛苦成邦教重觀西京模械林

受祺堂詩卷五

大

帖括相承奉詔來條風肄雅獨徘徊長河萬里濤  
初寫太華三峰翠忽開博物蔚爲君子器登高儲  
有大夫才明揚旦晚騰殊錫快睹文星徹上台  
宮律爰開闢混茫更饒幽意幾迴翔蒹葭采采懷  
人急五音鳴鳴引興長千載遐輝酬彼美數番潛  
谷問遺芳渾高士節聲俱被藉補君恩道並彰  
懶性深藏木石居惟公遠俗愛吾廬愁來自對蘿  
牕寂病裏相憐竹徑虛每過郊原煩繫馬裁更莫  
羨已傳魚還期麗叟城南路佇聽喬鶯灞上渠  
老困冰谿歲事逢憂心只益少歡容將舒懷抱拙

星莫幾涉絳帷前水竹能留醉客眠自有雙魚傳  
暮序俄高六瑄入新年山雲野日遙遙淨斥柳谿  
梅處處妍却困荒村增徙倚東齋徐榻爲誰懸  
林居憔悴鹿皮翁一水青門悵轉蓬豈乏春輝蒙  
郡邸常延餘息賦邦風椒華應候傾盤隔柏葉何  
人介爵同尚冀依劉安伏枕泰階欣觀斗樞東

冬杪寄董太尊二首

酬仁長似春初見寄

受祺堂詩卷五

大

詩省春風入初新詩懷袖忽年除學明吳札才  
尤健文贈平原齒正如蕭飭旌旄諸鳳卜欣隨簪  
珥接麟書應推鳳好矜衰病憶別臺門唱和疎

學憲署中晤熊高士振公卽贈

厨及時從月旦論楚才苗裔見王孫共呼羈旅投  
餐義長有英雄就漂恩上客高風凌錦席中宵朗  
月湛清潭知君績學兼躬踐更對芝蘭道氣溫  
子皆沈潛有儒者風

寄贈閻副戎聚亭

裘帶嫖姚萬里情擁旄鄉國借干戚魯連排難持



高節羊傳投壺握勝兵月靜雄關戈久臥雲深列  
戎羽無聲嘗思振馭陪冬狩最喜臨階玉樹清

歲杪柬胡明府

辛苦琴 歲序移每勞車馬慰潛期春星甫帶東  
林曉暖律先高朔滿臆體道惠能孚物望修名清  
轉畏人知乃勤吏術應超擢庶昭循風兩漢馳

並寄秋亭公子

擁褐前軒歷象東連疆大厦井閭中蘭馨芝秀思  
公子章 吟詠國風使院屢霑春酒及文心時

洪補開三徑倒屣還宜避道同

論省春風 公卿見貽佳米輕裘感賦二首

淵明太 卿平儲冬 陶詩絮冬足大千美長鏡皎自

供書憶古人安拙隱漫勞吾黨語愁容解衣推食

嚴朝及披草論文曠代逢白首交遊並欲盡朱

不惜撫重重

苦寒翻愛歲華遲微尚猶存老莫移祗合安平憐

並涉敢違仁祖說長飢幽居不負松雲興夙好還

同竹石期未有玉盤將尺鯉聊珥時復耀雙眉

扶病見長源使者知舉第三子喜賦並寄

藜腹初分梗稻香褐衣新有裊裴光伏節對使懷

難盡舉駿聞聲喜欲狂膝下三芝看競發階前叢  
桂許同芳纖詩報終宗風在玉立珠聯世澤長

東池明府時 恩旨蠲今年殘賦並除明歲

租庸籍中有述

暑劇花階一聽琴霜明雉隴再傳吟北躔近傍鄒

雲轉東作遙連名樹深盡賜田租蒙 渥詔新裁

毗頌過春林時和歲稔安樵牧接軫應舒野望襟

作詩啓候諸公竣示兒渭

歲底寒 以席同扶衰策病忍勿勿遑辭慘澹成

格上公鵠鶴未酬高舉翼鯨魚須

論省春風 公卿見貽佳米輕裘感賦二首

淵明太 卿平儲冬 陶詩絮冬足大千美長鏡皎自

供書憶古人安拙隱漫勞吾黨語愁容解衣推食

嚴朝及披草論文曠代逢白首交遊並欲盡朱

不惜撫重重

苦寒翻愛歲華遲微尚猶存老莫移祗合安平憐

並涉敢違仁祖說長飢幽居不負松雲興夙好還

同竹石期未有玉盤將尺鯉聊珥時復耀雙眉

扶病見長源使者知舉第三子喜賦並寄

藜腹初分梗稻香褐衣新有裊裴光伏節對使懷

受祺堂詩卷之三十三

中南山人荆東李因篤子德著

除日書卽事

歲在癸丑



男兒髮白眼昏成衰翁蹢躅雙足左耳聾掉頭時  
序疾於箭高臥不知星斗東日月其除候復屈紛  
紜酬酢隨鄉風終年擲管半人事欲補桑榆無寸  
功歲稔仁妻免流涕山深車服稀異同舍飴弄孫  
還吾膝大者學語心頗聰小者數月初解笑朝暉  
褰隱色融融眼前浮沈且放意春色已照錦醪紅  
除夕 同上

受祺堂詩卷三十三

一

採柏應儲飲然新亦禦冬歲時修祀事筋力問春  
農懶覺刪書負貧紆遐世蹤無眠心轉切耿耿到  
晨鐘

元日

歲在癸丑

酒得陶公趣吟舒阮氏懷履端初起早臨廟恰逢  
齋曉色褰衣發和風仰面諧貧居聊自慰綵袖接  
庭階

正月初三日立春

迎春沿舊俗紀日在新年節事幽棲少農祥縱目  
偏里問明霽霽霄漢引和烟但使樽長及無論序

復遷

人口

已得元日霽中連人日陰物情多展轉吾道一浮  
沈雨露春耕急羗戎右顧深上旬有占驗無致杞  
憂侵

正月上日承許使君招同表弟朱長源詣青  
門自限元省必至先成是作

相待頻聞約相延已到門晴霜噓二澗勁氣轉孤  
村扎盼風猶在周徐榻並論預攀燈火夕冥坐必  
重溫

周孟玉徐孺子  
皆陳仲舉客

受祺堂詩卷三十三

二

四國恤未能卽赴悵然有詩

已覺春醅寫懸愁野望深褰裳聊躑躅倒屣定沈  
吟遠壑雲空去中宵月自臨勞勞遽使後並結草  
蟲心

同長源抵使君署

暮度荆山麓晨遵渭水涯連鑣逢勝友挈杖慰遐  
期令節潛虬動春風野鶴知坐深頻換燭嘉會迫  
臨岐

長源卽席呈使君詩旋蒙報章並及鄙人奉

酬用長源韻



春城良照豁離思  
日日街衢病不辭  
宅相綵衣瞻  
濟美賓階朱履照  
連枝頻愁鼓角將殘夜  
况和宮商欲去時  
努力加餐崇令德  
松筠隨地保芳姿

答浣濤和使君見待之作元韻

邸榻戀爲羣  
賓觴不自醺  
促車愁引日  
搔首賦停雲  
白雪晴天見  
清商暖律聞  
授詩推主者  
元詩過譽故推

使同調有參軍

和仁長贈長源詩用韻

斑衣以重謝  
庭才錦席初  
連鄰下杯並  
有鳳毛光坐  
嘯欣看龍劍  
合風雷前期  
邂逅春星聚  
始夜權

受祺堂詩卷三

三

歌曉漏催覓句張筵推並及  
脂車秣馬憶同來

金觀察公子遵同糧  
藩學憲二公過寓卽送

齋捧之都門

城居只似臥萍灘  
忽集軒裳起就看  
叱馭遙臨三輔道  
呼嵩直上五雲端  
猶就訪聽乘佳興  
更接連鑣觀鳳歡  
咫尺春風吹祖席  
前津柳色盪餘寒

過騎都尉震陽弟西第

我李仙柯萬葉浮  
新推都尉起中州  
寤歌頻接函京上  
沿溯遙聞隴水流  
早萼同輝春正好  
高鴻相喚坐忘愁  
南臺心膂方欣託  
得倚宗盟壯猷備

制府中權

閩副戎聚亭席上作

日麗前衢過鳳毛  
公于過訪阻病未報春開西第避龍輅

河遠望烽烟靜  
部署長聞鼓角高  
每列琴鐃延下榻  
渾傾肝膽賦同袍  
躋年更喜清和候  
曉色晴薰畫樹桃

贈郡司馬張公敬菴

中丞甲第九霄開  
謂尊人上佐才名五馬來軫  
關清戎角帷連嶽路  
肅烽臺承家屢錫形  
盧命愛客時分薛荔  
杯始信識韓輕萬戶  
良晨趨郡獨

受祺堂詩卷三

四

徘徊

贈于通守玉山兼懷尊叔司徒公

海岱同推結駟門  
關河肅奉剖符尊  
竹林南道看仍是  
棋墅東山坐並論  
歲實屢康逢別駕  
天多遙顧有殊恩  
春朝策杖初通謁  
湛露偏垂帶絳溫

卽事贈同譜果能時爲大中丞幕僚兼送還

京四首

帝里詞人族望豪  
仙源隴水溯同濤  
帷深蓮幕龍門迴  
績茂烏臺鶯序高  
邸署紛紜能好學  
賓筵磐折雅忘勞  
聖君虛已方求駿  
赤汗先鳴白雪毛

憶昔樂阿一繫車前途託與訪樵魚

初來樂阿道過我

來紫氣關征蓋款有清風拂敝廬地僻春看冰澗

合山晴野入翠微虛肯留佳客慚雞黍飛旆翩翩

引路徐

十載巖栖戴聖恩幾迴攜杖過青門平原已減懷

中刺北海偏高座上鐫自顧長貧疎節序空教多

病負乾坤春衢細雨歡相接共醉重期竹樹根

三月桃花著處飛灞橋楊柳正依依驚聞班馬嘶

東陸却望歸鴻度北圻王事靡遑人竟去祖筵初

設涕頻揮道長身老渾愁別無使音書此後稀

受祺堂詩卷五

五

羅遜士燦作秋興謔及老夫感賦二詩兼

舒風抱

城隅芳樹早驚秋近得羅舍嗣盛遊逸興能推長

澗老新詩不亞少陵愁懷人遠道通梁月屏跡高

風出戍樓時居每過衙杯論往事青門白社兩悠

悠

當年尉俊夢中非大雅傾心攬少微無地可求棲

鶴墅有時相訪釣魚磯吾衰每惜宮商祿世變應

虞俎豆稀不爲家貧耽祿仕娛親獨看老萊衣

送許使君四山還朝霞古體十首

佳會不常得及茲難日親悵焉君欲去相判惜芳

晨春鳥枝間啼鹿鳴野澗濱朝來驅我馬五步一

逡巡藹藹楊柳色悠悠別離津惟餘薄暮景慘澹

隨征人

平生蓄古琴寂寂懸堂端君子獲傾蓋對之時取

彈一彈音自合三歲有同歡不謂當遠別移夜

將關鴈鴈催明發餘響未及殫輟柱設長帙鍾期

信獨難

離離江上鸞子子山中鶴邂逅相和鳴清風振林

薄所趨本異地行矣還分泊三載爲千秋撫今跡

受祺堂詩卷六

六

已昨聞聲豈再攀舉酬難遙度矯矯翔層霄栖栖

在故壑

少壯罕難事臨岐增慨懷懷人萬里外指顧如尋

常垂老恒愁別後期詎可量行行相慰藉淚下忽

沾裳幸有一樽酒橋之衢路傍願留君盡酌明日

不重將

晨風下北陸振翼東南飛霄漢渺何所故人同此

歸賤軀僂且薄安得附餘輝朝暮窮所躡永言莫

相違道長六關迅驚馬空依依雖曰啓天路念茲

倚侶稀



常歌苦夜短極冥心  
翻悲何況樽中盡黯然風邁  
時浮雲目征旆忽復  
天一涯仰視莫能逮山川仍  
問之結交良自固分  
寸促前期離合有常數但嫌  
惜日遲

宿好俱零替吾哀忽  
至今美人慰遲暮披草輸素  
心幽興相與探湛思  
窅然深淵淵諸金石穆若鼓  
瑟琴忽發遊子引春  
風慘商參豈無他欵曲三歎  
為知音

君來華嶽東直至崑  
崙下愛此青蓮秀隨車自激  
瀉集名朝將送君  
歸並繫嶽麓馬春日何黯淡

受祺堂詩卷七

七

碧峰正蕭灑遙疑  
征途却望迷浩野獨有飛翠  
色縹緲永堪把

言涉東嶺側送君大  
河隅君行歸故鄉去去復脚

咽非不戀所產久遊  
情難孤人生惡乖別豈以常

暫殊日月有望江  
山要可踰相期崇令德勿但

計區區

俯俯關門日青青關  
路樹迢迢千萬絲未挽驪駒

佳聚散誠偶然相知  
在平素修途各努力志士欣

功昨渚雁歲北來江  
魚長西渡年年春草綠莫惜

好音互

送仁長公子

嶽掌鶯啼外關門  
色邊追陪逢永日悵望是離

筵誼託牽絲早陰  
蔽葭偏依仁原及世濟美况

同賢編帶來南國  
霞耀北隴令名垂髮有新句

過庭傳博愛傾羣  
小推心契秘詮頻遊昭更切偶

別問相連尚冀羸  
引翮驚楚旆塞起居煩夙駕

溫清謹歸驪祖健  
觴合尊大父母堂高集慶延

明珠行入抱令于京師見綵服到隨叔暨羣

弟從兄里跨中丞第  
八方少俊年詞科須述韻業

久爭宣節鉞承家  
族常度地鐫吾宗光宅相介

受祺堂詩卷八

八

福寫春泉頂柱臨  
作猶勞解贈還當階車自整

適倂楊將懸霧擁  
長隄樹晴舒大路蓮江河雲萬

叠立馬正蒼然

送潘國學院

耕太史三首

江樹江雲入夢寒  
駐車傾蓋有新歡玉鞭相惜征

途久銀燭同歌郎  
夜闌遙瀉壯心秦絕塞屢求遺

蹟漢長安側身吾  
愧生西極名勝翻隨健筆看

詞伯連鑣萬里行  
白雲迴首十年情娛顏松菊甘

脩隱君負米關河喜代耕芳草馬蹄歸路發落

花帆影度江明所攜饒有榛苓賦持獻尊前綵霞輕

岐路明朝引邁初客館中夜幾躊躇蓬籬尚憶占

星聚前夏會同歲月深慚報紆疎垂隨簪裳頻寵

別過濠鴻雁一傳書定知康樂思賢仲春草池塘

興自如

呈贈學使張公繡甫五首一字柳巷

天眷頻邀西顧春漢京文命簡詞臣石渠金馬塞

帷是青海黃河叱馭新士已趨風知向學吾將接

跡賦蒸民隨車所至沾時雨况托同遊太液濱

受祺堂詩卷五

九

苞羽高翔冠北溟公卿閣藥珠天下景新硯九霄

簪筆惟前列三殿含香美在廷關路曉披王路紫

嶽雲秋綻省雲清同欣敷典兼敷憲更識文星是

德星

迢遙烟光接渭橋使君方暑屆征輶論才直邇西

都始擢穎渾居北斗標職駟駿駟駿行欲變榛苓採

採望猶饒幾時臨較華原麓乘興開詢石澗樵

鷗鷺飛鳴迴異陰沾壇承事得同心夏聲將自聞

歌大秋色遙憐入部深濯濯冰壺涵止水輝輝藻

鏡山遙岑宮商吾久疎爲曲竊感鍾則發素琴

夙昔追陪鳳闕東君恩獨許縱冥鴻潛居敢忘

興賢義古道欣看育秀功正值懷柔敷聖澤還期

禮樂敘王風容臺舊擅人倫表一體持衡內外同

問文學母王氏以高節徵詩有贈

採芑含辛四十年朱顏華髮兩瑩然晨春風急寒

逾鴈夜積霜深曉未眠恩洽舅姑瞻具禮誼兼師

保育名賢彭衙東望徽音接白水清渠閣教傳

喜雨二首

仲夏猶愆雨連宵始遘陰沾衣忘溜急兼燭到更

深老悉農桑候貧安樹藝心渴醪相置久將有一

受祺堂詩卷五

十

披襟

榮出初分甲苗生正及時曉輭聊許暇耘耔並爲

之久旱憂寧解微涼坐不辭迢迢望三伏接遙瀝

如絲

張大令獻侯請題令先君貴字翁母朱孺人

行像將攜之官以便展祀

憶昔經韓邸蒿蓬望正賒徐聞吾里俊及館故王

家避亂甘裁褐潛身學種瓜嗣賢飛鳥處丹詰

白雲遮

張直請題祖頻山翁妣沙孺人行像



美田等舊族東郭首清河續以傳經著農兼負米  
多烟霞娛暮齒檜柏起崇柯夙世光潛德聞孫佩  
玉過

送馮督糧訥生轉福建二首

使君西憲甫移春忽轉恩光下七閩梅雨正隨江  
路淵棠花已深嶽道新開歌有幸邀馮立屬部無  
階借寇恂欲攬鋒車攀世講灞橋惆悵阻離津  
十年霄壤判浮沈一水東西託素心漢節有凌滄  
海發春杯不廢白頭吟遙思好會人俱健永託名  
山願並深

公許刊拙詩

治外預愁秋雁少朔河須望鯉

受祺堂詩卷三

十一

魚音

喜雨渥二首

往日頻邀雨微霑遂却風滂洋今始得布獲遠應  
同間作雷霆壯深連土液融良苗欣播始勃勃甫  
田中  
向夕渾如注凌晨且競流疏渠分外圃推笠望平  
畴野漫傾河急畦明散帙幽農家歌歲稔飽食更  
何憂

投贈制府總憲右司馬葛公五首

興初分陝沛殊恩表裏端門望戟門御史大夫持

節重中書行省建牙尊疆連佳氣氛初息野肅霜  
威日自溫共喜絳騶臨嶽輔徐開黃閣正乾坤  
軒墀敷奏列親賢特簡惟公少並肩物望久歸  
清切地人倫超陟憲衡年光垂法宿躋台列彩漾  
冰心近御筵業贊嘉謨瀕拜袞還資偉略坐承  
邊

西京副相亟論才北闕高嚴凜未開輦上並須司  
隸入囊中分遣繡衣來長聞啓沃酬明主更倚安  
危借外臺指顧成羌安絕微無煩宵旰宵徘徊  
提封賜履舊神州跨益包梁藉壯猷夙夜諸司遵

受祺堂詩卷三

十二

石畫西南半壁把金甌駟車關塞收遐覽秉鉞江  
河據上流俛仰前塵春不次清風忽已惠新秋  
歸耕十載戴皇慈使相西臨遘盛時自接旌旄  
違負弩將趨階闥規銜芝編圖宿庇兼葭部扣閣  
初通駟騶詩况在崇班僊獻納登庸注目慰疇咨  
題何內親家張孺人小像兼示武舉君子力

昆弟

史傳稱陶母春秋美敬姜啓圖瞻令質懷古邇遺  
芳漸睹門閭大應延閣閱長干城欣已兆鵲起問  
諸郎

蠟性渾宜靜幽情久耐貧曉沿格徑立秋對竹風  
新歲月憐初度兒孫慰我辰惟應安固隱永附葛  
天民

七夕

凡杖瞻佳會茶灰亦具陳世情仍丐巧吾意欲還  
醇夜露匆匆落天河故故新老來看牛女居處正  
相鄰

七月十二日立秋是夕雨

轉訝炎蒸迫重嗟沛澤遲入秋看應候終夜聽忘

受祺堂詩卷三

十三

疲日霽工方敘為霖野更宜老農營菽麥膏澍隔  
年期

贈董郡伯四十韻

北極臨函夏西都領上游部兼三內史符滙八諸  
侯自古須才亟於今度地優惟公雄世系通籍富  
春秋秘閣藜光遠太公自閭學出撫楚豫開端門綵服留保釐  
承使節經術備家修出蕭虔南旆來馳陝右舟朱  
絲瞻露冕紫氣溢行郵受命干戈日寒帷羽檄厥  
主人呼版輅驛道詰車牛役促期難逮軍需貽未  
同慨然傾已篋親至村同仇旅宿欣相望塵居雅

百慘指揮成漢邸談笑納吳鉤漸觀淳風洽徐徵  
瑞應浮雨暘皆順布岐穗久盈疇屬吏渾安枕村  
翁亦醉謳蓋簪逢曠事招隱賦遐搜每掃高齋榻  
還空處士樓沿途真置鄧適伴競依劉遂及歸耕  
老叨為坐嘯儔片長矜散逸殊禮慰窮愁屢飲松  
池靜深探竹徑幽畫圖隨指點管足綢繆緩去  
中宵月頻催陟旦籌側牀能恣臥前箸得良謀鳳  
翼飛旋好謂公龍媒汗欲流趨庭彰秀質歷塊頓  
嚴鞅尚囑藏珍待要知下詔求他年訓主鼎接武  
貯金甌曩對關雎戎初看嶽樹開當軒崇揖讓海

受祺堂詩卷三

十四

海牧懷柔俊顧嘗勤採疎頑乃濫收孤恩空脉脉  
抱病只悠悠帝闕呼仍遽臺門劄屢投爰憑推  
憲假且許荷天庥夙泰兼葭客過驅前炎洲躋  
堂應有頌鼓腹敢忘酬拜郡憐清水登庸正黑頭  
聖朝頒竹帛開府繼勳猷

送王默公進士謁選

聖社詞名少俊聞關河閱久超羣欣逢熙代崇  
儒術競許通才策茂勲騏驥長嘶初發初鳳凰高  
舉卽連雲竹期聲績光閭黨卿士能延益族芬  
高陵朱明府人瞻來攝敝邑詩以代柬



陽陵咫尺是 歌忽喜清風經玉珂道上仙兒南  
望接車前竹馬北來多濃陰一舍連雲樹好雨三  
秋灑菱荷此日民勞懽孔邇神君須借渭川波

送張子丹進士謁選子丹家有七鄉舉

清河衮衮孝廉船擢對惟君健翼驚共道詞名光  
累葉還推經術雋芳年新秋柳色離亭度古澗砧  
聲去路連却憶往時過阮籍從遊親說仲容賢伯文谷先生子  
別出其門下

壽華陰董太夫人即呈裕菴明府四首

八月綺筵催三峰爽氣來綵衣新着綵花縣共躋

受祺堂詩卷五

五

杯政簡承歡永膏流服教開接座歌壽母關嶽正

崔嵬

本自尚書婦初加大邑君懸魚常致餉舞鶴爲留

醺地滿金閨月秋生玉井雲異時秉彤管鍾郝有

傳芬

湛露前宵白清光隔夜淡

時中秋前一日

鼎鐘娛

介酒軒綬萃鳴琴竹瀉千重翠蓮垂十丈陰南山

移雅什獨表華封心

向過陶潛社曾登單父堂令賢彰母德賓盛沃鄰

芳鄭紆銜恩重斷觥託賦長大家端內範應瞻舊

旂常

贈王太學琴伯時在董明府座上二首

春暮風花遶樹飛夕陽愁客澹流輝新逢獄令如  
關令却賦緇衣得紵衣綵筆濟時當路重清商超  
俗和人稀還來藉草秋山麓欲共攜壺上翠微  
吾道曾憐南郡名謂孟謀薄遊初識鄭康成飲板  
河朔車仍會期逼秋分月共清故里交遊三益合  
良宵賓主二難并君才奕奕誇師友請郡須寬白  
髮情

答孟謀嶽麓別後却寄賦懷長篇用來韻

受祺堂詩卷五

六

三十二韻  
廣六十韻

十載惟耽臥三春偶促裝罷投多士館

時許學使

招同寓

聊息故人堂

謂山史微君

牖冷封蛛幕塵

飛拂燕梁孤舟凌越岸萬里入關疆幹僕諳翁友

佳兒肅父行

謂王仲和

傾杯情頗洽勸馬意何長恰值

僑居夜遙垂風契光過從無早晚迦歷迴炎霜漫

謂粉榆接頻悲雨雪涼拒鷺恒密坐敦舊必連牀

續燭燒仍燼嚴更歇未央晨颺侵短壁曙色微迴

廊別久猶疑夢談深不厭詳激輪遺轍軌披豁奉

肝腸子健才猶卓時清道欲彰雲霄應立致竹帛



更誰望况慰慈親老須酬續學潛名雖所愜濟  
世亦攸常執手還相訂迴頭忽有傷餘生憑偃蹇  
末路惜行藏汎駕奚終適游聲豈足減庶拚逃物  
外空迫點詞場憶昨奔趨擾於今山處妨水思魚  
極樂林羨鳥高翔輟寢增悵斷臨餐幾惑惶習貧  
真負母偕隱竟違常遽痛簾帷白俄驚鬢髮蒼苦  
心虛壯盛流恨及存亡鬱鬱愁寧展匆匆志若狂  
謬圖匡一失渾莫逮初芳對挹峰蓮秀來聞澗荇  
香幽尋期絕境時許招遊山以病足路途而返小出限崇岡徙倚  
明星側追陪畫閣傍樓閣萬壽閣雁歸開篆籀鶯轉

受祺堂詩卷三

七

沃筮黃並得依賢宰謂市明府裕庵兼容曳襖裳歡歌盈  
錦席美蔭乞甘棠已覺園禽變徐憐龍麥昂安留  
同寓邸假乘各還鄉縞紵榮征橐車騶寵去航時  
明府借車騎饒臨又同推恩知有分即理荷通方  
兼出境上謂村觀子渡垂識傳經選謂貴門人王偏稱比屋良康輿王紫  
懷牽芷薛觸目念琳瑯抵舍翻搔鬢離羣只面牆  
嘉遊原可數逸興曷能忘遂拜河洲剗因貽嶽麓  
章綢繆陳大義攬綴悉宏綱氣潔饒徵雅規尊肯  
陸唐坵壇逢勁敵鋒鏑避新銛俗眼啞鸞鳳泥途  
困躡躡願珍周鼎在殊規野斤揚故叙雲臺祿夫

內謂市明府裕庵欣瞻吳闕坊仙皂  
聯劍謂市明府裕庵野鶴助蒸嘗山史是議東  
吳始先生他年左輔倡論功宜配食設祀復周  
防賦好嗟遲報書成乏遠將徘徊秋月皎寂寞暮  
霞荒草上稀謀國村中眇望洋杞憂覩楚岫主旅  
戀扶桑早亟農焉拯兵驕勢益張曷哉公等出紆  
步首山陽

寄趙贊府不敏時有得雄之喜

座上孤懸大邑春盤中珠躍曉暉新稔勞霄漢驂  
駟迴行野郊原鳥雀馴開譙偏逢黃菊傲尊歡時

受祺堂詩卷三

六

覺綵衣親聞啼有客知英物竊比當年溫太真  
雨

季秋仍苦旱天意亦無聊積日垂陰靄浮空捲厲  
風油油雲竟合颯颯雨偏饒佇步新疇廣青來沃  
野苗

雨十月十七日

歲暮雨猶愆冬宵欬沛然溜聲簷外急流水巷頭  
連播豆寒仍逮培蔬潤欲延市人平米價生計託  
新田

冬日贈董明府裕菴述舊中懷兼介初度五



首

西漢棠臣東望勞戒車頻歷華峰高冬嚴碧柳渾  
平發署靜朱 只有操譙接偏能敦宿舊登臨不  
惜費錢刀歸耕漫討棲遲懶大雅相從逸興豪

開府丹青一代勲謝詩先人鳳毛蕭爽過庭聞承

家曠舉恒達俗授政英齡早不羣花漾潘輿怡壽

母酒迎商籥介神君風軒雪塢寒方厲獨有官梅

傍閣芬

茂宰堂高敞翠峰青天秀撥五芙蓉他時傾蓋憐

游子遠道傳書慰淵蹤東帛兼金嘉貺及鳴騶

受祺堂詩卷三

沈

加別筵車冰堅更許通觴祝綠鬢長舒琥珀濃

暗明

商炎秋清黛色垂村居伏枕悵前期向明秋仲詩

遙懷簪紱當筵盛坐惜星霜促馭遲嶽嶺嶽嵐行

處是關雲關月照來移芒鞋竹杖身仍得洗竿歌

風願復隨

表裏州圖積翠隈艱艱攝事重須才時麟澄輝近

借雙鳧起暖律先吹六琯開地合南山青王案春

浮東閣紫霞杯知君門族饒賢收繡節還應羽

來

補裝

敢慕齊晏子孤裘三十年寒新頻易布忍薄更裝  
緜儉對幽棲恆貧增老骨堅撫塵念族黨懷古興  
悠然

投贈薩撫軍四首薩自山西臬司超陟僉都

右顧頻煩北極心時二年之內中丞特簡外臺

深建旆牙纛如天上分陝銅符走塞陰瑄應黃鐘

春律始疆連紫氣德星臨寒朝倚杖初登陸萬姓

徯蘇直至今

三晉清光冠八埏二京嘉績起長綸先春曉綻河

受祺堂詩卷三

三

橋柳傍臘晴舒嶽路連幾載樹屏屏王德同時推

轂盡朝賢函秦自古提封地獨繫安危使相年

盛代垂衣海岳春西都持節重棠臣旗門正借霜

威肅幕府欣瞻法曜新內外宣猷惟鎮靜關河接

歲轉洪鈞山居偃蹇還思賦擊壤叨為枯冒民

金馬蒙恩遂乞還漢庭遷擢詎相關警蹇甘露

爭思渥如對朱雲互欲焚邦憲况宜羣託命敕書

遙對一開顏臺端伏謁期猶後意緒先飛袞繡間

歲除寄張學使繡甫前此相晤敝邑東偏詩

中及之二首

北闕追陪雁序高西來關陸建旄旄時清漸喜聲  
華盛節前爭看指顧豪華偃風行推綵筆山溪澗  
澗慰綈袍村居自惜離羣久秣馬從公別緒勞  
霜圃秋成納稼繁使君賜導下東原孤征雨雪凌  
三輔萬里車書跨二瀋入探球琳皆有氣逢時桃  
李復何言春明以泰同遊客歲暮晴輝炙面暄

歲底寄太守公二首

輦路雲衢嬾復窺秋來入郡爲褰帷近階嘗有青  
雲見高樹時分白露吹几杖佳音饒自及笙歌靜  
晝亦相隨諸侯賓客貧無緒此日平原更詣誰

受祺堂詩卷三

主

別後兼葭野色寒猶疑夢裏過長安趙張名德彌  
尊重陶庾幽期幾汎淵伏枕詎忘春信逼懷人偏  
指歲華看從容官閣清如水緩帶西亭飲興寬

受祺堂詩卷之三十四

中南山人荆東李因篤子德著

寄董華陰明府卽事書懷二首

輦上游聲半寂寥惟君真氣滿漁樵不隨流俗輕  
然諾爲奉心肝託久要濁酒夜傾冰雪共潛期冬  
指翠微遙是邦從古書盟史何曾披襟得鄭僑時

州華

老去窮愁未有涯巖栖只判飲明霞嘗瞻二華通  
時序忽觀三陽轉歲華尚覺提攜春色好渾忘徙  
倚暮寒賒北堂兼許承慈覆椒頰頻推處士家

受祺堂詩卷三

一

歲除呈朱明府人瞻

時自高陵  
縣微邑

繼雅稀逢愷悌吟驅車况是攝荆陰寧期入抱渾  
連乳敢謂同荅復異岑人在二天謠俗異政成三  
月濡涵深陽和蕩蕩開南陸接境依然名樹林  
澗水東偏古戍長臨淮湯沐有遺鄉招尋嬾過枌  
榆飲邂逅欣攀劒烏光遂接好音頒縞帶還披佳  
什領清商知君善賦雄南國可但鳴琴大邑良  
徽國文公百世師令君遙譜大賢支承家正學超  
今古賜履仙才歷歲時地劇倍彰餐雪操名高同  
許齊川姿璽書早晚蒙推擢台斗光輝慰所思



十二月朔舉次孫陽長至後三日也喜而賦

此仍景文公生孫韻

一陽剛度臘維朔載生孫李發新枝好蘭榮奕葉

恩始祖作士於承乃兆卦筐瞻孔翠比屋拜羔豚勉光

先德印須大我門

除夕歲在辛

伏枕驚春及傾酌守歲除奮興與族黨懷抱委琴

書雨雪三冬秘星雲五夜疎宿愁搔鬢髮何許緩

居諸

元日孫陽彌月歲在屠維

受祺堂詩卷書

二

元日屢逢陰十年看至今鼓輦遙未已荒旱比相

尋採莒山中淵藏書澗外深吾孫湯餅會得酒自

成吟

人日

人日晴猶好相傳亦誠風笑談扶老大嬉戲看兒

童強飲鐏仍綠圍居火續紅佳晨從俗數漫擬鹿

皮翁

元宵日贈都尉弟震陽初度三首

西第風光託惠連北平家學蔚相宣長疑夢裏生

春草每過厨中劇暮煙接葉能敦行葦性吹簾就

奏角弓篇青門火樹交銀燭正照生申洗爵筵

七較威聲漢制開中權喜佐大夫才能熊曉聚塵

猶靜鳥雀春歸市不猜使相推心如子弟嚴邊屈

指奮風雷吾宗將系騰前列頓覺連枝好信催

下榻中庭節序移仍憐小阮暢幽期謂大姪若嘗

橫梁推梨聚渠自陪車妙奕棋錦瑟頻留明月爛

芳樽不竭曙星遲潛修倘假子懷懷皓首天親步

步隨

東徐明府湯公新任予之先晉人也詩中及

之二首

受祺堂詩卷書

三

三年屏跡臥柴荆一旦塞裳至邑城北望雲山凝

暮靄西來車馬度春晴初聞約法溪雷轉已見流

音陌樹榮敢謂鹿門耽苦節琴堂招隱沐餘清

淵源夙託大河東夕詠唐風曉魏風枯覆竟邀羣

梓蔭春輝應滿坵壇功聞聲憶自橫汾久覲面新

知踐猷雄從伏田間安作急剖符猶喜遇文翁

贈徐明府初度二首

升階甫接令公香霍樹汾雲宛在堂十日遠逢維

嶽宴正月十八日任其辰也千春遙介受祺鴈晴郊競

麗花俱好秀隴懷新雉自翔此地臺萊永雅什南

山北阜主光

鵠行別後絲毫虛好問憑君過做廬謂令兄隱鵠並館開諸公

造勝轉登徐穉楊陪遊殊愧李膺車頻諮講肆開

秦社將為諸生文會正值乾封濟漢渠時久旱一謁慈輝蒙

汎愛芳晨有約下樵漁

送山少華表姪謁選

才名久矣擅西都屢陟燕臺始跨鳧絲筆固宜推

茂宰彤庭延佇誦嘉謨春雷欲喚魚龍醒霽日全

融草樹蘇宿契乘時舒俊嗣裕牕有子理荒蕪

奇贈康叔方補博士弟子員兼呈令兄孟謀

受祺堂詩卷書

四

夏陽三鳳好音疎叔子梓書奮翮初臘近聞聲猶

跂望春來有約更躊躇交論金石兼懷古義託關

河一寓書早共賢兄鳴漢闕良時未許臥相如

宋子禎先生舊歲六月有次兒雲叔茂才之

變寄詩奉慰兼迎杖履過草堂六首

昔羨斑衣聚今悲玉樹分高枝先殞籜舞行忽離

羣易涸甘泉醴難留仲岫雲仲山在淳化隔年疎過信

搔首對斜曛

共學多通籍惟君老灌園所欽庭桂茂相慰掌珠

繁驟電俄疑野警馳遂入軒西河災遽及悵悵復

何言

夙昔遊江漢心期獨故人諸則家政肅仲子客途

就時先生携雲尚憶同烽火遙嗟圻藻蘋良苗虛

挺秀接跡淚沾巾

君鼓朝飛雉人稱雉子班更聞顏健嗣何計破愁

顏鶴路行堪到鷄村去不還屢成傷逝諫心目未

應聞先生近喪結髮

率德賢周隱鍾情慟潯冲涇干明早薤雲叔卒於涇陽谷

口斷歸蓬淳化亦名谷口已負齊眉淑猶憐汗血雄謂雲叔佳

偶及孤孫方在撫莫遽歎衰翁

受祺堂詩卷書

五

自有殘春別隨傳暮夏哀病居疎秣馬寒望怯登

臺館榻移時掃村醪屬歲醅嘗携藜杖出拱立待

君來

送趙贊府不敏之京郡新任

十年勞績頌神明新權綱維典上京薄宦遂聞垂

棄去炎天無那趣車行兒童驛路詢來使父老關

門寵別旌自歎山居淹藥物臨岐展轉不勝情

金憲僉子遵陞督糧兼驛鹽少叅賦寄四首

行省新高宅俊聲坐紆邦計古西京池車漾雪安

欲集驛騎如雲緩馭行詔發三春霑雨露符連



萬里待澄清從來方任雄分陝况擅天家柱石名

左珥會論七葉冠熙朝閱閱著三韓於維漢署舍

香得憶昨梁州按轡看藩臬借才皆屢效公數擢兩司

海山趨覲亦同歡前捧承恩遂進隆關輔濟濟

旂常望正寬

陋巷幽栖久避人芳朝使者慰沈淪舊春公見訪委卷相

攜軒紱聯翩至許同馮頓覺蓬蒿氣象新玉粒遠

頒南國米見惠星昭頻染北來輪尚知乘輿能訪

隱千載夷門陌上春

受祺堂詩卷

六

伏枕山中視聽稀經時好問隔柴扉春旗已傍東

風轉夏令猶憐朔閏違嘉積稔聞通道路大賢還

懼有光輝只今就省疎鈴閣良晤還應寤寐依

對鏡

病裏扶牀慣愁來攬鏡慵清晨開敝篋白髮照衰

容戶牖鳴蜩久簷飛語燕重躊躇驚節換簡藥重

題封

大雨

望雨移旬朔迴風瀉瀑泉中宵聲正好累日溜長

連卽觀新苗競渾忘宿漏穿年來甘澍缺對此興

翩翩

連日雨

雨陣重重急雲峰疊疊深兩年頻苦旱三日遂成

霖稍後仍欣對雖多且劇吟皇天施霈澤滌暑共

開襟

贈洪叅戎古山初度二首

分陝當年相國來盛名雄鎮此徘徊猶思幕府雕

輪憩更有聞孫繡節開萬里河山橫豹略三秋風

雨奮龍媒開門天險神京重鎖鑰長須濟世才

客歲東陲屈好音何時西第過披襟旂常赫奕仍

受祺堂詩卷

七

關輔壁壘蕭牆自古今七月初傳幽蓟壯三山遙

挂海虹深邊防亦在兼葭裏觸緒還爲梁甫吟

贈董郡伯初度五首

清露初飛大火流使君鈴閣屢來遊於今咫尺渾

牽輿憶昨登臨每散憂地敞南山朝競爽城高北

斗澹生秋羣僚共躋幽觴日嘯詠依然庾亮樓

禾黍盈盈起大田漢家三輔本同天提封遂據乾

坤首報政常臨郡國先召樹陰多人並護郇郊雨

足歲無愆蒼生扶杖謳吟得載筆何殊地節年

文軌遙同海嶽濤自天西顧主恩深朱絲數易

臺門 詔碧水長憐郡伯心風俗淳龐還近古聖  
書褒歎到于今江都公望居丞弼况復爲邦更好  
音

解楊西園白日睎中丞庭訓比顏家公示開府數

行頓有冰霜入諸客咸如矩獲遮已見藻詞光鼎

鼎還饒幽興訪烟霞任憑杯裏藤蘿月重拂池前

蘭莢花

高臥山中選十句敢忘維嶽誕佳辰風來畫樹冷

冷善雨澍良田勃勃新彷彿巷歌公譙集躋踏官

渡野航鄰叨蒙大厦身仍健作息常爲石澗民

受祺堂詩卷五

八

壽董太君兼呈裕菴明府四首

夙託神明宰遙登聖善堂祀階頻入賦華屋載稱

觴八座魚軒肅千秋鶴路長封圻盤玉藕嶽樹並

煌煌

不謂蓮花阜真同姑射山關河開壽域冰雪靜慈

顏閑績渾忘瘁惟燈不任閒余孤仍失恃懿訓且

時攀

傍邑花常好當筵月倍清才宜膺獨坐義每動連

城節操傳家得循良養志明介眉歡此會何忝外

臺聲

最有臣勞稔能令母壽繁斗牛瞻左輔太君與人壽星之次  
車馬集中原露重蟾蜍白歌停蟋蟀喧衢謠徵處  
處載道播璵璠

送表弟田二青嶽之棗陽新任五首

關陸秋清雁序高渭陽佳日照新旄翩翩帶紱連

青嶺滾滾江湖入彩毫澄野欣逢主度整操稔

若績書勞諸昆中表多零落獨羨征帆涉利濤時楚

亂初

吾舅宣釐內外聞起家曾在漢江濱朝宗此路還

留鳥命子他時載蹕雲初展曉騰騏驎步早知苞

受祺堂詩卷五

九

羽鳳鳳羣謳歌竹復雄三楚更輯參藩未竟勲舅

參政公孫郎縣令

花縣披圖控帶深棗陽從古跨荆陰時平不輟安

危議俗劇猶煩顧復心課雨公田行種秫焚香暇

日坐彈琴田郎北關推題柱况接南宮翰墨林

伊昔追陪黃鶴樓振衣長嘯楚天秋十年方縱摩

霄翼萬里還乘破浪舟人比札僑崇世系地傳羊

杜足風流羈懷憶對西門柳放跡難同海上鷗

龍適當杯強自持登車攬馭重臨岐行來白露衝

筵皎到日黃花滿縣垂宿舊應尋龐氏傳游從儼



過習家池旂常建樹宜公等隱見相成慰夙期

壽魏學博母白太孺人兼喜令子隸弟子員

鴻飛已奮彩翎高魏授縣令有就藏廣文獲伏猶堪絳帳勞

奉母何嫌分薄祿傳經有意乞清曹堂端競獻羣

公竿膝下初張五色毛俯仰天倫俱快事詞源北

望起洪濤

壽秦緒昌六表

南衢別構俯清漪憶過花晨放牡丹最是主人饒

逸興時招賓客萃芳欄躋觴堂上椿陰合製錦階

除桂露團圞觀斑衣光劍校朋車歲歲此同歡

受祺堂詩卷書

十

十五夜月二首

歲在屬維大荒落

細雨朝猶合深雲暮漸開不眠秋漏永多病早涼

催月好初成句風微亦泛杯書時望悉獨愧古

人才

久負登樓興還疎抱膝吟奇懷生海嶽宿契攬衣

襟欵過晴霄羽徐聽靜夜砧高秋應復健步趾欲

重尋

九日

三秋秋已肅九日日仍溫晒藥扶衰病登蔬趁曉

嗽貧看吾道得靜覺壯心存坐嘯東軒下攜持及

二孫

擬張叅藩初度四首代

天衢閎閎上雲霄里第恩光獲幸邀謂侍御公封歷任方伯

事夙聞青玉案績書會冠紫宸朝傳家示範風

常肅仗節分藩望並超海內承流瞻濟美新輪應

錫侍中貂

門臨冰雪漢江濤憲使澄清意獨勞按部褰帷惟

鎮靜當臺授簡盛風騷朱絲表正霜威遠綵筆留

春霽色高坐致永年酬令德蓬萊何俟汎鯨鼇

長時分陝重隕州萬里江湖領上游直自揚舠雄

受祺堂詩卷書

十一

指顧依然臥鼓敘懷柔方來筵上翔青鳥竚見車

前列絳騶得奉慈輝叨屬邑頻歡廣厦慰從遊

彈冠扣枻涉通津喜傍旌旄託下塵湛露溥霑三

楚地嘉猷遙溯二京春追隨鈴閣攀羊杜跋步棠

陰庇邵邵束帶躋觥趨綺席升階竊比華封人

湯明府旭升自華池來攝敝邑贈詩二首

軒裳接旬借餘薰雨露鄰封已共分下邑有緣邀

孔邇高秋何幸託神君方同渭汭雙洲月忽轉堯

山萬仞雲即使階除逮旅拜終期歲晚沐飢飮

歌東逮漆沮涯井舍西連漢索賒遂許迎懷省

赤子猶憐八部有黃花霜臘已轉山中馭露瑤光  
吹淵外霞霏竊慈輝安採藥良時不獨慶桑麻

送胡鏡水明府南還三首

六載勞深竟拂衣浮雲奄忽事全非天高忍過仙  
冕上歲暮愁同旅雁歸士論究將酬卓茂輿情終  
未爽胡威山居伏枕驚寒及悵望離亭暗落暉  
進簣蹉跎九仞間朔風凄切振綬還難忘直道羣  
公惜欲去輕車萬衆攀雨雪飄飄凌北阜松筠炯  
炯照西關幽棲最近陶彭澤興至樽醪莫放閒  
邑郎趨庭羨彩雉謂秋江皋奮翼起青梧自天飛

受祺堂詩卷書

圭

處文明色何日銜來瑞應圖展卷一牀開曉嶂流  
霞三徑接晴湖風前玉樹曾相倚別後瑞華肯寄  
無

壽湯明府旭升二首

巨野歡騰召伯車連城久託芾棠餘方看愛日浮  
霄漢已覺春風徧里閭作社分沾西候醴流膏同  
漑北原渠階前層至承慈履競賦升恒介爵初  
瓠曲花明四望開清波東抱比鄰來兼聞卓魯趨  
循吏佇俟關河起儒才綵筆遙塞丹雀篆登輝直  
汎紫雲臺熙朝旦暮登嘉績右掖還須袞職陪

壽筠菴使君弟三首

世路茫茫振策難乘津垂濟阻風湍曠懷聊採秋  
臆菊高致猶培旅舍蘭張敞異時曾罷郡貢公何  
日載彈冠好隨明月歌皇輓無使霜華點鬢寒  
邦域栖遲幾度過正陽猶是舊歌兒童盡解騎  
青竹父老爭趨導玉珂載道部笙嘯雪霰盈階朋  
酒駐羲和知君近擅翻驕手對此開顏一放詔  
南北飛鳴隔雁行那堪搔首困榆枋三秋高枕類  
耽臥十月微風易動涼孤矢遙詢泰在詔書順  
望漢庭光比來多病疎吟席懷我同源引興長

受祺堂詩卷書

圭

雨時局  
小雪

寒朝雪垂逮忽復雨滂沱數日渾如注羣流競湧  
波場功行處畢隴色望來多從坐開新釀聊爲甘  
澤歌

贈鄭贊府

興朝禮沛近承天更得榮陽錦帶賢欵望晴霄臨  
列宿新來下邑有鳴行春道上人如玉侯鳥雲  
中宰是仙漢代才名多少俊乘時台鼎競推遷

壽華陰董明府三首

浩浩關疆政獨醇醇醇華尹績猶新雪霜日耀懸



魚靜禾黍年登過郡馴四野躋堂喧部簡三秋擊壤  
幸封人熙朝課吏勤宵旰有恩光下紫宸  
嶽麓看花譜參龍頻餐仙露陟雲松班荆贈縞移  
時得酌酒稱觥屬歲逢綬結曉輝開翠嶂琴調春  
律起黃鐘升車迴山塵埃表睟面嘗留冰玉客  
州已懸名二華中唐歲兼令君曾提兩符雄舊冬  
款客追陪久茲日懷人譙笑同本擬飛鶴邀夜月  
翻教促馭棠枝風蓮花窈窕晴堪望咫尺丹梯洞  
道東

次孫陽試志取予名印及尚書乃世經也喜

受祺堂詩卷書

古

而有詩

滿歲規渠志充盤視所將經探先世籍篆挾老夫  
章服底成駒步肩隨有雁行吾衰恒輟飲對此笑  
銜觴

歲底東太守董公二首

經歲音塵迴郡帷夢中軒綬有追隨高雲自傍台  
階轉湛露常盈部隕垂困翼能忘親曉藹潛鱗已  
解動春曦不關踰分論金石吾道依劉重夙期  
雨雪三冬鬱未消巖棲墮戶滯漁樵陽回尚歷曉  
寒夜泰啓將臨受朔朝託息林華舒霽華懷新隴

首競良苗邦君變理先時令溥錫晴光慰寂寥

歲除東湯明府旭升二首

樾蔭恒瞻庇四鄰驅車况復就東旻窮猿更苦奔  
林急田鳥同歡待哺均快雪滿疇膏自動嘉禾充  
野露長新欣傳關嶽迎鸞輅父老遮呼擬借恂  
宦轍山居歲月懸心期獨有令君賢曾聞選雁層  
霄上忽接傳魚二澗邊苦竹疎松明霽景芳梅弱  
柳媚新年杖藜猶自違城邑何日春風玉珮連

歲杪寄陽陵朱明府二首

悵望仙舄接渭川躔分列宿已經年曾邀顧復恩

受祺堂詩卷書

圭

勒並自遠帡幪瘳瘵牽所想甘棠陰正茂相貽錦  
帶色猶鮮竭來攜杖登南麓披拂春風北澗邊  
有約星軒過敞廬寧圖佳氣隔樵漁幾番蘿月塞  
牕迴連日杳雲照座虛駛去義和憐歲序遲開冰  
雪信山居論交誼取孚肝膈肯傍遊塵日以疎  
臘杪病中承白水鈕明府玉樵遣李文學領  
使相訂詰朝枉駕山居見贈佳篇喜而有  
作五首

雨雪孤村好客稀欣聞剝啄啓柴扉遙傳茂宰多  
幽興歛有佳音歷翠微澗壑寒流雙鯉接雲霄曉

度一鴻飛悠悠訪落空今古大雅千旌曠世輝

絳帳曾褰禁苑鐘羣遊豐沛半從龍門兼將相河

汾子邑領圖書篆籀宗吳郡詞華留縞帶漢京名

績茂青松此聲珍重烏臺幕撫軍幕僚宗人頻溯

淵源跋燭重

時昔論文記契長故交回首一茫茫江楓寂寞秋

天迴塞草悽迷夜月涼受簡何人上比興分符有

客擅宮商貽來白雪陽春曲六琯先鳴僻谷芳

野老喧呼澗路高驚看軒紱下蓬蒿渾忘邑社連

城貴宛對吟帷接座豪煖託鱗鱣春似寒貧漸雞

受祺堂詩卷書

六

黍夜蕭騷泥途老馬悲長伏剪拂知公用意勞

汎掃光添半畝宮扶藜緩步到牆東門開委巷延

深景地敞平時會遠風訪隱翩翩乘興異懷人冉

冉造廬同不嫌供具惟僮略應許前期指顧中

立春在屠維大荒落  
二月廿五日

冉冉三冬過悠悠四序移青陽迎歲好綠野縱春

爲啓戶朝暉覺融簷宿溜垂時和蘇我病尚有力

耕期

除夕

歲儉當除夜家貧且盍簪春盤恭薦始舊醪喜儲

今子姓俱邀集宗圖錄式臨燈花垂尊處坐拊二  
雛吟

詩震陽初度並題畫

尚溯同源地望雄依依春酒鳳城中頻呼鞍馬身

仍阻每憶池塘夢欲通羽隊嘗聞先試駿駉車竚

復兆飛熊君家引領甘泉北瑞鹿時遊問道宮

元日歲在上  
章敦群

草閣迎晨霽春光着處同身和古道泰野濶兆年

豐柳傍孤村發梅先百卉融紀年充外乘聊許白

頭翁

受祺堂詩卷書

七

人日

最憐人日好徐步草堂端藹藹臨池竹榮榮遶砌

蘭雲開春晝麗雪盡野風乾宿病從茲起長貧亦

自寬

喜羅明府蒞任二首柳鼎

何怙繁懷已判年就雲依日緒茫然春來鳧鳥屑

符上野望旌旄二華前荆岫嵐開彌引領石河霞

起更摩肩蒼黎待乳情俱切况觀天香曠世賢

除日曾披雪澗東好音欣奉曉暉中江圻貴族先

羅邨漢代名家首沛豐臨部後蘇三月久入疆歡



舞萬人同山居欲枕蓮蒲伏啓路前驅羨早鴻

迎子禎先生至承見東詩次韻答之

十載山居多病身相依令德自成鄰青雲一去苔  
華冷絳帳重開草閣新猶恨濁醪疎照夜頗甘生  
榮到逢春朝來把管貽佳什亦是文園強臥人

子禎先生示別後見懷詩十數篇病中愧感

交集口占二首

春風解帙傍藤蘿霽景舒襟起負病別緒悠悠牽  
遠道詞源浩浩瀉長河高吟每荷移情屢久臥還  
輸得句多在野鸞鳳寧擇木頻來慙息有前柯

受祺堂詩卷書

六

倡予和汝賦盈車飲水餐蔬興最賒白首論文俱  
跋扈青燈懷友漫吞嗟離居却似孤生竹接跡何  
殊並萼花藉庇高輝能暖老仍陪坐嘯當移家

讓水有誕珠之喜同方叔賦時方叔將奉探

二首

紫塞看花已數春清曹出牧木長貧中年每望占  
熊迴薄宦惟誇得驥新入掌一珠隨照乘摩雲雙  
鳥佇騰輪近傳輿頌光東野佳氣充郊勛四鄰  
風好支離歎索居春溪浩渺隔  
賢仲行散懷交只敝廬邑滿絃

矢最憐渠過從定費陶公秫更喜青雲阮舍舒

答崔雪峰太史 有序

春日雪峰垂訪因示登萬壽樓見懷新篇  
有青鳥遙傳王母駕之句託壽老親不知  
棄貌孤已六年也悲感交集次韻奉酬

晴雲遶華撲輕裾浩氣褰臆走太虛俯眺關河橫  
野障平臨秦漢倚天渠金門十載辭仙侶玉珮三  
春照隱居宿恨未知悲捧檄猶憑續閣問傳書

許文學廷玉偶至宜君承謝明府南齋一見  
動容旋延署內款渥備至屬賦却寄

受祺堂詩卷書

九

茂宰輕車畫旆連南來有客絳帷邊風塵物色聲  
相繼邂逅招尋榻正懸載道 歌長袞袞摩霄鳧  
鳥已翩翩宣城博愛沾餘渥一盼能開士論先

許廷玉並請賦宜君李驃騎高義因寄

舉裳欲涉大河津樹戟初通石澗春共溯仙源光  
累葉還叨雅望託比鄰東連榆塞邊烽靜北接蘆  
關野笛新更說醇醪管醉客何時邸夜一醺人

又爲廷玉寄宜君朱守戎

徽國儒宗奕葉光近聞都尉壯猷張天門射策名  
初振塞曲盤弧部更疆士暇傳書軍細柳時清磨

看賦長楊南鄰大阮利賢收訓令叔陽北顧懷人

玉珮芳

受祺堂詩卷五

五

受祺堂詩卷之三十五

中南山人荆東李因篤子德著

病居承杜姻家方叔整輯詩稿感賦古體五

百字

楊子悔少作立言期不朽及夫草成猶謂堪覆

既錄天時扼陽九許身一爽分矜歎憎

多口但設時昔心良辰詎能趣壯遊與名山流涕

悲兩負弱冠頗好吟荒邊會馳走緇衣侵朝霜破

袖且見肘幸遇穎川公謝陳使君援之賓客右千

秋徐需楊十載視頽久公亦具茲瘡啼如獲耦

受祺堂詩卷五

一

罔遺則蠅細嘗附龍虎吼乃大放厥詞濡毫恒攜

手縱談輒繼夜高興憑酣酒吳郡晚相得

生先箴規承善誘所崇必經術爲賦何足取非敢忘

書紳習然謬自紐我聞稱六經詩與易書偶竟爾

竊虛聲行藏終抱疚生平稟薄尚澆忍空搔首

聖主體微徵衰齡憐老母乞歸移歲速長訣戴恩

厚比失賞音人旋亡同志友陳二寥寥天地

間鬱鬱喪家狗去歲觸涼颺殘軀膺疾陡呻吟臥

草堂忽復迴珠斗杜季叨姻盟頻來就月阜動容

詢篋笥藏稿已清否敝冊半散落雖存淹塵垢置



之等亂絲繁眼愁滋芳君獨教宿歡慨焉任分割  
日張類斯從聯綴皆可料旭日照春簷疎燈明碧  
牖菜羹每出想難字寧須扣却憶居雁門前交委  
魚笱蕩焚之所餘初至雁門盡焚已前詩稿陳珍  
惜昧瓦缶情寄信最深勿論其妍醜兼多俊豪共  
盡是心血嘔自此大第順奚煩流傳苟世雖乏桓  
譚剗剗徐俟後託茲保喘息披襟安林藪修途乎  
絲蘿大義訂杵臼君向髡綠鬢結交俱黃耆男兒  
軼倫才未握鐘鼎鈕樹德洵足貴雕蟲復何有慎  
無似鄙夫狂簡徒株守旦夕將于征時方叔將始

受祺堂詩卷五

二

留緩折柳命兒傾舊醕開圃摘新蔬甥館念芝蘭  
謂今過庭親授受驅車連好音接續慰南畝

保德節孝王母詩即寄蓮山文學

昔我遊林濤交王太史孫昂昂八尺軀矯矯凌瑛  
璠郡士賢其母清風起樹萱生聞必流涕再拜聲  
復吞母系出甲族嬪于來名門翁登金閣籍子舍  
玉樹溫方喜聯家慶彙征荷國恩謂蓮山尊皇天  
忽降割盡室靈塵昏橋梓形影繼赤虬互追奔寸  
珠劬所愛孤竹庇其根銜痛稱未亡茹荼育纖鯁  
徐瞻東壁秀曲慰北堂尊勤績泣暮靄頌承朝

暇潛輝照三世託命兼歿存况乃遭喪亂流氛寒  
邊屯七年兩罹禍州解如荒村鋒矢幸脫免雪霜  
留芳孫鏡臺解飛檄生理焉得論八口仰慈指經  
時懸缶益井瓶假僕謀糠粒充糗糒絲餐懷憂早  
臚倡授政煩嚴能攝保傅細不遺雞豚鍾我百夫  
特溯其升穴源劇俊久騰譽晉漢終奮翮維母抱  
苦節自宜光林園慨焉辭羣議無致里巷喧遙憶  
諸葛公至誠性攸敦竭忠固職分高義通乾坤母  
已歸故隴與人有公言秉彝微直道節錫待輜軒  
飲恨貧且癯垂頭伏樊微音字三黨就與叫九

受祺堂詩卷五

三

開養志聖有訓揚幽寧須繁躬耕安素業亦可慰  
貞魂壯日賦行役迴翔於塞垣浩歌對二阮時同  
如懷古傾佳鱗北海念中郎嘗求之虎賁何如蘭  
與桂一氣接崑崙嵒鷲也既孤子憐君同弟昆含悲  
成此什淚匝舊啼痕

寄榮郡博仙枝

曾傍風雪屢問津更隨朋酒醉佳辰淹栖藥裏孤  
吟久忽漫驚花雨度新老惜行藏敦故舊貧無聊  
賴憶交親聞君最念相如渴許寄瓊枝澗水濱

題松鶴圖壽榮郡博



皎皎瑤池鶴蒼蒼璧水松永爲君子壽軒砌不辭從

燕子來北堂作次杜韻

堂中抱病忽移春燕子營巢語復新絮絮相喧仍  
遠舍雙雙欲落更依人微風不礙輕舒翼暖日初  
驅久臥身掠露瓶枝桃放並銜花弄影照簪巾

卽事柬子經表弟次宋先生韻

麥緒疏絲舉箸鮮扶衰起病藥爐邊從知種杏成  
珠樹近喜徵蘭報玉田經過好風隨處瀉往來明  
月幾回回荆華內外叨同出不俟長馳五色箋

受祺堂詩卷五

四

酬畢西臨次元韻

仙舄曾攀嶺樹重明府絲毫因識帖惟宗欣瞻芝  
字遙如鶴愧說蓬門舊似龍宿好溯流懷玉署明府  
明氏新詩傾蓋接黃鍾對君飛動情猶在無那  
太史蕭條病後容

喜震陽承恩陞見特擢遊戎

中佐才名久軼倫上游緩急正須人自臺推轂承  
丹詔馳驛趨朝謁紫宸節鉞佇光河內譜旌旄先  
迷隴西津儻憐宗老淹愁寂應有邊鴻慰苦辛

五日東羅明府梅崑

欣播歌正及春政瞻山斗數喻旬初遣禾穗田  
間湧競浣蒲觴雨後新傾耳好音紫朱葛慰懷清  
節庇叢筠薰風解慍依時令在宇俱爲鼓腹民

夏日寄長源表弟兼伸積懷五百字

經歲曠行遊負疴甘屏跡奇峰鬱夏雲坐苦炎威  
迫時念平生友過從久有隔相違僅尋常契約牽  
咫尺子每賞我趣風騷遙驅策渾忘已人歌謂據  
作者席感此抒情懷將圖進請益貧交託贈言大  
義乎金石屬賦難遽就來繼且頻易翻因心期重  
竟致風諾積昨患採薪嬰嘗虞前路窄悠悠恐抱

受祺堂詩卷五

五

恨耿耿焉能釋俛仰身世事蹉跎鬢毛白親知半  
凋謝撫已思曩昔結髮就藻翰追陪盡詞伯君家  
先大夫閭閥繼輝赫比舉孝廉初班荆南道宅高  
懷領道要雅論徐傾闕爰逮石渠津早通金馬籍  
宣猷歷畫省借箸勞疆場聚散如飄蓬光陰迅逐  
隙方欣歸里社那料興朝夕更憶楊叔人叔人爲  
內兄清門冠宗祏嗚呼陟岵岵未覺淵源圻內外  
名家流縱橫舊樹戟幼而殊鳳毛生已耀龍脊同  
山固多賢見之俱動魄潛修應有待特立見標格  
韋氏饒經術究聞橫竹自金張雖累葉不必著方



册折匠毓川嶽良才洵拱璧端居既鮮營嗜古斯  
勤獲架上富圖史晨興供討贖貯胸萬餘卷佳處  
詳所益六代崇攻戰周齊號最劇瞭然指諸掌終  
始談博覽往侍 翁羣遊獨斤憤及君奮雄辯  
留榻還就客子謬希剛述力微性復癖藝齡逢運  
阻壯日沾于役塞草淒別離江帆解兵革途窮慟  
忽返歲暮恣奚適宿好付冥冥新歡輕見擲躬耕  
困儉年老雁嗷枯麥瓜葛增溯洄雪霜照肝膈軟  
裘况庇寒香稻貽當厄觀獲聊登塲挿秧亟布澤  
何繇芳佩移並瀉濁醪碧隱几猶強吟筆盟庶完

受祺堂詩卷五

六

貴扶衰杖瘦筇拭目瞻高翔

送張大令子丹之崇仁新任兼呈太守琅菴弟

張子方射策盛名動朝賢潛栖更八載帶鳥初高  
寒嶠昔孝廉公謂尊世父文谷先生東車強仕年終幃娛晚  
計清節照通川玉樹出兩序芝蘭盈其前謝庭推  
羣從車騎罕並肩才美既挺達好修如芳荃剖符  
從茲始台鼎儼在懸歷代敘閭閻詞科恒居先  
時抒所蘊利器必騰穿賜履得臨汝嚴封將着鞭  
是邦崇俎豆經術首該堦豈弟本至性剛柔須相

權新剏當其時卓績行遙傳迂道過閭里紱裳登  
隴阡九京設可作諸父俱歎然彩燕飛戶外梨賓  
播薰 南颺一以奏瀉雨傾神淵藹旃可徐進王  
程期不愆爲吾語郡伯鼓浪思江船

送白覺斯文學暫還仍訂重過草堂

自抱文園渴頻嗟飲興孤上池來老友高論沃潛  
夫十載心期慰三秋肺病蘇更煩申後約珍重  
前途

秩翁二舅遠寄詩幣次韻奉答

青溟西望好音過四歲山居起積疴久奉詩情傳

受祺堂詩卷五

七

顧兔新貽墨妙擬龍鰲淵源未覺沿流迴遠道欣  
承挾纊多佇有勳名光竹帛天章應榮帝孫梭

浴

末俗愁多垢炎天耐永輝惟應巾櫛共莫使竹帛  
違結志同流水新芳偶振衣更憐明月夜長嘯欲  
忘歸

喜禹思二姪補博士弟子員兼呈太守孝廉

兩弟

吾家玉樹望森森幼度清標鶴在林刷羽遂瞻雙  
翥影和鳴初振九臯音聲傳郡節梅花外喜溢秋



城海水深接武詞科才並達追隨北斗濟冠簪

壽梅崑羅明府初度二首 七月七日

自戴春星畫閣前相依秋色澗流邊

居邑俗美詩書半力田漢恭詢鍾瑞始陶歌喜

值介眉筵天孫此會稱佳節製錦歡逢冷日懸

世族遙臨霄漢端趨庭况對袞衣歡爭推廉卓年

初盛遂許公侯地最寬是處躋堂朋酒合會來符

野露華團壘書迢遞垂吾野丹詔應飛五色鸞

壽董郡伯五首

涇渭扁舟隔岸橫夢迴時落棹歌聲會叨宿好陪

受祺堂詩卷

八

軒冕屢有前期覓杜蘅抗跡渾留縫掖重投歡不

置木桃輕佳晨引領傳魚札直覺風流接鳳城

七載欣逢肇錫筵三軒或至或遙宣南山每託臺

萊近北斗嘗臨劔珮妍况奉謠酬彌載渥難違瞻

對亦同天一時賓客多英妙枚叔於今老自憐

曉望台司戟戶局旁詢州邑香烟渙惟公大義孚

傾蓋有士潛期慰采苓暑退澄連關樹碧秋來爽

度嶽雲青微颺處翻新翻徙倚荆陰澗上亭

大火西流曉露新恭占皇覽頒生申高齋詎敢忘

徐榻下邑猶能說召巡綺席暫睽瑤瑟夜冰心長

庇綵毫春伊誰乘興頻操管盡紀秦疆治化醇

京兆中分內史問漢家師尹上卿車時移尚覺河

山古道秦還思戰伐餘彷彿笙歌疑繞坐逍遙羽

翼愧凌虛何當更醉芙蓉沼受簡重編鄴架書

又代

閣敞南山曉露明城高北斗接蓬瀛管懷臥鼓綏

關嶽北邙寒帷暗漢京朋酒競傳青鳥使部歌遙

度紫雲笙栖遲澗道違趙郡鶴馭芝車萬古情

壽朱明府人瞻二首

南山迤北渭川陽競識陽陵彩雉翔况庇連城蒙

受祺堂詩卷

九

藻蓋曾邀數月憩甘棠班荆野市秋天驚樹碣鄰

封愛日長四境趨階爭進酒驅車並沐令公香

鵲西嘉績上游雄鹿苑循良領數公公奏尚覺

謳吟沾水異飲邑水鹹設之渾看拜舞出疆同瑤

華有意垂林壑惠問木李何緣敘國風漢代神明

多內簡欣瞻丰度掖垣中

壽董太夫人卽呈裕菴明府四首

惠問傳東尹澄輝被北堂三逢青鳥宴屢盼紫霞

觴遠翠承華幄高嵐撲繡裳永懷依令母隨侍酌

天漿



露濯芙蓉晚雲開  
茵莢流開筵席大  
嶽設悅在中  
秋宿謫金仙座  
歡盈玉女簪  
含飴編貝齒  
不用祝  
筇鳩

孟筭蓉朝膳  
潘輿輦大家  
娛顏維綵服  
益壽豈丹  
砂名伯常塗  
樹河陽滿縣  
花時時陪歷  
覽欵欵問  
桑麻

偏採與人頌  
彌彰閣致慈  
嵩熊長耀軼  
馴鹿競銜  
芝最報關中  
首秋成華下  
私時夏秋旱  
實綸垂錫  
號開府溯前  
資

魏母白孺人挽詩卽慰宸所博士

受祺堂詩卷五

十

八月悽風壁水來  
驚聞萱草北堂  
催封鯁地接心  
猶苦語續幃高  
畫不開羽旄如  
雲迎里巷冰霜  
爲質照泉臺臨  
圻引紉瞻前列  
絮酒東原士衆  
哀望望分符百  
里身勞勞捧檄  
慰慈親聊資祿  
養寧辭薄尚領  
師儒不諱貧擬  
補南陔初返袂  
行歸上郡益沾  
巾策名霄漢恩  
終逮無遣憂傷  
點鬢新

喜張五嘯月鄉比捷音

清河曉日正崔巍  
玉樹臨風獨溯  
洞久賦蒹葭關  
嶽俊初陳琬琰  
漢京才我陽屨  
有芳鐔接澗曲  
曾邀錦帶來北  
關許開丹陛啓  
南宮應傍蓬珠  
開

喜主納寶光收宗人種芳爲門徒賜名覺善  
適表弟田子經至字之以復初贈二詩

香林新築澗流間  
翠嶂晨昏接霽  
山栗里街杯從  
惠遠昌黎抗論  
與高閑時開北  
牖孤雲度靜數  
東臯幾翼還却許  
獻花森並列爭  
隨飛錫扣禪關  
吾宗屢證出塵  
緣近得名師此  
受塵豈有黃金  
能布地從移碧  
水自生蓮輪盟  
象教憐之子努  
力修途赴壯年  
異日大乘成妙  
覺忍教疎族曠  
人天

壽華陰董明府二首

望嶽曾來展華筵  
賓亭解榻再踰  
年冬溫菊蕊凌

受祺堂詩卷五

十一

階勁節近梅枝  
傍閣鮮井稅不  
聞喧過檄堂琴  
嘗得寫流泉乘  
時競進佳晨酒  
徒倚高雲石澗  
邊倪仰文園事  
事疎猶懷仙舄  
賦元初承家黃  
鉞瞻青鬚報最  
丹楓動玉除興  
在比鄰欣振穎  
情叨故舊肅傳  
書知君已就摩  
霄翮許駕長風  
九陌間歲杪寄  
鈕明府玉樵二  
首

一臥蘿牕數月  
莫重看草閣帶  
春星長憐宿好  
寒飛旆近喜伊  
人接樹屏爲政  
真同泉水白吮  
毫時走嶽雲青  
因談舊雨蒙卬  
雨會識元亭在  
名亭朔雪猶凝  
澗北濱東風習  
習下東鄰再邀  
旌旗山

光合頻啓珣玕歲箭新絳燭自通罇酒夜瑤芝相  
識杖藜身少陵旅食曾遊此何日逍遙一問津

寄糧藩金使君子遵二首

行省參知起俊人外臺分轄有棠臣端居久叶三  
公望濟美遙連七葉春考牧雲霞張集錦飛符川  
獄效藏珍爰從奉令寬輸納況在邦畿總藉民

向割秋菰漢上來同臨皎月憲司杯移旌轉覺台  
輝近借箸還宜袞職陪自隔鈴軒頻易歲嘗瞻珠  
斗一論才輕風已喜融官律令節能忘獻野梅

受祺堂詩卷五

寄太守董公二首

井稅全登部箭連關河霽景入新年彩雲凝處堅  
冰解丹詔飛來淑氣延端拱台司熙庶績受成州  
邑庇諸賢吾儕戴德衡門下樂歲同調泰簇  
再紀藜牀日月除深嗟宦轍舊交疎惟公撫事頻  
招隱體國憐才數寓書快雪繽紛冬狩及芳朝  
發歲功初叨分藥物身仍健更得追隨郡伯車

寄陽陵朱明府人瞻二首

從觀星軺驛樹光忽遶雲日野風涼欣承嘉政騰  
丹極敬謁淵源溯紫陽別後傳魚南縣至春來候

雁北原翔方邀瑞雪盈三輔肯使同天有二疆  
賜履西來節序頻賦書東望歲華新嚴封不減歌  
朱季漢時在下邑能忘借寇恂草木何知猶競暖  
田廬相接並依仁椒花擬上蔬盤頌宿託晴光牧  
笛春

早春東維明府梅品二首

神君治邑比中牟彩雉翔翔照淥疇風譜世家高  
北極恭聞輿頌冠西州律通寒谷生春滿屏敞清  
暉漾日流期月政成饒有暇不知誰與賦郊遊  
從叨慈覆慰安居忽復春光轉蔽廬綠綺坐調行

受祺堂詩卷五

野後瑤華時接自公餘雪浮荆岫千村玉膏瀉溫  
泉萬丈渠却愧負疴仍度歲升階遲沃澗東車

守歲同汪二弟開美

凍雪猶侵歲和風已度除扶藜瞻令節敞牖閱新  
書舞接孫枝好樽聯族舍疎江淮歸客至喜放閣  
梅初

元日歲在重光協洽

元晨春氣靜竟日野光敷紀歲吟猶續迎暄病欲  
蘇幼孫知進匕佳客爲傾壺伏臘看衰曠長鳴起  
壯圖



新記爰賦古體用杜工部題衡山文宣王廟學堂韻呈明府

雕輪寂歷澗隅濤比接川原奉綵毫蔭洽四鄰依  
名樹風清千載照江袍會臨華戶春暉遠每坐蘿  
軒夜色高此日躋階歡令德遙從華掌挹仙醪  
村居節序自徘徊憶昨團椒興易該北陸早曦能  
暖老東山明府最憐才時聞染翰詞源壯屢對論  
文積抱開更撫興情緘頌祝芳朝咫尺是臺萊

白水鈕明府葺縣門思齊樓竣工垂示所撰

新記爰賦古體用杜工部題衡山文宣王

廟學堂韻呈明府

受祺堂詩卷五

古

度宰攬宏圖冬官無曠事新猷興禮樂古蹟振凋  
悴粟邑富衆賢川原交斯地流膏蘇殘黎飲水恆  
素志羣彥爭嚮學百工並居肆層樓碧漢間款有  
清風至唐制留遺規景行幸不棄撫時增式廓登  
眺滿人意分祿徐庀物子來激高義聳身望堂除  
軒戶崇且闕亦不廢丹雘因之加葺墜垣堦相亘  
連閣路迴嚴邃在署冰玉姿凭炎霜雪氣修槐走  
重陰遠岫延積翠靜晝陳旨酒簪纓照賓祀興酣  
吐雄辭金石聲彷彿公既負逸才政成饒佳思西  
京推俊良染翰有真味伏枕疎征軺開緘讀撰記

賡歌告後哲似續無顛墜

鈕明府葺思齊樓予爲賦古體畢興猶蔚然

再奉七律二章用工部江陵節度新樓成

同嚴侍御作並後首元韻

複閣臨衢氣象生芳朝遺構觀初成洞門徐豁飛  
簷麗高牖時延落靄輕縱目褰裳春自好鳴琴展  
卷月同清更饒佳興觴賓客頽跡彭衙曠代情  
嘗覽名封憶此都美人心跡比澄湖層城春色濃  
於畫四嶺風光澹若無關樹嶽進來盛躡雨樞風  
榭集羣儒從推文力如江海辟易新篇有萬夫

受祺堂詩卷五

十五

贈華州刺史黃公極時兼攝敝邑

每望西京黃穎川欣隨嶽輔觀名賢循聲久溢三  
峰上惠景兼垂兩澗邊沃野多時殷待雨新章接  
境沛流泉竚聞丹詔推良牧西部棠歌已並傳

贈學憲高使君嵩侶五首

仙曹夙著度支聲漢闕初揚典論旌帝眷斯文親  
授簡天憐吾道重持衡芳暉忽抱函關曙藻鑑真  
同渭水清竹俟星軺臨部隰琅玕入採盡王楨  
當年龔令魏公領朝紳射策東堂  
起俊民制可題時省動色詞科闡處自生春菁莪



多隨西京馭械機遙探大雅津此席繇來待分陝  
欣瞻文教復彬彬

羣馳汗馬朔方邊

時王師北征

獨喜笙鏞雅並傳慶洽

止戈崇俎豆情深懷古歷山川旣旣已合風雪士

濟濟還吟飲至筵每吟褰帷應迅發環臺競裁綵

雲連

延陵至德冠三吳唐

制川先生

薛方山雄才繼此都

帶中原推渤海金臺新詔出容湖迎車會灑桃花

雪接境勝披桂樹圖自斂牙

頻閱歲知音延芳

慰潛夫

受祺堂詩卷五

十六

良工曠代豁人思嶽輔趨承觀盛時早向轅前徵

駉驥將從爨下辨威施寒葩共託春光寫稿黍偏

蒙曉露滋倘庇餘齡通典謁青門紫閣到安之

壽朱明府人瞻二首

當時何怙屢興歌有美桐鄉慰薜蘿蔭洽比鄰爭

託息膏流接境更同波幽風時序乘秋起漢史神

明人傳多咫尺躋航違旅進堂端肅戒早鴻過

南來佳氣曉氤氲茂宰賢聲久共聞顯氣遙浮泰

苑月澄懷獨攬渭橋雲會依冰玉襟長傲每耽芝

蘭酒暫醺白是宿恩叶與頌川原還喜把清芬

壽董郡伯五首

部內兼葭北澗深晉教肅寐接冠簪三年染翰憐

秋色七月陳詩石好音根本並推關嶽地輯寧爭

託袞章心自蒙膏齊遐邇安得同苔有異岑

歌枕相思換鬢毛使君加意禮蓬蒿飢鳥每假喬

林蔭洞鮒恒蘇大澤濤節序頻繁能數及河山珍

重不辭勞年來歷歷垂芳訊頓覺幽棲氣象高

嶽路朱絲表大猷冰壺玉塵照新秋烟清戎角連

旗卷羽臥屏雲漾日流憂早親裁零舞曲散襟疑

封薜蘿洲屏軀重健猶堪賦更得追陪庾亮楊

受祺堂詩卷五

十七

赤籍黃圖幾問津金沙碧草坐娛賓羣賢自合依

劉表列郡繇來重冠恂夢遶池亭懸榻屢光添

哀寓書頻從聯典謁無安席敢謂生平嬾是真

樹戟門臨紫閣開寒簾雨歇翠微來良辰正值饒

公燕峻閣從聞列上台鎮靜久登三輔績風流猶

見二南才劉楨且滯漳濱權萬舞牽心鄴下杯

承聞前學憲許公四山凶問奉輓五首兼寄

公子仁長

三春驛柳數枝明十日鐘醪接坐傾華嶽遙牽飛

旆影黃河忽轉樞舟聲還愁望遠無消息詎料臨



岐判死生寂寞邸門疎好問脂車誰復到咸京

論交吳越幾披襟接跡龔曹洽素心夜雨落花同

灑淚高山流水憶知音峰霞照野悲難聚薤露騰

枝苦易沈自此朱甘契濶悽然吾欲碎囊琴

西來額俊促行鑣萬里秦風採最饒岳瀆懷珍爭

效順琳瑯入貢不辭遙紫芝璀璨盈芸閣黃鵠歸

颺下碧霄大雅濫焉哀絕響興賢招隱並寥寥

澄波疊引大江濤道大能忘泛愛勞屢有瑤華臨

淵整親馳騶從賁蓬蒿風噓竹逕春暉遠月挂蘿

牕夜色高逝者頓成今古恨詞源猶注草堂毫

受祺堂詩卷五

六

仙聯俱  
懸堂內

曾逾膠漆契潛夫更託姻盟接鳳雛十載心期三

世共千秋奇賞一行孤修文遽曳江干旆訪落空

留澗外圖竚目象賢承令德紹聞娛志起嘉謨

答許仁長見懷詩用來韻

江風入夏夜蕭騷憶往吞聲蝕鬢毛雨淚紛紜團

扇浹雲山迢遞尺書勞賞音猶覺牙重開篋渾

瞻玉樹高豈但循以期捧檄淵源四世待乘濤

關亭別後倦遊身四臥藜牀再閱春每怨驪駒催

春鵲爭教白馬曠私公是銜哀採賤傳郵正激羽流

商得句新自鍵柴荆乖夙興廢歌遠魏郢中人

壽董母徐太君

三載猶違陟華心起居會此慰登臨雲疎雉野連

秋色雨足花階寫翠岑部籥遂繁慈母壽鄰謳爭

撫大家吟夙聞宮壺師儀範松竹光輝閱歲深

駕鶴摩天萬里來清瑤抱嶽自縈迴徽音早協尚

書度懿教初瞻大令才綺閣悅循公譙設澄霄爵

傍月明開神鸞靈鳳欣隨舞競進芙蓉露下杯

喜蔣明府雨亭蒞任

神君綠鬢剖符年引領晴臯眼欲穿歲儉仇烏三

受祺堂詩卷五

九

匝久秋深征雁一行連歡迎畫旆河橋上競沃星

輶嶽樹邊每賦羨蘇情孔亟印須布令瀉流泉

斯民何怙信頻催歡喜江山簡俊才閱閱承家高

牙繡明光接武奮龍媒隨車玉露凌晨發抵署黃

花遶徑開尚媿山居淹伏枕先驅未遂獨徘徊

贈員別駕震生

鄉里名家譜半千俊尉徐步得吾賢濟時功滿如

何樹隨地春鳴太極泉尚憶填篋雙澗曲

邑寶會垂帶紱五雲邊獲緡雖薄能資父儉歲長

高士健明



聞董郡伯擢洮岷觀察驚喜相兼口占五首  
十稔勞宣內史春雙旌近報陟洮岷共憐多士依  
劉表誰爲吾曹借寇恂在宥已驚慈覆去同疆還  
喜惠風鄰瞻鳥爰止知安適忍聽驪歌載路新  
行部車騶下邑臨每經游態卽棠陰酬庸朝典恒  
超忽惜別興情迫舊深選石競留遺愛篆攀轅俱  
拭祖筵襟荆山片玉應嘗寶具述謳思比屋心  
散步西園翰墨香披帷四望竹書光嘯吟饒有公  
餘興登眺長連野客航玉塵時揮稀掾史朱絲所  
及正軒裳趨陪會據周徐榻嬾賦津亭夕照涼

受祺堂詩卷五

王

早曉驅來已數秋飛蝗到處滿平疇煩公屢步履  
郊道遺祀頻聞萬丈湫總使邊陲通秉憲爭教關  
嶽迴牽愁殘黎况復逢三匝願緩征軺出郡樓  
曩額君恩紫禁扉過從猶着老萊衣哀榮託庇  
情偏摯節序關心問不違漢索於今隆遠牧邠人  
自古戀離暉予叨知遇迴翔久預指崇臺仗鉞歸  
壽蔣明府雨亭

陽迴荆麓跨鳬新露注溫波飲雉馴歲際殷繁須  
綵筆天留飢溺待棠臣冰霜不礙朝曦轉律呂先  
調野笛春孔鄭聞歌皆一變乘時興誦捷深仁

衡城車馬集嚴冬共指臺萊效華封雨雪羣黎明  
玉燭乾坤萬事起黃鍾幽詩敬值躋堂始雅什欣  
瞻陟岵逢寄語難人邊下漏方來朋酒會雍容

壽華陰董明府裕菴

神明西土半依違嶽尹心期霽霽輝節序每懷雙  
鳥迴關河時見朶雲飛提封賜履推華閭受簡開  
鉅接翠微一自北橋通歷聘多方賓侶競來歸  
銅符兼剖郡圖中竹馬還馳役初宮下榻嘗教賓  
座滿羣帷所至積書雄裁吹葭琯迴陽馭已覺冰  
絲轉惠風兩部蒸黎同介祝歡呼如華復如嵩

受祺堂詩卷五

王

早春東鈕明府玉樵

東風北面早知春茂宰慈輝洽四鄰力庇殘疆推  
卓魯遙承好會憶陳荀良苗野覺根荄遂快雪晴  
看氣象新時彭喬幹斗旋乾昭應速同時怙獲徧  
烝民

徒繁口指命如絲欲向親交拙布詞獨託高雲分  
湛露時從遠道下芳卮文園豈諱貧居苦栗里休  
刪乞食詩幸溥陽春蘇萬物荒村借保歲寒姿  
早春東學憲高公

憲節西馳欲判年鋒車北鄙市臨邊懷春野柳行



來秀傍臘谿梅到處妍  
士氣全扶關隴色宗風遙  
睹漢京大還承川意通  
招隱遂譜新歌下邑

憶昨蒙歸戴聖恩愁淹藥物幾寒溫兼逢儉歲  
恒懸釜豈乏良朋扣門大雅獨看漂母並諸侯  
猶喜信陵存病軀如假陽和力南國詞源坐上論  
謂前後司衡  
三吳諸使君

### 早春東陽陵朱明府

循聲久矣冠諸賢歲儉民飢亦偶然補救偏聞心  
力瘁租庸不俟詔書捐猶存弱柳舒東郭漸覺歸  
鳥滿北躔餒粥千家官舍米旁推行旅惠風傳

### 受祺堂詩卷五

三

曾勞慈母攝九封憩息棠花別更穠自昔澗溪嘉  
問數於今時序德音重嘗欣地接能通鳥

况復三徵初轉泰芒鞋竹杖不辭從

### 度除

歲在重  
光協治

閱歲淹愁疾臨除強坐吟屢荒藜藿盡長逸鼓鼙  
深減米存天屬傾杯花族飲孫兒受書始熟誦每  
開襟長孫楠甫五齡決月誦  
書一册如瓶中瀉水

### 元日日有食之既

歲在元  
歲在元

朔吉逢天戒晨興紀歲荒喧寒春後逼徙倚晝陰  
長雨雪徒空禱義和不善藏呼鄰共馳救擊鼓爲

### 扶陽

### 壽鈕明府

連城霽色滿彭衙得傍東風轉歲華茂幸高居珠  
斗柄芳期最近玉笙家行春縹緲雲中道訪逸紆  
迴澗外車自是葛公本仙令寧須勾漏覓丹砂  
齊盟南望好音疎喜接吳江積抱舒度閣嘗疑凌  
碧漢臨文直欲駕黃初曠懷遙寄芸窓啓雄氣憑  
看艸徑除暫許關河瞻彩筆終留典冊待相如

歲饑承蔣明府力芘殘黎偕邑里作頌一章

次少陵美嚴中丞韻

### 受祺堂詩卷五

三

大旱逼春分沿隄纔弱柳才遺留荒村猶及共社  
酒集立稱新令仁廉古罕有吾徒保殘息並託慈  
母手賤子困負疴當途稀疎久獨公沛德音推解  
存枯朽近且陪部使經旬浩奔走皇仁固浩蕩  
得達閭閻否公頗携清囊屢爲若輩取賑施郡國  
先慷慨關河首感極轉墮涕行碑傳其口澄輝亘  
三吳壯彩窮二酉所至傾士女歡聲徧童叟萊蕪  
旣生塵單父琴掣肘昨忽賁軒車情深忘老醜衰  
齡謝應接喜復瞻山斗

卽事再成二律呈明府

淵明一似詠新歡漂母千秋許並看况託至仁蒙  
 怡目頻傾高廩救饑寒春雲曲護荆原色曉露偏  
 滋澗水瀾婁困災年恒伏枕初承惠問一加餐  
 愆陽猶在首蓬飛出禱遙遙歷翠微欽採虛聲川  
 嶽轉親探陬巷羽施稀恩推婦孺愁停著說到流  
 亡淚滿衣野老扶筇爭載德幽詩周雅舊邦畿

## 受祺堂詩卷五

詩

## 受祺堂詩集三十四卷

陝西巡撫  
採進本

國朝李因篤撰因篤字子德又字天生富平人康熙  
 己未

召試博學鴻詞授翰林院檢討顧炎武作音學五書特載  
 與因篤一札蓋頗重之閻若璩作潛邱劄記則云  
 杜造故事莫過於李天生然所謂杜造故事者今  
 不可考則姑存其說矣是集爲因篤所自定本三  
 十五卷此本獨缺第四卷目錄注云未出其爲因  
 篤自刪之或爲隨寫隨刻誤排卷數不得已而立  
 一虛卷均未可知也其詩大抵意氣蒼莽才力富  
 贍而亢厲之氣一往無前失於粗豪者蓋亦時時  
 有之殆所謂利鈍互陳者歟





[ G e n e r a l   I n f o r m a t i o n ]

书名 = 四库全书存目丛书 集部 第二四八册

作者 = 四库全书存目丛书编纂委员会编

页数 = 8 1 2

S S 号 = 1 0 4 8 6 9 2 6

出版日期 = 齐鲁书社 1 9 9 7 年 7 月第 1 版